





XXVI

C

3

XXVI


C

3 -

1881

2A

(1)













ALEXANDRO
VRINO CARDINALI
AMPLISSIMO

IO. STEPH. MENOCHIVS
è Societate IESV, S. D.



VÆ me potissimùm causssæ impulsère, PRINCEPS ILLVSTRIS-
SIME, vt ciuilem institutionem à multis cum laude cõtextam ex prophanis scriptoribus, ego sacris è litteris concinnarem, quòd scilicet hæc scribere religiosi hominis institutũ, & studia non dedeceat, & hæc legere Principibus (si qui tamen
ã 3 Princi

Principes ista legent) non vtile tantum sit, sed etiam citra iacturam dignitatis, quæ nimirum videatur imminui, si homines hominibus impositi, ab hominibus præceptis humanis instituantur: eadem me ambæ admonuerunt, ut te vnum ex omnibus seligerem, cuius inscriberem nomini has qualescumque lucubrationes meas. Etenim ex vna parte tenor iste vitæ, quam tu ad maiorem sanctimoniam componis, ad cuius exemplum suam posterius explorabunt, & exigent, incurrit quidem in omnium oculos, quippe in Principe viro mala iuxta, ac bona eminent omnia, sed trahit in primis afficitque religiosorum hominum animos, quibuscum quantum tibi
tempo

temporis à publicis muneribus
superest, familiariter ipse, suaui-
térque dispensas. Inter quos cum
Societatis nostræ viros præci-
pua beneuolentia, ac patrocínio,
quæ tua est benignitas, comple-
ctaris, eorúmque studiis, & co-
natibus in re litteraria delecte-
ris, erit, vti spero, tibi non ingra-
tum, quidquid ex hac familia,
cui tantum tribuis, persoluetur.
Ex altera verò parte (quæ mihi
caussa adhuc potior fuit) cum tu
te in rerú administratione, non
ex præscripto humanæ sapien-
tiæ, quam tamen & præcellenti
istó ingenio, & totius antiquita-
tis notitia perfectam habes, sed
ex diuinis oraculis, æternæque
legis interpretatione modereris:
immò cum hoc ipso de argu-
a 4 mento,

mento, vt inaudiui,opus aggressus sis,quo regnorum initia,processusque , atque interitus ex sacrarum historia litterarum , ea qua præstas comprehensione rerum omnium ponis ob oculos; accedo ipse , vt arbitror, opportunè,dum tibi in hanc curam intendēti offero hæc à me vtcunque collecta : si forte distrahentibus animum publicis priuatisque negotiis ab otio litterarum, prompta hæc cōgeries mea partem aliquam tui laboris imminuat. Accipe igitur,PRINCEPS, hoc quidquid est operis , quod tibi & nostræ familiæ nomine, & argumenti similitudine , opportunitatēque fretus inscribere ausus sum , atque hominum expectationem , quam me hac denuntia

nuntiatione consilij tui concitaturum scio, tu expertus olim puer quid in omni litterarũ genere valeas, maiorem nunc cum virili ætate sapientiæ maturitatem adeptus, morari diutius, ac desiderio; & expectatione torquere noli. VALE.

Romæ Kal.Maij

1624.

ã 5 ALE

ALEXANDRO VRSINO

Cardinali Amplissimo

LVDOVICVS PROST,


Hæres ROVILLE,

S. P. D.

IN laudes, VRSINE, tuas mea lingua recurrit:
Lingua tamen meritis non erit una satis.
Innumeris variata modis elementa loquantur;
Quotque notas relegis, tot velut ora sonent.
Purpurei cum sis Decus immortale Senatus,
Gloria te voluit non moritura sequi.
Aeternare tuum nota debuit area nomen;
Et qua non ullo tempore lingua filet.
Sic mihi perpetuò, Princeps, laudabere. nam te
Qui non laudat, obest laudibus ille suis.

AD

AD CANDIDVM LECTOREM.

 *Aucula quaedam, Amice Lector, in huius libri limine monendus es. Primum est, consilium meum fuisse dum hæc scriberem, testimonijs ex Sacris tantum litteris depromptis, in certum ordinem redactis, & inter se cōcinnatis, Politices præcepta tradere, explicare, confirmare. Alterum est, à profanis auctoribus citandis me cōsultò abstinuisse, quamquam ex ijs multa huc commodè derivari posse videbam. Cum enim satis multa huius argumenti volumina ab alijs conscripta sint, veterum Philosophorum, Poëtarum, Historicorumq; placitis, dictisq; refertissima, quæ passim circumferuntur,*

tur, & manibus omnium teruntur; satius esse duxi extra Sacrarum litterarum fines quos mihi præfixeram non vagari, & hanc spartam dumtaxat ornare, quam mihi ipse selegeram. Quanquam non negauerim quædam, rarò tamen, interspersa ex profanis legenti obuia futura, quibus non ut testimonijs, sed ut dicendi formulis, cum aptè cadebant, usus sum. Ea qui in illorum auctorum lectione sunt versati, non difficile agnoscent. Tertium est, sanctorum etiam Patrum dicta, & documenta quæ ad civilem institutionem faciebant, me parcè admodum adhibuisse, & tunc tantùm cum ex sacris Scripturis suas positiones ipsi confirmant: quæ enim meis ego verbis dicere debuisssem, si Patrum verbis efferrem, plus gravitatis

uitatis & auctoritatis habitura esse non ignorabam. Tandem ordinem librorum esse huiusmodi. In primo differi de rerumpublicarum formis, & legitima ratione veniendi ad principatum, electione scilicet, & successionem. Deinde tribus ultimis capitibus muniri viam ad ea quæ secundo libro, qui totus est de virtutibus Principis, dicenda sunt. Tercio verò de ijs quæ Reipublicæ statui, Principisq; gubernationi commodant, aut incommodant. Itaque disputari de consiliarijs, ministris, legibus, pace, bello, tyrannide, seditionibus, & huiusmodi. Hæc te nolui Lector nescire. Tu nostra hæc qualia qualia sunt, beneuolo animo accipe, & vale.

MV

MVTIVS VITELLES CVS,
Societatis IESV Præpositus Generalis.

CVM opus, Politica sacra inscriptum, P. IOANNIS STEPHANI MENOCHII, nostræ Societatis; tres eiusdem Societatis Theologi, quibus id commissum fuit, recognouerint; ac in lucem edi posse probauerint; facultatem concedimus, vt typis mandetur, si ita iis, ad quos pertinet, videbitur. In quorum fidem has litteras manu nostra subscriptas, & sigillo nostro munitas dedimus Romæ 10. Februarij 1624.

MVTIVS VITELLES CVS.

Facultas R. P. Prouincialis in Prouincia
Lugdunensi.

EGO IOANNES FORERIVS Societatis IESV in Prouincia Lugdunensi Præpositus Prouincialis iuxta Priuilegium eidem Societati à Regibus Christianissimis HENRICO III. 10. Maij 1583. HENRICO IV. 20. Decembris, 1606. & LVDOVICO XIII. nunc regnante, 14. Februarij 1611. concessum, quo Bibliopolis omnibus prohibetur, ne Libros ab hominibus nostræ Societatis compositos absque Superiorum eius permissione imprimant, permitto LVDOVICO PROST, Hæredi ROVILLE, Lugdunensi Bibliopolæ, vt Librum, qui inscribitur, *Institutio politica ex sacris Scripturis deprompta, Authore P. IOANNE STEPHANO MENOCHIO è Societate IESV*, ad sex proximos annos imprimere, ac liberè diuendere possit. Datum Lugduni 7. Decembr. 1624.

FORERIVS.

Approbatio.

IOANNES CLAVDIUS DE VILLE
in sacra Theologia Doctor in S. Pauli
Lugdunensis Canonicus, & in hac Dice-
cesi à D. Dionysio Simone de Marqué-
mont Illustrissimo & Reuerendissimo Ar-
chiepiscopo in librorum censuram incum-
bere iussi; fidem facimus nos librum hunc
qui inscribitur, *Institutio politica è sacris
Scripturis deprompta, Auctore P. IOANNE
STEPHANO MENOCHIO è Societate
IESV*, vidisse, nec in eo aliquid contra Ca-
tholicæ, Apostolicæ, & Romanæ Ecclesiæ
sanam doctrinam aut bonos mores inue-
nisse. Non. Decembr. 1624.

DE VILLE.

Consensus

Consensus Procuratoris Regij.

Librum hunc R. P. STEPHANI MENOCHII Societatis IESV de Institutione politica è Sacris litteris deprompta : Ego Consiliarius, & Procurator Regius typis mandari, & in lucem exponi consentio. Lugduni septima die mensis Decembris 1624.

PVGET.

Facultas imprimendi.

Libros Hieropoliticon, seu Institutionis politice R. Patris STEPHANI MENOCHII Societatis IESV, à LUDOVICO PROST, Hærede ROVILLE, Bibliopola Lugdunensi, in lucem dari permittimus, ac ne quis citra factam ei potestatem denuò excudat, interdicimus. Datum Lugduni septima mensis Decembris 1624.

DE CHAPONAY.


INDEX



INDEX CAPITVM LIBRI PRIMI, QVORVM paragraphi, per numeros marginales di- tributi, hîc subiiciuntur.

*In sacris Scripturis ciuilem doctrinam
contineri.*

C A P V T I.

Num. 1.  H R I S T V M esse Scripturarum
argumentum præcipuum, mul-
ta tamen in iis tractari, ex qui-
bus Politices iustum opus colligi possit.
pagina 1

2. Probatur excellentia Politicæ sacræ ex autho-
re præcipuo scripturarum, qui est Deus; &
ex ipsis scriptoribus qui sapientes, & in Re-
publica versati fuerunt. *3*

3. Idem probatur ex materia sacræ Scripturæ, hi-
storiis nimirum & libris, quos illa comple-
ctitur. *9*

4. Idem probatur ex forma scribendi horum scri-
ptorum. *12*

5. Idem probatur ex fine sacræ Scripturæ. *13*

6. Cur tam pauci in Scripturis quærant politica
præcepta. *16*

7. Adhortatio ad hanc doctrinam ex Scripturis
petendam. *17*

De

INDEX CAPITVM

De Imperij neceſſitate & Anarchia malis.

C A P V T I I.

Num. 1. Nullam Rempublicam gubernatione deſtitutam ſaluam eſſe. pag. 19

2. Probatur ex mutua ope qua indigemus. 21

3. Idem probatur ex Angelorum politia. 25

4. Idem probatur, quòd ne ſceleſtorum quidem hominum cætuſ gubernatore carere poſſint. 27

5. Idem probatur, quòd etiam in ſeditionibus, quæ alioqui turbulentiffimæ ſunt, caput quæ-
ratur. 28

6. Idem probatur quòd ne Satanæ quidẽ regnum ſine capite eſſe poſſit. 29

7. An olim apud Hebræoſ fuerit aliquãdo Anarchia. 33

Poteſtatem Rerumpublicarum gubernatricem à Deo eſſe, illig. obtemperandum.

C A P V T I I I.

Num. 1. Poteſtas gubernatrix in ſtatu naturæ à Deo fuit. pag. 35

2. Idem fuiſſe in lege ſcripta. 37

3. Idem eſſe in lege Euangelica. 38

4. An Apoſtoli obediendum præceperint Principibus, qui tyrannicè regna occupauerant. 40

5. An infidelibus aut peccatoribus Principibus parendum. 41

6. Principibus in iis duntaxat parendum eſſe, quæ diuinæ legi non aduerſantur. 44

De

ET PARAGRAPHORVM.

De Reipublicæ formis, Democratia, Aristocratia, Monarchia; hancq; cæteris præstare.

C A P V T I V.

- Num.* 1. Quot sint Imperij formæ. pag. 47
 2. Monarchiam cæteris præstare probatur ex ipsa natura, cœlis, elementis, &c. 48
 3. Idem probatur ex Angelorum politia. 50
 4. Idem probatur ex Ecclesiæ gubernatione. 53
 5. Idem probatur ex Hebræorum antiqua politia. 56
 6. Idem probatur ex proprietatibus bonæ gubernationis. 59
 7. Vnius dominatum in Scripturis promitti ut magnum bonum. 62

Mulieres Imperijs regendis ut plurimum aptas non esse.

C A P V T V.

- Num.* 1. Probatur ex naturali earum conditione quia factæ magis ad parendum. pag. 63
 2. Idem probatur, quia destitutæ animi & corporis vigore; qui ad gubernandum necessarius est. 65
 3. Idem probatur, quod illarum consilium imbecillum sit, facileque decipiantur. 69
 4. Idem probatur, quia vehementibus animi perturbationibus commoueri solent. 71
 5. An cum mulieribus Imperij arcana communicanda sint. 72

INDEX CAPITVM
De legitima ratione Principatus capiendi,
qua est electio & successio.

CAPVT VI.

- Num. 1.* Duplex ratio ineundi principatus, electio
& successio. pag. 74
2. Argumenta quibus probatur electionem præ-
stare successioni. ibidem.
3. Argumenta pro successione contra electione. 79
4. Cur summi Pontifices eligantur. 88
5. An Peregrini ad regnum eligendi. 89

*Regna, qua successione ineuntur, primo-
genitis deberi.*

CAPVT VII.

- Num. 1.* Ita vsum Gentium tenuisse. pag. 93
2. Ita factum propter amorem quo parentes pri-
mogenitos filios prosequuntur. 96
3. Idem probatur ex maiori primogenitorum ex-
cellentia. 98
4. Cur secundo loco nati primogenitis aliquan-
do antelati. 100
5. An expediat foemineam prolem, Regni hære-
dem esse. 100. & 101
6. Quid de illegitimis. 102

*Quibus disciplinis, & Magistris instituendi
sunt ij, qui in spem Imperij educantur.*

CAPVT VIII.

- Num. 1.* Aliqua de disciplinæ doctrinæque neces-
sitate. pag. 105
2. Deum

ET PARAGRAPHORVM.

2. Deum ipsum magistrum Principum agere.
108
3. Ipsos Principes in quibusdam liberos erudire
debere. 112
4. Alios etiam magistros addendos. 114
5. Eloquentiæ studium Principe dignum. 120
6. Historiam cognoscat Princeps. 123
7. Præcipuum studium Principis, prudentia ci-
uilis. 125
8. Moderatè Principi studendum. 129

*Finem boni publici Principi propositum
esse debere.*

C A P V T. IX.

- Num.* 1. Basis, Fundamentum, appellatur Princeps
in Scripturis. 131
2. Murus, Angulus. 133
3. Pastor. 134
4. Caput. 137

*Principem virtutem colere debere, ut exemplo
subditis prosit.*

C A P V T X.

- Num.* 1. Quantum possit Principis exemplum in
vtramque partem. pag. 138
2. Grauitè peccare Principes, qui suo exemplo
subditis nocent, subditorumque peccata illis
adscribi. 145

INDEX CAPITVM

Initio Principatum Principes ferme esse meliores, quàm sint postea: & quanam huius mutationis sint causa.

CAPVT XI.

Num. 1. Probatur exemplo Saulis & Salomonis.

pag. 147

2. Luxum & delicias Regias hanc mutationem afferre. 151

3. Negotiorum etiam multitudinem, quæ mentis culturam impedit. 154

4. Idem efficit adulatorum corruptela. 155

5. Quia latens vitium, virtutis tectum inuolucris paulatim se aperiente natura retegitur, posttâque larua, dira scelerum facies quæ latuerat, tandem apparet. 157

INDEX CAPITVM

LIBRI SECVNDI,

qui est de virtutibus
Principis.

Religionem Principi colendam esse, & de externo eius cultu.

CAPVT I.

Num. 1. Omnibus gentibus insitum esse religionis sensum & amorem. pag. 159

2. Exemplis ostenditur, Principem cultum externum religionis cordi habere debere. 161

3. Scriptu

ET PARAGRAPHORVM.

3. Scripturis & rationibus probatur, externum hunc cultum retinendum esse. 163

Principem non simulato animo, sed serio religiosum esse debere.

C A P V T II. -

- Num.* 1. Magnum esse Rerumpublicarum malum, Principem hypocritam. pag. 165
 2. Quales sint huiusmodi Principes, explicatur exemplis. 166
 3. Principes hypocritas simulatione religionis uti ad consequendum id quod cupiunt. 180
 4. Quantopere Deus detestetur modum hunc agendi. 184

Nec hæreticos in Republica, aut eorum doctrinam, nec eam quam vocant libertatem conscientia, sine gravi causa permitti debere.

C A P V T III. -

- Num.* 1. Hæreticos extremo etiam mortis supplicio puniendos esse. pag. 190
 2. Hæretici in Republica tolerandi non sunt, quia alios prauitate doctrinae inficiunt. 197
 3. Hæretici tolerandi non sunt in Republica, quia seditionibus & turbis publicæ paci incommodant. 202
 4. Soluuntur argumenta, quæ contra hætenus dicta afferri possunt. 207
 5. Libros hæreticorum flammis abolendos. 211

INDEX CAPITVM

*Non debere Principem cum infidelibus inire
fædus, nec illorum opem implorare:
& de locanda spe in diuino
auxilio.*

CAPVT IV. -

- Num. 1.* Dominum detestari fædera cum infidelibus inita: pag. 214
2. Crebrò accidere, vt qui infidelium auxilia implorant, aut ab illis destituantur, aut etiam impugnentur. 219
3. In Deo spem locandam, qui multis, mirisque modis, suis spem fert. 223

*Principes Ecclesiarum & Sacerdotum iura
sarta tecta seruare debere.*

CAPVT V. -

- Num. 1.* Pontifices Hebræorum & Leuitas in rebus Ecclesiasticis à Regum potestate exemptos fuisse. pag. 231
2. Leuitas olim in Republica Hebræorum à Iudicum sæcularium potestate exemptos fuisse. 233
3. De eadē exemptione ex Nouo Testamēto. 237
4. De immunitate à tributis. 239
5. De iure Asyli. 249

*De liberalitate & munificentia Principis
in Ecclesias, & res sacras.*

CAPVT VI. -

- Num. 1.* Exemplis ostenditur quanta esse debeat
Chri

ET PARAGRAPHORVM.

Christiani Principis in Ecclesiam liberalitas.
pag. 256

2. Ex auro templi de cæteris expēsis capitur coniectura, ex quo eadem liberalitas Principi commendetur. 263

*Qualem Confessarium, Concionatorem, aut
Theologum sibi deligere debeat
Princeps, & quomodo se
cum illo gerere.*

C A P V T VII. ~

- Num. 1.* Debere Principes in rebus dubiis Doctores consulere, & de veteri Hebræorum ritu in consulendo Dominum. pag. 267
2. Contra eos Principes qui tantum auribus blandientia à Concionatoribus audire volunt. 271
 3. Quanta cum libertate Concionator aut Confessarius cum Principe agere debeat. 277
 4. Concionatorem suo tantum muneri operam dare debere, nec se aulæ negotiis immiscere. 285

*Principes virtutis, ac præsertim Religionis
cultores diutius ferè viuere.*

C A P V T VIII.

- Num. 1.* Sanctos viros vt Dauid & Iob ex impiorum prosperitate quasi scandalum passos esse; eosdem tamen eorundem infortunia descripsisse, ac præsertim immaturam mortem; ex quo diuina asseritur prouidētia. p. 287. & 288 -

INDEX CAPITVM

2. In Scriptura de quibusdam sanctis dici quòd multum vixerint , & tandem mortui sint in senectute bona, & pleni dierum: quod pietati & in Deum religioni acceptum ferendum ostenditur. 296. & 297
3. Ad prolixam vitã in sanctis ipsis multum contulisse pacem animi internam, ex bona conscientia prouenientem. 300
4. Longitudinem vitæ, Dei beneficium esse, & sanctos etiam viros mortem timuisse. 303

*De Principis iustitia: ac primò de ea quæ est
in commutationibus.*

CAPVT IX.

- Num. 1.* Exemplis Scripturæ commendatur Principi iustitia commutatiua. pag. 307
2. Rationes duæ explicantur, quibus se permoueri dixit Iob ad iustitiam in commutationibus seruandam. 313
 3. Proponitur exemplum Achabi, qui vinea sua spoliauit Noboth. 317
 4. Expenduntur quædam adiuncta superioris historię. 319

*De aequalitate & iustitia in ponderibus, mensuris ac numismatibus à Principe
constituenda.*

CAPVT X.

- Num. 1.* Afferuntur quædam testimonia, quibus ostenditur quantopere Deo cordi sit iustitia in mensuris ac ponderibus. pag. 321

ET PARAGRAPHORVM.

2. Varietas in ponderibus & mensuris vitanda.
324
3. De generibus monetarum apud veteres Hebræos.
325
4. Publico aliquo signo seu caractere insignita esse debere.
326

De Principis iustitia distributiva.

C A P V T X I.

- Num. 1.* In Reipublicæ gubernatione Principem administris inferioribus indigere : cauendumque ne ex istis aliquem nimis attollat.
pag. 327
2. Aliquibus Scripturæ locis probatur, absurdè facere Principem, qui immerenti honorem tribuit.
334
 3. Peculiaria quædam præcepta huc facientia, vt de consanguineorum Principum potentia in officio continenda.
337

De Iustitia vindicativa Principis.

C A P V T X I I.

- Num. 1.* Pœnis inflictis malos à peccando deterri.
pag. 347
2. Sontibus parcendum non esse, quia non sunt meliores : & quia sanguis ab ipsis fusus clamat ad Principem.
349
 3. Formam iudiciorum diligenter seruandam.
352
 4. Quid faciendum Principi cum populus vniuersus peccauit.
358. & 359
 5. Ne sit Princeps nimium minutus in delictis inquirendis.
360
 6. Iram

INDEX CAPITVM

6. Iram Principi cauendam dum punit. 361
 7. Iustitiæ vindictiæ clemētiam copulari posse.
 363

De Clementia Principis.

CAPVT XIII.

- Num.* 1. Clementiam Principem Deo similem facere. pag. 368
 2. Clementiam Principis munere, qui quasi medicus ac pater esse debet, dignissimam esse. 375
 3. Clementiam Principes populis gratos efficere. 378
 4. Clementiâ Principibus securitatem parari. 384
 5. In gratulationibus publicis, aut cum beneficiis insignia diuinitus accipiuntur, clementiâ largiùs vtendum. 385

De affabilitate & facilitate Principis.

CAPVT XIV.

- Num.* 1. Explicatur in quo sita sit affabilitas. pag. 387
 2. Affabilitatem Maiestati non officere si prudentia regatur; esse autem Barbarorum & abiectionis conditionis hominum immodicam quandam affectare maiestatem. 388
 3. Principem cum pauperibus præsertim affabilem esse debere. 392
 4. Etiam cum iis affabilem esse debere Principem, à quibus aliquando læsus, sed iis noxas condonauit. 394
De

ET PARAGRAPHORVM.

De fide ac veritate Principis.

C A P V T X V.

Num. 1. In quo fides hæc veritasque sita est. p. 395

2. Vniuersim Principi hæc virtus commendatur.

399

3. Fidelem Principem & veracem, Deum summum Principem imitari. 401

4. Mendacem dæmoni similem esse. ibidem. -

5. Seruile esse mentiri, ac proinde Principem maximè dedecere. 405

6. Mendacium vix latere posse. 407

7. Mendacium Reipublicæ plurimum nocere. 408

8. In mendacio culpam esse grauitérque à Deo puniri. 411

9. Consideratè Principem loqui, & promittere debere. 414

10. Etiam inimicis seruandam fidem. 419 -

De liberalitate Principis. -

C A P V T X V I.

Num. 1. Quomodo hic accipiaturs liberalitas & de eius affinitate cum iustitia. 423

2. De liberalitatis vtilitate. 424. & 425

3. Liberalitatem honestam esse, quia pecuniæ in eos conferuntur vsus ad quos factæ sunt. 428

4. Liberales Deum imitari, Principesque liberalis titulum affectare. 429

5. In dando, sed maximè in reddendo beneficio liberalitatem requiri. 432

6. Dandum hilariter. 435

7. Viden

INDEX CAPITVM

- | | | |
|----|--|-----|
| 7. | Videndum cui, & quantum detur. | 437 |
| 8. | Cum dederit Princeps, ne impropere ei cui dedit. | 439 |

*An Principi liceat diuitijs augendis studere,
& quibus artibus augeri possint.*

CAPVT XVII.

- | | | |
|---------|--|----------|
| Num. 1. | Licere Principibus thesauros colligere, & quæ rationes suadeant vt id fiat. | pag. 440 |
| 2. | Industria diuitias à sapienti Principe augeri posse. | 443 |
| 3. | Primus modus augendi diuitias latifundiis parandis. | ibidem. |
| 4. | Alter modus augendi regij census ex fodinis, lapicidinis, syluis, salinis, &c. | 447 |
| 5. | Tertius modus ex mercatura. | 449 |
| 6. | Quartus modus ex tributis, vbi etiam docetur ea moderata esse debere. | 454 |
| 7. | An ars chymica diuitiis parandis utilis esse possit. | 456 |

*De Auaritia turpitudine, damnis, eiusdemq;
remedijs.*

CAPVT XVIII.

- | | | |
|---------|--|----------|
| Num. 1. | Auaros in Sacris litteris ferarum quarundam bestiarum nominibus appellari, & quæ huius rei sit causa. Vbi etiam de auaritiæ insatiabilitate. | pag. 459 |
| 2. | Auaritiam detestandam, quia seruitus est idolorum. | 462 |
| 3. | Hanc | |

ET PARAGRAPHORVM.

3. Hanc seruitutem turpem esse, quod Dei seruituti repugnet. 466
4. Hanc seruitutem duram esse, ac laboriosam, ideóque defugiendam. 469
5. Laborem qui ferendus est in hac seruitute malè collocari, quod scilicet malè parata, malè dilabantur. 471
6. Colligitur ex dictis, diuitiis non esse fidendum. 474
7. Principem avarum esse non debere, quia auaritia odiosum facit populo, & periculum amittendi Principatus creare potest. 475
8. Principem non debere avarum esse, quia populorum est Pater. 477
9. Idem probatur, quia est pastor populorum. 478
10. Remedium præcipuum auaritiæ proponitur, vt scilicet Princeps cupiditates suas intra modum suarum virium moderetur. 482
11. Posse etiam Principem non admodum diuitem sibi Reipublicæque prospicere. 487

*De fortitudine Principis, & animi
magnitudine.*

CAPVT XIX.

- Num. 1.* Quid sit fortitudo, de qua hic disputandum: & quatenus corporis fortitudo requiratur in Principe. 488
2. De fortitudine quæ spectatur in faciendis & sustinendis aduersis. 490
3. An fortitudini repugnet edere signa doloris. 496
4. Magni

INDEX CAPITVM.

4. Magnitudinis animi esse, minùs secundos rumores qui sparguntur, negligere. 498
5. De fortitudine quæ cernitur in aggrediendo. 500
6. Primum adiuumentum ad fortitudinem consequendam, de ea scilicet à Deo postulâda. 504
7. Secundum adiuumentum de iuuanda fortitudine industriæ adminiculis. 505
8. De inanibus terroribus non formidandis. 508
9. De incommodorum, quæ timidos & remissos in aggrediendo consequuntur, consideratione. 510
10. De fortium virorum exemplis & imitatione. 511

De perseuerantia & constantia Principis.

CAPVT XX.

- Num.* 1. Explicatur quid sit perseuerantia & constantia, vt hic accipitur, & Moïsis & aliorum exemplo illustratur. pag. 513
2. Commendatur Principi constantia, quòd eum Deo similem faciat. 517
 3. Inconstantes etiam inter homines leuitatis infamia laborare. 519
 4. Aliud incommodum proponitur, quod incurrunr ij, qui in bene cæptis non perseuerant, quod eorum quæ iam facta sunt, iacturam faciunt. ibidem.
 5. Laudabilem esse constantiam in ministris, & magistratibus non facilè à suis muneribus amouendis. 520
 6. Cauendum Principibus, ne eorum constantia mulierum precibus infringatur. 521
 7. Ita

ET PARAGRAPHORVM.

7. Ita amplectendam constantiam, vt vitium pertinaciæ non incurratur. § 25

De magnificentia Principis. -

C A P V T XXI.

- Num.* 1. Explicatur quid sit magnificentia, & Salomonis exemplum proponitur. pag. § 27
 2. Aliud magnificentiæ exemplum proponitur in conuiuio Assueri. § 29
 3. An peccauerit Assuerus tam sumptuoso diurnoque conuiuio instruendo, & de conuiuiis, quæ in Principum inauguratione celebrata legimus in Scripturis. § 32
 4. De Principis magnificentia in largitionibus. § 36

De Principis magnificentia in edificando. -

C A P V T XXII.

- Num.* 1. Studium ædificandi decere Principem: & de variis ædificiorum generibus, necessariis, vtilibus, aut ad voluptatem cõparatis. p. § 38
 2. Quo tempore ædificatio vrgenda, & quorum expensis ædificandum. § 40
 3. De ædificiorum Regionum magnificentia. § 42
 4. De veteribus ædificiis instaurandis. § 44

De Maieſtate Principis. -

C A P V T XXIII.

- Num.* 1. De Principis maieſtate in vestibus & corporis cultu. pag. § 46
 i 2. An

INDEX CAPITVM

2. An odorum vsus in veltibus Principis laudabilis sit. 551
3. De cæsarie promissioque capillo. 555
4. De stipatoribus & cohorte militum corporis custodum. 556
5. De maiestate in aliis quibusdam, quæ Principem circumstant vt throno Regis. 560
6. Ad maiestatem facere si se Princeps in loco à vulgi conspectu subducatur. 562
7. De ministrorum numero & aulae frequentia. 563
8. De Titulis Principis. 568
9. Cur Saul iam Rex Israëlis creatus, cōtra quam postulat summi Magistratus maiestas, boues secutus fuerit. 570

*De temperantia Principis in cibo, potu
& somno.*

CAPVT XXIV.

- Num. 1.* Naturā paucis parabilibusque cibis contentam esse. pag. 573
2. Ciborum multitudinem valetudini incommo- dare. 575
 3. Periculosiorem esse intemperantiam in viro Principe, quia ex illius vita plerunque pender publica quies. 576
 4. Vitam eorum, qui voluptatem in cibis quaerunt, non esse voluptuosam. 578
 5. De intemperantia in potu, & ebrietatis malis, 583
 6. Intemperantiam in cibo, potuque viam munire grauissimis peccatis, 587
 7. De intemperantia in somno, 591

De

ET PARAGRAPHORVM.

*De temperantia Principis in voluptatibus
tactus, ac primò de vitij huius
occasionibus.*

C A P V T XXV.

- Num. 1.* Quanta sit in paratis occasionibus illece-
bra ad peccandum. pag. 593
- 2.* Otium esse occasionem luxuriæ. 595
- 3.* Etiam incustoditos oculos, aliósque sensus. 598
- 4.* De saltationibus aliisque huiusmodi lusibus.
601
- 5.* Intemperantiam in cibo, potúque occasionem
esse luxuriæ. 605
- 6.* Exemplis Davidis & Salomonis idem confir-
matur. 608

*De malis, quibus propter luxuriam
corpora afficiuntur.*

C A P V T XXVI.

- Num. 1.* Luxuriam properatam adducere senectu-
tem morbósque. pag. 610
- 2.* Affertur ratio cur corporibus intemperantia
noceat. 613
- 3.* Agitur de turpitudine intemperantiæ. 614
- 4.* Turpitudinem incontinentiæ parentum redun-
dare in filios, vbi aliqua de nothis tanguntur.
618
- 5.* De malis animi quæ ex intemperantia profi-
ciscuntur. 620
- 6.* Vitio intemperantiæ homines belluis similes
euadere. 624

INDEX CAPITVM

*De malis, quæ Principes aut Respublicæ
libidinis alicuius occasione
passæ sunt.*

CAPVT XXVII.

- Num.* 1. Primum exemplum Pharaonis & Abimelech, qui Saram ab Abrahamo extraxerant. pag. 626
2. Secundum exemplum ex historia Dinæ, quæ à Sichem violata est. 629
3. Tertium exemplum ex clade Benjamitarum cum reliquo Israëlè pugnantium. 632
4. Quartum exemplum ex iis, quæ Dauid eiúsque Posterì propter parentis luxuriam passi sunt. 633
5. Quintum exemplum ex damnis quæ Israëlì Salomonis luxuria intulit. 636
6. Vltimum exemplum ex historia diluuij. 638

*De castitatē coniugali, & quædam alia
præcepta ad Principum matrimonia spectantia.*

CAPVT XXVIII.

- Num.* 1. Amor vnius coniugis suaderetur. pag. 639
2. De bigamia, & polygamia Veteris Testamenti. 643
3. Matrimonia cum infidelibus ineunda non esse. 647

De

ET PARAGRAPHORVM.

De modestia Principis, & animi demissione.

C A P V T XXIX.

Num. 1. Facile Principis animum in superbiam attolli, adeo vt superiorem neminem velit agnoscere, seque Deo parem faciat, quod exemplis ostenditur. pag. 649

2. Affertur remedium contra hoc malum, vt scilicet agnoscat Princeps se Deo subditum esse. 651

3. Affertur aliud remedium, vt scilicet intelligat, adeo se Deo subditum esse, vt etiam infirmus sit & imbecillis, & more aliarum creaturarum Dei comparatione nihil. 653

4. Ostenditur exemplis quàm malè sibi consuluerint ij, qui Dei obliti, in superbiam elati, sibi nimium placuerunt. 659

De prudentia Principis, & de ingenio regni & populi.

C A P V T XXX.

Num. 1. Regnorum instabilem esse possessionem. pag. 661

2. Principes multorum odiis & inuidiæ patere. 663

3. Principes abundare suspicionibus & metu. 665

4. Peculiares regni cui præest conditiones Principi cognitæ esse debere: vbi de censu. 666

5. Populi ingenium Principi cognitum esse debere, & quale illud sit. 670

INDEX CAPITVM

6. Finitimorum populorum ac principum mores
& vires,&c. Principi inuestiganda. 673
7. Curandum Principi vt suos bene norit, & qui-
bus ex notis possit eos agnoscere. 674
8. An physiognomiæ signis aliquid credendum,
& an ex corporis pulchritudine de animo li-
ceat facere coniecturam. 678
9. An delatores in Republica ferendi. 682

*Alia quadam præcepta ad prudentiam
pertinentia.*

CAPVT XXXI.

- Num. 1.* Non facile aliquid aggrediendum esse,
nisi omnibus rei circumstantiis diligenter ex-
ploratis. pag. 684
2. Prudenti mutandum esse aliquando consilium.
688
3. Prudentis esse ingruenti necessitati se accom-
modare, illique seruire. 691
4. Prudentis esse non facile credere. quod præ-
ceptum latè explicatur. 691
5. Odia inter coniunctos facile reconciliari. 700
6. An Principi hebeti & tardo gerenda Respu-
blica. 701

*Cauendum Principi à Diuinorum, Magorum,
Necromanticorum, aliorumq; huiusmodi
damnatis artibus.*

CAPVT XXXII.

- Num. 1.* Huiusmodi artibus ad Regum aulas adi-
tum nonnunquam patere. pag. 702
2. Has

ET PARAGRAPHORVM.

1. Has artes detestandas, quod illarum authores
dæmones fuerint. 703 -
2. Fallaces esse has artes, & ea polliceri quæ præ-
stare nequeunt. 705 -
3. Tractatur breuiter quæstio an Samuelis anima
à Pythionissa euocata, vi illarum incantatio-
num apparuerit. 708
4. Artes istas diuino iure quod sacris Scripturis
continetur, prohiberi. 710 -
5. Explicantur duo scripturæ loca, quæ his arti-
bus fauere videntur. 712 -

INDEX CAPITVM LIBRI TERTII.

De Consiliariorum & consilij capiendi necessitate.

CAPVT I.

- Num.* 1. Consilij capiendi necessitas aliquibus sa-
cræ Scripturæ testimoniis probatur. p. 713
1. Probatur idem exemplis Principum & ipsius
Dei. 714
 2. Incommoda quæ illi incutunt, qui consilium
capere recusant. 717
 3. Capiendum interdum consilium, vt conscien-
tiæ satisfiat. 719
 4. Eum qui cum consilio aliquid aggreditur, pru-
denter habendum, etiamsi id, quod agen-
dum suscepit, infelicem exitum sortiatur.
721

INDEX CAPITVM

Qualis Consiliarius à Principe deligendus sit.

CAPVT II.

- Num.* 1. Senes consilio meliores esse quàm iuue-
nes. pag. 722
2. Senum maturitatem à moribus potiùs & pru-
dentia, quàm ab annis spectandam esse.
723
3. Senum prudentiam experientia magna ex par-
te acceptam esse referendam. 724
4. Senes veteri gentium more in consilium adhi-
beri solitos. 725
5. Eos deligendos consiliarios qui à vitæ probi-
tate commendationem habeant. ibidem.
6. Prauorum & astutorum hominum consilia non
eum sortiri exitum, quem ipsi voluissent.
728
7. Illa eadem consilia, quæ prauī homines exco-
gitant, in eorundem perniciem frequenter
conuerti. 730
8. Eos deligendos consiliarios, qui suis commo-
dis quæritandis non studeant. 731
9. Consiliarium in sententia ferenda liberum esse
debere. 740
10. Consiliarium suæ sententiæ non nimis adhe-
rere debere. 744
11. Consiliarium fidelem esse debere arcanorum
custodem. 745
12. Consiliarium experientia, & rerum, de qui-
bus agitur, vsu præditum esse debere. 748

ET PARAGRAPHORVM.

*De Principis Administris, & monita quedam
ad ipsos pertinentia.*

C A P V T III.

- Num. 1. De Administorum Principis ætate, quæ-*
dam. pag. 751
- 2. Quàm consideratè ministri eligendi, & de ali-*
quibus conditionibus, quæ in illis spectandæ
sunt. 753
- 3. Cauendum ne tantum quis augeatur, vt ipsi*
Principi euadat formidabilis. 756
- 4. Quatenus administri Principibus suis obtem-*
perare teneantur. 765
- 5. Non faciliè credant Principes criminationibus*
quæ magistratibus impinguntur, nam sæpe
ab inuidia proficiscuntur. 767
- 6. Principem administris eam facultatem, & agen-*
di potestatem concedere debere, quam nego-
tia requirunt. 770
- 7. Administros Principis potius gloriæ, quàm suæ*
deseruire debere, idque commodo suo fa-
cturos. 773
- 8. An peregrinis administris potius vtendum sit*
quàm ciuibus. 775
- 9. An nobilibus potius quàm ignobilibus.*
776
- 10. An coniugati potius administri sint adhiben-*
di, quàm coniugio soluti. 779
- 11. Administros prius probandos esse in inferio-*
ribus magistratibus, quàm ad summos eue-
hantur. 781
- 12. An vni tantùm administro prudenter omnia*
negotia credantur. 782

INDEX CAPITVM

- | | | |
|-----|---|-----|
| 13. | Aliqua de legatis qui extraordinarij sunt ministri. | 784 |
| 14. | De inspectoribus prouinciarum, siue visitatoribus. | 786 |

Leges Reipublicæ necessarias esse, quales esse debeant, hysq; parendum.

CAPVT IV.

- | | | |
|---------|---|----------|
| Num. 1. | Leges vtilis esse ac necessarias Reipublicæ. | pag. 789 |
| 2. | Legum necessitas in Republica colligitur ex naturali rerum ordine ac lege. | 792 |
| 3. | Idem probatur ex diuinis legibus, quas Deus hominibus præscripsit: vbi etiam de legum obseruatione. | 793 |
| 4. | Curandum Principi vt leges seruentur, præsertim cum recenter latæ sunt. | 798 |
| 5. | Leges paucas esse debere. | 801 |
| 6. | Curandum vt subditi legibus non inuiti pareant. | 803 |
| 7. | Quomodo leges interpretari debeamus. | 805 |
| 8. | Quædam de consuetudinibus. | 807 |

De ciuitatis condenda situ, alijsq; eo spectantibus.

CAPVT V.

- | | | |
|---------|--|----------|
| Num. 1. | Gloriosum esse Principi ciuitates condere. | pag. 809 |
| 2. | De situs salubritate in quo locanda ciuitas. | 813 |

3. An

ET PARAGRAPHORVM.

3. An potiores situs earum vrbium, qui oræ maris
adiacent. 814
4. Pingue solum, & vber, vrbi ponendæ deligen-
dum. 815
5. Quam ampla ciuitas esse debeat. ibidem.
6. De figura an scilicet quadrata, vel potius ro-
tunda. 817
7. De nomine vrbi imponendo. 818

*An Peregrini in ciuitates admittendi, &
an cines deductis colonijs alio
ablegandi.*

C A P V T VI.

- Num. 1.* An Peregrini in urbem admittendi, aut
aliqua occasione siue pacis siue belli tempo-
re eiiciendi. 821
2. De Asylis, an licita sint. 828
3. An utilis coloniarum deductio. 829

*Beneuolentiam populi, subditorumque,
Principem sibi conciliare
debere.*

C A P V T VII.

- Num. 1.* Beneuolentiam populorum parari mo-
deratione imperij & lenitate agendi cum
subditis. pag. 832
2. Annonæ vilitate Principes apud populum inire
beneuolentiam. 839
3. Spectaculis beneuolentiam Principi conciliari.
842

Quale

INDEX CAPITVM

Quale sit Tyrannidis ingenium, & de vitanda Tyrannide.

CAPVT VIII. -

- Num.* 1. Tyranni nomen non semper in vitio poni
in scripturis. pag. 844
2. Prima Tyranni nota, crudelitas. 845
3. Tyrannos timidos esse, & suspicionibus obno-
xios. 848
4. Tyrannos auaros esse & rapaces. 849
5. Tyrannos esse legum violatores & contem-
ptores. 852
6. Tyrannos, doctos homines veramque doctri-
nam odisse. 853
8. Deum Tyrannidis scelus grauib. pœnis vin-
dicare. 856
9. Cur Deus in Rebus publicis Tyrannos permit-
tat. 857

De seditionibus, ciuiumq; discordijs, quibus Respublica euertuntur.

CAPVT IX.

- Num.* 1. Ingentibus malis subiacere Respublicas
propter discordias turbasque ciuiles. p. 859
2. Quibus potissimum occasionibus, temporibus-
que discordiæ gliscant in Republica. 861
3. In discordiis, bellisque ciuilibus quantum fieri
poterit, sanguini parcendum. 863
4. De tollendis discordiis ciuilibus documentum.
ibidem.

Bellis

ET PARAGRAPHORVM.

*Bellis Respublicas interdum euerti, & liceátne
bellum gerere, quicq; finis in suscipiendis
bellis spectandus sit.*

C A P V T X.

- Num.* 1. Licitum esse aliquando bellum gerere
probatnr. pag. 865
2. An vtile sit Principi neutrum contra alterum
iuuare, cum bellum inter finitimos exarserit.
867
3. Quæ conditiones requirantur, vt bellum, quod
suscipitur, iure suscipiatur. 869
4. De fœcialibus mittendis, & rebus iniuste abla-
tis, aut occupatis, antequam ad arma venia-
tur, repetendis. 872
5. An pax perpetua ineunda sit, an verò ad tem-
pus tantum. 874

De belli Duce, eiusq; notis.

C A P V T XI.

- Num.* 1. Ducem belli optimum quærendum, cum
belli necessitas incubuerit. pag. 875
2. An debeat Princeps in castris versari & belli
Ducem agere. 877
3. An vnus tantum belli Dux, an verò plures esse
debeant. 879
4. In belli Duce rei militaris peritiam, quæ expe-
rientia colligitur, requiri. 880
5. Corporis etiam fortitudo vt militares labores
ferre possit. 882
6. Prudentia militari Ducem præditum esse de-
bere. 884
7. Pluri

INDEX CAPITVM

7. Plurimum in belli Duce existimationem quæ de ipsius virtute habetur, ad res bene gerendas, momenti habere. 886

*De militum delectu, disciplina, exercitatione,
& armis.*

CAPVT XII.

- Num. 1.* Locus quidam Isaiaë explicatur, quo egregij militis descriptio continetur. pag. 888
2. Huiusmodi milites ad defendendam Rempubicam deligendos esse. 890
3. De militum deligendorum ætate. 893
4. An Christiana religio milites ignauos faciat, aut minus fortes. 896
5. De disciplina militari monita quædam. 900
6. De militari exercitatione. 903
7. De militum armis. 903
8. De recensendis militibus. 907

*De equestribus copijs, stratagematis,
exploratoribus.*

CAPVT XIII.

- Num. 1.* De equitatu. pag. 908
2. De stratagematis. 912
3. De exploratoribus. 914
4. Aliqua de transfugis. 918

De

ET PARAGRAPHORVM.

De castris & arcibus.

CAPVT XIV.

Num. 1. De castrorum descriptione, vexillis, &c.
pag. 920

2. De arcibus construendis, earumque situ. 924

3. Alia quædam de arcium situ. 925

4. De arcium propugnatoribus. 926

5. De custodiendis ciuitatum & arcium portis.
929

Monita quadam ad pugnam spectantia.

CAPVT XV.

Num. 1. In aggrediendis hostibus loci temporis-
que opportunitatem captandam. pag. 930

2. An nocturno tempore aggredi hostem expe-
diat. 931

3. Cum hostibus confligendum cum aliqua occa-
sione aut animis sunt consternati, aut fracti
viribus. 932

4. An expectandi sint hostes intra regnum, an ve-
rò in eorum fines irrumpendum. 933

5. De tubis tympanisque militaribus ad animos
in prælia acuendos. 935

6. De fuga, hostibusque persequendis. 936

7. De obsidione. 938

8. De annona in urbem, quæ obsidionem timer,
importanda. 939

9. De arcanis litteris, quas cifras vocant, vltro ci-
tròque mittendis. 941

De

INDEX CAP. ET PARAGR.

*De victoria, & illius usu, victorumq; præmijs,
triumphis, & trophais.*

CAPVT XVI.

- Num.* 1. Pro victoria Deo gratias agendas esse.
pag. 942
2. Victoriæ citra crudelitatem persequendam
esse. 944
3. De spoliis detrahendis, & colligenda præda.
945
4. De præmijs tribuendis qui victoriæ fuerint au-
thores. 950
5. Nobilium parentum & bene de Republica me-
ritorum liberis fauendum. 953
6. De triumphis & trophæis. 954



HIERO



HIEROPOLITICON,

S I V E

INSTITUTIONIS

POLITICÆ EX SACRIS

Scripturis depromptæ

LIBER PRIMVS.

*In sacris Scripturis civilem doctrinam
contineri.*

CAPVT PRIMVM.

RÆCIPVVM sacrorum voluminum argumentum Christus Dominus est, vt tradit Apostolus cum ait, *finis legis Christus ad iustitiam omni credenti*, & ipse Christus testatus est, verbo quidem, cum Iudæos ad scripturas, quarum scientiam profitebantur, ablegauit; *Scrutamini*, inquit, *scripturas, quia vos putatis in ipsis vitam æternam habere, & ipse sunt quæ testimonium perhibent de me.* Facto autē, cum duobus discipulis in Emaus pergentibus, *Incipiens à Moysē, & omnibus prophetis interpretatus est illis in omnibus scripturis, quæ de ipso erant.* Hoc verò argumentū à scriptoribus sacris nō paucis, & ieiunē tractatur, sed luculenter,

Christus esse scripturarum argumentum præcipuū, multa tamen in ijs tractari, ex quibus politices institutum opus colligi possit.

Rom. 10.

4.
Io. 5. 30.

Luc. 24.
27.

2 *Institutio politica ex sacris Scripturis.*

lenter, & copiosè. Nam ab ipsa mundi origine ita descenditur ad Christum, vt dum eius genealogia describitur, ac proinde regum, ac principum eorum incidit mentio, à quibus Dominus secundum carnem traxit originem, simul per amœna diuerticula lector circumducatur, rerum quæ in Hebræorum potissimum Republica temporibus illis acciderunt, prophetarumque recenseantur oracula, sapientum virorum proueria, & effata, ex quibus non tantum vera de Christo dogmata solidè fundari, sed etiam vitam priuatim bene instituendi, & Respublicas temperandi saluberrima præcepta peti possint. Quod mihi videtur D. Paulus docuisse, cum ait, *Omnis scriptura diuinitus inspirata utilis est ad docendum, ad arguendum, ad corrigendum, ad erudiendum in iustitia, vt perfectus sit homo Dei, ad omne opus bonum instructus.* Cum enim voluerit Dominus horum voluminum scrutatores, vt hoc loco D. Paulus indicat, ea omnia habere in promptu, quibus hominis perfectio continetur, sanè oportuit Reipublicæ bene gerendæ præcepta non prætermitti, ne ea vitæ humanæ pars minus esset excultra, quæ præclarior est, & præstantior, finemque spectat excellentiorem, quàm ea facultas, quæ priuatam tantummodo vitam instituit. Fauent autem illa Pauli verba cum ait, *Ad erudiendum in iustitia*, quæ iustitiæ vox licet accipi frequenter soleat in scripturis pro omnium complexione virtutum; nihil tamen obstat quo minus hîc ad eam peculiarem virtutem referatur, quæ vnicuique suum reddit, & in continendis Rebus publicis, benèq; gubernandis, maximum momentum obtinet. Quare quod de vno codice à se conscripto testatur Salomon, eum scilicet

1. Tim. 3.
16.

licet dirigi *Ad sciendam sapientiam, & disciplinam*, Prou.1.1.
ad intelligenda verba prudentia, & suscipiendam eru-
ditionem doctrina, iustitiam, & iudicium, & equita-
tem, ut detur paruulis astutia, adolescenti scientia, &
intellectus; totum cum aliis noui veterisque instru-
 menti libris commune esse videtur, ex quibus
 præclarissimis monitis imbui posse eos, qui ad
 publicas accedunt functiones, tractandamque
 Rempublicam certum puto. Quod ut sentirem
 aliquot me rationes, quas ordine subnectam, per-
 mouerunt.

2 Prima desumitur ex auctore præcipuo sacra-
 rum Scripturarum, qui est Deus ipse, qui per Pro-
 phetas suos, horumque codicum scriptores, qui
 instar *calami velociter scribentis* habuerunt, has quasi
 paræneticas, & instructorias epistolas ad nos trās-
 misit, in quibus ut diuinam decet bonitatem, ac
 sapientiam, nihil non verum, non sanctum, non
 aptum reperiri potest. *Eloquia enim Domini eloquia*
casta, argentum igne examinatum, probatum terra,
purgatum septuplum, nullis scilicet mendaciorum
 aut errorum inquinamentis resperfa, secus quàm
 hominum esse soleant, de quibus ibidem pronun-
 tiat Dauid, *Diminutæ sunt veritates à filiis hominum,*
vana locuti sunt vnusquisque ad proximum suum, labia
dolosa in corde & corde locuti sunt. Nam vel ipsius
 Balaam testimonio: *Non est Deus quasi homo ut mē-*
tiatur, est enim Deus verax, ait Apostolus, *omnis au-*
tem homo mendax. Nec verò vitatur diuina ista
 veritas quod humano ore proferatur: *Non enim*
vos estis qui loquimini, ait Christus Apostolis, *sed*
spiritus Patris vestri qui loquitur in vobis, & qui vos
audit me audit; consentitque Zacharias, qui Deo
 plenus testatur in cantico suo Dominum locutum

*Probatur
 excellentia
 politia sa-
 cra ex au-
 ctore præci-
 pua scrip-
 turarum
 qui est
 Deus, & ex
 ipsis scri-
 ptoribus,
 qui sapien-
 tes, & in
 Republica
 versati
 fuerunt.*

*Psal. 44. 2.
 Psal. 11. 7.
 Ibid. n. 2.
 Num. 23.
 19.*

*Rom. 3. 4.
 Matth. 10.
 20.
 Luc. 10. 16.*

Luc. 1. 70.

4 *Institutio politica ex sacris Scripturis.*

esse per os Sanctorum , qui à saculo sunt, Prophetarum eius. Itaque Prophetæ illud crebrò vsurpare consueuerant, Hac dicit Dominus, & illud, Verbum Domini, verbum Domini. Sunt enim sacri Scriptores

Ezec. I. 12. animalia illa Ezechielis , quæ *vbi erat impetus spiritus, illuc gradiebantur, nec reuertebantur cum ambularent.* Ita enim à spiritu porrò agebantur, vt non retrocederent per dolum , aut mendacium ; Non

2. Pet. I. 21. enim , inquit D. Petrus , *voluntate humana allata est aliquando prophetia, sed Spiritu sancto inspirati, locuti sunt sancti Dei homines.* Quare S. Gregorius in præfatione suæ moralis expositionis in Iob , docet ipsum Iob sua gesta ita scripsisse , vt quasi de

Iob I. I. alio quopiam narret, vt cum dicit, *Vir erat in terra Huius, nomine Iob* , cuius rei hanc affert rationem. Scriptores, inquit, sacri eloquij, qui repleti Spiritu sancto super se trahuntur , quasi extra semetipsos fiunt, & sic Dei sententias, quasi de aliis proferunt , &c. Sed quamuis nullo diuino Spiritu afflati fuissent sacrorum bibliorum auctores, tanta tamen plerique eorum prudentiæ ciuilis laude floruerunt, tamque diligenter, & assidue in Reipublicæ tractatione versati sunt , vt meritò eorum authoritas ethnicorum scriptorum , qui politica præcepta collegerunt , aut profanas scripserunt historias, præferenda sit. Et ne de singulis dicendo longum faciam, pauca quædam attigisse contentus ero ex libro Ecclesiastici, in quo cum multorum egregiorum virorum , qui de Republica Israëlitarum bene meruerunt, continentur encomia ; tum scriptorum etiam aliquot biblicorum laudes recensentur , ex quibus etiam ea præmittam, quæ de eorum probitate dicuntur, eaque tantum breuiter perstringam , in quibus à ciuili hac

hac facultate de qua nunc agimus commendantur. Ac primò quidem laudantur vniuersim, deinde eæ laudes attinguntur, quæ cuiusque propriæ sunt. *Laudemus*, inquit, *viros gloriosos, & parentes* Eccli. 44. *nostròs in generatione sua, dominantes in potestatibus suis*, vel vt in Græco est, *in regnis*. Recensentur enim reges aliqui, vt Dauid, & Salomon; aliqui etiam, qui licet reges non fuerint, ad regnorum tamen sederunt gubernacula, iudices, & principes populi, vt Moses, & Iosue. Pergit, *magni virtute & prudentia sua pradii, & imperantes in presenti populo*: Græcus textus habet, *Rectores populi in consilijs, & in intellectu literatura populi*: ea nimirum scientes, quæ doctrina populi regendi requirit, ad eos scilicet in officio continendos, prudentérque gubernandos. *Homines diuites in virtute, pacificantes in domibus suis*. Græcè est *εὐπαισθητοὶ*, *Pacifici viuentes*, quod magnum prudentiæ ciuilis indicium est, cum non sit procliuè contraria subditorum studia ita temperare, aut finitimorum libidinibus resistere, vt nihil domi turbetur, aut foris. Nec verò cum dicitur illos pacificè vixisse in domibus suis, de ea pace sermo est, quæ cum domesticis agitur, & vernaculis, sed vt indicat Græcus contextus, de ea quæ cum externis, & allophylis, quibus cum frequens concertatio est, magnæque iurgiorum seges. Nam *τὸ ἐν domibus suis*, Græcè est *ἐν παροικίαις αὐτῶν*, id est, *cum accolis, & finitimis*. Descendit mox Ecclesiasticus ad eas commendationes quæ vniuscuiusque sânt propriæ, auspicatus à Moyse, cuius opus est Pentateuchus, eumque appellat *dilectum Deo, & hominibus*, cuius Eccli. 45. *memoria in benedictione sit, quem Dominus similem* 1. *fecerit sanctis in gloria, & magnificauerit in timore inimicorum,*

6 *Institutio politica ex sacris Scripturis.*

micorum, qui nimirum virtutis illius, & sapientiæ existimatione, & miraculorum diuinitus patratorum eximia opinione concepta, illum formidabant. Hunc autem glorificauit Dominus in conspectu regum, non tantum quia in verbis suis monstræ placauit, quæ ad frangendam Pharaonis contumaciam, Dominus serui sui ministerio ediderat, sed etiam quia, vt paulò post subditur, Dominus dedit illi coram præcepta, illum familiariter alloquendo, ita vt ex eo congressu admirabilem à Domino infusam scientiam consequeretur, & legem vitæ, & disciplina, non vt sibi tantum bonus esset, sed vt alios etiam, quippe dux & princeps, gubernaret imperiis, & doctrina cælitus hausta, subditur enim, *Docere Iacob testamentum suum, & iudicia sua Israel.* Moyse planè geminum Iosue filium Naue, cuius est liber nominis eiusdem, facit Ecclesiasticus, siue bellicam spectes fortitudinem, siue prudentiam, sapiensque consilium in tractanda Republica, nimirum ad quem illius spiritus, hæreditario quodammodo iure transierat.

Eccli. 46.
1.

Itaque illum appellat *fortem in bello, successorē Moyse in prophetis*, vel vt est in Græco textu, *In prophetijs*, qui prudentia sua, & auctoritate sciuerit prohibere gentem à peccatis, & persfringere murmur malitiæ, cum scilicet populus exploratorum sermone deterritus, in seditionem concitatus, reditum in Ægyptum meditatus est. Porro de Samuel à quo liber Iudicum, & Ruth, & magna etiam ex parte libri Regum conscripti sunt, ita loquitur Ecce-

Eccl. 46.
16.

sisticus. Dilectus à Domino Deo suo Samuel propheta Domini, renouauit imperium & vnxit principes in

Ibid. n. 22.

gente sua. Et paulò post. *Et ante tempus finis vitæ suæ, & sæculi, testimonium præbuit in conspectu Domini,*

mini, & Christi, pecunias, & usque ad calceamenta ab omni carne non accepit, & non accusavit illum homo. Ex quibus verbis apparet Samuelem præstantissimum fuisse populi iudicem, siue integritatem morum incorruptam spectes, siue dexteritatem in iudiciis absque ullius offensione exercendis; cum nemo repertus sit in tanta hominum multitudine, qui Samueli iniquitatis ullius crimen tot annis ausus esset impingere. Præclarum sanè à populo testimonium quale vix ullus reportet princeps, etiam vitæ integritate conspicuus. Quam enim difficile est placere omnibus, præsertim cum iudicio disceptandæ sunt lites, controuersiaque dirimendæ, in quibus facilius quisque ius suum quàm alterius agnoscit, potiùsque esse sibi, persuadere solet! Nec sanè minor laus illa est, quæ ab Ecclesiastico Samueli tribuitur, cum ait: *Renouauit imperium & unxit principes in gente sua.* Ipse enim populo importunis precibus mutationem imperij flagitante, aliam politiæ formam ita induxit vt nullus, quod in huiusmodi mutationibus fieri amat, existeret tumultus, aut turbulenta seditio; sed inunctum regem regni gubernaculis admoueret, populùsque summa animorum consensione cum reciperet, eique debitum obedientiæ præstaret obsequium. Post Samuelem laudatur ab Ecclesiastico Nathan propheta, quem alii opinantur Dauidis res gestas in Regum historia persecutum esse, illùmque à prophetia tantum commendat quemadmodum Dauidem à bellica fortitudine, cum tamen ex libris Regum conet, vtrumque prudentissimum fuisse, Nathán-
ie in regia crebrò versatum, & ad interiora con-
ia regni admissum, floruisse excellētis opinione
A 4 pruden

8 *Institutio politica ex sacris Scripturis.*

- prudentiæ. Sequitur Salomon, cuius monumenta sunt Prouerbia, Ecclesiastes, Sapientia, Canticum canticorum. Huius tale est elogium apud
- Ecclef. 47. Ecclesiasticum. *Post ipsum successit filius sensatus, & propter illum deiecit omnem potentiam inimicorum.*
- Ibid. n. 16. & paulò post. *Et impletus es quasi flumen sapientia, & terram retexit anima tua, & replesti in comparationibus anigmata: ad insulas longè diuulgatum est nomen tuum, & dilectus es in pace tua. In cantilenis, & prouerbijs, & comparationibus, & interpretationibus mirata sunt terra, & in nomine Domini Dei, cui est cognomen Deus Israel.* Sed Salomonis sapientia illustrior est apud omnes, ac celebrior, quàm vt commendationem cuiusquam oratione, vel scriptis nancisci possit. Pergit porrò Ecclesiasticus in laudandis viris illustribus gentis suæ, ex quibus sunt (vt eos præteream, qui nullum suæ sapientiæ monumentum posteritati reliquerunt) Ezechiel, Nchemias, duodecimumque prophetæ.
- Ecclef. 49. De his ita scribit. *Et duodecim prophetarum ossa pullulent de loco suo, nam corroborauerunt Iacob, suis quippe admonitionibus & increpationibus iniquorum regum vitio labantem Rempubl. fulserunt.* De Nchemia verò cuius studio, prudentia, & fortitudine recreata est Iudæorum Respublica multis diuturnisque malis prius afflictata, ita loquitur. *Et Nchemias in memoria multi temporis, qui erexit nobis muros euersos, stare fecit portas, & seras, qui erexit domos nostras.* Sed de te ipso Iesu fili Sirach, qui tam præclarum Ecclesiastici codicem tuæ testem sapientiæ nobis reliquisti, quid sentis, aut prædicas?
2. Cor. 12. *Si enim gloriari volueris, non eris insipiens. Doctrinam, inquit, sapientiæ, & disciplina, scripsit in codice isto Iesus filius Sirach Hierosolymita, qui*

renouauit sapientiam de corde suo, vel vt in Græco est, ἀνέκλεισε σοφίαν, Diffudit instar pluuiæ sapientiam: qui dicendi modus non semel occurrit in sacris Scripturis, vt cum dicitur in libro Iob, Super illos stillabat eloquium meum, expectabant me sicut pluuiam, & os suum aperiebant quasi ad imbrem serotinum, & in cantico Moïsis, concresecat vt pluuiæ doctrina mea, fluat vt ros eloquium meum, quasi imber super herbam, & quasi stilla super graminæ. Significari autem videtur imbrium metaphorâ copia quædam vbertasque doctrinæ, quam meritò in suis scriptis agnoscit Ecclesiasticus. Et forte etiam per pluuiam quæ minutulis guttis, sed crebris campos infundit, terræ gremium grato liquore paulatim molliens, & fœcundans, doctrinæ sapientum virorum conditio explicatur: quemadmodum enim minutæ guttæ angusti oris vas ingrediuntur, quod alioqui largius infusum humorem non admitteret: ita prudentis doctoris præcepta, & aphorismata paucis verbis comprehensa, ita ad captum auditorum accommodantur, vt non modò acutiores, sed tardiores etiam, & hebetiores, quæ dicuntur assequantur. Sed hoc obiter.

3 Secunda ratio, qua adducor vt credam in sacris bibliis excellentem latere doctrinam ciuilem, desumitur ex materia. In historicis quippe narrationibus crebris, & admirabilibus, quæ toto isto sacro volumine continentur, sanè multa colligi posse contendo ciuilis vitæ documenta; iam in libris à Salomone conscriptis, aut à Iesu Sirach, cuiusmodi sunt Prouerbia, Ecclesiastes, Sapientia, Ecclesiasticus, nullus, vt arbitror, sufficiabitur multa præcipi ad publicorum mune-

Idem probatur ex materia sacra Scriptura, historiciis nimirum & libris quos illa complectitur.

10 *Institutio politica ex sacris Scripturis.*

rum administratos politicis monitis imbuendos. Ponat ergo sibi vnusquisque ob oculos quandam quasi synopsim scripturarum, easque breuiter percurrat, planèque intelliget in tam multis, tamque variis rerum tot sæculis gestarum narrationibus, ciuilibus doctrinæ præcepta nec pauca, nec obscura deprehendi posse. Spectet itaque post nascentis mundi exordia, corruptosque hominum mores, & cataclysmum ^a, dura Nembro-
^a Genes. 6. tis imperia ^b, qui suis finibus non contentus, studio regni amplificandi, quà iure quà iniuria sui
^{1.}
^b Genes. limites proferebat imperij. Molitionem turris
^{10.8.} ^c ausu temerario in altum sublata, vnde nata sermonum linguarumque varietas, hominesque ad
^c Genes. varias mundi plagas delati, noua regna fundata,
^{11.2.} ciuitates extructæ: Iosephi dein ærumnas, & carcerem ^d, & mox diuino fauente numine, sælicitatem, & imperium. Postea filiorum Israel profectionem in Ægyptum ^e, totique regno salutarem rei frumentariæ constitutionem: Hebræorum in Ægypto calamitates ^f: Moïsi cum Pharaone altercationes ^g: terræ plagas: exitum populi de Ægypto ^h, totque myriadum in desertis locis, per tot annorum decadas difficilcm cerebro-
^d Genes. 30. & seq. bro-
^e Genes. 46.6. sæ gentis sub Moysse gubernationem: populi censum ⁱ: tum exploratores in Chananitidem à Moysse dimissos ^l: Gabaonitarum fraudulentam deceptionem ^m: cum tribu Benjamin reliquarum tribuum ciuile bellum ⁿ, atrox sanè, & plurimorum cæde funestum: tot denique iudicum, post extinctum Moysen successiones: populi post peccata in religionem, ac Dominum, clades, ac seruitutes, à quibus cum primum pænitudine crimen deleuerant, armis, aut astu ducum fortissimorum

morum libertati restituti, ad pristinum statum
 emergebant. Strategemata Gedeonis ^o, & Sam- ^o Iud. 7. 1.
 psonis ^p, eorundemque bellicam virtutem, & ^p Iud. 15.
 gloriam: mutationem deinde imperij, nouam-
 que politiæ datam formam, iudicum antiquata,
 regum noua inducta potestate ^q: Dauidis res in ^q 1. Reg.
 bello fortiter, & callidè gestas ^r: astuta consilia ¹⁰ 21.
 Achitophelis ^s: filiorum Dauidis in parentem ^r 2. Reg.
 excitatas turbas, & creata pericula ^t: Pacificum ^{17. & seq.}
 Salomonis regnum ^u, templi structura illustre ^s 2. Reg.
 diuitiis ex vltimo oriente aduectis abundans ^y, ^{15. 12.}
 reginæ Sabæ aduentu nobilitatum ^z: florentissi- ^t 2. Reg.
 mum postea imperium in duas partes discissum, ^{15. 1.}
 atque distractum, dum prudentiam senum, ferui- ^u 3. Reg. 1.
 dum iunioris regis ingenium habet despectui ^x 3. Reg. 6.
 tot deinde regum, partim Iudæ, partim Israelis ^y 3. Reg. 3.
 res domi, ac militiæ gestas: somniorum Nabu- ^{13.}
 chodonosor ^β & monarchiarum Assyriorū, Per- ^z 3. Reg.
 sarum, Græcorum, Romanorumque interpreta- ^{10. 1.}
 tionem ^γ: Bethuliæ obsidionem ^δ, obtruncatum ^u 3. Reg.
 Holophernem, mulieremque infirmam tanti du- ^{12. 4.}
 cis. cruore delibutam ^ε: Hierosolymorum sub ^β Dan. 2. 1.
 Zorobabele instaurationem ^ζ: Mardochei in As- ^γ Dan. 2.
 sueri aula aduersus Amani furentē insolentiam, ^{38.}
 constantiam ^η, & promeritum in regem, cuius ^δ Iudith
 iugulum Eunuchorum mucro petebat ^θ: res deinde ^{7. 5.}
 à Machabæis gestas fortiter, ac prope modum ^ε Iudith
 ūpra fidem, contra potentissimorum principum ^{13. 10.}
 luces, & copias ^ι. Ex quibus omnibus aliisque ^ζ 1. Esdr.
 compluribus, quæ toto volumine recensentur, ^{3. 8.}
 anta præceptorum, exemplorumque copia, me ^η Esther.
 iudem iudice, colligi potest, vt nulla sit politi- ^{3. 2.}
 æ facultatis pars, ad quam irrigandam scriptu- ^θ Esther.
 rum sacrarum fontes, si quis recludere nouerit, ^{6. 2.}
 commo

12. *Institutio politica ex sacris Scripturis.*

commodè deriuari non possint.

Idem probatur ex forma scribendi horum scriptorum.

4 Tertia ratio ducitur ex forma, modoque scribendi, quem sacri Scriptores secuti sunt: nam nullis animi perturbationibus obsequentes, nihil amicitiae dantes, aut odio, omnia verè, & vt gesta sunt, fideliter suis libris complexi sunt, quod sanè plurimum momenti habet in historia, vt ciuili doctrinae vsui esse possit. Cum enim in ea quid fugiendum, quid amplectendum sit, quid ex hoc, illòue consilio boni consequi possit, aut mali timendum sit, quasi in speculo quodam humanarum actionum proponatur; si ipsum nutet labetque fundamentum, necesse est omnia etiam illa corruant, quæ illo nitebantur: vna enim aut altera circumstantia addita, detracta, immutata, totius facti speciem corrumpit, aliamque inducit faciem, iuxta quam longè diuersum esse debet ciuilis prudentiae iudicium. At verò profani scriptores, quia (vt dicitur in prouerbiis,) *multi colunt personam prudentis, & amici sunt dona tribuentis*, muneribus corrupti à principibus viris plus iusto gloriae cupiditate flagrantibus, nihil non ausi sunt, vt de illis verè dici possit, quod de scribis ætatis suæ questus est Ieremias: *Verè mendacium operatus est stylus mendax scribarum*, vel vt ex Hebræo vertit Pagninus; *Verè etiam mendacium fecit stylus. Frustra scribe.* Hoc sensu frustra est scribarum officium in Repub. quandoquidè qui scripturas incorruptas in tabulariis, veterumque monumentorum memoriam fideliter conseruare debuissent, adèd quod sui fuisset muneris non præstant, vt eis etiam adpersis mendaciis vitium afferre non dubitent. Et sanè de huiusmodi hominum genere verè dicitur in psalmo. *Confitebi-*

Prouerb.
19.6.

Ierem. 8.
8.

Psal 48.
19.

thr

tur tibi cum benefeceris ei, Symmachus eodem sensu legit *ἐν αἰτίῳ σου σε*, laudabunt te. Hoc enim est adulationis ingenium, quæ facili negotio irrepit in historiam, vt veritatem exterminet, aut certè non nisi mendaciorum regmine obuolutam publicum aspicere patiatur. Volunt enim principes viri, & ornari sua vehementius, quàm historici sentiant, & vitia dissimulari, ac præteriri, rebusque gestis, qualescumque tandem sint, plusquàm concedat veritas, indulgeri, vno verbo historiæ leges penitus negligi. Tandem vt demus principes sollicitos non esse quomodo scribatur historia, quotusquisque est, qui ab amore vel odio vacuus sit? quibus perturbationibus scriptorum styli acuuntur & incitantur ad infensorum famam lacerandam, vt meritò qui talem nactus fuerit inimicum, Dauidicum illud vsurpare possit; *Locuti sunt aduersum me lingua dolosa, & sermonibus odij circumdederunt me.* Quare si dixero historicorum aliquos priuatis affectibus seruientes mentitos esse, nec mihi succensere, nec expostulare iure possint. Vnius enim Scripturæ sacræ propria est laus illa quam suo tribuit Euangelio S. Ioannes cum ait, *Hic est discipulus ille, qui testimonium perhibet de his, & scimus quia verum est testimonium eius: qui quamuis esset discipulus ille, quem diligebat Iesus*, vanitatis tamen, aut mendacij, quasi in amici gratiam aliquid non veræ laudis affinxerit, nulla ratione reprehendi potest.

Quarta ratio, quâ paucis supra attigi, ex fine sacræ Scripturæ petenda est, vocatur enim hæc à patribus nonnumquam *Instrumentum*: huius autem vocis duplex ex notio, & vtræque in scripturis optimè quadrat, & ad rem nostram facit. Nam instru

Psal. 108.

3.

Io. 21. 24.

Io. 21. 20.

Idem probatur ex fine sacra Scriptura.

14 *Institutio politica ex sacris Scripturis*

instrumentum apud latinos id significat quod *σκεῦος*, aut *ὄργανον* apud Græcos, qua significatione calamus graphiarius instrumentum scriptoris est, trulla cæmentarij. Hac verò significatione scriptura dici potest instrumentum, quia licet Deus nullis opus habeat instrumentis ad salutem nostram procurandam, quæ tamen illius est in providendo suauitas, ut se se captui nostro accommodet, libros hosce sacros adhibere voluit, quibus tanquam instrumentis nos dirigeret in eum finem, quem nobis ipse constituit. Altera significatio est, ut vox ista, *Instrumentum*, pressius accipiat, & iis rebus accommodetur, quibus aliqua ratione instruimur : ex quo fit, ut quia Scripturæ sacræ nos instruunt, normam tradendo de Deo, & Christo domino rectè sentiendi, rationemque præscribendo piè sanctèque viuendi, instrumenti nomen meritò fortiantur. Quare D. Paulus discipulum suum Timotheum ad sacrarum litterarum studium sedulò capeßendum cohortatur, *Quæ te, inquit, possunt instruere ad salutem per fidem, quæ est in Christo Iesu, ac rursus, ut perfectus sit homo Dei, ad omne opus bonum instructus.* Quod verò præcipit Paulus Timotheo, hoc David habebat in votis cum orabat Dominum, *Viam iustificationum instrue me, & exercebor in mirabilibus tuis.* Notandum autem est in Græco D. Pauli contextu cum dicitur; *quæ te possunt instruere*, haberi σοφίαι, *sapientem reddere*, quod nimirum nullum sit sapientiæ genus, quod à diuina scriptura lumen non accipiat. *Habemus*, ait D. Petrus *firmiorem propheticum sermonem, cui bene facitis, attendentes, quasi lucerna lucenti in caliginoso loco, donec dies illucescat* : dum enim caligine huius mortalitatis inuolui

2. Tim. 3.

15.

ibid. n. 16.

Psal. 118.

27.

2. Petr. 1.

19.

uoluimur, *Ægyptiorum* more palpamus in tenebris; nec quò gressum debeamus intendere satis intelligimus, si lucernæ huius, vt illam *Dauid* appellat, splendore destituamur. *Lucerna*, inquit, *Psal. 118.*
pedibus meis verbum tuum, & lumen semitis meis. & *104.*
alibi. Præceptum domini lucidum illuminans oculos; à *Psal. 118. 9.*
qua parentis metaphora filius *Salomon* non discedit, cum ait, *Quia mandatum lucerna est, & lex* *Prouerb.*
lux, & via vita increpatio disciplina. Cui ergo hæc *6. 23.*
lampas fulserit, perfectus erit homo Dei. Græcè *ἀπὸ τοῦ*, ita numeris omnibus absolutus, vt nihil eorum desit, quibus opus habere possit. Is enim à Græcis *ἀπὸ τοῦ* dicitur, qui omnibus suis partibus ita constat, vt nihil desideretur aut redundet. Cum ergo homini inter alios versanti; nec se à ciuium cætibus subducenti multa incidant tempora, ac negotia ambiguitatibus implicata, & perplexa, si perfectus futurus est in ciuilibus suis functionibus, normam habeat necesse est ac regulam in sacrarum litterarum cusam officinis, qua dicta sua metiatur, & facta, ne à rationis rectitudine ad vitij deflectat prauitatem. Hinc Dominus *Iosue* populi ducem futurum instituens (quamuis seruum suum dignaretur alloquio, & per se ipsum pleraque doceret) libros *Mosis* vt semper præ oculis haberet imperauit, vt ad eorum præscriptum, quasi materiata cuiusdam regulæ usu, suas omnes ciuiles actiones diligenter exigeret. *Non recedat*, inquit, *volumen legis huius* *Iosue 1. 8.*
ab ore tuo, sed meditaberis in eo diebus, ac noctibus, vt custodias, & facias omnia quæ scripta sunt in eo; tunc diriges viam tuam, & intelliges eam. Nec aliam instituit viam sanctus *Dauid* belli artibus clarissimus, & pacis, cuius illa sunt verba, *Nam & testi-*
monia *Psal. 118.*
24.

16 *Institutio politica ex sacris Scripturis.*

monia tua meditatio mea est, & consilium meum iustificationes tuae. Immo non veretur honestissima quadam iactantia, & quæ in Domini laudem redundaret, de se ipso prædicare, *Super inimicos meos prudentem me fecisti mandato tuo; & super omnes docentes me intellexi, quia testimonia tua meditatio mea est, super senes intellexi, quia mandata tua quasi sui.*

Cur tam pauci in scripturis quarant politica præcepta. 6 Sed quid causæ esse dicemus cur tam multi imitentur filios Agar, qui exquirunt prudentiam qua de terra est, fabulatores, & exquisitores prudentiæ, & intelligentiæ, vias autem sapientiæ non intelligunt? An quia deprauatis, corruptisque sunt moribus, qui autem admittendi sunt ad ista oraculorum adyta integri sint vita, probatisque moribus necesse est, dicente Salomone, *In maluolam animam non introibit sapientia, nec habitabit in corpore subdito peccatis;* & Ecclesiastico, *Fili concupiscens sapientiam conserua iustitiam, & Deus præbebit illam tibi,* quare Christus Dominus amicis suis Apostolis multa retexit arcana, & recôdita euoluit mysteria, quæ sapientes in oculis suis, & multum in lectione scripturarum volutatos Phariseos, Scribasque latebant. *Vos autem,* inquit, *dixi amicos quia omnia quacumque audiui à Patre meo, nota feci vobis?* An quia à Domino eximium hoc sapientiæ donum, ea qua par est animi demissione postulare dedignantur, naturalibus ingenij, & iudicij sui viribus fidentes, cum tamen dicat D. Iacobus, *Si quis vestrum indiget sapientia, postulet à Deo, qui dat omnibus affluenter, & non impropereat, & dabitur ei;* & Salomon, *Ubi est humilitas, ibi & sapientiæ?* An quia nonnulli politico- rum infælicis huius sæculi in fide nutant, religio- nemque

Psal. 118.

98.

Cur tam pauci in scripturis quarant politica præcepta.

Baruch 3.

23.

Sap. 1. 4.

Ecclef. 1.

33.

Io. 15. 15.

Iacob. 1. 5.

Prouerb.

11. 2.

némque ad suas dumtaxat spes, quibus velifican-
 tur, accommodant, cum tamen dicat Isaïas iuxta
 Septuaginta interpretationem: *Nisi credideritis, Isa. 7. 9.*
non intelligetis? An quia non solidam, verámque
 prudentiam, sed potius astutiam quandam sibi
 comparare nituntur, qua possint ambulantes sim-
 pliciter, dolis suis, & fraudibus innectere, & in 1. Thessal.
negotio circumvenire fratrem? Eos verò qui iustitiam 4 6.
 colunt, & religionem, ipsi ludibrio habent, *Con-* Psal. 13. 6.
silium inopis confundentes, hoc est irridentes, quo-
 niam Dominus spes eius est, vt quodam loco canit
 Psaltes: *Spiritus autem sanctus disciplina*, vt docet Sa- Sap. 1. 5.
 piens, *effugiet fictum, & auferet se a cogitationibus, qua-*
sunt sine intellectu.

7 Quæcumque autem causa sit, propter quam *Adhorta-*
 diuinam hanc lucem auersantur, & fontis huius *zio ad hanc*
 aquas haurire detrectant, illos sinamus, qui culpa *doctrinam*
 sua *Lumini rebelles* esse voluerunt, quibúsque nul- *ex scriptu-*
 la alia fulget lampas, quàm peccatum: nam *Lucer-* *ris peten-*
na impiorum peccatum. Nos cum S. Iob melius sen- *dam.*
 tiamus, qui pro comperto habuit huiusmodi ho- Iob 24. 13.
 mines vehementer errare, & lumen illud quod Prou. 21.
 ipsi tantopere adamarunt, ad certissimam perni- 4.
 ciam tandem ducere. *Nonne, inquit, lux impij ex-* Iob 18. 5.
tinguetur, neque splendet flamma ignis eius? Lux ob-
tenebrescet in tabernaculo illius, & lucerna, qua super
ipsum est, (consilium scilicet, & prudentia) exin- Apoc. 2.
guetur? Omittamus illorum puteos erroris, & iur- 24.
 gij, quos detestatur D. Ioannes; *Alitudines Scitha-* Isa. 8. 19.
na, siue vt est in Græco, *Profunditates*: turpe enim 20.
 est *quarere à pythonibus, & diuinis, qui strident in in-*
cantationibus suis, Numquid non populus à Deo suo re-
quiret? An non turpe est responsa dubitationum
 quæ incidunt expectare pro *uiuis à mortuis?* Ne,

18 *Institutio politica ex sacris Scripturis.*

- Ibidem. obsecro, tantum dedecus suscipiamus, *Ad legem magis, ad testimonium accedamus, & ad veræ genuinæque prudentiæ scaturigines iter intendamus,*
- Prou. 18. 4. cum re vera sit *Torrens redundans fons sapientia. Imitemur Sanctum Moysen, eiusque virga, quæ est crux Christi, aquas de filice eliciamus, ne quadraret in nos Prophetæ illa conquestio. Quid est Israël, quod in terra inimicorum es, inueterasti in terra aliena, coinquinaui es cum mortuis, deputatus es cum descendentibus in infernum? Dereliquisti fontem sapientia. Nam si in via Dei ambulasses, habitasses utique in pace sempiterna. Disce ubi sit prudentia, ubi sit virtus, ubi sit intellectus, ut scias simul ubi sit longiturnitas vita, & victus, ubi sit lumen oculorum & pax. Ad aures, & ad mentem parænetica Salomonis verba admittamus; qui in prouerbiis*
- Baruch 3. 10. *ita compellat vnumquemque nostrum. Si quesieris eam (sapientiam) quasi pecuniam, & quasi thesauros effoderis illam, tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia, & scientia, custodiet rectorum salutem, & proteget gradientes simpliciter, seruans semitas iustitia, & vias Sanctorum custodiens. Tunc intelliges iustitiam, & iudicium, & aequitatem, & omnem semitam bonam. Si intrauerit sapientia cor tuum, & scientia anime tue placuerit, consilium custodiet te, & prudentia seruabit te, ut eruaris à via mala, & ab homine qui peruersa loquitur: qui relinquunt iter rectum, & ambulanti per vias tenebrosas, qui latantur cum malè fecerint, & exultant in rebus pessimis, quorum via peruersa sunt, & infames gressus eorum. Hactenus Salomon, qui tamen tam acri adhortatione non contentus, post aliquot prouerbiorum suorum capita, illustri prolopopæia, Sipario reducto sapientiam ipsam*
- Prou. 2. 3.

ipsam producit in hæc verba loquentem. *Meum* Prouer. 8.
est consilium, & aequitas, mea est fortitudo, per me reges 14.
regnant, & legum conditores iusta decernunt, per me
principes imperant, & potentes decernunt iustitiam, me-
cum sunt diuitia, & gloria, opes superba, & iustitia.
Melior est enim fructus meus auro, & lapide pretioso, &
genimina mea argento electo. In vijs iustitia ambulo, in
medio semitarum iudicij, ut ditem diligentes me, & the-
sauros eorum repleam. Hæc Sapientia. Cum verò iam
 multa præcepta bene viuendi, & rectè Rempubl.
 administrandi Sapiēs tradidisset, *Ece, inquit, de* Prou. 22.
scripsi eam tibi tripliciter in cogitationibus & in scientia, 20.
 quæ verba sic verti possunt ex Hebræo, ut Rabi-
 nis quibusdam placet, quos Iansenius & Vatablus
 probant, *Ecce descripsi tibi verba Principalia, aut Du-*
calia, ea scilicet de quibus dixerat cap. 8. Audite, Prou. 8.6.
quoniam de rebus magnis locutura sum. tò De rebus
magnis Chaldæus vertit Principe digna, Symma-
chus ἡγεμονικά, Ducalia, seu Principalia. Quare
cum Ecclesiastico concludamus. Beatus qui in istis Ecclef. c.
versatur bonis, qui ponit illa in corde suo sapiens erit. 50. num.
Si enim hæc feceris, ad omnia valebis, quia lux Dei ve- ultimo.
stigium eius est. Græcè, ὅτι φῶς κυρίου τὸ ἵχϋος αὐτοῦ,
 quia vestigium, ingressus, actiones illius, qui ista
 frequenter meditabitur, diuina luce dirigentur.

De Imperij necessitate, & Anar- chia malis.

C A P V T II.

1 **N** Vlla hominum societas (ut communis est
 hominum sensus, ipsaque docet expe-
 rientia)

Nullam
 Rempubli-
 cam gu-
 bernatione
 destitutam
 saluam esse
 posse.

Prou. II.
14.

rientia) diu stare potest, rectoribus destituta. *Vbi non est gubernator*, inquit Sapiens, *populus corruet*, addunt Septuaginta, *velut folia*. Quod nos in vulgata editione habemus *Gubernator*, in Hebræo est מְהַלֵּךְ, quæ vox à radice מָלַךְ deducitur, quatenus significat nauim gubernare, quamuis deinde recepta linguæ sanctæ metaphora, transferatur ad quamcumque aliam gubernationem, in qua consilio, industria, experientia opus sit. Quare si vis Hebraicæ vocis expendatur, hic nobis sensus à Sapiente exhibetur. Quemadmodum nauim Gubernatore vacantem, medióque iactatam mari saluam esse impossibile est; nihilque proclivius quàm eam ad scopulum aliquem allisam naufragium facere, aut syrtibus adhærescere, aut aquarum vorticibus haustam funditus interire; ita Respublica sapienti moderatore carens, incolumis diu perseverare non potest. Porro Rempublicam naus instar se habere præclare tractata allegoria ostendit Ezechiel, cum ciuitatem Tyrum sic alloquitur. *O Tyre, tu dixisti: Perfecti decoris ego sum, & in corde maris sita. Finitimi tui, qui te adificauerunt, impleuerunt decorem tuum: abietibus de Sannir extruxerunt te cum omnibus tabulatis maris, cedrum de Libano tulerunt, ut facerent tibi malum: quercus de Basan dolauerunt in remos tuos, & transtra tua fecerunt sibi ex ebore Indico, & pratoriola de insulis Italia. Byssus varia de Ægypto texta est tibi in velum, ut poneretur in malo hyacinthus, & purpura de insulis Elisa facta sunt operimentum tuum. Habitatores Sidonis, & Arady remiges tui, sapientes tui, Tyre, facti sunt gubernatores tui. Sed ut ad locum illum Prouerbiorum reuertamur, Septuaginta, ut diximus addunt, *ut folia*. Quemadmodum enim fo-*

lia

lia ex arboribus faciliè defluunt , cum radice vi-
tiata truncus exarescit , aut cum hyeme ingruen-
te , aut ventis acrius flantibus externa vi decu-
tiuntur ; ita respublica , quam sapienti con-
silio prudens aliquis gubernator non admini-
strat , quasi quodam intestino morbo laborans
vergit ad interitum ; quòd si discordiarum etiam,
& seditionum , aut bellicus à finitimis tumultus
accefferit , reipublicæque statum concusserit , iam
verò nulla salutis spes superesse potest , sed omnia
furfum , deorsum eversa præsentissimam politiæ
illi perniciem afferant necesse est.

2 Huius autem rei dum causam inquirò , ea po-
tissimum occurrit , quod homo animal quoddam
sit sociale , non solum propensione quadam natu-
ræ , sed etiam conditionis suæ necessitate , adco ut
qui solus sit , mutuâque sociorum ope , qua in mul-
tis indiget destitutus , sibi satis esse non possit. vn-
de Sapiens , *Melius est* , inquit , *duos esse simul quàm*
unum ; habent enim emolumentum societatis suæ : si unus
ceciderit , ab altero fulcietur. Va soli , quia cum ceciderit ,
non habet subleuantem se. Et si dormierint duo , fove-
buntur mutuo ; unus quomodo calefiet ? & si quispiam
prævaluerit contra unum , duo resistunt ei. Funiculus
triplex difficilè rumpitur. Quamvis enim rationis
usum nacti sint homines , & generales quasdam
in mente notiones consignatas habeant , ex qui-
bus si accedat alterius institutio , faciliè quid in
quaque re faciendum fugiendûmve sit intelli-
gant ; tamen si nostrum unusquisque seorsim in
manu consilij sui relinquitur , nulliusque magi-
sterio erudiatur , & ad humanitatem informetur ,
præstanti hoc animante nihil rudius , hebetius ,
tardius reperiri possit. Est in ipsis pecudibus ra-

*Probatur
ex mutua
ope qua in-
digemus.*

Eccl. 4. 9.

22 *Institutio politica ex sacris Scripturis.*

tione carentibus, & ad pastum proiectis, vis quædam admirabilis illis à natura tributa, quò vitam tueri & propagare possint, qua sibi conuenientia inquirunt, & nocitura declinant, noxias herbas à salutaribus distinguunt, regiones etiam mutant, longos terrarum tractus emensæ, seminæque reponunt, quibus hyeme cum pabulatio fuerit interclusa, in suis caueis conditæ securæ vescantur. *Quatuor*, inquit Salomon, *sunt minima terra, & ipsa sunt sapientiora sapientibus. Formica populus infirmus, qui preparat in messe cibum sibi. Lepusculus plebs inualida, qui collocat in petra cubile suum. Regem locusta non habet, & egreditur vniuersa per turmas suas. Stellio manibus nititur, & moratur in adibus regis.* Et Ieremias. *Milvus in calo cognouit tempus suum; turtur, & hirundo, & ciconia custodierunt tempus aduentus sui.* Homines autem quamquam brutis animantibus, utpote rationis lumine illustrati, multis partibus præstent (verum enim est quod de homine prædicat Ecclesiasticus. *Consilium, & linguam, & oculos, & aures, & cor dedit illi excogitandi, & disciplina intellectus repleuit illos. Creauit illis scientiam Spiritus sensu impleuit cor illorum, & mala, & bona ostendit illis.*) Et posteaquam prima illa ruditas deterfa est, & doctrinæ cultura accessit, alia etiam solertissima animalia longo præcedunt interuallo, quare dictum est à S. Iob. *Qui docet nos super iumenta terra, & super volucres cali erudit nos.* Ut tamen possit lampas hæc in humanæ mentis arce splendescere, fuscitante, & purgante magistra manu vehementer indiget. Deteriore enim in hoc conditione sumus quàm belluæ, quæ, nullo præmonstrante, solo naturæ ductu ad ea feruntur, quæ illis necessaria sunt, quod nos assequi

Prou. 30.

24.

Ierem. 8.

7.

Ecclef. 17.

5.

Iob. 35.

11.

assequi sine doctore non possumus. Cum igitur humanum genus inmutua ope indigeat in multis, quoddam quasi corpus ex varijs membris ad diuersa ministeria destinatis, inter se coagmentatum, ac quasi conflatum ex multis ciuibus fiat necesse est, quod vno regatur capite, vt mutuis officijs, auxilioque, nō solum sibi priuatim vnusquisque consulat, sed etiam communitati vniuersæ commodare possit. Quemadmodum autem in humano corpore membris diuulsis, aut distractis, aut alio ordine quàm naturæ auctor Deus disposuerit collocatis, non incommoda tantum plurima creari, sed totam etiam præstantissimam animalis fabricam euerti necesse est: ita in republica si illius partes discordent, si nullius magistratus imperio contineatur, si publica munera, & honestas functiones ambiat vnusquisque, manus verò aut pedis officia refugiat, & recuset, quid aliud expectari potest; quam vt dissoluta ordinis compage tota communitas dissipetur, & pereat? Præclaram hanc humanorum membrorum similitudinem vrget S. Paulus ad Corinthios scribens, cum enim dixisset, *Diuisiones ministracionum sunt, idem verò Deus, qui operatur omnia in omnibus*, subdit post nonnulla. *Nam & corpus non est vnum membrum, sed multa. Si dixerit pes, quoniam non sum manus, non sum de corpore; & si dixerit auris, quoniam non sum oculus, non sum de corpore: non ideo non est de corpore? si totum corpus oculus, ubi auditus? si totum auditus, ubi odoratus? Nunc autem posuit Deus membra, vnumquodque eorum in corpore sicut voluit, quod si essent omnia vnum membrum, ubi corpus? Nunc autem multa quidem membra, vnum autem corpus. Non potest autem oculus di-*

1. Cor.
12.5.

24 Institutio politica ex sacris Scripturis.

cere manus : Opera tua non indigeo , aut iterum caput pedibus ; Non estis mihi necessarij. Sed multò magis quæ videntur membra corporis infirmiora esse , necessaria sunt , & quæ putamus ignobiliora membra esse corporis , his honorem abundantiorum circundamus ; & quæ inhonestæ sunt nostra , abundantiorum honestatem habent. Honestæ autem nostra nullius egent , sed Deus temperavit corpus , ei cui deerat abundantiorum tribuendo honorem , ut non sit schisma in corpore , sed id ipsum pro inuicem sollicita sint membra , & si quid patitur unum membrum , compatiuntur omnia membra , siue gloriatur unum membrum , congaudent omnia membra. Hanc verò humani corporis similitudinem video D. Paulo vehementer placuisse , nam & illam fusiùs explicauit , & alibi eandem vsurpauit , ut quum ad Romanos scribit. Sicut in uno corpore multa membra habemus , omnia autem membra non eundem actum habent : ita multi unum corpus sumus in Christo , singuli autem alter alicuius membra. Et ad Ephesios. Cum omni humilitate , & mansuetudine , cum patientia supportantes inuicem in charitate , solliciti seruare unitatem spiritus in vinculo pacis. Vnum corpus , & unus spiritus , sicut vocati estis in una spe vocationis vestra. Sic enim fiet , ut totius multitudinis in vnâ voluntatem cõspirantis cor unum sit & anima vna. Hocque perfectionis vinculo , quod in mutua charitate , mutuisque officiis consistit , constricti , ciues experimento discant , non solum quàm iucundum sit habitare fratres in vnum , sed etiam quàm bonum , ac salutare. Sanè bonum , ac salutare , nam ut monet Salomon : Frater qui adiunatur à fratre quasi ciuitas firma. Nam verè dicere possumus , tunc demum rempublicam hostium iniuriis opportunior em esse , propiùsque ab interitu abesse , cum

Rom. 12.

4.

Ephes. 4.

2.

Act. 4. 32.

Colos. 3.

14.

Psal. 132.

1.

Procc. 18.

19.

cum inter eius membra dissidium aliquod exoritur, & in diuersa studia præclari huius corporis membra distracta scinduntur. *Dinifum est cor eorum*, inquit propheta, *nunc interibunt*. Nec alius sancti Pauli sensus cum Galatās discordes castigans ait, *Quod si inuicem mordetis, & comeditis, videte ne ab inuicem consumamini*. Ideoque Romanorum respubl. tamdiu stetit, quamdiu verè de iis prædicari potuit, *Non est inuidia, neque Zelus inter eos*. Hæc autem omnia quæ enumerauimus incommoda per Anarchiam importantur in rempub. principe, & quasi quodam capite carentem, cuius beneficio totum corpus bene compactum sit, & connexum, vt alicubi loquitur D. Paulus. Sed alibi fortasse latior se aperiet campus de mutuis ciuium dissidiis atque discordiis disputandi.

Osce 10.2.

Galat. 5.

15.

1. Mach.

8.16.

Ephes. 4.

15.

3 Secunda ratio, qua idem confirmetur, ex Angelorum republica peti potest. Sunt enim Angeli ita in suos ordines, & hierarchias tributi, vt alij superiores sint, inferiores alij, assistant alij, alij ministrent, rursus alij doceant, perficiant, & illuminent, alij verò illuminentur, doceantur, perficiantur. Colliguntur ista ex sacris litteris, nam D. Paulus ad Ephesios scribens ait, *Constituit (Christum) ad dexteram suam in caelestibus, supra omnem Principatum, & Potestatem, & Virtutem, & Dominationem, & omne nomen*. Et ad Coloss. *Quoniam in ipso condita sunt vniuersa in cælis, & in terra, visibilia, & inuisibilia, siue Throni, siue Dominationes, siue Principatus, siue Potestates, omnia per ipsum, & in ipso creata sunt*. Quibus verbis D. Paulus docet Christum Dominum antecellere dignitate, non solum inferiorum ordinum Angelos, sed etiam

Idem probatur ex Angelorum politia.

Ephes. 1.

20.

Coloss. 1.

16.

26 *Institutio politica ex sacris Scripturis.*

superiorum, eosque omnes, cuiuscumque tandem sint ordinis, aut hierarchiæ, ab eodem creatos esse. Hoc ergo, de quo agimus, discrimen ordinum, & hierarchiarum, agnoscit & docet Apostolus. Rursus, Angelorum Assistentes aliqui solent appellari, aliqui Ministrantes, quæ distinctio ex Danielis colligitur prophetia. *Millia millium*, inquit, *ministrabant ei, & decies millies centena millia assistebant ei.* Quare meritò propter hunc ordinem, & superiorum inferiorumque discrimen, officiorumque quæ assistendi, quæ ministrandi, varietatem, Angelos appellat scriptura *Militiam cœli*, quod etiam nomen propter eandem ordinis rationem stellis tribuitur. De his sermo est in libris

4. Reg. 17.
16.

Deut. 17.
3.

Isa. 40. 26.
Iob. 25. 3.

Psal. 102.
20.

Zachar. 9.
8.

Matth. 8.
9.

Regum cum dicitur. *Et adorauerunt uniuersam militiam cœli*: & in Deuter. *Seruiant Diis alienis, & adorent eos, solem, & lunam, & omnem militiam cœli, quæ non præcepi.* Angeli verò militia cœli dicuntur etiam ab Isaia, cum ait, *Educit in eo numero militiam eorum.* & à Iob. *Numquid, inquit, est numerus militum eius?* Est autem hæc Angelorum militia sui ducis, & Archistrategi, Dei scilicet omnipotentis, qui Deus est exercituum, & à quo gubernantur, planè subiecta. Hinc legimus in Psalmis. *Omnes Angeli eius potentes virtute, facientes verbum illius, ad audiendam vocem sermonum eius,* & alibi, *Circundabo domum meam ex his qui militant mihi euntes, & reuertentes.* Optimè enim quadrat in cælestes hosce milites id quod de suis prædicabat Centurio ille Euangelicus. *Habeo sub me milites, & dico huic, vade, & vadit, & alij, veni, & venit.* Nec verò summo dumtaxat Principi Deo cælestes isti spiritus obtemperare didicerunt, sed aliis etiam Angelis superioribus subsunt, & obediunt.

diunt. *Et audiui*, inquit Daniel, *vocem viri inter* *Ulai* (est hoc nomen portæ) *& clamanit, & ait Ga-* Dan. 8. 16.
briel; fac intelligere istum visionem, & venit, & stetit
iuxta ubi ego stabam. Cùmque venisset, pauens corruì in
faciem meam, & ait ad me. Intellige fili hominis, quo-
niam in tempore finis complebitur visio Quis ille fue-
 rit qui imperavit, cuius vocem se audiuisse testa-
 tur Daniel, non exprimitur à propheta. Videtur
 vnus fuisse de sanctis, id est, Angelis: dicitur enim
 eodem capite. *Et audiui vnũ de sanctis loquentem, &* Ibid. n. 13.
dixit vnus sanctus alteri nescio cui. Putant tamen
 Hebræi teste D. Hieronymo, imperantem fuisse
 Michaellem, sed nullam suo more dicti sui affe-
 runt rationem, sed ne coniecturam quidem. Illud
 nobis satis est, colligi hinc commodè posse, dis-
 parem esse Angelorum auctoritatem, & poten-
 tiam; aliòsque aliis imperare: quæ graduum, po-
 testatis, imperiiq; diuersitas rempubl. Angelo-
 rum constituit, & conseruat.

4 Tertia ratio peti potest ex iis ipsis cœtibus, *Idem pro-*
 quos non honestatis alicuius studium, sed potius *batur quod*
 aliis nocendi cupiditas, & libido conciliauit, cu- *ne scelestor-*
 iusmodi esse videmus latronum manus, qui suis *um quidẽ*
 ducibus, & legibus, & assimilata quadam ad iu- *hominum*
 stas rerum publicarum formas imperandi, & pa- *cœni gu-*
 rendi ratione reguntur, si quando ad patranda *bernatore*
 facinora coierunt. Cum Iephthe paternis laribus *carere pos-*
 eiecto, *Congregati sunt viri inopes & latrocinantes,* Iud. 11. 2.
illumque quasi principem sequebantur. Rectè dicitur,
quasi principem, neque enim legitimus princeps is
 esse poterat, qui ad principatum non legis admi-
 niculo aspirauerat, sed prauorum hominum con-
 spiratione, & voluntate munus illud adeptus fue-
 rat. Similem principatum in dissimili causa (nisi
 etiam

28 *Institutio politica ex sacris Scripturis.*

etiam Iephthe cum doctis quibusdam recentioribus culpa eximere placeat) nactus est Dauid, cum Saulis inuidiam, impotentemque furorem cautè declinaret. Nam *Conuenerunt ad eum omnes, qui erant in angustia constituti, & oppressi are alieno, & amarò animò, & factus est eorum Princeps, fueruntque cum eo quasi quadringenti viri.* Prudenter ut in illa fortuna: quid enim illis factum fuisset si temerè, & sine duce palantes in campis, aut montibus vagati fuissent? id sanè contigisset, quod votis omnibus optabat Saul, ut nimirum in eos casses, quos tandiu, tam multis locis intenderat, aliquando impingeret.

Idem probatur, quod etià in seditionibus quæ aliqui turbulèntissimæ sunt, caput quaeratur.

*Act. 20.
29. & 32.
& 34.*

§ Quarta ratio ex ipsismet seditionibus desumi potest, quæ in ciuitatibus & rebus publicis existunt aliquando. Est sanè vulgus imperitum seditione aliqua concitatum, insanum, vecors, & à prudentibus consiliis planè remotum: quod si alibi certè in seditione illa Ephesi exorta, Demetrio Argentario cõtra D. Paulum populum concitante, planissimè apparuit, nam ut dicitur in Apostolorum actis; *Impleta est ciuitas confusione, & alij aliud clamabant, erat enim Ecclesia confusa, & plures nesciebant, quæ ex causa conuenissent, & vox facta una est omnium, quasi per horas duas clamantium, Magna Diana Ephesiorum.* Insigne proculdubio superstitionis, & popularis insanix, furorisque argumentum. Non tamen ille furor, quo quasi arbitro hi seditionum fluctus concitantur, adeò perturbati vulgi mentem obcæcat, quin intelligat duce aliquo, & rectore opus esse, cuius imperiis in rebus agendis dirigatur. Ardebant Israelitæ cupiditate Ægyptum repetendi, desertæ solitudinis squalorem, cum deliciis urbium, quas deser

deseruerant, componentes; ea cupiditas exarserat in seditionem, dicebant enim: *Vtinam mortui essemus in Aegypto, & non in hac vasta solitudine, Vtinam pereamus, & non inducat nos Dominus in terram istam, ne cadamus gladio, & uxores, ac liberi nostri ducantur captivi. Nonne melius est reneris in Aegyptum?* Cúmque hæc obtineret sententia, iamque de itinere Aegyptum versus capeffendo deliberarent, prima eos subit cura de Duce aliquo multitudinis constituendo (nam Moses consilium præceps, & diuinæ contrarium voluntati damnavat) cuius nutu populus vniuersus regeretur; *Dixeruntque alter ad alterum: Constituamus nobis Ducem, & reuertamur in Aegyptum.* Nec capite caruit, aut capitibus, seditio in Moysem à Core, Dathan, Abiron, & Hon suscitata, hi enim alios post se quam plurimos traxerunt, eorum in scelere Duces effecti. sic enim habemus in Numeris: *Ecce autem Core filius Isaar, filij Caath, filij Leui, & Dathan atque Abiron filij Eliab, Hon quoque filius Pheleth de filiis Ruben; surrexerunt contra Moysem, aliique filiorum Israel ducenti quinquaginta viri proceres Synagoga, & qui tempore consilij per nomina vocabantur.* Si ergo seditiosum vulgus cum ad arma, & ignes, quâ illum rapit impetus discurret, sui furoris duces legit; quis putet statum suum tenere posse republ. rectore aliquo, & moderatore destitutam?

Ibid. 4.

Num. 16.

1.

6 Quinta ratio. Adeò necessarius est Gubernator aliquis in Regno, aut in Republica, vt ne ipsum quidem perturbatissimum Satanae regnum stare possit, si in duas inter se contrarias factiones distractum fuerit, ac diuulsam, dicente Domino; *Omne regnum in se ipsum diuisum desolabitur, & do*

Idem probatur quod ne Satana quidem regnum sine capite esse possit.
Luc. II. 17

30 *Institutio politica ex sacris Scripturis.*

*Et domus supra domum cadet. Si autem & Satanas in seipsum diuisus est, quomodo stabit regnum eius? Illud scilicet regnum quod Dæmones in eos præfertim exercent, quos vario tentationum genere, quâ technis & altu, quâ suauium, & obiectantium rerum obiectu, decipiunt, & inescant, sui-que quodammodo iuris faciunt. Si ergo regnum hoc ita diuidatur in factiones, vt in vexando hominum genere, & ad vitia & corruptelas trahendo, inter ipsos Dæmonas non conueniat; iam regnum hoc alioqui constans, & antiquum, proximum erit ruinæ; non minùs quàm alia regna, quæ seditionibus, ac factionibus ciuium eueruntur, & pèreunt. Et quamuis fieri possit vt vnus Dæmonis imperio, qui naturæ suæ viribus aliò potentior sit, alius Dæmon inuitus & repugnans ex corpore aliquò exturbetur, & de illius possessione depellatur; si tamen ipsa Dæmonum vniuersitas, & multitudo, aut ipsæ, vt in Euangelio appellantur, legiones, quasi quodam ciuili bello exardescente, sibi mutuo aduersentur, & confligant; nimirum vetus illud satanæ regnum euersum cadat necesse est. Dicat hic aliquis non tantum prauos, sed etiam sanctos Angelos inter se dissidere, & alterum alteri resistere ac repugnare, ex quo nimirum confici videatur, spiritus istos discordantibus voluntatibus, inter se committi aliquando, ac quasi quodam ciuili bello Rempubl. illam cælestem laborare. Quid enim aliud sibi vult quod legimus apud Danielelem? *Noli metuere Daniel, quia ex die primò, quò posuisti cor tuum ad intelligendum, vt te affligeres in conspectu Dei tui, exaudita sunt verba tua. Et ego veni propter sermones tuos. Princeps autem regni Persarum restitit mihi vi-**

ginti

Dan. 10.
12.

ginti & unô diebus, & ecce Michael unus de principibus primus venit in adiutorium meum, & ego remansi ibi iuxta regem Persarum. Sed huic dubitationi facile occurremus, si dicamus sanctis Angelis non esse adeo cognitam atque perspectam diuinam voluntatem, vt semper intelligant quid fieri velit, ac propterea mirum non esse, si contrariis interdum studiis boni bonis resistent, ac contraria velint, ac repugnantia. Ita hîc accidit. Nam inter Principem Persarum & Gabrielem erat dissensio an Iudæi ex Perside liberandi essent. Negabat Princeps Persarum, Angelus scilicet Persidis tutelaris ac patronus, vel quod existimaret eum populum necdum admissorum peccatorum pœnas luisse, vel quod Persas Iudæorum consuetudine, qui scilicet veri Dei cultores erant, proficere cuperet. Contra Gabriel ostendebat Iudæos libertati restituendos esse, ne si diutius in Perside hærerent paulatim in Idôlolatrarum mores transcriberentur. Interim vterque pro gente sibi commissa causam agebat, in idem conspiraturi, cum primùm illis diuinæ voluntatis decretum innotuisset. Satis igitur ex dictis patet magnum esse malum Anarchiam, omniûque calamitatum atque ærumnarum, quæ Reipubl. accidere possunt, seminarium. Hinc Isaias continentibus malis vastatam ciuitatem, & ad hanc de qua loquimur Anarchiam, redactam deflet, illiûsque calamitatem mærens ita describit; *Et erit sicut populus sic* Isa. 24. 2. *sacerdos, & sicut seruus sic Dominus eius, sicut ancilla, sic domina eius.* & non multò post, *Attrita est ciuitas vanitatis.* Ibid. n. 10. Vel vt ex Hæbræo verti potest, *Ciuitas inordinationis.* Quod tunc propriè accidit, cum is est ciuitatis status, vt nullus sit in ea imperantium

32 *Institutio politica ex sacris Scripturis.*

Isa. 9. 14.

perantium, & parentiū ordo, sed confusa omnia, & perturbata: tunc enim nihil aliud expectari potest, quàm vt ciuitas ad eum statum deneniat, in quo nomen ciuitatis ægrè aut ne ægrè quidem retinere possit. Talem fore Ægypti statum alicubi per Isaiam minitatur Dominus cum ait. *Et non erit Ægypto opus, quod faciat caput, & caudam, incuruantem, & refranantem.* Facilius intelligitur, quid sibi velit propheta cum ait, *Caput, & caudam, quàm cum subiicit, Incuruantem, & refranantem.* Chaldaeus totam sententiam disertè refert ad Anarchiam, ita enim locum hunc expressit. *Et non erit Ægyptiis Rex qui regnet, nec Princeps, nec Satrapa, nec Praefectus, nec Dominator.* Alij antithesim in his membris agnoscunt, nam Symmachus & Septuaginta verterunt ἀρχὴ καὶ τέλος, *Principium & finem.* quod commodius referri potest ad consilia confusa, & inexpedita, propter stoliditatem, aut diuinitus immissam vertiginem, infatuante Deo deliberationes impiorum; quàm ad dignitatem, ordinemue personarum; vt sensus sit, In consultationibus Ægyptiorum omnia fore impedita, & intricata, vt nec caput illis constet nec cauda, nec ingressum valeant, aut exitum inuenire. Recentiores verterunt, *Ramum, & luncum,* & sensus esse potest, ita Rempubl. Ægyptiorum euertendam, vt propter capitem paucitatem non sit operæpretium in ea subditos, Principesque distinguere, frustra enim Principes sunt vbi subditi non sunt. Pariter enim *Ramus* tolletur, & *luncus*, fortis scilicet, & imbecillus; cordatus & vanus, summus & imus. Hancque eandem sententiam nostra exhibet versio. Incuruans enim is est, qui se iugo, & legum imperio submittit: Refranans verò is, qui

qui regens potestate populos, habenas, prout opus fuerit, aut adducit, aut laxat.

7 Verum si tam multa sunt Anarchiæ mala, *An olim apud Hebraeos fuerit aliquando Anarchia.* Gubernatorque aliquis ita est necessarius, ut hætenus dictum est: Quid est quod Moses quandam apud suos Anarchiam agnoscit, cum ait in Deuteronomio: *Non facietis ibi* (id est, in terra promissionis) *quæ nos hic facimus hodie, singuli quod sibi rectum videtur?* *Deut. 12. 8.* Quod sanè tâto duci vitio verti posset, si diuinæ custos legis, populique vniuersi gubernator, in consilij sui manu populares suos reliquisset, nec ad diuinarum sanctionum normam vitam instituere coegisset. Nec minor culpa illis videtur adhæsisse qui ad populi gubernacula sedebant eo tempore, de quo dicitur in Iudicum historia. *In diebus illis non erat Rex in Israel, sed unusquisque quod sibi rectum videbatur, hoc faciebat.* *Iud. 17. 6.* Respondeo existimandum non esse in solitudine, per quam Moses populum circumduxit (de eo enim Israeliticæ reipubl. statu Deuteronomij verba loquuntur) vixisse populum legibus planè solutum; sed tantum significari, loci in quo vitam agebant conditionem, illam attulisse necessitatem, ut sacrificiorum festorumque dierum sacras ceremonias à Domino peculiari lege constitutas, aliàsque huiusmodi obseruationes, rite, & ad vnguem seruare non possent, ea fortasse de causa, quod finitimi populi Israelitarum hostes infensissimi, ea suppeditare recusarent, quæ in peragendis sacris ut adhiberentur præscriptum erat in lege; boues, agnos, arietes, simulam, vinum. Quare cum ritum horum sacrificiorum constitueret Dominus, quo etiam tempore esset *Num. 15. 2. & 18.* vsurpandus, ita explicabat. *Cum ingressi fueritis ter-*

34 *Institutio politica ex sacris Scripturis.*

ram habitationis vestra quam ego dabo vobis. Quod & alibi iisdem ferè verbis repetitur. Sermo igitur tantum est de iis præceptis, quæ iuris naturalis non sunt, in quæ etiam dispensatio cadere potest. Nam quod attinet ad naturæ legem, & ea quæ pro loci conditione seruari poterant, ita legibus tenebantur, ut etiam qui illas fuissent transgressi, à Moysè, ipsa etiam morte, si id delicti gravitas postulasset, punirentur. Hoc satis patet in eorum cæde, qui idololatriæ labe se se maculauerant, vitulum conflantes, & dicentes, *Hi sunt Dii tui, qui te eduxerunt de terra Egypti*; nam Leuitarum ministerio, Moysis verò voluntate, & imperiò viginti tria hominum millia in sceleris vindictam cæsa sunt. Quod verò attinet ad locum ex libro Iudicum desumptum, difficultatis nodum soluemus, si dicamus, dictum esse non fuisse eo tempore Regem in Israel, ut adderetur ratio, cur Michæ impunè licuerit excitare ædiculam, statuere idolum, vestemque sacerdotalem parare. Cum enim hæc acciderint post Iudicis populi mortem, Interregni tempore, mirum videri non debet, si nullus repertus est sceleris vindex. Idem iudicium de Benjamitarum historiâ, vxoreque Leuitæ per vim compressa, accidit enim per idem tempus, cum scilicet post Iudicis mortem præessent quidem populo seniores, accisâ tamen seu potestate, seu auctoritate, ut potius dirigerent populum ad ea quæ factô opus erant, quàm imperio ac pœnis leges sancirent, aut quæ in eas peccarentur vindicarent. Quare mirum non fuit, si incommoda illa quæ hisce narrantur historiis subsecuta sunt. Ex quò adeo colligi non potest Anarchiâ esse aliqua ratione tolerabilem,

aut

Exod. 31.

4.

aut probabilem, ut potius conficiatur illam esse penitus à Republ. exterminandam, ne scilicet subditi impunitate proposita nihil non audeant.

Potestatem Rerumpublicarum gubernatricem à Deo esse, illique obtemperandum.

C A P V T III.

I **A**Ntequam ad Reipublicæ formas descendamus, hoc nobis quasi fundamentum statuendum est, Potestatem rerumpubl. moderatricem ad homines Deo ipso auctore manasse, qui cum hominum conuentibus aspectabilis non interfit, Principes, & magistratus substituit, qui eius quodammodo locum tueantur, legibusque & imperiis ita ciuitates temperent, ut quos multorum officiorum necessitas, morumque, & studiorum similitudo coniunxit, eos nec sceleratorum hominum insolentia, & procacitas, nec rerum ad vitam bene, feliciterque transigendam necessariarum penuria distrahat, ac dissociet. Hoc ut verum est, ita facili negotio ex sacris Scripturis probari potest, siue veterem illum legis naturæ statum, siue legis per Moysen traditæ, siue tandem Euangelij per Christum accepti placeat replicare memoriam. Cum enim homines naturali lumine ducti (ut de naturalis legis statu dicere incipiamus) ipsaque experientia magistra edocti satis intelligerent potestatem aliquam reipubl.

Potestas gubernatrix in statu natura, à Deo fuit.

36 *Institutio publica ex sacris Scripturis.*

præficiendam esse, qua publicum bonum procurante, cætus hominum contineretur in officio, & suum cuique ius tribueretur; aut Regium dominatum, aut popularem potentiam, aut aliam aliquam Reipubl. formam induxerunt. Id autem, quia ratio ipsa dictabat ut fieret, naturali illo lumine illustrata, quod in cuiusque mente Dominus accendit, de quo loquitur David cum ait,

Psal. 4. 7. *Signatum est super nos lumen vultus tui Domine*, non immerito institutionis huius auctorem facimus Deum, qui nimirum luminis illius auctor est. Tales fuere Principes Iob, Abraham, & Melchisedech, aliique quamplurimi, etiam apud barbaras gentes, & pravis de religione dogmatibus imbutas, nimirum quicumque non ipsi in principatum irruerunt, aut malis artibus ad illum obrepserunt, sed legitima populorum electione, aut successionem ad regnum peruenierunt. Itaque audiendi non sunt, qui primum in orbe imperium à tyrannis institutum putant, eiusque authorem Nembrotum faciunt, nam multò ante ipsum & ciuitates fuerunt, in quibus congregati homines politicè viuerent, & Principes quorum imperio regerentur. Nam Cain Adami primogenitus urbem condidit, eamque Enochiam de filij sui nomine nuncupauit, non latrocinandi studio, ut quidam dixerunt, cum probabile non sit eum qui pauore diuinitus immisso ab omnibus sibi timebat, alios prædis agendis, & latrociniiis exercendis violare voluisse: præsertim cum nulla adhuc esset illecebra, quæ ad facinus sollicitaret, nam pretiosa metalla nondum è terræ visceribus eruta erant, quæ tanto post effodit Tubalcaim, nec vestes pelliceæ illius temporis pretium haberent:

sed extruxisse credendus est urbem, vel ut se tutum præstaret ab hostium incurſibus, vel ut iis commodis frueretur, quorum ij participes sunt, qui cum aliis communiter in ciuitatibus viuunt.

2 Porro post scriptam legem clariùs etiã patuit Dei volùtate principes quosdã ad populi gubernationem, regiamque ipsam potestatem, & maiestatem vocatos esse. De Moyse nullus dubitare possit qui diu detrectatus imperium, & multa causatus, præsertim linguæ tardioris impedimentum, admotus tamen est, Deo ita volente, ad populi sui tractanda gubernacula. Idem iudicium de illius successoribus vsque ad Reges, quos post aliquot annorum centurias Samuel instituit, postulante populo, Deoque annuente, & ipsas sortes in Saulis electionem dirigente. Post lapsum verò Saulis, consimili diuini fauore numinis, feliciore euentu, Dauid electus est: postremus ille quidem ex filiis Isai, non ætate, non corporis proceritate commendabilis, quem tamen Samuel instinctus numine in Israelis regem inunxit, Dominusque *Spiritus Principalis* vnctione ad Regni munera tractanda, & Domini bella depugnanda confirmauit. Sic igitur ille venit ad regnum, & post illum longa serie Reges Iuda, successionis iure regnum idem tenuerunt, multis plerique eorum sceleribus inquinati, non inficior, regio tamen diademate, ac diuinitus datæ potestate verendi. Quamuis enim *dereliquerint filij Dauid legem Domini, & in iudiciis eius non ambulauerint, quamuis iniustias eius profanauerint, & mandata illius non custodierint, misericordiam suam non dispersit ab eis, neque profanare sustinuit pactum, ac testamētum, quod cum eorum parente Dauid*

Idem fuisse in lege scripta.

1. Reg. 10.
21.
1. Reg. 16.
12.

Psal. 50.
14.

Psal. 80.
31.

38 *Institutio politica ex sacris Scripturis.*

pepigerat, nec irrita facere quæ de labiis suis tanto ante processerant. Pluribus exemplis rem per se claram confirmare, aut illustrare superse-
deo. Illud addo, ipsâ loquendi consuetudine apud Hebræos, Principes, aut Iudices quasi Deo vicariam operam præstantes, eodem quo Deus ipse nomine appellari, nā cum Deus ipse אֱלֹהִים *Elohim* frequenter dicatur in sacris litteris, eadem Hebræorum lingua Iudices dignata est quod ἀντιδρῶν, & Dei ipsius viua simulacra sint. Itaque

Exod. 12.
28.

præcipitur in Exodo. *Dñs non detrahes, & Principi populi tui non maledices.* τὸ, Dñs, de Iudicibus accipitur, & est in Hebræo contextu vox, *Elohim*. Rursus in Psalmis dicitur. *Deus stetit in Synagoga*

Psal. 81. 1.

Deorum, in medio autem Deos diiudicat. Quamvis enim ubi nos legimus, Deus, sit in Hebraico textu vox אֱלֹהִים, ubi verò, *Deos*, vox אֱלֹהִים ita ut non Iudicibus, sed Deo vox *Elohim* tribuatur, ex Hebræo tamen nihil prohibet quin ita vertamus; *Deorum stetit in Synagoga, Deus.* Atque ita *Elohim* Iudicibus tribuetur. Huc etiam facit D. Hieronymi translatio, qui ita locum hunc Latinum fecit. *Deus stetit in Synagoga Dei, & sensus est idem cum sententia, quam Septuaginta virorum Græca translatio, & nostra quæ in Psalmis illi inhaeret, nobis exhibent: nihil enim aliud est Dei Synagoga, quàm Iudicum conuentus, qui potestate Deum referunt, illiúsque in iudicando locum obtinent: nām D. Iacobo teste, Unus est Legislatoꝝ, & Index, cæteri verò iudices sunt quatenus in eos potestas eadem deriuatur, illiúsque participes fiunt.*

Iacob. 4.
12.

Idem in lege Evangelica.

3 Sed postquam Christus Dominus qui est *Rex regum, & Dominus dominantium in terris visus,*

cum hominibus conuersatus est, Euangelium mundo inferens & nouam legem hominibus promulgās; Apoc. 19. 16. adeo Principum, & Regum imperia non abrogauit, vt potius illis parendum docuerit. Argumento est, quod cum Pharisei callidum consilium se inuenisse putarent, quò Christum Dominum eorum sectæ participem efficerent, qui censum à Romanis imperatum pendendum esse negabant, Dominus eorum captiunculas elusit sapientissimo responsò, quò vt Deo quæ Dei, ita Cæsari reddenda pronunciauit quæ Cæsaris essent. Math. 22. Quamuis postea per calumniam crimen negati census illi impingere, Cæsarisque potestatis inimicum facere, & hoc nomine in inuidiam vocare conati sint. Post Christum verò Apostoli eius doctrinæ alumni idem crebrò & luculenter docuerunt; *Subiecti estote*, inquit D. Petrus *omni humana creatura propter Deum, siue Regi quasi precel-* 1. Pet. 2. *lenti, siue Ducibus, tanquam ab eò missis ad vindictam* 13. *malefactorum, laudem verò bonorum, quia sic est voluntas Dei.* & paulo post, *Regem*, inquit, *honorificate.* num. 17. Huic planè geminam doctrinam D. Petri Collega Paulus tradidit, cum ait, *Omnis anima potestatibus* Rom. 13. *sublimioribus subdita sit. non est enim potestas, nisi à* 1. *Deo, qua autem sunt, à Deo ordinata sunt. Itaque qui resistis potestati, Dei ordinationi resistis, qui autem resistunt, ipsi sibi damnationem acquirunt. Nam Principes non sunt timori boni operis, sed mali. Vis autem non timere potestatem? bonum fac, & habebis laudem ex illâ. Dei enim minister est tibi in bonum. Si autem malum feceris, time: non enim sine causâ gladium portat. Dei enim minister est Vindex in iram ei qui malum agit. Ideo necessitate subditi estote, id est, quia ita necesse est, non solum propter iram, id est, non solum quia*

Tit. 3. 1.

1. Pet. 2.

18.

Matth. 2. 3.
2.

An Apostoli obediendum praeceperint principibus qui tyrannicè regnant.

Dan. 7. 3.

cōtumaces pœnis coërcere possunt, *sed etiā propter conscientiā*, ne scilicet aliquod incurratis peccatū, cōscientiæque vestræ labem aspergatis. Ad Titum verò scribēs, *Admone*, inquit, *illos Principibus & potestatibus subditos esse*, dicto obedire, ad omne opus bonū paratos esse. Nec verò tantū bonis, sanctisque ut pareatur, imperant, sed malis etiam & morosis, ut cum D. Petrus serups admonet in hæc verba: *Servi subditi estote in omni timore Domini, non tantū bonis & modestis, sed etiam discolis.* Quod quamvis de servorum subiectione dictum est, ad civilem tamē gubernationem, & obedientiam proportionem quadam nō incommode transferri potest. Hoc autem Apostoli Christo ipsō Doctore didicerant, qui à Phariseorum moribus & vitā auocandos oculos docuerat; tenendam verò doctrinam, & implenda præcepta; *Super Cathedram*, inquit, *Moyse sederunt Scribae, & Pharisei.* Omnia ergo quacunque dixerint vobis servate, & facite; secundum opera verò eorum nolite facere: dicunt enim, & non faciunt.

4 Sed quærat hic aliquis quamobrem Apostoli, quorum verba citauimus, principibus illis, qui tunc imperium obtinebant, Romanis scilicet, parendum dixerint: Satis enim constare videtur ex veterum historiarum monumentis eos per iniuriam in aliorum ditiones irrupisse, bellisque iniustis imperium ampliùs fecisse. Quam fortè ob causam Romanorum Imperium, ut etiam Assyriorum, Medorum, Græcorum Danieli ostensum est, typō immanium quarundam bestiarum, quæ cum magnis viribus instructæ sint, non tamen ratione reguntur, sed impetu cæcō rapiuntur. Respondendum censeo Apostolos de sublimioribus

minoribus potestatibus generatim dūtaxat disputasse: An verò hic aut ille principatus iure ac legitime fundatus esset, quærere noluisse. Neque enim tunc id agebant, nec ut agerent expediebat: cūque passim Imperia illa iuste parta censerentur, satis hoc illis fuisse, ut fideles admonerent, ut dicto audientes essent: quanquam iusta etiam bella à Romanis suscepta fuisse plerumque æquum est existimare, & si non omnes prouincias, certè multas aut plerasque iure belli in eorum venisse potestatem credendū est. Adde quòd licet aliquot fortasse regna tyrannicè occupauerint, ac proinde nullum in ea ius nancisci potuerint, tamen temporis decursu populi volentes & libentes eos admiserunt, & ut legitime gubernantes agnouerunt. Atque ita iustam dominandi potestatem nouo Reipub. consensu consequuti sunt.

5 Nec verò illorum error admittendus est, qui putauerunt principatus legitimi ius in infidelibus idolorum cultoribus, aut quacunque alià ratione peccatoribus esse non posse. Nam sacræ Scripturæ testimonia hunc errorem planè iugulant & conficiunt. Sanè veræ fidei expertes erāt, & verò etiam alijs peccatis obnoxij illi, quibus dicitur in libro Sapientiæ; *A Domino data est potestas vobis, & cum essetis ministri Regni illius, non re-
tè indicastis.* Ut etiam Cyrus de quo dicitur apud Isaiam, *Hac dicit Dominus Christo meo Cyro.* Nabuchodonosor verò multo fortasse deterior his omnibus, audit tamen à Daniele; *Tu es Rex Regum,* & *Deus cæli dedit regnum tibi.* Quod etiam confirmat Hieremias cum ait, *Ego dedi omnes terras istas in manu Nabuchodonosor Regis Babylonis.* Quod si

An infidelibus, aut peccatoribus Principibus parendum.

Sap. 6. 4.

Isa. 45. 1.

Dan. 2. 37.

42 *Institutio politica ex sacris Scripturis.*

asperitate morum atque sæuitiam Reges aliqui populos vexant, durisque exercent imperijs, diuinô id permisso fieri putandum est, cui populorum cura cordi est, quique Regna malis Principibus asserendo illud consequi conatur, ut ad mentis sobrietatem, à qua per luxuriam secundamque fortunam exciderant, malis erudita reuertantur, aut certè si nulla supersit sanitatis spes, pro peccatorum modo puniantur. Quare legimus apud Isaiam; *Assur virga furoris mei & baculus ipse est, in manu eorum indignatio mea, ad gentem fallacem mittam eum, & contra populum furoris mei, mandabo illi ut auferat spolia, & diripiat prædam, & ponam illum in conculcationem quasi lutum platearum, ipse autem non sic arbitrabitur, & cor eius non sic existimabit.* Loquitur S. Propheta de Salmanasar, & Sennacherib Assyriorum Regibus, quorum opera quasi flagello usus est Dominus, ad Israëlitas veri numinis desertores cædendos, & puniendos, quamuis superbissimi illi Reges potentiam, opes, reportatasque victorias non Deo acceptas referrent, sed quasi propria virtute partas, suo consilio, ac viribus ascriberent. In quo & ipsi, & qui eorum similes sunt, elati ac præfidentes egregiè falluntur: nam commune est cum Principibus omnibus quod de Cyro apud eundem Isaiam

dictum est. *Subyciam ante faciem eius gentes, & dorsa Regum vertam, & aperiam coram eo ianuas, & porta non claudentur. Ego ante te ibo, & gloriosos terra humiliabo, portas areas comeram, & vestes ferreos confringam, & dabo tibi thesauros absconditos, & arcana secretorum, ut scias quia ego Dominus.* Isaïæ ve-

Jerem. 17. rò conuenit Ieremias cum ait. *Ego dedi omnes terras istas in manu Nabuchodonozor Regis Babylonis*
6. *serui*

serui mei, & bestias agri dedi ei, vt seruiant illi, & seruiant ei omnes gentes, & filio eius & filio filij eius, donec veniat tempus terra eius, & ipsius, & seruiant ei terra multa, & Reges magni: gens autem, & regnum quod non seruerit Nabuchodonosor Regi Babylonis, & quicumque non curauerit collum suum sub iugo Regis Babylonis, in gladio, & in fame, & in peste visitabo super gentem illam, ait Dominus omnipotens. Vocat Dominus Nabuchodonosor seruū suum, non quòd deuotæ mentis obsequio se diuino numini subiectū agnosceret, eamque quam debuisset exhiberet seruitutem; sed quod illō Dominus, vt ministrō aut carnifice ad puniendos noxios vteretur. Quam etiam ob causam vt seruo, aut carnifici suam Dominus mercedē constituit. vt pulchrè Ezechiel quodam loco. *Fili hominis*, inquit, *Nabuchodonosor Rex Babylonis seruire fecit exercitum suum seruitute magna aduersus Tyrum, omne caput decaluatum, & omnis humerus depilatus est* (gestatione scilicet galearum, & gestatione ponderum, vt fit in bello) *& merces non est reddita ei, neque exercitui eius, de Tyro, pro seruitute, quā seruauit mihi aduersus eam. Propterea hac dicit Dominus Deus. Ecce ego dabo Nabuchodonosor Regem Babylonis in terra Egypti, & accipiet multitudinem eius, & depradabitur manubias eius, & diripiet spolia eius, & erit merces exercitui illius, & operi quo seruauit aduersus eam. Dedi ei terram Egypti pro eo quod laborauerit mihi, ait Dominus Deus.* Ex his autem quæ diximus hactenus, satis apparet arroganter, impiè, & suo more, mendaciter dixisse Dæmonem, *Tibi dabo potestatem hanc vniversam, & gloriam eorum, quia mihi tradita sunt, & cui volo, do ea.* Quamuis enim Dæmon appelletur à Christo

Ezech. 19.
18.

Luc. 4. 6.

44 *Institutio politica ex sacris Scripturis.*

- Ioan. 12. Christo Princeps huius mundi cum dicit. *Nunc*
31. *iudicium est mundi, nunc Princeps huius mundi eijcitur foras: non tamen censendum est arbitrum illum esse dispensatoremque regnorum, sed quandam quasi regni speciem exercere in eos qui cum peccato, & Dæmoni militent, ad regnum etiam peccati, quod Dæmonis est, pertinere dicuntur.*
- Ephes. 6. Quare D. Paulus cum dixisset quodam loco. *Non*
12. *est nobis colluctatio aduersus carnem, & sanguinem, sed aduersus Principes, & Potestates, aduersus mundi Rectores, consulto addidit statim, tenebrarum harum.* Ita notauit S. Augustinus. *Ne forte, inquit, cum dixisset, Mundi, intelligeres Demones esse Rectores celi, & terra; mundi dixit, tenebrarum harum; mundi dixit, amatorum mundi; mundi dixit, impiorum, & iniquorum; mundi dixit, de quo in Euangelio dicit. Et mundus eum non cognouit.*
- In Psalm. 6 Quando igitur, vt hactenus demonstratum
54. ad pri- est, per Deum Reges regnant, & legum conditores
mum ver- iusta decernunt, par est vnumquemque ita Prin-
sum. cipum iussis obedientiam accommodare, vt quodam loco Colossenses monet D. Paulus. *Quodcumque, inquit, facitis, ex animo operamini sicut Domino, & non hominibus, scientes quod à Domino accipietis retributionem hereditatis, Domino Christo seruite.* Et Ephesios, cum ait: *Obedite dominis carnalibus cum timore, & tremore, in simplicitate cordis vestri, sicut Christo, non ad oculum seruientes, quasi hominibus placentes, sed vt serui Christi facientes voluntatem Dei ex animo, cum bona voluntate seruientes, sicut Domino, & non hominibus.* Meminerimus tamen ita Principibus obtemperandum, vt nihil admittamus, aut faciamus, quod Diuinæ legi, quod rationi, quod propriæ conscientiæ, vno verbo, quod
- Deo,

Deo, qui summus Princeps est, & Rex Regum, eiúsque voluntati aduersetur, aut etiam minus consentaneum sit. Cum enim *Nemo possit duobus* Matth. 6. 24.
Dominis seruire, cum ea præcipiunt quæ simul consistere non possunt, aut pugnantia sunt inter se, superest vt, si sapimus, illius potio- rem habeamus rationem, qui maior est, & à quo iusta duntaxat, nobisque salutaria præcepta pro- manant. Concionabantur Ierosolymis Apostoli, initio nascentis Ecclesiæ, multosque ad Christi gregem nouæ legis promulgatione aggregabant. Tulit hoc ægrius Princeps totusque sacerdotum conuentus, quare cum adduxissent illos, statuerunt in Act. 5. 27.
concilio; & interrogauit eos Princeps sacerdotum dicens. Præcipiendo præcepimus vobis, ne doceretis in nomine isto, & ecce replestis Ierusalem doctrina vestra, & vultis inducere super nos sanguinem hominis istius. Quid hic Petrus, & Apostoli? Obedire, inquit, oportet Deo magis quam hominibus. Quale etiam responsum tulerat non multo pridem à Petro, & Ioanne, idem magistratus. Si iustum est, aiebant, in conspectu Dei vos potius audire quam Deum, iudicate. Non enim possumus quæ vidimus, & audiimus non loqui. Similis in pari vitæ discrimine loquendi libertas, atque constantia Mathathias sacerdotis: nam cum venissent Qui missi erant à Rege Antiocho, vt cogerent eos qui confugerant in ciuitatem Modin immolare, & accendere thura, & à Deo discedere: multi de populo Israël consentientes accesserunt ad eos, sed Mathathias & filij eius constanter steterunt. Et respondentes qui missi erant, ab Antiocho, dixerunt Mathathia. Princeps, & clarissimus, & magnus es in hac ciuitate, & ornatus filijs, & fratribus; ergo accede precor, & fac iussu Regis, sicut fecerunt omnes gentes, & viri

Iu. la,

1. Machab. 2. 15.

46 *Institutio politica ex sacris Scripturis.*

Iuda, & qui remanserunt in Ierusalem, & eris tu, & Filij tui inter amicos Regis, & amplificatus aurô, & argentiô, & muneribus multis. Et respondit Mathathias, & dixit magna voce: Et si omnes gentes Regi Antiocho obediunt, ut discedat unusquisque à servitute legis Patrum suorum, & consentiat mandatis eius: Ego & filij mei, & fratres mei, obediemus legi Patrum nostrorum. Propitius sit nobis Deus, non est nobis utile relinquere legem & iustitias Dei, non audiemus verba Regis Antiochi, nec sacrificabimus transgredientes legis nostræ mandata, ut eamus altera via. Digna sanè tanto sacerdote vox, atque constantia. Cui, libertate ac fortitudine planè geminus Eleazarus ille à quo nec tyranni minis aut ferro, nec amici precibus, aut blanditiis quod tetenderant, ut scilicet porcina carne vesceretur, obtinere potuerunt: indignum enim existimabat, si veterem gloriam novaginta annorum spatio collectam, recenti flagitio aboleret, exemplumque triste posteris relinqueret diuinæ legis, viuendi desiderio posthabita. Itaque non illum preces amicorum, non denunciatio mortis, non acerbissimorum cruciatuum incursus, non liberorum conspectus ac miseratio, non salutis, libertatis, vitæ cupiditas permouerunt, ut se ipsum respiceret, ac vivere velleret. Cum ergo tale aliquod tempus nobis inciderit, in quo Principis imperio, aut leges cum diuinis præceptis pugnare animaduverterimus, ne quid peccemus, caueamus, & si quid lapsi fuerimus, quæ nostra est ignoratia, & recti inconstantia, usurpemus illud Balaã, Domine Peccaui, nesciens quod tu stares contra me, & nunc si displicet tibi ut vadam, reuertar. Si negotium quod suscepi, si iter quod institui, tuo honori, aut voluntati, si religioni,

2. Ma-
chab. 6.

Num/23.
34.

gioni, aut virtuti aduersatur, planè reuertar, aliàque viam insistam, quæ sit iuxta legem, & iustificationes tuas. Et si nobis minæ, cruciatus, mors ipsa intentatur, putemus ab Ecclesia matre nostra auribus nostris verba illa insonare, quibus olim septem filios suos virili pectore mulier ad certamen accédens utebatur. *Peto, Nate, ut aspicias* 2. Mach. *ad cælum, & terram, & ad omnia quæ in eis sunt, &* 7.28. *intelligas quia ex nihilo fecit illa Deus, & hominum genus. Ita fiet ut non timeas carnificem istum, sed dignus fratribus tuis effectus particeps* (martyrum scilicet sanctorum, quorum multæ myriades pro Christo sanguinem, & vitam constanter profuderunt) *Suscipe mortem, ut in illa miseratione* (extremo scilicet illo die cum Christus Dominus eos pro suis agnosceret, qui se confessi fuerint) *cum fratribus tuis te recipiam.* Sic fiet ut magno nostro bono *Audiamus disciplinam Patris nostri, & matris* Math. 10. *nostræ legem non dimittamus, & addatur gratia capiti* 32. *nostro, & torques collo nostro.* Prou. 1.8.

*De reipublicæ formis, Democratia,
Aristocratia, Monarchia;
hancq; cæteris præstare.*

C A P V T IV.

I **M**perij formæ simplices tres tantum numerantur, Democratia, Aristocratia, atque Monarchia. Prima est populi dominatus, altera Optimum, tertia vnus. Est tamen, cum miscentur

Quot sint Imperij forma.

inter

48 *Institutio politica ex sacris Scripturis.*

inter se formæ istæ , & Monarchiæ adiungitur Aristocratia , aut Democratia , aut hæ duæ in vnam coalescunt, aut tandem ex his tribus vna dumtaxat Reipub. forma conflatur. Porro ex his formis nobilissimam & optimam esse Monarchiam nonnullæ suadent rationes , quas ordine subiiciam.

Monarchiã cateris præstare probatur, ex ipsa natura, cæli, elementis, &c.
Deut. 10. 14.
2. Cor. 12. 2.

2 Ac primò quidem libet ab ipsa natura argumentum petere. illius enim partes optimo, ac præstantissimo ordine descriptæ, quandam quali politiam videntur constituere , hæc autem Monarchia est. Cæli plures sunt, Moses enim ait, *Domini Dei tui cælum est, & cælum cæli.* Et D. Paulus *Raptus est usque ad tertium cælum.* Hi autem omnes cælorum orbis, primi mobilis, vt appellant, cursum ita sequuntur , vt quamuis ipsi suo pte nutu, & inclinatione ab occasu ferantur in ortum, assidua tamen conuersione eius cæli cui parent, aduerso motu ab oriente rapiantur ad occasum, admirabili prorsus cursus pernecitate, & ciuilibus obedientiæ singulari quodam exemplo. Quemadmodum enim par est eum qui subditus est, suas actiones ita temperare , vt primùm quæ ab lege , vel Principe publici boni causa imperantur , ad vnguem exequatur , deinde verò cum hæc effecta dederit , priuatas suas res curet : Ita cælestes isti orbis cursum à primo mobili impressum celertimè, hoc est viginti quatuor horis conficiunt, proprium autem temporis spatiò longiore decurrunt ; vt cum S. Iob subeat admirari , *Quis enarrabit cælorum rationē, & concentum cæli?* (id est, cursum illius ordinatissimum) *quis dormire faciet?* Porro sol , quem non temporum modo , terrarumque, sed syderum etiam ipsorum , cælique rectorem

Iob. 38.
37.

rem appellare possumus, nonne Monarchā agit, cum cætera sydera, se per diem lucente, quodammodo submouet, ac facessere iubet, noctu verò de suo illis lumine, vt apparere possint, impertitur? Hoc enim imperium à Domino nactus est, qui, vt sanctus vates canit, *Fecit luminaria magna, solem in potestatem diei, lunam & stellas in potestatem noctis*, & quia, *Alia claritas solis, alia claritas lune, & alia claritas stellarum*; sed claritas solis prima claritas est, & quasi quidem perennis fons luminis vniuersi, propterea omnia alia minutiora lumina, maximæ huic cæli faci famulantur, & obediunt; ipse verò suo pulcherrimò ornatu *Tanquam sponsus procedit de thalamo suo, exultat vt gigas ad currendam viam; à summò calò* (tanquam à Regiò domiciliò) *egressio eius, & occursum eius vsque ad summum eius*, Principis in morem omnes regni sui prouincias percurrrens, & legibus, imperiisque suis componens, *Nec est qui se abscondat à calore eius*. Quemadmodum enim Princeps bonos ciues, & de Republica bene meritos muneribus auget, & ornat laudibus; fontes verò, & publicæ quietis perturbatores, verbis castigat, & pœnarum metu continet in officiò, & si opus fuerit vltimò etiam suppliciò coercet, ita vt nullus sit, qui illius potentix vim declinare possit. Ita sol omnia collustrat, & perambulat, nec est qui se abscondat à calore eius, elementis mixtisque corporibus, & animalibus vniuersis, si bene sint disposita iucundo, & salutari; si verò ad illum excipiendum præparata non sint, noxiò, & ipsius etiam inuitus conciliatore. Quid de aquis dicam, quæ licet pluribus discretæ locis, stagna, fluuios, & paludes, aut ampliori conceptæ aluè,

Psal. 135.

7.

1. Cor. 15.

41.

Psal. 18.6.

Ibid n.7.

50 *Institutio politica ex sacris Scripturis.*

maria efficiant, ita tamen inter se communicant, ut de mōtibus & specubus, in quibus fontes suos hebent, agmine factō ad mare semper decurrant, cui tanquam principi tributū pendant vndarum, à quo rursus accipiant ut fluere possint. *Omnia enim flumina intrant in mare, & mare non redundat: ad locum unde exeunt flumina reuertuntur, ut iterum fluant.* Ut meritō S. Ioannes, siue is, qui illum alloquebatur Angelus, hanc aquarum politiā præuidens dixerit, *Aqua populi sunt, & gentes, & lingue.* Idem verò in cæteris elementis apparebit, quamuis non ita luculenter, mentis oculos adii-

Eccles. 1.

7.

Apoc. 17.

15.

Idem probatur ex Angelorū politia.

Ephes. 3.

14.

1. Paral. 2.

21.

1. Paral. 4.

4.

Ibid. num.

14.

Ibid. num.

12.

1. Reg. 5.

13.

3. Alterum argumentum ab Angelorum politia desumi potest. quamuis enim ex supra dictis cum probauimus eorum rempub. gubernatione aliqua contineri, colligi possit eandem Monarchiam esse; placet tamen eundem locum breuiter retractare, ut res fiat plenior, & illustrior. *Huius rei gratia* (inquit D. Paulus) *flecto genua mea ad Patrem Domini nostri Iesu Christi, ex quo omnis paternitas in cælis, & in terra nominatur.* Qui locus ut intelligatur, & ad probandum quod volumus accommodari possit, sciendum est Principes & dominos à subditis, & seruis suis, scripturarū phrasi, Patres appellari solitos. Sic *Machir* dicitur *Pater Galaad*, & *Phanuel* pater *Gedor*, & *Ezer* pater *Hofa*, & *Ioab* pater *vallis artificum*, & *Theinna* pater *urbis Naas*. Hac de causa serui *Naaman Syri*, cum Dominum suum alloquerentur, Patrem appellabant. Detractanti enim lauari aquis *Iordanis*, quod præceperat *Elifæus*, *Pater*, inquit, & *re grandem tibi dixisset propheta, certè facere debueras.* Ex hoc autem vocabulō Patris hac significatione vsu:

vsu:

vsurpatô , vox *Paternitas* apud latinum interpretem , & Græca πατρία apud D. Paulum deducta est ; idemque significat quod φυλή , familia , tribus , gens aliqua , quæ vel ab vno capite manauit , vel vni capiti obedit. Hinc etiam veteres illi præcipuarum familiarum Israëliticarū Principes , *Patriarchæ* dicti sunt , hoc est πατριῶν ἄρχοντες , vel πατριῶν ἄρχαί. Cum igitur dicit S. Paulus. *A quo omnis Paternitas*. Græcè πατρία , significat teste D. Hieronymo , Angelos in cælis suos habere , & agnoscere Principes , & vt scripturæ phrasi loquamur , *Patres* , qui classibus illis , atque ordinibus immortalium spirituum præsent , & imperent.

Quaritur verò , inquit D. Hieronym. *quam ob causam* , & in cælis ab eò omnis paternitas appelletur. *quomodo nos qui non sumus de genere Abraham ; Patriarchas quoque & Prophetas (si tamen nos ab eis peccata non separent) nostros Patres dicamus : ita puto Angelos , ceterasque virtutes habere principes sui generis in cælestibus , quos Patres gaudent appellare. Archangelus enim nisi Angelorum dici non potest , & Dominatio , & Principatus , & Potestas , nisi inferiores habeant subditos , non vocantur. Porro vnus ex huiusmodi Angelorum Principibus fuit perditus ille Angelus , de quo dicitur apud Iob. Ipse est principium*
viarum Dei , quasi dicat *Primogenitus* , vt quadraret in illum benedictio illa Ruben , *Prior in donis , maior in Imperio*. Prior sanè in donis , nam ipse est de quo dicitur. *Tu signaculum similitudinis , plenus sapientia , & perfectus decore , in delicijs paradisi Dei fuisti , omnis lapis pretiosus operimentum tuum . & cætera* , quæ ibi S. Propheta per pretiosorum lapidum allegoriam latè persequitur. Sed etiam *Maior in imperio* , quod ex eò confici videtur , quod

D. Hier. 1.
aduersus
Heluidiū
& in c. 3.
ad Ephes.

Iob. 40. .
14.
Genes. 49.
3.
Ezech. 28.
12.

52 *Institutio politica ex sacris Scripturis.*

ab Ezechiele dicitur *Cherub extensus, & protegens.*

Quemadmodum enim duo Cherubim alas suas expandebant, & arcam obumbrabant; ita tu nobilitate & præstantia tuæ naturæ ad Principatum factus, minorum Angelorum ordines sub tuæ protectionis umbra latentes imperio regere, sapientia illuminare potuisses, nisi quæ tua fuit superbia, *In draconem magnum, rufum*, Deo inimicum mutatus, septenôque diademate redimitus, decemque cornibus armatus, cum Deo pugnare maluisses, donec potentioribus armis oppressus comitem te malè fultæ ruinæ dare coactus es.

Nec verò tibi quies post tantam cladem sed libidine vindictæ succinctus, & humani generis odio inflammatus bellum redintegrare, & regnum debilitatum & fractum propugnare non desinis, factus Princeps eorum qui in Dominū amarō sunt

animō, quique licet incolant *Terram tenebrosam, & opertam mortis caligine, terram miseria, & tenebrarum, ubi umbra mortis, & nullus ordo, sed sempiternus horror inhabitat*; ordinē tamen in hoc tuentur, & Monarchiam, quo ad nocendum hominibus totum Diaboli regnum promptius esse possit, & expeditius. Quare S. David magis ab his hostibus sibi timens, à quibus fuerat aliquando fœdè prostratus, quàm ab iis qui mortem illi intentabant, quorum magnum numerum Deo bene iuvante deuicerat, ita precatur: *Domine Deus meus in te speravi, saluum me fac ex omnibus persequentibus me, & libera me. Ne quando rapiat ut leo animam meam, dum non est qui redimat, neque qui saluum faciat.* Numero prius loquitur multitudinis, sentiens multas cōtra se perditorum Angelorum phalangas stare, sed quia sub vno militant capite;

qui

qui *Tanquam leo rugiens circuit querens quem deuoret*, vt de vnô loquitur, *Nequando*, inquit, *rapiat vt leo*: sermonem verò esse de Diabolo, capere possumus ex eo valde probabilem cōiecturam, quod cum inscriptio in hæc verba concepta sit: *Psalmus David, quem cantauit Domino, pro verbis Chusi filij Iemini*, Aquila D. Hieronymo teste vertit, *pro verbis Æthiopis*, Diaboli autem facies super carbones denigrata est, peccati teterrima fuligine, quâ qui infecti sunt, meritò Æthiopes audiunt, vt filij Israël apud Amos. *Nunquid non vt filij Æthiopum vos estis mihi, filij Israël ait Dominus?* Quò etiã videri potest respexisse alius propheta cum populū castigans ait, *Si mutare potest Æthiops pellem suam*. Omnibus ergo peccatoribus Æthiopis nomen non malè conuenit, sed præ cæteris Dæmoni, qui etiã super cæteros peccati sordibus & atrore deturpatus est.

4 Cæterum quemadmodum cælestis illa Ierusalem, cuius supremus Rex & ipse Deus, *Rex Regum & Dominus dominantium*, suos habet ordines, vt diximus, Angelorum, suosque Principes, qui Monarchicò more dominantur: ita Ecclesiã suam Christus quæ etiam regnum cælorum frequenter appellatur in scripturis, in suos ordines digessit, vt tota administratio ab vnô dūtaxat capite penderet. Est enim cælestis illa Ierusalem typus quidam, & expressio Ecclesiæ, ad cuius exemplar hæc à Christo Domino fundata est, & in suas distincta Hierarchias, quæ tamen omnes vni summo Pastori, ac Hierarchiæ Christi in terris vicario, aspectabilique Ecclesiæ vniuersæ capiti subiiciuntur. Quare S. Ioan. in Apocalypsi. *Vidi*, inquit, *ciuitatem sanctam Ierusalem, nouam descendentem de*

1. Petr. 5.
8.Amos 9.
9.Ierem. 13.
23.Idem probatur ex
Ecclesia
gubernatione.Apoc. 19.
16.Apoc. 21.
2.

54 *Institutio politica ex sacris Scripturis.*

Lib. 3. de
confid.
paulò ante
finem.

cælo, à Deo paratam. quem locum explicans sanctus Bernardus, ita scribit. Ego enim propter similitudinem dictum reor, quod sicut illic Seraphim, & Cherubim, ac ceteri quique usque ad Angelos & Archangelos ordinantur sub vno capite Deo, ita hic quoque sub vno summo Pontifice Primates vel Patriarcha, Archiepiscopi, vel Episcopi, Presbyteri, vel Abbates, & reliqui in hunc modum. Quod si dicat Episcopus nolo esse sub Archiepiscopo, aut Abbas nolo obedire ego, hoc de cælo non est. Nisi tu fortè Angelorum quempiam audisti dicentem: Nolo sub Archangelis esse, aut ex alio quolibet inferioris ordinum aliquem non ferentem subesse cuiquam nisi Deo. Hactenus Bernardus. Porro Ecclesiam sub vno capite gubernari, figuræ scripturarum quæ de illa sunt, Christique Domini expressa verba declarant.

Cant. 6.3.

In canticis de Ecclesia dicitur. *Pulchra es amica mea, suavis, & decora sicut Ierusalem: terribilis ut castrorum acies ordinata.* De eadem Daniel ita vaticinatur. *In diebus autem regnorum illorum, suscitabit Deus cæli regnum, quod in æternum non dissipabitur.*

Dan. 2.
44.

Ioan. 10.
16.
1. Petri. 3.
10.

Apud Ioannem etiam Christus Dominus Ecclesiam suam ouile quoddam esse dicit, & D. Petrus similem naui, seu Arce illi Noëtice eandem facit Ecclesiam. Certum autem est nec exercitum sine Imperatore, nec regnum sine Principe, nec ouium gregem sine Pastore, nec tandem nauim aliquam sine Nauculario, qui illius cursum dirigat gubernari posse; ac proinde etiã Ecclesiæ vniuersæ vnū aliquem præfici debuisse, cui illius procuratio & regimen demandaretur. Christi autem testimonia quibus hoc idem confirmatur, aded sunt aperta, ut nullus, qui fidem nõ deseruerit, negare audeat. Vnum & alterum duntaxat proferam, ne longum faciam, in re præsertim eruditè, & solidè, ab aliis

aliis contra Ecclesiæ ac fidei perduelles disputa-
 ta. Primum est apud S. Mathæum, cum Christus
 Petrum alloquens post illustrem illam confessio-
 nem qua Petrus illum prædicauerat, & agnoue-
 rat Deum, ait. *Et ego dico tibi, quia tu es Petrus, &* Matth. 16.
super hanc petram adificabo Ecclesiam meam, & porta 18.
infernus non præualebunt aduersus eam, & tibi dabo claues
regni cælorum, & quodcunque ligaueris super terram,
erit ligatum & in cælis, & quodcunque solueris super
terram, erit solutum & in cælis. Est autem adeo il-
 lustre hoc Christi Domini testimonium, vt scri-
 pserit Gregorius. *Cunctis Euangelium scientibus li-* Lib 4. epi-
quet, quod voce Dominica sancto & omnium Aposto- stola 32.
lorum Principi Petro, totius Ecclesiæ cura commissæ est.
Ipsi quippe dicitur, Tu es Petrus, & super hanc petram
adificabo Ecclesiam meam. Alterum Christi testimo-
 nium est apud S. Ioannem, cum enim ex Petro
 Dominus trina percontatione quæsiuisset an se
 diligeret, ad extremum addidit. *Pasce oues meas.* Ioan. 21.
 Vox autem pascendi non modo apud scriptores 17.
 sacros, sed etiam apud profanos, adhibetur ad si-
 gnificandum in subditos Imperiû, ita enim Poë-
 ta Græcorum Regem appellauit ποιμένα λαών, Pa-
 storem populorum, & vox Hebraica, **רָעָה** & pas-
 cere significat & regere. Propterea in Psalmo le-
 gere possis, *Dominus regit me, vel Dominus pascit* Psal. 22. 1.
me, vel vt vertit D. Hieronymus: Dominus Pater
meus. Rursus quod est in Psalms, & Apocalypsi,
Et ipse reget eos in virga ferrea, Græcè est. *καὶ αὐτὸς* Psal. 2. 9.
ποιμανεῖ αὐτοὺς ἐν ῥάβδῳ σιδηρᾷ, hoc est, & ipse pascet Apoc. 19.
eos. Quare S. Leo, *De toto,* inquit, *mundo vnus Pe-* 15.
trus eligitur, qui & vniuersarum gentium vocationi, & Serm. de
omnibus Apostolis, cunctisq; Ecclesiæ Patribus præpo- assumpt.
natur: & quamuis in populo Dei multi sacerdotes sint, sua ad Pō-
tificatum.

56 *Institutio politica ex sacris Scripturis.*

multiq³ pastores, omnes tamen propriè regat Petrus, quos principatiter regit & Christus. Si ergo Christus Dominus Ecclesiæ suæ Monarchā præfecit, hancq^{ue} Imperij formam præ aliis probauit, consequitur, vt cæteris præstantior sit, & ad regendos populos, & respublicas accommodatior.

Idem probatur ex Hebræorū antiqua politia.

Genes. 14.
14.

Genes. 38.
24.

Exod. 32.
27.

Iud. 8. 16.

¶ Quartum sequitur argumentum ductum ex Hebræorum politia, quæ pariter Monarchia fuit. Principes porro fuerunt apud Hebræos Patriarchæ, vt Abraham, Iacob, Iudas. Nomen autem ipsum, & res gestæ positionem nostram statuunt. Nomen quidem, quia Patriarchæ πατριῶν ἀρχόντες fuerunt, vt dictum est. Res verò gestæ, & domi & militiæ idem suadent. Nam & bella gesserunt vt Abraham, qui *Numerauit expeditos vernaculos suos trecentos decem & octo, & persecutus est usque Dan, & diuisis socijs irruit super eos nocte, percussitq³ eos.* Et domi tanquam Phylarchæ & populi principes capitalia exercuerunt iudicia, vt Iudas, apud quem accusata nurus Thamar quod fornicata esset, vt eorumque gestaret, eam rogo addixit. *Producite, inquit, eam vt comburatur.* Post Patriarchas rempub. Hebræorum gubernauerunt Duces, & Iudices, vt Moses, Iosué, Samuel, Gedeon, & alij, qui etiam Monarchicum imperium tenuerunt in populum, nam Moses ad vindicandum publica potestate piaculum quod in vitulo adorando contraxerant, multa Hebræorum millia per Leuitas cecidit. Gedeon verò, vt legimus in libro Iudicum. *Tulit seniores ciuitatis, & spinas deserti, ac tribulos, & contriuit cum eis, atque comminuit viros Sochoth. Turrim quoque Phanuel subuertit, occisis habitatoribus ciuitatis.* Interim verò non videmus aut populi rogationem vllam expectatam, aut senatuscon-

tusconsultum, ut ista fierent, sed ad Ducum
 imperantium nutum (quod Monarchiæ argu-
 mentum est) facta fuisse in Scriptura narrantur.
 Quod verò attinet ad Reges, quia res est explo-
 ratissima, nec vllus inficiatur, ab eorum dunta-
 xat voluntate rempubl. aptam fuisse, ab afferen-
 dis exemplis supersedebimus. Nec verò regiam
 potestatem improbavit Dominus, quasi minus
 perfectam reipub. gubernandæ formam; imo cum
 populus Regem sibi à Samuele flagitaret, iussit
 Dominus Prophetam illorum postulatæ acquie-
 scere, quamquam sibi ab illis illatam iniuriam est
 conquestus, quod Regem optassent, quasi Domi-
 ni Dei, quem tantum ad eam diem Regem agno-
 uerant, satietas illos incessisset. Dixit enim ad
 Samuelem. *Audi vocem populi in omnibus qua lo-* 1. Reg. 8.
quuntur tibi, non enim te abiecerunt sed me, ne regnem 7.
super eos. Illum enim populum peculiari cura re-
 gendum sibi Dominus reservauerat, & cum re-
 gna terræ, quasi mensorio funiculo, Principibus
 distribueret, illum quasi hæreditatem suam esse
 voluit, quem ipse regeret, & peculiari cura tue-
 retur, coleret faceretque meliorem. *Quando di-* Deut. 32.
videbat Altissimus gentes (dicitur in Deuter.) *quando* 8.
separabat filios Adam, constituit terminos populorum,
iuxta numerum filiorum Israel. Pars autem Domini
populus eius, Iacob funiculus hæreditatis eius. Et pau- num. 12.
 lō post, Dominus solus Dux eius fuit, & non erat cum
 eo Deus alienus: *Constituit eum super excelsam terram,*
ut comederet fructus agrorum, ut sugeret mel de pe-
tra, oleumque de saxo durissimo. Et tamen populus
 hic tam multis auctus beneficiis, *Incrassatus est* num. 15.
dilectus, & recalcitranis, incrassatus, impinguatus, di-
latatus, dereliquit Deum factorem suum, & recessit à

58 *Institutio politica ex sacris Scripturis.*

Deo saluari suo; Dixitque ut est apud Oseam. *Non est Rex nobis, non enim timemus Dominum, & Rex quid faciet nobis?* Hæc igitur querimonia Domini, & expostulationis causa fuit. Quamquam aliter etiam peccatum est ab Israelitis, cum Regem sibi præfici petierunt. Non enim Regem simpliciter postularunt, sed *sicut uniuersa habent nationes*, Persæ nimirum, Ægyptij, Syri, Chaldæi, finitimique populi; apud quos Reges tyrannidi proximam potestatem obtinebant. Cum enim duplex sit Regiæ potestatis modus, finitus alter certisque legum, & conuentorum vinculis astrictus, alter verò nullis circumscriptus finibus, cum scilicet Reges quid libet possunt in leges, in subditos, eorumque fortunas, quod dominandi genus sanè barbaricum, eo tempore apud multas obtinebat nationes, & tot postea sæculis pauculis verbis expressit Dominus cum dixit Zebedæi filiis primatum affectantibus. *Scitis quia hi qui videntur principari gentibus, dominantur eis, & principes eorum potestatem habent ipsorum.* Græcè οἱ δα τε ὅτι οἱ ἀρχοῦντες ἀρχεῖν τῷ ἔθνει καὶ ἀκυριεύουσιν αὐτοῖς, καὶ οἱ μεγάλοι αὐτοῖς καὶ ἐξουσιάζουσιν αὐτοῖς. Vbi voces καὶ ἀκυριεύουσιν, & καὶ ἐξουσιάζουσιν, abusum significant Regiæ potestatis, cum scilicet Princeps, non publicum, aut subditorum bonum, sed commodum suum, suasque libidines respicit; hanc inquam dominandi formam, nondum suo malo docti Israelitæ postularunt, quare votum illorum damnauit meritòque succensuit Dominus, quod regiæ maiestatis splendore, quam in vicinis populis admirabantur, illecti, genus illud gubernationis præ aliis optassent. Adde Samueli tanto viro, tamque de republ. diu & sanctè temperata bene merito,

grauem

grauem sanè irrogatam fuisse iniuriam , postulatione , ac præproperea illa Regis creandi festinatione , qua nimium prouecti non refugerunt patriæ parentem , senio confectum in ordinem redigere , Rege superinducto. Hæc igitur peccata ab Israelitis.

6 Quantum sequitur argumentū depromptum ex proprietatibus optimi regiminis. Hæ autem in Monarchia magis elucet , quam in aliis gubernationis formis. Prima autem proprietas sit, Ordo ; illa enim melius instituta respubl. censenda est, in qua ut quodam loco præcipit D. Paulus, *Omnia honestè, & secundum ordinem fiunt* , quæ verò respubl. ordinem desiderat, ea *Ciuitas vanitatis* appellatur ab Isaia, ita enim vertit noster interpres, quod ex Hebræo vertere potuisset, *Ciuitas inordinationis*. Porro inter superiores & inferiores ordo consistit , cum scilicet subiiciuntur aliqui, aliqui rursus imperant , quod in Monarchia perfectius locū habet, in qua nullus planè est, qui maiori non subdatur, Principi nimirum : cum interim in Democrazia pares sint omnes, quamuis sint de facie populi ; in Aristocratia autem si non plebs optimatibus, saltem optimates inter se ita sint pares, ut inter eos superiorum, & inferiorum nullus sit ordo constitutus ; in vnius autem dominatu illud Ecclesiastæ locum habeat, *Excelsò excelsior est alius*, & super hos quoque eminentiores sunt alij , & insuper uniuersa terra Rex imperat seruienti. Secunda proprietas est concordia, quo quasi glutino ita continentur inter se Reipublicæ partes, ut si hæc desit, statim in diuersa distractæ , & diuisæ funditus intereant. Quare S. Paulus tam frequenter , tam seriò Christianos admonet ut idem sentiant, idem velint,

Idem probatur ex proprietatibus bonæ gubernationis.

1. Cor. 14.

40.

Isa. 24. 10.

Ecclef. 5.

7.

60 *Institutio politica ex sacris Scripturis.*

velint, idem loquantur, ne si concordiae iacturam fecerint, omnia in rempubl. mala; & incommoda impetum faciant. *Obsecro, inquit, vos fratres per nomen Domini nostri Iesu Christi ut id ipsum dicatis omnes, & nō sint in vobis schismata, sitis autem perfecti in eodē sensu, & in eadē sententia.* & alibi vult eos esse

1. Cor. 1. 10. Vnanimis, & id ipsum inuicem sentientes, non ignorās illud Ecclesiast. *In tribus placitum est spiritui meo, quæ sunt probata coram Deo, & hominibus. Concordia fratrum, & amor proximorū, & vir & mulier bene sibi con-*

Rom. 15. 6. Rom. 12. 16. Eccles. 25. 1. sentientes. Porro in Democratia, aut Aristocratia, discordiæ frequentes existunt, dum in contraria studia alij ab aliis scinduntur, seditiones etiam nonnunquam excitantur, quæ corpus vniuersitatis lacerant, imò sæpenumero tot sunt sententiæ quot capita, ut illis euenire videatur quod trecentis illis Sampsonis vulpeculis, quæ caudis quidem inter se colligabantur, capitibus interim aliō spectantibus & tendentibus. Quamuis enim in senatu aliquo, verbi gratiā, consilio experientiaque valeant senatores aliqui, quorum sententia si obtineret saluam rempubl. facere posset, quia tamen suffragia non appenduntur, sed numerantur, alique aliud volunt, suis quique animi perturbationibus, & cupiditatibus incitati, fit, ut discordiarum ciuiliū incendium existat, quod postquam eas absumpsit respubl. in quibus primū exarsit, finitimos etiam corripiat, ac deuastet, ad eum planè modum quo Philistinorum fegetes, & maturæ fruges flammis ab illis vulpibus importatis conflagraverunt. Tertia proprietas, quæ ex secunda consequitur, est, quod in vnum collecta virtus fortior sit quàm dissipata: in Aristocratia autem, & Democratia in multas quasi partes

partes virtus distrahitur, ac propterea minus habet ad agendum potentia, & efficacitatis: adeoque cum suas exercere vult vires ad aliquid perficiendum, in vnum ciues omnes conspirent necesse est: Alioqui diremptis diductisque viribus, conatus omnis cassus erit, & in irritum cadens. Ad eum planè modum quo multi in ingentis molis saxo funibus attrahendo ita vires communicant, vt summa conspiratione simul nitantur oporteat, si opus inceptum promouere velint. Quod cum in Democratia, aut Aristocratia contingit, tunc ciues Reipubl. seruiunt humero vno, Sophon. 3. vel vt habet Septuaginta sub iugo vno. Hoc autem, 9. quod rarum admodum est in aliis Reipubl. formis, perpetuum est in Monarchia; cum enim vnus duntaxat expectatur imperium, facilius vires expediuntur, adhibenturque constantius. Quarta proprietas est, facilitas gubernationis: est autem multo facilius Principem vnum bonum nancisci, quàm centum, aut eo amplius probos, integrosque Senatores, qui rem familiarem suam præ republica ampliorem facere non studeant, qui cum aliis æqualibus contentiones non exercent, qui, dum propriis commodis, aut cupiditatibus seruiunt, rei bene gerendæ occasiones non corrumpant. Beatus enim diues, qui inuentus est Eccles. 31. sine macula, & qui post aurum non abiit, nec sperauit in pecunia thesauris. Quis est hic, & laudabimus eum? 8. fecit enim mirabilia in vita sua. Optandumque magis quàm sperandum est, vt D. Pauli admonitioni pareatur, vt scilicet, Nihil (fiat) per contentionem, Philipp. 2. neque per inanem gloriam, sed in humilitate superiores sibi inuicem arbitrantur. 3. Bonoque publico proposito sua quisque compendia negligat, Non quæ sua Ibid. n. 4. sunt

62 *Institutio politica ex sacris Scripturis.*

- sunt singuli considerantes, sed ea quæ aliorum; sed illud*
 Ibid. n. 21. *frequentius locū habet, Omnes quæ sua sunt querēs,*
 & laus illa Timothei cum paucis communicari
 Philipp. 2. 1. *potest, quem S. Paulus Vnanimem, & sincera affe-*
ctione pro omnibus sollicitum fuisse testatur.
 7 Tandem ut huic capiti clausulam impona-
 mus, vnus dominatus ita proponitur in scriptu-
 ris, ut de illo sermo sit quasi de ingenti aliquo
 bono. Itaque Abimelech nouis rebus studens
 apud Sichimitas, regnumque affectans apud po-
 pulares suos, cognatis, & suffragatoribus suis
 hanc rationem suggerit, qua potissimum animos
 conciuium suorum pelliciant, ut se eligant in
 Principem. Loquimini, inquit, ad omnes viros Sichem,
 quid vobis est melius ut dominentur vestri Septuaginta
 viri, aut ut dominetur vnus? quasi dubium esse non
 possit; hac machina ex communi hominum sen-
 su deprompta, Septuaginta filiorum Ierobaal
 Oligarchiam euerti posse, quod etiam consecutus
 est. Verum, quod majus habet pondus, ipse Do-
 minus per Prophetas suos non semel Monarchiā
 pollicetur quasi excellens quoddam bonum, &
 ipsis vehementer optabile. Et suscitabo, inquit, su-
 per eas Pastorem unum, cui similis est illa pollicita-
 tio, quæ est apud Oseam. Et congregabuntur filij
 Iuda & ponent sibi caput unum. & apud Ieremiam,
 Non dominabuntur eis amplius alieni, sed seruient Do-
 mino Deo suo, & David Regi suo, quem suscitabo eis,
 & idem Salomonis sensus fuisse videtur cum ait;
 Propter peccata terra multi Principes eius, quod in
 Aristocratia, & Democratia præcipuè verum est,
 sed aliquo etiam modo in Monarchia, cum sci-
 licet frequentatis Principum funeribus, crebra
 Regum successionē multi eodem ferè tempore ad
 reipu

reipubl. gubernacula sedent, & Monarchiâ in quamdam quasi Aristocratia formam degenerat, certè eadem fere sentit incommoda. Verissimum enim est, effatum illud Ieremiæ; *Pastores multi demoliti sunt vineam meam.* Quod etiam evenit cum iustum aliquod regnum inter se aliqui, vel successionis iure, vel etiam gladiis partiuntur. Tunc enim nihilominus Pastores multi populis inducuntur, qui maiores quàm pro ditionis angustiis concipientes spiritus, subiectos populos deglubunt potiùs quàm tondent. Hinc S. Lucas, cadens ac pene prostratum Iudæorum regnum describens in quatuor tetrarchias diuisum narrat, vt ex eo satis intelligere liceat proximè ab interitu abfuisse, cum in tot frustra distractum esset ac prope dixerim laceratum. Nam iuxta dictum Domini. *Omne regnum in se ipsum diuisum desolabitur.*

Ierem. 12.
10.

Luc. 3. 1.

Luc. 11. 17.

Mulieres Imperiis regendis vt plurimum aptas non esse.

C A P V T V.

RArò admodum contingit fœminam adeò excellenti pudentiâ, constantiâ, consiliòque præditam esse, vt Reipubl. gubernandæ par esse possit. Ea causa est quamobrem, si ius sinat (interdum enim successionis iure veniunt ad Principatum) à gubernandi munere sunt, vel remouendæ, vel certè ad illud non adhibendæ.

I Ac primò quidem id persuadet ipsa naturalis earum conditio, factæ enim sunt à Deo ad paren-

*Probat
ex natu-
rali earum
conditio-
ne.
quia factæ
magis ad
parendum.*

dum

64 *Institutio politica ex sacris Scripturis.*

dum magis quàm ad regendum , totàque impe-
randi prouincia uiris demandata , fœminæ verò
planissimè , & disertissimè à Domino dictum ;

Gen. 3. 16. *Sub viri potestate eris, & ipse dominabitur tui.* Qua ra-
tione utitur D. Paulus, ut docendi munus mulie-
ribus minimè conuenire ostendat , quippe quæ
aliis præesse non debent, sed potius obedire , & à

1. Tim. 2. *viris docentibus discere : Mulier, inquit , in silen-*
II. *tio discat, cum omni subiectione. Docere autem mulieri*

non permittitur, neque dominari in virum, sed esse in silen-
tio, Adam enim primò formatus est, deinde Eua, (ac
proinde sub potestate viri esse debet, & illius
dominari) & Adam non est seductus, mulier autem
seducta in prauaricatione fuit. Huc etiam respexit,

1. Cor. 14. *idem Apostolus cum ait ; Mulieres in Ecclesiis ta-*
34. *ceant, non enim permittitur eis loqui, sed subditas esse,*

Ephes. 5. *sicut & lex dicit. Et rursus, Mulieres uiris suis sub-*
22. *ditæ sint sicut Domino, quoniam vir caput est mulieris.*

Huius autem viri in mulierem potestatis insigne
est, velamen illud , quo S. Paulus mulieres iubet

1. Cor. 11. *nubere capita, cum ait. Vir quidem non debet velare*
7. *caput suum, quoniam imago & gloria Dei est, mulier*

autem gloria viri est. Non enim vir ex muliere est, sed
mulier ex viro. Etenim non est creatus vir propter mu-
lierem, sed mulier propter virum. Idè debet mulier po-
testatem habere super caput. τὴν Potestatem, Græcè ἐξου-
σίαν, sunt qui vertunt velamen, sensum potius Apo-
stoli secuti, quàm vim vocis. Significat autem
Potestas hoc locò auctoritatem, ius, imperium,
principatum viri in mulierem, cuius nota vela-
men est, quod capitibus fœminæ iniiciunt, quasi
professæ virum earum capiti insidere, & domi-
nari. Huius etiam potestatis virorum in mulie-
res argumentum est, quod uxores maritos suos

Dominos appellare consueuerant apud Hebræos. Sic enim aliquando (inquit D. Petrus) & sancta mulieres sperantes in Deo ornabant se, subiecta propriis viris, sicut Sara obediebat Abraha, Dominum eum vocans. Is locus est in Genesi. Cum enim Angelus Abrahamo filium ex Sara illi nasciturum fuisset pollicitus; Risit oculi (Sara) dicens. Postquam consenui, & Dominus meus vetulus est, voluptati operam dabo? Iudicum etiam libro de vxore Leuitæ tota nocte vim passa dicitur: At mulier recedentibus tenebris venit ad ostium domus, ubi manebat Dominus suus, & ibi corruit. Et Betſabee eadem ratione Dauid Dominum suum appellauit. Nonne, inquit, tu Domine mi Rex iurasti mihi?

1. Petr. 3.

5.

Genes. 18.

12.

Iud. 19. 26.

3. Reg. 1.

13.

2 Altera causa est muliebris imbecillitas animi æquè ac corporis, sexui illi innata, quæ pondus Imperij, sane grauissimum, sustinere non potest. *Ecce hoc inueni, inquit Ecclesiastes, unum & alterum, ut inuenirem rationem, quam adhuc quarit anima mea, & non inueni tò unum, & alterum. Cæteranus Italicæ linguæ proprietatem secutus ut melius rem exprimeret vertit. Vnam per unam, id est, diligenter, & minutim omnium mulierum naturas, propensiones, studia, consideraui. Quid verò tam diligentem tam sapientis viri inuestigationem consecutum est? Virum de mille reperi unum, mulierem ex omnibus non inueni. Pauos sanè viros reperi, qui viri nomen, factis, & virtute tuerentur; at verò mulieres prorsus nullas, quæ à prudentia, consilio, fortitudine ciuili laudari possent. Itaque egregiè idem Salomon sapientis mulieris characteres descripturus, exorditur ab earum raritate, præsertim si fortitudinem requiras, & cum iis mercibus comparat quæ ab vltimis vsque terræ*

Idem probatur quia destituta animi, & corporis vigore; qui ad gubernandū necessarius est.

Eccles. 7.

28.

Prou. 3 l.
10.

finibus ad nos aduehuntur, ac propterea sunt in pretio. *Mulierem*, inquit, *fortem quis inueniet? procul, & de ultimis finibus pretium eius.* Nec tamen Salomon mulierem hanc cuius ideam quamdam egregiis coloribus describit, & à prudentia potissimum & solertia commendat, continuò ad Reipubl. gubernacula sedere iubet, sed eam tantùm domesticæ disciplinæ Præsidem constituit, familiarque moderatricem, cui præsit imperando, exemplis præeundo, lauan faciundo, colum tenendo, ponendo in gremio calathum, fusum rotando, stamina pollice ducendo.

Ibid. n. 13.

Quasiuit, inquit, *lanam, & linum, & operata est consilio manuum suarum. De nocte surrexit, deditque prædam* (id est. cibum) *domesticis suis, & cibaria ancillis suis. Considerauit agrum, & emit eum, de fructu manuum suarum plantauit vineam. Accinxit fortitudine lumbos suos, & roborauit brachium suum. Gustauit, & vidit quia bona est negotiatio eius non exstinguetur in nocte lucerna eius. Manum suam misit ad fortia, vel vt habent Septuaginta, ad vtilia, & digiti eius apprehenderunt fusum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis, omnes enim domestici eius vestiti sunt duplicibus. Stragulatam vestem fecit sibi, byssus, & purpura indumentum eius. Cum tamen hæc, aliaque nonnulla in tam præstantis fœminæ laudem ore pleno dixisset Sapiens; omnes tamen publicas functiones illius marito reseruauit, eamque à tractanda*

Ibid. n. 13.

Reipubl. penitus remouit. Nobilis, inquit, *in porta* (id est in senatu, in curia) *vir eius, quando sederit cum senatoribus terræ, ipsa interim portas non frequentet aut forum, sed domi se contineat, eo*

Ibid. n. 31,

contenta quod laudent eam in portis opera eius, vel

vt

vt habet Aquila, Symmachus, Thodotio. *Laudetur in portis vir eius.* hoc sensu, ipsa satis habeat rem domesticam labore, industria, œconomicamque disciplinam continendo facere ampliorem: vir autem eius ad Rempubl. accedat, & magistratibus, publicisque muneribus gerendis gloriam consequatur. Facit etiam ad eandem, de qua agimus, mulierum imbecillitatem ostendendam, id quod à Propheta de Ægyptiis, qui sibi aliquid sapere, & non nihil posse videbantur. *In die illa,* Isa. 19. 16. *inquit, erit Ægyptus quasi mulieres, & stupebunt, & timebunt à facie commotionis manus Domini exercituum, quam ipse mouebit super terram.* In omnes enim fere mulieres illud quadrat, quod dicitur in Deuteronomio. *Tenera mulier, & delicata, quæ super* Deut. 28. *terram ingredi non valebat, nec pedis vestigium figere propter molliem, & teneritudinem nimiam:* quæ molities ab habitu corporis transir ad animum, & cum illo communicatur. Hic mihi aliquis Deboram obiiciat, quæ *Iudicabat populum, & sedebat* Iud. 4. 4. *sub palma, quæ nomine illius vocabatur, inter Rama, & Bethel, in monte Ephraim, ascendebantque ad eam filij Israel in oratione iudicium.* Sed qui hæc obiiciunt, animaduertant eam ibidem Prophetidem vocari, vt mirum non sit fœminam populo præesse potuisse, quam Domini Spiritus agebat. Quamquam etiam video in bellica expeditione contra Sisaram, ducem fuisse renunciatum Barac, Dei ipsius iussu, ne tanti facti fœmina dux foret, dicitur enim ibidem. *Quæ misit, & vocauit Barac filium* Ibid. n. 6. *Abinoem de Cedus Nephtali, & de filiis Zabulon, dixitque ad eum: Præcepit tibi Dominus Deus Israel, vade, & duc exercitum in montem Thabor, &c. Qui fortissimi sunt, ij in Scripturis sacris vtraque*

manu ita scienter vti dicuntur, ac si esset dexte-
 Iud. 20. 15. ra. *Inuentique sunt, dicitur in libro Iudicum, vigin-
 ti quinque millia de Benjamin educantium gladium,
 præter habitatores Gabaa, qui septingenti erant viri for-
 tissimi, ita sinistra vt dextra praliantes.* & de Aod di-
 citur eodem libro, *Suscitauit eis, Dominus (scilicet
 Hipocr. Israelitis) saluatorem vocabulo Aod, filium Gera, filium
 Aphorif. Iemini, qui vtraque manu pro dextera utebatur.* Hoc
 sect. 7. cap. autem natura mulieribus denegauit, si enim cu-
 44. riosis harum rerum exploratoribus credimus, nul-
 Plin. lib 7. la prorsus mulier inuenitur, quæ vtraque manu
 c. 17. pro dextera vti possit, solisque viris naturæ qua-
 dam facultate donatum est, vt id longa assuetu-
 dine consequi possint, quasi mulieribus, natura
 refragante, in numerum, ac censum fortium, ad-
 scribi non liceat. Itaque Dominus cum iubet du-
 ces suos populi vniuersi censum inire. *Quidquid,*
 inquit, *sexus est masculini à vigesimo anno & supra,*
omnium virorum fortium ex Israel, muliebri imbecil-
 litati testimonium dans quod scilicet ad difficilia
 capeßenda vires, & animus illis non suppetant.
 Quod ad spiritualem sensum suo more transferes
 Initio C6 Origenes. *Donec, inquit, inest alicui nostrum vel pueri-*
 ment. in lis, *& lubricus sensus, vel fœminæ & resoluta segnities,*
 Numer. *haberi apud Deum in sancto, & consecrato numero non me-*
 remur. Hinc Pharaon licet Hebræorum genti infen-

Exod. 1. sissimus, quæ si posset, radicitus cupiebat exscinde-
 15. re, aut certè adeo atterere, vt ab eis nihil sibi time-
 re posset Ægyptus, non vetuit fœminas educari, à
 virili tantum sexu, sibi, regnoque timens. Viros enim
 fortes quales postea experta est Ægyptus, Moïsem,
 & Aaron, malum aliquod imperio suo creare posse
 intelligebat, fœminas verò tantos in pectore spiri-
 tus concipere non posse sentiebat, vt ab eis incom-
 modum

modum aliquod in Ægyptum importari posset.

3 Hæc verò de qua hæctenus dictum est mulieris imbecillitas, & mollitudo, agnatam habet inopiam quamdam consilij, & prudentiæ. Quare quod Eue accidit, quæ blandientis pomi pulchritudine capta, serpentisque venenatis verbis, sed dulcibus pellecta, seipsam, & virum, nosque omnes in ingens malorum barathrum præcípites dedit, id aliis etiam frequenter vsu venire solet.

Sexus enim mulierum, inquit Chrysostomus, *incantus & mollis est*: incantus, quia non omnia quæ videt, aut audit, cum sapientia, aut ratione considerat: mollis autem, quia facile flectitur, vel de malo ad bonum, vel de bono ad malum. Imo idem Chrysostomus alibi docet mulierum proprium esse, decipi. Quæ etiam causa est, propter quam illas Apostolus à docendo submouet. *Adam enim*, inquit, *non est seductus, mulier autem seducta in prauaricatione fuit*. quasi diceret. Mulieres magis patent erroribus, seducuntur facilius, deceptionibus magis obnoxie sunt; periculosum igitur illis est, aut dogmata fidei tradere, aut fidelium moribus regendis præsidere, ne fortè quos ipsæ per imprudentiam hauserint errores, cum aliis communicet, morboque vulgato ingens aliquod detrimentum Resp. patiatur. Enumeret hic mihi aliquis insignes aliquot mulieres ex Scripturæ sacræ monumentis, quorum prudentia aut inimicorum consilia Patriæ noxia discussa sunt, & euerfa, aut solerti iudicio prouisum est, ne impendens aliquod malum, aut familiam, aut gentem Hebræorū vniuersam corripere. Talis sancta Iudith, quæ ciues suos deditionem meditantes in officio continuit; talis Esther quæ populū suū ab Amani fauore, Rege Asuero Iudæis, placato, & veritatē edocto liberauit;

Idem probatur quod illarū consilium imbecillū sit, facileq; decipiantur.

Hom. 23.
in Match.

Hom. 23.
in epist. 2.
ad Cor.

1. Tim. 2.
14.

70 *Institutio politica ex sacris Scripturis.*

Iudith 8.
10.

talís Abigail quæ Dauidis gladium à Nabalis mariti sui ceruicibus auertit. Sed Iudith quamuis ad se vocatis presbyteris Chabai & Charmi, illisque clementer increpitis effecisset ne de faciendâ hostibus intra tot dies deditiōe cogitarent, si auxilia à suis non suppetere; ipsa tamen non prodiuit in publicum, non habuit concionem ad populum, sed quidquid hoc erat honoris, & oneris,

Ibid. n. 21.

senioribus reliquit. *Et nunc fratres*, inquit, *quoniam vos estis presbyteri in populo Dei, & ex vobis pendet anima illorum, ad eloquium vestrum corda eorum erigite*, ab illa etiam, de qua dixi, increpatione temperatura, nisi id Reipubl. tempora, diuiniq; nominis gloria postulassent, ipsaq; peculiari instinctu, ad id faciendum fuisset impulsâ, quod &

Ibid. n. 30.

ipsa testatur, cum ait. *Quod potui loqui, Dei esse cognoscitis.* Porro Esther magnum sanè attulit momentum ad res Hebræorum pene deploratas, ac depositas restituendas, populūq; à cæde ad conditū diem decreta, liberandum. Sed nec inficiari quisquam possit magnum ei ad rem bene gerendam attulisse adiumentum ipsum Mardocheum patrum, insignis prudentiæ virum, & in Assueri aula diuturno tempore versatum, cuius ipsa sapiens consilium, etiam postquam in locum Vasthi renuntiata est Regina, ita excipiebat, ut ab eius præscripto, ne latum quidem vnguem discederet; id enim sacra historia narrante

Esther 2.
10.

discimus. *Quidquid enim*, inquit, *ille præcipiebat (Mardocheus scilicet) observabat Esther, & ita cuncta faciebat, ut eo tempore solita erat, quo eam parvulam nutrebat.* Prudentia verò Abigail de qua dici-

1. Reg. 25.
3.

tur in libro Regum, *Eratque mulier illa prudentissima*, æconomica potius fuisse videtur quàm politica;

litica; quæ etiam in domus incolumitate tuenda,
& seruanda Nabalis mariti sui re familiari, &
etiam vita, luculenter apparuit, vt Nabali illud
accidere potuerit (nisi Dominus illum sustulisset)
quod dicitur in Ecclesiastico. *Mulieris bona bea-* Eccles. 26.
tus vir: numerus enim annorum illius duplex, 1.
enim ab imminente cæde beneficio vxoris, vitam
quam stultitia sua ipse sibi accersierat, longius
produxisset.

4 Quamquam autem si illud tantum esset in- *Idem pro-*
commodum in muliere Principe, quod pruden- *batur, quia*
tia consilioque destituta minus quàm viri Rei- *vehemen-*
publ. commodare possit, esset quidem etiam per *tibus ani-*
se sumptum grande malum, & toto nisu à Repub. *mi pertur-*
amoliendum: verùm illud sæpenumero accidit, *bationibus*
quod deterius est, vt muliebres cupiditates po- *commone*
tentia armatæ magis furant, & tanquam imma- *solent.*
nes bestię effractis clathris erumpant è caueis, di-
uina, humanaque omnia permisceant, perturbēt,
euertant. *Non enim est caput nequius super caput* Eccles. 25.
colubri, & non est ira super iram mulieris. 18.
Exemplo sit
Iezabel, quæ Prophetas Domini interfecit, Eliam
capitali odio persecuta est, Naboth virum inno- 3. Reg. 18.
centissimum bonis paternis & auitis per summam 4. & 19.2.
iniuriam spoliauit, mariti sui simplicitatem irri-
dens, quod regali potestate ad sua commoda vti
nesciret, & quasi precario regnaret, honesta dum-
taxat sibi licere ratus. *Dixit ergo ad eum Iezabel* 3. Reg. 21.
uxoreius: Grandis auctoritatis es, & bene regis regnum 7.
Israel, surge, & comede panem, & aquo animo esto, ego
dabo tibi vineam Naboth Iezrahelita, & consecutus
est quidem Achab vineam Naboth, quam opta-
uerat, liberauitque Iezabel fidem suam, quam
scelerata pollicitatione viro suo obstrinxerat, in-

72 *Institutio politica ex sacris Scripturis.*

terim se multis grauissimisque sceleribus obligans, quæ omnibus perspectissima sunt, quibus historia illa nota est. Nec multum dissimiles Herodiadis mores, quæ Regem acuit in S. Ioannem Baptistâ, quem alioqui reuereretur, & eo tandem impulit, vt capite truncare non vereretur. Quid de Athalia dicam, quæ sui regni exordium cæde Regalis stirpis funestauit? quam cum Ioiadas Sacerdos de medio sustulisset; *Latus est omnis populus, & ciuitas conquieuit.* Minus igitur mirum videretur si Tharsenses, & Mallotæ seditionem concitarunt, quod mulieri dono dati essent (quamquam illud etiam ægrè ferre potuerunt quod diobolare scortum, turpitudinis infamia notatum, illos cum Imperio esset gubernaturû.) Nam cum caput mulieris sit vir, vt supra ostensum est, non ita æquo animo ferunt populi mulierem habere pro capite. Si enim turpe esse videtur, ac periculosum, fœminam veste virili amictam, aut virum stola, cultûve muliebri in publicum prodire, quod vetatur in Deuteronomio. *Non induetur mulier veste virili, nec vir utetur veste fœminea, abominabilis enim apud Deum est qui facit hac.* Ita etiam absurdum est, & incommodum si mulier Imperij thronum occupet, aut viri muliebribus imperiis subiaceant.

An cum mulieribus Imperij arcana communicanda sint. 5 Ex his autem quæ hætenus dicta sunt, colligi potest sapiens esse consilium, mulieres etiam coniunctissimas cuiusmodi vxores sunt, regni arcana celare. *Ab ea quæ dormit in sinu tuo*, ait Propheta, *custodi claustra oris tui.* Formulâ autem illâ loquendi, *quæ dormit in sinu tuo*, vxor describitur, vt cum dicitur in Deuteronomio, *sine vxor quæ est in sinu tuo*, & alibi. *Et uxori quæ cubat in sinu tuo.* Est

Matth. 14.

8.

4. Reg. 11.

Ibid. n. 10.

2. Mach.

4. 30.

Deut. 22.

5.

An cum mulieribus Imperij arcana communicanda sint.

Mich. 7. 5.

Deut. 13.

6.

Ibid. 28.

36.

Est autem mira quædam vis in mulieribus ad id quod voluerint à maritis suis eblandiendum. Imminebant Sampsoni Philistiim, cum ad necem quærentes. Dalilam ergo, quam mulierem Sampson è Philistæorum gente adamauerat, mille, & centum argenteorum pollicitatione corrumpunt, vt ex ipso Sampson e arcanum eliciat, discatque in quo tandem sita esset admirabilis illius fortitudo. Vide quibus illum artibus, qualibetque verbis aggrediat. *Dic mihi obsecro, in quo sit tua maxima fortitudo, & quid sit quo ligatus erumpere nequeas.* Sed Sampson cum fortasse mulieris ingenium suspectum haberet, quæ suis gratificandi studio tenebatur, ac propterea vnam, & alteram, imò etiam tertiam petitionem obstinato silentio expulisset, illius tamen blanditiis, & importunitate fractus est. *Dixit enim ad eum Dalila. Quomodo dicis quod* Iud. 16. 6.
amas me, cum animus tuus non sit mecum? Per tres vi- Ibid. num. 15.
ces mentitus es mihi, & noluisti dicere in quo sit maxi-
ma fortitudo tua. Cùmque molesta esset ei, & per multos
dies iugiter adhereret, spatium ad quietem non tribuens,
defecit anima eius, & ad mortem vsque lassata est. Tunc
aperiens veritatem rei, dixit ad eam. Ferrum numquam
ascendit super caput meum, quia Nazareus, id est con-
secratus Deo sum, de utero matris mea: si rasum fue-
rit caput meum, recedet à me fortitudo mea, & defi-
ciam, eròque sicut ceteri homines. Hæc autem Sampsonis inconstantia, & oculos illi, postmodum verò etiam vitam ademit; Aliis mentis oculos aperire potest, & vitam dare, si obfirmato ad muliebria blandimenta animo; quæ tacenda esse statuerint, cum vxoribus non communicaauerint.

*De legitima ratione Principatus
capiendi, quæ est electio,
& successio.*

CAPVT VI.

*Duplex
ratio in
eûdi Prin-
cipatus
electio, &
successio.*

DVplex tantum reperitur ratio ineundi Principatum (si tyrannicam occupationem excludas) eæ sunt electio, & successio, de quibus meritò quis possit ambigere quænam potior sit, & Reipub. statui vtior. Nos rationum, atque exemplorum momenta pro vtraque parte in medium afferemus, ex quibus sapiens lector de tota re iudicium ferre possit.

*Argumen-
ta quibus
videtur
probari
electionem
præstare
successioni.*

2 Ac primò quidem pro electione illud facit, quod si animis perturbatione vacuis ad illam veniatur, optimus eligi potest in Principem, talesque fermè ij fuerunt, quos electio euexit ad regnum. Nam (vt de Moyse, Iosué, aliisque populi ducibus quos ipsemet Deus Israël gubernetores constituit, nihil dicam, quos sanctissimos fuisse satis constat) optimus & strenuissimus fuit Gedeon, de quo in libro Iudicum.

Iud. 3. 22. *Dixerunt omnes viri Israël ad Gedeon: Dominare nostri tu, & filius tuus, & filius filij tui, quia liberaſti nos de manu Madian.* Talis Iephthe, qui cum Ammonitæ Israëlitas opprimerent, Principum Galaaditarum suffragio electus est, vt bella Domini depugnaret. Interposita enim iuramenti religione Principatus tradendi formulam in hæc verba Galaaditæ conceperunt. *Dominus qui hæc audiit ipse mediator, ac testis est, quod nostra promissa facia*

**Iud. 11.
10.**

faciamus (vt scilicet tu Princeps noster sis.) *Abijt*
itaque Iephthe cum Principibus Galaad, fecitque cum
omnis populus Principem sui. Talis Saül egregia iu-
 uenis indole, & ad virtutem propensa, nisi po-
 stea impotens ambitio, & regnandi cupiditas
 eam corruisset, qui in Regem à Samuële inun-
 ctus est, Domino iubente, & postea populis vo-
 lentibus, & Regem acclamantibus, & salutan-
 tibus ad Imperium est admotus. Talis Dauid, qui 1. Reg. 9.
 cum extincto Saül, diuino consilio, & iussu ab 24
 eodem Samuële Rex inauguratus esset, à viris
 Iuda in Hebron est ad Regnum admissus, & dein-
 de ab vniuerso Israël, Isboseth ex humanis su-
 blato, honorifica rerum ab eo gestarum com-
 memoratione in Regem super omnes tribus est
 receptus. *Venerunt enim vniuersa tribus Israël ad* 2. Reg. 2.
Dauid in Hebron dicentes; Ecce nos os tuum & caro 4
tua sumus. Sed heri & nudiustertius, cum esset Saul 2. Reg. 5.
Rex super nos, tu eras educens & reducens Israël. 1.
Dixit autem Dominus ad te, Tu pasces populum meum in
Israël, & tu eris Dux super Israël. Venerunt quoque
& seniores in Israël ad Regem in Hebron, & percussit
cum eis Rex Dauid fœdus in Hebron coram Domino,
vnxeruntque Dauid in Regem super Israël. Talis Io-
 nathas, qui in Iudæ fratris locum, qui in bello
 fortiter ceciderat, subrogatus est electione ami-
 corum Iudæ, vt sacra Machabæorum narrat hi-
 storia. *Et congregati sunt, inquit, omnes amici Iudæ,* 1. Machab.
& dixerunt Ionatha. Ex quo frater tuus Iudas defun- 9. 28.
ctus est, vir similis illi non est, qui exeat contra inimi-
cos, Bacchidem, & eos qui inimici sunt gentis nostræ.
Nunc itaque te hodie eligimus esse pro nobis in Princi-
pem, & Ducem ad bellandum bellum nostrum. Et sus-
cepit Ionathas tempore illo Principatum, & surrexit lo-

76 *Institutio politica ex sacris Scripturis.*

Genes. 36. 33. *co Iudæ fratris sui.* Talis etiam videtur fuisse S. Iob, de quo dicitur in libro Geneseos, *Mortuus est autem Balæ, & regnavit pro eo Iobab.* (is est Iob iuxta veriore sententiam) *filius Zare de Bosra.* Accepit ergo regnum electione, non successione, cum enim filius esset Zare, non tamen parentis sui Zare, sed Balæ Principatum dicitur obtinuisse. Tandem electione etiam regnum adepti sunt Melchisedech, & Adonisedech Reges Ierusalem, si vera est quorundam sententia, qui ex nominis originatione, quod Regem aut Dominum Iustitiæ significat, suspicantur non illud proprium Principum illorum nomen fuisse, sed appellationem potius muneris alicuius publici, quod sustinerent, quodque suffragatione circunietorum Regum consequerentur, inter quos etiam ius dicerent, litésque componerent, si quando aliqua ut usu venire solet, contentio extitisset. Quam sententiam quod ad Melchisedech attinet, probabiliorem facit, quod illum binominem, & eundem cum Sem filio Noë multi faciunt. Quod autem pertinet ad Adonisedech, ex illius in vicinos Reges Imperio id satis quod diximus videtur confici. Ita enim dicitur in Libro Iosué.

Ios. 10. 1. & 3. *Quæ cum audisset Adonisedech Rex Ierusalem, misit ad Oham Regem Hebron, & ad Pharam Regem Ierimoth, ad Iaphia quoque Regem Lachis, & ad Dabir Regem Egion dicens. Ad me ascendite, & ferte presidium ut expugnemus Gabaon.* Nec solum illi duo Reges, aut ceteri qui Ierosolymis illis temporibus regnarunt, sed alij etiam aliqui orientis populi, Principes, aut Reges sibi electione optabant, quippe qui Magis hoc est sapientioribus, quosque naturæ bonitas, & diligens studium longius

longiùs à vulgo, & plebe prouexerat, Imperij habenas credebant. Quam consuetudinem fortè respexit Ieremias cum ait. *Quis non timebit te ô Rex gentium? tuum est enim decus, inter cunctos sapientes terra* (quibus scilicet recepto more ad Regnum licet aspirare) & *in uniuersis regnis eorum nullus est similis tui.* Sunt etiam (vt hoc obiter attingamus, quando de gentium consuetudine in Regibus eligendis mentio incidit) qui putent Ægyptios Pharaones eligi solitos fuisse in Principes, capiuntque coniecturam, ex eo quod dixit Dominus. *Media nocte ingrediar in Ægyptum, & morietur omne primogenitum in terra Ægyptiorum, à primogenito Pharaonis, qui sedet in solio eius, &c.* Cum enim ipse Rex Pharaon tantæ calamitati superstes fuerit, colligunt eum primogenitum non fuisse, nec successionem per quam Regnum in primogenitos traducebatur, cepisse Principatum, sed potius electione. Cæterùm argumentum hoc, vt probabile forte sit, certè non est necessarium, nam nec alij primogeniti videntur occisi quàm ij, qui parentes viuentes haberent, vt filiorum charissimorum cædis dolor in parentes redundaret, essetque parentum ac nominatim Pharaonis ipsius pœna. Et vt concedamus ab Angelo etiam eos interfectos qui primogeniti fuissent, licet parentibus iam essent orbati, nulla tamen ratio nos affirmare cogit, electione potius quàm successionem ad regnum peruenisse Pharaonem; cum nonnumquam accidat, vt primogenito absque liberis extincto, successionis iure capiat principatum frater demortui Principis, secundo loco in lucem editus. Porro quemadmodum electione optimus quisque

Ecclef. 2.
18.

quisque ad regnum vocari potest, ita successione frequenter ad Principis insipientis, tardi, stupidi, aut etiam crudelibus tyrannicisque moribus imbuti manus, habent Principatus deueniunt. Ideo Salomon se tam graui incómodo obnoxium animaduertens, parumque idoneum Regni successorem se relicturum timens, *Rursus, inquit, detestatus sum omnem industriam meam, quã sub sole studiosissimè laboraui, habiurus heredem post me, quem ignoro utrum sapiens an stultus futurus sit, & dominabitur in laboribus meis, quibus defudaui, & sollicitus fui, & est quidquam tam vanum? Vnde cessauit, renuntiavitque cor meum ultra laborare sub sole. Nam cum alius laboret in sapientia, & doctrina, & solitudine homini otioso quesita dimittit, & hoc ergo vanitas, & magnum malum.* Nec verò solum ita accidere posse aliquando, sed frequenter euenire vsus ipse docuit, & prudentiæ magistra experientia. Quam longa fuerit series Regum Iuda, ex historia librorum Regum & Paralipomenon cognoscere facili negotio quilibet poterit. Quam verò multi se integros seruauerint, & à Iustitiæ, orthodoxæque religionis tramite, veròque Dei cultu non declinauerint, Iosiam laudans docet Ecclesiasticus his verbis. *Memoria Iosia in compositionem odoris facta opus pigmentarij.* & paulò post additur. *Præter Dauid, & Ezechiam, & Iosiam, omnes peccatum commiserunt. Nam reliquerunt legem Altissimi reges Iuda, & contempserunt timorem Dei. Dederunt enim regnum suum alijs, & gloriam suam alienigenæ genti (quia nimirum ut ita fieret commeriti sunt.) incenderunt electam sanctitatis ciuitatem, &c.* Tandem, ut concedamus eximio quodam Dei beneficio Principes Regni successores optimam natos

Ecclef.
49. 1.

Etos esse indolem ad virtutem capeffendam, planéque tales, quales eos votis nostris si daretur effingeremus; accidit nihilominus ut parentibus orbat, dum adhuc puerilem agunt ætatem, nec dum negotiis tractandis apti sunt, Respublica illud experiatur incommodum de quo sapiens. *Va Ecclef. 10.*
tibi terra cuius Rex puer est, & cuius Principes manè 16.
comedunt. Et quamvis non desint multi Regij curatores, Præfecti, Magistratus, Consiliarij, rerumque gerendarum administri, illud tamen meritò timendum est, ne vel oscitanter cuncta procurent, quippe mercenarij, non Pastores; vel certè avaritiæ studeant in omnem rei faciendæ occasionem intenti, illud potissimum curantes, qua ratione filios aut propinquos locupletent, & honorum insignibus augeant, posthabita interim eâ curâ, quæ potior esse debuisset boni nimirum communis, & publicæ vtilitatis, ut in eos quadret conquestio illa Ezechielis. *Va pastoribus Israël qui pascebant semetipsos. Nonne greges Ezech. 34.*
à pastoribus pascuntur? Lac comedebatis, & lanis operiebamini, & quod crassum erat occidebatis: gregem autem meum non pascebatis. Quod infirmum fuit non consolidastis, & quod agrotum non sanastis, quod confractum est, non alligastis, & quod abiectum est non reduxistis, & quod perierat non quasistis, sed cum auctoritate imperabatis eis, & cum potentia. Hæc Ezechiel, quæ mirum quantum mercenariis quibusdam Rerumpublicarum, & iudiciorum administris, cum Dei, hominumque timorem posthabuerunt, ad vnguem conueniant.

3 Hactenus pro electione disputatum est. Nunc ad successionem veniamus, pro qua multa afferri possunt. Ac primò quidem nobilitas Patrum, & Auorum

Argumenta pro successione, contra electionem.

80 *Institutio politica ex sacris Scripturis.*

Auorum longa serie in clarissimos, ac potentissimos Reges genus suum referentium, magnum habet momentum ad ingenerandam in populis de Principe existimationem, virtutis opinionem, maiestatemque conciliandam; & quia ex Aquilis columbæ, ex Leonibus cerui, aut lepores non nascuntur, expectationem quamdam excitant, ut quemadmodum Principis parentes, aui, maiores, politica prudentia, & bellica virtute floruerunt, ita qui ex illis prognati sunt, & in Regno administrando successerunt, earundem virtutum exhibeant actiones. Quare Salomon eos beatos prædicat qui huiusmodi nati sunt Principem, cum ait, *Beata terra cuius Rex nobilis est.* vel ut Hebræo verti potest, *filius candidorum*, vel *candidatorum.* quæ dicendi formula in idem recidit, estque periphrasis nobilium, qui claræ illustrisque stirpis sunt germina. Itaque Patricios appellat Isaïas *altitudinem populi terra*, & ut est in Prouerbiorum libro: *Gloria filiorum Patres eorum.* Ideo in scripturis, qui egregium aliquid facinus perpetrarunt, quamquam propria virtute satis illustres videri poterant, maiorum tamen enumeratione nobilitantur. Phinees sacerdos, cum vidisset vnum de filiis Israël intrasse ad meretricem Madianitidem, zelo legis animo incensus, & efferuescens, virum simul & mulierem pugione confodit. Cum factum hoc scriptura commemorat, Phinees genus illustre nō tacuit. *Quod cum vidisset,* inquit, *Phinees filius Eleazari filius Aaron sacerdotis, surrexit.* Mathathix etiam cuius virtus in asserenda Israël tamen libertate nobilitata est, genus, & Patria recensetur in Machabæorum libro, ut inde aliqua tanto viro accederet commendatio. *In diebus illis,* inquit, *surrexit*

Ecclef. 10.
18.

Isa 24. 4.

Prou. 17. 6.

Numer.
25. 7.

1. Machab.
2. 1.

rexit

rexit *Mathathias, filius Ioannis, filij Simeonis, sacerdos ex filijs Ioarib, ab Ierusalē, & consedit in monte Modin.* Magnū ergo Principi decus accedit ex nobilitate, quæ ex maioribus existit, magnum ad tractandum regnum adiumentum. Hoc autem spectatur in Principatus iniuriis. Illud enim est in electionibus incommodum, quod non ita pacatæ sint, & quietæ, sed plerumque seditionum turbinibus obnoxia, cum is ferè contemnatur, qui à priuatâ fortunâ obrepfit ad Principatus insignia, nec caret inuidia, qui ex æquali repente cæteris omnibus tanto superior factus est, quantum Regiū fastigium inter priuatos ciues eminent. Quod Saül tantis animi & corporis dotibus ornatus, tamque luculenta numinis voluntate ad regnum euocatus, vitare non potuit. Nam cum primū populo acclamante Regni possessionem adiuit; *Filij Belial dixerunt, Num saluare nos poterit iste? & despexerunt eum, & non attulerunt ei munera.* Et sanctus Dauid canit in Psalmo. *In circuitu impij ambulat, secundum altitudinem tuam multiplicasti filios hominū.* Vel ut ex Hebræo verti potest. *Cum exaltati fuerint vilissimi hominum, ut sensus sit. Cum ad Principatum infimæ fortunæ homines, nullaque, aut certè non adeo clara maiorum commendatione illustres, euehuntur (quod in electione contingere potest) tunc in circuitu impij ambulant, id est, omnia facinorosis & impiis hominibus infesta sunt, circumiectamque regionem per seditiones, perduelliones, popularesque tumultus obsident, certi tam obscuro capiti obsequium non præstare. Huc accedit omnium fere gentium consensus, quarum legibus sancitum est, vsuque receptum, ut regni successores non suffragiis in*

1. Reg. 10.

27.

Psalm. 11.

9.

82 *Institutio politica ex sacris Scripturis.*

optimatum, aut populi comitiis eligantur, sed filij parentibus, aut propinquis propinqui iure sanguinis succedât. Quæ etiam consuetudo apud Hebræos obtinuit, apud quos parentum imperium traducebatur ad filios iure successionis, vt Regum Iuda longâ seriem consideranti liquidò patebit. quamquam ad constituendos primos illos Reges, siue decem tribuum, siue Iuda, siue Israël vniuersi, videtur populi accessisse suffragium, vel ad regnum conferendum, vt aliqui putant, vel ad Reges in adepti Regni possessionem mittendos. Nam primo Regum describuntur comitia populi in Galgalis celebrata ad Saullem Regem constituendum, à Samuele conuoca-

1. Reg. 11. 14. *ta. Dixit autem Samuel ad populum. Venite, vt eamus in Galgala & innouemus ibi Regnum. Et perrexit omnis populus in Galgala, & fecerunt ibi Regem Saül coram Domino in Galgala.* Hanc autem populi electionem respiciens Samuël, cum eundem populum alloqueretur, ait. *Nunc ergo præsto est Rex vester, quem elegistis.* Dauid etiam populi conspiratione, & electione Rex primò in Hebron electus est, deinde vt dicitur secundo Regum, venerunt vniuersæ tribus Israël ad Dauid in Hebron dicentes. *Ecce nos os tuum, & caro tua sumus, sed & heri, & nudius tertius cum esset Saül Rex super nos, tu eras educens, & reducens Israël. Venerunt quoque seniores Israël ad Regem in Hebron, & percussit cum eis Dauid fœdus in Hebron coram Domino, vnixeruntque Dauid in Regem super Israël.* Isboeth etiam populi suffragiis electus est, vel certè vt Saulis filius in Regem receptus, populo tamen, vt videtur, suffragante. *Nam Abner filius, Princeps exercitus Saül, tulit Isboeth filium Saül, & circumduxit eum*
per

per castra, Regemque constituit. Illa autem Isbosethi per castra circumductio ad captandas populi voluntates videtur instituta, ut cum postea in suffragia iuissent, Rex Isboseth declararetur. Rursus tribus duodecim ante scissum sub Roboamo imperium in Sichem congregatæ ad Regem constitutuendum Roboamo suffragari renuerunt, quod tributa quæ à Salomonis tempore pendebant, minuere noluiſſet. Quamquam autem in horum Regum inauguratione aliquam habitam fuisse apparet populi rationem, illumque admissum fuisse ad electionem faciendam, vel saltem calculo suo comprobendam, credibile tamen est procedente tempore, consentiente populo, & de suo iure decedente, ita hoc ius in Reges fuisse translatum, ut cum admitterent Regem, quem legitimæ successionis iure ad Principatum venisse, sibi que Regem substituisse constitisset. Hoc enim ius penes antiquos Hebræos obtinuit, ut integrum esset Regi quem maximè ipse probasset, & aliis præferendum censuisset futurum Regem designare, nulla Primogeniorum habita ratione; eo fortè cõsilio ut successionis & electionis incommoda vitarentur, utilitates verò quæ utrique inessent, accerserentur. Hanc ob causam expectabat Israël vniuersus, quem ex multis filiis quos susceperat Dauid, Regni faceret hæredem. *Verumtamen Domine mi Rex*, ait Bethsabæe ad Dauid, *in te oculi respiciunt totius Israël, ut indices eis quis sedere debeat in solio tuo Domine mi Rex post te. Quod Dauidi licere, etiam sensit Nathan Propheta, nam ad Dauidem ingressus, ita eum interrogat. Domine mi Rex, tu dixisti: Adonias regnet post me, & ipse sedeat super thronum meum: Quasi dicat, si tuum*

4. Reg. 12.

3. Reg. 1. 10.

Ibid. num. 24.

84 *Institutio politica ex sacris Scripturis.*

est hoc decretum, tuæ vt par est voluntati aquiescimus; alioqui caue ne alius aliquis temere irrumpat in regni possessionem. Roboam etiam ex viginti octo filiis masculis quos ex variis vxoribus, quas duxerat, suscepit; *Constituit in capite Abiã filium Maacha*, ducem super omnes fratres suos, ipsum enim Regem facere cogitabat, quia sapientior fuit & potentior super omnes filios eius. Hæc autem parentum in eligendis filiis ad regnum potestas suis incommodis non caret, in primisque suscitatur inter fratres discordias, odiisque fomentum ministrat, vnde postea alter frater alterius vitæ insidias struat, paratque perniciem, vt eius ad regnum spes possit intercipi. Exemplum habemus

2. Paral.
11. 22.

Genes. 37.
3.

in Genesi, nam *Israel diligebat Ioseph super omnes filios suos*, eo quod in senectute genuisset eum, fecitque ei tunicam polymitam. Videntes autem fratres eius, quod à Patre plus cunctis filiis amaretur, oderant eum, nec poterant ei quicquam pacifice loqui. Ad eum autem conceptum odium cepit incrementum, eoque processit, vt fratrem suum in seruitutem tradere non dubitauerint, quamuis parentis sui luctum mente præciperent, & quanto se crimine obstringerent, non ignorarent. Multos genuerat filios Rex Dauid, nec magis vni, quam alteri regnum debebatur. Futurum hoc erat Regis iudicium, vt dictum est.

1. Reg. 1. 5.
1.

Hinc statim Absalonis extitit ambitio adeo violenta & impotens, vt non blanditiis tantum, & officiis Israëlitas studuerit demereri, sed violato publicè per summam impudentiam parentis thoro, copiisque contractis, sancto Dauid vitæ periculum creare non dubitauerit. Huius exemplum secutus Adonias tristè fratris sui exitum non reformidans, *Elevatus est dicens. Ego regnabo,*

1. Reg. 1. 5.

gnabo. nec deerant ex Regni Magnatibus qui illi fauerent, nam *Sermo ei cum Ioab filio Saruia, & cum Abiathar sacerdote, qui adiunabant partes Adonia*, adeo ut pro Daudidis successore semel constituendo, non semel turbæ extiterint, regnum in contraria studia distrahentes, & ad cædes etiam maximæque regni damna erumpentes. Præterea electioni successio hoc etiam præstat, quod qui ex abiecta fortuna, aut certè non adeo celsa in regale fastigium recepti sunt, superbiam facile, ac contumaciam, morumque asperitatē induunt, nescis secundas res moderatè ferre sèque à subditis, qui pristinæ conditionis memores sunt, sperni metuentes. Vidit Salomon hanc morum inæqualitatem, cum scripsit in Prouerbiis; *Per tria mouetur terra, & quartum non potest sustinere. per seruum cum regnauerit, per stultum cum saturatus fuerit cibo, & per odiosam mulierem, cum in matrimonium fuerit assumpta, & per ancillam cum fuerit hæres Domina sue.* Et forte Ecclesiasticus eisdem notat, cum ait, *Tres species odit anima mea, & aggrauor valde anima illorum.* primo autem loco *Pauperem superbum* collocat, qui cum demissè de se sentire, & loqui debeat, aut suæ paupertatis qua premittur oblitus, aut status illius immemor, vnde paulò ante emerferat, typho fastidiosè tumidus, omnium in se odia, & inuidiam concitat. Adde successionem hoc habere commodi quod cum Reipubl. status perpetuus sit, & stabilis; si parentibus filij subrogentur, stabilis etiam quodammodo perpetuusque princeps aulam tenet, publicisque negotiis præsidet, parètèque ex humanis sublato, vix iactura sentitur, nam ut ait Ecclesiasticus, *Mortuus est Pater eius, & quasi non est mortuus,*

Ibid num.

7.

Prou. 30.

21.

Eccl. 25. 3.

Eccl. 3. 4.

86 *Institutio politica ex sacris Scripturis.*

similem enim reliquit sibi post se. In vita sua vidit, & latatus est in illo, in obitu suo non est contristatus, nec confusus est coram inimicis, reliquit enim defensorem domus contra inimicos, & amicis reddentem gratiam. Contra verò in electionibus crebræ mutationes Rempubl. perturbant, & in incolumitatis discrimen adducunt. Non est autem prætereundum quod dicitur; *Reliquit defensorem domus contra inimicos, & amicis reddentem gratiam.* Nam & qui Regno alicui imminet, aut aliqua ratione infesti sunt, etsi senio confectum Regem sciant, ac propterea negotiis gerendis imparem, non tamen quidquam mouere audent, propterea quod mox regnaturi Principis offensionem reformidant, & amici, Magistratus, Præfecti, strenuè regni comoda procurant, siue domi in ciuilibus negotiis, siue foris in militaribus expeditionibus. Nam extincto Rege nihilominus expectat à filio industriæ, fidelitatis, impensique laboris mercedem sibi reddendam. Omnes verò regni partes diligentius curantur ab eo, qui se stirpis suæ successoribus imperium relicturum non ignorat, quàm ab eo qui extraneum aliquem, sibi fortasse suisque rebus infensum, cum mori contigerit, successurum suspicatur. *Nam cum alius, inquit Ecclesiastes, laboret in sapientia & doctrina, & solitudine, homini otioso quasita dimittit, & hoc ergo vanitas, & magnum malum.* Aliud etiam reperio in electionibus incommodum, quod eorum qui paulo ante rerum potiebantur, miserabilis quodammodo conditio esse videtur, si qui prius Regum filij primas in Republ. tenebant, in quos omnium oculi & studia erant conuersa, postea passim si non contemnantur, certè non magnifiant, &

Eccl. 2. 21.

ab iis à quibus primùm fuerant culti, prætereantur, imperio ad alios, cum fascibus, & maiestatis insignibus translato. Itaque Ecclesiasticus cum Aaronis ornamenta commemorasset, illud tanquam egregium addidit priuilegium, quod non esset *Indutus illis alienigena aliquis, sed tantum filij ipsius soli, & nepotes eius per omne tempus.* & fieri etiam possit vt de violandis legibus, & in sua gente retinendo Principatu quâ iure quâ iniuria deliberent, qui illius semel compotes facti fuerint. Neque enim est omnium ea animi moderatio, qua præditum fuisse scimus sanctum virum Moysen, qui etiam proposito Aaronis fratris exemplo, cui sacerdotium ad filios & nepotes transiturum creditum erat, de filiis tamen suis ad Principatû vocandis, sibi que in sùmmo Magistratu subrogandis nunquã egisse reperitur. Tandem qui electione venerunt ad Imperium, si veterem historiarum memoriam replicemus, non multò meliores, imò aliquando non paulò deteriores iis fuerunt, qui successionis beneficio Reges facti sunt, vt animum adiicienti, ex scripturis etiam sacris constare poterit. Præstat ergo, me quidem iudice, electioni successio. Quare Deo bonorum omnium largitori supplicare debent Principes, qui filios nondû susceperunt, vt proles illis contingat Imperio digna, quam suo loco Reipubl. relinquant, non enim desunt exempla in scripturis diuinis principum virorum, quos paternæ, aut maternæ preces mundo, suisque Rebuspubl. pepererunt. Talis Samuël & Sampson par illud Heroum, quorum alter omnis probitatis, & sapientiæ in iudicando; alter bellicæ fortitudinis egregium exemplar omnibus esse potest.

Ecclef. 45.
16.

*Cur summi
Pontifices
eligantur.*

- 4 Quærat hic aliquis, quid ergo causæ est quâ-
obrem summus factorum Princeps Pontifex ma-
ximus non successionem propagetur, sed electio-
ne ad Pontificatum euehatur? Responderi potest
multiplicem causam, cur ita fieri debuerit, af-
ferri posse. Nam primò id suadet vetus figura
Melchisedechi sacerdotis, iuxta cuius ordinem
Christus, & Christiani sacerdotes esse dicuntur.
Is autem à D. Paulo describitur esse. *Sine Patre,*
Hebr. 7.3. *sive matre, sine genealogia*, ut nimirum hinc intelli-
geremus sacerdotes Christianos, nominatimque
summum sacerdotum Antistitem, nõ debere nas-
ci, sed fieri. Deinde ex Isaïæ verbis hoc idem col-
ligitur, cum de futuris olim in Ecclesia sacerdo-
tibus vaticinās ait, *Assumam ex ijs Sacerdotes, & Le-*
Isa. 66.21. *uitas*, satis indicans ut D. Hieronymus adnotauit,
non ex vna aliqua familia nascituros, sed ex om-
nibus gentibus quæ ad Ecclesiam confluxissent,
eligendos, & assumendos esse. Tertiò idem pro-
batur ex discrimine quod inter nouum, ac vetus
testamentum intercedit. Nam quemadmodum
vetus naturali generatione ex Iacob, ita nouum
spirituali per Christum regeneratione propaga-
tum est: par ergo erat Aaronicum sacerdotium
carnale, mactandisque pecudibus occupatum,
& intentum, carnali etiam generatione ad suc-
cessores transmitti: Ecclesiæ autem spirituale,
& spirituali ac diuinæ hostiæ sacrificandæ de-
stinatum, electione potiùs quàm generatione
ad sacerdotium peruenire. Tandem in sacerdo-
tibus Ecclesiæ qui propter vitæ integritatem,
& morum puritatem, quam tam sanctum mi-
nisterium exercentes profiteri par est, cælibem
vitam agunt, successio locum habere non po-
test,

test, ac proinde, quod superest electione Pontifex, alique Antistites, & Sacerdotes quærendi sunt.

5 Rursus autem quod ad electionem pertinet, *An peregrini ad regnū eligendi.* alia dubitatio existit: nam si alicui Reipubl. magis arriserit Principis electio quàm successio, statim vocari potest in dubium; vtrum præstet Indigenas, an peregrinos ad Regnum promouere.

Qua in re video Israelitis imperasse Dominum, vt ne alterius nationis Principem sibi deligerent, ita enim legimus in Deuteronomio. *Cum ingressus fueris terram, quam Dominus Deus tuus dabit tibi, & possederis eam, habitauerisque in illa, & dixeris. Constituam super me Regem sicut habent omnes per circuitum nationes, eum constituas, quem Dominus Deus tuus elegerit de numero fratrum tuorum. Non poteris alterius gentis hominem Regem facere, qui non sit frater tuus.* Deut. 17. 14.

Adeo nõ voluit Dominus aduenas, & peregrinos Regno Israelitico potiri, vt etiam eos excluderet, qui cum eadem sacra suscepissent, & Hebræorum Religioni nomē dedissent, Profelyti appellabantur; hi enim fratrum nomine, aut filiorum Israel non censebantur, vt docet Abulensis. Cur autem aduenæ repellerentur, ea potissimum ratio esse potuit, ne veri Dei religio, quam puram, & incontaminatam ab omni errorum, & idololatriæ labe seruabant Hebræi, ab externis Regibus pollueretur, ritus enim exoticos vulgus ignarum facile recepisset, Principis sui imitatione ductum, Deorumque profanam multitudinem, quæ à gentibus colebatur, inuexisset: Profelyti verò reiiciebantur, nam hoc hominum genus non ita est in suscepta fide constans, cum enim ab ineunte ætate aliis Religionibus imbuti fuerint, aliásque sa-

1. Tim.
3.6.

crorum ceremonias diuturno tempore vsurpauerint, sit nonnunquam ut animus identidem cum quadam ad eadem propensione, & inclinatione referatur. Deinde ut sint in suscepto proposito constantissimi, fieri tamen potest ut propinquos suos, quos naturali beneuolentia complectuntur, Principatus participes faciant, honestioribus quibusque muneribus eis demandatis, qua in re vel eadem, vel paulo minora incommoda sentiret Respubl. ac si Rex ipse alienæ Religionis cultor esset. Quare S. Paulus vetat Neophytum eligi in Episcopum, quamquam cum dicti sui rationem affert, periculum potius priuatum Neophyti, quàm publicum Ecclesiæ timere videtur: *Ne in superbiam*, inquit, *elatus in iudicium incidat Diaboli*: sibi enim facilè placeret, si cum vix è fonte baptismatis emerisset, in Pastoris solio constitueretur: Ecclesiámque cui præficeretur, præ se despiceret, quasi illius opera indignisset, nec sine eo salua esse potuisset. Tandem ita Dominum in Deuteronomio mandasse crediderim, quia Regali potestate, quæ præcipuus est honoris gradus in Republica populum suum, quem elegerat à principio, malebat ornare, quàm extraneos; cum præsertim hoc plurimum valeret ad mutuam beneuolentiam inter Principem, & subiectos populos alendam, & augendam. Affectabat Abimelech Sichimitarum imperium, submissisque suffragatoribus suis, hoc præsertim argumento conabatur sibi populares suos adiungere, quod sanguinis coniunctione illos attingeret, ac proinde potius se eligere deberent, quàm quemuis alium de filiis Ierobaal. *Abiit autem Abimelech*, inquit scriptura, *filius Ierobaal in Sichem, ad fratres matris suæ,*

Iud. 9. 2.

& locutus est ad eos, & ad omnem cognationem domus
 Patris & matris suæ dicens. Loquimini ad omnes vi-
 ros Sichem. Quid vobis est melius ut dominentur vestri
 Septuaginta viri, omnes filij Ierobaal, an ut dominetur
 vir? Simulque considerate quod os vestrum, & caro ve-
 stra sum. Locutique sunt fratres matris eius de eo ad
 omnes viros Sichem uniuersos sermones istos, & incli-
 nauerunt cor eorum post Abimelech, dicentes, frater no-
 ster est. Seposuerat sibi Dominus Israelitarum po-
 pulum quem Vineam suam electam, quodam loco Ierem. 2.
 apud Prophetam, appellauit. Huic vineæ ut me- 21.
 lius prospectum esset per Osecam pollicetur, *Et* Osee 2.
dabo ei vinitores ex eodem loco. Apud quem Prophe- 15.
 tam etiam legimus, *Dies multos sedebunt filij Israel* Osee 3. 4.
 (id est mœsti erunt, & dolentes, sessio enim do-
 lentis habitus est) *sine Rege, sine Principe,* sed Kal-
 dæa paraphrasis locum aptè ad id quod intendi-
 mus probandum; explicat. *Absque Rege,* inquit, Isa. 1. 7.
de domo David. Et Isaias populi sui calamitatem de-
 plorans. *Regionem,* inquit, *vestram coram vobis alie-*
ni deuorant, & desolabitur sicut in vastitate hostili,
 quod malum deprecatur David in Psalmis, cum
 ait. *Erue me de manu filiorum alienorum, & alibi,* Psal. 143.
Quoniam alieni insurrexerunt aduersum me. Et Iere- 7.
 mias nuntium, quo omnium animi mœstitia con- Psal. 53. 5.
 tracti sunt, commemorans. *Ecce,* inquit, *auditum* Ierem. 4.
est in Ierusalem, custodes venire de terra longinqua. Cui 16.
 contrarium, & lætitia perfundens eos ad quorum
 aures accidisset, est apud Ioel, cum ait, *Erit Ieru-* Ioel. 3. 17.
salem sancta, & non transibunt alieni (Kaldæus, ex-
 tranei) *per eam amplius, & erit in die illa, stillabunt*
montes dulcedinem, & colles fluent lacte, & per omnes
riuos Iuda ibunt aqua. Et fons de domo Domini egre-
dietur, & irrigabit torrentem spinarum. quæ allegoria
flore

92 *Institutio politica ex sacris Scripturis.*

florentem ciuitatis statum exhibet,quem sua benignitate pollicebatur Deus populo suo. His verò allatis ex Scriptura testimoniis illud conficitur. Extrema mala, & totius Reipubl. euersionem illis impendere Rebusp. quibus Principes alieni dominantur, idolis cultum diuinum impendentes, aut de orthodoxa fide malè sentientes. Nam de his Psaltes prophetæque loquuntur. Hos enim cum parum Deo fidi sint, procliuè est credere in seruandis fœderibus, ac conuentis, quæ cum subditis suis pepigerunt, nihilo magis fideles fore, cumque Deum non reuerentur, nec hominum offensionem reformident, grauissima Reipubl.incommoda allaturos. Quod si contingat alterius nationis Reges, aut voluntaria deditione populos aliquos in suam recepisse fidem, & tutelam; aut iusto bello subegisse: si veri Dei cultores sint, & puram seruent, & incorruptam fidei integritatem, eximij cuiusdam diuinitus accepti beneficij loco numerari debet, sub huiusmodi Principis imperio æuum agere, qui non fortunarum modò,& vitæ, sed etiam probatorum morum, & dogmatum custos sit, & vindex; quo protegente Remp. nec luporum rabies ouiculas

Christi lacerare, nec hæresum vulgata contagio, Pastoribus in pace excubantibus, gregem corripere, aut corrumpere possit.

Regna,

*Regna, qua successione ineuntur,
Primogenitis deberi.*

C A P V T VII.

DICTUM est superiori capite de Electione, & Successione, statuimusque hanc illi præstare, ex hoc alia existit dubitatio, cui potissimum ex filiis debeat Regnum, si contigerit Principem decedentem multiplicem sobolem sibi superstitem relinquere.

I Huic autem quæstioni respondendum censeo Primogenito principatum deberi, quod usus gentium, ratioque confirmat. Atque, ut de usu dicere incipiamus, reperio apud antiquos Hebræos Primogenitos semper, in honore habitos, melioremque eorum fuisse conditionem, quam cæterorum fratrum: quare Deuteronomij lege cautum erat, ut parentes primogenitos filios largiori hæreditatis portione donarent, nec quidquam odio darent, vel amori; sed lex ista perpetuo sancta esset, & firma. Si habuerit, inquit, homo uxores duas, unam dilectam, & alteram odiosam, genueritque ex ea liberos, & fuerit filius odiosa primogenitus, volueritque substantiâ inter filios suos diuidere, non poterit filium dilectæ facere primogenitum, & præferre filio odiosæ, sed filium odiosæ agnoscet primogenitum, dabitque de his quæ habuerit cuncta dupplicia, iste enim est principium liberorum eius, & huic debentur primogenita. Porro ut in herciscunda hæreditate præferrebantur primogeniti reliquis fratribus, ita in optione loci tribuebatur honestior, cuiusmodi est, qui est ad dexteram.

*Ita usus
gentium ob-
tinuisse.*

Deut. 21.
15.

94 *Institutio politica ex sacris Scripturis.*

ram. Ideo Ioseph cum ad dexteram parentis sui Iacob Manassem Primogenitū statuisset, ad sinistram verò Ephraim isque decussatis brachiis dexteram imposuisset Ephraim, Manassi verò sinistram, cum latens mysterium non assequeretur, conatus est Patris dexteram transferre in caput

Genes. 48.
17.

Primogeniti. *Videns enim Ioseph quod posuisset Pater suus dexteram manum super caput Ephraim, graviter accepit, & apprehensam manum Patris, lenare conatus est de capite Ephraim, & transferre super caput Manasse, dixitque ad Patrem; Non ita convenit Pater, quia hic est primogenitus, pone dexteram tuam super caput eius.* Propter eandem loci dignitatem Chri-

Rom. 8.
29.
Ephes. 1.
20.

stus Dominus, qui *Primogenitus est in multis fratribus, constitutus est ad dexteram Patris in caelestibus.* Rursusque quicumque diuino beneficio cælestis regni participes erunt, dexteram tenebunt in extremi Iudicii die: Dominus enim quas oves in beatas illas cæli caulas erit inducturus, à dextris

Matth. 25.
33.
D. Hieronymus in
epist. ad
Onagriū.
& in cap.
49. Genes.
& alij.

statuet, ipso dicente, *Statuet oves quidem à dextris suis, hædos autem à sinistris.* Nec loci tantum dignioris prærogatiua tribuebatur Primogenitis, sed cultu etiam honestiore, & pulchriore amiciebantur: sunt enim qui putent vestes illas, quibus Rebecca filium suum Iacob induit, cum ad Patrem Isaac, Esau supplantaturus, & benedictionem præcepturus, ingressus est, fuisse Esau quā Primogenitus erat, atque adeo fuisse vestes Sacerdotales, quibus ille inter sacrificandum vteretur. Putant enim Primogenitos in legis naturalis statu fuisse Sacerdotes, quod verum sit an secus, non disputo. Quod verò ad Principatum attinet, illum etiam illius ævi consuetudo, & eorum quæ secuta sunt, sæculorum usus, primogenitis attribuit.

Quare

Quare bonus ille senex Isaac dierum plenus, benedicens filio suo Iacob, de quo paulò ante dicebamus, qui non quidem ætate, sed diuinæ decreto voluntatis pro maiore, & primogenito habendus erat, *Serviant*, inquit, *tibi populi, & adorent te* Genes. 27. *tribus, esto Dominus fratrum tuorum, & incurrentur* 29. *ante te filij matris tue*; & Paralipomenon lib. 2. narratur factum Iosaphat Regis Iudæ, qui cum multos filios procreasset, Principem tamen constituit natu grãdiorem, cæteris enim *dedit Pater suus* 2. Paral. *multa munera argenti, & auri, & pensitationes, cum* 21. 3. *civitatibus munitissimis in Iudæa. Regnum autem tradidit Ioram eo quod esset Primogenitus*. Similis elicitur probatio ex dissimilis facti narratione, quæ habetur in Regum historia. *Quod cum vidisset*, inquit, *Rex Moab*, prævaluisse scilicet hostes, *tulit secum* 4. Reg. 3. *septingentos viros educentes gladios, & irruerunt ad* 26. *Regem Edom, & non potuerunt. Arripiensque filium suum primogenitum, qui regnaturus erat pro eo, obtulit holocaustum super murum*. Ex his autem ad rem nostram, explicari potest D. Paulus, qui virum mulieri præesse vult quodam quasi iure Primigeniorum, ita enim scribit ad Timotheum; *Docere au-* 1. Tim. 2. *tem mulieri non permitto, neque dominari in virum, sed* 13. *esse in silentio*. Cum autem dominari in virum non permittat, subiicit rationem. *Adam enim primus formatus est, deinde Eva*, quasi diceret, hoc illi deberi, quod prius in hanc lucem editus, Primogenituræ iura consecutus esset. Hinc sanctus David Deum alloquentem Christum Dominum inducens, quem, utpote primogenitum à dextris suis sedere iubet (*Sede à dextris meis*) *Tecum Principium*, Psal. 109. inquit, vel *tecum Principatus*, Gracè enim est ἀρχή, 1. quod utrumque significat, quæ gemina eiusdem vocis

vocis significatio id quod volumus quodammo-
do probat, quasi eidem debeat *Principatus*, qui,
ut pote *Primogenitus*, est etiam nascendi princi-
pium. Satis ergo ex his constat, *Primogenitis* po-
tius quàm cæteris minoribus fratribus Imperium
tradi consuevisse, sed cur ita fiat, rationes aliquas
subiiciamus.

Ita factum 2. Ac. prima quidem sit amoris vis vehemen-
propter a- tior, quo parentes filios suos, quos primo loco
morem, quo susceperunt, complectuntur. Incestauerat Amnon
Parentes sororem suam Thamar, idque per vim: eam in-
primogeni- iuriam Absalon, Thamaris frater molestissimè
tos filios tulerat. Davidi etiam vtriusque parèti indignum
prosequun- facinus visum fuerat, de eo tamen ita legimus in
tur.

2. Reg. 13. Reg. historia. *Cum autem audisset Rex David ver-*
21. *ba hac, contristatus est valde, & noluit contristare spiri-*
tum Amnon filij sui, quoniam diligebat eum, quia Pri-
mogenitus erat ei. Itaque tantum scelus inultum
transmisit, quamquam non impunè abiit Am-
non, est enim à fratre in vindictam iniuria tru-
cidatus, quæ cædes cum ad Parentis aures perla-
ta est, eius animum mirum quantum perculit!

Ibid. n. 31. *Nam surrexit Rex & scidit vestimenta sua, & cecidit*
super terram, & omnes serui illius qui assistebant ei, sci-
derunt vestimenta sua. Significationibus hisce mœ-
roris ostendens quam grauitè ferret cædem Am-
nonis *Primogeniti*, quod etiam Absalonis pro-
scriptio ad multum tempus, planè confirmat. Huius
etiam amoris vehementiam ex dolore quem
parit, si *primogenitus* moriatur, expressit Zacha-
rias illis verbis. *Et plangent eum planctu quasi super*
Zachar. *unigenitum, & dolebunt super eum, ut doleri solet in*
12, 10. *morte Primogeniti.* *Ægyptij* verò etià experti sunt,
nam cum ad frequentes plagas, quibus illos cæ-
debat

debat Dominus, callum obduxissent, grauiore percussione excitandi fuerant, vt doloris sensu acerbior commoti, tandem populum Dei permitterent capessere iter in desertum, iuxta decretum Domini, nec amplius se æquis illorum postulatis opponerent. Moyses ergo minas intencans, & mala quæ erant experturi prædicens, denuntiabat. *Hac dicit Dominus: Media nocte ingrediar in Ægyptum, & morietur omne Primogenitum* Exod. 11.
in terra Ægyptiorum, à Primogenito Pharaonis qui sedet in solio eius, vsque ad primogenitum ancilla, quæ est ad molam, & omnia primogenita iumentorum. Et quidem Pharaon minis commotus non est, vt populum missum faceret, sed cum tandem Primogenitum suum percutientis Angeli mucrone prostratum vidisset, suo malo doctus, Diuinæ cessit potentia, & Israhelitis abeundi fecit potestatem, quique Israheli, Dei *Primogenito* (sic enim beneuolentia causa appellatur in Scripturis) restitit, Exod. 4.
ne quo vocabatur, iter posset intendere, Primogeniti sui morte, & ingenti populi, iumentorumque strage cognouit, quàm sint infirmæ vires humanæ, si cum Diuina potentia componantur. 22.
Quærenti autem rationem, cur parentes tanto amore primogenitos filios prosequantur, ea reddi potest, vel quod diuturniore tempore confirmata beneuolentia etiam maior euadat quotidianis auctibus, vel quod multum ea amemus, quæ magno labore nobis comparauius; Primogenitorum verò partus matri laboriosior est, maiorisque periculi quàm cæterorum filiorum, & vtri- Ecclef 36.
que parenti plures affert molestias, curas, & sollicitudines dum educantur, cum primogeniti sint etiam aliquo temporis spatio vnigeniti, ac proinde 14.

98 *Institutio politica ex sacris Scripturis.*

de vnica parentum cura , orbitatisque solatium
quam parentes maximè timent, & refugium. Ea-
que causa est, cur in scripturis Primogeniti appel-
lentur primitiæ laborum parentum suorum , vt
cum dicitur in Psalmo ; *Et percussit omne primoge-
nitam in terra Egypti, primitias omnis laboris eorum.*
Et in Genesi. *Ruben Primogenitus meus , tu fortitudo
mea, & principium doloris mei.*

Psal 77.
56.
Gen. 49. 3.

*Idem pro-
batur ex
maiori Pri-
mogenitorũ
excellẽtia.*

3 Sed ne cæca quadam animi propensione, cu-
iusmodi amor est, credamus homines ductos fuis-
se, cum Primogenitos paterni Principatus hære-
des constituerunt , facti huius probabilis ratio
duplex afferri potest. Prima est, quod maior quæ-
dam excellentia in illis eluceat, & in suo genere,
quæcumque primogenita sunt, eadem etiam per-
fectiora, & absolutiora esse videantur, ideo dici-
tur de Abelis sacrificio ; *Abel quoque obtulit de Pri-
mogenitis gregis sui , & de adipibus eorum.* Studuit
autem Abel ea Domino offerre , quæ selectiora
essent, & meliora, vnde commeritus est, vt *Respi-
ceret Dominus ad Abel , & ad munera eius.* Hinc

Gen. 4. 4.

Ibid.

Deut. 33.

17.

Exod. 13.

2.

Exod. 34.

26.

Moyſes Ioſeph benedicens ait , *Quasi primogeniti
tauri pulchritudo eius.* Et Dominus iussit Primoge-
nita omnia animalium , & frugum primitias sibi
offerri, ac sanctificari. Imò inter res alioqui ma-
las, & auersandas , illa dicitur primogenita , quæ
peior, truculentior , feralior. Sic apud Iob. Bal-
dad Suhites, diris nescio quem deuouens, & gra-
uissima quæque mala imprecans ait : *Deuoret pul-
chritudinem cutis illius , consumat brachia illius pri-
mogenita mors , funestissima scilicet , quæ meritò
inter luctuosas mortes obtinere possit principa-
tum.* Altera ratio est , quod Primogeniti ætatis
prolixioris beneficio pluribus experimentis edo-

Iob. 18. 13.

cti,

Et, solidiorem prudentiam collegisse credantur.
 Idcirco Sapientia, quæ Gyrum celi circumiit sola, & Ecclef. 14. 8.
 profundum Abyssi penetrauit, in fluctibus maris ambu-
 lauit, & in omni terra stetit, & in omni populo, & in
 omni gente primatum habuit, Primogenitam se esse
 gloriatur, cum ait; Ego ex ore Altissimi prodiiui, Ibid. n. 5.
 Primogenita ante omnem creaturam. Et Iob. In anti- Iob. 12. 12.
 quis, inquit, est sapientia, & in multo tempore pruden-
 tia. & eodem libro, Eliu se reliquos amicos re-
 ueritum fuisse testatur, quod cum essent natu
 grandiores, plus etiam sapientiæ illis inesse sibi
 persuasisset, ait enim: Iunior sum tempore, vos autem Iob. 31. 6.
 antiquiores, idcirco demisso capite veritus sum vobis in-
 dicare meam sententiam, sperabam enim quod aetas pro-
 lixior loqueretur, & annorum multitudo doceret sapien-
 tiam. Et Eliphaz Themanites Iobi eleuans pru-
 dentiam, suamque, & suorum commendans, eod-
 em argumento vtitur ab antiquitate, & expe-
 rientia petito. Nunquid, ait, primus homo tu natus Iob. 15. 7.
 es, & ante colles firmatus? Numquid consilium Dei au-
 disti, & inferior te erit omnis sapientia? quid nosti
 quod ignoremus? quid intelligis quod nesciamus? & se-
 nes & antiqui sunt in nobis, multo vetustiores quam
 Patres tui. Huc etiam Dominus respexit, si D. Hier- Lib. primo
in Iouin.
 onymo credimus, cum Petro potius seniori,
 quàm Ioanni, dilecto quidem, sed iuniori dixit.
 Pasce oues meas. At dices, inquit D. Hieronymus, Ioan. 21. 17.
 Super Petrum fundatur Ecclesia, licet idipsum alio loco
 super omnes Apostolos fiat, & cuncti clauis regni calo-
 rum accipiant, & ex aquo super eos Ecclesia fortitudo
 solidetur. Tamen propterea inter duodecim unus eligi-
 tur, ut capite constituto, schismatis tollatur occasio, sed
 cur non Ioannes electus est virgo? Etati delatum est,
 quia Petrus senior erat.

*Cur secundo
ipso nati
Primogeni-
tis aliquan-
do antela-
ti.*

4 Sed obiiciat hic aliquis, si quæ de Primogenitis hæctenus disputata sunt, ita se habent, ut diximus, quid est quod in Scripturis sanctis non raro reperimus minores natu grandioribus esse prælatos, idque Dei ipsius iudicio, quem tamen in his iudiciis falli non posse certius est, quàm ut de eo dubitari possit? Dilexit enim Abel magis quàm Cain, Isaac quàm Ismael, Iacob quàm Esau, Phares quàm Zaram, Ephraim quàm Manassém, Iudam quàm Ruben, Dauid quàm fratres eius, Moysen quàm Aaron. Sed hoc ipsum quod obiicitur, id quod nos de Primogenitorum prærogatiuis artulimus confirmat: quàmvis enim Primogeniti aliis præstarent, voluit tamen non semel Dominus minores maioribus anteferri, ut maiorum typhum, superbiamque comprimeret, utque intelligerent homines verum illud esse quod D. Paulus testatur: *Inferma mundi elegit Deus, ut confunderet fortia, & ignobilis mundi, & contempnibilia elegit Deus, & ea quæ non sunt, ut ea quæ sunt destrueret, ut non gloriaretur omnis caro in conspectu eius: verumque esse appareat quod Dominus dixit, Multi auctores erunt primi nominati, & nouissimi primi.* Deinde præcipuum quoddam mysterium ea prælatione regitur: ita enim factum est, ut intelligeremus Synagogam ex Israele collectam, de qua Ecclesiasticus loquitur cum ait: *Miserere plebi tuæ super quam inuocatum est nomen tuum, & Israel quem coaquasti Primogenito tuo*, id est quem ut Primogenitum carum habuisti; iam contentione Ecclesiæ secundas tulisse, illique fuisse postpositam.

*An ex-
hiet scimi-
nam pro-
prium Regni
hære-
tice.*

5 Ex his igitur quæ hæctenus diximus, confici videtur, in Primogenitum debere transmitti Principatum ab eo qui multiplicem prolem masculam susce-

susce

suscepit. Quod si filio parens superstes fuerit, in illius ius, & locum more gentium sufficiens esse fratrem qui ab illo proximus est, ceterosque deinceps, si natu grandiores contigerit adeo immatura morte subduci, ut nec filios procreare, nec ad Principatum venire potuerint. Sed quærat aliquis si fœminæ tantum ex Principe nascantur, quid sit è Reipubl. re, an nimirum commodius putandum sit eas Regni hæredes esse, ita ut cum nuptæ procreauerint filios, his non paterni tantum, sed materni etiam principatus iura cedant, an satius sit illas ab hoc de quo agimus successione iure submouere? Et submonendas quidem esse ratio videtur suaderé, nam fœmina regni alicuius hæres siquidem nubere recusauerit, ac proinde nullam susceperit prolem, Rempubl. in magnum barbarum discrimen adducit, potentissimo quoque imperio imminente, & insidiente. Si verò nupserit, aut peregrino Principi nubit, aut ciui, subditoque suo. Si peregrino, iam Regnum transit ad cæteros, ciuibus frementibus, Principisque suæ coniugium damnantibus, ne dicam peregrino parere recusantibus. Si ciui, subditoque suo, quomodo erit in tanta conditionis disparitate æqualitas illa voluntatum conciliatrix, conseruatriceque benevolentiae, sine qua matrimonia suspicionibus, rixis, & mutuis odiis, ac quotidianis fere conuitiis plena sunt? Pro altera verò parte summi legislatoris Dei decretum afferri potest quo in veteri Hebræorum lege filiabus Salphaad, qui absque mascula prole decesserat, hæreditatē deberi statutum est. Quamuis enim lex illa iudicialis fuerit, ac proinde cum Hebræorum Reipubl. extincta sit, naturali tamen

Num. 27.]

i.

æquitate niti videtur, & multarum gentium moribus recepta consuetudine, vt ne filia paternæ hæreditatis iure excludantur. Itaque pro illis pronuntiatum est, & filia Salphaad visæ sunt omnibus æqua postulasse. Fauet etiam naturalis illa parentum propensio, qui liberis suis siue fœminæ sint, siue mares, thesaurizare student vt loquitur D. Paulus. Quæ sanè inclinatio animi, cum ab ipsa natura pectoribus nostris ingenta sit, damnanda non videtur, imò potius illi quatenus licuerit obsecundandum. Tandem exemplo esse potest S. Iob, inter Orientis Principes non postremus, qui suis bonis euersus, ac postea diuino beneficio in ampliorem fortunam restitutus, filiabus suis non minus quàm liberis virilis sexus hæreditatem partitus est, vt legimus in eius historia cum ait. *Deditque eis Pater suus hereditatem inter fratres earum.* Cæterum, quia aliæ in aliis regnis consuetudines obtinuerunt, aut etiam leges sancitæ sunt; quod in illis constitutum fuerit, iuri, æquitati, & Reipubl. bono consentaneum censendum est, & à Principibus, iisque quorum interest tanquam publicis commodis opportunius vsurpandum.

Quid de illegitimis. 6 Tandem dubitari potest, an qui ex legitimis nuptiis nati non sunt, à Principatu semper excludendi sint. Respondeo duplicem esse rationem Principatus adipiscendi, vt supradictum est, electionem scilicet, & successionem. Si de electione agatur, fieri aliquando poterit, vt ea sit spurij virtus ciuilis, aut militaris, dexteritas in negotiis tractandis, morum integritas, iustitiæ tenacitas, aliæque dotes animi, & corporis, vt quandoquidem hoc spectat electio vt optimus eligatur,

tur, meritò euehi possit ad Principatum. Talis fuit Iephthe, quem scriptura *filium mulieris meretricis* appellat, qui tamen prudenter & opportunè à Galaaditis electus est Princeps, cum bello Ammonitico premerentur. Si verò ad summum magistratum successione veniatur, videndum erit quid Regni legibus sanctionibusque decretum sit, nam vulgo concepti ferè vbilibet gentium arcentur ab Imperio, nec iniuria. Nam si licuit Abrahamo filios concubinarum, hoc est vxorum quæ legitimæ quidem erant, sed secundariæ, & minori in pretio habitæ, ab omni hæreditate excludere, datis tantum muneribus, auro videlicet, argento, vestibus, pecoribus, quibus se suosque alerent, omnium verò reliquorum bonorum suorum hæredem dicere Isaacum ex Sara primaria coniuge progenitum; multò magis licebit nothos ex vago concubitu susceptos, patrum bonorum aut Principatus exortes facere. Illud tamen semper Parentibus curandum est vt proli quomodocumque suscepta sit, bona contingat educatio, eaque suppetant quæ ad vitam propagandam necessaria sunt. In veteri Hebræorum Republ. è scortis nati, qui Mamzeres apud illos dicebantur, in Ecclesiam Dei venire non poterant, hoc est ad societatem politicam, & iurium communionem, quibus alij gaudebant, non admittebantur. Putant aliqui eos in populo Dei hereditatis capaces non fuisse, alij à dignitatibus tantum publicisque muneribus submotos existimant, sicque interpretantur illud Deuteronomij, *Non ingreditur Mamzer in Ecclesiam Domini.* quò respexisse videri possit Sapiens cum ait, *Filij adulterorum in inconsummatione erunt,*

Iud. 11. 1.

Deut. 23.

2.

Sap. 3. 16.

Græcè τέκνα μοιχῶν ἀτίλες, nam apud Græcos ἀτίλες, quamquam alia significat, accipitur etiam pro eo, qui ἐν τέλει non est, aut esse non potest, hoc est qui à publicis muneribus, & functionibus arcetur. Id autem fiebat in Hebræorum politia, quia communi gentium omnium sensu huiusmodi homines propter pudendos natales infamia notantur: quare cum Christus Dominus Iudæis, qui Patre Abrahamo gloriabantur, diceret; *Hoc Abraham non fecit*, quod scilicet vos facitis, adderetque: *Vos facitis opera Patris vestri*, quasi eos semen Abrahæ esse negaret, ut Origenes interpretatur, ac proinde opinione, aut errore illorum contumeliam impingeret; eos Nothos faciendo, cōmoti vociferebantur, *Nos ex fornicatione non sumus nati*. Adde non infrequenter accidere, ut qui parentum scelere geniti sunt, etiam parentum prauos mores ad quos ediscendos plus æquo dociles sumus, imitentur, & referant, cum præsertim eorum qui præ legitimis liberis non multum diliguntur à parentibus, ferè negligatur educatio, liberalique homine digna institutione destituti, ad vitia capessenda fiant proniores.

Hebr. 12. 8. *Quod si estis extra disciplinam*, inquit D. Paulus ad Hebræos scribens, *cuius participes facti sumus omnes, ergo adulteri & non filij estis*. τὸ Ἀδελτεῖ Græcè est νόθοι, indicans eos qui sunt huiusmodi extra disciplinam ferme esse, ἁπλῆς παιδείας, hoc est honestam & ingenuo homine dignam educationem minimè nancisci. Non tamen propterea negauerim multos reperiri, qui cum nothi sint, & ut S. Ioannes quodam loco eos appellat. *Nati ex voluntate carnis*, concupiscentia scilicet carnisque voluptate, non autem amore prolis parentes ad concubitum

10.3.41.

Hebr. 12.
8.

10.1.13.

cubitus incitante, videri tamen possint nati *Ex voluntate viri*, hoc est ex legitimo iustoque congressu, cuiusmodi ille est qui honestum finem spectat procreandæ sobolis, qualem sibi finem virum proponere æquum est: nam & virtutem colunt, & vtilem Reipubl. navant operam, aut studiis doctrinarum, aut armorum tractatione bellicæque virtute, ut supra de Iephte dictum est.

Quibus disciplinis, & magistris instituendi sint ij, qui in spem Imperij educantur.

CAPUT VIII.

QVI educantur in spem Principatus, ut *Aliqua de disciplina, doctrinæ, necessitate.* alios vitæ statu antecellunt, ita instrumentis bene Rempubl. gubernandi præstare debent, eaque quantum licet sibi comparare, teneioris ætatis institutione, ut cum administrationem Principatus capessere opus habuerint, earum doctrinarum fructibus utantur, in quibus elaborauerint. Quamquam enim sunt aliqui ipsius naturæ habitu ita formati ad virtutem, tantaque docilitate ingenij, ut accedente experientia rerum magistra, ad omne decus ipsi per se possint eniti; negari tamen non potest, doctrinam munus quoddam esse diuino beneficio hominibus datum, quo qui præditi sunt, longè à vulgi similitudine abducuntur, & in arce prudentiæ atque *Genes. 6.* sapientiæ constituuntur. *Postquam ingressi sunt filij 4.*

106 *Institutio politica ex sacris Scripturis.*

Dei ad filias hominum, illaq^{ue} genuerunt (exorti sunt gigantes) isti sunt potentes a saculo viri famosi. Liccat improbum hoc factum ad rem bonam significandam transferre. Si duo ista, magnum scilicet aliquod & excellens ingenium, cui accedant doctrinæ præsidia, misceantur, tunc viri potentes existunt, Principes rerum in pace, & bello gestarum fama illustres, quorum tanta est virtutis magnitudo, ut cum communem hominum modum supergrediantur, gigantes meritò appellari possint, quorum humeris orbis infideat, ut quodam loco S. Iob poetico schemate nobis exprefit, qui illos gigantes esse sub aquis gemetes pronunciauit, magnos proculdubio viros, & pares ferendo tanto ponderi, quod tamen ut hoc obiter dicamus, gemitum ab illis nonnunquam exprimit, dum populorum multitudine, immensaque negotiorum sarcina, quasi aquarum multarum mole premuntur, ac pene obruuntur. Quare

17. Mor. D. Gregorius locum hunc S. Iob explicans, ait,
cap. 12. *Si autem gigantum nomine potentes huius seculi designantur, in aquis possunt populi figurari, Ioanne attestante, qui ait, Aqua enim sunt populi. & paulo post.*

Apoc. 17. *Quanto quis hic altius erigitur, tanto curis grauioribus*
15. *oneratur, eisque ipsis populis mente, & cogitatione supponitur, quibus superponitur dignitate.* Et sanè doctrina fax quædam est illustrissima, quæ in vitæ huius implicatissima varietate, in qua multis, ac periculo plenissimis erroribus obnoxij sumus, nobis præluceat, ac viam demonstrat, qua gradiendum sit, ut non immeritò in sacris literis lucis nomen

Isa. 24. 15. inuenerit. Propter hoc, inquit Isaias, in doctrinis glorificate Dominum. Tò Doctrinis, in Hebræo est מִן הַנֵּר, quæ vox lucem etiam significat, & in Exodo

Exodo occurrit, cum de luce sermo est, quam in sacerdotis Principis pectore splendescere voluit Dominus: quod enim habemus in editione vulgata, *Pones in rationali, iudicij Doctrinam, & veritatem*, ex Hebræo vertere possis, *Illuminationes, & Perfectiones*. Hos autem doctrinæ radios Principi ab ipsa pueritia affulgere plurimum interest: tenaciùs enim adhærescunt, quæ teneræ illi ætatlæ, tamquam molliori ceræ imprimuntur, & quo semel imbuti sunt colorem seruant, & saporem doctrinæ, nec annis crescentibus, ab ea, quam instituerunt, via defleunt, aut diuertunt. *Adolescens enim iuxta viam suam ambulans, & dum senue-rit, non recedet ab ea*, siue bona sit, siue mala. Quare S. Iob de iis verba faciens, qui ab ineunte ætate vitiis assueuerunt, *Ossa eius, inquit, implebuntur vitijs adolescentie eius, & cum eo in pulvere dormient*. Quas enim labe, & vitia quis in adolescentia contraxerit, ea vix exiit in senectute, sed perpetuos habet vitæ suæ comites, donec sepulchro condatur. Ideo Salomon adolescentem hortatur, vt continenti studio, & pertinaci, doctrinam capessere non desistat, cum ait, *Non cesses fili audire doctrinam, nec ignores sermones scientia*. Quod cum omnibus conueniat, in Principes etiam aptiùs quadrat, qui Rempubl. ad rectæ rationis præscriptum regere debent. Itaque de Ieroboamo filio Nabath Ephratæ, qui in Principem pessimum euasit, fortassis commemorat consulto scriptura illud adiunctum. *Cuius mater erat nomine Sarua mulier vidua*, quodd viduarum filij liberiùs nullo institute educari, faciliùs vitiorum iter ingrediantur, quàm ij quorum Parentes, & magistri seueriore disciplina, vt loquitur scriptura, *Cer-*
nucem

Exod. 28.

30.

Prou. 22.

6.

Iob. 20.

18.

Prou. 19.

27.

3. Reg. 11.

26.

- Ecclef. 30. *vicem curuant.* Cum ergo primum per ætatem li-
 12. cuerit, futurus aliquando Princeps sub magistro probæ ætatis, vitæ, atque eruditionis militare incipiat, & quemadmodum Saül sub regni initium
1. Reg. 19. *In Naioth profectus est,* vel vt Kaldæus reddit
 23. *In domum doctrinae,* sic Princẽps noster limen musarum maturè terere non detrectet. De Moyse qui à Pharaone Ægypti Rege loco filij habebatur, ita in Apostolorum actis loquitur S. Stephanus. *Et eruditus est Moyses omni sapientia Ægyptiorum, & erat potens in verbis & in operibus suis.* Qui locus ex iis quæ Philo in Mosis vita confignata reliquit, lucem accipit, ait enim. *Moyse iam facto grandiusculo, confestim accesserunt aliunde præceptores quidam ultrò venientes è præfecturis Ægypti proximis; alij magnis premijs inuitati à Græcia. At ille eos intra modicum tempus superauit, natiua docilitate institutionem præcurrens, vt reminisci videretur non discere, in rebus difficilioribus de suo comminiscens aliquid. Itaque numeros, & geometriam, vniuersamque musicam, rhythmicam, harmonicam, metricam siue contemplatiuam, siue per instrumenta vocẽsque prominentem se modis varijs, accepit ab Ægyptijs doctoribus, & insuper occultam philosophiam descriptam litteris vt vocant hieroglyphicis, hoc est notis animalium, quæ ipsi venerantur pro numinibus: reliquas liberales artes Græci docebant. Ex propinquis autem regionibus euocati Assyrij suas litteras, Kaldæi syderalẽ, hanc & ab Ægyptijs didicit, Mathematica cum primis deduit. Hæc Philo, ex quibus, aliisque supra commemoratis apparet puerilem ætatem in Principe litteris imbuendam esse.*
- Dei ipsum
 magistrum
 Principum
 agere.
2. Porro si quis quærat quem potissimùm vitæ bene instituendæ, morumque ad virtutis præscriptum

ptum componendorum Magistrum, Princeps futurus habere debeat; antequam de alijs magistris differā, Respondeo à teneris cōdocefaciendū esse, & hac salutari opinione imbuendum Principem, optimum esse cum sibi doctorem eligere, quem sibi olim David tantus Rex, vt iustitiam addisceret, omnēque genus prudentiæ, tantò ante delegerat, qui de se ipso testatur in Psalmo. *Manē* Psal. 5. 5. *astabo tibi, & videbo, quoniam non Deus volens iniquitatem tu es*: quasi diceret, ex matutinis hisce Icholis, quibus à te Domino meo erudior, illud præsertim constat operæpretium, quod magis perspicuè intelligo quātopere peccati genus omne, iniustitiāque nominatim detesteris, quæ omnes quidem dedecet, sed potissimū Principes, qui æquitaris assertores, & propugnatores esse debēt. Talem Doctorem vbi cuiusgilauerimus matutino tempore vt adeamus nobis auctor est Ecclesiasticus, cum ait. *Qui timet Dominum, excipiet doctrinam eius, & qui vigilauerint ad illum, inuenient benedictionem.* Nam cum, D. Iacobo teste, *Omne datum optimum, & omne donum perfectum desursum sit, descendens à Patre luminum*: dubitari Eccles. 32. 18. Iacob. 1. 17. Sap. 18. 15. non potest quin genus omne doctrinarū, ac præsertim civilis illa sapientia, qua Reges indigent, desursum sit, à regalibus illis sedibus descendens, à quibus, si fortè cunctetur, precibus ad Deum fuis sit deuocanda, quod Moysen fecisse, & illius ministrum, ac postea in populi gubernatione successorem, Iosue, cognoscimus ex sacris litteris. Nam moysi quidē facies ex diuini sermonis consortio, longāque ac familiari consuetudine splendorem quemdam contraxit, vt de monte descendens capite radiato suis apparuerit. Iosue verò Exod 34. 24. intro

- Deut. 31. 15. Psalm. 103. 3. introductore Moyse eiusdem gymnasij limen terere instituit, Dominusque magistralē cathedram conscendere non detrectavit, ut illum institueret, columnam scilicet illam in nube, quam, iuxta Psalterium Dominus *ponit ascensum suum*, primoque à fortitudine, Imperatoria virtute, suas scholas, quas postea sapius erat habiturus, auspiciatur, cum dixit. *Confortare, & esto robustus.* Tantumque hoc magistro sub quo fortitudinem præsertim didicerat, profecit, ut de illo dixerit Ecclesiasticus; *Fortis in bello Iesus Naue, expugnavit insurgentes hostes, ut consequeretur hereditatem Israël.* Eiusdem magistri doctrina, & sololis se eruditum esse gloriatur Isaïas Propheta, eodemque matutino tempore monita, ac documenta illa excepisse testatur, cum ait: *Dominus erigit manē, manē erigit mihi aurem, ut audiam quasi magistrum.* Quorum verborum sensus esse potest. Dominus excitat me ad audiendum, & dicendi ardorem iniicit, doctrinamque illam cælestem sine invidia communicat: nam singulis diebus matutino præsertim tempore, cum illi adsto, erudit me in iustificationibus suis. Illa autem repetitio *manē, manē*, idem significat ac quotidie, singulis diebus tempore matutino, ut sit dicendi formula illi similis quæ est in Psalmo, *Illuc ascenderunt tribus, tribus*, omnes scilicet tribus, & illi quæ in libro Genesis est, ubi habemus. *Vallis autem sylvestris habebat puteos multos bituminis*, in Hebræo enim est, *Puteos Puteos*. Iis autem qui doctrinæ huius studiosi fuerint, laboris ac diligentiae fructus constat non pœnitendus, eos enim Dominus ad interiora quædam arcana cognoscenda admittit, quæ cum aliis vulgò communicare non solet. *Firma-*

mentum est Dominus timentibus eum, & testamentum
 ipsius ut manifestetur illis. D. Hieron. vertit *Secre-*
tum Domini timentibus eum. Quod cum experimen-
 to didicisset Elifæus, quasi nouum quiddam &
 insolitum miratur, quod mors filij hospitæ suæ
 sibi diuinitus patefacta non esset. *Et Dominus,* 4. Reg. 4.
 inquit, *celauit à me, & non indicauit mihi.* Salomon 27.
 etiam in Prouerbiis, *Custodiet, inquit, Dominus, Prou. 2.7.*
rectorum salutem, & proteget gradientes simpliciter. Ex
 Hebræo bene vertere possis, *Abscondet rectis salu-*
tem, vel sapientiam. Quod autem dicitur *Abscon-*
det, significat Dominum quasi thesaurum sapien-
 tiæ se positurum in commodum, vsumque iusto-
 rum, sicut consimili phrasi dicitur in psalmo.
Quam magna multitudo dulcedinis tua Domine, quam Psalm. 30.
abscondisti timentibus te. Postea verò quàm ut dixit 20.
 Apostolus, *Apparuit gratia Dei saluatoris nostri om-* Tit. 2. 11.
nibus hominibus, erudiens nos, ipsum etiam Christum
 in peculiarem magistrum Principes adoptare de-
 bent. *Et nunc Reges intelligite,* inquit S. David, *Erudi-* Psalm. 2.
mini qui indicatis terrā. Et paulò post magistrum 10.
 indicans quem audiant. *Apprehendite, inquit, disci-*
plinam, vel ut ex Hebræo vertere possumus. Oscu-
lamini filium, hoc est Christum Dominum, ma- Ibid. num.
 gno reuerentiæ ac pietatis affectu, tamquam ma- 12.
 gistrum cœlo delapsus admittite, ipse enim est
 de quo legimus apud Ioël. *Et filij Sion exultate, &* Ioël. 2. 23.
letamini in Domino Deo vestro, quia dedit vobis do-
ctorem iustitiæ; ac proinde præcipuus, vnusque
 magister vester esse debet, cum reliquos omnes
 sapientes infinito post se interuallo relinquat, ut
 de se ipso verè testatus est, cum ait: *Magister ve-* Matth. 13.
ster vnus est Christus, quem à vobis auferre nemo 8.
 potest, sed quantum volueritis, & quandiu ex
 illius

illius fontibus, qui omnibus semper reclusi sunt,
 Isa. 30. 26. haurire poteritis. *Non enim faciet auolare à te ultra doctorem tuum, & erunt oculi tui videntes Præceptorum tuum.* Quanti verò doctrina hæc de cælo veniens fieri debeat, ex eo perspicui potest, quod hominum sapientia vniuersa quasi guttæ cuiusdam tenuissimæ instar habet, vnde nec eos qui eam collegerint penitus imbuere potest, sed leuiter tantum aspergere; doctrina verò quæ de fontibus manat Saluatoris perennibus, & vberibus, largiùs pectus nostrum infundere, mollire, prudentiæque germinibus fæcundum facere potest. Hinc Isaias diuinam sapientiam cum humana prudentia componens: *Quis adiuuit, inquit, spiritum Domini, aut quis consiliarius eius fuit, & ostendit illi? cum quo inuit consilium, & instruxit eum, & docuit eum semitam iustitiæ, & erudiuit eum scientiam, & viam prudentiæ ostendit illi? Ecce gentes quasi stilla situla. Quasi dicat, quemadmodum stilla vnica nihil ferè est, si cum aquis quas complexu suo situla continet, comparetur: nec qui aquam baiulat, de vnica stilla sollicitus est, quæ de madefacto cantharo aut situla inter eundum decidat; ita planè humana prudentia nihil propemodum est, si cum vastissimo diuinæ sapientiæ Oceano in contentionem venerit.*

Ipsos Principes in quibusdam liberos suos erudire debere.

3 Sed præter hunc Magistrum de quo diximus, ipsis parentibus qui Principem genuerunt, magna cura incumbit, non tantum illum educandi ut corpus mole, & viribus adolescat, sed multò magis ut virtutum incrementis augeatur, doctrinarumque præsidiis magis semper magisque confirmetur. Hinc frequenter in scripturis sanctis reperio filios & filias à parentibus eruditas fuisse, ut de

de Susanna primaria fœmina dicitur apud Danielem. *Parentes enim illius, inquit, cum essent iusti, erudierunt filiam suam secundum legem Moysi.* Et senior Tobias filium suum multis egregiisque præceptis imbuir, quæ litteris sacris consignata etiam non multis profunt, ea verò ut non solum ad aures admitteret, sed etiam in pectus altè demitteret bonus senex postulabat. *Audi filij mi verba oris mei, & ea in corde tuo, quasi fundamentum, constitue.* Et Salomon de se ipso testatur se sub parentum suorum disciplina profecisse, sic enim scribit in prouerbiis. *Audite filij disciplinam Patris, & attendite ut sciatis prudentiam. Donum bonum tribuam vobis, legem meam ne derelinquatis. Nam & ego filius fui Patris mei tenellus, & unigenitus coram matre mea, & docebat me, atque dicebat. Suscipiat verba mea cor tuum, custodi præcepta mea, & vines. Posside sapientiam, posside prudentiam, ne obliuiscaris, neque declines à verbis oris mei.* Et Dominus miranda opera quæ patrauit, ut ex hostibus suis Israëliticum populum eriperet, ea voluit ita ad posteros transmitti, ut parentes ipsi filios ea docerent; ac proinde paterna hac institutione cognoscerent, quàm diligenter, & sedulò, quàm sanctè & piè Dominum tantorum beneficiorum auctore colere deberent, ac venerari. *Quanta, inquit, S. David, mandauit Patribus nostris nota facere ea filiis suis, ut cognoscat generatio altera: filij qui nascentur, & exurgent, & narrabunt filiis suis, ut ponant in Deo spem suam, & non obliuiscantur operum Dei, & mandata eius exquirant.* Voluisse autem Dominum, ut per parentes filij nepotésque ista cognoscerent, tum alibi habemus in scriptura, tum in libro Exodi. *Et dixit, inquit, Dominus ad Moysen; ingredere*

Tob. 4. 2.

Prou. 4. 1.

Psal. 77. 6.

Exod. 10.

1.

H

ad

114 *Institutio politica ex sacris Scripturis.*

ad Pharaonem, ego enim induravi cor eius, & seruorum illius, ut faciam signa mea hac in eo, & narres in auribus filij tui, & nepotum tuorum quoties contriuerim Aegyptios, & signa mea fecerim in eis, & sciatis quia ego Dominus. Adcò verò proprium est parentum munus filios instituere, & bonis artibus perpolire, ut Patris nomen in scripturis sacris idem significet quod Magistri. Non vestro consilio, inquit Ioseph fratres suos alloquens, sed Dei voluntate huc missus sum, qui fecit me quasi Patrem Pharaonis, & dominum uniuersae domus eius. Et eodem libro Genesis dicitur. *Præco clamabat ut omnes coram eo genua flecterent*, in Hebræo est, *Clamauerunt coram eo, Abrech*, de qua voce non satis constat Aegyptia ne sit an Hebræa, nec omnino quid significet, certò cognosci potest. D. tamen Hieronymus in traditionibus Hebraicis interpretatur *Pater tener*, Ionathas, quod ad rem nostram facit, *Pater Regis*, Thargum verò Hierosolymitanum, ita per paraphrasim locum totum expressit. *Præconizabant coram eo. & dicebant. Vinat Pater Regis, qui est Princeps in sapientia, & tener in annis*. Sic Rex Israël Elisæum parentem suū vocabat, sacraeque scripturae recepta phrasis est, ut qui artis alicuius inuectores fuerūt, verbi gratia, musices, aut artis fabrilis, ij musicorum Patres, aut ferrariam exercentium appellentur, quia nimirum alios docendo, artificij illius præcepta propagabant. sic Tubal dicitur in Genesi *Pater canentium ciithara, & organa*. Decet ergo parentes magisterium hoc, ut per eosdem filij sint, & boni sint, doctrinisque bene culti.

Genes. 45.
8.

Genes. 41.
43.

4 Reg 6.
21. & cap.
13. 14.

Genes. 4.
22.

*Alios etiã
magistros
addendos,*

4 Verum quia plurimis grauissimisque negotiis publicis occupantur Principes; vir aliquis probus

probus feligatur, & doctus, qui etiam ipsa prima elementa puero tradat; non enim sunt contemnenda quasi parua, sine quibus magna constare non possunt. Ipse elementorum sonus, & prima institutio præceptorum aliter de erudito, aliter de rustico ore profertur. Ex Bethsabee suscepit Dauid filium Salomonem, eum, cum primum crescens ætas parenti de magistro cogitare suasset, Nathan credidit, viro, non tantum sanctitate morum insigni, quippe qui propheta Domini erat, sed etiam ciuilis prudentiæ lande clarissimo, Regioque consiliario. *Que genuit (Bethsabee) filium, & vocauit nomen eius Salomon, & Dominus dilexit eum, misitq; in manu Nathan propheta, & vocauit nomen eius Amabilis Domino, eo quod diligeret eum Dominus. Tò Misit in manu Nathã, quamuis alij ad nomen tantum imponendum referant, vt scilicet Dominus Nathan iusserit infanti nomen imponere, alij tamen putant ad erudiendum traditum esse, vt magni magistri nobilis alumnus magnos sub tanto Doctore progressus faceret. Fecit Ioas rectum coram Domino cunctis diebus quibus docuit eum Ioiada sacerdos, vt dicitur in Regum història; ita enim fere accidit vt magistris suis quàm simillimi euadant eorum alumni, moribus probabilibus, & sanctis si boni, malis contra & tyrannicis si improbi. De Ioseph dicitur in Psalmis; Constituit eum (Pharao) dominum domus sue, & Principem omnis possessionis sue, vt erudiret Principes eius sicut semetipsum, & senes eius prudentiam doceret. Tò sicut semetipsum, in Hebræo vt nunc legimus est כִּנְפֵּי in anima sua, sed paulò aliter legisse videntur Septuaginta, modica vnus litterulæ, quæ alteri persimilis est, immutatione כִּנְפֵּי*

qualisque esse, debeat.

2. Reg. 12.
25.

4. Reg. 12.
2.

Psal. 104.
21.

secundum animam suam, & sensus est, optauit Pharaon vt quam ipse Ioseph doctrinam siue diuino munere, siue ingenij bonitate, studii que assiduitate fuerat consecutus, eam cum aulæ Primoribus communicaret, eosque sibi similes efficeret (hoc enim significat *sicut semetipsum*, & *secundum animam suam*) multosque quasi Iosephos, si fieri posset, exhiberet Aegypto. Qui ergo huiusmodi pædagogum, quem filiis suis præficiat, nactus fuerit, non minùs habeat in pretio quàm thesauros suos, nam *Pretiosi spiritus vir eruditus*, inquit Salomon, vniushque nonnunquam hominis industria, solertia, doctrina, consilium plus reipublicæ profunt, aut Principi, quàm aliorum plurimorum; maiórque multò iactura est, si huiusmodi hominem aut ad alios Principes transire contingat, aut mortem oppetere, quàm si ex aliis gregariis multæ decades, aut etiam centuriæ, ne dicam chiliades cadant. Primo Regum libro dicitur, *Percussit autem de viris Bethsamitibus, eo quod vidissent arcã Domini, & percussit de populo septuaginta viros, & quinquaginta millia plebis*. Videtur totius loci sensus esse, percussisse Deum in populo illo septuaginta supra quinquaginta virorum millia, sed Hebræi (si tamen illis credendum est) aptè ad rem nostram putant sententiã esse septuaginta quidem solos interfectos fuisse, sed adeo excellentes, & eximios, vt pro quinquaginta millibus computari possent. Porro sub huiusmodi magistro lectissimi & alij pueri legantur, qui cum futuro Principe militent in hoc litterario puluere, vt nimirum assuescat iam à tenero non reformidare homines, neque solitaria & veluti vmbatili vita palleascant. Peruidit hoc sapienter Salomon,

Prou. 17.
27.

1. Reg 6.
29.

lomon , qui Roboamo , quem sibi successorem
erat relicturus, studiorum socios videtur adiunxis-
se, ut capere licet coniecturam ex narratione eius
consultationis, quam Roboam instituit de remit-
tendis tributis. *Qui dereliquit, inquit, consilium* 3. Reg. 12.
senum, quod dederant ei, & adhibuit adolescentes qui 8.
nutriti fuerant cum eo, & assistebant illi. Cum enim
dicitur *qui nutriti fuerant cum eo*, satis innuitur ho-
norios quosdam Ephebos fuisse, quibuscum, &
studiis daret operam, domesticæque & umbratili
armorum exercitationi, ut mores, & spiritus
Principe dignos conciperet. Cæterum qui pue-
rum suscepit instituendum, non nimium urge-
re debet, nec plenam exigere operam, ne qui stu-
dia aut Præceptorem amare nondum potest, ode-
rit, & amaritudinem difficultatēque disciplina-
rum semel præceptam, etiam ultra rudes annos
reformidet. Cum viris etiam, ne dum cum pue-
ris maximè opportuna est ista dexteritas, nō enim
facile Principis animus Philosophi, aut Magistri
medicas manus paritur, præsertim si rescanda
sint vitia, quibus insueuerit. Iussus fuerat Na-
than Propheta à Domino ad Dauidem adire, sce-
lus quo se maculauerat illi ante oculos ponere,
verbis castigare, & ad sanitatem reducere. Hic
propheta Regionum morum bene gnarus, quasi
medicus aut pharmacopola sapiens, bolum quem
ægroto Principi erat oblaturus, apologo quodam
conuestit, animumque Regis tantisper abducit à
sceleris admissi cogitatione, qualique priuati cu-
iuspiam flagitium narrans. *Duo, inquit, viri erant* 2. Reg. 12.
in ciuitate una, unus diues, & alter pauper. Diues ha- 1.
bebat oues, & boues plurimos valde, pauper autem ni-
hil habebat omnino, præter ouem unam paruulam, quam

H 3
emerat,

emerat, & nutrierat, & qua creuerat apud eum, cum filiis eius simul, de pane illius comedens, & de calice eius bibens, & in sinu eius dormiens, eratque illi sicut filia. Cum autem peregrinus quidam venisset ad diuitem, parcens ille sumere de omnibus, & de bobus suis ut exhiberet conuiuium peregrino illi, qui venerat ad se, tulit ouem viri pauperis, & preparauit cibos homini illi qui venerat ad se. Iratus autem indignatione Dauid aduersus hominem illum nimis, dixit ad Nathan. *Viuat Dominus, quoniam filius mortis est vir qui fecit hoc. Ouem reddet in quadruplum, eo quod fecerit verbum istud, & non pepercerit.* Dixit autem Nathan ad Dauid, *Tu es ille vir.* Reiectisque ambagibus postquam ab ipso fonte sententiam elicuerat, liberiore oratione in peccatum inuectus est, tantumque Diuina gratia iuuante profecit, ut dolore patrati sceleris concepto clamauerit *Peccaui Domino*, parum fortasse aut nihil profecturus si propheta ab acriori obiurgatione fuisset exorsus. Cõsimili solertia vsus est Ioab in Dauide Absaloni reconciliando, submissa sapiente illa muliere Thecuitide, quæ habitu corporis ad luctum cõposito, admirabili illa, & paulatim progrediẽte insinuatione vsa, quod volebat obtinuit, & decretum de exule reducendo extorsit: quod fortasse minus Ioab consequi potuisset, si animam Regis palam expugnare aggressus esset. Par Achimelechi sacerdotis dexteritas, & in Principem suum reuerentia, nam cum ad illum Dauid diuertisset cum suorum manu, itineris labore fractus, & fame propemodum enectus, panesque sanctos propositionis postulasset, quos nisi à mulierum consuetudine aliquo tempore abstinuissent, illis tribuere sacerdos sibi integrum per religionem non putabat, de Comitibus

bus interrogat Achimelech non de ipso David, *Non habeo, inquit, laicos panes ad manum, sed tantum panem sanctum, si mundi sunt pueri maxime à mulieribus.* David verò sentiens se etiam peti sapienti illa sacerdotis interrogatione, pro se etiam, non tantum pro pueris suis respondit, & Achimelech omni religione liberavit. *Equidem, inquit, si de mulieribus agitur, continuius ab heri & nudius tertius, quādo egrediebamur & fuerunt vasa puerorum sancta.* Quod si cum sancto David, cuius mansuetudini testimonium dant Sacræ litteræ, tam cautè agendum putauerunt viri sapientes, vt nudam, & rectam veritatem illi obiicere non auderent, ne fortè quod illam consequi solet odium excitarent; quid cum aliis faciendum putabimus, pueris præsertim, aut adolescentibus, qui non facile se premi patiuntur, qua dexteritate cohiberent, retinendi, sufflaminandi, ne regni licentia ferantur per abrupta vitiorum? Nec tamen dum dexteritatem istam commendo, hoc ago, vt illam seueritate quadam aspersam, atque conditam nolim. Memini Sapientis ita monentis. *Equus indomitus euadit durus, & filius remissus euadet princeps. Læta filium, & pauentem te faciet, lude cum eo, & contristabit te. Non corrideas illi ne doleas, & in nouissimo obstupescant dentes tui. Non des illi potestatem in inuentute, & ne despicias cogitatus illius. Curua cervicem eius in inuentute, & tunde latera eius dum infans est, ne fortè induret, & non credat tibi, & erit tibi dolor anima.* Memini Heli remissam indulgentiam grauissimis castigatam verbis, & pœnis seuerissimis vindicatam. Illud ergo tantum contendo Magistri hoc munus esse, vt cum blandis verbis Principem in officio continere

Ibid. n. 4.

Eccles. 30.
8.1. Reg. 2.
23.

potest, ab asperiore absteat increpatione, quam sibi interdictam putare non debet, si eam utilem fore crediderit ad curuandam nimis erectam pueri ceruicem, ut discat *Portare ingum ab adolescentia sua.*

Thren. 3.
27.

*Eloquētia
studium
Principis
dignum.*

§ Sed iam videamus quibus studiis Princeps futurus operam suam debeat impendere. Ac primum existimo cum ex Grammaticorum dumetis euaserit, per eloquentiæ campos excurrere debere, hæc enim facultas illi & pacis temporibus, & belli usus futura est, illiusque beneficio consequetur, ut liberi homines quibus præfuerit, legum decretis, aut Principum iussis æquo animo se adstringi patiantur; & si quando seditiones, turbæ populares publicam quietem turbauerint, eas componere possit, & sedare animos mulcendo, & noxia consilia in melius oratione conuerrendo. Rursus si bellandum fuerit ut consternatos militum animos à meru reuocare facultate dicendi, & tot pericula adeuntibus, laudem vita potiore, & antiquiorem esse debere persuadere possit. Hinc olim aliqui ex iis qui ad gubernandum populum à Domino destinabantur, si se infacundiores, & lingua impromptos sentiebant, defugiebant munus hoc publicum, & quantum poterant deprecabantur, ut Ieremias, qui etiam postquam à Domino audiuerat, *Præquam te formarem in utero noui te, & antequam exires de vulua sanctificavi te, & Prophetam in gentibus dedi te*, suam tamen opponit ineloquentiam, detrectatque munus demandatum. *Et dixi, inquit, A A A. Domine Deus, ecce nescio loqui; quia puer ego sum.* Similem excusationem Moses prætendit, qui mittendus in Ægyptum, ut populo

Ierem. I. 5.

Ierem. I.

lo suo salutem afferret, quod linguæ esset impeditioris, & ad eloquendum parum expeditæ causabatur. *Obsecro Domine*, inquit, *non sum eloquens ab heri, & nudius tertius, & ex quo locutus es ad seruum tuum, impeditioris, & tardioris lingua sum.* Hanc autem excusationem Dominus non ita amolitur, ut dicat eloquentia eum opus non habere, quod patratorum miraculorum potestatem accepisset, sed potius se illi adfuturum pollicetur, & in os verba positurum promittit, ut quæ, & quomodo opus esset dicere posset. *Dixit enim Dominus ad eum: Quis fecit os hominis, aut quis fabricatus est mutum, & surdum, videntem, & cæcum? Nonne ego? Perge igitur, & ego ero in ore tuo, doceboque te quid loquaris.* Apud Ecclesiam etiam similem Dominus anteuertere videretur excusationem, cum ait. *Fili hominis vade ad domum Israel, & loqueris verba mea ad eos,* statimque aditum excusationi præcludit. *Non enim, inquit, ad populum profundi sermonis, & ignota lingua tu mitteris, ad domum Israël, neque ad populos multos profundi sermonis, & ignota lingua, quorum non possis audire sermones, & si ad illos mittereris, ipsi audirent te.* Quemadmodum autem ij, qui se minus ab eloquentia instructos arbitrabantur, publica munera reformidabant; ita qui paratam, & promptam haberent facultatem dicendi, tanto Dei munere non dissimulanter lætantur, ut Salomon, cuius illud est. *Mihi dedit dicere ex sententia*, id est ita dicere, ut quæ mentis agitatione prius conceperim, ornatè etiam eloqui possim, sententiàmque meam efferre oratione luculenta, quam non libenter tantum admittant auditores, sed etiam suspiciant. Nam ut idem inquit; *In conspectu potentium admirabilis ero, & facies Principum*

Exod. 4.
10.

Ibid. n. 11.

Ezech. 3.
4.

Sap. 7. 17.

Sap. 8. 12.

122 *Institutio politica ex sacris Scripturis.*

pum mirabuntur me , tacentem me sustinebunt , & loquentem me respicient , & sermocinante me plura , manus ori suo imponent. Nec vana hæc Salomonis iactatio , sed solida est & vera laus , vt enim testa-

Ecclef. 47. 16. tur Ecclesiasticus *Impletus est , quasi flumen , sapientia* , vt non tam copia rerum , quàm verborum etiam ornatissimorum flumine redundaret. Sanctus etiam Isaias , ad quem volauit vnus de Sera-

Isa. 6. 6. phim , & in manu eius calculus , quem forcipe tulerat de altari , & tetigit os illius : sibi propter eandem causam gratulatur cum ait : *Dominus dedit mihi*

Isa. 50. 4. *linguam eruditam , vt sciam sustentare eum , qui lassus est verbo.* vel vt Forerius vertit ex Hebræo , *Vt sciam tempestiuè miscere cum defatigato colloquium* , eorum scilicet mitigando dolorem , ac leniendo , qui

Prou. 25. 20. vt dicitur in Prouerbiis *Corde pessimo sunt* ; id est afflicto , & malis , ærumnisque fracto , quibus si sermone medicinam facere velis (quod non vulgaris artis est) ita verba componas ac moduleris

necesse est , vt nec nimius sis , nec tamen ea quæ dicenda sunt prætermittas , eam quasi suscipiens dicendi necessitatem , ad quam ij se astringunt , qui carmina conscribunt , in quibus omnia ad certam quamdam pedum syllabarumque mensuram exiguntur , cui quidquam addere , vel demere non liceat , nisi totam carminis concinnitatem , artificiosamque structuram corrumpere velis. Qui sensus Sapientis esse videtur cum ait : *Acetum in nitro , qui cantat carmina cordi pessimo.* Importunè enim & ad fastidium carmen consolatorium alicui inculcare , adeo non sedat animum , vt potius illum exasperet , quasi acetum nitro superinfusum. Paret ergo sibi Princeps futurus facultatem

eloquendi, quæ mente conceperit, quæ enim cultiùs efferuntur, gratiam quamdam rebus ipsis conciliant, quæ sermoni subiectæ sunt, quod docuit Salomô cum ait: *Lingua sapientium ornat scientiam*, vel vt ex Hebræo verti potest, *Bonam reddit*: quæ enim bona sunt ipsa per se se, si etiam bene dicantur, & aptè, bonitatem quamdam ab ipsa dicendi forma mutuuntur, vt non solùm qui ita loquitur (quod de Nephthali dicitur in Genesi) *det eloquia pulchritudinis*, pulchra scilicet & ornata, sed etiam vacillantem sententiam confirmare, & meliorem facere possit.

Prou. 15. 2.

6 Alterum futuri Principis studium in historię cognitione versari debet. Cum enim quæ vitæ nostræ breuitas est, non ita facilè colligere possimus experientiam, ex iis quæ nostro æuo gignuntur, annalium lectione incommodum hoc facilè compensatur: qui enim diligenter in eorum peruolutione versati sunt, non ita multi temporis lectione, multorum sæculorum illustria facta cognoscunt, vitæ humanæ commutationes varias, rerum omnis generis instabilitatem, & conuersiones, Imperiorum ortus, & occasus, fontium pœnas, præmia fortium virorum, vt qui historias legerint, præteritis etiam sæculis vixisse videantur. Hinc de sapiente dicitur in Ecclesiastico; *Sapientiam omnium antiquorum exquiret sapiens, & narrationem virorum nominatorum conseruabit.* *1.*

Quod qui faciunt domi residentes in suo musæo vastissimas regiones transmittunt, cõsiliis ac deliberationibus regum intersunt, certaminum ac triumphorum spectatores sunt, magnæque animi voluptate, vitæ humanæ theatrum ingressi, quam quisque personam, & quam decorè egerit con-

*Historiam
cognoscat
Princeps.*

Ecclef. 39.

124 *Institutio politica ex sacris Scripturis.*

templantur. Ex hac autem historiæ cognitione, quæ res præteritas repræsentat, veterem memoriam replicans, licet etiam de futuris facere coniecturam: nam eiusdem gentis ferè mores iidem perpetuo sunt, propterea quod sub eodem cælo viuunt in quo etiam nati sunt, iisdem cibus aluntur, easdem hauriunt aquas, & auras, ex quo fit vt similia sint corporum temperamenta, & crases & propensiones etiam animorum. Quare locum

Ecclef. 1. hîc habet illud Sapientis. *Nihil est sub sole nouum, &*
 9.10. *quid est quod erit? id quod fuit.* Et forte Epimenides Cretensium Propheta appellatus est à D. Paulo,

Tit. 1. 12. quia mores eorum describens carmine illo *Cretenses semper mendaces, mala bestia, ventres pigri*, non tam quales fuerint illo æuo, quo Epimenides vixit, sed etiam quales tantò post futuri essent, hoc est D. Pauli tempore, verè & ad viuum expressit: quare illud etiam suo suffragio confirmauit Apostolus cum addidit, *Testimonium hoc verum est.* Capiebat autem Assuerum voluptas illa, de qua dicebamus, historiæ cognoscendæ, quem legimus earum recitatione delectatum, adeo vt cum nocte quadam somnum capere non posset, asserri iusserit Regni annales, vt honesta illa animi oblectatione, molestum illud tempus iucundiùs falleret. Cuius lectionis extitit sanè operæpretium, nam Mardochæus suæ in Regem fidei præmium tulit, & ad ampliora promerita Regi, & Regno salutaria sibi aditum patefecit. Et sanè multum Reipubl. interest publica extare monumenta historiæ, & annalium, quibus insignium virorum facta, dicta, consilia ab obliuione vindicantur, earumque rerum memoria conseruatur, quæ alioqui diuturnitate temporis ob-

Ibid.

Esther. 6. 1.

rutæ

rutæ funditus interirent. Itaque iubet Dominus
 Moyſen quædam ſcriptis mandare, ad facti me-
 moriam conſeruandam, cum ait: *Scribe hoc ob mo-* Exod. 17.
numentum in libro. Nam accidit nonnumquam, vt 14.
 ad capiendum prudens aliqua de re ancipiti con-
 ſilium, veteres memorias conſulere multum ex-
 pediat; quod Dario contigit, qui Bibliothecæ
 Regiæ monumentis edoctus, Cyro poteſtatem
 faciente, inſtituiſſe Iudæos moliri templum, adeo
 eos non prohibuit, vt etiam ex Regio ærario
 ſumptus ſuppeditarit. *Tunc enim Darius Rex præ-* 1. Eſdr. 6.
cepit, & re cenſuerunt in bibliotheca librorum qui erant 1.
re poſiti in Babylone, & inuentum eſt in Ecbathanis,
quod eſt caſtrum in Medena provincia volumen vnum,
talique ſcriptus erat in eo commentarius. Valet etiam
 plurimum hiſtoria ad accendendos virtutis amo-
 re animos, nam multi rerum præclare geſtarum
 commemoratione ita excitantur, vt paribus ce-
 dere turpe ducant, interdum verò etiam maiores
 honeſtiſſima virtutis æmulatione ſuperare co-
 nentur. Idcirco in ſacra Regum hiſtoria tam enu- 2. Reg. 23.
 cleata, tam diligens fortium Dauid enumeratio, 8.
 de quibus multa minutim toto capite bene lon-
 go dicuntur, quæ vt cognitu ſunt iucunda, ita
 militarem fortitudinem cote æmulationis vehe-
 menter exacuunt. Verſet igitur adoleſcentulus
 futurus aliquando Princeps veterem, recentem-
 que hiſtoriam, & in ea quæ lux eſt veritatis, &
 magiſtra vitæ omnis exempli documenta in illu-
 ſtri poſita contempletur, vt inde ſibi & Reipubl.
 capiat quod viſum fuerit imitandum, aliorumque
 malis, ipſe interim periculi exors, erudiatur.

*Præcipuū
 ſtudium
 Principis,
 Prudentiæ
 civilis.*

7 Venio ad ciuiliſ prudentiæ doctrinam, quam
 præ cæteris omnibus colere Principes debent,
 huius

Prou. I. 2:

huiusque argumenti libros nocturna versare manu, versare diurna. Instituta enim sunt huiusmodi scripta *Ad sciendam sapientiam, & disciplinam, ad intelligenda verba prudentia, & suscipiendam eruditionem doctrinae, iustitiam, & iudicium, & aequitatem, ut detur parvulis astutia, adolescenti scientia, & intellectus. Quæ præcepta Audiens sapiens sapientior erit, & intelligens gubernacula possidebit.* Itaque Sapiens alio quodam loco prudentiæ huius laudes exquisitissimis Rhetorum pigmentis, elegantissimisque metaphoris exequitur, & inter cætera Sapientiam inducit egregia quædam dona, & quæ plurimum à mortalibus expetuntur suis tenentem manibus, ostentantem, affectatoribusque suis largientem, eamque inter cætera lignum vitæ appellat, cuius illa vis erat, ut vitam hominum qui ex illius fructu degustassent absque morborum ægritudinumque molestiis, imò vigentem hilarémque ad plurimas sæculorum longinquitates extenderet. *Beatus homo, inquit, qui inuenit sapientiam, & qui affluit prudentia, melior est acquisitio eius negotiatione argenti, & auri primi, & purissimi fructus eius, pretiosior est cunctis opibus, & omnia quæ desiderantur, huic non valent comparari. Longitudo dierum in dextera eius, & in sinistra illius diuitiæ, & gloria. Via eius via pulchra, & omnes semitæ illius pacificæ. Lignum vitæ est his qui apprehenderint eam, & qui tenuerit eam beatus. Dominus sapientiâ fundavit terram, stabilivit celos prudentiâ, sapientiâ illius eruperunt abyssi, & nubes rore concresecunt. Fili mi ne effluant hæc ab oculis tuis. Custodi legem atque consiliū, & erit vita anima tua, & gratia faucibus tuis. Tunc ambulabis fiducialiter in via tua, & pes tuus non impinget, si dormieris non timebis, quiesces, & suavis erit som*

Prou. 3.

13.

ſomnus tuus. Haſtenus Salomon. Capellat ergo Princeps hanc bene gubernandi doctrinam, diligentiſque ſtudio in ea tanquam ſibi maximè propria ſe exerceat, ne quod pueris accidit, qui ſub tutoribus ſunt, *Nihil differat à ſeruo cum ſit omnium* Galat. 4. 1.

Dominus, cogaturque miniſtris ſuis aut Conſiliariis omnia credere, illiſque quodammodo ſubelliſſe, nec audeat ab eorum præſcripto ne latum quidem vnguem diſcedere, quod genus ſeruitutis eſt ſanè miſerum, periculique pleniffimum. Quantum enim præſtaret ipſum Principem res ſuas noſſe, & in deliberationibus, mentis agitatione, & conſilio expedire poſſe, quid agendum ſit, mox manus operi admoliri, & virtute ſua effecta dare, Præſectorum, Magiſtratumque ſuorum operam adhibentem, quàm ſub vnius, aut alterius Satrapæ poteſtate ignobilem & inertem vitam agere, illàmque dominationem pati de qua loquitur Salomon in Prouerbiis. *Seruus ſapiens* Prou. 17. *dominabitur filiis ſtultis, & inter fratres hereditatem* 2. *diuidet.* Et Eccleſiaſticus. *Seruo ſenſato liberi ſeruiunt.* Eccleſ. 10. 28. Exemplo eſſe poteſt Aman ille, quo rerum potente non Iudæorum tantùm res, ſed Aſſueri ipſius regnum, in maximum diſcrimen adductum eſt. Pauci enim ſunt qui cum Iosepho homine peregrino, & fratrum iniuriâ, ſeruo, conferri poſſint, cui ſalutem tota Ægyptus acceptam retulit, cùm cum Terræ Saluatoris titulo honeſtauit. Prudentiæ ergo ciuiliſ ſtudio plurimum vrgeat Princeps, eamque cum Salomone poſtulet à Domino, cuius vota, & preces uſurpare vtiliter poterit; dicebat enim: *Domine Deus tu regnare feciſti ſeruum tuum pro Dauid Patre meo, ego autem ſum* 3. Reg. 3. 7. *puer paruulus, & ignorans egreſſum & introitum meum,*

& seruus tuus in medio est populi quem elegisti, populi infiniti, qui numerari, & supputari non potest præ multitudinem. Dabis ergo seruo tuo cor docile (vel ut Kaldæus habet, *Intelligens*, vel ut Septuaginta vertunt, *Sapiens*) ut populum tuum indicare possit, & discernere inter bonum, & malum. Quis enim poterit iudicare populum tuum hunc multum? Placuit ergo sermo coram Domino, quod Salomon postulasset huiusmodi rem. Et dixit Dominus Salomoni. Quia populasti verbum hoc, & non petisti tibi dies multos, nec diuitias, aut animas inimicorum tuorum, sed postulasti tibi Sapientiam ad discernendum iudicium, ecce feci tibi secundum sermones tuos, & dedi tibi cor sapiens, & intelligens, in tantum ut nullus ante te similis tui fuerit, nec post te surrecturus sit. Sed & hac quæ non postulasti dedi tibi, diuitias scilicet & gloriam, ut nemo fuerit similis tui in Regibus, cunctis retro diebus. Hanc verò prudentiam ex sacræ Scripturæ oraculis & historiis potissimum perendam censeo, quamquam à lectione profanorum scriptorum, qui tamen orthodoxi sint, nouerintque tribuere *Quæ sunt Cesaris Cesari*, & *quæ sunt Dei Deo*, Principem non arceo; censeo enim ex iis multa utiliter peti posse ad formandam augendamque prudentiam; nec vero Ethnicorum scripta cognoscere, hoc enim est, ut D. Hieronymus docet, Ægyptum diuitiis suis spoliare, & extorquere de manibus hostiū gladium, Goliæque caput proprio mucrone truncare, hoc est captiuae mulieris radere caput, supercilia, pilos & ungues amputare, & sic habere in coniugio, hoc est ex vxore fornicaria generare filium Iezrahel qui vocatur semen Dei, hoc est nouacula acuta barbam, & crura radere peccantium, hoc tandem est fornicantis tondere cæsariem.

Et

Epist. 84.

& 86.

Exod. 12.

36.

1. Reg. 17.

51.

Deut. 21.

12.

Osce 1.4.

Isa. 7. 20.

Ezech. 5. 1.

Et video Moyſen, quod ſupra terigimus, eruditū
 fuiſſe omni ſapientia Ægyptiorum, quæ quamvis
 profana eſſet, & multa falſa contineret, eam ta-
 men cognoſcere illi fuit vtiliſſimum, vel vt eſſet
 maiori in pretio apud Ægyptios, apud quos qui
 illa ignorabat, doctus haberi non poterat, quod
 & conſecutus eſt, de eo enim dicitur. *Fuit Moyſes* Exod. II.

vir magnus valde in terra Ægypti, coram ſeruis Pha- 3.
raonis, & omni populo; vel quia pertinet ad ſapien-
tiæ conſummationem omnia noſſe, propria &
aliena, vera & falſa, vtilia & noxia, hæc vt caue-
re poſſis, illa verò ſequi: ideòque Salomon vt nu-
meris omnibus abſolutam ſapientiam nanciſce-
retur; Dedit cor ſuum vt ſciret prudentiam atque do- Eccleſ. I.
ctrinam, errorēſque ac ſtultitiam. Et Eccleſiaſticus 17.

ſapientię ſectatorem deſcribens ait. *In terram* Eccleſ. 39.
alienigenarum gentium pertranſiet, bona enim & mala
in hominibus tentabit. Quod tamen ita cautè fieri
 debet, vt tanquam explorator caſtra inimicorum
 ingrediariſ, non vt transfuga, neq; damnatorum
 opinionum auctores Eccleſiaſticis legibus pro-
 ſcriptos, de quibus hîc ſermo non eſt, coneris
 attingere.

8 Verùm quia quædam eſſe poteſt ſtudij litte- Moderatè
 rarum intemperantia, quæ eo magis in Principe Principi
 damnanda eſt, quo publica negotia crebriorem, ſtudendū.
 & diuturniorem eius præſentiam deſiderant, cu-
 randum eſt, vt moderatè ſe ſtudiis bonarum ar-
 tium impendere Princeps aſſueſcat, ne cognitio-
 nis dulcedine nimium prouectus, aut Reipubl.
 functiones negligat, aut remiſſius curret. Neque
 enim tantum temporis Philoſophiæ v. g. con-
 templatriei dandum eſt, aut Mathematicis diſci-
 plinis, quantum publicus aliquis harum ſcientia-

rum professor, aut quiuis alius otio abundans tribuere potest; sed parcius sunt ista delibanda, manuque suspensiore tractanda, ne philosophum potius agere in lycæo aut academia, quàm Principem in aula, aut curia voluisse videatur.

Prou. 25.
16.

Mel inuenisti, inquit Sapiens, comede quantum sufficit tibi, ne forte satiatu es enomas illud. Huc etiam facit commendatio illa sobrietatis sapiendi, quæ est apud

Rom. 12.
3.

D. Paulum, (quamuis aliò etiam fortasse spectans) vt scilicet intelligamus modum esse quemdam in disciplinarum studiis, ac litteris, quem deceat vnumquemque tenere, status conditionisque suæ

Eccl. 1. 12.

prudenter æstimata ratione. *Ego Ecclesiastes, inquit Salomon, fui Rex Israel in Ierusalem, & proposui in animo meo querere, & inuestigare sapienter de omnibus quæ fiunt sub sole. Hanc occupationem pessimã dedit Deus filiis hominum, vt occuparentur in ea. Merito occupatio pessima dicitur, hoc est laboris plenissima, quia multis, arduis, & vix explicabilibus quæstionibus omnia implicata sunt, quas extricare, aut euoluere, operosissimum est.*

Eccl. 3. 10.

Vidi, inquit idem Salomon, afflictionem quam dedit Deus filiis hominum, vt distendantur in ea. id est affligantur, macerentur in ea. Cuncta fecit bona in tempore suo, & mundum tradidit disputationi eorum. Rursus Ecclesiastes hanc eandem sciendi difficultatem magis exaggerans ait.

Eccl. 8. 16.

Et apposui cor meum vt scirem sapientiam, & intelligerem distentionem, quæ versatur in terra. Est homo qui diebus & noctibus somnum non capit oculis, & intellexi quòd omnium operum Dei nullam possit homo inuenire rationem eorum quæ fiunt sub sole, & quantò plus laborauerit ad quarendum, tantò minùs inueniet: etiam si dixerit Sapiens se nosse, non poterit reperire. Cum ergo litterarum studia animi

vires

vires in diuersa rapiant, & Principem à publicis negotiis auocare possint; ita attingenda sunt, vt imbuatur quidem animus doctrinis quantum fieri potest, sed intra modum, ne cum publicam personam sustineat, otium auidè consecretans, turbasque deuigans, à publico se subducatur, quod idem ferme esset atque si Principis nomine contento, Principem tamen exueret, quod quàm noxium sit, & indecorum nemo non videt.

Finem boni publici Principi propositum esse debere.

C A P V T IX.

PRæcipua boni Principis cura esset debet in publicis commodis curandis, promouendis, amplificandisque. Imò hanc vnâ illi curam incumbere, quâ Princeps est, meritò affirmare possumus. Vt autem hoc illius munus explicemus, allegorias quasdam hoc capite euoluemus, quæ hoc in sacris litteris significare videntur, vt, dum eas explicamus, animum adiicienti satis constabit.

I De Principibus ergo in Scripturis ita aliquando sermo est, ac de *Basibus*, ac *Fundamentis*, quibus totius politiæ structura innitatur. Hinc Moyses Israelitici populi totius Basis sub grauissimo pondere molis illius gemens conquerebatur apud Dominum, quod supra vires impositæ gubernationis sarcina grauaretur. *Sed & Moysi*, Num. 11. *inquit, intoleranda res visa est, & ait ad Dominum:* 10.

132 *Institutio politica ex sacris Scripturis.*

cur affixisti seruum tuum? Quare non inuenio gratiam coram te, & cur imposuisti pondus vniuersi populi huius super me? Et paulo post. Non possum solus sustinere omnem hunc populum, quia gravis est mihi. Sin aliter tibi videtur, obsecro vt interjicias me, & inueniam gratiam in oculis tuis, ne tantis afficiar malis. Cui Dominus iam ex parte exoratus, seniores adiunxit, qui venirent in partem laboris oneris fulciendi. *Vt*

Ibid. n. 17. inquit, sustentent tecum onus populi, & non tu solus graueris. Quod etiam faciendum monuerat Iethro, cum ad generum suum Moysen venit in deserto. *Vltra vires, inquit, tuas est negotium, solus illud non poteris sustinere.* Quamobrem etiam illi auctor fuit, vt aliquos sibi ascisceret laboris socios, sicque sublatum humeris pondus minueret,

Ibid. n. 22. Leniusque sit tibi, inquit, parito in alios onere. Hinc S. Iob Principes, quasi quosdam Atlantes facit,

Iob. 9. 13. mundum humeris fulcientes, cum ait, Sub quo curuantur qui portant orbem; Reges nimirum ac Principes quorum humeris vniuersa gubernationis machina insedit. Eodem etiam tendit altera

Isa. 16. 7. metaphora, Fundamenti, quæ est apud Isaïam; vbi enim legimus. His qui latantur super muros coeli lateris, loquimini plagas suas. Ex Hebræo verti potest, Propter fundamenta ciuitatis fictilis, cogitabitis vos claudi qui solum euasistis, hoc sensu. Vos obscuri, & inermes prælij infelicis tristes reliquæ, propter fundamenta ciuitatis, id est, propter Principes, solliciti eritis. Sed clariùs etiam Principes fundamenta dicuntur apud alium Prophetam

Micheas cum ait. Audiant montes iudicium Domini, & fortia fundamenta terra. Et apud S. David in Psalmo.

Psal. 81. 5. Mouebuntur, inquit, omnia fundamenta terra; de quibus autem loquatur, ex sequentibus patet cum

ait:

ait: Ego dixi, *Dei estis, & filij Excelsi omnes.* huiusmodi autem sunt Principes, qui Dei locum tuentur in terris, eiusque vices implent.

2 Ab illa autem Basis, & Fundamenti metap^{Murus.} phora parum recedit alia (vt pote à domorum ^{Angulus.} structura desumpta) qua Principes *muri* appellantur, ac præsertim murorum *anguli*, vt scilicet intelligatur non minus Rempubl. Principibus suis inniti, quàm tectum ipsum, & tabulata muris & angulis domus incumbant. Aut si à mœnibus ducta sit similitudo, propterea dicemus Principes muros esse, quod quemadmodum murorum munitione tuti ciues sunt ab hostium excursionibus, & violentia, ita vt publica quies ab illis nihil timeat; ita Principe publicum bonum procurante Respubl. vniuersa, Præfectorum iniustitiam, aut auaritiam, cæterasque labeles quæ Rempub. vastare solent, Principe se illis tanquam murum opponente, non reformidat. Hinc Ieremias conqueritur, Principes sui temporis parietes esse inclinatos, & ruinæ proximos, qui nec stare ipsi, nec alios suo obiectu defendere possint. *Omnes isti* Ierem. 6.
Principes, inquit, *declinantes*, Græcè *διεφθαρμένοι*, 28.
corrupti, *ambulantes fraudulenter*, *as & ferrum vniuersi corrupti sunt*, vt iam populis non minus periculum immineat, quàm si murus æreus perfoßus esset, aut subrutus, aut suo vitio tam grandes egisset rimas, vt in urbem, aut domum hostes admitteret. Contra quam facit Deus, sub cuius tutela omnis periculi expertibus, omnique solitudine vacuis, viuere licet: *Super hoc*, inquit Isa. 25. 3.
Isaias, *laudabit te populus fortis*, *ciuias gentium robustarum timebit te*, *quia factus es fortitudo pauperi*, *fortitudo egeno in tribulatione sua*, *spes à turbine*, *umbra-*
culum

134 *Institutio politica ex sacris Scripturis.*

culum ab aestu, spiritus enim robustorum, quasi turbo impellens parietem. Sed paries hic cedere nescius est, & quantaluis venti procellas excitarint, stat, tegitque suos, & ab omni discrimine immunes, ac securos præstat. Sunt ergo Principes muri, sed sunt etiam murorum anguli, ita enim illos appel-

Isa. 19. 13. lat Isaias, apud quem legimus, *Deceperunt Ægyptum angulum populorum eius*, vel ut alij vertunt, *Errare fecerunt Ægyptum anguli familiarum eius.*

Et sensus est, Principes familiarum Ægyptiarum populos in errorem induxerunt, à fabricis ducta metaphora, ut dictum est. Quemadmodum enim in angulis firmiores collocantur lapides, *Ut faciant utraque unum*, solidiúsque tota moles confurgat, ita Principes quibus innititur Respubl. instar habent angulorum, cum ipsam consilio, prudentiâ imperiôque suffulciant. Sic in libro

Iud. 20. 1. Iudicum dicitur. *Egressi itaque sunt omnes filij Israel, & pariter congregati quasi vir unus de Dan usque Bersabee, & terra Galaad ad Dominum in Masspha, omnesque anguli populorum, & cuncta tribus Israel in Ecclesiam populi Dei conuenerunt.* Et primo Regum habetur: *Dixitque Saul, applicatè huc uniuersos angulos populi.* Principes scilicet & Phylarchos.

1. Reg. 14. 38.

Pastor.

Ioan. 10.

11.

3 Sed frequentissimè in Scripturis sacris Principes Pastores appellantur; Nam quemadmodum Bonus Pastor animam suam dat pro ouibus suis, illudque potissimum curat, ut toti gregi seruiat, & ab ouilibus lupos, aut leones arceat, qui perniciem pecoribus afferre solent; ita Princeps aut externos hostes, aut sceleratos ciues, quibus haud secus quàm lupis Respubl. laceratur, de medio tollit, magnòque studio, & vigilantia subiectis populis parat securitatem. Itaque Pastoris munus

Regni

Regni quoddam rudimentum aliquibus fuit, ut S. David, qui cum parentis sui oves pasceret in deserto, factus est Pastor populorum, ut ipse canit in Psalmo. *Et elegit, inquit, David seruum suum,* Psal. 77. *& sustulit eum de gregibus ouium, de post fetantes accepit eum, pascere Iacob seruum suum, & Israel hereditatem suam.* Imo pastor David, Pastorem non semel facit Dominum, cui Israelis caulæ cordi sint, ut cum ait: *Qui regis Israel intende, qui deducis velut ouem Ioseph,* Et alibi: *Dominus regit me, nihil mihi deerit.* Et *Reges eos in virga ferrea.* Vtrobique enim regendi verbum Pastoris officium exprimit, idque clariùs in Græco contextu, in quo τὸ ποιμαίνε-
 ve-19 sumptam à Pastoribus metaphoram luculenter ostendit. Sunt ergo Principes Pastores, quod etiam allegoriæ integumento frequenter à Prophetis arguuntur, cum accepta ad bonum gregis potestate, ad suas explendas libidines abuntur. *Pastores multi,* inquit Ieremias, *demoliti sunt vineam.* Kaldæus habet; *Reges multi.* & infra. *Vae Pastoribus qui disperdunt, & dilacerant gregem pascuæ meæ, dicit Dominus. Ideo hæc dicit Dominus Deus Israel ad Pastores qui pascunt populum meum. Vos dispersistis gregem meum, & eiecistis eos, & non visitastis eos.* Et post pauca; *Suscitabo,* inquit, *super eos Pastores, & pascent eos; non formidabunt ultra, & non pauebunt, & nullus quæretur ex numero, dicit Dominus.* Quam eandem sententiam pluribus prosequitur Ezechiel toto. cap. 34. copiosè sanè, & eleganter, aliique Prophetæ nonnulli, ut Micheas, & Zacharias. Sanctus verò Iob, quem alibi Principem fuisse diximus, munus etiam Pastoris egregiè sustinuit, ut de se ipse testari videtur, qui à grege abstractas ouiculas è bestiarum dentibus

Psal. 77.

70.

Psal. 79. 1.

Psal. 1. 9.

Ierem. 12.

10.

Ierem. 23.

1.

Ibid. n. 4.

Micheas.

3. 3.

Zachar.

11. 5.

- Iob. 29. 17. eripiebat. Sic enim ait: *Conterebam molas iniqui, & de dentibus illius aufereram pradam*; periculo etiam suo, gregi suo, cui eximia sedulitate seruiebat, prospicere satagens. Sed inuenio etiam aliquid amplius in Scripturis, quod ad Pastores istos populorum pertineat, ut scilicet non more vulgari tantum greges ad lata pascua adducant, domumque reducant tanquam pecudes ratione carentes, sed ita Pastores sint, ut etiam *nutrices* appellari possint, eam scilicet pascendi rationem adhibendo, quæ hominum naturæ accommodata est, quod
- Isa. 49. 21. est apud Isaiam. *Ecce, inquit, leuabo ad gentes manum meam, & ad populos exaltabo signum meum, & afferent filios tuos in vlnis, & filias tuas super humeros portabunt, & erunt Reges nutritii tui, & Regina nutrices*
- Isa. 60. 16. *tua.* Et alibi. *Et suges lac gentium, & mamilla Regum lactaberis.* Quod nutricis munus sibi impositum sentiebat, & querebatur Moses, cum Dominum
- Num. 11. 12. ita appellat: *Numquid ego concepi omnem hanc multitudinem, vel genui eam, ut dicas mihi, porta eos in sinu tuo sicut portare solet nutrix infantulum, & defer in terram pro qua iurasti Patribus eorum?* & Isaias populum sibi à Domino creditum instituens, *Audite me, inquit, Domus Israel, qui portamini à meo utero, qui gestamini à mea vulua, usque ad senectam ego ipse, & usque ad canos ego portabo, ego feci, & ego feram, ego portabo, & saluabo.* Illi planè similis qui de se ipso dicebat: *Filioli mei quos iterum parturio donec formetur Christus in vobis.* Ipse verò Dominus populi sui ingratitude accusat, quod ne nutricem quidem suam (quod tamen infantuli faciunt) Deum agnoscerent, qui tanquam Princeps, & nutrix peculiarem illorum curam susceperat. *Et ego, inquit, quasi nutritius Ephraim portabam eos in brachiis meis,*
- Galat. 4. 19.
- Osee 11. 3.

meis, & nesciunt quod curarem eos.

4 Tandem *capitis* etiam nomine Principes significantur in scriptura ut ex hoc intelligant, propterea in arce corporis huius, quod est Respubl. collocatos esse, ut quemadmodum caput, sentiendique facultates, quæ in eo præcipuè sedem habent, pro totius corporis salute excubant, illud in suis functionibus officiisque dirigendo; ita Princeps totius Reipubl. incolumitati præsidere debet, resque noxias omni conatu à reliquo corpore amoliri. Adeo verò frequenter Principes *Capita* appellantur à sacris scriptoribus, ut necesse non sit operose multa huius rei testimonia conquirere. Paucula quædam de multis afferam, quæ rem plenam faciant. In libris Regum ait Samuël ad Saül; *Nonne cum paruulus esses in oculis tuis, Caput in tribubus Israël factus es? unxitque te Dominus in Regem super Israël?* Et Isaias, *Disperdet*, inquit, *Dominus ab Israël caput, & caudam, incuruantem, & refranantem die una;* & ne schematis inuolucrum sententiam redderet obscuriorem, statim subdit dicti sui interpretationem, *Longeuus*, inquit, *& honorabilis ipse est caput.* Nec dissimiles minæ apud Oseam. *Cæpit*, inquit, *gladius in ciuitatibus eius, & consumet electos eius; & comedet capita eorum,* Id est Principes eorum, quæ metaphora etiã alibi apud eundem Prophetam occurrit, ut cum ait. *Et congregabuntur filij Iuda, & filij Israël pariter, & ponent sibi met caput unum, & ascendent de terra.* Quod in vulgata legimus in Psalmo. *Herodij domus dux est eorum;* in Hebræo est. *Herodij domus est in capite eorum.* Id est caput, Dux, ac Princeps eorum. Et Amos Caput sextum suæ prophetiæ his verbis exorditur. *Va qui opulenti estis, & confiditis in mon-*

CAPUT.

1. Reg. 15.

17.

Isa. 9. 14.

Osee 11. 6.

Psal. 103.

20.

Amos. 6. 1.

re Samaria : optimates, capita populorum, ingredientes pompaticè domum Israël. Quando ergo Principes Bases sunt ac Fundamenta populorum, Pastores, & Capita, diligenter curent ne suo vitio structura quam fulciunt labet, aut ruat; néve greges creditos lupis prodant; tandémque ne corporis totius membrorumque incolumitatem negligant. Sed omnes cogitationes suas eò dirigant, vt quoniam Reip. præfunt, illi etiam pro virili prodesse contendant.

*Principem virtutem colere debere,
vt exemplo subditis profit.*

C A P V T X.

*Quantum
possit Prin-
cipis exē-
plum in
vtramque
partem.*

Matth. 5.
14.

QUamquam sua spóte Princeps virtutem colere debet, vt melior fiat, alia tamen ratio de qua hoc capite agemus, idem suadet, vt scilicet exemplo suo, quod in vtramque partem plurimum potest, subditos ad omne genus honestatis extimulet. Hanc autem habere vim vitam morésque Principis, vt vel profint plurimum, vel noceant, facilè intelliget qui animaduertit eos esse *Ciuitatem supra montem positam, & Lucernam super candelabrum*, ita locatam, vt nulla possit ratione velari, quo minus in omnium oculos incurrat, ingenitámque subditis inclinationem quamdam animi ad æmulandos Principis sui morés & studia, siue quod præclarum videatur se suáque ad excellentiõris imaginé exemplúmque componere; siue quod illius volunta-
ti

ti obsequendo compendium aliquod speretur diuitiarum, honoris, aut rerum earum, quas à Principibus consequi solent homines ad adulandum proiecti: siue tandem cæco quodam (quod multis accidit) impetu ferantur, ut quod à primoribus usurpari vident, & ipsi sequantur, honesta sint an turpia; vtilia, an noxia, non disquirant. Suscepturus Abraham signaculum illud à Domino institutum, quo à cæteris gentibus ipse cum suis distingueretur, & carnem præputij sui, ut scriptura loquitur, circumcisorus, quo vulnere acerbus in primis dolor afferebatur, voluit prius ipse vulnus pati, satis gnarus nec filios nec vernas si exemplo ipse præisset, imperium detrectaturos. Nec sanè mirum domum vniuersam heri sui exemplum secutam, nam *Oculi seruorum in manibus dominorum suorum*, quorum illud ingenium est, nihil obseruare attentius quàm eorum actiones, studia, propensiones, ut in quamcumque partem inclinauerint, ipsi etiam eo se conferant. Tulit Iacob virgas populeas virides, & amygdalinas, & ex platanis, ex parte decorauit eas, tractisque corticibus in his qua spoliata fuerant, candor apparuit, illa verò qua integra fuerant, viridia permanserunt; atque in hunc modum color effectus est varius. Factumque est ut oves in ipso calore coitus inuenerentur virgas, & parerent maculosa, & varia, & diuerso colore respersa. Eodem planè modo subditi, qui sub Pastoribus populorum Principibus viuunt, quæ illis obiciuntur, & ostentantur exempla, ita contemplantur, ut suarum actionum factus concipiant, & in lucem edant eiusdem coloris, quem in virgis sceptrisque Regalibus inesse animaduertent. Ac quemadmodum agmina Israëlitarum

Genes. 17.

26.

Psal. 122.

2.

Genes. 30.

37.

Exod. 13.

21.
rum

Matth.
23.2.

Osce 7. 3.

rum in deserto nube stante consistebant, progrediente castra mouebant, illiúsque ductum in omnibus sequebantur; ita populi pro volúate Principum, aut exemplo actiones omnes suas moderari ac regere consueuerunt. Est autem id Principibus adeo facile, vt vel digito vno admoto ea moliri possint, quæ priuati quantumuis toto conatu adnitantur, loco mouere non possunt. Hinc fortè illa reprehensio. Scribarum, & Pharisæorum; *Super cathedram Moysi sederunt Scribe, & Pharisei, omnia ergo quacumque dixerint vobis seruate, & facite, secundum verò opera eorum nolite facere, dicunt enim & non faciunt; Alligant enim onera graui, & importabilia in humeros hominum, digito autem suo nolunt ea mouere, cum tamen, vt diximus, si vel digitum vnũ applicent, facile possint, quippe cathedram Moyli vt populi Capita, & Pastores occupantes. Quanto ardore animi Ieroboam impium Regem secuti sunt populi, Regis noui exemplum, in veteri religione, quam cum lacte suxerant, deferenda? Testis Osee propheta, qui, eos letificasse Principes, qui nimium id optabant, Omnes adulterasse, hoc est ad Idola, à veri Dei cultu defecisse, idque non remisè aut languidè, sed magno animi ardore fecisse conqueritur, Omnes enim calefacti sunt quasi clibanus, calore ab ipso Principe, qui priùs exarserat contracto, nec eos aut veritatis præcones, aut mille conscientiae testes, aut eorum qui steterant, nec genua sua ante Baal cuiuare sustinuerant exempla, in officio continere potuerunt. Tantus enim aliquando est ardor, quo subditi dicta, aut facta Principum suorum æmulantur, vt à rebus difficilioribus, & quas alioqui refugerent, ad eò non abhorreant, vt etiam studiosè*

studiosè conſectentur. Re in bello infœliciter
 geſta ; *Arripuit Saül gladium & irruiſit ſuper eum.* 1.Reg.31.
Quod cum vidiffet armiger eius, videlicet quod mortuus 4.
eſſet Saül, irruiſit etiam ipſe ſuper gladium ſuum, & mor-
tuus eſt cum eo, funeſtam mortis faciem, qua nihil
 terribilius obiici poteſt hominibus, non reformi-
 dans, Principis ſui exemplum ſecuturus. Ver-
 bis pœniſque grauiffimis ſanxerat Dominus, ne
 quis profana illa & execranda ſacra faceret, quæ
 Ammonitæ exercebant, liberos ſuos idolo Mo-
 loch concremant. *De ſemine tuo,* dicitur in Le-
 uitico, *non dabis ut conſecretur Idolo Moloch, nec pol-* Leuit.18.
lues nomen Dei tui. Et ruruſus. *Homo de filiis Iſraël, &* 21.
de adueniſ qui habitant in Iſraël, ſi quis dederit de ſe- Leuit.20.
mine ſuo Idolo Moloch, morte moriatur : populus ter- 2.
ra lapidabit eum. Et ego ponam faciem meam contra
 illum, ſuccidámque eum de medio populi ſui, eo quod
 dederit de ſemine ſuo Moloch, & contaminauerit ſan-
 ctuarium meum, ac polluerit nomen ſanctum meum.
Quod ſi negligens populus terra, & quaſi parui pen-
dens imperium meum, dimiſerit hominem qui dedit de
ſemine ſuo Moloch, nec voluerit eum occidere, ponam
faciem meam ſuper hominem illum, & ſuper cognatio-
nem eius, ſuccidámque & ipſum, & omnes qui conſen-
ſerunt ei, ut fornicaretur cum Moloch de medio populi
ſui. Quem à ſcelere non deterreat tam diſerta, &
 enucleata, tam ſeuera & grauis malorum denun-
 tiatio? & tamen cum genus hoc impietatis ſuo
 tempore Achaz inſtaurauit (nam ipſe eſt qui ado- 2.Paral.
 leuit incenſum in valle Ben-enon, & luſtrauit filios 28.3.
 ſuos in igne iuxta ritum gentium) morbus repente
 vulgatus plurimos corripuit, & quod Hieroſoly-
 mis Rex faciebat, in aliis etiam Regni ciuitati-
 bus paſſim uſurpari captum eſt, plúſque apud
 ſubdi

142 *Institutio politica ex sacris Scripturis.*

2. Paral.
29. f.

Ibid.num.
55.

Psal. 2. r.

subditos superstitione insana furentes Principis exempla valuerunt, quàm filiorum carissimorum amor, quorum ciulatus tristissimos, ne auribus perciperent, commiserationeque tam sæuæ mortis commouerentur, tympanis ciebant strepitus, eorúmque voces penitus obruebant. Sed ecce tibi illo extincto, excitat Dominus pium Regem Ezechiam, qui Sacerdotum Leuitarúmque cætu conuocato, *Audue me*, inquit, *Leuite, & sanctificamini, mundate domum Domini Dei patrum vestrorum, & auferite omnem immunditiam de sanctuario.* Nec mora, omnis impietatis vestigia continuo abolita sunt, cæsx victimæ, purgatum templum, antiqui mores restituti, & quod ad rem nostram facit, cùm populus priùs contagione impietatis non tantùm afflatus esset, sed planè corruptus, rediit tamen ad pristinam Religionem Principe præeunte, & adhortante, idque volens ac libens, nam eodem capite dicitur: *Et completus est cultus domus Domini, letatusque est Ezechias, & omnis populus, eo quod ministerium esset expletum; de repente quippe hoc fieri placuerat, id est adeò verbis, & exemplo boni Principis incensi sunt omnes, ut quod ipse fieri cupiebat, placuerit etiam cito effectum dare, nullaque temporis mora interposita, ut magis Regi suo gratificarentur. Similis Iosifæ zelus describitur in libris Regù, parque successus, ut vel ex his duabus historiis satis pateat quanta sit exempli vis in vtramque partem. *Quare fremuerunt gentes*, inquit S. Dauid, *& populi meditati sunt inania?* & statim causam quam habebat in promptu, à prauo Regum, & Principum exemplo petitam, subdit. *Astuerunt Reges terræ, & Principes conuenerunt in unum, aduersus Dominum, &**

aduer

aduersus Christum eius. Quis enim credat populum tantis, tam crebris, tam insignibus ornatum beneficiis à Christo Domino, qui *Pertransiit cunctis benefaciendo*, ægritudines pellendo, oculis captos illuminando, debiles pedibus erigendo, mortuos ipsos iam conditoriis inclusos ad vitam excitando, tam sæuis cruciatibus, tam acerba, ac turpi morte necaturum fuisse, si Herodes & Pilatus, Annas & Caiphas cæterique populi, ac sacerdotum præsides, tam immanis facinoris auctores non fuissent? Quare Psalmum suum Dauid ita concludit, vt ad Reges solos orationem suam conuertat, ac si ipsi duntaxat perpetrati sceleris labem contraxissent; eosque ad Filium Dei debito reuerentiæ, & honoris cultu colendum adhortatur.

Et nunc Reges, inquit, *intelligite, erudimini qui iudicatis terram, seruite Domino in timore, & exultate ei cum tremore: Apprehendite disciplinam*, seu vt alij ex Hebræo vertunt; *Osculamini filium, ne quando irascatur Dominus, & pereatis de via iusta.* Et merito nititur capita sanitati restituere, hæc enim si morbus aliquis corripuerit, ad reliquas etiam corporis partes lues facile proserpit: *Omne caput languidum*, inquit Isaias, *& omne cor marens.* & statim quis effectus existat subiicit, *A planta pedis usque ad verticem non est in eo sanitas.* Nam, vt est in Ecclesiastico, *secundum iudicem populi, sic & ministri eius, & qualis rector est ciuitatis, tales & inhabitantes in ea; Rex insipiens perdet populum suum.* Et in Prouerbiis dicitur, *Princeps qui libenter audit verba mendacij, omnes ministros habet impios.* Talis domus Ieroboam, cuius filius, qui nondum per ætatem capax erat impietatis, propterea *solus in sepulchrum illatus est ex vniuersa Regis illius familia,*

Ibid.num.
10.

Isa. 1. 5.

Eccles. 10.
2.

Prou. 29.
12.

3. Reg. 14.
13.

Dan 5.1.

lia, quod prauam parentum suorum institutionem, & noxia exempla mortis beneficio antevertisset, fortè nihilo melior cæteris futurus, si diutius viuere licuisset. *Balthassar Rex fecit grande conuiuium optimatibus suis mille, & unusquisque secundum suam bibebat etatem. Tunc allata sunt vasa aurea, quæ apportauerat de templo quod fuerat in Ierusalem, & biberunt in eis Rex, & optimates eius, uxores & concubinae illius.* Nec ex tanto numero reperi- tus est quisquam, qui tam immane sacrilegium Rege præeunte, & insaniam illam cum vino propinante, reformidaret. Contra si Rex ad honestatem, & virtutem præuisset, affirmare a- uisim, composuisset se se turba illa concubinarum, & aulicorum, ad Religionem, & modestiam, vt Niniuitis videmus accidisse, qui cum essent plurimis grauissimisque sceleribus cooperti, Rege tamen, Ionæ prædicatione concussus, & ad pœnitentiam commoto, doloris, & scelerum suorum detestationis significationes ediderunt, quantas qui legunt, vehementer non admirari non possunt. Nam sordidatus Rex saccoque pro Regali paludamento indutus, cum sedisset in cinere, subditisque exemplo suo quid in eo discrimi- ne facti opus esset ostendisset: repente ciues vni- uersi cum Principe vestem mutarunt, imò ipsas pecudes iustrauerunt saccis, sibi cibum, bestiis solitum pabuli demensum detrahentes, vt immi- nentem auerterent calamitatem, vt satis appa- reat quàm verè dictum sit in Psalmo. *Adorabunt eum omnes Reges terra*, statimque subdatur quid Regum, & Principum exemplum possit: *Omnes gentes seruiant ei*, quasi sit hoc perpetuum, ac ne- cessarium cōsecrarium, vt per Regis vestigia po-
palus

Ionæ 3. 6.

Psalm. 71.
11.

pulus incedat, sicut etiam apud D. Ioannem habemus; *Credidit Regulus, & domus eius tota.* Ex ha- Ioan. 4.
 ctenus autem disputatis apparet quid timuerit 53.
 Assueri consiliarius, qui à Rege consultus, quid
 cum Regina Vasthi videretur agendum, quæ ab Esther 1.
 Assuero ad conuiuium accersita venire contem-
 pserat, in eam dixit animaduertendum videri, ne
 si ipsa impunè abiisset, ad reliquas manaret exem-
 plum, totiusque Regni mulieres viros suos par-
 ui penderent, obsequiùmque detrectarent. Quod
 consilium omnibus visum est sapiens, & Rex ipse
 secutus est. Mirum profectò videtur, sapientissi-
 mos viros credere potuisse Reginæ còtumaciam
 tantùm apud reliquas mulieres valituram, vt me-
 rito timeri posset, ne vxores maritis imposterum
 parere recusarent. Sed nimirum quæ vis esset
 exempli in principe fæmina perpendebant, quod
 mulieres in re sibi grata arripere potuissent.

2 Cum ergo tantum habeat momentum Principis exemplum in vtramque partem, vt hætenus dictum est, nemini mirum videri debet, si peccata Magistratum & Regū, qui aliis facem ad delinquendum præferunt in scripturæ historiis, & apud Prophetas, grauium verborum apparatu, & tanquam seuerissimè à Domino ultore vindicanda, proponuntur. Cum incidit mentio Ieroboam primi Regis Israel super decem tribus, illa nota ferè semper inuritur. *Qui peccare fecit Israël*, vt non citius Regis illius memoria quàm piaculum tanti sceleris recurreret. *Adhuc modicum*, inquit *Osee, & visitabo sanguinem Iezrahel super domum Iehu.* Sensus est. Paulò post vlciscar scelera (quæ sanguinis nomine in sacris litteris designantur, Quòd animæ peccatis quasi lethalibus quibusdam

*Graviter
peccare
Principes,
qui suo
exemplo
subditis
nocet, sub-
ditorumq;
peccata il-
lis adscri-
bi.*

*3. Reg 15.
26.*

Osee 1.4.

vulneribus cruententur) in Iezrahel ciuitat
 gni metropoli perpetrata , pestifero exemp
 giæ domus Iehu , quæ populis illis peccata
 catis cumulandi causa fuit , nam *Et ipsi*
runt de via , vt est apud Prophetam. *Et sc*
zauerunt plurimos in lege , quare commeriti fu
disperdat Dominus virum qui fecerit hoc , mag
et discipulum de tabernaculis Iacob. Eodém qu
 fortunio inuoluuntur , & qui se discipulos
 bent , & qui Magisterium hoc improbitati
 cipiunt , nec verentur sedere *In cathedra pes*
tie. Hos autem Dominus apud Ieremiam
 cusabiles esse pronuntiat , cum ait , *Quid*
bonam ostendere viam tuam ad quarendam di
nam , quæ insuper et malitias tuas docuisti via
et in alas tuis inuentus est sanguis animarum p
rum et innocentium? Sententia est. Quid frustra
 tendis gratiam meam inire quali non peccat
 cum maculatus sis in iniquitate tua , nec r
 nitri , sinigmati , aut herbæ fullonum pon
 tantas sordes possint abstergere , nominatim
 scelus illud admiseris , quod alios exemplo
 etrinâque tua corruperis. Alas enim tuas qu
 scelera perpetrantes defenderes expandera
 iam non latenter in angulis , recessibus , &
 vt paulo post dicitur , sed palam , & in om
 oculis magnâque cum impudentia , ad omne
 cati genus tuo magisterio instituti , proieci
 sent. Detestatus fuerat Dauid peccatum suu
 à Propheta audiuerat; *Dominus transtulit pecc*
tuum. Verum quia Principis adulterium clam
 pulo esse non poterat , ipsèque palam Beth
 in Regiam traducta nuptias celebrauerat , cri
 hoc prauis exempli , peculiari quodam vine

Malach.

2. 8.

Ibid. num.

11.

Psalm. 1. 1.

Ierem. 2.

33.

Ibid. num.

34.

2. Reg. 12.

13.

genere expiandum fuit. *Verumtamen*, inquit Na-
 than, *quoniam blasphemare fecisti inimicos Domini*,
 propter verbum hoc, filius qui natus est tibi, morte mo-
 riatur. nec poenam hanc, puerique periculum ora-
 tione, ieiunio, humi cubatione, animique dolore,
 ac contractione deprecatus auertere potuit. nam
Percussit Dominus paruulū quem pepererat uxor Vria,
David, deprecatusque est David Dominum pro paru-
lo, & ieiunauit ieiunio, & ingressus seorsum iacuit su-
per terram. Tanta verò doloris pertinacia se ipsum
 maceravit, ut omnibus summotis continēti fletu,
 ac lacrymis indulgeret. Sic enim legimus. *Venerūt*
seniores domus eius cogentes eum ut surgeret de terra, qui
noluit, nec comedit cum eis cibum. Accidit autem die
 septima ut moreretur infans. Hinc subditorū pecca-
 ta Principibus imputantur. Sic Aarō propter vi-
 tulum conflatilem reprehenditur à Moysē: *Quid*
tibi, inquit, fecit hic populus, ut induceres super eum pec-
catum maximū: ceterisque discipulis somno sepul-
tis Petrus arguitur quòd non vigilaret: Et ait Pe-
tro, Simon dormis? ut futurus aliquando Ecclesiæ
 Rector intelligeret subditorum peccata ad Prin-
 cipes ipsos aliqua ratione pertinere.

Ibid.num.
14.Ibid.num.
15.Exod. 32.
21.Marc. 14.
37.

Initio Principatum Principes
ferme esse meliores, quàm sint po-
stea: & quenam huius mutatio-
nis sint cause.

CAPVT XI.

Accidit nonnunquam, siue humanæ im-
 becillitatis vitio, siue Imperij ipsius con-
 ditione,

Probatum
 exemplo
 Saulis &
 Salomonis.

ditione, ut aliqui cum primùm Principatu
piscuntur, clementia, animi moderatione
omnium ordinum hominibus æquitate, ca
que virtutibus Principum propriis, se p
egregiè probent, qui postmodum in sæuiti
rānicos mores aliāque omnis generis vitia
inclinant. Ac quemadmodū statua quæ per
tem Nabuchodonosori Chaldaeorum Reg

Dan. 2. 32. est, *Caput ex auro optimo erat, pectus autem e*
chia de argento, porro venter & fœmora ex are
autem ferrea, pedum quædam pars erat ferrea, q
autem fœtilis. ut tam præclarum opus tand
lutum desineret: ita Regum aliquot initia
cipatus aurea planè sunt, sed tamen pau
ita degenerant in vitia, ut luto despicabilio
tu concludantur. Cuius illustrior modestia
gri initio, quàm Saül, qui Samueli Prophet
cio quæ ad regnum spectantia prænuntiant
si exitiabilis alicuius mali denuntiatione c
ruit, omnique nifu amoliri conatus est, g

1. Reg. 9.
21.

obscuritatem prætexens cum ait; *Numqu*
filius lemini ego sum, de minima tribu Israël,
gnatio mea nouissima inter omnes familias de tribu
jamin? quare ergo locutus es mihi sermonem istum?
modestius locutus est quàm fecit, nam cum
tribus eductis per tribus, cognationes, & c
ad ipsum Saül ventum esset, quæsitus non
ruit, se quippe subdlexerat, ne Regio fastigi

1. Reg. 10.
21.

moueretur. *Quæsierunt ergo eum & non est inu*
& consulerunt post hac Dominum utrum nam v
rus esset illuc. Responditq; Dominus: Ecce abscon
est domi, vel ut est in Hebræo, Kaldæo, & Se
ginta, Inter vasa, hoc est inter domesticam f
lectilem, intra quam ut ab eo discrimine se

esse posset, latebras quæsierat. Hic tamen tam bonus Princeps, moribus tam candidis, tam ab omni fastu, regnandique libidine alienus, quam à se ipso descivit, aliisque factus est? quam superbus & contumax, quam regnandi, & Principatum ad filios transmittendi cupidus; quam solers in iis amoliendis quæ rerum suarum cursum possent intercipere, quam in Dauidem ingratus, & sævus, quam in alios etiam suos truculentus, & barbarus? statim simulandi, ac dissimulandi gnatus factus est, nam ab ipsa statim inauguratione, cum perditum quidam dixissent; *Num saluare nos poterit iste?* nec eum muneribus coluissent, *Ille dissimulat se audire.* Sed laudabilis fortè ista dissimulatio; non enim in illos, initio recentis Principatus, nondum diuturnitate firmati sæuiendum fuit, sed tantisper eorum turbæ tolerandæ, dum compositis rebus, & seditiosorum pacatis animis, tempestatem excitatam serenitas optata sequeretur. Illa nulla ratione excusabilis, qua peccatum suum velare potius quam abstergere penitentiâ satagens, & de regno tantum sollicitus, Samuellem ita rogavit. *Sed nunc porta quæso peccatū meum, & Peccavi, sed nunc honora me coram senioribus populi, & coram Israël, & reuertere mecum, ut adorem Dominum Deum tuum.* Hoc quippe summopere illi curæ erat, ne si Samuële recedente populus intellexisset Saulem Regio iure excidisse, etiam de Regni possessione, quam tenebat, deturbaretur; itaque eum retinere nixus est, ne à sacerdote destitutus, tamquam Deo inimicus, à suis ipse desereretur. Vssit eundem Saül psallentium mulierum chorus, cum Davidis facinora patrio carmine decantantes ingeminabant; *Percussit Saül*

1. Reg. 10.
27.

1. Reg. 15.
25.

1. Reg. 18.

7.
mille,

mille, & David decem millia. Quid hoc causæ fuit?
 Regno timuit. Itaque Danidem tantæ spei immi-
 nentem, crebrò mortis periculis obiciebat, sinis-
 que alterius discriminis gradus erat futuri, nam
 protinus reduci nouum parabatur certamen, quo
 si fieri posset è medio tolleretur, dicebat enim.

1. Reg. 18.

13.

Non sit manus mea in eum, sed sit super eum manus
Philistinorum. Sic filiam Michol ei despondit, si
 centum caesorum Philistinorum præputia nume-
 raret, quod nimirum eodem consilio factum est,
 ut hostium telis obiectus caderet. *Dabo eam,* dice-
 bat, *illi, ut fiat ei in scandalum, & sit super eum manus*
Philistinorum. Tandémque cum fraudes nò succe-
 derent, ad apertam inimicitiam, & simultatem
 malè ad eum diem dissimulatum odium erupit.

Ibid. num.

29.

Nam factus est Saül inimicus David cunctis diebus,
illúmque quâ aperta vi, quâ dolis, & astu, sem-
per tamen conatu in irritum cadente, sublatum
voluit. Huius autem tam diuturni tamque vehe-
 mentis furoris causa fuit, quòd filium Ionatham,
 quem nequiquam sui sceleris participem facere
 conatus est, in Regno stabilire, Dauide summo-

1. Reg. 20.

31.

to, cupiebat: ita enim eum alloquebatur. *Omni-*
bus diebus quibus filius Isai vixerit, non stabilieris tu,
neque Regnum tuum. Nec priùs desit in Danidem,
 & in eos quos partes eius fouere suspicabatur de-
 bacchari, quàm vitam exiit: præclarum nobis
 mutationis illius de qua agimus, relinquens dô-
 cumentum. Quid Salomon? cuius tanta fuit sa-

Eccles. 47.

17.

piencia, ut *Ad insulas longè diuulgatum sit nomen*
eius. Reginámque Sabam euocauerit, quæ illius
 sapientiam, & in Deum pietatem admirata. *Non*

2. Paral. 9.

4.

erat præ stupore vltra in ea spiritus, dixique ad Re-
gem. Verus est sermo quem audieram in terra mea de
virtutibus, & sapientia tua. Non credebam narranti-

bus

bus donec ipsa venissem, & viderent oculi mei, & probassem vix mediocritatem sapientia tua mihi fuisse narratam. Vicisti famam virtutibus tuis. Tantis tamen Princeps, tantis, & tam multis naturæ prædictis ornatus, tam præclaris diuinitus acceptis muneribus cumulatus, inclinata iam ætate, qua ætate aded homines à recto virtutis tramite deflectere non consueverunt, vt etiam ij qui virtutis iter per adolescentiam non tenuerunt, maturitatem annorum adepti, multoque magis ætate iam ad senium vergente, ab erroribus reuocent sese in sanis mulierum cæterarum amoribus implicatus, diuino numini debitum honorē, vt mulierculis blandientibus gratificaretur, idolis tribuere non dubitauit. Nam Idumæas, & Sidonias, Moabitidas, & Ammonitidas vxores duxit ex Ægypto, etiam filiam Pharaonis, tanta intemperantia, vt septingentis vxoribus, trecentas adhuc concubinas superinduceret, quarum tandem mollitus blanditiis, fana idolis excitauit, in quibus vxores profanis gentium simulacris adolerent thura, tandiūque hæc infania tenuit, vt de Salomonis salute adhuc solliciti simus, & in sapientissimum mortalium illa Diui Pauli quadret reprehensio.

Sic stylis estis, vt cum spiritum carperitis, carne consum-

3. Reg. 12.

Galat. 3. 4.

2. Huius autem rei si quis causas inquirat, non erit difficile inuenire. Ac prima quidem sit luxus, opulentia, regieque deliciæ, quarum proprium est rigorem virtutis frangere & ad omne genus corruptelæ viam sternere. Quis autem nesciat Principum esse delicias illas, de quibus Amos quodam loco: *Vae, inquit, qui opulenti estis in Sion, & confiditis in monte Samaria, Optimates,*

Luxum, & delicias Regias hæc mutationē asserre.

Amos 6. 1.

Ibid.num.

4.

capita populorum, ingredientes promptuè domum Israël. & paulò post. Qui dormitis in lectis eburneis, & lasciuitis in stratis vestris, qui comeditis agnum de grege, & vitulos de medio armenti, qui canitis ad vocem psalterij, sicut Dauid putauerunt se habere vasa cantici. Exemplum scilicet Dauid psalterio canentis suæ luxuriæ prætexentes, quæ tamen defensio illos nihil iuuabat cū dispar esset causa. Sanctus enim Psalter diuinas laudes exequens musica pulsaui instrumenta, ipsi verò vt aurum dumtaxat voluptatem captarent. Biberent vinum in phialis, & optimo vnguento deliburi. Sed hæc fortasse delitiæ intra priuatæ fortunæ modum se continere faciliè videri possunt, illæ planè Regiæ quas enumerat Salomon, in Ecclesiaste cum ait. Magnificauit opera mea, adificauit mihi domos, & plantaui vineas, feci hortos, & pomaria, & conserui ea cunctis generis arboribus, & extruxi mihi piscinas aquarum, vt irrigarem syluam lignorum germinantium; possedi seruos, & ancillas, multamque familiam habui, armenta quoque & magnos ouium greges, vltra omnes qui fuerunt ante me in Ierusalem; coaceruaui mihi argentum, & aurum, & substantias Regum, ac prouinciarum; feci mihi cantores, & cantatrices, & delicias filiorum hominum, scyphos & vceos in ministerio ad vinum fundenda, & supergressus sum opibus omnes qui ante me fuerunt in Ierusalem: tandemque concludit, sapientia quoque perseuerauit mecum (quod fortè consilio Salomon expressit, quasi rem alioqui difficilem contecutus sit, nam sapientia vt est apud S. Iob. Non inuenitur in terra suauiter viuendum) & omnia quæ desiderauerunt oculi mei non negaui eis, nec prohibui cor meum, quin omni voluptate frueretur, & oblectaret se in his quæ preparaueram. Hunc autem tam profusum luxû peccata quæ supra

Eccl. 2. 4.

Iob. 28. 13.

supra memorauimus secuta sunt, angusto enim admodum limite luxus & luxuria se parantur, facileque ex illo ista progignitur. *Ecce*, inquit Ezechiel 16. *Ezechiel*, *hæc fuit iniquitas Sodome sororis tue superbia*, 49. *ea scilicet, quæ in cultu est corporis, purpura, auro, ac uictis vestibus, gemmis etiam interlucen- tibus distinctis*, hoc enim exhibet vox Hebraica גִּדְּרָן quæ decorum, & speciem significat, vt cum dicitur apud Iob; *Circunda tibi decorem*, vbi eadem Iob. 40. vox occurrit. Pergit Ezechiel; *Saturitas panis, & abundantia*, ciborum scilicet omnis generis quæ palatum intemperantium irritare solent, quare Septuaginta verterunt, *& delitius affluebat*. Nec se malum intra mænia ciuitatis continuit, sed à metropoli ad circumiectos pagos manauit, nam pergit Ezechiel, *Et ciuium ipsius, & filiorum eius, eorum scilicet, qui circumiectos pagos, & villas incolebant*: nam agrestes etiam homines, qui victu alioqui tenui vitam tolerare cõsueuerant, ciuium tamen elegantiorumque hominum delicias emulabantur, ex quo tandem extremam calamitatem sibi accersuerunt. Itaque Salomon cibi præfer- tim & potus intemperantiam ab aulis Principum conatur amoliri, cum beatos eos prædicat qui sub Regibus viuunt, qui suis temporibus ad vires corporis instaurandas, non ad noxiam ventris volup- tatem cibum capiunt. *Beata*, inquit terra, cuius Ierem. 10. *Rex nobilis est, & cuius Principes vescuntur in tempore suo*, ad reficiendum, & non ad luxuriam. Et in Pro- uerbiis cum per omne genus præceptorum, qui- bus ad honestatem infortinemur, vagatus esset, paucula quædam quasi aureolam appendicem addere voluit, quæ librum quasi sigillo clauderent, aliisque legentium mentibus inhaerent.

Prou. 31.
1.
num. 4.

Osee 4.
11.

Leuit. 10.
2.

*Negotiorū
etiā multi-
tudo, qua
mentis cul-
turam im-
pedi.*

Nahum 3.
36.

Visio, inquit, *qua erudiuit eum mater sua.* Et paulo post. *Noli Regibus, o Lamuel, noli Regibus dare vinum, quia nullum secretum est ubi regnat ebrietas, & ne forte bibant, & obliuiscantur iudiciorum, & mutent causam filiorum pauperis.* Cum enim ut præclare Oseas pronuntiavit; *Fornicatio, & vinum, & ebrietas auferant cor omnibus, qui gubernationis clauum tenent, saluberrimum erit consilium, ita potum deliciasque omnes ciborum moderari, ut bene sobrij ad ius dicendum accedant.* Quare Dominus in Leuitico Sacerdotibus vini usum certis temporibus interdixit, in Sacerdotalis ministerij reuerentiam: & verò etiam quia indicaturos inter sanctum & profanum, pollutum & mundum, integros sensibus, non torpentes temulentia, ac madidos esse oportebat. Deliciæ ergo quibus Principes abundant pretiosæ vestes, cibi accersiti, ac suauis, multorumque manibus ministrari, domus ipsæ ac pauimenta quæ caleantur pretiosæ, affectatorum famulorumque serico, auroque nitentium agmina, reliqua tandem sensuum blandimenta, transuersos illos agunt, & mores ad virtutem propensos deflectunt ad vitia, penitusque corrumpunt.

3 Altera causa quæ afferri potest, est negotiorum multitudo, quibus ita Principes obruuntur, ut nisi interiâ cura malum auerant, virtutum semina ex quibus læta fruges, si se effunderent, possent existere, mole negotiorum de pressâ vim suam exercere non valeant. Est enim virtutis, diuturnitate temporis, repetitisque honestis actionibus, confirmatæ, ita se publico negotiisque permittere, ut de priorum integritate morum nihil deterî patiatur. In aulis autem Principum *Plurès sunt*

sunt negotiationes eorum quàm stella sint cæli. Quare mirum non est, si Sollicitudinibus, diuitiis, & volu-
 pratribus viæ suffocantur. Principisque animus, licet Luc. 8. 15.
 fortasse olim virtutis cultura subactus, paulatim syluescit, & pro floribus ac frugibus dumos ac
 sentes procreat, fitque ager illius cum stulti viri
 agro planè geminus, de quo Salomon ait. Per Prou. 24.
 agrum hominis pigri transiui, & per vineam viri stulti,
 & ecce totum repleuerant vrtica, & operuerant superfi-
 ciem eius spina, & maceria lapidum destructa erat.
 Hanc ob causam S. David statum mentis ita tueri
 conabatur, vt licet pluribus distraheretur nego-
 tiis pro Regij muneris necessitate, se tamen illis
 commodaret potiùs quàm traderet, ne fortè co-
 rum raperetur impetu, & Turbaretur, circa plurima Luc. 19.
 occupatus, quod tamen perpetuò tenere non po-
 tuit, Regni curis illum incurfantibus, vocémque
 illam exprimentibus, Cor meum conturbatum est; Psal. 37.
 vel vt D. Hieronymus legit, Cor meum fluctuabat;
 vel vt ex Hebræo verti potest, Cor meum circum-
 uagatur, vel Circumueurat. Licet alio pòstea tem-
 pore maiorem adeptus constantiam dicere non
 dubitauerit: Paratus sum, & non sum turbatus, vt Psal. 118.
 custodiam mandata tua. Ita nimirum virtutis tenax,
 vt militari honestatis viæ insitens ad nulla vitio-
 rum diuerticula se rapi pateretur.

4. Tertia causa duabus hætenus explicatis addi
 potest, quòd Principes viros adulatorum agmina Idem effi-
 semper circumstant, (Multi enim colunt personam cii adula-
 potentis) veritatisque faciem submoucant, Ponentes torum co-
 tenebras lucem, & lucem tenebras, ponentes amarum ruptela.
 in dulce, & dulce in amarum. De quibus Isaias quo- Prou. 19.
 dam loco. Popule meus, inquit, qui te beatum dicunt, 6.
 ipsi te decipiunt, & viam gressuum tuorum dissipant. Hi Isa. 5. 20.
 ergo Isa. 3. 12.

ergo solita vanitate spes Principum inflant, suauiterque blandiendo præsentissimam perniciem deceptis parant, quos tantò cautiùs vitare debemus, quantò ab amicitia quam mentitur, propiùs abest adulatio, quæ submissa, & humana quadam specie, vbi ad aures obrepit, *fascinatione nugacitatis*, adducit à virtutibus, & in turpes vitæ scopulos non aduertentes illidit. Itaque Salomon. *Meliora sunt, inquit, vulnera amici, quàm fraudulentæ oscula inimici*, & *Melius est à sapiente corripì, quàm stultorum adulatione decipi*. Hinc Dauidis sanus, & ab initio bene fundatus animus, corripientis sermonis austeritatem optabat præ laudantis blanda oratione, cum dicebat, *Corripiet me Iustus in misericordia, & increpabit me, oleum autem peccatoris non impinguet caput meum*. Tò Peccatoris, in Hebræo est שָׂמָר, quod caput, aut venenum capite serpentum latens significat, vt commodissimè sensus hic elici possit; oleum autem peccatoris, cuius venenata verba, si apertis & propitiis auribus recipiuntur, veneni instar habent, non impinguet caput meum, blandimentis demulcendo, ac demerendo. *Babylonem illam gloriosam in Regnâ, in clytâmque superbia Chaldeorum, docet Isaias sirenes incolere, cum ait. Et sirenes in delubris voluptatis*. Quid autem aliud sunt sirenes, quàm assentatores, qui ventosa mendacique vanitate suauiter blandiendo, ita loquuntur, vt stuporem quemdam ac somnum audientibus concilient, quo merfos miserrimè conficiant? Hi autem habitant *In domibus voluptatis*, vt Chaldaeus & Septuaginta vertunt; meliùs autem & ad significandum aptiùs vulgatæ editionis author, *In delubris voluptatis*, quod Principū ædes, opulētōrumque palatia, hoc adula

adulatorū consensu concentūque circumsonent,
meritoque delubra quædā censerī possint idolo
voluptatis consecrata, quorum antistites, & my-
stæ *Tenant tympanum, & citharam, & gaudent ad so-* Iob. 21. 12.
nitum organi, dum durunt in bonis dies suos. Cum ta-
men si sirenibus hisce faciem suam reddere veli-
mus, nihil aliud sint quàm *Dracones*, vt Chaldæus
vertit, quorum habitu pestifero Principes afflati,
victorum hauriunt corruptelam. Hos ergo Dra-
cones, quia multi Principes amant, & dicunt;
Frater sui draconum, & Vadam post amatores meos, qui Iob. 30.
dant mihi oleum meum, in peiora semper, & turpio-
ra vitia deuoluuntur. 29.

§ Ultima tandem mutationis huius in deterius
causa sit, quod latens vitium, virtutis tectum in-
uolucris, paulatim se aperiente naturā retegatur,
positāque laruā, dira scelerum facies quæ larue-
rat, tandem apparet. Multi enim dum in priuata
uiuunt fortuna moderationem simulant, altōque
pectore perturbationes animi premunt, ne si for-
tē aliquo indicio eruperint, spes quibus velifican-
tur interēptæ, in iristum cadant. Non fugit hæc
hominū astutorum nequitia Sapientem, qui eam
consummatam, omnibusque numeris absolutam
malitiā appellauit. *Est, inquit, solertia certa, & ipsa* Eccles. 19.
iniqua, Septuaginta vertūt ἀρετῶν ἀρετῆς, exacta, 22.
perfecta malitia. Est qui nequiter humilias se, & interio-
ra eius plena sunt dolo. Et paulo post. *Et si ab imbecil-* Ibid. n. 15.
itate viriū veteretur peccare, si innenerit tempus malefa-
ciendi, malefaciet, cum scilicet nactus fuerit poten-
tiam, eosque submouerit, quos reuercebatur, tunc
enim liberē scelus erumpit, *Peccatumque suū (tanta* Isa. 3. 9.
est impudētia) quasi Sodoma predicant, nec abscondunt.
Quia verò multūm Reip. interest huiusmodi ho-
mines

mines nosse, docet Sapiens rationem eorum mo-
res explorandi, & tentandi: vix enim fieri posse
quin ex habitu corporis, ac motu, ex risu, &
amictu, ac præsertim ex sermonibus quos miscet,
quæ sit natura, quæ studia conicere aliquan-

Eccles. 19.
26. *do possimus. Ex visu, inquit, cognoscitur vir, &
ab occurso facie cognoscitur sensatus, amictus corporis,
& risus dentium, & ingressus hominis enuntiant de illo.*

Prou. 17.
24. *Quemadmodum enim vt dicitur in Prouerbiis,
In facie prudentis lucet sapientia, ita in deceptoris
vultu, ac moribus notas quasdam sapientes ho-
mines, qui oculis eruditos habent, quibus mini-
mè falluntur deprehendunt. Quare Apostata,*

Prou. 6. 11.
*cuiusmodi planè is est, de quo loquimur descri-
bens Salomon, suisque notis distinguens; Homo,
inquit, Apostata, vir inutilis gradiatur ore peruerso,
annuit oculis, teris pede, diguo loquitur, prauo corde
machinatur malum, & omni tempore inurgia seminat.*

Prou. 10.
10. *Hæc ergo signa persecutus Sapiens facile pene-
trat se se ad cubilia recessusque animi, illique
Qui deprauat vias suas, manifestum est; vel vt habent*

Isa. 3. 9.
*Hebræa, & Græca exemplaria, & vulgatæ editio-
nis sententia est, Deprehendetur, quippe Agnitus
vultus eorum respondet eis, vt loquitur S. Isaias, ex
vultu enim, incessu, amictuque vt dicebat Salo-
mon, quinam sint haud difficilè cognoscuntur,*

Prou. 34.
16. *Et nequitia in habitaculis eorum, in medio eorum,
id est vt D. Augustinus interpretatur, in corde
eorum, educuntur in lucem, quamtumuis
agnosci nolint, aliisque fucum facere per
summam dissimulationem studeant;*

Prou. 21.
29. *Præciter obfirmantes vultum suum,
vt alicubi locutus est
Sapiens.*



HIEROPOLITICON.
LIBER SECVNDVS,

Qui est de

VIRTVTIBVS
PRINCIPIS.

*Religionem Principi colendam esse, & de
externo eius cultu.*

CAPVT PRIMVM.



RINCIPIO illud tanquam certissimum statuendum est, nullam esse gentem adeo barbarā, quæ, vel ipso naturæ lumine dictante, non sentiat aliquod esse numen, *Omnibus gentibus insitum esse religionis sensum, & amorem.*

quod humanis rebus intersit, illisque sua providentia præsit, & pro arbitrato cuncta moderetur. Hinc vera exitit Religio, quæ præcellenti huic naturæ, & de humano genere optimè meritæ, cultum debitæ seruitutis impendit. Hinc etiam varæ superstitiones exortæ sunt eorum, qui vt loquitur D. Paulus, *Mutauerunt gloriam incorruptibilis Rom. I. 23.* Dei in similitudinem imaginis corruptibilis hominis, & volucrum, & quadrupedum, & serpentium, qui commutauerunt veritatem Dei in mendacium, & seruierunt creature potius quam Creatori, qui est benedictus in sæcula, in eo dissidentes à legitimis veri numinis cultoribus,

toribus, quod ea pro numinibus habuerunt, quæ diuinitatis erant prorsus expertia; illis verò consentientes, quod naturæ ductu aliquē esse Deum senserunt, qui sacris, religionisque ceremoniis colendus esset. Est autem sensus hic mentibus humanis ad eò altè insitus, ut tunc demum existiment homines se in maximas incidisse calamitates, cum euersâ religione contigerit, diuinum in ciuitatibus cultum intermittere, & populum ab usurpandis sacris ceremoniis prorsus arceri. Hinc grauis illa cōminatio apud Hoseam. *Quia dies multos sedebunt filij Israel sine Rege, & sine Principe, & sine sacrificio, & sine altari, & sine ephod & sine theophym.* Selsiari autem dicuntur filij Israel, quia habitus ille corporis abiectionum est, & mæstorum. Sic Ieremias, *Quomodo sedet sola ciuitas plena populo?* & alibi, *Dic Regi, & dominatrici, humiliamini, & sedete, quoniam descendu de capite vestro corona gloria.* & Dauid: *Super flumina,* inquit, *Babylonis illic sedimus, & fleuimus, cum recordaremur Sion.* Sedebunt ergo filij Israel cum sacrificio, altari, religionisque cultu caruerint; hoc est maximo concipientur mærore, ut vitam planè ingratam, & acerbum putent. Fecerat sibi Michas, ut Iudicum narrat historia, ædiculam quandam, & in ea statuerat idolum, sacerdotisque operas conduxerat, cui etiam, ne quid desiderari posset, instrumentum ad rem sacram faciendam parauerat. Sed ecce tibi sexcenti viri de tribu Dan, cum in montem Ephraim venissent, sanum Michæ compilarunt, idolum, ac sacerdotalem omnem apparatus ad-

ud. 18. 21. *portantes, qui cum pergerent, & ante se ire fecissent paruulos, & iumenta, & omne quod erat pretiosum, & iam à domo Michæ essent procul, viri qui habitabant in adibus*

edibus Micha conclamantes secuti sunt & post tergum clamare ceperunt. Qui cum respexissent, dixerunt ad Micham: Quid tibi vis? cur clamas? Qui respondit, Deos meos quos mihi feci iulisti, & Sacerdotem, & omnia quæ habeo, & dicitis, quid tibi est? Putabat Michas omni se possessione spoliatum, quia quæ ad sui numinis cultum pertinebant, milites abstulerant, nec clamoris sui causam edendam, censebat, cum res ipsa loqueretur, nec atrociorum iniuriam, aut damnum grauius, quodque iniquius ferendum esset, arbitrabatur, quàm si suis sacris, venerationeque eius Dei, quem sibi ipse fecerat prohiberetur. Hic ergo Michæ, hic humani generis vniuersi sensus est.

2 Est porro Religio duplex, vel potius vna cum sit, duplici ratione functiones suas exercet, vel corporis adminiculo, vt cum sacrificiis, supplicationibus, cantu, cæterisque huiusmodi externis actibus, ab interna pietate prodeuntibus, diuinum numen honoramus: vel cum intra nostaciti diuinæ illi maiestati nos ipsos submittimus, nullum interea exercentes externum actum, quo prodamus, quid mente, & cogitatione voluamus. Atque vt de externa dicere incipiam, maximè decet Principem optimè affectum esse ad Ecclesiasticos ritus & ceremonias, sacræque suppellectilis nitorem, & maiestatem amare, & verò etiam suis pecuniis templorum fabricas excitare, augere vasorum sacrorum numerum, vestiumque sacerdotilium, vt omnia decorè tractentur, & vt diuinam maiestatem decet, magnificè exerceantur, quod proculdubio multum facit ad reuerentiæ affectum in fidelium animis excitandum. Sanè David, vir alioqui militaris, multisque bellis exercitus,

L hoc

*Exemplū
ostenditur
Principem
cultū ex-
ternū reli-
gionis cor-
di habere
debere.*

hoc nihilominus meditabatur assidue, hancque animo curam coquebat, qua ratione posset templum Deo suo excitare, quod verba illa Psalmi docent, *Memento Domine David, & omnis mansuetudinis eius.* Tò *Μαῖς* *ἡ* *ἐκείνης*, cum D. Hieronymo verti potest, *Afflictionis*, (eam vocat Aquila *κακουχίας*, Symmachus *κακάων* eodē sensu) significaturque Davidis animo mordacem quandam & subinde reuertentem curam, ac sollicitudinem insecuisse, quæ illum malè habebat, reputantem, se magnificas ædes, regiumque planè domicilium incolere, cum interim Dei arca stabilem sedem nondum esset nacta. *Sicut*, inquit, *iuravit Domino, vobis vouit Deo Iacob. Si introiero in tabernaculum domus meæ, si ascendero in lectum strati mei, si dederò somnum oculis meis, & palpebris meis dormitationem, & requiem temporibus meis, donec inueniam locum Domino, tabernaculum Deo Iacob.* Hoc ergo Davidis votum, qui cum cedrinam habitaret domum, Dei verò arca sub hirsuto, ac vili pellium tegumento lateret, de magnificentissimo templo diuino nomini excitando cogitauit, vt ipse de se filium Salomonem alloquens, testatur; effectumque dedisset, nisi diuinitus fuisset prohibitus, neque enim Domino placuit tot cæсорum hominum millibus sanguine imbutas manus habentem, quamnis alioqui sanctum Regem, sed eius potius filium Salomonem, iuxta nominis etymon Pacificum, tam sancto operi manus admoliri, quanquam David plurimum contulit ad templi fabricam, qui & materiei plurimum concessit, auri, argenti, matmoris; præstantissimosque artifices parauit, quibus deinde Salomon ad destinatum opus perficiendum vsus est, vt merito de

se

Psal. 131.

1.

Ibid. n. 2.

2 Reg. 7.

2.

1. Paral.

22. 7.

se dicere potuerit sanctus Vates, *Domine dilexi
decorem domus tue, & locum habitationis gloriae tuae.*

Psal. 25. 8.

Quid de Salomone dicemus, qui parentis sui
mandatorum memor templum excitauit, cuius,
vt de inquilinis ipsis nihil dicam, tanta fuit apud
exterarum gentes vel admiratio vel religio, vt
loci illius sanctitate, excitati, eius visendi & in eo
numen adorandi causa, ethnici etiam homines
Hierosolymam se conferrent, aut certe loci san-
ctitatem, si ipsi adesse non possent, destinatis eo
muneribus cultam vellent, quare in historia Ma-
chabæorum, *Famosissimum in toto orbe templum &
quod in uniuersum mundum honoratur*, appellatur.

Machab.

2. 23. &
cap. 3. 12.

3. Et sanè eorum quæ ad externum religionis
cultum spectant, cur tam diligens, distincta, ac
penè curiosa descriptio Deo ipso dictante, ac
præcipiente, in sacris litteris habetur, nisi quia
docere mortales voluit, *domum eam quam decet
sanctitudo*, etiam decere nitorem, cultum, & orna-
tum externum? Infinitus sim si ea velim hic atte-
xere, quæ in Exodo de Tabernaculo, arca, altari,
sacrificiis, sacerdotalibus indumentis, & aliis hu-
iusmodi locutus est Dominus, excipiente Mose,
quæ deinde Exodi libro, aliisque sacræ legis vo-
luminibus complexus est. Tanti verò fecit exter-
num hunc religionis cultum, qui in sacris cere-
moniis consistit, sapiens ille Iethro foveri Mosis,
qui multa prudenter generum suum docuit ad
Reipubl. constitutionem pertinentia, vt iudicia
quidem aliis permitti posse censuerit, sacras verò
religionis ceremonias, Mosis auctor fuerit, vt
traderet ipse per sese. *Esse*, inquit, *in populo in his*
quæ ad Deum pertinent, vt referas quæ dicuntur ad
eum, ostendasque populo ceremonias, & ritum colendi,

*Scripturis
& rationi-
bus proba-
tur exter-
num hunc
cultū reti-
nendū esse.*

Psal 91. 7.
Vide Exod.
à cap. 25.
ad 31. & à
cap. 35. ad
39.

Exod. 18.

19.

viamque per quam ingredi debeant. & opus quod facere debeant. Provide autem de omni plebe viros potentes & timentes Deum, in quibus sit veritas, & qui oderint auaritiam, & constituat ex eis tribunos, & centuriones, & quinquagenarios, & decanos, qui iudicent populum omni tempore. Putabat itaque Iethro facturum Mo- sen operæpretium si ritus ceremoniâsque ipse doceret. Et sanè meritò, nam plurimum refert in Republ. vt id exactè, & ad vnguem seruetur, quod Corinthiis commendat D. Paulus, cum ait,

1. Cor. 14.

40.

Omnia autem honestè & secundum ordinem fiant. Quod dicit, honestè, Græcè est *ἡσυχίως* quod significare videtur, cum honesta, ac decenti corporis conformatione, quod spectat ad cultum hunc externum, de quo verba facimus. Nec verò istæ ceremoniæ tantum faciunt ad tuendum decorum, sed præterea multiplex vtilitas ex illis existit; nam fidei quæ in animo nostro latet, exterior quædam

Math. 16.

32.

professio illis continetur, & eas vsutando *Constituamur coram hominibus eum, qui consuebitur nos coram Patre suo.* Rudium verò intelligentia & memoria iuuatur, qui nuda fortasse mysteria non caperent, nisi hoc ceremoniarum apparatu, qui in sensus incurrit, proponerentur; & vt perciperent citius audita dilaberentur, nisi externæ illius actionis species, cui interfuerunt, memoriam renouaret & harum rerum gnaros percontandi occasionem non præberet. Præceperat Dominus Moyfi, & Aaroni plurima ad Agni esum spectantia, & azy- morum panum, quibus explicatis ait, *Cum introieritis terram quam Dominus daturus est vobis, vt pollicitus est, obseruabitis ceremonias istas, & cum dixerint vobis filij vestri, quæ est ista religio? dicitis eis: Præcepta transiit Dominus est.* Adde quod affectum excitant

volun

voluntatis, qui magis exardescit, cum feruor conceptus in pectore, etiam exercitur actionibus corporis, non enim parum profuisse credendum est publicano pectoris illam tunctionem, qui in imo templo preces fundebat ad Dominum; nec frustra manus ad cælum tendebat Moyses, sed illis in altum sublati haud paulo plus ardoris concipiens, fortius ipse precibus in monte, quàm in campo milites, contra populi sui hostes depugnabat. Tandem sacris hisce ceremoniis Christianæ religionis sectatores ab iis distinguuntur qui aut Ethnici sunt, aut Iudæi, aut cum Christiana sacra susceperint, opinionum tamen peruersitate ab Ecclesia deficientes ad hæreticorum castra transfugerunt. Hos autem nosse plurimum Reipubl. interest, ut vitari possint, ne pestilentium doctrinarum vulgato morbo, etiam sana Reipubl. membra inficiantur, iuxta D. Pauli præceptum, *Qui hereticum hominem post unam, & secundam correptionem deuitandum monet, quia subuersus est.* Luc. 18. 13. Exod. 17. 11. Tit. 3. 10.

Principem non simulato animo, sed serio religiosum esse debere.

C A P V T II.

Vere de Deo dicitur in libro Iob, qui regnare facit hominem hypocritam propter peccata populi, vix enim maius inuenias Reipubl. malum, quàm Principem hypocritam, qui omnia diuina & humana iura subuertit, ut regnum teneatur; religionem verò, non integro, & fideli ani-

*Magnū esse
Rerumpub.
malū Prin-
cipem hy-
pocritam.
Iob 34. 30.*

mo amplectitur, sed suis libidinibus seruire cogit
fictè & simulatè eam colens, quatenus nimirum
consiliis fore vtilem crediderit, tunc desertu-
rus, & personam abiecturus, cum sibi noxiam fore
persuaserit, aut minus vtilem, quasi præstigiis
quibusdam religione abutens ad regnum, aut pri-
uata commoda, cum ingenti numinis iniuria, &
Reipubl. totius pernicië. Si qua regio huiusmodi
Principem nacta est, existimet licet se grauitate
ac multitudine scelerum diuinum numen offen-
disse, vnde factum sit, vt quod Dominus olim
comminatus est, *Dabo tibi Regem in furore meo*, po-
pulorum noxis irritatus impleuerit. Hi sunt enim
illusores illi qui simpliciores homines per spe-
ciem quandam falsæ assimulatæque virtutis cir-
cumuenire, & in fraudem inducere, veteratoria,
& malitiosa peruersitate conantur, de quibus
Isa. 28. 14. *Isaias, Audite, inquit, verbum Domini illusores, qui*
Isa. 3. 4. *dominamini super populum meum. Et alibi, Dabo pue-
ros Principes eorum, & effeminati dominabuntur eis.*
Tò effeminati, Septuaginta verterunt *ἡττωμένοι*, quæ
vox illusores, aut irrisores significat: & consen-
tit vox Hebraica *יְחַזְקִי* quæ eandem cum Græ-
ca significationem habere potest, vt scilicet gra-
uis Domini comminatio illis verbis contineatur,
qua se permisurum asseueret, vt Principes illu-
sores, & qui populis imponant subdola fallacieque
pictatis, & religionis simulatione, apud eos do-
minatum obtineant. Sed antequam explicò in-
commoda quæ ab huiusmodi hominibus Resp.
paritur, veteratoriam illorum agendi rationem,
exemplis ex sacris Scripturis petitis ponam ob
oculos.

Nullum autem illustrius meo quidem animo,
inueniri

*Quales sint
huiusmodi
Principes,
explicatur
exemplis.*

inueniri potest, quàm impij illius Ieroboam, qui religionem apud Israelitas penitus euerit, & idololatriam in decem tribus inuexit, non alio consilio, quàm vt regnum, cui sibi à Roboamo timebat, retineret. Vt autem planius agendi ratio Principis huius intelligatur, & in eo quasi in imagine cæterorum pseudopoliticorum ingenium quale sit appareat, res paulo altius repetenda est, & quàm bene fundatas haberet spes regnandi, & quomodo ad regnum venerit, recolendum, vt impia illius consilia certiùs deprehendere, & damnare possimus. Rem totam sacra narrat historia tertio libro Regum. Ac primò Ahia Propheta regni prædictionem his verbis. *Factum est* 3. Reg. 11. 29.
*igitur in tempore illo, vt Ieroboam egrederetur de Ierusalem, & inuenires eum Ahias Silonites propheta in via opertus pallio nomen, erant autem duo in agro. Apprehendensque Ahias pallium suum nouum, quo cooper- tus erat, scidit in duodecim partes, & ait ad Ieroboam. Tolle tibi decem scissuras, hac enim dicit Dominus Deus Israel. Ecce ego scindam regnum de manu Salomonis & dabo tibi decem tribus. Et post nonnulla. Tū autem assumam: & regnabis super omnia, quæ desiderat anima tua, erisque Rex super Israel. Si igitur audieris omnia, quæ precepero tibi, & ambulaueris in viis meis, & feceris quod rectum est coram me, custodiens mandata mea, & præcepta mea, sicut fecit Dauid seruus meus, ero tecum, & edificabo tibi domum fidelem, quo modo edificauit Dauid domum, & tradam tibi Israel. Hæc fuit Regni per Ahiam pollicitatio. Salomone autem è viuis erepto, cum populus tributorum pen- sationem sibi minui postulasset à Roboamo, & repulsam passus esset, Regem dixit Ieroboam, 3. Reg. 12. 20.
*quod ita narratur in libris Regum. Factum est au-**

Ibid. n. 37.

tem cum audisset omnis Israel, quod reuersus esset Ieroboam, miserunt, & vocauerunt eum congregatio catu, & constituerunt eum Regem super omnem Israel, nec secutus est quisquam domum Dauid, præter tribum Iuda solam. Sed ecce tibi praua Ieroboami consilia, qui cum primum Regnum adeptus est, quasi suo consilio & industria ad illud fastigium euasisset, non diuinæ prouidentiae beneficio, de illo stabiliendo sollicitus, eas adhibuit artes, per quas adeo Regni possessionem firmiorem non fecit, vt per easdem & summum sibi parauerit dedecus, & seipsum, regnumque perdiderit. Dixitque Ieroboam in corde suo. Nunc reuertetur Regnum ad domum Dauid, si ascenderit populus iste vt faciat sacrificia in domo Domini in Ierusalem. & scrutetur cor populi huius, ad Dominum suum Roboam Regem Iuda, interficientique me, & reuertentur ad eum. Et excogitato consilio fecit duos vitulos aureos, & dixit eis: Nolite ultra ascendere in Ierusalem, ecce Dij tui Israel, qui te eduxerunt de terra Aegypti. Posuitque vnum in Bethel, & alterum in Dan: & factum est verbum hoc in peccatum, ibat enim populus ad adorandum vitulum, vsque in Dan. Et fecit fana in excelsis. & Sacerdotes de extremis populi, qui non erant de tribu Levi. Constituitque diem solemnem in mense octauo quintadecima die mensis in similitudinem solemnitatis, qua celebrabatur in Iuda. Et ascendens altare similiter fecit in Bethel, vt immolaret vitulis quos fabricatus fuerat. Constituitq; in Bethel Sacerdotes excelsorum, quæ fecerat, & ascendit super altare quod extruxerat in Bethel quinta decima die mensis octauis, quem sinxerat de corde suo; & fecit solemnitatem filiis Israel, & ascendit super altare vt adoleret incensum. Vt autem melius intelligamus quid timuerit. Ieroboam, recolendum est Domini præceptum, quo

Ibid. n. 18.

quod Israëlitis mandatum fuerat, ut ter quotannis se Domino sisterent in Ierusalem, in festo scilicet Azymorū Pentecostes, & Tabernaculorum, ut non vno loco haberetur in Exodō, & Deuteronomio. Cum ergo Ierusalem, quod diebus istis festis ascendendum erat, esset in regno Roboam Regis Iuda, timuit impius Rex, ne si populus eō se conferret adorandi causa, auctoritate sacerdotum templi, qui starent à Roboamo, sollicitarentur ad defectionem, quam non ita difficili negotio persuadere possent populis, si promissionem Daudi à Domino factam illis in memoriam reuocarent, dixerat enim Dominus per Nathan prophetam, *Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum eius.* Et paulō post. *Et fidelis erit domus tua, & regnum tuum usque in aeternum ante faciem tuam, & thronus tuus erit firmus in aeternum.* cuius etiam promissionis meminit in Psalmis S. David cum ait: *Semel iuravi in sancto meo si David mentiar, semen eius in aeternum manebit, & thronus eius sicut sol in conspectu meo, & sicut luna perfecta in aeternum, & testis in caelo fidelis.* Auguebatur Ieroboami suspicio quod impetu quodam non consilio populus à Roboamo defecerat, cum quo facili negotio reconciliari posse videbatur, postquam repulsæ illius dolor resedisset; præsertim si Roboam illorum animum verbis lenire, & indulgentis postularis mitigare studuisset. Illud forte etiam veniebat in mentem quod Roboamus parentis Salomonis sapientissimi, & Davidis aui sanctitate & virtute bellicâ maximè insignis, commendatione, à quibus regnum iure hæreditario acceperat ipse natus in purpurâ gratior

Exod. 23.

14. & 17.

Exod. 34.

23.

Deut. 16.

12.

2. Reg. 7.

12.

Ibid. num.

16.

tior foret, quàm Ieroboam qui floruerat quidem laude prudentiæ, & fortitudinis, sed tamen à priuata fortuna ad regnum venerat per seditio- nem & tumultum. Et forè etiam vim subditis suis à Roboamo inferendum pertimuit, qui intra fines suos deprehensos Israëlitas, tanquam fidei datæ desertores, regisque sui proditores, vel supre- mo supplicio mulctaret, vel ad præstandum rursus obsequiû, quod denegauerant, adigeret. Sed nimi- rum à carnis prudentia consilia hæc omnia profi- ciscébatur, *qui enim secundum carnem sunt quæ carnis sunt sapiunt, qui verò secundum spiritû sunt, quæ spiritus sentiunt. Nam prudentia carnis mors est, prudentia autem spiritus vita, & pax, quoniam sapientia carnis ini- mica est Deo.* Sanè inimica, quippe quæ horrendam peccati faciem, quo solo cum Deo contrahimus inimicitiam, non exhorret, aut refugit, vt accidit Ieroboam cuius graue in primis, ac multiplex pec- catum fuit. Nam nouos Deos inuexit, duos scili- cet aureos vitulos, alterum in Bethel, alterum in Dan collocando: nouas arcas & templa in editis locis extruxit: nouos veteribus eiectis sacerdo- tes constituit, eosque ex plebe extrema, & vulgi fæce, quo eos ad nulum obsequentiores habe- ret: nouum Pontificem creauit, se ipsum scili- cet, cum ipse altare ascenderet, & sacrificandi munus sibi arrogaret: cum tamen, si sciret, nul- lã ita agendi causam haberet, sed posset citra peri- culû regni veterem religionem non minus cole- re, quàm antea coluisset. *Nam si non est Deus qua- si homo, vt mentiat, nec vt filius hominis, vt muta- tur, quæ probabilis causa timoris poterat super- esse cum dixisset Dominus. Te autem assumam, & regnabis super omnia quæ desiderat anima tua, erisque Rex*

Dan. 8. 5.

Num. 23.
19.3. Reg. 11.
37.

Rex super Israël. An non cor Regis in manu Domini, quocunque voluerit inclinabit illud? ac proinde sperare debuit Roboamum, sacerdotes, iudæique vniuersos æquo animo laturos Ieroboami regnum, cum cognouissent ad illud fastigium diuini numinis voluntate euectum esse, & Dominus se diuisionis illius regnorum authorē professus esset, & Regi Iuda populōque denuntiasset, vt à capiendis armis contra reliquum Israël abstinere. Factus est enim sermo Domini ad Semeiam virum Dei, dicens. Loquere ad Roboam filium Salomonis Regem Iuda, & ad omnem domum Iuda, & Benjamin, & reliquos de populo, dicens: Hæc dicit Dominus. Non ascenderis, neque bellaberis contra fratres vestros filios Israël, reuertatur vir in domum suam, à me enim factum est verbum hoc. Audierunt sermonem Domini, & reuersi sunt de itinere sicut præceperat ei Dominus. Cui præcepto cum tam promptè paruissent, quæ rogo causa suadebat iura omnia humana & diuina, euertere nisi furor quidam insanus, quo actus Ieroboam, ne illud quidem peruidere potuit, quod ciuilis prudentia præscribebat. Nam si sacerdotum Ierosolymitanorum suasionem timebat, habebat in promptu grauissimam Ahizæ prophetæ auctoritatem quam opponeret, ordinemque Leuiticum vniuersum, quem si vt par erat coluisset, nec eos vt loquitur scriptura abiiecisset, magnum sanè nactus fuisset regni firmitamentum, cum eorum auctoritas plurimum apud populares posset. Tandem quod caput est, quàm inanis erat ille timor, cum regnum diuina promissione niteretur, cuius etiã prouidentia in posterum fuisset effectum, vt quod regnum diuino beneficio acceperat, eiusdem numinis ope retineret.

Prou. 21.

1.

3. Reg. 12.

22.

Psalm. 26.
26.1.

Ios. 5. 3.

tineret. Quanto prudentius dixisset cum Dauide, *Dominus proteitor vite mee à quo trepidabo? si consistant aduersum me castra, non timebit cor meum; si exurgat aduersum me praelium, in hoc ego sperabo.* Non ita sanè sibi suæque Reipub. timuit Iosue, qui cum Iericho obsidione prope iam cingeret, à Domino iussus est sacram circumcisionis ceremoniã tanto tempore intermissam reuocare, & populum omnem ritu illo initiatum ad Paschalia festa, quæ celebranda erant, præparare. Nec veritus est, ne sicut olim Sichimitæ tunc oppressi sunt, cum recrudescente vulneris dolore per circumcisionem inflicto ad arma tradenda minus idonei esse poterant; ita ipsi à Ierichuntinis in omnem occasionem intentis, & qui quid in hostium castris ageretur facile cognoscere poterant, cladem aliquam acciperent, sed insigne posteris documentum reliquit, pericula quædam interdum negligenda esse, vt diuinæ gloriæ sanctissimisque legibus seruiatur. Quãquam vt dixi nec Ieroboã bellum expectare debuit ab ijs quos diuina auctoritas, iussioque pacauerat, nec si illud excitare perrexissent, cladem timere debuit pro quo pugnasset Dominus exercituum. Videant infelices huius sæculi politici, hoc nomine sanè indigni, cuius vestigijs insistant, cum charistiana sacra, sanctissimamque religionem ridiculo habent; eaque ad suas reghorum aucupandorum, aut stabi-
liendorum nundinationes, impiè, & verò etiam (quod sibi persuaderi non sinunt) imprudenter abutuntur. quippe sub Ieroboamo magistro militum, cuius cum facta imitentur, & mores, exitus non dissimiles expectare possunt. Ieroboamo autem planè euenit, quod Deo plenus Ahias
tanto

tanto ante illi prædixerat, cuius verba legimus in regum historia. *Quia exaltavi te de medio populi, & dedi te ducem super populum meum Israel, & scidi regnum domus David, & dedi illud tibi, & non fuisti sicut servus meus David, qui custodiuit mandata mea, & secutus est me in toto corde suo faciens quod placitum esset in conspectu meo, sed operatus es mala super omnes qui fuerunt ante te, & fecisti tibi Deos alienos & constilites, ut me ad iracundiam prouocares, me autem proiecisti post corpus tuum, idcirco ecce ego inducam mala super domum Ieroboam, & percusiam de Ieroboam mingentem ad parietem, id est masculum iam grandiuiculum & clausum, loco scilicet tuo, intra domum tuam, & novissimum, vel ut habent 70. derelictum, posteros scilicet quos reliquerit, in Israel, & mundabo reliquias domus Ieroboam, sicut mundari solet finis usque ad purum, qui mortui fuerint de Ieroboam in Civitate comedent eos canes, qui autem mortui fuerint in agro, vorabunt aues cæli: quia Dominus locutus est. Terribiles profecto minæ, de quibus dicere possumus, sicut Dominus verbum in Israel, quod quicumq; audierit, tinnient amba aures eius. Quanto-
pere autem regno suo incommodarit, ex eo perspicere licet quod habemus in scriptura, regnum Ieroboami firmitus factum esse plurimorum accessione incolarum, qui fugientes impietatem, sedibus mutatis ad regnum Iudæ transibant, ut in ea qua nati, & alti fuerant religione æunum traducere liceret. Hactenus ostendimus quanta fuerit Ieroboami impietas, & imprudentia, cuius exemplum satis esse posset ad rem de qua disputamus illustrandam: quia tamen hodieque Ieroboami errorum sectatores non desunt, qui suam impietatem honesto politicorum consiliorum palio*

3.Reg. 14.
7.1.Reg. 3.
11.

2. Mach.
4. 7.

lio velare satagunt, duo adhuc exempla subnectam, iam allato planè gemina, siue cæca consilia spectes, siue exitum votis planè contrarium. Primum sit Iasonis de quo ita scribitur in Machabæorum historia. *Post Seleuci vitæ excessum, cum suscepisset regnum Antiochus qui Nobilis appellabatur, ambebat Iason frater Onia summū sacerdotium, adito rege promittens ei argenti talenta trecenta sexaginta, & ex redditibus alijs talenta octoginta. Et paulò post. Quod cum Rex annuisset, & obtinisset Principatum, statim ad gentilem ritum contribules suos transferre cepit, & amotis his quæ humanitatis causa Iudeis à Regibus fuerant constituta, cinium iura destituens, praua instituta sanciebat. Etenim ausus est sub ipsa arce gymnasium constituere, & optimos quosque ephëborum in lupanariis ponere. Erat autem hoc non initium sed incrementum quoddam, & profectus gentilis, & alienigenæ conversationis, propter impij, & non sacerdotis Iasonis nefarium & inauditum scelus, ita ut sacerdotes iam non circa altaris officia dediti essent, sed contempto templo, & sacrificijs neglectis festinarent participes fieri palestra & præbitionis eius iniuste, & in exercitijs disci, & patrios quidem honores nihili habentes, Græcas glorias optimas arbitrabantur, quarum gratia periculosa eos contentio habebat, & eorū instituta amulabantur, ac per omnia his consimiles esse cupiebant, quos hostes & peremptores habuerant. Proiecta sane adu-
latio, quæ hominum impulit ad patriæ sacra sanctissima deferenda, nomenque mutandum: nam cum prius Iosepho teste Iesus diceretur, Iasonis nomen cum gentilium superstitione suscepit, utque Regi gratificaretur magis, irrita fecit Iudæorum priuilegia à Syriæ superioribus Regibus constituta per insignem virum Ioannem Eupolemi*

Ioseph.
antiq. Iud.
l. 12. c. 4.2. Mach.
4. 12.

mi patrem impetrata, hoc enim est quod dicitur,
*& amoris his que humanitatis causa Iudeis à Regibus
 fuerant constituta per Ioannem patrem Eupolemi, au-*
sus etiam est Gymnasium extruere, impuræ libi-
dinis officinam, in quo adolescentuli auersæ ve-
neri mancipati prostituerentur, hoc enim aper-
tè significat quod S. Hieronymus vertit, optimos
quosque epheborum in lupanaribus ponere, & Lyranus
interpretatur Prostibulum pulcherrimorum posuit,
quale scortorum masculorum domicilium solo
æquauit Iosias Rex de quo dicitur quarto Regū.
Destruxit quoque edículas effeminatorum, quæ erant in
domo Domini. Et quamuis quod S. Hieronymus
 vertit in *lupanaribus ponere*, in Græco textu dicatur
ἐν τοῖς πετάσοις *ἐν* sub petasum egit, sensus tamen
 idem est, nam vel petasus erat epheborum isto-
 rum exoletorum insigne, vel petasus, quæ vox
 à Græco verbo *πετάσσω* id est extendo, deduci-
 tur, cortinam significat in fornicibus illis præ-
 tensam, post quam libidini darent operam. Ad
 hunc ergo modum corruptis moribus facile fuit
 religionis etiā mutationem inducere, quod etiam
 impius Iason cōsecutus est. *Nam sacerdotes iam non*
circa altaris officium dediti erant, sed contempto templo,
& sacrificijs neglectis, hoc vnum agebant, vt Græco-
rum gentilium ritus planè sulciperent, illisque
quantum possent similes fierent, de hoc enim
apud eos erat contentio, & eorum, inquit, insitu-
ta emulabantur, ac per omnia his consimiles esse cupie-
bant, quos hostes ac peremptores habuerant. Verbis
 etiam, & suasionibus iam plus satis ad suam per-
 niciem concitatos populos extimulabat Iason,
 vnus proculdubio ex iniquorum illorum nume-
 ro, de quibus in eodem Machabæorum historia
 narratur

Ibid. num.
12.

4. Reg. 23.
7.

2. Mach.
4. 14.

Ibid. n. 26.

1. Machab. narratur cum dicitur. *In diebus illis exierunt ex Israēl filij iniqui, & suaserunt multis, dicentes. Eamus & disponamus testamentum cum gentibus, quæ circa nos sunt, quia ex quo recessimus ab eis, inuenerunt nos multa mala; quod quamuis mendacissimè dictum esset, tamen bonus visus est sermo in oculis eorum, incommoda, si quæ passi fuerant, religioni imputantes, cum tamen ea verius impietati, ac peccatis quibus Deum irritauerant, accepta ferre deberent: non dissimili errore decepti, atque cultores illi simulacrorum, quos frustra Ieremias reuocare conabatur à scelere, dicebant enim: Ser-*
1. 12.
Ierem. 44.
16.
monem quem locutus es ad nos in nomine Domini, non audiemus ex te, sed facientes faciemus omne verbum quod egredietur de ore nostro, ut sacrificemus regine cæli, & libemus ei libamina, sicut fecimus nos, & Patres nostri, Reges nostri, & Principes nostri, in urbibus Iuda, & in plateis Ierusalem, & saturati sumus panibus, & bene nobis erat, malumque non vidimus. Ex eo autem tempore quo cessauimus sacrificare regine cæli, & libare ei libamina, indigemus omnibus, & gladio, & fame consumpti sumus. Sed eos acriter increpat Ieremias, simulque errorem conatur eximere, veramque malorum causam ostendere, ait enim.
- Bid. num.
22.
Propter malitiam studiorum vestrorum, & propter abominaciones quas fecistis, facta est terra vestra in desolationem, & in stuporem, & in maledictum, eo quod non sit habitator sicut est dies hæc, propterea quod sacrificaueritis idolis, & peccaueritis Domino, & non audieritis vocem Domini; & in lege, & in præceptis, & in testimonijs eius non ambulaueritis, idcirco euenerunt vobis mala hæc, sicut est dies hæc. Cæterum Iasoni malè omnino cessit impietas, & ambitio, & cōsilia à carnis prudentia profecta, nā quæ putauit adminicula fore

ad

ad stabiliendum sibi Principatum sacerdotum iis numine irritato, sacerdotio caruit, & patria, exul-
 que ipse *deceptus, profugus, in Animantem expulsus* 1. Mach. 4.26.
est regionem, ex quo apparuit excogitatum consi-
 lium (quod frequenter accidit) ipsi qui excogi-
 tauerat perniciem attulisse. Tertium tandē exem-
 plum ex ea consultatione petitur, quam Scribæ, &
 Pharisei contra Christum, Dominum post Laza-
 rum à mortuis excitatum instituerunt. Rem ita
 narrat S. Ioannes. *Quidam autem ex ipsis (Iudæis)* Ioan. 11. 46.
abierunt ad Pharisæos, & dixerunt eis, quæ fecit Iesus.
Collegerunt ergo Pontifices, & Pharisei concilium, &
dicebant. Quid facimus, quia hic homo multa signa
facit? Si dimittimus eum sic, omnes credent in eum, &
venient Romani, & tollent nostrum locum, & gentem.
Unus autem ex ipsis Caiphas nomine, cum esset Ponti-
fex anni illius dixit eis. Vos nescitis quidquam, nec co-
gitatis, quia expedit vobis ut unus moriatur homo pro
populo, & non tota gens pereat. Hæc prudentes illi
consiliarii, ut sibi quidē videbantur, quorum ta-
men consilia & stulta fuerunt, & impia; & decre-
ta, iuxta ratiocinandi artē vitiosè collecta. Nam
primò hoc pacto melius fuissent ratiocinati, Hic
homo multa signa facit, signa autem hæc eius
sunt generis, ut non nisi Deo auctore fieri pos-
sint, hæc enim illa erant de quibus prædixerat
Isaias. Confortamini & nolite timere, Deus ipse ve- Isa. 35. 4.
niet, & saluabit nos. Tunc aperientur oculi caecorum, &
aures surdorum patebunt, tunc sicut sicut ceruus clau-
dit, & aperta erit lingua mutorum. Quæ omnia cum
viderent cumularissimè impleri, aliæque etiam
maiora, cuiusmodi est mortuorum suscitatio, po-
rius de Christo eiusque doctrina recipiēda, quam
de illo è medio tollendo, consultare; saltēmque

operibus, quæ in oculos incurrerant, credere debuissent, si verbis docentis fidem accommodare non audebant: quod ut facerent, Christus ipse eos fuerat adhortatus cum dixit, *Si mihi non creditis, operibus credite*. Altera eorumdem deceptio illis verbis continetur. *Si dimittimus eum sic, omnes credent in eum*: nam cōtra planè accidit, ut granum hoc sinapis morte crucis comminutum, & contusum, vires exereret, & frumentum cadens in terram, mortuūque, plurimum fructum afferret, quod multo ante Isaias fuerat vaticinatus cū dixit. *Si posuerit pro peccato animam suam, videbit semen longæum*, & Christus etiam affirmauerat dicens, *Si exaltatus fuero à terra, omnia traham ad me ipsum*. Tertius error est, quod putauerint fore ut Romani venirent, & tollerent gentem & locum, si omnes in Christum credidissent. Cum potius sperandū esset Romanos agnita per Christum veritate sese illi adiuncturos, accedente præsertim tot, tamque illustrium miraculorum testimonio, quibus nihil simile turba illa reorū, quos colebant, patrare poterat. Nec ut falsam hanc sectam crederent Romani, continuo probabile erat illam ita impugnaturus, ut quos illius assertores esse comperissent, persequi, & regno euertere vellent; nam satis notum erat eos, qui omnibus dominabantur gētibus, omnibus etiam illorum erroribus seruire sustinuisse, ad ius diuinitatis, quantum in ipsis erat, admissis falsis victorum populorum numinibus illorūque cultores effectos esse. Et si fidem Christi impugnare instituerent, diuino freti auxilio, optima quæque sperare debebant, sibi que certissimè persuadere, eius ope capturam incrementum, quo auctore

sum

Ioan. 19.
38.

Isa. 55. 10.

Ioan. 12.
32.

sumpſiſſet exordium, oppugnationum audacia, & vitibus compreſſis. Nam ſi Iudith Holophernis caput amputauit, Eliſæus latrones cæcitate percuffit, Elias igne de cœlo deuocato quinquagenarios illos duces abſumpſit, non minus tantorum miraculorū patratori fuiſſet proclue, exter-
nam Romanorum vim auertere vel frangere. Sed vt dixi, meliora ſperare debuerant, nam de Chriſto vaticinatus fuerat Iſaias: *Fluent ad eum omnes gentes, & ibunt populi multi.* Et alibi; *Ambulabunt gentes in lumine tuo, & reges in ſplendore ortus tui.* Quod verò timuerant Chriſto abire permiſſo, illis accidit occiſo. Nam hoc ſcelere prouocatus Domini furor, poſt aliquot annos eorundem Romanorum miniſterio, Templum, Ciuitatem, Regnum euertit, & peſſundedit, iuxta Chriſti oraculum dicentis, *Non relinquent in te lapidem ſuper lapidem, eo quod non cognoueris tempus viſitationis tue.* quod etiam prophetarum ſcriptis conſignatum erat Danielis & Iſaiæ, hoc dicente, *Numerabo vos in gladio, & omnes cade corructis, pro eo quod vocaui, & non reſpondiſtis, locutus ſum, & non audiſtis, & faciebatis malum in oculis meis:* illo verò his verbis, quod futurum erat prænuntiante, *Occidetur Chriſtus & ciuitatem cum ſanctuario diſſipabit populus cum duce venturo, & ſinis eius vaſtius, & poſt finem belli ſtatura deſolatio.* Quàm verò magna peruerſio eſt dum ſpiritale bonum temporariis commodis, & regno poſtponunt? ita enim ſtatuunt. Ne temporarium hoc regnum amittamus, hominem hunc quantumuis iuſtum, & ſalutaria ſuadentem, de medio tollamus; atque ita iuſticiam, religionemque dominandi cupiditati poſthabuerunt, quod conſilium quàm imprudens, &

Judith 23.

10.

4.Reg 6.

18.

4.Reg 1.

10.

Iſa. 2. 2.

Idem 60.

3.

Luc. 19.

44.

Iſa. 65. 12.

Dan. 9. 16.

Iudich 5.
29.

noxiū esset, facile cognoscere potuissent, si sacra-
rum scripturarum veteres historias replicare vo-
lent, ex quibus satis apparere poterat gentē illam
semper Domino protegente ab hostibus securam
fuisse, quamdiu à vera religione diuinòque cultu
non desciuit, quod Achior ethnico homini notū
fuit, ne dum Hebræis, quorum aures frequentis-
sime gestis maiorum suorum Sacris litteris com-
prehensīs circumionabant. *Si non est offensus* (in-
quit Achior) *populus meus coram Deo suo, non poseri-
mus resistere illis, quoniam Deus eorum defendet illos,*
& erimus in opprobrium vniuersa terra. Quod quia
Holophernes credere noluit, quam id verum es-
set, suo malo expertus est. Caiphæ verò consi-
lium suadentis vt vnum occidant hominem, ne
tota gens pereat, eodem laborat vitio, nam ibi
trepidauit trepidatione vbi timor non erat, & in-
nocentem morti adiudicandum censuit, vt hac
ratione salus vniuersæ Reipub. pararetur, cum ta-
men ex iniusta illa, impiæque cæde, regni illius
calamitates & euersio natæ sint. Tale ergo est
pseudopoliticorū ingenium, vt scilicet Religio-
nem, aut iustitiam deserant, cum eas suis com-
modis minus opportunas esse crediderint.

*Principes
hypocritas
simula-
tione reli-
gionis vii
ad conso-
quendum
id quod
cupiunt.*

3 Verum, quia impiis istis hominibus religio
ludibrio est, qua facilitate illam deserunt, cum
ea retenta malum sibi timent; ita cum simula-
tione illius se ad ea quæ optant facilius aspirare
posse confidunt, egregiè religiosos se faciunt,
mentita morum honestate, & loquendi religiosa
sanctitate ad tempus ita compositi, vt adeo quod
sunt non videantur, vt qui eos non nouerint, as-
simulatæ sanctitatis actionibus in errorem indu-
cuntur. Exemplo sit Achaz rex Iuda, impietatis in-
famia

famia notatissimus, *Nam ambulauit in via regum* 4. Reg. 16.
Israel, insuper & filium suum consecrauit, transfe- 3.
rens per ignem, secundum idola gentium, quia dissipauit
Dominus coram filiis Israel, immolabat quoque victi-
mas, & adolebat incensum in excelsis, & in colibus, &
sub omni ligno frondoso. Altare etiam extrui iussit
Hierosolymis iuxta formam altaris, quod viderat
Damasci apud Regem Assyriorum, ipseque victi-
mas ei imposuit, & altare æreum quod erat co-
ram Domino transtulit, vt narratur 4. Regum 4. Reg. 16.
 libro, quod in Regis Assyriorum gratiam factum 18.
 esse, capere licet coniecturam ex eo, quod ista
 ab eo facta sunt cum Regis illius indigebat auxi-
 liq, opemque aduersus Israël Regem implora-
 bat, qui cum Rege Syriæ cōtra Acham conspira-
 uerat: quodque *propter Regem Assyriorū*, vt scilicet
 ei rem gratam præstaret dicatur *Musach Sabbathi* Ibid not.
quod adificauerat in templo, & ingressum Regis exter- 18.
ius conuerisse in templum Domini. Quæ verba alij
aliter interpretantur. Nobis satis est, Regis As-
syriorum metu commotum, eique placendi stu-
dio ductum circa ea quæ in templo iuxta vete-
rem religionem seruabantur, immutasse aliquid
aut sustulisse, siue Musach tentorium sit sacer-
dorum, siue regum solium, siue quid aliud, quod
nunc non disquiro. Hic ergo Achaz tam vile Ido-
latriæ adulationisque mancipium, post tor sce-
lera quibus se maculauerat adhuc religionē pie-
ratemque simulare nō est veritus. Nam cum eum
Dominus ad saniora cōsilia traducere per Isaiam
prophetam niteretur, hicque animum eius con-
firmeret, vt locata in Deum spe contra hostiles
copias staret intrepidus, dicebat enim, Vide vt Isa. 7. 4.
sileas, æquo animo sis, noli timere, & cor tuum ne
formidet

formidet à duabus caudis titionum fumigantium istorum, à quibus nihil tibi timendum est, nam ipsi aliquam forte molestiam qualem fumus oculis affert, creare poterunt, vrendo nocere, me impedi-
 Ibid. n. 11. Regi persuaderet ira fore adderet, *Pete tibi signum à Domino Deo tuo in profundum inferni, sine in excelsum supra. dixit Achaz, non petam, & non tentabo Dominum.* Quasi diceret. Iubes me securo, & soluto animo esse, quasi nihil mali ab hostibus istis mihi timere debeam, qui tantis instructi copijs in regnum meum impetum faciunt. Non ego tibi parebo Isaia, nam numinis offensionem reformido, noxamque aliquam contrahere refugio, cum hoc quod suades ad Dei tentationem pertinere videatur, nam in aliquo discrimine constitutos iubet Dominus ad illud auerendum auxilia omnia atque adiumenta conquirere, quibus incolumitati suæ prospiciant. Abundo ego diuitijs, & pecunia, cur non potius ærarium refero, thesauros meos depromo, Assyriorum exercitum aduoco, quem mihi adfuturum confido, ne forte si aliam agendi rationem instituamus, Domini furorem in nos, cum tentando prouocemus? Sed Religio ista commouebat Achaz, scilicet: imo verò vt hominem prudentia carnis imbutum par erat, qui nihil nisi humana sapere didicerat, in subsidiarijs Assyriorum copijs duntaxat spem suam locauerat, Domini verò promissa per Isaia, quasi aniles fabulas, & malè sani capitis deliramenta aspernabatur. Vt tamen consilium quod afferebat Isaia, cuius magna apud omnes ordines erat auctoritas, honesto aliquo prætextu repudiaret, religionem prætextit, tantisperque se religio-
 sum

sum facit, dum prophetam amoliat, quem aliquam fortasse moram consilij suis afferre posse animaduvertebat. Sed illius reregit imposturam sanctus vates cum ait: *Audite ergo domus David, Nunquid parum vobis est molestos esse hominibus? Kal-* Ibid. n. 19.
dæus habet, prophetis, eos, scilicet, contemnendo, quia molesti estis & Deo meo, scilicet, non credendo, non fidendo, eorum suasionibus repugnando. Satis his verbis indicans non religione motum fuisse Achaz, sed potius eam contemnere, quamvis simulatione pietatis, & in Deum reuerentia scelus suum velare niteretur. Non absimilem simulatæ religionis, & pietatis abusum cernere est in Iudæorum hostibus, qui templi structuram sub Zorobabel duce bellè procedere animaduvertentes, ut qua ratione possent surgentis operis molitionem impedirent, zelum simulant, & pietatem operamque suam prolixè pollicentur, significationem hanc religiosæ voluntatis, ad nocendum gradum facientes. *Audiunt autem, dicitur in historia Esdræ, hostes Iudæ, & Benjamin, quia filij captivitatis edificarent templum Domino Deo Israël, & accedentes ad Zorobabel, & ad Principes Patrum dixerunt eis. Edificemus vobiscum, quia ita & nos querimus Deum vestrum. Ecce nos immolauimus victimas à diebus Asor Haddan Regis Assur, qui adduxit nos huc. Et dixit eis Zorobabel, & Iosue, & reliqui Principes Patrum Israël. Non est vobis, & nobis ut edificemus domum Deo nostro, sed nos ipsi soli edificabimus Domino Deo nostro, sicut præcepit nobis Cyrus Rex Persarum.* Cum ergo illis subdolum consiliū non non procederet, intelligerentque thecnas, Iudæorum solertia reiectas, appàreret inchoatum opus, quā vi aperta, quā calumniis apud Persarum Re-

t. Esdræ

4. 1.

gem impedire aggressi sunt, quanquam inito conatu, Deo seruis suis, pro diuina gloria sollicitis, opem ferente, nam licet Artaxerxes ad aliquod tempus fabricā procedere vetuisset, anno tamen secundo Darij, intermissa ædificatio iterum promoueri cœpta est.

*Quantope-
re Deus
detestetur
modū hūc
agendi.
Prouerb.
3. 31.
Ecclesi. 2.
14.*

4 Satis opinor ostendimus, quo modo prauī isti Politici, religione abutantur: quantopere autem eorum mores agendique rationem detestetur Deus, facile erit ex scripturis cognoscere. Dicitur in Prouerbiis. *Abominatio Domini est omnis il-
lusor, & in Ecclesiastico, va duplici corde, & labijs
scelestis, & manibus malefactoribus, & peccatori terram
ingredienti duabus vijs.* Ecce enim, inquit Dauid, *veritatem dilexisti*, quem versiculum ex Hebræo ita vertunt aliqui, *Ecce veritatem voluisti in renibus*: non enim exteriori tantum cultu, aut compositis ad pietatem verbis, contentus est Dominus, sed postulat animi, & cordis sensum cum externa specie consentientem. qui autem mali cum sint, probi tamen viri personam tantisper assumunt, donec suis cupiditatibus satisfaciant, gentis illius *Fallacis* nomine censentur, de qua Isaias. *Ad gentem fallacem mittam eum*, Chaldeus habet *hypocritā*, & Hebræicæ vocis vis eos significat, qui tecti sunt & obscuri, quique aliud verbis præferunt, aliud corde premūt, quos Dominus lupos appellat ouilla pelle contactos, quibus tamen personam detrahet magno illorum malo. *Aut placebit, inquit Iob, ei quem celare nihil potest? aut decipietur ut homo vestris fraudulentis?* Ex Hebræo ad verbum. *Iob. 13. 9. Num bonum eris vobis si explorauerit vos, Deus, scilicet, aut si deceperitis hominem, decipietis eum?* Quasi dicat, si retrusa cordium vestrorum peruestiga-
uerit

Isa. 10. 6.

*Matth. 7.
25.*

Iob. 13. 9.

uerit Dominus, qui cordiū scrutator est, quomodo scelera, quæ animo concipitis, & fronte perfrecta celatis, dissimulare poteritis? An putatis posse vos Deo fucū facere, sicut homines decipitis, qui externo oris habitu falli possunt? Postea verò subdit. *Statim ut se commouerit turbabit vos, & terror eius irruet super vos, memoria vestra comparabitur cineri, & redigentur in lutum cervices vestre, tanto odio prosequitur Dominus fictos & duplici corde. Ne fueris hypocrisis, ait Ecclesiasticus, in conspectu hominum, & non scandalizeris in labijs tuis. Attende in illis ne forte cadas, & adducas animam tuam in honorationem, & reuelat Deus absconsa tua, & in medio synagoga elidat te, quoniam accessisti malignè ad Dominum, & cor tuum plenum est dolo, & fallacia.* Et sanè mirum est Christianum Principem, cui diuinæ scripturæ oracula, quibus credit, proposita sunt, adeo cæcum in re tanti momenti, esse posse, ut sibi persuadeat aliquid prosperè, & ex animi sententia tibi succedere posse, si à vera religione deflexerit ad impietatem. Quam enim frequenter in factis illis historiis & prophetis repetitur, tunc demum Reges longo tempore Imperio pacato potituros, hostium victores futuros, gloriam nomenque clarum consecuturos, si religiosi fuerint? Contra verò si religionem neglexerint, se imperiumque omne, quantumvis firmum alioqui, ac stabile perdituros? Audiamus Dominum, futurum aliquando Principem super Israel in religionis studio instituentem. *Postquam autem, inquit, sederis in solio regni sui, describet sibi Deuteronomiū legis huius in volumine, accipiens exemplar à Sacerdotibus Leuitica tribus, & habebit secum, legetque illud omnibus diebus vite sue, ut discat timere*

Ibid. n. 11.

Eccl. 1. 37.

Deut. 17.

18.

Dominum Deum suum, & custodire verba, & ceremonias eius, quæ in lege præcepta sunt. nec eleuetur cor eius in superbiam super fratres suos, neque declinet in partem dexteram, vel sinistram, ut longo tempore regnet ipse, & filius eius super Israel. Vult ergo Dominus primam noui Regis curam esse in lege cognoscenda, eaque sincerâ, non errorum corruptelis adulteratâ, sed purâ, qualem à Sacerdotibus Leuitici generis accipere poterat, eumque iubet in ea bene versatum esse, & in ea meditari die, ac nocte, ut floreat ipse tanquam lignum quod plantatum est secus decursus aquarum, sobolemque relinquat regni, & paternarum virtutum hæredem. Nec dissimilia Domini monita ad Iosue, cui inter cætera, Non recedas, inquit, volumen legis huius ab ore tuo, sed meditaberis in eo diebus, ac noctibus, ut custodias & facias omnia, quæ scripta sunt in eo, tunc diriges viam tuam, & intelliges eam. Et Dauidis, cum iam proximè abesset à morte ad filium Salomonem, Ego ingredior, inquit, viam vniuersæ carnis, confortare & esto vir, & observa ut custodias mandata Domini Dei tui, ut ambules in viis eius, & præcepta eius, & iudicia, & testimonia, sicut scriptum est in lege Moysi, ut intelligas vniuersa quæ facis, & quocumque te verieris. Ut cõfirmet Dominus sermones tuos quos locutus est ad me, dicens. Si custodierint filij tui vias meas, & ambulauerint corâ me in veritate, in omni corde suo, & in anima sua, nõ aufertur tibi vir de solio Israel. De victoriis autè aduersus hostes, quid est opus hic aliquid attexere, cum infinita propemodum exempla ex Scripturis sacris depromi possint, quibus planum fiat religiosos duces quamuis modica militum manu ingentes aduersariorum copias fudisse? Quis nescit Machabæorum aut Gedeonis, ut de ceteris sileam,

de

Psal. 1. 2. 3.

Ios. 1. 0.

de idolorum cultoribus insignes reportatas victorias? Sed nobis vnum Iosue testimonium sufficiat, qui plurimis locis contra bellicosissimas, ferocissimasque nationes, præsentissimum numinis auxilium expertus erat. Huius ergo iam morti proximi hæc verba sunt ad maiores natu Principes, ac Duces Israel. *Confortamini & estote solliciti ut custodiatis cuncta quæ scripta sunt in volumine legis Moysi, & non declinetis ab eis neque ad dexteram, neque ad sinistram, ne postquam intraveritis ad gentes quæ inter vos futurae sunt, iuretis in nomine Deorum earum, & servietis eis, & adoretis illos, sed adhæreatis Domino Deo vestro, quod fecistis usque in diem hanc. Et tunc auferet Dominus Deus in conspectu vestro gentes magnas, & robustissimas, & nullus vobis resistere poterit. Unus è vobis persequetur hostiū mille viros, quia Dominus Deus vester pro vobis pugnabit, sicut pollicitus est. Hoc tantū diligentissimè præcauete, ut diligatis Dominū Deum vestrum. Contra verò Dominum contemnentibus, religionemque aspernantibus ista denunciat. Quod si volueritis gentium harum quæ inter vos habitant erroribus adherere, & cum eis miscere connubia, atque amicitias copulare, iam nunc scitote, quod Dominus Deus vester non eas dealeat ante faciem vestram, sed sint vobis in foveam, ac laqueum & offendiculum ex latere vestro, & fudes in oculis vestris, donec vos auferat, atque disperdat de terra hac optima, quam tradidit vobis. Et paulo post. Sicut ergo impleuit opus quod promissit, & prospere cuncta venerunt, sic adducet super vos quidquid malorum comminatus est, donec vos auferat, atque disperdat de terra hac optima quam tradidit vobis, eo quod præterieritis pactum Domini Dei vestri, quod pepigit vobiscum, & seruietis Diis alienis, & adoraueritis eos: citò atque velociter consurget in vos furor*

Iosue 23.

6.

Ibid. n. 12.

Ibid. n. 15.

furor

Sap. 4. 12.

Jerem. 2.
19.

3. Reg. 20.

23.

Isa. 26.

12.

3. Reg. 20.

29.

furor Domini, & auferemini ab hac terra optima, quam tradidit vobis. Mirum igitur est tantum apud Principes aliquos posse fascinationem nugacitatis sensum transfuerentem, quæ illis à pseudopoliticis nescio quibus propinatur, ut illa hausta, quasi temulentis palpent in meridie, imo velut cæci per abrupta vitiorum deuoluantur, nec tamen sentiant, nisi malis eruditi, (si tamen vel tunc sentiant). Quia malum, & amarum est reliquisse Dominum Deum, & non esse timorem Dei apud eos. Quam multi enim sunt, qui Deo percutiente attriti, non tamen malorum suorum veras causas intelligunt, sed aut fati necessitati, aut casui nescio cui calamitates adscribunt, minus miserandi quod mali aliquid passi sint, quam quod stupore quodam mentis affecti non sentiant unde infortunia illa cladesque profiscantur. Rex Syriæ Benadad cum exercitu suo fusus ab Israelitis fuerat, plurimisque in prælio desiderauerat ex suis. Non Rex, non consiliarii veram tantorum malorum causam intellexerunt, sed anili quadam superstitione ducti cum de bello instaurando consultarent, statuunt in posterum à montibus quantum possunt recedere, & in explicata aliqua planitie depugnare. Quid ita? *Dij montium*, inquirunt, *sunt Dij eorum*, ideo superauerunt nos, sed melius est ut pugnemus contra eos in campesribus, & obtinebimus eos. Sed nimis causam planè inanem comminiscébatur, ideo mentita est iniquitas sibi. Deusque cui idem est in multis vincere, aut in paucis, in montibus, aut in campis altera clade vires Syrorum afflixit, nam septima die commissum est bellum, percusseruntque filij Israel de Syris centum millia pedum in die vna. Egerunt autem qui remanserant in Aphec, in Ciniatam, & cecidit

ecidit murus super viginti septem millia hominum, qui remanserant. Hac verò clade Dominus tantas Syrorum copias deleuit, vt scirent omnes quàm procul à vero aberrarent Syriæ Regis consiliarij, nam accedens vnus vir Dei dixit ad Regem Israel. *Hac dicit Dominus, quia dixerunt Syri, Deus montium est Dominus, & non est Deus vallium, dabo omnem multitudinem hic grandem in manu tua, & scietis quia ego sum Dominus. Nunc ergo Reges intelligite, erudimini qui iudicatis terram, & scitote quod si custodierit Dominus Ciuitatem aut Regnum vestrum vobis bene erit, nam vt inquit Dauid Deus in medio eius, non comouebitur, adiuuabit eam Deus manè dilaculo. id est, cum primū diuina indiguerit ope, feret auxilium, hancque Ciuitatem, aut Rempubl. fluminis impetus laetificabit, vel vt Chaldaeus vertit, Populi conuentus. Nam florebit ciuium multitudine, fruetur pacatissima tranquillitate, opibus affluet, ita vt nihil desit ad cumulatam, quæ in hac vita haberi potest, fælicitatem, sed se ipsa contenta, finitimis etiam hostibus inuidenda sit. Si verò ad praua studia, falsamque religionem conuersi fueritis, nullas non calamitates, & vobis & Reipubl. vniuersæ timere poteritis, Deo iniurias suas immixtis malis seuerissimè vindicante,*

Ibid. n. 28.

Psal. 1. 10.

Psal. 45. 6.

Ibid. n. 5.

*Nec hæreticos in Republica aut
eorum doctrinam, nec eam quam
vocat libertatem conscien-
tiæ, sine gravi causa
permitti debere.*

CAPVT III.

*Hæreticos
extremo
etiam mortis
supplicio
punandos
esse.*

Deut. 13.
1.

SACRATUM Scripturarum testimoniis facile
probari potest, hæreticos, qui erroribus suis
pertinaciter adhærent, nec ad sanam mentē Ca-
tholicorum monitis & rectorū, redire volunt, è
Republ. exterminari, & si opus fuerit extremo
supplicio puniri posse. Dicitur in Deuter. *Si sur-
rexerit in medio tui propheta, aut qui somnum se vi-
disse dicat, & prädixerit signum, atque portentum, &
euenerit quod locutus est, & dixerit tibi, Eamus, & se-
quamur Deos alienos quos ignoras, & seruiamus eis :*
non audies verba propheta illius, aut somniatoris, quia
tentat vos Dominus Deus vester ut palam fiat utrum
diligatis eum an non, in toto corde, & in tota anima
vestra. Dominum Deum vestrum sequimini, & ipsum
timete, & mandata illius custodite, & audite vocem eius,
ipsi seruietis, & ipsi adhaerebitis. Propheta autem ille
aut scilicet somniorum interficietur, quia locutus est ut
vos auerteret à Domino Deo vestro, qui eduxit vos de
terra Egypti, & redemit vos de domo seruitutis, ut
errare te faceret de via, quam tibi praecepit Dominus
Deus tuus, & auferes malum de medio tui. Nulli ma-
gis

gis falsi prophetæ sunt quàm hæretici, *Qui veniunt ad nos pellibus onium reſti, intrinſecus autem ſunt lupi rapaces.* Hi etiam ſomniorum fictores appellari poſſunt, nam ſomnia ſua nobis, quaſi res geſtas obtrudunt, eaque quamvis abſurda ſint, qualia ægrotantium eſſe ſolent, tamen pro veris hiſtoriis venditare conantur. Hos ergo lege illa iubebat Dominus interfici, quia à Domino Deo auertunt, illiùſque legitimo cultu & ad falſarum opinio-

Matth. 7.
15.

num idola traducere ſatagunt. Nec tamen lex Domini illis parcit, qui alios prauis dogmatibus non corrumpunt, ſed vt morte pleſtantur ſatis habet, ſi adoraffe idola deprehenſi fuerint, aut militiam cœli, ſic enim eodem libro dicitur. *Cum*

Deut. 17.

reperit fuerint apud te intra vnâ portarum tuarum, quas Dominus Deus tuus dabit tibi, vir aut mulier, qui faciant malum in conſpectu Domini Dei tui, & transgrediantur pactum illius, vt vadant & ſeruiant Diis alienis, & adorent eos, ſolem, & lunam, & omnem miſticiam cœli, quæ non præcepi, & hoc tibi fuerit nuntiatum, audiensque inquireris diligenter, & verum eſſe reppereris, & abominatio facta eſt in Iſrael: educes virum ac mulierem, qui rem ſceleratiſſimam perpetrarunt ad portas ciuitatis tue, & lapidibus obruentur. Quibus ſimilia capite etiam ſequenti præcipiuntur.

2.

Quod autem à Domino præceptum acceperat Moſes, opere etiam compleuit cum multa idolorum latrarum millia, quæ vitulum aureum adorauerant, à Leuitis concedi iuſſit, adeoque noxam aliquam ſe tanta cæde contraxiſſe non putauit, vt quos ad patrândam cædem illam immiſit, eos manus ſuas tanto facinore conſecraſſe, confirmari. *Conſecraſtis, inquit, manus veſtras hodie Domino,*

Deut. 18.

9.

Exod. 32.

29.

transiſſiſque in filio, & in fratre ſuo, vt detur vobis benedi

cedi

Leuit. 8.
24.

nedictio, ad consecrationis Sacerdotalis ritum fortasse respiciens. Nam quemadmodum in Sacerdotum veteris illius legis consecratione auris dextra, pollicisq; manus & pedis dextri sanguine immolatae victimae imbuebantur, ita Leuitae isti dexterarum suarum caesorum idololatrarum sanguine resperfas non inquinaverunt, sed potius consecrarunt Domino, nec aures pedesque consecratione sua caruerunt, illae dum ad obediendum se promptas accommodarunt, quamvis ij forent obtuncandi quos filios & fratres sacra appellavit historia. Hi verò dum eunt, & redeunt de porta usque ad portam iuxta Moysis praeceptum, qui dixerat, *Ite & redite de porta usque ad portam per medium castrorum, & occidat unusquisque fratrem & amicum, & proximum suum.* Vel etiam dicuntur manus suas consecrasse, quod Dominus Leuiticæ tribui propterea concesserit Sacerdotium templique ministeria tradiderit, quod in gentem suam pro zelo Dei gladium strinxissent in vindictam. Itaque in benedictione Leui quæ est in

Exod. 32.
27.

Denter. dicitur. *Qui dixit patri suo, & matri suæ, Nescio vos, & fratribus suis, Ignoro vos, & nescierunt filios suos. Hi custodierunt eloquium tuum, & pactum tuum servauerunt, iudicia tua, ô Jacob, & legem tuam ô Israel,* ac deinde quodnam inde præmium reportarint, subdit. *Ponent thymiam in furore tuo* (vel ut ex Hebræo clarius verti potest, *in naso tuo*) & *holocaustum super altare tuum.* Quale etiam præmiū tulit Phinees Eleazari filius, qui zelo diuinæ legis effuscens Israelitam cum scorto allophylo contra quam Deus præceperat concumbentem pugione confodit. Dixitque Dominus ad Moysen: *Phinees filius Eleazari filij Aaron Sacerdotis*

Deut. 33.
9.

aucti,

Num. 25.
10.

aucti,

auertit iram meam à filiis Israel, quia zelo meo commotus est contra eos, ut non ipse delerem filios Israel in zelo meo. Idcirco loquere ad eum. Ecce do ei pacem fœderis mei, & eris tam ipsi quàm semini eius pœctum Sacerdotij sempiternum; quia zelatus est pro Deo suo, & expiauit scelus filiorum Israel. Quid de Eliæ zelo dicam, qui quadringentos quinquaginta pseudo-prophetas cultores idolorum, à populo iussit interfici, monens ita agerent, ut ne unus quidem effugeret ex eis? Quid de Iehu Israelis Rege, qui quotquot sacrificulos Baal cogere potuit, quasi decipula irretitos militibus suis trucidandos obiecit? Quid de Iosia, qui deleuit aruspices quos posuerant Reges Iuda ad sacrificandum in excelsis per ciuitates Iuda, & in circuitu Ierusalem, & eos qui adolebant incensum Baal, & soli & lunæ, & duodecim signis, & omni militia cœli? Quid tandem de Mathathia, qui cum ciuem suum vidisset omnibus inspectantibus ad aram accedere ut idolis sacrificaret, Doluit, & contremuerunt renes eius, & accensus est furor eius, secundum iudicium legis, & insiliens trucidauit eum super aram, imo eadem eius, alterius, qui ad idololatriam iussu Antiochi Iudæum stimulauerat, eadē cumulauit, aramque demolitus est? Sed possumus etiam ab idololatriæ argumentum petere ad id quod volumus confirmandum. Nam Rex ipse Nabuchodonosor, cum tres illos adolescentulos fornacis incendium enasisse diuino miraculo animaduertisset, pœnam mortis in eos statuit, qui contra Deum quem tres illi pueri colebant, blasphemando ora soluissent. Quo exemplo ad rem de qua agimus comprobendam quodam loco vsus est D. August. Nabuchodonosor, inquit, miraculo salutis trium puerorum conuictus atque

3. Reg. 18.

40.

4. Reg. 10.

25.

4. Reg. 13.

5.

1. Machab.

2. 24.

Epist. 145.

ad Donatistas.

- mutatus pro veritate contra errorem editum proposuit,
 Dan. 3. 96. *ut quicumque blasphemarent Deum Sidrach, Misach,
 & Abdenago, in interitum irent, & domus eorum in
 dispersionem, & non vultis ut tale aliquid contra vos
 iuveam Imperatores Christiani? Hactenus August. Et
 hoc quidem præclare Nabuchodonosor; regia
 enim interposita auctoritate, quidquid in Repub.
 existit malorum faciliè discutitur, ac dissipatur;
 nam ut est a Sapiente dictum, Rex qui sedet in solio
 iudicii, dissipat omne malum intuitu suo. Et eodem ca-
 pite, Dissipat impios Rex sapiens, & incurvat super eos
 fornicem, vel ut est in Græco contextu ὁ ἐπὶ τοῦ
 αἰῶνος τροχόν, immittet eis rotam. Quæ versio ad
 rem nostram facit, nam sensus est pœnis à Rege
 sapiente ita coercendos impios, ut extremo etiam
 supplicio tollantur è medio, & respexisse videtur
 Salomon parentis sui factum, de quo dicitur in
 2. Reg. 12. 31. Regum historia. Populum quoque eius (regis scilicet
 Ammonitarum) adductus serravit, (id est ferris se-
 cuit) & circumegit super eos ferrata carpenta, divisit-
 que cultus, & traduxit in typo laterum, sic fecit vniuer-
 sis Civitatibus filiorum Ammon. Hoc ultimum quod
 dicitur, Et traduxit eos in typo laterum, difficile satis
 est, ac propterea si inuestigaverimus quodnam
 pœnæ genus verbis illis significetur, operæpre-
 tium fortasse fecerimus, nec à re de qua agimus,
 ut paulo post patebit, hac brevi excursiuncula,
 multum diuertemus. Ac primò si Septuaginta
 dumtaxat interpretationem consideremus, διὰ τὴν
 αἰῶνος διὰ τὸ πλῆθος, traduxit eos per laterem, non
 esset improbable existimare pœnam hanc in ali-
 quos ex Ammonitis esse statutam, ut per ordina-
 tam militum aciem transirent, eosque milites in
 ordinem dispositi, dum transeunt, telis impete-
 rent,*

rent, & occiderent. Genus hoc mortis pœna quadam militatis est, in Castris vilitata, quam Itali appellant, *Passar per le picche*. Lateris autem nomine, aciem in lateris formam quadratam intelligi posse patet ex auctore libelli De antiquis ordinibus & Suida apud quos *πλατὴ α.* & *πλατὴ ῥόδον*, quadratum aginen in lateris formam significat. Quod etiam ex Iosepho discere possumus, in libris de Iudaicis antiquit. qui ita alicubi loquitur. *ἐν πλατῆι τάξας τὰ πείλας*, quæ verba Interpres vertit, *In lateris formam*. Quod si vulgatæ editionis lectionem solam spectemus, *Traduxit eos in typo laterum*, cum typus laterum sit instrumentum illud quo lateres formantur, & omnes ad eandem mensuram, & modulum exiguntur, significari videtur ita curruum totis, & equorum calcantium vngulis contritos, & comminutos fuisse Ammonitas, vt quasi ex luto subacti lateres ex illis formari, ac fingi possent. Verum vt lectio Septuaginta virorum, & vulgatæ editionis melius intelligantur, ostendamulque utramque cum Hebræico textu consentire, videndum est quid vox Hebræa *מלח* *Maluen*, quæ hic habetur, significet. Nahum tertio dicitur: *Aquam propter ebullitionem hauri tibi, extrue munitiones tuas. intra in lutum, & calca. subigens tene luerem*, vbi *Tē* laterem in Hebr. est *מלח* *Kaldæus*, *Multiplica camenta, subige lutum, fortifica aſſicia tua*. Ad verbum ex Hebræo vertere possis. *Tene, vel apprehende, robora fornacem*, vt Pagninus interpretatus est, & consentit Rabbi Abraham in Commentario huius loci, qui *מלח* interpretatur locum in quo fiunt lateres, nam iuxta fornaces, aut in ipso fornacis conceptu, nondum flammis succensæ, laterum forma-

Nahum 3.
14.

tores, lutum subigunt, & admotis typis figuram imprimunt: est ergo sensus traduxisse eos per fornacē, hoc est ignibus fornacis absumpsisse, idēque typum laterum significare in vulgata, & *2. Reg. 23.* apud Septuaginta. Verū aduertendum adhuc est in Hebraico textu; de quo nunc agimus, variam esse lectionem propter vnus litterulæ cum alia persimili, mutationem, vel enim legitur מלך ut est in Hebraicorum bibliorum contextu, vel ut ad marginem adnotatur, pro littera ב substituitur littera כ, & legitur מלכ. Quam lectionem si sequamur sensus esse potest, & traduxit eos per ignem, quemadmodum iis fieri solebat, qui Molochi idoli sacrificabantur. Nam Moloch idolum, etiam Melchon, & Malchen appellabatur, pro varietate punctorum, quæ voci מלכ subiiciebantur. Aequissimum autem erat, ut per quæ Ammonitæ peccauerant, per eadem etiam plecterentur. Nemo autem est qui nesciat fuisse Moloch idolum Ammonitarum, ritumque sacrificandi eum fuisse, ut victima igne cremaretur, & holocaustorum more penitus absumeretur, vel certè per flammam ita traduceretur, ut aliqua ratione, sed tamen citra vitæ periculum, ambureretur. Digna sanè pœna quæ statueretur in impios illos Ammonitas; nostrique temporis hereticis, ut usus habet Ecclesiæ, accommodatissima: quā qui usurpant Principes, impios ita coercendo, ut proposita etiā mortis pœnā à scelere perpetrando deterereant, tunc Domino seruiūt iuxta Davidis præceptum, qui Reges ut Domino seruiant, adhortatur Psal. secundo. Quomodo verò hoc præsent exemplis è scriptura conglobatis ostendit D. Augustinus, cuius verba quidni adhibeamus? *Alter*
seruit,

Serui, inquit, Rex Deo, quia homo est. aliter quia Rex est, quia homo est, ei seruit viuendo si leuiet. quia verò etiam Rex, seruit leges iustas precipientes, & contraria prohibentes conuenienti vigore sanciendo, sicut seruauit Ezechias, lucos, & templa idolorum destruendos; sicut se uixit Ionas, ista lia & ipse faciendos; sicut seruauit Rex Nimruu, conuersam ciuitatē ad placandū Dominū opellendos; sicut seruauit Darius, idolum frangendū in potestati Danieli dandis; sicut seruauit Nabuchodonosor, omnes in regno suo positos à blasphemando Deo lege terribili prohibendo. Hæc ille.

2 Sed iam veniamus ad causas cur ita faciendum sit. Ac prima quidē est, quòd nisi ita fiat etiam pars illa Reip. quæ sincera est, inficietur: nam uia oue facta morbida reliquū etiam ouile corrumpitur. *Nec peruersi isti, aut ut D. Paulus vocat, subuersi, facile corriguntur, imo alios etiā subuere nituntur, & luporum instar plenis oculibus insidiātur, irrepre-
re sacragētes oratione blanda in animos fidelium, ut magent & perdant, quare etiā à Domino lupi appellantur, cum cauendū monet a falsis prophetis, qui veniunt ad nos in vestimentis ouium. Quod ut ostenderet Dominus in veteri lege, passus non est in acerrā Sacerdotum prophanam ignem immitti, nec arcam Dei in eodē templo cum idolo Dagon commorari, & Iebusæos, aliāque gentes Chanaanæorum, intra Israelitarum fines vetuit habitare, nam qui tangit picem, inquinabitur ab ea, & qui communicauerit superbo, induit superbiam. Quam ob causam Iacob Esau, fratrem alioqui suum, fugiebat, & Lorth è Sodomis diuino beneficio eluctus est. Egregiè verò D. Paulus duplici similitudine fermenti scilicet & cancri, rem totam ponit ob oculos. Ac prima quidem vltus est ad Galatas scribens, cum eos monet ut à Indaizantium fermento ab-*

*Epist. 50.
4. Reg. 18.
4.
4. Reg. 23.
4.
Ionas 3. 6.
Daniel 4.
21.
Daniel. 3.
26.*

*Hæretici
in Republ.
toleranti
non sunt
quia alios
peruicacitate
doctrina
inficiunt.
Eccl. 1. 15.
Tit. 1. 12.*

*Matth. 7.
17.*

*Leuit. 19.
1.
1. Reg. 8.
4.
Deut. 7. 1.*

*Eccles. 13.
1.
Genes. 14.
43.
Genes. 19.
17.*

Galat. 5. 9.
1. Cor. 5. 6.

stinerent, qui legalia præcepta seruanda contenebant. *Modicum*, inquit, *fermentum totam massam corrumpit*. Quod dictum paramix cuiusdam vim habet, qua etiam vsus est scribens ad Corinthios, de fornicario illo agens, quem ipse absens corpore, sed spiritu præsens iudicauerat, Satanæque tradiderat, cuius impura in Ecclesia Corinthiorum conuersario, quia alios poterat inficere, & suis moribus & exemplo cæteros maculare, vt caueatur monet, adagioque isto vritur, *Modicum fermentum*, &c. Cum ergo scribit ad Galatas, cuius loci prius meminimus, fermenti hanc similitudinem Iudaizantibus aptat, eorumque doctrinæ, vt ostēdat modicum fermentum paucorum quorundam prauis opinionibus imbutorum, posse totam corrumpere multitudinem fidelium; idque quod modicum, & exiguum videtur, vnum scilicet duntaxat errorem in fide, totam fidei substantiam, ipsamque religionem, ac Christianismum euertere. Hæc D. Pauli sententia est. Nec verò ista, quasi parua contemnenda sunt, quia à paruis initiis sensim progrediendo, se vitium semper vterius porrigit, & sero ingenti malo paratur medicina, cum morbus longa mora confirmatus est. Itaque locum hunc Apostoli ad Galatas explicans D. Hieronymus. *Doctrina*, inquit, *peruersa ab vno incipiens vix duos aut tres primum in exordio reperit auditores, sed paulatim vt cancer serpit in corpore, & iuxta vulgare prouerbum, vnius pecudis scabies totum commaculat gregem*. Igitur & scintilla statim ubi apparuerit, extinguenda est, & fermentum à massa vicina semouendum; secunda putrida carnes, & scabiosum animal à caule ouium repellendum, ne tota domus, massa, corpus, & pecora, ardeat, corrumpatur, putrescat,

putrescat, intereat. Arius in Alexandria una scintilla
 fuit, sed quia non statim oppressa est, totum orbem eius
 flamma populata est. Hæc Hieronymus. Altera D.
 Pauli similitudo est Cancris, ea vitur cum ad Ti-
 motheum scribit, epistolarum secunda. Profana 2.Tim.2.
 autem, inquit, & vaniloquia deuita. multum enim pro-
 17.
 ficiunt ad impietatem, & sermo eorum vt cancer serpit,
 ex quibus est Hymenæus, & Philetus qui à veritate ex-
 ciderunt, dicentes resurrectionem esse iam factam, & sub-
 uerterunt quorundam fidem. Apertè sermo est de
 hæreticis. Quod autem habemus in vulgata edi-
 tione, Vaniloquia, & in Græco textu est *νενοφάρια*,
 D. Ambrosius, & D. Chrysost. paulo aliter lege-
 runt *νενοφάρια*, quæ vox significat *vocum nouitates*,
 vt vulgatus interpres vertit pruna ad Timoth. le-
 gens *νενοφάρια*, cum tamen in Græcis exempla-
 ribus nunc habeamus *νενοφάρια*, id est, *Inanitates*
vocum, seu *Vaniloquia*. Vt vt legamus parū refert ad
 id de quo agimus: nam hæretici inania loquun-
 tur, & noua affectant, quibus Ecclesiam pertur-
 bent: semper autem vitandi sunt. quia sermo eorum
 serpit vt cancer. Docent autem medici (vt vim si-
 militudinis melius assequamur) Cancris obscura
 esse rudimenta, ac plerumque tumorem exorien-
 tem sentiri cicetis magnitudine, cum dolore, &
 calore quasi ferientis cadentis acus, interdū etiam
 dolore nullo. Hinc fabæ, deinde iuglandis, & oui
 magnitudinem æquare, dum tandem in amplio-
 rem molem attollatur, & increseat, & eius esse
 naturæ, vt nisi malignitate ocys interimat, lon-
 gè latèque proropat. Morbus vtique horrendus,
 ait D. Chrysostomus in eum locum D. Pauli, &
 qui medicina contineri nequit, sed omnes in dies corrumpit,
 ac perimit, ideo nullum ei remedium valet adhiberi.

Additque. Ostendit per hac eos corrigi, emendarique non posse, qui sponte à veritate aberrarunt. Hæc ille. Pertinent ergo D. Pauli similitudines explicatæ ad probandam pravorum hominum, ac nominatim hæreticorum consuetudinem bonis ac simplicibus noxiam in primis esse, ac propterea eos qui fidei iacturam fecerunt amoliendos esse, ne vulgata tabes putrescentis membri, ad reliquum corpus prorepat, & interitum afferat. Huc referri potest Saræ factum, quæ cum vidisset filium Agar Egyptia ludentem cum Isaac filio suo, dixit ad Abraham: Eiece ancillam hanc, & filium eius, non enim erit hæres filius ancilla cum filio meo Isaac. Durè accepit hoc Abraham pro filio suo. Cui dixit Deus. Non tibi videatur asperum super puero, & super ancilla tua, omnia quæ dixerit tibi Sara, audi vocem eius. Alij aliter lulum Ismaelis, quo tantopore commota est Sara, interpretantur. Probabilius ij sentire videntur, qui lulum hunc aut ad turpitudinem aliquam referunt, quam Ismael natu grandior Isaac docere voluerit, aut ad idololatriam; cum utrumque in scriptura lusus nomine significetur. Hunc autem lulum, quo ad vitia instituebatur Isaac, persecutionem appellat D. Paulus ad Galat. scribens. Sed quomodo, inquit, tunc is, qui secundum carnem natus fuerat, persequabatur eum qui secundum spiritum, ita & nunc. Nullam enim acerbiorē quis patitur persecutionem, quàm cum à veritate ad errorem, à virtute ad vitium, ab orthodoxa fide ad hæresim à pravis & malè sentientibus hominibus trahitur. Itaque in Apocalypsi Episcopus Pergami increpatur, quod haberet apud se quosdam tenentes doctrinam Nicolaitarum. Habeo, inquit, adversus te pauca, quia habes illic tenentes doctrinam Baalam,

Genes. 21.
9.

Vide Gen.
26. 8. 9.
Exod. 31.
6.
Galat. 4.
19.

Apoc. 2.
12.

laam, qui docebat Balac mittere scandalum coram filiis Israel, edere, & fornicari, ita habes & tu tenentes doctrinam Nicolaitarum. Quibus verbis mihi videtur castigari quorundam Principum remissio, qui cum nulla subest causa, hæreticos tolerant, ne dicam fouent, quorum dogmata cum erroribus Nicolaitarum mirum quantum conueniunt; nam illi vagam Venerem licitam esse docebant, hi libertati carnis laxas quantum possunt habenas relinquunt, perniciosam quandam licentiam carnis, imo necessitatē inducentes, vt non minus Balaamo similes sint, quàm Nicolaitæ: quemadmodum enim Balaam auctor fuit Balac Regi Moabiturum, vt Israelitas per scorta seduceret, vt habemus in Numerorum historia, ita isti, libidibus patrocinautes, scandalum fidelibus opponunt, quo multi salutis æternæ iacturam faciunt, effeminati ipsi, effeminatos & molles etiā alios suo prauo dogmate reddentes. Hinc nonnulli Patres, & sacræ Scripturæ interpretes, reprehensionē illā, qua Thiatyræ Episcopus arguitur, quod permittat mulierem Iezabel, qua se dicit prophetam, docere, & seducere seruos Dei, fornicari, & maducare de Idololatriis, non tam de muliere aliqua impia, quæ moribus Iezabelam illā Achabi vxorem referat, intelligi debere putant, quàm de ipsa hæresi, aut hæreticis. De hæresi quidem per prosopopæiā quandam, de hæreticis autem propter mores in scemineam mollitiem fractos. *Hi autem seducunt seruos Dei, & fornicari docent*, vel quia carni quidquid libet indulgent; vel quia fideles fornicari docent, & datam Domino fidem fallere, qui animas nostras sibi sponsat in fide, quæ fornicatio etiam adulterij fæditatem adiunctam habet, non minus

Num. 31.
16.Apoc. 2.
20.Osce 2.
19.

Jerem. 3.
9. quàm coram fornicatio, quæ apud Ieremiam reprehenditur, cum dicitur. *Facilitate fornicationis suæ contaminavit terram, & machata est cum lapide & ligno.*

*Hæretici
tolerandi
non sunt
in Repu-
blica, quia
seditioni-
bus & tur-
bis publica
paci incō-
modant.*

4 Altera causa esse potest, ut multis seditionibus & turbis occurratur, quæ in rebus publicis existunt, si varietate sectarum, opinionum, errorumue, populi in varias partes distrahantur. Violentissimè enim seruiunt huiusmodi factiones in negotio religionis, quod vno aut altero exemplo ex sacris litteris deprompto, comprobabo. Demetrius quidam argentarius donariorum quæ in templo Dianæ Ephesiæ offerebantur architectus, & faber, sibi, artique suæ timens, ne quæstus quæ ex suo artificio parabat, interciperetur, Paulum idolorum euerforem apud quosdam opifices, & per hos apud Ephesios plerosque vocauit in inuidiam, & suspicionem inicere conatus est, fore ut cultus Dianæ Ephesiæ, prædicante Paulo intermitteretur. *His auditis*, inquit S. Lucas, *repleti sunt ira, & exclamauerunt dicentes, Magna Diana Ephesiorum; & impleta est ciuitas confusione, & impetum fecerunt uno animo in theatrum, rapto Caio, & Aristarcho Macedonibus, Comitibus Pauli.* Cum verò Alexander nescio quis Iudæus, eorum quæ gesta fuerant rationem reddere vellet, manûque silentium postularet, nihil tamen impetrare potuit à cōcitato populo, qui furienti salo persimilis magis semper inhorrescenti, & grandiores fluctus agenti cœstu quodam cæco insanôque perturbatus, omnia clamoribus complebat, *nam vox facta vna est omnium, quasi per horas duas clamantium. Magna Diana Ephesiorum.* Scriba verò qui tandem turbam composuit, ac sedauit, sentiens tumultum pro

Act. 19.
28.

Ibid. num.
34.

propterea extitisse, quod Ephesij Dianæ cultores sibi persuasissent peregrinos illos Iudæos in Dianam blasphemos esse, & noui aliquid ad illius religionem spectans moliri, hanc eis opinionem eripere studuit, quasi nullus esset qui contra Dianæ numen loqueretur, aut loqui posset. *Viri Ephesij*, dicebat, *quis est hominum qui nesciat Ephesiorum ciuitatem cultricem esse magnæ Dianæ. Iamquid, prois? Cum ergo his contradici non possit, oportet vos sedatos esse, & nihil temere agere.* Quibus verbis vulgo persuasit ut sedatiùs ageret, domosque suas, vnde concursus factus fuerat, singuli repeterent. A modico igitur initio progressa suspicio, Ephesiorum turbauit animos, & superstitionis antiquæ zelo imbutis, visa res est indigna, si quis Dianæ diuinitatem vocaret in dubium, adto ut publicum malum, communi etiam conspiratione conarentur amoliri, nec prius conquiescerent, quàm omnia circa religionem tuta esse, scribæ testimonio sibi persuaderent. Decipiebantur illi quidem erroribus gentium, cum Dianæ diuinitatem tribuebant; nobis tamen suo facto illustre documentum reliquerunt, quo intelligere possumus, quibus fluctibus, ac tempestatibus, cum huiusmodi discordiæ existunt, Respublica distrahatur; ac laceretur. Sed adhuc illustrius huius rei de qua agimus exemplū, ex eo quod alia quadam occasione D. Paulo accidit, petere possumus. Venerat Ierosolymam Apostolus, postquam Asiæ prouincias nonnullas enens, Euangelium latè disseminauerat, multosque Iudæorum, qui peregrè versabantur, adiunxerat Christo. Enim humaniter exceptum admonebant reliqui Christi discipuli, apud Iudæos nomen ipsius vocatum esse

Ibidem
num. 35.

esse in inuidiam, quasi doceret *diffessionem à Moysè*, eorum qui per gentes sunt Iudeorum, diceretque non debere eos circumcidere filios suos, neque secundum consuetudinem ingredi. His auditis Paulus, quanquam præfagiebat animus, quid futurum esset, tamen Deo fretus, cuius agebat causam, non abstinuit à publico, sed luce palam profectus est in templum. Itaque *Qui de Asia erant Iudai, cum vidissent eum in templo, concitauerunt omnem populum, & iniecerunt ei manus, clamantes. Viri Israëlita, Adiuuate; Hic est homo, qui aduersus populum, & legem, & locum hunc, omnes ubique docens, insuper & gentiles induxit in templum, & violauit sanctum locum istum.* His ergo clamoribus excitus populus, concursu facto, captum Paulum trahunt extra templi septa, nec manus abstinent, prout cuique promptum erat, verberantes. Aduolat repente cum militibus Tribunus, binas Paulo catenas iniicit iubet, quæ turbarum causa sit, interrogat. Ingeminant Iudæi clamores, tolli de medio sceleribus notatissimum caput, postulant. Ille perducij iubet in castra, tam acri studio iis qui confluxerant Paulum Tribunumque stipatibus, vt cum ad castrorum gradus peruenissent, portaretur Paulus à militibus propter vim populi. Tandem facto silentio, cum commotos animos Paulus oratione sedare studuisset, adeo non sunt ad tranquillitatem traducti, vt potius furentium more Vociferantes, & proicientes vestimenta sua, & puluerem iactantes in aërem, eum postulauerint ad necem. Itaque Tribunus Apostolum flagellis cedit, demumque sacerdotum conuocato concilio in eo Paulum causam dicere iubet, cuius disputantis os cum percuti Ananias Pontifex iussisset, ad eas se

angu

Ibid.num.
27.

Ibid.num.
35.

Act. 22.
23.

angustias redactum intelligens Paulus, ex quibus non facile posset emergere, prudenti consilio se ad Phariseorum sectam pertinere, omni audiente concilio palam professus est, *sciens quia una* Act. 23. 6. *pars esset Sadduceorum, & altera Phariseorum. Itaque cum hæc dixisset, facta est dissensio inter Phariseos, & Sadduceos, & soluta est, & distracta, diuisa in factiones duas, multitudo: Sadduceis contrariæ sectæ hominem cum suo dogmate impugnantibus. Phariseis verò suæ doctrinæ alumnū, quod Pauli consilium fuerat, defendentibus. Quod tunc accidit Sadduceis, & Phariseis, quos iniecta questionum inter ipsos controuersarum mentio diduxit in partes atque distraxit; hoc quot diebus familiæ pariuntur, & Respublicæ dum illæ domesticis iurgiis atque conuitiis religionis causa personant, hæc etiam in factiones ferro armatas diuisæ, se ipsas conficiunt, ac perdunt. Quando ergo veram religionē quam profitemur, mordicus, & per vitæ etiam periculum retinere debemus, si salui esse volumus, profectò consequitur dissidiorum fomitem, atque materiam procul amouendam esse ab iis, quorum interest, Principibus nimirum, Ecclesiæque pastoribus, hæreticos homines pœnis coercendo, vt pacata respublica frui liceat. Alioqui si secus fecerint, merito timendum erit, ne quod Dominus Israëlitis euenturum prædixit, si promissam terram à gentibus idolōrum cultricibus perpurpare neglexissent, ipsi experiamur. Sin autem, inquit, nolueritis interficere habitatores terre, qui remanserint, erunt vobis quasi clauis in oculis, & lanceæ in lateribus, & aduersabuntur vobis in terra habitationis vestræ. Nec est veritas hæc in obscuro posita, nam etiam cultoribus*

Num. 33.

55.

1. Mach.

1. 43.

Iosue 22.

16.

ribus idolorum visum est ad incolumitatem reipublicæ pertinere, si una religio, cæteris è reipublica exterminatis, obtineretur. Conatus est id consequi in regno suo Antiochus, nam ut est in Machabæorum historia, *scripsit omni regno suo, ut esset omnis populus unus, & relinqueret unusquisque legem suam.* Idem in meliori causa sensus fuit Israëlitis vniuersi, nam cum duæ tribus cum dimidia, quæ primæ terræ promissæ portionem acceperant, existimaretur noui aliquid in religione moliri, quod altare sibi ædificassent, de bello contra eas suscipiendo cogitarunt, ut nimirum iniuriâ in Deum, cuius tam citò essent obliiti, armis persequerentur, & reipublicæ incommodum quod à religionis schismate nascebatur, auerteret. Itaque legatos mittunt, qui ab impio cõsilio labantes in vereri Patrû religione fratres suos reuocent, ostendantque vnius scelus totius populi plaga à Domino vindicatû fuisse, & cum culpa paucos infecisset, pœnam tamen ad plurimos peruenisse. Sed cum docuissent altaris illius excitatores, non hoc ad religionis auspicias nouitates factum fuisse sed potius ad veterem stabiliendam, retinendamque, *placati sunt, & verba filiorum Ruben, & Gad, & dimidiæ tribus Manasse libentissimè susceperunt,* iam sperantes Deum, sub cuius peculiari tutela reipublica illa acquiescebat, propitium se habituros, & à seditionibus, quæ reipublicæ statum turbant, vacaturos. Nam ut querebatur S. David, *Alieni insurrexerunt aduersum me,* ita Principes & reipublicæ multa, & sæua ab *Alienis*, qui scilicet religione inutata ad Hæreticos transfugiunt, passæ sunt. Itaque populorû moderatori illud cordi esse debet, ut non ipse dumtaxat religionem colat, sed curet

Psal. 53. 5.

curet etiam vt ij quibus præest, *Conseruent præcepta* Prou. 6.
patrum suorum & matris suæ, Ecclesiæ scilicet leges, 10.
 & præscripta, & dogmata, *non dimittant.*

4 Sed quia nonnulla ex scripturis sacris videntur obici posse aduersus ea, quæ diximus, ea breuiter discutienda sunt. Ac primò quidẽ ex iis quæ diximus de Sadducæorum Phariseorumque dissidio, colligi posse videtur in republica Hebræorũ hanc fuisse sentiendi, & loquendi libertatem, vt scilicet nullus ad hoc vel illud dogma amplectendum adigeretur, sed liber vnicuique esset opinio-
 num, & dogmatum quæ sequi voluisset, delectus. Et quidem Sadducæi apertè erant hæretici, quippe qui mortuorũ resurrectionem aliquando fore inficiebantur, qui error apertè scripturæ sacræ testimonio iugulatur. Cum itaque Ierosolymis habitarent, & ad concilia & synedria admitterentur, confici videtur, Principes & sacerdotum Concilium sensisse, non esse contra eos, qui alieni dogmatis essent, pœnis animaduertendum. Sed hoc faciliè dilui potest, nam ex allatis hoc capite testimoniis, satis constat non licuisse bene constitutam Hebræorum Rempub. hærefes sequi. Sadducæorũ verò impietas non multo ante Christi aduentum exorta, non est à synagoga proscripta, quod senescente eorum qui Conciliis prædebant autoritate, ij remissius agerent, qui cathedram Moïsi obtinebant; præsertim sub Iudæo Rege Herode, qui politicorum more ad regni commoda religionem referebat, nec quid variorum dogmatũ assertores inter se digladiarentur, morabatur. Itaque cum Sadducæorum error multos corripuisset, essentq; hi clientelis, & opibus potentes, mirum non est, si ex suo illos sinu
 exca

*Soluuntur
 argumenta
 quæ con-
 tra hæte-
 nus dicta
 afferri pos-
 sunt.*

2. Mach.
 12. 43.

excutere synagoga non potuit.

Isa 11.9.

Secundò obiici potest illud Isaia: *Non nocent, & non occidēt in uniuerso monte sancto meo.* id est, in Ecclesia: sed ibi sermo non est de catholicis, sed potius de hæreticis, quos propheta reguli, & aspidis nomine designauit: hos ergo, quantum uis venenati serpentes sint, tamen adeo Ecclesiæ non nocituros docet, vt infans ab vberē, innoxie foramina, & cauernas, in quibus delitescunt, protegente Deo Ecclesiæ suæ alumnos, tractare possit, *quia, inquit, repleta est terra scientia Domini, sicut aqua maris operientes.* infantes enim qui hac doctrinæ Ecclesiæ fugunt, & sensus simplicitate mentes inclinant in obsequium fidei, Deo dante, ita abundabunt cognitione rerum ad dogmata fidei pertinentium, vt monstrâ hæc, tumētia superbia, venenôque hæresum armata, tenerâ adhuc manu, nullo fere negotio elidere possint.

Luc 9. 55.

Tertiò, afferri potest quod discipulos in Samaritas zelo exardescētes, & igne de cœlo deuocato eos comburere cupientes Dominus increpauit dicens: *Nesciris cuius spiritus es, & Petro meditati gladio Christū defendere, Mite, inquit, gladium tuum in vaginā,* quod scilicet sentiret gladium potius spiritus expediendum esse, quàm armis contra aduersarios fidei digladiandum. Sed in promptu est responsio, prohibuit enim Dominus Petro, qui nullo publico munereungebatur, vsum gladij, & discipulorū vltionis affectum, quo ducebātur, verbis illis castigauit. Hinc verò non sequitur non posse Pōtīfices & Ecclesiarum præsides, cum è re catholica id esse cognouerint, brachij vt vocant secularis auxilium implorare, vt ferreis gladiis illi conficiantur, qui gladio spiritus

Ioan. 18.
11.

ritus cordis duritiam, & in præceptis erroribus pertinaciam, opposuerunt.

Quartò, obiici potest quod Hæretici extra Ecclesiam sint, qui verò sunt huiusmodi, iudicio Ecclesie subiecti esse non videntur, dicente D. Paulo, *Quid mihi de his qui foris sunt?* Sed respondetur, hæreticos aberrare à caulis Ecclesie, & vitio suo extra Christi ouile vagari; cum tamen baptismali charactere signati, Christumque & eius fidem professi sint, ad illud redire debere, & si non faciant, pœnis in illos animaduertere fas esse. Sanctus verò Paulus de iis loquitur, qui nullo vnquam tempore Christi fidem receperant.

Quintò, potest etiam obiici responsio illa patrisfamilias, qui cum in satis zizania apparuissent, seruis illa extirpare volentibus, dicentibusque, *Vis vnus & colligimus ea? Aut, non, ne forte colligentes zizania, eradicetis simul cum eis & triticum: sinite utraque crescere usque ad messem.* Cum ergo passim interpretes zizania hæc hæreticos esse doceant, consequi videtur non esse cum eis vi agendum, sed tempus messis expectandum, extremum scilicet iudicii diem, Christoque Domino Iudici causæ huius cognitionem integram reseruandam esse. Sed argumentum hoc si quid probaret, plus sanè probaret, quàm vellent ij, qui illud obiiciunt. Conficeretur enim non hæreticos modo impunè dimittendos esse, sed etiam fures & homicidas, & huiusmodi fontes, qui zizaniorum nomine censentur: quamuis enim hæretici pessimum genus zizaniorum sint, non tamen propterea fures, aut homicidæ zizania non sunt. Cum ergo paterfamilias zizania extirpari vetuit, satis indicauit quo pacto hoc esset accipiendum.

1. Cor. 5.
12.

Matth.
13. 28.

210 *Institutio politica ex sacris Scripturis.*

*Ne forte, inquit, eradicetis simul & triticum, facturus colligendi potestatem si absque tritici detrimento, à quo forte non ita facile scernerentur, euelli possent. Quod si facile internosci possint, nec periculum immincat ne pro nocentibus plestantur innoxij, quid ni extirpentur. ? si verò periculum sit ne hæretici, quia potentiores, turbas excitent, aliquamue maiorem perniciem Ecclesiæ aut reipublicæ moliantur, tunc sane iudicium Dei patienter expectandum est. Non debent autem facile Principes alicuius incommodi metu, qui frequenter inanis esse potest, eo descendere, vt libertatem, quam conscientiæ vocant, concedant, sine graui causa, de qua statuendum non esset nisi communicato cum Ecclesiæ capite cõsilio vt despicatur dicendum ne sit, *Simus utraque crescere usque ad messem*; parati porius ipsi (si alia ratione corruptos homines ad saniora consilia reuocare non possint) in istos vepres ac spinas moliri ferum, & horum zizaniorum radices ac fibras, ne iterum succrescant, euellere, si è re christiana id futurum censuerint ij, quorum iudicium hoc esse diximus. Tandem obijci potest quod de Ecclesia vaticinans Isaias, ita loquitur, *Habitabit lupus cum agno, & pardus cum hædo accubabit, vitulus, & leo & ouis simul morabuntur.* Sed hæc non de hæreticorum contubernio cum catholicis accipienda sunt, sed de iis qui cum essent efferis moribus & immitibus antequam Christi iugo colla submitterent, posteaquam se Ecclesiæ aggregarunt ex lupis agni facti sunt, compressis diuinæ gratiæ beneficio naturæ propensionibus, prauisque habitibus continenti exercitatione virtutum, superatis. Huiusmodi lupū quis neget fuisse D. Paulum,*

Isai. l. 16.

lum, qui spirans minarum, & cedis in discipulos Domini, Christi sectatores vinctos in Ierusalem perducere animo destinauerat, quique denastabas Ecclesiam per domos intrans, & trahens viros, ac mulieres tradebat in custodiam? Hic tamen tā trunculentus ac ferox Christi gregis infectator, vnus ex eo grege quem persequebatur factus est. Est enim mutatio hæc dextræ Excelsi, & Christianæ Ecclesiæ propria, in qua magnus eorum prouentus est, qui omnino suspicienda mutatione in alios viros enaserunt, adeo vt nihil veteri conuersationi simile retinerent.

§ Sed antequam huic capiti clausulam imponamus, aliquid de hæreticorum libris exterminandis, & flammis abolendis, dicendum est. Non est nouitia hæc in huiusmodi impietates animaduersio, sed ab antiquis etiam vsurpata, cuius aliquod in Scripturis sacris vestigiū reperio. Nam in actis Apostolorum legimus, *Multis ex ijs qui fuerant curiosi sectati, contulerunt libros, & combusserunt coram omnibus, & computatis pretijs illorum inueniunt pecuniam denariorum quinquaginta millium.* Quid fecissent hæreticorum libris, qui inania quædam, & curiosa continentibus, non pepercerunt? sunt in Ecclesia Dei rerum ad fidem pertinentium sacri quæsitores, qui tanquam *os Domini*, segregant mundum ab immundo, & pretiosum à vili. His facultas à Principibus permittenda est, vt suo fungatur munere, fontes puniant, noxios libros proferant, auctorum quorumcumque scripta recognoscant, & si quid errores spargendi studio malignosè, aut per imprudentiam simpliciter exaratum è, corrigant vel expungant. Qui verò libros in lucem edituri sunt, non æquo tantum animo

Libros hæreticorum flammis abolendos.

Act. 19. 18.

Ierem. 15. 19.

212 *Institutio politica ex sacris Scripturis.*

hanc legem pati debent, sed etiam eximij cuiusdam beneficij loco numerare, quod quæ scripserunt ad doctorum & piorum hominum examen, antequam spargantur in vulgus, venire possint. Nec desunt in scripturis sacris insignis in simili materia, modestiæ documenta; *Impleuerat Domine Beselec! & Ooliab*, nobiles sui temporis artifices, *spiritus Dei, sapientia, & intelligentia, & scientia & omni doctrina*, ad excogitandum, & faciendum opus in auro, & argento, & ære, sculpendisq; lapidibus, & opere carpentario, quidquid fabre adinueniri potest, dedit in corde eorū, *ambosq;* eruditus sapientiā, ut facerent opera abietarij, ptymitarij, ac plumarij, de hyacintho, ac purpura, coccoque bis tincto, & bysso, & texant omnia, & noua quæque reperiant. Hi ergo cum adeo exactam, & numeris omnibus absolutam artem à Domino accepissent, ea tamen opera ad quæ manus admo-

Exod. 35.
30.

uerunt, Moyse iubente, & modum præscribente fecerunt, nec quæ absoluerant sacris vsibus adhibita sunt, priusquam *Moyse vidit cuncta completa, & benedixit eis*, nec ægre tulerunt tanti viri censure: ea quæ elaborauerant subiicere, cogitabant enim humanæ imbecillitatis errore fieri potuisse, ut in aliquo peccarent, aut certe non ita aptè, & ad vsus ad quos sacra illa supellex destinabatur, accommodatè, omnia perfecissent. Idem S. Pauli sensus, qui cum diuina reuelatione accepisset Euangelium, voluit nihilominus illud

Exod. 39.
43.

Galat. 2.2. cam aliis Apostolis conferre, *ne forte*, inquit, *in vanum currerem, aut cucurrissem*. in quo modestiæ suæ insigne nobis reliquit documentum non tantum sibi tribuens quasi aliorum ope non indigeret, qua in ratione docendi Christi Euangelium dirigeretur, nec illam negligens securitatem, quæ

ex iudicio Ecclesiæ concionatoribus, & librorum scriptoribus, prouenit. Expedit autem nonnunquam, quod & vsus Ecclesiæ comprobatur, quorundam hæreticorum, qui vel in erroribus disseminandis familiam duxerunt, aut in eisdem propagandis multum elaborarunt, ita libros omnes abolere, vt etiam si partes aliquæ integræ sint, nullaque hæresum labe infectæ, aut respektæ, tamen cum auctore extinguantur, hoc enim hæresis conmerita est, quæ cuiusvis generis telis est configenda. Nec adeo pauper est Ecclesia Dei, vt pauculorum aliquot librorum iacturam timere debeat, feracia enim ingenia, & acuta suscitabit Dominus Ecclesiæ suæ, quibus damnum illud, si quod est, facile compensetur. Christus Dominus demonia loqui non sinebat, licet clamarent, Scio te quis sis, sanctus Dei. Et Diuus Paulus vetuit Diabolo dicere, *isti homines serui Dei excelsi sunt, qui annuntiant vobis viam salutis.* Ratio autem cur ita agendum sit, ea asserti potest, quia cum libros de rebus ad religionem minimè pertinentibus terimus, si ab ingenioso, & eloquenti scriptore profecti sint, nescio quo modo erga ipsum libri auctorem afficimur; ab eo verò quem amamus vix fieri possè putamus, vt mali aliquid, aut noxi dogmatis prolatum sit, atque ita minus illius doctrinam incipimus deſectari, cuius decorum ingenium, aut eloquentiam exosculamur; quæ res hauriendis ipsis hæresum erroribus, viam munit. Nec officit quod D. Paulus quodam loco dicat: *Prophetias nolite spernere, omnia probate, quod bonum est tenete.* quasi liceat promiscuè cuiusvis doctrinam ad aures, aut libros ad oculos admittere, licet il-

Luc. 4.34.

Act. 16.17.

1. Theſſ. 5.

20.

214 *Institutio politica ex sacris Scripturis.*

la deinde probanda non sint, quæ fidei veritati repugnant. Loquitur enim tantum D. Paulus de Prophetiis illis, aut libris scriptis, quæ bona ne sint aut mala nondum constat; huiusmodi enim non sunt temerè reiicienda, interim dū examinata non sunt: postquā verò de illis per Ecclesiam pronuntiatum aliquid est, amplius integrum esse non debet cuilibet, illa scripta versare, ne forte pro vera ac salutari doctrina, pravis noxiorum dogmatum succis, quibus afferatur animis certa perniciēs, imbuantur.

Non debere Principem cum Infidelibus inire fœdus, nec illorum opem implorare: & de locanda spe in diuino auxilio.

CAPVT IV.

*Dominus
detestari
fœdera cū
infidelibus
inīta,*

DVplex modus est fœderis pangendi cum infidelibus. Alter cū paciscimur ne mutuo noceamus bellū inferendo, prædas agendo, mercatores aut peregrinos intercipiendo, quod nihil aliud est, quàm pacē constituere, & populi quietem, ac securitatem parare, plurimæque incommoda auertere quæ bella consequuntur. Est autē modus hic maximè laudabilis, illiusque exemplum (præter alia plurima quæ passim in scripturis sacris occurrunt) habemus in Genesi, in qua fœdus iuramento firmatum narratur, quod Isaac, &

& Abimelech contraxerunt. Nam cum venissent
 de Geraris Abimelech & Ochozath amicus illius, &
 Phicol dux militum, locutus est eis Isaac. Quid venistis
 ad me hominem quem odistis, & expulistis a vobis? qui
 responderunt. Vidimus tecum esse Dominum, & idcirco
 nos diximus, sit iuramentum inter nos, & ineamus fre-
 quas, ut non facias nobis quidquam mali, sicut & nos ni-
 hil tuorum attigimus, nec fecimus quod te laderet, sed
 cum pace dimisimus auctum benedictione Domini. Fecit
 ergo eis convivium, & post cibum, & potum surgentes
 manè iuraverunt sibi mutuo, dimisitq; eos Isaac paci-
 ficè in locum suum. Alter modus est si mutuum an-
 xilium sibi Principes polliceantur, ut si exempli
 causa christianus Rex cum alio christiano Rege
 bellum gerens arma infidelium aduocet, aut ipse
 illis præsto sit cum hostium suorum bellis pre-
 muntur, id verò quamquam salvo officio, & ab-
 sque conscientie labe fieri posse in aliquo raro
 casu non negauerim, si scandalū absit, nec aliun-
 de periculum aliud timeatur, sacræ tamen litte-
 ræ pluribus locis damnant, ostenduntque huius-
 modi fœdera exitus plerumque parum felices,
 imo nonnunquam calamitosos, & miserabiles
 nancisci. Inter Asa Regem Iuda, & Baasa Regem
 Israël bellum exarserat, quod Baasa in finibus
 Benjamin, quæ tribus ad Regnum Asa pertinebat,
 arcem excitasset in Rama, quæ Asæ plurimum in-
 commodabat, ut enim dicitur in libris Para-
 lip. Ascendit Baasa Rex Israël in Iudam, & mu-
 ro circumdabat Rama, ut nullus intè posset egredi, &
 ingredi de Regno Asæ. Timens ergo Asa vires Is-
 raëlitarum, reputansque fieri posse ut Baasa Re-
 gem Syriæ Benadad, armis virisque florentem
 aduocaret, quorum copię si coniungerentur, ipse

Genes. 26.
26.

2 Paral.
16. 1.

tanto bello ferendo par esse non posset, prudens consilium esse putauit si Baasam anteuertere, misissetque muneribus Syrum conciliaret sibi, eisdemque auctor esset, ut violato fœdere quod inter Baasa, & Syros intercedebat, Israëlitis vltimo bellum inferret; quod & consecutus est, nam Ase gratificatus Benadab Nephthali ciuitates nonnullas cepit, regionemque populationibus vastauit. *Quod cum audisset Baasa, desit edificare Rama, & inermis sit opus suum.* Bellè processerat consilium, ut Ase videbatur, nam & hostes ab incepto opere deterruerat, & sibi præpotentem Regē fœdere copulauerat, ex quo non mediocre sibi accessuram existimationem apud circumiectos populos sperabat, pecuniarumque non maxima iactura plurima redemerat incommoda, quæ à finitimo Rege sibi regnoque suo imminere timebat. Nec sanè aliud eorum esset iudicium qui Politici audire volunt. Sed mirum quantum ab horum iudicio Domini iudicium dissentit, qui tamen falli aut fallere nulla ratione potest. Misso enim Propheta & stultè illum egisse docuit, & incommoda ex hoc fœdere, quæ ipse minimè credidisset securitatem denuntiavit. *In tempore illo, inquit, venit Hanani, propheta ad Asa Regem Iuda, & dixit ei, quia habuisti fiduciam in Rege Syria, & non in Domino Deo tuo, idcirco euasit Syria Regis exercitus de manu tua. Nonne Æthiopes, & Lybii multo plures erant quadrigis, & equitibus, & multitudine nimia, quos cum Domino credidisses, tradidit in manu tua? Oculi enim Domini contemplantur uniuersam terram, & præbent fortitudinem his qui corde perfecto credunt in eum. Stultè igitur egisti, & propter hoc ex presenti tempore aduersum te bella consurgunt.* Habebat autem

hæc

hæc Syri euasio, pœnæ instar, nam si ab isto fœdere abstinuisset Asa, non solum suis, domûsque Dei thesaurus pepercisset, sed etiam Syriæ Regis spoliis quo cum dimicandum fuisset, ditatus magnam insuper gloriam, & verò etiam securitatem in posterum consecutus esset. Adde quod fædus hoc bellorum plurimorum sementis fuit ita permittente Domino, *ut qui sub protectione Dei cæli commemorari non curauerat, qua obumbrante altissima pace frui potuisset, Israelis Regis offensionem incurreret, ex quo ex bellis bella sererentur, ut enim dicitur in Regum historia, Bellum erat inter Asa, & Baasa Regem Israel, cum eis diebus eorum.* Quam verò luculenta stultitia fuit eum qui diuini vires auxilij expertus fuerat, victoriasque admirabiles ex hostibus ferocissimis, multitudinèque propemodum innumerabilibus reportauerat, tam subito ista fuisse oblitum, & non posuisse Deum adiutorem suum, sed sperauisse in multitudine diuitiarum suarum, hancque vanitatem preualuisse certissimæ prophetarum pollicitationi, quas prosper euentus diuinitus editas esse satis superque docuerat. Nam Azarias filius Oded factus in se spiritu Dei egressus est in occursum Aza, & inter cætera quæ ore fatidico est elocutus, *Confortamini, inquit, & non dissoluantur manus vestrae, erit enim merces operi vestro. Quibus auditis Aza, & omnes qui erant in Iuda, in omni corde suo iurauerunt, & in tota voluntate quæserunt Dominum, & inuenerunt, præstiteruntque eis Dominus requiem per circuitum.* Non dissimili reprehensione castigatus est à propheta Rex Iosaphat Aza filius à Iehu videnter, quod impiis præberet auxilium, & cum iis fœdus pepigisset, Cui, Regi scilicet Iosaphat, occurrit Iehu filius Hani,

Psal. 90. 1.

3. Reg. 15. 16.

Psal. 51. 8.

2. Paral. 15. 1.

Ibid. n. 15.

2. Paral. 19. 1.

218 *Institutio politica ex sacris Scripturis.*

mani, & idens & ait ad eum. Impio præbes auxilium, & his qui oderunt Dominum, amicitia iungaris, & idcirco iram quidem Domini merebaris, sed bona opera inuenta sunt in te, eo quod abstuleris lucos de terra Iuda & præparaueris cor tuum, ut requireres Dominum Deum Patrum tuorum. Sed ad rem de qua agimus confirmandam nullum afferri potest illustrius exemplum, quàm Amasix Regis Iuda, qui cum centum talentis argenti decem milium myriadas conduxisset à Rege Israel, venit homo Dei ad illum, & ait. O Rex ne egrediatur tecum exercitus Israel, non enim est Dominus cum Israel, & cunctis filiis Ephraim: quod si putas in robore exercitus bella consistere. superari te faciet Deus ab hostibus, Dei quippe est adiunare & in fugam convertere. Dixitque Amasias ad hominem Dei, quid ergo fiet de centum talentis, quæ dedi militibus Israel? & respondit ei homo Dei: Habet Dominus unde tibi dare possit multo his plura. Separauit itaq; Amasias exercitum qui venerat ad eum ex Ephraim, ut reuerteretur in locum suum, & illi contra Iudam vehementer irati, reuersi sunt in regionem suam. Sed illorum offensionem non reformidauit Amasias, nec ingentis illius pecuniæ iacturam, sed pie admodum, & religiosè Deo fidens, qui mentiri non potest, suas contra hostes eduxit copias, insignemque victoriam consecutus est. Princeps sanè ob egregium hoc facinus laudandus in primis, si constantiam in bene captis tenuisset; sed idola quorum cultores superauerat, stultè adorans, à propheta, cui tamen non aequieuit, meruit verbis illis castigari,

cum

2. Paral.
25.7.

Ibid. u. 15. Cur adorasti Deos, qui non liberauerunt populum suum de manu tua? Omnibus documentum Principibus relinquens, ut hoc obiter moneamus, quantopere diuinæ gratiæ auxilio indigeant, ne plus æquo,

cum secūda prosperitatis aura afflauērit, se fortunę permittant, vnde miserē ad superbiam scopulos adhærescant, quod Amasias accidit, qui re cum Idumæis bene gesta, quasi viribus suis nō Dei auxilio fretus, *virtutem illam magnā fecisset*. Israelitas ad bellum vltro prouocare non est veritus, à quibus cōmisso certamine, non solum ipse victus est, sed etiam in hostium potestatem venit, vrbisque Ierusalem capta, thesauris tam Regis ipsius, quā domus Dei direptis, & asportatis, tanta regni torius clade peccatū luens, illudque verissimum esse ostendens, quod dixit Achior in Iudith historia, Deum alloquens, *Ostende quoniam non derelinquis Iudith 6. presumētes de te; & presumētes de se, & de sua virtute gloriautes, humilias.*

2. Porro Dominus pseudosapiētes istos, qui ponunt *Credēdo accidere, ut carnem brachium suū*, non modò ipse destituit, sed permittit etiā vt ab iis ipsis deferantur, vel etiam prodantur, in quibus maxime sperauerunt. *Vae filiis desertores*, inquit Isaias, *dicit Dominus, vt faceretis consiliū, & non ex me, & ordiremini telā, & non per spiritū meum; vt adderetis peccatū super peccatū, qui ambulatis vt descendatis in Egyptū, & os meum nō interrogastis, sperantes auxiliū in fortitudine Pharaonis, & habentes fiduciā in vmbra Egypti & erit vobis fortitudo Pharaonis in confusione, & fiducia vmbre Egypti in ignominia.* Erant enim in Tani principes tui, & nuntij tui vsque ad Hanes peruenerunt. Omnes confusi sunt super populo, qui eis prodesse nō potuit, non fuerūt in auxiliū, & in aliquā vtilitate, sed in confusione, & in opprobriū. Difertē denūciauit Oseas quod Israelitarū Synagoge esset euenturū, quæ finitimarū gentiū auxilio freta optima quæque sibi pollicebatur dicens: *Vadā Ibid. n. 7. post amatores meos, qui dā panes mihi, & aquas meas, la-*

Credēdo accidere, ut qui infidelium auxilia implorant, aut ab illis destituantur, aut etiam impugnentur.

Ierem. 17.

Isa. 30. 1.

Osee 25.

Ibid. n. 7.

220 *Institutio politica ex sacris Scripturis.*

- Ibid.n.7. *nam meatum, & limum meum, oleum meum, & potum meum. Sed sequetur, inquit propheta, amatores suos, & non apprehendet eos, & quaret eos, & non inueniet. Quod Chaldaeus per paraphrasim elucidans, ait, & prosequetur pacem cum populis amatoribus suis, sed ab illis minime obtinebit, & quaret adiutorium, & non inueniet. Itaque malis grauissimis exercita, vexatione intellectum dante dicere cogetur, Vadam & reuertar ad virum meum priorem, quia bene mihi erat tunc magis quam nunc. Hanc populi sui calamitatem lamentatur Ieremias, cum ait: Facta est quasi vidua Domina gentium, nam ab ea diuertit Dominus, plurimis illius adulteriis cum Idolis & gentibus falforū deorum cultricibus, quas quasi pulchritudinis suae procos Ierusalem admittebat irritatus. Princeps prouinciariū facta est sub tributo, plorans plorauit in morte, & lachryma eius in maxillis eius, non est qui consoletur eam ex omnibus charis eius;*
- Ibid.n.19. *vel vt legunt 70. diligentibus eam. illis nimirum quos Oseas amatores appellat. Omnes amici eius spreuerunt eam, & facti sunt ei inimici. Rursusque eodem capite, idem lamentatur. Vocauit amicos meos, & ipsi deceperunt me. Audierunt, quia ingemisco ego, & non est qui consoletur me. Atque ita quæ prius dum rebus secundis florebat multos amicos numerabat, iam facie rerum mutata, repente ab omnibus deserta est, inimicis facta ludibrium, quibus prius fuerat metuenda, Domino ita volente, vt intelligant omnes, quanto melius sit adhærere Deo, & cum illo pactas amicitiae leges seruare, quas si sanctè coluerimus, venient nobis omnia bona pariter cum illis, & innumerabilis honestas per manus illarum. Sed referamus nos ad fœdera de quibus agebamus. Manus in manu, inquit Salomon,*
- Sap.7.11.
- Prou.11.21.

lomon, non erit innocens malus. Intelligunt aliqui locum hunc de desidijs, torporéque miacentibus, quorum habitus est manus otiosas complere, vt docet Ecclesiast. cum ait. *Stultus complicat manus suas, & comedit carnes suas dicens: melius est pugillus cum requie, quam plena utraque manus cum labore, & afflictione animi.* Hos autem Salomon ait non fore innocentes, hoc est à pœna immunes non abituros, idem enim significat hic innocens, quàm impunitus, vt etiam in Exodo cum dicitur, *Non habebit insentem Dominus eum qui assumpserit nomen Domini Dei sui frustra.* Quamuis enim inertes, ac desides non noceant, innocentes tamen non sunt, si cum debeant non profuant. Pagninus in thesauro linguæ sanctæ in voce מן manus ad verbum verti posse putat, *Mox Mox non erit innocens malus*, in Hebræo enim est יד יד Iad le Iad, *Manus ad manum*, vt respondeat hæc locutio nostræ Italicæ phrasi, à mano à mano, id est Mox, Mox, significeturque impijs hominibus diuinam vindictam impendere, quam declinare nulla ratione possint. Alij ad successionem parentum & filiorum referunt, vt sensus sit, pœnas non effugere scelestos, plectique ipsos dum numerantur in viuis, aut cum ipsi vitâ concesserint filios, & nepotes, quos post se reliquerint Et si hoc modo verba hæc interpretemur, Hebraicum מן מן alteri phrasi Italicæ respondere poterit, qua successionem significantes dicimus, *Di mano in mano.* Huic autem explicationi fauet quod statim subditur, *semen autem iustorum saluabitur.* Aliqui tandem, quod ad rem nostram facit, de fœderibus & pactis intelligunt, quibus se impij mutuo fide data, & reddita, obstringere solent, nam gentium ferè omnium

222 *Institutio politica ex sacris Scripturis.*

- omnium ritu iniecta dextera fœdera iunguntur.
- Psal. 2.2.** Hos ergo, scelestos scilicet quia frequenter *conueniunt in unum' aduersus Dominum, & aduersus Christum eius*, non impune laturos docet sapiens, quippe qui vt vetères illi Hebræi *Confidunt super baculum arundineum confractum, cui si innixus fuerit homo, intrabit in manum eius, & perforabit eam.* vt etiam hac manus perforandæ metaphora intelligatur eos puniri, qui manus extenderunt ad fœdus pangendum, manusque vulneratæ, ac traictæ symbolo innuatur, hæc ipsa pacta, & fœdera, quæ crediderant Principes fore salutaria, ipsismet perniciem allatura ipsamque perniciem (vt manui ab arundine) ita ipsis ab iisdem prouenire, à quibus ipsi prius auxilium sperauerant. *Et ab Egypto confunderis* inquit Ieremias, *sicut confusa es ab Assur, nam & ab ista egredieris & manus tua erit super caput tuum*: quam enim manum iniecerat ad fœdus firmandum eam in capitis tui perniciem senties esse conuersam. Longè igitur melius est vt *inngamur Domino fœdere sempiterno, & requiescat manus Domini* (pactum scilicet & fauor in monte sancto isto, sic enim fiet quod sequitur, *Et triturbabitur Moab sub eo, sicuti teruntur paleæ in plastro, & extendet Dominus manus suas sub eo, sicut extendit natans ad natandum*, quasi dicat porrecta vtraque manu puniet, & humiliabit gloriam eius cum allisione manuum eius; vel vt aliqui vertunt ex Hebræo, *cum perforatione manuum eius*, malum in hostes nostros reiiciendo, quod nobis conciliauissemus, si illis maluissimus inniti quàm Domino, cuius amicitiam si sanctè coluerimus, aliorumque omnium fœderi præposuerimus, experiemur profectò, ipsius nobis adesse fauorē, etiam apud

apud Reges & Principes, vt omnia quibus habuerimus opus obtineamus, quod Esdra cōtigisse legimus, cui Dedit Rex secundum manum Domini eius super eum, omnem petitionem eius, id est omnia, quæ voluit consecutus est, Domini manu, cui se sancto fœdere obstrinxerat, illum protegente, illiusque res fauore suo promouente.

Quamuis autem dubium esse non possit, quin Dominus multis, mirisque modis, nobis auxilio esse possit, cum non sit difficile Domino saluare vel in multis vel in paucis, vt sapienter dixit Ionathas ad armigerū suum; & non sit apud eum vlla distantia, vt in paucis auxilietur an in pluribus, fructu tamen, & iucunditate non vacabit, si ex sacris litteris aliqua prompserimus, quibus appereat, quàm ingeniosa, sic loqui licet, fuerit numinis prouidentia in auxilio iis quos saluos esse volebat, opportunè ferendò, vt his excitati discamus, & nos in Domino spem nostram locare, cuius manus abbreviata non est, vt difficilibus nostris temporibus opem ferre non possit, nec imminuta caritas, vt minus nunc velit, quàm tunc voluerit. Pugnabat Iosue contra Amorrhæos, suasque phalangas in campis explicauerat ad prælium cum Dominus è superiore loco grandes deuoluens lapides plurimos populi sui hostes contriuit, nam morti sunt multo plures lapidibus grandinis, quàm quos gladio percusserunt filij Israel, oratione quippe sua Iosue ingressus fuerat thesauros illius grandinis, quæ preparauit Dominus in tempore hostis in diem pugne, & belli, vt loquitur S. Iob, & quasi auxiliares copias in aciem eduxerat contra Amorrhæos. Simile de cælo auxilium Israelitis pugnantibus contra Chananæos præsto fuit, angelis

In Deo spem locandam, qui multis mirisque modis, suam spem fert.

1. Reg. 14.

6.

2. Paral.

11.

Iosue 10.

11.

Iob 38. 22.

224 *Institutio politica ex sacris Scripturis.*

- Iud. 5. 20. lis de cælo pugnantibus, vt dicitur in libro Iudicum: *De cælo, inquit, dimicatum est contra eos, stella* (Angeli scilicet) *manentes in ordine, & cursu suo aduersus Sisaram pugnaverunt.* Narrat autem Iosephus illius confictus tempore procellâ magnam exortam fuisse, aquæ etiam & grandinis multum Chananæorum oculis offusum, atque ideo arma bellica eis vsui esse non potuisse. Dicuntur autem stellæ pugnauisse, quia pugnaverunt Angeli, qui stellarum nomine censentur aliquando in scriptura, vt cum dicitur in Apocalypsi, *Draconem cauda traxisse tertiam partem stellarum: Stetisse autem in ordine suo, quia Angeli suos seruant ordines, & hierarchias, in quas tributi sunt: Cursum verò tenuisse, quia suum illud solemne tenuerunt, vindicandi ab hostibus Israelitas, quos susceperant defendendos. Sed non semper Dominus tanto honore dignatus est populi sui hostes, vt vel fulmine caderent, vel maris vorticibus haurirentur, vel ingestis de cælo lapidibus conficerentur: ranunculis interdum, & culicibus agendum putauit, quemadmodum cum Egyptio Pharaone, vt cum tam paruis bestiolis se pugnando pares esse non posse intelligerent, multo magis brachium summi Principis, cui omnis militat creaturarum exercitus, formidarent. Nec*
- Psal. 56. 3. minor ad defendendum bestiolæ vnus vis, Domino dante, quàm ad lædendum. *Clamabo, inquit Dauid, ad Deum altissimum. Deum qui benefecit mihi.* Chaldaeus Paraphrastes locum hunc ita conuertit vel explicat. *Ad Deum qui praecepit aranea, vt conficeret in ore spelunca telam ad defensionem meam.* Sermo est de spelunca Engaddi, in quam secesserat Dauid latebras querens, quibus se à Saulis furorē

rore subduceret. Texuit ergo araneola telā suam,
 vt Chaldaeus auctor est, quam cum vidisset Saul
 non venit Dauid in suspicionem quasitā in spe-
 lro illo recentis latebræ, atque ita seruatus est.
 Quid de terrore panico dicam in Syriæ exercitu
 concitato, opinionēque incerto auctore dedita,
 Hebræis aduenisse auxiliares copias Regū Ægy-
 pti, Hebræorumque, vnde factum est vt obsi-
 dio repente solueretur, quam diu tolerauerant,
 famelque sic annonæ vilitate depulsa, cum prius
 venundaretur caput asini octoginta argenteis, & quar-
 ta pars cabi stercoris columbarum quinque argenteis,
 imo ab ipsis liberis deuorandis immites matres
 non abstinerent? Sed Dominus sonitum audiri fecit
 in castris Syria currum & equorum, & exercitus plu-
 rimi, dixeruntque ad innicem. Ecce mercede conduxit
 aduersus nos Rex Israel Reges Habæorum, & Ægy-
 ptiorum, & venerunt super nos. Surrexerunt ergo, &
 fugerunt in tenebris, & dereliquerunt tentoria sua, &
 equos, & asinos in castris, fugeruntque, animas tantum
 suas saluare cupientes. atque ita factum est, vt cum
 Israelitæ obscæna illa fame prope modum enecti
 à desperatione non procul abessent, repente de-
 bellatum esse cognoscerent, spoliaque plurima
 direptis hostium castris barbarica opulentia re-
 feratissimis, colligerent, tantaque vilitas carita-
 tem illam annonæ exciperet, vt factus sit modus
 similia statere vno, & duo modj hordei statere vno
 iuxta verbum Domini. Non absurdum Palæstinis
 terrorem immisissum crediderim, cum auditus so-
 nitus gradientis in cacumine pyrorum, vt secun-
 di Regum narrat historia. Videtur enim illud
 fuisse Domini consilium, vt Philisthæi qui in val-
 le Raphaim confederant, cum strepitus in pyreto

1. Reg. 7.
10.
Iud. 7. 12.

increpuiſſet, exercitum aliquem auxiliarem, qui
Iſraeli ferret ſuppetias, eſſe exiſtimarent, ſicque
terrore perculli verterentur in fugam, ad eum
forte modum quo ſub Samuele tonitruum fragorẽ
conſtituti, gladiis Iſraelitarum ceciderunt, &
forte ſuis; vt cum tempore Gedeonis *Immiſit Do-
minus gladium in omnibus caſtris*, & milites *mutua ſe
cade truncabant*, adeo vt diuerſa omnium quæ vn-
quam acciderunt, ciuiliũ armorum facies eſſet,
cum non prælio, non aduerſis è caſtris, ſed iſdem
è cubilibus, quos ſimul veſcentes, dies ſimul quie-
tos nox habuerat, diſcederent in partes, tela in-
gererent, vulneribus ſe mutuis appeterent, ſan-
guis que, & cædes palam, cauſa eſſet in occulto.
Sed alia interdum ratione uſus eſt Dominus ad
populos ſuos ab hoſtium incurſibus ſecuros red-
dendos, incuſſo nimirum iſſis hoſtibus timore;
non ſpecie aliqua externâ, quæ in oculos incur-
reret, aut deferretur ad aures, vt in allatis exem-
plis oſtendimus, ſed opinione quadam virtutis
Iſraelitarum in eorum mentibus ingeneratâ, ex
quo fieret, vt etiam ſi Iſraelitæ domos deſererent,
aut vrbes incuſtoditas relinqueret, militæque va-
cantes, eos tamen qui domi remaſiſſent, laceſſere,
aut aliqua ratione violare non auderent. Expe-
riebatur hoc Dei populus quotannis, nam cum
frequenter ex legis præſcripto maſculi omnes in
Ieruſalem ad ſacrificia aſcendere deberent, ſolæ-
que mulieres domi harerent, nihil tamen finiti-
mi hoſtes contra illos moliri vnquam auſi ſunt,
quod diuinæ providentiæ peculiari beneficio fa-
ctum eſt, ita Domino in Exodo promittente. *Cum
tulero gentes a facie tua, & dilatauero terminos tuos,
nullus inſidiabitur terræ tuæ, aſcendente te, & apparen-
te in*

Exod. 34.
24.

in conspectu Domini Dei sui ter in anno. Hunc autem timorem, qui hostes Israelis continebat, ne contra illos quidquam mouere auderent, se immisurum populo ipsi suo comminatur, si officium deseruissent, rectamque virtutis, & diuini obsequij viam, quam fuerant ingressi. *Qui de vobis remanserint*, inquit, *dabo pauorem in cordibus eorum in regionibus hostium, terrebis eos sonitus filij volantis, & ita fugient quasi gladium, cadent nullo persequente, & corruent singuli super fratres suos, quasi bella fugientes, nemo vestrum inimicis audebit resistere.* Rursus aliquando Dominus suis opem tulit, animum & vires mirum in modum sufficiendo, vt reuera fieret quod ibidem Hæbræis euenturum dicitur his verbis: *Persequemini inimicos vestros, & corruent coram vobis, persequentur quinque de vestris centum alienos, & centum de vobis decem millia.* Adeo verò euidentis erat diuinum hoc auxilium, vt illud nullus non agnosceret, nec posset quisquam, cum id accidebat, dicere in corde suo: *Fortitudo mea, & robur manus meæ, hæc mihi omnia præstiterunt;* sed potius recordari Domini Dei sui, quod ipse vires præbuisset, vt impleret pactum suum, super quo iurauerat patribus suis. Tale Domini auxilium Sampsoni adfuisse videmus, qui cum venisset ad locum *Maxilla*, & *Philisthiim* vociferantes occurrissent ei, irruit spiritus Domini in eum: & sicut solent ad odorem ignis lina consumi, ita vincula quibus ligatus erat, dissipata sunt, & soluta: inuentamque maxillam id est mandibulam asini, quæ iacebat, arripiens, interfecit in ea mille viros, & ait. *In maxilla asini, in mandibula pulli asinarum deleui eos, & percussi mille viros.* Tandem pugnat aliquando Dominus pro suis, ipsis omnino quiescentibus, & manus ad arma non admoventibus, vt nimirum

Leuit. 26.

36.

Ibid. n. 7.

Deut. 8.

17.

Iud. 15. 14.

228 *Institutio politica ex sacris Scripturis.*

diuino homini planè cedat gloria. Sic Ægyptio-
rum cladis spectatores fuerunt Hæbræi, dum ipsi
maris fluctibus hausti volutarentur in aquis rubri
maris iuxta quod pollicitus fuerat Dominus, cum
per Moſen ait, *Noliſe timere, ſtate & videre magna-*
lia Domini, quæ futurus eſt hodie, Ægyptios enim,
quos nunc videtiſ nequaquam ultra videbitis, viſque in
ſempiternum, Dominus pugnabit pro vobis, & vos ta-
cebitis. Vt autem auxiliares copias quas Dominus
ſubmittēbat, ſibi adēſſe ſentirent illi quibus adē-
rant, eas aliquando in conſpectu dedit, vt mini-
ſtro Eliſai, qui timore conſternatus quod ingens
hoſtium exercitus vbi circumfuſus eſſet, plures,
quam contra ſtarent, ſuorum propugnatores, &
vindices in curribus & equis expeditos ad pug-
nā animadaertit. *Conſurgens autem diluculo, inquit, mi-*
niſter viri Dei, egreſſus, vidit exercitum in circuitu Ci-
uitatis, & equos & curruſ. nuntiauitque ei dicens, Heu,
Heu, Heu, Domine mi quid faciemus? At ille reſpondit,
noli timere, plures enim nobiſcum ſunt, quā cum illis.
Cumque oraſſet Eliſai, ait: Domine aperi oculos huius,
vt videat, & aperuit Dominus oculos pueri, & vidit, &
ecce mons plenus equorum, & curruum igneorum in cir-
cuitu Eliſai. Sic etiam Iſue viſus eſt Angelus eua-
ginatum tenens gladium, qui contra Iſraelis ho-
ſtes pugnaturus aduenerat. Cum autem eſſet Iſue,
inquit ſcriptura, *in agro vrbis Iericho, lenauit oculos,*
& vidit virum ſtātem contra ſe euaginatū tenentem
gladium, perrexitque ad eum, & ait, Noſter es, an ad-
uerſariorum? Qui reſpondit, Nequaquam: ſed ſum
Princeps exercitus Domini, & nunc venio. Quare mi-
rum non eſt ſi de Iſue hoſtium ſuorum victore
dicitur eodem libro. *Vniuerſos reges & regiones eo-*
rum vno impetu cepit, atque vaſtauit, Dominus enim
Deus

Exod. 14.
13.

4. Reg. 6.
15.

Iſue 10.
42.

Deus Israel pugnavit pro eo. Non absimilis Iudæ visio, cuius Ieremia aureus gladius datus est, quem in hostes victor distringeret, ut habemus in Machabeorum historia, qui locus quoniam insignis est, multaue continet, quibus ad locandam in Domino spem excitari possimus, totus hic describetur. Machabeus autem, inquit, semper confidebat cum omni spe auxilium sibi à Domino adfuturum, & hortabatur suos ne formidarent ad aduentum nationum, sed in mente haberent adiutoria sibi facta de cælo, & nunc sperarent ab omnipotente sibi adfuturam victoriam. Et allocutus eos de lege, & prophetis, admonens etiam certamina qua feceram prius, promptiores constituit eos, & sic animis eorum erectis, simul ostendebat gentium fallaciam; & iuramentorum prævaricationem. Singulos autem illorum armavit, non clypei, & hasta munitione, sed sermonibus optimis, & exhortationibus, expositis digna fide somnio, per quod universos laetificavit. Erat autem huiusmodi visus: Oniam, qui fuerat summus sacerdos, virum bonum, & benignum, & verendum visu, modestum, moribus, & eloquio decorum, & qui à puero virtutibus exercitatus sit, manus protendentem orare pro omni populo Iudæorum. Post hac apparuisse, & alium virum, ætate, & gloria mirabilem, & magni decoris habundine circa illum. Respondentem vero Oniam dixisse. Hic est fratrum amator, & populi Israel, hic est qui multum orat pro populo, & universa sancta Civitate, Ieremias propheta Dei. Extendisse autem Ieremiam dexteram, & dedisse Iudæ gladium aureum dicentem. Accipe sanctum gladium munus à Deo, in quo deiicies adversarios populi mei Israel. Igitur erecti ingenti fiducia divini auxilij, cum iam tempus adesset cum Nicanore confligendi, ita Dominum Iudas oravit: Tu Domine qui misisti Angelum

2. Mach.
15. 7.

Ibid. n. 12.

230 *Institutio politica ex sacris Scripturis.*

tuum sub Ezechia Rege Iudæ, & interfecisti de Castris Sennacherib centum octoginta quinque millia, & nunc dominator cælorum mitte angelum tuum bonum ante nos in timore, & tremore magnitudinis brachij tui, vt metuant, qui cum blasphemia veniunt aduersus sanctum populum tuum. Nicanor autem, & qui cum ipso erant cum tubis, & canticis admouebant. Iudas verò & qui cum eo erant inuocato Deo per orationes, congressi sunt, manu quidem pugnantes, sed Dominum cordibus orantes, prostrauerunt non minus triginta quinque millia, presensia Dei mirificè delectati. Quid hoc fortissimi viri exemplo afferri potest illustrius? Cum ergo Dominus tam multis, tamque admirabilibus modis populo suo, seque vocantibus in ipso discrimine adesse consueuerit, vt vidimus, statuat Princeps apud se in Domino potissimum sperandum esse, dicatque cum S. Dauid. *Hi in curribus, &*

Psal. 19. 8. *hi in equis, nos autem in nomine Domini Dei nostri inuocabimus: ipsi obligati sunt, & ceciderunt, nos autem surreximus, & erecti sumus: & rursus cum eodem,*
1. Reg. 17. 47. *Tu venis ad me cum gladio, & hasta, & clypeo, ego autem venio ad te in nomine Domini Dei exercituum, Dei agminum Israel. Itaque siue bellum ingruens propulsandum sit, siue aliis inferendum, eundem Dominum sibi precibus conciliet, eiusque im-*

pletet auxilium, sic enim incursum aggreredientium hostium facile eludet, Turris enim fortissima nomen Domini, ad ipsum currit insus, & exaltabitur; ipse verò alienas vrbes iusto bello aggrediens expug-

Prou. 18. 10. *gnabit. Nam quis deducet me, inquit S. Dauid, in ciuitatem muniam? nonne tu Deus? Quem animi sensum vtiq; Dominus Principibus omnibus communice,*

Psal. 59. 11. *vt & ipsi prosperè agant, & quod Deo debent seruitutis obsequium impendant.*

*Principes Ecclesiarum, & Sacer-
dotum iura facta tecta ser-
uare debere.*

CAPVT V.

Ecclesia, Ecclesiasticique homines diuino
Ecului mancipati, exemptionibus, immu-
nitatibus, privilegiisque nonnullis iam inde ab
exordio nascentis Christianæ religionis ornati
sunt, quæ illis inuiolata manere decet; eaque
Principis pietas esse debet, vt de illis quidquam
imminuere, aut deterere, summæ sibi religioni
ducat. De aliquibus nos hoc capite breuiter dis-
seremus, quantum ex sacris litteris, pro instituti
nostri ratione, colligere poterimus. At primò qui-
dem (vt de exemptione in rebus merè Ecclesiasticis
dicere incipiamus) in Hebræorum Rep. reperio
summos Sacerdotes, cæterosque Leuitas in cau-
sis, quæ Ecclesiastici iuris erant, ita exemptos à
iudicio potestate fuisse, vt ne regibus quidem
vlla ex parte subiacerent. Nam poterant Ponti-
fices citra Regis auctoritatem sacrificia statis
temporibus, & locis offerre, sanctuarium ingre-
di, expiare populum, Leuitas, & Sacerdotes con-
secrare, legem interpretari, Deum consulere; nec
vllum ex scripturis testimonium afferri potest,
quo probetur ad hæc facienda Reges ius aliquan-
do habuisse, aut illa ne à Sacerdotibus fierent,
prohibere potuisse. Quod si qui temere aliquid
ausi sunt, reprehensione, & verò etiam pœna di-

*Pontifices
Hebræorū
& Leuitas
in rebus ec-
clesiasticis
à Regum
potestate
exemptos
fuisse.*

232 *Institutio politica ex sacris Scripturis.*

2. Paral.
26.18.

uinitus inflicta coerciti sunt. Exemplo sit Ozias, qui super altare thymiamatis incensum adolere voluerat, verbis enim à Pontifice castigatus, & fædo, etiam lepræ morbo diuinitus percussus, temeritatis suæ pœnas luit. *Non est tui officij Ozia, dicebat Pontifex, ut adoleas incensum Domino, sed Sacerdotum, hoc est filiorum Aaron, qui consecrati sunt ad huiusmodi ministerium. Egrederere de Sanctuario, ne contempseris, quia non reputabitur tibi in gloriam hoc à Domino Deo. Iratusque Ozias, & tenens in manu thuribulum ut adoleret incensum, minabatur Sacerdotibus. Staturque orta est lepra in fronte eius coram Sacerdotibus in domo Domini super altare thymiamatis. Itaque & ipse sensit plagam Domini, & quandiu vixit, Regni administratione caruit, seorsimque ab hominum consuetudine, more leproforum, vitam miserè traduxit. Sed forte obiiciat aliquis factum Salomonis, qui Abiathar Pontificem summo Sacerdotio priuauit, Sadoc in illius locum subrogato, ex quo probari posse videtur ius Regibus fuisse in Pôntifices, quos pro arbitrio ab illo munere possent amouere, Sed in promptu est responsio. Nam si Salomon potestate Regia hoc ausus esset, nec legitime fecisset, nec magis excusari posset, quam excusari possint reliqui Principes, si violant interdum iura Sacerdotum. Verum probabilius est diuino instinctu, quippe prophetam, fecisse; quod innuere videntur sacri contextus verba, quæ sunt huiusmodi. *Eiecit ergo Salemon Abiathar, ut non esset Sacerdos Domini, ut impleretur sermo Domini, quem locutus est super domum Heli in Silo. Quasi diceret, id effectum dedit Salomon diuino spiritu instinctus, quod olim Dominus Heli fuerat comminatus. Non ergo ex Salomo**

3. Reg. 1.
27.

lomonis factio ius aliquod Regibus in Pontifices fuisse confici potest. Sed nec in Leuitas habuerunt, quod ex iis quæ dicturi sumus facile constabit: si enim probauerimus Leuitas in iudiciis etiam spectantibus ad res non Ecclesiasticas fuisse à Regis potestate exemptos, probauerimus etiam, & multo magis, in rebus Ecclesiasticis exemptos fuisse.

2 Colligitur autem ex libro Numerorū exemptio hæc Leuitarum de qua disputamus. Nam ibi legimus à Domino Moyli dictum fuisse, se loco primogenitorū tulisse Leuitas, eosque sibi peculiari quodam titulo deberi ab eo tempore; quo Ægyptiorum primogenitos exterminatoris angeli ministerio prostrauit in Ægypto, filios autem Israëlitarum seruauit incolumes. Ego tuli Leuitas, inquit, à filiis Israël pro omni primogenito, eruntque Leuitæ mei. Meum est enim omne primogenitum, ex quo percussi primogenitos in terra Ægypti. & alibi. Statuesque Leuitas in conspectu Aaron, & filiorum eius, & consecrabis oblatos Domino, ac separabis de medio filiorum Israël, ut sint mei, quoniam dono dati sunt mihi à filiis Israël. pro primogenitis accepi eos. Mea sunt enim omnia primogenita filiorum Israël tam ex hominibus quam ex iumentis. Ex his autem locis sic argumentari licet: si uoluisset Dominus ipsa primogenita accipere, quæ sibi debebantur, proculdubio postquam illa accepisset, transissent in dominium Dei, nec ullus in ea, tanquam in rem alienam, ius habuisset, potestatem, aut iurisdictionem. At Dominus pro primogenitis Leuitas accepit, hi ergo Domini ita facti sunt, ut nullus in eos præter Dominum qui sibi illos seposuit, ius habere possit. Et sanè poterat Dominus hos

*Leuitas
olim in re-
publica
Hebræorū
à Iudiciorū
seculariū
potestate
exemptos
fuisse.
Num. 3.
12.
Num. 8.
13.*

234 *Institutio politica ex sacris Scripturis.*

Leuitas, quos voluit funiculum esse hereditatis suæ, tanquam rem suam, aut Regi, aut alij subicere, vt ab illo in Politicis regeretur. Noluic autem subicere potestati Regis; sed Pontificis

Num. 3.
18.

vt loco proximè citato habetur. *Tuli*, inquit, *Leuitas pro cunctis primogenitis filiorum Israël*, tradidique eos dono *Aaron & filijs eius de medio populi*. Pontifici ergo cui donati fuerant, non Regi debebant obsequium. Quod etiã constat ex alio eiusdem libri testimonio cum dicitur, *dixitq. Dominus ad Aaron: Extribui Leuita ad præcepta tua*. Plenum itaque ius in tribum illam summo sacerdoti tributum est, dicundi iuris, causasque eorum cuiuscumque generis essent, cognoscendi. Rur-

Num. 18. r.

sus Principibus familiarum Leuiticarum postulantibus, & Iosue populi duce Eleazaroque sacerdote tribuentibus octo supra quadraginta oppida ex omni terra promissionis consecuti sunt Leuitæ; Nam dederunt filij Israël de possessionibus suis

Iosue 21.
3.

iuxta Imperium Domini ciuitates, & suburbana earum de tribu Iuda, & Simeon, & Benjamin ciuitates tredecim de tribubus Ephraim, & Dan, & dimidiatribu Manasse in Basan ciuitates numero tredecim; De tribubus Ruben, & Gad, & Zabulon vrbes duodecim. Cum ergo ciuitates istæ Leuitarum essent propriæ, illisque ad inhabitandum tributæ, singulisque ciuitatibus Iudices præessent, vt ratio ipsa bene constitutæ gubernationis persuadet, dubitari non potest quin ex vrbium illarum inquilinis iudices dati sint populo, potius, quàm ex alijs tribubus accersiti peregrini, aut à Principibus missi. Imo probabile esse crediderim alios Leuitas sparsim in Israëliticis tribubus habitantes, eadē ratione à Leuiticis generis iudicibus fuisse iudicatos,

dicatos, quod probabile dixi, nam adhuc testimonium ex scriptura desidero, aut certiore aliquam coniecturam. Tandem ex amplissima summi sacerdotis potestate colligitur Leuitarum omnium causas ad illius tribunal, aut iudicium ab ipso constitutorum, pertinuisse. Nam si ciuiles, aut criminales omnes cognitiones, quæ paulo intricatiorem haberent expeditionem, adeo ut iudicium variantibus sententiis non facile esset dispicere, quid faciendum esset, ad summum spectabant sacerdotem, nec alia poterant ratione finiri, quam illius expectata sententia, eam scilicet de causa, quod cum omnia apud populum illum legis Mosæica sanctionibus gubernanda essent, nulli melius intelligentia assecuti credendi essent, quam sacerdotes de quibus dixit Malachias, *Labia sacerdotis custodient scientiam, & legem requirunt ex ore eius, quia Angelus Domini exercituum est*, probabiliter admodum colligitur, Leuitas à Leuitis tantum iudicatos, ne qui omnes alios iudicaret, ab aliis ipsi iudicarentur. Hoc verò summi sacerdotis ius, de quo dixi, habetur in Deuteronomij libro ubi legimus. Si difficile & ambiguum apud te iudicium esse perspexeris, inter sanguinem, & sanguinem, (quod ad criminā vindicanda, fontesque puniendos spectat) causam & causam, (quod pertinet ad componendas dirimendasque inter litigantes controuersias) lepram & lepram, & iudicium intra portas tuas videris verba variari, surge, & ascende ad locum quem elegerit Dominus Deus tuus, veniesque ad sacerdotes Leuitici generis, & ad iudicem qui fuerit illo tempore, quæresque ab eis, qui indicabunt tibi iudicij veritatem, & facies quodcumque dixerint, qui presunt loco, quem elegerit

Malach. 2.

7.

Deut. 17.

8.

elegit Dominus, & docuerit te iuxta legem eius, sequerisq; sententiam eorum, nec declinabis ad dexteram, neque ad sinistram. Qui autem superbiebit nolens obedire sacerdotis imperio, qui eo tempore ministrat Domino Deo suo, & decreto iudicis, moriatur homo ille, & auferes malum de Israël, cunctisque populus audiens timebit, ut nullus deinceps intumescat superbia. Hinc Dominus reipublicæ negotia grauiora, & implicatiora, ita per Principem voluit expediri, ut tamē per sacerdotem Domini voluntas exquireretur, Princepsque nec bellum suscipere, nec aliud magni momenti negotium aggređi posset, nisi consulto per Pontificem oraculo, ut habemus in libro Numerorum. Dixit

Num. 27.
18.

Dominus ad Moysen: Tolle Iosue filium Nun, virum in quo est spiritus, & pone manum tuam super eum, qui stabit coram Eleazaro sacerdote, & omni multitudine, & dabis ei præcepta cunctis vidētibz, & partem gloriae tuae, ut audiat eum omnis Synagoga filiorum Israël. Pro hoc (scilicet Principe seculari) si quid agendum erit, Eleazar sacerdos consulat Dominum, ad verbum eius (Eleazari) egrediatur, & ingrediatur ipse (Iosue vel quicumque alius Princeps secularis) & omnes filij Israël cum eo, & ceterā multitudine. Atque propterea, quia negotium partitionis terre promissæ valde arduum erat, multisque septum difficultatibus, idcirco summo adhibito sacerdote, quæ Dominus seruanda præceperat, Iosue executus est, ut in eiusdem libro dicitur. Hoc, inquit, est quod possederunt filij Israël in terra Chanana, quam dederunt eis Eleazar sacerdos, & Iosue filius Nun, & principes familiarum per tribus Israël. Cum ergo causæ illæ omnes difficiliore ad sacerdotis tribunal referendæ essent, illiusque iudicio standum, cuius-

Iosue 14.

3.

iuscunque tandem tribus essent homines inter quos illa verteretur controuersia; sequitur plenius aliquid ius illum habuisse in homines suæ tribus, quos à Domino dono fuerat consecutus; ut supra vidimus; hoc autem illud esse videtur ut ad nullū aliud sisterentur tribunal, quàm summi sacerdotis, cuius suprema inter Leuitas erat auctoritas. Itaque si tantum in veteri lege tribunal est ordini sacerdotali, cuius longe minor fuit potestas & dignitas, quàm sacerdotum noui testamenti à Christo institutorum, facile erit iudicare quàm deceat, nihil à Principibus de hac immunitate, qua gaudent, imminui aut detrahi.

3 Temporibus autem Apostolicis reperio sancti Pauli rescripto mandatum esse Corinthiis, ut lites controuersiasque ciuiles, si quæ inter ipsos existerent, disceptatoribus Christianis adhiberent, & ad hoc in Ecclesia constitutis, componerent, nec ad tribunalia infidelium Christianis iniqua & infesta eos traherent, quibuscum liti-garent. Nec solum Clerici, sed laici etiam hisce iudicibus suas lites finiebant. Erant porro hi iudices aut Episcopi, aut ex Clero selecti viri, grauitate & sapientia insignes, aut etiam laici Episcoporum voluntate, & nutu ad hoc munus destinati. Diu autem tenuit mos iste in Ecclesia ut scilicet fideles in suis causis adirent Episcopos, eorumque sententiæ acquiescerent. Nam aliquot post sæculis D. August. queritur se quippe Episcopum, tumultuosissimas perplexitates causarum alienarum pari de negotijs secularibus, vel iudicando dirimendis vel interueniendo praeiudicandis, quibus nos molestijs, inquit, idem affixit Apostolus. Respicit autem

De eadem
exemptione
ex nouo te-
stamento.

Lib. de
opere mo-
nachorum
cap. 20.

tem Augustinus ad verba illa ad Corinth. quæ
 1. Cor. 6. 1. sunt huiusmodi. *Audet aliquis vestrum habens ne-
 gotium aduersus alterum iudicari apud iniquos, & non
 apud sanctos? An nescitis quoniam sancti de mundo iu-
 dicabunt? & si in vobis iudicabitur mundus, indigni
 estis qui de minimis iudicetis. Nescitis quoniam An-
 gelos iudicabimus? quanto magis secularia? secularia
 igitur iudicia si habueritis, contemptibiles qui sunt in
 Ecclesia, illos constituite ad iudicandum. Est autem
 Apostoli auctoritate sancitum, vt lites & contro-
 uersæ, quæ inter Christi fideles extirissent, arbi-
 trorum sententia dirimerentur, ne forte de chri-
 stiani nominis existimatione aliquid deperiret, si
 adeo pauper esse crederetur Ecclesia vt nullos ha-
 beret, qui causas eorum disceptare possent: neue
 inter illos aduersæ voluntates aut lites esse de-
 prehenderentur, quorum lex mutæ charitatis
 vinculo potissimum contineri passim prædicare-
 tur: aut tandem ne vexarentur Christiani ab in-
 iustis iudicibus & Christiani nominis inimicis,
 qui contemptoribus idolorum quacumque ratio-
 ne incommodare possent, maxime vellent. Quæ
 ergo sanctio Apostoli iussu recepta Ecclesiarum
 praxi vsurpabatur decursu temporis, postquam
 Christi legem integræ suscepere prouinciæ tran-
 slatis ad laicos laicorum iudiciis obsoleuit. Illud
 tamen semper fixum fuit, vt quæ causæ, aut con-
 trouersæ, res, aut personas Ecclesiasticorum at-
 tingerent, harum cognitio ad solos Episcopos,
 iudicesque Ecclesiasticos pertineret. Itaque Apo-
 stolus quodam loco ad Timotheum Episcopum
 scribens iudicij quidem formam præscribit, si
 presbytero contingat crimen aliquod impingi,
 vt scilicet non minus quàm tribus, aut certe
 duobus*

duobus testimoniū contra reum dicentibus admittatur accusatio. *Aduersus*, inquit, *presbyterum* Tim. 5.1. *accusationem noli recipere nisi sub duobus, aut tribus testibus*: iudicium autem hoc ad Episcopum pertinere non exprimit, quod in re satis explorata dubitationi locus non superesset. Hanc ergo iurisdictionem in Ecclesiasticas personas, de qua disputamus, ne minima quidem ex parte violare tentet religiosus Princeps, sibi que persuadeat optimo iure factum esse, ut à iudicio sæcularium potestate eximerentur. Nam cum præcipui actus Ecclesiasticæ potestatis sint doctrinam salutarem proponere, vitia arguere, virtutum officia commendare, & si opus sit imperare; peccantes item corrigere, contumaces plectere, absoluerè pœnitentes, obstinatos ac rebelles anathematum reliquarumque censurarum mucrone ferire: non possent ista ea qua par est dignitate, & auctoritate præstari, si qui in spiritualibus negotiis superiores, & iudices futuri sunt, iidem in reliquis laicæ potestati subderentur. Nonnunquam etiam accideret, ut quæ præstanda essent, penitus omitterentur, si aliqua timeretur offensio, aut remissè, & languidè exercerentur: & ut qua par est constantia, & sedulitate præstarentur, contemnerentur nihilominus functiones illæ, earumque administri, ab iis saltè quorum potestati subiecti essent: quod utinam corrupti hominum mores temporæque quibus viuimus minus frequentibus exemplis rem ita ut dicimus se habere, non ostenderent.

Sed iam de immunitate à tributis verba faciamus. Huius autem multa in scriptura reperiuntur exempla, Principum etiam barbarorum, qui licet

De immunitate à tributis.

licet veræ religionis lumine carerent, existimabant nihilominus æquum non esse ut sacerdotes tributi penitatione, sicut reliqua populi pars offeratur; imo nonnulli eorum publici ærarii impensis eos alendos putabant: nam cum pro vniuerso populo apud Deum quasi sequestres quidam agerent, publicamque totius Reipublicæ causam apud Deum precibus sacrificiisque iuuant, publicis etiam expensis sustentandi videbantur. Ita apud Ægyptios sub Pharaone populus bona sua vniuersa distrahere coactus est,

Genes. 47.

20.

Ibidem.

1. Esd. 7.

24.

vendentibus singulis (Ioseph Ægypti gubernatori) *possessiones suas pro magnitudine famis*, adeo ut omnia Ægyptiorum latifundia pecuniis regiis emerentur *præter terram sacerdotum, quæ à Rege iradita fuerat eis, quibus & statuta cibaria ex horreis publicis prebebantur, & idcirco non sunt compulsi vendere possessiones suas.* Quanta verò quamque proluxa fuerit Artaxerxis Persarum Regis in Iudæos sacerdotes liberalitas, illius declarat editum, quod est huiusmodi. Ego Artaxerxes Rex statui atque decreui omnibus custodibus arce publicæ, qui sunt trans flumen, ut quodcumque petierit à vobis Esdras scriba legis Dei cæli, absque mora detis, usque ad argenti talema centum, & usque ad frumenti coros centum, & usque ad vini batos centum, sal verò absque mensura. Omne quod ad ritum Dei cæli pertinet, tribuatur diligenter in domo Dei cæli, ne forte irascatur contra regnum Regis, & filiorum eius. Vobis quoque notum facimus de vniuersis sacerdotibus, & Levitis & cantoribus, & ignitoribus, Nathinæis, & ministris domus Dei huius, & vestigal, & tributum & annonas, non habeatis potestatem imponendi super eos. Hæc pietas Ethnicorum Principum in

COS

eos etiam prolixè liberalis à quorum religionibus abhorrebant : quam non si ultra sacris litteris consignari voluit Dominus ad eorum damnamdam auaritiam, qui quidquid in Clericos, Deoque dicatos homines pia antiquitas liberaliter erogauit, per Reipublicę detrimenta parum consultè effusa decernunt, & cum Rempub. tractant immunitates hasce quantū possunt accidere tentant, & minuere. Atque hæc, vt diximus, gentiliū exempla sunt. Apud Hebræos autem tantum abest, vt sacerdotes, aut Leuitica tribus, Principibus tributa penderent, vt potius ipsis primitiæ traderentur, & decimæ frugum, & animalium, vt habemus ex libro Numerorum, in quo ista legimus. Dixitque Dominus ad Aaron : In terra eorum nihil possidebitis (loquitur de Leuitis) nec habebitis partem inter eos. Ego pars, & hereditas tua, in medio filiorum Israël. Filijs autem Levi dedi omnes decimas Israël in possessionem pro ministerio, quo seruiunt mihi in tabernaculo faderis. Et paulo post. Nihil aliud possidebunt, decimarum oblatione contenti, quas in usus eorum, & necessaria separavi. Adde, quod cum præcepisset Dominus in censu populi singula censitorum capita dimidium sicii pendere ; tamen Leuitica tribus vniuersa immunis fuit, quia illius numerus per censum initus non est. Quando iuleris, inquit Dominus, summam filiorum Israël, iuxta numerum, dabunt singuli pretium pro animabus suis Domino, & non erit plaga in eis cum fuerint recensiti. Hoc autem dabit omnis qui transit ad nomen, dimidium sicii iuxta mensuram templi. Siclus viginti obolos habet. Media pars sicii offerretur Domino. Qui habetur in numero à viginti annis & supra, dabit pretium. Dives non addet ad medium sicii, & pauper

Num. 18.

20.

Ibid. num.

24.

Exod. 30.

11.

nihil minuet. Cum verò adeo exactè colligi tributum hoc vellet Dominus, vt nec paupertatis quidem haberetur ratio, quominus quis quod imperabatur persolueret; Leuitas tamen exemit. Nam cum populus vniuersus recensendus esset, *Locutus est Dominus ad Moysen dicens: Tribum Leui noli numerare, neque pones summam eorum cum filiis Israël; ex quo factum est vt etiam ab illius tributis pensitatione seruarentur immunes. Sed dicat fortasse aliquis, mirum non esse si Leuitico generi concessum est, vt à tributorum solutione eximerentur, cum cæteris filiis Israël pauperiores essent, quippe qui nullas habebant possessiones in terra promissionis; quare dicitur in Deuter.*

Deut. 10.

9.

Ios. 13. 14.

*Non habuit Leui partem, neque possessionem cum fratribus suis, quia ipse Dominus possessio eius est. Et in libro Iosue legimus; Tribui autem Leui non deditur possessio, sed sacrificia & victima Domini Dei Israël, ipsa est eius hereditas, sicut locutus est illi. Sed non sunt hæc scripturæ testimonia, ita accipienda, quasi nullos agros licuerit Leuitis possidere; sed ita loquitur scriptura, quia in partitione terræ Chanaan, quam Israëlitis Dominus concessit, non erant cum reliquis tribubus vires, & agros sortituri. Caterum & vrbes proprias habuerunt ad habitandum, & suburbana, poterantque agros & vineas emere, aut à Dominis relictas possidere. Clarissimis ex scriptura locis id euinci potest. In Numeris dicitur: *Præcipe filiis Israël, vt dent Leuitis de possessionibus suis vrbes ad habitandum, & suburbana earum per circuitum, quæ à muris ciuitatum forinsecus per circuitum mille passuum spatio tenduntur. De Leuitarum etiam domibus, & possessionibus mentio est in Leuitico, cum dicitur,**

Num. 35.

2.

dicitur, *Edes Leuitarum qua in urbibus sunt, sem-* Leuit. 25.
per possunt redimi: si redempta non fuerint, in Iubilæo re- 32.
uerentur ad Dominos, quia domus urbium Leuita-

rum pro possessionibus sunt inter filios Israël, suburba-
bana autem eorum non veneant, quia possessio sempter-
na est. Et domos ergo, & agros possidere pote-
rant. Rursus Leuitici cap. ultimo, de eo qui vo-
uerat Deo agrum dicitur, Quod si voluerit redime-

re agrum ille qui vouerat, addet quintam partem æsti- Leuit. 27.
maie pecunie, & possidebit eum; sin autem noluerit re- 19.
dimere, sed alteri cuiuslibet fuerit venundatus, ultra eum

qui vouerat redimere non poterit, quia cum Iubiles ve-
nerit dies, sanctificatus erit Domino, & possessio con-
secrata ad eius pertinet sacerdotum. Sensus ergo legis
est, si quis agrum Domino vouerit, integrum ei
sit postquam sacerdos illum aestimauerit, addita
quinta parte taxati pretij redimere: quod si re-
dimere noluerit, distractusque fuerit ager, & il-
lum dato pretio aliquis suum fecerit: cum Iubi-
læi annus recurreret, quo tempore possessiones ad
antiquos Dominos redeunt, iam pertinebit ager
ille ad sacerdotes omni primi possessoris iure in
agrum illum extincto. Itaque non agrè Domini
auctario illo pretij res suas recuperabant, ne illas
in perpetuum amitterent. Vt autem lege posses-
sio agrorum sacerdotibus & Leuitis concedeba-
tur, ita eisdem possessiones habuisse ex scri-
ptura docere possumus. Nam Abiathar sacerdos,
& Ieremias propheta, qui etiam sacerdos fuit,
agrum possedisse dicuntur in Anathoth, illi enim
legimus in Regum historia dictum fuisse à Salo-
mone Rege, Vade in Anathoth ad agrum tuum:
hic verò se agrum à patruelo suo emisse testatur,
cum ita scribit, & emi agrum ab Hanameel filio pa-

3. Reg. 2.
18.
Ierem. 32.
9.

244 *Institutio politica ex sacris Scripturis.*

trui mei, quiescit in Anathoth, & appendi ei argentum centum stateres, & decem argenteos, & scripsi in libro, & signavi, & adhibui testes, & appendi argentum in statera; & accepi librum possessionis signatum, & stipulationes, errata & signa forinsecus. Porro Ieremiam fuisse sacerdotem ex initio prophetiæ illius habetur, quæ sic incipit. *Verba Ieremias filij Heluie, de sacerdotibus, qui fuerunt in Anathoth in terra Benjamin.* Nec fuit, ut quidam voluerunt, ager ille Ieremiæ hortus olitorius iuxta domum, nam & Hebraica vox agrum significat, qui subigitur aratro, & illa agri emptione propositum erat Domino ostendere quid futurum esset, ut scilicet agri venderentur, & emerentur, quod non satis commodè intelligi potuisset, si quem emit Ieremias verus ager non fuisset. Tandem in actis Apostolorum dicitur de Barnaba, *Ioseph autem quæ cognominatus est Barnabas ab Apostolis, Leuites, Cyprus genere, cum haberet agrum vendidit eum, & attulit pretium, & posuit ante pedes Apostolorum.* Ex his autem, quæ attulimus, colligitur adeo non fuisse pauperes Leuitas, ut potius essent multo quàm reliquus populus opulentiores, & ditiores. Nam cum vix essent sexagesima populi totius pars, decimam tamen fregum partem, animaliumque percipiebant, primitias etiam, plurimamque populi oblationes, quibus largè sustentari possent. Non excessisse autem sexagesimam partem populi, constat ex censu, nam cum de reliquis tribubus numeratis sermo est, dicitur, *Hic numerus filiorum Israel per domos cognationum suarum, & turmas diuisi exercitus, sexcenta tria milia quingenti quinquaginta. Leuita autem non sunt numerati.* Cum vero Moses in deserto Sinai iussus est mittere Leuitas

Ierem. 1.1.

Act. 4.36.

Num. 2.

33.

rum

rum censum, omnium masculorum numerus infantibus etiam computatis, viginti duorum milium summam non excessit, dicente scriptura.

Omnes Leuitæ, quos numerauerunt Moyses, & Aaron Num. 3.

in iuxta præceptum Domini per familias suas in genere masculino à mense vno, & supra fuerunt viginti duo milia, 39.

reliquis verò Israël ita numeratus est, ut eorum qui vigesimum annum non attigerant, aut expleuerant, nulla haberetur ratio, nec summa iniretur: dicitur enim eodem libro: *Tollite summam*

Num. 1. 2.

uniuersæ congregationis filiorum Israël per cognationes,

& domos suas, & nomina singularum, quidquid sexus

est masculini, à vigesimo anno, & supra omnium viro-

rum fortium ex Israël. His ergo si addas pueros &

senes summam proculdubio efficiēs duplo maiorem,

cujus ferè sexagesimam partem fuisse Leuitas suppütanti constabit. Porro Christianorum

clerus (ut cum eo Leuitarum numerum conferamus)

major fortasse est, cum nulla ferè domus quæ paulo amplior sit Ecclesiastico aliquo viro,

nullus pagus vno templo careat, aliquando verò alterum etiam habeat & tertium, in quo sæ-

penumero sacerdotes nonnulli sacris operantur.

Adde Cænobitarum familias sanè frequentes, quæ plurimis Monasteriis, & domibus ingentem reli-

giosorum multitudinem alunt, quorum opera Ecclesiæ Dei utilissima est, nam partim iratum

peccatis nostris numen precibus propitiant, quod

sanè cogitaret *ut disperderet nos, si non sancti hi vi-*

ri, electi eius starent in conspectu eius, cum scilicet pec-

ccatorum vindicibus ad-

monis labantia & confracta infirmitatis nostræ

maxima fatiscerent ac soluarentur, nisi starent in

conspectu eius, ut auerterent iram eius ne disperderet

nos.

Psalm.

105. 23.

246 *Institutio politica ex sacris Scripturis.*

nos. Partim rudes, litteras christiana quæ doctrinæ rudimenta docent, contra hæresum monstra pugnant, concionibus adhortationibusque populū ad pietatem officiūque faciendum excitant, confessionibus peccatorum audiendis animas expiant, aliisque christianæ charitatis, & pietatis operibus se exercent, quibus mirum quantum reipublicæ vniuersæ cōmodant. Quàm multī verò quod debent Ecclesiasticis viris siue decimæ sint, siue quid aliud, malignè soluunt, quàm multa detrahunt, interuertunt, quàm frequenter Principibus concedunt Pontifices, vt Ecclesiæ reddituum bonam aliquam partem in suos vel Reipublicæ vsus conuertere possint? *Quæ* omnia si prudenter suis momentis expendere voluerimus; percipiemus quam iniuste faciant ij, qui Ecclesiam diuitiarum nomine vocant in inuidiam, quorum voces illius vocibus consentiunt, qui dicebat: *Vt quid perditio hæc? potuit enim istud venundari multo, & dari pauperibus.* Vt enim hic pretiosum illud vnguentum in Christi caput effusum, quasi pauperes illi cordi essent, ægrè ferebat, ita his dolent oculi, quod christiani populi pietate, virorumque principum munificentia liberali, mysticum Christi corpus, quod est Ecclesia, aliquas opes nactum sit, quas tamen ipsemet Christus sequentibus se pollicitus est cum dixit: *Omnis qui reliquerit domum vel fratres, aut sorores, aut patrem aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.* quod centuplum de bonis etiam in hac vita accipi debet, cum expressè dicat D. Marcus: *Accipiet centies tantum nunc in tempore hoc, & in sæculo futuro vitam æternam.* Quod autem

Math.
26. 8.

Math.
19. 29.

Marc. 10.
30.

tem Dominus ipse per se promisit Ecclesie, mul-
 to ante prædictum est à Prophetis, præsertim ab
 Isaiâ, cuius illud est vaticinium; *Erun Reges nu-* Isai. 49.
truij tui, & Regna nutrices tue, vultu in terram de- 23.
misso adorabunt te, & puluerem pedum tuorum lagent.
 Qui verò Regum gazis aluntur, & nutriuntur,
 pauperes, & male habiti esse nō possunt. Sed iur-
 sus Isaiâs populorum multitudinem ad christia-
 na sacra conuolantē describens, diuitiarum etiam
 meminit, quibus Ecclesiam locupletabunt. *Tunc,* Isa 60.6.
inquit, videbis & afflues & mirabitur, & dilatabitur
cor suum, quando conuersa fuerit ad te multitudo maris,
fortitudo gentium venerit tibi. Inundatio camclorū ope-
riet te, & cameladarij Madian, & Ephraim, omnes de Saba
venient aurum & thus deferentes: & laudem Domino
annuntiantes. Et paulo post. *Me enim insula expe-* Ibid. n. 9.
ctant, & naues maris in principio, & adducam filios
tuos de longē, argentum eorum, & aurū eorum cum eis
offerendum scilicet, nomini Domini Dei tui, & san-
cto Israël, quia glorificauit te. De dinitiis etiam Ec-
clesie illud accipiendum est, quod apud eundem
Isaiam legimus: Et stabunt alieni & pascunt pecora Isa. 61.5.
vestra, & filij peregrinorum agricolæ & vinatores vestri
erunt. Vos autem sacerdotes Domini vocabimini, Mini-
stri Dei nostri, dicetur vobis. Fortitudinem gentium
comedetis, & in gloria eorum superbiētis, id est vt ver-
teutes explicant Septuaginta, eritis admirabiles. Et
 paulo post. *Propter hoc in terra sua duplicia posside-* Ibid. n. 7.
bunt, lætitia sempiterna erit eis. Hactenus ex scri-
 pturis veteris testamenti probauimus non modò
 apud Hebræos, sed etiam apud Principes, &
 Reges aliquos, quorum mentio in Sacris litteris
 habetur, à tributorum pensatione exemptum
 fuisse sacerdotale genus. Nunc antequam ad alia

Matth.
17.23.

transcamus, ex dicto Christi, quod habemus apud S. Matthæum, quomodo idem probetur, videamus. *Cum venisset, inquit, Capharnaum, accesserunt qui didrachma accipiebant ad Petrum, & dixerunt ei: Magister vester non soluit didrachma? At ille. Et cum intrasset domum, praeuenit eum Iesus dicens: Quid tibi videtur Simon? Reges terra à quibus accipiunt tributum, vel censum. A filiis suis, an ab alienis? & ille dixit: Ab alienis. Dixit illi Iesus: Ergo liberi sunt filij. Vt autem non scandalizemus eos, Vade ad mare, & mitte hamum, & cum piscem qui primus ascenderit tolle, & aperto ore eius inuenies staterem, illum sumens da eis pro me, & te. Ex hoc ergo testimonio satis aperte colligitur Clericos, qui sunt filij, & domestici Dei, à solutione tributorum immunes esse debere, nam Christus soluit quidem didrachma, sed tamen addidit, *ne scandalizemus eos*, non soluturus si collectorum illorum scandalum abfuisset. Deinde si ipse, & eius discipuli Ecclesiæ, Clerique primitiæ, ad tributi pensionem tenebantur, cur non pro omnibus soluit, sed tantum pro se, & Petro? Adde quod Christus asseruit filios Regum esse liberos à tributo, aut hoc nomine cunctos significans Apostolos, aut se ipsum tanquam æterni Regis Dei filium? quomodocumque autem id intellexerit, semper sequitur immunes à tributis esse debere Apostolos, eorumque successores, Clericos. Nam si filij sunt Regis, propterea liberi sunt, quia filij: si verò Christus Regis filius est; adhuc Apostoli liberi, quia in bene cõstituta republica Regum familiares ac domestici, à tributis soluendis eximuntur. Adde Dominum non ex loculis ad suorum victum destinatis didrachma solui voluisse, sed aliunde pecuniam*

cnniam parauisse, vt indicaret Ecclesiæ bona in Principum tributa conuertenda non esse.

Sequitur vt de iure Asyli dicamus aliquid. Asy-
lus autem dicitur locus à quo quis abstrahi salua
religione non potest, etiam si criminis alicuius
sue, sex ciuitates diuino iussu constitutæ sunt, ad
quas ij se recipere; qui per imprudentiam ali-
quem interfecissent. Hi enim si senioribus ciui-
tatis illius innocentiam suam approbassent, legis
eius beneficio aduersus sanguinis vindices, & in-
sectatores protegebantur, quorum dolori indul-
gebatur, vt si homicidam illum extra Asyli Ciui-
ratem nacti essent, impunè possent occidere. Sunt
autem diuina lege refugij ciuitates institutæ, vt
innocentiæ eorum qui inuoluntariam eadem pa-
trassent, præsidium aliquod præstaretur. Deinde
vt rixarum, cædiumque, quibus Respubl. turba-
tur, materia, dolore eius qui propinquum ali-
quem amisisset subtraheretur, supersite propin-
quo, & homicida in diuersa loca diductis. Vt au-
tem facilius ad istas ciuitates aditus pateret; tres
ex illis vltra, reliquæ verò tres citra Iordanem,
constitutæ sunt, æqualibus inter se spatiis distan-
tes, siue quæ cis Iordanem erant, inter se compa-
rentur, siue cum illis, quæ vltra Iordanem erant.
Quamuis enim pars illa terræ promissionis, quæ
trans fluuium erat, angustioribus finibus cõcre-
retur, ita tamen dispositæ erant vrbes, vt respectu
provinciæ totius, quam Iordanis interfuebat,
æquè distarent inter se se, essetque homicidiis
vtriusque regionis integrum, ad quam voluissent,
opportunioremque sibi credidissent, ciuitatem
confugere. Ita enim locus Deuteronomij acci-
pien

De iure
Asyli.

Iosue 20.
1.

Deut. 19.
7.

Ibid. n. 3.

piendus est, in quo dicitur: *Præcipio tibi, ut tres ciuitates æqualis inter se spūty diuidas: quod clarins paulo ante dictum fuerat eodem libro, In tres æqualiter partes totam terram tuam prouinciā diuides, ut habeat ē vicinū, qui propter homicidium profugus est, quo possit euadere.* Si enim peccatis Israhēitarum non impediētibz vniuersam promissam terram suæ ditionis fecissent, iam nouem, non sex tantum futuræ erant ciuitates refugij, plures pro ampliori Prouinciæ spatio, ternæ scilicet in qualibet tripartitæ illius regionis portione. Erant porro editis ferē, & conspicuis in locis sitæ, ut vel ignaris viarum, facilius ad illas liceret adspirare. Nam ut dicitur indicato Iosue loco; *Dece- nerunt Cedem in Galilea montis Nephthali, & Sichem in monte Ephraim, & Cariatharbe, ipsa est Hebron in monte Iuda. Et trans Iordanem contra orientalem plagam Iericho, statuerunt Bosor, quæ sita est in campestri solitudine de tribu Ruben, & Ramoth in Galaad de tribu Gad, & Gaubon in Basan de tribu Manasse.* Sola autem Bosor in planitie sita erat, patente tamen loco, ita eminens ut conspici facile posset. Via autem quæ ad vrbes istas ducebant, commodè stratæ, complanatæque erant, iussu Domini: imo iuxta quorundam auctorum sententiam, subinde in biuiis, aut triuiis fixi erant stipites, aut columellæ, ut itinerum erroribus occurreretur, illorumque indicio dirigerentur, & quasi manu duceretur, qui ad eas confugere opus habuissent. Nec ciuibz tantum, & Hebræi sanguinis hominibus, sed quibuscumque etiam peregrinis concedebatur, ut cum se post cædem ad illas reducerent, salui esse possent, ut in Numerorum libro apertè dicitur. Tandem sex istæ Ciuitates inter quadra

Ios. 20. 7.

Deut. 19.

3.

quadraginta octo oppida numerantur, quæ Leuitis ad habitandum obtigerunt, vt Iosue caput vigesimum primum percurrenti constare poterit, vt non omnino profanum, & ciuili tantum lege constitutum, sed Sacerdotum etiam, & Leuitarum, qui illic habitabant, præsentia verendum asylum illud redderetur. Erat autem proscriptio hæc & exilium homicidarum, aliquando diuturnius, aliquando contractius, pro summi Pontificis vitæ breuitate, aut prolixitate. Statutum enim erat vt cum ipse è viuis excessisset, fas cuilibet profugo esset, patrios lares impunè repetere. Id autem datum vel publicæ hilaritati, vt nouo summo Sacerdote Pontificatum incunte, exules denuo in cõmuni gratulatione incunte, exules redderentur: vel ita institutũ, vt ab homicidio quàm maxime Israelitæ absterrerentur, si cogerentur ij, qui humano sanguine manus imbuissent, tamdiu extra patriam agere, dum superstes is esset, quem in terris, Dei primarium interpretem, & diuinæ maiestatis personam quodam modo sustinentem agnoscerent: quasi sceleris sui diritate ab eius conspectu, interim dum temporis longinquitate noxam abstergerent, arcerentur. Quod si alicui lex ista parum æquitati consentanea videretur, quod fieri posset, vt quis in pari crimine, breue toleraret exilium, alius verò multo diuturnius, prout tempus patratæ cædis, à tempore mortis summi Sacerdotis, parum aut multum recederet: animaduertat oportet, hanc esse conditionem earum pœnarum, quæ sortem aliquam habent ad mixtam, vt vno aut altero, pluribûsve, pœnalem illam legem patientibus, aliqui, aut multi sortis beneficio impunitatem consequantur,

tur, ut accidit in militari pœna apud Romanos olim usurpata, qua cum in commune aliquid ab aliqua legione aut exercitu peccatum esset, decimus quisque capite truncabatur, cæteris impune dimissis. Atque hæc de sex Ciuitatum Asylo dicta sint. Sequitur ut videamus, an iis, qui se ad cornu altaris applicuissent; illudque tenuissent; impunitas Asyli iure concederetur. Sunt qui negant. Et sanè in scripturis nusquam disertè lex ponitur, qua hoc statuatur. Coniecturis tamen veterem morem vestiganti, nonnulla occurrunt, quibus probabiliter confici posse videtur, certis quibusdam fontibus exceptis, aliis ius ex recepta saltem consuetudine fuisse, ut inde auelli, & ad supplicium rapi non possent. Id primò indicat exceptio illa quæ est in Exodo. *Si quis per industriam occiderit proximum suum, & per insidias, ab altari meo euellentes eum ut moriatur: quasi dicat, voluntaria cæde polluto nihil profit loci sanctitas, quæ alios tueri solet.* Deinde idem confirmat factum Ioab sub Salomone Rege, qui cum cædis duorum insignium virorum reus esset, ingressus tabernaculum, altare Domini, apud quod reliqui fontes salui esse consueuerant, eo consilio tenuit, ut sibi pararet impunitatem. Sed cum Salomon de medio tolli iussit, quod meditatæ cædis reus, religione loci, iuxta Exodî recitatam legem, tutus esse non posset. Tandem Demetrius Rex in Machabæorum historia, cum sibi Iudæorum voluntates conciliare studeret, illud inter cætera, in loci, & gentis illius gratiam concessit, ut quicumque confugerent in templum quod est Ierosolymis, & in omnibus finibus eius obnoxii regi in omni negotio dimitterentur. Id autem propterea à Rege videtur indultum,

Exod. 21.
14.

3. Reg. 2.
28.

1. Mach.
10. 43.

dultum, vt hac ratione Iudæis ostenderet se illorum religionibus fauere velle, quas factas testas conseruaret, aut etiam suo priuilegio, eorum causa amplificaret. Cur autem æquum fuerit in ædibus sacris, locisque diuino obsequio destinatis asyla constituere, haud sanè difficile occurreret ratio animum adiicienti. Nam si apud Gentiles, ij, qui deposcebantur ad mortem ob scelus aliquod; si aram, si Dei simulacrum tenuissent, si denique ipsas aquilas signaque castrensia amplexi fuissent, se religione tutabantur; eosque inde abstrahere per vim piaculum erat: nonne æquum fuit vero numini nihil minus venerationis impendi à Christianis, quàm à gentilibus vanissimis illis commentitiisque diis tribueretur? Adde hoc esse diuinæ maiestatis documentum, dum eius ædes & templa in quibus Deum veneramur, illique sacra facimus apud nos sacrosancta adeò habentur, vt illa violari credamus, si qui ad ea confugerint, vt tuti esse possint, in loci sanctitate prædium, nostro vitio non inuenerint. Tandem pertinere potest ad rectam Reipubl. gubernationem, vt post patratas caedes incitati vindictæ libidine animi eorum, quorum interest, prius resideant, & componantur, vt consilio potius quàm impetu res peragatur. Hæc verò quæ diximus non de confugientibus dumtaxat ad templum, & loca sacra vt asyli iure gaudere possint, intelligenda sunt, sed de iis etiam, quæ in templis aliquando deponuntur, aut religiosis locis, vt pecuniis, & huiusmodi, quæ proinde omnino tuta sacrarum ædium reuerentia esse debent, nec per iniuriam inde abstrahi possunt absque sacrilegio: ita apud Hebræos nefas esse putabant quid

254 *Institutio politica ex sacris Scripturis.*

2. Mach.
3. 12.

quidquam attingere eorum quæ templi custodiæ credita fuissent, quare cum Heliodorus pecunias in templo depositas asportare vellet, ita respondit summus Sacerdos. *Recipi eos qui credidissent loco & templo, quod per uniuersum mundum honoratur, pro suis ueneratione, & sanctitate omnino impossibile esse, vel ut ex Græco verti potest, Iniuria affici eos, qui credidissent loci sanctitati, & honorati per uniuersum mundum templi uenerationi, & integritati omnino difficile esse.* Et sensus est, magnam omnino templo irrogari iniuriam, insque qui pecunias in eo deposuissent, si iis asportatis intelligerent homines se deceptos, cum crediderunt nullum ad id futurum impium, qui auderet in pecuniam illam sanctissimo loco creditam inuolare. Quod si templum Ierosolymitanum ita Principes sacrorum, Reges, uniuersusque populus venerabatur: videant Principes nostri quanto maiorem Ecclesiis nostris debeant reuerentiam; quæ longè sanctiores sunt; caueantque ne similes fiant superbo illi Nemrot, qui turrin illam ingentem excitans iuris sui fines ad cælum usque protendere velle visus est, cuius tamen Dominus consilium disiecit, operarum voces confudit, molitionemque operis interrupit, & ad perpetuam tantæ temeritatis infamiam locum illum *Babel*, id est, confusionem appellari voluit, ut intelligant Principes debere se intra rationis gyrum suas coercere cupiditatès, nec vlla affulgente lucri spe, alteriusve commoditatis, quæ Ecclesiastici iuris sunt, sibi per iniuriam vindicare. Verum enim est quod dicitur in Prouerbiis, *Ruina est homini deuorare sanctos*, vel ut ex Hebræo verti potest, *Laqueus est homini deglutire sanctum*: quod tunc Principibus accidit, cum aurum

Genes. 11.
9.

Prou. 10.
25.

aurum Ecclesiæ auidè sitiunt, à quo si non abstinent sit illis *mensa*, quæ talibus cibis instruitur, *coram ipsis in laqueum, & in retributiones, & scandalum*. Quamuis enim fortasse dum occupantur, *ingrediantur blandè, & dulce sit in ore eorum malum*, tamen non multo post, *Panis eius in viro illius, vertetur in fel aspidum intrinsecus*. Diuitias quas deuorauerat euomet, & de ventre illius extrahet illas Deus. *Caput aspidum suget, & occidet eum lingua viperæ. Non videbit riuulos fluminis, torrentes mellis, & butyri. Luet quæ fecit omnia, nec tamen consumetur, iuxta multitudinem adinventionum suarum sic & sustinebit: quoniam confringens nudauit pauperes, domum rapuit, & non edificauit eam. Nec est satiatus venter eius, & cum habuerit, quæ concupierat, possidere non poterit. Non remansit de cibo eius, & propterea nihil permanebit de bonis eius, cum satiatus fuerit, ardebitur, astuabit, & omnis dolor irruet super eum. Hæc enim multaque alia mala, quæ capite illo enumerantur, impios manent, & Ecclesiasticorum bonorum voratores, qui quoniam pauperibus, Ecclesiisque benigne facere noluerunt, diligentes militiam super benignitatem omniaque verba præcipationis, velut ex Hebræo verti potest, *Deuorationis*, propterea Deus destruet eos in finem, euellet & emigrabit eos de tabernaculo suo, & radicem eorum de terra viuentium. Quod utinā intelligant impij vt corrigantur, videant etiam iusti, & timeant, vt in officio contineantur! Tandemque meminerint Principes Pontificiis legibus munita esse iura sacerdotum, additis etiam in violatores granibus censuris: quas diras execrationesque Sacerdotes qui parum formidant, aut etiam, quod deterius est, penitus aspernantur, videant ne sibi graue aliquod malum diuinitus accer*

Psal. 68.

23.

Iob 20.12.

Ibid. n. 14.

Psal. 51. 5.

accerant : quod Hieli de Bethel in simili causa videtur accidisse, nam cum Iosue Ierichuntina mœnia solo æquasset, & imprecatus esset, dicens,
 106. 26. *Maledictus vir coram Domino, qui suscitauerit, & edificauerit Cuiusdam Iericho, in primogenito suo fundamenta illius iaciat, & in nouissimo liberorum ponat portas eius: aggressus tamen est ausu planè temerario muros illos moliri, & portas aperire, & urbem instaurare, quo facto minas à Iosue, quam non Pontifice, viro tamen sancto, & numine pleno pridem intentatas, conuertit in caput suum, dicitur enim in Regum historia. In diebus illis edificauit Hiel de Bethel Iericho, & in Abiram primogenito suo fundauit eam, & in Segub nouissimo suo posuit portas eius, iuxta verbum Domini, quod locutus fuerat in manu Iosue filij Nun.*

*De liberalitate, & munificentia
 Principis in Ecclesiis,
 & res sacras.*

CAPVT VI.

*Exemplis
 ostenditur
 quāta esse
 debeat
 Christiani
 Principis
 in Ecclesiā
 liberali-
 tas.*

Prou. 8. 15.

1 **M**aximè decet Principem in rebus, quæ ad Diuinum cultum pertinent, cuiusmodi sunt templa, vestes Sacerdotales, vasa sacra, cænobitarum domicilia, liberalem esse, ac munificum: cum enim hæc omnia ad Dei honorem referantur, per quem Reges regnant, ratio gratitudinis exigit, vt cui omnia debent, aliqua saltem in illius cultum liberaliter erogando, rependant.

dant. Huius liberalitatis occasionem Israëlitarum Reipubl. Principes, populusque nacti sunt, cum Dominus per Moysen populi ducem, velle se apud eos figere tabernaculum significauit, ac propterea cupere, vt sibi iuxta modulum præscribendum, de populi oblationibus voluntariis sanctuarium excitaretur. *Locutus est enim Dominus ad*

Exod. 25.

Moysen dicens: Loquere filij: Israël, vt tollant mihi primitias ab omni homine qui offert ultionibus, accipitis eas.

1.

Hæc sunt autem qua accipere debetis. Aurum & argentum, & as, hyacinthum, & purpuram, coccumque bis tinctum, & byssum, pilos caprarum, & pelles arietum rubricatas, pellesque ianthinas, & ligna sethim, oleum ad luminaria concinnuanda, aromata in unguentum, & thymiamata boni odoris, lapides onychinos, & gemmas ad ornandum ephod, ac rationale, facientque mihi san-

*ctuarium, & habitabo in medio eorum. Igitur Moses Domini placitum populo in vnum coacto enuntiat, cuius tantum fuit in conferendis quæ requirebantur, ardor & studium, vt cum nullus esset modus donorum voluntariorum (quæ, vt scriptura loquitur, *Obtulerunt mente purissima atque deuota*) præconis voce populo edicendum fuit, vt à*

Exod. 35.

20.

congerendis oblationibus abstinere, Iussit ergo

Exod 36.

6.

Moyses, inquit, præconis voce cantari. Nec vir nec mulier quidquam offeras ultra in opere sanctuarij. Sicque cessatum est à muneribus offerendis, eo quod oblata sufficerent, & superabundarent. Eximiam hanc Reipubl. vniuersæ Hebræorum liberalitatem, multis post annis secuti sunt Cyrus & Darius Persarum Reges, Ethnicis illi quidem, & à Iudæorum religione abhorrentes, sed tantæ in eorum sacra, templumque excitandum, religionis, & pietatis, vt vel hæc Regum istorum exempla Principes

R

omnes

1. Esdr. 1. 1.

omnes qui in Ecclesiam adstrictiores sunt pudes-
facere possit, & officij sui admonere. Nam Cyrus
populo Iudæorum non solum potestatem fecit
patrios lares repetendi, templique ruinas instau-
randi, sed etiam ex thesauris suis auream, argen-
teamque suppellectilem, quam Nabuchodonosor
Rex olim abtulerat, depromēs, restituit, vasa par-
tim aurea, partim argentea ad quinque millia, Iu-
dæorū verò capita supra quadraginta millia è re-
gno suo dimisit, quibus etiam cōcessit, vt sarcinas
suas diuitiis graues auferre possent, greges & ar-
menta libere abducere, & vt vrbis incenia moliri,
domos excitare, terramque suam, quā tot annos
caruerant, inter se partiri, eamque possidere lice-
ret, edicto regio cauit. Sed Cyro ex humanis

1 Esdr. 6.

8.

sublato, cum hostium suorum calumniis apud
Persarum Reges traducti ædificationem templi,
quam fuerant aggressi, promouere amplius Iudæi
non possent, tandem Dario rei gestæ veritatem
edocto, non tantum placuit templi inchoati con-
struendi facere potestatem, sed sumptus etiam ex
Regio arario suppeditare, vt sibi regnōque suo
propitium haberet Deum Iudæorum, vt ipsemet
scripsit ad Sarrapas suos, qui regiones illas cum
imperio obtinebant. Imò & vitulos, & agnos, &
hædos, & quidquid opus esset ad stata sacrificia
largè suppeditari iussit, capitali pœna iis propo-
sita, qui regiæ voluntati resistere ausi fuissent. Legi
possunt locis indicatis Regum edicta, quæ nullus
dubitare possit diuinæ prouidentię consilio sa-
crarum litterarum monumentis consignata ad
nos peruenisse, vt tam proluxa barbarorum Prin-
cipum, & à Iudæorum sacris alienorum, liberali-
tas eorum argueret impietatem, qui cum Chri-
stum

stum induerint per baptismum, illiusque fidem, ac legem professi sint, adeo tamen liberales ut barbari illi non sunt in Ecclesiam, eiusque Sacerdotes, ac ministros, ut potius ægrè ferant aliquibus accessionibus illorum augeri bona, quantumque illis tribuitur, tantum sibi detrahi putent, quasi Dominus, in cuius manu *diuitia*, & Prou. 3. *gloria*, longè amplioribus diuitiis Principes locupletare non possit. Quamuis enim pseudopolitici non intelligant, quippe *cæci sunt*, & *duces cæcorum*, sit tamen frequenter ut pij Principes, qui sumptibus non parcunt, ut foueant ministros Ecclesiæ, templaque diuino cultui dicata suis donariis ornent, quique nihil habent vera religione antiquius, occultis augeantur incrementis, floreat diuitiis, regna regnis addant, Prouincias Prouinciis, cum interim sapientes illi, qui iacturam se ingentem facere putant, si quid ad Ecclesiasticos homines populorum pietate deriuetur, aut bellis continentibus vexati, aut aliis malis diuinitus immixtis attriti, æraria exhaurire, & longo tempore collectas opes effundere cogantur, auaritia in Deum paupertatem illis summam conciliante. Sed iam aliquid de Dauide dicamus, eiusque filio Salomone, quorum alter sumptus ad templum excitandum necessarios præparauit, alter congestas diuitias liberalissimè effundens, templum amplitudine maximum, descriptione elegantissimum, sacra suppellectile aurea, argenteaque instructissimum fabricatus est, de quo quia plurimi plurima scripserunt, pauca ego quædam delibabo, quæ ad rem nostram faciant, ad ostendendam scilicet ingentem Regum istorum magnificentiam, quæ sanè tanta fuit, ut omnem admir-

rationem superet. Illi enim magnitudinem expensarum non ex ætarij tenuitate pensabant, sed ex Dei summa dignitate, cui templum parabatur, ex quo fiebat, ut maximis etiam aggestis diuitiis, se tamen tanto muneri, quale mente præceperant, impares esse sentirent. Hinc sanctus Dauid de templo à Salomone ædificando verba faciens,

1. Paral.

29. 1.

2. Paral. 2.

4.

Opus grande est, inquit, neque enim homini preparatur habitatio, sed Deo. Ego autem totis viribus meis preparavi impensas domus Dei mei. Et Salomon, Domus, inquit, quam adificare cupio, magna est, magnus est enim Deus noster super omnes Deos: quis ergo poterit prævalere, ut ædificet ei dignam domum? Preparandæ verò materiæ studium quantum fuerit in Dauide, patet ex libris Paralipomenon, nam præcepit ut congregarentur omnes proselyti de terra Israël, & constituunt eis latomos ad cadendos lapides, & poliendos, ut edificaretur domus Dei, ferrum quoque plurimum ad clauos ianuarum, & ad commissuras, atque iuncturas preparauit Dauid, & aris pondus innumerable, ligna quoque cedrina non poterant æstimari, quæ Sydonij, & Tyrj deportauerant ad Dauid. Salomonein itaque filium suum compellans, ita loquitur.

Ibid. n. 14.

Ecce ego in paupertate mea preparavi impensas domus Domini auri talenta centum millia, & argenti mille millia talentorum, aris verò & ferri non est pondus, vincitur enim numerus magnitudine, ligna, & lapides preparavi ad vniuersa impendia. Et alibi. Ego autem, inquit idem Dauid, totis viribus meis preparavi impensas domus Dei mei, aurum & vasa aurea, & argentum in argentea, as in area, ferrum in ferrea, ligna ad lignea, & lapides onychinos, & quasi stibinos, & diuersorum colorum, omnemque pretiosum lapidem, & marmor Parium abundantissimè, & super hac quæ obtuli in

1. Paral.

29. 2.

num Dei mei de peculio meo aurum, & argentum
in templum Dei mei, exceptis his, quæ preparavi in
eam sanctam. Tria millia talenta auri de Ophir, &
tem millia talentorum argenti probatissimi ad deau-
dandos parietes templi. & ubicumque opus est aurum de
ro, & ubicumque opus est argentum de argento, opera-
nti per manus artificum, & si quis sponte offert, im-
at manum suam hodie, & offerat quod voluerit Do-
no. Polliciti sunt itaque Principes familiarum, &
ceres tribuum Israël, tribuni quoque & centuriones
Principes possessionum Regis, dederuntque in opera
nes Dei auri talenta quinque millia, & solidos decem
lia, argenti talenta decem millia, & æris talenta decem
octo millia, ferri quoque centum millia talentorum, &
id quemcunque inueniunt sunt lapides, dederunt in
sanctos domus Domini per manum Abiel Gersonitis.
ne autem collectæ pecuniæ summam perdili-
is harum rerum indagator Villalpandus, in
ad Ezechielem commentariis redactam ad
nam ducatorum Hispanicorum docet, Au-
m quidem effecisse mille sexcentos tres, ut vo-
milliones, & octingenta millia ducatorum;
genteam verò mille ducentos, & octo millio-
is, & centum nonaginta sex millia ducatorum.
is autem Princeps vnquam tantam auri ar-
itque vim in thesauris suis congestam habuit,
post repertas quidē noui orbis diuissimas auri-
inas, ex quibus superiore, nostri quoque saculo
tum auri in Europam inuectum est, quantum
quam (Israëliticis istis exceptis opibus) vidit
iquitas? Ut ostendere vultu videretur Domi-
cum regibus istis populoque quodammodo
tasse, & quo ipsi plura, alacrioreque animo
abant offerre, tanto maioribus eos incremen-

tis auxisse, vt quod animo destinauerant, effectum
 dare possent. Offerentum autem alacritatem tum
 ex pecuniæ oblatæ quantitate licet æstimare, tum
 ex scripturæ verbis, dicentis. *Latusque est populus*
cum vota sponte promitterent, quia corde toto offerebant
ea Domino; nec cum tam multa dedissent place-
bant sibi, quasi de Domino bene meriti essent, sed
potius cogitabant se Domino reddisse quæ illius
erant: ita enim loquitur Dauid cum ingenti læti-
tia perfusus, pronam populi sui voluntatem ad
offerendum Deo animaduertisset. Nunc igitur,
inquit, Deus noster consuemur tibi, & laudamus no-
men tuum inclinum. quis ego, & quis populus meus, ut
possimus hac tibi vniuersa promittere? tua sunt omnia,
& quæ de manu tua accepimus, dedimus tibi. Peregrini
enim sumus coram te, & aduena sicut omnes patres
nostri. Dies nostri quasi umbra super terram, & nulla
est mora. Domine Deus noster, omnis hæc copia, quam
parauimus ut edificaretur domus nomini sancto tuo, de
manu tua est, & tua sunt omnia. Ex quo discant illi,
qui cum duo minuta inferant in Ecclesiæ gazo-
phylacium, non aliquid ex necessariis sibi detra-
hentes, vt vidua illa pauper, quæ Christi ipsius
ore commendata est, sed ex eo quod abundanti illis,
sibi tamen placent, & tuba canunt ante se, cum
etiam aliquando ex malè partis, & per iniuriam
pauperum quæsitis pecuniis Deo munus inuisum
offerre non dubitent, quibus dicit Dominus per
Malachiam: Intulistis de rapinis claudum & langu-
dum, & intulistis munus, nunquid suscipiam illud de
manu vestra, dicit Dominus? Discant inquam, cum
Domino largius agendum esse, & alacrius, nam
hilarem datorem diligit Deus. qualis sanè Dauid, qui
verè dicebat: Ego in simplicitate cordis mei latius obtuli
vniuersa

1. Paral.
29.9.

1. Paral.
29.13.

Marc. 12.
43.

Matth. 6.
2.

Malach. 1.
1.3.

2. Cor. 9.

7.
1. Paral.
29.17.

universa hac, & populum tuum qui reperiuntur est, vidi cum ingenti gaudio tibi offerre donaria.

2 Porro quamvis ex multis quæ de magnitudine templi, & structura dici possent, impensæ etiam pecuniæ quantitatem æstimare possemus, quia tamen hoc nimis operosum esset, ac longum, vnum caput dumtaxat breuissimè persequar, ex quo aliquam huius rei de qua agimus coniecturam capere possimus: aurum enim quod in templo fuisse scriptura commemorat, recenset, nulla argenti, aliorumve metallorum, aut lapidum magni pretij facta mentione. Ac primò oraculum totum, quæ pars erat templi sanctior, totum auro purissimo conuictum fuit, sic enim legimus in Regum historia. Oraculum autem in medio domus in interiori parte fecerat, ut poneret ibi arcam fœderis Domini. Porro oraculum habebat viginti cubitos longitudinis, & viginti cubitos latitudinis, & viginti cubitos altitudinis, & operuit illud atque vestiuit auro purissimo. Immo scriptura docente discimus, domum etiam ante oraculum, immò quæcunque erant in templo, aureis laminis contexta, ipsas verò laminas aureis clavis cum parietibus, fuisse confixas. Domum quoque, inquit, ante oraculum operuit auro purissimo, & affixit laminas clavis aureis, nihilque erat in templo quod non auro tegeretur. Rursus altare thymiamatis, mensam cui panes propositionis imponebantur, seu potius mensam (fuisse enim duas colligitur ex Paralipomenon libris) aliisque sacra vasa, & instrumenta templi ex auro purissimo fabrefecit, dicente scriptura: Fecitque Salomon omnia vasa in domo Domini altare aureum, & mensam, super quam ponerentur panes propositionis auream, & candelabra aurea quinque ad dextram,

Ex auro templi de ceteris expensis capitur coniectura, ex quo eadem liberalitas Principi commendatur.

3. Reg. 6. 19.

Ibid. 2. 12.

2. Paralip. 4. 19. 3. Reg. 7. 48.

264 *Institutio politica ex sacris Scripturis.*

tram, & quinque ad sinistram contra oraculum ex auro puro, & quasi lilij flores, & lucernas desuper aureas & forcipes aureos, & hydrias, & fuscannulas, & phialas, & mortariola, & thuribula de auro purissimo, & cardines ostiorum templi ex auro erant. Quot verò fuerint aurea vasa scripturam docere non memini, sed possumus ex duplici coniectura, Iosephique testimonio existimare fuisse quamplurima. Prima coniectura sumitur ex multitudine vasorum aris,

2. Paral. 4.
18.

de quibus ita scribitur. Erat autem multitudo vasorum innumerabilis, itaut ignoraretur pondus aris. nam si innumerabilia aerea vasa; aurea sanè vt multo pauciora essent, plurima tamen fuisse credibile admodum est. Altera coniectura ducitur ex numero vasorum quæ post captiuitatem Babyloniam in templū reportata sunt. nam post Septuaginta annorum decursum, adhuc sanè multa vasa, quæ de templi suppellectili essent, reperta sunt, cum tamen par sit credere multa furto sublata perisse, multa in vsus prophanos auro conflato fuisse conuersa. Numerus autem vasorum templi quæ Cyrus restituit, recensetur in Esdræ libro.

1. Esdræ 1.
9.

Phiala, inquit, aurea triginta, phiala argentea mille, cultri viginti nouem, scyphi aurei triginta, scyphi argentei secundi quadringenti decem, vasa alia mille. Omnia vasa aurea, & argentea quinque millia quadringenta, quibus si addas Roboami tempore à Sefac Aegypti Rege thesauros domus Domini fuisse direptos, nam Recessit Sefac Rex Aegypti ab Ierusalem, sublati thesauris domus Domini, & domus Regis, omniæque secum tulit. Quod non de thesauris tantum repositæ pecuniæ, sed forte etiam de sacris vasis intelligi potest: sanè probabile fiet, quod de vasorum multitudine, quæ in vsu templi Salomon

2. Paralip.
12. 9.

Salomon fecit, Iosephus scribit in Iudaicis antiquitatibus, dum illa his verbis enumerat. *Phiale* Lib. 8. c. 3.

& *patera aurea vigesies mille*, *candelabrorum decem millia*, *cantharorum vinariorum octoginta millia*, & *phialarum aurearum decem millia*. *Lancium aurearum ad offerendum in eis similitam maceratam octoginta millia*, *craierarum in quibus similitam oleo subigebant aurearum sexaginta millia*. *Mensurarum quales Moysi Sin vocantur*, & *Assaron viginti millia*. *Acerra quibus odorem in templum inferri solent vigesies mille*, & *alia quibus deferretur ignis à magno altari ad paruum intra templum situm quinquages mille*. Ex his ergo quæ de auro diximus possumus cogitatione percipere quàm fuerint cætera omnia magnifica, quàm amplum, excelsum, ornamentis instructum templum illud, cui tam diues supellex debebatur, vt merito Ezechiel cum sibi in visione templum ostensum est, de illo quasi de ciuitate aliqua loquatur; ait enim: *Facta est super me manus Domini, & in visionibus adduxit me in terram* Ezech. 40. 2.
Israël, & *dimisit me super montem excelsum nimis, super quem erat quasi edificium ciuitatis vergentis ad austrum*. Habent ergo Principes in Salomone, & David eximie magnificentiæ admirabile prorsus exemplar, quod pro modulo studeant æmulari, quamuis quantumlibet conentur, non nisi longo proximi interuallo illud consequi possint.

Qualem Confessarium , Concionatorem, aut Theologum sibi deligere debeat Princeps , & quo modo se cum illo gerere.

CAPVT VII.

QUoniam ab aulis quorundam Principum, eorum vel infortunio , vel vitio veritas exulat , omnibus ferè qui in illis viuunt, ad turpem quandam adulationem adèdò proiecctis, vt licet de rebus bene sentiant, eloqui tamen quod senserint pertimescant, magno etiam animarum, reipublicæque detrimento: facturum me operæ pretium existimo, si, quando agimus de religione, aliquid breuiter dixerò de Concionatoris Principum officio, rursusque de officio Principis aduersus ipsum Concionatorem, Theologum, aut Confessarium. Placet enim hæc munera cum valde sint affinia inter se, saltem quod ad rem nostram attinet, non separare. Cum enim multa incidant tempora, in quibus inquiritur possit ne hoc aut illud tuta conscientia saluòque officio à Principe imperari, aut à subditis exigi; aduersetur ne consilium aliquod diuinæ legi, an potius sit illi consentaneum. Rursus cum Principes aliquid audire velint spectans ad mores componendos, vel cum priuatim peccata enuntiant, vel cum palam concionibus publicis interfunt, plurimum reipu

reipublicæ interest quales Theologi, Confessarij, aut Concionatores adhibeantur. Nam si doctrina, pietate, dicendi opportuna libertate fuerint instructi, oprimè etiam de Principe negotiorumque de quibus agitur successu sperare poterimus; si verò doctrinæ, & virtutis expertes, si compositi ad adulationem suis commodis velificantes, blandiri, & aures scalpere maluerint, nullum incommodum per huiusmodi homines in rempub. non importabitur.

1 Ac primò quidem illud statuendum est Christiani Principis munus esse, nihil prius aggredi quod maioris alicuius momenti sit, cuiusmodi est bellum aliquod suscipere, noua subiectis populis onera imponere, cum Principibus fœdera, aut matrimonia conciliare, de fontibus vltimum supplicium sumere, diuino numine inconsulto, ne forte iusti specie deceptus, sui potius animi perturbationibus obsequatur, quàm, quod semper præ oculis habere debet, publico bono commoderet. Exigit autem ab omnibus prudentia, & amor officij faciendi, vt in rebus suscipiendis, aut gerendis, si ambiguitatis aliquid habeant, consilio nostro ita non adhæreamus, vt aspernemur alienum, sed eorum potius sententias exquiramus, quos in rebus de quibus agitur, bene peritos esse cognouerimus, cuiusmodi in nodis qui ad ius cōscientiæ pertinet expediendis Conciouatores, & Confessarios, vt pote Theologos, fore credendum est, quos qui consulunt, Deum ipsam consulere mihi videntur, cum ipsi non ram suæ prudentiæ sensa in dicenda sententia sequi debeant, quàm diuina sacra scripturæ oracula, Ecclesiæque doctorum placita, ad quorum normam

*Debere
Principes
in rebus
dubijs do-
ctores con-
sultare. Ex
de veteri
Hebraorū
ritu in cō-
sulendo Do-
minum.*

268 *Institutio politica ex sacris Scripturis.*

normam, & amissim, qui suas actiones exigunt, ij à diuina voluntate non aberrant. Est autem vetus iste mos Dominum consulendi, & à Principibus viris, quorum mentio est in scriptura, frequenter vsurpatus: Nam Saül & Dauid, primi Hebræorum Reges, Dominum consuluerunt an contra Philistæos pugnare deberent, hic etiam cum Amalechitis latrunculis, qui Siceleg succederant, congressurus, & Saule iam è viuis erepto, aliquam sibi Iudæ ciuitatem in qua Philistæis relictis habitaret, electurus. Quorum exempla alij quoque Principes postea sunt secuti. Hanc autem diuinæ voluntatis indagandę curam sibi cordi fuisse Dominus ostendit, nam variis modis edebantur oracula fiscitantibus, vt facile colligi potest ex scriptura cum dicitur Saulem nullum ab irato numine responsum tulisse: quo loco tres modi exprimuntur, quibus cum Dominum consulerent, responsa reportabant. *Et non respondu ei, inquit, neque per somnia, neque per sacerdotes, neque per prophetas. Per somnia igitur aliquando, & vt loquitur S. Iob in visione nocturna quando irruit sopor super homines, & dormiunt in lectulo, tunc aperiebat aures virorum, & erudiens eos instruebat disciplina.* Sic Abimelech prohibuit ne Saram Abrahami, quam sororem illius ipse crediderat, vitia-
ret: nam *Venit Deus ad Abimelech per somnium nocte, & ait illi. En moueris propter mulierem quam tulisti, habet enim virum.* Sic S. Ioseph Christi Domini nutritium, rationem in somnis per angelum docuit, qua sæuientis Herodis furorem declinaret, præcipiens vt collectis nocte sarcinulis in Ægyptum clam iter interderet. Sic Pharaonis pinguedine dissentas boues septem, & rursus alias

1. Reg. 14.

3. & 28. 6.

& 23. 2. &

2. Reg. 5.

19.

1. Reg. 30.

8.

2. Reg. 21.

1. Reg. 28.

6.

Iob 33.

15.

Genes. 10.

3.

Math. 2.

13.

alias totidem macras; spicas etiam septem plenas, & granorum pondere curuescentes, rursusque alias septem inanibus aristis leues in somnis vidit, quibus per ænigmatum inuolucra velata veritas ostendebatur, quam alius Ioseph diuinitus infusa coniectandi scientia, sapienter, & magno Pharaonis, totiusque Ægypti compendio rexit. Per prophetas verò frequentissimè cognoscebant Principes, quid in propositis negotiis esset agendum, nam sancti illi viri Deo pleni quid facto opus esset, vel nulla interposita mora respōdebant in promptu, vt respondit Elisæus qui tribus Regibus se consulentibus, adducti psaltis modulatione concitatus, statim erupit in prophetiam, vel capto ad consulendum numen spatio temporis, tamdiu precibus Dominum fatigabant, donec responsum aliquid extunderent. Sic cum completi essent decem dies, factum est verbum Domini ad Ieremiam, & de se ita scriptum reliquit S. Daniel: *In diebus illis ego Daniel lugebam trium hebdomadarum diebus, panem desiderabilem non comedi, & caro & vinum non introierunt in os meum, sed neque vnguenta unctus sum, donec complerentur trium hebdomadarum dies. Die autem vigesima & quarta mensis primi, eram iuxta fluvium magnum, qui est Tigris, & leuavi oculos meos, & vidi, &c.* pergitque ostensi sibi viri admirabilis speciem describere, quam vt ipse posset intueri, afflictatione corporis, & lachrymarum profusione consecutus fuerat, alijs qui aderant, visionis illius penitus expertibus. Sed tertius oraculorum modus cum scilicet applicato à sacerdote Ephod, diuinæ voluntatis significatio quædam, signis aspectabilibus edebatur, illustriorem habet numinis

Ierem. 42.

7.

Dan. 10. 2.

minis testificationem, pium consulentiū studium approbantis. Id autem qua ratione fieret, non eodem modo explicatur ab auctoribus. Nā conuenit quidem inter eos summi sacerdotis ephod applicantis, id est superhumerales cum rationally, ministerio fieri solitum, ita enim illud interpretantur, quod non semel dicitur in scriptura

1. Reg. 23. *Applica ephod.* Signa verò, quæ applicato ephod
 9. consequebantur, alij alia fuisse contendunt, aliqui enim syngraphæ cuidam quæstionem inscribi solitam fuisse volunt, cui diuinum responsum expressè & disertè exaratum diuino miraculo in eadem charta protinus appareret. Alij Angelorum ministerio vocem quandam aëris percussione formata; ad sacerdotis aures accidere solitam, qua propositæ quæstionis nodus euolueretur. Alij tandem, inter quos est Iosephus verus auctor, & gente Iudæus, in sardoniche, qui erat in superhumerali ad humerum dextrum, tantum, tamque insolitum fulgorem repente emicare solitum, vt coruscantis lapidis splendor numinis præsentiam indicaret, prosperique euentus certissimam significationem daret. Id verò beneficium perpetuum non fuisse docet idem auctor, nam ducentis circiter annis antequam illa scriberet, senescente iam apud Dominum populi illius gratia, à quo multis magnisque criminibus fuerat irritatus, splendorem illum desisse affirmat, quod etiam probabili coniectura ex scripturis colligi potest. Nam nusquam legimus Machabæos viros alioqui, vt fortitudine bellica, ita pietate in Deum insignes, Dominū per sacerdotem consuluisse, cum tamen ipsi sacerdotale genus essent, sed cum altare holocaustorum, sacerdotum

legorum hominum scelere pollutū purgare vel-
lent aliquando, animisq̃ penderent quid con-
siliij caperent, *Incidit illis, vt scriptura loquitur, 1. Machab.*
consilium bonum, vt destruerent illud, ne forte illis esset 4.45.
in opprobrium, quia contaminauerunt illud gentes, &
demoliti sunt illud, & reposerunt lapides in monte do-
mus in loco apto, quoadusque venires propheta, & re-
sponderet de eis. Nam si oraculorum vsus per lapi-
des rationalis eo tempore viguisset, procliue sa-
nè illis fuisset à Domino sciscitari quid facto
opus esset, nec solutio quæstionis ad prophetam
olim excitandum fuisset reiicienda. Quocunq̃
modo se res habeat, insignis profectò temporib-
us illis fuit Domini facilitas, probantis populi
sui studium, ad se tanquam ad patrem accurrentis
editisq̃ signis pietatem illius religionemq̃
fouentis & confirmantis. Sed nec minus sibi pro-
pitium Dominum affuturum, si parem cum ve-
teribus illis afferrent cum pietate fiduciam, Prin-
cipes possent polliceri, non quidem patratu mi-
raculis, quæ in confirmata iam Ecclesia vt mi-
nus necessaria, ita minus crebra sunt, sed illustra-
tione mentis, qua rei bene gerendæ rationes, re-
ctæque cōsilia Dominus suggereret, doctrinæque
illius quam Ecclesiæ suæ reliquit singulari bene-
ficio: quam qui sequitur, viris doctis, si rem ipse
per se expedire non possit, in consilium adhibi-
tis, non est quod timeat, ne errore aliquo à re-
cto tramite depulsus ab assequenda excidat ve-
ritate.

2 Eum igitur Princeps sibi Confessarium, aut
Concionatorem optet, qui recti tenax, veritatis
rigidus satelles sit, nec audire ab illo velit noua,
curiosa, auribus blandientia, sed potius solida,

vera,

*Contra eos
Principes,
qui tantum
auribus
blanditiis*

A concionatoribus audire voluit, differtur ex scripturis.

vera, & quibus ad virtutem constanter capessendam excitetur. Est enim sanè misera eorum conditio, qui voce Concionatoris, hoc est Dei verbo, omni gladio ancipiti penetrabiliore, adeo nihil conturbari, aut commoueri se patiuntur, vt potius tanquam citrhatædum aliquem fidibus ludentem audire velint, rem omnium dicere ausim, quæ in Ecclesia geruntur, maximè seriam, in ludibrium vertentes, in quos bene conueniat illud Ezechielis, *In canticum oris sui verteterunt sermones tuos, & tu es eis quasi canticum musicum, quod suauiter dulcique sermone canitur, & audiunt verba tua, & non faciunt ea.* Et illud S. Pauli vaticinium, qui magno doloris sensu futuram aliquando in Ecclesia Dei huiusmodi corruptelam, multo ante prædixit, ad Timotheum secundo scribens, cum ita loquitur: *Erit enim tempus cum sanam doctrinam non sustinebunt, sed ad sua desideria concernabunt sibi magistros prurientes auribus, & à veritate quidem auditum auerterent, ad fabulas autem conuerterentur.* Quamquam non facile quis dixerit Principumne vitio, an Concionatorum factum sit, vt quibus pro officij sui ratione cum verba faciunt instandū est, obsecrandum, arguendum, increpandum, quibuscque dictum est. *Clama, ne cesses, quasi tuba exalta vocem tuam, & annuntia populo scelera eorum, & domui Iacob peccata eorum, consuauit potius puluillos sub omni cubito manus, & faciant cernicalia sub capite vniuersæ ætatis,* vt in stratis peccatorum suorum molliter cubent, nullisque quibus ad surgendum excitari possint aculeis compungantur. Ego sanè ad utroscque crediderim culpam pertinere, ad Principes quidem, qui veritatis impatientes illius præcones auersantur; ad concionatores verò, qui ab

ea

Ezech. 33.

12.

1. Tim. 4.

3.

Isa. 58. 1.

Ezech. 13.

18.

ea qua eos vti par est constantia , aut offendendi timore , aut spe commodi alicuius quod aucupantur, se patiuntur abduci. Sed de Concionatorum vitio, paulo post erit dicendi locus. Principes ergo Theologis suis, aut Concionatoribus, cum eos consuluerint , ita aures & animum accommodent , vt si quæ salutaria suggerunt , aut à noxijs , & culpæ alicui affinis deterrent , dicto audientes sint , nec ad suam sententiam eos, etiam reluctante conscientia, trahere satagant. In quo vehementer aliqui errant; qui si Theologis , aut Confessatis suis persuadere potuerint , vt prodita veritate vitij alicuius aut absurdæ opinionis , quæ suis fauceat cupiditatibus, patrocinium suscipiant, omnia sibi tuta existimant : ideoque nullum non mouent lapidem, vt Concionatores deserta veritatis tutela, ad vitij partes deficientes , sua auctoritate viam sternant ad ea , quæ ipsi impotenter optauerint. Illustria habemus huius rei exépla in sacris litteris. Nam Balac Rex Moabitarum imminentem sibi , regnoque suo Israëlitarum exercitum animaduertens , fierique posse putans, vt si Balaam ariolus populum diris imprecationibus deuoueret, eadem quam timebat auerteret , missis ad eum legatis & muneribus; eius sibi voluntatem conciliare studuit , dicens: *Noni quod benedictus sit cui* Num. 22.
benedixeris, & maledictus in quem maledicta congesse- 6.
ris. Quos cum Balaam diuina voce deterritus, dimisisset irritos , & Israël maledicendi munus detrectasset, non dubitauit tamen Balaac constantiam illius rursus tentare , honestiore legatione, & maiorum pollicitatione donorum; nam, vt ait scriptura; *Multo plures, & nobiliores quam an-*

Ibid. n. 15.

274 *Institutio politica ex sacris Scripturis.*

Nam. 24.

10.

1. Paral.

18. 10.

Ibid. n. 8.

tea miserat, misit: qui cum venissent ad Balaam dixerunt, sic dicit Balac filius Sephor. Ne cuncteris venire ad me, paratus sum honorare te, & quidquid volueris dabo tibi, veni & maledic populo huic. Cumque sapientius Moabitarum Principi obsequi voluisset Balaam, nec tamen aliud eloqui potuisset, quam quæ à Domino agitante suggererentur, Iratus Balac contra Balaam, complexis manibus ait. Ad maledicendum inimicis meis vocavi te, quibus è contrario tertio benedixisti, reuertere ad locum tuum. Deceueram quidem magnificè honorare te, sed Dominus priuauit te honore disposito; Infelicibus nimium, & planè miserandis honoribus, ad quos abiuratae veritatis contumelia cum certissimo salutis æternæ periculo aditum patefecisset. Quorum splendore utinam nostris temporibus nulli dementarentur, dum periturae dignitatis fulgore lactati, nec infamiàm metuunt, quam apud sapientes incurrunt, nec æternos cruciatus, quibus se obnoxios reddunt, reformidant. Similis Achaï impij Regis amentia, cuius inanem spem cum quadringenti idolorum sacerdotes vanis promissis inflarent, præsertim Sedecias, qui factis sibi cornibus ferreis dicebat, *Hæc dicit Dominus. His ventilabis Syriam, donec conteras eam*, quem omnis pseudo prophetarum ceterua mendax mendacem secuta est; nam omnes prophetae similiter prophetabant, atque dicebant: *Accende in Ramoth Galaad, & prosperaberis, & tradet eos Dominus in manu Regis.* Vnus tantum Micheas inuentus est, qui Regi Israëlitarum, ingrata quidem, sed si crederet salutaria, etiam cum vitæ periculo dicere non dubitauit; nam Iosaphat Rege Iuda postulante, atque dicente ad Achab, *Nunquid non est hic propheta*

phetes Domini ut ab illo etiam requiramus? At Rex Israel ad Iosaphat, est vir vnus, a quo possumus querere Domini voluntatem, sed ego odi eum, quia non propheta mihi bonum, sed malum omni tempore. Est autem Micheas filius Iemla. Hunc autem cum ad Regem Eunuclus adduceret, intempestiua fortassis prophetæ commiseratione motus, aut Regi suo gratificandi studio, ut à cæteris prophetis non dissentiret hortabatur, dicebat enim: *En verba omnium prophetarum vno ore bona Regi annuntiant, quæ ergo te ut & sermo tuus ab eis non dissentiat, loquarisq; prospera.* Sed Micheas qui frontem fingere, & ad alienam voluntatem sermonem componere nesciebat, ita respondit. *Viuat Dominus, quia quodcumque dixerit mihi Deus meus, hoc loquar.* Quæ dicendi libertas carceris squalore, famæque tentata, vinci tamen potuit nunquam, sed elarior multo ex ærumnis illis emicuit, nā clades exercitus, & Regis ipsius Achabi iaculo confixi cædes, quæ illius reditus, ut propheta prædixerat, interceptus est, ingentem illi conciliauit auctoritatem: contra verò pseudo prophetarum illorum græx vniuersus, ut potè mendax, quique Principem suum cum vniuersa republica falsis pollicitationibus perdidit, omnibus despectui esse cœpit, & odio. Ita enim fermè fit, ut initio cum veritati resistitur, multis illam obruere conantibus, quibusdam obscuretur quasi nebulis mendaciorum, quæ tamen paulo post eiusdem radiis afflatæ ita disiciuntur, ut inde fulgorè illa suum multo lætiorē exerat & hilariorē. Porro de iis qui ad veritatis splendorem hunc oculos claudunt, nec illum admittunt, ita Dominus loquitur per prophetam: *Nunc ergo ingressus scribe ei su-*

Ibid. n. 12.

Is. 30. 8.

276 *Institutio politica ex sacris Scripturis.*

per buxum & in libro diligenter exara illud, & erit in die nouissimo in testimonium usque in aeternum. populus enim ad iracundiam prouocans est, & filij mendaces, filij nolentes audire legem Dei, qui dicunt videntibus nolite videre, & aspicientibus nolite aspicere, ea quæ recta sunt, loquimur nobis placentia, videte nobis errores. Magna profecto malitia, cognitæ veritati pugnaciter velle resistere, & intelligentiæ, quæ cum aliquid euidenti cognitione assecuta est, voluntati parere non potest, ita vim asferre velle, vt quæ videt non videat, & quæ in oculos incurunt, ita transmittat, ac si omnino non apparent; nec suo tantum errore contentum esse, sed aliis etiam velle fucum facere, & cum feceris, aut vt faceres fueris annisus, ita te iactare, quasi pietatis susceperis patrocinium, quæ meo quidem animo extremæ impietatis vltima linea censenda est. Quare Dominus grauissimas tanto sceleris minas intentas. Propterea, inquit, erit vobis iniquitas hæc sicut interruptio cadens, & requisita in muro excelsso, quoniam subito dum non speratur, venit contritio eius, & comminuetur sicut coneritur lagena figuli contritione præualida, & non inuenietur de fragmentis eius testis, in qua portetur igniculus de incendio, aut hauriatur parum aqua de fovea. Vel vt vertunt 70. quorum verba assero, vt cum Vulgatæ contextui coniuncta clariùs tota sententia percipiat: Propterea erit vobis peccatum hoc sicut murus decidens subito ciuitatis munita capta, cuius repente adest ruina, & ruina eius erit sicut contritio vasis testacei ex figuli officina comminuta, itaui non inueniatur in eis testis in qua ignem tollas, & in qua extrahas aquam pusillam. Nam quemadmodum si murus ciuitatis alicuius subita ruina procumbens adeo contera-

Ibid. p. 13.

tur, ut nulla in frustra diremptorum lapidum pars tantæ magnitudinis inueniatur, ut vel una de incendio pruna possit in illa circumferri, nulla proculdubio spes superesse possit ex illa materia mania restaurandi: ita Deus, quia percussione præualida se illos percussurum minatur, qui non vera sed placencia sibi à prophetis nuntiari volunt, omnem post inflictam plagam spem salutis excludit. Quod etiam lagenæ figuli similitudo ponit ob oculos, vasa enim quæ ex luto ducuntur, possunt quidem cum adhuc recentia sunt in varias partes flecti, ut libuerit fingenti, & si casu aliquo in terram deferantur, & frangantur, rursus àqua macerata formari: at postquam flammis in fornace durata sunt, si in plures partes comminuatur, priorem quam habuerat formam, aut aliam amplius accipere non possunt: Ita quos Dominus *virga ferrea furoris sui* percutiendos *Psal. i. 9.* censuerit, *tamquam vas figuli confringet eos*, ut dicitur in psalmis, nec ullus erit qui vas hac ratione percussum cum in varias diffiluerit partes, instaurare possit.

3 Sed iam de ipsorum Concionatorum officio dicamus, quibus in primis commendanda est animi constantia, & fortitudo, ut scilicet potentium purpuram & sceptrum non formidare condiscat, quæque pro veritate Principibus dicenda censuerint, ea qua par est libertate proloquantur. *Ne timeas*, inquit Dominus ad Ieremiam, *à facie eorum*, quia tecum ego sum, ut etiam te dicat Dominus. *Ecce dedi verba mea in ore tuo*, ecce constitui te hodie super gentes, & super regna, ut euellas & destruas, & disperdas, & dissipes, & adifices, & plantes. Et post aliqua. *Tu ergo accinge lumbos tuos*, & *ibid. n. 27.*

*Quantum cū
libertate
concionator
aut confes-
sarius cum
Principe
agere de-
bet*

Ierem. i. 8.

278 *Institutio politica ex sacris Scripturis.*

*surge, & loquere ad eos omnia, quæ ego precipio tibi. Ne formides à facie eorum, nec enim timere te faciam vultum eorum. Ego quippe dedi te hodie in civitatem munitam, & in columnam ferream & in murum æreum, super omnem terram, Regibus Iuda, Principibus eius, & sacerdotibus, & populo terræ, & bellabunt adversum te, & non prævalebunt, quia ego tecum sum, ait Dominus, ut liberem te. Quibus sanè verbis propheta contra exilia, carceres, verbera, mortem denique ipsam subornatus, tyrannorum minas securus audiuit. Nec verò cum constantiam Concionatoribus commendo, id ago, ut Reges ac Principes reuerentiæ honore fraudari velim, quos Apostoli præcepto, naturæque lege honorificandos scio; sed illud tantum contendo, pompam illam stipatorum, & satellitum, purpuræ vestiumque pretiosarum, reliquumque supremæ potentiæ apparatus, quæ imbecillas quorumdam mentes timore percellere solent, ad Concionatoris aut Confessarij mentem obstupescere non debere, ut sui muneris partes nō agnoscat, aut exequatur. Si enim rebus externa ista species, quæ multorum perstringit oculos, quasi persona quædam dematur, illisque sua facies reddatur, se adeo Principe inferiorem non esse intelliget, ut si quæ Concionator est, & præco veritatis spectetur, sit ipsomet Rege longè superior. Quod enim à Domino dictum est Ieremiæ, *Constitui te super gentes, & super regna*, non ad Ieremiam dumtaxat pertinet, sed ad omnes qui vquam sunt Concionatores, qui idem in Ecclesia Dei cum Ieremia munus exercent, qui propterea diuo Gregorio teste illud Mosis dictum ad Pharaonem usurpare possunt, *Vsq̃uequo non vis subijci mihi?**

D. Greg.
lib. 7. moral.
c. 22.
Exod. 10.
3.

hi? Nam vt idem Gregorius ait. *In electorum oraculis quidquid temporaliter eminet, alium non est, nam veluti in magni vertice montis siti, præsens vita plana despicitur: Unde & nullis contra veritatem potestatibus parant, sed quos attolli per elationem conspiciunt, per spiritus auctoritatem premunt.* Ita Gregorius. Si ergo status sui conditionem Concionator agnoscat, confirmabit animum, timoremque minuet, maioris præsertim Principis metu sibi proposito, & Dei nimirum ipsius, cuius imperio concionatoribus magna necessitas imposita est enuntiandæ veritatis. Quis enim potius timendam putauerit faciem potentium præsentissimum etiam periculum denuntiantem, quàm Deum? cuius illa sunt verba apud Ezechielem. *Si dicere me ad impium, morte morieris, non annuntiaueris ei, neque locutus fueris vt auertatur à via sua impia, ipse impius in iniquitate sua morietur, sanguinem autem eius de manu tua requiram.* Si autem tu annuntiaueris impio, & ille non fuerit conuersus ab impietate sua, & à via sua impia, ipse quidem in iniquitate sua morietur, tu autem animam tuam liberaasti. An vllus adeò demens inueniri potest, vt aliena crimina multa, & grauius, qualia potestate Regia abutentiū esse solent, tanquam sua velit arcessere, & alienum peccatum, quod cupiebat Scūil, dissimulando portare sustineat, cum nullus inueniri possit, qui tam diligenter conscientia sordes eluerit, tam castè vixerit, & sanctè, vt nulla in extremo illo iudicio, cui fidei sumus omnes, formidandi materia supersit? Quanto facillius est, & melius contra inanes istos timores obfirmare frōtem, & Nathan Domini propheta tam imitari, qui Dauidi dicere non dubitauit: *Tu es ille vir qui fecisti hanc rem: & quando Domini*

Ezech. 3.
18.

2. Reg. 17.
25.

2. Reg. 17.
7.

Exod. 32.
Vide D.
Greg. 3.
Pastor. c.
28.

gladio, hoc est verbo Dei femur accincti sunt, Leuitarum illorum more, qui per Israël's castra, de porta ad portā idololatrias obtruncando Moyse præcipiente discurrerunt, ita æqualiter in omnes, pauperes, & diuites, nobiles, & obscuros aciem veritatis exerere, ut nemini parcat, quā animo timore contracto, grauissimis pœnis obnoxios fieri. Ex his autem satis intelligitur quanto in periculo versentur Cōcionatores aliqui, aut Confessarij, qui potentibus, & principibus viris securitatem quandam, & impunitatē pollicentur, cum tamē mortiferis criminibus obstringantur: contra verò tenuioris fortunæ homūculos, à quibus nihil sperant, aut timent, quos benignè tractari christiana charitas suadet, seuero vultu, & verbis asperioribus accipiunt, istos æternæ mortis denuntiatione terrent intempestiuē, illis cum serpente dicunt. *Nequaquam moriemini.* Hoc enim est diuersis ponderibus eadem peccata appendere, contra quam faciendū præcipitur in scriptura, cum dicit, *Non habebis in sacculo diuersa pondera, maius, & minus, nec erit in domo tua modius maior, & minor. Pondus habebis iustum & verum, & modius aequalis, & verus eris tibi, ut multo vinas tempore super terram, abominatur enim Dominus Deus tuus eum, qui facit hæc.* Cum enim qui peccatis mortiferis tenentur, graues cum Deo, qui omne genus iniquitatis detestatur, gerāt inimicitias, pacē tamen iam conciliatam esse pronuntiant, eosque securos reddūt, quos maximē trepidos esse conueniret, & de expiando crimine, numinēq; propitiando, sollicitos.

Genes. 3.1.

Genes. 3.1. *Nequaquam moriemini.* Hoc enim est diuersis ponderibus eadem peccata appendere, contra quam faciendū præcipitur in scriptura, cum dicit, *Non habebis in sacculo diuersa pondera, maius, & minus, nec erit in domo tua modius maior, & minor. Pondus habebis iustum & verum, & modius aequalis, & verus eris tibi, ut multo vinas tempore super terram, abominatur enim Dominus Deus tuus eum, qui facit hæc.* Cum enim qui peccatis mortiferis tenentur, graues cum Deo, qui omne genus iniquitatis detestatur, gerāt inimicitias, pacē tamen iam conciliatam esse pronuntiant, eosque securos reddūt, quos maximē trepidos esse conueniret, & de expiando crimine, numinēq; propitiando, sollicitos.

Ezech. 13.

7.

Ezech. 13. *Nunquid non visionem cassam vidistis, ait Dominus apud Ezechielem, & diuinationem mendacem locuti estis? & dicitis, Ait Dominus, cum ego non sim locusus.*

Pro

Propterea hac dicit Dominus Deus: Quia locuti estis vana, & vidistis mendaciū, ideo ecce ego ad vos dicit Dominus Deus: Et erit manus mea super prophetas, qui vident vana, & diuināt mandacium, in consilio populi meo non erunt, & in scriptura domus Israel non scribentur, nec in terrā Israel ingredientur, & scietis quia ego Dominus Deus. Eo quod deceperint populum meū dicentes: Pax, & non est pax, & ipse edificabat parietem, illi autem lineabant eum luto absque paleis. Dic ad eos qui liniunt absque temperatura, quod casurus sis, eris enim imber inundans, & dabo lapides praevalidos desuper irruentes, & ventum procella dissipante. Si quidem ecce cecidit paries, nunquid non dicitur vobis: Vbi est litura quā liniistis? Hæc propheta. Israelitarum enim populus inclinati muri, & multas rimas agentis instar habebat, multis enim grauibque sceleribus vetus illa sanctitas, & pura vnus Dei Religio labem fecerat, cumque tam malè habitus paries omni ex parte ruinam minaretur, Dei præsertim vindicta illum subruente, & euertente, hoc etiam malum omnium maximum addebatur, quod quo statueres essent, populus ipse non intelligebat, & propheta qui periculum retegere debuissent, confirmabant potius populi securitatem, falsis, infirmisque rationibus, quas Dominus lutum appellat absque paleis. Quod ut intelligatur, sciendum est, consuetudinem esse in quibusdam regionibus, ut palea comminuta, & contrita luto permisceantur, ut quod tenue est ac solutum, spissius fiat, & coactius; quam consuetudinem usurpatam fuisse in Aegypto à coctilium laterculorum formatoribus filiis Israel discimus ex libro Exodi. In hos igitur inuehitur Dominus, qui ne

Exod. 5.

scitentibus afferrent, eos à periculorum suspitione auerrebant, quibus tamen paulo post repentinus superuenturus erat interitus ad eum planè modum, quo male materiatus paries, ventis, aut imbribus, aut incumbentis machinæ impetu ruinam trahit, etiam si bene læuigato tectorio, rem externa superficie tantum æstimantibus, procul à periculo positus crederetur. Nullius ergo tanta potentia esse debet, vt à recto tramite gratificandi studio, aut offendendi metu Concionatorem abducatur. Sed nec vilius quantumvis docti viri tam grauis auctoritas, vt bene perspectam ac penitus cognitam veritatem, prodere persuadeat. Fieri enim potest aliquando vt non tam Confessarium commoueat turba satellitum circa se fremētium, quàm auctoritas conturbet docti alicuius viri, scientia sua abutentis, & in communione sceleris alios attrahere satagentis. Sic propheta simplicitati alius illusit propheta, persuasitque vt interrupto itinere quod diuino iussu susceperat, & priusquam cibum caperet, conficere debuerat, ad se diuerteret & pranderet. *Et ego, inquit, propheta sum similis tui, & angelus locutus est mihi in sermone Domini, dicens, reduc eum tecum in domum tuam, vt comedat panem, & bibat aquam, fefellitque eum, & reduxit secum, & comedit.* Qui tamen culpæ affinis fuit, cum statim omni spiritui credendum non sit, quod præsertim tunc habet locum, cum quis diuina reuelatione aliquid est edoctus, cui contrarium aliquid temerè credere, aut moliri absque peccati labe esse non potest; vt suo malo propheta hic de quo loquimur expertus est. Nam abeunti leo occurrit, à quo interfectus est, nec cadauer illius in patrum suorum sepulchrum illatum est

3. Reg. 13.
18.

vt

vt seductor propheta prædixerat. Quia, inquit, Ibid. n. 17.
non obediens fuisti ori Domini, & non custodisti man-
datum quod præcepit tibi Dominus Deus tuus, & re-
uersus es, & comedisti panem, & bibisti aquam in loco in
quo præcepit tibi ne comederes panem, neque biberes
aquam, non inferetur cadauer tuum in sepulchrum Pa-
trum tuorum. Cumque comedisset, & bibisset strauit asi-
num suum propheta quem reduxerat, quia cum abiisset
inuenit eum leo in via, & occidit, & erat cadauer eius
proiectum in itinere, asinus autem stabat iuxta illum, &
leo stabat iuxta cadauer. Est autem in hac historia
 egregiè expressum exemplar eorum, quæ à Prin-
 cipibus viris cum Confessariis, aut Theologis ge-
 rantur. Quemadmodum enim hospitem suum
 propheta, qui habitabat in Bethel, omnibus arti-
 bus in fraudem inducere conatus est, & postea
 cum eum fefellisset, peccatum quod ille suscep-
 rat exprobrauit, & mala etiam pronuntiauit quæ
 illum essent exceptura: ita Principes cum à Do-
 ctoribus extorserunt, vt pro mendacio stent con-
 tra veritatem, quam perturbatione aliqua oppu-
 gnatum iuerant, postquam tumor ille tandem
 resedit, contemptui habent, nec eos vt causæ suæ
 propugnatores fouent, sed vt veritatis deserto-
 res auersantur, vilesque animas esse deputant, pro
 tantula pecunia salutem æternam licitantes: con-
 tra verò eos quos erectos viderint, & excelsos,
 quibus veritatis tutelam nulla vis potuit excu-
 tere, quique intrepidi, & inconcussi etiam telis
 nocentissimis, exilij, carceris, plagarum petiti, se
 commoueri passi non sunt, virtutis miraculo ad-
 mirationi esse incipiunt, illisque tandem Prin-
 cipes æquiores facti, maiori quàm vnquam fuerint,
 sunt in pretio, eosque prolixioris beneuolentiæ
 signifi

284 *Institutio politica ex sacris Scripturis.*

significationibus complectuntur. Quoniam verò non semel hoc capite Concionatoribus animi constantiam, dicendique libertatem commendavi, eos monitos volo (quod etiam supra me dixisse memini, cum de Principis magistro sermo esset) fortitudinem hanc ita temperandam esse, vt cum increpatione, si quando adhibenda sit, lenitatem admisceat; eosque, vt S. Paulus docet, *instruat in spiritu lenitatis, increpétque in omni patientia,* vel vt in Græco est *μακροθυμία* longanimitate: vt enim D. Augustinus ait in locum illud ad Galatas scribens, *quidquid lacerato animo dixeris, punientis est impetus, non charitas corrigentis.* Quare sermoni suo ita debent moderari Confessarii, & Concionatores, vt in vitia inuehi eos voluisse omnes intelligant, nullo verò modo peccantis personam acerbiori reprehensione perstringere: quod mihi mirum quâtum sapienter præstitisse videtur propheta à Domino missus ad Ieroboam filij Nabath castigandam impietatem. Nam Ieroboam stante super altare, & thus iaciente, exclamavit contra altare in sermone Domini, & ait. *Altare, Altare, hac dicit Dominus. Ecce filius nascetur domui David Iosias nomine, & immolabit super te Sacerdotes excelsorum, qui nunc in te thura succendunt, & ossa hominum super te incendet. Deditque in illa die signum, dicens: Hoc erit signum quod locutus est Dominus. Ecce altare scindetur, & effundetur cinis qui in eo est.* Cur enim propheta ad altare potius sermonē conuertit quàm ad Regem, qui vtpote peccati auctor appellandus potius videretur? Ob eam nimirum causam, vt ipse Rex omnésque intelligerent increpatione illa peccatum potius ipsum peti, quàm sceleris auctorem Ieroboamū; quem alioqui nec odisset Dominus,

neg

Galat. 6. 1.

1. Tim. 4.

2.

3. Reg. 13.

1.

nec propheta reprehenderet, nisi nefario idololatriæ piaculo, se populûmque suum contaminasset. Sed quia, vt dixi, de hac dexteritate agendi, nonnulla diximus alibi, quæ huc commodè transferri possunt, in præsentia ista sufficiant.

4 Porro antequam caput istud claudamus, aliud præceptum tanquam laciniam atrexamus oppido quam necessarium, vt nimirum fines sui muneris, quod est spiritualia tractare, Concionator nulla ratione transiliat, nec operam suam polliceatur, aut impendat iis, quæ à sacrarum tractatione litterarum auocare possunt. Nam si sui immemor se negotiis sæcularibus tradere sustinuerit, nec ab illis se vindicare poterit cum voluerit, vt sibi vacet, & studiis; nec inuidiam effugiet obtrectationesque multorum, qui cum Sacerdotes aulam terrentes aspiciunt, stomachantur, remque indignam putant, si qui negotiis secularibus vale dixerunt, iterum in aula se illis implicare non dubitent, contra Apostoli præscriptum, dicentis, *Nemo militans Deo implicat se negotiis secularibus.* Quemadmodum enim qui viuunt in Castris seuera militiæ disciplina continentur, nec suis aut familiæ commodis seruire possunt, in id tantum intenti, vt strenuè depugnando victoriam contra Principis hostes consequantur; ita qui Deo mancipatus sub illius vexillis militauerit, non matrimonia in aula conciliantibus, non persequentibus, aut periclitantibus in iudiciis, non ad ampliores dignitates promoueri cupientibus adesse debet, falsâ quadam deceptus specie charitatis, sed in contenti illa fluctuum aulicorum volutatione se sibi asserere, & quasi à terra cum Christo Domino *pusillam reducere*, ne circumstantium negotiorum turba

Concionatorem suum tantum muneris operam dare debere, nec se aula negotiis immiscere.

2. Tim. 2.

4.

Luc. 5. 3.

turba adeo prematur, quin orationi, aut sacrarum litterarum studiis operam dare queat; sique aliquis ex aulicis, spiritualibus auxiliis iuuare velit, ex proximo à concionatore petere possit, illud tantum spectans vt peccatorum pestes quantum potuerit profliget, & verbi gladio iugulet monstra vitiorum, sic enim fiet vt plurimis sit utilis, nullis inolestus, omnibus verò iucundus, & gratus, amplioremque sibi in dies campum diuinæ gloriæ promouendæ, cui tantum seruire debet, patefaciat. Qui verò iniquius ferunt religiosos viros à Principibus adhiberi, ac propterea eos ab aulis omnino submotos vellent, parum æqui rerum æstimatores censendi sunt; cum Christianæ philosophiæ professores Principum animos ad virtutem erudiendo, & concionibus, spiritualibusque monitis iuuando, rem faciant honestatis, Reipublicæ, humanitatisque studio homini conuenientem, non vt quidam falsò opinantur, ambitioso. Ac quemadmodum Sacerdotes, qui inter Deum, & homines, quasi interpretes quidam sunt, *pro hominibus constituti in iis, que sunt ad Deum*, propterea honore colendos existimamus, quòd bona à Deo non sibi tantum suisque amicis, aut familiaribus, sed in commune ciuibz omnibus vniuersæque Reipubl. precantur, cum tamen Deum suapte natura ad benefaciendum propensum, & beneficum, & largitorem non faciant, sed tantam precibus, & sacrificiorum oblatione, placare, & ad benefaciendum inclinare studeant, quidni Sacerdotes, Confessarios, & Concionatores existimemus esse Reipubl. utiles, honorèque dignos, cum Principes, qui Deorum quorundam instar habent in terris, non vt libera-

liter

Hebr. 5. 1.

liter agant, aut iustè iudicent cum se obtulerit occasio has virtutes exercendi, precibus obtinēt; sed vt habitu virtutis contracto moderati sint, liberales, iusti, monendo, instituendo, à vitiis reuocando, efficiunt? Nam ad hunc modum Elias, Elifæus, & vt alios præteream, Ioann. Baptista, Regum aulas frequenter adiuerunt, nec sibi religioni duxerunt solitaria, & ab hominum frequentia reductæ vitæ quietem quam adamarant, cum actuosæ laboribus coniungere, sed è suis spelæis, in quibus sibi & Deo vacabant, cum res postulabat, ad Regum palatia ciliciis paludati, & paupere pellium amictu intecti veniebant, nec à suis consiliis vitæque ratione alienum existimabant, si aberrantes reuocarent ad virtutis semitam, morum corruptelas tollerent, contumacium etiam superbiam diuini spiritus efficacitate comprimerent. Itaque qui eodem spiritu ducti, aut è monasteriis à Principibus euocati, aut à moderatoribus suis emissi Christianos mores inter aulicos serere conantur, rem sanè honestam faciunt, & veterum illorum prophetarum gesta, quos sanctitatis miraculo omnis antiquitas admirata est, cum laude æmulantur.

*Principes Virtutis, ac præsertim
Religionis cultores diutius
serè viuere.*

CAPVT VIII.

NOtius est quàm vt probandum sit, Principes strenuos virtutis cultores, religio- *Sanctos Vi-
ros vt Da-*
sequē

uid & Iob
ex impiorū
prosperita-
te quasi
scandalum
passos esse;
eosdem ta-
mē eorum-
dem infor-
tunia de-
scripsisse, ac
præsertim
immaturā
mortem, ex
quo diuina
asseritur
providētia.

Psal. 33.

11.

Deut. 17.

20.

Iob 22. 14.

Iob 22. 17.

Ibid. n. 18.

Sap. 4. 19.

scēque inquirentes Dominum, non minui omni bono, potentiam, victorias, gloriam, pacem denique conciliante pietate. Nulla tamen re magis delectantur homines quàm diuturnioris vitæ expectatione; hanc enim si Dominus pacatam à iactationibus, quæ Respubl. nonnunquam perturbant, Principibus concesserit; putant se bonorum omnium quæ in hac vita haberi possint, cumulum complexionēque consecutos. Itaque Dominus in Deuter. cum futuri olim in suo populo regis institutionem traderet, ea præsertim commendans, quæ ad religionis ceremoniarumque præscriptarum obseruationem pertinent, tandem addit: *Neque declinet in partem dexteram vel sinistram, ut longo tempore regnet ipse & filius eius super terram.* Dominus enim qui sua prouidentia rebus humanis interest, nec, ut impij fabulantur, *Nubes latibulum* quoddam in eis sibi constituit, *nostra non considerans, & circa cardines cæli otiosus perambulans*, quos videt eorum vestigiis insistere, *qui dicebant Deo: Recede à nobis, & quasi nihil posset facere omnipotens, aestimabant eum*, coërcet eos pari poena; nam ut illi *sublati sunt ante tempus suum, & fluuius subuertit fundamentum eorum*, cataclysmi aquis vitam ante tempus ab ipsis fundamentis subruente, & euertente, ita hos *disrumpit inflatos sine voce, & commouet eos à fundamentis*, adeo ut usque ad supremum desolentur. Hoc enim ad diuinæ prouidentie rationem pertinet, ut eos principes, qui nullos habent in terris à quibus coërcerentur, nec se tamen à praua malè agendi consuetudine abduci patiuntur, more sapientis medici, qui membrum abscindit priusquam totū corpus lues importuna peruaserit, quasi funestam Reipubl. pestem,

pestem, dum se morbo gliscente latiùs diffundere parat, præcidat in tempore. Id autem præstare Dominum discimus ex libro Ecclesiastici, in quo hæc legimus: *Omnis potentatus brevis vita, languor polixior grauat medicum; breuem languorem præcidit medicus, sic & Rex hodie est, & cras morietur.* Ecclef. 10. 11.

Quorum verborum ea sententia est quam dixi. Principibus nimirum, qui impotenti dominatione populos premunt, suntque in homines parum iusti, in Deum verò parum religiosi, multo ceteriorem vitæ terminum à Deo constitui, quàm iis, qui in populos subiectos æqui sunt, & diuini numinis reuerentes; imitarique Deum medicos, qui breuem languorem præcidunt, hoc est recenti, & nondum confirmatæ medentur ægitudini, ne si ægrotus in prolxiorem incidat languorem, fiat morbus omni arte validior; atque propterea inde fieri, vt Rex aliquis hodie sit inter viuos, sed repente è vita eripiat, cum tamen annos, non scelera computanti morti immaturus videri possit. Sed nimirum Dominus, qui rebus publicis consultum vult, *Non relinquit virgam peccatorum super sortem iustorum, vt non extendant iusti ad iniquitatem manus suas;* quia licet ad virgam sceptrumque tractandum veniant in altum sublati, suo tamen malo ad istos dignitatù gradus attolluntur, nam casu grauiore ruunt: Dominus enim *deiciat eos dum alleuantur.* Psal. 72. 18.

Id autem eo consilio à Domino fieri docet Dauid, ne forte qui virtutis cultores fuerant, ab ea deficiant, impiorum prosperis successibus commoti, qui cum ista vident, sollicitantur *ad extendendas ad iniquitatem manus suas.* Nam non vulgus tantum imperitum immeriti prauorum hominum honores, resque prosperè fluentes

T

pertur

perturbant, sed etiam candidatos interioris sapientiæ, quales erant sanctus David, & Iob, qui pluribus verbis scelestorū fœlicitatem describentes, diuinam quodammodo prouidentia requirere videbantur, quasi rem indignā faceret Deus, qui cum nullo negotio zizania hæc inter triticū succrescentia posset enellere, ad ea tamen demetenda potentia suæ falcē non molitetur. *Quare ergo impij*

Iob 11. 7. *vinunt, inquit Iob, subleuati sunt, confortatique diuitiis, semen eorū permixtū coram eis, propinquorum turba, & nepotū in conspectu eorum? Domus eorum secure sunt, & pacata, & non est virga Dei super illos. Bos eorum concept: & nō abortiuit, vacca peperit, & non est priuata fœtus suo. Egrediuntur quasi greges pascui eorum, & infantes eorum exultant lusibus. Tenent tympanum, & citbara, & gaudent ad sonitum organi. Ducunt in bonis dies suos, & in puncto ad inferna descendunt. Nec his dissimiles querelas, similis Davidis dolor euocauit, Zelanti,*

Psalm 71. 3. *inquit, super iniquos pacem peccatorū videns, quia non est respectus morti eorū (quia scilicet mortē, non respiciendā nanciscuntur, est enim in Græco ἀνάγκη reuultus, despectus, repulsa) & firmamentū in plaga eorum: si enim aliquando morbis, aut aliis huius vitæ malis tentantur, illico conualescunt, nec admodum diuturna est illa vexatio. In labore hominū non sunt, & cum hominibus non flagellantur, cæ enim molestiæ quibuscū ceteri homines conficiantur, illos non attingunt, Ideo tenuit eos superbia, operti sunt iniquitate, & impietate sua, prodiit quasi ex adipē iniquitas eorum, magna scilicet abundantia se effundens: transierunt in affectum cordis, cum essent ea quæ in hac vitā suis affectibus oprauerant, consecuti: Cogitauerunt, & locuti sunt nequitiam, iniquitatem in excelsis locuti sunt, posuerunt in*

calo os suum, ausi cœlestia, & diuina scelerata lingua incessere, & lingua eorum transiit in terra, minus enim hominibus parcebant, qui Deum ipsum blasphemis verbis impetere non dubitabant. Ideo conuertetur populus meus hic, ad hæc scilicet consideranda, & quomodo se habeant perpendenda, & dies pleni, calicis scilicet, vt Hebræi interpretantur, inueniuntur in eis, plenæ nimirum afflictionis. Et dixerunt, quomodo scit Deus, & si est scientia in Excelsis? Habet ne rerum humanarum procurationem Deus? Agnoscit ne ista, & si agnoscit vt sanè agnoscit, cur impunè abire permittit? Ecce ipsi peccatores, & abundantes in sæcula obtinuerunt diuitias, & dixi: Ergo sine causa iustificauit cor meum, & laui inter innocentes manus meas, & fui flagellatus tota die, & castigatio mea in matutinis. Frustra igitur cultor pietatis fui, & innocentia, ab omni scelerum contagione abstinens, cum mihi modo malè sit, & nulla vitæ pars ab infortuniis vacet; quæ domum meam quodammodo videntur obsidere, & cum primum euigilo, in me imperum faciunt.

Hæc sancti viri Iob, & Dauid, quorum pene moti Ibid. n. 2.

pedes, & gressus effusi sunt, quasi dubitare cæperint, an Deus rebus humanis sua prouidentia prospiceret. Sed tandem re meliùs interiùsque perspecta, abstulit Deus hunc turbatarum mentium tumultum, nam si sanctus Dauid cum illa omnia quæ recitauimus pronuntiaffer, subdit; Si dicebam, narrabo sic, ecce nationem filiorum inuorum reprobauit, hoc est. Si ita de tota ista re statuo, prouidentiamque diuinâ tollo, iam omnes filios Dei, qui illam agnoscunt, & fatentur damno, quod tamen vt faciam animus refugit. Existimabam, & mecum ipse diligenter reputabam, vt cognoscerem

Ibid. n. 15.

hoc, sed quia difficilis admodum, & implicata questio est, *labor est ante me*, nec illam euoluere potero, donec intrem in *sanctuarium Dei*, & ad illius secreta intelligenda admittar, & intelligam in *no- uissimis eorum*, diligenter cōsiderando, quem finem tandem impij nanciscantur. nec enim ista certior vlla ratio iniri potest, qua diuinam prouidentiam humana ista moderari intelligamus. *Veruntamen propter dolos posuisti eis, deiecisti eos dum alleu- rētur.* Quia enim pauperes, ac innocentes circum- uenire, & dolos in eorum perniciem neſtere stu- duerunt, tu, vt diuina tuæ prouidentię specimen dares, effecisti, vt doli impiorum in eorum capita reciderent, eosque dum honoribus, diuitijsque sublati superbirent, accisis eorum viribus deieci- sti, & ad terram afflixisti: quisque felicitatis mi- raculo ab alijs suspiciebantur, nunc è conuerso instar ciuitatis bellicis machinis disturbata, & euerſa, cuius nihil superest præter ruinas anti- quæ testes magnitudinis, & potentię, eos bonis omnibus, quibus florebant evertisti: nam, *quo- modo facti sunt in desolationem subito defecerunt: perie- runt propter iniquitatem suam, velut somnium surgentium Domine, in ciuitate tua imaginem ipsorum ad ni- hilum rediges.* Adeo enim cito fœlicitas eorum euaneſcet, vt somnij cuiusdam instar habitura sit, quo nihil inanius esse potest, cum huius mundi figura non prætereat modo, sed præteruolet, & illi fidentes deludantur, & tranſuerſi agantur, tu verò Domine imaginum istarum quas sibi homi- nes fingunt, inanitatem reſeges, & quantopere falsi fuerint, qui ludicra ista, & lenia ſectabantur, ostendes. Nam *Tu Deus deduces eos in putrem inte- ritus, virique sanguinum, & dolosi non dimidiabunt dies*

dies suos, neque permanebit spiritus tuus, vitæ scilicet, in homine huiusmodi, quia caro est, cum tantum carnalia sapiat, Deumque & spiritualia nihili pendat. Contra verò religiosos, & sanctos in hac vitâ replebis longiudine dierum, & in alia, ostendes saluare tuum quo plenam habeant, & cumulatam bonorum omnium complexione felicitatem. Sanctus etiam Iob post eorum bonorum enumerationem, quibus iniquos abundare dixerat, adeo illis non esse inuidendum docet, vt etiam sit eorum conditio deprecanda. nam & cum multis ærumnis in hac vitâ consistantur, & imminatura morte rapiuntur è viuis, & tandem ad æternos inferorum cruciatus destinantur. Verumtamen, inquit, quia non sunt in manibus eorum bona, sed vicissitudines etiam ipsi experiuntur, malis & ærumnis prosperitates, & res secundas excipientibus, consilium impiorum longè sit à me. quoties lucerna impiorum extinguitur, & superueniet eis inundatio, vt iis similes sint, qui in mari deprehensi, cum diem nubes eripiunt & salum ventis impellentibus commouetur, quid consilij capiant, timore perculsi penitus ignorant, illis enim Dominus dolores diuidet furoris sui, erunt sicut palea ante faciem venti, & sicut fauilla, quam turbo dissipat. Deus seruabit filiis illius dolorem patris, vt non in se ipsis tantum, sed in prole etiam quam susceperint, impij puniantur, & cum reddiderit, tunc sciet: cum enim grauissimas pœnas dederint, tunc tandem quam graues sint, & atroces intelligent, neque enim ij satis quid sint assequi possunt, qui experientia monstrante non didicerunt. Videbunt oculis eius interfectionem suam, & de furore omnipotentis bibent: nam ante tempus, cum adhuc sensus

Genes. 6. 3.

Psal. 90. 16.

Iob 21. 16.

vigent senectute nondum hebetati, & retusi, cum adhuc melior sanguis in venis turget, quasi bruta quædam animalia ad macellum trahentur, & ipsi suæ interfectionis spectatores erunt, quod iis non accidit, qui morte minus violenta in senectute bona moriuntur, sensibus, ac viribus paulatim deficientibus, & languentibus. *Quid enim ad eum pertinet de domo sua post se, & si numerus mensium eius dimidietur? Quamvis enim filiorum pœna ad parentes, qui cum illis magno amoris nexu coniuncti sunt, aliquo modo pertineat, tamen in se ipsis puniendi sunt, & de medio tollendi, violenta morte immissa, dum annis florent, & rebus; vt illis planè accidat quod in eodem*

libro Iob legitur, Antequam dies eius impleantur peribit, & manus eius arescent, cadetur quasi vinea in primo flore botrus eius, & quasi oliua proiciens florem suum, à qua nimirum prius decidunt flores, quàm debitum capiant incrementum, & suam maturitatem assequantur. Hæc S. Iob, cui concinit Salomon, qui mortem malis ante tempus imminentem, eosque de medio tollentem peruidens, ab impietate, & à stultitia, quibus vocibus in scriptura omne genus peccati significatur, sed præsertim illud quo in religionem contra Deum peccatur, de quo propriè dicitur quod Impij fini multum qui illud admittunt, auertere satagens, Ne impiè agas multum, inquit, & noli esse stultus, ne moriaris in tempore non tuo. Quem locum aliqui ita interpretantur, vt mori tempore nō suo, idem sit ac tunc extingui, cum minus putauetas. Improbi enim quamvis longissimam vitam duxerint, in mortis tamen expectatione nunquam sunt, quam adhuc plurimum distare putant, atque ita mors

semper

Iob 15. 32.

Eccles. 7.
18.

semper illis præcox esse videtur, & immatura, certe inopinata, & ingrata, quippe quæ tempore non suo, id est non eo quod ipsi mente, & cogitatione præceperant, sed alio ut ipsis videtur importuno aduenerit. Ut cuidam ex hoc stultorum numero accidisse dicitur apud Lucam, cui cum
 Luc. 12. 20.
 vberes fructus ager attulisset, cogitabat intra se dicens: *Quid faciam quia non habeo quo congregem fructus meos? & dixit: Hoc faciam: Destruiam horrea mea, & maiora faciam, & illuc congregabo omnia que exata sunt mihi, & bona mea, & dicam, anima mea. Anima habes multa bona posita in annos plurimos, requiesce, comede, bibe, epulare. Dixit autem illi Deus. Stulte hac nocte animam tuam repeiunt à te, qua aurem parasti cuius erum? Quamquam autem hoc verissimum est, sensus tamen sapientis esse videtur, ut alij plures explicant, ut nimirum impij tempore non suo extingui dicantur, quia plerique eorum moriuntur morte intempestiva, violenta, & anticipata, & ante naturalem vitæ terminum quem attingere potuissent. Id autem verissimum esse filiorum Heli Sacerdotis probat historia, qui cum eo deuenissent impudentiæ, & impietatis, ut ritum sacrificiorum, sanctissimasque religiones perturbarent, idque vi etiam sacrificia oblaturis intentata, ita ut esset peccatum
 1 Reg. 1.
 17.
 puerorum grande nimis coram Domino, quia retrabant homines à sacrificio Domini, ut scriptura ipsa testatur, ita Samuelem alloquens comminatus est Dominus, Helique Sacerdoti sacrilegorum illorum parenti suis verbis renuntiari iussit, Ecce dies venient, & pradicam brachium tuum, & brachium domus patris tui, ut non sit senex in domo tua: & videbis annulum tuum in templo, in vniuersis prosperis
 Ibid. n. 31.*

296 *Institutio politica ex sacris Scripturis.*

Israël, & non erit senex in domo tua omnibus diebus. Et pars magna domus tue morietur, cum ad virilem aetatem venerit. Hoc autem erit tibi signum quod venturū est duobus filiis tuis Opimi, & Phinees: In die uno morientur ambo. quod accidit cum arca capta à Philistæis, uterque ab hostibus cæsus est, ut quæ euentura prædixerat Dominus, ipso adhuc superstitite patre adimplerentur, omnesque intelligerent verissimum esse quod ab Ezechiele dictum est contra Ciuitatem idolis seruientem: In idolis tuis quæ fecisti polluta es, & appropinquare fecisti dies tuos, & adduxisti tempus annorum tuorum: quia enim religione conculcata, diuinique numinis legitimo cultu posthabito, ad idola conuersa es, eaque pro diis habuisti, propterea tuo hoc scelere vitæ tempus tibi breuius, & contractius fecisti, ita impietatem tuam Domino vindicante. Hoc enim genus hominū iusto Dei iudicio non infrequenter sicut fenum rectorum priusquam euellatur exarescit: contra verò iusti & pij homines, quibus religio cordi est, tanquam lignum quod plantatum est secus decursus aquarum, esse solent, quod non modo aeternissima foliorum viriditate conuectitur, sed etiam fructum suum dat in tempore suo, nec sunt ut oliua illa quam dicebat Iob proicere florem suum, illum scilicet amittere, sed ad debitam maturitatem, hoc est ad bonam, & fructibus iustitiæ plenam senectutem perueniunt, de qua paucula quædam ex scripturis more nostro excerpta subiiciemus.

Ezech. 22.
4.

Psal. 128.
6.

Psal. 1.3.

Iob 15.32.

In scriptura de quibusdā sanctis dici quod mul-

2 Sacra ergo Scriptura de aliquorum virorum sanctitatis laude insignium morte verba faciens, hoc de senectute quam attigerunt adiunctū non prætermisit, nam de Abraham dicitur in Genesi,

&

& deficiens mortuus est in senectute bona, prouectusque
 atatus, & plenus dierum. De Isaac etiam eius filio
 dicitur eod. libro, & completi sunt dies Isaac cen-
 tum octoginta annorum, consumptisque atate mortuus
 est, & appositus est populo suo senex, & plenus die-
 rum. Dauid etiam senex dicitur in libris Paralip-
 pomenon, & de Iob ita scribitur in extrema il-
 lius historia: *Vixit autem Iob post flagella hæc cen-
 tum quadraginta annis, & vidit filios suos, & filios
 filiorum suorum usque ad quartam generationem, & senex
 mortuus est senex, & plenus dierum.* De utroque
 etiam Tobia idem notatur in scriptura. De se-
 niore quidem cum dicitur, & postquam illumina-
 tus est Tobias, vixit annis quadraginta duobus, & vi-
 dit filios nepotum suorum. Completis itaque annis cen-
 tum duobus sepultus est honorifice in Ninive. De iu-
 niore autem eodem capite ita legimus, Factum
 est autem post obitum matris sue, Tobias abscessit à Ni-
 niue, cum uxore sua, & filiis, & filiorum filijs, & re-
 uersus est ad socios suos, inuenitque eos incolumes in se-
 neclute bona, & curam eorum gessit, & ipse clausit
 oculos eorum, & omnem hereditatem domus Reguelis
 ipse percipit, viditque quintam generationem, filios filio-
 rum suorum, & completis annis nonaginta nouem in
 timore Domini, cum gaudio sepelierunt eum. Agnos-
 cit ergo scriptura, & prædicat tanquam Dei be-
 neficium inligne ut reuera est, vitæ diuturnita-
 tem, cum præsertim vegeto corpore, & sensibus
 integris spatium illud totum decurritur, ut iis
 accidit quos enumeravi, & peculiariter exprimi-
 tur de Moyse in libro Deuteronomij cum dici-
 tur, *Moyse centum & viginti annorum erat, quando
 mortuus est, non caligauit oculus eius, nec dentes illius
 moti sunt.* Septuaginta verterunt, neque corrupti
 sunt.

tum vixe-
 rint, & eadē
 mortuū
 sint in se-
 neclute bo-
 na, & pleni
 dierum, quod
 pietati, &
 in Deū re-
 ligioni ac-
 ceptum re-
 ferendum
 ostēditur.
 Genes. 25.
 8.

Genes. 35.
 29. *Paralip.*
 1. *Paralip.*
 23.
 Iob. 42. 16.
 Tob. 14. 1.
 Ibid. n. 14.

Deut. 34.

298 *Institutio politica ex sacris Scripturis.*

sunt libro eius, Chaldaeus, neque mutatus est splendor gloriae vultus eius, Vatablus, & Caietanus, Maxilla eius nihil defecerant, vel, *Nec emarcuerat viror eius*, vt scilicet Moyse grandaeuo viridis & cruda senectus esset, corpus validum, vires integrae facies non exsucca, & arida, vt senibus esse solet, sed succulenta, & florida. Hoc autem in omnibus his quos recensui pietatis praemium fuisse quis dubitet? Genus quoddam sacrificij instituebat Abraham, vaccis, arietibus, auibusque iuxta Domini praecceptum mactatis, & quia suas hasce victimas volucres inuolabant, in illis abigendis adeo fatigatus est, donec illum labore maceratum somnus complexus est, cumque sol occumberet,

Genes. 15.

12.

inquit scriptura, *sopor irruit super Abraham, & horror magnus, & tenebrosus inuasit eum, dielumque est ad eum, scito praeuolens, &c.* Et paulo post, *Tu autem ibis ad patres tuos in pace sepultus in senectute bona.* Tunc ergo potissimum Abrahamo vitae longioris facta per somnium, aut vt vertunt Septuaginta, *Ecstasim*, promissio est, cum sacrificij laborem somnus excepisset, vt intelligeremus frequenter pietatem hoc ferre praemium, vt in hac etiam vita diuturna foelicitate perfruatur. Idem verò de ceteris iudicium esse debet. Quis enim

Genes. 24.

63.

& egressus fuerat ad meditandum, Kaldæus, ad orandum in agro inclinata iam die. Cui eximia Dauidis in Deum religio, & pietas, vel ex Regum historia, vel ex libro psalmorum perspecta non est? qui verè prædicat de se ipso *sepius in die se Deo laudem dixisse*, idque non interdum tantum,

Psal. 118.

164.

aut

rat matutino tempore (nam etiam hoc tempus ad orandum valde idoneum oratione vacare non permittebat) sed etiam nocte concubia, cum reliqui homines diurno labore fracta membra componunt ad quietem, vigilabat ipse, *nam media nocte surgebat ad consistendum nomini Domini.* Quam decantata sancti Iob patientia, & in Deum religio, qui sacrificiis non semel repetitis, filiorum peccata expiare satagebat, qui tam multarum, tam grauium ærumnarum tolerantia, quas Deo sciebat auctore ad explorandam mentis constantiam immittas, sui, vel ex ipso fimero suauissimum holocausti odorem exhalabat? Cui verò nota non sunt Tobie in proximos eleemosynæ, & in Deum pietas per orandi studium diligenter exulta, cui vni accepta referenda sunt, quotquot beneficia diuinitus accepit? Nam si Angelus filium eius in peregrinatione longinqua, & periculosa incolumem, & absque errore duxit, & reduxit, si creditam Gabelo pecuniam recepit, si vxori diuiti, piæque adiunxit, si dæmonium ne sponsis noceret, compescuit, si longam ipse senex vitam traduxit, horum bonorum omnium tunc semina iaciebat, *Quando orabat cum lacrymis, & sepeliebat mortuos, & derelinquabat prandium suum, & mortuos abscondebat per diem in domo sua, & nocte sepeliebat eos.* Alterius verò Tobie mors, quia seni accidit, & bonorum omnium diuturna vsura perfuncto, quia doloribus illis, & cruciatibus caruit, quibus torquentur ij qui nondum ætate confecti moriuntur, quia plures vt bonorum suorū hæredes, ita etiam virtutum, ac pietatis imitatores reliquit, *nam omnis cognatio eius in bona viua, & in sancta conuersatione permansit, ita*

Psal. 118.

61.

Tob. 12.

11.

Tob. 14.

17.

300 *Institutio politica ex sacris Scripturis.*

ut accepti essent tam Deo quàm hominibus, & cunctis habitantibus in terra, luctum filiorum non elicit, sed potius cum gaudio elatus est, ut scriptura docet, cum ait, *cum gaudio sepelierunt eum*, quia nimirum dierum plenum ita tempestiuè mortuum intelligebant, ut si diutius viveret, commodatitia hæc, & desertura corporis bona deuexa senectus iam non augeter, sed corrumperet, ingressusque est, ut dicitur in libro Iob, *in abundantia*

Iob 5. 26. *sepulchrum, sicut inferitur aceruus tritici in tempore suo.*

Ad proli-
xā uitā in
sanctū ipsi
multū con-
tulisse pacē
animi in-
ternam, ex
bona con-
sciētia pro-
ueniētem.

Psal. 27.
7.

3ⁱ Huius autem longæ fælicisq; senectutis ut diximus, auctor est Deus, qui ea remouet impedimenta, quibus vitæ cursus solet intercipi, morbos, angores animi, curarum mordaces sollicitudines, quibus pectus foditur, & lancinatur; animi verò & conscientie tranquillitatem impertit, qua qui curis vacuus sub Domini latens tutela perfruitur, dicere potest cum sancto Dauid, *Dominus adiutor meus, in ipso sperauit cor meum, & adiutus sum, & resoruit caro mea.* Vel ut vertit D. Hieronymus & Kaldæus. *Et gauisum est cor meum, itaque resoruit caro mea*, quia ut docet sapiens, *animus gaudens aetatem floridam facit*, & lætitia mentis redundat in corpus, illudque vegetum, florens & viuax reddit; contra verò qui curarum & sollicitudinum fluctibus æstuant, corpus attenuatum, & macilentum circumferunt, nam *spiritus tristis exsiccat ossa, deducunturque cum mœrore ad inferos*, ut de iis loquitur scriptura, qui dolore confecti & curis tabescunt ante tēpus. Hanc igitur tranquillitatem animi, quæ iustis familiaris est, ab impiis autem longissimè abest, bonam illis conciliare senectutem crediderim. Nam cum
impj

Genes. 42.
58. & 44.
29. & ali-
bi.

impij sint quasi mare feruens, vt ait Isaias, *Quod* Isa. 57. 20.
quiescere non potest, cuius fluctus redundant in concul-
cationem, & in luum, nec sit illis pax, contra iusti-
tiæ sectatores in pace nutriuntur, vt Abrahamo
promissum est in Genesi, cum ei à Domino di-
ctum est, vt legunt 70. & sequuntur Patres Au-
gustinus & Ambrosius. Tu autem ibis ad patres tuos, Genes. 15.
in pace nutritus, sepultus in senectute bona. Quæ ver- 15.
ba de pace potius, & tranquillitate animi, quàm Aug. 16. de
externa ab armis quiete accipienda sunt, nam & ciuit. c. 24.
bella suscepit aliquando Abraham, vt legimus in Ambros. 1.
Genesi, & patria caruit, & suæ felicitatis aduer- 2. de Abra-
sarios, & oppugnatores nactus est, quorum ta- ham c. 9.
nien violentia statum mentis, animique constan-
tiam commouere nulla ratione potuit, quo mi-
nus sedatis perturbationibus, æqualitatem quam
diuino munere, & virtutis exercitatione fuerat
adeptus retineret. Magnam enim conciliat tran-
quillitatem, Nihil conscire sibi, nullaque admis-
sæ culpæ formidine pellefcere, nam cum fugiat Prou. 28. 1.
impius nemine persequente, conscientiaë stimulis pe-
ctus fodientibus, contra iustus quasi leo confidens
absque terrore erit. Cui sapientis effato consentit
sanctus Iob, apud quem legimus. Cunctis diebus Iob 15. 20.
 suis impius superbit, vel vt ex Hebræo verti potest,
Omnis impij vita in cura versatur, & numerus anno-
rum incertus est tyrannidis eius. quod 70. vertunt,
Anni verò numerabiles potent tribui sunt, mensura
breviore, & contractiore tempus vitæ illis ad-
metiente Deo: subditur autē huius rei causa cum
dicitur, Somnus terroris semper in auribus illius, & cū
pax sit, ille semper insidias suspicatur, non credit quod
reueriti possit de tenebris ad lucem, circumspiciens vn-
dique gladium, cum se mouerit ad quarendam panem,
nonit

novit quod paratus sit in manu eius tenebrarum dies, propinati veneni suspicionibus perturbatus, terreat eum tribulatio, & angustia vallabit eum, sicut regem qui preparatur ad bellum. Harū autem solitudinū ac molestiarum causam statim subdit, *Tetendit enim aduersus Deum manum suam, & contra omnipotentē roboratus est, cucurrit aduersus eum erecto collo & pingui ceruice armatus est.* Quā verò sit timida nequitia, &

Sap. 17. 10. quomodo, semper præsumat saua perturbata conscientia, elegantissimè describitur in libro sapientiæ, his

Ibid. n. 17. verbis. *Sine spiritus sibilans inter spissos arborum ramos, aut sonus suavis, aut vis aqua decurrentis nimium, aut sonus validus precipitatarum petrarum, aut ludentium animalium cursus inuisus, aut mugientium valida bestiarum vox, aut resonans de altissimis montibus Echo, deficientes faciebat illos præ timore.* Magna sanè animi consternatio, quæ ea etiā formidantur quibus cæteri mirū quantum delectantur. Nam tenues ventorum susurri arborum comis leniter vētilatis, & animum in syluis garritus, aut Echo in canenris vallibusque resultans, quos non oblectet? Et tamen ista fiunt impiis terribilissima, quibus obstrepente conscientia, nihil tutum, aut pacatum esse potest. Manus suas Cain fraterna cæde maculauerat, ideoque tanti sceleris sibi cōscius dicebat, *Omnis*

Genes. 4.
14.

qui inuenerit me, occidet me. Euidens, inquit D. Ambrosius, generalisque ratio, quia omni impio mala adsunt, & adfutura sunt; quæ adsumo tristitiam operantur, quæ futura formidinem. Et post nonnulla, sed a quo, inquit, timebit occidis, qui solos parentes habebat in terris? Sed nimirum per conscientiam quieto illi esse non licebat; quæ cum peccati sui faciem ante oculos illi frequenter obiceret, totum pectus grauissimo timore percellerebat. At verò iustorum etiam in præ-

D. Ambr.
l. 2. de
Cain &
Abel.

sentissi

sentissimis periculis illæ sunt voces, si consistant ad-
uersum me castra, non timebit cor meum. Dominus illu-
minatio mea, & salus mea, quem timebo? Deus noster
refugium & virtus, &c. propterea non timebimus. Ecce
Deus. Saluator meus, fiducialiter agam, & non time-
bo. Non enim contristabit iustum quidquid ei acciderit,
nam qui pacis sequuntur consilia, sequitur eos gaudium.
4 Sed hic forte dicat aliquid dies hominis deside-
randos non esse quorum vnumquemque sua mali-
tia comitetur, dies potius antiquos cogitandos, &
annos æternos in mente habendos, cum cunctis diebus
psalmos cantabimus in domo Domini. Sanè non infi-
rior æternarum illarum mansionum, quæ in do-
mo cælestis Patris sunt, pulchritudinem consi-
deranti, omnia ista bona aspectabilia vilescere,
magnæque sanctitatis viros aliquando deposita
mortalitatis sarcina, in meliorem beatorum for-
tem optauisse trāscribi, cum præsertim huius vi-
tæ malis iactarentur. Ideo S. Dauid, partim ma-
nifestæ inimicorum violentiæ, partim dubiorum
amicorū inconstantie pertæsus, clamabat ad Do-
minū: *Libera me à persequentibus me. Educ de custo-
dia animæ meam.* Qui igitur tantam adeprus fue-
rit vitæ sanctioris perfectionem, nostræque mor-
talitatis conditionem, se supra cōmunē hominum
modum extollendo trāsilierit, vitæ huius com-
moda negligat & per paucitatē dierū præsentis vi-
tæ, qui breui finientur, ad æternam illā aspirare cō-
tendat: sed quotus quisque est, qui iuxta D. Pauli
sententiam non gaudeat, pietatem promissionem ha-
bere vitæ eius, quæ nunc est pariter, & futura: imò qui
iuxta eiusdē dictū, expoliari non timeat, malitque si
fieri aliqua ratione possit, vestibus illis gloriæ su-
peruestiri? Equidē animaduerto sanctissimos etiā

viros

Psal. 26. 3.

Psal. 26. 1.

Psal. 46. 1.

Isa. 12. 2.

Prou. 12.

20. 21.

Longitudi-

nem vitæ

Dei bene-

ficiū esse &

sanctos

etiā viros

mortē vi-

muisse.

Ierem. 17.

16.

Matth. 6.

34.

Psal. 76. 6.

Psal. 141.

6.

Iob 10. 20.

1. Tim. 4.

8.

2. Cor. 5.

4.

- Isa. 38. 10. viros mortis faciem exhorruisse, illamque fuisse deprecatos. Nam Ezechias ægritudine inualecente contabescens flebiliter lamentatur, *quod in dimidio dierum vadat ad portas inferi*, quod *precisa esset velut à sexente vita sua, dumque adhuc ordiretur*, succideret cum Dominus, hoc verò timore conturbatū se sicut pullum hirundinis clamasse, & sicut columbam meditatū fuisse, testatur. Quid? nonne ab ipso David vocem illam expressit mortis formido, *Ne senoces me in dimidio dierum meorum?* Quid de Abraham, Iacob, Helia dicemus, quos etiam ut ex scripturis discimus, mortem timuisse comperimus? Eleganter tractat locum hunc sanctus Chrysostomus, cuius verba, quia in exemplis ex scriptura depromptis explicandis, & amplificandis versatur, describam. Patriarcha, inquit, *Abraham iustus Dei amicus, qui patriam reliquerat, qui domum, cognatos, amicos & presentes res omnes ob Dei mandatum contempserat*, ita timebat, ac reformidabat mortem, ut in *Aegyptum ingressurus hac uxori sue diceret. Noni quod pulchra sis mulier, & quod cum viderint te Aegyptii, te vendicabunt, me autem interficient. Quid igitur? Dic, soror illius sum, ut bene sit mihi propter te, & viuet anima mea. Quid hoc rei est, o sancte, & Patriarcha? Pro nihilo habes ut uxori stuprum asseratur, ut thorus ladatur, & coniugium violetur? ita ne tandem mortem reformidas? neque verò tantum pro nihilo habes, sed etiam cum uxore dolum nectis, ac stupri fabulam cum ea simulas, omnemque das operam, ut Rex dum adulterium inceptat, latere possit, & ablato coniugis nomine, personam illi sororis adaptasti, &c. Et paulo post. Videamus ergo quam intolerabile, ac molestantem rem passus sit, ut scilicet mortem effugeret: et unam uxorem ceruere concupiscantem, & adulterio pollutam*

iam intueri sexcentis mortibus est intolerabilis. Quid dico adulterio polluiam? si vel tenuis de ipsa suspicionis cogitatio mentē occupet, acerba illi vita omnis & minimē vitalis videtur. Est enim ignis illi quidam, & indomita flamma zelotypia morbus, cuius tyrannicam, & inenutabilem vim declarans quispiam dicebat, Plenus enim zelo animus viri eius, non commutabit ullā redemptione odium, neque parces in die iudicij, neque dissolvetur multis donis. & alibi. Durus ut infernus est zelus. Sicut enim non potest infernus, inquit, pecuniis flecti, sic neque is qui zelotypie laborat leniri atque placari. Multi utique saepe vitā suā libenter redemissent ut adulterum inuenirent, sanguinem ipsum viri eius qui uxorem constuprarat, perlubenter degustassent, & quicquid aut agere, aut pati eius rei causa contenti fuissent. Sed nunc nihilominus intolerandum morbum, hunc violentum, & implacabilem, iustus patientissimē tolerauit, & stuprum uxoris, praenimio mortis, & interitus timore contempsit. Post hæc S. Chrysost. ingeniosē & solidē Abrahamum in hoc facto ab omni peccati suspicione liberat, quæ qui volet, apud ipsum legat. Transiit deinde ad Iacobi exemplum, de quo ita scribit. Restat ut ad eius nepotem Iacob orationem traducamus, ut illum quoque necem metuentem, & tremementem, videas, hominem, qui à prima iuuentute Philosophiam Apostolicam præseculerat. Paulus enim discipulis in hæc verba præcipiebat. Habentes alimenta, & quibus tegamur, his contenti erimus, hoc & ipse postulabat à Deo dicens. Si dederit mihi Dominus panem ad vescendum, & vestimentum ad induendum, sufficit nobis. Sed & iste tamen, qui nihil præter necessaria querebat, qui domum neglexerat, qui benedictiones acceperat, qui mari paruerat, qui Deo amicus erat, qui sapientiæ naturā vim attulerat, posterior

Prou. 6.

34.

Cant. 8.6.

1. Tim. 6.

8.

Genes. 28.

20.

quippe natura cum esset, benedictionibus prior euasis, qui tam multa posuerat, qui tantam philosophiam, tantamque pietatem pra se iulerat, post sexcenta certamina, post sexcentos agones, post sexcentas luctas, & plurimas illas coronas, cum in patriam remerere tur, & occursum fratri esset, quasi bellum conspiciendus, eisque memoriam iniuriarum pertimescens, supplex Deo sit, & orat. Erue me de manu fratris mei Esau, quia valde eum timeo ego, ne forte veniens percutiat me, & matrem super filios. Vides ut hic quoque mortem pertimescat? ut tremat, Deumque illius causa precetur: Visne ostendam & alterum virum magnum hoc eodem modo rursus affectum? Pone tibi ante oculos Eliam, animam ad caelum pertingentem, ac diuinam, ille enim qui caelum clausit, rursusq; reuerauit, qui desuper ignem deiecit, qui mirabile illud sacrificium obtulit, qui pro Deo zelo exarsit, ille qui in corpore humano angelico vitam exhibuit, qui praeter omnem pellem nihil habuit, qui rebus omnibus humanis superior euasis, adeo mortem metuit ac reformidat, ut post illa cuncta, post caelum & sacrificium, post desertum, & philosophiam, tantamque fiduciam, vilem mulierculam pertimescat, & idcirco fugiat. Nam quia dixerat Iezabel. Hac faciant mihi Dij, & hac addant, nisi cras animam tuam ponam sicut animam unius ex illis, qui mortui sunt, timuit Elias, inquit, & fugit itinere dierum quadraginta. Vides ut mors sit terribilis? Haecenus D. Chrysost. Quis igitur est homo, qui vult vitam, & diligit dies videre bonos? Prohibeat, qui hoc habet in optatis, linguam a dolo, nec manus suas extendat ad iniustitiam, praefertim vero numen diuinum sancte & religiose colat; sic enim fieri poterit ut diuturna, & felix vita contingat, nec tamen ab illa excidat hereditate quam Deo iuuante expectamus in patria.

De

*De Principis Iustitia: ac primò
de ea quæ est in commu-
tationibus.*

C A P V T . IX.

IUSTITIAM philosophi in duas præcipuas didu-
cunt formas, commutatiuam, & distribu-
tiuam. Hæc in munerum, honorum, præmio-
rumque distributionibus, & inter Rempub. aut
ipsius Principes, & capita, & priuatos versatur: il-
la semper versatur inter priuatos, aut certè eos,
qui priuatorum more se habent, etiamsi Princi-
pes alioqui sint, æqualitatẽque constituit inter
ipsas res nullo habito respectu conditionis per-
sonarum, cum distributiua in eo potissimùm la-
borèt, vt æqualitatem constituat personarum pro
meritis, ac conditione spectata. Nunc ergo de cõ-
mutatiua breuiter dicendum. Accidit enim non-
nunquam vt Principes emant, vendant, aut cum
subditis suis alia ratione contractus ineant, in
quibus ne aliquis potentie abusus interueniat,
Principi curadum est, vt priuatis, quibuscũ agit, ita
ius suũ tribuat, & cum æquitas postulauerit, pro-
sequi permittat, ac si ipse non princeps esset, sed
priuatus: vt iustitiæ huius, de qua nunc agimus,
rationem postulare dictum est. Hanc ergo iusti-
tiam vt cum ciuibus seruarent sollicitos olim fuis-
se Indæos magistratus inuenio apud Isaiam, nam
cum murorum munitionem vrgerent, vt hô-
stium impetum sustinere possent, si forte ingre-

*Exempla
scriptura
commenda-
tur Princi-
pi iustitia
commuta-
tiua.*

rent, domos priuatorum quas diruerant, aut
 quarum arcem occupauerant diligenter numerarunt, vt illorum ratio haberi possit qui damni aliquid demolitione illa passi essent, cauere tunc ne Reipublicæ causa detrimentum aliquod priuatorum fortunis irrogaretur, hoc enim significat id
 Isa. 22. 10. quod legimus apud prophetam, *Domos Ierusalem numerastis & destruxistis domos ad muniendum murum: quod factum proculdubio laude dignum est, cum à iustitia, quæ vnicuique ius suum reddit, proficiscatur. Nec eos propheta propterea reprehendit eo loco, sed tantum eo nomine in eos inuehitur, quod spem omnem in humanis consiliis, auxiliisque collocassent, ad Deum verò non leuassent unde auxilium illis venire poterat. Quod ex ipso Isaia contextu aperte constet, nam cum dixisset in extruendis muris, fossisque ducendis eos fuisse occupatos, addit, & non suspexistis ad eum qui fecerat eam, (Ierusalem scilicet) & operatorem eius de longè non vidistis. Maior etiam Davidis exactiorque iustitia, qui arcem ad excitandum altare coempturus ab Arcuna Iebusæ, vltro ipse ad Arcenam accessit, arcem oblato pretio postulat, nec pecuniam repudianti acquieuit, sed illi dedit David pro loco siclos auri instissimi ponderis sexcentos, & cur ita fieri deberet addidit rationem, Neque enim tibi, inquit, auferre debeo, & sic offerre Domino holocausta gratuita. Nam cum iuxta sapientis dictum honorare Deum vnusquisque debeat de sua substantia, id præsertim Dauidi faciendum eo tempore videbatur; nam cum sacrificium illud pro expiando Davidis peccato institueretur non ab Arcuna, quæ ad sacrificium necessaria erant suppeditari, sed ab ipso Dauid ex bonis suis proferri*

Psalm.
120. 1.

1. Paral.

22. 25.

Pro. 3. 9.

ferri par erat. Et quamvis liberali animo, ut credibile est, dixisset Areuna, *Tolle, & faciat Dominus meus Rex quodcumque ei placeat. Omnia libens prebebo*: donum tamen admittendum non existimauit. Cum enim *beatius sit magis dare quam accipere*, iuxta verbum Domini, honestius dant Principes priuatae fortunae hominibus, quam ab illis quidquam accipiunt. Est autem vox ista Dauidis Areunae donum reiicientis illi perlimilis, qua vltum aliquando Abrahamum legimus in libro Genesis: *Leno manum meam ad Dominum Deum excelsum, possessorem caeli, & terra, quod a filo subtegminis, vsque ad corrigiam caligae, non accipiam ex omnibus quae tuae sunt, ne dicas. Ego dixi tibi Abraham. Id vero in his praesertim locum habet, quae tunc demum absque pretio offeruntur, cum ea Princeps ut sibi venderentur postulauit. Maior enim suspicio subesse potest ne officiosius ista dicantur quam verius, si praesertim alia accedant adiuncta, ex quibus constet Principem rei illius potius cupidine flagitare, ut si non per internuntium, sed per se ipsum vltro Dominum adiens postulauerit, ut Dauid; istis enim externis significationibus magis commouentur priuati, turpique putant Principum suorum voluntati etiam cum aliqua rerum suarum iactura, non obsecundare. Quando vero Abrahami incidit mentio, egregium illius factum huc spectans commemoremus, cum scilicet agrum, & duplicem speluncam, ad uxorem suam Sarai spelendam ab Ephron Hebraeo mercatus est. Quanquam enim cum subditis non agebat Abraham, quippe *advena, & peregrinus apud eos*, tanta tamen erat apud barbaros illos viri reuerentia, virtutis, & vero etiam potentiae opinione*

1. Paral.

21. 23.

Act. 10.

35.

Genes.

14. 22.

Genes. 23.

4.

excitata, vt magni cuiusdam Principis loco apud eos esset. Ipso enim sepulchri ius postulante, responsum hoc ab Hethæis tulit, *Audi nos Domine, Princeps Dei es apud nos, in electis sepulchris nostris sepeli mortuum tuum, nullisque te prohibere poterit, quin in monumento eius sepelias mortuum tuum.* Nec populi tantum placitum sed ipsius Ephronis, speluncæ Domini, hæc fuit in Abrahamum voluntas, vt scilicet nulla erogata pecunia, tibi agrum quem postulauerat haberet, & in dublici spelunca, quæ in eo sita erat, extinctæ vxoris cadauer inferret. Nam cum pretij mentio ab Abrahamo

Ibid. n. 11. fuisset illata, ita locutus est Ephron. *Nequaquam ita fiat Domine mi, sed tu magis ausculta quod loquor. Agrum trado tibi, & speluncam qua in eo est presentibus filiis populi mei, sepeli mortuum tuum.* Sed Abraham donum admittere nulla ratione sustinuit, sed adorauit coram populo terra, eis scilicet gratias agens, quod tam liberalem, ac beneficam aduersus hominem peregrinum gererent voluntatem, & locutus est ad Ephron circumstante plebe: *Quæso vt audias me. Dabo pecuniam pro agro, suscipe eam, & sic sepeliam mortuum meum in eo.* Quam Abrahami constantiam cum vidisset Ephron, diutius repugnandum non existimauit, sed agro

Ibid. n. 14. suo pretium dixit sicles quadringentos. Responditq; Ephron, inquit scriptura, *Domine mi, audi me. Terra quam postulas quadringentis sicles argenti valet, istud est pretium inter me, & te. Sed quantum est hoc? sepeli mortuum tuum.* Quasi diceret, eo me adigis, vt pretii agri postulem, quod sanè feci, quando ita voluisti: sed quia tam modicæ pecuniæ facilis est iactura, agenti præsertim cum tanto viro, rogo te, vt ne pecuniam numeres, sed quod iam non

312 *Institutio politica ex sacris Scripturis.*

sq̃ue corporibꝫ , & terra nihil habemus. Cur ergo moriemur te vidente ? Et nos & terra nostra tui erimus, eme nos in seruitutem regiam , & prabe semina, ne perente cultore redigatur terra in solitudinem. Emi igitur Ioseph omnem terram Ægypti, vendentibus singulis possessiones suas præ magnitudine famis, subieciq; eam Pharaoni, & cunctos populos eius, à nouissimis terminis Ægypti, vsque ad extremos fines eius. Cum itaque illos haberet in potestate, iustoque emptionis titulo agros Ægypti vniuersos Reges fecisset, atque propterea cum Ægyptiis imponere posset tributorum pendendorum conditionem, quam maluisset instar pastoris greges suos amanti, tondere satis habuit, deglubere non sustinuit, cōsque ad hunc modum allocutus est: *En ut cernitis, & vos, & terram vestram Pharaō possidet, accipite semina, & serue agros ut fruges habere possitis. Quintam partem Regi dabitis, quatuor reliquas permuto vobis in semenem & in cibum familijs, & liberis vestris. Qui responderunt: Salus nostra in manu tua est, respiciat nos tantum Dominus noster, & leti seruiemus Regi. Ex eo tempore vsque in præsentem diem in vniuersa terra Ægypti Regibus quinta pars soluitur, & factum est quasi in legem absque terra sacerdotali, quæ libera ab hac conditione fuit. In hoc autem Iosephi facto æquitatis, & liberalitatis plenissimum consilium subit admirari, qui non tantum quintam ab Ægyptiis partem frugum exegit, quàm illis quatuor reliquas remisit, quatum Rex ex inito contractu dominus erat, idque ipsis maximè volentibus, & probantibus; quod ex eo patet, quod non merentes, & inuiti, sed hilares, alacresque conditionem oblatam admisserunt, diuturnoque seruauerunt tempore, non tanquā onus graue*

Ibid. a. 13.

grauē conantes excutere, sed vt vestigal iustē, & ad rationis præscriptum consentaneē imperatum, persoluentes. Ipse verò iuxta Sapientis præceptum, dicentis, *Non ledas seruum in veritate operantem, neque mercenarium dānem animam suam, seruus sensatus sit tibi dilectus quasi anima tua, non defraudes illum libertate, neque inopem derelinquas illum:* ita subditorum inopiam subleuauit, vt simul Regis negotium vtiliter gereret, iustitiāque, vt bonum Principem erga suos decet, liberalitate temperaret.

2. Putet ergo Princeps hanc ex præcipuis suis laudibus vnā esse, si cum potestate omnibus sit superior, voluntate tamen sua in contractibus, & aliis huiusmodi ad commutatiuam iustitiā spectantibus, priuatis quibuscumque infimæ etiam conditionis hominibus parē se faciat, adeo vt nemo inueniri possit adeo tenuis fortunæ, qui cum ipso Rege contrahens ius suum tueri non possit, non secus ac si cum aliquo priuato agendum esset. Hoc se cumulatiuē præstitisse commemorat S. Iob, cum ait quodam loco: *Si contempsi subire iudiciū cum seruo meo, & ancilla mea, cum disceptarem aduersus me.* Cuius loci sententia hæc est: Quamuis seruus abiectissimæ sit conditionis, atque ideo cum Rege comparatus contemnendus, premendusque vidēatur; humanæ tamen naturæ, conditionisque, cuius particeps est æqualitate spectata, diuinique iudicij, cui magnus ac parvus, diues ac pauper, Princeps, ac seruus sistendi sunt, serueritate pensata, disco superbē non sapere, sed me ad æqualia cum subditis iudicia demittere, eorumque ius sactum, rectumque in omnibus conseruare. Hanc eni-

*Rationes
duæ expli-
cātur, qui-
bus se per-
moneri di-
xit Iob ad
iustitiā
in commu-
tationibus
seruādam.*

Iob 31.13.

314 *Institutio politica ex sacris Scripturis.*

- S. Iob rationem affert, cur cum seruis suis ita agendum existimaret. *Quid enim, inquit, faciam, cum surrexerit ad iudicandum Dominus, & cum quaesierit quid respondebo illi?* Cuius iudicii seueritatem si crebro, & serio cogitent Principes, intelligentque sibi ab eo qui *Rex Regum est, & Dominus Dominantium*, factorum omnium reposcendam esse rationem, facile in officio continebuntur, nec per alienam iniuriam rem suam priuatam ampliozem facere audebunt. Propterea frequenter in sacris Scripturis hæc vrgetur ratio, quæ ad frænandam potentiorum cupiditatem momenti plurimum habere potest. *Audite Reges terre, & intelligite* (dicitur in libro Sapientiæ) *discite indices finium terre, quoniam data est à Domino potestas vobis, qui interrogabit opera vestra.* Et Isaias, *Va, inquit, qui condunt leges iniquas, & scribentes iniustitiam scripserunt, ut opprimerent in iudicio pauperes, & vim facerent causa humilium populi mei, ut essent viduæ praeda eorum, & pupillos diriperent. Quid facietis in die visitationis, & calamitatis de longe venientis? ad cuius confugietis auxilium?* & D. Paulus ad Colossenses scribens, *Dominus, inquit, quod iustum est, & æquum, præstate; scientes quod & vos Dominum habetis in cælo.* Et ad Ephesios, *& vos Dominus, inquit, eadem facite illis remittentes minas, scientes quia illorum & vester Dominus est in cælis, & personarum acceptio non est apud Deum.* Aliam deinde rationem subdit S. Iob, cur ita humaniter se gereret cum seruis suis, ex eo petitam, quod eandem cum iis naturam
- Iob 31.15. *nactus esset. Nunquid, inquit, non in vero fecit me qui & illum operatus est, & formavit me in vulva vnius?* Optimè enim illud intelligebat, quod postea
- Sap. 7.1. *sensit, & docuit Sapiens cum ait, Sum quidem &*

ego mortalis homo similis omnibus, & ex genere terreni illius, qui prior factus est, & in ventre matris figuratus sum caro, decem mensem tempore, coagulatus sum in sanguine, ex semine hominis, & delectamento somni conueniente. Et ego natus accepi communem aërem, & in similiter factam decidi terram, & primam vocem similem omnibus emisi plorans, in inuolumentis nutritus sum, & curis magnis, nemo enim ex Regibus aliud habuit natiuitatis initium. Vnus ergo introitus est omnibus ad vitam, & similis exitus, vt frustra sint qui in tumorem propter regnum elati, putant se transcendere mortalitatem, sibi que quæ habent tribuentes, ita se gerunt, quasi à Deo omnium bonorum largitore profecta non essent, sed Dominus constituit super eos legislatorem, vt sciant, quia homines sunt, & quidem miseris & laboribus obnoxij vt cæterorum hominum vulgus; id enim significat vox Hebraica אנש *Enosh*. Magna profecto laus Regis Tyri apud Ezechielem habetur, cum illum compellat his verbis, Tu signaculum similitudinis, & plenius sapientia, & perfectus decore in deliciis paradisi Dei fuisti, omnis lapis pretiosus operimentum tuum, sardius, topazius, & iaspis, chrysolithus, & onyx, & berillus, sapphirus, & carbunculus, & smaragdus, aurum opus decoris tui. Sed statim subditur. Et foramina tua in die qua conditus es preparata sunt, quod Chaldeus in hanc sententiam interpretatur. Adco elatus fuisti, vt conditionis tuæ oblitus, vt non consideraueris te hominem esse, tibi que quo die natus es; tanquam homini mortali foramina oris, & narium ad spirandum data esse. Vt hinc Tyri Rex discere posset, quod suo malo edoctus tandem intellexit Nabuchodonosor, quia scilicet, potestas Domini potestas sempiterna,

Psal 9 21.

Ezech. 28.

13.

Dan. 4 31.

&

316 *Institutio politica ex sacris Scripturis.*

& regnum eius in generationem, & omnes habitatores terra apud eum in nihilum reputati sunt; iuxta voluntatem enim suam facit, tam in virtutibus celi, quam in habitatoribus terra, & non est qui resistat manui eius, & dicat ei, *Quare fecisti?* Hanc autem aequitatem didicisse videtur S. Iob ab omnium virtutum perfectissimo exemplari Deo, qui ut quodam loco docet idem propheta, adeo detestatur iniquitatem in iudiciis, ut si fieri posset aliqua ratione ut pro iniustitia staret ipse Dens, ignorans v. g. se iustam oppugnare causam, contra se mallet, quam pro se à iudice pronunciari, adeoque offenderetur si iudex Dei personam tueretur, illi causam adiudicare niteretur, ut seclus hoc gravissimis poenis vindicandam conferret. *Nunquid*, inquit Iob, *faciem eius accipitis, & pro Deo indicare nitimini?* statim ut se commoverit, turbabit vos & terror eius irruet super vos. *Memoria vestra comparabitur cineri, & redigemur in lutum cervices vestre.* A quo igitur animo ferre debent Principes, si privati aliquis contra regium fiscum v. g. aliquid cuicerit, hoc enim maximum decus Principis est, cum ius suum hoc pacto obtinere privati non possint, nisi sub optimo Principe.

*Proponitur
exemplum
Achabi
qui vinea
sua stola-
vit Na-
both.*

3. Reg. 11.

3 Vidimus in allatis exemplis quæ imitari Principes velint, iustitiæ documenta, nunc quando vitii, contentione, & oppositu, virtutis splendor clarius elucescit, vnum dumtaxat Achabi Regis, tyrannicum factum afferamus in medium, ex quo facile intelligere poterimus, quo tandem euadat, ardens alienæ rei cupiditas, potentia armata, & quam non pertimescat divina omnia, humanaque iura pervertere. Rei gestæ narrationem habemus in historia Regum libro tertio, *Post verba*

HNICM

autem hac, inquit, tempore illo vinea erat Naboth Iezrahelita qui erat in Iezrahel, iuxta palatium Achab Regis Samaria. Locutus est ergo Achab ad Naboth dicens, Da mihi vineam tuam, ut faciam mihi hortum olerum, quia vicina est, & prope domum meam, daboque tibi pro ea vineam meliorem, aut si commodius tibi putas, argenti pretium quanto digna est. Cui respondit Naboth. Propitius sit mihi Dominus, ne dem hereditatem Patrum meorum tibi. Venit ergo Achab in domum suam indignans, & frendens super verbo quod locutus fuerat ad eum Naboth Iezrahelites, dicens non dabo tibi hereditatem patrum meorum, & prouiciens se in lectulum suum, auerit faciem suam ad parietem, & non comedit panem. Ingressa est autem ad eum Iezabel uxor sua, dixitque ei. Quid est hoc unde anima tua contristata est, & quare non comedis panem? Quæ cum à Rege mœroris causam tandem eliciuisset, simplicitatem illius amarè irridens, ait, Grandis auctoritatis es, & bene regis Regnum Israël: surge, & comede panem, & aquo animo esto, ego dabo tibi vineam Naboth Iezrahelita, scripsit itaque literas ex nomine Achab, & signauit eas annulo eius, & misit ad maiores natu, & opulentes qui erant in Ciuitate eius, & habitabant cum Naboth. Litterarum autem hæc erat sententia. Predicite ieiunium, & sedere facite Naboth inter primos populi, & submitte duos viros filios Belial contra eum, & falsum testimonium dicant. Benedixit Denm, & Regem, & educe eum, & lapidate, sicque moriatur. Ita autem factum est sicut Regina præceperat. Miseruntque ad Iezabel dicentes, lapidatus est Naboth, & mortuus est. Quod cum audiisset Achab surrexit, & descendebat in vineam Naboth, ut possideret eam. Sed obuium habuit Eliam Thesbiten prophetam, qui Domini iussu, quæ illum pœnæ pro tanto

tanto

tanto scelere manerent, denuntiaret, fore nimirum ut quo loco lincerant canes sanguinem Naboth, Achabi etiam sanguinem lambere, nullusque de illius domo superstes esset, germina omnia tam atrociter iniusti Principis extirpante Domino. Iezabeli verò, quem vitæ exitum esset habitura, prænuñtiavit, dicens. *Canes comedent Iezabel in agro Iezabel:* quæ omnia ut à propheta sunt Regi prædicta, ita profus evenerunt; nam Achab sagitta ad mortem fauciato, & mox extincto, cadaver perlatum est in Samariam, cumque regium currum sanguine imbutum lauisent

3. Reg. 21.

38.

4. Reg. 9.

14.

in piscina Samariæ, lincerunt canes sanguinem eius, & habenas lauerunt iuxta verbum Domini quod locutus fuerat. Ioram verò Achabi filium, regni que post Ochoziam, qui duobus tantum annis regnum tenuerat, successorem, Iehu sagitta percussit inter scapulas, & egressa est sagitta per cor eius, statimque corruit in curru suo. Dixitque Iehu ad Badecer dicens. Tolle, proiice eum in agro Naboth Iezabelita. Memini enim quando ego, & tu sedentes in curru sequebamur Achab patrem huius, quod Dominus onus hoc leuauerit super eum, dicens. Si non pro sanguine Naboth, & pro sanguine filiorum eius, quem vidi heri, ait Dominus, reddam tibi in agro isto dicit Dominus. Nunc ergo tolle, & proiice eum in agrum iuxta verbum Domini. Vltima restabat Iezabel, quæ technas illas, exitiūque in innocentem Naboth fuerat architectata,

Ibid. n. 30.

editus mortem ita narrat Regum historia. Porro Iezabel introitu eius audito (Iehu scilicet qui Ioram interfecto regnum inuadebat) depinxit oculos suos sibi, & ornam caput suum, & respexit per fenestram ingredientem Iehu per portam, & ait, Numquid pax potest esse Zambri, qui interfecit Dominum suum? Le-

uauitque

manitque Iehu faciem suam ad fenestram, & ait, quæ est ista? & inclinauerunt se ad eum duo, vel tres Eunuchi. At ille dixit eis. Precipitate eam deorsum, & precipitauerunt eam, aspersusque est sanguine paries, & equorum ungula conculcauerunt eam. Cumque introgressus esset ut comederet, biberetque, ait. Ite, & videte maledictam illam, & sepelite eam, quia filia Regis est. Cumque issent ut sepelirent eam, non inuenerunt nisi caluariam, & pedes, & summas manus. reuersisque nuntiarunt ei, & ait Iehu. Sermo Domini est, quem locutus est per seruum suum Eliam Thesbitem, dicens. In agro Iezrahel comedent canes carnes Iezabel, & erunt carnes Iezabel sicut stercus ante faciem terra in agro Iezrahel, ita ut pratereuntes dicant, Hæcine est illa Iezabel? Habemus historiam agri per Nabothi cædem iniuste occupati, diuinitusque in scelere auctores immissam vindictam. Nunc quanta fuerit facti huius atrocitas, ex adiunctis quæ in sacra exprimuntur historia, perpendamus.

Ac primò quidem quam impotentem fuisse oportet cupiditatem illam Achabi, qui cum amplas & planè regias domos, ac villas possideret, tanto tamen vineæ illius æstuatet desiderio, ut nisi vicinium submoueret, ac paternis, auitisque agris spoliaret, vitam sibi acerbam duceret? Amaro illi persimilis, qui amicis, & vxore conuocatis, exposuit illes magnitudinem diuitiarum suarum, Esther filiorumque turbam, & quanta cum gloria super omnes Principes, & seruos suos Rex elenasset, &c. addiditque, & cum hæc omnia habeam nihil me habere puto, quandiu videro Mardocheum Iudæum sedentem ante fores regias. Ita planè Achab Regium palatium ædificauerat, quod Eburneam domum, propterea scriptura nuncupauit, quod multo eboze omni

Expēduntur quædam adiuncta super historia.

Esther 11.

3. Reg. 12.

39.

ex

ex parte conuulsa niteret; nec aliæ deerant domus, aut villæ, non horti, non piscinæ, non sylvæ, & cum omnia ista haberet in potestate, nihil tamen, quo oculos, & animum pasceret, habere se existimabat, nisi reuulsis hortorum suorum terminis, in vicinam Nabothi vineam irrumperet, quam iure, etiam ipso Naboth concedente, possidere non poterat. Nam vetuerat Dominus in

Leuit. 25.

23.

Terra quoque, inquit, non vendetur in perpetuum. quia mea est & vos aduena, & coloni mei estis, unde cuncta regio possessionis vestre sub redemptionis conditione vendetur. Quæmadmodum enim qui alienum agrum vt colonus obtinet, fructus quidem percipere potest, & vt libuerit vendere, vel conficere, fundum verò non potest, quod illius Dominus non sit, ita eo tempore in Hebræorum Republ. seruabatur, vt nullus agrum nisi ad certum tempus diuenderet, nec priusquam attenuatus esset vt scriptura loquitur, hoc est cum necessitate premente coactus esset; at verò Achab

Ibid. n. 25.

qui domus suæ pomaria, & hortos laxiores facere volebat, cum animo destinauerat vineas extripare, sulcosque complanare, elegantique descriptione arcolis campum distinguere, olcribus floribusque conserere, aliamque planè faciem, vt Principes solent, toti agro inducere: id vt faceret libero iure coemere satagebat à Naboth primario viro, & locuplete, etsi Iudæorum traditioni credimus patrio suo. Hoc autem nihil aliud erat quàm diuini iuris præcepta conuellere, & in alienam possessionem inuolare, non tantum Naboth

inuito,

inueto, sed etiam Domino, legis auctore repugnante. Excogitata verò à Iezabele ratio agri potiundi, quàm plena iniquitatis fuit? Quid enim magis à iustitia alienum esse potest, quàm ut aliquem fortunis euertas, in famæ etiam, ac vitæ discrimen adducere, grauissimi criminis impacta calumnia, immerentemque ita falsis testibus iactare, ac circumuenire, ut extremo tandem supplicio lapidibus obrutus quæ pœna atrocium delictorum compertis statuta erat, afficiatur? Idque dum agitur pietatem prætere, quasi diuini numinis iniurias persequaris, non tuis obtemperes cupiditatibus, & ut videaris omnia consilio, ac prudenter gerere, populo ieiunium, ac preces indicere, quasi, ut propitiato Domino, quid faciendum sit dispicere possis? Quæ sanè si ut excogitata fuerant processissent, nec ut solet veritas tandem emerisset, Naboth blasphemum, ac perdullionis reum, in Deum ac Regem grauissimè peccasse, tamque grauibus sceleribus obnoxium re vera fuisse, omnis credidisset antiquitas. Nec verò Achabi dissimulatio vllam apud prudentes rerum æstimatores excusationem meretur, nam ut concedamus consilio cum Rege minimè communicato Iezabelem ad optimates literas dedisse, & ad mortem innocenti inferendam impulsisse, non tamen propterea culpa vacare credendus est Achab, qui ut vxoris nouerat ingenium, ita agri possessionem pollicentem debuit habere suspectam, diligentèrque cauere, ne quid fortè contra Naboth æquitati minus consentaneum moliretur: nec illi annulus, quo epistolæ obsignantur à Rege concedendus erat, ne fortè tanta potestate ad Nabothi perniciem mul-

3. Reg. 21.
19.

Iob 20. 5.

liercula abuteretur. Iniustæ verò cædis consulta-
tionem & culpam, ad Regem etiam pertinuisse
videtur illud in primis ostendere, quod allato
mortis Naboth nuntio, tanquam fausto, mirum
in modum Rex lætatus est, & ad incundam pos-
sessionem confestim se conuertit, quare meritiò
illum Dei iussu obiurgans Elias, *Occidisti*, inquit,
& *possedisti*. Multo verò minus à culpa liberandi
sunt ciuitatis principes, qui falsis conquisitis tes-
tibus in Naboth sententiam mortis dixerunt;
cum nemo nesciat Deo potius quàm hominibus
parendum esse, nec vlla ratione siue commodi ali-
cuius percipiendi spe; siue damni incurrendi ti-
more prauis, & à rationis præscripto repugnantibus
Regū iussionibus esse obtemperandum. Quàm
verò brevis Achabii lætitia fuit, & verè, vt alicubi
scriptura loquitur, *ad instar puncti*. Nam cum gau-
dio ad visendum ac possidendum Nabothi agrum
progredienti Elias occurrit, qui pœnarum tanto
scelere commeritarum grauissimis intentatis mi-
nis, cõceptam lætitiā vehementer conturbauit,
vt vel hoc vno exemplo discere possimus quàm
inania sint somnia illa, quæ cum aliquid vehe-
menter optamus, nobis fingimus, quæ tunc de-
mum malè sanorum capitum deliramenta fuisse
cognoscimus, cum iis potiti, experientia ipsa
docente, deprehendimus, nihil nos fuisse
adeptos, quo tanquam solidæ
voluptatis fructu
possimus ex-
pleri.

De

De aequalitate & iustitia in ponderibus, mensuris ac numismatibus à Principe constituenda.

C A P V T X.

QUod præceptum non semel in scriptura reperitur ut scilicet statera dolosa tollatur & modius maior & minor, illud non ad priuatos tantum deterrendos ne in contractibus proximos suos circumueniant dictum est, sed etiam ad Principes erudiendos spectat, quorum munus est curare, & quantum consequi possunt efficere, ut in commutationibus, ac contractibus iustitia seruetur, & æqualitas. *Statera dolosa* (inquit Salomon) *abominatio est apud Dominum, & pondus æquum voluntas eius.* Et in Deuteronomio. *Non habebis, inquit Moses, in sacculo diuersa pondera maius & minus, nec erit in domo tua modius maior & minor, pondus habebis iustum & verum, & modius equalis, & verus, eris tibi, ut multo vinas tempore super terram, quam Dominus Deus dederit tibi. abominatur enim Dominus Deus tuus eum, qui facit hæc, & auersatur omnem iniquitatem.* Et in Leuitico. *Nolite, inquit, facere iniquum aliquid in iudicio, in regula, in pondere, in mensura statera iusta, & aqua sint pondera, iustus modius, æquisque sextarius, ego Dominus.* Mirum enim quantum augeantur illæ Ciuitates & emporia, in quibus bona fide, qui res

Afferuntur quadã testimonio quibus ostenditur quantopere Deo cordi sit iustitia in mensuris ac ponderibus.
Prou. II. I.
Deut. 25.

Leuit. 19.

35.

distrahunt, quique illas mereantur, agunt inter se, & a Principe cavius est omnia moderari, fraudibus, malisque delis, aditus omnis intercluditur.

*Varietas in ponderibus
est mensura
vix vitanda.* 2 Quoniam verò facile fraus irrepit si in ponderibus & mensuris, & pecuniis, quæ publica cudentur auctoritate, constantia, idemque tenor non feruetur, censeo curandum Principi, ut numismata eiusdem semper sint ponderis ac metalli, nec patiatur compendij alicuius faciendi aviditate numismatum materiam adulterinū aliquid admisceri, nec pondera aut veterum mensurarum capacitatem immutari, sic enim infinita prope modum leges præceditur iurgiorum, ac litium, quas alioqui difficillimum sit tollere vel componere. Et sane in Hebræorum Republ. quantum ex sacris litteris colligere fas est, ponderum, mensurarū, numismatum ratio egregie constituta reperitur; nam ut mensuræ constantes essent, minimæque incertæ ex iis rebus petita fuerunt, quæ naturales sunt, ac proinde semper eadem sunt, nam ad digiti vnus constituendam mensuram (quæ alterum minima est) hordei adhibuerunt grana, càmque tandem vnus digiti latitudinem esse statuebant, quæ senis hordei granis iuxta se, qua parte crassiora sunt, collocatis est æqualis. Porro digiti vnus induisibili, certaque mensura semel constituta præclue illis fuit alias maiores constituere, cuiusmodi ea erat, quæ Hebraico vocabulo *עֶשְׂבָּעַת* *esbægh* appellatur, quæ quatuor digitos continet, cuius in Exodo, & alibi mentio reperitur. Hunc etiam cubiti quantitas, quæ digitos continet quatuor & viginii, cuius frequentior est mentio in sacris litteris, quàm ut exempla afferre, sit necesse. Idem iudicium de aliis aridorum,

Exod. 25.

24

Exod. 37.

12.

2 Reg. 7.

36.

derum, liquidorumve mensuris, quas qui huiusmodi res attigerunt, ad naturalem mensuram reuocant, oui nimirum gallinacei capacitatem, vt v.g. Satum (cuius mentio est in sacra Genesi & apud D. Mattheum) tantum contineat quantum centum quadraginta quatuor oui gallinacei, putaminibus contineri potest. Ephii autem sata tria continet, Gomer autem est Ephii pars decima, vt expresse dicitur in Exodi libro, & idem iudicium de reliquis mensuris cuiusmodi sunt Corus, Cadus, Batus, Hin, &c quorum mentio frequenter occurrit in sacris Bibliorum litteris. Rursus in agris metandis ac diuidendis suas eos mensuras, & quidem exactas habuisse constat, nam certæ eiusdem longitudinis resticulis longitudinem, latitudinemque fundorum metiebantur, vt ex eo colligitur, quod legimus apud S. Dauid, *Funes ceciderunt mihi in præclaris*. Cuius loci sensus est, præclaram se nactum possessionem. Cui phrasi illa persimilis est, vel potius eadem, cum in eisdem Psalmis alicubi dicitur. *Sorte dixisti eis terram in funiculo distributionis*, & in Deuteronomio cum canit Moyses. *Pars autem Domini populus eius, Iacob funiculus hereditatis eius*.

Quod verò ad pecunias attinet antiquissima omnium monetarum, quas scriptura commemorat siclus est, cuius in omnibus ferè veteris instrumenti libris occurrit mentio etiam antiquissimis, vt in Genesi, in qua legimus Abraham pro sepulchro, quod ab Ephron coëmerat, appendisse quadringentos siclos argenti probatæ monete publicæ. Huius autem monete quantitas & valor habetur in Exodi libro cum dicitur. *Siclus viginti obolos habet*. in obolis autera minutis admodum mone-

2. Paralip.

4. 5.

Ezech. 40.

5.

Genes. 18.

6.

Matth. 13.

33.

Psal. 15. 6.

Psal. 77.

54.

Deut. 32.

9.

Degenerib.

monetarum

apud Vete-

res He-

braos.

Genes. 23.

16.

Exod. 30.

13.

326 *Institutio politica ex sacris Scripturis.*

Luc. 16.

Exod. 30.
13. 15.
2. Esdr. 10.
32.
1. Reg. 9.
8.

*Publico
aliquo si-
gno seu
charattere
insignia
numisma-
ta esse de-
bere.*

Matth. 22.
15.

tis non facillè mutatio poterat incidere, nam tan-
ti erat oboli vnus argentei pondus, quantum est
grani vnus fructus illius, quem siliquam scri-
pturæ interpretes appellauit apud S. Lucam in hi-
storia prodigi, quod in Græco est *κεράτιον*, quòd
oblongus sit fructus ille & *κεράλον*, id est, cornu
similitudinem quandam præ se ferat. Rursus si-
clus in partes etiam minores diuidebatur, nam &
dimidij sici mentio est in Exodo, & tertiæ partis
in libro Esdræ, & quartæ illius partis in historia
Regum, quibus respondisse creduntur pecuniæ
illæ, quæ Græco vocabulo dicuntur drachma,
didrachmum, stater, nam hic siculo fuit pondere,
& valore æqualis, didrachmum autem dimidio
siculo, drachma verò idem fuit cum quarta sici
parte. Sed ista diligentius discutere nostri non est
instituti, quibus satis est ostendisse in bene con-
stituta Republ. rem istam nummariam constan-
tem ordinem habere debere, ne turbæ exoriantur
inter ciues, & iustitia in contractibus, & æqua-
litas detrimentum aliquod patiatur.

4 Est autem receptissima apud omnes gentes
consuetudo, vt pecuniis, quæ publica Principis
auctoritate proceduntur, signum etiam publicæ
potestatis apponatur, exempli gratia, imago
ipsius Principis & inscriptio, quæ cuius auctori-
tate & imperio nummus ille cusus sit significetur,
nec facile sit alios huiusmodi supposititios ta-
men, & adulterinos efformare. Fuit ista Romano-
rum consuetudo, quod ex S. Matthæi Euangelio
colligimus. Nam cum Pharisei consilium iniui-
sent, vt Christum Dominum in sermone cape-
rent, proposita quæstione de censu Cæsari per-
soluendo, iussit eos Dominus numisma census
osten

ostendere. At illi obtulerunt denarium, & ait illis IESVS. Cuius est imago hac & superscriptio? Dicunt ei, Caesaris, &c. In Hebræorum autem vetere Republ. siclo reliquisque numismatibus symbolum aliquod impressum fuisse probabile admodum est. Imo Moses Gerundensis & post ipsum Arias Montanus in siclo effectum fuisse affirmant vasculum illud, quod manna plenum in arca, ad memoriam tam insignis beneficii apud posteros propagandam Dei iussu seruabatur; præterea admirabilem illam Aaronis virgam, quæ cum aliis in vnum fasciculum collectis in amygdalinos se se flores explicuit, vt habemus in Numeris. Vnius verò partis hanc fuisse inscriptionem S E K E L I S R A E L, id est, *siclus Israël*. Alterius I E R V S A - Lem K E D E S S A H, id est, *Ierusalem sancta*. Imo Arias argenteos siclos, cum huiusmodi vetustissima inscriptione non vidisse se tantum, sed vnum etiam ex illis numismatibus apud se habere confirmat opusculo indicato.

Arias in
suo Tu-
balein.

Num. 17.
8.

De Principis iustitia distributiva.

CAPVT XI.

I Q Vemadmodum in humano corpore principem locum obtinet caput, in quo sensus maxime vigent, quodque reliquorum membrorum functiones omnes moderatur, & dirigit, ita tamen vt reliquæ etiam partes, & membra suos actus habeant, vt quodam loco dicit D. Paulus, adeo vt sine illis, nec caput ipsum, nec

In Reipub.
guberna-
tione Prin-
cipe admi-
nistris in-
ferioribus
indigere:
cauendum
que ne ex

*istū aliquē
nimis atto-
lar.*

Rom. 12. 4.

Jerem. I.
10.

reliquum corpus consistere possit, ita in Republ. Principis, qui est instar capitis, munus est cæteris præsidere magistratibus, illisque prouincias, & munera quæ obeant demandare, & quomodo in illis administrandis se gerant cognoscere; omnino autem magistratibus minoribus, aut administris carere non magis potest, quàm possit caput sine pedibus aut manibus, reliquorumve membrorum adminiculis, vniuersis corporis necessitatibus providere. Quod si quærat aliquis an quemadmodum ad Rempubl. bene gerendam Princeps inferioribus magistratibus opus habet, quorum ministerio ius dicat; ipse etiam Princeps per sese suorum causas, & controuersias cognoscere debeat, & disceptare. Respondendum censeo, nullam aliam difficultatem à iure dicendo Principem auocare debere, quàm eam, quæ in hoc munere exercendo vires superat: nam Principi laboriosum munus impositum esse, omnes qui sapiunt, satis intelligunt, cui conueniat illud Jeremia, *Constitui te super gentes, & regna*, non ut otio indulgeas, & voluptatibus, sed *ut enellas & plantes, ut adifices, & disperdas*. Quæ duæ Agricolæ cæmentariorumque metaphoræ, assiduum bonorum principum laborem in Republ. excolenda, & in melius attollenda ponunt ob oculos; ea autem difficultas tunc accedit, cum latè admodum patet principis iurisdictio & litium, controuersiarumque immensa quædam moles existit, cui salua valetudine, ne remissionibus quidē certis temporibus admissis, par esse possit. Nam si exiguus sit principatus modus, paucosque numeret subditos, qui & ad Principem adire propter modicam locorum distantiam non grauentur,

&

& quos ipse per se ipsum audire possit, eum affirmo, & rem officio suo consentaneam, & populus gratam, suæ dignitati non indecoram facturum, si per seipsum illos audiuerit, & lites controuersiasque aut composuerit, aut iudicando diremerit. Cum Iethro Moïsis focer genero suo auctor fiebat, ut inferiores iudices constitueret, non alia ratione usus legitur, quam ea, quæ ex rei immensa difficultate petebatur, dicebat enim.

Ultra vires tuas est negotium, solus illud non poteris sustinere; quod & Moïses ipse vidit, qui populum

Exod. 18.
18.

ita alloquebatur, *Non possum solus sustinere vos, quia Dominus Deus vester multiplicauit vos, & estis hodie sicut stella cæli plurimi, non valeo solus negotia vestra sustinere, & pondus, & iurgia.* Nec tamen

Deut. 1.
10.

aut Iethro, aut Moïses putauerunt à iudiciis penitus abstinendum supremo reipublicæ moderatori, sed partito in inferiores iudices labore onus dumtaxat humanæ imbecillitati tolerabilius reddendum. Ipse Salomon quo nullus principum in orbe sapientior fuit, an non ipse suis ius dicebat, etiam meretriculis, quæ res adeo eius auctoritati nihil detraxit, ut potius multum existimationis addiderit, *Nam audiuit omnis Israël iudicium quod iudicasset Rex, & timuerunt Regem, videntes sapientiam Dei esse in eo ad faciendum iudicium,*

3-Reg. 3.
28.

idque eo tempore contigit, cum iam in Rempublicam Hebræorum regia dignitas, & maiestas erat inducta: nam qui ante Reges summam rerum moderabantur, & iudices appellabantur, & erant: nam Samuël vnus ex eorum numero quandiu vixit, populum iudicauit in Ramatha, & cum senuisset, filios qui eodem munere fungerentur sibi ipse substituit. Et cum Israëlitas Regis habendi

330 *Institutio politica ex sacris Scripturis.*

1. Reg. 8.
1.
1. Reg. 8.
5.
4. Reg. 6.
28.
Prou. 19.
14.
Ierem. 22.
2.
Prou. 20.
8.
- di cupidino incessit iuxta morem aliarum gentium dixerunt Samuëli, *Constitu nobis regem vt indicet nos, sicut & vnversa habent nationes, & duæ illæ mulieres, quæ ingentis illius famis tempore, quæ Samariam inuasit, de infantulo in cibũ tradendo, & absumendo litigabant super hac controuersia, se Regi stiterunt in muro deambulanti; & Salomon in prouerbijis bene ominatur principibus, qui pauperum etiam causas iudicant, cum ait, Rex qui iudicat in veritate pauperes, thronus eius in aeternum firmabitur. Dominus autẽ per prophetam vt etiam ita fiat præcipit cum ait, Audi verbum Domini Rex Iuda, qui sedes super solium Dauid, tu & serui tui, & populus tuus, qui ingredimini per portas istas. Hac dicit Dominus, facite iudiciũ & iustitiam. Et liberate vi oppressum de manu calumniatoris, & aduenam, & pupillum & viduam nolite contristare, &c. Multum verò refert ad fouendam subditorum in Principem beneuolentiam, si eos ipse audiat per se se, nam & communicatio illa per se iucunda est, & sic intelligunt non contemni se, quo nihil ægrius ferunt, facilius enim & animo æquiore à Principe auditi causa cadant, quàm si saluis rebus suis ad eius conspectum non admittantur, & si audiri postulent, submoueantur. Rursus nihil esse potest quod tantam iustitiæ auctoritatem conciliet, quàm si Princeps idem sit & iudex, qui nec violentiam potentium reformidat, sed in solio suo sedens, vt ait sapiens, dissipet omne malum; nec legum apicibus ad eum modum astrictus sit, quo iudices minorum gentium obligantur. Optandum ergo est, vt ipsi Principes ius subditis quantum fieri potest dicant, vt verè de illis vaticinium illud Isaia prædicari possit, fa-*

elus

Etus est Principatus super humerum eius, aut certè *Iſa. 9. 6.*
 in tribunalia inferiorum iudicum aliquando, aut
 etiam frequenter descendant. Sic enim fiet, vt si
 non iustitiæ, certè principis reuerentiæ, exacti-
 ſque fideliſque ius suum ad se accedentibus tri-
 buant. Hactenus quæſtioni propositæ satisfactum
 est. Verùm quia omnium Principatuum ea est
 conditio, vt sine minoribus Magistratibus con-
 sistere nulla ratione possit, cumque nihil magis
 optent Regni proceres, aliique primarij viri, qui
 vel à nobilitate, vel à doctrinarum cognitione,
 vel à rebus præclarè gestis commendationem ha-
 bent, quàm publica munera & eorum insignia,
 honoresque adipisci, diligentissimè Principi cu-
 randum est, ne aliquis error, aut perturbatio in
 illis distribuendis interueniat, quæ vel ipsi rei-
 publicæ vel honorum istorum candidatis frau-
 di esse possit. Nam vt honorum titulos dignita-
 tùmque fastigium ciues refugiant, & se publicis
 muneribus impares putent, & verò etiam sub-
 ducere conentur, optandum potius est, quàm spe-
 randum, quamquam fuit, vt obiter hoc dicamus,
 demissio hæc & modestia in magnis viris, qui
 quo conatu alij ad magistratus grassantur, eod-
 em illi declinarent, ac deprecarentur. Prophe-
 tabant in Hebræorum castris Eldad, & Medad:
 commouit ea res Iosue, qui statim ad Moysen ac-
 currens, *Domine mi Moyses*, inquit, *prohibe eos*, vel *Num. 11.*
 vt ex Hebræo verti potest, *Mitte illos in carcerem:* *28.*
 quæ causa tantum virum in prophetantes, & di-
 uino Spiritu afflatos incitauit, vt eos prohiberi,
 & in carcerem dari voluerit? Sunt qui dicant,
 penes quos tamen fides sit, id curasse, propterea
 quod vaticinantes, & futura prædicentes, eum
 post

post Mosis obitum reipublicæ præfuturum diceret : cuius diuinationis ipsa etiã verba sunt apud Thargum Ierosolymitanum. *En Moses propheta; scriba Israëlitarum congregatus est de medio mundi, & Iosue filius Nun eius discipulus post eum administrabit res exercitus.* Hæc Thargum. Nimirum quo studio quis prophetas istos sibi conciliare studuisset, ut apud populum eorum testimonio non idoneus tantum, sed diuinitus etiam destinatus ad reipublicæ gubernationem videretur; tanto vir sanctus easdem voces, quibus sibi imperium polliceri sentiebat, qua erat modestia, & animi demissione, coërcere conabatur. Sed ad institutum nostrum redeamus. Est sanè admodum proclive in magistratibus demandandis impingere, vel quia Principes subditorum ingenia motusque cognoscere non ita facilè possunt, vel quia iis quos satis cognitos habent, alios quos magis amant, anteponunt. *Est malum*, inquit Salomon, *quod vidi sub sole, quasi per errorem ingrediens à facie Principis positum stultum in dignitate sublimi; & diuites (virtutum scilicet & doctrinarum opibus abundantes) sedere deorsum. Vidi seruos in equis. & Principes ambulantes super terram quasi seruos.* In nullum aptius conuenit iustissima hæc conquestio Salomonis, quam in Aman Agagiten, quem Rex Assuetus exaltant, ut scriptura loquitur, & posuit solium eius super omnes Principes quos habebat, cunctiq; serui Regis, qui in foribus palatii versabantur, flectebant genita, & adorabant Aman. sic enim praeceperat eis Imperator, qui cum omnia videret ex se vno pendentia, ita iubente Assuero, hominibusque ac gentibus fortunam se dare posse existimaret, omnium ab ipso vno ambitione suspensa: adeo
agré

Eccles. 10.
5.

Esther 3.
1.

ægrè tulit sibi à Mardocheo cultum illum dene-
gari,quem reliqui omnes exhibere consueuerant,
vt suæ iniuriæ vindicandæ satis esse non putaret,
si illum de medio tolleret ; sed de vniuersa Iu-
dæorum gente penitus abolenda cogitarit. Tam
verò supinus, & negligens in Amani moribus,&
studiis explorâdis fuit Assuerus, vt quidquid ipse
suggereret oraculi cuiusdâ loco haberet, ipsique
quantum vellet in subiectos populos concede-
ret potestatem, tradito etiam annulo signato-
rio, quo ipse ad Iudæorum perniciem vteretur.
Tulit ergo Rex annulum, inquit scriptura, quo vte-
batur, de manu sua, & dedit eum Aman filio Amada-
thi de progenie Agag hosti Iudæorum, dixitque ad eum.
Argentum quod in polliceris tuum sit, de populo age
quod tibi placet. Hunc autem stultum merito di-
cere possumus non tantum eo nomine,quod scri-
pturarum phrasi improbi omnes stultitiæ cuius-
dam notentur ignominia, sed etiam propterea
quod fortunam suam reuerenter habere nescie-
rit, non satis intelligens quàm in lubrico sit co-
rum potentia, qui ab humili loco, malis etiam
attribus progressi ad summos magistratus prorep-
serunt ; quibus si moderatione animi, comitate
in omnes, morumque facilitate locum quem sunt
adepti non tueantur, ferè accidit, vt & se ipsos
perdant, & alios etiam multos in idem exitium
trahant. Hoc quàm verum sit Amani exitus sa-
tis superque declarauit, nam collectam multo
tempore gratiam vna duntaxat effudit offensio,
& quam inimico suo parari iusserat crucem, as-
cendit ipse, Dominoque illi pro malo iustam re-
pendente vindictam, cum suis funditus euersus,
& extinctus est. Mardocheus verò cuius eximia
fue

Ibid. n. 10.

fuerant in Regem promerita, à cuius iugulo con-
iuratorum Eunuchorum gladios auerterat, ab
Amano prius despectui habitus, & odio; postea
ab inuito etiam triumphantis habitu circumdu-
ctus, non iam amplius vt loquitur Ecclesiastes
super terram ambulauit quasi seruus, sed equo Regio
insidens, honoribus auctus & potentia, popu-
lum suum à cæde liberauit, multisque auxit be-
neficiis, vt quemadmodum prosperitas Amanum
perdidit (nam iuxta sapientem *Prosperitas stulto-
rum perdet illos*:) ita Mardochæi prudens modera-
tio, in proposito constantia, religio denique, &
populi sui veri Dei cultoris amor, ad ea omnia
bona quæ consecutus est, Dei potissimum dexte-
ra opitulante, prouexerit.

*Aliquibus
scriptura
locis pro-
batur ab-
surde face-
re Princi-
pem, qui
immereuti
honorem
tribuit.*

Prou. 26.
8.

2 Illud igitur in priuís intelligat Princeps, nihil
absurdius, & verò etiam periculosius esse, quàm
si Magistratus, Præfecturæ, aliæque honorifica
munera, ineptis, aut minus idoneis demanden-
tur. Sicut qui mittit lapidem in acervum Mercurij, in-
quit Salomon, ita qui tribuit insipienti honorem: cu-
ius dicti eum sensum esse volunt aliqui, vt doceat
sapiens rem absurdissimam eum facere, qui im-
merentem dignitatum titulis, & muneribus pu-
blicis ornat, non minus quàm faceret ille qui
adamantem, aut carbunculum, aut lapidem alium
pretiosum in acervum communium lapidum proii-
ceret, quales cumuli ad statuas Mercurij in bi-
uiis aut triuiis, iuxta veterum consuetudinem,
passim cernebantur. Paulo diuersam sententiam,
sed eodem planè spectantem exhibet 70. virorum
interpretatio, qui legunt, *sicut qui ligat lapidem in
funda*, vel vt est in Græco ἐν σφαδῶνι, ita &c. cuius
versionis sententia, quidquid alij dicant, meo
quidem

quidem animo ea est, ut doceat sapiens, non minus absurdum esse in stultum hominem honoris aliquid, aut dignitatis conferre, quàm lapidem aliquem nullius pretij, auriculae annuli palam includere, hoc est latiori annuli, turgidiorisque parte: quam enim Latini palam vocant, eam Græci *σπευσόλυον* dicunt, ut Græcè vel mediocriter eruditus notum est. Sunt etiam qui vocem Hebraicam Margema, purpuram significare contendunt, sensumque hunc ex Hebræo elici velint. Quemadmodum stultum est, lapidem aliquem rudem purpura inuoluere, & in curuli aliqua sella quasi ius dicturum collocare, ita planè stultum est stolidum aliquem hominem & bardum, aut pravis moribus imbutum, muneri alicui, iurique dicendo præficere, periculum enim est ne vel per inscitiam dum lites ad se venientium controuersiasque disceptat, à recto veritatis tramite deflectat: vel animi perturbationibus transuersus agatur, volensque ac prudens eis noceat, quos ab iniuria inimicorum incolumes seruare debuisset. Sed fortè Septuaginta Hebræam vocem Margema *σπευσόλυον* id est *palam* verterunt, quod duplicem significationem haberet, & purpuram, aut annuli palam significare posset. Fauet autem huic coniecturæ, quod aurifices solent palam annuli, cui gemma aliqua inferenda est, bracteola aliqua purpurea, vel alterius coloris ab interiori parte munire, ne gemmæ usque ad aurum visum transmittant, neque fulgor ex lapillis existens flaccidus, & iners sit, sed viuus & vibrans: quare qui Hebræum contextum de purpura illa palam intellexerit & sensum commodissimum eliciet, & Septuaginta interpretes cum Hebraica lectione conciliabit

Zachar.
II. 17.

Psal. 113.
85.

Zachar.
II. 16.

ciliabit. Huiusmodi autem homines, qui iis carent dotibus, quibus par est præditum esse eum, qui aliis gubernandis præficitur, idola vocat Zacharias, pulcherrima sanè similitudine, & cum Salomonis similitudine, quam hætenus explicauimus, optimè consentiente. *O pastor*, inquit, *& idolum*. Quemadmodum enim saxum aliquod ex aliqua rupe excisum, & in humanam formam edolatum speciem quidem exhibet hominis, homo tamen non est, cum nec audire possit quæ dicuntur, nec quæ in eorum conspectum perpetrantur intueri, *Os enim habent & non loquentur, oculos habent & non videbunt: aures habent & non dicit, nares habent & non odorabunt, manus habent & non palpebunt, pedes habent, & non ambulabunt*, vt de mutis simulacris canit sanctus David: ita homines isti lapidibus nihilo sapientiores, licet ad instar statuarum sericis, aut purpureis vestibus amiciantur, licet magistratuum insignia, & ornamenta circumferant, lapides tamen sunt ad omnia muti, & sensibus carentes, ad ea tantum vigilantes, erecti, maiorémque in modum imminentes, & intenti, quæ lucri alicuius aut honoris spem aliquam patefaciunt. *Nam licet derelicta non visitent, dispersa non querant, & contrita non sanent, & id quod stat non enuriant, carnes tamen pinguium comedunt, & ungulas eorum dissoluunt*, vt quod falso de suo Idolo Bel iactabant illius sacerdotes nocte scilicet eum comedere, & idcirco inter viuentes Deos esse censendum, vt propterea Regi persuaferint, vt ei per singulos dies simile artabæ duodecim, & oues quadraginta, vini quæ amphoræ sex apponerentur, quas ipsi fideles scilicet tanti dei cultores in suos & filiorum vsus conuertebant,

de illis verissimè prædicari possit. Eum verò esse loci illius Zachariæ sensum vox Hebræa *ליל* *Elil* satis ostendit, quæ nihil, vanum, inutile significat, atque propterea pro idolo frequenter ponitur in scriptura, *idolum enim nihil est*; ut ait D. Paulus alicubi, quia nullum verum numen illi respondet simulacro, quod diuinitatem inanem, & hominum errore vel vitio inductam repræsentat. Idem igitur est apud prophetam dicere, *O pastor, & Idolum*, ac si diceret, *O pastor nihili, ô pastor qui præter figuram, & speciem pastoris nihil habes*. Qui ergo huiusmodi pastores eligunt, id agere videntur, ut rem simul indecoram faciant, & gregi quem hac ratione perdunt, perniciosam. *Nam quo modo nix in aestate, & pluuia in messe, sic indecens est stulto gloria* inquit Sapiens. Nam quemadmodum si æstiuis caloribus cum fetus arborum erumpunt, aut maturescunt, cum fruges solibus excoctæ colligendæ sunt, & in horrea condendæ, magna vis niuium effunderetur, proculdubio & segetes quæ falcem expectarent, & arborum baccæ, ac poma corrumperentur, magna campis vastitas, ciuitatibus annonæ caritas induceretur; ita qui ineptis istis, stolidisque magistratibus, idoneis ac sapientibus præteritis, ciuitates populósque regendos credit, rem facit non modo intempestiuam, & inutilem, sed mirum quantum noxiam, & perniciosam.

3 Et quamuis viros nauos, & strenuos, boni publici amantes, quique publicis potius commodis malint deferuire, quàm propriis, & quod caput est, qui fidelem Principi operam nauent, difficile admodum sit nancisci, dicente Salomone, *Peculiaris quadam præcepta huc facienda, ut de consanguineorum*

*Principum
potentia in
officio con-
firmēda est.*
Prou. 20.
6.

Principi & in hanc rem non oscitanter intento, multi deesse non poterunt, qui cum suam industriam, & virtutem in minoribus magistratibus Principi egregiè probauerint, sensim ac per gradus ad maiores attollantur; sic enim illi rerum gestarum præmium aliquod consecuti animos erigunt, & ad rem in posterum optimè gerendam redditur alacriores & in ampliorem educti campum, clariora exhibent suæ documenta virtutis. Sic Alexander Macedonum Rex, postquam toto Oriente arma circumtulit, plurimāsque gentes Macedonico subiecit imperio, cum plurimis tam diuturno bello cōmissis pugnis, suorum virtutem cognitam haberet, atque perspectam, Prouincias inter præcipuos suos ducēs, viuens ipse, sed morti tamen proximus, partitus est, vt ex sacra

1. Machab.
1.1.

Machabæorū historia discimus, vt scilicet quemadmodū eos in adeundis periculis alacres, in laboribus tolerandis fortes, in cōsiliis deliberationibūque prudentes esse compererat, ita præmiū quā posset amplissimum corū virtuti decerneret; illisque constitutis Principibus; prouinciarum suarum incolumitati, quā optimè fieri posset, cōsultum esset. Sed non omniū Principibus ea est solertia, vt quid cuique debeat, cui quisque muneri à natura factus sit, quæue doctrinarum, aut experientiæ sibi comparauerit adiumenta, dispicere possint, & vt possint, periculum tamen est, ne alia omnia interdum spectent, aut ærarium locupletius reddere studentes, aut animi propensione in adulatōres nescio quos, ne quid grauius dicam, incliuantes; cōsque in vltimis hærere sinentes, qui cum malis artibus ad magistratus consequendos grassari indignum putent, à virtu-

e duntaxat, quæ minimum in aliquorum Principum aulis potest, commendationem habent. *In duobus*, inquit Ecclesiasticus, *contristatum est* Eccles. 26.
cor meum. Vir bellator deficiens per inopiam, & vir sen- 25.
atus contemptus, qui etiamsi cum difficilia reipublicæ tempora incidunt, adhibeatur in consilium, vel rebus gerendis præficiatur, tamen postquam periculosa tēpestare defuncti sunt Principes, nullam, ut par esset, strenui, & de republica benemeriti viri rationem habent, sed despectum, contemptum, omnibusque posthabitu esse patiuntur. *Hanc quoque* (inquit Salomon) *sub sole vidi sapientiam, & probavi maximam: Civitas parva, &* Eccles. 9. 13.
pauci in ea viri, venit contra eam Rex magnus, & val-
avit eam, extruxitq; munitiones per gyrum, & perfecta est obsidio. Inuentusque est in ea vir pauper, & sapi-
ens, & liberauit urbem per sapientiam suam, & nullus deinceps recordatus est hominis illius pauperis. Ut ergo Princeps bonorum Magistratuum delectum sapienter habere possit, omnes animi perturbationes exuere studeat, reipublicæque duntaxat commodum ob oculos posito, eos apud se constituat ad præfecturas, & magistratus euehere, quos ad veram laudem solida virtus & aliquibus probata experimentis, erexit. Et quamvis nobilibus viris favere æquum sit, & diuitibus etiam, quos ab avaritiæ sordibus longius abesse merito credendum est, quibus etiam generis, & opulentiæ fama existimationem conciliat, quæ in negotiis tractandis, plerunque magno usus esse solet: non tamen tenuioris fortunæ homines propterea consentaneum est eum aspernari, cum sub sordido palliolo sapiētia latere possit: nam quemadmodum insanum esset equum aliquem ad cursum

sum expeditissimum existimare, quod pretiosis phaleris, aureoque fræno esset ornatus; ita non mediocriter errant illi, qui cum aliquem sericis indutum vestibus, aureo torquæ de collo suspenso ornatum cernunt, magna etiam clientum, famulorumque caterua stipatum, continuo sapientem hominem suspicantur, quasi cultus hic sapientiæ debitus stulos etiam homines frequenter nõ circumstibat. Reddenda ergo est unicuique nativa sua facies, phalerisque cogitatione detractis, ad exactum vocanda sunt examen vitia quæ latent, virtutesque si quæ forte sunt; hoc si facere nescimus, stulti sumus rerum æstimatores. *Etenim*, inquit D. Iacobus, *si introierit in conuentum vestrum vir anulū aureum habens in veste candida, introierit autem & pauper in sordido habitu, & intendatis in eum qui indutus est veste preclara, & dixeritis ei. Tu sede hic bene, pauperi autem dicatis. Tu sta illic, aut sede sub scabello pedum meorum, nonne iudicatis apud vosmetipsos, & facti estis iudices cogitationum iniquarum?* Sed à Principum consanguineis, & propinquis tanto fortasse magis sibi distributiva iustitia timere potest, quanto facilius beneuolentia, qua propinquos complectimur, fucum nobis facere potest, quam externa illa diuitiarum species, & apparatus, quem licet tenuioris fortunæ homines admirentur, viri tamen principes quorum census tanto ampliores sunt, & frequentior stipantium numerus, adeo non suspiciunt, ut opulentissimos quosque præ se, etiam contemnere nonnunquam consueverint. At coniunctio illa sanguinis ita veritati nonnunquam velum obtēdit, ut ignauissimus quisque ad summos etiam Reipublicæ honores non alia de causa admoveatur,

ut, quàm quia eiusdem gentis est, & familiæ,
 antaque indulgentia corruptissimi eorum mo-
 es tolerentur, ac si virtutes essent. Nimirum *ocu-*
carnei aliquibus Principibus esse solent, & *si* Iob 10. 4.
u videt homo & ipsi vident, sensumque suum enec-
ent, oculosque suos declinant ut non videant cœlum,
que recordentur indiciorum iustorum. Sed illud tan-
 tum quantum possunt modis omnibus virgent,
 diuitiis & honoribus augeantur: si verò ad mu-
 era reipub. inepti sunt, si in subditos acerbi,
 fastu superbiæque turgidi, hoc scilicet pro-
 inimo habent, illos ne verbis quidem leui-
 t increpare sustinentes. Sicut de Dauide legi-
 tas iu tertio Reg. qui Adoniam eleuantem se, & 3. Reg. 1.
 gnum affectantem. *Non corripuit aliquando di-*
us, quare hoc fecisti? Cuius negligentia (nam ab 6.
 quo, licet forte non ita graui negligentia cri-
 ne Dauidem plerique Sacræ scripturæ inter-
 etes non liberant) causam in nimium amorem,
 o Adoniam secundo loco genitum post Absa-
 l, illique pulchritudine planè geminum pro-
 uocabatur, conferre possumus. Nam paterna
 filium charitas, & Absalonis extincti imago in
 onia fratre superstite elucens, atq; in se-
 m iam inclinata, quæ homines ad audendum
 idiores facit, impedimento fuerunt, quomi-
 asperiore aliquo verbo filium ea mouentem
 bus publica pax, & quies turbabatur, incre-
 e non auderet. Ut ex hoc vno exemplo colli-
 e possimus quid de de Principibus qui sine de-
 u cōsanguineos sub ad summos honores eue-
 it, quorū virtus cum Davidis sanctitate con-
 nda nō est sperare possimus. Huc etiam facit
 i summi sacerdotis in filios grauissimè pec-
 cantes

cantes remissio , de qua alibi diximus, quæ à Domino per prophetam acriter reprehensa est, & grauissimis pœnis, ad posterorum exemplū vindicata. Affectum hunc egregiè vicerat S. Moyſes, qui cum diuinitus se proximè à morte abesse cognouisset, mentèque reputaret fieri posse, vt in successore designando, quæ est humanorum iudiciorum imbecillitas, falleretur; non filios, non consanguineos nominauit, sed quia multi sunt in hominum animis recessus, totum hoc iudicium Deo cordium scrutatori relinquendum putauit, vt ipse quem vellet, atque idoneum esse sciret, siue propinquus esset, siue alienus, ad Reipublicæ illius gubernacula admoueret. *Provideat*, inquit,

Num. 27.
15. *Dominus Deus spirituum omnis carnis, hominem qui sit super multitudinem hanc, & possit exire, & intrare ante eos, & educere eos vel introducere, ne sit populus Domini sicut oues absque pastore.* Huius facti adiūcta elegantissimè, vt solet, & grauissimè persequitur Philo libro de charitate, cuius verba quia ad rem nostram mirum in modum faciunt, adscribere erit operæpretium. Cum, inquit, *mortalis huius vita finis instaret, oraculo aperto de hoc premonitus, nullum vel Regem, vel priuatum imitatus est, quorum unicum votum habetur, ac studium, heredes liberos relinquere; sed quamuis pater esset duorum filiorum, neutrum successorem sibi optauit, victor affectuum erga cognatos, & domesticos, & poterat si filios suspicabatur parum idoneos, certe fratris filios extollere, iam virtute meritos sacerdotium: sed fortasse aut non placebat eos à diuinis rebus distrabi, aut potius cogitabat impossibile esse eundem hominem rectè curare simul regnum, & sacerdotium, quandoquidem alterum religionis, alterum subditorum curam proficeretur: aut fortasse non putauit rem iam ma-*

gnam

Philo lib.
de chari-
tate.

gnam pertinere ad suum iudicium, maluitq; indicandam Deo committere qui pro sua potentia perspicit etiam inima pectorum. Hæc vera esse vel hinc colligitur. Erat ei amicus, & familiaris pene à puero Iesus nomine, non vulgaribus conciliatus artibus, sed amore integro cœlestique, ex quo omnes virtutes proveniunt. Is etiam cœnuctor, contubernalisque propheta fuit; nisi si quando ille secessum quasiuit propter diuina colloquia. Idem administrationis Reipubl. particeps, & tantum non Principis vicarius, multa pro potestate solitus erat gerere. Attamen quamuis sciret hunc esse diu spectata probitatis hominem, dictisque factisque, honestatem eius expertus, & quæ maximè requireretur ad benevolentiam erga populum, nec sic quidem ausus est ei principatum committere, ne forte opinione falleretur, non satis fidens humano iudicio, itaque ne sibi ipsi quidem credens simplex inuocauit Deum, qui solus inuisibilem animam introspicit, & mentium arcana penetrat, ut ex optimatibus eligeret unum aliquem idoneum Principem, qui paternam curam subditorum gereret: subleuatisque ad cælum puris, & virginea (ut ita loquar) castitatis manibus sic precatus est. Prospiciat Dominus Deus spirituum, & vniuersa carnis de homine, qui plebem hanc curet, pascatq; sine crimine, ne corrumpatur, sicut grex dispersus carens Magistri cura & diligentia. Quis non miretur has preces, dicatque. Hæc quid ais? Ita ne tibi fratrique desunt germani filij, successorésque à natura dati? aut his aut illis principatum relinquito. Quod si neutros existimas idoneos, & potior est tibi Reipublica quam necessitudinis domestica ratio; habes certè amicū irreprehensibilem, ac probata virutis, vel tuo iudicio sapientissimo. Quin igitur hunc, si probitas non genus spectatur, eligis? Verum respondebit, cum in omnibus rebus non esse præcipitandum iudicium, tum

in his potissimum, quæ rectè aut secus administrata, plurimis felicitatem, aut calamitatem afferunt. Nihil autem principatu maius, cui belli, pacisque arbitrium committitur à ciuibus: quemadmodum enim ad prosperam navigationem opus est bono peritòque gubernatore, sic etiam sapiente Principe ad tuendam tranquillitatem bene constituta *Reipublica*. Cæterum de sapientia, quæ non me tantum, sed & toio mundo est antiquior, non est fas quemquam iudicare nisi Deum, aut aliquem & sincerum, purum, germanumque amatorem ipsius sapientia. Et iam ante exemplo meo didici, ne alijs quidem vicumque idoneis in speciem, principatum decernere. Nam *Reipublica* curam inuitus suscepi, non humanis suffragijs Princeps designatus, sed manifestis oraculis, diuina voce iubente, quantumlibet depricarer, molem rerum veritus, donec iterum atque iterum iubenti parere, metu coactus sum. An non igitur absurdum fuerit nunc non per eadem incedere vestigia, & cum ipse noluerim principatum nisi ex Dei sententia sumere, nunc arbitrato meo successorem eligere, ne hominum quidem expectatis suffragijs? præsertim cum agatur de regimine gentis non vulgaris, sed primum populosissima omnium quotquot usquam sunt, deinde professa rem maximam, cultum eius qui est pater conditorque rerum omnium. Quidquid enim alijs contigit ex optima cuiusque philosophia studio, id *Iudaïs* ex suis legibus, ac moribus, videlicet summi Dei notitia, repudiato errore Deorum, ex creaturis consecratorum. Nullus enim creatus verè Deus est, quantumuis habeatur pro Deo, cum aternitate, sine qua non est numen, careat. Hoc unum euident argumentum est eximia erga suam gentem charitatis, ac fidei. Hactenus Philo. Quibus planè consentiunt quæ quodam loco habet Origenes, siue

sen

sententiam spectes, siue vtilitatem; quæ ex iis percipi potest. *Recessurus*, inquit, *Moses* de saculo orat *Deum*, ut provideat ducem populo. Quid agis *Moses*? nunquid filij tibi non sunt *Gerson* & *Eleazar*? aut si aliquid de illis dubitas, non sunt filij fratris magni, & egregij viri? quomodo non oras *Deum* pro ipsis, ut eos constituat populo duces? Sed discant *Ecclesiarum Principes*, successores sibi non eos qui consanguinitate generis inuncti sunt, nec qui carnis propinquitate sociantur, testamento signare; neque hereditarium tradere *Ecclesia principatum*, sed referre ad iudicium *Dei*, & non eligere illum quem humanus commendat affectus, sed *Dei iudicio* totum de successoris electione permittere. Nunquid non poterat *Moses* eligere principem populo, & vero iudicio eligere, & recta iustaque sententia? ad quem dixerat *Deus*, Elige presbyteros populo, quos tu ipse scis presbyteros esse, & elegit tales in quibus continuo *Dei spiritus* requiesceret, & prophetarent omnes. Quis ergo ita potuit eligere principem populi, ut *Moses* poterat? Sed hoc non facit, non eligit, non audet. Cur non audet? Ne posteris presumptionis relinquat exemplum. Sed ausculta quid dicit. Provideat, inquit, *Dominus Deus spiritum* & omnis carnis, hominem super *Synagogam* hanc, qui egrediatur ante faciem eorum & qui ingrediatur, & qui producat eos, & qui reducat. Si ergo tantus ille ac talis *Moses*, non permittit iudicio suo de eligendo Principe populi, de constituendo successore; quis erit qui audeat vel ex plebe, quæ sæpe clamoribus ad gratiam, aut ad pretium fortasse excitatis, moveri solet; vel ex ipsis etiam *Sacerdotibus* quis erit, qui se idoneum ad hoc iudicet, nisi si cui oranti, & petenti a *Domino* reneletur? Hæc *Origenes*. Illud tandem observatione dignum videtur quod alicubi *S. August.* notavit, quamo-

Hom. 12.
in Numer.

Serm. 82.
de tempo-
re, tom. 10.

346 *Institutio politica ex sacris Scripturis.*

brem scilicet Iosephus postquam fratrum scelere in Ægyptum delatus est, & è carcere eductus toti regno cum summa potestate præpositus, parentem tamen quem vehementer diligebat, quemque mœrore & lacrymis confici non ignorabat, status sui certiozem non fecerit. Nam nec obliuisci potuit parentis indulgentissimi, qui fratres tanto post agnouit cum primum eos aspexit in Ægypto, nec qui omnia cum potestate moderabatur, à rege prohibitus est nuntios destinare, nec longè distitarum regionum intercapedo prohibuisse credenda est, cum minus quàm trecenta millia passuum inter Ægyptum, & Chananitidem, in qua Iacob agebat, numerentur, nec deessent mercatores, aliique viatores, qui vltro citroque frequenter commercarent, cuiusmodi illi erant Ismaëlita, qui de Galaad portabant aromata, & resinam, & statim in Ægyptum, quibus, accepto pretio, Ioseph à fratribus venditus fuerat. Quæstioni respondet Augustinus, diuino id accidisse consilio, ne tribulationis, & doloris illius fructu sanctus senex fraudaretur; cui responsioni non repugno, sed illud addi posse puto, consultum esse putauisse Iosephum, si parentem, fratres, consanguineosque suos, donec diuinæ prouidentia consilio aliud statueretur, procul haberet, ne forte eorum gratia in Reipubl. administratione impingeret ipse, aut aliqua eius famæ labes aspergeretur, si eos apud se honorificè habere, & potestatis suæ participes facere voluisset. Quam etiam constantiam tenuit postquam in Ægyptum omnes descenderunt, nam nec in Regia eos degere, nec à pastoralis vita cui assueuerant, ad aulicam transire passus est. Sed iam ad

Genes. 37.
25.

tertiam iustitiæ partem, quæ Vindicatiua dicitur, veniamus.

De Iustitia vindicatiua Principis.

C A P V T XII.

AD fanciendam salutarem legum disciplinam, scelerum quæ perpetrantur vindicta in primis necessaria est in quacumque bene constituta Republ. quamuis enim amore virtutis, & honestatis ab iniuria, violandisque legibus abstineant boni; nunquam tamen mali desunt, qui formidine dumtaxat pœnæ in officio contineri possunt. Illud autem in primis statuendum est, vt boni ciues recti amantes, & honesti habendi sunt in pretio, fouendi, & modis omnibus ornandi; ita contumaces, & turbulentos, iugumque legum excutere molientes, seueritate pœnarum in officio contineri debere. Ac quemadmodum de Deo dicitur in psalmo, *Cum sancto sanctus eris, & cum viro innocente innocens eris, & cum electo electus eris, & cum peruerso peruerteris.* Et in Prouerbiis iuxta 70. *Pruersis pruersas vias immitte Dominus.* ita Princeps bonos & innocentes benignè complecti debet, & tractare, malos autem terrore pœnarum à scelere, atque flagitio reuocare, sic enim si peccantibus ipsis sanitatem afferre non poterit, certè cæteros à suscipiendis criminibus deterrebit. *Pestilente flagellato*, inquit sapiens, *stultus sapientior erit.* Et alibi, *Mulctato pestilente sapientior erit paruulus.* Et Isaias, *Cum feceris* (inquit) *in-*
Pœnis infligis malos à peccando deterri.
Psal. 17. 26.
Prou. 21. 8.
Prou. 19. 25.
Prou. 21. 11.
dicia

348 *Institutio politica ex sacris Scripturis.*

- Isai. 26. 9. *dicia tua in terra institutum discunt habitatores orbis.*
 3. Reg. 20. 23. Hinc grauiter in Regū historia castigatur Achab Rex Israel, quod Regem Assyriæ Benadad, quem habebat in potestate, ac pro eo quod multis malis Israëllem vexauerat, Deo volente interficiendus erat, non solum liberum dimisisset, sed in currum suum sustulisset, fratremque nominasset. *Quia dimisisti* (inquit propheta) *virum dignum morte de manu tua, erit anima tua pro anima eius.* Quod vaticinium tunc impletum est, cum in pugna aduersus eundem Benadad commissa, sagitta in incertum à milite excussa, grauiter sauciatus Achab, post aliquot tandem horas extinctus est. Illud verò multo magis vitandum est, ne qui morti omnino debentur aut alio supplicij genere ad aliorum terrorem puniendi sunt, pecuniā, aut muneribus sibi parent impunitatem, eamque in ciuibus opinionem ingenerent, scelus quodlibet, quantumvis graue, oblata pecunia redimi posse. Quamuis enim pecuniaria multa leuiora aliqua peccata vindicari rationi consentaneum sit; atrociora tamen, & quæ magis exempli prauitate Reipubl. bono incommodant, pari poenarum seueritate punienda sunt. nec si quando visum fuerit crimen aliquod pecunia compensandum, eam decet in proprios vsus Principes conuertere, ne studio potius avaritiæ, quàm facilitatis, aut clementiæ ductos, eam quam infligere iure potuissent, poenam condonasse videantur. *Va qui iustificatis*
 Isai. 5. 23. *impium pro muneribus,* inquit Isaias, & alibi. *Quomodo facta est meretrix ciuitas fidelis plena iudicii, iustitia habitauit in ea. nunc autem homicida.* Quemadmodum enim meretrices accepto pretio vulgant corpora, ita iudices iniqui, & Principes pecuniæ
 potius,

potius, quàm æquitatis amatores, iustitiam, cuius integritatis tanquam virginis cuiusdam regię satellites acerrimi, solertissimique esse debuissent, tanquam meretricem passim prostituunt, id enim propheta querebatur. Nam cum prius iuri dicundo præpositi incorruptè iudicando suam fidem ita populis probarent; vt nullus expostulationibus locus superesset, factum postea erat, vt plerique eorum auri splendore cæcati, omnem iudiciorum rectitudinem, avaritia animos corrumpente, confunderent. Pauci enim erant, aut fortasse nulli, qui cum Samuele gloriari possent, *Loquimini de me coram Domino, & coram Christo eius*, 1. Reg. 12. *utrum bonem cuiusquam iulerim, aut asinum, si quempiam calumniatus sum, si oppressi aliquem, si de manu cuiusquam munus accepi, & contemnā illud hodie, restituamque vobis;* vel vt ex Hebræo vertit Ragninus, *De manu cuius acceperim propitiationem, & occultauerim oculos meos.* vel vt alij. *Et super eo dissimulaui.* Kaldæus, *& inclinaui ab eo oculos meos in iudicio.* Semper autem eadem sententia est asserentis se nunquam à fontibus accepisse pecuniam, aut munus aliquod, vt ad eorum crimina conniueret, aut oculos auerteret, sed in rectè iudicando constantiam perpetuò ita tenuisse, vt sibi nullus posset, quantumuis maleuolus obrectator, destitutæ, aut prostitutæ iustitiæ crimen impingere.

2 Quod si causam queramus, cur pœnæ fontibus remittendæ facile non sint, eam affert Isaias, *Misereamur*, inquit, *impio & non discet iustitiam:* nam vt docet Salomon in Eccles. *Peruersi difficile corriguntur.* contracti enim longa consuetudine habitus, in naturam quodammodo transcunt, ac quemadmodum, quæ naturalia sunt, natura ipsa repugna

*Sontibus
parcendum
non esse
quia non
sunt me-
liores: &
quia san-
guis ab ip-
sis fusus
clamat ad
Principem.*
Isai. 26. 10.
Eccles. 1.
15.

repugnante tollere non possumus, aut mutare, sed eadem semper in omnibus sunt, ita qui sceleribus diuturno tempore insueuerunt, vitiosi illius coloris quem imbiberunt adeo tenaces sunt, ut etiam si se lauerint nitro, & multiplicauerint sibi herbam borith, maculati tamen sint in iniquitate sua: ac quemadmodum atrum colorem Æthiopis qui tentauerit eluere, operâ ludet, cum naturalis ille color tali debeat corporis temperamento, ita qui longa assuetudine malè facere didicerunt, vitio peruersæ voluntatis virtutis coloris quodammodo incapaces esse videntur, ut quodam loco

Ierem. 2.
22.

Ierem. 13.
23.

queritur Ieremias cum ait: *Si mutare, inquit, potest Æthiops pellem suam, aut pardus varietates suas, & vos poteritis bene facere cum didiceritis malè.* Ergo quemadmodum prudentes medici membra illa à reliquo præcidunt corpore, quæ ita corrupta sunt, ut etiam communicato morbo reliqua tabefaciant; ita sapientes Reipubl. moderatores à Reipubl. corpore sceleratos homines, quos pestilentes scriptura frequenter appellat, ita præcidere debent, ut nullum periculum sit, ne partes illæ quæ infectæ nondum sunt, morbo correptæ

Ecclef. 10.
12.

putrescant, ac pereant. *Breuem enim languorẽ præcidit medicus, inquit Sapiens, id est cum in primordiis adhuc versatur, nec adeo gliscit, ut corpus omne peruadendo morbi contagio populetur.* Altera causa est, quod cum priuati homines suas ipsi iniurias persequi prohibeantur, publicæ potestatis, quæ omnium nomine gladium portat, munus est ita illos vindicare, ut Reipubl. consulatur, & priuatis etiam qui violati sunt, fiat satis.

3. Reg. 2.
31.

Idcirco Salomon Banaia imperans, ut Ioab iam pridem mortis reum interficeret: *Interfice, inquit, eum,*

eum, & sepeli, & amoue bis sanguinem innocentem, qui effusus est à Ioab, à me, & à domo patris mei. Nihil autem aliud est amouere sanguinem innocentem effusum, quàm contra iustitiam perpetratam cædem, debitam pœnam rependendo, expiare. Phra- si enim scripturæ satis frequenti sanguis cæso- rum clamare dicitur, & vindictam postulare, & donec fontibus, qui illum iniuste effuderunt, ea pœna inflicta sit, quam meruerunt. Sic de Abelis sanguine dixit Deus : *Vox sanguinis fratris tui cla- mat ad me de terra.* Et apud D. Lucam Deus dici- tur *facturus vindictam electorum suorum clamantium ad se die, ac nocte.* & in Apocalysi legimus, *Vindica sanguinem sanctorum tuorum, qui effusus est.* Et de Christo sanguine in Epistola ad Hebræos habe- mus, *sanguinis effusionem melius loquentem quàm Abel.* Vt ergo muneri suo Princeps satisfaciat in re tam graui, apud se planè constituat fontes im- punè non dimittere, accepto præsertim pretio, & sibi legem illam, quam Dominus in Hebræorum Republ. seruati volebat, penitus indicat, ita enim legimus in libro Numerorum. *Hæc sempiterna erūt, & legitima, in cunctis habitationibus vestris. Non accipietis pretium ab eo qui reus est sanguinis, statim & ipse morietur :* sic enim fiet vt *Rex sapiens impios dis- sipet,* vt est in Prouerbiis, vel vt est apud 70. illo- rum sit *Ventilator.* quemadmodum enim palææ & frumenti retrimenta ab ipso tritico ventilando separantur, & vt est in Christi parabola, flammis destinantur; ita Ciuitatem ab istis hominum no- xiis quisquiliis sapiens moderator vindicariuæ iustitiæ ventilabro purgare debet, ne totum sin- ceri integrique frumenti cumulum inficiant, & corrumpant.

Genes. 40.
10.

Luc. 18. 7.

Apoc. 6.
10.Hebr. 11.
4.Num. 35.
29.Prou. 20.
26.Matth. 3.
12.

352 *Institutio politica ex sacris Scripturis.*

Formā iudiciorum diligenter seruādam.

- 3 Quod verò attinet ad iudiciorum formam, diligenter ea omnia seruanda sunt, quæ à iure in iudiciis seruanda præscribuntur, sic enim fiet vt Princeps hanc secutus normam, non impingat, & quæ fecerit toti Reipubl. magis probet, minúsque pateat obtrectatorum calumniis. Cum ergo crimen aliquod patratum audierit, illius auctores diligenter inuestiget, certóque cognoscat, ne forte innocentes aliqui pro nocentibus puniantur. Ita Gedeon cum Principes Soccoth nescio quid in ipsum eiusque exercitum peccassent, eos
- Iud. 8. 14. puniturus, vt fuerat comminatus. *Apprehendit puerum de viris Soccoth, interrogauitque eum nomina Principum, & seniorum Soccoth, & descripsit Septuaginta septem viros. Et sanctus Iob de se ipso testatur: Causam quam nesciebam diligentissimè inuestigabam. & vniuersè de omnibus timentibus Deum testatur sapiens, eos omnia in iudicando circumspicere, & inuestigare, ne forte fallantur. Viri mali, inquit, non cogitant iudicium, qui autem inquirunt Dominum, animaduertunt omnia. Et quia vulgus imperitum ex leuibus coniecturis temerè aliquando de rebus iudicat, scriptura monet, vt imperitæ turbæ sententiam non sequatur, qui iudicaturus est: Non sequeris, inquit, turbam ad faciendum malum, nec in iudicio plurimum acquiesces sententiæ, vt à vero deuies. Et Iosaphat Rex Iuda sanctè instituens iudices suos, inter cætera hoc etiam dat in mandatis, Vt cum diligentia cuncta faciant. Propter hanc causam sapienter à Daniele Susannam innocentem condemnans reprehensus est populus, quod non diligenter causam sanctæ illius mulieris cognouissent, sed, sed nimium ad credendum faciles eam morti adiudicassent. Sic*
- Exod. 33. 2.
2. Paral. 19. 7.
- Dan. 13. 48.

fatui

fatui, inquit, filij Israël non iudicantes, neque quod verum est cognoscentes condemnatis filiam Israël? Hæc tandem illa veritas esse videtur, quam rationali summi Sacerdotis inseri iussit Dominus, quæque iudicium comitari debet, iuxta illud quod habemus in Psalmo, *Opera manuum eius Veritas, & Iudicium*. Imò quandoque Dominus sceleris alicuius reos, ne falli quemquam contingeret, miraculo prodidisse constat ex scripturis, ut in adulteris mulieribus, quarum fœmur vno dumtaxat aquæ illius haustu, quam amarissimam scriptura appellat, statim putrescebat, in violati maritalis thori vindictam, ut in libro Numerorum legimus. Nec graues auctores defunt, qui putent comminuti vituli, quem impiè Israëlita adorauerant, pulueres, cum aqua Moysen populo propinasse, quod signum aliquod vnde agnosci possent, in iis qui idololatriæ crimen admisissent, post potum illum diuinitus existeret. Porro denuntiatione, aut indiciis, criminis auctores deprehensi, citâdi sunt, aut si detrectent, cogendi ut iudicio sistant se, & si quid habeant quod afferre possint ad crimen diluendum proferant. Absconderat se Adam peccari admissi sibi conscius, diuinumque declinans aspectum se dederat in latebras. At Dominus aspiciaturus iudicium, *Vocauit Adam, & dixit ei. Vbi es?* Et multis postea sæculis lege iam per Moysen à Domino tradita, ita seruatum est in omnibus iudiciis, ut reus vocaretur, & audiretur. Itaque Nicodemus Iudæos aliquid contra ius in Christum, cui infensi erant, molientes officij admonuit, dicens: *Nunquid lex nostra indicat hominem, nisi prius audierit ab ipso, & cognouerit quid faciat?* Nec verò apud Hebræos tantum ita lege

Exod. 28.

30.

Psal. 110.

7.

Numer. 5.

18.

Exod 32.

20.

Genes. 3. 9.

Ioan. 7. 51.

fancitum erat, sed naturali lumine dictante apud alias etiam nationes vsus obtinuerat, vt nullus inauditus, aut saltem non appellatus damnaretur: quod de Romanis ex scriptura discimus, ita enim loquitur Festus in actis Apostolorum, *Non est Romanis consuetudo donare aliquem hominem, priusquam is, qui accusatur, presentes habeat accusatores, locumque defendendi accipiat, ad abluenda crimina.*

Act. 25.
16.

Ibid. n. 15.

Dicit, *donare*, quia Paulum Principes Sacerdotum & seniores Iudaeorum postulauerant, vt damneretur, etiam inauditus; hoc autem fuisset reum illis donare, vt ipsi prout collibitum fuisset, interficerent. Ex Græco autem contextu nostra versio lumen accipere potest, in quo habemus *χαρίζεσθαι τινὰ ἄνθρωπον εἰς ἀπώλειαν*, *donare aliquem hominem ad perditionem*. Ad eandem etiam iudiciorum formam spectant testes, qui ad reuincendum reum, & rei gestæ veritatem certius cognoscendam faciunt; hos autem adhiberi iussit Dominus in veteri lege. Sic enim præcipitur in Deuteronomio. *In ore duorum aut trium testium peribis qui interficietur.* & alibi. *Non stabit testis vnus contra aliquem, quidquid illud peccati, & facinoris fuerit, sed in ore duorum, aut trium testium stabit omne verbum* quæ verò ex testium dictis contra reum constiterint, ea mos est scriptis excipere, & in acta referre, vt cum opus fuerit, ostendi possit quibus causis adducti iudices morti aliquem addixerint, aut aliis pœnis in eum animaduertent. Hinc S. Iob, qui se quodammodo iudicio contendere cum Deo intelligebat, modum hunc agendi satis indicare videtur: nam de testibus quidem ira lo-

Deut. 17.
6.
Deut. 19.
15.

Iob 10. 17.

quiritur, Instauras testes tuos contra me, & multiplicas iram tuam aduersum me: alibi verò de delictis in
commen

commentarium relatis, ait, *scribis enim contra me* Iob 13
amaritudines, & consumere me vis peccatis adolescentie
meae. De iudicio autem quo delicta ad puniendum
inquiruntur, ista dici satis patet vel ex ipsis ver-
bis, vel ex proximè antecedentibus, ac conse-
quentibus. Nam capite illo decimo dixerat, *Di-* Iob 10.1.
cam Deo: Noli me condemnare, indica mihi cur ita
me iudices: nunquid tibi bonum videtur si calumniaris
me, & opprimas me opus manuum tuarum, & consilium
impiorum adiuues? Capite autem decimo tertio, se,
dum iudicium hoc exercetur, compedibus qui-
busdam constrictum fuisse confirmat, ad eum
modum quo capitis rei carceribus ne fuga ela-
bantur concludi solent, ita enim loquitur, *Po-* Iob 13.27.
fuisti in nervo pedem meum. Quamvis autem possit
Princeps in testibus conuictum reum, mortis sen-
tentiam pronuntiare, ab eo tamen semper tentet
commissi delicti confessionem elicere. Ita Ge-
deoni interroganti, Zebec, & Salamana cædem
quam patrauerant, confessi sunt. *Dixitque Gedeon,* Iud.8.18.
inquit scriptura, quales fuerunt viri quos occidistis in
Thabor? qui responderunt, similes tui, & unus ex eis
quasi filius Regis. Quibus ille respondit, *Fratres mei*
fuerunt, filij matris meae. Vivit Dominus, quia si servas-
setis eos, non vos occiderem. Similem ex Acham vio-
lati anathematis reo confessionem expressit Io-
sue; quamvis enim diuino testimonio per sortes
edito confixus planè esset, nullusque pateret ef-
fugio locus, illum tamen ita interrogat. *Fili mi,* Ios.7.19.
da gloriam Domino Deo Israel, & confitere, atque in-
dica mihi quid feceris, ne abscondas. Responditque
Acham Iosue, & dixit ei. *Verè ego peccaui Domino*
Deo Israël, & sic, & sic feci, vidi enim inter spolia pal-
lium roccineum valde bonum, & ducentos siclos argenti,

356 *Institutio politica ex sacris Scripturis.*

regulamque auream quinquaginta siclorum, & concupiscens abstuli, & abscondi in terra contra medium tabernaculi mei argenti fossa humo operui. Qua confessione audita ad vallem Achor seductus est, lapidauitque eum omnis Israël, & cuncta quæ illius erant igne consumpta sunt, filij nimirum & filia, boues & asini, & onæ, eiusque tabernaculum, & cuncta suppellex, vt ibidem sacra narrat historia. Huius autem facti occasione dubitari potest liceat ne aliquando Principibus, in criminibus præsertim quibusdam atrocioribus, cuiusmodi proditio est, aut noxa læsæ maiestatis, eadem cum parente pœna filios culpæ eius minimè affines inuoluere. Cui dubitationi respondendum est breuiter, posse filios innoxios in grauioribus patrum criminibus, honoribus, facultatibusque licitè spoliari: vitam verò adimi nulli licere, qui peccato suo id commeritus non sit, id enim nemini Principum summus vitæ arbiter Deus concedit. Expresserat id olim in veteri lege Dominus, nam in Deuteronomio ita Iudicibus præcipiebatur. *Non occidentur patres pro filiis, nec filij pro patribus, sed unusquisque pro peccato suo morietur.* Cui consonat illud Ezechielis, *Anima quæ peccauerit ipsa morietur, filius non portabit iniquitatem patris, & pater non portabit iniquitatem filij. iustitia iusti super eum erit, & impietas impij erit super eum;* & illud Ieremiæ, *In diebus illis non dicetur vlra, Patres comederunt vnam acerbam, & dentes filiorum obstupuerunt, sed unusquisque in iniquitate sua morietur, omnis homo qui comederit vnam acerbam, obstupescunt dentes eius.* Quod si quæ scripturæ testimonia, aut sanctorum veteris legis principum facta repugnare videntur, atque adeo parentum culpam ad filios pertinere ex iis locis

Deut. 24.
16.

Ezech. 18.
20.

Ierem. 31.
29.

locis probari posse, multiplex responsio è sanctis Patribus, Scripturæque sacræ interpretibus afferri potest, quamvis fortasse non vna quælibet cuique loco, sed aliis alia accommodari possit. Dici enim potest primò, tunc demum parentis improbitatem filiis nocere, cum filij parentum scelera, quod plerumque usu venire solet, imitantur. Secundò, tunc filios innoxios à Domino puniri, cum eorum pœna in superstites parentes vindictæ conscios, aut spectatores redundare potest. Tertiò, pœnas quidem temporales aliquando, spirituales nunquam à parentibus ad filios innocentes transmitti posse. Quod autem spectat ad filios Achan, non desunt qui putent eos aliqua ratione paterni sceleris participes fuisse, importatæque in domum vestis pretiosæ, ac pecuniæ aspectu delectatos esse, atque ita parem fuisse à Domino pœnam irrogatam iis, quorum dispar culpa non erat. Quod si forte aliqui ex iis infantes propter rudes annos, & consilij imbecillitatem culpæ penitus expertes fuerunt, id diuinæ sapientiæ, & voluntatis decreto absque occisorum culpa, sed non absque causa factum fuisse, asserendum est. Nam de potestate nullus ambigat cum Dominus vitæ & necis arbiter sit, quam ob causam cum in quinque Ciuitates incendium, & in vniuersum orbem cataclysmum immisit, infinitam propemodum infantium multitudinem, qui nullam adhuc culpam contrahere poterant, aquis, aut ignibus aboleuit.

Sed quæri posset an foret è Republ. si ius vitæ, & necis parentibus in filios concederetur à lege, qua illis potestas fieret natorum delicta, morte etiam vindicandi, si peccati grauitas id postulare

videretur. Respondeo videri noxium hoc Reipubl. futurum, nam filij quidem seruilem potius in modum parentes timerent, quàm diligerent vt liberos decet, &, contra quàm optabat Apostolus, *pusillo animo* fierent & deiecto: parentes verò vel in sceleribus puniendis remissi nimium essent, vt David & Heli Sacerdos, quorum primus Absalonem perduellionis reum, & pessimè de vniuersa Republ. meritum seruatum cupiebat, alter adeo molliter grauissimè peccantes increpuit, vt non propterea à scelere sint deterriti, vel forte potestate abuterentur, & exigui criminis reos destinarent ad necem subita & impotenti aliqua animi perturbatione prouecti. Dicat aliquis lege Deuteronomij datam fuisse parentibus necis potestatem in filios còtumaces, eosque, qui pietatem in parentes contumelia violare veriti non fuissent. Præterea Ioseph ad parentem Iacob fratrum crimen detulisse admodum graue, & morte fortassis expiandum. Tandem Iudas nurum suam ad incendium damnaſſe, vt legimus in Geneseos historia, quæ omnia hanc illo æuo in patribus familias potestatem fuisse, videntur ostendere. Sed facile responderi potest parentes in delictis filiorum contumacium, aut eorum qui eis maledicere ausi fuissent, testes tantum, sed præcipuè cuiusdam auctoritatis fuisse apud populi Iudices, Iosephi verò delatio ad correptionem potius fratrum, quàm ad iudiciariam criminis cognitionem spectare videtur, nec Iudas alia ratione, quam vt populi princeps parabat in nurum suam sceleris compertam, vt ipse arbitrabatur, animaduerrere.

Coloss. 3.

21.

1. Reg. 1.

22.

Deut. 21.

18.

Exod. 21.

17.

Leuit. 20.

9.

Genes. 37.

2.

Genes. 38.

24.

Quid faciendum

4 Quia verò fieri nonnunquam potest vt criminis

minis alicuius plurimi participes fuerint, aut etiam populus vniuersus, tunc sanè ipsi parcendum est vniuersitati, aliquibus dumtaxat in vindictam sceleris, contumaciumque terrorem de medio sublatis. Viguit olim apud aliquos populos ea consuetudo, vt si legio aliqua, aut exercitus vniuersus aliquid peccasset, quod grauiorem pœnâ mereretur, decimus quisque interficeretur, aliis impunè abire permissis, ea pœna decimatio dicebatur. Hac Dominus pœna se vsurum comminari quodâmodo videtur, cum ait apud Isaiam, *Et adhuc in ea decimatio, & erit in ostensionem.* Cuius loci sententia esse potest. licet iam multis plagis populum hunc meum attriuerim, manus tamen mea adhuc extenta est ad feriendum, ex omni populi numero decimam partem in scelèrum pœnam interire permittam, aut quod grauius est, tam multos, vt decima tantum pars, reliqua fiat. Ita etiam Moses in Exodo à porta ad portam districtis gladis discurrere iussit Leuitas & obuium quemque demerere, & quamuis populum vniuersum sceleris illius contagio peruassisset, pars tamen dumtaxat, in sceleris detestationem, expiationemque obtruncata est, cæteræ verò partium multitudini. Hinc etiam Israel vniuersus cum filios Benjamin, pro eo, quod peccauerant, ita vno prælio afflixisset, vt viginti quinque hominum millia caderent, seque iuramento astrinxisset, vt sexcentis illis viris, qui soli ex vniuersa illa tribu superstites erant, filias aut sorores in matrimonium minimè daret, se postea inconsulte fecisse animaduertit. *Venerunt itaque omnes ad domum Dei in Silo, & in conspectu eius sedentes lenauerunt vocem, & magno ululatu, cæperunt flere, dicen-*

*Principi
cum popu-
lus vni-
uersus pec-
cauit.*

Isai. 6. 13.

Exod. 32.

Iud. 21. 2.

360 *Institutio politica ex sacris Scripturis.*

tes. Quare Domine Deus Israël factum est hoc malum in populo tuo, ut hodie una tribus auferretur ex nobis? Moxque victimis mactatis, & propitiato numine rursus ad consultandum conuenit. Quod ita in sacra narratur historia. Duxque pænitentia filij
Ibid.n.16. Israël super fratre suo Benjamin cœperunt dicere. Ablata est tribus una de Israël, unde uxores accipient? Omnes enim in cōmune iurauimus non duros nos his filias re-
stras, Sed tandem cum habitatores lates Galaad contra Benjamitas arma nō sumpsissent, nec se il-
lo obligassent sacramento, quadringentas Virgi-
nes ex eo oppido selectas, tribui ad interitum ver-
genti tribuerunt uxores, atque ita & iurisiurandi
religioni satisfactum est, & tribus illa ab interitu
vindicata. Est igitur toti multitudini si quando
peccauerit parcendum, capitibus dumtaxat, aut
certè aliquibus ex populo in admissi sceleris vin-
dictam, è medio sublaris: si secus faciat Princeps,
& notam sœuitiæ non euadet, & suas vires po-
pulo deletō, penitus accider.

Ne sit princeps nimium minutus in delictis inquirendis.
Iudith.8.
3.

Iob 14.6.
Ibid.n.7.
19.

§ Nec verò minutim cuncta scrutari & explorare princeps velit, & subditis importunè in omnibus instare, ut maritus ille Iudithæ, qui dum instabat super alligantes manipulos in campo mortuus est, imo consulto ad quædam connueat, ne subditos nimium premat, sed illis, ut sic loquar, permittat respirandi facultatem iuxta S. Iob querimoniam, aut votum cum precabatur Dominum verbis illis, *Recede ergo paululum ab eo ut quiescat, donec optata veniat, & sicut mercenarij dies eius, & alibi, Usquequo non parcis mihi, nec dimittis me ut glutiam saliuam meam? Quamquam enim optandum est, ut toto nisu in hoc moderatores Reipubl. incumbant, ut corruptos mores aut emendent, aut excindant, quædam*

quædam tamen vitia radices adeo altas egerunt, ut quicumque illa extirpare tentauerint, non solum frustra sint, sed etiam illud, quod minime vellent consequantur, ut cum in irritum conatus euaserit, minuatur existimatio illorum potestatis, quæ amoliendis prauis moribus par esse non potuerit. Hæc cum incidunt tempora, prudens consilium est dissimulando transmittere quæ corrigi non possunt, & audiendus Ecclesiastes cum ait, *Pretiosior est sapientia, & gloria parua, & ad tempus stultitia.* & Booz imitandus, qui messorum iussit spicas aliquas de industria inter metendum prætermittere.

6 Illud præterea monendus est Princeps, ut quemadmodum Dominus, ut est in libro sapientiæ, *cum tranquillitate indicat*, ita ipse cum tempora incidunt, quibus puniendi necessitas incumbit, zelum ita exerceat, ut omnem iracundiæ remoueat suspicionem, potiusque ad irascendum lentus credatur, quàm procliuius. Nam si, ut est apud Salomonē, *spiritum ad irascendum facilem, non est, qui possit sustinere*, quanto grauior Principis ira, quam idem sapiens non semel Leonis iræ similem esse docet? *sicut fremitus Leonis, ita & Regis ira.* & alibi. *sicut rugitus Leonis, ita & terror Regis*, qui pronocat eum, peccat in animam suam. Quare quemadmodum, qui in Libyæ arenis verbi gratia deprehensi sunt, aut in sylua Leonibus infesta, rugitum eorum quasi nuncios mortis auribus excipiunt: ita qui Regem sibi iratum esse animaduertunt, certam expectant perniciem, nisi blanda sapientis hominis oratione placatus furor ille resederit, *Indignatio Regis*, inquit Salomō, *nuncij mortis, & vir sapiens placabit eam.* Sapienter

Eccles. 10.

1.

Ruth 2.

16.

Iræ Principi cauendam dum punit.

Sap. 12. 18.

Prou. 13.

14.

Prou. 19.

12.

Prou. 20.

2.

Prou. 16.

14

362 *Institutio politica ex sacris Scripturis.*

itaque Assuerus, qui à Regina Vasthi vxore contemptui habitus, quod ad Regem accersita, Imperium detrectasset, licet vt scriptura loquitur

Esther 1. *nimio furore succensus esset, nihil tamen durius in*
12. *eam statuendum putauit priusquam Regni Pro-*

Ibid.n.13. *ceres adhibuisset in consilium, itaque Interroga-*
uit sapientes, qui ex more Regio semper ei aderant, &
illorum faciebat cuncta consilio, scientium leges, ac iu-
ra maiorum (erant autem primi & proximi Charsena,
& Sethar, & Admatha, & Tharsis, & Mares, &
Marsana, & Mamuchan, septem duces Persarum, at-
que Medorum, qui videbant faciem Regis, & primi
post eum residere soliti erant) cui sententia Vasthi Re-
gina subiaceret, quæ Assueri Regis Imperium, quod per
Eunuchos mandauerat, facere noluisse. Nec prius Re-
gi visum est pœnam aliquam decernere, quàm à
consiliario quodam excogitatum consilium, non
sibi tantùm sed Principibus etiam probatũ fuisset.

Ibid.n.11. *Alius etiam quidam Rex in parabola Euan-*
gelica à Domino inductus, cum nuptias filio suo
fecisset, & qui inuitati fuerant, varias prætexen-
tes excusationes, venire noluisse, ex compitis
& triuiis obuios quosque ad nuptiale cõuiuium
introduxit, quos cum inspecturus intrasset, quen-
dam deprehendit nuptiali veste non amictum,
quod crimẽ grande fuisse ex eo intelligitur, quod
qui id facere ausus fuerat, ligatis manibus & pedi-
buis in tenebras exteriores missus est, ubi erat fletus, &
stridor gentium, non tamen sententiam pronun-
ciauit iratus, sed placidè illum compellans Amice,

Ibid.n.12. *inquit, quomodo huc intraſti non habens vēſtem nu-*
ptialem? Cum verò ille suum crimen agnoscens
obmutuiſſet, tunc demum liſtores iuſſit manus
illi iniicere, & ad pœnarum locum abripere.

Quan

7 Quamquam verò arduum est scueritati misce-
re mansuetudinem, cum pugnare quodammodo
inter se ista videantur, sanctorum tamen viro-
rum, sapientissimorumque Principum exemplis
docemur, ista sapienter copulari posse, ita vt se-
ueritas quædam existat clemenciæ dulcedine tem-
perata, quæ nec nocentibus pareat, nec exasperet
animos populorum. *Iustitia & pax*, inquit Psalm. 84.
res, *osculatae sunt*, nec pax placidis gaudens iusti-
tiæ auersata est auctoritatem, nec iustitia pacem,
& Dominus qui inflexam amat rectitudinē, dul-
cis nihilominus æquè appellatur ac rectus. à S.
David: *Dulcis*, inquit, *ac rectus Dominus*: quibus Psalm. 24.8.
dotibus, quæ ad populos gubernandos mirificè
profunt, quia absolutissimè erat ornatus, propter
ea subiicitur, *Propter hoc legem dabit delinquentibus* Psalm. 13 L.
in via. Mitissimus etiam David, cuius est illa vox 1.
ad Dominum, *Memento Domino David & omnis*
mansuetudinis eius: plurimum tamen sanguinis ef-
fudit hostium, ac nocentium: quàm ob causam ab
ædificatione templi, quod excitare moliebatur,
à Domino prohibitus est: *Non poteris*, inquit, 1. Paral.
ædificare domum nomini meo, tanto effuso sanguine co- 22.8.
ram me. De eo autem legimus in historia Regum. 2 Reg. 8.
Mensus est autem duos funiculos, unum ad occidendum, 2.
& unum ad viuificandum, hoc est duplicem cum
Moabitis agendi rationem instituit, alios è me-
dio tollendo, rebelles, scilicet contumaces, se-
ditiosos, & eos, qui cum aliorum essent capita,
publicam quietem conturbabant; aliis quidquid
suo scelere meruerant condonando, minutori
nimirum plebi, & iis, quos obsequij legumque
patientes, futuros animaduertebar, atque ita hos
duos temperabat funiculos, vt illos modò ad-
duce

*Iustitia
vindicati-
ua clemē-
tiā copula-
ri posse.*

Psalm. 84.
11.

Psalm. 24.8.

Psalm. 13 L.
1.

1. Paral.
22.8.

2 Reg. 8.

2.

364 *Institutio politica ex sacris Scripturis.*

duceret, modò remitteret, vt varia Reipublicæ tē-
 pora postulabant. Quare Moses Aaronem cum
 filiis sacro ritu sanctificās, vt sacerdotes essent co-
 ram Domino, quibus de multis iudicādi potestas
 erat committenda, *Assumens unguentum* (vel vt alij
 legunt, *oleum*) & *sanguinem* qui erat in alteri asper-
 sit super Aaron, & *vestimenta eius*, & *super filios il-
 lius, ac vestes eorum*; forte vt intelligerent sanguini
 iustitiæ seuerioris, oleum clementiæ semper esse
 miscendum. Itaque Salomon in Ecclesiaste, *No-
 li*, inquit, *esse iustus multum*, non summum ius
 summam continere videtur iniuriam, illique me-
 ritò reprehenduntur, qui festucam educere vo-
 lunt, aut *calicem excolare*. Nec aliter se gessit S.
 Iob, qui de se ipso prædicat, *Cum sederem quasi Rex
 circumstante exercitu, eram tamen marentium consolator.*
 quem locū S. Gregor. ad rem nostram accōmoda-
 tissimè explicat in suis moralibus cōmentariis ad
 eum locum, & aliis etiam illustrat locis ex Sacra
 scriptura de promptis. Sciendum nobis est, inquit;
 quod valde lectorem adificare etiam iuxta historiam
 potest, si perpendat quomodo bonis rectoribus mixta sit,
 & regendi auctoritas, & benignitas consolandi. Ait
 enim. *Cūque sederem quasi Rex circumstante exercitu;*
 ecce auctoritas regiminis. *Eram tamen marentium con-
 solator;* Ecce ministerium pietatis. *Disciplina enim vel
 misericordia multum destituitur, si vna sine altera te-
 neatur. Sed circa subditos suos inesse rectoribus debet, &
 iuste consolans misericordia, & piè sauiens disciplina.*
 Hinc est, quod semini illius vulneribus, qui à Sama-
 ritano in stabulum ductus est, & vinum adhibetur &
 oleum, vt per vinum mordeantur vulnera, per oleum
 foueantur, quatenus unusquisque, qui sanandis vul-
 neribus præst, in vino morsum distractionis adhibeat;

in oleo millitiem pietatis : per vinum mudentur putrida , per oleum sananda foveantur. Miscenda est ergo lenitas cum severitate , faciendūq; quoddam ex utroque temperamentum , ut neque multa asperitate exculcerentur subditi , neque nimia benignitate solvantur. Hoc nimirum illa tabernaculi arca significat , in qua cum tabulis virga simul , ac manna est , quia cum scriptura sacre scientia est in boni rectoris pectore , si est virga distributionis , sit est manna dulcedinis. Hinc etiam David ait , Virga tua & baculus tuus ipsa me consolata sunt : Psalm. 22. virga etenim percutimur , & baculo sustentamur. Si 4. ergo est districtio virga , qua feriat , sit & consolatio baculi , qua sustentet. Sit itaque amor , sed non emolliens : sit rigor , sed non exasperans : sit zelus , sed non immoderate seniens ; sit pietas , sed non plusquam expediat parcens. Intueri libet in Moyse pectore misericordiam cum severitate sociatam. Videamus amantem pie & districtè savientem. Certè cum Israëliticus populus ante Dei oculos penè inevitabilem contraxisset offensam ; ita ut eius rector audiret : Descende , peccavit populus tuus : Exod. 32. ac si divina vox diceret ; qui in tali peccato lapsus est , 7. iam meus non est , atque subiungeret : Dimitte me ut Ibid. n. 10. irascatur furor meus contra eos , & deleam eos , faciámque te in gentem magnam , ille semel & iterum pro populo cui praeerat , obicem se ad imperium Dei irascentis opponens ait. Aut dimitte eis hanc noxam , aut si non facis , dele me de libro tuo , quem scripsisti. Pensamus ergo quibus visceribus eundem populum amavit , pro cuius vita de libro vitae deleri se petiit , sed tamen iste , qui tanto eius populi amore constringitur , contra eius culpas pensamus quanto zelo rectitudinis accendatur. Mox Ibid. n. 27. enim ut petitione prima ne delerentur , culpae veniam obtinuit , ad eundem populum veniens ait , Ponat vir gladium suum super femur suum , ite & redite de porta

ta usque ad portam, per medium Castrorum, & occidat unusquisque fratrem, & amicum, & proximum suum. Cecideruntque in die illo, quasi viginti tria milia hominum. Ecce qui vitam omnium, etiam cum sua morte petijt, paucorum vitam gladio extinxit. Intus arsit ignibus amoris, foris accensus est zelo seueritatis. Tanta fuit pietas, ut se pro illis coram Domino morti offerre non dubitaret; tanta seueritas, ut eos quos diuinitus feriri timuerat, ipse iudicij gladio feriret. Sic amauit eos, quibus præsuit, ut pro eis nec sibi parceret, & tamen delinquentes sic persecutus est quos amauit, ut eos etiam Domino parcente prosterneret. Vtrobique legatus, fortis, utrobique mediator admirabilis causam populi apud Deum precibus, causam Dei apud populum gladijs allegauit. Intus amans diuina ira supplicando obstitit, foris sapiens culpam feriendo consumpsit. Succurrit citius omnibus, ostensa morte paucorum. Et idcirco omnipotens Deus fidelem famulum suum citius exaudivit agentem pro populo, quia vidit quid super populum acturus esset ipse pro Deo. In regimine ergo populi utrumque Moyses miscuit, ut nec disciplina deesset misericordiae, nec misericordia disciplina. Haecenus Gregorius. Hunc autem agendi modum S. Moyses à Domino, quem sibi magistrum proposuerat, didicerat, cuius iustitiae clementiae dulcedine mitigatur, & misericordiae suauitas, iustitiae fortitudine ac rigore, cum est opus, armatur: Animaduertis, inquit D. Basilus, quanta cum discretionem misericordia Dominus utatur? si quidem neque citra iudicij discretionem clemens est, neque inclementer iudicat. Misericors enim & iustus est Dominus. Haec igitur cum ita sint, nolimus quæso nos Deum ex dimidia tantum parte cognoscere, neque eius erga nos bonitatem ad ignavia occasionem arripiamus. Propterea tonitrua,

• pro

S. Basil. in
proem.
regularum
fufius ex-
plicat ver-
sus finem.
Pfal. 114.
5.

propterea fulminum terrores , ut ne bonitas contemnat. *Qui Solem oriri facit, is cecitate etiam mulctat. Qui imbre[m] dat, etiam ignem pluit. Illa clementia, hac severitatis. Aut enim per illa ad amandum alliciamur, vel per hac ad metum assuescamus, ne nobis quoque dicatur. An diuinitas bonitatis eius, & patientia, & longanimitatis contemnitis?* Hactenus Basilii. Fieri ergo potest ut nihil remittat Princeps de severitate pœnarum, sceleribus debita; ita tamen se gerat in ferendis sententiis, mortêque imperanda, ut quilibet intelligat inuitum illum ad ista descendere, nec alia de causa, quàm ut Rempub. seruet incolumem, irati hominis personam ad tempus assumere: quod qui faciunt iuxta Dauidis præceptum dicentis. *Irasimini & nolite peccare, iracundiam quandam præ se ferunt, cum tamen animo sedato sint & tranquillo. Hoc autem iracundiæ genus est maximè probabile, quia non è cæco quodam impetu nascitur perturbatæ mentis, & vindictæ libidine concitatæ, sed ab animo quieto, nullisque motibus commoto proficiscitur, ac propterea comperimus iis adfuisse Dominum, qui voluntariam hanc iram suscepissent. An non in iracundia eius, dicitur de Iosue in Ecclesiastico, impeditus est sol, & una dies facta est quasi duo? Inuocauit Altissimum potentem in oppugnando inimicos undique, & audiuit illum magnus, & sanctus Deus in saxis grandinis virtutis valde fortis. Impetum fecit contra gentem hostilem, & in descensu perdidit contrarios. Fuisse autem mire[m] Iosue ex eo discimus ex scriptura, quod Acham capitali sententia damnaturus, verbis tamen appellauit humanissimis. Fili mi, inquit, da gloriam Domino Deo Israël. Samuël etiam cuius mansuetudo*

Matth.

45.

4. Reg. 6,

18.

Zach. 10.

1.

Rôm. 2.4.

Psal. 4.5.

Eccl. 46.5.

Iosue 7.

19.

com

cōmendari potest, quod totius populi testimonio non calumniatus ēllet, nec oppressisset aliquem, sed ita se gessisset in tāti populi gubernatione, vt nullus auderet conqueri : non tamen propterea, cum opus fuit, zelo, & iracundia, accensus non est, non modo contra Amalechitās, de quibus

1. Reg. 15. ita ad Saül Domino dictante locutus est. *Vade &*
 3. *percutite Amalech, & demolire vniversa eius, non par-*
cas ei, & non concupiscas ex rebus ipsius aliquid. sed in-
terfice à viro vsque ad mulierē, & parvulum atque lactē-
tē, bouem, & ouem, camelum & asinum; sed contra
 ipsum Saül Regem, qui Samuēlis imo Dei ipsius

1. Reg. 15. praecepta seruare neglexerat, *Pro eo, inquit, quod*
 23. & 29. *abiecisti sermonem Domini, abiecit te Dominus ne sis*
Rex. Porro triumphator in Israël non parcat, & pœni-
tudine non flectetur, neque enim homo est vt agat pœni-
tentiam. Ita ergo Princeps cum fuerit opus, ira-
 scatur, vt facile possit animaduerti, quæ gerun-
 tur, aut imperantur, non perturbato animo fie-
 ri, aut praecepti sed sedato & tranquillo; geri ta-
 men quia Reipub. rationes, quibus id debetur
 postulant, vt fontibus punitis, toti ciuitati quies,
 & securitas paucorum periculo paretur.

De Clementia Principis.

CAP V T XIII.

*Clementiā
 Principem
 Deo similē
 facere.*

1 **N**ulla virtus Principem adeo facit Deo si-
 milem, Principis nomine, & munere di-
 gnum, subditis gratum, regnandique securum,
 ac Clementia, de qua nunc dicendum est, cum
 extre

extremo superiori capite docuerimus à iustitia separandam non esse.

Facit ergo Clementia Principem Deo maximè similem, in quo omnes perfectiones æquales sint, si tamen effectus spectemus, qui ab illis prodeunt, altera alteri præstare videtur: & in his quidem diuina clementia primum locum obtinet, quare

S. Iacobus ait, *Superexaltat autem misericordia iudiciū*, vel vt in Græco est *καταυχᾶται exultat*, gloria- Iacob 2. 23.

riatur, aduersus iudicium, quasi de illo victoriam reportauerit. Nam cum Dominus in nefarios homines pœnarum fulmina molitur, id inuitus facere videtur, repugnantēque natura, & quasi laborans, & necessitati cuidam id ab inuito extorquenti seruiens, quod Isaïas videtur illis verbis expressisse. *Verumtamen seruire me fecisti in pec-* Isa. 43. 24.

catis tuis, præbuiſti mihi laborem in iniquitatibus tuis.

sensus enim esse potest. Et me peccatis tuis ad-

gisti, vt correctoris cuiusdam munus mihi inui-

sum, & quod cum labore quasi seruiens sustineo,

subirem. Hinc Deus dicitur à Mose *Deus miseri-* Exod. 34. 6.

cors; & clemens, patiens, & multa miserationis, vbi

pro *patiens* in Hebræo est *lōgis naribus*, hoc est iris,

eadem enim vox quæ nasum propriè significat,

frequenter in scriptura adhibetur ad significan-

dum iram, quod iræ quædam indicia in naso con-

spiciantur. Ita in lamentationibus Ieremiæ: *In* Ierem. 2. 22.

die furoris Domini. & in Prouerb. Munus abscondi- Prou. 28. 14.

tum extinguit iras, vtrobique pro *furore*, & *Ira* est

q̃ Nasus, quod alibi admodum sæpe occurrit.

Dicitur ergo Deus à Mose *longis naribus* enallage

quantitatis, pro latis naribus, qui enim angustis

naribus sunt, citius irascuntur, fumos enim &

vapores biliosos ex stomacho ascendentes citius

concupiunt, & tardius efflant, ob meatuum angustias in naribus: qui vero iisdem sunt latioribus, placidiores sunt, nam bilem facilius efflant, multumque frigidi aëris extrinsecus attrahunt, quo bilis æstus temperetur. Tanta verò est Dei clementia (vt plurima alia, quæ de illa dici possent, & quæ passim in scriptura obuia sunt, taciti prætereamus) vt in ipsis etiam minis, quas hominibus aliquando intentat, vt à peccando deterreat, frequentissimè clementiæ cuiusdam altè impressa vestigia possimus intueri: quod etià si fusius quàm soleo persequar, lectori tamen, vt arbitror, minimè iniucundà fore excursiunculā istam existimo. Sanè S. David in virga diuinæ punitio-
nis multū se consolationis nactum affirmat, cum
Psal. 12. 4. ait, *Virga tua & baculus tuus ipsa me consolata sunt*,
nam in minis & seueritate correptionis amoris
Genes. 6. Domini magnitudinem agnoscebat. Huc facit
3. quod legimus in Genesi, *Non permanebis spiritus meus in homine quia caro est*. Quibus verbis in corruptum hominum genus, grauis quædam comminatio continetur, quam tamen variis modis explicare possumus, cum vox ista spiritus multiplicem in sacris litteris habeat significationem. Primò enim *spiritus meus* significare potest ipsum
Ioan. 4. 24. Deum, qui Spiritus est iuxta illud Ioannis, *Spiritus est Deus, & eos, qui adorant eum in spiritu, & veritate oportet adorare*. & sensus erit: *Delicia quidem mea esse cum filiis hominum*. Sed quia humanum genus vitiis omnis generis nunc implicatum est, & coopertum, ita vt carnis desiderijs & voluptatibus seruiat, illud deferam. Secundò significare solet spiritus in scriptura, Dei curam, & providentiam: sic videtur accipi hæc vox in psalmo
cum

cum dicitur, *Emittes spiritum tuum & creabuntur*, Psal. 103.
& renouabis faciem terra. Si ergo in propolitis ex 30.
 Genesi verbis Prouidentiam accipi dicamus, hæc
 erit sententia. Non pergā amplius peculiari pro-
 uidentia fouere, & complecti perditum hoc ho-
 minum genus, imo perdam aquarum immisso
 cataclysmo. Tertiò spiritus animam rationis par-
 ticipem significat, ita apud Ecclesiast. legimus,
Donec pulvis reuertatur in terram suam. unde erat, Ecclef. 12.
& spiritus redeat ad Deum qui dedit illum. Et sensus 7.
 erit, non permanebit anima in homine (hanc vo-
 cat Deus spiritum suum, quia illam creat, & in-
 fundit in corpus) quia caro est, vt hæc commi-
 natio sit similis illi, quæ habetur in psalmo, *Au-* Psal. 103.
feres spiritum eorum & deficient, & in puluerem suum 29.
reuerentur. Quartò significat spiritus sanctum il-
 lum Spiritum, qui est tertia persona Trinitatis
 adorandæ, quæ significatio notissima est. De hoc
 autem spiritu hunc locum interpretatur Ambro-
 sius. Datur, inquit, Spiritus sanctus hominibus, Lib. de Ar-
 sed in eis non permanet, quia caro sunt, carnis ca & Noë
 enim natura disciplinæ repugnat, quia voluptati cap. 3.
 obtemperat. Cum tamen tam multiplicem cõmi-
 nationis modum hæc verba contineant, clemen-
 tiam tamen admirabilem in his verbis, altius ea
 considerantibus agnoscere fortè possimus. Spi-
 ritus ergo in scriptura nonnunquam pro indig-
 natione, & ira accipitur, vt apud Isaiam, *Quies-* Isa. 2. 22.
cite, inquit, *ab homine cuius spiritus in naribus eius,*
 id est cuius ira in promptu, & vehemens est, &
 eodem sensu accipitur illud eiusdem, *spiritus eius* Isa. 30. 28.
velut torrens inundans ad perdendas gentes in nihilum.
 Et Zachariæ: *Ecce*, inquit, *qui egrediuntur in ter-* Zachar. 6.
ram Aquilonis, requiescere fecerunt spiritum meum in 8.

terra Aquilonis. Hâc ergo acceptionem, & significationē spiritus secutus D. Hieron. in quæstionibus Hebraicis sic loquitur. *In Hebræo, inquit, scriptū est, non iudicabo spiritus meus homines illos in æternum quia carnes sunt; hoc est quia fragilis est in homine conditio, non eos ad æternos servabo cruciatus, sed hic itis reſtitutum, quod merentur. Ergo non ſeveritatem ut in noſtris codicibus legitur ſed clementiam Dei ſonat, dum peccator hic pro ſuo ſcelere viſitatur. Unde & iratus Deus*

Oſee 4. 14. *loquitur ad quosdam; Non viſitabo filias eorum cum fuerint fornicatæ, & ſponſas eorum cum adulterauerint. Et*

Pſalm. 88. *in alio loco. Viſitabo in virga iniquitates eorum & in flagellis peccata eorum, verumtamen miſericordiam non diſpergam ab eis.* Hactenus D. Hieron. Sed mihi alia

33.

quædam ab hac non diſſimilis, & fortasſe non repudianda explicatio venit in mentem, quæ clementiam hanc Dei, de qua nunc agimus præclare ostendat. Ut ſcilicet verbis illis polliceatur Dominus ſe cum hominibus mitius acturum imo in gratiam rediturum, quia ſcilicet caro ſunt, quam ipſe aliquando aſſumpturus ſit, & ſibi arctiſſimo matrimonij cuiusdā iure ſit adiuncturus, quaſi dicat; Par eſt me condonare hominibus omnem iniuriam, meumque furorem aliquando deſidere, quia cum homine aliquando affinitatem contraham. Porro incarnationem Dominicam matrimonium quoddam eſſe ex illis verbis Cantico-

Cant. 3. 11. *rum colligi poſſe videtur, Egredimini, & videte filia Sion Regem Salomonē in diademate, quo coronauit illum mater ſua, in die deſponſationis illius, & in die lætitiæ cordis eius.* Quæ verba ad Chriſti incarnationem referunt, D. Gregor. Caſſiodor. Beda, Haymo, Alcuinus, Bernardus & alij. Nec verò iſtæ interpretationes, quæ ad bonum trahuntur ſenſum,

ſum,

sum, communi interpretationi, quæ minas illis verbis contineri affirmat, ita repugnant, ut cum illa consistere minimè possint. Nam nihil impedit, quo minus vnus, & idem scripturæ locus, quæ illius fœcunditas est, diuersos sensus nanciscatur. Peculiariter verò comminationibus hoc conuenire posse crediderim, cum à Iudice quidè iustissimo proficiscantur, qui tamen simul mortaliu sit Pater amantissimus. Dicitur in psalmo: *Deficiant peccatores à terra, ita ut nō sint.* Sensus est, ita pereant, ut non appareant amplius super terrā, ad eum ferè modum, quo ventus puluerem à facie terræ dissipare solet, ut habemus in 1. Psalmo. *Non sic impij, non sic, sed tanquam puluis, quem projicit ventus à facie terre.* Sanctus tamen August. locum illum ita explicat, ut iniquis bene precatum velit. *Quid ergo, inquit, est quod dicit, deficiant peccatores à terra? planè deficiant, auferantur spiritus eorum, & deficiant, & emittat spiritum suum, & recreentur, deficiant peccatores à terra, & iniqui, ita ut non sint, quid non sint nisi iniqui? ergo iustificentur, & non sint iniqui.* Hæc August. Simili planè modo explicat D. Gregor. illud Proverbiorū. *Verte impios, & non erunt: Conuersi, inquit, impij non erunt, non quia non erunt omnino in essentia, sed non erunt in impietatis culpa, &c.* Ad hunc eundem modum duplicem explicationem admittet illud, quod est in psalmo, *Nisi conuersi fueritis, gladium suum vibrabit.* Quibus sanè verbis minæ scelestis non pœnitentibus intendantur, iuxta literæ sensum per gladium intelligendo instrumentorum genus omne, quo Deus ad homines puniendos utitur. Diuus tamen August. de Christo explicat, qui gladius dicitur, quod humanitate tanquam vagina circumseptus venerit in hunc

Psal. 103.

35.

Psal. 1. 4.

Prou. 12. 7.

Psal 7. 13.

374 *Institutio politica ex sacris Scripturis.*

mundum. Hic ergo sensus esse potest, nisi conuer-
si fueritis, vel quia nō conuertemini, Filium suum
mittet in mundum, cuius gladij acie vitiorum
omnium spinæ præciantur. Ad hunc etiam mo-
dum non incommodè explicauerit aliquis locum
Deut. 31. illum Deuteronomij, in cantico Moïsis, *Et gladius*
42. *meus deuorabit carnes*, vt sensus sit, Christus Domi-
minus vitia carnis absumet, quod in Sacramento
præsertim Eucharistiæ fieri experiuntur, qui il-
lud frequentant. Illud etiam, quod habetur eo-
dem Cantico, *Ego occidam, & ego viuere faciam.*
Deut. 32. quibus verbis Dominus in manu sua vitam &
39. mortem esse docet, ad sensum trahemus, si in-
terpretemur. Ego occidam vitia, & viuere vos
faciam vita gratiæ. Legimus in Psalmo. *Et eleua-*
Psal. 105. *uit manum suam super eos; vt prosterneret eos in deser-*
26. *to, & vt deiceret semen eorum in nationibus, & di-*
spiceret eos in regionibus, sensus est. Eleuauit ma-
num suam ad percutiendum, grauēque de illis
sumere vindictam decreuerat, ita vt illos proster-
neret in deserto, & vt posteros eorum corruiere
faceret inter impias gentes, & dispergeret eos
per regiones varias. Similis comminatio habe-
tur apud Ezechielem. *Ego leuavi manum meam, vt*
Ezech. 36. *gentes, quæ in circuitu vestro sunt, ipsæ confusionem*
7. *suam portent.* Et apud Zachariam, quia ecce ego le-
Zachar. 2. *uauo manum meam super eos, & erunt prada his, qui ser-*
9. *uiebant sibi.* Et apud Isaiam. *In omnibus his non est*
Isai. 9. 12. *auersus furor eius, sed adhuc manus eius extenta.* Di-
xi has omnes comminationes esse, nam manus
Domini extenta, & eleuata ferientis habitum
præ se ferre videtur, sed tamen in his etiam mi-
nis misericordiæ & clementiæ vestigium quod-
dam possumus deprehendere: nam manus in al-
tum

tum sublata , p  cis & amicitia  symbolum est. Cum ergo Dominus manum attollit non tam ferientis , ac percutientis seueritatem , qu  m ad amicitiam & f  dus prouocantis gestum agnosce- re debemus. Hinc forte illa conquestio quam in Prouerbiis legimus , *Extendi manum meam & non fuit , qui aspiceret.* Queritur enim quod cum mul- tos ad se se spe venia  inuitasset , illi tamen ve- nire recusassent. Prouerb. 1. 24.

2 Iam ver   Clementiam Principis nomine & munere dignissimam esse ostendamus. Princeps in scriptura medicus appellatur , quod quemad- modum sapiens medicus ita suas adhibet cura- tiones , vt diuersis ac contrariis morbis , diuersa etiam ac inrer se contraria medicamenta accom- moderet , lenia qu  dam , & suauia , aspera alia , & iniucunda , cibos aliquando aut potiones ad hau- riendum gratissimas propinet , aliquando sectio- nibus & v  sionibus vexet , salutaribus illis qui- dem , sed    quibus vt    rebus molestissimis , ple- rique omnes   groti refugiant. Im   v  num & cum- dem morbum &   grotum vtroque medicamen- torum genere reuocat ad sanitatem , quemad- modum pius ille Samaritanus vulneribus illius , qui in latrones inciderat , vinum , & oleum in- fudisse ex Euangelica discimus parabola , qu  rum illud austerioris cuiusdam natur   est , hoc lenio- ris & mitioris. Principem autem esse medicum habemus ex Isaia , apud quem dicitur cuidam , *Princeps noster esto* ; ille ver   munus hoc depreca- tur , & detractat dicens : *Non sum medicus , nolite me constituere Principem* : Kald  us non sum sufficiens vt sim Princeps : Septuaginta , *Non ero tuus Prin- ceps.* Quid ita ? quia nimitum artem istam me- dicandi non calleo , nec Reipub. vulneribus me- dicinam

Clementia  Principis munere , qui quasi Medicus , ac Pater esse debet , dignissim   esse.

Luc. 10. 34.

Isa. 3. 7.

- dicinam facere scio, modò austeris medicamentis vtendo per iustitiæ rigorem, modo suauibus, & lenibus, per Clementiam. Rursus in Psalmo.
- Psal. 87. 11. *Nunquid Medici suscitabunt, aut confitebuntur tibi?* in Hebræo, vt etiam D. Augustinus confirmat. *Nunquid Gigantes?* eadem enim vox Hebræa, punctis detractis, vtrumque significat. Cum ergo
- Iob. 26. 5. Gigantes, vt alibi me dixisse memini, Principes sint, Gigantes inquam illi *qui gemunt sub aquis* populorū, qui aquarum nomine designantur grauiissimam sarcinam sustinentes, satis apparet eisdem dici medicos propter eam potissimum rationem, quam attigi, quod nimirum languenti Reipublicæ facere debeant medicinam, in idque studium suum omne conferre: ac quemadmodum Medici non semper sanguinem mittunt, aut putrescentes carnes rescant, sed interdum imbecillitati decumbentiū consulentes, vires suauis cibo, ac potione reficiunt: ita Princeps non semper rigorem illum seueritatēque iustitiæ sectari debet, sed mitius interdum agere, si saluam velit esse Rempublicā. Hinc Isaias de eodem Reipubl. statu, cum Principem sub Medici nomine, populi quærebant, verba faciens, *Omne, inquit, caput languidum, & omne cor marens à planta pedis vsque ad verticem capitis non est in eo sanitas, vulnus, & liuor, & plaga tumens, non est circumligata, nec curata medicamine, neque fota oleo.* Sed alio etiam nomine, quo Principes appellari cupiunt cum Patres Patriæ audire volunt, Clementia illis commendatur in primis; quemadmodum enim parentes omnia tentant, vt dubiam filiorum indolem ad saniora reuocent consilia, nec statim ad primam offensam illos exhæredant, aut exturbant domo, sed
- Isai. 1. 5.

sed tum demum, cum perditī mores, & iniuriæ iniuriis additæ patientiam euicerunt: ita Princeps intelligat oportet datam esse sibi patriam potestatem, quæ est omnium temperatissima, ac proinde tunc tantum ad extrema deueniendum esse remedia, (quod faciunt Patres) cum alia defuerint, aut ea minus vtilia esse cognouerit. Id à se videbat exigi Moyses, cuius erat vox illa ad Dominum. *Cur afflixisti seruum tuum, & cur imposuisti pondus vniuersi populi huius super me? nunquid ego concepi vniuersam multitudinem hanc, vel genui eam, ut dicas mihi porta eos in sinu tuo, ut portare solet nutrix infantulum, & defer in terram, pro qua iuravi Patribus eorum.* Præcipiebat enim Moyse Dominus vt ea cura & sedulitate populi commodis seruiret, qua Parentes infantulis, quos genuerunt, ac quemadmodum illis blandiri solent nutritij, matresque, quæ infantulos *ad vbera portant*, & *super genua illis blandiuntur*: ita ipse populum suæ commissum curæ, tanquam datos à Deo filios imperandi suauitate mulceret potius, quàm odiosa seueritate exasperaret. Nec mirum hanc agendi rationem à Moyse Dominum exegisse, cum ipse summus omnium Princeps Rex regum & Dominus dominantium, eundem clementiæ modum sequatur, vt Dauid testatur cum ait, *Quomodo misereretur Pater filiorum, misertus est Dominus timentibus se.* Imo ipsa natura docente Principes, & eos, qui in alios dominatum exercere possunt honestissima & humanissima Patris appellatione vocare solita fuit antiquitas. Hinc Ecclesiasticus populi Iudaici Principes aliquot insigniores, Moysen, Iosue, Dauidem, Salomonem, Ezechiam, & alios huiusmodi laudaturus, *Laudemus*, inquit, Num. 11. 11. Isai. 66. 12. Apoc. 19. 16. Psal. 102. 13. Ecclef. 44.

378 *Institutio politica ex sacris Scripturis.*

4.Reg. 5. viros gloriosos Patres nostros, & serui Naamam Prin-
cipis militiæ Regis Syriæ, Dominum suum Pa-
13. trem appellabant, quod quemadmodum potesta-
te, illorum erat Dominus, ita pro affectu (vt Ra-

2.Machab. zias ille, qui pater Iudeorum appellabatur) quo il-
14.37. los prosequeretur, Parentis apud illos inereretur
nomenclaturam. Sanctus etiam Iob, quem Prin-

cipem fuisse ex scriptura colligi posse videtur se
Patrem fuisse pauperum, confirmat, cum ait :
Iob 19.26. *Pater eram Pauperum.* Et Ecclesiasticus Iudicibus

præcipiens, quo modo se in munere suo rectè
Eccles.4. possint gerere. *In iudicando, inquit, esto pupillis mi-*
10. *sericors ut Pater, & eris tu velut filius Altissimi.*

Quemadmodum enim Deus miseretur homini-
bus, eosque tanquam filios amore singulari com-
plectitur, & eorum delicta, cum illa incurrunt,
benignè condonat; ita Rex si subditis suis, pu-
pillis præsertim, qui parentibus orbari sunt, be-
nignum se exhibuerit, & clementem, Altissimi
filius, quem imitatur, merebitur appellari. Hinc
sapienter illi fecisse mihi videntur, qui Principi-
bus quibusdam nomen indiderunt, *Abimelech.*
huius enim nominis Regem habemus in Genesi
& in libro Iudicum filius Ierobaal, qui aliquo
tempore Israëllem iudicauit, hoc nomine appel-
latus est, ipso enim nomine officij admonebatur,
cum *Abimelech* nihil aliud significet quàm Pater
meus Rex, vt scilicet quotiescumque nominis
veniret in mentem, humanitas etiam & clemen-
tia parentis in filios versaretur ob oculos.

Clementiâ
Principes
populi gra-
tos efficere.
Prou.19.
12.

3 Sed populis sanè gratissima est Principis sui
clementia, nam sicut fremitus leonis ira Regis, ita ros
super herbam hilaritas eius: nam quemadmodum ad
Leonis fremitum cætera omnia animalia imbe-
cilliora

cilliora contremiscunt, quippe quæ illius violentiæ resistere non possunt, ita Rege irato, & sua abutente potentia in subditos, quis non pertimescat, cum illius voluntati citra periculum resistere nemo possit? Rursus quemadmodum æstiuo tempore cum campos diurni solis vapor, non calefacit modo, sed etiam adurit, nocturno rore recreantur herbæ, & inclinata ac languentia capita rursus attollunt, quasi ad vitam rursus reuocata; ita quieto moderatoque imperio, populi recreantur, & florent, & qui sub aspero Principe, & ad immanitatem propenso languere visi fuerant, & ad interitum quodammodo vergere, si sæuum hunc, & truculentum benignus excipiat, alia repente facies est Reipubl. læta, hilaris, iucunda, omnibus ordinibus noua parta securitate gaudentibus. Hinc Principes regnandi initio, cum Imperij habenas capeffunt, hanc Clementiæ aucupantur opinionem, vt Reipubl. veniant gratiores. Propterea Salomon Adoniæ fratri Regni affectati reo, tanti criminis pœnas condonauit, nam cum iubente Dauid Salomon ad Regni gubernacula esset admotus, rei gestæ fama conturbatus Adonias, *Timens Salomonem surrexit & abiit*, 3. Reg. 1. tenuitque cornu altaris. Et nunciauerunt, inquit scriptura, Salomoni dicentes. *Ecce Adonias timens Regem Salomonem tenuit cornu altaris dicens. Iuret mihi Rex Salomon hodie, quod non interficiet seruum suum gladio. Dixitque Salomon. Si fuerit vir bonus, non cadet ne vnus quidem capillus eius in terram: sin autem malum inuentum fuerit, in eo morietur. Misit ergo Rex Salomon, & eduxit eum ab altari, & ingressus adorauit Regem Salomonem, dixitque ei Salomon. Vade in domum tuam.* Quid de Dauidis clementia dicam?

nam

1. Reg. 3. 1. nam cum facta esset, ut loquitur scriptura, longa concertatio inter domum Saul, & inter domum David, eo tamen cum discrimine ut esset David proficiens, & semper se ipso robustior, domus autem Saul decrescens quotidie; tandem cum omnes tribus David sequerentur, adeo Saulis filios, aut nepotes non quæsiuit ad cædem, ut potius diligenter inuestigauerit aliquis ne esset ex illa familia superstes, ut cum illo clementer ageret, amore præsertim Ionathæ, quem dum vixerat, singulari quadam beneuolentia fuerat prosequutus. Et dixit
1. Reg. 9. 1. David: Putasne est aliquis, qui remanserit de domo Saul, ut faciam cum eo misericordiam propter Ionatham? Erat autem de domo Saul seruus nomine Siba, quem cum vocasset Rex ad se, dixit ei. Tu ne es Siba? Et ille respondit. Ego sum seruus tuus: & ait Rex. Nunquid superest aliquis de domo Saul, ut faciam cum eo misericordiam Dei? Dixitque Siba Regi. Superest filius Ionathæ, debilis pedibus. Vbi, inquit, est? Et Siba ad Regem, Ecce ait in domo est Machir filij Ammiel in Lodabar. Misit ergo Rex David, & tulit eum de domo Machir filij Ammiel de Lodabar. Cum autem venisset Miphiboseih filius Ionathæ, filij Saul ad David, corruit in faciem suam, & adorauit, dixitque David, Miphiboseih? qui respondit. Adsum seruus tuus. Et ait ei David. Ne timeas, quia faciens faciam in te misericordiam propter Ionatham patrem tuum, & restituam tibi omnes agros Saul Patriæ tuæ, & tu comedes panem in mensa mea semper. Qui adorans eum dixit, quis ego sum seruus tuus, quoniam respexisti super canem mortuum similem mei? Vocauit itaque Rex Sibam puerum Saul. & dixit ei. Omnia quæcumque fuerunt Saul, & uniuersam domum eius, dedi filio Domini tui. Operare igitur ei terram tuam, & filij tui, & serui tui, & inferes filio Domini tui cibos

*ut alatur: Miphiboseh autem filius Domini tui comedet
 semper panem super mensam meam, &c. Quid hic
 pseudopolitici ganniant, quibus ad stabiliendum
 Regnum consultius forte videretur, omnes Re-
 gij sanguinis stirpes excindere, ne si forte aliqua
 existeret inter Principem, populúmque offensio,
 adolescentis illius in purpura nati spiritus aduer-
 sæ fortunæ iniuria non extinctos, sed tantùm so-
 pitos fuscitaret, & aura populari inflante magno
 Rempubl. inflammaret incendio? Sed nimirum
 David illud penitus hauserat, quod Salomon po-
 stea scriptum reliquit in Prouerbiis, *Misericordia* Prou. 10.
& veritas custodiunt Regem, & roboratur; Clementia, 28.
*thronus eius. Secefferat Saul in speluncam ad dei-
 ciendum aluum, delitescibat in ea David cum
 armata militum manu. Erat in procliui manus
 iniicere, perpetuique hostis se molestia, & peri-
 culo liberare, nec deerant, qui vt hoc faceret sti-
 mularent. Sed David dixit ad viros suos: Propitius* 1. Reg. 24.
sit mihi Dominus ne faciam hanc rem Domino meo 7.
Christo Domini, vt mittam manum meam in eum, quia
Christus Domini est. Et confregit David viros suos ser-
monibus & non permisit eos vt consurgerent in Saul:
 ipse tantum clamydis Saulis oram præcidit, vt
 Saul intelligeret, quo in periculo fuisset versatus,
 & cuius beneficio præsentissimam mortem eua-
 sisset. Porro David, inquit scriptura, *Exurgens de* Ibid. n. 8.
spelunca clamauit post tergum Saul dicens. Domine mi
Rex, & respexit Saul post se, & inclinans se David
pronus in terram adorauit, dixitque ad Saul. Quare au-
dis verba hominum loquentium, David querit malum
aduersum te? Ecce hodie viderunt oculi tui, quod tra-
diderit te Dominus in manu mea in spelunca, & cogi-
tavi, vt occiderem te, sed pepercit tibi oculus meus. Dixi
*enim**

enim: Non extendam manum meam in Dominum meum, quia Christus Domini est. quin potius pater mi vide & cognosce oram clamidis tue, in manu mea, qui cum praescinderem summitatem clamidis tue, nolui extendere manum meam in te. Hæc & alia locutus David, quibus ostenderet Saulem nullo suo merito in se exasperatum esse, animumque eius leniret & ad saniora, mitioraque consilia reuocaret: ita sui sceleris conscium præsentis beneficii magnitudine commouit, ut ab vberibus lacrymis non temperauerit, placatique animi signa dederit, quod ita

Ibid. n. 17. *narrat scriptura. Cum autem compleisset David loquens sermones huiusmodi ad Saul, dixit Saul. Nunquid vox hæc tua est fili mi David? & eleuauit Saul vocem suam, & fleuit: dixitque ad David. Iustior tu es, quam ego, tu enim tribuisti mihi bona, ego autem reddidi tibi mala, & tu indicasti hodie, qua feceris mihi bona, quomodo tradiderit me Dominus in manum tuam, & non occideris me. quis enim cum inuenerit inimicum suum, dimittet eum in via bona? Sed Dominus reddat tibi vicissitudinem hanc pro eo quod hodie operatus es in me. Et nunc quia scio quod certissime regnaturus sis, & habiturus in tua manu Regnum Israel, iura mihi in Domino ne deleas semen meum post me, neque auferas nomen meum de domo Patris mei, & iurauit David Sauli. Sed David meliore fide Sauli vitam dedit, quam ille accepto beneficio sit usus, nam ad ingenium reuersus Dauidi insidias struere, non destitit, quamuis non meliore successu: nam rursus venit in Dauidis potestatem, qui suæ in infestissimum inimicum voluntatis & mansuetudinis non oblitus, violentas ab eo manus abstinuit, lanceam tantum, & aquæ scyphum abstulit, & quo in periculo fuisset versatus,*

fatus, Regem, è proximo vociferatus, admonuit, cui Saul. *Peccavi, reuertere fili mi David: nequam enim ultra tibi malefaciam, eo quod pretiosa fuerit anima mea in oculis tuis hodie: apparet enim quod stulte egerim, & ignorauerim multa nimis.* Non tamen propterea David se placatum Saulē habiturum sperauit, nam postquam illum à spelunca missum fecit, & *Abiit Saul in domum suam David & viri eius ascenderunt ad tutiora loca;* & altera vice post redditam lanceam, & scyphum, ait David in corde suo: *Aliquando incidam una die in manus Saul,* atque propterea se se ad Achis Regem Seth recepit, vt Saulis declinaret insidias: cuius consilium prudens admodum fuit, nam cum prauis hominibus, & qui non bona fide & ex animo amicitiam sarcunt, sed externa tantum specie fictē ac simulatē, quæ pax esse potest: Clementiæ igitur famam, veritate subnixam, plurimi facere debent Principes, eamque diligenter colligere, initio præsertim cum ineunt Principatum; sic enim fiet vt à subditis populis ferantur in oculos, imò sint illis non minus grati, charique quàm oculi, ac propterea *Oculi populorum* merito dici possint, vt quodam loco illos appellauit Isaias. Hanc vt iniret viam Roboam senes docebant consiliarij, vtque sibi clementia omnium subditorum animos deuinciret, auctores erant; nam dixerunt ei: *Si hodie obedieris populo huic, & serueris, & petitioni eorum cesseris, locutusque fueris ad eos verba lenia, erunt tibi serui cunctis diebus.* Sed ille iuniorum secutus sententiā, quippe iuuenis præferuido ingenio, & nondum experientia magistra bene doctus, populum ita est allocutus. *Pater meus aggrauauit iugum vestrum, ego autem addam iugo vestro. Pater meus cecidit*

1.Reg. 26.

21.

1.Reg. 24.

23.

1.Reg. 27.

1.

Isai. 29. 10.

3.Reg. 12.

7.

Ibid. 14.

384 *Institutio politica ex sacris Scripturis.*

vos flagellis, ego autem cædam vos scorpionibus. Quæ responsio non seditionem modò concitauit, sed Regni maiorem partem à Roboamo abstraxit. Quanto melius Assuerus, qui ad conciliandam sibi Clementiæ opinione beneuolentiam, in edicto quod publicè proponebatur legendum, ita
 Esther 13. *locutus est: Cum plurimis gentibus imperarem, &*
 2. *uniuersum orbem mea ditioni subiugassem, volui nequaquam abuti potentia magnitudine, se Clementia & lenitate gubernare subiectos, vt absque vlllo terrore, vitam silentio transigentes, optata cunctis mortalibus pace fruerentur.*

Clementia 4 *Ex hac verò populorum erga Principes beneuolentia magna eisdem securitas paratur, adeo enim illius vitæ non insidiantur, vt laterum suorum obiectu paratissimi sint hostium mucrones excipere, vt Reipubl. Principem seruent incolumem. Hic erat sensus eorum, qui pro Dauide pugnabant contra Absolonem: nam cum Rex dixisset, Egrediar & ego Vobiscum. Respondit Populus.*
Principi- 2. Reg. 18. Non exibis: siue enim fugerimus, non magnopere ad eos
 2. *bui securi- de nobis pertinebit, siue media pars ceciderit e nobis, non*
*tatem pa- 2. *satis curabunt; quia tu vnus pro decem millibus com-
 vari. putaris, melius est igitur vt sis nobis in vrbe prasidio. Ad quos Rex ait, quod vobis videtur, rectam hoc faciam. Huic planè gemina pro Rege suo Dauid ducum fuit sollicitudo. Nam cum factum esset**
 2. Reg. 21. *rursum pralium Philistinorum aduersum Israël, descen-*
 16. *dit Dauid, & serui eius cum eo, & pugnabant contra Philistiim. Deficiente autem Dauid Isbubenob, qui fuit de genere Arapha, cuius ferrum hasta, trecentas uncias appendebat, & accinctus erat ense nouo, visus est percutere Dauid, prasidiòque ei fuit Abisai filius Sarnia, & percussum Philistaum interfecit. Tunc inrauerunt*
 viri

viri David, dicentes: Iam non egredieris nobiscum in bellum, ne extinguas lucernam Israël. Tanta enim erat populorum, ducumque in Dauidem beneuolentia, ut suo periculo ac sanguine vitam illius redimere optarent, præclarèque secum agi arbitrentur, si suo capite Israël's vniuersi caput ab interitu vindicarent, quo extincto se planè in tenebris ac luctu, non secus ac si clarissimum solis sidus tolleretur è mundo, se perpetuò futuros putabant. Cum ergo beneuolentiam in primis conciliet Clementia, mirum non est, si de hac ut superius dicebamus Salomon pronuntiauit: *Miserericordia & veritas custodiunt Regem, & roboratur clementia thronus eius.* Et alibi: *Clementia præparat vitam.* Nam admirabilis quidem est populorum vrbiumque consensus, & amica conspiratio in defendenda Principis vita, nec vllum firmitus, validiusque satellitium inueniri potest quàm populorum amor, quem qui nactus est, non excubitoribus, non stipatoribus, aut arcium eget munitis, sed fide populorum tutus, beata quadam securitate perfruitur.

§ Illud verò obseruandum est antequam caput istud claudamus, incidere aliquando tempora, cum largiores quasdam Clementiæ significationes, aut beneficium aliquod diuinitus acceptum, à Principe videtur exigere, aut recepta, rationique consentanea consuetudo. Vtriusque exemplum scriptura suppeditat. Luculentam de Ammonitarum exercitu victoriâ reportauerat Saul: *Nam constituit Saul populum in tres partes, & ingressus est media castra in vigilia matutina, & percussit Ammon usque dum incalesceret dies: reliqui autem dispersi sunt, ita ut non relinquerentur in eis duo pariter.*

Prou. 10.

28.

Prou. 11.

19.

In gratulationibus publicis, aut cum beneficiis insignia diuinitus accipiuntur, Clementia largiùs vtendum.

1. Reg. 11.

11.

ter. Cum ergo tantæ victoriæ magna fuisset pars Saul, cui ad Regnum venienti multi obrectatores fuerant aduersati, victoria elatus populus, eos postulauit ad necem, quos de nouo Rege oblocutos esse sciebant. *Quis est iste*, inquit, *qui dixit : Saul non regnabit super nos ? Date viros & interficiemus eos.* Sed Saul faustum illum diem tanto consignatum beneficio, ciuium cæde adeo non putauit funestandum, vt publicam lætitiâ Clementiæ suæ significatione duxerit cumulandam.

Ibid. n. 12. *Et ait Saul, non occidetur quisquam in die hac, quia hodie fecit Dominus salutem in Israel.* Consuetudini etiam debita clementia populus fraudandus non est, quasiq; de suo iure deiiciendus. Hinc quia apud antiquos ea obtinuerat consuetudo, vt ingrediente Principe Ciuitatem carcerum portæ recluderentur, vinctisque fieret potestas exeundi, ne tota Ciuitate in occursum Regis effusa vllus esset expers publicæ gratulationis; apud Isaiam, dum tyrannici cuiusdam mores describuntur, illud etiam additur, quod vinctis custodiâs non patefecisset, *Nunquid, inquit, iste est vir, qui conuer-*

Isai. 14. 16. *bauit terram, qui concussit regna, qui posuit orbem desertum, & vrbes eius destruxit, vinctis eius non aperuit carcerem ?* nec vetus illa consuetudo damnanda, qua Pilatus abusus est, cum *Per diem solemnem con-*

Matth. 27. *sueuerat Prasfes populo, dimittere unum vinctum, quem voluissent; quam consuetudinē in Iudaico populo antiquam fuisse, & ab eo tempore in mores eius populi inuectâ, quò Ionathas parentis Saulis decreto tradendus neci, populi repugnantis fauore ereptus est, idque concessum eorum promerito in Remp. aliqui putauerunt. Multū verò auget publi-*

cam totius populi lætitiâ, si se ad modicum illud
tem

tēpus vitæ senferint, necisque arbitros fuisse, plurimumque lætantur si eum à faucibus mortis eripuerint, quem vindicibus iugulatū legibus intelligebant, tandiuque beneficij illius lætitia perseuerat, quandiu reus ille ciuibus versatur ob oculos. Nec timendum est, ne si vnus aut alter ciuitatis beneficio seruatus est, cæteri fiant proiectiores ad audendum; nam cum ad paucos perueniat impunitas, illius spe nullus se in eas coniiciet angustias, à quibus se expedire non possit nisi populi, quo nihil magis incertum est, conciliata voluntate. Cum præsertim possit Princeps, quoties ita expedire publicæ quieti iudicauerit, populi postulationē anteuertere, priusquā de patibulo suspendere, aut capite truncare, quam populi beneficio commeritis suppliciis subtrahatur.

*De affabilitate, & facilitate
Principis.*

CAPVT XIV.

Clementiæ affinis est affabilitas, quæ in Cæo potissimum consistit, vt ad se negotiorum causa adeuntes, comiter & cum quadam beneuolentiæ significatione excipiat Princeps, pauperibus etiam aurem facilè accommodando, querimonias audiendo, æquis desideriis, se propensum, nec tamen iniquis acerbum exhibendo. Iudicibus quos constituerat ita præcepit Moses: *Audite illos* (populos scilicet quibus præerant) & *quod iustum est iudicate, siue cinis sit ille, siue peregrinus.* Deut. 1. 16.

388 *Institutio politica ex sacris Scripturis.*

3. Reg. 3.
8.

Nulla erit distantia personarum, ita paruum audietis ut magnum, nec accipietis cuiusquam personam, quia Dei iudicium est. Hanc fortassis ob causam Salomon Deo gratias agens ait, *Et servus tuus in medio est populi*, quod scilicet Dei beneficio intelligeret se Principem à Domino constitutum crebro cum populo agere, eorum lites componere, controverfiasque disceptare debere, ac proinde nō in cubiculis regij palatij abditum, & retrusum, sed in omnium oculis ac conspectu debere versari, ita ut facilis esset aditus tenuissimo cuique, satellitum, ac stipatorum multitudine neminem submovente, parique aduersus omnes æquitate, & æqualitate, ut non huic magis, quàm illi faueret: sed quemadmodum, qui à plurimis circumfistitur, si in medio situs est, æquè ab omnibus distat, æquè etiam vicinus est, ita omnibus adesset, aures præberet, negotiisque quamprimum expeditis benignè dimitteret. Nec aliam sanctus David in sua domo administranda rationem se tenuisse fortasse significat, cum ait: *Parambulabam in innocentia cordis mei, in medio domus meæ.* Quasi dicat, ita vniuersæ familiæ præeram, ut omnibus me præberem æqualem, ac facilem, cunctisque si possem prodessem, satagerem certè nemini nocere.

Pfal. 100.
3.

Affabilitatem maiestati non officere, si prudentia regatur, esse autem Barbarorum & abiectionis hominibus

2 Illud autem in primis sibi Princeps persua-
deat, affabilitatem istam, & facilitatem, quam re-
quirimus, si prudentia regatur, nihil officere ma-
iestati. Certe Moses suam apud populum aucto-
ritatem tuebatur, nec vsquam legimus propterea
à populo minus habitum in honore, quod, ut
scriptura testatur, esset *vir mitissimus super omnes
homines qui morabantur in terra.* Nec quisquam
sapientis;

pientis; *Quanto magnus es, humilia te in omnibus.* Et alibi, *Rectorem te posuerunt, noli extolli, esto in illis, quasi unus ex ipsis.* Barbaros sapit mores, vel solo aspectu, cupere congregredientibus esse terrori, ut quondam Assuerus, ad quem aliquando non vocata Esther Regina, cum esset ingressa, stetit contra Regē, ubi ille residebat, super solum Regni sui indutus vestibus Regiis, auroque fulgēs, & pretiosis lapidibus, eratque terribilis aspectu. Cumque eleuasset faciē, & ardentibus, oculis, furorem pectoris indicasset (putabat enim Rex ad suæ maiestatis contemptionem spectare si vel ipsa Regina ad illū iniussu auderet accedere) regina corruit, & in pallorē colore mutato lassum super ancillulam reclinauit caput. Conuertitque Deus, inquit scriptura, spiritū Regis in mansuetudinem, & festinus ac metuens, exiliuit de solio, & sustentās eam vlnis suis donec rediret ad se, suis verbis blandiebatur, quid habes Esther? Ego sum frater tuus, noli metuere. Non morieris (quasi aliquid peccasset in legē, quæ inuocatos ad Rege accedere prohibebat) non enim pro te sed pro omnibus, hæc lex constituta est (quasi diceret, pertinet hæc lex ad cōmunes homines, te autem Reginā non adstringit) Accede ergo, & tangē sceptrū. Cumque illa reticeret, tulit auream virgā, & posuit super collum eius, & osculatus est eam, & ait. Cur mihi non loqueris? quæ respondit, vidite Domine quasi Angelum Dei, & conturbatum est cor meum pra timore gloriæ tuæ. Valde enim mirabilis es Domine, & facies tua plena est gratiarum. Cūque loqueretur rursus corruit, & pene exanimata est. Rex autē turbabatur, & omnes ministri eius consolabantur eam. Hactenus scriptura. placuit enim integram historiam recitare, ut barbaricam gentis illius consuetudinem, quæ à communium hominum conspectu Regem submo-

minū im-
modicam
quandam
affectare
maiestatē.
Num. 12.
3.
Ecclef. 3.
20.
Ecclef. 32.
1.
Ecclef. 15.
9.

uendo, ita maiestatem illius exasperabat, ut ad illius aspectum homines conturbari cuperet, melius intelligeremus. Sed non tantum Barbarorum est ista consuetudo, est etiam infirmiorum & abiectioris conditionis hominum: cum enim sibi optimè conscij timeant ne ab aliis contemnantur, non ex virtutis opinione, sed ex truculentia quadam oris, asperitatēque verborum, ac minis ascitam induunt maiestatem, qua nihil aliud consequuntur, quàm ut grauius odium incurrant subditorum. Horum ingenium graphicè descriptum habemus in Apologo Ioatham in libro Iudicum. Nam cum Arbores sibi Regem vellent deligere, Oleæque primò Principatum detulissent, tum ficui, tandem viti, omnesque imperium deprecarentur, quod fructibus suis, & liquoribus, operam dare mallerent, quàm in Principatu fructuum suorum, & quietis iacturam facere, hac spe deiecta *Dixerunt omnia ligna ad rhamnum: Veni & impera super nos, quæ respondit eis. Si verè me Regem vobis constitutistis, venite, & sub umbra mea requiescite; si autem non vultis, egrediatur ignis de rhamno, & deuoret cedros Libani.* Quantum enim olea, quantum ficus, & vitis fructiferæ in primis arbores sterili rhamno, & spinarum dumtaxat feraci præstant; tantum rhamnus & rhamno similes Principes, qui arborum infructuosarum instar habent, timentes, ne contemptui habeantur à viris primariis & virtutum commendatione præstantibus, ab iis humilioris demissionis obsequium exigunt, ne placido quidem illos dignantes aspectu, se maiestate illa magis verendos subditis apparituros credentes. Quod si quid subditi fortè peccauerint, quo suam minui existima-

tionem

Iud. 9. 14.

tionem putent, in eos statim impotenter exarde-
 scunt. Sed nimirum sua eos fallit opinio, verissi-
 mè enim dictum est à sapiente : *Fili in mansuetudi-*
ne opera tua perfice , & super hominum gloriam dilige-
ris. Cuius dicti sententia est , mansuetudinem in
 agendo magis conciliare benevolentiam , quàm
 quosuis honorum gradus , aut quàmuis maiesta-
 tem , hæc enim metum potius incutit , illa verò
 animos hominum , sibi adeò deuincit , vt in quam-
 cunque voluerit partem , qui ita se gerit , illos
 possit inflectere. Aut quod ad rem nostram etiàm
 magis facit , sensus est , *In mansuetudine opera tua*
perfice. Nam si comiter & humaniter cum sub-
 ditis egeris , adeò non faciès tuæ dignitatis iactu-
 ram , vt potius super , id est præter gloriam quam
 habes à potentia & Principatu benevolentiam
 etiàm omnium , & amorem consequaris. Huius
 artis bene gnarus Absalom , cum ad Regnum
 grassaretur , voluntatesque populorum & studia
 sibi conaretur adiungere , non eos alia magis ra-
 tione sibi deuinxit , quàm benignitatis & affabi-
 litatis opinione ; nam *manè consurgens Absalom,*
stabat iuxta introitum portæ , & omnem virum , qui ha-
bebat negotium vt veniret ad Regis iudicium , vocabat
Absalom ad se , & dicebat : Ex una Tribu Israël ego
sum seruus tuus. respondebatque ei Absalom. Videntur
mibi sermones tui boni , & iusti , sed non est , qui te au-
diat constitutus à Rege. Dicebatque Absalom , quis me
constituat Iudicem super terram , vt ad me veniant om-
nes , qui habent negotium , & iustè iudicem ? Sed & cum
accederet ad eum homo , vt salutaret illum , extendebat
manum suam , & apprehendens osculabatur eum. Fa-
ciebatque hoc omni Israël venienti ad iudicium vt audi-
retur à Rege , & sollicitabat corda virorum Israël. vel vt

Osc. 11. 4. est in Hebræo; & Kaldæo, *furabatur corda*: nulla enim re magis homines trahuntur, quàm humanitate, hi sunt enim *funiculi illi Adam*, quos Oseas commemorat; hæc vincula charitatis, quibus ita vinciuntur animi, ut quos ita constrinxeris in id, quod velis, facile ducere possis, non repugnantes, aut reluctantes, aut se ab illis nexibus expedire molientes, sed lætos, & alacres, nihilque magis oprantes, quàm ut ei, à quo capti tenentur, in omnibus quantum possunt obsequantur.

Principem cum pauperibus præsertim affabilem esse debere. Esther 4. 2.

3 Remoueat ergo à Principe typhus ille Persicus, mos ille superbiæ aboleatur, quo, si non ut olim lege prohibetur, certè multorum Principum, consuetudine dicam, an abusu? seruatur, *ne licitam sit indutum sacco aulam Regis intrare*: sed potius audiant Reges Ecclesiastici consilium ita præcipientis. *Congregationi pauperum affabilem te facito*, seque ita gerant, ut quantum fieri potest nemini necessitas incumbat molles aditus captandi, sed suæ benignitatis fores recludant omnibus pauperibus æquè ac diuitibus. Nec forte mysterio vacat, quod in Deuteronomij loco huius capitis initio indicato, dicitur: *Imo paruum audietis ut magnum*, non è conuerso, ita magnum ut paruum: neque enim hoc præcipere voluit Dominus, ut nobiles viri, aut magistratum insignibus illustres, contemnantur, aut minus honestè tractentur, quàm eorum dignitas postulat: sed ut pauperes ita comiter, & cum amoris significatione excipiantur, benignas eorum necessitatibus aures accommodando, ut se præ viris nobilibus, aut diuitibus despectui haberi, iure conqueri non possint. Hanc sanè ob causam olim apud

Deut. 1. 17.

apud Hebræos iudicia in ciuitatum portis exercebantur, vt ex multis Sacræ scripturæ locis cognosci potest: cur autem id fieret, ea fuit causa, si diuo Hieronymo credimus, vt publicis tenuiorum præsertim hominum commodis seruiretur. *Ne agricola*, inquit D. Hieronymus, *litis causa veniens ciuitatis frequentia, & nono terretur conspectu, nec urbis habitator longè ab urbe properaret.* Hæc ille. Ex quo cognoscere facile possumus quantum à boni iudicis officio deflectant illi, qui ne se nimium, vt ipsi loquuntur deiciant, non facile litigatores admittunt, sed diutissimè in aulis, aut atriis præstolari cogunt, & cum in præsentia possint negotia de quibus agitur expedire, in alium tamen diem reiciunt, magnum scilicet inde suæ auctoritatis, & maiestatis incrementum aucupantes. Præclarè Salomon. *Noli*, inquit, *prohibere benefacere eum, qui potest, si vales, & ipse benefac.* *Ne dicas amico tuo, vade & reuertere, cras tibi dabo, cum statim possis dare.* Primâ huius effati partem ex Hebræo ita licet conuertere: *Ne prohibeas bonum ab eo, qui Dominus eius est, cum est in fortitudine manus vt facias.* Sententia verò hæc esse ad rem nostram potest. Cum adsunt ciues & audiri volunt, (cuius rei Domini sunt, id enim iure à Principe repetunt) vt eos hoc bono commodoque priuatos velis, si ferendo labori sufficis, sed illis faciles aures præbe, nihilque procrastinatus quàm primum lite disceptata, aut re, quam postulant concessa, aut si fuerit opus negata, dimitte; vt enim quod postulant non concedas, habent tamen vel eo nomine gratias, quod statim dimissi ad sua negotia potuerint reuerti, expensisque superuacaneis parcere, quas sæpenu-

Thren. 5.

24.

Prou. 22.

22. & alibi.

D. Hier.

in c. 5. An-
nos.

Prou. 3.

27.

mero peregrini magno rei familiaris dispendio facere coguntur.

*Etiā cum
ijs affabile
esse debere
Principē à
quibus ali-
quando la-
sus fuit, sed
ijs noxas
cōdonauit.*

4 Illud tandem addiderim, affabilitatem hanc etiam ad eos à Principe porrigendam esse, à quibus fuerit aliquando violatus, ne scilicet ij, quos admissi criminis fōdit conscientia, suspicari possint, non bona fide noxam à Principe fuisse condonatam., sed illius adhuc hærere memoriā, aliquando fortassis magno cum subditi incommodo foras erupturam. Id verò facilius Princeps consequetur si recolat, id quod, cum de Clementia ageremus, dictum est, Patrem scilicet patriæ ciuiumque esse debere, ac quemadmodum Ioseph tantum non ad Regnum in Ægypto elatus, cum illatas à fratribus iniurias posset vlcisci, eos tamen humanissimè complecti voluit, & praua illorum consilia diuinæ prouidentiae prætextu mitigare, eosque quos sceleris conscientia videbat conturbatos, amantissimis verbis ad spem

Genes. 45.
5.8. 15.

erexit, ita eos affatus. *Nolite pauere, neque vobis durum esse videatur, quod vendidistis me in his regionibus: pro salute enim vestra, misit me Deus ante vos in Ægyptum. Non vestro consilio, sed Dei voluntate, huc missus sum: qui fecit me quasi Patrem Pharaonis, & dominum uniuersæ domus eius, ac Principem in omni terra Ægypti. Osculatusque est Ioseph omnes fratres suos, & plorauit super singulos. Post quæ ausi sunt loqui ad eum. Item Princeps omnem ex animo memoriam detergat iniuriarum, verbis compellet blandis, exporrecta excipiat fronte: ita enim consequetur, vt qui prius de illo fuerant malè meriti, pro malefactis obsequia rependere satagant, iniuriasque Principi fidelissimè seruiendo, compensare nitantur.*

De fide, ac veritate Principis.

CAPVT XV.

HActenus disputauimus de iustitia & clementia, cui affabilitatem propter quandam argumenti cognationem adiunximus, nunc de veritate, ac fide dicere ingredimur: insigni virtute, & viro Principe digna: quam qui cum superioribus hisce coniunxerit, prospera sibi cuncta poterit polliceri. Sic enim affatur David Regem illum suum, quem miris laudibus ornat in Psalmo. *Intende*, inquit, *prosperè procede*, & *regna* Plal. 44. 5. vel ut est in Hebræo, *vehere, inequita, inside*, qui habitus quia eorū est, qui rerum potiuntur, propterea hac metaphora ad gubernacula Reipublicæ suum Principem vocasse videtur, quem iis videbāt instructum ornamentis, quæ absolutissimum regni alicuius præsidem maximè decent. Hæc autem, quæ sint, subiicit, cum ait; *Propter veritatem, & mansuetudinem, & iustitiam, deducet te mirabiliter dextera tua*. His enim tribus virtutibus, quæ cæterarum Principe dignarum chorum ducunt, modo quodam mirabili, ad eum finem aspirabis, ad quem contendis.

In hoc autem potissimum veritas hæc, & fides In quo fides hac veritas sita est. sita est, ut animo sincero, & candido sensa mentis enuntiet oratio, nec aliud verbis, & ore prætendamus, aliud premamus pectore: in promissis verò atque conuentis constantia seruetur. Talem nobis virum exhibet Iobi historia, qui fuit simplex & rectus; talis ille, quem S. David in Domini

Iob 1.1.

396 *Institutio politica ex sacris Scripturis.*

- ni tabernaculis habitaturum dixit, qui nimirum
 Psal. 14 3. *loquitur veritatem in corde suo*, quod statim explicat
 cum ait, *qui non egit dolum in lingua sua*; qui non ut
 ille vafer, ac subdolus, *in corde & corde loquutus est*,
 Psal. 11. 3. *corde nimirum duplici, sed viam pravam, & os bi-*
 Prou. 13. *lingue detestatus*, morésque eorum, *qui terram in-*
 8. *grediuntur duabus vijs*, nullum mendaciis, fraudi-
 búsque circumueniendum putauit. Is planè, quem
 alio loco describit Dauid, cum eum appellet
 Eccl. 2. 14. *mundo corde, qui non iurauit in dolo proximo suo*, nec
 Psal. 23. 4. *molitus est amico suo malum, qui in illo habebat fidu-*
 Prou. 3. *ciam*, vel ut est in Hebræo, *non arauit malum*. Qua
 29. *metaphora etiam alibi vfi sunt sacrorum codi-*
 Eccl. 7. 13. *cum auctores, ut cum ait Ecclesiasticus. Noli ara-*
re mendacium aduersus fratrem tuum, neque in amicum
similiter facias: Quæque rem de qua agimus pla-
nè nobis ob oculos constituit. Quemadmodum
enim aratores terram aratro prosciindunt, & hu-
mo sabacta quædam spargunt semina, quæ ar-
uorum gremio concepta paulatim existunt, &
adolefcunt, donec solibus excocta maturefcant;
ita qui proximo suo calumnias machinantur,
matèriam ad excipiendos infidiarum satus dili-
genter præparant, tum occulta quædam semi-
na iaciunt, eorum, quæ ipsi moliantur, cæque
diligenter diffimulatione obducunt, donec suo
tempore technæ, quas struxerunt maturitatem
 Osez 10. *adeptæ, præclari artifices, qui arauerunt impietatem,*
 13. *iniquitatem metant, & comedant frugem mendacij. Nec*
dissimilis Iobi Metaphora, qui genus hoc homi-
 Iob 13. 14. *num, Fabricatores mendacij appellauit, id arbitror*
exprimens, quod dolos & mendacia concinna-
 Prou. 12. *re dixerunt Dauid, & Salomon. Hic enim in Pro-*
 19. *uerbiis. Testis, inquit, repentinus concinnat linguam*
menda

mendacij : ille verò in Psalmis. *Os tuum*, inquit, Psalm. 49.
abundavit malitia, & *lingua tua concinnabat dolos*. 19.

Quemadmodum igitur, qui telis, verbi gratia, tomento fartis persona, vestibúsque intectis, ita aliquem assimulare student, ut intuentium fallat oculos, ita corporis molem, & habitum oris, & capillamenti colorem imitari satagunt, ut omnia aptissimè sint composita ad decipiendum, nihilque omnino appareat, quod eius speciem non exhibeat : ita qui mendacia adornant, ita illa verisimilium narrationum velamentis obducunt, atque conuestiunt, ita oculos faciémque conformant dum mentiuntur, ut simplicioribus nullo negotio fucum faciant. Huiusmodi fraudum mirus fuit architectus Ioab, Davidis exercitus Præfectus: nam Abner, & Amasam, quamvis cordatos viros, fraudibus circumventos interfecit. *Egressus*, inquit Regum historia, *Ioab à David misit nuntios post Abner, & reduxit eum à cisterna Sira,* 2. Reg. 3.
ignorante David. Cúmque redisset Abner in Hebron, 26.
seorsum adduxit eum Ioab ad medium portæ ut loqueretur in dolo, & percussit illum ibi, in inguine & mortuus est. Amasæ verò eadem, eadem historia ita exequitur. Porro Ioab, inquit, *vestitus erat tunica* 2. Reg. 20.
stricta ad mensuram habitus sui, & desuper accinctus 8.
gladio dependente usque ad ilia in vagina, qui fabricatus levi motu egredi poterat, & percutere. Dixit itaque Ioab ad Amasam. *Salve mi frater, & tenuit manu dextera mentum Amasæ, quasi osculans eum.* Porro Amasæ non observavit gladium, quem habebat Ioab, qui percussit eum in latere, & effudit intestina eius in terram, nec secundum vulnus apposuit, & mortuus est. Ioab planè geminus Tryphon, qui cum Aliæ 1. Mach.
Regno ad quod oculos adiecerat, immineret, 12 40.

Timens

398 *Institutio politica ex sacris Scripturis.*

Timens ne forte non permetteret eum Ionathas, sed pugnaret aduersus eum, quarebat comprehendere eum, & occidere. Et exurgens abiit in Bethsan, & exiit Ionathas obviam illi, cum quadraginta millibus virorum electorum, in praelium, & venit Bethsan, & vidit Tryphon, quia venit Ionathas, cum exercitu multo, ut extenderet in eum manus, timuit. Et excepit eum cum honore, & commendavit eum omnibus amicis suis, & dedit ei munera, & praecepit exercitibus suis ut obedirent ei sicut sibi. Et dixit Ionathas. Vt quid vexasti universum populum cum bellum nobis non sit? Et nunc remitte eos in domos suas, elige autem tibi viros paucos, qui tecum sint, & veni mecum Ptolemaidam, & tradam eam tibi, & reliqua praesidia, & exercitum, & universos praepositos negotij, & conuersus abibo, propterea enim veni. Et credidit ei, & fecit sicut dixit, & dimisit exercitum, & abierunt in terram Iuda. Retinuit autem secum tria millia virorum, ex quibus remisit in Galilaam duo millia, mille autem venerunt cum eo. Vt autem intrauit Ptolemaidam Ionathas, clauserunt portas civitatis Ptolemaenses, & comprehenderunt eum, & omnes qui cum eo intrauerant, gladio interfecerunt. Cumque Ionatham haberet in custodia infidias sibi bellè processisse animaduertens, porro fraudibus fraudesnectere perrexerit. Vt enim cognovit Tryphon quia surrexit Simon loco fratris sui Ionathae, & quia commissurus esset cum eo praelium, misit ad eum legatos, dicens. Pro argento quod debebat frater tuus Ionathas in ratione Regis, propter negotia, quae habuit, detinuimus eum. Et nunc mitte argenti talenta centum, & duos filios eius obsides, ut non dimissus fugiat à nobis, & remitemus eum. Et cognovit Simon, quia cum dolo loqueretur secum, iussit tamen dari argenteum, & pueros, ne inimicitiam magnam sumeret

1. Mach.

13. 14.

ad

ad populum Israël dicentem, quia non misit ei argentum & pueros, propterea perijt. Et misit pueros & centum talenta, & mentitus est, & non dimisit Ionatham.

Tale Tryphonis ingenium, tales alij, quos commemorare piget, vt Ptolomæus, qui Ionathæ huius fratrem Simonem amicitia specie deceptum cum sociis obtruncavit in conuiuio. Tales Iacobi filij, qui Sorori Dinæ illatum stuprum vlturi, per fœderis pangendi simulationem, vt susci- perent Hebræorum sacra, Religionemque, Regi Hemor, & filio eius Sichem, vniuersæque Ciuitati persuaferunt, sacrilegè sanctis illis ceremoniis ad sternendam vltioni viam abutentes, eo enim consilio vt circumcisionis ritu initiarentur, illis auctores fuerunt, vt cum dolor suscepti vulneris esset acerbissimus, ac propterea ipsi ad arma tractanda, resistendumque minus idonei, stupratorem cum parente necarent, urbemque vniuersam masculis interfectis popularentur. Sed non est necesse plura perfidia exempla conquirere, cum multo sit difficilius aliquem inuenire, qui in promissis seruet constantiam, quàm qui datam fidem, aut aliqua ductus cupiditate, aut odia persecutus, violare non dubitet. Quare, Sapiens inquit, *Virum fidelem quis inueniet? quasi procul, & de vltimis finibus sit pretium eius*; ac proinde dicere possimus: *Quis est hic, & laudabimus eum? fecit enim mirabilia in vita sua.*

2 Hæc igitur in oratione simplicitas & veritas; hæc in seruandis promissis constantia Principi maximè cordi esse debet, vt nimirum iuxta sapientis præceptum, *sit firmus in sententiâ sua certa, & vnus sit sermo eius*, vt est apud Septuaginta, id quod in vulgata nostra editione legimus, *Est*

1. Mach.
16.11. &
seqq.

Prou. 26.

6.

Prou. 31.

10.

Eccles. 31.

10.

Vniuersim

Principi

hæc virtus

commenda-

tur.

Eccles. 5.

12.

firmus,

firmus, in via Domini & in veritate sensus tui, & scientia, & prosequatur te verbum pacis & iustitia.

Ibid.n.15. Quam etiam constantiam præcedentibus verbis commendauerat, cum in *omni vento ventilandum esse negauerat*, iuxta Septuaginta. Quæ metaphora ab agricolis desumpta est, qui ventilabris cum aliquid aspirat auræ, triticum à paleis secernunt, tritico utpotè grauiore subsidente, paleis ventorum flabris alio temere abreptis. Id verò significari videtur non cum primum aliqua compendij aut commoditatis spes affulserit, continuo eam veteri mutato cōsilio prosequendam, sed quemadmodum Agricola non omni aspirante vento triticum ventilando purgant (neque enim verbi gratia, si turbinibus area perfletur, paleæque agantur in gyrum, & rursus tritico admisceantur, ventilationi locus erit) sed opportuniorem ventum expectant; ita in iis negotiis, quæ se offerunt, non facile viro cordato aliquid esse aggrediendum, aut repudiandum, sed prius diligenter animaduertendum non modò an utile & quæstuosum, sed multo magis an virtuti, ac honestati consentaneum sit, huncque ita agendi tenorem, perpetuo ac constanter retinendum. Vulgatæ verò editionis lectio, *non ventiles te in omnem ventum*, eandem continet constantiæ commendationem; suadet enim ut grauitatem induamus, cuius beneficio non facilè omni vento circūferamur, tanquam arundines, quas vel tenuissimæ auræ flatus in quamlibet inclinât partem, sed in dictis factisq; omnibus constantiâ perpetuo teneamus. Quod cum in omnibus verum sit, in Principe tamen præcipuè locum habet, ut enim docet Salomon: *Non decet stultum verba composita, nec Principem*

capem labium mendax; vel ut est in Hebræo. *Non decet stultum labium excellentia vel auctoritatis, nec Principem labium mendacij vel falsitatis.* Et sententia esse videtur, non minus Principem, imo multo magis dedecere mendacium, quàm ineptum aliquem hominem, & de triuo petiit, dedeant verba auctoritatis, si nimirum nulla personæ, decorique habita ratione, loquatur ut Princeps Regna, & Imperia, bella & exercitus, consilia, & magistratus crepet, quâsque nutritus in purpura, de rebus magnis arduisque Reipubl. negotiis, quæ nimirum non intelligit, sermones misceat. Quemadmodum enim qui sic ageret, meritò stultus haberetur, magnûmque sibi dedecus compararet; ita Princeps si mentiatur, rem facit persona, quam sustinet, maximè indignam, nec ignominia turpissimam notam effugere potest. Ut verò hæc mendacij turpitudine magis appareat, pauca quædam delibabimus ex scripturis, quibus bene perceptis *Vanitatem, & verba mendacij longe faciat* à se noster Princeps, candidamque simplicitatem adamet, & veritatem.

3 Primò igitur mendax Princeps, à Dei optimi maximique Principis similitudine, qui prima veritas est, cum mentitur, abscedit. Isaïas enim cum Dominum nobis exhibet in sua prophætia, ut Principem, eiusque mores; ac gesta describit, & erit, inquit, *fides cinctorum renum eius.* quo loco vox, *Fides*, constantiam in dictis & factis, certitudinem veritatemque designat. *Non enim est Deus quasi homo ut mentiatur, nec ut filius hominis ut mutetur, sed sunt cogitationes eius antiqua fideles.* Amen. Sanè antiquæ, quia quibus olim in sua æternitate constituit nos bonis gloriæ, aut gratiæ ornare, nulla lō-

Prou. 30.
8.

*Fidelem
Principē,
& veracē,
Deū sum-
mū Prin-
cipē imita-
ri.*

Isa. 11. 5.
Num. 23.
29.
Isa. 25. 1.

- gissimi temporis tractu, facta mutatione, cum constitutum tempus aduenerit decorat, illaque priuilegia, quæ per Prophetas suos pollicitus est Ecclesiæ, illi manent immutata, nec ullis, adeo
- Psal. 88. irritatur offensionibus nostris, *ut quæ processerunt de ore suo faciat irrita, sed in æternum verbum illius*
35. Psal. 118. *permanet & in generationem & generationem veritas eius.* Pollicitus fuerat Dauid seruo suo nonnulla, quæ commemorantur in psalmo, tum subdit,
89. *in æternum seruabo illi misericordiam meam, & testamentum meum fidele ipsi,* hoc est, quod Dauid promisi, & iurisiurandi sacramento confirmaui. Nam
- Psal. 89. *semel iurauit Dominus in sancto suo si Dauid mentiar,* summa fidelitate seruabo, testamentum enim meum, pactum scilicet, quod cum illo ini, fidele erit, stabile scilicet & firmum, quod nulla vnquam temporis longinquitate labefactari poterit. Hebraica enim phrasi, quod stabile est & diuturnum, fidele dicitur: ita Abigail Dauidem alloquens. *Faciet, inquit, Dominus tibi Domino meo domum fidelem, quia praelia Domini, Domine mi, tu praliaris:* Et Isaias, aquas perennes *Fideles* appellat, eodem sermonis schemate. *Iste, inquit, in excelsis habitabit, munimenta saxorum sublimitas eius, panis ei datus est, aqua eius fideles sunt.* Et Moyses in Deuteronomio. *Augebit, inquit, Dominus plagas tuas, & plagas seminis tui, plagas magnas, & perseverantes.* Tò *Perseuerantes* in Hebræo est *fideles*, Sunt ergo Dei promissiones ratæ, firmæ, stabiles, nullo vnquam tempore mutabiles, quippe qui ipsa veritas est, nam ut est in Cantico Moysis *Deus fidelis*, vel ut est in Hebræo, *Deus veritas*, ut tanto ante Moses à Domino illustratus cecinerit, quod postea de se ipso Christus prædicauit,

uit, *Ego sum via, veritas, & vita.* Domini igitur Ioan. 14.
 mores, ac fidelitatem Princeps imitetur, ut quam 6.
 habet cum Deo potestatis similitudinem, dicto-
 rum & conuentorum constantia tueatur.

4 Nec verò potest Princeps, eam quam cum Do- Mendacem
 mino habet similitudinem exuere, quin eadem Damon
 opera, antiquum illum mendacij parentem amu- simile esse.
 letur, illiusque se affectatorem, & discipulum
 profiteatur. Quis enim quæso primus fuit men-
 daciorum artifex, & magister? sanè diabolus, de
 quo S. Ioannes ita loquitur: *Ille homicida erat ab* Ioan. 8.
initio, & in veritate non stetit, quia non est veritas in 44.
eo. Cum loquitur mendacium, ex proprijs loquitur, quia
mendax est & pater eius. Dicitur autem ex pro-
 prijs loqui cum mentitur, quia mendacium, Dæ-
 monis inuentum est, primus enim omnium men-
 titus est, cum Parentibus humani generis in hor-
 to voluptatis est pollicitus, *Eritis sicut Dij scientes* Genes. 3.
bonum & malum. Homines verò cum mentiuntur, 5.
 non loquuntur ex proprijs, quia re aliena, alie-
 nòque inuento vtuntur. Et propter eandem
 causam, idem dicitur mendacij Pater, illius sci-
 licet inuentor, & architectus: scripturæ enim
 phrasi, qui primi aliquod artificium excogita-
 runt, illius parentes dicuntur, ut alibi docui-
 mus. Nullum est autem mendacij genus, quod
 aut ipse non inuenerit, aut nobis non commen-
 det, ut illud amplectamur. Reperio enim in scri-
 pturis mendacij nomine censeri actiones illas,
 quæ ita ab aliquo proficiunt, ut personæ illi
 ita non conueniant, ut si illas exerceat, recedat
 ab officio, alioque planè modo se gerat, quam
 illius status conditio videtur polliceri. Ut si quis
 munus aliquod in Republica exerceat, quod exi-

404 *Institutio politica ex sacris Scripturis.*

- miam requirat sanctitatem, ut verbi gratia, sacerdotis, si sacerdos hic sui gradus, & dignitatis oblitus, aut turpi lucro, aut corporis obsænis voluptatibus seruiat, mentitur, aliud enim quotidianæ illius actiones clamant, aliud promittit gradus, in quo constitutus est, & munus, quod obeundum suscepit. Sic Ieremias, *A propheta*, inquit, *usque ad sacerdotem cuncti faciunt mendacium.*
- Ierem. 8.
10.
• Ibid. n. 5. & eodem capite: *Apprehenderunt mendacium, & noluerunt reuerti.* Et D. Paulus suadens ut mendacium hoc fugiamus, quod in actionibus consistit, ita scribit in epistola ad Ephesios, *Veritatem autem facientes per omnia crescamus in ipso.* Rursus mendacium Idola significat in scriptura, cum enim in templis verbi gratia, aut aris quasi numen aliquid verum repræsentantia statuatur, fallunt & mentiuntur, nam ut ait alicubi S. Paulus,
- Ad Ephes.
4. 15. *Idolum nihil est*, Id est Idolo, quod simulacrum quoddam est, nihil veri numinis correspondet, quod illo significetur: & ita D. Hieronymus illud Osee accipit, cum populum reprehendit, quod *operati sint mendacium*, quod scilicet Idolis seruerint, eorumque simulacra pro verorum Deorum imaginibus coluerint. Tandem mendacium inanes hominum spes significat, cum scilicet diuitiis plus nimium fidunt, honores & voluptates tanquam solida bona consecretantur, quos mendacij redarguit David, cum ait in Psalmo, *Fili hominum usquequo graui corde? ut quid diligitis vanitatem, & queritis mendacium?* Et Osee cum ait,
- I. Cor. 8. 4.
Osee 7. 1.
Psal. 4. 3.
• Osee 12. 1. *Ephraim pascit ventum, & sequitur aëstem, tota die mendacium, & vastitatem multiplicat.* Dicitur pascere ventum, id est vento nutriri, pariterque cum mendacio interitus sibi causas vastitatisque conquire.

quirere. Nec dissimilis Isaïæ querela, cum falsas quasdam, & nomine tantum telas, peccatores sibi texuisse commemorat, quas ipsi fortasse, ut præclarum opus, & ingeniosum admirabantur, re tamen vera, plenum erat inanitatis, & nullis plane vñsibus profuturum. *Telas*, inquit, *araneæ texuerunt, tela eorum non erunt in vestimentum, neque operientur operibus suis.* Horum ergo mendaciorum, quis versutior architectus, quam humani generis hostis Diabolus? Quis enim cuiusvis conditionis hominibus suadet, ut muneris sui obliti, ea consecutentur, quæ ad illos non pertinent, officiisque desertores Pastorem, Ducem, Doctorem, Concionatorem, Consiliarium, Magistratumve probum mentiantur? Quis credulas mortalium mentes superstitione implevit, & ad muta simulacra colenda, quæ vi tyrannorum, quæ impiorum hominû astu impulit? Quis falsa bona pro veris obtrusit, & rerum inanium admiratione cæcas stultorum mentes adeo defixit, ut pro illis consequendis nullos non labores sponte subirent, eosque qui ea fuissent, etiam malis artibus consecuti, beatos crederent, ac prædicarent? sane id Dæmonis calliditati atque versutiæ acceptum referte debemus, qui nullum non movit lapidem, ut à veri Dei cultu ad superstitionem, à veritate ad errorem, à virtutis castris ad vitia, quam plurimos posset mortales suis irretitos fallaciis deceptionibusque traducere. Est ergo Principi turpissimum mentiri, & spiritus illius veteratoris, quasi discipulum fieri, à quo mendaciorum, calumniarumque genus omne profluxit, unde & Diaboli nomen apud Græcos inuenit.

5 Sed alia etiam turpitudine mendaces comitantur,

Isa. 59. 6.

Servile esse mentiri ac

proinde
Principem
maximè
dedecere.

tur, nam mentiri seruilis, & abiecti animi certissimum est argumentum, qui enim forti, & erecto sunt animo, cum sibi à nullo metuant, quod sentiunt, liberè proloqui non verentur; qui verò timidiore sunt & animo deiectione, consutis mendaciis, quæ celata cupiunt, prætexere conantur, ut quod virtute consequi se posse diffidunt, ad ea saltem aspirent calliditate mentienti. Quare David Regnum Christi describens sub eximij cuiusdam Principis allegoria, tantam illius fore virtutem commemorans, ut illius nostris hostes illi vel inuiti subiiciantur. *In multitudine, inquit, virtutis tua mentientur tibi inimici tui.* quod ut melius intelligatur, aduertendū est schemate quodam sermonis non infrequenti alias in scriptura voces pro aliis poni, cum scilicet res significantur vel affines, vel coniunctæ, vel quarum una ex alia sequi solet: sic fuga ponitur pro cursu concitatissimo, quod ij, qui fuga sibi consulere satagunt, timore pedibus alas addente quam citissimè currant: ita aliqui accipiunt illud Canticorum: *Fuge dilecte mi, & assimulare caprea hinnulūque ceruorum.* Sic consolatio pro dolore sumitur, quod dolentiū animas consolatione lenire soleamus, qua ratione explicant aliqui illud Isaia: *Heu consolabor super hostibus meis.* Quia ergo seruis, & seruili animo præditis hominibus mentiri est ad modum familiare, hinc fit ut locutione scripturæ pro eodem capiantur seruire, & mētiri, atque propterea testimonij illius dauidici sensus est maximè literalis. *In multitudine virtutis tua seruient tibi inimici tui,* sequē etiam non volentes subiicient, seruorumque more qui inuiti seruitutem seruiunt, mentientur. Idemque fortasse signifi

Psal. 65. 3.

Cantic. 8.
14.

Isa. 1. 24.

significatur alio Psalmo cum dicitur. *Inimici Domini mentiti sunt ei.* & quod legimus in Deuteronomio : *Negabunt te inimici tui, & tu eorum colla calcabis.* nam illud, *Negabunt te inimici tui*, est apud 70. *ἡσυχῶνται σε οἱ ἐχθροί σου* quod vertere possis, *Mentientur tibi inimici tui.* Principes ergo quorum conditio à seruatorum statu longissimè distat, quàm se abiiciant, considerent cum mentiuntur; nam quicquid præclarum & illustre secum affert eximia illa potestas quam habent in Rempub. mendaciorum dehonestamento planè corrumpunt, ipsique sibi turpissimam infamiae notam, loquendi ista vanitate conciliant, quod docuit olim sapiens; *Mores, inquit, hominum mendacium sine honore & confusio illorum cum ipsis sine intermissione,* vel ut alij interpretantur : *Familiaris homini mendaci est ignominia, suumque dedecus comitatur eum assidue.* Sed vulgata nostra editio aliquid amplius videtur innuere, scilicet tam esse turpem, ac prauam istam mentiendi peruersitatem, ut etiamsi temperans alioqui sit aliquis, aut liberalis, aut aliis virtutum ornamentis conspicuus, tamen mores illi, quantumvis laude digni, penitus iaceant, & debito honore careant, si qui illis præditus est, mendax appellari merito possit: verissimè enim eodem capite dixit Ecclesiasticus. *Opus probrium nequam in homine mendacium, & in ore in-*

Psalm. 80.

14.

Deut. 33.

29.

Eccles. 20.

27.

Eccles. 20.

25.

6 Nec verò sibi satis consulunt, qui se à mentiendi consuetudine abduci non timent, quod se tam multis mendaciorum inuolucris veritatem obducere posse confidant, ut nullo vnquam tempore fraudum appareat, mendaciorumque turpitudinea enim veritatis vis est, ut si non statim, cer-

*Mendacis
vix latere
posse.*

tè temporis longinquitate aliquibus se prodat indicibus, nonnunquam etiã omnibus perruptis impedimentis in lucem clarissimã emergat. *Venderat Iosephum fratres, illum in Ægyptum peregrini mercatores abduxerant, vesteque sanguine imbuta seni parenti filij mortẽ probauerant; quis tam bellè concinnatum mendacium relegendum aliquando credidisset? Rerectum tamen est, tantique sceleris auctoribus perniciem peperisset, nisi Iosephus fraternæ charitatis non oblitus maluisset beneficiorum magnitudine fratrum immanitatem superare, quàm illatas iniurias in memoriam reuocando de fontibus, ut facile potuisset, vindictam sumere.* *Qui depravat vias suas, manifestus erit,* inquit Salomon, *& nihil opertum est, quod non reueletur, neque absconditum, quod non sciatur.* Hoc sanè præclare Moylis nobis ostendit historia, qui cum omnia circum oculis lustrasset, priusquã manus Ægyptio inferret, se tamen deprehensum sentit. Hoc verò cum in omnibus locum habet, tum præcipuè in principibus, in quos omnium oculi, atque ora conuersa sunt, quorum omniũ dicta, factaque diligentissimè observantur, ab aulicis præsertim, qui eos perpetuò circumstant, sitque frequenter, ut quæ ipsi arbitris semotis occultè patrata crediderunt, in vulgus tamẽ miris quibusdã modis emanent, à domesticis prius animaduersa, *Oculi enim seruatorum in manibus dominorum suorum,* qui diligenter explorant, quid faciat, quid loquatur, nec infrequenter quid moliatur facturisque sit, aut expiscatur à consciis, aut ipsi probabilibus ducti coniecturis, Principisque naturæ cognitione diuinant.

7 Sed si mendacium hoc duntaxat afferret incommodi, quod opus mendacibus conciliaret turpi

Genes. 17.
28.

Prou. 10.
9.
Luc. 12. 2.
Exod. 2. 11.

Psal. 112.
2.

*Mendaciũ
Reip. plurimi
mũ nocere.*

turpitudinem, esset sanè tolerabilius malum, nam ei tantum noceret, qui illius auctor esset, & culpam peccantis pœna comitaretur. Nunc verò ad cò Rebus publ. incommodat, ut si veritas à Civitatibus exulet, omnia publica priuataque negotia perturbentur necesse sit, eoque res deducatur, ut communis vita amplius retineri non possit. Quid enim aliud sunt Res publ. quàm corpora quædam inter se ita compacta, atque connexa, ut mutuis membrorum officiis, sibi inuicem singuli seruiant, atque ita non solum vitam tueantur ea parando, quæ ad victum sunt necessaria, sed ea etiam quæ ad ornatum cultumque corporis, sensuumque oblectamenta ingeniosa voluptas excogitavit? Quemadmodum autem si in Luc. 11. 11. humano corpore, cum stomachus cibum appetit, illi mentiretur manus, & panem postulanti porrigeret lapidem, aut petenti piscem, serpentem daret, aut ouo indigenti offerret scorpionem, veneno in visceribus concepto torius humani corporis structura corrumpeteretur: ita in qualibet Republ. 1. Thes. 4. Cum frater fratrem circumuenit in negotio, illéque decipitur, qui simpliciter gradiebatur 6. Reipubl. partes, quæ prius mutuis inter se officiis nexæ erant, & aptæ, dissociantur, totaque Reipub. ratio prorsus evertitur. Vidit hoc D. Paulus, qui ad Ephesios scribens: *Deponentes*, inquit, *mendacium*, Ephes. 4. *loquimini veritatem unusquisque cum proximo suo*. 25. Statimque cur ita faciendum sit, rationem subdit, *quoniam sumus inuicem membra*. Ecclesiastici vero auctor adeo magna importare incommoda mendacium existimavit, ut illud cum furto composuerit, imò etiam deterius esse pronuntiauerit, si fuerit frequens. *Potior*, inquit, *fur quam* Eccles. 10. 27.

410 *Institutio politica ex sacris Scripturis.*

assiduitas viri mendacis, perditionem autem ambo hereditabunt. Bene ista inter se vitia copulauit, nam ferè se mutuo comitantur, concordiam vtraque tollunt, ignominiàmque auctoribus suis conciliant, omniaque confundunt, ipsumque mendacium, furtum quoddam esse videtur, dum ei veritas subtrahitur, cum patefacienda fuisset. Cur autem deterius furto mendacium sit, ea fortassis causa afferri potest, quod nobiliora bona mendaces subducant, quàm fures; nam quantula tandem iactura videbitur rectè rem æstimanti, si mihi è re familiari, aliquid quis furto sublegerit? si verò inuadat in famam, meque apud alios traducat, proscindatque mendaciis, aut si mihi falsam aliquam perniciosamque opinionem quis obrudat pro vera, quàm grande hoc malum est, si modo veritatis pretium scimus, de qua illud merito

Iob 18.15. dici possit, quod habemus apud Iob; Non dabitur aurum obrizum pro ea, nec appendetur argentum in commutatione eius, non conferetur tinctis India coloribus, nec lapidi Sardonycho pretiosissimo vel sapphiro. Nō adequabitur ei aurum, vel vitrum, nec commutabuntur pro ea vasa auri. Excelsa & eminentiā non memorabuntur comparatione eius, non adequabitur ei topazius de Æthiopia, nec tinctura mundissima componetur. Tandem illud addi potest, eos qui furantur, eo frequenter adigi, vt sibi ad victum parent necessaria: quo etiam nomine Salomon illorum culpam extenuat, cum ait: Non grandis est culpa cum quis furatus fuerit, furatur enim vt esurientem impleat animam, deprehensus quoque reddet septuplum, & omnem substantiam domus suæ tradet: damnūque quod intulerunt, pecuniam refundendo reparari potest; qui verò mentitur assidue proximiisque

*Prou. 6.
30.*

misque damnum infert, aut famam illorum violando, aut prauis dogmatibus decipiendo, aut promissa, quæ illi rata putauerant, non adimplendo, linguæ furit intemperantia, itaque frequenter loquitur, ut damnum, quod suis obrectationibus infert, nulla sit arte reparabile. *Quis est homo, qui vult vitam*, inquit Dauid, *& dies videre bonos?* Psal. 33. 13.

Quasi dicat, est ne aliquis, qui vitam in pace velit traducere, & absque molestiis? Nihil enim, ut arbitror impedit, quo minus locum hunc, quem de æterna vita alij interpretantur, etiam ad dies, vitamque quam in hoc mundo viuimus extendamus: *Prohibe*, inquit, *linguam tuam à malo, & labia tua ne loquantur dolum.* Hoc enim si diligenter præstiteritis, & omnia rixarum fomenta facile abstuleritis, & vitam poteritis in pace propagare, proximorumque vestrorum amantes, omnibusque amabiles. Quod si priuatorum hominum mendacia, & infidelitas ita Rempubl. perturbant, ac pessundant, quid de Principe sentiendum erit, cuius negotia plura sunt, & grauiora, & ad commune Ciuitatis, aut Regni bonum pertinentia? *corruat in platea veritas* (in curia nimirum, subscelliisque magistratuum) *& equitas non possit ingredi, fiat veritas in obliuionem*, ut de ea alicubi loquitur Isaïas, vel ut Daniel, *In terram prostrata sit*, Dan. 8. 12. perditus planè erit Reipub. vniuersæ status, quod & Isaïas indicauit, qui euersam Rempub. illa debilitate veritatis metaphora nobis ob oculos ponere studuit.

8 Sed nullum nos damnum, aut incommodum quantumuis grande magis à perfidia, & mendacio deterrere debet, quàm numinis offensio. Frustra enim sunt, qui mendacium necessitatis cuiusdam

In mendacio culpam esse, grauius terque à Dei puniri.

412. *Institutio politica ex sacris Scripturis.*

- iisdem prætextu honestare conantur, eius esse commodum, ac bonum vsum nonnunquam affirmantes non minus quàm medicamentorum, quibus bene valentes minimè vtuntur, sed ea cum egritudine corporis tentantur, coguntur admittere. Sed hunc errorem apertissima testimonia scripturarum iugulant, ea etiam, quæ ab illis prima facie stare videntur. Vt cum ait Ecclesiasticus, *Noli velle mentiri omne mendacium, assiduitas enim illius non est bona.* non enim monet sapiens ab aliquibus dumtaxat mendacijs abstinendum, alijs, leuioribus, v.g. permissis, sed idem est ac si dixisset. Ne prorsus mentiaris, quemadmodum in Leuitico dicitur, iuxta Hæbraicum contextum, *Omniem adipem, & omnem sanguinem non comederis.* Sensus is est, quem vulgatus expressit, *Nec sanguinem nec adipem omnino comederis:* quod verò additur, *assiduitas enim illius non est bona,* idem est ac si dictum esset, est valde mala; ita enim loquitur interdum scriptura, vt cum dicitur in Prouerbijs *Cognoscere personam in iudicio non est bonum;* hoc est valde malum; omnem verò dubitandi ansam planè præcidunt Salomon & Zacharias: ille enim ita loquitur in libro Sapientiæ, *Os, quod mentitur, occidit animam;* hic in sua prophetia, *Vnusquisque,* ait, *malum contra amicum suum, ne cogitetis in cordibus vestris, & iuramentum mendax ne diligatis; omnia enim hæc sunt quæ odi, dicit Dominus.* Rursus ex grauitate poenarum, quibus mendacia perniciofa vindicantur, præsertim cum iuramenti religio violata est, de culpæ magnitudine licet capere coniecturam. *Omniibus mendacibus* dicitur in Apocal. *pars est in stagno ardentis igne, & sulphure, quod est mors secunda;* & Dauid in Psalmo, *Disperdes,* inquit,

inquit, Dominus uniuersa labia dolosa. Et auctor Ecclesiastici, Si frustra uerit, inquit, fratrem, illum scilicet decipiendo, delictum illius super ipsum erit, & si dissimulauerit, errorem scilicet suum corrigere, delinquit dupliciter: & si in vacuum iurauerit, non iustificabitur: replebitur enim retributione domus illius. Expertus hoc est Pharaos, & Aegyptiorum exercitus uniuersus, nam postquam Conuersum est cor eorum ut odirent populum eius, & dolos facerent in seruos eius, posuit in eis uerba signorum suorum, & prodigiorum in terra Cham. Misit tenebras, & obscurauit, conuertit aquas eorum in sanguinem, & occidit pisces eorum. Edidit terra eorum ranas in penetralibus Regum ipsorum. Dixit & venit cœnomyia & cinifes in omnibus finibus eorum, posuit pluuias eorum grandinem, ignem comburentem in terra ipsorum, & percussit vineas eorum & ficulneas eorum & contriuit lignum finium eorum. Dixit & venit locusta, & bruchus, cuius non erat numerus. Et comedit omne fœnum in terra eorum, & comedit omnem fructum terra eorum. Et percussit omne primogenitum in terra eorum, primitias omnis laboris eorum. Expertus etiam est Sedechias Rex Iuda is, qui à Nabuchodonosor Regno donatus est, quod ita narratur in historia Regum: Et constituit Matthaniam patrum eius pro eo, imposuitque nomen ei Sedechiam; additur verò in libris Paralipomenon, eum fidem Regi Nabuchodonosor datam, iuramentoque firmatam fefellisse. ita enim dicitur. A Rege quoque Nabuchodonosor recessit, qui adiurauerat eum per Deum. Vt autem huius iurisiurandi semper memor esset, illiusque religione contineretur in officio, eum Sedechiam voluerat appellari, quasi vindicem Dei iustitiam scelus illius puniturum indicaret, si fidem datam irritam facere,

Eccles. 23.

13.

4 Reg. 24.
17.2. Paral.
36. 13.

414 *Institutio politica ex sacris Scripturis.*

- Loco citato. cere, non dubitasset, sed cum ille à Nabuchodonosor defecisset (quæ defectio inter Sedechiæ crimina numeratur in Paralipomenis) ab eo victus, & captus est, qui in perfidiæ pœnam *Filios eius occidit coram eo, & oculos eius effodit vinxitque cum catenis, & adduxit in Babylonem*: quam pœnam de perfido, ac petiuro Rege captam scriptura probat, cum ait de Nabuchodonosor, *Locutus est cum eo iudicium*, quod etiam repetitur à Ieremia; loqui autem iudicium, idem esse crediderim, quod simili dicendi formula scriptura appellat *Facere iudicium*, hoc est à Iustitiæ, æquitatis, virtutisque præscripto non discedere, vt cum à Domino dicitur Abrahamo: *Scio enim quod praecepturus sis filiis tuis, & domui suæ, post se, vt custodiant viam Domini, vt faciant iudicium, & iustitiam.* & filiis Israël præcipitur in Leuitico: *facietis iudicia mea, & praecepta mea seruabitis, & ambulabitis in eis. Ego Dominus Deus vester.* Hoc ergo merito in perfidiæ ultionem Sedechias passus est. Nec verò deessent alia exempla, ex scriptura petita, quibus quod contendimus probaretur, sed pro nostri instituti ratione ista sufficiunt.

- Cōsideratè Principem loqui & promittere debere.* 9 Quomodo igitur Princeps in promissis, obstringendaque fide se gerere debeat, videamus. In primis autem suadeo, vt non temerè quidquam polliceatur, sed tunc demum, cum rem etiam atque etiam considerauerit, & quid fieri expediat probè intellexerit; quod enim de Fideiussore dixit Salomon ad sponsores omnes, quacunque tandem ratione nomine promissi teneantur; extendi potest: *Fili mi, inquit, si spononderis pro amico tuo, defixisti apud extraneum manum tuam, illaqueatus es verbis oris tui, & captus propriis sermonibus.*

Prou. 6. 1.

*Fac ergo, quod dico, fili mi, & te metipsum libera, quia incidisti in manum proximi tui. Discurre, festina, suscita amicum tuum, ne dederis somnum oculis tuis, nec dormitent palpebrae tuae. Ervere quasi damula de manu, & quasi avis de manu aucupis. Sanè aptissimè Sapiens susceptæ obligationis vinculum nobis ponit ob oculos, cum illud laqueum appellat, quo se qui promissit constringi passus est, manumque qua fidem dedit, quasi clauo apud extraneum defigi passus est, suadetque ut nullum non moueat lapidem, ut se expedire quacunque possit ratione contendat, idque ut intelligatur melius, festinationis, cursus, curæ peruiigilis, & ferarum, laqueis aucupum, ac venatorum implicatarum, appositisque metaphoris explicat. Quare sapienter etiam Ecclesiasticus admonet, *Aurum tuum & Eccles. 28.*
argentum tuum conflat, & verbis tuis facito stateram, 29.
& franos ori tuo rectos. Quibus verbis, ut nobis stateram paremus docet; ne scilicet temerè verba effutiamus, sed antequam proloquamur aliquid, illud ad stateræ examen vocemus, accuratèque pendamus, quid eloquendum sit, quid silentio premendum, quid utile possit esse, quid noxium; quia verò ut suadet alicubi Salomon cum ait, *Veritatem eme,* nullis parcendum est sumptibus ut *Prou. 23.*
 illam tandem nancisci possimus, aurum, argen- *23.*
 tumque conflandum dixit, ut ex illo stateram istam veri examinatricem, prudentiæque certissimam normam, aut conficiamus ipsi, aut ab aliis dato quantumvis grandi pretio comparemus: est enim omnibus sanè necessaria prouisio diligens, ne in verbis, aut promissis concipiendis aliquid inconsulte proloquantur, sed multo etiam diligentior cautio adhibenda Principibus viris, iis-
 que*

416 *Institutio politica ex sacris Scripturis.*

que omnibus, quorum apud alios magna est auctoritas; quorum singula verba, non vt notantur diligenter, ita fideliter referuntur. Dixerat Chri-

Ioan. 21. stus de Ioanne, *Sic eum volo manere donec veniam,*
22. *quid ad te? tu me sequere. Exiit ergo sermo iste inter fra-*
tres, quia discipulus ille non moritur. Et non dixit ei
Iesus, non moritur, sed sic eum volo manere donec ve-

Ioan. 2. 19. *niam, quid ad te? Rursus dixerat Dominus, Soluite*
templum hoc, & in tribus diebus excitabo illud: Sed
testes, quos merito falsos Euangelista appellat,

Matth. 26. *eum dixisse affirmarunt, Possum destruere templum*
61. *Dei, & in triduo readificare illud. Quare merito re-*

Prou. 17. *prehendit Salomon eum, qui altero sermone repetit,*
9. *aliam enim huiusmodi homines rebus faciem*

inducunt, & cum inter loquendi formulas, latum
sit discrimen, omnia confundentes, bene sapien-
terque locuto, dum falsum affingunt, infamiae
alicuius nota, quae illi fraudi esse possit, impuden-
ter aspergunt. Nec tantum staterae illius vsus ne-
cessarius est, vt satisfiat iis, quibuscum agit Prin-
ceps, sed etiam vt suae consulat conscientiae, ne
postquam suam pollicitatione aliqua fidem ob-
strinxerit, si inconsultò se longius prouectum in-
tellegerit, quàm esset opus, conscientiae stimulis
fodiatur. docet hoc Salomon cuius est illa moni-
tio, Est qui promittit & quasi gladio pungitur conscien-

Prou. 12. *tia. quod alij vertunt, Temere effutire perinde est at-*
18. *que gladio perfodere. conscientiam scilicet, quod in*

idem recidit: est enim sensus. est qui temerè ali-
quid promittit, & postquam promisit poeniten-
tia ductus, conscientia promissionis pungitur,
quasi gladio. Huiusmodi Herodis promissio, qui
cum temere promississet saltatrici puellae, vel di-
midium Regni sui, si illud postulare voluisset,

con

contristatus est, cum Ioannis Baptistæ caput in disco postulatum est, nam virum sanctitate clarissimum magnificiebat, & libenter illum audiebat, Marc. 6. & audito eo multa faciebat. Quamquam omnia ista 20. posthabuit, vitamque sanctissimo Prophetæ truncato capite eripere, vt promissi fidem liberaret, adulteræque filix postulatam impleret, non dubitavit. Inconsultè etiam Dauid, vir alioqui sanctissimus, & Deo in primis carus, qui se vitam Nabali Abigailis marito erepturum, minatus est, minasque iurisiurandi religione firmavit, ita enim locutus est: *Hæc faciat Deus inimicis Dauid, & hæc addat, si reliquero de omnibus, quæ ad ipsum pertinent 22. usque mane, mingentem ad parietem.* Inconsultè inquam, nam nec alia suberat causa propter quam Nabali violentas manus iniiceret, quàm propter iniurias, quibus fuerat laceffit; eas autem illata morte priuata auctoritate vindicare iure non poterat. Nec si in Regem fuerat inunctus à Samuele, continuò etiam Regni administrationem acceperat, sed tantum erat sacra illa ceremonia ad Regnum destinatus, vt tunc eius gubernacula capefferet, cum Saul è viuis excessisset; quod verò Nabal, pro acceptis beneficiis ingratitudinem rependerat, non eum capitis reum constituerebat, imo nec tam atrociter vitium illud fuisset vindicandum, si pactum aliquod aut contractus, qui inter eos nullus erat, intercessisset: iam verò domum illius exscindere, qui iustitiæ titulo nihil deberet, omnibus etiam, qui ad illum pertinerent ad vnum extinctis, ad nimiam sanè vindictæ libidinem spectare videtur. Prudenter verò Abigail, quæ cum mariti sui mortem aptissimis verbis deprecaretur, peccati religionem Dauidi

418 *Institutio politica ex sacris Scripturis.*

Ibid. n. 30.

Sermo 1.
de sanctis.

Ecclef. 23.
11.

viro Deum timenti iniiciendam putavit, ita enim post multa locuta est : *Cum ergo fecerit Dominus tibi Domino meo omnia, quæ locutus est bona de te, & constituerit te Ducem super Israël, non erit tibi hoc in singulum, & in scrupulum cordis Domino meo, quod effuderis sanguinem innoxium, aut ipse te vltus fueris, & cum benefecerit Dominus Domino meo, recordaberis ancille tuæ.* Hanc verò Davidis temeritatem præter alios agnoscit D. Augustinus, cuius illa sunt verba. *Quod David iuramentum per sanguinis effusionem non implevit, maior pietas fuit. Video David pium hominem & sanctum, in temerariam iurationem cecidisse, & maluisse non facere, quod iuraverat, quàm iurationem suam fuso hominis sanguine implere, &c. & iuravit David temere, sed non implevit iurationem maiori pietate.* Et infra; *Ecce sanctus David, non quidem iratus sanguinem hominis fudit, sed eum falsum iurasse negare, quis poterit?* Hæc August. Ex quibus etiam obiter illud animaduerti potest non facile iuramenti religione interposita, quidquam affirmandum esse, aut promittendum, ne labes aliqua temerè iurantibus adhærescat. *Sicut enim servus, inquit Ecclesiasticus, interrogatus assidue à luore non minuitur, sic omnis iurans, & nominans, in toto à peccato non purgabitur;* cuius loci sententia est, quemadmodum servus, qui frequenter torquetur à Domino, quæstionique subiicitur, ad eliciendam veritatem vibicibus, verberumque vestigiis exarata cute plagarum signa circumfert, ita qui frequenter iurat (est autem iuramentum quoddam quæstionis genus, quo numinis violandi timore verum extorquetur) si quid peccet, quod in tanta frequentia est procliue, labem non facile abstergendam contrahet.

10 Illud tandem addendum est promissa etiam inimicis facta, præstanda esse, ut quod semel egres- sum est de labiis nostris, obseruetur, ut iubetur in Deuteronomio. Probat hoc egregie Gabaonitarum impunitas, quibus fides à Iosue data saluti fuit, quamuis illis post reiectam fraudem parcere non teneretur, cum Gabaonitarum dolus promisso causam dedisset, nec iusiurandum illud iniquitatis vinculum esse posset, fuisset autem si eos impunitos dimittere coëgisset, quos delendos penitus Dominus imperasset. nisi dicamus potuisse Iosue illos absque noxa seruare, id concedente Domino, ad commendandam apud Gentes Hebræorum fidem. Sed D. Ambrosium, ita in libris de officiis disserentem audiamus. *Veterem autem istam, inquit, de dolo non iurisperitorum formulam, sed Patriarcharum sententiam, scriptura diuina euidenter expressit, in libro testamenti veteris, qui Iesu Naue inscribitur. Nam cum exisset fama per populos, siccatum esse mare, in Hebræorum transitu, fluxisse aquam de petra, de cælo diuinam ministrari alimoniam tot populi millibus abundantem, corruisse muros Hierico, sacro tubarum sono ictos, & ululatu plebis arietatos, Getheorum quoque Regem victum, & suspensum in ligno usque ad vesperam Gabaonita metuentes validam manum, venerunt cum versutia, simulantes se de terra longinqua esse, diuque peregrinatos dirupisse calceamenta, detruisse amictus vestium, quarum veterascentium indicia monstrarent. Causam autem tanti laboris emendanda pacis, & ineunda cum Hebræis esse amicitia cupiditatem, & caperunt ab Iesu Naue postcere, ut secum firmaret societatem. Et quia adhuc erat ignarus locorum, atque incolarum inscius, non cognouit fraudes eorum, neque Dominum interrogauit, sed cito credidit.*

Etiam inimicis seruandam fidem.

Deut. 23. 23.

3. de offic. c. 10.

Iosue 3.

Iosue 6.

420 *Institutio politica ex sacris Scripturis.*

Adeo sancta erat illis temporibus fides, ut fallere aliquos posse non crederetur. Quis hoc reprehendat in sanctis, qui ceteros de suo affectu existimant? & quia ipsis amica est veritas, mentiri neminem putant, fallere quid sit ignorant, libenter credunt, quod ipsi sunt, nec possunt suspectum habere, quod non sunt. Hinc Salomon ait: Innocens credit omni verbo. Non vituperanda facilitas, sed laudanda bonitas. Hoc est innocentem esse, ignorare, quod noceat, etsi circumscribitur ab aliquo, de omnibus tamen bene iudicat, qui fidem esse in omnibus arbitrat. Hac igitur mentis sue deuotione inclinatus, ut crederet, testamentum disposuit, pacem deduxit, confirmauit societatem, sed ubi in terras eorum ventum est deprehensa fraude, quod cum essent finitimi, aduenas se esse simulauerant, circumscriptum se se populus Patrum indignari capit. Iesus tamen pacem, quam dederat renouandam non censuit, quia firmata erat, sacramenti religione, ne dum alienam perfidiam arguit, suam fidem solueret. Multauit tamen eos vilioris obsequio ministerij, clementior sententia, sed diuturnior. Manet enim in officij poena veteris astutia hereditario in hunc diem ministerio deputata. Haec Ambrosius. Itaque Iosue fidem Gabaonitis semel obligatam, quia iurisiurandi intercesserat religio, sanctè seruauit, qua in re sanctus Imperator barbaris idolorum cultoribus similis esse non sustinuit, quibus fides pendet ex fortuna, quique religionem iuramenti qua se obstrinxerant, nihili pendunt, parum aut nihil sibi mercentes à Diis suis quantumuis pacta violauerint, ut enim dicitur in libro Sapientiae.

Sap. 14. 19. Dum confidunt in idolis, quae sine anima sunt, malè iurantes nocere se non sperant. Hanc autem fidem à Iosue Gabaonitis datam, adeo ratam voluit esse Dominus, ut fame... Dauid regnante in vniuersum

sum populum immiserit, quæ tres continentes annos tenuit, propter fœdus à Saule violatum: id autem quomodo acciderit, & qua ratione Gabaonitis à Dauide satisfactum ex historia Regum discamus, quæ sic ait. *Facta est quoque fames in diebus David tribus annis ingiter, & consuluit David Oraculum Domini. Dixitque Dominus: Propter Saul, & domum eius sanguinum, quia occidit Gabaonitas. Vocatis ergo Gabaonitis Rex dixit ad eos (Porro Gabaonita non erant de filiis Israël, sed reliquie Amorrhæorum, filij quippè Israël, inrauerant eis, & voluit Saul peruertere eos zelo quasi pro filiis Israël & Iudæ.) Dixit ergo David ad Gabaonitas: quid faciam vobis? & quod erit vestri piaculum, ut benedicatis hereditati Domini? Dixeruntque ei Gabaonita. Non est nobis super argento, & auro questio, sed contra Saul, & contra domum eius, neque volumus ut interficiatur homo de Israël. Ad quos Rex ait, Quid ergo vultis ut faciam vobis? qui dixerunt Regi. Virum qui attriuit nos, & oppressit iniquè, ita delere debemus, ut nè vnus quidem residuus sit de stirpe eius, in cunctis finibus Israël. Dentur nobis septem viri de filiis eius ut crucifigamus eos Domino in Gabaon Saul, quondam electi Domini. Et ait Rex: Ego dabo. Pepercitque Rex Miphibosech filio Ionathæ filij Saul, propter iuramentum Domini quod fuerat inter David, & inter Ionatham filium Saul. Tulit itaque Rex duos filios Respha filia Aia, quos peperit Sauli, Armoni, & Miphibosech, & quinque filios Michol filia Saul, quos genuerat Hadrieli filio Berzellai, qui fuit de Molathib, & dedit eos in manus Gabaonitarum, qui crucifixerunt eos in monte coram Domino, & ceciderunt hi septem simul occisi in diebus messis primis, incipiente messione hordei, &c. Ex his ergo, quæ diximus satis patet etiam hostibus fidem datam seruandam esse. Qua-*

422 *Institutio politica ex sacris Scripturis.*

re si constitutus sit cum hoste, aut locus aut dies prælio, magnæ perfidiæ sit, aut loco præuenire, aut tempore, aut si tu bellica virtute superatus tributum pendere, aut obsides dare coactus; aut contra victor hostes tuos liberos dimissurum te fueris pollicitus, si fecerint imperata, grande sit piaculum fallere fidem, & honestate contempta, folius utilitatis habere rationem, hoc enim non solum est turpe apud omnes gentes, sed à Deo perfidiæ vindice, admissi sceleris pœnas accersit. Tandem ex dictis etiam colligitur quatenus verum sit vulgare illud dictum quod multorum sermonibus frequenter iactari solet, nimirum frangenti fidem, eam vicissim esse frangendam. Neque enim sententia est licere fallere fidem hæreticis verbi gratia, idolorum cultoribus, aut alioqui facinorosis hominibus, qui obligatam Deo fidem, cum baptismo abluti sunt, & Christi militiæ nomen dederunt, non seruant; sed sic accipiendum esse commune illud effatum, ut liceat non præstare promissum, si vicissim qui tibi aliquid pollicitus fuerit, ipse non præstiterit, tunc enim illius perfidia fidem tuam liberat. Moses exempli causa postulabat ab Amorrhæo, ut per eius fines exercitum traducere liceret: *Transibimus*, inquit, *per terram tuam, publica gradiemur via, non declinabimus neque ad dexteram, neque ad sinistram, alimenta pretio vende nobis ut vescamur, aquam pecunia tribue, & sic bibemus, tantum est ut concedas nobis transitum.* Si annuisset Amorrhæus, & Moses promissis non stetisset, sed milites tractus illius incolis violentas manus intulissent, aut cibariis acceptis debitis pecuniis fraudassent, si agros vastassent, vineas diripiissent, concussis-

Deut. 2.
27.

sent

sent agricolas, ferociterque tractassent, quis dubitet Amorrhæum pacti obligatione solutum vim illatam prohibere, & suis finibus Israëlitas arce-
re potuisse conditione ab illis non impleta? Sed rem de qua agimus aptius etiam & expressius ponunt ob oculos exploratores ab Iosue missi in Iericho, qui cum in meretricis Raab domo latebras quæsiuissent, *Anima nostra*, aiebant, *sit pro nobis in mortem, si samen non prodideris nos, cumque tradiderit nobis Dominus terram, faciemus in te misericordiam ac veritatem.* expressius autem conditionis vim paulo post explicantes: *Quod si nos prodere volueris, in-*
quiebant, & sermonem istum proferre in medium, eri-
mus mundi ab hoc iuramento, quo adiurasti nos. Nisi ergo aliquid tale inciderit, quo soluti promissis censeri possimus, etiam cum hæreticis, aut infidelibus conuentorum constantiam seruare debemus. Alij, quod eodem recidit, ita docent promissum seruandum, si possit absque noxa, & nisi quid inciderit quod rei faciem planè aliam inducat, vt cum D. Paulus, qui se Corinthum iturum receperat eo tamen non iuit, quod interuenientibus nouis causis, consilium mutare iure potuisset.

Ioh. 2.

14.

Ibid. n. 20.

2. Cor. 1.

15.

De liberalitate Principis.

C A P V T X V I.

ANtequam de liberalitate dicere ingrediamur, illud aduertendum est, non ita nos pressè de illa loqui vt distinguitur à misericordia,

Quomodo
hic acci-
piatur li-
beralitas
& de eius
affinitate
cū infirmitate

424 *Institutio politica ex sacris Scripturis.*

aut amicitia, sed ita illam accipere, vt siue ex contemptione pecuniæ affectuque aduersus illam moderato quis largiatur; siue alienæ calamitatis paupertatisue miseratione commorus; siue, vt amicitiam colat, ac tueatur, id totum liberalitati tribuamus. Hic autem est de virtute ista dicendi locus, cum de virtutibus agimus, quæ ad alios referuntur, & cum Iustitia affinitatem habent, nam in scripturis erogatio ista pecuniæ, Iustitiæ nomine appellatur, vt cum dicitur in Psalmo: *Dispersit, dedit pauperibus. Iustitia eius manet in seculum seculi:* & apud S. Matthæum præcipit Dominus; *Attendite, ne iustitiam vestram faciatis coram hominibus.* Quo loco Græcus cōtextus ἐλεημοσύνην habet, vt etiam legit D. Chrysostomus loco Psalmi proximè citato. Huc etiam referri potest, quod habemus in Prouerbiis, *Qui negligit damnum propter amicum, iustus est.* Prior enim huius versiculi pars periphrasim quamdam liberalis hominis cōtinere videtur, qui suarum pecuniarum non habet rationem, sed cum aliqua amici necessitas inciderit, illas animo liberali profunderere non veretur. Quem etiam loci huius sensum ex versione Pagnini confirmare possumus, qui particulam illam, *qui negligit damnum*, vnico expressit verbo, *Abundans.* quod ad rem nostram valde facit. Quis enim alius abundantis nomine propter amicum censeri melius potest, quàm liberalis, cui licet angusta res sit, si tamen necessitas exigat, abundanter depromit, quod amico tribuat, amoréque honestatis, quæ in virtute later, pecuniæ parcendum non existimat?

De libera- 2 Porro de liberalitate illud in vniuersum dici
litate uti- posse videtur radicem illam esse bonorum omniū,
nam

nam si de auaritia verissimè dictum est ab Apostolo, *radix omnium malorum est cupiditas*, sanè liberalitas, quæ cum illa aduersa fronte pugnat, omnium radix bonorum merito poterit appellari. Ac sanè de honestatis & gloriæ bono nò multum fortasse repugnauerint ij ipsi, qui astrictiores sunt in expendendis pecuniis; vtilitatem verò adeò à liberalitate separabunt, vt potius, per eam multa fortunarum damna Principibus, & priuatis importari contendant. Quem errorem vt eximamus, primò hoc de vtilitate caput breuiter exequemur, tum etiam de honestate pauca quædam, quæ ad rem nostram faciunt ex scripturis nostro more delibabimus. Ac primò quidem Principis præcipua cura in eo esse debet, vt regnum, quod à maioribus suis accepit, aut virtute propriâ comparauit, omnibus, quibus iure potest artibus stabiliat, eaque omnia amoliat, quæ minus firmam illius possessionem, minúsque aut à domesticis turbis, aut ab externis bellis securâ reddit. Hoc autem liberalitas præstat in primis, de qua ita loquitur Salomon in Prouerbiis. *Misericordia & veritas custodiunt Regem, & roboratur* Prou. 10. *Clementia thronus eius*: vel, vt vertit Vatablus, *Beneficentia, & Fides seruant Regem; Beneficentia suffulcitur solium eius*. Illius enim Principis magnitudo stabilis & fundata est, qui ita à subiectis populis diligitur, vt nihil aliud publica omnium vota expetant, quàm eum incolumem esse. Non enim corporis stipatores, armatique satellites, non munitarum arcium muri odio prosequentium ciuium vim satis arcere possunt, quæ aut sibi facilem aditum inuenire non nescit, aut si omnia clausa repererit, & obsepta, perumpere

litate qua reducat in Principes.

tamen quidquid obstat potest, iisque quos odit parare perniciem. At verò Ciuum beneuolentia certissimæ securitatis parens est, quæ nullis artibus facilius conciliatur quàm beneficentia ac liberalitate: multi enim, vt Principis ope indigent, ita ad illius amicitiam obrepere satagunt, illique bene esse desiderant, vt illius liberalita-

Prou. 19. 6. te, quàm diutissimè frui possint: *Multi colunt personam potentis*, inquit Sapiens, & *amici sunt dona tribuentis*, vel vt ex Hebræo verti potest; *Multi colunt personam liberalis, & omnes amici sunt dona tribuentis*. Nec verò fucatam semper hanc amicitiam dixeris, tamdiu duraturam apud homines iustos, quamdiu ex Principis fontibus aliquid se haurire posse sperabunt, qui si repente exaruerint, etiam amicitia perenni ad eum diem liberalitate irrigata, penitus exarescet. Vt enim concedam initio, non Principis magis virtutem istos suspicere & amare, quàm propria commoda consecrari, non tamen adeò dura sunt hominum pectora, vt beneficiis continentibus, aut repetitis non molliantur, eosque quos prius vtilitatis tantum aucupandæ causa colebant, etiam ex animo beneuolentia complecti non incipiant, cupiantque si se dederit occasio in eos, à quibus beneficiis ornati sunt, non tantum beneuolam mentem ostendere, sed etià regerere beneficia, nam vt ait Sapiens in Proverbiis, *Vicioriam & honorem acquirit, qui dat munera, animam autem aufert accipientium*. Cuius loci sententiam eam esse putat Iansenius, vt dicatur munera accipientes adeo dantibus obstringi, vt quæ est humana fragilitas fermè ad quodlibet agendum sint parati, vt donatoribus gratificentur, quod quamquam pessimè

mè fit, cùm nullus cum æternæ salutis periculo aliis placere, aut seruire debeat; ostendit tamen id de quo agimus, verissimum esse, maximâ scilicet esse vim liberalitatis, quæ accipientes, ita de se suspensos habet, vt quicquid libuerit, possit de illis sibi polliceri. Sed alius fortasse non incommodus sensus, & ad rem nostram accommodatissimus dici potest, vt nimirum dicantur donantes animas accipientium auferre, quia summæ illas sibi astringunt beneuolentiæ vinculis, iuxta id quod in Hebræo contextu de Absalone dicitur cum populis blandiebatur eosque sollicitabat.

Furabatur corda virorum Israël : ita ergo liberales 2.Reg. 15.
furantur animas eorum, in quos benefici sunt, 16.

dum eos sibi humanitatis & liberalitatis significationibus raptos adiungunt. *Iunenerat Ioseph gratiam coram Domino suo*, & licet fratrum suorum Genes. 39.
iniuria seruitutem seruiret, adeo tamen Domini 4.

animam furatus est, vt totius domus administratorem illum, ac tantum non Dominum constitueret. Hoc ergo beneficium, prolixaque ista in seruum liberalitas, Iosephi animam maximè ingenuam adeò abstulit, vt adolescens id ætatis domina vltro inuitante non acquieuerit operi nefario eamque reddiderit rationem, quam his verbis scriptura expressit. *Ecce Dominus meus omnibus mihi traditis, ignorat, quid habeat in domo sua, nec quidquam est, quod non in mea sit potestate, vel non tradiderit mihi, præter te, quæ eius uxor es, quo nodo ergo possum hoc malū facere, & peccare in Deum?* Quasi diceret, qui possum ego tantum scelus admittere, quod diuinis mandatis aduersatur, in eū præsertim à quo tam multis sum ornatus beneficiis, qui cum me inter mediastinos, ad abiectissima qua-

Ibid n. 8.

uis domus munia destinare potuisset, mihi tamen domum suā, pecunias, prouentusque omnes credidit, neque quasi alterum vniuersæ familiæ harum constituit? Possum equidem tam benigni, & liberalis heri causa multos exantlare labores, & quælibet, quantumuis dura perpeti; eam verò quam de mea in eum fide opinionem concepit, fallere sanè non possum.

*Liberali-
tatē hone-
stam esse,
quia pecu-
nia in eos
conferitur
vbi ad
quos facta
sunt.*

Marth. 25.

24.

Ecclef. 41.

17.

Psal. 5. 16.

3 Sed iam de honestate liberalitatis aliquid dicamus quæ satis ex eo perspicitur, quod qui in expendendis tractandisque pecuniis tenax non est, is non ut seruus ille euangelicus defodit pecuniam, vnde inertiae nomine reprehensus, & infamia notatus, in tenebrasque exteriores eiectus est; sed thesauris suis ita utitur, ut recta præscribit ratio, quare omnium ore celebratur. Non enim ignorat illud Ecclesiastici, *Sapientia abscondita, & thesaurus inuisus, quæ utilitas in vtrisque?* Quemadmodum enim vir aliquis omnium laudandarum artium scientia absolutissimus, si non deriuat foras doctrina sua fontes, eosque ita recludat, ut qui indigent haurire possint, quantum satis sit ad restringendam sitim, frustra in doctrinis comparandis, quarum nullus sit usus, laborauerit: ita qui pecuniarum usum ignorat, & in auro congesto pauper est, sanè frustra thesaurum illum comparauit: quo enim diuitiæ, si iis uti cum opus fuerit, non conceditur? In quo etiam aliud est stultitiæ genus, quod dum pecuniarum tenaces, illis omnino parcunt, quasi illas perpetuo sibi habere possint, grauitè falluntur; nam vel utiliter & honestè in amicos, aliosque humanæ vitæ necessarios usus erogantur, vel certè relinquuntur ab inuitis, qui nihil cum ex hac vita

est excedendum, auferre possunt, aut etiam quod frequenter accidit, furto sublata, aut aliquo alio casu, repente pereunt, vt eas quodammodo putres auolasse. Vidit hoc Salomon, qui docuit in Prouerbiis diuitias facere sibi pennas vt aquila, & *volare in cœlum.* Quasi nimirum indignantes, quod arcis inclusa, seruitutem indignam seruiant, ad ea non adhibita ad quæ factæ sunt, ac propterea hominum istorum *vanitati non volentes subiecta,* & *quasi parturientes, & ingemiscetes, in libertatem se conantur asserere,* ac propterea sibi pennas aptant, quibus à custodia euolantes, libertatem optatam nanciscantur, Prou. 23. 5. Rom. 8. 20.

5 Sed ex eo etiam liberalitatis honestas intelligi potest, quod qui ad dandum sunt procliuēs, Deum imitantur, qui diuitiarum suarum thesauros largè effundit, adeo vt non hominibus tantum, sed brutis etiam animalibus ratione carentibus, & ad pastum abiectis, ea omnia suppeditet, quæ necessaria sunt, & eorum naturæ consentanea. *Oculi enim omnium,* vt inquit Psalter, *in te sperant Domine, & tu das illis escam in tempore opportuno, aperis tu manum tuam & imples omne animal benedictione.* Ipse enim ille est, qui operit cœlum nubibus, & parat terra pluuiam, qui producit in montibus fœnum, & herbam seruituti hominum, qui dat inmentis escam ipsorum, & pullis coruorum inuocantibus eum. Id verò liberali prorsus animo facit, vt consentaneas naturæ suæ operationes exerceat, non quasi hominibus aut alijs indigens creaturis, verissimè enim dixit de se in Psalmis, *Quoniam* *Liberales Deū imitari. Principesq; liberalis titulum assequere.*

iam mea sunt omnes fere sylvarum, iumenta in montibus, & boues. Cognoui omnia volatilia cœli, & pulchritudo agri mecum est. Si esuriero non dicam tibi, meus Psalm. 144. 15. Psalm. 146. 8. Psalm. 49. 10.

est

430 *Institutio politica ex sacris Scripturis.*

- Act. 10. 35. *est enim orbis terra, & plenitudo eius. Verum ita agit, quia iuxta Christi Domini verbum, Beatius est magis dare, quam accipere: qui enim aliquid accipit, actum exercet vtilem, seque quodammodo illis rebus, quas accipit, egenum proficitur; qui vero aliis tribuit, nec ab alio cui dat, quidquam expectat, honestum exercet actum & quasi non indigens ea quibus abundat, cum egentibus communicat. Quare Christus Dominus verae ac solidae gloriae parandae in largiendo rationem cum vellet ostendere, eis docet esse benefaciendum, a quibus nihil propter paupertatem rependi possit:*
- Luc. 14. 12. *Cum facis, inquit, prandium, aut caenam, noli vocare amicos tuos, neque fratres tuos, neque cognatos, neque vicinos divites, ne forte te & ipsi reinvitent, & fiat tibi retributio. Sed cum facis convivium voca pauperes, debiles, claudos, & cecos, & beatus eris, quia non habem retribueret tibi. Quam etiam agendi rationem, servandam docuerat in mutuo dando,*
- Luc. 6. 35. *quod genus est quoddam beneficii, Mutuum, inquit, date, nihil inde sperantes. Divinum ergo quiddam esse videtur, cum res fert omnibus ita tribuere, ut non cauponum more, aut feneratorum ponantur beneficia, quid reddituri sint, qui acceperunt supputando, datamque pecuniam expensam ferendo, sed animo liberali, virtutis, honestatisque amore illis largiendo, apud quos largitionis beneficium bene collocetur. Id senserunt Principes qui beneficii appellari cupiebant, ut Christus docuit, cum ait ad Discipulos. Reges gentium dominantur eorum, & qui potestatem habent super eos, beneficii vocantur. Videtur autem Dominus cum hoc diceret, Hebraica usus voce, aut certe ad eam respexisse qua Principes נְדִיבִים appellantur, cuius*

ius vocis primaria radix est, נָדַן. Quod verbum
 largum, & munificum esse significat, sponteque
 & liberaliter aliquid largiri, idque nomen Prin-
 cipes inuenerunt apud Hebræos, quod Principem
 liberalem atque munificum esse conueniat.
 Quare David spiritu principali, postulat à Domi-
 no confirmari, vel ut Kaldæus interpretatur spi- Psalm. 50.
 ritu munificentia, ut nimirum adeò in posterum 14.
 alicui non noceat, ut fecerat Vriæ, ut potius
 cum omnibus sit liberalis, & largus, ut bonum
 decet Principem. Est autem eo loco Psalmi
 vox נָדַן quæ ab eadem radice deducta, mu-
 nificentiam significat, aut quod idem est, spi-
 ritu Principe dignum, liberalem scilicet & mu-
 nificum; *Homo indigens* (inquit Salomon) *mi-* Prou. 19.
sericors est & melior est pauper, quam vir mendax, in 22.
 textu verò Hebræo, huius dicti pars prior, sic ha-
 bet: *Desiderium hominis beneficentia eius.* & sensus
 est, esse in hominum animis, quoddam insitum
 desiderium quo benefici, largi, liberalisquæ ha-
 beri velint, & prædicari. Verum quia aliqui hanc
 laudem affectant, qui eam minimè merentur,
 propterea subditur, *Et melior est pauper, quam vir*
mendax, quasi dicat: Præstat autem pauperem es-
 se, ac propterea aliis largiendi facultate destitu-
 tum, quàm diuitiis abundare, & cum avarus sis,
 velle tamen tuam beneficentiam, quam nō ex-
 ces, ab omnibus prædicari. Nec ab hoc loco Pro-
 uerbiorum abludit alius locus eodem libro, ubi
 dicitur: *Multi homines misericordes vocantur, virum* Prou. 20.
autem fidelem quis inueniet? quorum verborum sen- 6.
 tētia duobus præcipuè modis accipi potest. Alius
 est proximè explicatæ sententiæ persimilis, mul-
 tos scilicet esse, qui suam frequenter prædicent
 libe

432 *Institutio politica ex sacris Scripturis.*

liberalitatem, & beneficentiam, quam exercent in alios, difficile tamen esse fidelem virum inuenire, qui scilicet in hoc ipso, in quo se laudat non mentiat, aut qui iis adiunctis circumstantiis largiatur, ut norma virtutis exigit. Vel etiam sensus esse potest, multos esse, qui laudent, & prædicent eum, qui in ipsos est beneficus, sed laude ista contentos, cum se offert occasio, beneficium non rependere, nec par pari referre, ut postulat fidelitas, æquitas, ratioque gratitudinis. Ita enim se res habet, multi vitio laborant ingrati- tudinis, postquam acceperunt, multi verò cum dant, inani gloriæ velificantur, dumque libera- les, & munifici, largi audire volunt, adeo in sinum eorum quibus benefaciunt, beneficia non abscon- dunt, ut potius quantulumcumque tribuerint, tuba canant ante se, omniumque per ora cupiant volitare, qui in eo quidem non falluntur, quod beneficentiæ comitem esse intelligunt gloriam, in eo autem non mediocriter peccant, quod quæ Dei amore, aut studio virtutis largiri debuissent, ea de causa tantum tribuunt, ut hominum lau- dem consequantur, quod totum ad insignem quandam pertinet inanitatem.

Marth. 6.
2.

In dando, sed maxime in reddendo beneficio liberalitatem requiri.
1. Offic.
csp. 31.
Prou. 24.
30.
Iuxta Septuaginta.

5. Cum verò in dando beneficio, laudabilis sit liberalitas, in reddendo tamen est necessaria, nec mensura pari, sed vberiore reddendum est. Ete- nim, inquit D. Ambrosius, *superiorem non esse in re- ferendo beneficio, hoc est minorem esse, quoniã qui prior cõtulit, tempore superior est, humanitate prior.* Vnde imi- tanda nobis est in hoc quoque natura terrarum, qua sus- ceptum semen multiplicatiori solet numero reddere, quàm accepit. Ideo est tibi scriptum, sicut agricultura est ho- mo insipiens, & tanquam vinea homo egens sensus, si reliqueris

reliqueris eum desolabitur : sicut agricultura ergo etiam sapiens , ut tanquam fanerata sibi maiore mensura semina suscepta restituat. Terra ergo non spontaneos fructus germinat , aut creditos uberius cumulo refundit, ac reddit. Virumque debes quodam hereditario usu parentis , ne relinquare sicut infœcundus ager. Estò tamen ut aliquis excusare possit , quod non dederit, quomodo excusare potest , quod non reddiderit ? Non dare cuiquam vix licet , non reddere verò non licet. Ideo pulchrè Salomon ait , si sederis canare ad mensam potentis , sapienter intellige ea , quæ apponuntur tibi, & mitte manum tuam sciens , quod oportet te talia præparare. Hæc Ambrosius. Huius vitij reum agebat Salomonem , quamvis amicè & amanter, Hiram Rex Tyri , cuius singularia in Salomonem promerita recensentur in Regum historia. Nam cum Salomon in templi structuram ligna cedrina succidi optasset in Sylvis Libani, quæ in Tyriorum Regis erant ditione , & in Latomiis lapides cædi. Cum audisset Hiram verba Salomonis, lætatus est valde , & ait. Benedictus Dominus Deus hodie , qui dedit David filium sapientissimum, super populum hunc plurimum , & misit Hiram ad Salomonem dicens. Audini quæcumque mandasti mihi, ego faciam omnem voluntatem tuam in lignis cedrinis & abiegnis. Servi mei deponent ea de Libano ad mare , & ego componam ea in ratibus in mari , usque ad locum , quem significaueris mihi , & applicabo, ea ibi , & tu tolles ea, præbebisque necessaria mihi , ut detur cibus domui meæ. Itaque Hiram dabat Salomoni ligna cedrina , & ligna abiegna , iuxta omnem voluntatem eius. Salomon autem præbebat Hiram coros tritici viginti millia in cibum domui eius, & viginti coros purissimi olei. Hac tribuebat Salomon Hiram per singulos annos. Quanta

434 *Institutio politica ex sacris Scripturis.*

verò fuerit operarum multitudo, ligna cedentium & onera cōuehientium, ex quo etiam lignorum, lapidūque multitudo quanta fuerit, conicere possumus, ita narratur: *Elegitque Rex Salomon operarios de omni Israël, & erat indictio triginta millia virorum. Mutebátque eos in Libanum, decem millia per menses singulos vicissim, itaut duobus mensibus essent in domibus suis, & Adoniram erat super huiusmodi indictione. Eueruntque Salomoni septuaginta millia eorum, qui onera portabant, & octoginta millia latomorum in monte, absque prepositis, qui praeerant singulis operibus numero trium millium, & trecentorum precipientium populo & his, qui faciebant opus. Praecipitq; Rex, ut tollerent lapides grandes, lapides preciosos in fundamentum templi, & quadrarent eos, quos dolauerunt cementarij Salomonis, & cementarij Hiram. Salomonem ergo Rex Hiram amanter, ut dixi, accusauit, quod tam multis beneficiis non satis dignam vicem rependisset, quod eodem libro ita narratur. Expletis autem annis viginti, postquam edificauerat Salomon duas domos, id est domum Domini, & domum Regis (Hiram Rege Tyri praebente Salomoni ligna cedrina & abiegna, & aurū iuxta omne, quod opus habuerat) tunc dedit Salomon Hiram viginti oppida in terra Galilaea, & egressus est Hiram de Tyro ut videret oppida, quae dederat ei Salomon, & non placuerunt ei, & ait: *Hacine sunt ciuitates, quas dedisti mihi frater? & appellauit eas, terram Chabul, usque in diem hanc.* Non est autem existimandum ut obiter hoc dicamus oppida illa fuisse, ita Tyriorum Regi donata, ut in illius possessionem planè transirent, in iisque ipse ius diceret, sed tantum oppidorum eorum ad certum aliquod tempus assignatos fuisse prouentus, qui ex vecti-*

galibus

3. Reg. 9.
19.

galibus, & tributis colliguntur, ut lignorum, lapidum, operarumque pretium, quibus Salomoni opem tulerat, compensarentur. Nam si Hebræi agros suos, alterius tribus hominibus vendere non poterant, ne commisceretur possessio filiorum Israël, de tribu in tribum, ut dicitur in libro Numerorum, nec nisi usque ad Iubilæi annum; sanè multominus in alienigenarum possessionem transire poterant, eius præsertim, qui cum esset cultor Idolorum, à vera religione subditos ad impietatem traducere potuisset. An verò iure conquestus sit Hiram qui regionem illam *terram Chabul* appellavit (id est terram displicentiæ, seu ut alij interpretantur, terram tenacitatis, quod lutosa esset, aut arenosa, ita ut per eam ingredientium retineret vestigia) non facile dixerim, nam sapientiæ Salomonis id parum consentaneum esse videtur: contra verò prolixa constansque Tyrj liberalitas, mutuis continentibusque cum Dauid & Salomone officiis confirmata, iniustæ querelæ locum relinquere non videtur.

6 Illud verò in primis seruandum censeo in liberalitate, ut hilari vultu tribuamus, & explicata fronte, verbis etiam non malignis, & vix exeuntibus, sed in quibus volentis animi & liberalis emineant notæ. Corruptit enim beneficij gratiam, qui cum aliquid petitur, adducit frontem, vultum auertit, occupationes simulat, longis sermonibus, & de industria non inuenientibus exitum occasionem aufert postulandi, & variis artibus properantes necessitates eludit. *Ne dicas*, inquit Sapiens, *amico tuo, vade & reuertere, & cras dabo tibi, cum statim possis.* Nam non sponte tributa, sed extorta ista sunt beneficia, plûsque dilatio

Num. 36.

7.

Leuit. 25.

15.

Dandum
hilariter.

Prou. 3.

28.

436 *Institutio politica ex sacris Scripturis.*

Prou 13.

12.

2. Cor. 9.

7.

Ecclef. 35.

11.

Psal. 104.

28.

cruciat, quàm res tandem accepta delectet. Verissimè enim dictum est à Salomone, *Spes qua differtur, affligit animam*: ac quemadmodum teste D. Paulo, *Hilarem datorem diligit Deus*, ira homines, quibus cordium intima penetrare non licet, comitate sermonis, & vultus hilaritate, ex quibus de animis faciunt coniecturam, maximè capiuntur; quare monet Ecclesiasticus, *In omni dato hilarem fac vultum tuum*, duplo enim gratus hilaritatis commendatione beneficium venit, quod si ab expugnato per vim animo exprimitur, non habemus illi gratiam, quod tandem voluerit, sed quod tandiu noluerit stomachamur. Hoc planè Pharaonis ingenium, qui postulatam à Moyse facultatem, cum populo in desertum abeundi, ut Deo suo sacra operarentur, tandiu retraxit, donec *Misit Dominus tenebras & obscuravit, conuertitque aquas eorum in sanguinem, & occidit pisces eorum, edidit terra eorum ranas in pentalibus Regum ipsorum, dixit, & venit cynomya, & ciniphes in omnibus finibus eorum, posuit pluvias eorum, grandinem, ignem comburentem in terra eorum*, cæterisque plagis, quæ in Exodi libro, & psalmo iudicato commemorantur, attrita est Ægyptus vniuersa, quæ tandem mala vel ab inuito, & reluctante profectiois instituendæ facultatem extundere potuerunt. Eos verò, qui ita dant, nullus dixerit liberales, quamvis enim postulantium precibus fatigati tandem tribuant, animus tamen inuitus est, atque ideo non liberalis, cum non ex ipsis rebus, quæ conceduntur, sed ex voluntate benefaciendi, spectanda sit liberalitas, quæ parua etiam munuscula extollere potest, sordida illustrare, & rebus omnibus, quæ

quæ tribuuntur qualescumque tandem illæ sint, pretij modum imponere. Si enim, inquit Diuus Paulus, voluntas prompta est, secundum id quod habet accepta est, non secundum id quod non habet. Sic Dominus respiciens eos, qui mittebant munera sua in Gazophylacium diuites, vidit & quandam viduam pauperculam mittentem ara, minuta duo, & dixit. Verè dico vobis, quia vidua hæc pauper plusquam omnes misit: nam alij opibus abundantes, quamuis largè tribuerent, non tamen propterea, aut de victu aliquid, aut de cultu corporis detrahare cogebantur; illa verò pauper tanto ad tribuendum affectu ducebatur, vt duobus illis minutis in arcam iniectis, nihil sibi reliquum faceret, quo vitam propagare posset, præter spem, quam in eo fixam, locatamque habebat, cui se cum munera offerret, largiri intelligebat.

7 Est autem diligenter videndum, cui & quantum detur, vt liberalitatis modus ratione regatur, sine qua perit omnis honesti ratio, & licet Deum imitari gloriosum sit, qui omnibus tribuit, cum etiam piratis maria pateant, & sceleratis sol non minus oriatur, quàm probis, vt dicitur à Christo Domino, qui Solem suum oriri facit super bonos & malos, & pluit super iustos, & iniustos: quia tamen verà illa bona, quæ seposuit amicis suis, non omnibus tribuit Dominus, sed iis duntaxat, qui probatis moribus, & diuinæ legis obedientia ad ea capessenda viam sibi muniuerint, iisque digni fuerint, facile poterit intelligere Princeps, vt omnia honestè & secundum ordinem fiant, rationi consentaneum esse, vt personarum ratio habeatur, & dignitatum, & promeritorum in Rempub. Nec minus spectandum est

2. Cor. 8.

12.

Marc. 12.

4.

Videndum
cui, &
quantum
detur.

Matth. 5.

45.

1. Cor. 14.

49.

438 *Institutio politica ex sacris Scripturis.*

- Iob 4. 8. quantum detur, in quo præclarè mihi senior Tobias filio suo præcepisse videtur. *Quomodo potueris, inquit, ita esto misericors. Si multum tibi fuerit, abundanter tribue; si exiguum tibi fuerit, etiam exiguum libenter impertiri stude.* Nam in Leuitici lege præscribitur. *In omni oblatione tua offeres sal, ut nimirum intelligamus quidquid tribuimus condiendum sole prudentiæ, quæ largitionum modum ita moderatur, ut non minus ab auaritia, quàm à prodigalitate extremo recedatur. Nam Regis honor, qui plurimum in largitate consistit, iudicium diligit.* Ita Artaxerxes Persarum Rex pecuniæ modum præscribit, quem Iudæis in Patriam redeuntibus tribui voluerat. Ego, inquit, Artaxerxes Rex, statui atque decreui omnibus custodibus arce publicæ, qui sunt trans flumen, ut quodcumque petierit à vobis Esdras sacerdos, scribà legis Dei cæli, absque mora detis, usque ad argenti talenta centum, & usque ad frumenti coros centum, & usque ad vini cados centum, & usque ad batos olei centum, sal verò absque mensura. Cur autem ita sit agendum, in promptu ratio est. Nam licet multi sint prouentus Regij, diuersæque sit ærarium multis in eo thesauris repositis, tamen quia, *vbi multa sunt opes, multi sunt, qui comedunt eas*, ut ait Sapiens; idcirco prudenter tantum depromendum est, quantum præscripserit ratio, cuius munus erit prospicere, ne tantum exhauriantur regij thesauri, ut si bellum ingruerit, aut alia Reipub. necessitas, adeo pecuniarum, quæ nerui belli sunt, inopia laboretur, ut Respub. detrimentum aliquod graue patiatur, aut illius incurrédi adducatur in discrimen. Stulta enim prodigorum illorum vox est, qui nihil aliud spectantes quàm quod præsens est, ventri indul

indulgent, & voluptatibus, quæ multis prodigendarum pecuniarum causa sunt, & iis consecrandis & aucupandis intenti. *Comedamus, in-* Isa 22.13.
quiunt, & bibamus, cras enim moriemur. & illa vsur- Sap. 2.6.
 pant verba quæ sunt apud Salomonem, *Venite*
& fruamur bonis, quæ sunt, & utamur creatura, tan-
quam in iuventute celeriter. Vino pretiosq. & unguen-
tis nos impleamus, & non prætereant nos flos temporis,
coronemus nos rosis antequam marcescant, nullum præ-
tium sit, quod non pertranseat luxuria nostra, nemo no-
strum exors sit luxurie nostra, quoniam hæc est pars
nostra, & hæc est sors. Qui autem hoc vitæ genus
instituunt, nullamque voluptatem oculorum, aut
ventris non consecantur, quia in sumptus ad
istâ necessarios, multæ sunt parandæ pecuniæ,
statim inde consequitur, ut nulla ab iis iustitiæ
ratio habeatur, sed dicant, Opprimamus pauperem Ibid. n. 10.
iustum, & non parcamus viduæ, nec veterani reueren- Isa. 9.4.
tur canos multi temporis. Sit autem fortitudo nostra,
lex iustitiæ, quod enim infirmum est, inutile invenitur.
Qui loquendi modus tyrannorum proprius est,
qui sceptrum exactoris præ manibus habentes, id Isa. 14.4.
agunt, ut non cesset exactor, nec quiescat tributum,
sed virga dominantium, baculoque impiorum cadunt
populos in indignatione, plaga insanabili, subycentes
in furore gentes, & persequentes crudeliter. Sed de in- Prou. 30.
explebili auaritia, eorum qui deglubunt potius, 33.
quàm tondent, & emungendi finem non faciunt,
donec eliciant sanguinem, paulo post erit di-
cendi locus.

8 Illud tandem admonendi sunt Principes, ut
 quando eos Deo similes diximus fieri, cum lar-
 giuntur, ita illius morem imitentur, qui cum det
 omnibus affluenter, non tamen improperat, ut ait D.
 Cum de-
 derit Prin-
 cepts, ne
 impropere-
 ti, cui de-
 dit.

- Iacob. 1. 5. Iacobus. Quemadmodū enim in accipientis memoria perpetua accepti beneficij recordatio habere debet, adeo fixa, vt illius obliuio nunquā subeat, ita qui tribuit, ita se cum accipiente gerere debet, ac si nunquā tribuisset. Lacerat enim animū, ac premit frequens meritorum cōmemoratio, & quodammodo etiam, eum, qui accepit, ingratum pronuntiare videtur, quasi non satis apud alios acceptum prædicet beneficium. Quare Ecclesiasticus, cum nonnulla erubescenda commemorasset, & hoc subdit. *Erubescite ab amicis de sermonibus improprij, & cum dederis non impropere.* Honestius enim de beneficiis quæ in alios contulimus ipsi tacemus, quæ nimium prædicare eorum est, qui acceperunt: & monet Sapiens, *Laudet te alienus & non os tuum, extraneus, & non labia tua.*
- Eccles. 41. 26.
- Prou. 27. 2.

An Principi liceat diuitijs augendis studere, & quibus artibus augeri possint.

C A P V T XVII.

Licere Principibus thesauros colligere, & qua rationes suadeant, vt id fiat.

PRIUSquam de auaritia, quæ liberalitati opponitur, dicere aggrediar, quærendum est, liceátne Principibus ad rem faciendam, thesaurosque coaceruandos attentis esse: cum verò probatum fuerit licere, artes quædam proponendæ erunt, quibus citra noxam, pecuniarum magnam vim, sibi parare facile possint. Tandem

dem proximis capitibus de auaritia nonnulla disputabuntur, quibus nimiam pecuniarum colligendarum cupiditatem detestandam, ac proinde compescendam esse demonstramus. Principio igitur possit aliquis ambigere, liceatne Principi thesauros colligere, cum Dominus Deuteronomij lege olim futurum in suo populo Principem instituens, id facere vetuerit, *Non habebit*, Deut. 17. inquit, *argenti & auri immensa pondera*. Sed quid 17. loci huius sensus sit, ex ipsis verbis, satis intelligitur: nam nimia cogendæ pecuniæ cura reprehenditur, præsertim cum quis *facit diuitias, & non in* Ierem. 17. *iudicio*, non autem moderatum, & rationis præscripto consentaneum thesauri colligendi studium. Vt enim ingentes diuitiæ Principum animos sui confidentia inflant, & in alios parum æquos reddunt, ita paupertas despicabiles facit, & accipiendæ à potentioribus iniuriæ opportunos, quare Salomonis, qui *Coaceruauerat sibi argen-* Eccle. 2. *tum & aurum, & substantias Regum ac Prouinciarum*, 8. sapientissimum votum legimus in Prouerbiis: *Mendicitatem*, inquit, *& diuitias ne dederis mihi*. Prou. 30. Cur autem pecuniæ parandæ sint à Principibus, 8. in promptu ratio est, nam præclarum sunt, quietem agentis, tranquillæque Reipubl. ornamentum, perturbatæ verò aut bellis externis implicatæ, subsidium necessarium. Parum enim est sapere, ac consilio, ac prudentia bonum esse, nisi quæ acutè videris, etiam exequi, easque omnes difficultates & impedimenta, quæ obiciuntur expugnare possis, quod fermè pecunia præstare solet. Quare Sapiens *Corona*, inquit, *sapientium diuitia eorum*; Prou. 14. nec corona tantum, qua illorum frontes honestiores reddantur, sed præsidium etiam, muni-

mentum, & murus, *substantia enim diuites, urbs fortitudinis eius*, teste Salamoue, quod ipsum alio etiam loco, totidem ferè verbis repetiit cum ait;
 Prou. 18. *Substantia diuitis urbs roboris eius, & quasi murus*
 11. *validius circumdans eum.* nam cum pecunia obediunt
 Ecclef. 3. *omnia*, necesse est eum, qui illis abundet, omnia
 19. etiam habere præsidia, rerum bene gerendarum; eum verò, qui à pecunia malignè sit instructus, iis omnibus destitui adiumentis, quibus Reipub. difficilibus temporibus, incommodis omnibus obuiam ire potuisset. Quare ille apud Isaiam, cui Principatus deferebatur, illum, paupertatem excusando, ita deprecatur: *In domo mea*, inquit, *non est panis, neque vestimentum, nolite constituere me Principem populi.* Quemadmodum igitur prudens Paterfamilias, ea parat ætatis tempore, quæ mensibus hibernis vniuersæ familiæ vsui esse possint, iuxta sapientis consilium dicentis; *Qui congregat in messe filius sapiens est, qui autem stertit in aestate, filius confusionis.* & alio loco pigrum ad formicam, sedulum & industrium animal mittentis, quæ ore trahit, quodcumque potest, & aceruo addens, ingenti labore, victui necessaria congerit: *Vade*, inquit, *ad formicam, ô piger, & considera vias eius, & discite sapientiam, quæ cum non habeat ducem, nec præceptorem, nec Principem, parat in aestate cibum sibi, & congregat in messe quod comedat.* ita Princeps, qui sibi Reipublicæque consultum esse cupit, colligendæ pecuniæ studium nullo vnquam tempore negligere debet, vt parata semper habeat opportuna Reipubl. præsidia, largitèrque cum fuerit opus, ea possit depromere, quæ sapienter, & prouidè reposuerat, cum nulla necessitas urgebat.

2 Posse autē sapientes sibi pecunias bonis artibus parare, docet sapientum primus Salomon, qui illustri quadam Prosopœia sapientiam inducens de se ipso magnificè prædicentem, ita loquentem facit, *Mecum sunt diuitiæ, & gloria, opes superba, & iustitia.* Et eodem libro de Sapientia differens, *In sinistra,* inquit, *illius diuitiæ & gloria.* Et in libro Sapientiæ, *si diuitiæ,* inquit, *appetuntur in vita, quid sapientia locupletius, quæ operatur omnia?* Hi autem ferè fontes sunt, ex quibus thesauros sibi Principes comparant, propria latifundia; mercatura classibus in longinquas regiones missis; auri, argentique fodinæ; tributa & vectigalia, quæ Principi penduntur à Republ. De istis autem singulis breuiter aliquid dicendum est.

3 Ac de agris quidem propriis, gregibus, & armentis à se possessis, ita scribit Salomon in libro Ecclesiastæ: *Magnificauit opera mea, adificauit mihi domos, & plantauit vineas, feci hortos, & pomaria, & conseui ea cuncti generis arboribus, & extruxi mihi piscinas aquarum, ut irrigarem syluam lignorum germinantium, possedi seruos, & ancillas, multamque familiam habui, armenta quoque & magnos ouium greges ultra omnes, qui fuerunt ante me in Ierusalem.* Similes Iobi diuitiæ, de quibus in eius historia ita scribitur. *Et fuit possessio eius septem millia ouium, & tria millia camelorum, quingenta quoque iuga bouum, & quingenta asina, ac familia multa nimis.* Nulla hic agrorum mentio, vel quod illis temporibus, propter infrequētes habitatores terræ possessio nullo fermè esset in pretio; vel quod ex iugis bouum, ingentique famulatio de terræ à Iob possessæ amplitudine capere liceat cōiecturam, quod vtrumque verum esse crediderim, alterum quidem, quia

Industria diuitias à sapienti Principe augeri posse.

Prou. 8.

18.

Prou. 3. 16.

Sap. 8. 5.

Primus modus augendi diuitias latifundiū parandis.

Ecclef. 2.

4.

Iob 1. 3.

444 *Institutio politica ex sacris Scripturis.*

antiquis illis temporibus multos fuisse, eosque amplissimos terræ tractus, qui cum à quoquam occupari non essent, in nullius venerant possessionem. Alterum verò, quia consuetudine etiam Latine lingue iugum pro iugero promiscuè accipitur, ut iugum sit terræ spatium illud, quod iuncti boues vno die exarare possunt, & fauet Septuaginta interpretatio, qui vertunt ex Hebræo. *Et opera magna erant ei super terram.* Amplissimas autem fuisse Iobi diuitias facile apparebit supputanti, quantum telluris invertere possint boues mille, præsertim si non restibiles illos agros fuisse dicamus, qui nimirum quotannis feruntur, sed nouales, & requietes, qui alternis tantum annis subiguntur. Et adhuc ampliorem Iobi possessionem fuisse iudicabimus, si in agris proscindendis asinarum illarum quadringentarum usus erat, quod probabile sit, ex loco quodam Isaïæ, ubi huic operi addicuntur. *Tauri, inquit, tui, & palli asinarum, qui operantur terram, commissum migra comedent sicut in arëa ventilatum est.* Quod autem dicitur de Iob, *Et familia multa nimis*, eodem referri potest, & fauet Hebraica vox עֲבָדָי, *ghauda*, cuius radix עָבַד quæ ad utrumque significandum, & seruitutem, quæ hominibus, & culturam, quæ agtis impenditur, traduci potest, sicut apud Latinos bene dicimus Parentes, Magistratus, Principes, & agros etiam, & vineas colere: quare agricolæ ab Hebræis עֲבָדִים, *ghouedim* dicuntur, עֲבָדִים, *ghanadim* autem serui, voce ab eadem radice deducta, exiguo sanè vocis sono distincta, nec maiore discrimine, quod attinet ad significationem, quàm sint hæ duæ voces Latine *seruus*, & *seruiens*, cum ex illis etiam duabus vocibus Hebraicis,

Isai. 30.
24.

Iob 1. 3.

braicis, quas adduxi, prima participium sit, secunda nomen, vtrumque ab eadem radice profectum. Hinc in Genesi, quod habemus, *Fuit autem Abel* Gencl. 4. *pastor ouium, & Cain agricola*, in Hebræo est *seruiens* 2. *terre, vel colens terram*. Sed quamuis nullus esset vsus bouum, asinarumve in terræ solo vertendo, maximus tamen ex iis, cæterisque armentis proventus percipi poterat, capitibus, quæ subinde nascebantur distrahendis. nam camelis v.g. veteres illi Arabes, apud quos agitabat Iob, utebantur ad pugnandum, & tempore etiam pacis ad onera sarcinasque conuehendas, nec illorum carnes in cibis auersabantur. Ex ouium etiam gregibus non modica utilitas capi poterat, quæ multis modis hominibus commodant, lacte, carne, velleribus, nam de bobus & asinis dictum est. Facileque crediderim Salomonem in cuius equilibus, tam multa equorum millia stabulabantur, 3. Reg. 4. 26. eos non in vsum tantum belli paratos habuisse, sed ex tam copioso armento pullos etiam expectiuisse, quibus venditis pecuniæ plurimum inferret in ærarium. Ac Iobi quidem hunc fuisse prouentum facile sibi persuadebit, qui animaduernerit asinarum pullis insidere solitos fuisse viros etiam Principes, habitaque in deliciis iumenta illa in Palæstina, orientisque solis regionibus, ea forte de causa, quod corporis mole satis proceræ, viribus ad ferendum validis, molliissimo etiam gressu incedentia sessores non succuterent. De filiis Iair, qui Hebræi populi iudex fuit, ita narratur in scriptura, *Iair Galaadites indicauit Israël* Iud. 10. 1. *per viginti & duos annos, habens triginta filios sedentes super triginta filios asinarum*. Et de Abdon filiis ita habemus eodem libro. *Abdon habuit quadra-* Iud. 12. 14. *ginta*

446 *Institutio politica ex sacris Scripturis.*

ginta filios, & triginta ex eis nepotes, ascendentes super triginta pullos asinarum. Ex quibus colligere possumus Principe viro dignissimū studium esse, equorum armenta generosissima possidere, quibus instruendo equitatu, cum postulauerit necessitas, vti possit, foréque studium illud quæstuosum, dum generosa soboles, subinde succrescens, aut pretio, aut aliis rebus commutatur. Sed redeamus ad agros, quos sibi plurimos, imò omnes emisse Pharaonem habemus in sacra Geneseos historia, quod ita narratur. *Venerunt quoque anno secundo, & dixerunt ei. Non celabimus Dominum nostrum, quod deficiente pecunia, pecora simul defecerunt, nec clam te est, quod absque corporibus & terra nihil habeamus. Cur ergo moriemur te vidente? Et nos & terra nostra tui erimus, eme nos in servitutem regiam, & prabe semina, ne pereunte cultore redigatur terra in solitudinem. Emit igitur Ioseph omnem terram Aegypti, vendentibus singulis possessiones suas præ magnitudine famis, subiecitque eam Pharaoni, & cunctos populos eius, à nouissimis terminis Aegypti, vsque ad extremos fines eius, præter terram sacerdotum, quæ à Rege tradita fuerat eis. Ad hunc modum Pharaon omnia latifundia, escis, quibus vitam propagare possent, suppeditatis, sui iuris fecit, quamuis ea postea propriis dominis remisit, vt ea colerent, ac possiderent, quinta dumtaxat fructuum parte sibi reservata: quam conditionem læti, & alacres Aegyptij admiserunt, nam cum dixisset Ioseph, *Quintam partem Regi dabitis, quatuor reliquas permitto vobis in sementem, & in cibum familiis & liberis vestris. Qui responderunt: Salus nostra in manu tua est, respiciat nos tantum Dominus noster, & læti seruiemus Regi. Ex eo tempore, vsque in præsentem diem in vniuersa**

Genes. 47.
18.

Genes. 47.
x.

terra

terra *Ægypti*, Regibus quinta pars soluitur, & factum est, quasi in legem, absque terra Sacerdotali, qua libera ab hac conditione fuit. Ex quo prouentuum magnitudo, quos regio ærario Iosephus addidit, facile apparet, cum animo reputanti cultissimi regni frugumque feracissimi amplitudinem, fidem *Ægyptiorum*, qui non sua tantum, sed se ipsos Regi propter accepta beneficia obnoxios esse sentientes, quod promiserant, integrè persoluebant, tanquam legi nulla ratione violandæ, aut labefactandæ ad amussim obsequentes.

4 Altera census-regij, augendique ratio, ex auri, argenti metallorumque fodinis petitur, idemque iudicium de salinis, lapicidinis, aut syluis expetitorum lapidum aut lignorum feracibus: solent enim huiusmodi possessiones Principum esse, ex quibus mirum quantum prouentuum possit existere, si diligenter sepositos à natura, intimisque terræ visceribus abstrusos thesauros inuestigare quis sciuerit, & in lucem producere. Ideo in sacris litteris, cum Palæstinæ feracitas commendatur inter cæteras eximias laudes, quibus ornatur à Mose, metallorum mentio non præteritur. Cuius, inquit, lapides ferrum sunt, & de Deut. 8. montibus eius aris metalla fodiuntur. Et in Machabeorum historia ubi Romanorum potentia, quæ vulgante fama ad Iudæ Hebræorum ducis aures peruenerat, describitur, ita de Fodinis habetur: Et audierunt quanta fecerunt in regione Hispania, & quod in potestatem redegerunt metalla argenti, & auri, qua illic sunt, &c. Maxima verò cura operi huic Romanos instituisse, ut pote quæstuosissimo, discimus ex Polybio, qui in fodinis ad Carthaginem nouam in Hispania testatur, non minus quadraginta

Alter modus augendi regij census ex fodinis, lapicidinis, syluis, salinis, &c.

Deut. 8.

9.

1. Machab.

8.3.

448 *Institutio politica ex sacris Scripturis.*

ta hominum millia assidue in opere versari. Et sanè iure optimo tanto studio negotium hoc urgebant, nam qui metallis eruendis operam dant, sine furto diuitias rapiunt, & absque vlla nundinatione, citra bellorum, marisve pericula, citra iniustam aliorum criminationem, aut oppressionein, eas quas in suo sinu tellus reconditas habet opes, quæ inertes alioqui iacuisent, depromunt, & ad Reipubl. vsus, commodumque conuertunt. Reperio etiam in scriptura, lapidibus, lignisque ex syluis quæstum fecisse Hiram Tyri Regem; nam vt habemus in Regum historia, *Hiram dabat Salomoni ligna cedrina, iuxta omnem voluntatem eius, Salomon autem præbebat Hiram coros tritici viginti millia in cibum domui eius, & viginti coros purissimi olei. Hæc tribuebat Salomon Hiram per singulos annos.* Præter hunc autem annum prouentum, quid post annorum viginti decurtum Tyrio Hiram tribuerit Salomō, narrat Scriptura in Regum historia, quæ superiore capite descripsimus. Ex salinis etiam siue salis fossilis sint, siue eius, qui in locis, ad id destinatis, effuso mari, & in illud aquæ dulcis riuus deductis paratur, reliquisque adhibitis, quæ illius rei artifices præscribunt, vtilitas non modica Principibus existere poterit, nam cum scriptura teste, *non possit comedi insulsus, quod non est sale conditum*, nulli non homines etiam tenuissimi, salis expetunt condituram; eæ verò res, quæ humanis vsibus magis accommodatæ sunt, imò necessariae cum à plurimis expetantur, pluris etiam aestimantur, pretiòque maiore à propolis venduntur, ex quo amplior ad Principes vtilitas manat. Quare Demetrius Iudæorum gentem eximij alicuius beneficij significatione ornaturus il-

3. Reg. 9.

Iob 6. 6.

lis remittit *arcas salinarum*, velut habent Septuaginta τὰς τοῦ ἁλὸς λίμνας *salis stagna*; quod tamen idem est, nam stagna ista, quæ vocant Septuaginta, nihil aliud sunt; quàm aræ quædam, ad vsum salis conficiendi comparatæ, in quas cum aqua, quæ in salem concrefcit, immiffa est, stagni cuiusdam speciem exhibet: cum verò has remittit areas, omnem eum prouentum remittit, quem ex salinis illis capiebat, quem non exiguum fuiffie ex eo coniicere licet, quod, vt dixi, magni alicuius beneficij loco vna cum tributorum, ac decimarum, coronarumque pensitatione, quæ Regi tribuebantur, remittuntur.

§ Sequitur vt de mercatura dicamus, quam modis omnibus in fuis ciuibus fouere, & augere Princeps debet: quamuis enim artificia multa fint, quæ iis sordida funt à quibus exercentur, Principi tamen maximè honorificum est, fi renuorum etiam opificum studia, & ingenia artibus omnibus excitet ad rem mercatoriam, quantum potuerit promouendam; mirum enim est, quàm beatæ fint, & opulentæ ciuitates illæ, quæ ab inftitoribus frequentantur, præfertim fi adiacentis maris beneficio, cum exteris, longèque feppofitis nationibus communicare poffint. Satis hoc indicat elegantiffima Tyri defcriptio, quæ est apud Ezechielem. *O Tyre tu dixifti. Perfècti decoris ego fum, & in corde maris fita. Finitimi tui, qui te adificauerunt, impleuerunt decorem tuum: abieftibus de Sanir extruxerunt te, & cætera, quæ per maris allegoriam fubiiciuntur; mox verò quæ tantæ opulentæ ac fœlicitatis effet caufa explicatur, Carthaginenfes, inquit, negotiatores tui, à multitudi- ne cunftarum diuitiarum, argento, ferro, ftanno,*

1. Machab. 11. 25.

*Tertius
modus ex
mercaturâ.*

Ezech. 27.

Ibid. n. 12.

F f

plum.

450 *Institutio politica ex sacris Scripturis.*

plurimoque repleverunt nundinas tuas, Gracia, Thubal, & Misoch, ipsi institores tui, mancipia, & vasa area aduexerunt populo tuo. De domo Thogorma, equos, & equites, & mulos aduexerunt ad forum tuum: filij Dedan, negotiatores tui, insula multa, negotiauo manus tua, dentes eburneos, & hebeninos commutauerunt in pretio tuo. Syrus negotiator tuus propter multitudinem operum tuorum, gemmā, & purpuram, & scutulata, & byssum, & sericum, & chodichod (genus est pretiosi lapidis) proposuerunt in mercatu tuo. Iuda & terra Israël ipsi institores tui in frumento primo balsamum, & mel & oleum, & resinam proposuerunt in nundinis tuis. Damascenus negotiator tuus in multitudine operum tuorum, in multitudine diuersarum opum, in vino pingui, in lanis coloris optimi. Dan, & Gracia, & Mosel in nundinis tuis proposuerunt ferrum fabrefactum: stacte, & calamus in negotiatione tua. Dedan institores tui in tapetibus ad sedendum, Arabia & vniuersi Principes Cedar, ipsi negotiatores manus tua cum agnis, & arietibus, & hadis venerunt ad te negotiatores tui. Venditores Saba & Reema ipsi negotiatores tui, cum vniuersis primis aromatibus, & lapide pretioso, & auro, quod proposuerunt in mercatu tuo. Haram & Chene, & Edem negotiatores tui: Saba, Assur, & Chelmad venditores tui. Ipsi venditores tui multifariam inuolucris hyacinthi, & polymitorum gazarumque pretiosarum, quæ obuoluta & astricta erant funibus. Cedros quoque habebant in negotiationibus tuis. Naues maris, principes tui in negotiatione tua. Quare mirum non est, quod statim subditur à Propheta, *Repleta es, & glorificata nimis in corde maris*, nam ipsi institores, qui permutandis mercibus operam dant, ad amplas ferè opes, pecuniâsque perueniunt, ex quibus, cum multi sunt, totius ciuitatis conflatur opulen

opulentia, ex qua dum vectigalia soluuntur & portoria, aut dum pro censu Principi aliquid erogatur, mirificis auctibus ærarium amplius fit, & locupletius. Suas verò opes, fanè amplissimas, Salomon classibus acceptas referre debuit, quæ in Ophir aliasque regiones profectæ cum alias pretiosas merces multas, tum præcipuè ingentiâ auri pondera referebant, id verò ita narrat scriptura. *Classem quoque fecit Rex Salomon in Afiongaber, qua est iuxta Ailath in littore maris rubri, in terra Idumæa. Misitque Hiram in classe illa servos suos viros nauticos, & gnaros maris, cum servis Salomonis, qui cum venissent in Ophir, sumptum inde aurum quadringentorum viginti talentorum, detulerunt ad Regem Salomonem. Et eodè libro dicit: Sed & omnia vasa quibus potabat Rex Salomon erant aurea, & uniuersa suppellex domus salus Libani de auro purissimo nō erat argentum, nec alicuius pretij putabatur in diebus Salomonis.* Ratio autem tantarum diuitiarum statim subditur, quia classis Regis per mare, cum classe Hiram semel per tres annos ibat in Tharsis, deferens inde aurum, & argentum, & dentes elephantorum, & simias, & pauos. Magnificatus est ergo Rex Salomon super omnes Reges terra diuitiis, & sapientia. De classe etiam Regis Hiram dicitur, sed, & classis Hiram, quæ portabat aurum de Ophir, attulit ex Ophir ligna thyina multa nimis, & gemmas pretiosas. Fecitque Rex de lignis thyinis fulcra domus Domini, & domus regia, & citharas lyasque cantoribus, non sunt allata huiusmodi ligna thyina, neque visa usque in præsentem diem. Itaque Zabuloni benedicēs Moyse & Isacar ait, qui inundationem maris, quasi lac sugent. Hebraicus textus habet, *Affluentiam maris, Septuaginta, Diuitias maris, opes nimirum per mare aduectas &*

3.Reg. 9.

26.

3.Reg. 10.

21.

3.Reg. 10.

11.

Deut. 33.

19.

452 *Institutio politica ex sacris Scripturis.*

thesauros absconditos arenarum fodinarum scilicet. Septuaginta habitantium prope mare. Quas enim diuitias habent populi, mari circumcincti, eas cum aliis prouinciis per institores communicare solent. Hoc autem diuitiarum suctu vix credi potest quantum ciuitates virium capiant & incrementi: quare Ezechiel Regem alloquens Tyriorum ait, In multitudine sapientia tua, & in negotiatione tua multiplicasti tibi fortitudinem. ex Hebræo, cum Pagnino in Lexico vertere possis Multiplicare fecisti opes tuas. & de Babylone idem Propheta

Ezech. 28. 1. *rum ait, In multitudine sapientia tua, & in negotiatione tua multiplicasti tibi fortitudinem. ex Hebræo,*

Ezech. 17. 4. *cum Pagnino in Lexico vertere possis Multiplicare fecisti opes tuas. & de Babylone idem Propheta alibi loquens, In vrbe, inquit, negotiatorum posuit illam, Septuaginta habent, In vrbe murata. Quæ*

enim ciuitas mercatorum opibus abundat, iis quasi mœnium sepimento munita est. Quo etiam sermonis schemate alibi vtitur scriptura, cum de priuatorum diuitiis loquitur, iis enim, cum amplæ sunt, & ingentes, vim quandam tribuunt, & robur, ita apud Iob legimus, Diuites confortatos diuitiis. Et apud Micheam dicitur, Interficiet Domino rapinas eorum, & fortitudinem eorum Domina vniuersa terra. Tò Fortitudinem, Chaldæus vertit pretiosam pecuniam. & Salomon Substantia, inquit, diuitis vrbs fortitudinis eius, pauor pauperum, egestas eorum. Quod autem in magnis vrbibus passim

Iob 21. 7. *fortitudo videmus, vt celebriores aliqui vici, qui propius distant à foro, & prætorio, ac propterea frequentiores sunt, ita ab opificibus incolantur,*

Mich. 4. 13. *vt non promiscuè habitent, sed vicus vnus aurificibus v.g. alter fabris ferrariis, aut lignariis, tertius sutoribus tribuatur, etiam in scriptura reperio seruatum ab Esdra, cum Ierusalem ciuitatum*

Prou. 10. 17. *Palæstinæ frequentissimam instauraret: nam vici, in quo aurifices, negotiatores, serua etiam*

venden

vendentes sedes suas haberent, mentio est: ita enim legimus in secundo eius libro. *Post eum edificauit Melchias filius aurificis usque ad domum Nathi-
naorum & seruta vendentium, contra portam iudicialem & usque ad canaculum anguli, & inter canaculum anguli in porta gregis edificauerunt aurifices & negotiatores.* Facit autem huiusmodi vicorum distributio non solum ad ciuitatis speciem, quæ ex ordine existit, sed emptoribus etiam non parum commodat, cum variarum rerum propolas, non passim tota vrbe dissipatos quærere coguntur, sed eos in vnum collectos habeant; vt si minus apud vnum aliquem, quod optauerant, nancisci possint, idem apud alium, nulla temporis facta iactura reperiant. Quod in vulgata editione habemus apud Ezechielem, *Mater tua quasi vinea in sanguine suo super aquam plantata est,* Septuaginta paulo aliter legerunt: nam *Tò in sanguine tuo, & àvθ & ποῦς*, sicut flos malogranati interpretati sunt; non enim legisse videntur in textu Hebræo vt nunc habemus *בְּדָמְמֶכָּה* bedammecha, in sanguine tuo, sed similibus litteris *כְּרִימֹן* cherimmon, sicut malum granatum. Aptissimè autem ad rem nostram Ierusalem, de qua hic sermo est, opulenta ciuitas, maximèque frequens, malo granato comparatur. Vt enim in hoc malo sub vno corticis complexu plurima grana inter se vniuntur, eaque suis quæque oculis ordinatè inserta, folliculisque, & membranulis discreta continentur: ita in bene instituta ciuitate, ciues omnes, qui quæ ciues sunt, eiusdem quasi coloris partícipes sunt, variis tamen locis tribuuntur, vt vel liberilibus, & nobili viro dignis muneribus se impendant; vel mechanicis, sellulariisque opificiis, vt

454 *Institutio politica ex sacris Scripturis.*

cuiusque status, ac fortunæ exigunt, suis quique locis, foris, vicisque contributi.

*Quartus
modus ex
tributis,
ubi etiam
docetur ea
moderata
esse debere.*

6 Sed iam aliquid de tributis dicamus : quod ex propositis capitibus, ex quibus pecunia iure confici potest à Principe, quartum erat. Possunt ergo Principes tributa imponere Reipubl. siue rebus venalibus, quæ importantur, aut exportantur ex urbibus, siue singulis capitibus, pro census cuiusque ratione, obligatio imponatur aliquid soluendi, quod in Principis ærarium inferatur, unde pro necessitatis ratione deprohi possit, quantum satis fuerit, ut illi cum inciderit occurratur. Cum enim Principes publicæ tranquillitatis custodes sint, ea omnia imperandi facultatem habuerunt à Republica, quæ ad illam parandam, ac tuendam necessaria sunt. Quia verò multi sumptus in hanc rem necessariò fieri debent, qui in Reipublicæ commodum redundant, æquum est pecunias à Republ. suppeditari, quæ huiusmodi erogationibus satis esse possint. Quare Christus Dominus cauillandi, & calumniandi occasionem querentibus Pharisæis respondit, *Reddite ergo quæ sunt Cæsaris Cæsari, & quæ sunt Dei Deo.* & D. Paulus ad Romanos scribens, *Ideo, inquit, & tributa præstatis, ministri enim Dei sunt, in hoc ipsum seruientes. Reddite ergo omnibus debita: cui tributum, tributum: cui vectigal, vectigal.* Ea autem moderatione Principes exigere debent, ut nihil amplius quam necessitas imperat repetatur. Acriter Micheas in eos Principes inuehitur, qui cum Pastores populorum esse debuissent, non lanas tantum detrahunt, sed pelles etiam detrahunt, & carnes immani crudelitate deuorare non dubitant. *Audite, inquit, Principes Iacob, & duces domus Israël. Nunquid*

Matth. 12.

21.

Rom. 13.

6.

Mich 3.1.

quid non vestrum est scire iudicium, qui odio habetis bonum, & diligitis malum: qui violenter tollitis pelles eorum desuper eis, & carnem eorum desuper ossibus eorum? Qui comederunt carnem populi mei, & pelles eorum desuper excoriarunt, & ossa eorum confregerunt, & conciderunt sicut in lebetes, & quasi carnem in medio olla? Et Salomon ab eadem Pastoris allegoria non discedens, sufficiat, inquit, tibi lac caprarum in cibos tuos, & in necessaria domus tua: & alibi, qui nimis emungit, elicit sanguinem. Similis Ezechielis conquestio, & increpatio, sufficiat, inquit, vobis Principes Israël: iniquitatem, & rapinas intermittite. & iudicium, & iustitiam facite, separate confinia vestra à populo meo, ait Dominus. Tò confinia ex Hebræo verti potest tributa, vel vt vulgari sermone dicimus. *Angarias*. quare Dominus iam dudum miseratus populi sui calamitatem, qui Principum quorundam iniquitate bonis fuerat spoliatus, continetibus pecuniarum exacttionibus, vt per Isaiam conqueritur cum ait, *Populum meum exactores sui spoliauerunt*, ita graue iugum leuius se facturum pollicetur, ait enim apud eundem Prophetam, *Et ponam visitationem tuam, Pacem*, vel vt ex Hebræo conuerti potest, *Tributum tuum*. Ponam inquit pacem, quia pecuniarias exacttiones, quibus non minus populus meus atteritur quàm bello, ita cessare faciam, vt in magna pace ac tranquillitate vitam traducant. Principum autem interest humaniter se gerere; in tributis exigendis, nam nulla populis grauior seruitus videtur, quàm si perpetuis exacttionibus se videant exhauriri, tamque atrociter hanc calamitatem ferunt, vt in apertas etiam seditiones, interdum inclusus dolor erumpat. Cum Imperij gubernacula capes-

Prou. 27.

27.

Prou. 30.

33.

Ezech. 45.

9.

Isai. 3. 12.

Isai. 60. 17.

456 *Institutio politica ex sacris Scripturis.*

3. Reg. 12. 3. feret Roboamus, multitudo Israël locuta est ad eum dicens. Pater tuus durissimum iugum imposuit nobis, tu itaque nunc imminue paululum de Imperio Patriæ tuæ durissimo, & de iugo gravissimo, quod imposuit nobis, & serviemus tibi. Sed Roboam capto ad deliberandum tempore senioribus qui consilia saniora suggerebant non auditis, adolescentium secutus sententiam, ferociter respondit; atque ita qui exigui prouentus iacturam facere noluit, quam subditorum beneuolentia abundè compensasset, maiore parte regni spoliatus est, tamque grauitè verborum asperitate animos suorum offendit, ut nec ipse, nec in regno successores, regni scissuram potuerint vnquam resarcire. Paucula hæc ad cupiditatem frænendam in exigendis tributis addere placuit, quia in hoc procliuius multo est, ut Principes iustitiæ limites transiliant, quàm in aliis augendi ærarij modis, quos hoc capite numerauimus.

An ars chimica diuitiis parandis utilis esse possit.

7 Tandem potest inquiri quid de arte chimica sentiendum sit, utrum scilicet digna videatur cui studeant Principes ut ærarium locuplerent, aut certè faueant hanc scientiam professis, iis nimirum, qui in peruestigatione defudant rationis aliquius, qua viliora metalla in pretiosiora & nobiliora transmutent, cuiusmodi sunt aurum, & argentum. Non defunt qui artificium hoc utile esse credant, & vero etiam aliis ut ita sentiant persuadere conentur, illique ab inuentoribus auctoritatem conciliare contendunt: illius enim ut generis humani, parentem constituunt Adamum, propterea quod sapientissimus fuerit, aut Moysen, quem ex sacris litteris in omni Ægyptiorum sapientia eruditum fuisse scimus, aut Salomonem propter

A& 7. 12.

propter eandem rationem, quod scilicet in Regum libris dicatur præcessisse sapiëntia orientales omnes, ac nominatim Ægyptios, quos isti artis chimicæ peritos faciunt in primis, à quibus etiam chemia ars ipsa dicatur, quasi chamia, deducto vocabulo à Cham filio Noë, quem toti illi tractui nomen dedisse constat; Ægyptum enim terram Cham vocari patet ex Sacris litteris, ut cum dicitur in Psalmo, *qui fecit magnalia in Ægypto, mirabilia in terra Cham, & alibi, Percussit omne primogenitum in tabernaculis Cham.* Adde libellum circumferri nomine Salomonis inscriptum, qui huius artis præcepta contineat. Et vero simile esse putant hoc artificium Salomonem non latuisse, qui cum esset mortalium omnium sapientissimus, in naturæ se penetrabat arcana, occulta vestigando, quamobrem etiam botanicem scriptis suis illustravit, stirpiùmque omnium scientiam, *disputans à cedro, quæ est in libano, usque ad byssopum, quæ egreditur de pariete,* persequens etiam *volucrum naturas, iumentorum, piscium reptiliùmque,* ut credibile videatur eam partem interioris amantiorisque philosophiæ, quæ auro faciendo insistit, ab eo minimè neglectâ fuisse. Quod etiam confirmari potest ex eo quod artificium hoc sapientiæ tribui videtur in Sacris litteris, cum de ea prædicant his verbis, *Quid sapientia locupletius, quæ operatur omnia, & , quis horum quæ sunt magis quam illa est artifex?* Ex quo colligi posse videtur, sapientiũ solertia rationem excogitatam fuisse qua verum aurum conficiatur, quandoquidem Sapientia eorum quæ sunt generatim architecta, & opifex pronuntiatur. Tandem ex immensis Salomonis diuitiis argumentum etiam ducitur, eum

3. Reg. 4.
30.

Psal. 105.
22.
Psal. 77.
51.

3. Reg. 4.
33.

Sap. 8. 5. 6.

2. Paralip.
1.15.

Chryſopæū calluiſſe: quomodo enim tanta pretioſorum metallorū vis Ieroſolymis eſſe potuiſſet, vt argentum & aurum quaſi lapides haberentur, vt dicitur in Paralipomenis, niſi ex viliori materia, arte fuſoria, impurioribus metallis liquatis, excoctis, defæcatis, & ad ſuperiorem ſpecie adductis magna illa diuitiarum vis parta fuiſſet? Hæc Chimici, qui, vt ego quidē ſentio, fruſtra ſibi Salomonem patronū aſciſcunt, nam in primis chemiæ nomen à chamo deductum non eſt, alioqui chemia dicenda fuiſſet, potius quàm chemia, nec loca, quæ ex libro ſapientiæ afferuntur, quidquam probant, cum ibi præcipuè de diuina ſapientia rerum omnium creatrice ſermo ſit, aut ſi de humana ea accipere velimus, dicere poſſimus ſapientiam metaphoricis mentis diuitiis eſſe locupletem, aut etiam externis ſed non chimico vt iſti volunt artificio comparatis. Liber ille de chemia pſeudepigraphus eſt, nec illum vt Salomonis agnoſcunt ſapientes. Ingentes verò Regis huius theſauri, donis, veſtigalibus, tributis, claſſeque in Tharſis, & in Ophir deſtinata, comportati & congeſti ſunt, vt ſcriptura non vno loco teſtatur. Nec ſi Salomon ſapientiſſimus fuit, etiam chimicæ operam dediſſe credendus eſt, ſimul enim nouerat fallacibus eā niti experimentis, difficillimūque eſſe ita omnia quæ cōſpirare debent miſcere, & attēperare, & materiæ operatrices effectricēſque cauſas admouere & applicare, vt optata illa metallorū conuerſio conſequatur. Et ſanè ita paſſim uſu venire ſolet. Vt enim concedamus aliquando contigisse vt poſt multa tentata ſemel aut iterū Chryſopæo alicui conatus ſuccederet, aliis tamen propemodū infinitis aberrare

rare

rare contigit, adeo ut prudentium non sit fallacis artificij illecebra duci, & verum, ac solidum aurum quod tenent profundere, ut inanes quoddam spes confectentur, & captent. Sentio ergo huic malo, si gliscat in rempublicâ, legibus occurrendum, statuendûmque quod alicubi seruari audio, ut nemini liceat chemicum exercere, aut profiteri, nisi Principis permissu; sic enim fiet ut seges subducatur multarum fraudum, quibus metallis adulteratis fucus fieri simplicioribus facile possit: superstitiosis etiam observationibus, quæ in res huiusmodi facile irrepunt, aditus præcludetur, & tandem bene merebuntur Principes de priuatis familiis, quarum bona curiositate & spe noxia prouecti aliqui fornaculis fusoriis intrabescentes dilapidant. Qui utinam Sapienti auscultarent cum ait, *In superuacuis rebus noli scrutari, multipliciter, & in pluribus operibus eius* (Dei scilicet) *non eris curiosus, multos enim supplantauit suspicio eorum* (vana scilicet spes, qua lætantur dum meliores semper artificij toties ludificantis successus expectât) *& in vanitate detinuit sensus eorum.* Eccles. 3. 24.

*De Auaritia turpitudine, damnis,
eiusdemque remedijs.*

C A P V T XVIII.

N Vllum fetè in Principe viro tetrus vitium inueniri potest quàm auaritia, si præsertim imperij potestate ad suam explendam cupiditatem abutatur: nam quæstui habere Rem-
pub.

*Auarus in
sacris lite-
ris ferarum
quarundâ
bestiarum*

nomi-
nibus
appellari,
& qua hu-
ius rei sit
causa. Vbi
etiam de
auaritia
insatiabi-
litate.

Prou. 28.
15.
Prou. 33.
13.

Psal. 51.5.
Psal. 34.5.
Ibid. n. 10.

pub. non modo turpe est, sed sceleratum etiam,
& nefarium. quare nonnunquam sacrarum litte-
rarum oracula cum sermo incidit de auaris, tan-
quam de teterrimis, ferocissimisque belluis lo-
quuntur, aut certè hominibus ipsis belluis de-
terioribus, cuiusmodi latrones sunt, qui pu-
blicas obsidentes vias peregrinos intercipiunt,
pecunia spoliant, & vitam etiam immani cru-
delitate eripiunt. *Leo rugiens*, inquit Salomon,
& *Vrsus esuriens*, Princeps impius super populum pau-
perem. Qua etiā metaphora Dauid vsus est, quod
enim habemus in Psalmo *Diuites eguerunt, & esu-
rierunt*, ex Hebræo verti potest *Leones esurierunt*.
Quemadmodū enim Leones venatu sibi victum
parant, & cum cibi naturale desiderium ad quæ-
rendam prædam eos euocauit, in animalia, quæ
habent obuia, violentissime sæuiunt, ea discer-
punt, dilacerant, deuorant, & si prædam facile
nancisci non possint, saltus montesque discur-
runt, vt aliquid sibi parent; quo famem, qua sti-
mulantur exsaturent: ita auarus latentis lucri
solertissimus indagator est, & vbi prædam in-
uenerit, feræ belluæ instar habet, quæ expleri
non potest, nam licet cupiditari, quæ semper
augetur, pabulum suggerat, adeo tamen non
extinguitur habendi fames, vt potius pecunia-
rum incremento, tanquam nouo habendi irri-
tamento vehementius excitetur. Hi enim sunt,
de quibus ait Psalter, *Dilexisti omnia verba præ-
cipitationis vel deuorationis*, vt verti potest ex He-
bræo. Hinc opulentorum vota describens Da-
uid, *Ne dicant*, inquit, *deuorauimus eum*, nimi-
rum de quo eodem Psalmo dicitur, *Eripiens ino-
pem de manu fortiorum eius, egenum, & paupe-
rem*

rem à diripientibus eum. Metum verò pauperum Psal. 123.
 alio Psalmo, Cum exurgerent, inquit, homines in 2.
 nos, fortè viuos deglutissent nos, & , Benedictus Ibid. n. 6.
 Deus, qui non dedit nos in captionem dentibus eo-
 rum: & Iob eadem deuorandi vsus metapho- Iob 10. 5.
 ra, Diuitias, inquit, quas deuorauerat, euomet.
 Et idem significare videtur illa Domini per Isa-
 iam pollicitatio, Longè fugabuntur, qui absorbe- Isa. 49. 19.
 bant te. Sed Prædones etiam, vt dixi, appellan-
 tur, ita enim accipio illud apud Iob, Abundant Iob 12. 6.
 tabernacula pradonum, & audacter prouocant Deum,
 cum ipse dederit omnia in manibus eorum, Quæ vlti-
 ma verba Principis periphrasim continent, qui
 Dei voluntate, aut permissione, ita Rempub. ad-
 ministrat, vt omnia in manu, hoc est in potesta-
 te, habere dicatur. Aptissimè autem deuorandi
 metaphora inexplabilem auarorum cupiditatem
 ponit ob oculos: quemadmodum enim voraces
 bestię, vt Leones aut lupi non facile carnibus
 occisorum animalium explentur, ita auari quan-
 tumuis crescat pecunia, habendi tamen deside-
 rium non minuitur, sed dum ad maiores diuitias
 aspirare perpetuò contendit, augetur etiam libi-
 do colligendi vt verissimè pronuntiauerit Salo-
 mon; Auarum non impleri pecunia. Itaque Isaias Eccles. 5. 1.
 diuites reprehendens, qui vicinorum agrorum
 dominis summotis, possessiones suas, aut domos
 amplificare student, eorumque ingenium, ea-
 dem opera describens, Vae, inquit, qui coniungi- Isa. 5. 8.
 tis domum ad domum, & agrum agro copulatis vsque
 ad terminum loci, nunquid habitabitis vos soli in me-
 dio terra? Quemadmodum ignis si materiam, quæ
 flammis possit absumi corripuerit, nò prius com-
 butèdi finem facit quàm pabulum ac fomentum
 omne

Prou. 30.

14.

Ibid. n. 15.

omne deficiat, ita diues quasi ignis cuncta populatur, nec vnquam habendi desiderio modum facit, donec cuncta deuorauerit. Quare Salomon de auaris ita scribit in Prouerbijs, *Generatio, quæ pro dentibus gladios habet, & commandit molaribus suis, ut comedat inopes de terra, & pauperes ex hominibus.* Statimque subdit: *sanguisuga dua sunt filiae dicentes, Affer Affer.* Insaturabilis nimirum cupiditas in duobus spectatur, imò verò in quatuor, quæ numerantur à sapiente eodem loco cum dicit. *Tria sunt insaturabilia, & quartum quod nunquam dicit sufficit. Infernus & os valua, & terra quæ non saturatur aqua. Ignis verò nunquam dicit sufficit.* Hisce metaphoris significari videtur vlciscendi cupiditas, quæ multos per mutuas cædes ante tempus demittit ad infernū, ad sepulchrum scilicet, quod scripturæ vulgata phrasi inferni fere nomine designatur. Libido etiam, tactusque voluptates quæ maximè vigent in sceminis, tādémque diuitiarum, honorumque cupiditas, quibus se in altum homines conantur attollere, ad ignis modum, cuius natura est in sublime semper emitte. Tale ergo auarorum ingenium, qui talia nomina in Sacris litteris meritò nacti sunt. Sed aliqua subiiciamus ex quibus intelligi possit, quantopere vitium hoc, cum omnibus, tum Principibus potissimum detestandum sit.

Auaritiā detestandā quia seruitus est Idolorum.

Coloss. 3.

5.

2 Ac primò quidem illud omnes commouere debet, me quidem iudice, quod qui avaritiæ student, durissimam seruitutem seruiunt, nunquam excutiendam, nisi ipsi cupiditati modus aliquis imponatur. Id sanè D. Paulus nos docuit, cum ad Colossenses scribens ita præcipit, *Mortificate ergo membra vestra, quæ sunt super terram, fornicationem,*

tionem, immunditiam, libidinem, concupiscentiam malam, & auaritiam, quæ est simulacrorum seruitus. Nec aliud sensit Isaias cum ita scripsit, *Abstuli terminos populorum, & Principes eorum depredatus sum*: quod enim vulgatus dicit, *Principes*, ex Hebræo *thesauros* verti potest, quos auari tanquam Principes suos colunt, & quodammodo adorant, ac frequenter inuisunt seruatorum more, qui subinde sistant se Dominis suis, vt videant si in aliquo opera illorum vti velint. Quare Hebræis diuitiæ, visitatio dicuntur nonnunquam, vt apud Isaiam, cum dicitur *secundum magnitudinem operis, & visitatio eorum, ad torrentem salicum ducent eos*: sententia autem est, iuxta peccatorum magnitudinem, futurum etiam esse punitionis modum, eosque qui peccauerunt, ducendos esse ad torrentem salicum, quem aliqui Euphratem interpretatur, coniecturam eo capientes, quod qui in captiuitate sedebant ad Euphratem, In salicibus dicuntur organa suspendisse. Sed tamen ex Hebræo verti potest, *Et opes suas ad torrentem salicum deferent*; ac si dicat, inquit, Rabbi Abraham, ad locum alium suas diuitias deferent, nec dissimilis Rabbi David interpretatio, qui sensum hunc esse putat: Diuitias eorum hostes ad torrentem salicum, qui erat prope yrbem Moab, deferent, vt eas inter se partiantur. Eadem igitur vox & visitationem significat, & diuitias, quod diuitias suas auari frequenter visitare consueuerint. Ac quemadmodum Idola adeò reuerentur eorum cultores, vt propius manus ad mouere non audeant, ne fortè temeritatis pœnas ferant, qui res sanctas communibus manibus attrectare non dubitauerint: ita auari pecuniis suis, quasi sacris

par

Ecclef. 14. 3. parant, nec audent eas conuertere in vsus suos ac suorum, vt verè dixerit Ecclesiasticus: *Viro cupido, & tenaci sine ratione est substantia, & homini inuidido* (qui scilicet sibi aliisque pecuniæ vsus inuider) *ad quid aurum?* in quo magnam animaduerrere licet humani cordis deceptionem, nam vt ibidem dicitur *qui aceruat ex animo suo* (id est toto suo conatu) *iniuste alys congregat, & in bonis illius, alius luxuriabitur. Qui sibi nequam est, cui alij bonus erit?* Quasi dicat, qui totus in eo positus est, vt pecunias, quâ iuste, quâ iniuste congreget, eas non sibi sed aliis parat, qui auari diuitiarum istarum collectoris immemores, iis ad voluptates caprandas abutantur prodigè: nec est, quod quisquam se putet ab auaro quidquam accepturum, nam si sibi ipsi, cum opus habet, non prouidet, vt idolo pecuniarum suarum parcat, proculdubio consequens est, vt credamus neque erogaturum pecuniam, vt aliorum necessitatibus prospiciat: & *non iucundabitur in bonis suis; qui sibi inuidet, nihil est ipso nequius, & hac redditio est malitia eius*: dum enim genium suum sordidus homo defraudat, vt pecunias multas colligat, dat peccati sui iustas pœnas, nam multa sibi subtrahendo, quæ natura desiderat, se ipsum macerat, & tandem cum pecuniis pepercerit, hæredem plerumque accipit, qui, quod minimè veller, eas, omne voluptatis genus sectando, largè profundit. Quanquam etiam videmus fieri nonnunquam, vt pecuniæ possessionesque auarorum bonos hæredes nanciscantur, & in vsus cedant Ecclesiarum, aut piorum virorum; Deo ipsas ad meliores vsus conuertente, iuxta ea, quæ legimus in libro S.

Iob 27. 16. Iob: *Si comportaueris quasi terram argentum, & sicut lutum*

lutum preparauerit vestimenta, preparabit quidem, sed iustus vestiatur illis, & argentum innocens diuidet. Quod ita vsu venisse discimus ex scriptura, nam opes multæ Laban datæ sunt Iacob, quod ipse testatus est, cum ait, *Tulit Deus substantiam Patris vestri, & dedit mihi.* Regna etiam eorum, qui Palæstinam tenuerant, filiis Israël data sunt, & regnum ad quod Saül fuerat euectus, postquam illo excidit, Dauid collatum est, qui propterea experimento edoctus ita canit in Psalmo. *Expecta Dominum, & custodi viam eius, & exaltabit te, ut hereditate capias terram: cum perierint peccatores, videbis.* Hanc autem auarorum stultitiam de qua sermo nobis erat, cognouerat Salomon, qui ita in Ecclesiaste scriptum reliquit. *Rursum detestatus sum omnem industriam meam, qua sub Sole studiosissime laboraui, habiturus heredem post me, quem ignoro utrum sapiens an stultus futurus sit, & dominabitur in laboribus meis, quibus desudaui, & sollicitus fui, & est quid tam vanum? Vnde cessauit, renuntiauitq; cor meum ultra laborare sub Sole, coaceruandis nimirum pecuniis, sapientiorique cōsilio me ad fruendum iis quæ paraueram conuerti.* Nam hanc ratus sum partem meam, si uterer labore meo: hic enim finis diuitiarum est, vsus earum; quare D. Paulus ad Timotheum scribens, ait, *Diuitibus huius sæculi præcipe non sublime sapere, neque sperare in incerto diuitiarum, sed in Deo vivo, qui præstat nobis omnia abunde ad fruendum.* In quibus verbis duo notanda sunt, quæ ad rem nostram faciunt. Alterum est, quod diuitias à Domino docet suppeditari, non ut arcis recondantur, sed ut cum opus est ad nostros, aliorumque vsus liberaliter depromatur. Alterum est, quod sperare iubet non in incerto diuitiarum,

466 *Institutio politica ex sacris Scripturis.*

sed in Deo viuo, quoniam scilicet diuitiæ, quæ pro Deo habentur ab avaris, numen quoddam mortuum sunt, quod eos audire non potest, nec illis prodesse, nisi ipsum Idolum, cui prius seruiuerant, vice mutata seruire coegerint, illud scilicet comminuendo, vt olim Moses aureum vitulū, quem Israelitæ pro Deo coluerant, & egentibus propinando, cauendoque ne id accadat, quod apud Isaiam legimus, *Repleta est terra argento & auro, & repleta est idolis.* Et apud Oseam cum ait: *Hæc nesciunt, quia ego dedi ei frumentum, & vinum, & oleum, & argentum multiplicaui ei, & aurum, quæ fecerunt Baal:* hoc autem accidit, cum diuitiis congestis ita seruitur à possessoribus, vt illas quodammodo pro Deo colant.

Exod. 32.
20.

Isa. 2. 7.
Osc. 2. 8.

Hanc seruitutē turpem esse, quod Dei seruituri repugnet.

Matth. 6.
24.
Hom. 12.
in Matth.

3 Hæc autem seruitus, cum multis modis homine est indigna, tum præsertim, quod cum ea seruitute, quam Deo cōditori nostro multis ex capitibus debemus, consistere non potest: verissimum enim est Christi Domini pronuntiātū, *Non potestis Deo seruire, & Mammona:* quem locum explicans Chrysost. *Hoc loco, inquit, & animo prorsus toto perhorrescamus, & corpore, intelligentes istud, quod Christus dixisse memorauimus, ex aduerso scilicet Deum aurumq; consistere, & componi: si igitur istud sono quoque sermonis horribile est, quāto est horribilius, cum ipsis operibus tyrannis auri, Dei timori præfertur?* Et rursus eadem homilia. *Non hoc solo vobis, inquit, diuitie nocent modo, sed contra vos latrocinantium armant manus, nec quia magno cum cumulo intellectum vestra mentis obteberrant; verum etiam, quod vos à seruitute Dei diuellunt, & rei mortua pecuniarum scilicet capiuos efficiunt, satis proculdubio ex utroque ladentes dum & earum vos seruitio subiungant in quas oportuerat*

exercere dominatum, & à Dei vos obsequio excludunt, cui supra omnes profectò seruire, & necessarium est vobis pariter & commodum. Hæc Chrysostomus, qui quod paulo supra notauimus, ex diuo Paulo diuitias scilicet idolum esse mortuum, cui seruire turpe sit, expressius ipse pronuntiauit eodem spiritu imbutus, quem ex Apostoli scriptis hauserat, cuius erat studiosissimus. Porro diuitiarum seruitutem, quam auari seruiunt, Christi Domini repugnare seruituti, satis explicauit Apostolus cum eorum texens catalogum, qui à Dei regno excludendi sunt, auaros etiam numerat: *An nescitis*, inquit, *quia iniqui Regnum Dei non possidebunt?* *Nolite errare, neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt.* Et huius rei causam indicat, ad Timotheum scribens, quia humanæ cupiditatis propensionem odoratus hostis humani generis, diuitias, quasi escam illicem nobis ostentat, vt illa per oculos animo blandiente in eius laqueos nos inducere nō dubitemus. *Qui volunt*, inquit, *diuites fieri, incidunt in tentationem, & in laqueum diaboli.* Quod ipsum affirmat Ecclesiasticus cum ait; *Si diues fueris, non eris immunis à delicto.* Itaque Dauid potentes auaros, qui pauperes iniustis modis opprimunt, descripturus commune peccatorum nomen, quod aliis etiam conuenit, tanquam proprium accommodauit, indicans auaritiā à scelere nunquam dissociatam inueniri, cunctorumque malorum radicem, ita peccatores eos facere in quibus reperitur, vt absque vllō addito peccatores per antonomasiam nuncupentur: in

1. Cor. 6.

9.

1. Tim. 6.

9.

Eccles 11.

10.

468 *Institutio politica ex sacris Scripturis.*

Psalmo enim quodam Iudices increpans, qui per-
 uertunt iustitiam, & diuitum pecuniis corrupti,
 aut potentiâ veriti, causas illis contra inopes ad-
 Psal. 81. 2. iudicant; *V. quequo, inquit, indicatis iniquitatem, &
 facies peccatorum sumitis? Eripite pauperem, & egenum
 de manu peccatoris liberate, eos peccatores appel-
 lans, qui pauperes, viduas & pupillos, de sua
 possessione iniuste deiiciunt; hi autem auari sunt,
 qui propriis quibus abundant diuitiis non con-
 tenti, aliorum agellis, aut domibus imminet, in
 easque per summam iniuriam inuadunt. Merito
 etiam peccatoris nomenclaturam meretur aua-
 rus, si criminis grauitatem spectemus: nam cum
 quædam peccata sint, quæ ad eò diuinam prouo-
 cant iustitiam, vt in cælum dicantur clamare,
 quasi vindicem, numinis dexteram ad percutien-
 dum excitent; in his illud auarorum genus con-
 tinetur, quod à Dauide describitur; nam D. Ia-
 Iacob 5. 4. cobus ait, *Ecce merces operariorum, qui messuerunt
 regiones vestras, qua fraudata est à vobis, clamat, &
 clamor eorum in aures Domini Sabaoth introiuit.* Ec-
 clesiastici verò auctor hos pares ijs facit, qui san-
 guinem fundunt innoxium, quod peccatum (vt
 de homicidio Cain scriptura testatur) in cælum
 Genes. 4. clamat. *Qui effundit, inquit, sanguinem, & qui fa-*
 10. *ci fraudem mercenario fratres sunt.* Est autem admo-
 Eccles. 34. dum procliue diuitibus, tenuioribus homini-
 27. bus iniuriam in aliquo facere, nam cum paria
 propter humilitatem status reponere nō possint,
 nec andeant fortibus verbis, si in aliquo violati
 fuerint, exerere libertatē, diuitum violentiæ sunt
 magis opportuni; quare monet sapiens tenuio-
 ris fortunæ homines, ne se ditioribus socios ad-
 iungant, aut vlla ratione, quantum fieri potest,
 com*

communicent, ne ex hac consuetudine multiplicia incommoda reportent. *Pondus*, inquit, *super Eccles. 13.* se tollit, qui honestiori se communicat; & ditiori te, ne socius fueris: quid communicabit cacabus ad ollim? quando enim se colliserint, confringetur. Dives iniuste egit, & fremet; pauper autem laesus tacebit. Si largitus fueris, assumet te, & si non habueris, derelinquet te: si habes, conuiuit tecum, & euacuabit te, & ipse non dolebit super te. Si necessarius illi fueris, supplantabit te, & subridens spem dabit, narrans tibi bona, & dicit quid opus est tibi? & confundet te in cibis suis, donec te exinamiat bis, & ter, & in nouissimo deridebit te, & postea videns derelinquet te, & caput suum mouebit ad te. Hoc ferè potentiorum ingenium; quo diligentius Principi cauendum est, ne quando ampliozem, quàm ullus alius in Republica potestatem nactus est, ita cum tenuioribus hominibus agat, vt clamor eorum, quos iniuste vexauerit, numen irritet ad vindictam, sed vt supra dictum est Patrem se populi esse meminerit, qui adeo subditos expilare, & fortunis euertere non debet, vt potius hoc illi diligentissimè curandum sit, vt unicuique sua possessio tuta, & ab iis, qui in aliena inuolant bona, facta & tecta sit, verùm hanc rationem à parentis munere, quo Princeps in Republica fungitur, vrgebimus infra, locis ex scriptura iuxta nostrum morem allatis.

4 Sed alia etiam est huius seruitutis conditio, quæ illam valde laboriosam reddit. Hæc autem in eo posita est, quod auaris plurimi sunt exantlandi labores, & exhaustiendæ molestiæ, vt ad eas peruenire possint diuitias, quas cogitatione, & cupiditate præceperunt. Ac quemadmodum Israëliticus populus dum Pharaonis impe-

Hanc seruitutem duram esse, ac laboriosam, ideoq; defugiendam.

rio pressus, lutum totos dies tractare cogebatur, Exod. 1. 13. paleasque colligere. Nam *Aegyptij*, qui oderant filios *Israël*, eos affligebant illudentes eis, atque ad amaritudinem perducebant vitam eorum, operibus diutis lutis & lateris, omniq. famulatu, quo in terra operibus premebantur: ita qui aurum tractantes cumulos illius aggerare student, plusquam credi possit à non expertis fatigantur. Et quavis ad Principes labor iste pertinere non videatur, qui more mercatorum maria, ac terras compendia sectantes non discunt, sed solo imperio censum augent; tamen si nimia rem faciendi cupiditate tenentur, ea cura proculdubio coquantur, quæ omnibus auaris est communis, nec laborare, & affligi animo non possunt, cum se populorum obrectationibus lacerari sciunt, ac diris in vulgus deuoueri. Quare in libro *Iob* argentum dicitur lassitudinum, quod nimirum dum illud colligunt mortales, vehementer & usque ad lassitudinem fatigantur: quod enim Iob 12. 25. quodam capite legimus: *Erit Omnipotens contra hostes tuos, & argentum coaceruabitur tibi*: ex Hebræo verti potest, *Argentum lassitudinum tibi*, nam vox מַיָּוִן à radice מָוָה deducitur, quæ fatigare, lassareque significat, & sensus esse potest, idem cum eo, quem *Vulgatus* expressit, magna tibi coaceruabitur argenti copia, in quo conquirendo, computandoque multorum industriæ, & vero etiam corpora fatigantur: verè enim diuitias colligentibus usu venit, ut multis modis laboribus sint obnoxij: quod sibi accidisse testatur *Iacob*, qui in domo *Laban* foci sui, ad amplas pecoris armentorumque diuitias, in quibus sita erat æui illius opulentia, aliquot annorum decursu peruenerat. Nam abitus sui afferens causas, excus-

sique

lique seruitutis iugi, quod ad illum diem tolerauerat; *Die noctūque*, inquit, *Atu vrebār & gelu, su-* Genes. 31.
giebātque somnus ab oculis meis, sicq; per viginti annos 40.
in domo tua seruiui tibi: nisi Deus Patris mei Abraham
& timor Isaac affuisset mihi, forsitan modo nudum me
domisisses: afflictionem meam, & laborem manuum mea-
rum respexit Deus, & arguit te heri. Multa enim ta-
 lia pati necesse est non eos solum, qui cum pau-
 pertate luctantur, sed etiam eos, qui cum diui-
 tes sint, ad ulteriorem, pinguioremque fortu-
 nam aspirare contendunt, quod iugum Principi-
 bus etiam viris, suo modo, ut supradiximus, fe-
 rendum est.

5 Sed nimirum stultus est labor istorum, ple- *Laborē qui*
 rumque enim accidit, ut quæ diuitiæ malis arti- *ferēdum est*
 bus sunt partæ, eadem malè dilabantur, & quasi *in hac ser-*
 aceres aut glumæ, aut modicus vapor, vento ra- *uitute, ma-*
 piente, dispereant, iusto Dei iudicio auarorum *lè colloca-*
 cupiditatem, in eo ipso in quo peccarunt, punien- *ri, quod sci-*
 te. *Qui congregat thesauros lingua mendaci, vanus &* *licet malè*
excors est, & impingetur ad laqueos mortis, vel ut ex *parta malè*
Hebræo verti potest, Operatio thesaurorum in lingua *dilabatur.*
mendaci, vanitas impulsiva querentium mortem. Van- *Prou. 21.6.*
tatem impulsam intelligit Sapiēs aliquid valde le-
 ue aut tenue, quod facile abstrahitur, dissipatur,
 & euanescit, idcirco Theodotio vertit ἀτμός φέ-
 ρόμεν & vapor, aura tenuis, halitus qui fertur, aut
 rapitur. Eadem verò similitudo vocibus aliquan-
 tulum diuersis, sed idem significantibus, eo spe-
 ctat, ut intelligant omnes, malis artibus quæsi-
 tas pecunias (idem enim est quod ad propositum
 nostrum attinet, siue mendaciis decipiendo, siue
 per violentiam rapiendo, aut extorquendo in alie-
 nas res inuadas) non esse diuturnas: quare alibi

Prou. 11. idem Salomon; *Alij*, inquit, *diuidunt propria*, &
 24. *ditiores fiunt*, *alij rapiunt non sua*, & *semper in egesta-*
 Iob 18.18. *te sunt*. Et S. Iob, eorum, qui multos thesauros
 colligunt, inanem laborem arguens: *Ædificant*,
 inquit, *sicut tinea domum suam*, & *sicut custos fecit*
umbraculum. Quemadmodum enim qui autumnī
 tempore vineas custodiunt, temporariam quan-
 dam casam ex ramalibus excitant, & stramine, sta-
 tim post absolutam vindemiam dissipandam: &
 quemadmodum tinea lignum excauando sibi do-
 munculam quandam, aut cauernulam construe-
 re videtur, quæ tamen ad breuissimum tempus
 durat, nam ligno arrosione illa labefactato, &
 confraeto etiã tineæ domus perit, imo sibi per-
 niciem illam comparat, & conciliat, dum sibi
 domum ædificare videbatur; ita qui iniuste alie-
 na rodendo, rem suam amplificare studet, perni-
 ciem sibi certissimam struit. Græcus interpres eã-
 dem similitudinis vim retinuit, voce mutata, nam
 vertit, *Euasit domus eius sicut tinea*, & *sicut aranea*,
 nullus enim nescit aranearum telas multo labore
 diligentiaque contextas tenuissimis filis artificio
 prorsus infrabili ita ductis, vt ratione carentis
 animalis solertiam omnino superare videantur,
 aut vento dissipari, aut incidente lapillo, aut
 folio perforari, totumque laborem in eis conte-
 xendis impensum momento temporis interire.
 Hanc autem similitudinem etiam vsurpauit Bal-
 Iob 3. 14. dad eodem libro cum ait. *Sicut tela aranearum*
fiducia eius innitetur super domum suam, & *non sta-*
bit, *fulciet eam*, & *non consurget*. *Humectus vide-*
tur antequam veniat Sol, & *in ortu suo germen eius*
egredietur super acernum petrarum, *radices eius den-*
sabuntur, & *inter lapides commorabitur*. Et Isaïas,
 qui

qui cum violatam iustitiam fuisset lamentatus, iniustos hos homines araneorum telas ait tenuisse, quas tamen eum usum non esse habituras confirmat, quem ipsi voluissent, ac sperauissent: *Telas, inquit, araneorum texuerunt, tela eorum non erunt in vestimentum, neque operientur operibus suis, opera eorum opera inutilia.* Et Ieremias Sellum Iosiae Regis Iuda filium acriter reprehendens, quod auarè regnasset & iniuste, quod scilicet ut ipse loquitur, *Eius oculi, & cor ad auaritiam, & ad sanguinem innocentium fundendum, & ad calumniam, & ad cursum mali operis intenti fuissent,* ac propterea (quod nos diuitibus ferme contingere affirmamus) brenem, imo nullam ex raptarum diuitiarum possessione lætitiā percepturum, frustra que mercedes eorum, qui eas fuissent promeriti per iniustitiam retenturum: *Va, inquit, qui adificat domum suam in iniustitia, & canacula sua non in iudicio: amicum suum opprimit frustra, & mercedem eius non reddet ei.* Quod etiam confirmat Iob, qui potentes istos potentia impotenter abutentes, eas diuitias quas congesserunt prius docet esse relicturos, quàm frui possint: *Diuitias, inquit, quas deuorauit enomet, & de ventre illius extrahet illas Deus, prius scilicet quàm in succum eius, qui eas deuorauerat, sanguinemque transeant; cui simile illud Ezechielis, Argentum eorum foras proicietur, & aurum eorum in sterquilinum erit. Argentum eorum & aurum eorum non valebit liberare eos in die furoris Domini. Animam suam non saturabunt, & vestes eorum non implebuntur, quia scandalum iniquitatis eorum factum est.* Quod idem alia metaphora eleganter expressit Salomon cum ait, *Non roborabitur homo ex impietate, contra quam accidit iustis, de*

Isai. 59.6.

Ierem. 22.

17.

Ibid. n. 13.

Iob 20. 15.

Ezech. 2.

19.

Prou. 14.

3.

474 *Institutio politica ex sacris Scripturis.*

quibus subdit, & *radix iustorum non commovebitur*,
 Iob 15. 19. quod etiam Iobi pronuntiatum est, qui ait; *Non*
ditabitur, neque persenerabit substantia eius, neque mit-
tet in terram radicem suam. Vt quod Ezechiae Regi
 dictum est, qui in diuitiis inaniter fuerat gloria-
 tus, multo magis in eos quadret, qui non pecca-
 to dumtaxat iactantiae peccant, sed etiam iniusti-
 tiae, dum aliena per iniuriam rapiunt, Ecce, inquit,
 4 Reg. 10. 15. *dies venient, & auferentur omnia, quae sunt in domo*
tua, & quae condiderunt Patres tui, usque in diem hanc,
in Babylonem. Nam quemadmodum substantia,
 Prou. 13. 11. *quae paulatim colligitur manu, multiplicabitur, ita fe-*
 Prou. 28. 10. *stinata ea nimirum, quae malis artibus ab avaro,*
 Prou. 20. 21. *qui ditari festinat, collecta est, minuetur; qui enim*
festinat ditari, non erit innocens, & Haereditas ad quam
festinatur, in principio benedictione carebit.

6 Parum ergo prudenter, parumque consulte
 faciunt, qui in diuitiis spes suas omnes collocant:
 quod sanè vitium adeo latè patet, vt propterea
 scriptura satis frequenter cum de diuitiis incidit
 sermo, eas appellet robur aut fiducia, quod scili-
 cet in earum possessione robur situm esse, pleri-
 que hominum sibi persuadeant, & qui illis abun-
 dant, se firmissimo praesidio munitos esse falsa
 persuasione confidant; quasi in illis tantum om-
 nia posita sint, parum interim iustitiam curantes,
 aut Dei bonorum omnium largitoris iussa, leges-
 que, qui regnum Dei prius quaerendū praecipit &
 iustitiā eius, tuncque haec alia omnia vitæ, rerum-
 que publicarū seu praesidia, seu ornamenta abun-
 dè suppeditanda. Quare Baldad Suhites apud Iob
 Iob 18. 12. potentibus iniustis malè precatur his verbis: *At-*
 Ibid. 9. 14. *tenuetur fame robur eius: & paulo post, Auellatur de*
tabernaculo suo fiducia eius. & eodem libro sanctus

Propheta, se ab horum eximens consortio, omné-
que avaritiæ crimen amolians, quippe qui non
sperasset in pecuniæ thesauris; Si putavi, inquit, Iob 31. 24.
aurum robur meum, si obrizo dixi, fiducia mea. Eodem
etiam spectat illud Salomonis, *Substantia divitis* Prou. 18.
urbis roboris eius, & quasi murus validus circumstans 11.
eum. Et illud Baruc, *Vbi sunt Principes gentium, &* Baruch 3.
qui dominantur super bestias, quæ sunt super terram? 16.
qui in aubus cœli ludunt, qui argentum thesaurizant,
& aurum in quo confidunt homines? Idem enim est,
ac si dixisset, quod est hominum fiducia, & robur,
eorum opinione.

7 Sed aliud etiam incommodum secum affert Principem
avaritia. Nam populo, avarorum quorumcunque avarum esse
capita execrabilia facit, & innumeris diris fre- non debere,
quentissimè deuouenda. Id de quodam avarorum quia aua-
genere docet sapiens cum ait, *Qui abscondit fru- ritia odio-
mentum, maledicetur in populis, benedictio autem super sum facit
caput vendentium. has autem vulgi deuotiones, & populo, &
populi dolentis vota, non vt inania verba, & in periculum
irritum iactata contemnenda esse sapienter mo- amittendi
net Ecclesiasticus cum ait: *Animam esurientem ne* Principa-
despexeris, & non exasperes pauperem in inopia sua, sus creare
cor inopis ne afflixeris, & non protrahas datum angu- potest.
stianti. Rogationem contribulati ne abiicias, & non Prou. 11.
auertas faciem tuam ab egeno. Ab inope ne auertas ocu- 26.
los tuos propter iram, & non relinquant quærentibus tibi Eccles. 4.
retro maledicere. Maledicentis enim tibi in amaritudi- 2.
ne anima, exaudietur deprecatio illius, exaudiet enim
eum, qui fecit illum. Maledictionis autè istius quam
Dominus exaudit, effectus quis sit, exprimitur à
Mose in Leuitico, & Deuteronomio. *Frustra, in-* Leuit. 26.
quit, seretis sementem, quæ ab hostibus deuorabitur. 17. & 20.
Consumetur incassum labor vester, non proferet terra
*germen,**

476 *Institutio politica ex sacris Scripturis.*

- Deut. 28.
16. germen, nec arbores poma præbunt, immutâque in
vos bestias agri, quæ consumant vos, & pecora vestra,
& ad paucitatem cuncta redigant, desertaque fiant via
vestra. Et in Deuteronomio : Maledictus, inquit,
eris in ciuitate, maledictus in agro, maledictum hor-
reum tuum, & maledicta reliquia tua. Maledictus fru-
ctus ventris tui, & fructus terra tue, armenta bouum
tuorum. & greges ouium tuarum. Misit Dominus su-
per te famem, & esuriem, & increpationem in omnia
opera tua, quæ in facies, donec conterat te, & perdat ve-
lociter. Et post nonnulla, Domum adifices, & non
habites in ea. Plantes vineam, & non vindemies eam.
Bos tuus immoletur coram te, & non comedas ex eo.
Asinus tuus rapiatur in conspectu tuo, & non reddatur
tibi. Oues tuæ dentur inimicis tuis, & non sit qui te
adiuuet. Fructus terra tue, & omnes labores tuos come-
dat populus, quem ignoras, & sis semper calumniam
sustinens, & oppressus cunctis diebus, & stupens ad ter-
rorem eorum, quæ videbunt oculi tui. Sementem multam
iacies in terram, & modicum congregabis, quia locustæ
deuorabunt omnia. Vineam plantabis, & fodies, & vi-
num non bibes, nec colliges ex ea quippiam, quoniam va-
stabitur vermibus. Oliuas habebis in omnibus terminis
tuis, & non ungeris oleo, quia defluent, & peribunt.
Omnes arbores tuas, & fruges terræ tuæ rubigo consu-
met. Huius maledictionis vim expertus est Ro-
boam, qui vt sæpius memorauimus, afflictus ni-
miis exactionibus populi preces non admittens,
decem integras Regni sui partes, duabus dumtaxat
retentis amisit, & non multo post anno ni-
mirum quinto Regni eius Ascendit Sefac Rex
Egypti in Ierusalem, & tulit thesauros domus Domi-
ni, & thesauros regios, & vniuersa diripuit; scuta quo-
que aurea, quæ fecerat Salomon, Regisque opulentis-
simi

simi filius, angusta admodum ditione circumscriptus, thesaurisque plurimis spoliatus, tantum Regis nomen, potestatemque non amisit.

8 Ut autem facilius possit Princeps gliscentes avaritiæ impetus comprimere, quædam illi frequenter, mente voluenda proponam, quibus affectus suos componat, & amplius habendi cupiditatem minuat. Ac primò quidem illud recolendum est, quod supra posuimus reges ac Principes instar habere Patrum in Republ. ac propterea eorum curas eo spectare debere, non ut filios suos exhauriant tributis, ac vectigalibus grauioribus impositis, sed potius ut eos, si qua ratione possint locupletent. quare, par esset Principem eum inducere affectum, quem se habuisse S. Paulus ostendit cum ait: *Non quero quæ vestra sunt, sed*

Principem non debere auarum esse, quia populorum est pater.

vos; non enim debent filij thesaurizare parentibus, sed

2. Cor. 12.

parentes filiis. Quod idem probat Christi Domini dictum, nam cum Dominus discipulis comitantibus venisset Capharnaum, accesserunt, qui didrachma accipiebant, ad Petrum, & dixerunt ei. *Magister vester non soluit didrachma?* Ait, etiam: & cum intrasset in domum, præuenit eum IESVS, dicens, quid tibi videtur Simon? Reges terra, à quibus accipiunt tributum vel censum? à filiis suis, an ab alienis? Et ille dixit ab alienis. Dixit illi IESVS. Ergo liberi sunt filij.

14.

Ut autem non scandalizemus eos, &c. Si enim Princeps non sua tantum compendia spectare velit, sed subditorum, quasi filiorum, ea dumtaxat exiger, quæ ad Reipubl. necessitates subleuandas, necessaria sunt, ac proinde in populorum commodum redundant, quod non tam sibi, quam subditis thesaurizare est; eas verò exactiones omnes, tanquam superuacaneas, & ab avaritia

Matth. 17.

23.

profe

478 *Institutio politica ex sacris Scripturis.*

Ecclef. 7.
22.

profectas refecabit, quæ explendis Principis cupiditabus potius deferuire videbuntur, quam opportunitati publicæ commodare. Non enim amanti parentis, aut domini est cum filium, aut seruum, quem se totum videt impendere in parentis obsequiū, grauioribus etiam quàm ferre possit oneribus velle vexare. *Non ledas*, inquit Ecclesiasticus, *seruum in veritate operantem, neque mercenarium dantem animam suam, seruus sensatus sit tibi dilectus, quasi anima tua, non defraudes illum libertatis, neque inopem derelinquas eum.*

Idem probatur, quia est Pastor populorum.
Prou. 30.
32.

9 Pastoris etiam nomen, quod Principi conuenit, & munus, quod in Republ. sustinet, auaritiā suadent detestari. Idcirco Salomon à re pastoritia metaphoram mutuatus, *Qui fortiter*, inquit, *premit ubera, ad eliciendum lac, exprimit butyrum, & qui vehementer emungit, elicit sanguinem.* eandem verò sequutus metaphoram Ezechiel, luculentè & copiosè in eos pastores inuehitur, qui gregis bonum posthabentes, pascebant potius semetipsos, suis cupiditatibus magis seruiētes, quàm necessitatibus gregum, quos variis modis vexabant, non tantum lac emulgendo, & detondendo lanam, sed etiam deuorando, & vulneribus aut morbis, si quos incurrebant, medicinam non faciendo. Est autem locus planè insignis & qui multorum aliorum instar esse possit. *Va*, inquit, *Pastoribus Israël, qui pascebant semetipsos, nonne greges à Pastoribus pascuntur? Lac comedebatis, & lanis operiebamini, & quod crassum erat occidebatis, gregem autem meum non pascebatis: quod infirmum fuit non consolidastis, & quod egrotum non sanastis, quod fractum est non alligastis & quod abiectum est non reduxistis, & quod perierat non quasiistis, sed cum austeri-*

Ezech. 34.
2.

tate imperabatis eis & cum potentia, & dispersa sunt oves meae, eo quod non esset pastor, & facta sunt in deuotionem omnium bestiarum agri & dispersa sunt. Errauerunt greges mei, in cunctis montibus, & in uniuerso colle excelsa, & super omnem faciem terra dispersi sunt greges mei, & non erat qui requireret, non erat inquam qui requireret. Propterea Pastores audite verbum Domini. Vno ego dicit Dominus Deus, quia pro eo, quod facti sunt greges mei in rapinam, & oves meae in deuotionem omnium bestiarum agri, eo quod non esset pastor. Neque enim quaesierunt pastores mei gregem meum, sed pascebant pastores semetipsos, & greges meos non pascebant. Propterea Pastores audite verbum Domini. Hac dicit Dominus Deus. Ecce ego ipse super Pastores, requiram gregem meum de manu eorum, & cessare faciam eos ut ultra non pascant gregem, nec pascant amplius pastores semetipsos, & liberabo gregem meum de ore eorum, & non erit ultra eis in escam. Hoc ingenium Principum eorum, qui Tyrannico more populos gubernantes nihil minus propositum habent, quam subditorum suorum bonum. Quanto sapientior pastor Iacob, qui fratris sui Esau societatem defugiens, necessitatem gregum armentorumque praetendit, quibus cum seruire deberet, nimis in ambulando virgere non posset? Nosti, Genes. 33. inquit, quod paruulos habeam teneros, & oves & bo- 13. ues foetas mecum, quas si plus in ambulando fecero laborare, morientur in una die cuncti greges. Et propter hanc fortasse causam, quaedam in sacris scripturis reperiuntur, quae ita praecepta sunt, ut iis Dominus, cuius spiritus mirum quantum suavis est, etiam ipsis brutis animantibus rationeque carentibus prospicere voluisse videatur, ut nimirum intelligerent ij, qui populorum pastores sunt, quam

480 *Institutio politica ex sacris Scripturis.*

quam humaniter ratione præditos homines tractare debeant, si etiam bestiis in quibusdam, legis veteris præscripto, parcendum erat. Nam in libro Exodi, ubi hebdomadaria Sabbathi quies

Exod. 23. præscribitur, dicitur, *sex diebus operaberis, septimo die cessabis.* Huius autem præcepti ratio cum affertur, non solum dicitur *Vt refrigeretur filius ancilla tua & aduena,* sed dicitur etiam, *ut requiescat*

12. *bos, & asinus tuus.* & in Deuteronomio legimus, *Non arabis in boue simul, & asino,* ne videlicet totum iugi pondus in asinum mole corporis minorem recumbat, & plus iusto fatigetur. & eodem

Deut. 20. *libro præcipitur, Non ligabis os bouis terentis in*

10. *area fruges tuas:* nimis enim durum videtur si iumentum quod magno labore, in gyrum actum, spicas terit, & grana ex aristis excutit, pauculas

Deut. 25. *peleas in cibum carpere non possit, quibus inter*

4. *laborandum reficiatur, Sed quod legibus hisce diuinis præceptum est, sponte sua à iustis ac piis*

• *hominibus fieri affirmat Sapiens cum ait: Nouit*

Pro. 12. *iustus iumentorum suorum animas, viscera autem im-*

19. *piorum crudelia.* Cuius dicti sententia. Iustus non hominum tantum sibi commissorum rationem, sed & iumentorum suorum curam gerit, prouidetque sollicitè, ne plus æquo in laborando exigatur ab eis, & ne quid eis desit eorum, quæ necessaria sunt: ex quo facile quilibet intelligat, iustos multo id præstare diligentius erga familiares ac subditos. Imo Dominus ipse, de quo dicitur in Sapientia libro, *Diligis Domine omnia, quæ sunt, & nihil odisti eorum, quæ fecisti.* Niniuem sicut fuerat comminatus, pepercit euertere, non hominum tantum misertus sed etiam iumentorum, quæ nimirum nihil peccauerunt, & quodammodo

modo

modo iam pœnitentiam egerant faccis instrata,
& ieiunio macerata, ita enim legimus in Ionæ
prophetia, qui cum doleret hederam vermibus ar-
rosione exaruisse, audinit à Domino : *Tu doles su-* Ionæ 4.10.
per hederam, in qua non laborasti, neque fecisti ut cre-
sceret, quæ sub una nocte periit, & ego non parcam Ni-
nive ciuitati magna, in qua sunt plusquam centum vi-
ginti millia hominum, qui nesciunt, quid sit inter dex-
teram, & sinistram suam & iumenta multa. Quemad-
modum ergo, & diuinæ legis mandato, & recta
etiam ratione dictante ab ipsis iumentis, plus exi-
gendum non est, quàm eorum vires patiantur, ne
dum ipsa nimio labore atterimus, etiam nobis,
quibus seruiunt noceamus: ita multo magis cum
hominibus agendum est, quibus maior debetur
reuerentia, & à quibus vberiores in Principem
vtilitates redundant. *Homo, inquit Iob, cum mor-* Iob 14. 10.
tuus fuerit & nudatus, atque consumptus, ubi quæso est?
Ita si perpetuis exactionibus semper aliquid à
subditis extundatur, migrationem cogitant, alio-
que fortunis translatis, in regno in quo vixerant
solitudinem faciunt, apparetque tandem verissi-
mum esse, quod Salomon dixit in Prouerbiis, *Rex* Prou. 29.
iusus erigit terram, vir auarus destruit eam, & qui tri- 4.
buta extorquet, euertit eam. Et Ecclesiasticus, *Rex* Eccles. 10.
insipiens, inquit, perdet populum suum, & ciuitates in- 3.
habitabuntur per sensum prudentium, imo se ipsum
euertit, nam cum omne opus corruptibile in fine defi-
ciat, ut ait idem Ecclesiasticus, & qui illud operatur Eccles. 14.
abit cum illo, abeuntibus enim incolis, ciuitate- 20.
que ad infrequentiam redacta, stultitiæ suæ pœ-
nas Princeps in primis dabit. Huius autem ni-
miæ in populis exhauriendis auaritiæ exemplum
habemus in Pharaone, qui cum populum indigno

premeret seruitio, paleasque, quæ prius suppedi-
tabantur, subtraheret, & nihilominus imperatum
laterum numerum exigeret, rem eò deduxit, vt
miserante Domino, populi sui calamitatem, ex
Ægypto sexcenta hominum millia atmis feren-
dis idonea proficiscerentur, regnumque tam
multis capitibus imminueretur, ex quibus antea
multa ad Regem manare commoda necesse erat.
Vt interim taceamus de ea clade, quam accepit,
cum rubri maris vorticibus haustus est, vnà cum
exercitu vniuerso.

*Remedium
præcipuum
auaritiæ
proponitur,
vt scilicet
Princeps
cupiditates
suas intra
modum sua-
rum viri-
um moderetur.*
Ecclesi. 2.
10.
Ibid. n. 4.

10 Sed facilius fortassis huic malo remedium
facerent Principes, si suis moderarentur affecti-
bus, suasque cupiditates intra potentiæ & opu-
lentiæ suæ modum continerent. Nam si Princeps
non admodum diues Salomonem imitari velit,
qui de se ita scribit: *Omnia quæ desiderauerunt oculi
mei, non negavi eis, nec prohibui cor meum, quin omni
voluptate frueretur, & oblectaret se in his, quæ præpara-
ueram; ea nimirum, quæ eodem capite describit*
his verbis, *Magnificavi opera mea, edificavi mihi
domos, & plantavi vineas, feci hortos & pomaria, &
conseui cuncti generis arboribus, & exiruxi mihi pisci-
nas aquarum, vt irrigarem syluam lignorum germinan-
tium, &c.* Quæ prosequitur in eandem sententiam,
suas delicias atque opes enumerans, quas con-
gesserat. Si inquam Princeps tantos concipiat
spiritus, vt se plus æquo velit attollere, atque
ita se in profundendis pecuniis, cum se dant oc-
casiones, gerere, ac si largissimi, & vbertimi pro-
uentus essent, illisque oneribus, quæ subit, feren-
dis idonei, proculdubio multa iniuste patret ne-
cesse est, dum pecuniam omni studio corrådere
fatagit, & modò ærarium fiat locupletius, iura
omnia,

omnia, siue humana, siue diuina pro nihilo habet. Talis Moabitarum superbia, quam per Ieremiam reprehendit Dominus cum ait, *Audiuius superbiam Moab, superbus est valde: sublimitatem eius, & arrogantiam, & superbiam, & altitudinem cordis eius, & quod non sit iuxta eam virtus eius.* Quod ipsum de Ægypto dixit Isaias cum ait, *Superbia tantum est, quiesce.* Quod autem de Moab dixerat Ieremias, ab Isaiā etiam totidem fere verbis repetitur. *Audiuius, inquit, superbiam Moab, superbus est valde, superbia eius, & arrogantia eius, & indignatio eius plusquam fortitudo eius.* Huiusmodi Principem describit Eliphaz apud Iob, cum ait inter cætera, *Tendit aduersus Deum manum suam, & contra omnipotentem roboratus est, &c.* & paulo post. *Habitauit in ciuitatibus desolatis, & in domibus desertis, quæ in tumulos sunt redactæ.* Quæ verba non impiorum miseriam, sed potius felicitatem, qua in hac vita fruuntur, diuitias & potentiam ostendunt: nam sensus est, tantum fore superbi hominis typhum & superbiam, vt quod aliqui Reges, & Imperatores fecerunt, ciuitates alioqui infrequentes, & ab incolis desertas excitare rursus nitantur propemodum à fundamentis, instauratis mœnibus, templis, prætoriis, arcibus: qua in re pecuniarum vim prope infinitam consumi necesse est. Hunc autem esse sensum, ex eo confirmari potest, quod eiusdem libri capite tertio describens Iob eum, cui omnia ad voluntatem fluunt, ait. *Cum Regibus, & consilibus terræ, qui ædificant sibi solitudines.* Cuius dicti eadem est sententia vt exposuimus. Cum ergo Principem talis aliqua inceserit cupiditas, ab exigendis per omne nefas pecuniis vix temperare poterit. Quod autem de

Ierem. 48.
29.

Isai. 30. 7.

Isai. 16. 6.

Iob 15. 23.

Ibid. n. 28.

Iob. 3. 14.

1. Machab.
3. 29.

infanis fabricis dictum est, ad alia omnia transferri potest, in quibus pecuniarum plurimum infumitur, ita Antiochus, cum pecuniam ad immoderatos sumptus & munera deficere animaduertisset, ad rapinas sacrilegas est conuersus. *Et vidit* (inquit scriptura) *quod defecit pecunia de thesauris suis, & tributa regionis modica, propter dissensionem, & plagam quam fecit in terra, ut tolleretur legitima, quae erant à primis diebus, & timuit, ne non haberet ut semel, & bis in sumptus, & donaria, quae dederat ante largam manu, & abundauerat ante Reges, qui ante eum fuerant, & consternatus erat animo valde, & cogitauit ire in Persidem, & accipere tributa regionum, & congregare argentum multum. Et Rex Antiochus perambulabat superiores regiones, & audiuit esse ciuitatem Elymaidem in Perside nobilissimam & copiosam in argento, & auro, templumque in ea locuples valde, & illic velamina aurea, & lorica, & scuta, quae reliquit Alexander Philippi Rex Macedo, qui regnauit primus in Graecia, & venit & quarebat capere ciuitatem, & depredari eam, & non potuit, quoniam innotuit sermo his, qui erant in Ciuitate, & insurrexerunt in praelium, & fugit inde, & abiit cum tristitia magna & reuersus est in Babyloniam. Cum ergo potiundae Ciuitatis, thesaurorumque diripiendorum spe excidisset, tristisque insuper nuntio rei à suis ducibus in Iudaea infeliciter gestae fuisset perculsus, Expanit & commotus est valde, & decidit in lectum, & incidit in languorem praeter tristitia, quia non factum est ei sicut cogitauerat, & erat illic per dies multos, quia renouata est in eo tristitia magna, & arbitratus est se mori. Et vocauit omnes amicos suos, & dixit illis. Decessit somnus ab oculis meis, & concedi, & corruui corde praeter sollicitudine, & dixi in corde meo. In quantā tribulationem deueni, & in quos fluctus*

Ibid. n. 8.

*fluctus tristiſſimæ, in qua nunc ſum, qui incundus eram,
 & dilectus in poteſtate mea? Nunc verò reminiſcor ma-
 lorum, quæ feci in Ieruſalem, unde & abſtuli omnia
 ſpolia aurea, & argentea, quæ erant in ea, & miſi au-
 ferre habitantes Iudaam ſine cauſa. Cognoui ergo, quia
 propterea inuenerunt me mala iſta, & ecce pereō triſti-
 ſſima magna in terra in aliena. Hoc Tyrannorum in-
 genium, qui cum proximorum regnorum domi-
 natum cogitatione; cupiditateque præceperint,
 omnesque theſauros ſpe deuorauerint, ſi in irri-
 tum conatus ceciderint, nec factum ſit eis ſicut
 cogitauerant, perinde commouentur & dolent,
 ac ſi iniuſtè aliquid paſſi eſſent, cum ij ſint, qui
 alios inuadentes iniuſtè violant. Ita Nabuchodo-
 noſor Rex Aſſiriorum cum Medorum Rege Ar-
 phaxad ſuperato, miſiſſet ad omnes, qui habitabant in Iudith 17.
 Cilicia, & Damasco, & Libano, & ad gentes, quæ ſunt
 in Camelo & Cedar, & inhabitantes Galileam in cam-
 po magno Eſdrelo, & ad omnes qui erant in Samaria, &
 trans flumen Iordanem, uſque ad Ieruſalem & omnem
 Terram leſſe, quouſque perueniatur ad terminos Æthio-
 pie; conatuſque fuiſſet, vt gentes iſtæ omnes iu-
 gum ſeruitutis acciperent, ſequæ ſuæ adiunge-
 rent ditioni, idque facere detrectaſſent, & quos
 ipſe legauerat nuntios, nullo honore proſequuti
 eſſent, ſed repulſam paſſos irritos remiſiſſent,
 quaſi iniuria aliqua ultro ab eis prouocatus eſſet
 adeo exarſit, vt belli aduerſus eos gerendi cogi-
 tationem ſuſciperet, quaſi illatam iniuriam vin-
 dicaturus. Tunc indignatus Nabuchodonofor Rex ad- Ibid. n. 11.
 uerſus omnem terram illam, iurauit per thronum, & re-
 gnum ſuum, quod defenderet ſe de omnibus regionibus
 his. Quanto melius Reges iſti ſuas frænantes cu-
 piditates, & intra modum fortunarum ſuarum*

486 *Institutio politica ex sacris Scripturis.*

coërcentes, bonis quibus affluebant fruerentur, *incundique essent & dilecti in potestate sua*, vt dicebat Antiochus, tantisque sumptibus, quos colligendis exercitibus fecerant pepercissent, imo sibi ipsis, quos multas curas continenter exercuisse & exedisse necesse est (vt de Antiocho videmus) quem etiam fluctibus illis tristitiæ, quos memorauit, scriptura ibidem docente, hauustum fuisse

Ecclef. 14. 9. scimus. Sed nimium *insatiabilis est oculus cupidi, in parte iniquitatis*, id est non expletur auarus, etiamsi partem quam iniquè optauit, fuerit consecurus, *Non satiabitur donec consumat arefaciens animam suam*. cupidus enim aliis inuidet, inuidiæque tabescit, & macrescit, & vniuersim quicumque cupiditatibus suis tradunt se, in quamcumque partem ipsæ incubuerint, rapiendos, nusquam quietem animi tranquillitatemque consequentur: nam hydropicis similes sunt, qui quo plus aquarum hauserint, plus sitiunt, *nec enim saturatur oculus visu, nec auris auditu impletur*; cumque multa prætiosa, oculisque aut aliis sensibus blandientia comparauerint, alia præterea exoptant, nec vlus modus est, aut finis, quia radix omnium malorum non præciditur, quam cupiditatem esse discimus ex Apostolo. Sapienter igitur monet Ecclef. cum ait: *Si spiritus potestatem habentis, ascenderit super te, locum tuum ne dimiseris, quia curatio faciet cessare peccata maxima. Quem locum iuxta literalē sensum interpretationem hanc recipere posse puto. Si te inuaserit cupiditas aliqua, quales frequenter in iis excitantur, qui potestatem in alios habent, quia Principes sunt, caue ne de statu illo deiiciaris, quem recta præscribit ratio: nam si perturbationem illam sedaueris, eique medicinā feceris,*

multas

multas euitaueris culpas, quibus illi implicantur, qui oculos cupiditatis ad ea, quæ aliena sunt adificientes, omnem lapidem mouent, vt id quod optauerunt, malis etiam artibus consequantur.

II Illud etiam sibi persuadeat Princeps plus sapientiæ ac consilio fidendum esse, quàm thesauris: nam sine ingentibus pecuniis ac diuitiis Princeps sapientia res suas moderatur & tractat, vt sibi & populis paret incolumitatem. Princeps

*Posse etiam
Principem
non admo-
dum diui-
tæ sibi Rei-
publicæ
prospicere.*

verò insipiens, quamuis Salomonis diuitias habeat, vt contigit Roboamo, omnia tamen prudentiæ, ac consilij inopia perdit, vt ex eiusdem Roboami historia, de qua sæpius diximus, clarissimè pater. *Hanc quoque sub sole vidi sapientiam*, inquit Ecclesiastes, *& probaui maximam. Ciuitas parua, & pauci in ea viri: venit contra eam Rex magnus, & vallauit eam, extruxitque munitionem per gyrum, & perfecta est obsidio. Inuentusque est in ea vir pauper & sapiens, & liberauit urbem per sapientiam suam.*

*Ezech. 9.
13.*

Et Christus Dominus ait, *Videte & caute ab omni auaritia, quia non in abundantia, cuiusquam vita est ex his, quæ possidet.* Quemadmodum enim hominis vnus salus non ex eo pendet, quod multas diuitias parauerit, quibus ea sibi possit coëmere, quæ ad victum, & cultum necessaria sunt; ita totius Reipubl. incolumitas non in eo vertitur, quod pecuniarum abundet copia (quamquam non sit negandum plurimum hoc prodesse, vt supra dictum est) sed potius illius securitas, Principis, ciuiumque virtuti accepta ferenda est, quæ si adsit, & pericula amoliri, & commoda omnia importare in Rempubl. potest: ideo David in Doëg Idumæum inuehitur, quod sperauerit in multitudine diuitiarum suarum, & prauauerit in vanitate sua.

Luc. 12. 15.

Psal. 51. 9.

vel ut vertit Kaldæus, *Fortis factus sit in pecunia sua.* quæ reprehensio in omnes eos conuenit, qui Deo virtutēque posthabita, diuitiarum tantum subsidia, cura intentiore conquirunt.

De fortitudine Principis, & animi magnitudine.

CAPVT XIX.

Quid sit fortitudo de qua hic disputādū: & quatenus corporis fortitudo requiratur in Principe.

Fortitudo, de qua in hoc capite disputamus, est moralis virtus, per quā animus erga ea, quæ sunt acerba, & terribilia, ita rectē se habet, ut neque prauē timendo, neque temerē audendo desciscat propter illā ab officio rectæ rationi consentaneo. Cum igitur hoc sit virtutis huius officium, satis intelligitur corporis imbecillitatem viriumque tenuitatē impedimento esse non posse, quo minus fortitudinis laudem consequi, & tueri possimus. Quanquam autem in Principe viro, bonum corporis habitum, firmasque vires, & laboris patientes omnino necessarias esse non dicimus, cum illius munus vigore potius mentis indigeat, quā firmitate membrorum; tamē quia labores aliqui, in bellis præsertim, Principibus subeundi sunt; qui viribus firmis sunt à natura instructi, eas diligenter tueri; qui paulo sunt imbecilliores, eas quantum industria consequi possunt, augere debent, ut necessitate ingruente ferendis laboribus pares esse possint. Id verò ut Principi contingat etiam magis optandum est, quod frequenter accidit, ut qui valido sunt corpore

pore, periculis etiam repellendis, aut excipiendis animo sint præsentiore, minúsque frangantur aduersis: quanquam etiam, vt dixi, fieri potest vt imbecilla corpora ingentes animos versent in pectore, quod sapiens docuit cum ait; *Spiritus viri* Proul. 18.
sustentat imbecillitatem suam. Porro in Sacris litte- 14.
 ris nonnullos reperio viros in Republica Prin-
 cipes, magnis fuisse viribus instructos. Nam Ca-
 leb vir primarius, ita de se prædicat in libro Io-
 sue: *Hodie octoginta quinque annorum sum sic valens,* Iosue 14.
vt eo valebam tempore, quando ad explorandum mis- 10.
sus sum, illius in me temporis fortitudo usque hodie per-
seuerat, tam ad bellandum quam ad gradiendum; Iudic. 14.
 Multo verò mirabilius Samsonis robur, qui Leones 6.
 tamquam hædos lacertorum violentia lacerauit,
 funes iniectos, quibus constrictus erat, ita dis-
 rupit, *sicut solent ad odorem ignis ligna consumi,* Iudic. 15.
 nique arrepta mandibula interfecit in ea mille viros, 24.
 tandémque cum in hostium suorum potestatem
 venisset, columnas domus, quibus innitebatur, ita
 concussit, vt ingenti ruina procumberet, Philis-
 tæorúmque ingentem ederet stragē, *multoque plu-* Iudic. 16.
res interficeret moriens, (nam ipse domus ruina op- 30.
 pressus est) *quam ante viuus occiderat. nec dissimi-*
lis Daudis fortitudo, qui de se ipso, Saule au-
diente, ita commemorat in Regum historia. Pas- 1. Reg. 17.
cebat seruus tuus patris sui gregem, & veniebat leo, vel 34.
ursus, & tollebat arietem de medio gregis, & perseque-
bar eos, & percutiebam, eruebámque de ore eorum, & il-
li consurgebant aduersum me, & apprehendebam men-
sum eorum, & suffocabam, interficiebamque eos, nam
& leonem & ursum interfeci ego seruus tuus. Porro
 victus, corporisque voluptatum temperantia,
 corporis valetudo sustentatur, & vires augentur,

de qua virtute paucula quædam, quæ in hanc sententiam disputari possent, tunc perstringemus, cum de ea paulo post differemus.

De fortitudine qua spectatur in faciendis & sustinendis aduersis.

2 Quoniam autem, ut ex allata definitione colligitur, fortitudinis est mediocritatem quandam inter timorem, audaciâque constituere, timor autem non solum segnes efficit ad aggrediendum ea, quæ videntur ardua, sed etiam molles in eis perpetiendis, quæ dura sunt, ut in angoribus animi tolerandis, cum res aduersæ incidunt, de utrâque parte disputandum erit. Est autem sapientis viri ac fortis, cum difficilia tempora incidunt, curas graues, quas mente versat, ita premere, ut quantum fieri potest, nullum tristic aut deiectionis signum deprehendi possit; sed quemadmodum rebus prosperis non exultat, ita duris & male cedentibus, tristitiæ ac timoris motus comprimat.

Eccles. 17. 11.

Homo sanctus, inquit Ecclesiasticus, *in sapientia manet sicut sol, nam stultus ut luna mutatur*: qui enim sanctus est, suarumque animi perturbationes ita compressit ut rationi pareant, eundem semper tenorem seruat, semperque sibi similis est: qui verò sunt animo pusillo, & angusto, vel nimis effervunt rebus secundis, vel deprimuntur aduersis; illudque cernitur discrimen, in duplici hoc hominum genere, quod in solis lunæque syderibus; nam sol masculinum quodammodo sydus, non ex altero suum lumen mutuatur, nec modò clarum est, modò obscurum, sed eodem semper tenore clarissimum; luna verò foemineum sydus ac molle nunquam eundem retinet statum, sed cum à sole, cuius radiis incenditur, lumen mutuetur, quantum ad solem accedit, vel ab eo recedit, crescit pariter vel senescit, interdum etiam luminis

luminis defectum patitur, cum scilicet terræ obiectu lumen solis intercipitur; ita qui masculo animi vigore destituuntur variam pro temporum vicissitudine, ac varietate faciem induunt, quique se *in aeternum mouendos* non putarant, ingruentibus curis, ac solitudinibus, vel etiam periculis repente conturbantur, & franguntur. Huius rei præclarū exemplū habemus in Roboamo, qui tumoris & iactantiæ plenissimus iuxta iuniorum consilium populo respondit duriter, ac planè ut ipsi suggesserant, cum dixerant; *Sic loqueris populo qui dixit tibi, Pater tuus aggrauauit iugum nostrum, tu subleua, & sic respondebis eis. Minimus digitus meus grossiore est lumbis Patris mei. Pater meus imposuit vobis graue iugum, & ego maius pondus apponam: pater meus cecidit vos flagellis, ego verò cadam vos scorpionibus.* Sed quanta esset Roboami fortitudo paulo post euentus ostendit, nam surrexit Ieroboam filius Nabat seruus Salomonis filij David, & rebellauit contra Dominum suum, congregatique sunt viri vanissimi & filij Belial, & praua uenerunt contra Roboam filium Salomonis: Porro Roboam erat rudis, & corde pauido, nec potuit resistere eis. Ex quo apparuit ita frequenter accidere, ut qui se magnificè iactant, & gloriosè, cum se se obtulerit occasio fortiter faciendi, ignauia, & pauore torpere, contra verò fortes, nec suas res laudare intemperanter solitos esse, & cum in discrimen veniendum est, animo esse præsentī & erecto, ut Salomon monuit sapienter, cum ait: *Non contristabit iustum, quidquid ei acciderit, & sicut leo ad nullius pauebit occursum.* Vix autem credi potest, quantopere Principis metus ac perturbatio cæteris omnibus, qui ab illius nutu pendent, nocere soleat. Nam priua-

Psal. 29.7.

2. Paralip.
10. 10.2. Paral.
13. 6.Prou. 12.
21.
Prou. 30.
30.

Deut. 20.
5. & 8.

ti etiam vnius timor, ne dum Principis, cum aliis etiam communicatur, facileque quasi vulgato morbo, cunctos inuadit: quare in Deuteronomio præcipitur, vt cum ad bellum cum hostibus gerendum produendum erit, *duces per singulas turmas audiente exercitu proclament, quis est homo formidolosus & corde pauido? vadat & reuertatur in domum suam, ne pauere faciat corda fratrum suorum, sicut ipse timore perterritus est.* Quod accidisse videmus Israël cum reuersi exploratores, qui iussu Moysis promissam à Domino regionem perambulauerant, laudauerunt quidem soli vbertatem ac pinguedinem, sed omnia in maius attollentes, incolarum fortitudinem, corporumque vastitatem, vrbium munitiones ciuiumque frequentiam ita commemorarunt, vt populi animis perculsi de terra illa occupanda penitus desperarent. Nam illius cultores fortissimos esse dixerunt, vrbes verò grandes atque muratas, gigantum stirpem alere, ac tandem terram esse huiusmodi vt habitatores deuoraret, incolas verò tantæ proceritatis, vt ipsi exploratores cum illis comparati quasi locustæ viderentur. Ita quidem ipsi locuti sunt, quantum verò metum populus omnis conceperit, & quam obdurato animo constituerint in Ægyptum potius reuerti, ad veterem illam, durissimamque seruitutem; quàm Mose duce, ad certissimum, vt ipsi existimabant, interitum ruere, scriptura narrat his verbis. *Igitur vociferans omnis turba fleuit nocte illa, & murmurati sunt contra Moysen, & Aaron cuncti filij Israël, dicentes: Vtinam mortui essemus in Ægypto, & in hac vasta solitudine; vtinam pereamus, & non inducat nos Dominus in terram istam, ne cadamus gladio, & uxores*

Num. 14.
1.

res ac liberi nostri ducantur captiui. Nonne melius est reuerti in *Aegyptum*? Dixeruntque aliter ad alterum: *Constituamus nobis ducem, & reuertamur in Aegyptum.* Qua verò ratione seditio compressa sit, & quæ pœna rebelles, & seditiosos, consecuta sit, legat, qui volet loco indicato. Hoc autem vulgi ingenium exploratum habuit Iudas Machabæus dux fortissimus, qui cum Antiocho Rege pugnaturus, Deuteronomij legi parens; Cum constitisset duces populi, tribunos & centuriones, & pentacontarchos, & decariones, dixit his, qui edificabant domos, & sponsabant uxores, & plantabant vineas, & formidolosus, ut redirent unusquisque in domum suam secundum legem. Si igitur vel vnus meticolus, metum suum cum reliquis facile communikat, quamuis ab illius arbitrio non pendeant: quanto magis populum, aut exercitum metus Principis conturbabit, cuius vnus imperium expectant omnes, quemque sapientia, & animi magnitudine cæteris præstantiorem ad eum arbitrantur, ut eo timente, timere, aut fugam capessere, iam non turpe, sed necessarium esse videatur. Prouocabat Goliath in valle Terebinthi ad singulare certamen fortissimos quosque Israëlitarum, nec ullus in tanta multitudine reperiebatur, qui cum illo congredi auderet, imo pauore marcebant in tabernaculis, & attonitis similes stupebant: Audiens autem Saül, inquit Regum historia, & omnes Israëlita sermones Philisthai huiusmodi stupebant & metuebant nimis; facile crediderim, tanto metui causam non magis attulisse proceri illius gigantis immania membra, aut cassidem æream, squamatamque loricam, quam pauorem Principis; quem animo consternato, consilij inopem

1. Mach.

3.55.

1. Reg. 17.

11.

494 *Institutio politica ex sacris Scripturis.*

pem intuebantur. Nihil enim aliud quàm ingentem aliquam cladem expectare potest, qui timore prostratos viderit bellatorum animos; ac præsertim ducis. Propterea sapienter meretrix illa Ierichuntina certissimam se dicebat capere coniecturam victoriæ, quam Israelitæ consecuturi erant, quod ciues sui ingentem aduenientis exercitus metum concepissent. *Novi, inquit, quod Dominus tradiderit vobis terram, etenim irruit in nos terror vester.* Huius autem fortitudinis in aduersis præclarum specimen edidit S. David, nam cum Absalonem magna regni pars sequeretur, illumque ad regni gubernacula conaretur admouere, repentinè mali violentiæ resistere quidem non potuit, sed impetum, quem sustinere non valebat, sapienter declinauit: nam cum ei nuntiatum fuisset. *Toto corde vniversus Israël sequitur Absalon;*

Iosue 2. 9. *non tamen propterea animo consternato se merori dedit, sed cum flerent voce magna, quicumque illum comitabuntur, & abeuntem è ciuitate deducebant, ipse tamen in diuinæ prouidentiae consilio acquiescens, nihilque perturbatus, calamitatis*

2. Reg. 15. *magnitudine, & atrocitate, Si inuenero, inquit, gratiam in oculis Domini, reducet me, & ostendet mihi eam (Arcam scilicet fœderis) & tabernaculum suum. Si autem dixerit mihi, non places, præsto sum, faciat, quod bonum est coram se.* Cùmque tanto in discrimine versaretur, de suorum potius salute, quàm de suo periculo sollicitus, Ethai Gethæum, qui se Regi comitem volebat adiungere, Sadoc quoque & Abiathar Sacerdotes in urbem reuertiiussit, ne, si profugum sequi pergerent, eodem periculo inuoluerentur. Quoniam autè timor mentem perturbat, ne quid facto opus sit dispicere possint

Ibid. n. 23. *possint*

Ibid. n. 25. *possint*

Ibid. n. 25. *possint*

possint ij qui periclitantur, se eo vacuum satis probavit David, cum Chusai Arachitem *scissa veste* Ibid.n.32.
& terra pleno capite obuiam habuit, qui cum Regem suum sequi vellet, optimo sanè consilio à Rege dimissus est, vt cum Sadoc, & Abiathar Sacerdotibus ab Absalone stare se simularer, occultè tamen Regi faueret, & Achitophelis astuta cõsilia disturbarer. *Si veneris mecum*(inquit David Chusai alloquens) *eris mihi oneri; si autem in ciuitatem reuertaris, & dixeris Absalon: Seruus tuus sum Rex: sicut fui seruus patris tui, sic ero seruus tuus, dissipabis consilium Achitophel. Habes autem tecum Sadoc & Abiathar sacerdotes, & omne verbum quod audieris de domo Regis indicabis Sadoc, & Abiathar sacerdotibus: sunt autem cum eis duo filij eorum Achimaas filius Sadoc, & Ionathas filius Abiathar, & mittetis per eos ad me omne verbum quod audiueritis.* Eandem verò animi cõstantiam perpetuo tenuit, donec Absalone extincto, & regno & suis restitutus est. Nihil attinet hoc loco dicere de Iobi in aduersis tolerandis patientia & animi æquitate, cuius vox *Dominus dedit, Dominus abstulit*, omnium ore celebratur, cum non Regibus tantum, qualem & ipsum fuisse non leuibus probatur coniecturis, sed omnibus planè hominibus patientiæ exemplar propositus sit, vt discant, qui ærumnis, doloribusque conflantur quomodo se in illis perferendis gerere debeant: quod ipsum de Tobia affirmare possumus, nã de vtriusque ita scribitur in historia Tobia: *Hanc autem* Tob.2.17.
tentationem ideo permisit Dominus peruenire illi, vt posteris daretur exemplum patientiæ eius, sicut & sancti Iob. Hanc ergo fortitudinis partem, quæ in malis constanti animo perpetiendis consistit, ad
se

se etiam pertinere Principes putent, nam frequenter accidit potentissimis etiam Regibus, ut ad voluntatem res, quæ geruntur minimè fluant, multæque existant, perturbationis, timoris, aut certè mæroris causæ, quibus cedendum non est, sed contra potius obsistendum, animusque vincendus; quod qui faciunt non minorem merentur laudem, quàm qui admotis machinis, & exercitibus arces munitissimas quatunt, & in potestatem redigunt, iuxta sapientis dictum, ita pronuntiantis, *Melior est patiens viro forti, & qui dominatur animo suo expugnatore urbium.* Quem locum explicans D. Gregorius homilia quadam, *Minor est ergo victoria,* inquit, *urbes expugnare, quia extra sunt, quæ vincuntur. Maius autem est, quod per patientiam vincitur, quia ipse à se animus separatur, & semetipsum sibi metipso subiicit, quando cum patientia in humilitate tolerantia sternit.*

Prou. 16.

32.

Homil.

35. in

Euang.

*An fortitudi-
næ repugnet
edere signa
doloris.*

Genes. 37.

34.

Iob 1. 20.

2. Reg. 1.

11.

3 Fortitudini autem non repugnât in priuatis, aut publicis calamitatibus signa quædam doloris edere, quemadmodum scripturis frequenter legimus fortissimos sapientissimòsque viros, iuxta æui illius morem vestimenta scidisse, cum primum tristi aliquo nuntio aures eorum percussæ sunt. Sic Iacob ad conspectum cruentæ illius tunicæ, quam Ioseph nati sui sanguine infectam putauit: sic Iob, & Dauid; ille, cum in caput filiorum suorum domum procubuisse, & sub ea oppressos iacuisse; hic verò, cum fuis Hebræorum copiis Saulem Ionathámque in bello cecidisse cognouit, vestes in argumentum, significatióneque doloris scidisse leguntur. Quod etiam fecit Iosué cum ad Hai infelicitè ab Israëlè pugnatum esset, Domino propter vnius dumtaxat

xat scelus in multorum capita sæuiente. Huc etiā Iosue 7. 6.
 spectat lapidearum confractio tabularum, quas
 Moses cum de Monte descenderet, & populum Exod. 31.
 in religionem, conflato adoratóque vitulo, pec- 19.
 casse comperisset, complosas collisásque commi-
 nuit.. Neque enim ad constantiam pertinet ad
 mala, quæ nobis diuinitus intentantur, non com-
 moueri, ut egregiè docuit D. Gregor. explicās il-
 lud Iob, scidit vestimenta sua. *Nonnulli, inquit,* D. Greg. I.
magna constantia philosophiam putant, si disciplina 2. moral.
asperitate correpti, ictus verberum doloresque non sen- cap. 16.
tiant. Nonnulli verò tam nimis percussionum flagella
sentiunt, ut immoderato dolore commoti, etiam in exces-
su lingue dilabantur. Sed quisquis veram philosophiam
nititur tenere, necesse est ut inter utraque gradiatur. Nō
est enim pondus vera virtutis insensibilitas cordis, quia
& valde insana per stuporem membra sunt, quæ & in-
cisa sentire dolorem nequaquam possunt. Rursus virtu-
tis custodiam deserit, qui dolorem verberum ultra quam
necesse est sentit, quia dum nimia afflictione cor tangitur,
usque ad impatientie contumelias excitatur, & qui per
flagella corrigere male facta debuerat, agit ut nequitia
per flagellum crescat. Contra insensibilitatem quippe Ierem. 5.
percussorum per prophetam dicitur. Percussisti eos, nec 3.
doluerunt, attriuisisti eos, & renuerunt accipere disci-
plinam. Contra pusillanimitatem verò percussorum per
psalmistam dicitur. In miserijs non subsistent, in mise- Psal. 139.
rijs namque subsisterent, si equanimiter aduersa tolera- 11.
rent. At postquam mente inter flagella corruunt, quasi
inter illatas misérias subsistendi constantiam perdunt.
 Hæc aliáque S. Doctor in eandem sententiam.
 Princeps ergo in publicis præsertim calamitati-
 bus, quibus Rempublicam affligi contigerit, sen-
 sum doloris ostendat: hac enim significatione

Luc. 15.
41.

exhibita, pietatem in patriam, charitatem in suos ostender, dum ea quibus ipsi premuntur infortunia ad se etiam pertinere profiteretur: quare sibi apud omnes beneuolentiam conciliabit, tandemque summi Principis Christi exemplum imitabitur, qui Ierosolymæ impendens excidium animo præcipiens solutus est in vberes lacrymas, suæ gentis miseratione commotus.

Magnitudinis animi esse minus secundos rumores qui sparguntur, neglegere.

4 Fortitudinis etiam & magnitudinis animi est, minus secundos rumores, qui de Principibus viris aliquando sparguntur, magno animo ferre, nec statim aut lubricam linguæ ad pœnam trahere, aut eorum, quæ iactantur, impatientia officium prodere. Exemplo sit Moyses, qui cum populum Ægypto eduxisset, iamque suorum ceruicibus barbarorum gladios, qui proximè aberant, impendere videret, ipse verò cum vniuerso exercitu, quâ maris planitie, quâ immanium motum dorso interclusus cogeretur in angustum, nec arma aut tela muniendis corporibus, aut hostibus propulsandis suppeditarent, imminentisque mali expectatio vulgi linguas in ductorem acueret, inuidiam tamen erecto animo passus est, & ipsis ut confiderent, diuini auxilij spe proposita, auctor factus est. Cùmque appropinquasset Pharaon, leuantes filij Israël oculos, viderunt Ægyptios post se, & timuerunt valde, clamaueruntque ad Dominum, & dixerunt ad Moysen. Forsitan non erant sepulchra in Ægypto, ideo tulisti nos ut moremur in solitudine, quid hoc facere voluisti, ut educeres nos ex Ægypto dicentes. Recede à nobis, ut seruiamus Ægyptijs? Multo enim melius erat seruire eis, quam mori in solitudine. Et ait Moyses ad populum. Nolite timere, stete & videte magna Dei, quæ facturus est hodie. Ægyptios enim quos

Exod. 14.
10.

nunc videtis, nequaquam ultra videbitis, usque in sempiternum. Quod Mosi, id Principibus omnibus usu venire solet, ut etiam cum moderatè subditis præsunt, malè audiant, quibusdam rerù ignoratione, aliis perturbatione aliqua animi, plerisque intemperantia linguæ obloquentibus. Quamquam verò latere Principes ista nō possunt, quando maximè etiam arcana, & quæ in cubiculorum penetralibus quis loquutus est, aut cum animo suo meditatus, per delatores, regiis auribus accidunt, ut docet sapiens, *In cogitatione tua Regi ne detrabas, & in secreto cubiculi tui ne maledixeris diuiti, quia aues cæli portabunt vocem tuam, & qui habet pennas, annuntiabit sententiam: nihilominus Principibus propterea irascendum ferè non est, ne forte vitia, quæ obiiiciuntur, videantur agnoscere, sed potius fortiter ferendum: sic enim fiet ut quæ obiiiciuntur sprete citius exoleant, iustitia potius, cæterisque virtutibus, quibus Principes de subditis bene mereri consueuerunt, curandum ut populorum voluntates sibi adiungant, quamquam ne tum quidem cum his artibus usi fuerint, ausim polliceri ab obrectatoribus fore securos, Iniquos, ut ait David, odio habent: scelera vindicant? inclementes audient, aut crudeles: fontibus ratione ducti condonant? pœna aut legis aliqua obligatione bene de republ. meritos solvunt? iam remissi, languidi, & in legum custodia, negligentes appellantur. Sape aliquid, inquit D. Greg. à maioribus dispensatoriè agitur, aut precipitur, quod à minoribus error putatur, quod bene bobus calcitrantibus inclinata illa testamenti arca signavit, quam quia casuram credens leniter erigere voluit,*

Eccl. 10.

10.

Psal. 118.

113.

D. Greg.

5. moral.

cap. 10.

2. Reg 6.

500 *Institutio politica ex sacris Scripturis.*

luit, mox sententiam mortis accepit. Quid est enim mens iusti, nisi arca testamenti, quæ gestata à bobus calcitrantibus inclinatur, quia nonnunquam etiam, qui bene præest, dum subiectorum populorum confusione concutitur, ad dispensationis condescensionem ex sola dilectione promouetur: sed in hoc, quod dispensatorie agitur, inclinatio ipsa fortitudinis casus putatur imperitis. Unde & nonnulli subditi contra hanc, manum reprehensionis mittunt, sed à vita protinus ipsa sua temeritate deficiunt: Leuites verò quasi adiuuans manum extendit, cum delinquens vitam perdidit, quia dum infirmi quique fortium facta corripunt, ipsa uiuentium sorte reprobantur. Et paulo post. Unde rectè Leuites idem Oza dicitur, quod uidelicet, robustus Domini interpretatur, quia presumptores quique, nisi audaci mente robustos, se in domino crederent, nequaquam meliorum facta vel dicta, velut infirma indicarent. Haftenus Gregorius. Satiùs itaque est, cum animo reputare Regium esse, cum bene feceris male audire, eoque impensius curare ut Deo, cui omnis nostra militare debet industria, reliquis omnibus spretis, placeamus, & cum Apostolo dicere; *Mihi autem pro minimo est, ut à vobis iudicer, aut ab humano die.*

1. Cor. 4. 3.

De fortitudine qua cernitur in aggrediendo.

5. Altera fortitudinis pars in audendo posita est, ut nimirum nulla arduarum, terribiliumue rerum formidine deterriti, ea aggrediamur, quæ recta præscribit ratio: in quo temeritas in primis vitanda est, quod illi non faciunt, qui nulla spe bonæ frugis se dant in pericula, ex quibus incolumes euadere nulla ratione possunt. Cuius rei exemplum illustrius in Sacris historiis non reperio, quàm Pharaonis, & Aegyptiorum

ptiorum , qui cum Hebræos infecuti fuissent , *Exod. cap. 14.*
 vt illos reuocarent in seruitutem , cūque Is-
 raëlita in vltiorem ripam superato mari ru-
 bro , quod illis patuerat Diuino miraculo , tra-
 iecissent , ausi sunt cum vniuerso exercitu per
 eandem viam hostes insequi : cuius tamen teme-
 ritatis pœnas statim dederunt , aquis , quæ vtrin-
 que in aggeris modum steterant refluentibus ,
 & vorticibus ita multitudinem illam absorben-
 tibus , vt ne vnus quidem superstes relinque-
 retur , qui tantæ cladis nuntium ferret in Ægy-
 ptum. Nec temeritatis effugerunt notam *Iosephus Zacharia filius , & Azarias Princeps virtutis , 1. Machab. 5.56.*
 qui dixerunt. *Faciamus & ipsi nobis nomen , & ea-
 mus pugnare aduersus gentes , quæ in circuitu nostro
 sunt.* Verum , quia temerarius fuit eorum cona-
 tus , quia non audierunt *Iudam , & fratres eius existi-
 mantes fortiter se facturos ; fugati sunt vsque in fines
 Iudææ , & ceciderunt illo die de populo Israël ad duo
 millia viri , & facta est fuga magna in populo.* Et sub-
 ditur paulo post , *In die illa ceciderunt Sacerdotes
 in bello , dum volunt fortiter facere , dum sine consi-
 lio exeunt in prælium.* Par Azaëlis temeritas , quam *Ibid. n. 61.*
 etiam par exitus est consecutus , nam cum Ab-
 ner Princeps exercitus Isbosethi Saülis filij cum
 exercitu Dauidis infelicitèr pugnasset , fugâque
 sibi consuleret , Azaël Saruiz Dauidis sororis fi-
 lius , qui cursor velocissimus fuit , quasi vnus de capreis , *2. Reg. 2. 18.*
 quæ morantur in syluis persequēbatur Abner , & non
 declinauit ad dexteram neque ad sinistram , omittens
 persequi Abner. Respexit itaque Abner post tergum
 suum , & ait : Tu ne es Azaël ? Qui respondit , ego sum.
 Dixitque ei Abner. Vade ad dexteram , siue ad sini-
 stram , & apprehende vnum ex adolescentibus , &

tolle tibi spolia eius. Noluit autem Asael omittere, quin
 vrgeret eum. Rursumq; locutus est Abner ad Asael; Re-
 cede, noli me sequi. ne compellar confodere te in terram, &
 leuare non potero faciem meam ad Ioab fratrem tuum.
 Qui audire contempsit, & noluit declinare. Percussit er-
 go eum Abner auersa hasta in inguine, & transfodit, &
 mortuus est in eodem loco. Absit ergo à viro Principe
 temeritas, quæ tanto est in illo periculosior, quã-
 to aditis temere periculis, rebus infelicitè gestis,
 maius Reipublicæ detrimentum creatur, quàm si
 priuatus aliquis hominibus in aliquod se vitæ dis-
 crimen coniiciat, à quo Reipub. status, & tran-
 quillitas non dependet. Ea verò adsit fortitudi-
 nis pars, quæ spectatur in periculis, arduisque
 negotiis aggrediendis, difficultatibus, quæ iter
 impeditum, ac difficile reddunt, superatis. Hu-
 ius fortitudinis exemplum habemus in Caleb in
 libro Numerorum, qui cum animaduertisset po-
 pulum, non audere Palæstinorum terram inua-
 dere, quam illis promiserat Dominus, territum
 inani quadam monstrorum specie, quæ explora-
 tores se vidisse iactabant, murmur subortum di-
 ctis compescere conatus est, merùque perculsis
 animos addere, vt sperarent se proculdubio eas
 omnes perrumpere difficultates posse, quibus pro-
 missionis terram putabant obseptam, sibique per-
 suaderent, se ad illius possessionem, modò au-
 derent, non ita multo post peruenturos esse. Af-
 cendamus, inquit, & possideamus terram, quoniam
 poterimus obtinere eam. Et quamuis alij, qui terram
 illam lustrauerant, contra niterentur, dicerent-
 que, Nequaquam ad hunc populum valemus ascende-
 re, quia fortior nobis est; vrgeret tamen non desine-
 bat, animosque addere quantum poterat cona-
 batur,

Num. 13.

31.

batur, dicens : *Ne timeatis populum terra huius, quia* Num. 14.
sicut panem, ita eos possumus deuorare. Nec silentio 19.
 inuoluenda Abrahami fortitudo, qui cum Loth
 consanguineum suum à quatuor Regum exerci-
 tu captum audiisset, *numeravit expeditos vernacu-* Genes. 14.
los suos trecentos decem & octo, & persecutus est usque 14.
Dan, & diuisis socijs irruit super eos nocte, percussit-
que eos : & persecutus est eos usque ad Hoba, quæ est ad
lauam Damasci, reduxitque omnem substantiam, &
Loth fratrem suum, cum substantia illius, mulieres
quoque & populum. Quamuis autem non dicatur
 in scriptura copiarum Regum illorum quatuor,
 quanta fuerit multitudo, par tamen est credere,
 multo plures milites habuisse in castris quatuor
 Reges, quàm potuerit Abraham in tanta celeri-
 tatis necessitate contrahere. Atque propter hanc
 causam crediderim numerum militum Abra-
 ham, in sacra historia expressum fuisse, vt qui-
 cumque factum illud legeret, intelligeret, egre-
 giæ fortitudinis facinus ab eo patratum fuisse,
 qui cum tumultuaria illa paucorum vernaculo-
 rum manu, copiosum Regum nonnullorū exer-
 citum aggredi nō dubitauit. Aliud sanè eximium
 fortitudinis exemplum, imo nō vnicum tantum,
 sed multiplex spectare licet in Machabæis, qui
 Mathathiam filium Ioannis, qui sicut Phinées,
 zelatus est legem Domini, audacter secuti, Ma-
 thathia proclamante, *Omnis qui zelum habet legis* 1. Machab.
statuens testamentum, exeat post me, ausi sunt post 2. 27.
 sacrilegè nefarium hominem, auitæ religionis
 violatorem, trucidatum, bellum aduersus Antio-
 chum Regem potentissimum, eiusque duces sus-
 cipere, & fortiter gerere ; & quamuis numero es-
 sent haud paulo inferiores, acie tamen decerne-

re veriti non sunt, secundis etiam euentibus hoste non semel cæso, & in fugam acto, assertaque genti suæ libertate, ex quo magnam sibi bellicæ fortitudinis gloriam pepererunt. *Sed deficiat me tempus enarrantem, de Gedeon, Barac, Samson, Iephthe, David, & reliquis quamplurimis, qui fortis facti sunt in bello, castraque verterunt exteriorum.* Nam vel ex vno Machabæorum libro plurima afferri possent, quæ ad absolutissimam fortitudinis speciem ob oculos ponendam mirificè facere possent.

Primum adiuventum ad fortitudinem consequendam, de ea scilicet à Deo postulanda, Prou. 3. 14. 6 Aliquot ergo proponamus adiuumenta, quæ ad fortitudinis vim exercendam, cum opus fuerit, non parum prodesse poterunt. Ac primò quidem, quod est cum aliis virtutibus ac Dei donis commune, meminerimus eam esse à Domino postulandam, nam vt dicitur in Prouerbiis, *Mea est fortitudo & spiritus ille fortitudinis*, cuius inter cætera dona meminit Isaïas; dicitur *spiritus Domini*, à quo nimirum largiente proficiscitur: & in Deuteronomio admonentur Israëlita, *ne dicant in corde suo, Fortitudo mea, & robur manus mea, hac mihi omnia præstiterunt*; sed recordentur Domini Dei sui, quod ipse vires præbuerit. Quod egregiè præstitit S. David, cuius illa verba sunt in Psalmo, *Diligam te Domine fortitudo mea, Dominus firmamentum meum, & refugium meum. & Deus qui pracinxit me virtute, & posuit immaculatam viam meam, qui perfecit pedes meos tanquam cernorum, & super excelsa statuens me. Qui docet manus meas ad prælium, & posuisti ut arcum æreum brachia mea, dilatasti gressus meos subtus te, & non sunt infirmata vestigia mea. Persequar inimicos meos, & comprehendam illos, & non conuertar donec deficiant. Confringam illos, nec poterunt*

runt stare : cadent subtus pedes meos , & pracinxisti me virtute ad bellum , & supplantasti insurgentes in me subtus me , & inimicos meos dedisti mihi dorsum , & odientes me disperdidisti , clamauerunt , nec erat , qui saluos faceret ad Dominum , nec exaudiuit eos , & comminuam eos , vt puluerem ante faciem venti & lutum platearum delebo eos : quibus addit S. Vates alia nonnulla in eandem sententiam ex quibus , quod ipse probè intelligebat , omnibus conatur persuadere , se quicquid nactus erat fortitudinis , & potentiae , qua hostium suorum sustinebat impetum , eosque cladibus atterebat , diuinum esse munus à Domino concessum , à quo bona omnia nobis proueniunt , ac proinde in eo dumtaxat esse gloriantium , cuius beneficio fieret , vt ea perficere possemus , ad quæ manus adiuueremus. Quare hanc S. Daudis fortitudinem extollens D. Ambrosius de illo ita scribit , sanè eleganter. *Nunquam (Daud) nisi consulto Domino bellum adorsus est , ideo in omnibus victor praeliis , usque ad summam senectam manu promptus , bello aduersus Titanas suscepto , ferocibus bellator miscebatur agminibus , gloria cupidus , incuriosus salutis.* Propter hanc eandem causam S. Iob hostes suos ad certamen prouocare , aut de illis sibi victoriam polliceri non prius audet , quàm sibi Numen adsit , cuius fretus potentia , nullius declinat congressum , nullumque defugit aduersarium , quantumuis virium confidentia ferocientem , sed victorem se in pugna futurum certissimè statuit , deque eo pollicetur triumphum. *Pone , inquit , me iuxta te , & cuiusvis manus pugnet contra me.*

Lib. I. de
off. c. 35.

Iob 17. 3.

7 Alterum fortitudinis adiumentum à Prudentia petendum est , neque enim robore tantum corporum , ac violentia lacertorū depugnandum

Secundum
adiumen-
tum , de in-
uanda fer-

titudine
industria
adminicu-
lu.

Prou. 30.
30.

Iacob. 3. 7.

Genes. 14.
15.

est, sed vires consilio regendæ sunt, quæ licet longè inferiores videantur, frequenter tamen accidit, vt aduersarios suos deiicient, victoriamque consequantur. Quæ bellua leone sæuior aut fortior, de quo dicitur in Prouerbiis : *Leo fortissimus bestiarum ad nullius pauebit occursum* : & nihilominus hominum longè imbecilliorum industria, ita domantur leones, vt etiam sub iugum missi legantur aliquando. Quod etiam in aliis belluis ferocissimis locum habet, quare S. Iacob. *Omnis, inquit, natura bestiarum, & volucrum & serpentium, & ceterorum domantur, & domita sunt à natura humana.* Cum igitur venit in certamen fortitudinis compositis v. g. exercitibus, non tantum stolidè de fortitudine corporum decertandum est, quod belluarum proprium est, sed quod humanam decet solertiam, ingenij etiam vires exercendæ sunt, & exerendæ, quod adeo à fortitudine alienum non est, vt multorum fortissimorum ducum exemplis probari possit id, quod asserimus. Nam Abraham cuius paulò superius mentionem fecimus, cum quatuor Regum exercitus superare se posse diffideret, si illos interdiu explicata acie prouocasset ad pugnam, nocturnis vsus tenebris nihil minus opinantes aggressus est; tantumque abest, vt hoc aliquid, de fortitudinis gloria detrahat, vt addat quasi cumulum, singularis cuiusdam solertiæ militaris eximiam laudem, stulti enim ac furentis est in pugnam ruere, & totius corporis nisu in id quod semel inuasuris incumbere, cum fieri videamus frequenter, vt qui hunc pugnandi modum sectantur, se ipsos hostium telis induant imprudenter, cum interim qui consilio rem gerunt, vel leui corporis declinatione

natione maxima pericula euadere possint. Hinc varius in bellis stratagematum vsus, vt cum Gedeon pauculis militibus, nam trecentos tantum ad eam expeditionem eduxit, facibus, testaceis lagenis inclusis instructos, de nocte ad Madianitarum hostium castra admouit, ad quæ cum peruentum esset, lagenis repente complofis, micantium ignium ludibrio, in speciem terribili, percussi hostes clangentibus Gedeonis tubis, ita conturbati sunt, vt *vociferantes, ululantesque fugerent*, luculentamque victoriam Gedeon nulla sanguinis effusione reportaret. Res autem quam tractamus de coniungenda nimirum cum viribus industria, non malè fortassis nobis exprimitur in Prouerbiis, cum fortis illius mulieris facinora describuntur, quam cum dixisset Salomon, *manum suam misisse ad fortia*, statim subiungit, & *digiti eius apprehenderunt fusum*, quod artificij genus exercetur industria, vt nimirum intelligeremus hæc duo non tantum in æconomicis officiis, sed in aliis etiam publicis muneribus, siue pacis tempore, siue belli, semper coniungenda esse, vt scilicet fortitudini comes esset industria, sine qua nihil præclarum perfici potest. Nec mysterio vacare videtur, quod apud Hebræos eadem vox *צור* fortem significat, & sollicitum. Quare quod S. Hieronymus Prou. cap. 21. vertit *cogitationes robusti semper in abundantia*, ex Hebr. Pagninus & alij verti posse putant *cogitationes solicii*, quod & alibi locum habet, cum eadem occurrit vox, vt in eodem libro Prou. cap. 12. & 13. videtur enim indicari sollicitudinem istam ad virum fortem ita pertinere, vt ad perficienda, quæ fuerit aggressus, plerumque necessaria sit. Neque fortitudini repugnat

Iud. 7. 21.

Prou. 31.

19.

Prou. 21.

5.

Prou. 12.

24.

Prou. 13.

4.

pugnat cum metus aut discrimen mortis incidere, ad quædam se demittere, quæ alioquin valia videantur, si tamen absit noxa, nec diuinæ legi aduersentur: nec enim mentiri licet, aut peierare, aut dolis grassari. Quæ omnia repugnant ra-

- Iosue 2. 1. tioni, & sine peccato admitti non possunt. Sic
 1. Reg. 21. apud meretricem delituerunt; sic David apud
 13. & 22. 1. Achis Getheorum regem stultitiam in loco simu-
 2. Reg. 17. lauit; sic Ionathas, & Achimaa Absalonis arma
 19. fugientes, in puteum descenderunt, cuius os
 mulier velo quodam obduxit ne videri possent;
 Act. 9. 29. sic tandem D. Paulus sporta per murum demissus
 2. Cor. 11. est ab amicis, vt ab inimicorum violentia se fer-
 13. uaret incolumem.

- 8 Tertium adiumentum est, vt inanibus terro-
 ribus remotis, res quas aggressuri sumus, vt reue-
 ra sunt, consideremus, non vt se nobis ostendunt.
 Nam plerumque fit, vt metu perturbatis, quæ-
 dam magna videantur aut terribilia, quæ si sedato
 animo, detractaque persona quæ sensibus no-
 stris illudit; suæ veræ faciei reddantur, satis ap-
 pareat inanem illum fuisse metum; quo perculsi
 pueriliter formidauimus, vt scilicet nobis illud
 acciderit, quod alicubi dicit Regius Psaltes. *Illic*
 Pfal. 13. 5. *trepidauerunt timore, ubi non erat timor.* Talé sed falso
 Zebul putauit esse Gaal, qui cum militum cuneos
 aduentantes vidisset è specula, Zebul hostilis
 exercitus aduenientis admonebat, qui illū timi-
 dorum more, sine causa trepidare credens, *Vm-*
 Iud. 9. 36. *bras,* inquit, *montium vides quasi capita hominum &*
hoc errore deciperis. & quidem opinio speculatorem
 non fecellit, increpatio tamen Zebul nobis ele-
 ganter timidorum expressit ingenium, qui nihil
 non

non timent, & si de nocte somniant, sibi mali aliquid accidisse, quasi futuri euentus omen sit, sollicitè sibi cauent, nec ad ea, quæ facienda sunt aggredi audent, metu infausi exitus retardati. Egregium huic rei probandæ testimonium sup-
peditaretur ex eodem libro Iudicum, si somnium, de quo ibi agitur, diuinitus ad Gedeonem confirmandum immissum non fuisset: quamuis autem ita sit, tamen illa narratione satis ostenditur quàm facile terriculamentis quibusdam nullius momenti, mentes hominum quorundam meticulo-
forum percellantur. *Cùmque venisset Gedeon, Iud. 7. 13.* inquit (ad castra scilicet Madianitarum) narrabat aliquis somnium proximo suo, & in hunc modum referebat, quod viderat. *Vidi somnium & videbatur mihi, quasi subcinericius panis ex ordeo volui, & in Castra Madiam descendere, cumque peruenissent ad tabernaculum, percussit illud, atque subuertit, & terra funditus coaquauit. Respondit is cui loquebatur. Non est hoc aliud nisi gladius Gedeonis filij Ioas viri Israëlita, &c.* Ita duo illi differebant Madianitæ, qui fortassis cum aliis communicato somnio ita exercitus illius milites affecerunt, vt cum primum increpuit Gedeonis tuba, in effusissimam fugam verterentur. Sic Israëlita exploratoribus, quæ viderant in terra, quam lustrauerant, in maius attollentibus, ac dicentibus: *Terra quam lustrauimus, deuorat Num. 13.* habitantes suos, populus, quem aspeximus procera statura est. *Ibi vidimus monstra, quadam de genere giganteo, quibus comparati quasi locustæ videbamur: adeo commoti sunt & consternati, vt sibi esse putarent vtilius Ægyptum repetere, vbi dūrissimam seruiuerant seruitutem, quàm terram illam inuadere, quam vel ipsorum exploratorum testimonio vber-*
rimam

510 *Institutio politica ex sacris Scripturis.*

rimam esse didicerant, melléque & lacte fluentem, qui si populi aggredientis multitudinem ac vires, quodque caput erat, præsentissimum, quod ad eam diem experti fuerant, numinis auxilium perpendifsent, fierique posse putassent, ut quæ dicebantur ab exploratoribus, non omnino certa essent, tanto suo malo, Domini eos ducentis Imperium non detrectassent.

De incommodorum, quæ timidos & remissos in aggrediendo consequuntur, consideratione.

Prou 10.

4.

Prou. 12.

24.

Prou. 19.

15.

Ecclef. 9.

10.

Prou. 12.

13.

9 Quartum adiumentum est, in mentem reuocare malorum & incommodorum magnitudinem, quæ eos sequuntur, qui remissiores sunt, & languidiores in agendo, contra verò bona plurima quæ fortitudinem, & strenuitatem comitantur. Multus est Salomon in hoc loco tractando, idemque monitum frequenter inculcat, ut excussa pigritia negotiis fortiter manum admouendam esse persuadeat. *Egestatem, inquit, operata est, manus remissa, manus autem fortium diuitias parat. Et manus fortium dominabitur, quæ autem remissa est, tributis seruiet. Et Pigredo immittit soporem, & anima dissoluta esuriat.* Re enim vera ita est, qui magno animo imperium, aut negotium aliud quodcumque capeffit, difficultates, quæ existunt examinat, quæ adhiberi possint remedia solerter inuestigat, & cum inuestigauerit adhibet, & quodcumque facere potest manus sua, instanter operatur, omnes difficultates discutit, omnes salebras complanat, gressusque suos dilatat, ut scriptura loquitur, ut confidenter possit incedere, & res ad publicum ciuitatis statum pertinentes feliciter administrare, & promouere. Contra verò piger, & remissus omnia ita formidans, ac si ab illis extremum aliquod malum metuere deberet, dicit, ut est apud Salomon: *Leo est foris, in medio platearum occidendus sum.*

sum. Ex quo fit, ut cum per huiusmodi difficultates, quas aggredi reformidat, muneri suo desit, omnia pessum eant; ut de eodem inerte sapiens testatur, cum ait: *Per agrum hominis pigri transiui, & per vineam viri stulti, & ecce totum repleuerant vritica, & operuerant superficiem eius spina, & maceria lapidum destructa erat: quod cum vidissem, posui in corde meo, & exemplo didici disciplinam. Parum inquam dormies, modicum dormitabis, paucillum manus conferes ut quiescas, & veniet tibi quasi cursor egestas, & mendicitas quasi vir armatus.* Prou. 24. 30.

10. Quintum adiumentum est, ut fortissimorum virorum exempla nobis ponamus ob oculos, ut eorum excitati exemplo nos etiam fortiter facere condiscamus. Quamuis autem nonnulla hoc capite dicta sunt, ex quibus de fortitudine virorum quorundam eximiorum, quorum scriptura res præclare gestas cum laude commemorat, capere possumus coniecturam; placet tamen S. Ambrosij verba hic inferere, quibus probat bellicam fortitudinem veræ fidei sectatoribus non esse inusitatam: quæ verba propterea afferro, quia exempla dumtaxat ex scripturis petita continent, ac proinde sunt instituto nostro accommodatissima, qui nullis aliis vtuntur in hoc opere firmamentis, adea, quæ dicimus stabilienda, quàm iis, quæ ex sacris Scripturis deprohi possunt. *Quam fortis,* Lib. 1. off. c. 40. Ios. 10. inquit Ambros. *Iesus Naue, ut uno pralio quinque Reges captos sterneret, cum populis suis? deinde cum aduersum Gabaonitas surgeret pralium, & vereretur ne nox impediret victoriam, magnitudine mentis & fidei clamauit. Siet sol, & stetit, donec victoria consummaretur. Gedeon in trecentis viris de ingenti populo, & acerbissimo hoste reuexit triumphum. Ionathas adolescens virtu-* Iudic. 7.

1. Reg. 14. *tem magnam fecit in pralio. Quid de Machabæis lo-
quar? Sed prius de populi dicam Patribus, qui cum es-
sent parati ad repugnandum pro templo Dei, & pro le-
gitimis suis, dolo hostium die laceſſui Sabbathi, malue-
runt vulneribus offerre nuda corpora, quàm repugnare,
ne violarent Sabbathum, itaque omnes lati se obtulerunt
moris. Sed Machabæi considerantes, quod hoc exemplo
gens omnis posset perire, Sabbatho etiam cum ipsi in bel-
lum prouocarentur, vlti sunt innocentium necem fratrum
suorum. Vnde postea stimulatus Rex Antiochus, cum
bellum accenderet per duces suos Lysiam, Nicanorem,
Gorgiam; ita cum Orientalibus suis, & Assyriis attri-
tus est copiis, vt quadraginta, & octo millia in medio
campi, à tribus millibus prosternerentur. Virtutem du-
cis Iuda Machabæi de vno eius milite considerate.*

1. Machab. 6. *Namque Eleazarus cum supereminens ceteris ele-
phantem lorica vestitum regia aduerteret, arbitratus
quod in eo esset Rex, cursu concito in medium legionis
se proripuit, & abiecto clypeo, utraque manu interfi-
ciebat donec perveniret ad bestiam, atque intrauit sub
eam, & subiecto gladio interemit eam, itaque cadens
bestia oppressus Eleazarum, atque ita mortuus est. Quan-
ta igitur virtus animi primo vt mortem non timeret,
deinde vt circumfusus legionibus inimicorum in confer-
tos raperetur hostes, medium penetraret agmen, & con-
tempta morte ferocior, abiecto clypeo, utraque manu
vulnerata, molem bestie subiret, ac sustineret, post infra
ipsam succederet, quo pleniori feriret ictu, cuius ruina
inclusus magis quàm oppressus, suo est sepultus trism-
pho. Nec fefellit opinio virum, quamuis regius fefellerit
habitus. Tanto enim virtutis spectaculo defixi hostes
inermem occupatum incurſare non ausi, post casum
ruentis bestie sic trepidauerunt, vt impares se omnes
vnius virtuti arbitrarentur. Denique Rex Antiochus,*

qui cum centum viginti millibus hominum armatus venerat, & cum triginta duobus elephantis, itant ad ortum solis per singulas bestias velut montes quidam armorum corusco tamquam lampadibus ardentibus refulgerent, vnius territus fortitudine, pacem rogare. Itaque Eleazarus heredem virtutis sua pacem reliquit. Hactenus Ambrosius.

De perseverantia & constantia Principis.

C A P V T XX.

AD fortitudinem perseverantia pertinet, cuius pars potentialis est, ut morales Philosophi loquuntur. Eius enim munus est animi perficere, & obdurare, ut licet diuturnitas operis molestiam afferat, in opere tamen inchoato perficiendo persistatur, quamdiu recta ratio præscripserit. Nec multum differt constantia, cuius officium est efficere, ut firmiter persistatur in bono contra difficultates ex quibuscumque aliis circumstantiis proveniant. De utraque accipi potest illud D. Iacobi, *Vir duplex animo inconstans est in omnibus viis suis.* Quem enim S. Apostolus *duplicem animo* dixit, is in Græco textu διψυχος, appellatur, qua voce interpretes eum significari volunt, qui in diversa rapitur, ac distrahitur, nec institutum tenet, sed subinde ad alia mentem & studium applicat. Syrus in sua paraphrasi hunc eundem sensum exhibuit, ait enim *dubius seu divinus mente sua, & commotus in omnibus viis suis.* Has

Explicatur quid sit perseverantia & constantia, ut hic accipitur, & Moysi & aliorum exemplo illustratur.

Iacob. 1. 8.

ergo virtutes, quæ tam modico discrimine separantur hoc capite coniungemus, nam quæ de vna afferri possunt ad aliam etiam facile accommodabuntur. Occurrit autem inter alios omnes S. Moses, quem perseverantiæ & constantiæ singularis absolutissimum exemplar Principi ponamus ob oculos, qui diuturno tempore plurimas exhausit molestias in opere complendo, quod Deo mandante susceperat, populi nimirum ex Ægypto educendi, & in promissionis terram inducendi, quod tamen decus Iosue Moïsi successoris reservatum est. Primum enim quot repulsas à Pharaone passus est, abeundi facultatem Israëlitis denegante, & rem in longum trahente, ut non dierum tantum, aut mensium, sed annorum etiam aliquot spatium, non improbabilibus argumentis, putent aliqui intercessisse, ab eo tempore, quo primum abeundi in desertum facultas postulata est, usque ad illud, quo tandem malis fatigatus & fractus Pharaon, expressam tot cladibus discedendi potestatem concessit. Quas verò difficultates expertus non est cum populo illo duræ cervicis & refractario, is cui ut inquit S. Stephanus, noluerunt obedire Patres nostri sed repulerunt, & auersi sunt cordibus suis in Ægyptum dicentes ad Aaron. Fac nobis Deos, qui precedant nos. Moyses enim hic, qui eduxit nos de terra Ægypti, nescimus quid factum sit ei, & vitulum fecerunt in diebus illis, & obtulerunt hostiam simulacro, & latabantur in operibus manuum suarum. Quæ scelera quantum mœroris Moysi afferrent, facile quis æstimare potest, & ex illius etiam facto cognoscere, cum in tanti vindictam sacrilegij multa civium suorum millia in castris cædi iussit. Adde molestissimam iuris dicendi

Act. 7. 30.

Exod. 32.

2.

dicendi sollicitudinem, quam aliquamdiu, in tanta populi multitudine, tamque multis controuersis, quantas in ea extitisse par est credere, solus sustinuit. Nam *sedebat Moyses ut iudicaret populum, qui assistebat Moysi à manè usque ad uesperam*, quamquam laborem cum aliis minoribus iudicibus postmodum partitus est, lethro illius socero modum illum agendi reprehendente, dicebat enim: *Non bonam rem facis, stulto labore consumeris tu, & populus iste, qui tecum est: ultra vires tuas est negotium, solus illud non poteris sustinere.* Nec verò paucis aliquot diebus, aut mensibus, sed solidis quadraginta annis tantæ gubernationis tædium deuorauit. Hoc ego sanè præstantissimum perseuerantiæ paradigma esse existimo. Nam si multi reperiuntur; qui onera ista gubernationum libenter subeant, magistratusque ambiant, non est sanè mirum, sua enim commoda, suos honores, suos quæstus, & compendia quærunt: at eum qui inanibus honorum titulis nihil moueatur, qui auaritiæ non seruiat, sed diuinæ tantum vocationi parendi studio tantos, tam diuturnos labores sustineat, cum præsertim pro beneficiis in Rempublicam collatis obrectationes rependuntur, & conuitia, hunc ego excellenti perseuerantia & constantia præditum affirmo. Hoc autem passus est Moyses, de quo S. Dauid canit in Psalmo: *Et irritauerunt Moysen in Castris Aaron sanctum Domini.* Nec tamen cum ista pateretur, quidquam de ea beneuolentiâ remisit, qua populum illum complectebatur, sed peccantem, sceleribusque diuinam prouocantem vindictam, ita apud Dominum imminentiâ, & debita ipsis mala deprecando tuebatur, ut se pro illis aut mactandum, aut de libro

Exod. 18.

14.

Ibid. n. 17.

Psal. 105.

16.

Exod. 32.
32.

Ibid. n. 19.

Lib. 3. in
epist. ad
Ephes. c. 4.

vitæ, in quo se scriptum nouerat, delendum offerret, tantum ut à suorum ciuium ceruicibus impendentem perniciem auerteret. *Obsecro*, dicebat, *aut dimitte eis hanc noxam, aut si non facis dele me de libro tuo, quem scripsisti*; tamdiuque Dominum precibus fatigando institit, donec quod volebat impetrauit. in quo etiam illud obseruatione dignum est, non sua Moysen commoda, aut honorem spectasse, cum tanto nisu imminentem populo calamitatem conabatur amoliri, quippe qui si voluisset, magnæ ipse gentis Parens ac Princeps esse potuisset Domino illi pollicente, *Faciam te in gentem magnam*: sed suum ipse urgere propositum maluit, suisque posthabitis commodis populum sibi creditum esse optauit incolumem, quod etiam diu oratione luctando consecutus est. Hoc igitur Princeps constitutum habeat apud se, cum semel re bene per se ipsum perpenſa, aut in consilium adducta, sententia steterit, in ea permanendum esse, nec ullis difficultatibus, blanditiis, precibus cedendum, sed omnia perseuerantia, ac constantia perrumpenda. Talem in arrepto proposito constantiam & perseuerantiam in SS. Ioseph, & Iob agnoscit & prædicat D. Hieronym. cuius illa sunt verba: *Ioseph unum habebat propositum placere Deo, hoc nulla varietate temporis immutatum est, nec fratrum inuidia, nec conditione seruitutis, nec atavis illecebris, nec Domina repromissis, nec squalore carceris, nec postea timore Egyptia potestatis, sed semper unus fuit, & varietatem temporum redimens, malos dies vertit in bonos. Hoc idem est de Iob sentiendum, quod per varia tentamenta vexatus, nec diuitiis nec damnis, nec orbitate, nec vulnere, nec exprobratione amicorum, nec solitudine, nec postea honorum omnium restitutus*

restitutione mutatus est. Hæc D. Hieronymus. Quare D. Paulus cum vereretur, ne forte veniret in suspicionem apud Corinthios leuitatis cuiusdam quod propositum Corinthum veniendi, vt pollicitus fuerat, mutasset, hanc suspicionem, abstergere conatur diligenter. *Cum ergo hoc voluisssem,* ^{2. Cor. 1.} *inquit vt scilicet venirem ad vos, nunquid leuitate* ^{17.} *usus sum? aut quæ cogito, secundum carnem cogito.* Græc. *βουλευόμεαι*, id est, delibero, & statuo, vt nimirum leuitate quadam, mobilitateque naturæ, ac mutabilitate, aut (quod ij facere solent, qui carnis sectantur prudentiam) mea dumtaxat commoda, aut lucra secutus, ita mutavi sententiam *ut sit apud me, est, aut non.* Se autem ab isto agendi modo vehementer abhorreere propterea probat, quod in docendo vanus nunquam fuerit aut fallax, sed semper idem ac sibi constans, *Fidelis autem Deus, quia sermo noster, qui fuit apud vos, non est in illo, est, aut non.* Par igitur non est credere eum, qui nunquam in docendo fecerit, quamuis tam multos habuerit aduersarios, tamque grauibz periculis propterea caput suum obiecerit, deinde in tantula re voluisse cuiquam fucum facere.

2 Porro ad constantiam Principi commendandam illud opportunum esse crediderim quod Deus, cuius viuum quoddam simulacrum in terris Princeps est, voluntatis suæ propositum non mutat, vt de se ipse testatur apud Malachiam cum dicit, *Ego Dominus, & non mutor.* & sententia est. Nullus existimet me nunc malos hominum mores probare quos antea solebam detestari, & auerfari, nam idem semper sum, nec placitum meum in diuersa distrahitur, ita vt modò in hanc partem propendeam, modò in illam, sed semper eodem

Commendatur Principi constantia, quod cum Deo simile faciat.
Malach 3.
6.

518 *Institutio politica ex sacris Scripturis.*

tenore constantiam seruo, eadem probans, eadēque improbens. Vbi notandum in Hebræo vocem illam, mutor, esse שָׁנִית, quod verbum inconstantiam quamdam significat, cum scilicet quis nunc hoc vult, nunc illud: cui opinor apud Græcos optimè respondere id, quod ipsi dicunt ἐνδράζειν siue ἐνδράζειν, quorum verborum radix, est vox δύο, duo. Illi autem dicuntur ἐνδράζειν, qui nō vnum volunt sed duo, nunc scilicet hoc, postmodum illud. Quod inconstantium est, & in eodem mentis proposito minimè persenerantium. Idem verò significat vox Hebræa, quæ est in contextu Malachiæ, nam est à radice שָׁנִית à qua deducitur שָׁנִי & שָׁנִי duo. nec sine mysterio dixit ego יְהוָה scilicet Dominus, eo vocabulo vtens, quod ab esse deriuatur vt significaret se eum esse, cui conuenit semper eodem modo esse, & à quo omnis mutatio alienissima est. Hanc eandem Dei immutabilitatem humanæ mobilitatis contentione commendat etiam Balaam in libro Numerorum. *Non est, inquit, Deus quasi homo, vt mentiat, nec vt filius hominis vt mutetur. Dixit ergo & non faciet, locutus est & non implebitur.* & D. Iacobus in sua Canonica epistola de Deo dixit. *Apud quem non est transmutatio nec vicissitudinis obumbratio.* Hanc autem constantiæ laudem magnam, & humano fastigio celsiorem esse putauit sapientissima illa mulier Thecuitis, quæ Absaloni reditum in Patriam impetrauit. quæ Dauidem laudans & in promissione stabilem reddere cupiens cum Angelo compararat verbis illis: *Fiat verbum Domini mei Regis sicut sacrificiū: sicut enim Angelus Dei, sic est Dominus meus Rex, vt nec benedictione, nec maledictione moueatur, vnde & Dominus Deus tuus est tecū.*

Num. 23.
19.

Iacob. 1.
17.

1. Reg. 14.
17.

3 Nec verò, qui facile mutatur, à diuinæ tantum perfectionis imitatione, aut Angelorum longe abest, sed inter homines etiam effugere non potest leuitatis, & stultitiæ cuiusdam notam. Itaque omnes, qui honoratiorem aliquem locum occupauerint in Republ. hanc constantiæ laudem affectare solent. Quare Pilatus vrgentibus Iudæis, quibus gratificari studebat, & in quorum gratiam scelus omnium grauissimum susceperat vt scilicet innocentem Christum cruci adiudicaret innoxium, se tamen è sententia dimoueri non est passus, vt aliis verbis crucis inscriptionem conciperet, sed eam quam semel dictauerat retineri voluit, petentesque vt eam mutaret, reiecit dicens, *Quod scripsi scripsi*. Et Christus Dominus

Inconstantes etiam inter homines leuitatis infamia laborare.

Ioan. 19.
22.

Quid, inquit, existis in desertum videre? Arundinem vento agitatam? & tandem Ecclesiastici auctor de inconstantibus, & constantibus hoc iudicium profert. *Homo sanctus in patientia manet, sicut sol; stultus autem sicut luna mutatur.*

Matth. 11.
7.
Eccles. 27.
12.

4 Sed alia etiam ratio afferri potest, propter quam par est, eum qui ad opus aliquod manum admouit, in eoque non nihil progressus est, inchoatum bonum prosequi debere, & vrgere, donec illud omni ex parte perfecit, quia nimirum labor omnis, qui in promouendo illo opere utiliter, & laudabiliter positus est perit, & in irritum cadit, si opus imperfectum relinquatur. Præclare vt omnia, hoc docuit S. Gregor. & testimo-

Aliud incommodum proponitur, quod incurrunt ij, qui in bene captis non perseverant, quod eorum quæ iam facta sunt iacturam faciunt.

520 *Institutio politica ex sacris Scripturis.*

- niis ex sacra Scriptura depromptis confirmauit.
- Pastor. p. 3. Si inchoata, inquit, bona fortis operantis manus ad
admonit. perfectionem non subleuat, ipsa operandi remissio contra
35. hoc quod operatum est, pugnat. Hinc est enim, quod per
Prou. 18. Salomonem dicitur, qui mollis & dissolutus in opere suo
9. fuerit, frater est sua opera dissipantis, quia videlicet qui
cepta bona districte non exequitur, dissolutione negligencia
manum destruentis imitatur. Hinc Sardis Ecclesia
Apoc. 3. 2. ab Angelo dicitur: Esto vigilans, & confirma cetera,
que moritura erant, non enim inuenio opera tua coram
Deo meo. Quia ergo plena coram Deo eius opera in-
uenta non fuerunt, moritura, reliqua etiam, que erant
gesta pradicebat. Haftenus D. Gregorius.

5 Sed his, quæ haftenus generatim disputauimus, paucula quædam monita subiicienda sunt, quæ huc spectant, & Principes magis peculiari-
ter instruunt, qua ratione se gerere debeant. Primum est, valde laudabilem esse constantiam in ministris, & magistratibus non facile à suis muneribus amouendis.

Iob 4 18. id tamen passim factitare & quælibet offensioncula ita commoueri, ut quem omnibus honorum titulis cumulaueras, statim deicias, & inconstantiæ nota non vacat, & prudentes ac cordatos homines ab illorum Principum aulis, qui huiusmodi sunt, deterret, & reuocat, vel si adhuc in illis hæreant, segniores reddit & timidiore in iis

urgendis , quæ Principis commoda , aut vtilitates promouere possent ; illud enim tantum student , vt offensionibus ciuitatis , res suas collocent in tuto. In quo sanè optimam conditionem (vt in reliquis etiã omnibus) ij nacti sunt , qui se ab illis aularum fluctibus subducentes , & arriudentem pelagi malaciam suspectam habètes, Dauidem audierunt monentem. *Nolite confidere in Principibus , in filiis hominum , in quibus non est salus.* atque propterea eam vitæ rationem instituerunt , vt cum gaudio dicere possent , *Mihi adherere Deo bonum est* , qui exhibita sibi obsequia , & agnoscit , & largè muneratur , nec ita nostris culpis irritatur , vt irreconciliabiles cum seruis suis inimicitias gerat.

Psal. 145.

3.

Psal. 71.

28.

6 Alterum monitum est , vt constantiam suam contra muliebres assultus bene muniat : fit enim frequenter vt Princeps recti tenax , & virorum in aula Principum precibus inuictus , vxoris aut filiæ , aut quod peius est scorti alicuius aulici frångatur mellitis verbis , aut lacrymis , eaque concedat , quæ neganda fuerant ; aut etiam ad ea designanda moueatur , quæ sine aliorum iniuria fieri non possunt. Sunt enim mulieres quâ blâdiendo , quâ irascendo , & minando , quâ dolos nectendo , in iis , quæ obtinere volunt eblandiendis , admirabili arte instructæ , vt se ab illis iustitia & officio incolumi expedire facile non sit.

Cauendum Principibus ne eorũ constantia mulierum precibus infringatur.

Blandiebatur Sampson Dalida , qua fundebat apud Sampson lachrymas , & querebatur dicens. Odisti me , & non diligis , idcirco problema , quod proposuisti filiis populi mei , non vis mihi exponere. At ille respondit: Patri meo , & Matri nolui dicere , & tibi indicare poterò ? Septem igitur diebus conuiuij flebat ante eum . tan-

Iud. 14. 6.

522 *Institutio politica ex sacris Scripturis.*

démque die septimo, cum ei esset molesta exposuit, qua statim indicauit cinibus suis. Irascebatur Iobi coniux marito suo, quem tot ærumnis circumuentum putabat, quod nimis constanter, iustitiam simplicitatémque coluisset, & quasi vnguis in ulcere illius dolorem reddebat acerbiorém : nam

Tob. 2. 9. *dixit illi uxor sua : Adhuc tu permanes in simplicitate tua ? Benedic Deo, & morere. vel ut est in aliquibus* Genesis codicibus *ita illum alloquebatur. Quousque persequeris dicens, ecce adhuc paulisper permaneam sperans salutem meam ? Ecce enim extincta est memoria tua, uteri mei labores atque dolores, quos cum angore tuli. Tu autem in vermium sterquilinio confides, sub dio pernoctans, & ego errabunda, & ancilla locum ex loco peragrans, domumque ex domo, spectans dum sol occidat, & à laboribus acquiescam, à doloribusque qui me opprimunt. Loquere verbum aliquod aduersus Deum, & morere.* Per simili modo exercitus est Tobias, nam cum ipse domui suæ bene præpositus cauendum admonuisset, ne aliquid inferretur, quod furto sublatum esset, vehemèter uxor illius commota pietatem illius amarè irridere cœpit, ut eas, quas fecisset eleemosynas quasi penitus inutiles exprobrare : dicebat enim. *Manifestè vana facta est fides tua, & eleemosyna tua modò apparuerunt.* atque his, & aliis huiuscemodi verbis exprobrabat ei. Sed nec Anna Tobiae uxor, nec Iobi cōiux molles viros, & qui duris rebus frāgi possent, nactæ sunt. Imbecilliorém Iezabel, quæ virum suum Achab

3. Reg. 21. *his verbis irridebat. Grandis auctoritatis es, & bene* Regis Regnum Israël. *Surge & comede panem, & aquo* animo esto, *ego dabo tibi vineam Naboth Iezrahelice.* Quibus verbis adeo fractum est prius illud Achabi propositum, iustique tenacitas, (quam

quam illud recti studium non fuit, sed potius abiectionis quædam degeneris animi), ut qui prius vineæ cupiditatem ita comprimebat, ut tristitia ac mærore propemodum contabesceret, uxoris animatus verbis, consenserit audaciæ, eamque facinus impium ac detestandum patrantem non prohibuerit. Nec fortior Herodes, qui Ioannē Baptistam, quem sanctitatis nomine venerabatur, quem libenter audiebat, quoque audito multa faciebat, impuræ tamen mulierculæ postulationi resistere non sustinuit, sed annuit postularis, magnæque iustitiæ peruersione reus adulter in infonem monitorem, capitalis supplicij pœnam statuit, & quia Herodiadem noluit contristare, mis- Marc. 6.
 so spiculatore præcepit afferri caput eius in disco, & de- 26.
 dit illud puella, & puella dedit matri suæ. Quanto sapientius Salomon, ad quem cum Mater Bethsabee venisset, ut loqueretur ei pro Adonia (uxorem postulabat Adonias Abisag Sunamitidem) eam quidem perhonorificè, ut matrem excepit, nam surrexit Rex in occursum eius, adorauitque eam, & se- 3. Reg. 2.
 dit super thronum suum, positusque est thronus matri 19.
 Regis, quæ sedet ad dexteram eius. Dixitque ei, Petitionem unam paruulam ego deprecor à te, ne confundas faciem meam, & dixit ei Rex. Petè mater mea, neque enim fas est ut auertam faciem tuā. Quæ ait, detur Abisag Sunamitis Adonia fratri tuo uxor. Sed cum Salomon, causis quibusdam ductus, id omnino publicæ paci noxium iudicaret, adeo matri postulanti quod volebat non concessit, ut etiam Adoniam, quem his attribus ad regnum grassari sentiebat, iusserit interfici. Quam utinam constantiam ad exitum usque vitæ semper seruasset, sic enim mulierum blanditiis & precibus superatus,

524 *Institutio politica ex sacris Scripturis.*

3.Reg.11. 4. tus, Idololatriæ scelus grauissimum non suscep-
 4. pisset. Nam cum iam esset senex deprauatum est cor
 eius per mulieres, ut sequeretur Deos alienos, nec erat
 cor eius perfectum cum Domino Deo suo, sicut cor Da-
 uid patris eius. Sed colebat Salomon *Astharthē* Deam
 Sidoniorum, & *Moloch* idolum *Ammonitarum*. Fecit-
 que Salomon, quod non placuerat coram Domino, &
 non adimpleuit ut sequeretur Dominum sicut *Dauid*
Pater eius. Tunc edificauit Salomō fanum *Chamos* ido-
 lo *Moab*, in monte qui est contra *Ierusalem*, & *Moloch*
 idolo filiorum *Ammon*. Atque in hunc modum fecit
 vniuersis vxoribus suis alienigenis, quæ adolebant thu-
 ra, & immolabant dijs suis. Hic igitur tantus vir,
 quem vniuerso *Hebræorum* Regno imo cæteris
 etiam nationibus admirationi fuisse scimus, pro-
 pter ingenij, sapientiæ, opulentiæ propemodum
 infinitæ magnitudinem, de constantiæ statu mu-
 lierculis trahentibus miserè deiectus & à veri
 Dei cultu ad Idolorum profanitates fœdè tradu-
 ctus est, ut vel hoc vno exemplo liquidissimo
 appareat, verissimum fuisse quod Dominus tan-
 to ante prædixerat, cum populo suo vetuit ne
 gentilium idololatratorum filias sibi vxores adiun-
 gerent, dicens: *Non ingrediemini ad eas, neque de*
 3.Reg.11. 2. *illis ingredientur ad vestras. certissimè enim auer-
 tent corda vestra, ut sequamini Deos earum.* Quod si in
 grauissimo religionis negotio, in quo etiam aliis
 sceleribus maculati homines constanter omnem
 labeculam auersantur, euincunt tamen mulieres
 ut eiurata veteri religione muta simulacra Dæ-
 monum colantur pro numinibus, Deo ipso con-
 tempto cui grauissima infertur iniuria; quàm
 procliues fore putamus ad alia minora peccata,
 quæ cum Dei cultu non ita aduersa fronte pu-
 gnant,

gnant, cuiusmodi sunt iniuriæ, rapinæ, cædes, quæ tamen, qui committere sustinent, cum constantia, æternæ salutis iacturam faciunt, nulla humana ope reparabilem.

7, Illud tandem aduertendum est dum constantiam aut perseuerantiam sectamur, vt caueamus pertinaciam, quæ tunc potissimum incurritur cū post captum consilium de aliqua re perficienda, aut etiā post eam inchoatam, nouæ aliquæ rationes apparent, quæ prius latuerant, quibus sua-

*Ita ample-
ctendā cō-
stantiā, ut
vitiū Per-
inacia nō
incurra-
tur.*

detur vt desistamus ab incepto, nam rationi ceddendum est, consiliaque in melius mutanda. Nec verò huius rei pudere nos debet, nam cum sint incertæ providentiæ nostræ, vt dixit Salomon, debent etiam esse cogitationes mortalium timide, vt ibidem dicitur, vt scilicet, nunquam sententiæ nostræ ita adhæreamus, quin suspicio aliqua nos subeat fieri posse, vt nostra nos fallat opinio, ac proinde melius sit rem illam contra quam aggressi fueramus, diuersa omnino ratione, instituere, ac profèqui. Propterea dicitur in Ecclesiastico.

Sap.9.14.

Homo sapiens in omnibus metuet, quippe qui experientia didicit, nonnunquam accidere, vt quæ nobis optima videbantur consilia, appareant deinde deterrima, & maximè noxia. Est autem maximè vitandum genus illud pertinaciæ, quod omnium pessimum iudico, cum scilicet, non solum consilia, quæ ab amicis, aut prudentibus consiliariis suggeruntur, reiciuntur, sed nec ad aures admittuntur, sunt enim aliqui *Sapientes apud se-*

*Eccles.18.
27.*

Prou.3.5.

metipsos, prudentiaque sua adeo innitentes, contra quam præcipit Salomon, vt aliorum cogitata fastidiant quasi inutilia, aut minus bona, eaque etiam audire contemnant. Imo fieri potest vt eo

deue

526 *Institutio politica ex sacris Scripturis.*

deueniatur interdum vt respuantur , aut non audiantur , quæ salutariter admonent alij , quia libidine v. g. vindictæ , aut alicuius alterius perturbationis clauduntur aures , ne si forte meliora consilia suggerantur , pudeat in ea sententia , quæ stetit , pertinacius hætere. In os optimè quadrat
 Psal. 57.3. mea quidem sententia illud Dauidicum. *Furor illis secundum similitudinem serpentis sicut aspidis surda & obturantis aures suas , quæ non exaudit vocem incantantium , & venefici incantantis sapienter. Quem admodum enim vulgari Philosophorum placito traditum est , surdas aspides cum à veneficis incantationibus vrgentur , aurem alteram terræ applicare , in alteram extremam caudam immittere , ne magico illo carmine ad illud adigantur quod facere recusant ; ita pertinaces isti nolunt intelligere vt bene agant , consiliaque salutaria audire recusant , quia veram salutem auersantur , hi planè sunt ij , de quibus dicitur apud Zachariam :*
 Zachar. 7.9. *Hæc ait Dominus exercituum dicens : Iudicium verum iudicate , & misericordiam & miserationes facite unusquisque cum fratre suo ; & viduam , & pupillum , & aduenam , & pauperem nolite calumniari. Quæ sanè capita hypothesis quædam sunt , & thema earum adhortationum , quibus viros Principes consiliarij fideles & sapientes admonere solent , vt ad virtutis normam actiones suas exigant , quæ si audire refugiant vt liberiùs peccet , iam in eos conuenit quod Propheta subdit. Et noluerunt attendere , & auerterunt scapulam recedentem , & aures suas aggrauauerunt ne audirent. Sed de consiliariis audiendis alius erit dicendi locus.*

De

De magnificentia Principis.

CAPUT XXI.

PRincipem, qui in Republica maxima est, *Explicatur quid sit magnificentia, & Salomonis exemplum proponitur.*
 parua non decent, sed ut potestate gradu-
 que inter cæteros omnes excellit, ita par est in
 pecuniis expendendis cum opus aliquod facien-
 dum est, sordidum non esse, sed ita largum, ut
 status sui magnitudinis operi etiam amplitudo,
 & dignitas proportionem respondeat, appareatque
 cogitationem illam, & administrationem rerum
 magnarum & excelsarum, ex ampla quadam &
 splendida animi propositione proficisci quæ pe-
 cuniis non seruit, ut auari homines faciunt, &
 illiberales. Non desunt autem in Scripturis san-
 ctis eximiæ cuiusdam magnificentiae exempla ma-
 ximè illustria: ex quibus duo illustriora seligo, al-
 terum Salomonis, alterum Aslueri. Ac de Salo-
 monis quidem magnificentia in Ierosolymitano
 templo ornando dictum est, cum de religione di-
 sputaremus; quare satis nunc fuerit Regiarum
 domorum, quas sibi Rex sapientissimus & opu-
 lentissimus ædificauit, ut in sacris litteris propo-
 nantur, magnificentiam describere: ita autem
 legimus in tertio libro Regum. *Domum autem suam 3.Reg.7.1.*
ædificauit Salomon tredecim annis & ad perfectum us-
que perduxit. Ædificauit quoque domum saltus Liba-
ni centum cubitorum longitudinis, & quinquaginta cu-
bitorum latitudinis, & triginta cubitorum altitudinis;
& quatuor deambulacra inter columnas cedrinæ, ligna
quippe cedrina exciderat in columnas; & tabulæ ce-
drinæ

drinis vestiuit totam cameram, quæ quadraginta quinque columnis sustentabatur. Vnus autem ordo habebat columnas quindecim contra se inuicem positas, & è regione se respicientes, aequali spatio inter columnas, & super columnas quadrangulata ligna in cunctis aqualia. Et porticum columnarum fecit quinquaginta cubitorum longitudinis, & triginta cubitorum latitudinis & alteram porticum in facie maioris porticus, & columnas, & epistylia super columnas. Porticum quoque solij, in qua tribunal est, fecit, & texit lignis cedrinis à pavimento usque ad summitatem, & domuncula, in qua sedebatur ad iudicandum, erat in media porticu simili opere. Domum quoque fecit filia Pharaonis (quam uxorem duxerat Salomon) tali opere quali & hanc porticum. Omnia lapidibus pretiosis qui ad normam quandam, atque mensuram, tam intrinsecus quàm extrinsecus ferrati erant, à fundamento usque ad summitatem parietum, & extrinsecus usque ad atrium maius. Fundamenta autem de lapidibus pretiosis, lapidibus magnis decem sine octo cubitorum. Et desuper lapides pretiosi aequalis mensura secti erant, similiterque de cedro. Et atrium maius rotundum trium ordinum de lapidibus sectis & unius ordinis de dolata cedro. Porro regiæ domui Libani magnificentissimæ luculentissima conueniebat supellex, qua illam Salomon instruxit, nam vasa plurima aurea, thronusque ex elephanto elegantissimo opere perfectus, in ea collocatus est, adeo ut omnia eboris candore, aurique flammea claritate splenderent. Quare eodẽ Regum libro dicitur. Fecit quoque Rex Salomon ducenta scuta de auro purissimo, sexcentos auri siclos dedit in laminas scuti unius; & trecentas peltas ex auro prolatas, trecenta mina auri unam peltam vestiiebant, posuitque eas Rex in domo salus Libani. Fecit etiã Rex Salomon

lomon thronum de ebore grandem, & vestiuit eum auro fuluo nimis, qui habebat sex gradus, & summitas throni rotunda erat in parte posteriori, & due manus hinc atque inde tenentes sedile, & duo leones stabant iuxta manus singulas, & duodecim leuunculi stantes super sex gradus hinc atque inde. non est factum tale opus in vniuersis regnis. Sed & omnia vasa quibus potabatur Rex Salomon, erant aurea, & vniuersa supellex domus salus Libani de auro purissimo. Ex quo satis intelligi potest quantam vim pecuniarum in tam egregio perficiendo opere effuderit Rex opulentissimus.

2 Alterum regie planè magnificentie exemplum habemus in Assuero Rege, quod accuratè & minutim describitur statim initio libri Hester, in hæc verba. *In diebus Assueri, qui regnavit ab India usque in Æthiopiam super centum viginti septem provincias, quando sedit in solio regni sui, Susa Civitas regni eius exordium fuit. Tercio igitur anno Imperij sui fecit grande convivium cunctis Principibus, & pueris suis, fortissimis Persarum, & Medorum inchoyis, & prefectis Prouinciarum coram se, ut ostenderet diuitias glorie regni sui, ac magnitudinem atque iactantiam potentia sua multo tempore, centum videlicet & octoginta diebus. Cumque implerentur dies convivij, invitavit omnem populum, qui inuentus est in Susa, à maximo usque ad minimum, & iussit septem diebus convivium preparari in vestibulo horti & nemoris quod regio cultus & manu confectum erat, & pendebant ex omni parte tentoria aeris coloris, & carbasini, ac hyacinthini, sustentata funibus bissinis, atque purpureis, qui eburneis circulis inserti erant, & columnis marmoreis fulciebantur. Lectuli quoque aurei, & argentei super pavimentum smaragdino, & pariostratum lapide dispo-*

Aliud magnificentia exemplum proponitur in Convivio Assue-

530 *Institutio politica ex sacris Scripturis.*

siti erant, quod mira varietate pictura decorabat. Bibebant autem, qui inuitati erant aureis poculis, & alijs atque alijs vasis cibi inferebantur. Vinum quoque ut magnificentia regia dignum erat abundans, & precipuum apponebatur. Nec erat qui nolentes bibere cogeret ad bibendum, sed sicut Rex statuerat prapponens mensis singulos de Principibus suis, ut sumeret unusquisque quod vellet. Hæc ibi, ex quibus quamuis statim appareat quàm amplum, quàmque Regio splendore ac magnificentia dignum fuerit hoc conuiuium, sunt nihilominus singula illius adiuncta, ut res meliùs percipiatur seorsim consideranda. Nam cum duplex epulum datum fuerit, alterum Principibus Regni, alterum populo ciuitatis, conuiuium Principum centum octoginta dies tenuit, hoc est menses sex, in quod tempus sanè nescio an vllum vnquam conuiuium productum sit. Populi verò conuiuium breuiori quidem temporis spatio absolutum est, septem nimirum diebus, sed populi frequentissimæ ciuitatis maxima multitudine quod temporis spatio deerat, abundè compensatum est. Iam verò quantus fuerit conuiuarum numerus, cum vocati sint non aulici tantùm, qui Regi perpetuo aderant, quorum maximam fuisse multitudinem par est credere, sed centum viginti septem Prouinciarum Præfecti, & procures omnes, quos vicariis suo loco relictis adfuisse par est credere, ut res maiorem in tanta frequentia admirationem & ex mutuo conspectu hilaritatem haberet; rursus quanta exquisitissimorū ciborū copia, Regis iussu parata fuerit, qui tam multis, tamque egregijs viris tamdiu regio more epulum dare constituit, facilius cogitari potest, quàm dici. Accessit etiam

etiam conuiuio magnificentia ex loci ornatu, in quo celebratum est, nam præterquam quod ad exhibendum conuiuium delectum est vestibulum horti & nemoris, quod regio cultu, & manu confitum erat, tentoria etiam quibus inumbabantur mensæ & materiæ pretio, & artificij subtilitate, visenda erant. Quod verò in vulgata nostra editione habemus; tentoria columnis marmoreis fuisse suffulta, distinctius explicant Septuaginta, nam ita describunt, *super cubos aureos, & argenteos, & super columnas parias, & lapideas.* Sūt autem cubi taxilli qui columnis, pilis aut pyramidibus, molibúsque eiusmodi substruuntur, vt firmitus insistant. Quod verò de smaragdino lapide, quo ex parte pauimentum dicitur instratum, quamuis propter lapidis pretium & raritatem fidem superare videatur, tamen non in vulgata tantum habetur, sed etiam apud Septuaginta, qui verterunt smaragditem lapidem, apud quos etiam quædam de veste stragula, & lectorum ornamentis adduntur, quæ vulgata non expressit. Sic enim habent. *Et strata pellucida variè ornata floribus, in circuitu rosa sparse. Pocula aurea & argentea, & gemmatus calix propositus è talentis triginta millibus, vinum multum, & suauis quod ipse Rex bibebat.* Ita habet latina interpretatio Romæ edita, quæ tamen minus exprimere mihi videtur, quid sit, quod dicunt Septuaginta ἀνδράκιον κυλίκιον, significant enim calicem paruulum quidem fuisse, quare & voce diminutiua κυλίκιον vsi sunt, sed quia ἀνδράκιον id est ex carbunculo excavato, vt puto, propterea pretio immani, quod expresserunt Septuaginta, non indignum, triginta enim talentorū millibus æstimabatur, quæ

talentorum summa aureorum nostrorum milliones, ut vocant, decem & octo efficit, si singula talenta Iudaica sexcentos habere aureos, cum recepta opinione dicamus, par enim est credere Iudæorum scriptorem, Iudaicorum talentorum rationem secutum esse. Quod autem de vino dicitur in editione vulgata quæ habet; *Vinum ut magnificentia regia dignum erat, abundans, & precipuum ponebatur.* & Kaldæus interpretatur, *dignum quod à Rege biberetur.* Dixerunt Septuaginta, *quod ipse Rex bibeat.* Quod tandem attinet ad ministros, latinus noster interpres Principes appellat mensis Præpositos, quos Septuaginta œconomos, Kaldæus voce Græcâ *ἐκπρόους* curatores habet, textus autem Hebræus appellat Magistros, seu Præfectos domus Regiæ. Constat ergo omnium sententia viros fuisse primarios, & principes, quales ij esse solent in aulis magnorum Regum, qui domus Magistri vocitantur; qui aderant ipsi mensis ut conuiuas blandè exciperent, suis locis collocarent, & quasi quidam symposiarchæ, & modiperatores, ita conuiuium præessent, ut curarent omnia ordine fieri, & honestè, ne fortè aliquæ existerent turbæ, quales inter homines, mero calentes, super mensis nasci solent.

An peccauerit Assuerus tam sumptuoso diuturnoq; conuiuii instituendo, & de cōuiuijs qua 3 Quod si quærat aliquis, peccaueritne Assuerus, tam diuturno, tam sumptuoso epulo tam multis conuiuiis exhibito? Respondeo id ex causis, quibus motus est ad illud instruendum & celebrandum, iudicandum esse, & etiam ex eiusdem adiunctis quibusdam. Ac primò aliqui colligunt ex profanis scriptoribus celebrati conuiuij

uiuij causam fuisse reportatas ex hostibus victo-
 rias, quod scilicet Babylonios, Ægyptiosque re-
 bellantes & Persarum iugum excutere conantes
 armis domuisset, & sanè huiusmodi victorias iu-
 stissimam publicæ lætitiæ causam afferre, exem-
 plis ex sacra Scriptura depromptis, & communi
 gentium more, quem nullus iure possit repre-
 hendere, probari potest. Sic Philistæorum Prin-
 cipes Sampson, à quo multis cladibus fuerant
 attriti, tandem in potestatem redacto, *conueni-*
runt in unum, ut immolarent hostias magnificas, ma-
gno Deo suo, & epularentur dicentes. Tradidit Deus
noſter inimicum noſtrum Sampson in manus noſtras.
 Sic Amalecitæ capta Sicēleg, *discumbebant super*
faciem vniverſa terra, comedentes & bibentes, & qua-
ſi feſtum celebrantes diem pro cuncta prada, & ſpo-
liis, qua ceperant de terra Philistiim, & de terra Iu-
da. Nam, ut ait Iſaias, latabantur, ſicut qui latantur
in meſſe, ſicut exultant victores capta prada quando
diuidunt ſpolia. Altera epuli dandi causa non mi-
 nus laudabilis ea fuit, quod regnandi tunc cape-
 ret initium. Nam Susis præcipuus erat Regni
 rhronus, in quo Reges sedere consueuerant, non
 quasi ea cæremonia regni possessionem adirent,
 pridem enim regnare cœperat Assuerus, sed quod
 ea adhibita tunc demum crederetur Rex omnibus
 numeris absoluta inauguratione, in regni posses-
 sione collocatus. Huic autem epulo causam de-
 diſſe ſolem-
 nem hanc inaugurationem ſatis indi-
 cat Scriptura. Nam Septuagiſta habent *וַתֵּעֲשֶׂה*
דְּסֹוֹדָא, cum in throno collocatus eſt. Hebræus verò
 textus. *In diebus, inquit, iſtis cum ſederat* (id eſt ſede-
 re inciperet) *Rex ſuper throno regni ſui, qui Susis eſt, in*

*in Principi
 inaugura-
 tione cele-
 brata legi-
 mus in
 ſcripturis.*

Iud. 16.

23.

1. Reg. 30.

16.

Iſai. 9. 3.

534 *Institutio politica ex sacris Scripturis.*

anno Regni sui tertio fecit conuiuiũ. &c. Kaldæus, quãdo quasiuit sedere super solo regni sui, quod in Susan. Cum igitur celeberrimo apparatu concursûque frequentissimo; huiusmodi inaugurationes celebrari soleant, mirum non est, si tam celebre conuiuium Assuerus instituit. Sic cum Dauid in Hebron Rex constitutus est, plurimi ex variis tribubus confluxere, quorum catalogum habemus libro primo Paralipomen. superâtque trecentorũ quadraginta millium numerum, hisque omnibus triduo epulum largè tributum dicitur. Omnes isti viri bellatores expediti ad pugnandum corde perfecto venerunt in Hebron ut constituerent Regẽ Dauid super vniuersum Israël, sed & omnes reliqui ex Israël, vno corde erant, ut Rex fieret Dauid. Fueruntque ibi apud Dauid tribus diebus comedentes & bibentes, preparauerant enim eis fratres sui. Sed & qui iuxta eos erant vsque ad Isachar, & Zabulon, & Nephthali, afferebant panes in asinis & camelis, & mulis & bobus ad vescendum, farinam, palathas, vnam passam, vinum, oleum, boues, arietes ad omnem copiam, gaudium quippe erat in Israël. Sic Adonias cum regnum affectaret, iamque illi immineret, Regis filiis omnibus, excepto Salomone, vocatis, epulare sacrificium instituit, in quo faustis omnium acclamationibus ad regnum admoueretur, Rexque recepta illa formula, *Vivat Rex*, salutaretur, Adonias autem filius Haggith, inquit scriptura, eleuabatur, dicens: Ego regnabo. Et post nonnulla. Immolatis ergo Adonias arietibus & vitulis, & vniuersis pinguibus iuxta lapidem Zoheleth, qui erat vicinus fonti Rogel, vocauit vniuersos fratres suos, filios Regis & omnes viros Iuda seruos eius. Et rursus post aliqua cõmemorans, quibus verbis Nathan propheta

1. Paralip.
12. 38.

3. Reg 1.
5.
Ibid. n. 9.

pheta, qui partes Salomonis sequebatur, cum Rege Dauid exposulauerit, ita legimus. *Domine mi Rex, tu dixisti: Adonias regnet post me, & ipse sedeat super thronum meum? quia descendit hodie, & immolauit boues, & pingua, & arietes plurimos, & vocauit uniuersos filios Regis & Principes exercitus, Abiathar quoque sacerdotem, illisq; vescentibus, & bibentibus coram eo, & dicentibus, Veniat Rex Adonias, &c.* Poterat ergo Assuerus iure optimo Principes suos, & populum ciuitatis excipere conuiuio, vt illi largioribus epulis, mutuâque symposij hilaritate recreati eius lætitiæ essent participes, quæ nouus Rex ipsa inauguratione perfundebatur, eosque sibi ea magnificentiae significatione deuincirer, vt conciliatis beneuolentia animis, promptiores eos haberet, & paratiores ad ea obsequia præstanda, quæ subditi Principibus debent. Postrema causa conuiuij quam scriptura expressit, fuit, *Vt ostenderet diuitias gloriæ regni sui, ac magnitudinem, atque iactantiam potentia sua, multo tempore, centum videlicet, & octoginta diebus.* Propterea autem conuiuia, aut solenes instituere apparatus, vt inde capiatur superbiæ fomentum, & arrogantiae, piaculum esse nemo non intelligit, dicente Apostolo. *Quid habes, quod non accepisti? Si autem accepisti, quid gloriaris, quasi non acceperis?* Quare Ezechias quod Chaldeis thesauros suos per iactantiâ ostentasset, graues pœnas, Deo iubente, cominatus est Isaias propheta, vt quarto Regum libro narratur, & alio fortasse loco fusius dicitur. Rursus, qua ratione à peccato excusari possit, tam diuturnum conuiuium non satis video: nam honestæ cuiusdam hilaritatis causa amicos conuenire ad conuiuium laudabile sanè est, & amicitiae tuendæ officium

Ibid. n. 24.

Esther 1.

4.

1. Cor. 4. 7.

4. Reg. 20.

13.

536 *Institutio politica ex sacris Scripturis.*

- Luc. 18. 19. *ficium consentaneum. Epulari autem quotidie splendide, symposiâque multum frequentare, multa importat incommoda, quorû aliqua à sapiente tanguntur in Prouerbiis, cum ait. Cui va? cuius patri va? cui rixa? cui fovea? cui sine causa vulnera? cui suffusio oculorum? Nonne his, qui commorantur in vino & student calicibus epotandis? Cum verò omnes dedeceat ebrietas, tum maximè Reges, quibus Salomon præceptum illud tanquam à matre auditum præscribit: Noli Regibus dare vinum, quia nullum secretum est, ubi regnat ebrietas, ne forte bibant, & obliuiscantur iudiciorum, & mutent causam afflictorum. Effectus autem, qui consequi solent, etiam hoc Assueri conuiuium consecuti sunt, nam ipse potando hilarior factus est, ut si ebrius non esset, proximè tamen abesset à temulentia, parùmque prudenter vxorem Vasthi iussit adduci, ut illius pulchritudinem omnibus spectandam, & admirandam proponeret, cui cum regina parere noluisset, Rex ira exarsit, eamque repudiavit, sicque iuxta Sapientem. *Extrema gaudij luctus occupauit.**
- Prou. 13. 14. *Quamuis omnibus istis incommodis pro sua sapientia Dominus ad gloriam suam amplificandam, nôsque salutaribus monitis imbuendos vsus est. Quamuis ergo regia magnificentia, qua Principibus & populo datum est epulum, sit laudabilis, finis tamen iactantiæ, quem sibi Rex proposuit, temporisque tam diuturni circûstantia facti illius gratiam corrumpunt, faciuntque ut exemplum hoc Principibus proponi non possit, nisi moneantur simul, quid in eo peccatum sit, ne ad easdem ipsi metas luxuriæ, & profusionis immodicæ adhærescant.*

De Principis magni-

4 Quoniam autem exemplis propositis Salomonis

monis

monis & Assueri quales Reges deceant fabricæ, & conuiuia docuimus, facile erit, ex iis, quæ diximus coniicere, quomodo in reliquis expensis, quæ occurrunt, et in itineribus suscipiendis,tribuendisque muneribus munificus Princeps se gerere debeat. Huius autem rei si quis exemplum requirit, habet luculentissimum in Regina Saba, quæ cum Salomonis fama excita venisset ad Salomonem, cum regiis planè muneribus donauit, nam ut ait scriptura. *Dedit Regi centum viginti talenta auri, & aromata multa nimis, & gemmas pretiosas. Non sunt allata ultra aromata tam multa, quam ea, quæ dedit Regina Saba Regi Salomoni.* Quia verò munera, quæ Principibus tribuuntur non ad eorum subleuandam inopiam, sed (quemadmodum ea, quæ Deo offeruntur) ad testificandam eam, quam de eorum magnitudine & excellentia concepimus opinionem instituuntur, ideo ampla esse debent, & magnifica, & ad istam opinionem exprimendam idonea. Quare Dominus apud Prophetam holocaustorum victimarumque oblationes reiicit, si forte quasi indigenti tribuantur, adeo enim tali animo factis sacrificiis non placaretur Deus, ut potius tanquam insigni contumelia, ut reuera esset, commoheretur in offerentem. *Non accipiam, inquit, de domo tua vitulos; neque de gregibus tuis hircos, quoniam mea sunt omnes fera sylvarum, iumenta in montibus, & boues. Cognoui omnia volatilia cæli, & pulchritudo agri mecum est, si esuriero non dicam tibi, meus est enim orbis terra, & plenitudo eius. Nunquid manducabo carnes taurorum, aut sanguinem hircorum potabo?* Sed iis tantum se sacrificiis delectari affirmat, quibus eius apud populos crescit existimatio, quibusque debitam

scientia in largitionibus.

3. Reg. 10.
10.

Psal. 49.
9.

multis ex capitibus laudem tribuimus. *Immola*, inquit, *Deo sacrificium laudis*. Ita Principes iis capiuntur muneribus, quæ eorum magnitudinem & excellentiam ostendunt.

De Principis magnificentia in adificando.

CAPVT XXII.

*Studium
adificandi
decere
Principem:
& de va-
riis adifi-
ciorum ge-
neribus,
necessariis,
utilibus,
aut ad vo-
luptatem
cōparatis.*

I **Æ** Dificandi studium Principes decet in primis, quo sibi sapientum, ac magnificentium nomen parant, & honestæ relaxationis cum à negotiis fessi sunt, iucundissimum leuamentum. Mirum enim quantum delectat moliri arces, muris vrbes circumdare, portus effodere, templa excitare, aut ædes regias, & cum operibus extremam manum artifices imposuerint, ea tanquam foetus ac partus à se in lucem eduotos contemplari. Est autem triplex ædificiorum genus, quædam enim necessaria sunt, quædam vtilia, quædam ad voluptatem dumtaxat comparata. De singulis breuiter paucula quædam attingemus. Atque in primis necessaria illa duco, sine quibus securitas ciuibus non constat, nec commercia tuta sunt, nec vno verbo politica munera functionesque exerceri commodè possunt. Huiusmodi proculdubio fuit murorū Hierosolymitanorum instauratio sub Nehemia, quam frustra Sanaballat prohibere conatus est, nam milites submouere se passi non sunt, sed *media pars iuuenum eorum faciebat opus, & media parata erat ad bellum,*

bellum, & lancea, & scuta, & arcus, & lorica, & Principes post eos in omni domo Iuda adificantium in muro, & portantium onera, & imponentium, una manu sua faciebant opus, & altera tenebant gladium, adificantium enim unusquisque gladio erat accinctus ad renes. Sentiebant enim nihil magis communiter in ciuitate viuentibus necessarium esse, quàm munitionum aliquem locum habere vnde ad pugnam exirent, & quo iactati ab hostibus, quibus vndique premebantur, receptum haberent. Idem studium ædificandi ciuitatum munitiones in aliis eiusdem populi principibus fuit, nam de Salomone legimus in Paralipomenis, *Ædificauit Palmiram in deserto, & alias ciuitates munitissimas ædificauit in Emath. Extruxitque Bethoron superiorem, & Bethoron inferiorem, ciuitates muratas habentes portas, & vèctes, & seras, Balaath etiam, & omnes vrbes firmissimas, quæ fuerunt Salomonis, cunctasque Vrbes quadrigarum & vrbes equitum, &c.* De Roboam verò eodem libro: *Habitauit autem Roboam in Ierusalem, & ædificauit ciuitates muratas in Iuda, extruxitque Bethlehem, & Atam, & Thecue, Bethsur quoque, & Socho, & Odollam, nec non & Geth, & Mareta & Tiph, sed & Aduram, & Sachis, & Azeca, Saraa quoque & Aialon, & Hebron, quæ erant in Iuda, & Benjamin, ciuitates munitissimas. Cumque clausisset eas muris, posuit in eis Principes, ciborumque horrea, hoc est olei, & vini: sed & in singulis urbibus fecit armamentarium scutorum, & hastarum, firmavitque eas summa diligentia, & imperauit super Iudam, & Benjamin.* Porro ad voluptatem illa spectant ædificia, quæ numerat Salomon in Ecclesiaste, & quamquam à se constructa, tamen quod in eo genete nimius fuisset, ea damnat longo nimirum vfu sapientior factus, tandem

540 *Institutio politica ex sacris Scripturis.*

Ecclef. 2.
4. 10.

tandemque intelligens se in illis frustra desudasse, cum omnia ad vanitatem, & afflictionem spiritus pertinerent. *Magnificavi, Inquit, opera mea, adificavi mihi domos, & plantaui vineas, feci hortos, & pomaria, & consemi ea cuncti generis arboribus, & extruxi mihi piscinas aquarum, ut irrigarem sylvam lignorum germinantium, &c. Omnia, qua desiderauerunt oculi mei, non negavi eis, nec prohibui cor meum quin omni voluptate frueretur, & oblectaret se in his que praparaneram.* Tandem vtilia sunt quibus carere quidem Respublica potest, si tamen ea habeat, aut iis abundet, commoditatis alicuius non mediocris fructum percipit. Huius generis sunt fontes aquarumque deriuationes, portus, ampliores viæ, porticus, & explicatiores plateæ aut aræ, apothecæ laxiores ad publicam annonam condendam, triticum, vinum, sal, aliaque huiusmodi, qualia fecisse Roboam paulo ante memorauimus, qualia etiam parauit Pharaon, vt hoc eodem capite infra paucis attingemus.

Quo tempore adificatio vr-genda & quorū expensis adificandum.
2. Paral.
14. 6.

2 Cæterum ædificationis vr-gendæ tempus illud aptissimum esse videtur, cum pacato Regno quies domi est ab externis tumultibus, & bellis, quod vidit Asa Rex Iudæ de quo legimus in Paralipomenis; *Adificauit quoque vrbes munitas in Iuda, quia quietus erat, & nulla temporibus eius bella surrexerant. Dixit autem Iuda, adificemus ciuitates istas, & vallemus muris, & robaremus turribus, & portis & seris, donec à bellis quieti sunt omnia.* Quibus in verbis facile quilibet animaduertit propterea Regem consilium suum Iudæ communicasse, & ad muniendas ciuitates inuitasse, vt libentius populi eam stipem erogarent, quæ ad ædificationis impensas necessaria censebatur, quod forte regium

ararium à pecuniis non bene iuſtrictum, tanto
 operi faciendo par eſſe non poſſet. Porro Principi-
 bus cauendum diligenter, ne immenſis, & in-
 tolerabilibus ædificationibus populos atterant, &
 exhauriant, à quo genere iniuriæ Nabuchodonoso-
 for non abſtinuit, cui Habacuc propheta minas
 intentat illis verbis; *Va qui adificat ciuitatem in ſan-* Habac. 2.
guinibus, & preparat urbem in iniquitate. Cuius loci 12.
 ſententia eſt, Væ Nabuchodonosor impio, qui
 Babylonem magnificis ædificiorum ſtructuris
 anguſtiorẽ facit in ſanguinibus, hoc eſt opibus
 per iniquitatem, & rapinam, & iniuriam in pau-
 peres, comparatis. Quæ loquendi formula ver-
 naculæ noſtræ ſimilis eſt, eorum enim qui angu-
 ſtas res domi habent, ſupellectilem, pecuniolas,
 & reliqua bona, ſanguinem pauperum appellare
 cõſueuimus. Quò ſpectat etiam illud Eccleſiaſti-
 ci. *Panis egentium vita pauperum eſt; qui defraudat* Eccleſ. 34.
illum, homo ſanguinis eſt: & illud Micheæ: *Qui ad-* 25.
ificatis Sion in ſanguinibus, & Ierusalem in iniquitate. Mich. 3.
 Sed Nabuchodonosore etiam durius egit Pharao 10.
 cum Iſraëlitis, quos ſeruilem in modum, ad opus
 faciendum, intentatis etiam verberibus adigebat.
Propoſuit itaque eis, vt dicitur in Exodo, magiſtros Exod. 2. 11.
operũ, vt affligerent eos oneribus, adificaueruntque urbes
tabernaculorum Pharaoni Phiothom & Rameſſes. Tò
Vrbes tabernaculorum, 70. vertunt πόλεις ὀχυράς,
Vrbes munitas, alij ex Hebræo urbes concludas, alij
granaria, apothecas, ſeu reſoſitoria interpretantur, in
 quibus publica frumenta, oleum vinũve recon-
 deretur. Quæcumque tandem eſſent fabricæ illæ,
 certum eſt Iſraëlitas indignis modis habitos, &
 vexatos fuiſſe, quæ agendi ratio cauenda Principi-
 bus eſt, ne in ſe ciuium odia, aut etiam arma
 conuer

542 *Institutio politica ex sacris Scripturis.*

5. Reg. II.
26.

conuertant. Passus est hoc Salomon in ea seditione, quæ duce Ieroboam contra illum exarsit, de qua hæc legimus in Regum historia. *Ieroboam quoque filius Nabath Ephrataeus de Sareda, seruus Salomonis, cuius mater erat Sarua, mulier vidua, leuauit manum contra Regem, & hæc est causa rebellionis aduersus eum, quia Salomon edificauit Mello, & coëquauit voraginem ciuitatis David patris sui. Quod ut clarius intelligatur, sciendum est inter ciuitatem David, & templum à Salomone excitatum, mediam fuisse ingentem quandam inter duos montes voraginem quæ Mello dicebatur. Quia ergo à ciuitate David ad templum adire cupienti, aditus non patebat propter interiectam illam voraginem, aggressus est Salomon duos montes ponte vno, vel ut aliis placet, duobus iungere, quorum ædificationem sumptuosissimam fuisse necesse est, dum pilæ immensæ cuiusdam altitudinis quæ pontem fulcirent excitantur, quæ res populos offendit, quorum communibus cum Rege sumptibus opus promouebatur, & ad seditionem incitauit. Si ergo Salomon cuius sapientia miraculo erat, ac proinde maxima apud suos auctoritate pollebat, tamen ædificiorum magnis, continentibusque expensis commotos & ad arma spectantes populos expertus est, videant nostri æui Principes quid à suis timere possint, si nimium illos premere, & pecuniis in ædificia collatis exhaurire non dubitauerint.*

De ædificiorum regionū magnificētia.

3 Porro quia magnificum Principem esse decet, meminerit quæcumque ædificare instituerit cellitatem, & magnitudinem animi, pecuniarum suarum minimè tenacem exhibendam, ac proinde templa, portus, fora, curias, basilicas, vias publi

publicas, aquæ ductus, porticus & similia, quæ molitus fuerit, amplitudine, maiestate, descriptionis elegantia spectabilia esse debere. Præstitit hoc Salomon in templi structura, & ædium illarum, quas sibi vxorique parauisse cognoscimus ex Regum historia. Eas tres fuisse nonnulli existimant, ac propterea asserunt alteram sibi à Rege ædificatam, alteram filiæ Pharaonis quam duxerat in matrimonium, tertiam ad animi remissionem, & voluptatem instructam, quam domum saltus Libani indigitauerit. Colligi hoc videtur ex scriptura. Nam de prima dicitur: *Domum autem suam adificauit Salomon tredecim annis, & ad perfectum usque perduxit.* De secunda: *Domum quoque fecit filie Pharaonis.* De tertia: *Adificauit quoque domum saltus Libani.* Accedit ipsius Salomonis testimonium in Ecclesiaste, ubi ait: *Magnificauit opera mea, adificauit mihi domos.* Verius tamen est, vnicam tantum domum à Salomone ædificatam fuisse, sed amplissimam vt magnum opulentissimumque Principem decebat, eamque tribus partibus, quasi totidem domibus distinctam, quæ aperta est scripturæ sententia. Nam dicitur in tertio Regum: *Expletis annis viginti postquam adificauerat Salomon duas domos, id est, domum Domini & domum Regis, &c.* Itaque quemadmodum nōmine domus Domini plura comprehendebantur ædificia, plurimum à se forma & magnitudine distincta, & diuersorū habitationi destinata, ita regias ædes domum appellauit, quanquam diuersæ illarum partes essent Regis, aut Reginae habitationi attributæ, quibus illa pars accedebat, quæ saltus Libani dicebatur. Par igitur est, domos Principum adeo amplas esse, vt non familiam tantum regiam

3. Reg. 7. 1.

Ibid. n. 8.

Ibid. n. 1.

Eccles. 2.

4.

3. Reg. 9.
10.

regiam capiant, sed etiam illarum pars magna habitatore vacua principibus viris si forte in Republ. nostra peregrinentur, aut eorum legatis, ut cuiusque eorum conditio postulauerit, laute, liberaliterque excipiendis relinquatur.

Nec tamen cum hæc dico, auctor Principibus fieri volo ut difficillima quædam, & quibus natura contumaciter resistit aggrediantur, cuiusmodi esset isthmi alicuius fossio, aut perfossio montium, vallium ingentium complanatio, fluuiorum ex suo in alium alueum deriuatio, ne forte pro gloria quam aucupantur, stultitiæ notam incurrant, & offensionem etiam populorum, qui in tam difficili opere cum naturæ pertinacia, Reipublicæ priuatoque incommodo luctari compellantur: quæ forte causa fuit inuidiæ in Salomonem excitatæ cum Mello ædificare instituit, de quo paulo supra dicebamus. Aquarum certè ductus, & excauationes fossarum, quæ nauigiorum patientes sint, quos scriptura *fluuios diorygas* appellat in libro Ecclesiastici, aut aquæ tramites, utiles esse ciuitatibus nemo nescit, in quibus si operam suorum collocauerit, & expensas ex ærario publico suppeditauerit, rem sanè commodam princeps faciet & commendatione dignam.

4 His addendum videtur non exiguum mereri laudem eos Principes qui ædificia vetera iam fatiscencia, & ad ruinam vergentia, vel ea quæ hostium iniuria disturbata sunt, fulciunt, instaurant, reficiunt. Sic legimus Iosiam Iudæorum Regem curasse, ut pecunia quam à populo Sacerdotes collegerant, curatoribus operis reficiendi & fardendi templi tribueretur. Scribæ enim templi in hæc verba mandauit. *Vade ad Helciam Sacerdotem*
magnum,

Ecclef. 24.
41.

*De veteribus
adificiis instau-
randis.*

4. Reg. 22.

magnum, ut conflatur pecunia qua illata est in templum Domini, quam collegerunt ianitores templi à populo, deturque fabris per prepositos domus Domini, qui & distribuunt eam his qui operantur in templo Domini ad instauranda farta tecta templi, tignariis videlicet, & camentariis, & iis qui interrupta componunt, ut emanantur ligna, & lapides de lapidinis, ad instaurandum templum Domini. Nec impari causa dispar studium Iudæ Machabæi, qui deuicto Lyfia Antiochi Epiphanis duce, Ierosolymitanum templum gentilium profanitarum contaminatione pollutum purgauit, & ubi opus erat instaurauit. Qua de re in primo Machab. libro hæc legimus. *Et adificauerunt altare nouum secundum illud quod fuit prius, & adificauerunt sancta, & qua intra domum erant intrinsecus, & adem & atria sanctificauerunt.* 1. Machab. 4.47.

De Maiestate Principis.

CAPVT XXIII.

Magnificentia Maiestatem placet subnectere, quod hæc sine illa ægrè consistere possit; quodque eæ artes quibus paratur maieestas, eiusmodi sunt corporis augustior cultus, ædium, palatiorum, hortorum amplitudo, frequens corporis stipatorum, satellitum, aulicorum, magistratuum, regnique procerum corona, domus luculenta, supellex, auro, argentoque renidens, curruum, equorumque multitudo, & varietas & alia, quæ sunt generis eiusdem, largiores sumptus desiderent, quos Princeps ad rem fam

M m cien

ciendam attentior, minimèque magnificus facere non sustinet. Quamuis autem solidæ maiestatis fundamentum est excellens virtus Principis, quæ nullis etiam externis ornamentorum apparatuumque adminiculis grato & iucundo introitu animis hominum illabitur, admirationemque ciet; quia tamen gradus ille virtutis ad paucos pertinet, extrinseca quædam adiumenta contemnenda non censeo, de quibus deinceps dicendum est.

De Principis maiestare in vestibus & corporis cultu.

I Et quidem quod ad vestes attinet, eam semper obrinuisse consuetudinem reperio, ut qui dignitatis excellentioris prærogativa inter ceteros emerent, cultu corporis honestiorem vterentur, non tantum ut facilius ab aliis dignosci possent, sed etiam ut externa illa species auctoritatem illis, & maiestatem conciliaret. Cum Rebecca filium suum dolis subornavit, ut ad Patrem accedens, Esau benedictionem acciperet, cauit etiam ne senex, cuius oculi caligauerant, attrectando, fraudem posset deprehendere; quare non tantum pelliculis hædorum, manuum, collique nuda protexit, *sed vestibus etiam Esau valde bonus*, ut loquitur scriptura, *quas apud se habebat domi, induit eum. Tò valde bonus*, alij teste Hieronymo legunt, *vestimenta desiderabilia*, Kaldæus *vestes mundas* interpretatus est, Septuaginta *Pulchras*. Hæ autem omnes interpretationes eodem spectant, ut scilicet explicent vestes illas pretiosas fuisse, mundas, usu non detritas, quas fortasse in Sacerdotij usum domi conditas haberet. Ut enim loco indicato docet D. Hieronym. tradunt Hebræi primogenitos Sacerdotum officio esse functos, & habuisse vestimentum Sacerdotale, quo induti

Deo

Genes. 27.
15.

In trad.
Hebr. in
Genes.

Deo victimas offerebant, antequam Aaron in Sacerdotem eligeretur. Ex quo colligimus stolam illam Esau pulchram, ac desiderabilem, insigne fuisse Primogenitorum, & Sacerdotij, ita postulante dignitatis illius ratione, ut cultu illo honestiore à cæteris fratribus, qui Sacerdotes non erant, distingueretur. Eandem consuetudinem cultioris ornatus corporis in viris primariis indicat S. Iacobus cum ait. *Si introierit in conventum vestrum vir anulum aureum habens in veste candida, introierit autem & pauper in sordido habitu, & intendatis in eum, qui indutus est veste praelara, &c.* Cum autem vestis candida dicitur à Iacobo, non tam de colore albo videtur intelligendum, quàm de splendore ac nitore, qui in vestibus etiam alterius coloris esse solet: & fauet vox Græca, non enim dicitur *ἱσθῆτι λευκῇ* sed *λαμπρῇ*, *λαμπρὸς* autem splendidum, nitensque significat. Significat ergo vestes pretiosiores, nitidiores, molliores, vno verbo, eiusmodi vestes quales ferre ij solent, qui in Principum aulis versantur, de quibus Dominus dixit: *Qui mollibus vestiuntur, in domibus Regum sunt.* Porro viris primariis regum amicis, cuiusmodi forte sunt Megistanes quidam, qui frequenter in aulis magnorum Principum versantur, usum purpuræ fuisse concessum legimus in scriptura. Ita Ionathæ Alexander cuius exemplar epistolæ habemus in Machab. historia. Rex, inquit, Alexander, fratri Ionathæ salutem. *Audinuimus de te, quod vir potens sis viribus, & apius es, ut sis amicus noster, & nunc constituimus te hodie summum Sacerdotem gentis tuæ, & ut amicus voceris Regis (& misit ei purpuram, & coronam auream) & quæ nostræ sunt sentias, &c.* Et eodem libro rursus dici-

Iacob. 2. 2.

Matth. 11.

1. Machab. 10. 10.

548 *Institutio politica ex sacris Scripturis.*

1. Machab. 11. 58. tur. Et scripsit Antiochus adolescens Ionathæ dicens, Constituo tibi Sacerdotium, & constituo te super quatuor ciuitates, ut sis de amicis Regis: & misit illi vasa aurea in ministerium, & dedit ei potestatem bibendi in auro & esse in purpura, & habere fibulam auream, &c. Similibus honoris insignibus Simonem honestauit Demetrius, & Rex Demetrius, inquit scriptura, statuit illi summum Sacerdotium. Secundum hæc fecit eum amicum suum & glorificauit eum gloria magna, & populo post concessisse commemorat ut operiatur purpura & auro, & utatur fibula aurea. Primarij ergo viri, qui amicorum Regis nomine censebantur, hoc illis regio priuilegio indulgente, purpura indui poterant, aureisque quibusdam ornamentis uti, quæ alioqui Regum propria esse videbantur. Ipsorum verò Regum ornamenta fuisse pretiosissima, facile sibi quilibet persuadebit, & scripturæ testimoniis pluribus probari poterit. Certè Regina illa, quam celebrans Dauid à dextris Regis astitisse ait in vestitu deaurato, vel ut est in Hebræo, in auro Ophir, quamquam vox Hebr. *אֹפִיר* non tantum aurum significat, sed illud cui artifices accesserunt manus, fundendo, poliendo, maculisque variorum colorum exactè pingendo & variando, nam & aliquando pro colore accipitur in scriptura, ut cum dicitur in Threnis, Mutatus est color optimus, & apud Iob, Non conferetur tinctis India coloribus, utrobique est vox *אֹפִיר* nec abludit Aquilæ interpretatio, qui vertit *ἐν βάρματι ὀφείρ* in tinctura Ophir. Nisi forte vestes peregrinis coloribus imbutas intelligat, cuiusmodi illæ erant, quæ de Ophir, quæ Regio in India fuisse putatur, aduehebantur, quæ colore florido, vegeto, rutiloque magis oculis spectantium

rium blandiebantur: celebrantur enim Scripturæ
 sacrae testimonio colores Indici, ut cum dicitur
 apud Iob, loco citato. *Non conferetur tinctis India* Iob 28.
coloribus. ubi etiam in Hebræo, & Græco est *chetem* 16.
Ophir. Talis Reginae Estheris, atque adeo Assue-
 ri regius ornatus, de quo ita legimus in scriptura,
Die autem tertio (Esther) deposuit vestimenta ornatus Esther. 15.
sui, & circumdata est gloria sua, cumque regio fulgeret 14.
habitu, &c. Paulò verò post de Assuero loquens ita
 dicit. *Ingressa igitur (eadem Esther) cuncta per ordi-* Ibid. n. 9.
nem ostia, stetit contra Regem, ubi ille residebat super
solium regni sui, indutus vestibus regiis, auroque ful-
gens, & pretiosis lapidibus, eratque terribilis aspectu.
 Quibus in verbis notandum vestimenta, quæ
 ornatus dicuntur, esse feræles vestes, & ad mæ-
 rorem indicandum appositæ, eas scilicet de qui-
 bus scriptura ita narrat. *Cumque deposuisset vestes* Esther. 14.
regias, fletibus & luctui apta indumenta suscepit, 2.
Septuaginta luctalia *ἑεροχωρίας ὑπὸ τινδρος, vestimenta*
angustia & luctus. Quod autem dicitur *circumdata*
gloria sua, de regio ornatu intelligendum est, quo
 eam indui oportebat, cum in publicum erat pro-
 deundum, aut cum apparendum coram Rege,
 quod tempus ipsamet appellat, *Dies ostentationis.*
 Græc. *ὁπλοσίαις* diceremus Italicum. *Nè i giorni* Cap. 14:
che bisogna, che si lassi vedere. Qui dies opponebatur 16.
 diebus, ut ipsa vocat, *silentij.* Græc. *ἡσυχίας, quietis.*
 quibus scilicet domi aut in conclavi sui gynæcei
 priuatim desidere licet. Vestes autem quibus in-
 duebatur in diebus ostentationis, Gloriæ nomine
 significantur; hoc enim nomen, nonnumquam
 in scriptura, ad ornatum vestium explicandum,
 ex quo gloria existit, & maiestas, adhibetur. Sic
 de Nicanore dicitur in Machabæorum historia.

550 *Institutio politica ex sacris Scripturis.*

2. Mach.
8.35.

Deposita veste gloria per mediterranea fugiens, &c. Græcè τὴν δόξαν ἀπεθίμεν ἰδιῶτα, *Deposita veste gloriosa. &* eiusdem historię libro priore, describens auctor, quàm fœliciter cuncta Israëlitis cederent, Remp. gubernante Simone Machabæo, post nonnulla alia commemorata. *Seniores, inquit, in plateis sedebant omnes, & de bonis terra tractabant,*

1. Mach.
14.9.

& iuvenes inducebant se gloriam. Græcè καὶ νεανίσκοι ἐνεδύσαντο δόξας. Vocat δόξας, & gloriam ornatiorem corporis cultum, qui gloriam quamdam maiestatemque conciliat. Quare loco indicato Estheris historię Assueri maiestas, quæ ex pretiosis vestibus throno Regio, vultu etiam ad grauitatē, seueritatēque composito existebat, describitur, eadēque vox δόξα apponitur ad maiestatem exprimendam: quod enim habemus in vul-

Esther 14.
9.

gata editione. Ingressa igitur cuncta per ordinem ostia stetit contra Regem, ubi ille residebat super solium Regni sui indutus vestibus Regiis, auroque fulgens, & pretiosis lapidibus, eratque terribilis aspectu. Cumque eleuasset faciem, & ardentibus oculis furorem pectoris indicasset, &c. Et ingressa omnes ianuas stetit in conspectu Regis, & ipse sedebat super thronum Regni sui, & omnem stolam splendoris sui induerat, totus in auro, & lapidibus pretiosis, & erat terribilis valde, & eleuans faciem suam inflammatā gloria, in vigore furoris aspexit, &c. Quare Moses summi Sacerdotis vestes, quæ ad augendam muneris illius auctoritatem, & maiestatem, Dominus voluit esse ex pretiosa materia, genimis etiā appositis ornatās, dicit esse factas in gloriam & decorem. Faciesque, inquit, vestem sanctam Aaron fratri tuo in gloriam & decorem. Cæterum quod ad rem attinet de qua agimus, non est necesse pluribus ostendere, cultum corporis in primariis viris,

ac præsertim Principibus laudabilem esse, & ad maiestatem muneri illi necessariam, accommodatum; nam præter allata loca idè aliis ex scriptura productis testimoniis confirmari posset, vt Abrahami, Iosephi, Daudis, Danielis, Mardochæi, atque Iudithæ, & Iob, apud quem disertè dicitur, *Si habes brachium sicut Deus & simili voce tonas, circumdanda tibi decorem, & in sublime erigere, esto gloriosus, & speciosis induere vestimentis.* Quali dicat, si te cum Deo summo Principe confers, quod consequens est, ornamenta etiam quæ Principatum deceat, assume, gloriam scilicet pretiosarum vestium; nam & ipse Deus huiusmodi vestibus induitur, vt canit David, *Domine Deus meus magnificatus es vehementer, confessionem & decorem induisti amictus lumine sicut vestimento.* Sed de Dei maiestate paulo infra. Nunc videamus, nam quemadmodum vestium pretium & ornatum laudabilem esse ostendimus in viro Principe, ita etiã gratus aliquis eorumdem vestimentorum odor arte quæsitus probari possit.

2 Sanè crediderim moderatum vsum odorum in Principe laudari posse, non tantum quia ad corporis incolumitatem prodesse potest, cum suauitate odoramentorum hominis cor delectetur, vt dicitur in Prouerbiis. *Vnguento & variis odoribus delectatur cor;* sed etiam quia illorum vsum in scriptura reperio, non in molliori tantum mulierum sexu, sed etiam in viris præsertim primariis. Itaque S. David cum Principem illum laudasset à multis egregiis dotibus, quæ Regem ornant, quod scilicet esset *speciosus forma præ filiis hominum, quod diffusa esset gratia in labiis illius, quod propter veritatem & mansuetudinem, & iustitiam, quam dilexisset, esset feliciter in iis ad quæ ma-*

Genes. 24.
22.30.47.
53.
Genes. 41.
42.
2.Reg. 12.
20.
Dan. 5.29.
Esther. 9.
15.
Iudith. 10.
3.
Iob 40.4.
Psal. 103.
1.

*An odorũ
vsus in
vestibus
Principis
laudabilis
sit.*
Prou. 27.
9.

Psal. 44.3.

Ibid. n. 9.

nus admouisset deducendus, aliquid etiam addidit ad externum corporis cultum, de adoratis vestibus mentionem inducens, *Myrrha*, inquit, & *gutta*, & *casia à vestimentis tuis*, à domibus eburneis, &c. nemo autem nescit ex huiusmodi aromatis suauissimū odorem efflari. Bonus etiam senex Isaac mirificè scribitur delectatus odore vestimentorum filij sui, quem Esau esse putauit; nam statim ut sentit vestimentorum illius fra-

Genes. 27.
27.

grantiam, benedicens illi ait. *Ecce odor filij mei, sicut odor agri pleni, cui benedixit Dominus.* Quam benedictionem sic extulit Kaldæus. *Sicut odor incensi, ex optimis aromatibus, quæ tandem offerentur in monte, ubi erit domus sanctuarij, siue templum cui benedixit, qui vivit in æternum.* Metaphora ergo agri pleni ad flores vel fructus referenda est: nam verè cum tellus omnis noua florum pube vestitur, tunc prata variis colorum picturis in certamen vsque luxuriant & campos omnes longè latèque violaria reddunt purpureos, ac suaueolentes. Imo ipsa tellus à cultoribus altius versata halitum quandam gratissimum emittit, ex sole conceptum, cui comparari suauitas nulla possit. Sponsæ verò in Canticis vestimentorum suaueolentia his verbis

Cantic. 4.
11.

commendatur. *Odor vestimentorum tuorum sicut odor thuris:* quod in vulgata dicitur thuris, in Hebr. est לבנון *Leuanon*, quam vocem Septuaginta retinuerunt, nam verterunt λίβανον. Quemadmodum autem apud Hebræos לבנון & thus significat, & montem etiam Libanum; ita apud Græcos λίβανον, eandem duplicem habet significationem. Nemi- ni autem mirum videri debet, si vestimentorum fragrantia cum odore Libani montis comparatur; nam par est credere, montem illum in quo

quo plurimæ arbusculæ & frutices optimi odoris nascebantur, longè latèque gratissimum sparsisse odorem : quare eodē loco indicatō subditur non post multa. *Nardus, & crocus, fistula & cinamomum* Ibid. n. 14.
cum vniuersis lignis Libani. Ad odorem etiā referri posse videtur quod Saluator Dominus Salomonis vestimenta cum liliis comparauit, non enim tantum eximius candor cōmendatur in liliis aut decens, ad modum calathi figura resupinis se per ambitum labris pandens, sed etiā odor planè admirabilis, qui ex illis efflatur, omnem post se æmulatricis artis conatum longo spatio relinquit. *Considerate*, inquit, *lilia agri, quomodo crescunt : non laborant, neque nent. Dico autem vobis quoniam nec Salomon in omni gloria sua coopertus est sicut vnum ex istis.* Quamquam illud monuerim cauendum esse in huiusmodi abusum, qui tunc accidit cum aut voluptas sensuum captatur, aut quod deterius est, cum ad luxum libidinēsque refertur : quo nomine filiarum Sion curiosa licentia reprehenditur in cultu corporis & odoramentis, quibus minatur Isaïas cum ait, *Et erit pro suauitate odore fœtor, & pro zona funiculus, & pro crispante crine caluitium, & pro fascia pectorali cilicium.* Isa. 3. 24. Eum verò qui corporis cultum statui decorum quæsiuerit, aut odores adhibuerit, culpa vocare crediderim, imo rem honestam, & personæ quam sustinet consentaneam. In quo non satis laudari potest Reginæ Estheris, rerum humanarum, honorum, Regiisque splendoris, qui in externo elucet cultu, despicientia, quæ licet sumptuosissimis vestibis auro gemmisque illuminatis vestiretur, adeo tamen hoc vniuerso cultu non abutebatur ad superbiam, vt potius illud magna detestatione

554 *Institutio politica ex sacris Scripturis.*

Esther. 14.
15.

tione auersaretur. Quare Dominum alloquens. *Novisti, inquit, quia oderim gloriam iniquorum, & detester cubile incircumcisorum, & omnis alienigenæ. Tu scis necessitatem meam, quod abominer signum superbia, & gloria mea, quod est super caput meum in diebus ostentationis meæ, & detester illud, quasi pannum menstruata, & non portem in diebus silentij mei, & nunquam latata sit ancilla tua, ex quo huc translata sum usque in presentem diem, nisi in te Domine Deus Abraham.* Cui tantæ mulieris modestiæ si libet superbi alicuius typhum opponere, nõ alius mihi quærendus est, quàm Herodes, de quo ita

Act. 12. 21.

dicitur in actis Apostolorum. Statuto autem die Herodes vestitus veste regia sedit pro tribunali, & concionabatur ad eos. Populus autem acclamabat Dei voces & non hominis. Confestim autem percussit eum Angelus Domini, eo quod non dedisset honorem Deo, & consumptus à vermibus expiravit. Quamvis autem præcipua tam atrocis mortis diuinitus illatæ causa ea sit, quam D. Lucas expressit, quod scilicet assentatorum voces tanquam Deum salutantium, illique gratulantium non repulisset, sed potius libens admisisset, eisque fuisset gauisus; simul tamen punitam crediderim cedonoxiam illam, quam ex regiarum vestium cultu captare studebat apud vulgus: quod sacer historicus videtur innuere, cum regiæ illius vestis mentionem facit, & expressius Iosephus eandem narrans historiam, cuius hæc sunt verba. *Amictus veste, tota ex argento mirabili opere contexta, quæ radys exorientis solis percussa & diuinum quendam fulgorẽ emittens venerationem cum honore incutiebat spectantibus.* Hæc Iosephus.

3 Cæsaries etiam, & copiosior coma quibusdam

dam gentibus fuit in vſu , vel vt pulchritudinem oris hilariorem redderent , vel vt auguſtior-
 rem facerent. Ea etiam Principibus viris vſurpa-
 ta. De Abſalon Dauidis filio , munditiarum , &
 cultioris capilli ſtudioſiſſimo , ita habemus in Re-
 gum hiſtoria. *Quando tondebat capillum (ſemel au-
 tem in anno tondebatur , quia grauabat eum caſa-
 ries) ponderebat capillos capitis ſui ducentis ſiclis , pon-
 dere publico.* Hos crines puellæ Ieroſolymitanæ
 expetebant , vt aſcitiſſimis comis , vel deformi-
 tatem tegerent , vel meliore quàm eſſent for-
 ma ſpectantibus apparerent. Adde quod apud
 Nahum comatus , aut caſarie promiſſa ſpectan-
 dus , Principis periphrasiſ eſt , quod fortalle eo
 tempore caſaries inſigne Principum eſſet apud
 Aſſyrios (de quibus eſt ſermo) vt putat Ribera,
 vbi enim legimus *Cuſtodes ſui quaſi locuſta* , quod
 Pagninus vertit , Maiores , Rabbi Dauid Princi-
 pes interpretatus eſt in librum radicum , alij ve-
 rò *coronati* , verſio alia Hebraicæ proprietati in-
 ſiſtens , ita reddidit : *Comati tui locuſtas referunt.*
 Nec parum ad rem noſtram aptè cum locuſtis fa-
 cta videretur à propheta comparatio , ſi de eo ge-
 nere locuſtarum ſermo eſſet , quæ in Apocalypſi
 Regia quadam ſpecie deſcribuntur cum dicitur.
*Et ſimilitudines locuſtarum ſimiles equis paratis in præ-
 lium , & ſuper capita earum tanquam corona ſimiles au-
 ro , & facies earum tanquam facies hominum , & habe-
 bant capillos ſicut capillos mulierum.* Dauid etiam cum
 ſibi & Chriſto Domino proſpera cuncta , diuini-
 tus afflatus , ominatur , *Inimicos eius* , inquit , *in-*
duam confuſione (capite nimirum raſo) qui habi-
 tus eſt captiuorum , atque mcerentium : contra
 verò , *ſuper ipſum effloreat , germinabit , ſanctificatio*
mea.

De caſarie
promiſſio
capillo.

2. Reg. 14.
26.

Nahum 3.
17.

Apoc. 9. 7.

Pſal. 131.
18.

556 *Institutio politica ex sacris Scripturis.*

mea. D. Hieronymus ex Hebræo, & Chaldæo, *Corona*, aut *Casaries*, hæc enim in vertice germinat, & in humeros diffluit, diciturque sanctificatio, quia qui Nazaræorum ritu sancti erant, diuinoque cultui per eam ceremoniam sepositi, cesariem nutriebant. Hic ergo mos fuisse videtur æui illius, quem postea sæpius intermissum, & repetitum, nostris temporibus, ut est rerum consuetudinumque vicissitudo, iterum à quibusdam reuocatur. Sanè si rem ipsam spectemus, parum refert siue alat capillum Princeps noster, siue detonso capite malit incedere. Itaque vel eâ quæ obtinet apud suos sequetur consuetudinem, vel si ea minus placuerit, nouam ipse faciet: nam quod ab illo probari senserint, alij etiam usurpabunt, quandoquidem Principis ad exemplum, & aulæ proceres, & reliqui ciues ferè componi solent.

de stipa-
tribus, &
ohorte
nilitum
orporis
ustodum.

4 Ad Principis etiam maiestatem pertinet cohortes habere corporis stipatorum, qui cum prodeundum est circumfusi latera tegant, & incurrentibus periculis si fuerit opus se opponant, & & somnum etiam nocturnis excubiis muniant. Munus hoc apud Hebræorum Reges olim expleisse legiones Cerethi & Pheleti colligitur ex scriptura. Quemadmodum autem videmus nunc Principes peregrino militi, ex Heluetia plerumque aut Germania accersito, corporis custodiam credere, ita olim factitatum coniectura satis probabili, ex eadem scriptura deducitur. Nam Cerethi vel Cretenfes fuerunt in Creta orti & educati, vel certè in Palæstina nati ex aduenis Cretenfisibus: nam quod apud Sophoniam legitur, *Qui habitatis funiculum maris gens perditorum*, in

ophon. 1.

Hebr.

Hebr. est *Gens Cerethim*, & Septuaginta verterunt *Cretenses*. Facile autem creditu est, Cretenses nonnullos in Palæstina vixisse, & regiones præsertim incoluisse oræ maritimæ, cum ex Insula Creta in Palæstinæ continentem non admodum longa sit nauigatio. Appellantur autem *interfectores* & *gens perditorum*, quod ipsi Regi essent pro lictoribus, & ad Principis iussa ad interficiendum, & ad perdendum prompti. Et hi forte sunt de quibus dicitur in Canticis. *En lectulum Salomonis sexaginta fortes ambiunt, omnes tenentes gladios, uniuscuiusque ensis super femur suum.* Quamquam quod ad genus armorum spectat, quo vsi sunt, eos Kaldæus interpres, arcu, sagittis & funda instruit, nam pro Cerethi & Pheleti, vertit *sagittarios*, & *fundibularios*. Eos verò lictores fuisse, videtur etiam ex eo capi posse coniectura, quod eorum dux Banaias Ioab & Adoniam iussu Salomonis interfecerit, ut in Regum historia narratur; & hi etiam forte sunt, quos Saül legitur misisse, ut custodirent David, & interficerent manè. Hæ verò militum legiones, quia fidæ admodum Principi suo erant, Davidē secutæ dicuntur, cum fugeret Absalonem. *Egressusque Rex & omnis Israël pedibus suis stetit procul à domo, & uniuersi serui eius ambulabant iuxta eum, & legiones Cerethi & Phelethi, & Gethai, pugnatores validi, sexcenti viri, qui secuti fuerant eum de Geth pedites, præcedebant Regem.* Quamuis autem plerique existiment Gethæos istos nō fuisse ex gente Philistinorum sed ex filiis Israël, sic autem appellatos, quod David apud Regē Achis commorantem, & postea inde abeuntem profecti essent: id tamen non admodum exploratum esse mihi videtur, nec coniecturæ quibus nitun-

Cant. 3.7.

3. Reg. 2.

1. Reg. 19.

11.

2. Reg. 15.

17.

Abulenf.

2. Reg. 15.

quæst. 26.

Theodor.
q. 29. in 2.
Regum.

1. Reg. 27.
9.

2. Reg. 15.
19.

tur adeò firmæ, vt cōtrarium defendi cum Theodoreto, & scholasticæ historiæ authore, aliqua ratione non possit. Eius ergo opinionis duo sunt fundamenta. Alterum, quod Dauid urbem Geth non habitaret, sed Siceleg, quod oppidum Gentiles non incolebant, sed Dauid tantum cum suis: quare nec inde petere poterat Gethæos quos sibi adiungeret, nec verò si potuisset eos sibi adiungere sustinuisset, ne forte aliquis Regis sui damnis commotus, Dauid ad Regem Achis deferret, quod alterum est sententiæ huius firmitamentum: solertissima enim animi prouisione cauebat Dauid, ne cum prædas è regno Achis egisset, incursionum illarum, damnorumque auctor haberetur, vt in historia Regum legimus libro primo. *Et percutiebat, inquit, Dauid omnem terram, nec relinquebat viuentem virum & mulierem, tollensque oves, & boues, & asinos, & camelos, & vestes reuertebatur, & veniebat ad Achis. Dicebat autem ei Achis: In quem irruisti hodie? Respondebat Dauid: Contra meridiem Iuda, & contra meridiem Ierameal, & contra meridiem Ceni. Virum & mulierem non viuificabat Dauid, nec adducebat in Geth, dicens: ne forte loquantur aduersum nos. Cæterum pro Theodoreto, quis diceret, Gethæos illos fuisse quidem de gente Philistinorum, secutosque Ethai Gethæum, qui aliqua fortasse offensione, exilio causam dante, patrium verterat solum, operamque suam Dauidi ad bellum locauerat, aut corporis custodiam, secutusque fuerat Dauid abeuntem, nam primò ipsum Ethai Gethæum fuisse ex scriptura apertè constat, nam dixit Rex ad Ethai Gethæum, reuertere, & habita cum Rege, quia peregrinus es, & egressus es de loco tuo. Quemadmodum ergo Ethai natione Gethæus*

thæus non in exercitu tantum Dauid, sed inter
 amicos etiam censebatur, ita probabiliter credi
 posse alios etiam sexcentos Gethæos sub Erhai
 meruisse, illiusque auctoritatē secutos, cum illo
 sub Dauid militasse. Quāvis autem Dauid Siceleg
 incoleret frequenter, tamen in aula Regis Achis
 versatū fuisse, credibilēque esse, habuisse eum ibi
 aliquos amicos, & factores, quamvis plures habe-
 ret aduersarios, quos etiā ibi iniquos experieba-
 tur, & gloriæ suæ obrectatores, quorum tandem
 cessit inuidiæ, vt lib. I. Regum historiæ cōmemo-
 rat scriptura, fierique potuisse, vt tanta haberet
 Erhai fidelitatis pignora, vt ei, totique Gethæorū
 cohorti, corporis sui custodiā credere prudenter
 posset, quemadmodum Achis Dauidi se credere
 constituerat, cui dixit: *Ego custodē capitis mei ponam*
te cunctis diebus. Quam etiam alienigenarum in se
 fidem in Psalmo videtur Dauid celebrasse, cū ait:
Populus quem non cognoui seruiuit mihi, in auditu oris
obediuit mihi. Quæ verba de Gethæis Bellarmin. in-
 telligit in eum locū. Quidquid hac de re sentien-
 dum sit, ratio suadet prudenter peregrino militi
 potius, quam ex indigenis collecto Regium credi
 satellitium. Nam indigenarum fidelitas magis su-
 specta esse potest quā peregrinorum, hi enim
 præter sua stipendia, quæ merentur in aliena pa-
 tria occasiōē rerum nouandarū non habent, nec
 plus huic ex Regni Principibus fauent, quā illi,
 cum omnibus sint æquē peregrini, & ignoti. Indi-
 genæ verò, qui ex ciuibz suis alij ex aliis pēdent,
 iisque aut animi propensione suapte sponte, aut
 beneficiis deuincti adhærent, facilius in suspicio-
 nē venire possunt, ne fortè salutem caputque Re-
 gis alicui prodant, quem regnū affectare vidēt,

1. Reg.
cap. 29.

5. Reg. 28.
2.

Psal. 17.
45.

aut

aut alioqui Reipublicæ alia aliqua ratione incommodare molientem. Quod verò diximus de Cerechi & Gertheis, dicendum etiam est de Phelethi; cum enim Phelethi legio cum legione Cerechi coniungatur, idem etiam illius munus fuisse credibile est, & nominis fauet etymologia: nam פֶּלֶת siue פֶּלֶת est *seligere, segregare*. ex quo fit Phelethi inde nomen nactus fuisse, quod selectorum militum manus essent ad Regis custodiam deputatæ.

De Maiestate in alijs quibusdā quæ Principem circumstant, ut throno regis, &c. ● 3. Reg. 10. 18.

5 Spectatur etiam maiestas Principis in externis quibusdam rebus, quæ illum circumstant, cuiusmodi est thronus Regius, aut lectica, qua vehatur, & alia generis eiusdem; & Rex quidem Salomon thronum mirabili artificio perfectum ex auro, eboræque elaboratum fieri iussit, cuius descriptio est in historia Regum. *Fecit etiā, inquit, Rex Salomon thronum de ebore grandem, & vestivit eum auro fuluo nimis, qui habebat sex gradus, & summus throni rotunda erat in parte posteriori, & duæ manus hinc atque inde tenentes sedile, & duo leones stabant iuxta manus singulas, & duodecim leuunculi stantes super sex gradus hinc atque inde. Non est factum tale opus in uniuersis regnis.* Aptè autem ad maiestatem Leones additi, quod animal propter prærogatiuam fortitudinis inter cætera facile obtinet principatum, ipsoque corporis habitu, licet arte tantum picturæ, aut sculpturæ assimulatum sit, terrorem quendam incutit, quod facit ad maiestatem. De ferculo verò Salomonis magnificentissimo ita scribitur in Canticis. *Ferculum fecit sibi Rex Salomon de lignis Libani, columnas eius fecit argenteas, reclinatorium aureum, ascensum purpureum, media charitate constravit, propter filias Ierusalem.* Hebraicam

Cantic. 3. 9.

braicam vocem, quam *Ferculum* noster interpretes, & cum illo cōsentientes Septuaginta φορτίου verterunt, cum semel tantum in scriptura occurrat, hoc nimirum loco: alij aliter interpretati sunt à vulgata editione, sine idonea causa recedentes. Erat igitur *Ferculum* sella quædam, aut lectica Salomonis, qua ipse Rex cum Maiestate circumferretur. Eius ferculi partes minutim scriptura describit, vt operis artificium, materiæque ex qua fuerat elaboratum, pretium ostendat, nam columellæ apſidi ſuſtinendæ, & fulciendæ, ex argento fuerunt. Reclinatorium, ſiue acclinatorium, cui ſcilicet humeri, brachiæque inniterentur. fecit ex auro, aſcenſum, hoc eſt ipſum ſedile ex purpura, vel, vt alij volunt, ipſum integumentum, ac lecticæ teſtudo, mediâ autem charitate conſtruit, rebus ſcilicet, quæ multū amantur, & magni pretij ſunt, lapidibus nimirum pretioſis, mira arte diſpoſitis; nam Septuaginta habēt ἐν τοῖς αὐτοῖς λίθοις τὸ ἀγαπᾶν, in interiore ipſius opus lapidibus conſtratū ipſam dilectionem: nam τὸ ἀγαπᾶν poſitum eſt appoſitiuè, hoc ſenſu, quod ipſam dilectionem dixeris, adeo eſt amabile, pulchrum, pretioſum. Quinta autem edito ex lectis lapillis pretioſis ſcilicet opus coagmentatum ſignificat, ita enim habet τὸ μέσον αὐτῆς ἐν πολλοῖς μενίστοις eius electis calculis ornavit. Adeo verò præclarum hoc fuit Salomonis ferculum, vt cum eo Salomon circumferretur regio inſignis diademate, ad eum ſpectandum filiæ Sion euocarentur. Nam ſtatim ſubditur: *Egredimini & videte filia Sion Regem Salomonem in diademate, quo coronauit illum mater ſua, in die deſponſationis illius, & in die lætitiæ cordis eius.* Videtur enim ſpectaculum admirabile

Ibid. n. 11.

simul & iucundum, Regem illum, auro purpurâque nitentem, tam eleganti & pretioso ferculo circumferri.

Ad maiestatem facere si se Princeps in loco à vulgi conspectu subducatur.

6 Sed facit etiam ad maiestatem ac reuerentiam, si se se in loco & tempore Principes ab hominum vulgarium præsertim conspectu, & consuetudine subducant, ne scilicet continuus aspectus minus verendos ipsa satietate faciat, neue aliqua forte notent vitia, quibus sine viuit nemo, quæ si frequenter in eorum oculis versentur, nullo negotio deprehendant, ac propterea minoris faciant. Maior enim summæ potestati ex longinquo venit reuerentiâ. Fuit quorûdam mos iste Persarû, vt ne ad interius quidê Regis atrium inuocatis penetrare liceret, ne dum ad eius côclauia, aut conspectû, proposita etiam capitis pœnâ, iis qui legē violassent. Quare Esther Regina vel in summo populi eius periculo ad Assuerû ingredi formidabat. *Omnes serui Regis* (inquit ipsa ad Mardocheum) *& cuncta, quæ sub ditione eius sunt, norunt prouincia, quod siue vir, siue mulier, non vocatus, interius atrium Regis intrauerit, absque vlla cunctatione statim interficiatur, nisi forte Rex aureâ virgam ad eum tetenderit, pro signo clementiæ, atque ita possit viuere.* Ego igitur quomodo ad regem intrare potero, quæ triginta iam diebus non sum vocata ad eum? Hæc Regina Esther, quæ tamen cû urgente Mardocheo, vt imminens toti Hebræorum genti periculum ab eorum ceruicibus depellere curaret, ausa est, Regi se sistere, sed magnitudine periculi, quod subibat, adeo commota est, vt repente corruerit, & in pallorem colore mutato lassum super ancillulam reclinaret caput. Sed non immerito videri possit alicui seuerior iusto lex ista, vt Abbati Ruperto visa est, cuius

Esther 4.
11.

Esther 15.
10.
Lib. 8. de
vict. verbi
cap. 10.

ius ista sunt verba. Cur, inquit, tanta erat difficul-
tas adeūdi Regem? Nimirū hoc venerat ex nimia
veterositate miserę vanitatis, vt Rex magni Imperij
plus homine putaretur habere aliquid, nec vilior
fieret ex vsu publicę visionis; maximęque apud
Persas mos iste sancitus fuit, vt persona Regis
occultaretur sub specie maiestatis. Ita Rupertus.

7 Ad Principis etiam maiestatem, si vlla res alia
maximę facit, aulicorū, ministrorūque lectissi-
morum numerus, qui illi astent; illum comiten-
tur, prodeuntem, redeuntemque deducant. Sic
Daniel cum diuinam maiestatem, de Antichristo
iudicantem describit, cum adiuncta nōnulla ex-
pressit, quę ad Maiestatem faciunt, tum hoc de
ministrantium, assistentiūque multitudine non
prætermisit; *Aspiciebam*, inquit, *donec throni posi-*
ti sunt, & antiquus diertum sedit: vestimentum eius
candidum quasi nix, & capilli capitis eius quasi lana
munda, thronus eius flamma ignis, rota eius ignis ac-
census. Fluvius igneus, rapidusque egrediebatur a facie
eius. Millia millium ministrabant ei, & decies milles
cetera millia adsistebāt ei. Throni positi sunt, maior
enim auctoritas est, sanctiorque Maiestas; si Rex
plures Principes circum se habeat sedentes, quā
si solus ipse sedeat. Quare in Apocalypsi præter
thronū summi Iudices viginti quatuor sedilia to-
tidē senioribus posita dicuntur, & Christus Dis-
cipulis suis pollicitus est, fore vt & ipsi *sederent*
super sedes duodecim, iudicantes duodecim tribus Is-
raël. Candor etiam vestium ad maiestatem facit,
Deus enim lucis candore quodammodo vestitur,
vt non semel expressit scriptura, nam à Mose di-
citur Deus esse ignis consumens, & à S. David
amictus lumine, sicut vestimento; & rursum verbum

De mini-
strorū nu-
mero &
aula fre-
quentia.

Dan. 7.9.

Apoc. 4.4.

Matth. 19.
28.

Deut. 4.

24.

564 *Institutio politica ex sacris Scripturis.*

- Pfal. 103. *in splendoribus sanctorum, ex utero ante luciferum genitus.* Tandemque in transfiguratione Christi vestimenta *alba* fuisse dicuntur *sicut nix*. Candor
 2. Pfal. 109. verò capillorum præter æternitatem, quæ canitie significatur, maiestatem etiam sanè verendam
 3. Matth. 17. repræsentat. Porro thronus igneus, & rotæ igneæ
 2. curruli throno subiectæ, ad eandem pertinent maiestatem augendam, ut etiam ignis ille à Dei throno, quasi fluuius erumpens, quod etiam legimus apud Dauid, apud quem cum Dominus
 Pfal. 96. 1. quasi Rex describitur præcedentis istius ignis
 Ibid. n. 3. mentio fit. *Dominus, inquit, regnauit, exultet terra, &c.* Et paulò post, *ignis ante ipsum præcedet, & inflammabit in circuitu inimicos eius*, tandemque additur id, de quo nunc agimus, numerum prope modum infinitum Angelorū Regio summi Principis throno astitisse, paratorum ad illius iussa capessenda, quod ad diuinam maiestatem amplificandam non mediocriter facit. Quare frequens in scripturis multitudinis istius incidit mentio,
 Iob 25. 3. ut cum legimus apud Iob *Nunquid est numerus militum eius, & super quem non surgat lumen eius?* (disseritur autem eo loco de diuina maiestate, quare
 Ibid. n. 2. & statim ante præmiserat, *Potestas, & terror, apud eum est*, quæ maximè ad maiestatem faciunt) &
 Hebr. 12. apud D. Paulum cum ait: *Accessistis ad Sion montem, & ciuitatem Dei viuientis Ierusalem caelestem, & multorum millium Angelorum frequentiam*; & in S.
 22. Ioan. Apocalypsi, *Et audiui vocem Angelorum multorum in circuitu throni, & animalium, & seniorum,*
 Apoc. 5. *& erat numerus eorum millia millium.* Et in Psalmo,
 21. *Carrus Dei decem millibus multiplex millia latantium,*
 Psalm. 67. Angelorum scilicet, qui tanquam auxiliares copiarum ad Elisæum tuendum missi sunt, ne veniret
 18. in

in manus Regis Syriæ. Nam cum *Minister viri* 4. Reg 6.
Dei egressus vidisset exercitum in circuitu ciuitatis, & 15.
equos & currus, Elifao nunciauit, dicens. Heu, heu, heu!
Domine mi, quid faciemus? At ille respondit: Noli time-
re, plures enim nobiscum sunt, quàm cum illis. Cùmque
orasset Elifao, ait. Domine, aperi oculos huius ut vi-
deat. Et aperuit Dominus oculos pueri, & vidit, & ec-
ce mons plenus equorum & curruum igneorum in cir-
cuitu Elifai. Sed ut à Diuinis ad humana descen-
damus, hanc Principum virorum Regi adstandi
consuetudinem reperio apud Persas, nam in li-
bro Esther legimus Reginam Vasthi Principum
virosum consilio, qui Regi adstabant, exauctora-
tam, regno excidisse. *Iratus, inquit, Rex, & ni-* Esther 1.
mio furore succensus, interrogauit sapientes, qui ex mo- 13.
re Regio semper ei aderant, & illorum faciebat cuncta
consilio, scientium leges, ac iura, maiorum, erant autem
primi & proximi Charsena, & cæteri, qui recensentur,
qui videbant faciem Regis, & primi post eum resi-
dere soliti erant. Quibus nimirum alij minoris po-
testatis & auctoritatis in Regis aula versabantur,
qui licet non semper, frequenter tamen Regi
adesse consueissent, ut eius facerent imperata, &
Maiestatem augerent, tales illi erant, qui tem-
pore conuiuij ab Assuero instructi præsidebant
mensis ut omnia decorè fierent, & citra tumul-
tum, qui in sacra historia Principes appellantur.
Memorat etiam scriptura in Daudis aula com- Esther 1.
plures fuisse, ut potè sub Rege bellatore viros 8.
fortissimos, qui Regi & Regno non minus essent
ornamento, quàm præsidio. Horum verò catalo-
gus texitur in historia Regum, vbi etiam aliquo-
rum egregia facinora commemorantur Eleazari,
qui tam pertinaci spiritu, tantæque fortitudine

566 *Institutio politica ex sacris Scripturis.*

- 2.Reg.23. contra Philisthæos pugnavit, donec deficeret manus eius, & obrigesceret cum gladio Semma, qui Philisthæos à campi lente pleni ingressu per vim prohibuit, campumque tuitus est, percussitque Philisthæos, & fecit Dominus salutem magnam; trium fortium, qui cupienti David haustum aque de cisterna, quæ erat in Bethleem, irruerunt in castra Philistinorum, & hauserunt aquam, & attulerunt ad David.
- Ibid.n.18. *Abisai, qui leuavit hastam suam contra trecentos, quos interfecit: Baiana, filij Ioiada magnorum operum de Cabseel, qui percussit duos Leones Moab, & ipse descendit, & percussit Leonem in media cisterna in diebus niuis, ipse quoque interfecit virum Egyptium virum dignum spectaculo, habentem in manu hastam. Itaque cum descendisset ad eum in virga, vi extorsit hastam de manu Egyptij, & interfecit eum hasta sua. Cæterorumque fortium, quorum nomina pergit commemorare scriptura, quæ qui volet legat loco indicato: quæ igitur Davidis maiestas cum tam fortibus, tamque multis bellatoribus stipatus incederet? sunt enim quos historia Regum nominatim recenset, omnes triginta septem. Nec minus florens aulæ regię status Salomone regnante, quare diligenter scriptura plures commemorat nominatim ex Principibus viris, eorumque munera quibus præpositi fuerant à Salomone.*
- 3.Reg.4. *Erat autem, inquit, Rex Salomon regnans super omnem Israël, & si Principes, quos habebat Azarias filius Sadoc sacerdotis, Elioreph, & Ahia filij Sisa scribæ. Crediderim scribas Regi à secretis fuisse epistolis expediendis præpositos, Regiis decretis ac diplomatis. Iosaphat filius Ahilud à cōmentarijs. Kaldæus interpretatur Præpositum super monumenta. 70. Commonefacientem. Pagninus in thesauro linguarum sanctarum*

sanctæ , commune factorem , vel à secretis , eum
 scilicet qui Regi reuocat in memoriam negotia ,
 quæ gerenda sunt , aut qui supplices porrigit li-
 bellos. Banaïas filius Ioiadæ super Exercitum, Sa-
 dac autem, & Abiathar sacerdotes. Azarias filius Na-
 than , super eos , qui existebant Regi. Qui verò fue-
 rint hi , qui assistebant Salomoni , qualèque eo-
 rum munus scriptura non exprimit. Forte fue-
 rint Regij Consiliarij de quibus alicubi mentio-
 nem faciens scriptura assistendi vocabulum usur-
 pat. *Inijt, inquit, Consilium Rex Roboam cum seniori-*
bz, qui assistebant corā Salomone patre eius, cum adhuc
uineret. Pergit Catalogus ministrorum Salomo-
 nis. Zabud filius Nathan sacerdos, amicus Regis. *Ami-*
cus Regis, dignitatem quandam importat , pecu-
 liarémque nomenclaturam, ut ij quos Rex eo ho-
 nore dignatus esset, Amici Regis dicerentur, ut ex
 productis hoc eodem capite testimoniis colligi
 apertè potest. *Et Ahisar prepositus domus, Adoniam*
filius Abdor super tributa. Habebat autē Salomon duo-
 decim præfectos super omnem Israël , qui præbebat anno-
 nam Regi, & domui eius, &c. Ex his ergo, quæ hacten-
 us diximus satis patet , ad maiestatem & decus
 Principis maximè facere, si selectissimos quosque
 generis nobilitate , ac præcipuè virtute apud se
 habeat in aula, quorū opera utatur , cum se se of-
 fert occasio , cuiusmodi ministros & aulicos de-
 scribere videtur Sapiens cum ait. *Vidisti virum ve-*
locem in opere suo: corā Regibus stabit, nec erit ante igno-
biles. Sapientis enim Principis est diligenter , so-
 lenterque inuestigare sintne aliqui , quorum exi-
 mia sit laus in bellicis , urbanisue rebus tractan-
 dis, eumque aulæ suæ tanquam præcipuum quod-
 dam decus adiungere.

3. Reg. 12.
16.

Num. 1.
Machab.
10. 20. &
11. 58. &
14. 38.

Prou. 22.
29.

568 *Institutio politica ex sacris Scripturis.*

- De titulis Principū.* 8 Sed tituli etiam Principum aliquid conferunt ad maiestatem, ideóque aut à populis suis Principibus pro virtutis modo impositi, aut ab ipsis ambitiosius etiā, quàm par fuisset, affectati. In sacris literis Antiochus Syriæ Rex appellatur *Illustris & Nobilis*, Græcè ἐπιφανὴς *Epiphanes*, quod idē significat; qui tamen ob insanū in veros Dei cultores furorē, sordidissimāsque cum quibuslibet helluationes & scortationem ἐπιμανὴς, hoc est *furens*, seu *insanus* veriùs appellatus est. Sic alij Syriæ Reges à titulis cōmendationem quæsiuēre, nam & νικάνορες & σωτῆρες, & καλίνικοι, & κεραινοί, atque adeo δεοὶ nuncupati sunt. *Victores* scilicet, *hominum servatores*, *illustrium victoriarum reportatores*, *Fulmina*, *Dij*. Sed Antiochum illum Epiphanem optimè in eum conueniente epitheto sacra Machabæorum historia decorauit; quia enim plurimorum peccatorum fuerat causa, quæ ab illo auctore, quasi à radice exorta sunt, propterea eum *Radice peccatricē* indigitauit, vt vel hinc appareat, quàm diuersa inter se sint hominum, Deique iudicia; nam quos homines honorificentissimis cumulant titulis & laudibus attollunt ad sydera, eos Deus tanquam ignobiles despicit, abiicitque iuxta id, quod Samueli dixit Dominus; *Quicumque glorificauerit me, glorificabo eum; qui autem contemnent me, erunt ignobiles*. Faciunt ergo tituli ad maiestatem; si verè Principi conueniant, non adulatoria assentatione sint inditi, ad scalpendas Principis aures. Quare magnus ille Princeps, qui cum in forma Dei esset, *paruulus tamen nasci dignatus est*, cuius *Principatus super humerum eius*, tanto ante ab Isaia titulorum præconio, quibus olim esset ornandus, celebrari voluit,

luit, *Vocabitur, inquit, nomen eius Admirabilis, Con-* Ibidem,
siliarius, Deus, Fortis, Pater futuri sæculi, Princeps
pacis. Et inter mortales rerum gestarum magni-
 tudine & claritate Principes aliqui Magni nomē
 sibi pepererunt, ut Alexander Macedo, cuius men-
 tio est in ipso statim limine Machabæorum hi-
 storix, in qua licet magnus non dicatur, ita ta-
 men à bellica fortitudine, reportatisque victoriis
 cōmendatur, ut hoc nomine non indignus, ipsius
 sacræ Scripturæ testimonio cēseri possit. *Et fa-* 1. Machab.
ctum est, inquit, postquam percussit Alexander Philip- 1. 1.
pi Macedo, qui primus regnavit in Græcia, egressus de
terra Cethim, Darium Regem Persarum, & Meda-
rum constituit prælia multa & obtinuit omnium muni-
tionem, & interfecit Reges terra, & pertransiit usque ad
fines terra, & accepit spolia multitudinis gentium, &
siluit terra in conspectu eius, & congregavit virtutem,
& exercitum fortem nimis, & exaltatum, & eleuatum
est cor eius, & obtinuit regiones gentium, & Tyrannos,
& facti sunt illi in tributum, &c. in sacris etiam lit-
 teris ex Principibus aliqui Magni dicti sunt ut
 Iob. *Eratque vir ille magnus inter omnes Orientales.* Iob 1. 3.
 ut etiam Salomon, quem Regum historia docet
Magnificatum fuisse super omnes Reges terra, dinitiis, & 3. Reg. 10.
sapientia, & uniuersam terram desiderasse vultum eius. 23.
 imo in libro Ecclesiastæ, prædicat Salomon de se
 ipso, *Magnus effectus sum.* Et Dauidi exprobrat Na-
 than propheta, ita Deo iubente. *Feci tibi nomen* Eccles. 1.
grande, iuxta nomen magnorum, qui sunt in terra. 16.
 Et Moyses etiam valde magnus dicitur in Exodo. 2. Reg. 7.
Fuit, inquit, Moyses vir magnus valde in terra Egy- 5.
pti coram seruis Pharaonis, & omni populo. Exod. 11.
 Quod 3.
 etiam testatur Ecclesiasticus, cum ait: *Dilectus Deo* Eccles. 45.
& hominibus Moyses, cuius memoria in benedictione est. 1.

570 *Institutio politica ex sacris Scripturis.*

similem illum fecit in gloria sanctorum, & magnificauit eum in timore inimicorum, & in verbis suis monstrauit. Glorificauit eum in conspectu Regum, &c.

Ibid.n.7. Aaron etiam Moïsis frater Excelsus dicitur. *Excelsus*, inquit, *fecit Aaron fratrem eius, &c.* Sed ista ad virtutem potius & promerita, quàm ad cognomina spectare quis dixerit. Illud sine dubio à re in Ægypto fœliciter & salutariter gesta Iosepho Iacobi filio à Pharaone cognomentum, siue no-

Genes. 41. 45. men impositum est, quod in Genesi legimus, *Veritque nomen eius, & vocauit illum lingua Ægyptiaca, Saluatorem mundi*, quod nimirum imminens toti Ægypto à fame exitium prouidentia sua, anteuertens depulisset, totque hominum Myriadas saluas fecisset. Voluit enim Pharaon ad cætera ornamenta, & insignia quibus Iosephum magnificè ornauerat (nam tulit annulum de manu sua, & dedit illum in manu eius, vestiuitque illum stola byssina, & collo torquem auream circumposuit, fecitque eum ascendere super currum suum secundum, clamante præcone, ut omnes coram eo genu flecterent & prepositum esse scirent vniuersa terra Ægypti) hoc etiam addere, ne quid ad viro Principi, & in aula Regia post Pharaonem secundo, maiestatem conciliandam desideraretur.

Cur Saul iam Rex Israël creatus, contra quam postulat sibi Magistratus maiestas, boues secutus fuerit. 9 Sed priusquam huic de maiestate dissertationi finem imponam, dispiciamus, quid Sauli venerit in mentem, ut postea quam publica populi totius electione ad Regni gubernacula admotus, faustisque acclamationibus salutatus, ritumque solenni inaugnratus fuerat Rex à Samuele, deposito regali scepro agrestem aratri stiuam repeteret, rusticoque operi intentus terram versare, regiamque maiestatem ad tam vilia ministeria ab-

ii cere

iicere non erubesceret, aut Religioni duceret. Historiæ seriem habemus in libris Regum, nam cum Naas Ammonites duris admodum conditionibus Israëlitis pacis incundæ spem fecisset, si nimirum singuli dextro lumine se paterentur orbari, *Venerunt nuntij in Gabaa Saulis, & locuti sunt verba hæc, audiente populo, & leuauit omnis populus vocem suam, & fletit, & Ecce Saul veniebat sequens boues de agro.* Crediderim Saulem multis è populo repugnantibus illiusque imperium detrectantibus, in priuatæ fortunæ officiis adhuc aliquantisper hædere, consultum esse putauisse. *Filij enim Belial dixerant. Num saluare nos poterit iste? Et despexerunt eum, & non attulerunt ei munera, ille verò dissimulabat se audire.* Prudenter nimirum expectans donec inuidiæ desideret feruor, quo eorum coquebantur pectora, qui hominem ex abiecta contemptaque conditione ad Regni claritatem repente emeruisse, æquo animo ferre non poterant, nisi forte populo regiam purpuram, lictorum secures aut gladios, aulicorumque frequentiam spectare nondum assueto, non fuerunt ista repente oculis inuidiosè ingerenda, præsertim post tam insignem modestiam Iudicum, qui Rempublicam ad id vsque temporis clementi admodum imperio, nulloque potentia ostentandæ apparatu, Israëlī vniuerso iura dederant. Tales cum alij fuerunt, tum Sangar filius Anath, qui vt erat ad ruris opera succinctus vomere in reli vsum conuerso sexcentos obtriuuit Philistæos, vt dicitur in historia Iudicum, *Post hunc, inquit, fuit Sangar filius Anath, qui percussit de Philistiim sexcentos viros vomere, & ipse quoque defendit Israël.* Postea verò quam Saul rustico opere attritis manibus, sibi

1. Reg. 11.

4.

1. Reg. 10.

27.

Iud. 3. 31.

1. Reg. 11.

2.

sibi pariter regnum, Reipublicæque salutem stabilivit, ingentibus hostiū copiis pessumdatis, illustrique victoria reportata, maiori auctus apud populum existimatione, nam dixit *Populus ad Samuelem, quis est iste, qui dixit, Saul non regnabit super nos? Date viros, & interficiemus eos*, ad regni tractanda gubernacula quietus assedit, populoque quem malis fessum ad certam salutis spem erexerat, ius dicere pro officio ita instituit, ut ad ruris opera non amplius reuertisse memoretur.

*De temperantia Principis in cibo,
potu, & somno.*

C A P V T XXIV.

DE temperantia in capiendō cibo, potūque aliquid Principibus præscribere ita necessarium puto, ut frequens in eorum aulis est mensarum abusus exquisitissimis epulis, regio sumptu instructarum, à quibus utinam semper abesset luxuria, quæ immanibus paratas sumptibus escas, conchilia, pisces, auculas peregrino aliquo gustu commendabiles, ex longinquo etiam accersere adeo non veretur, ut huiusmodi gulæ irritamenta, Principe dignas, ac tantum non necessarias lautitias esse putet: in quo si pecuniarum tantum esset profusio, ferendum esset fortasse malum in hominibus abundantibus, celsiorisque fortunæ; sed cum etiam corpora hisce corrupta delictis, morbis tententur, sitque in Principe viro sanitatis aut vitæ iactura, non ipsi duntaxat, sed toti etiam Reipubl. pernicioſa,

quæ

quædam ex sacris litteris more nostro delibanda sunt, quibus si fieri possit, peruersitas ista corrigatur.

I Ac primò illud statuendum est, naturam paucis, parabilibusque cibis esse contentam, nam ut ait Ecclesiasticus, *Initium vite hominis aqua, & panis, & vestimentum, & domus protegens turpitudinem.* Quod idem docuit D. Paulus cum ait, *Habentes alimenta, & quibus tegamur, his contenti simus.* Quod si cui videtur hæc disciplina astrictior, quàm ut homini elegantiori præscribi debeat, aliquid amplius cum eodem Ecclesiastico indulgeamus. *Initium*, inquit, *necessaria rei vite hominum, aqua, sal, lac & panis similagineus, & mel & botrus vine & oleum, &c.* Illud tamen meminerimus Parabile & expositum esse, quod natura desiderat, nec ut id assequamur quod sat est, necesse esse tentare maria, aut tanto labore ac periculo saltus, sylvasque peruadere. Ac primis quidem illis verè aureis sæculis nascētis mundi homines saltem pietatis sectatores à carne abstinuisse scimus, frugibusque dumtaxat & pomis victitasse, quæ vel sponte, vel cultu pronocata gignebat tellus, vel quod, ut aliqui putant, Dominus in vniuersum carniū vsum vetuisset, vel, quod verisimilius est, quia sua ipsi sponte carnes non attingerent. Quare Dominus post cataclysmum cum herbarum, frugumque virtus aquarum elunione facta esset hebetior, & ad corpora enutrienda minus idonea, sibi non ingratum fore significauit, si carnibus deinceps æquè ac oleribus pascerentur. Et omne, inquit, quod mouetur & vinit, erit vobis in cibum, quasi olera virentia tradidi vobis omnia. Quamuis autem facta sibi potestate homines non inui-

Naturam paucis parabilibusque cibis contentam esse.
Ecclesi. 29.
28.
1. ad Tim.
6.8.

Ecclesi. 39.
31.

Genes. 9.3.

ti vñ sint, exiguo tamen gustu rerum parabilium, famem sitimque sedare soliti fuerunt; ex quo factum est, vt cum alicui etiam lautiores epulæ appararentur, recepta tamen sacrarum litterarum phrasi panem comedisse, & aquam bibisse dicatur, vt antiquæ frugalitatis vestigia, si non in mensis, saltem in loquendi formulis resideret, vt

Genes. 43.
35.

cùm dicitur in Genesi de filiis Iacob. *Illi verò parabant munera, donec ingrederetur Ioseph meridie, audierant enim, quod ibi comesturi essent panem.* Fuisse autem illud conuiuium satis ex eo apparet, quod

Ibid. n. 34.

Ioseph Benjamin fratrem suum melioribus missibus honorauit, & ex aliis eius historiæ adiunctis apparet. Sed res in scripturis vel mediocriter versatis clarior est, quàm vt pluribus exemplis explicanda sit. In ipsis porro conuiuiis etiam procerum & Megistanum, cuiusmodi proculdubio erat Abrahamus, nullæ cupediæ, aut scitamenta, nullæ ganeatorum ciborum deliciæ, quæ in tam opulenta domo, si ita obtinuisset vsus, non defuissent, sed omnia simplicia describuntur, ita enim

Genes. 18.
6.

legimus in Genesi. *Festinauit Abraham in tabernaculum ad Saram, dixitque ei. Accelera, tria sata simile commisce, & fac subcinericios panes; ipse verò ad armentum cucurrit, & tulit inde vitulum tenerrimum, & optimum, deditque puero, qui festinauit, & coxit illum. Tulit quoque butyrum & lac, & vitulum quem coxerat, & posuit coram eis.* Paucis ergo, quod initio dicebamus natura contenta est, nec est creditor molestus, paruoque dimittitur, si modò illi quod debemus tantum dare inducamus in animum, non quod possumus, aut impotens voluptas suaserit, cui dum homines intemperantius parent, plurima sibi accersunt incommoda.

2. Ac primò quidem sanitas eueritur, quam simplicium cibòrum vsus tuetur, saporum autem aceruatio, & varia còdimenta corrumpunt. Conuiuium omnibus rebus apparatissimo, instructissimoque Assuerum, & Aman exceperat Regina Esther, vt in illius historia legimus. Nam cum se Assuero Regina stitisset. *Quid vis*, inquit Assuerus, *Esther Regina?* At illa respondit: *Si Regi placet, obsecro, vt venias ad me hodie, & Aman tecum, ad conuiuium quod parauit. Statimque Rex, Vocate citò Aman, vt Esther obediat voluntati. Venerunt itaque Rex & Aman ad conuiuium, quod eis Regina parauerat. Dixitque ei Rex postquam vinum biberat abundanter, Quid petis vt detur tibi; &c.* Non igitur mirum si Rex vino languidus, ciboque confectus, Noctem illam duxit insomnem: nam cum assis elixa miscentur, turdis pisces, & conchylia, cum dulcibus tragematis, quæ in bilem versantur, stomachus oneratur, mirum non est si tanta dapium varietate distentum corpus, partem vllam quietis capere non potest; ideo Salomon, *dulcis*, inquit, *est somnus operanti sine parum sine multum comedat, saturitas autem diuitis non finit eum dormire.* Ita enim experientia docet eum, qui diuino labore corpus exercuit, vbi cibo fessas restituit vires, lectuloque fatigata membra composuit, arcto illum teneri somno, moxque sopore curato corpore, surgere vegetum, vt intermissa repetat munia: qui verò temperantiæ modum excedunt eos, vinolentia, & cruditate quiete prohiberi, & cum mane confucunt, ventriculi, aluique conuulsione lancinari, nec priusquam edormierint crapulam, rebus agendis aptos esse posse. Idem docet Ecclesiasticus, *Vigilia*, inquit, *cholera & tortura viro infunito:*

Ciborum multitudine vale- tudini incommodare.

Esther 5.

3.

Esther 6.

1.

Eccles. 5.

11.

Eccles. 31.

23.

somnus

576 *Institutio politica ex sacris Scripturis.*

somnus sanitatis in homine parco. dormiet usque mane, & anima illius cum ipso delectabitur. Virum infrunitum Ecclesiasticus eum appellat, qui insaturabili ingluvie plus ingerit cibi quàm possit concoquere. Quare in Græco est ἀπλήρω *inexplebili.* Quod verò dicitur anima illius cum ipso delectabitur, in Græc. est, ἡ ψυχὴ αὐτῆς μετ' αὐτῆς. *Anima eius cum ipso.* Nam ij quorum ars ventris sagina est, nec viuere possunt diu, nec sani esse, animusque eorum nimio sanguine & adipibus quasi luto inuolutus, vt vigilans nihil tenue, nihil celeste, sed semper de ventris cogitat ingluvie, ita cum somno sopitus est, immoderato pastu, potuque obstupefactus, absurdis iactatur insomniis, vt meritò mentis humanæ sit expers; cum è contra hominis parcè, continenter, seuerè, sobrièque viuentis somnia iucunda esse soleant, vt cum experrectus illorum meminerit, & inter dormiendum etiam, quod dicit Sapiens; *anima illius cum ipso delectetur.*

Luc. 8. 43.

Ecclef. 37.
32.

Periculosiorem esse intemperantiā in viro Principe. quia ex illius vita plerumque pendet publica quies.

Hinc opulentis etiam viris, aliquando accidit quod mulieri hæmorrhoidiæ euēnisse ex Euangelica discimus historia, quæ erat in fluxu sanguinis ab annis duodecim, & in medicos erogauerat omnem substantiam suam, nec ab ullo potuerat curari, sed citius multi breuiore tempore cum morbo colluctari illius violentia absumuntur. Quare Ecclesiasticus. *Noli, inquit, auidus esse in omni epulatione, & non te effundas super omnem escam, in multis enim tescis erit infirmitas, & auiditas appropinquabit usque ad choleram. Propter crapulam multi obierunt, qui autem abstinens est, adiiciet vitam.*

3 Cum ergo, vt idem Ecclesiasticus tradit, *Nulle diuinitas meliores sint sanitate corporis, & vita, pro qua tuenda, vt dicitur in libro Iob Pellem pro pelle,*

la,

le, & cuncta quæ habet homo dabit pro anima sua, id est, artum pro artu (vt habet Kaldæus) exponendo scilicet vt natura docet brachium v.g. pro capite, vt cum partis iactura totum corpus & vita conseruetnr (nam de pecuniis dubium esse non potest, quin morbis tentati eas largè effundere parati sint, cum *melior sit pauper sanus, & fortis viribus, quàm diues imbecillus, & flagellatus malitia, & melius sit corpus validum quàm census immensus.*) Prudentia docet omni ope nitendum esse, vt sanctas conseruetur, Principibus præsertim viris, in quorum vita totius Reipubl. salus interdum periclitatur, vt v.g. cum nulla mascula prole suscepta in ipso iuuentutis flore Princeps extinguitur, quod Alexandro Macedoni accidit, qui cum Macedonum arma tota Asia circumtulisset, æternumque bellica virtute decus sibi suisque peperisset, *Decidit in lectum, & cognouit quia moreretur, & vocauit pueros suos nobiles qui secum erant nutriti à iuuentute, & diuisit illis Regnum suum cum adhuc viueret, & regnavit Alexander annis duodecim & mortuus est, & obtinuerant pueri eius Regnum unusquisque in loco suo, & imposuerunt omnes sibi diademata post mortem eius, & filij eorum post eos annis multis, & multiplicata sunt mala in terra.* Nam incitati cupiditate regnandi mutuis se se bellis impetiuerunt, mutuisque attriti cladibus regnum in multas distraxerunt, aut verius lacerauerunt partes, cum multis hominum myriadibus concisis totam Asiam funestassent. Quod si Alexandro diutius vitam prorogare licuisset, legitimique intre thori sibi adinnoxisset uxorem, & ex ea liberos suscepisset, regia stirps iure hæreditario venisset ad Regnum, ciuiliùmque bellorum inter Alexandri duces causa subla-

Ecclef. 30.

14.

Ibid. n. 15.

1. Machab.

1. 6.

578 *Institutio politica ex sacris Scripturis.*

ta fuisset, quod inter ipsos sævum sanè ac diuturnum exarsit, inque morem flagrantissimi incendij Asiam vniuersam populatum est. Quare prudenter Israelis duces cum David proxime abfuisset à mortis periculo, vetuerunt illum amplius in aciem descendere, ne si forte in bello caderet, clades illa non tam Regem ipsum, quàm Regnum vniuersum affligeret. Tunc iurauerunt, inquit scriptura, viri David, dicentes : *Iam non egredieris nobiscum in bellum ne exstinguas lucernam Israël.* Cum igitur Princeps non sibi tantum sed Reipubl. viuar, ne suo vitio detrimenti aliquid capiat, diligenter cauere debet.

4 Nec verò existimandum est, quòd falsò putant aliqui, vitam eos viuere iniucundam, qui intempestiuis abstinent conuiuiis, seuerioreque victus disciplina cupiditates regentes & vbi opus sit coërcentes, multa sibi negant, cum potius iucundior multo sit & hilarior. In quo argumento tractando aurea sua illa eloquentia egregiè versatur D. Chrysostomus, quibusdam ex sacra Scriptura productis testimoniis vel exemplis : cuius verba, quia ad rem nostram faciunt & ex iisdem fontibus argumenta deriuat, vnde & nos nostra depromimus, dare non pigebit. Ac primùm si
 „ placet, inquit, diuitum mensas, inopumque per-
 „ pendamus, & conuiuas percontemur, vtri maxi-
 „ mè liquidam ac germanam percipiant volupta-
 „ tem, an qui ad inclinatum iam in occasum diem
 „ in stratis decumbunt, prandia cum cœnis iun-
 „ gunt, ventrem distendunt, sensus habent, in-
 „ genti epularum pondere nauigium obruunt ac
 „ deprimunt, illudque tanquam in naufragio cor-
 „ poris demergunt ; compedes, manicas, linguæ
 im

1. Reg. 21.
17.

Vitam eorum qui voluptatē in cibis quarunt, nō esse volupuosam.
 In tract. primo quod nemo læditur nisi à se ipso.

impedimenta moliuntur, totumque corpus ebrie-
 tatis illo deliciarum vinculo constringunt catena
 ferrea grauiore? qui non sincerum capiunt, non
 verum somnum, non horribilibus liberatur som-
 niis & furentibus inferiores? qui dæmonem vl-
 tro quemdam in animum admittunt, famulorum
 turbæ risum mouent, vel tragædiam potius exci-
 tant, lacrymarumque causam modestioribus præ-
 bent? qui nihil intelligunt rerum humanarum,
 non dicere quidpiam valent, non audire sed ra-
 pprim ad cubile ex mensa feruntur? An non vera
 voluptate perfunduntur, qui animo semper ex-
 cubant, languore omni abiecto, atque desidia,
 qui modum necessitate metiuntur, secundis
 ventis vtuntur in cursu, cibi, potionisque con-
 dimentum & voluptatem in fame ac siti sibi ma-
 ximam ponunt? nihil enim æquè tùm voluptati
 tùm valetudini conducit, atque esurientem, ac
 sitientem, quæ sint apposita & parata contin-
 gere, satietatem in vna necessitate collocare, ne-
 cessitatis fines non transilire, neque corpori ma-
 ius onus imponere, quàm vires ferant. Quod si
 hæc minus mea tibi persuadet oratio, vtrorum-
 que corpora, & singulorum animos explorato.
 Neque mihi quod rarò accidit, ac si qui altera
 quapiam de causa minus valent, adducas; sed ex
 iis, quæ perpetuo frequenterque contingunt sub-
 ducito rationes. Nonne firma sunt illorum cor-
 pora, qui moderatum adhibent cibum, & sensus
 integri, quique suo facillimè funguntur officio?
 aliorum verò eneruata, languida, cera ipsa mol-
 liora, & morborum turba circumfessa? Etenim ad
 illos podagræ illico volitant, tremor membro-
 rum intempestius, senectus immatura, capitis

580 *Institutio politīca ex sacris Scripturis.*

„ dolores, neruorum distensiones, ac dissolutiones,
 „ stomachi vitia, cibi fastidium, assidua medicorum
 „ opera indigent, assiduis medicamentis, quotidiana
 „ curatione. Istāne sunt obsecro voluptatis? quis
 „ hoc tandem dixerit modo norit, quid sit volu-
 „ ptas? tunc enim oritur voluptas, cum praeunte
 „ cupiditate sequitur illud, vt re concupita fruaris.
 „ Quod si fruaris nullo tamen appetitu, voluptas
 „ omnis pereat, & euanescat necesse est. Propterea
 „ sanè etiam ægroti quàm lautissimos cibos appo-
 „ sitos ita degustant vt nauseare, turbarique vi-
 „ deantur, quoniam abest desiderium, quo fit vt
 „ cum iucunditate potiamur: neque enim cibi,
 „ potionisque natura, sed vescentium apparentia,
 „ cupiditatem parere, & voluptatem efficere con-
 „ suevit. Quo circa vir ille sapiens, quī ea optimè
 „ norat, quæ pertinent ad voluptatem, & de iis
 „ præclare disputare poterat, aiebat. *Anima satiata*
 „ *fanis illudit.* Quibus verbis ostendit, voluptatem
 „ non natura mensarum, sed eorum, qui comedunt
 „ affectione contineri, quapropter etiam vates cum
 „ res illas admirabiles, quæ tum in Ægypto tum in
 „ solitudine acciderant, recenseret, id quoque in-
 „ ter alia commemorauit videlicet *ex petra melle sa-*
 „ *turauit eos.* Atqui petram melle manasse nusquam
 „ legitur; quid est igitur, quod ait? Nimirum quo-
 „ niam labore confecti fessi de via, siti ingenti enie-
 „ cti, aquam gelidam nacti sunt, cum sitim pro
 „ magno quodam haberent condimento, cumque
 „ aquarum illarum propheta vellet iucunditatem
 „ ostendere, mellis nomine aquam vocauit, non
 „ quod esset in mel aquæ natura conuersa, sed quod
 „ voluptas aquæ, cum dulcedine illa certaret, quod-
 „ que illi sitientes aquarum in quas inciderant po-
 „ tiren

Prou. 27.
7.

Psal. 80.
17.

rentur. Cum igitur ita se res habeat, nec ullus, ,
 vel sensus totius expers quidquam possit obiice- ,
 re, nonne perspicuum est liquidam, synceram, ,
 ingentem ex pauperum mensis manare volupta- ,
 tem, ex diuitum verò epulis fastidium, satieta- ,
 tem, fœditatem, atque adeo (ut sapiens ille vir ,
 ait) res etiam iucundas videri fastidiis adhæresce- ,
 re? Hactenus Chrysostomus.

Sed voluptariorum hominum quantumvis
 opulentorum propterea etiam minor est volu-
 ptas, quod minus diuturna; cum morbos concii-
 liet intemperantia, ægrotique medicorum præ-
 scripto iis cibis arceantur, qui licet palato sa-
 pient, integrisque concedi soleant, tamen quia
 valetudini noxij esse censentur, decumbentibus
 concedi minimè solent. Rem eleganter expressit
 Ecclesiasticus, nam cum dixisset: *Melior est mors*, Ecclef. 30.
quàm vita amara, & requies aterna, quàm languor 18.
perseuerans, addit, *Bona abscondita in ore clauso, quasi*
appositiones epularum circumpositæ sepulchro. cuius dic-
 ti priorem partem ita habemus in Græcis Co-
 dicibus, ἀγαθὰ κεχυμένα ἐπὶ ᾄσματι κεκλεισμένῳ, id
 est *bona effusa, ori clauso*, quod scilicet clausum ægri
 sit os, vel propter stomachi auersantis nauseam,
 vel quod seueriore medicorum disciplina cibis
 expleri prohibeatur, si sanitatem recuperare ve-
 lit. Cum verò dicitur, *quasi appositiones epularum*
circumpositæ sepulchro, alluditur ad veterum morem,
 qui extinctorum hominum sepulchris appone-
 bant epulas, quibus licet viuentes, qui ut mortuo
 parentarent, huic supremi diei celebritati intere-
 rant, vesci possent, tamen mortui ipsi epularum
 illarum prorsus essent expertes. Porro veteris il-
 lius consuetudinis, etiam Baruch meminisse vi-

582 *Institutio politica ex sacris Scripturis.*

- Baruch. 6.
31. detur cum ait, *Rugiant autem clamantes contra Deos suos, sicut in cœna mortui.* Pergit Ecclesiasticus: *Quid proderit libatio idolo? nec enim manducabit, nec odorabitur.* Alia est elegantissima similitudo eodem pertinens. Quemadmodum enim dapes & libationes idolis appositæ, ab iis non tanguntur, nec ipsa eis ad pastum vti possunt, quippe, quæ vita & sensu carent, ita cibi quantumlibet suaues & exquisiti ægrotantibus frustra apponuntur, cum vis morbi anorexiam fecit, aut medicorum dogmata illis interdiciunt. Est autem similitudo hæc ut superior ex veteri libationum, sacrificiorumque ritu; quæ idolis offerebantur consuetudine petita, cuius cum multa sunt in scriptura testimonia tum eximium apud Danielelem, cuius hæc verba sunt; *Erat quoque idolum apud Babylonios nomine Bel, & impendebantur in eo per dies singulos simila artaba duodecim* (mensuræ genus est, continentque singulæ artabæ sextarios septuaginta duos) *& oves quadraginta, vinique amphora sex.* Cuius idoli Sacerdotes Regis, populorumque simplicitati imponentes, quasi Bel ea omnia voraret, mendacij coarguit Daniel, quod cum Bel intrinsecus luteus esset, & forinsecus areus, non comedisset aliquando. Pergit Ecclesiasticus. *Sic qui effugatur à Domino & portans mercedes iniquitatis. Qui effugatur à Domino, in Græco cōtextu est, ὁ ἐκδιωκόμενος ὑπὸ κυρίου, id est, qui persecutionem patitur à Domino, aut quem Dominus persequitur & infestat.* Aliquorum enim peccata Dominus ægritudinibus immisissis vindicat. Quare idem Ecclesiasticus ait: *Qui delinquit in conspectu eius, qui fecit eum, incidet in manus medici.* Et Dominus ei, quem sanauerat ad probaticam piscinam, *Ecce sanus factus es,*
- Dan. 14. 2.
- Ibid. n. 6.
- Eccles 30.
10.
- Eccles 38.
15.
- Iob 5. 4.

es, iam noli peccare, ne deterius tibi aliquid contingat. Tandem tertiam similitudinem addit Ecclesiasticus cum ait. *Videns oculus & ingemiscens sicut spado complectens virginem & suspirans*, cui tamen propter concubitus impotentiam optata voluptate frui non licet. Ex quibus liquidissimo apparet eam quam voluptarij homines in epulis venantur voluptatem, minimè diuturnam esse, cum morbis voluptatum cursum intercipientibus, non conquisitis tantum palati irritamentis, sed communibus etiam benevalentium cibus (ita vi morbi postulante, quæ ingestis cibus naturam sævius depeculatur, atque depascit) carere coguntur.

5 Sed nulla est turpitudine, quæ fœdior sit, aut plura importet incommoda, quàm ebrietas, de qua cum multa sint in sacris litteris, tum locus sanè insignis est in Ecclesiastico: *Diligentes*, inquit, *in vino* (id est vinum amantes, potatores) *noli prouocare*, in Græco est, *ἐν οἴνῳ μὴ ἀνθρῑζου*, id est ne coneris in vino epotando tuam ostentare strenuitatem, laudem scilicet ex eo quærendo, quod ingentes calices exhaurire possis, ne in te quadret illud Isaïæ. *Va qui potentes estis ad bibendum vinum, & viri fortes ad miscendam ebrietatem*. Pergit Ecclesiasticus: *Multos enim exterminavit vinum*. cum enim largius ventriculo infunditur, nec stomachi robore vincitur & edomatur, cor inuadit & cerebrum, totumque corpus concutit, & rationis vsum adimit, morbisque materiam ac pabulum præbens, sanitatem prorsus euertit: *Ignis probat ferrum durum, sic vinum vorda superborum arguit in ebrietate potatum*. Quemadmodum ignis & tinctura, βαφή, ferri aciem, & fortem temperaturam ῥόμμεα (Italicè dicimus, *la tempera*) & probat

Ecclef. 30.
11.

De intemperantia in potu, & ebrietatis malis.
Ecclef. 31.
30.

Isai. 5. 11.

584 *Institutio politica ex sacris Scripturis.*

& facit ; ita qualis sit homo facile cognoscitur cum vino per ebrietatem immaduit. Sententia hæc Græcè ita habet, *κάμινθ' ἀκεμάζει σώμματα ἐν θαφῇ, οὕτως οἶνθ' καρδίας ἐν μάχῃ ὑπερηφάνων*, *Formax probat aciem siue temperaturam in tinctura*, sic vinum cordis scilicet temperaturam probat in pugna superbiorum : nam cum mero potatorum animi incaluerunt, feruidius agunt, secreta produnt, operata recludunt, omnes artes, & simulatæ mentis industrias excutiente vino. Qualis autem homo sit, & cuius temperaturæ, apertius etiam patet, *ἐν μάχῃ ὑπερηφάνων*, in pugna superbiorum, cum scilicet quod in conuiujs intemperantibus frequens est, leni aliqua occasione orta contentio, dum alter alteri superbè resistit, vino madidi conuiuæ, linguæ intemperantia furentes, alios laceffunt, verbæque mortifera proloquuntur, redituraeque per iugulum voces non continent, quibus exasperati illi in quos cōnitia iaciuntur, ad arma profiliunt, eaque designant, quorum paulò post, ebrietate discussa illos valde pœniteat, *aqua vita hominibus vinum in sobrietate*, vita scilicet æquabilis seu comoda, *Si bibas illud moderatè, eris sobrius. Quæ vita est, quæ minuitur vino?* id est, quis, dixerit eam esse vitam, quam is viuit, cuius dies propter vini crapulam minuuntur? quanquam etiam conuenientissimus sensus esse possit vitam illius, qui vino carere cogitur, infelicem esse, quod vinum sobriè potatum vitam, vt paulo ante dixerat, cōmodam faciat, & æquabilem. *Quid defraudat vitam? mors.* quasi inferat, si vinum dies ebriosorum immittit, quid aliud erit quàm mors quædam, cuius proprium est vitæ vsura homines defraudare? *Vinum in intemperantem creatum est, & non in ebrietatem*

tem ab initio. Exultatio anima, & cordis vinum moderate potatum, sanitas est anima, & corpori sobrius potus. Vinum multum potatum, irritationem, & iram, & ruinas multas facit. Amaritudo anima vinum multum potatum. Ebrietatis animositas, imprudentis offensio, minorans virtutem, & faciens vulnera. Exempla cædium in conuiujs paratarum non desunt in scriptura. Nam Godolias in conuiuio ab Ismahele filio Nathaniæ obtruncatus est, & Amnon Daudidis filius cum temulentus esset, occisus est. Præclaram sanè & elegantem descriptionem instituit S. Ambrosius multis, quæ ex ebrietate proficiuntur, conglobatis incommodis, illud etiam Ieremiæ dictum suo accommodans instituto. *Bibite & inebriamini & vomite, & cadite, neque surgatis, &c.* Ebrietas, inquit, fomentum libidinis, ebrietas incentiuum insania, ebrietas venenum sapientie. Hac sensus hominum mutat & formas, & per hanc fiunt ex hominibus equi adhinientes (alludit Sanctus Doctor ad illud Ieremiæ. *Equi amatores & emissarij facti sunt, unusquisque ad uxorem proximi sui hinniebat*) si quidem naturali vapore corporis calidi & præter naturam vini calore flammati cohibere se nequeunt, & in bestiales libidines excitantur, et nulum tempus habeant, quod doceat indulgere concubitu. Vocem amittunt, colore variantur, oculis ignescunt, ore anhelant, fremunt naribus, in furore ardescunt, sensus excidunt. Hinc phrenesis periculosa, hinc calculi grauis pœna, hinc exitialis cruditas, hinc vomitus frequens, semesæ epulas cum internorum viscerum cruore fundentium. Mentior nisi eadem Dominus per Ieremiam locutus est dicens: *Bibite & inebriamini & vomite & cadetis, & non consurgetis.* Hinc etiam vana imagines, incerti visus, instabilis gressus, umbras sæpe transiliumt

Ierem. 41.

2.

2. Reg. 23.

28.

Ierem. 25.

27.

S. Ambr. de Elia. & ieiunio cap. 16.

Ierem. 5.

8.

Ierem. 25.

27.

sicut foveas. Nutat his cum facie terra, subito erigi, & inclinari videtur, & quasi vertatur timentes in faciem ruunt, & solum manibus apprehendunt, aut concurrentibus montibus sibi videntur includi, murmur in auribus tanquam maris fluctuantis fragor, & resonantia fluctu litora. Canes si viderint, Leones arbitrantur, & fugiunt. Alij risu solvantur incondito, alij inconsolabili merore deplorant, alij cernunt inconsolabiles pauciores, vigilantes somniant, dormientes litigant, vita his somnium est, somnus his mors est, excitari nullis vocibus possunt, quantolibet stimulando impulsu petas; nisi resipuerint, euigilare non possunt. Unde bene Jeremias huiusmodi hominem tanquam superfluum creaturam despondendum putat. Quid est homo nisi superflua creatura? Hactenus D. Ambrosius. Mirum igitur non est si Salomon à matre sua eruditum se fuisse ait veris-

Prou 31.4. simo illo, vtilissimoque præcepto. Noli Regibus ô Lamuel, noli Regibus dare virum, quia nullum secretum est ubi regnat ebrietas, ne forte bibant & obliuiscantur iudiciorum, & mutant causam filiorum pau-

Osee 4. II. peris. Nam ut dicit Osee. Fornicatio & vinum & ebrietas auferunt cor. Ex quo sequitur, ut iudicia peruertant, & iis quibus minimè deberent, causas adiudicent. Quare sacerdotibus etiam, quorum munus erat de sacris, & prophanis, de mundis & immundis iudiciū ferre, vini vsus interdictur in Leuitico. Vinum, inquit, & omne quod inebriare potest, non bibetis tu, & filij tui, quando intrabitis in tabernaculum testimonij, ne moriamini. quia præceptum sempiternum est in generationes vestras, & ut habeatis scientiam discernendi inter sanctum & prophanum, inter pollutum & mundum, doceatis filios Israël, omnia legitima mea, qua locutus sum ad eos.

6 Tandem ut paucis multa complectar, nullum
tam

tam tetrum flagitium est, ad quod ebrietas, nimiaque saturitas homines non adducat, ea enim est mortaliū vecordia, ut Dei muneribus ad suum malum, imo & ad Dei ipsius contēptum, in quem erumpunt, abutantur. Populum Israëliticum Dominus constituit super excelsam terram, ut comederet fructus agrorum, ut sugeret mel de petra, oleūque de saxo durissimo, butyrum de armento, & lac de ouibus, cum adipe agnorum, & arietum filiorum Basan, & bircos cum medulla tritici, & sanguinem vna biberet meracissimū. Incrassatus est dilectus, & recalcitravit, incrassatus, impingnatus, dilatus, dereliquit Deū factorem suum, & recessit à Deo salutare suo. Pro-nocauerant eum in dijs alienis, & in abominationibus ad iracundiam concitauerunt. Immolauerunt Dami-nijs, & non Deo, dijs, quos ignorabant: non recentēf-que venerunt, quos non coluerunt patres eorum. Dum, qui te genuit dereliquisti, & oblitus es Domini creatoris tui, &c. Ita planè illi, qui idolo in vituli speciem fabrefacto, & populo ad adorandum proposito dicuntur in Exodo sedisse manducare, & bibere, & surrexisse ludere, choreas scilicet ducētes more eor-um, qui colebant idola. Et Salomon in Prouer-biis quantum sibi hinc timuerit, ostendit, cum ait se à Domino postulasse, ut victui dumtaxat necessaria tribueret, resecatis superfluis. Tribue, inquit, tantum victui meo necessaria, ne forte satiatius illiciar ad negandum, & dicam quis est Dominus? Et S. Iob cum viderat filios suos conuiuuiis operam dare, nam Ibant filij eius, & faciebant conuiuium per domos, unusquisque in die suo, & mittētes vocabant tres sorores suas ut comederent, & biberent cum eis. Non mediōcritèr timens, ne per licentiam lau-tioris cibi, potationisque largioris, aliquot gra-

*Intempe-
rantiam in
cibo potuq;
viam mu-
nire gra-
uissimis
peccatis.*
Deut. 32.
13.

Exod. 32.
6.

Prou. 30.
8.

Iob 1. 4.

588 *Institutio politica ex sacris Scripturis.*

- Ibid. n. 5. ue scelus susciperent cum in orbem transissent dies conuiuij, mittebat ad eos, & sanctificabat illos (præparans scilicet vt futuro sacrificio, quod pro ipsis offerendum erat, ritè expiari interesse possent) consurgensque diluculo offerebat holocausta pro singulis, Dicebat enim, ne forte peccauerint filij mei, & benedixerint Deo in cordibus suis. Quod dicitur obtulisse holocausta pro singulis, Septuaginta ex Hebræo clarius vertunt, habent enim κατὰ τὸ ἀριθμὸν αὐτῶν iuxta numerum eorum, pro singulis scilicet singula sacrificia. Immo addunt Septuaginta pauca quædam, quæ in vulgatis latinis editionibus non sunt, ἓξ μόρον ἑνα πρὸς ἀμαρτίας ὑμῶν ἑκατὼν αὐτῶν & vitulum unum pro peccato, pro animabus illorum, hoc scilicet vrgens, vt eos ab omnibus quas contraxissent animi sordibus sacrificiis, & precibus expiaret, & propitiato numine subduceret diuinæ vindictæ, quæ intemperantium hominum furiosam licentiam & libidinem, nec semel nec leuiter vlta est. Balihassar Rex fecit grande conuiuium optimatibus suis mille, & unusquisque secundum suam bibebat atatem. Præcepit ergo iam temulentus, vt afferrentur vasa aurea, & argentea, quæ asportauerat Nabuchodonosor Pater eius de templo, quod fuit in Ierusalem, vt biberent in eis Rex & optimates eius, uxoresque eius, & concubine Tunc allata sunt vasa aurea & argentea, &c. bibebantque vinum, & laudabant Deos suos aureos, & argenteos, æreos, ligneosque & lapideos. Crapulæ, & ebrietati idololatriam, verique numinis, cuius vasa profanabant, contemptum adiungentes. Sed illico vindex numinis manus adfuit, nam in eadem hora apparuerunt digiti quasi manus hominis scribentis contra candelabrum in superficie parietis aula Regia, & Rex aspiciebat articulos
- Dan. 5. 1. uiter vlta est. Balihassar Rex fecit grande conuiuium optimatibus suis mille, & unusquisque secundum suam bibebat atatem. Præcepit ergo iam temulentus, vt afferrentur vasa aurea, & argentea, quæ asportauerat Nabuchodonosor Pater eius de templo, quod fuit in Ierusalem, vt biberent in eis Rex & optimates eius, uxoresque eius, & concubine Tunc allata sunt vasa aurea & argentea, &c. bibebantque vinum, & laudabant Deos suos aureos, & argenteos, æreos, ligneosque & lapideos. Crapulæ, & ebrietati idololatriam, verique numinis, cuius vasa profanabant, contemptum adiungentes. Sed illico vindex numinis manus adfuit, nam in eadem hora apparuerunt digiti quasi manus hominis scribentis contra candelabrum in superficie parietis aula Regia, & Rex aspiciebat articulos
- Ibid. n. 5.

culos manus scribingis. Tunc facies Regis commutata est, & cogitationes eius conturbabant eum, & compages renum eius soluebantur, & genua eius ad se inuicem collidebantur. Cúmque post haruspices, & coniectores qui adducti fuerant Daniel propheta Domini aduocatus adfuisset, characteres illos legit, & qua par erat tantum virum loquendi libertate vsus, veram prodigij causam elocutus est, quia, inquit, non humiliasti cor tuum, sed auersum dominatorem cœli eleuatus es, & vasa domus eius allata sunt coram te, & tu, & optimates tui, & uxores tue, & concubine tue vinum bibistis in eis, Deos quoque argenteos, & aureos, & areos, ferreos, ligneosque & lapideos, qui non vident, neque audiunt, neque sentiunt laudasti: porro Deum, qui habet flatum tuum in manu sua, & omnes vias tuas, non glorificasti. Idcirco ab eo missus est articulus manus, qua scripsit hoc, quod exaratum est. Hæc est autem scriptura, qua digesta est. *Manè, Thecel, Phares.* & hæc est interpretatio sermonis. *Manè*, numerauit Deus Regnum tuum, & compleuit illud. *Thecel*, appensus es in statera & inuentus es minus habens. *Phares*, diuisum est Regnum tuum, & datum est *Medis & Persis.* Quod à Daniele dictum, ita factum est. Nam eadem nocte interfectus est *Balthassar Rex Chaldaus*, & *Darius Medus* successit in regnum. Sed grauior fuit ea ultio, plurisque complexa, quam legimus in Genesi aduersus quinque illas ciuitates, à quibus numinis naturæque legibus debita reuerentia prorsus exulabat. Nam ignis & sulphur de cœlo lapsum, nefarios homines, eorumque tecta, ac ciuitatem vniuersam latè fuso incendio prorsus absumpsit; Nam Dominus, vt loquitur scriptura, *Pluit super Sodomam & Gornorrhæam sulphur & ignem à Domino de cœlo, & subuersit ciuitates has, & omnem circa regionem*

Ibid.n.22.

Ibid.n.30.

Genes. 19.

24.

Ezech. 16. 49. *gionem & uniuersos habitatores urbium, & cuncta terra virentia: scelerum verò tot, ac tantorum certissima origo ea fuit, quam memorat Ezechiel cum ait: Ecce hac fuit iniquitas Sodome sorores tue, superbia, saturitas panis, & abundantia & olium ipsius, & filiarum eius. Ex quo illud consequitur, eum, qui turpitudines flagitiosorum illorum auerfetur, inflictasque diuinitus pœnas perhorrescat, tãti mali non radices tantùm, sed fibras etiam euellere debere, ne paulatim dum corpori cibo, potu ceteroque luxu blanditur, ad ea delabatur, quæ atrocioribus pœnis vindicari mereantur. Porro ventris intemperantia, luxuriam induci, imo virtutum vniuersitatem euerti, egregiè docet diuus Gregorius his verbis. Quia, inquit, gula deditos luxuria sequitur, propheta testatur, qui dum aperta narrat, occulta denuntiat, dicens. Princeps coquorum destruxit muros Ierusalem, Princeps namque coquorum venter est, cui magna cura obsequium à coquis impenditur ut ipse delectabiliter cibis impleatur. Muri autem Ierusalem virtutes sunt anima ad desiderium supernæ pacis eleuata. Coquorum igitur Princeps muros Ierusalem deiecit, quia dum venter ingluvie extenditur, virtutes animi, per luxuriam destruuntur. Ita diuus Gregorius. Alludit S. Gregor. ad historiam, quæ habetur in 4. Regum & ad officium Nabuzardanis, qui licet in vulgata editione dicatur Princeps militiæ, aut exercitus, aut militum, appellatur tamen à Septuagintâ ἀρχιμαγιστος. 1. coquorum Princeps. Nam vox Hebræa ad vtrumque commodè trahi potest, est enim in Hebræo רַב טַבַּח, est autem טַבַּח deriuatum à radice טבח, quæ mactare significat, iugulare, occidere; quia verò coquorum est, animalia quibus*

Pastoral.
p. 3. ad-
mon. 20.
4. Reg. 25.
10.

bus ad cibos parandos vtuntur, mactare, & in frustra secare, propterea מַחֲטֵי appellati sunt, quod nomen milites etiam significat, qui cum hostibus confligentes homines mactant & iugulant.

7. Illud tandem Principi cauendum est, ne plus temporis somno indulgeat, quàm par est cum curando corpori impendere, cui tam multa negotia curæ esse debent, & ex quo tam multi pendunt, quibus cum Principe agendum est: quare viros aliquos Principes inuenio in Sacris litteris, somno tempestiuè discusso, publicis negotiis operam dedisse. Oportet Pharaonem membra è strato summo manè corripuisse, nam Dominus Moyse præcipit. *Consurge diluculo, & sta coram Pharaone, egredietur enim ad aquas & dices ad eum, &c.* De intemperantia in somno.

Abraham etiam dicitur manè consurrexisse. Hebr. בִּקְרָא eo scilicet tempore, quo primùm illucescente die homines labores & opera repetunt, & vnusquisque nouæ lucis beneficio, artis suæ instrumenta inquirat. Ducitur enim vox בִּקְרָא à radice בקר, quæ significat querere: locum etiam clarius Septuaginta expresserunt, ita enim habent, ὡρθεὶς δὲ Ἀβραὰμ τὸ πρωὶ id est *Manè autem surgens Abraham diluculo*, cum scilicet dies appeteret. Idemque alibi de eodem reperitur eodè loco, vt scilicet intelligamus solemne illi fuisse cum primùm euigilauerat, somno valere iusso, rebus agendis se impedere. De Iob etiam viro magno inter Orientales, & multorum iudicio Principe, dicitur in eius historia. *Consurgensque diluculo.* Et Absalon, qui se populo probare tanquam regno aptum, dum eorum voluntates sibi conciliare & adiungere studebat, dicitur *manè*

Exod. 8.

20.

Genes. 19.

27.

Genes. 21.

14. & 22.

3.

Iob 1. 5.

ne consurrexisset, & iuxta introitum porta stetisset, &c. Tandem adeò verum est eos, qui diligenter ea, quæ muneris sui sunt, exequi volunt, bene manè consurgere, vt Sacræ scripturæ phrasi, is qui diligenter aliquid & sollicitè facit, ad illud faciendum, manè consurgere dicatur. Certè Dominus, qui *neque dormiabit, neque dormiet*, de se ita loquitur apud Ieremiam. *Et nunc, inquit, quia fecistis omnia opera hæc, dicit Dominus: Et locutus sum ad vos manè consurgens, & loquens, & non audistis, &c.* dicit se manè surrexisse, quia diligenter populi illius salutem ab exordio ipso mundi, missis Prophetis & prædicatoribus procurauerat. Eadè verò phrasis rursus occurrit in Ieremia, nec aliud quàm diligens studium significant formulæ illæ dicendi. *Ego diligentes me diligo, & qui manè vigilant ad me* (sapientiæ quærendæ diligenter insistentes) *inuenient me. Et tunc inuocabunt me, & non exaudiam, manè consurgent & non inuenient me.* Verba sunt Sapientiæ vt superiora) *Vanum est vobis ante lucem surgere*, quod idem est, ac si diceretur, si diuino auxilio destituti, domum aut ciuitatem ædificare aggrediatur quis, quantumuis connitatur, inanis erit omnis labor, & diligentia. *Et qui parcit virga, odit filium suum; qui autem diligit illum, instanter erudit.* Tò *instanter*, in Hebræo est, *diluculo*, quæsiuit ei diluculo correctionem, vt Pagninus vertit, & alia huiusmodi. Tandem Principibus illa peruersitas vitanda est, quæ ex diuturno somno facilè existit, vt scilicet officia lucis, noctisque peruertant, ac quasi turpe sit, ac minimè regium id facere, quod populus, diem totum stertant, tuncque tandem cum publico omnium incommodo ad se adeuntibus aures præbeant, negotia quæ

Psal. 120.

4.

Ierem. 7.

13.

Ierem. 11.

7.25.4. &
29.19.

Prou. 8.

17.

Prou. 1.

28.

Psal. 126.

2.

Prou. 13.

24.

quæ occurrunt, tractent, cum se noctis tenebræ intenderint, noctem facibus, cereis, funalibusque vincentes: ferinus quodammodo est iste mos, nam de belluis dicitur in Psalmo. *Posuisti tenebras*, & *facta est nox*, in ipsa pertransibunt omnes bestia sylvæ, catuli leonum rugientes ut rapiant, & quarant à Deo escam sibi, (eam nimirum quam diuina obtulerit prouidentia) ortus est Sol & congregati sunt, & in cubilibus suis collocabuntur. Cum enim illucescentem diem viderint, antra sua, & lustra repetunt, & in suis conditi cubilibus rursus noctem præstolantur. Huic verò egendi modo prorsus contraria esse debet agendi ratio, quam sequuntur homines de quibus dicitur. *Exibit homo ad opus suum, & ad operationem suam usque ad vespæram*. Hoc enim consilio supremus ille rerum opifex solis lampadem hominibus accendit, ut diurno tempore suis insisterent operibus, quemadmodum etiam post solis occasum tenebras effudit, ut per nocturnam quietem se ad somnum componerent, & vires fatigatas repararent.

Psal. 103.

20.

Ibid. n. 14.

De temperantia Principis in voluptatibus tactus, ac primò de vitij huius occasionibus.

C A P V T XXV.

Dicturus de Intemperantia in voluptatibus tactus, priùs ab iis occasionibus exordiar, à quibus illæ plerumque in viris Principibus

Quanta sit in paratis occasionibus illecebra ad peccandū.

Pp

cipibus

cupibus existere solent, ut nimirum qui salui esse volent; prius fomitem ac mali irritamentum excludant, quàm periculum trahant, quod ubi se intulerit, non facilè excuti poterit. Mirum autem quantum honestatem & virtutē amantibus profit prima morbi semina elidere, occasionésq; submonere, in quibus cum tenuis quædam esse videatur vis ad suadendum peccatum, fallit tamen opinionem nostram; nam frequenter parvula scintilla neglecta magnum excitare solet incendium. Quantulus erat lapillus ille, qui per montem deuolutus, & pedibus ingentis illius statua materiæ pretio, structuræque admirabilis illius, eam tamen euertit, contriuit, & redegit in

Dan. 2. 34. *pulveres? Abscissus est lapis, inquit Propheta, de monte sine manibus, & percussit statnam in pedibus eius ferreis, & fictilibus & comminuit eos. Tunc contrita sunt pariter ferrum, testa, as, argentum, & aurum, & redacta quasi in favillam æstivæ aræ, quæ raptæ*

Num. 6. 3. *sunt vento, nullusque locus inuentus est eis. Quare Nazæorum natio, quæ peculiaribus quibusdam ceremoniis consecrabatur Domino, cum à vino, liquoribusque omnibus qui inebriare possent, Deo ita iubente abstinere deberet, vuarum etiam siue recentium, siue aridarum gustu prohibebatur, ea forte de causa, ne dulcissimo gustato fructu, vini etiam, quod ex vuis exprimitur, gustandi cupiditate incenderetur. Cum ergo tanta sit occasionis vis ad animos etiam fortes, & virtutis cultura diligenter subactos, molliendos, quanto diligentius se ipsos ab occasionibus abducere debent, qui animum suum dubium & in præavum inclinabile esse animadverterint. Quæ autem in primis occasiones cauendæ sint, ne ad*
sco.

scopulos intemperantiæ impingamus , iam dicendum erit.

2 Ac prima quidem sit Otiū, de quo Sapiens ait: *Multam malitiā docuit otiositas.* Qui enim otio torpent ac marcent, omnibus quidem vitiis sed carnis potissimum intemperantiæ fiunt opportuni. Quare Ezechiel causas enumerās, per quas Sodomæ ciues ad tam nefaria flagitia delapsi fuerant, otium non præterit. *Hæc*, inquit, *fuit iniquitas Sodome*, &c. *otium ipsius & filiarum eius.* Circum-
Otiū esse
occasionem
luxuria.
Eccles. 32.
29.
Ezech. 16.
49.
Sap. 2. 6.
 iectorum scilicet pagorum, qui phrasi Hebr. filia dicuntur. Nec otiosè malèque collocati temporis crimen, aut pericula euitant incontinentiæ, qui voluptatibus, quæ sensibus corporis percipiuntur captandis, quasi honesta distinerentur occupatione, semper sunt intenti, cuiusmodi hominum ingenium & voces eleganter descripsit Salomon. *Venite*, inquam, *& fruamur bonis, quæ sunt, & utamur creatura tanquam in iuuentute celeriter. Vino pretioso & unguentis nos impleamus, & non prætereant nos flos temporis. Coronemus nos rosas antequam marcescant, nullum pratum sit, quod non pertranscat luxuria nostra. Nemo nostrum exors sit luxuria nostra, ubique relinquamus signa letitiæ, quoniam hæc est pars nostra, & hæc est sors.* Hæc enim oculorum sensuumque voluptates ad libidines præparant, quique illis indulgent, aut intemperantes sunt, aut ab intemperantibus proximè distant, maximamque temporis iacturam facere censendi sunt, quantumvis sibi occupati, imo multarum rerum actu fatigati videantur. Et quidem voluptates istas venari intemperantium esse proprium ostendit Salomon, cum impudentis illius scorti malè cautum adolescentulum ad

peccatum allicientis inuitationes proponit: *In-*
Pron. 7. 16. texui, inquit, *funibus lectulum meum*, stravi tape-
ribus pictis ex Aegypto, aspersi cubile meum *myrrha*
& aloe, & *cinnamomo*. Hæc sunt enim quasi con-
 dimenta quædam illarum voluptatum quibus
 ætas illa facile capitur. Quare sapiens alio loco
 intemperantiæ huic salutare antidotum præparans
 dissoluensque auctoritate sua grauissima, eorum
 paralogismos, qui quoniã vita hominibus angu-
 stis concluditur limitibus, ideo confici putabant,
Sap. loco quod ipsi dicebant: *Non pratereat nos flos temporis*,
cit. *coronemus nos rosis*, &c. melius suggerit consilium:
Ecclef. 14. *Non defrauderis*, inquit, *à die bono & particula boni*
14. *doni non te pratereat*. Quasi diceret, vtiliter pone
 tempus, quod cum angustum sit, & rapidum,
 eiusque multum somnus & necessariæ occupa-
 tiones auferant, par non est, vt id, quod vtiliter
 collocari potest, temere prodigas, imò religiosè
 admodum illud debes expendere, & quomodo
 otium tuum disponas diligenter subducere ratio-
 nem, ne forte particula aliqua tam pretiosæ rei
 per imprudentiam aut socordiam malè pereat.
 Tò *particula boni doni*, &c. Græcè est *μῆρις ἐνδυσίας*
ἀγαθῆς, *particula boni desiderij vel bonæ cupiditatis*, vt
 sit consilium luxuriosorum illorum consilio, de
 quibus sapientia loquitur, omni ex parte oppo-
 situm. Quemadmodum enim illi malis obsequun-
 tur cupiditatibus, easque explere conantur, om-
 nèmque adhibent diligentiam, ne occasionis vo-
 luptuosæ vitam traducendì particula ita elaba-
 tur, vt ea frui non possint, ita nos, qui sobriam
 vitam viuere, & ad virtutis præscriptum mores
 nostros exigere cupimus, illud curere debemus,
 ne bonorum illorum cupiditatem, quibus inci-
 tamur

tamur ad honestatem capeffendam, particulam
 vllam vitio nostro irritā esse velimus. Hæc enim
 demum est magna sapientia reputantes vitæ hu-
 ius, quam viuimus, breuitatem ita viuere, vt nu-
 meros omnes impositi muneris expleamus, & vt
 ventris manciorū est vox illa. *Comedamus & bi-* Isa. 22.
bamus, cras enim moriemur. Ita sapiētīæ alumnorum 13.
 sunt illæ: *Dum tempus habemus, operemur bonum.* Et. 1. Cor. 15.
Notum fac mihi Domine finem meū, & numerum anno- 32.
rum meorum, quis est, vt sciam quid desit mihi. Quod P sal. 38. 5.
 tandem verius esse voluptatum sectatores intel-
 ligent cum dicent. *Ergo errauimus à via veritatis,* Sap. 5. 6.
& iustitia lumen non luxit nobis, & sol intelligentia non
est ortus nobis. Lassati sumus in via iniquitatis & per-
ditionis, & ambulauimus vias difficiles, viam autem
Domini ignorauimus, &c. nam *Transierunt omnia illa* Ibid. n. 9.
tanquam umbra & tanquam Nuncius percurrentes, &
tanquam nauis, qua pertransit fluctuantem aquam,
cuius cum praterieris non est vestigium inuenire, neque
femitam carina illius in fluctibus, &c. Ac quemad-
 modum pueri ex luto, fragmentis que testarū, aliis-
 que viarum quisquiliis domunculas concinnant,
 quas aut ipsi paulo post, aut transeuntes viaro-
 res impacto calce disturbent, in quibus licet lu-
 to sordidi, & tanquam rem seriam agerent, ve-
 hementer occupati videantur, nullus tamen non
 intelligit eos tempus, & operā perderē: ita otiosi
 isti homines seriarum vtiliumque rerum exerci-
 tatione vacantes, licet multa moliantur & agant,
 sunt tamen penitus otiosi; quia licet per multa
 discurrant, nihil tamen agunt, quod solidam ali-
 quam vtilitatem afferre possit, Imò dum occa-
 siones voluptatum indagant, ac persequuntur,
 certissimam sibi & aliis perniciem parant.

598 *Institutio politica ex sacris Scripturis.*

Etiam in-
custoditos
oculos n-
liosq; sen-
sus.
Jerem. 9.
21.

3 Altera intemperantiæ occasio oculi sunt, per quos dulce venenum in præcordia delapsum, plerisque æternæ mortis est causa. *Hac est enim mors illa, qua ascendens per fenestras ingreditur domos nostras, disperdere paruulos de foris, & iuuenes de plateis. Hi enim sunt paruuli illi vecordes iuuenes; qui transeunt per plateas prope angulum. Quibus Sapiens tam multa suggerit, vt laqueos, quos illi adultera meretricio ornata cultu tetendit, possit euadere. Huc impegerunt Dauid, cum vxorem Vriæ detractis vestibus se lauante[m] vidit. Vñdit, inquit scriptura, mulierem se lauante[m], ex aduerso super solarium suum, erat autem mulier pulchra valde. Senes illi populi Iudices apud Daniele[m], qui videbant Susannam, quotidie ingredientem & deambulante[m]. Ex quo factum est, quod statim dicitur: Et exarserunt in concupiscentiam eius, & euerterunt sensum suum, erant ergo ambo vulnerati amore eius. Et Ægyptia illa Putipharis vxor; nam cum esset Ioseph pulchra facie & decorus aspectu, iniecit Domina sua oculos in Ioseph, & ait: Dormi mecum. Tandem ne plura, quàm necesse est, exempla congeram, Videntes filij Dei, filias hominum, quod essent pulchra, acceperunt sibi vxores ex omnibus, quas elegerant. Pulchritudine enim vincti contra quam debuerant à miscendis connubiis cum filiabus Cain, quæ filiæ hominum dicuntur, filij Seth, qui Dei filij appellantur (quod præ cæteris illius æui hominibus veteri parentum institutione, pietatem iustitiâ[m]que sanctius colerent) magno suo malo non abstinerunt. Quare Sapiens pluribus idem præceptum, de oculorum continentia in mulieribus aspiciendis inculcat in Ecclesiastico. Ne respicias, inquit, mulierem multinolam, Grecè μήνιστον.*

Prou. 1.7.
2. Reg. 11.
2.

Daniel. 13.
8.

Genes. 39.
6.

Genes. 6.2.

Ecclef. 9.
3.

τα γυναικὶ ἑταίριζομένη, non obtutum tantum, sed etiam occursum illius ut rem periculo plenam prohibens: *Ne occurras mulieri meretrici.* Et paulo post. *Virginem, inquit, ne aspicias ne forte scandalizeris in decore eius.* Hoc enim est Christi. Domini doctrinam amplecti, cuius illud dictum est: *si oculus tuus scandalizat te, erue eum, & projice abs te.* Sequitur Ecclesiasticus: *Noli circumspicere in vicis civitatis, nec aberraveris in plateis illius. Averte faciem tuam à muliere compta, & ne circumspicias speciem alienam.* Propter speciem mulieris multi perierunt, & ex hoc concupiscentia quasi ignis exardescit. Speciem mulieris aliena multi admirati reprobi facti sunt; colloquium enim eius quasi ignis exardescit. Et Christi Domini Oraculum est. *Qui viderit mulierem ad concupiscendam eam, iam machatus est eam in corde suo.* Cum ergo culpam contraxerit, pœna etiam huiusmodi manet, adulterij perpetrati, aut certè cupiditate desiderioque concepti. Quare mirum non est, si viri sanctitate præcellentes, arctissimam sibi oculorum custodiam indixerunt, ut Iob, cuius sunt illa verba. *Pepigi fœdus cum oculis meis, ut ne cogitarem quidem de virgine, quam enim partem haberet in me Deus desuper & hereditatem Omnipotens de excelsis?* Nec forte Davidis votum, cuius illa precatio est. *Averte oculos meos ne videant vanitatem.* Quæ verba cum lego, muliebris pulchritudinis mihi venit in mentem, de qua Salomon pronuntiavit. *Fallax gratia, & vana est pulchritudo,* omnisque ille ascititius ornatus planè fucatus, & ad insipientes inani quadam specie fallendos factus. Huius mundi muliebris meminit Isaias cum ait. *In die illa auferat Dominus ornamentum calceamentorum, & lunulas, & torques, & monilia, & armillas, &*

Ibid. n. 9.

Eccel. 9. 7.

Matth. 5.

Iob 31. 1.

Psal. 118.

37.

Proq. 31.

30.

Isa. 3. 18.

mitras & discriminalia, & periscelidas, & muenulas, & olfactoriola, & inaures, & anulos, & gemmas in fronte pendentes, & mutatoria, & palliola, & lintamina, & acuis, & specula, & sindones & vittas, & theriſtra, Mulieris verò hiſce ornamentis aut artiſicioſæ pulchritudinis instrumentis, quantumvis comptæ, *Vana*, inquit Sapiens, *eſt pulchritudo*. Imò Chriſtus Dominus, cuius vitæ actionibus ad omne virtutis genus inſtruimur, docuiſſe nos videtur quid eſſet agendū, cum mulieres obuiæ ſunt, quæ cultu corporis, ætatiſque aut pulchritudinis illecebra periculū ſtruere poſſunt; cum enim mulier

Ioan. 8. 5.

illa in adulterio deprehenſa illi ſiſteretur à Phariſæis, vt quo animaduerſionis genere illius adulterum vindicandum cenſeret, pronuntiaret; non in eam defixit oculos, ſed terram potius aſpexit, digito in terram ſcribens, vt intelligeremus multo magis nobis oculos deiiciendos eſſe, in quibus peccati fomes igne concupiſcentiæ facile corripi

Cantic. 4.
9.

potest. *Vulneraſti cor meum*, dicitur in Canticis, *in vno oculorū tuorum*, in Græco eſt *ἕκαστῶν*, *cor rapuiſti*, *cor abſtulisti*, iētibz ſcilicet oculorū quibus tanta vis ineſt, vt de continentia ſtatu viri etiam præſtantiffimi deiicianſur. Quare præceptum Domini, quod Iſraēlitis olim datum fuiſſe legimus in libro Numerorum, transferamus ad nos. *Dixit*

Num. 15.
37.

quoque Dominus ad Moysen (inquit ſcriptura) *loquere filiis Iſraēl, & dices ad eos vt faciāt ſibi ſimbrias per angulos palliorum ponentes in eis vittas hyacinthinās, quas cum viderint, recordentur omnium mandatorum Domini, nec ſequantur cogitationes ſuas, & oculos per res varias fornicantes ſed magis memores præceptorum Domini faciant ea, ſintque ſancti Deo ſuo. Quemadmodum enim Hebræi filia quædam non texta in extrema veſtis*

vestis ora dependentia circumferebant, ut legis à Domino traditæ memores perpetuo essent, imo ut ait S. Hieronymus, soliti fuerunt, acutissimas etiam spinas interferere, quibus & cum ambularent, & cum sederent compungerentur, eoque dolore diuinam legem in mentem reuocarent: ita nos legis Domini memores simus iuxta Salomonis præceptum, qui ait. *Conserua fili mi præcepta patris tui, & ne dimittas legem matris tue. Liga ea in corde tuo iugiter, & circumda gutturi tuo. Cum ambulaueris gradientur tecum, cum dormieris custodiant te, & vigilans loquere cum eis, quia mandatum lucerna est, & lex lux, & via vita, increpatio disciplina.* Hoc autem si fecerimus id consequemur quod quaerimus, statim enim subdit Sapiens: *Vt custodiant te à muliere mala, & à blanda lingua extranea. Non concupiscat pulchritudinem eius cor tuum, nec capiaris nutibus illius.* Prou. 6.
20.
Ibid. n. 24.

4 Sunt etiam intemperantiæ occasiones saltationes, & choreæ, aliaque huiusmodi aularum oblectamenta, in quibus viri cum mulieribus versantur, colloquuntur, iocantur, aut eas etiam tangunt. Quare hanc occasionem amoliri satagens Ecclesiasticus, *Cum saltatrice*, inquit, *ne assiduas sis, nec audias illam, ne forte pereas in efficacia illius.* De saltationibus aliisque huiusmodi lufibus.
Ecclef. 9.
4. Et bona illa Sara, quæ postea iuniori Tobia nupfit, *Nunquam*, inquit, *cum ludentibus miscui me, neque cum his, qui in leuitate ambulant, participem me prabui.* Tob. 3. 17. Hos autem lusus de quibus Sara, Hugo choreas esse interpretatur; hanc enim significationem habet aliquando in scriptura verbum ludere, ut cum dicitur in Exodo. *Sedit populus manducare & bibere, & surrexerunt ludere.* Exod. 32.
7. Fuisse autem lulum hunc saltationem & tripudium, patet ex

voce. Græca *χορὸς*, quæ aut ipsam saltationem, aut saltantium in unam collectivitatem, & ex voce Hebreaica *חֲבִירָה*, significationis eiusdem. Nec minus Ieremianus istos lusus auersabatur, qui de prædicat. *Non sedi in consilio ludentium, sed in consilio timorati tui, quoniam comminatione replesti me: timor enim ambæ aures eius, cum graues illæ nationes, quas Dominus intentat huiusmodi testamentorum studiosis auribus eius infundere.* Harum autem minarum specimen, qui

Jerem. 15.
17.

prædicat. *Non sedi in consilio ludentium, sed
barn, quoniam comminatione replesti me: tunc
enim ambæ aures eius, cum graues illæ
nationes, quas Dominus intentat huius
lectamentorum studiosis auribus eius inf
Harum autem minarum specimen, qui*

Ezech. 25.
6.

plausisti manu, & percussisti pede, & gavisus affectu, idcirco extendam manum meam super interficiam te. Septuaginta ἐκρόησας τὴν χεῖρα καὶ ἰσόφησας τῷ ποδί σου, id est, plausisti manu tuam sonuisti pede tuo. videtur autem τὸ κροῦν καὶ ἰσοφῆν τοῖς ποσὶ, exprimere actum ipsius di, & ad numerum pedes terram pulsandi, & ad numerum pedes terram pulsandi, manus certa quadam lege mouendi; sic sepopœiam dicuntur flumina plaudere

Pfal. 97.8.

exultare montes à S. Daud. Apud Isaia
gravis comminatio est in filias Israël, c
reis & lufibus, & nimis exquisito corpo

Isai. 3. 16.

tu delectabantur; Et dixit Dominus: Pro-
 cleuata sunt filiae Sion, & ambulauerunt exten-
 nutibus oculorum ibant, & plaudabant, an-
 pedibus suis, & composito gradu incedebant.
 vertit ex Hebr. Propterea quia elatae sunt filiae
 incedebant extensa gutture, & fallaces oculis
 do & plaudendo ambulabant, & pedes suo-
 vinciebant. Quid autem aliud sunt saltationes
 ambulare pedibus plaudendo, & laque-
 dum, animos spectantium constringere.

dum agilitatem ad numerum compositè se mouentium admirantur, & amant? Quod Herodi accidit, qui Herodiadis filiæ saltatione captus, Ioannis Baptistæ caput viri sanctissimi, quem ipse alioqui reuerebatur, & magnificiebat, inter conuiuij lætities amputare sustinuit. Pergit autem Esaias pœnas enumerans, quas huiusmodi mulieribus infligendus erat Dominus: *Decalubabit, inquit, Dominus verticem filiarum Sion, & Dominus crinem earum nudabit.* & paulo post. *Es erit pro suauitate odoris fœtor, & pro zona funiculus, & pro crispanti crine caluitium, & pro fascia pectorali cilicium, pulcherrimi quoque viri tui gladio cadent, & fortes tui in pralio, & mœrebunt, atque lugebunt porta eius, & desolata in terra sedebit.* vt nimirum paria sceleribus supplicia reponantur, & quantum glorificauerunt se, & in deliciis fuerunt, tantum detur tormenti & luctus, in eoque ipso plectantur in quo delicias quæsiuerunt: sicut vice versa, qui malis vexati fuerunt & pressi, Deo illis fauente ad lætitiā emergunt, vt experientia doctus testatur Dauid, cum ait: *Conuertisti planctum meum in gaudium mihi, conscidisti saccum meum, & circumdedisti me letitia.* Quasi diceret: Ego circumstantium malorum mole obrutus mœrens iacebam sacco amictus vt exterior corporis cultus, cum animi habitu conueniret, sed tu Domine grata vice pro sacco pannosoque indumento lætitiæ, stolā mihi reddidisti, & quia statū meum deplorans, plangebam me, & pulsabam vt in magno luctu fieri solet pro planctu, chorū, tripudiumque reuocasti. Esse autem hanc antithesim in verbis istis Prophetæ expendētis vocem illam *planctum & gaudium* clarius apparebit. nam planctus Septuaginta *κρητός*, est cum quis inter lamentum

Isai. 3. 17.

Ibid. n. 14.

Apoc. 18.

7.

Psal. 29.

12.

mentandum aut pectus aut aliam corporis partem *חֶסֶד*, id est, pulsatur, pro voce autem *חֶסֶד* in Hebræo est *חֶסֶד*, quam vocem rectè Chorum. Pulsus igitur, qui luctum comitatur lætiæ & alacritatis pulsus, quale est tripudium conuersum dicit. Sed redeamus ad pœnas qui choreis intemperanter indulgent, inter quæ illa maxima censenda est, quam expressè

- Iob 21. 11.* cum ait. *Egrediuntur quasi greges paruuli & infantes eorum exultant lusibus, tenentur in citharam, & gaudent ad sonitum tympani, ducunt in bonis dies suos, & in puncto ad infernum descendunt*, quæ tandem est vitæ eorum prima catastropha. Scio interpretes Hebræos & aliquos Latinos ultimam hanc partem decessus suum ad infernum, de morte suauis, & quæ longæ ægritudinis molestia contingat inferri, ut hoc etiam ad felicitatem pertinet impiorum, quod illis vacent molestiis quibusque variis & miserabilibus modis decumbentes longo luctantes morbo, ægroti vexantur. D. Gregorius, Origenes, Beda & in Catechismo Iulianus, hunc descensum ad pœnam referunt, & inferni cruciatus: quorum sententiam etiam in superioribus sequitur & confirmat Martinus in Adagialibus, nec certè alio deducendum isti chorearum agitantes cum habet monem præfultorem, huc enim accipiuntur. *Iesai. 13. 31.* possunt verba Ieremiæ cum ait: *Pilosi saltant & respondebunt ibi volula in adibus eius, & super delubris voluptatis*. Nam quænam dicamur modius voluptatis delubra, quàm Principlia cum mulierum, virorumque choris non indulgent, cantibus, lusibus, potatibus

par. prima
adagiali.
197.

Quæ Syrenes cum videntur, audiuntur, tanguntur, parum cantis serpens in pectore malum relinquunt, tenne primum, & quod vix notari possit, sed postea resurgens, & gliscens, totumque animum depascens. Quid autem aliud sunt Pilosi illi, quàm id quod Kaldæus interpretatus est, qui *Damones* vertit? qui igitur sapit, suæque conscius est imbecillitatis, infirmum animum huiusmodi occasionebus blandè trahentibus ne committat, ne qui in sicco vix stat, facilius labatur in lubrico.

§ Sed intemperantia etiam cibi, vinique, luxurix frequens occasio est. Quare D. Paulus ad Ephesios scribens ait: *Nolite inebriari vino in quo est luxuria.* admodum enim proclive est, ut venter mero æstuans despumet in libidinē. Itaque idem Apostolus perfectum instituens Episcopum, inter cætera, quæ præcipit (quorum pleraque ad Principes etiam transferri commodè possunt) illud etiam tradit, *oportere episcopum non esse vinolentum.* Ad Tim. 1. 7. in quem locum aptè ad rem nostram scribit D. Hieronymus, Prohibet quoque, inquit, Episcopum esse vinolentum de quo ad Timotheum scribitur, non multo vino deditum. Quale est autem Episcopum (Principem) videre vinolentum, ut sensu occupato vel exaltet risum contra gravitatis decorem, & labiis dissolutis cachinnet, vel si paululum tristis cuiusdam rei fuerit recordatus, inter pocula in singultus prorumpat, & lacrymas. Longum est ire per singula, & insanias, quas ebrietas suggerit explicare. Videas alios pocula in tela vertentes, scyphum in faciem iacere conuiuæ: alios scissis vestibus in vulnera aliena proruerere, alios clamare, alios dormire, qui plus bibe

Intemperantiam in cibo, potuque occasiorem esse luxuria.
Ephes. 5. 18.

Ad Tim. 1. 7.
1. Tim. 3. 3.

- ,, biberit fortior computatur, accusatio
 ,, est, adiuratum per Regem frequentius
 ,, se. Vomunt ut bibant, bibunt ut vomant
 ,, stio ventris, & guttur vno occupant
 ,, Hoc vnum dixisse sufficiat, quod securus
 Ephes. 5. stolum in vino luxuria est, & ubicumque
 18. atque ebrietas fuerint, ibi libido
 ,, Specta ventrem & genitalia, pro quali
 ,, rum ordo membrorum. Nunquam e
 ,, castum putabo, qui etsi vino conso
 ,, mmerit, tamen potuit peccare per vin
 ,, mur autem Apostolum in Episcopis, si
 ,, teris damnassee vinolentiam, cum in v
 Leuit. 10. que lege præceptum sit: Sacerdotes c
 9. diuntur templum ministrare Deo, vinu
 Numer. 6. non bibere, & Nazaræum, quam di
 3. comam nutriat, & nihil contaminat
 ,, mortale conspiciat, & à vino abstinere
 ,, passa, & à delicatiori, quæ solet ex vin
 ,, portione, omnique sicera, quæ mentem
 ,, sanitate peruerit. Dicat quisque quod
 ,, loquor conscientiam meam, scio mihi
 ,, tiam & nocuisse intermissam, & pro
 ,, titam. Hactenus Hieronymus. Quibus
 test mulieres Madianitidas filios Israël
 Apoc. 2. *Edere & fornicari*, ut dicitur in Apocalyp
 14. libro Numerorum, ita suggerente Bal
 Num. 24. mirum populum suum propter pecc
 3. & 25. 2. Dominus destitueret, & Madianitis v
 & 31. 16. traderet. Suadebant autem mulieres i
 tis ut de Idolothytis manducarent, no
 ditione corporis copiam facturæ, nisi
 phanas illas carnes manducando, in
 labe contaminassent, ut etiam colligitur

vigesimi quinti capitis Numerorum. Sed quærat fortasse aliquis, quomodo Pergami Episcopus reprehendatur in Apocalypsi, quod habeat in sua Ecclesia aliquos *tenentes doctrinam Balaam, qui docebat Balac mittere scandalum coram filiis Israël, edere & fornicari*: ita & ipse habeat *tenentes doctrinam Nicolaitarum*. nam vt docerent Nicolaitæ Christianos fornicari, non tamen vsquam legimus eos ad idololatriam pellicere studuisse. Sed nimirum ventris indulgentia & seruitus, qua illum exple-re intemperantes satagunt, idololatria quædam esse videtur iuxta D. Pauli dictum, *quorum Deus venter est*, ac proinde Nicolaitarum praua dogmata, qui ventri & voluptatibus carnis obsequendum docebant, cum Balaami consilio quod Madianitarum Principi suggessit, optimè conuenit, & inter vtrosque magna similitudo intercedit. Docebant ergo Nicolaitæ non vt Madianitides mulieres de Idolothyris manducare (non enim fuerunt idololatræ, aut ad idololatriam trahere studuerunt, vt dicebamus) sed docebant seruire ventri parandis delicatioribus epulis, & pudendis libidinibus, ac si peccata non essent, operam dare: coniungebant autem cum libidine, gulæ intemperantiam, quia friget venus cum ciborum ac præsertim vini fomenta desiderat, quibus si abundet, gliscit, & feruet. Propter quam fortasse causam Assuerus in Principum, Sarraparumque conuiuio, tunc demum Reginaë Vasthi recordatus fuisse dicitur, eamque iussisse vocari, vt illius pulchritudo spectaretur à conuiuis, cum vino intemperantius hausto incaluerat. Cum Rex, inquit, *esse hilarior, & post nimiam potationem incaluisset mero, præcepit septem eunuchis, qui in conspectu eius mini*

Apoc. 2.
14.Philip. 3.
19.Esther 1.
10.

608 *Institutio politica ex sacris Sc*
ministrabant, ut introducerent Regnam
Rege, posito super caput eius diademate
cunctis populis ac Principibus pulchrit
erat enim pulchra valde. Sed de inte
cibo non est necesse plura dicere, cu
dictis multa peti possint, & ad a
præsens accommodari.

Exemplis
Davidis
& Salomo-
nis idem
cōfirmatur.
2.Reg. 11.
2.

Ibidem.

Ibid.n.8.

3.Reg. 11.
3.

6 Ex his autem occasionibus, quas
mus, pleræque in Davidis adulterio
Nam primò cum Ioab cum exercitu
oppugnaret, & Rabba illorum oppi
rent, ipse domi desidebat otiosus,
pulchritudine Bersabeæ captus est:
bat in solario domus Regia, Oculorum
est illecebra; nam cum oculos ci
Vidit Mulierem se lauante ex aduerso
suum, erat autem mulier pulchra valde,
ieiunum Davidem hac libidinis ten
fari; nam post meridem hoc contigisse
historia cum de strato suo surrexisset, i
rum post sumptum cibum iacuerat
dum. Nec Davidis cibos deliciis car
le est, ut potè regis, cuius etiam rei c
mus coniecturam, ex eo, quod Vri
Regis egredientem secutus est cibus. R
nimirum & opiparius, qualis Dauid
solebat, qualemque esse decebat, qu
amico pro deliciis ad beneuolentiæ
nem mitti posset, ut minùs mirun
tribus hisce occasionibus in vnum
bus tentationis impressionem Dau
nuit. Nec aliùde quàm ex enumerat
bus extitisse credenda est intempera
nis, qui septingentas vxores, quasi

centasque concubinas sibi parauit, tanta libidinis impotentia, vt ab alienigenis mulieribus iuxta Domini præceptum non abstinuerit. *Rex autem Salomon*, inquit scriptura, *adamanit mulieres alienigenas multas, filiam quoque Pharaonis, & Moabitidas, & Ammonitidas, Idumæas, & Sidonias, & Hethæas, de gentibus super quibus dixit Dominus filiis Israël. Non ingrediemini ad eas, neque de illis ingredientur ad vestras, certissimè enim auertent corda vestra ut sequamini Deos earum.* Ac primò quidem abundabat orio, Israëlitici generis hostibus admiratione potentia ac sapientia Salomonis obstupfactis, nec arma in illum mouere audentibus. De hac autem pace ita scripsit Salomon ipse ad Hiram Regem Tyri. *Nunc requiem dedit Dominus Deus mihi per circuitum, & non est Satan, neque occur-* Ibid.n.1.
sus malus. Hinc ergo factum est, vt diceret apud se Salomon, *Vadam, & affluam delicias, & fruor bonis.* 3.Reg.4.
Quod vt consequeretur. *Feci*, inquit, *mibi cantores & cantatrices & delicias filiorum hominum,* 1.
in Græco Septuaginta est, ἐντροφήματα, Aquila τρυφὰς, Symmachus πατάλας vertit: sunt autè πατάλαι, deliciae, voluptates omnis generis, & παταλῶν est in deliciis viuere, voluptariam vitam agere, omnis generis voluptates captando: quod ipsum significat Salomon cum appellat *delicias filiorum hominum*, hoc est voluptates ac delicias quas in libidine & luxu, ingeniosi homines excogitarunt. Ita que & epulæ lautissimæ, vinæque pretiosissima non defuerunt, & quod ad modum bibendi attinet, alij atque alij calices variè efformati, & in diuersas figuras cælatorum industria ducti, hoc enim est, quod dicit fecisse sibi *scyphos & urceos in ministerio ad vina fundenda,* quam vini intemperan- Eccles.2.
8.

Qq

tiam

Ibid. 2. 3.

tiam postea sapientior factus dāmnauit, ait
Cogitavi in corde meo abstrahere à vino carnem
 Alia etiam non defuisse oblectamenta sen-
 omnium cuiusmodi sunt saltationes, & ludia
 varia genera, facile crediderim. Quid enim
 otiosus Princeps tam multis in aulam Regis
 concubinis inductis, in vineis, hortis, & fru-
 riis confitis cuncti generis arboribus iuxta
 nas aquarum, in latissimis syluis aquis irrigatis
 agitaret, quàm saltationes & tripudia, ludia
 cantus, & conuiuia, ex quibus ea de qua diximus
 tam sapientis Regis, intemperantia carnis luxu-
 xuria originem traxit?

*De malis, quibus propter luxum
 corpora afficiuntur.*

C A P V T XXVI.

*Luxuriam
 prope-
 ratā
 adducere
 senectutē,
 morbosque.*

CERTISSIMUM est, pluribusque sacris
 Scripturæ testimoniis probari potest,
 ægrotudinibus corporis esse obnoxios eos
 turpibus seruiunt voluptatibus, vitæque
 illis fieri contractiora, quàm pro corporis
 tutione, & viribus, quibus à natura fuerant
 structi. Exemplum non est necesse ex longum
 repetere, nam ille ipse Salomon, de quo
 ante locuti sumus, cum quinquagesimū
 ætatis annum agens mortuus sit, aliquando
 mortem sacræ litteræ Senem appellauerunt
 enim legimus in Regum historia. *Cumque*

3. Reg. 11.
 4.

nex, deprauatum est cor eius per mulieres. hoc autem ei accidisse putant anno ferè 48. aut 49. ætatis, vt qui accuratius ista scrutati sunt ex probabilibus coniecturis, vt in re obscura collegerunt, neque enim quanto tempore vixerit Salomon proditum reperitur in scriptura. Causa præcoci senectutis non alia commodius afferri potest, quàm in voluptatibus venereis intemperantia, & frequens cum tam multis vxoribus & concubinis congressus, quod cum Samolone, accidit etiam cæteris mulierosis hominibus, quibus accommodari potest, quod dicitur in Deuter. *Sicut dies iuuentutis tue, ita & senectus tua.* Qui autem temperanter viuunt, & continenter, iis contingit etiam longæuitas, viridis, prosperaque senectus; qui verò voluptatibus hisce plus æquo indulgent, iis corpus effæctum, morbisque pluribus obnoxium citius consenescit. Quare Astarthe Dea Sidoniorum Venus à nonnullis esse putatur, quæ eadem Dea hominum natalibus, mortique Libitinæ nomine præsidebat. Itaque non ineptè quis dixerit Salomonem Veneris cultorem, (nam colebat Salomon Astartem Deam Sidoniorum) citiùs senectutem contraxisse; sapienter enim & ortum hominis & exitum è vita in huius Deæ tutela esse finxit antiquitas, quod putarent vt illius beneficio in hanc lucem homines emergunt, ita nimis frequenti eiusdem vsu ad senectutè, & mortem properare. Quare dicitur apud Iob: *Ossa eius implebuntur vitis adolescentia eius, & cum eo in pulvere dormiet.* nam intemperantiù ossa, & corpora, quæ prius bene valebant, succulenta erant, & valida: postmodum cum veneris ignem conceperunt, arefacta sunt, vt eorum quilibet merito Dauidicum illud vsurpare

Pined. de
rebus Sa-
lomonis
l. 8. c. 2.

Deut. 33.
25.

3. Reg. 11.
5.

Iob 20. 11.

Psal. 101.

4.

possit. *Ossa mea sicut cremum aruerunt.* Hanc ariditatem ex vitiis adolescentiæ contraxerunt voluptatibus nimirum carnis, quibus illa feruidior intemperantius indulget. De huiusmodi autem voluptatibus locum hunc capiente esse, illud suadere videtur, quod pro *vitiis scientiæ* in Hebr. est, *occulis*, quæ vox ad concubum commodè referri potest, cum nulla tam infidens lupa reperiatur, aut perditus amator. Ista non tegat summotis arbitris omnibus patrantur. Dicuntur autem in pulvere dormire cum intemperantibus, quia eos vitia, & vitiorum effectus ad mortem usque & sepulchrum committuntur, non tantum propter consuetudinis quæ vix exui potest, sed etiam quia contrahunt intemperantiam morbi, nullo artificio de corporibus relinquunt impressa vestigia, in

Nahum 2.

10.

enim quadrat, quod alicubi dixit Nahum. *Obesceens, & dissolutio geniculorum, & defectio in crenibus, & facies omnium illorum sicut nigredo olivæ.*

Ierem. 51.

30.

quod est apud Ieremiam. *Denotatum est robur, facti sunt quasi mulieres.* Et in eos recipiunt

Genes. 49.

4.

Rubem iactata maledictio, de quo dicitur, *Non eris sicut aqua, non crederis, cur hoc? Quia ascendisti cubile patris tui, & maculasti stratum eius.* Nec Sephora opportuniore artificio à filio interitum tam ab Angelo mortem auertere potuisset, eo quo usa est, circumcisione videlicet, quæ

Exod. 4.

25.

tulit illico Sephora acutissimam petram, & circumcidi præputium filii sui. Quod remedium ut Moysi nomen moenito peperit incolumitatem, ita per circumcisiæ virtutem circumcisis voluptatibus, præstare plurimis posset, quam temere prodigiis Sapiensem in Prouerbiis sana consilia suggere

tem non audientes, cuius illa sunt verba: *Ne des alienis honorem tuum, & annos tuos crudeli, ne forte impleantur extranei viribus tuis.* Quid autem aliud est *Dare annos suos crudeli*, quàm immodico libidinis vsu de annorum dimenso sibi aliquid detrachere? qui propterea crudeli dicuntur tradi, quia meretrices de quibus eo loco dictum est, non prosequuntur amore amatos suos, sed illud tantum agunt, vt pecuniam emungant, eosque exhauriant, eos cum defecerint nummi, ingressu domus prohibeturæ.

2 Quod si quis causam quærat, propter quam corporibus nocet intemperantia, ea est in promptu. Nam cum semen humanum ex meliori, ac præstantiori sanguine, quo corpora irrigantur, & aluntur conficiatur, illius frequens detractio sanguinem minuit, viresque debilitat. Et fortassis propter hanc causam sanguinis nomine in sacris litteris libido intelligitur, vt cum dicitur apud Oseam: *Maledictum, & mendacium, & homicidium, & furtum, & adulterium inundauerunt, & sanguis sanguinem tetigit.* Et in Psalmo, *Libera me de sanguinibus Deus.* Et apud S. Ioannem. *Qui non ex sanguinibus, neque ex voluntate carnis.* Quia verò ex sanguine vita nostra dependet, licet sanguis non sit anima, frequenter tamen in scriptura animæ nomine appellatur, vt cum dicitur in Leuitico: *Anima omnis carnis in sanguine est, unde dixi filiis Israël, sanguinem vniuersa carnis non comedetis, quia anima carnis in sanguine est, & quicumque comederit illum, interibit.* Et in Deuteronomio. *Caue ne sanguinem comedas, sanguis enim eorum (animalium scilicet quæ numerauerat) pro anima est.* Et in Genesi dicitur, *Excepto quod carnem cum sanguine non comedetis.*

Prou. 9.

Afferitur ratio cur corporibus intemperantia nocent.

Osee 4. 2.

Psal. 50.

15.
Ioan. 1. 13.

Leuit. 17.

14.

Deut. 12.

23.

Genes. 9. 4.

deus : in Hebræo expressius hoc etiam locuficatur quod dicitur in proximè citatis Leuitico , & Deuter. scilicet animam suam contineri. ita enim ad verbum. *Exceptio quod non comedetis in anima sua in sanguine suo non comedetis.* Quod ceret , Exceptio quod non comedetis sanguinem in quo residet anima. Ex quo colligitur fructum cum mulieribus congressum, multum in spatio detrahere ; eos verò, qui ab illis abstinere longiorem vitam viuere, multisque vacatudinibus , quibus illi conflantur , quod periculosi sunt. Et sanè vera est illa prædicta Ioachim Summus Pontifex , vniuersusque byterorum cætus fortissimæ mulieri Iudith gratulantes, castitatem illius prælaudibus extulerunt : *Tu gloria Ierusalem , Israël, tu honorificentia populi nostri, quia fecisti ut confortatum est cor tuum, eo quod castitaueris, & post virum tuum alterum nescieris.* in verbis notandum , fortitudinem sanctæ castitati tribui, vt forte etiam tribuenda prolixitas, nam de ea dicitur in extrema

Iudith 15.
10.

Iudith 16.
28.

Agitur de turpitudine intemperantia.

1. Corinth.
6. 15.

3 Hæc igitur incommoda & multo plus sciens prætereo , hominum corporibus temperantia, tantam verò si de honestate conciliat turpitudinem , vt nullum vitium secum afferat. Præclare tractat hunc locus epist. 1. ad Corinth. *Nescitis, inquit, quod membra vestra membra sunt Christi? Tollens ergo membra Christi, faciam membra meretricis? Absit. An nesciam qui adheret meretrici vnum corpus effici? inquit, duo in carne vna: qui autem adhæ-*

unus spiritus est. Fugite fornicationem, omne peccatum Genes 2.
quodcumque fecerit homo, extra corpus est; qui autem 24.
fornicatur, in corpus suum peccat. An nescitis quoniam
membra vestra templum sunt Spiritus sancti, qui in vo-
bis est, quem habetis à Deo & non estis vestri. Empti
enim estis pretio magno. Glorificate & portate Deum
in corpore vestro. Quasi dicat. O Corinthij maio-
rem in modum vobis auctor sum, vt fornicatio-
nis turpitudinem fugiatis, qua nullum maius ani-
mæ, atque corporis vestri dehonestamentum esse
potest. Nam cum sitis membra Ecclesiæ ac Chri-
sti, qui Ecclesiæ ipsius caput est, quàm indignum
esse putatis hæc Christi membra in lupanar ab-
iicere & scorti vilissimi, per corporum commix-
tionem membra facere? Scitis enim quid olim
dixerit Dominus, Erunt duo in carne vna, quod
tam de legitimo thoro verum est, quàm de concu-
bitu fornicario, si actus naturam dumtaxat spe-
ctaueritis. Hoc igitur dedecus admittere sustine-
bitis, vt corpora vestra sancta, quæ Christi mem-
bra esse dixi, vnum cum meretrice corpus facia-
tis? Quanto honestius castissimos Domini am-
plexus, qui animas nostras singulari beneficio sibi
desponsauit, affectaretis? Sanè intelligeretis quàm
bonum sit adhærere Deo, & funiculis charitatis
cum illo constringi. Fugite ergo fornicationem.
Ac cætera quidem peccata, quæ quis admittit,
aliam plerumque materiam habent à proprio
perpetrantis corpore: qui autem fornicando pec-
cat, non animum tantum peccati labe inficit, sed
corpus ipsum fœditatem quandam, turpitudi-
nemque contrahit, vt non immerito iniuriam illi
non mediocrem inferri dici possit, cum illius ni-
torem & pulchritudinem tollat, exhauriat etiam

ac debilitet. Illud præterea memineritis corpus vestra Spiritus sancti templum esse, quod turpitudine polluere ac prophanare gravissimum est. Præterquã quod vobis hoc impudenter, cum fornicatio sit rei alienæ abusus, et corporis scilicet vestri quod Domini est, qui sancti suo valoris immensi pretio illud cõparavit, irascite ergo Deum in corpore vestro, castitatem servate, impollutumque servando. Hæc D. Pauli apostoli sententia in quibus illa potissimum continetur, quæ ad rem nostram facit, quod fornicantur, se ipsos scelerant ac dehonestant, tumeliãque corporibus suis, quibus honoratur, infligant. Quare de hoc crimine illud

Ecclesi. 10.
32.

potest, quod est apud Ecclesiasticum. *Peccator in animam suam quis iustificabit, & quis honorantem animam suam? id est. Quis iustum esse pronuntiet, aut honorem aliquem mereri putet, qui in se ipsum peccat, & corpus libidinis inquinamento deturpat? Huius turpitudinis exemplum habemus in magnifico Salomone, cuius gloriæ magnitudo*

Ecclesi. 47.
19.

Christi Domini ore celebrata est, qui cum *tus esset, quasi flumen sapientia, divulgatumque eum men eius ad insulas longè, & in cantilenis, & in canticis, & comparationibus mirata essent terra, ac principes tamen se demisit, & quam sapientiarum gestarum magnitudine collegerat glori-*

Ibid. n. 24.

nequitia, & intemperantia penitus effusa. *inclinasti (inquit Ecclesiasticus) fœmora tua in canticis, potestatem habuisti in corpore tuo, in illud nimiam sibi licentiam sumens, eoque plura pro potestate abutens: quanquam ex eo Græco alius sensus elicitur, nam passivum*

stus *ἐνδουλεύσας* potius significare videtur sæuam
 libidinem corporisq; dominationem passum Sa-
 lomone[m], eumque funibus peccatorum, blandi-
 mentisq; corporis circumplicatum, in corporis
 sui redactum fuisse seruitutem: quod quam indi-
 gnum sit non solum tanto rege, sed etiam homi-
 ne, nemo non intelligit. Quare statim subdit Ec-
 clestasticus, *Dedisti maculam in gloria tua, & profa-* Ibid. n. 25.
nasti semen tuum, inducere iracundiam ad liberos tuos,
& in cæteris stultitiam tuam. Cuius peccati labem
 Salomon contraxit, etiam posteaquam illud pœ-
 nitentia diluit (si vera est eorum sententia, qui li-
 bidines suas, idololatriamque detestatum volunt
 antequam vita defungeretur) eius enim pœna ad
 filium, regniq; hæredem transiit, imo & cæteri
 stultitiæ illius fuere participes: nam scisso in duas
 partes regno, mirum quantum toti Israëlitarum
 reipublicæ incommodarit. Itaque Salomoni illud
 vsu venit, quod quodam loco Synagogæ Domi-
 nus exprobrat per Ezechielem: *Edificasti tibi lu-* Ezech. 16.
panar, & fecisti tibi prostibulum in cunctis plateis, ad 24.
omne caput via, edificasti signum prostitutionis tue, &
abominabilem fecisti decorem tuum, & diuisti pedes
tuos omni transeunti, & multiplicasti fornicationes tuas.
 Hoc autem quam turpe sit, ex eo colligi potest,
 quod in Ecclesiastico dicitur de muliere fornica-
 ria. *Omnis mulier quæ est fornicaria, quasi stercus in via* Eccles. 9.
ab omnibus prateruntibus conculcabitur, auersantibus 10.
 nimirum illius turpitudinem. Quod quamuis de
 muliere potissimum dictum est, perinet tamen
 etiam ad viros, quibus mulierosis esse & cum me-
 retricibus frequenter versari turpissimum est:
 præsertim si sint alioqui, aut sapientiæ, aut digni-
 tatis laude, ac præsertim Principis aut Regis ma-
 iestate

iestate, vt fuit Salomon, commendabi-

*Turpitudi-
nem incon-
tinētia pa-
rentum re-
dundare in
filios. ubi
aliqua de
nothis tan-
guntur.
Sap. 3. 15.*

4 Cæterum antequam ab incōmodis transeamus ad vitia mentis, doceamus fr accidere vt parentū incōtinentia in fili det, quod non solum ab experientia dice mus, sed etiam ex sacris litteris, nam in S libro ita legimus. *Bonorū laborum gloriosus & quæ non concidat radix sapientie.* Quoru rum sensum cum sequentibus cohærent. modum hunc esse posse puto. Filius est, ctus quidā, quem ex se parentes gignun tis laboribus educant, qui ergo fuerit f bor & bona, fructus bonos faciens, cuiu sunt, qui prolis tantum amore, non cupi libidinis impetu filiis procreandis dant horum gloriosus erit fructus, & radix n lulans filiorum bonorum germinibus n guetur, aut peribit quamuis vetula sit, gentibus propaginibus in illis viuet. *Adulcerorum in inconsummatione erunt, & thoro semen exterminabitur.* Græcè sic hab pars, *τὴν αὖ δὲ μοιχῶν ἀτίλεα*, *Filij autem A non perfecti*: nam propter frequentem co seminis hebetior, filios viribus infirmior creat, si tamen procreat, quare dicitur, *& thoro semen exterminabitur*, id est, qui damr cubitum, aut fornicationē frequentant, non suscipient, aut ita Domino in sceles tam statuente, aut naturalibus causis lantibus: sed quia Græca vox ἀτίλες & f initiatum significat, aliqui sapientis d referunt, vt scilicet significet nothos à ceri, quod notati sint infamia, bené quentibus sensus congruit: nam subdi

Ibid. n. 16.

quidem longa vita erunt, in nihilum computabuntur, & sine honore erit nouissima senectus eorum. Quasi dicat. Sed fac ex damnato concubitu natus hominem bonis esse validisque viribus, & longeuum, tamen tanquam vilissimum caput ab omnibus contemneretur, & ut ad ultimam senectutem perueniat, tamen propter natalium vitium adeo non afficietur honoribus, ut etiam passim despiciatur. Quod si ἀτέλεις & sacris non initiatum, aut ab illis prohibitum significare dicamus, illud addere possumus probabile esse sapientem ad Deuteronomij locum respexisse, in quo statuitur, ut qui seorsum matrem habuissent, nec ipsi, nec ex ipsis progenti, usque ad decimam generationem Ecclesiam Domini possent introire, sic enim habet lex. *Non* Deut. 23. 1.
ingredietur Mamzer, hoc est de scorto natus in Eccle- 2.
siam Domini, usque ad decimam generationem. retinuit
 interpres hebraicam vocem מַמְזֵר addita interpretatione Septuaginta virorum, qui verterunt ἐκ πόρνης, ex scorto. Quid autem sit non ingredi Ecclesiam usque ad decimam generationem, non eodem modo ab omnibus explicatur. Nam aliqui, Hebræi præsertim interpres, de connubiorum communicatione intelligunt, ut scilicet vetitum esset scortorum filiis vxores ducere ex Ecclesia Dei, hoc est ex filiabus Israel, sed daretur ut ex profelytis acciperent, qui cum non essent ex Hebræorum gente, se se tamen populo illi adiunxerāt, eorum susceptis sacris. Alij de loco sancto intelligunt, quem ingredi poterant etiam sacris non initiati, ut scilicet aliqui offerrent, comederētque hostias pacificas, à quo tamen excluderentur Mamzeres, ut non minus immundi reputarentur, quàm tactu rei alicuius immundæ contaminati, leprosi,

leprosi, vel gonorrhæam patientes, mulierē menstruatæ, quæ eiusdem loci ingressu prohibebantur. Tandem aliqui putant publicis tamen muneribus hac lege caruisse, nihilque aliud volunt non ingredi in Ecclesiam Domini, ceterum à politicis reipub. dignitatibus arceri, quod non vtilis sint illis administrandis, vel quod putent vitia imitentur, vel quod vitiorum, putarumque morum suspicione, ab iis hominibus horreant, eosque contemnant. Quæcumque tamen interpretatio, nobis satis est fuisse in ea re notatos infamia, parentumque intemperantiam, quod dicebamus supra, filiis minimè nocuisse, & parentibus voluptatem captantem.

Ierem. 31. in visceribus comedendis dentes filiorum obstupescunt, quædamque iniquitas
4. Reg. 17. idolatris quodam loco dicit scriptura. *Filij eorum & nepotes, sicut fecerunt Patres sui, ita faciunt usque in presentem diem.*

De malis animi, quæ ex intemperantia proficiunt. Veniamus nunc ad damna, quæ animis huiusmodi carnalis infert intemperantia. In quibus ultimo loco numerandum est, quod mentis, quod in animis nostris diuino beneficio corruptum est, obscurer, dum de limosa carnis cupiditate, nebulæ terribilissimæ exhalantur, quibus, quasi velum obtenditur, quo impediuntur temperantiæ fœditatem, pulchritudinemque virtutis ægrè admodum possint aspicere, qui huiusmodi voluptatibus implicantur. Nam ut est

Osee 4. 11. Oseeam, Fornicatio, vinum & ebrietas auferunt eum illorum pectoribus ac mentibus ignis, qui se implicat, qui ad turpes voluptates inflans cæcitas consequitur interiorum luminum, v

meridiana luce clariora sunt, videre non possint. *Supercecidit ignis*, inquit Dauid, & non viderunt so- Psal. 57.9.
lem. Hoc igne cum prius correpti fuissent Sodo-
 mitæ, cæcitate corporum percussi sunt diuinitus,
 à minimo usque ad maximum, ita ut ostium inuenire Genes. 19.
 non possent, & non multo post igne & sulphure de 11.
 cælo delapso funditus deleti. Nec aliunde profe-
 cta Sampsonis cæcitas, quam ex cæco Dalilæ
 amore quo eò redactus est, ut in iumentum mo-
 rem ad versandam in pistrino molam conclude-
 retur. Ea verò cæcitas maximè deploranda est, Iud. 15.21.
 quod sua mala non sentiunt, adeoque turpibus
 hisce voluptatibus teneri, turpe aut noxium esse
 non putant, ut arbitrentur nihil libidinibus istis
 in quibus volutantur honestius esse, aut magis
 appetendum. De adolescentulo illo, quem mere-
 trix irretiuit multis sermonibus, & blanditijs labiorum Prouer. 7.
 protraxit, dixit Sapiens: Statim eam sequitur, quasi bos 21.
 ductus ad victimam, & quasi agnus lasciuiens, & igno-
 rans, quod ad vincula stultus trahitur, donec transfigat
 sagitta iecur eius, veluti si avis festinet ad laqueum, &
 nescit quod de periculo anima eius agitur. itaque sana
 consilia suggerens à via inferi eum reuocare cona- Ibid. a. 27.
 tur, ne si pergat eam, quam instituit viam insiste-
 re, barathro aliquo exceptus deuoluatur in præ-
 ceptis, nam via peccantium complanata lapidibus, & in Eccles. 21.
 fine illorum inferi & tenebræ & pœna. Milites legimus 11.
 visa Iudith dixisse, *Quis contemnat populum Hebrao-*
rum, qui tam decoras mulieres habent, ut non pro his me-
rito pugnare cōtra eos debeamus? insignis planè cæci- Iudith 10.
 tas, tanquam præcipuum populi alicuius decus 18.
 prædicare pulchritudinem, itaque illa capi, ut pro
 turpi voluptate, militiæ labores, ac pericula meri-
 to suscipi potuisse constituent. Denique eo deue-
 nit

nit libidinis impotentia & cæcitas, vt ne
nes timeat, nec Deum reueretur, sed
impetus, reuulsis diuinarum humanarum
gum repagulis, irrumpere non reformidat
filiis magis reuerendum est, cubili patris
quam sibi parens iure matrimonij adiu

Leu. 18.8. remède qua dicitur in Leuitico, *Turpi tud
ris patris tui non discooperies, turpitude enim
est. Quasi dicat, cum coniuges duo sint
vna, parentis tui reuerentia ductus, in
decus tam coniunctæ personæ violari pu
dundat iniuria, nouercam tuam caue n
gas. Quamquam vt nulla à Domino vno
lex esset, non sunt hominum corda ade
(nisi libidinis cæcitas obstaret) quin inte
iusmodi flagitium quale sit. Sunt tam
dum, qui tantum nefas admittere non v*

Genes. 35. vt Ruben, *qui dormiuit cum Bala concubina*
2. nec cum audis concubinam, inde fortass
minui putes, quod vxor legitimo thor
pulata Iacobo non esset, nam in scrip
quenter concubinæ vocantur secundari
quæ sine cæremoniis ritibusque solemn
serunt, seruilis vel libertinæ conditionis.

Ita parentis in filium indignatio, & p
obitum maledictio. *Effusus, inquit, es sicut
Gen. 49.4.* crescas, quia ascendisti cubile patris tui, & macu
tum eius. In huiusmodi autem nefarii i
ctorem S. Paulus Ecclesiastica expediuit
roque anathemate, qui se tam immani
implicauerat, seuerè animaduertit, ne
quis esset Corinthi vbi hoc acciderat, au
do alibi in orbe Christiano, qui flagitij i
primis detestandam, auersandamque t

nem, non intelligeret. *Omnino, inquit D. Paulus, 1. Cor. 5. 1.*
auditur inter vos fornicatio, & talis fornicatio, qualis
nec inter gentes, ita ut uxorem patris sui aliquis habeat,
& vos inflati estis, & non magis luctum habuistis, ut
tollatur de medio vestrum, qui hoc opus fecit. Ego qui-
dem absens corpore, præsens autem spiritu, iam iudicavi
ut præsens eum, qui sic operatus est, in nomine Domini
nostri Iesu Christi congregatis vobis, & meo spiritu cum
virtute Domini nostri Iesu, tradere huiusmodi Satanae
in interitum carnis, ut Spiritus saluus sit in die Domini
nostri Iesu Christi. Quali dicat D. Paulus, Itane ve-
rò Corinthij adeo apud vos naturalis legis, diui-
nique numinis reuerentia exoleuit, ut sit apud
vos, qui infando noueræ amore, & congressu, pa-
rentis thorum violare non dubitauerit? Tam fœ-
do autem facinore, cum deberetis zelo proculca-
tæ in parentem pietatis, & iustitiæ exardescere,
señes desideretis, nec ea vos cura sollicitat, ut tan-
ti criminis reus meritis pœnis coërceatur, sed in-
flati estis, vobisque placetis, nec quam fœda labe
vestræ adhæserit Ecclesiæ satis intelligitis. Quare
ego, qui non vago rumore, sed certa fama compe-
ri, scelus hoc apud vos admissum esse, quamuis
præsens adesse non possim, tamen re, ac si præsens
essem, probè cognita, constitui diuinitus accepta
à Christo Domino potestate qua fungor, vobis in
vnum collectis, spiritûque meo, qui animo, affe-
ctu, auctoritatéque præsens sum, scelestum incesti
hominis caput anathematis ferire gladio; ita ut
extra Ecclesiam eiectus tradatur Satanae corpore
etiam cruciandus, ut corpore sæui hospitis vexa-
tione macerato, sapere condiscat, & corporis vi-
gore exhausto, salus paretur animæ, cæterisque
omnes intelligant, quàm turpe sit & noxium tam
fœdis

foedis libidinibus implicari. Vltimus t
 citatis huius gradus est, cum ita perii
 non clanculum & remotis arbitris pec
 trentur, sed palam exuto penitus pud
 domitæ illi pessimi, qui publicè Lot
 postulabant vt eis abuterentur. *Vbi sunt*
virī qui introierunt ad te nocte? educ illos h
scamus eos. Quibus similem dicit Isai
 uium suorum impudentiam, cum ait.
tus eorum respondit eis, & peccatum suum
ma pradicauerunt, nec absconderunt. Va a
quia reddita sunt eis mala. Fererius ve
vultus eorum respondit contra eos, & pecca
cut Sodoma annuntiauerunt, non absconde
ma ipsorum, quia retribuerūt sibi malum. E
 videtur, adeo perfricta sunt fronte, y
 cant, aut posteaquam peccauerunt, i
 pudeat, sed hilaritatem, & securitatem
 vultu præ se ferunt, similes Sodomitæ
 depuduerat, vt foedam illam libidine
 dore æstuabant, palam retegere no
 rint.

Gen. 19.5.

Isa. 3.9.

Vitio intē-
perātia ho-
mines bel-
lius similes
euadere.

6 Porro huic cæcitati proximum
 humanis moribus exutis, belluinos in
 enim per cæcitatem mentis, rationi
 distamus à belluis, retusa est, iam ex
 xat hominis species restat, qua bestia
 quidem teterrima, humana specie cor
 vt quod Nabuchodonosori accidit
 scriptura, vt scilicet mutaretur in be
 lis cueniat, qui intemperanter tur
 gent amoribus. Nam fortassis non
 eos canes esse dicimus *ad vomitum su*
 & sues lotas in volutabro luti, vt ef

2. Pet. 2.
 12.

trum. Itaque D. Gregorius onocentauros illos, 7. Moral.
 quorum mentio est apud Isaiam luxuriosos esse cap. 15.
 non dubitat, addens non tantum lubricos, vt ipse
 loquitur, sed etiam elatos significare, quod etiam
 ad rem nostram facit, cum Principes facilius hoc
 superbiæ malum propter status excellentiam cor-
 ripere possint. Quid verò, inquit Gregorius, onocen-
 taurorum nomine, nisi lubrici figurantur & elati?
 Græco quippe eloquio ὄνκος, asinus dicitur, & ap-
 pellatione asini luxuria designatur, Propheta atte-
 stante, qui ait, *ut carnes asinorum, carnes eorum*. Tauri
 autē vocabulo ceruix superbiæ demonstratur, sicut
 voce Dominica de Iudæis superbiētibus per Psal-
 mistam dicitur, *Tauri pingues obsederūt me*. Onocen-
 tauri ergo sūt, qui subiecti luxuriæ vitij inde cer-
 uicē erigunt vnde humiliari debuerant, qui carnis
 suæ voluptatibus seruientes expulsa longē vere-
 cundia non solum se amittere verecundiam non
 dolent, sed adhuc etiā de opere cōfusionis gaudēt.
 Hæc D. Gregor. & alia quædam huc spectantia di-
 gna, quæ legantur. Quod si cui minus probabile
 videtur blandum hoc amoris malum, quo homi-
 num molliri pectora ac mitescere videntur, eos-
 dem efferare, & sanguini minimè parcentes effi-
 cere, meminerit Dauidem Vriam de medio sustu-
 lisse, & Herodem caput Ioannis amputasse; hunc
 vt fidem suam, quam saltatriculæ temerè obstrin-
 xerat liberaret; illum vt Bethsabæ, quam
 vitiauerat famæ consularet, & fortè vt à
 periculo legis, quæ adulteras lapidari
 præcipiebat, criminis confor-
 tem, quam malè dilexe-
 rat, liberaret.

* * *

Rr

De

*De malis, quæ Principes a
spubl. libidinis alicuius oc
sione passa sunt.*

CAPVT XXVI

*Primum
exemplum
Pharaonis,
& Abime-
lech, qui
Sarai ab
Abrahamo
abstraxe-
rant.*

*Genes. 12,
11.*

PLurima rebus publicis, & viris Pr
mala ex intemperantiæ vitio exti
lè probari potest ex scriptura, in qua
exempla sanè insignia reperiuntur. Ac p
co Saræ Abrahami vxoris in Pharaonis
abductæ recenseamus historiam; magis
præbet hic locus testimonium, docume
castitatis, vt nemo alienum affectet tho
alienam incestet vxorem. ita ergo legim
nesi. Cumq; propè esset vt ingrederetur Eg
xit Sarai vxori suæ: noui quod pulchra sis n
quod cum viderint te Egyptij dicturi sunt. E
est, & interficient me, & te reseruabunt. Dic e
te, quod soror mea sis, vt bene sit mihi propter t
anima mea ob gratiam tui. Cum itaque ing
Abram Egyptum, viderunt Egyptij
quod esset pulchra nimis, & nunciauerunt
Pharaoni, & laudauerunt eam apud illum,
est mulier in domum Pharaonis. Abram a
vsi sunt propter illam, fueruntq; ei oves, & bou
ui, & serui, & famula, & asina, & cameli. I
autem Dominus Pharaonem plagis maxim
mum eius propter Sarai vxorem Abram. A
planè hac exprimitur historia, quid in au
cipum vsu venire consueuerit, in quibus

raſitis interdum, lenonibusque ſecus quàm merentur honeſtus locus ſit, ipſi luxuriæ materiam Principibus quaerunt, ipſi libidines torpentes incitant, ipſi culpæ, aut pœnarum metum minuunt, aut etiam adimunt: quod ſi coniugata ſint, aut alios propinquos habeant, quos earum pudicitia vindices timeant, iſis pecunias offerunt, & n agiſtratus, titulis honeſtioribus decorant, quo dedecus quod illis ſcelere impingunt, aliquo modo tegant, iuſtum dolorem temperent, & eas, quas accipiunt iniurias ſilentio transmittere, quodammodo cogant. Id ſatis indicat ſcriptura, cum ait, *Abram bene uſi ſunt propter illam.* Quamvis enim Abram priuatus & peregrinus inuitus iſta pateretur, eum tamen Pharaonis adminiſtri huiusmodi blanditiis quantum poterant, ſi fortè rem ægrè ferret, mitigare ſatagebant. Sed maritalis pudicitia potentiſſimus vindex Deus *Flagellauit Pharaonem plagis maximis*, peſtilentiam & tumultus, ſeditionesque populares immittens, vt aliquibus placet, vel, vt ſcribunt alij, multiplicibus morbis, grauique animi & corporis cruciatu uſque adeo Pharaonem torquens, vt ne puncto quidem temporis poſſet acquieſcere, quæ mala cum diuinitus intellexiſſet immitti, Saram reddidit, & Abram honorificè deductum abire permiſit. Nec diſſimile factum Abimelech Regis Geraræ, qui cum Saram tuliſſet, proximè abſuit à mortis periculo, nam *uenit Deus ad Abimelech per ſomnium nocte, & ait illi: En morieris propter mulierem quam tuliſti, habet enim virum.* Abimelech autem non tetigerat eam, qua mortis denunciatione territus Rex, mortem, ſe apud Deum purgando deprecatur, ait enim: *Domine num gentem ignorantem, & iuſtam interficies?*

Ioseph.
lib. i. ant.

Philo in
libr. de A-
braham.

Gen. 20.2.

- Ibid.nu.4. Nonne ipse dixit mihi, Soror mea est, & ipsa a me est? in simplicitate cordis mei, & munus meum in aurum feci hoc. Dixitq; ad eum Deus scio, quod simplici corde feceris, & ideo custodiam te, ne peccares in me, & non dimisi ut tangeres eam. Ergo redde viro suo uxorem, quia propheta est, pro te & viues: si autem nolueris reddere, super te morte morieris tu, & omnia, quae tua sunt. Super nocte consurgens Abimelech vocauit omnes seruos suos, & locutus est vniuersa verba haec in auribus eorum, & curren-
tibusq; omnes viri valde. Aduocato igitur mo, causaque cognita, cur Saram sororem suam, quam uxorem esse dixisset, donis com-
miserat, dimisit, facta illis potestate ut vbi-
cumque vellet habitarent, dixit enim: Terra coram
Ibid.n.15. vbi-
Ibid.n.17. vbi-
cumque tibi placuerit habita. Orante aute-
m Saram sanauit Deus Abimelech, & uxorem
suum, & pepererunt, concluderat enim Dominus
vultum domus Abimelech propter Saram uxorem
suum. Quo morbo laborauerit Abimelech, scrip-
tura non expressit. Aliqui tradunt gra-
uissimum morbo correptum fuisse, ut de illi
Medici desperarent. Alij volunt eum in-
ferre ita esse diuinitus percussus, ut nec co-
muniere posset, & magnis in ea parte cruci-
bus affligeretur: quod autem ad uxorem, &
speculat, scriptura docet earum uteros fuisse
clausos, ut parere non possent, ex-
citatur maximos, acerbissimosque eas
fuisse perpessas, cum foetum iam maturum
non possent. Ex duabus autem hisce his-
toriis ratiocinari licet: si Dominus duos isto
nullo iure vetitum coniugium Saræ ex-
citauit, seditionibus & turbis, morbis etiam;

Ioseph.

lib.1.ant.

mis exercuit, & in propinquas etiam personas, cuiusmodi erant vxores, licet noxæ nullius participes, morbos graues, dirósque cruciatus inmisit, quid mirum si plura, grauiora, & ad plures pertinentia mala, aliorum vindicaturus intemperantiam, grassari permisit, quibus magna in respubl. damna illata sunt? vt ex iis exemplis, quæ subiciemus, apparebit.

2. Infœliciores exitum habuit Sichem Heuæi amor, qui indignum facinus, quod Dinam Iacobi filiam constuprando administruit, capite suo, suorumque luit. Historiæ summa hæc est. Egredia Dina è parentis tabernaculis, quæ, reuersus è Mesopotamia fixerat in terra Chanaan, vt videret illius regionis virgines æquales suas, eam conspicatus Sichem illiusque captus pulchritudine rapuit, eamque inuitam compressit, compressamque blanditiis à tristitia reuocare conatus est. Re cognita, fratres Dinæ cum iracundia exarsissent, vindictæ talem occasionem nacti sunt. Sichem cum impotenti adolescentulæ amore flagraret, eam sibi à fratribus in vxorem dari postulauit, nec abnuerunt illi, modò Hebræorum sacra, & circumcisionem in primis suscipere vellet, qua qui insigniti non essent, connubia cum Hebræis contrahere nullo modo possent. Accipit Hemor conditionem studio gratificandi Sichemo carissimo filio, cumque vniuerso ciuitatis populo cui Princeps Hemor præerat, rem proposuissent, facile suaserunt, vt & ipsi circumciderentur, & fœdus cum filiis Israel pangerent. Matribus ergo cunctis circumcisis. Ecce, inquit scriptura, Genes. 34. die tertio quando grauissimus vulnerum dolor est, arripit duo filij Iacob, Simeon, & Leui fratres Dinæ, gladiis,

Secundum exemplum ex historia Dina quæ à Sichem violata est.

ingressi sunt urbem confidenter, interfectisque
 masculis, Hemor & Sichem pariter necauerunt.
 Dinam de domo Sichem sororem suam, quae
 irruerunt super occisos ceteri filij Iacob, &
 sunt urbem in vitionem stupri. Oves eorum e-
 ta, & asinos, cunctaq; vastantes, quae in domo
 agris erant, paruulos quoque eorum & uxores
 runt captiuas. Et quidem meritò Iacobo
 chimitarum strages probata non est, qui
 adhuc cæde, & sanguine, filios castigauit

Genes. 34. ad Simeon & Leui. Tu, bastis me, & odio sis
 30. me Chananæis & Pherezæis habuitoribus tuis.

Nos pauci sumus, illi congregati percutient me
 bor ego, & domus mea. Hæc Iacob, eas po-
 cur filiorum facinus damnaret, causas
 quas ad ferocia iuuenum pectora in offi-
 sterum continenda idoneas esse posse
 bat. Iam verò morti proximus cum ta-

Gen. 49. 5. facinoris memoriæ hæreret recordatio
 meonem & Leui illius auctores allocutus
 meon & Leui fratres, vasa iniquitatis bellant.
 lium eorum non veniat anima mea, & in ca-
 non sit gloria mea, quia in furore suo occiderunt
 & in voluntate sua suffoderunt murum. In
 furor eorum, quia pertinax, & indignatio eorum
 dura; diuidam eos in Iacob, & dispergam eos.
 Quorum verborum hæc est sententia. Simeon &
 Leui fratres, non tantum natura, sed etiam
 furore, crudelitæque germani, qui com-
 mente iniquitatem in flagitium strenui
 promptistis cum Sichimitas propter se
 decus obtruncastis, absit vt vestrum crimen
 aut facinus approbem, aut de vindicta,
 Sichimitis expetiulistis, glorie. Nam et

deestor facinus quod patraſtis, cum Hemor ciuitatis Principem, eiúsque filium, populum vniuerſum hoſtilibus interceptum manibus, interemiſtis, & muros ſubruíſtis, & deieciſtis. Maledictus furor veſter, quia pertinax & flecti neſcius, & ſæua indignatio. Diuidam vos qui ad prauum inuicem conſilium capita contuliſtis, vt inuicem ſeparati aliis in poſterum veſtro iſthoc agendi modo fraudi, ac damno eſſe non poſſitis. Quamuis autem in vindicta ſumenda Simeon & Leui, eorúmque adiutores & adminiſtri peccauerint in vindicta modum non ſeruantes, eoque non iuſtitiae zelo, ſed furore quodam & impetu prouecti, præſertim contra fidem in ſcødere datam, Deus tamen in libidinis vindictam non ſolum Sichem, qui virginem violauerat, ſed eius etiam parentem, ac ſubditos, qui factum probauerant deleri permiſit, vt omnibus extaret documentũ, eorum malorum quæ ſua ſibi libidine, imo etiam aliis Principes interdum accerſunt. Quare Iudith pœnam Sichemitarum, vt à Deo in ſcelerum eorum vindictam, proſecta eſt, ita extollit & prædicat. *Domine Deus Patris mei Simeon, qui dediſti illi gladium in deſenſionem alienigenarum, qui violatores extiterunt in coinquinatione ſua & denudauerunt femur virginis in conſuſionem, & dediſti mulieres illorum in prædam, & filias illorum in captiuitatem, & omnem prædam in diſmiſſionem ſeruis tuis, qui zelauerunt zelum tuum, ſubueni quaſo te Domine Deus meus mihi vidua, &c.* Quibus in verbis obiter notandum eſt, licet à Iudith Simeonis & Leui zelus laudetur, quo excitati Hemor Principem, eiúsque filium Sichem, cum alia ratione ius ſuum proſequi non poſſent, armata manu aggreſſi ſunt, non tamen id laudare,

Rt 4

quod

Iudith 9.

2.

quod damnatum est à Iacob, & honesto
tentu velari non potest, excessum nimirum
menda vindicta à Sichimitis fraude decep-

*Tertium
exemplum
ex clade
Beniami-
nitarum cū
reliquo Is-
raele pu-
gnantium.
Iudith 19.
1. & seq.*

3 Sed atrocius aliud infœlicis intem-
plum legimus in historia Iudicum, quod
uersa Israelitarum respub. turbata est, & co-
& vna ex duodecim tribubus fermè deleta
nullis hominum myriadibus bello ciuili
ctis. Historiæ summa hæc est. Leuites
montem Ephraim incolebat, sed occasio-
ris suæ Bethlemitis, cum à socero qui ha-
in Bethlem venisset in Gabaa, se iam tene-
tendentibus, vxore, pueroque vno comita-
omnibusque exclusus sedebat in platea, do-
nex quidam à rustico reuersus opere, do-
illos recepit, à quo etiam perhumaniter
sunt. Illis ergo necessario cibo corpora
fessa reficientibus, oppidi illius ciues, &
senis illius, qui peregrinos hospitio ex-
circumdantes, educi postulabant Leuitem
præpostera libidine abuterentur. Rem se-
dignissimè tulit, sed cum tam multis solu-
tanti sceleris vindice opem ferente, resistere
posset, à grauiori crimine abducere studi-
modo parceretur hospitibus, & ipsi à tur-
concubitu abstinere, concubinam hospiti
concessit, quam cum multi ea nocte cog-
sent, eam albente iam cælo reliquerunt, quæ
ad hospitis sui domicilium reuersa esset
ædium limine extincta procubuit. Eam vi-
nam sustulit, domumque suam reuersus, &
illius in duodecim frustra concidit, vnicuique
bui partem vnā mittens: quod cum vni-
singuli, rei indignitate commoti, caput

concilium cogunt, in eoque statuunt, ut si tribus Benjamin Gabaz ciues, qui se tam fœdo crimine maculauerant, tradere ad supplicium detrectet, exercitus vrbi admoueat, ut patratî flagitiij meritas luat pœnas. Imperio Israëlitis vniuersi obtemperare recusant filij Benjamin, & se ad bellum collecto exercitu & expeditis armis comparant. Quid plura? descenditur in aciem, phalanges concurrunt, primoque commissio prælio Benjamitæ victores viginti duo hominum millia Israelitarum ceciderunt, rursusque alio die instaurata pugna, secundam Benjamitæ reportant victoriam, decem & octo millibus hostium obruncatis: sed tertio tandem certamine sorte commutata, qui vicerant, insidiis intercepti sunt ab Israëlitis, cæsaque amplius viginti quinque hominum millia, ut Benjamitarum tribus prope abesset ab interitu. Benjamitarum quoque ciuitati subiectæ facces, quas qui euadere potuerunt, in solitudinibus palantes periculum declinabant. Fuerunt hi sexcenti dumtaxat, qui cum munitum natura locum occupassent, quatuor menses obsidionem tolerarunt, cum interim Israëlitæ omnes reliquias oppidi illius euertissent, imo cunctas vrbes & viculos Benjamin voracibus flammis populati essent. Hæc summam, quæ fusiùs historia ludicum persequitur, memorandum planè omnibus sæculis exemplum relinquens, quàm diras clades, paucorum intemperantia in Rempubl. vniuersam importare possit.

4 His subnecti possunt Dauidis & Salomonis filij eius exempla. Dauidi enim propter adulterium cum Bethsabee, ita iubente Domino, & verba in ore eius ponente, locutus est Nathan,

Quartum exemplum ex iis, quæ Dauid eiusque posterij propter patris luxuriam passi sunt.

2. Reg. 12. 10. *Quamobrem non recedet gladius de domo tua & sempiternum, eo quod despexeris me, & tuleris Vria Herthai, ut esset vxor tua. Itaque hac a minus. Ecce ergo suscitabo super te malū de domo tua & tollam vxores tuas in oculis tuis, & dabo puerum tuum & dormiet cum vxoribus tuis in oculis solis. Tu enim fecisti absconditè, ego autem faciam istud in conspectu omnis Israël, & in conspectu Net secus accidit, atque à Propheta dictum.*
2. Reg. 12. 18. *nam verè gladius de domo eius non recedit. Ieroboam enim, quem ex Berhsabee susceperat, ultionis gladio percussus est, violento mortis tinctus die septimo, nec quantumuis ieiunio humi cubatione ab infantulo cladè Dauid tere conatus esset, quidquam profecit, nec post, superstitè adhuc Dauide, Amnon ei filius, mox genitus ab Absalone propter violatam matrem interemptus est. Post hunc Absalon ipse, filius David, auctoris Amnoni, cum aduersus Patrè regnum occupaturus arma mouisset, tribus à Ioab filio Achis, sobriño suo lanceis confixus est. Postea, cum iam Salomon Rex declaratus est, regnum occupauit possessionem, extincto iam Dauide, ei filius Adonias propter affectatum regnum interfectus. Hanc Salomonis à Banaia est interfectus. Hanc numerati Dauidis nati fuerunt. De domo Dauid ex eius posteris multi gladio periisse perierunt in Regum historia. Nam Iosaphat cum sex liberos suscepisset, ex iis quinquè filii, unus fratre Ioram sublatus est, sed Dominus crudelitati vicem rependente, omnes eius filii latronibus occisi sunt, vno tantum paruulo domus stirpe superstitè Ioacham, qui cum Ieroboam filio Nabat set ad regnum, longa consumptus tabe ex-*

est. Huic successit filius Ochozias, qui à Rege Israël est interemptus. Ochozias autem filius Ioas peruenit quidem ad regnum, omnes tamen fratres ab Athalia necatos amisit. Rursus ipse Ioas cum quadraginta annos regnum tenuisset, à seruis suis obtruncatus est, cuius filius Amasias eodem lethi genere, à seruis suis occisus, mortuus est. Imo regum optimus Iosias in bello cecidit, cuius mortem vniuersus Israël, sed in primis Ieremias propheta lacrymis plurimis prosequutus est. Rursus Sedechias filij à Nabuchodonosor occisi sunt, & Sedechias oculis orbatus est. Ex quibus apparet, quàm verè à Nathan dictum fuerit. *Non recedet gladius de domo tua.* Et hæc quidem in necis Vriæ ultionem cui adulterium occasionem præbuerat, domus Dauid passa est. Quod verò ad adulterium attinet, peculiari etiam pœna & quidem graui vindicatum est. *Ecce, inquit, ego suscitabo super te malum de domo tua, & tollam uxores tuas, in oculis tuis, & dabo proximo tuo, & dormiet cum uxoribus tuis in oculis solis huius, &c.* Quod ad vnguem impletum est. Absolone enim regnum affectante bellum exarsit, Rexque Dauid domestico malo propemodum extinctus est. Cumque Dauid pugnando se Absaloni parem esse posse diffideret, quem fama vulgauerat vniuersi Israël consensu ad regnum admoueri, relictisque decem concubinis è ciuitate egressus esset; ecce tibi Achitophelis consilio ingressus est Absalon ad concubinas parentis sui. *Tetenderunt ergo, inquit scriptura, Absalon tabernaculum in Solario. ingressusque est ad concubinas patris sui coram vniuerso Israël.* Cumque Dauid uxorem Vriæ vnâ duntaxat extraneam, & in occulto cognouisset, decem ipsius

2. Paralip.

21. 17.

Ibid. num.
cod

2. Paralip.

22. 9.

Ibid. n. 10.

2. Paralip.

24. 25.

2. Paralip.

25. 27.

2. Paralip.

35. 20.

4. Reg. 25.

7.

2. Reg. 12.

11.

2. Reg. 16.

21.

ipſius à filio palam vitiatae ſunt. Ex quibus
 Sap. 11. 17. nibus apparer, *per qua quis peccauerit, per ea
 torqueri, peccatorumque fructus admodum
 boſ eſſe, ita vt cum parentes vnaſ come
 multo poſt tempore natorum dentes
 peſcant.*

¶ Sed veniamus ad Salomonem, de cuius
 temperantia ſupra diximus, quantas bonas
 calamitates accerſiuit ſibi? *Iratus eſt Dominus
 Salomoni* (propter immoderatam libidinem,
 genarum coniugia, & eam, quae ſecuta eſt
 latriam) inquit ſcriptura. *Et dixit Dominus
 habuiſti hoc apud te, & non cuſtodidi pactum
 & praecepta mea, quae mandauit tibi, diſrumpens
 regnum tuum, & dabo illud ſeruo tuo. Verum
 diebus tuis non faciam propter Dauid patrem tuum
 manu filij tui ſcindam illud, nec totum regnum
 tuum, ſed tribum vnā dabo filio tuo, propter
 2. Reg. 11.
 9. 11.*

Ibid. n. 14. *ſeruum meum & Ieruſalem quam elegi.* Hae ſc
 19. quae priuſquam ſciſſi regni commemoretur
 riam, tres adhuc ſuperſtiti Salomoni adue
 fuſcitatos narrat, quorum primus Adad Id
 fuit, qui diu apud Pharaonem commoratus

Ibid. n. 23. que propinquitate coniunctus, ducta Tamar
 Reginae ſore germana. Alter fuit Razobabai
 Eliada, qui latronum manu, quorum Princeps
 erat, opitulante, regnum Damafci adeptus

Ibid. n. 26. Salomonemque quantum poterat oppreſſit.
 & 40. Tertius fuit Ieroboam filius Nabath Ephraim
 ſeruus Salomonis, qui & ipſe ieuauit bellum
 contra Regem. Cum autem Salomon Ieroboam
 mum ad necem quaereret, ipſe ſe periculoſiſſi
 xit, & ad Seſac Aegypti regem confugit, quem
 fuit uſque ad mortem Salomonis, quod

dem è viuis erepro in patriam reuersus occasione
 seditionis quæ fuscitata est contra Roboam, qui
 Israëlitarum postulatis, tributorum remissionem
 aliquamulantibus, acquiescere recusauit, ad
 regnum Israël peruenit, iuxta Ahia Silonitæ
 prædictionem, qui pallio suo nouo, quo erat ami-
 ctus in duodecim partes dilacerato Ieroboam,
 quem obuium habuerat, decem scissuras iussit
 accipere, clariusque euoluens facti huius myste-
 rium ait, *Tolle tibi decem scissuras. Hac enim dicit* 3.Reg.11.
Dominus Deus Israël. Ecce ego scindam regnum de 31.
manu Salamonis, & dabo tibi decem tribus. Hoc au-
 tem Rege Israël creato, quanta mala occupa-
 uerint Hebræorum Republ. non est dictu faci-
 le. Nam nouarum superstitionum architectus Ie-
 roboam, vitulos aureos adorandos proposuit, &
 à veri numinis cultu fidelem populum ad impie-
 tatem idolorum traduxit. Hinc multa à Domino
 immissa mala in gentem illam, hinc captiuitates,
 seditiones, bella cum Regibus Iuda, cumque aliis
 circumiectis Principibus, quæ si recensere veli-
 mus, infiniti sumus. Hæc autem mala Salomoni
 accepta referenda sunt iuxta illud Ecclesiastici
 de eadem. *Dedisti maculam in gloria tua & profana-* Eccles.47.
sti semen tuum inducere iracundiam ad liberos tuos, & 22.
incitari stultitiam tuam, ut faceret Imperium biparti-
tum, & ex Ephraim imperare imperium durum. Tò, &
incitari stultitiam tuam, in Græco est, ἡ κατανοήσας
 ἰσὶ τῇ ἀφροσύνῃ σου, hoc est, & compungi vel ut com-
 pungereris in stultitia tua. Quod forte significauit
 idem Salomon cum ait, *Taduit me vita mea, vi-* Eccles.1.
dentem mala vniuersa esse sub sole, & cuncta vanitatem 17.
& afflictionem spiritus. Septuaginta verterunt *Ma-*
lum super me, opus quod factum est sub sole, ut scilicet
 indi

indicaret tristitiæ argumentum fuisse i
mala, quibus conflictabatur, & premeba

*Ultimum
exemplum
ex historia
delunij.*

6 Tandem aliud exemplum quod ca
dat, pancis addamus, quod tamen omni
esse possit. Hoc autem sumptum est ex a
plane vindicta, quam Deum scelerum v
de vniuerso humano genere sumpsisse l
Genesi, cum continenti quadraginta d
totidem noctium imbribus, apertis co
ctis, fontibusque fluminum reclusis, ita
lum aquis redundauit, vt hominum v
genus, vrbes, regna ingenti illa eluio
berentur, terrestribus animantibus omni
in arca non fuerant. penitus extinctis. T
cladi in libidines profusa luxuries, ca

Genes. 6. 2. disse nemo nescit. *Nam videntes filij De
minum quod essent pulchra, acceperunt sibi
omnibus quas elegerant. scelus autem vi
quinta est, nam subditur. Dixitque Deus
mauebit spiritus meus in homine quia caro est.*

Ibid. n. 11. capite dicitur. *Corrupta est autem terra c
repleta est iniquitate. Cumque vidisset Deus
corruptam, omnis quippe caro, corruerat
super terram, Cathaclysmum, quo tanta
elueretur, induxit. Hæc igitur exempla
mo suo reputanti, facile apparebit qu
intemperantiæ turpitudine, quam
diris pœnis Dominus vo
luit expiari.*

* * *

*De castitate coniugali, & quadam
alia præcepta, ad Principum
matrimonia spectantia.*

CAPVT XXVIII.

EGregiè Salomon in Prouerbiis ad coniugalem castitatem hortatur, cum ait. *Bibe aquam de cisterna tua & fuentapueri tui. Deriuentur fontes tui foras, & in plateis aquas tuas diuide, habeto eas solus, nec sint alieni participes tui. Sit vena tua benedicta, & latere cum muliere adolescentia tua. Cerna charissima, & gratissimus hinnulus vbera eius, inebrient te omni tempore, in amore eius delectare iugiter. Sunt autem hæ, quibus utitur Sapiens, euoluendæ metaphoræ, vt plenius Salomonis sententiam assequamur. Bibe, inquit, aquam de cisterna tua, ita etiam Aquila, Symmachus, & Theodotio, qui verterunt ἐκ λάκκου σου, paulo aliter Septuaginta qui habent, ἐκ τῶν ἀγείων, è vasis tuis. Sed metaphoræ istæ parum inter se distant, & eundem sensum repræsentant. Suadet enim vt libidinis sitis, propriæ coniugis vsu restringatur, non abusu alienæ. Sequitur alia metaphoræ. Deriuentur fontes tui foras. In aliquibus codicibus Græcis particula negatiua apponitur, & consensit Aquilæ interpretatio, qui vertit, μὴ διασκορπισθῶσιν αἱ πηγῆς σου ἔξω, Ne dispergantur fontes tui foras. Et sensus clarus est, suadet enim ne scortorum consuetudine utatur, in eas pecunias effundendo, & per concubitum vires exhaustiendo, iuxta ea, quæ paulò*

*Amor v-
nius con-
iugis sua-
detur.
Prou. 5. 15*

paulò ante dixerat. *Ne des alienis honorem annos tuos crudeli, ne forte impleantur extraneis tuis, & labores tui sint in domo aliena.* Sed editionis lectione retenta, quæ cum contextu conspirat, in quo non est negat significatur metaphora, quis finis, & fructus iugiorum esse debeat, proles nimirum, quem voluptarij homines nec expetunt, nec infœcunda libido, consequuntur. Quoniam tamen non nobis tantum viuere debemus, sed etiam publ. etiam seruire, propterea in plateas uandas aquas docet, ut scilicet priuati suorum liberos ex legitimo coniugio, eosque ut decet ciues in foro, & curia, in publicis astrandis muneribus, operam suam Reipublice pendere doceant. Pergit Salomon. *Habeat lux, nec sint alieni participes tui*, ne scilicet spuriam suscipias, qualis ex vago concubitu solet, quod sanè magnum malum est, & reprehensum cum ait. *Proiecisti enim populum domum Iacob, quia repleti sunt, ut olim, & auguerunt, ut Philistinum, & pueris alienis adhaeruerunt.* Forer. vertit ex Hebræo. *In natis alienis faciunt*, id est, satis multos nothos gignunt, in quibuspe qui frequenter adulterantur. vel etiam esse potest, in nothiis, & spuriiis sibi placeat legitimam, ut deberent, prolem quærunt, autem peruersitas cum aliis Israëlitis iniquitate recensetur, quibus irritatus Dominus eam Iacob proiecis se dicitur. Pergit. *Sit vena tibi dicta.* continuatio est eiusdem allegoriæ, loquitur enim de aquarum vena, quæ fons est, ut per Hebræa voce מקור quæ fontem, aut aquarum turiginem significat, ut cum dicitur apud

Isai. 1. 6.

miam: *Me dereliquerunt fontem aquæ vivæ.* ubi eadem vox est. Huius autem venæ benedictio in copiosissimum consistit, ut fecunda sit, ut scilicet in eam conveniat, quod alia usus metaphora eleganter explicavit Sanctus David. *Uxor tua sicut vitis abundans in lateribus domus tue, filij tui sicut novellæ olivarum, in circuitu mensæ tue, ecce sic benedicetur homo, qui timet Dominum.* Addit Salomon. *Et latare cum muliere adolescentia tua,* cum ea scilicet quam adolescens adolescentem duxisti. Septuaginta, *μετὰ γυναικὸς τῆς ἐκ νεότητός σου*, id est, *cum uxore, quæ à iuventute tua.* Cerva charissima, &c. In canticis etiam ab eodem Salomone usurpata metaphora, cum sponsam ita facit loquentem. *Similis est dilectus meus caprea, hinnuloque cervorum.* Significat ergo uxorem amandam, & in deliciis habendam, quemadmodum à nobilibus viris cicuratae ceruæ habentur, quæ ad delectationem honestam aluntur in paradisis. Nisi forte etiam ad proprias quasdam ceruæ dotes, sibi benè notas respexit Sapiens, qualis illa quod serpentes fuget, ut etiâ vxor scorta, quæ serpentium instar habent, qualis etiam ea, cuius Physiologi meminerunt, quod scilicet maria tranant gregatim nantes porrecto ordine, & capita imponentes præcedentium clunibus, vicibusque ad terga redeunt. Hoc autem sensit D. Augustinus, qui quodam loco ita scriptum reliquit: Sicut, inquit, de cervis nonnulli talium cognitionum studiosi scripserunt, cum fretum ad insulam transeunt, pascuorum gratia, sic se ordinant, ut onera capitum suorum, quæ gestant in cornibus, super inuicem portent, ita ut posterior super anteriorem ceruice proiecta, caput collocet, & quia necesse est vnum esse,

Ierem. 2.

13.

Psal. 127.

3.

Cantic. 2.

9.

Plin. l. 8. c.

32.

Lib. 83.

99. 9. 17.

„ qui ceteros præcedens, non ante se ha
 „ caput inclinet, vicibus id agere dicuntur
 „ satus sui capitis onere ille, qui præcedit
 „ nes redeat, & ei succedat cuius fere
 „ cum ipse præiret, ita inuicem onera su
 „ tes fretum transeunt, donec veniant ad
 „ bilitatem. Istam fortasse naturam ceru

tenderat Salomon dum ait. *Cervus an
 pullus gratiarum tuarum colloquantur tecum*
 enim sic probat amicum, quemadmodum
 amici partitio. Haecenus D. Augustinus
 locum iuxta interpretationem Septuag
 uir, qui ita habent, *ἐλαφὸς καὶ φίλος καὶ πᾶσι
 ῥίπῃ ὁμιλεῖτω σοι*. Quia verò apud Græcos
 non solum colloqui, & conuersari,
 concumbere significat, probabile ex
 prutraginta vocem in hac significatione
 quamvis qui in Latinum verterunt,
 aliam exhibuerint significationem, ne
 tione idiotismi, sed honestioris sermo
 ut etiam apud ipsos accidit Græcos, qui
 ὁμιλεῖν, dicunt ut pudentiùs loquantur
 Latini consuetudinis, & consuescendi
 ad eadem significanda accommodauerunt

Dan. 13.

54.

re quod in historia Suasannæ habemus
*go si vidisti eam, dic sub qua arbore videris et
 tes sibi*. in Græco est, *ὁμιλεῖν τὰς ἀλλήλους*
 quod dicitur. Sic faciebatur filiabus Israël

Ibid. n. 57.

mentes loquebantur vobis, Græcè est, *φθεγγόμεναι ὑμῖν*, concumbebant. Sed redeamus a
 nem. *Vbera eius*, inquit, *inebrient te omni
 amore eius delectare iugiter*. Vox Hebraica
 habetur *אֶהְבֵּת* amorem charitatemve
 ut docent lexicographi. Vulgatus, cuius

ma est auctoritas, etiam vbera significare existi-
mauit, nec alia sedes amoris, quàm cor, quod
sub vberibus latet: ex quo factum, vt commorari
inter vbera, quod habetur in Canticis, nihil aliud
sit, quàm in corde commorari, & quod est apud
Oseam. *Auferat fornicationes suas à facie sua, & adul-* Ose. 1.2.
teria de medio vberum suorum, idem esse videtur, ac
si dixisset, omnes turpes de corde cogitationes
profliget. Quod ergo dicitur, *vbera eius, inebrient*
te, idem est cum sequenti particula. *In amore eius*
delectare ingiter. Hactenus Salomonis coniugale
præceptum. Ex quo apparet etiam in veteri te-
stamento bigamiam, aut polygamiam, non ad-
modum fuisse probatam, licet ipse Salomon plu-
rimas vxores habuisse legatur, & alij etiam viri
sanctissimi, vt David, & Abraham, vna dumtaxat
vxore contenti non fuerint: de qua re, quia argu-
mento de quo agimus conuenit, & non iniucun-
dam cognitionem continet, aliquid dicendum
est.

2 Principio igitur nascentis mundi, ita matri- De Biga-
monium inter Adamum & Euam constitutum mia, &
est à Domino, vt vnus vna dumtaxat vxor esset. Polygamia
Itaque Dominus non plures mulieres Adami fu- veteris te-
turas vxores, sed vnā dumtaxat excitauit è co- stamenti.
sta, quam ab hominis latere abstraxerat, & Chri-
stus interrogantibus Phariseis liceretne vxores
repudiare, respondit, *Nonne legistis, quia, qui fecit* Matth. 19.
hominem ab initio, masculum & fœminam fecit eos? &
dixit. Propter hoc dimittet homo patrem, & adhere-
bit vxori suæ, & erunt duo in carne vna. Itaque iam
non sunt duo, sed vna caro. Quæ ratiocinatio eò
quidem dirigitur, vt conficiat vxorem dimitten-
dam non esse à marito, ita tamen explicatur, vt

Ibid. n. 9.

Rom. 7.

2. Cor. 7.

Ephes. 5.

32.

significet unam unius dumtaxat v
 trimonij institutione fuisse. Satis
 cant particulæ illæ *Erunt duo in car*
non sunt duo sed una caro. Quod e
 co intelligitur quod subditur. *D*
quia quicumque dimiserit uxorem sua
cationem, & aliam duxerit, mœchatur.
sam duxerit mœchatur. Si autem plu
 cere licitum esset, qui postquam
 uxorem, vel aliam superinduceret
 vel etiam priore dimissa, quomodo
 non apparet. Quare magistri sui
 næ consentanea docens S. Paulus,
 vxoris officiis disputat, sine in epis
 nos, siue in secunda ad Corinthio
 quitur ut dubitari non possit, eum
 explorata, de vna tantum vxore ve
 cedit quod Sacramenti huius, quod
 est, ut dicit Apostolus, in Christo
 periret ratio & significatio, si v
 plures vxores: neque enim vni
 vnica Ecclesia spirituale connub
 posset. Quamuis autem primaria
 stitutio duos tantum coniuges re
 tamen proli suscipiendæ, & educ
 trimonij finis primarius est, non r
 simul duas, aut etiam plures habe
 na dispensatione non bigamia tan
 polygamia inducta est, ut sacras
 facile constabit, neque enim dan
 sanctissimi, quasi aliquid contra d
 cerint, quos duas aut plures habu
 gnoscimus ex scriptura. Et quidē
 pla habemus in Abraham, cuius d

in Genesi, & in Elcana, qui totidem habuisse dicitur initio Regum historię, & expressè videtur in Deuteronomio concedi cum dicitur: *Si habuerit homo uxores duas, unam dilectam, & alteram odiosam, &c.* Polygamus autē fuisse legitur Iacob, qui Liam & Rachelem duxit, & hisce consentientibus & tradentibus Balam etiam & Zelpham: & David, cuius multę vxores nominatim in scripturis numerantur, Michol, Abigail, Achinoam, Maacha, Haggit, Abital, Eglā, Berhsabee præter alias, quas videtur habuisse cum legamus in historia Regum, *Accepit ergo David adhuc concubinas, & uxores de Ierusalem, postquam venit de Hebron*; cumque fugiens Absalon filium suum regnum occupare satagentem, decem mulierę concubinas reliquisse dicatur domus regię custodes. Sed omnes multitudine vxorum superauit. Salomon, cuius septingentę vxores, concubinę trecentę fuisse leguntur, in quo sacra Scripturę interpretes in eo saltem peccatum agnoscunt, quod ardentissimo amore illis copulatus, vt loquitur scriptura, se & voluptatibus carnis, & quod deterius est idolis earum (nam multas duxerat alienigenas) manciparit. Quamuis ergo diuina dispensatione licuerit iis temporibus plures vxores ducere, vt frequentius fieret genus humanum cataclysmo, & vitę breuitate imminutum, in nouo tamen testamento à Christo Domino vetus institutio reuocata est, vt scilicet vnus viri vna dumtaxat esset vxor, & quidem merito; nam cum vxor, non famula mariti sit sed socia (quod videtur Dominus ostendisse, cum illam non ex Adami capite, aut pedibus, sed ex latere eductam formauit, vt scilicet nec viro præesser, nec ita

Genes. 16.
1. Reg. 1.
Deut. 21.
15.

1. Reg. 5.
13.

1. Reg. 15.
16.

subesset vt mancipium, sed laborum & cæ solitudinis particeps, pro modo s-
tionis cum viro suo, domui præesset
consentaneum fuit vnam dumtaxat eff-
ctiones domesticæ, si multæ essent in
tresfamiliâs, impedirentur, vt ferè
solet, cum in aliqua Republ. multoru
sus ad aliquid faciendum exigitur: cum
varias distraherentur sententias, segniùs
esset ea, quæ necessaria sunt, executioni
tur. His adde coniugium incontinenti
virilis, quàm etiam muliebris, reme-
dere, quod sanè obtineri non pote-
multæ mulieres vni dumtaxat viro
matrimonium; porrò rixarum, con-
quantam putamus fuisse segetem in iis
in quibus tam multæ mulieres simul
quæ ad clamores & iurgia procliu-
ab iis ne sanctas quidem immunes fi-
mus? nam in domo Abraham Sara &
domo Iacob Lia, & Rachel; in domo
Anna & Phenenna, parum inter se
bant, sed muliebribus eorum querel-
lacrymis, iurgiis, & conuiciis recta per-
Melior igitur, & humanis moribus c-
rior ea ratio est, quam Christus à vete-
tione repetitam, in fidelium suorum
mores induci voluit, vt scilicet vna
vxo contenti homines essent. Nec m-
queri quisquam potest, cum veteres ill-
chas, aut Principes legit tam multas v-
buisse; nam tunc temporis ita fieri
alioqui priuata voluptate potius &
rectæ rationis præscriptum esse debet.

3 Sed à polygamia tranſeamus ad ea coniugia, *Matrimonia cum infidelibus inveniuntur eſſe.* quæ cum infidelibus aut hæreticis contrahuntur, à quibus maius Principi periculum eſſe poteſt cum accidere poſſit interdum, vt alicuius commodi cauſa huiuſmodi coniugiorum auctores, & ſuaſores non deſint, à quibus tamen ſapiens Princeps abſtinebit, & quia non licent, & publicæ quieti, Reipublicæque bono minus expediunt. Et ſanè apud Hebræos lex fuit, quam legimus in Deuteron. ne fœdera pangerent, aut matrimonia cum Chananæis, aliisque gentibus circumiectis fociarent, quorum regiones à Domino erant accepturi. *Non inibis, inquit, cum eis fœdus, nec miſereberis earum, neque ſociabis cum eis coniugia. Filiam tuam non dabis filio eius, nec filiam illius accipies filio tuo, quia ſeducet filium tuum ne ſequatur me, & ut magis ſerniat diis alienis, irasceaturque furor Domini, & delebit te cito.* Et de iſdem in Exodo præcipit Dominus; *Nec uxorem de filiabus eorum accipies filiis tuis, ne poſtquam ipſæ fuerint fornicatæ, fornicari faciant, & filios tuos in Deos ſuos.* Et in hiſtoria Regum cum de Salomone ſermo eſt, qui duxit uxores Moabitidas & Ammonitidas, Idumæas, Sidonias, & Hetthæas additur. *De gentibus ſuper quibus dixit Dominus filiis Iſraël: Non ingrediemini ad eas, neque de illis ingredientur ad veſtras, certiffimè enim auertent corda veſtra, ut ſequamini Deos earum.* Quamvis autem vetus illa lex antiquata iam dudum obſoleuerit, aſtringitur nihilominus vnusquiſque cauendi periculi obligatione, ne ſcilicet tibi periculum creet lapſus alicuius à fide, quod ſanè periculum omnibus imminet, cum videamus Salomonem mortalium omnium ſapientiffimum, vxorum & concubinarum ſuarum

Deut. 7.2.

Exod. 34. 16.

3. Reg. 11. 2.

blandimentis ad idola colenda turpiter esse
 lapsum. Itaque S. Paulus, nubere volentibus
 quidem integrum esse affirmat, dummodo
 deli non nubant. *Cui vult*, inquit, *nubas, tan-*
Domino, & alibi vetat *ingum ducere cum infide-*
 quod de matrimonio cum infidelibus ne
 cundo commodè accipi potest, nec sanè v
 Principibus expedit, nàm præterquam
 orthodoxæ fidei sartæ rectæ seruandæ cur
 nibus aliis commodis potior esse debet,
 modi matrimonia periculum secum trahu
 proles malè à matre educata, cum adoleuer
 ternos errores, quos cum lacte suxerat, im
 ex quo Reipubl. ea omnia impendent pe
 quæ hæresim aut à fide defectionem comit
 Adde fieri vix posse, vt ipso initio cum d
 vxor, ab eorum latere prauorum dogmatu
 minatores, qui huiusmodi Principes comit
 abstrahantur, aut cohibeantur, ne suorum
 rum spargant venena, quæ dum incautè
 quibus hauriuntur, Respubl. in diuersa stu
 ctasque distrahitur cum maximo publicæ pa
 commodo. Nec verò obiiciat quispià in sc
 ris exempla reperiri eorum coniugiorū, in c
 fideles cū infidelibus copulati fuerunt, quæ
 adeo non reprehunduntur, vt etiam quæ d
 uino consilio facta dubitari minimè possi
 mus enim Assuero Reginam Esther nupsi
 liam Puthipharis Ægyptij Iosepho, Moyse
 Iethro Æthiopiisam, Salmoni Rahab Ieric
 nam, Booz Ruth Moabitidem, Dauidi Ma
 filiam Tholmai Regis Gessur. Nam quod c
 tur, facile diluitur. vel enim infideles sacra
 coniugis professi sunt cum nupserunt, au

1. Corinth.

7. 39.

2. Cor. 6.

24.

Genes. 41.

45.

Exod. 2. 1.

Matth. 1.

5.

Ruth. 4.

13.

2. Reg. 3. 3.

illius ignorance excusabantur, aut etiam illo non astringebantur, cum res ante ius scriptum gesta sit, eo tempore conciliato connubio cum lex per Moysen data nondum erat, tunc enim satis fuit legis naturalis præscripto audientem esse, qua in lege disparitas cultus, non ita huiusmodi vetabantur matrimonia, ut validè contraherequirent.

*De modestia Principis & animi
demiſſione.*

C A P V T XXIX.

I **H**umanum ingenium cum suapte sponte in superbiam proclive sit, nec suæ satis conscium infirmitatis, si prærogatiua regiae potestatis accesserit, quam adulescentes plerumque circumfistunt Principum vanitatem miris modis inflantes, tantos concipit spiritus, ut miserandum in modum attollatur. Mite Sauli erat ingenium, & ad modestiam compositum, quippe qui rusticis assuetus operibus, asinas aut boues affectabatur, & quamvis diuinitus electus esset ad Principatum, quasi tamen regiae maiestatis fulgore eius oculi perstringerentur, domi inter supellectilem domesticam sibi latebras quæsierat, ne produceretur ad regnum: quod enim legimus in Regum historia. *Ecce absconditus est domi.* Hebr. Kaldæus, & Septuaginta legunt *inter vasa*: sed tamen non ita multo post exuta veteri illa simplicitate morum, quam attulerat ad regnum, adeò degenera-

*Pacilè
Principis
animum in
superbiam
attolli,
adeo ut su-
periorè ne-
minè velis
agnoscere.
scđ. Deo
parem fa-
ciat, quod
exemplis
ostenditur.*

2. Reg. 10.
21.

uit in superbiam, vt illius actiones ac reru
adeptum regnum,seriem consideranti, De
tus à quo fuerat admotus ad Principatum
que pristinae humilitatis à qua fuerat ex
planè immemor videri possit, de stabili
tem regno sollicitus suoque consilio ita fid
si Deo posset obniti,nec qui regnum tribu
hil cogitanti, inuito etiam & reluctanti
posset. Audiendus itaque Sapiens, qui sal
ma Principibus suggerit consilia, cum ait
te reges, & intelligite, discite iudices finium terr
bete aures vos, qui continetis multitudines, &
vobis in turbis nationum, quoniam data est à
testas vobis & virtus ab Altissimo, qui interroga
ra vestra, & cogitationes scrutabitur, quoniam c
tis ministri regni illius, non rectè iudicastis, ne
distis legem iustitia, neque secundum voluntat
ambulaastis. Horrendè & cuiò apparebit vobis, q
iudicium diuissimum his qui præsunt fiet. Ex q
conceditur misericordia, potentes autem potenter
t a patientur. Non enim subtrahet personam De
niam pusillum & magnum ipse fecit, & aquali
est illi de omnibus. Fortioribus autem fortior ins
ciatio. Ad vos ergo reges sunt hi sermones mei, v
tis sapientiam, & non excidatis. Quibus ver
piens acriter eorum castigat arrogantiam,
insolentiae, aut potius amentiae processerunt
humano fastigio celsiores arbitrentur, ne
acceperant à Deo potestatem illi acceptan
rant, sed potius contra illum eiusque pr
superbè cernicem erigere non reformident

Sap. 6. 2.

Ezech. 29.

3.

Pharao cui Dominus apud Ezechielem, &
ad te Pharao Rex Aegypti draco magne, qui e
medio fluminum tuorum, & dicis, meus est fluu

ego feci memetipsum. Talis Princeps ille, cuius est illa superbiam plenissima iactatio apud Isaiam, *In Is. 14. 13.*
calum conscendam, super astra Dei exaltabo solium meum, sedebam in monte testamenti, in lateribus Aquilonis. Ascendam super altitudinem nubium, similis ero Altissimo. Talis Rex Nabuchodonosor, qui cum ambularet in aula Babylonis dicebat, *Nonne hac Dan. 4. 27.*
est Babylon magna, quam ego edificavi in domum regni, in robore fortitudinis mea, & in gloria decoris mei? Talis Rex Assyriorum, qui dicebat, *In fortitudine manus mea feci, & in sapientia mea intellexi, & abstuli terminos populorum, & Principes eorum depradatus sum, & detraxi quasi potens in sublimi residentes, & inueni quasi nidum manus mea fortitudinem populorum, & sicut colliguntur ova, qua derelicta sunt, sic uniuersam terram ego congregavi, & non fuit, qui moueret pennam, & aperiret os, & ganniret.* Talis Arphaxad ille, cuius mentio est in Iudithis historia, *Qui gloriabatur quasi potens in potentia exercitus sui, & in gloria quadrigarum suarum.* Talis tandem Antiochus, *2. Mach. 5. 21.*
qui se supra naturae leges statuens, Existimabat se pre superbia terram ad nauigandum, pelagus verò ad iter agendum deducturum propter mentis elationem. Nam quis finis sit, aut superbos, aut eorum voces tumore ac superbia plenissimas recensere volenti?

2. Statuat ergo prudens & religiosus Princeps, apud semetipsum frequenter in mentem reuocare, Principe quantumvis potente plurimisque regnis imperante alium esse Principem longè potentiorē, cui dictorum omnium, factorumque ratio reddenda sit, quemadmodum dicebat Sapiens, cuius verba supra attulimus. Hæc autem recordatio mirum quantum proderit, nullū enim

Affertur remedium contra hoc malum, ut scilicet agnoscat Princeps se Deo subditum esse.

cit

est tam atrox scelus, quo se maculare Principes non audeant, si vindicis supremi numinis iram

Psal. 13. 1. obliuiscantur: dixit insipiens in corde suo, Non est
Quid inde secutum est? Corrupti sunt, & abor-
biles facti sunt in studiis suis; non est, qui faciat bonum
non est usque ad unum. sic via omnium. Dicitur

Iob 8. 13. Iob, qui obliuiscuntur Deum, cum nimirum eu-
sensum suum, & declinant oculos suos, ne videant

Dan. 13. 9. lum, nec recordantur iudiciorum iustorum, ne

Rom. 1. 8. bant Deum habere in notitia. Itaque sanctus Deus
cum multa hominum scelera commemoraret,
quæ scelestis hominibus frequenti usu fa-

Psal. 49. 17. sent familiaria, quod, scilicet, odissent discipulos
& proiecissent sermones Domini retrorsum, quod

tes furem currebant cum eo, & cum adulteris porci-
ponerent, quod os abundaret malitia, & lingu-
rum concinnaret dolos, quod sedentes aduersus fratrem
suum loquerentur, & aduersus filium matris sua-
rent scandalum; quod tandem existimassent Iob
illis fore similem, tamque graui & immani
scelera, ac si ea non derelictaretur, sperassent
periculo transmittenda: tandem fontem unde ista
manassent & pharmacum quo morborum

Ibid. n. 22. contagio sananda esset, indicans, ait. *Intelligite
qui obliuiscimini Deum.* quasi diceret, obliuiscimini
vini numinis, ac propterea impunitate prop-
ter nihil non ausi estis. Resipiscite, quodque
Eccl. 5. 7. intelligite, *Excelsus excelsiorem esse alium,* cui graui-
tationis vestrae rationem probare debeatis.

Affertur 3 Mitum autem in modum proderit ad r-
aliud re- stituiam vel inferendam, vel conseruandam,
mediū, ut mortalitatis infimæque conditionis, cuius,
scilicet in- pe homines, participes sunt, obliuio Prin-
telligat cipis non capiat. Hac enim omnes lege in hanc l-

adeo se Deo

emerſimus, vt poſt decurſum huius vitæ ſtadium
 metam mortis, quocumque curſum noſtrum dire-
 xerimus, tãdem attingamus. Vnus Deus eſt, quem
 Apoſtolus *Regem Regum* appellat & *Dominum Do-*
minantium, qui ſolus habet immortalitatem. Porro de
 mortalibus mortalitatique ſubiectis dicitur ab
 eodem. *Vanitati enim creatura ſubiecta eſt, & ſicut*
veſtimentum veteraſcet, & ſi Deus faciem ſuam auer-
teret, auxiliũque ſuum quo omnia conſeruan-
tur ſubduceret, turbarentur, & in puluerem ſuum re-
uerterentur. Et quantumvis ditionis amplitudine,
 auri immenſis ponderibus, militum innumerabili
 multitudine, regalĩſque ſplendore maiestatis ſibi
 reges placeant, tamen fruſtra ſunt, nam cum ſolus
 Deus ſit *is qui verè eſt*, illius contentione *gentes,*
quaſi ſtilla ſitula, & quaſi momentum ſtatera, reputate
ſunt, inſula quaſi pulvis exiguus. Omnes *gentes quaſi*
non ſint, ſic ſunt coram eo, & quaſi nihilum & inane
reputata ſunt ei. Quid ergo eſt, quod tantopere ſibi
 plaudant homines, cum huius puluiſculi tenuiſſi-
 mam particulam occupare potuerunt, quaſi in-
 gentem poſſeſſionem propter quam merito exul-
 tare poſſint, ſint adepti? Cur non potius ſibi ma-
 ximè vileſcunt, quippè qui tantula ſtillæ huius
 portiuncula ſunt, vt lynceis planè oculis opus ha-
 beat, qui tam tenuem, & propter paruitatem mi-
 nimè aſpectabilem reculam velit intueri? Hoc
 probe ſanctus intelligebat Dauid, qui cum alibi,
 tum in Pſalmo primo ſupra ſexageſimum, hanc
 hominum vanitatem, inianitatem, & nihilum ex-
 aggerauit, quem locum, vtpote inſignem, paulò
 latius, explicare animus eſt. *Verumtamen*, inquit,
vani filij hominum, mendaces filij hominum in ſtateris, vt
decipiant ipſi de vanitate in idipſum. Multi interpre-
 tes

ſubditum
eſſe, vt eſt
infirmus ſit
& imbecil-
lis, & more
aliarum
creaturarũ
Dei com-
paratione
nihil.

1. Tim. 6.

16.

Ad Rom.

8.30.

Exo. 3.14.

Iſa 40.15.

Pſal. 61.9.

654 *Institutio politica ex sacris criptu.*

res de dolosis stateris locum accipiunt, & v
lis fauet, quod non semel in sacris litteris c
vt de re abominabili mentio est. in Prou

Prou. 11. 1. *statera dolosa abominatio est apud Dominum, & p
equum voluntas eius. cui consonat præceptum*

Deut. 25. *Deuteronomij; Non habebis in sacculo diuers
13. dera maius & minus, nec erit in domo tua modus*

*ior, & minor, pondus habebis iustum, & verum;
dius equalis, & verus erit tibi, vt longo vinas t
super terram, abominatur enim Dominus Deu*

Mich. 6. *Nunquid iustificabo stateram impiam, & sacelli p
11. dolosa? Si ergo iuxta istos interpretes de st*

locum intelligamus, sensus erit. Vani & m
ces homines sunt in stateris, adeo vt ex i
deantur vanitate omnes pariter conflati. N
minus si rem altius perscrutemur, longè diu
huius loci sensum esse reperiemus. Est eni
gantissima hyperbole in minuendo, qua
vanitas hominum nobis ponitur ob oculos
sus enim est, vt Iansenio placet & Genebra
vt ex Hebræo contextu colligitur. Filij
num, qui alioqui aliquid magnum sibi vie
esse, adeo leues sunt, vani & nullius ponder
vanitas ipsa & inanitas, qua nihil vanius a
nius esse potest, in alteram lancem inferat
alteram verò omnes homines quotquot sur
vanitas præponderatura sit: atque ita dec
de vanitate, quia nullus sibi vnquam pers
potuisset tantam in hominibus inesse vani
quantam ipsa doceret experientia, si omne
aliqua appendi possent. Ne verò aliquis de
& face populi ista intelligi putet, primar

ac Principes viros eximat, notandæ sũnt illæ duæ voces. Filij hominum, nam in Hæbræo non est אדם *Bene Adam*, quod simpliciter significat filios hominum, sed est בני אִישׁ *Bene isc*, filij viri id est nobiles. Ita verò ita distingui, præterquam quod Hebraicè scientibus notissimum est, patet etiam ex Psalmo 48. statim initio, sibi enim Psaltes attentionem concilians. *Audite hac*, inquit, Psal. 48. 1. *omnes gentes, auribus percipite omnes, qui habitatus orbem, quig, terrigenæ & filij hominum, simul in unum dives & pauper.* Quo loco terrigenas, plebeios, & ignobiles appellat. Græcè Septuaginta habent γῆγενῆς, *terra genitos, terra filios*: filios verò viri nobiles & illustres, vt sensus sit. Adeste omnes siue nobiles sitis, siue obscuri, siue diuites, siue pauperes. Vanitatis ergo hominum magna continetur hoc loco exaggeratio, quandoquidem nullus planè reperitur, quisquis tandem ille sit, qui ab hac inanitate vacuus esse possit. Quod si homo præstantissimum animal adcò vanum est, vt ipsa vanitate leuius iure dici possit merito; *Totum mundum in maligno positum* esse, cum D. Ioanne affirmare possumus, hoc etiam sensu vt nimirum omnia, quæ mundi nomine censentur, creaturas scilicet omnes paruas esse, tenues, obscuras, & quæ propter natiuam vanitatem vix appareant, hæc enim est vocis huius, *Malignus*, valde propria significatio, vt scilicet exiguum tenuemque significet, quo sensu lucem malignam & ignem malignum dicimus. Quare S. Paulus eos adhortatur, *qui hoc mundo vtuntur, vt sint tanquam non vtentes*; ratio- 1. Io. 5. 19.
nèmq; affert ab hac vanitate petita, cum ait: *Præterit enim figura mundi huius.* ac si dicat: *Mundus hic inanis quædam figura est, & idolum, cui nihil subest,* 1. Cor. 7. 31.

I. Cor. 8. 4.

subest, iuxta illud, quod eadem in epistola. *Scimus quia nihil est idolum in mundo*; & uis hæc idola, & figuræ istæ speciem quæ præ se ferant rerum solidarum, nostras appetitiones trahant, qui tamen illis sua reddiderit faciē, reperiet eas picturis similes quæ veram quidem rem mentiantur, propterea accedenti, & tractanti nullo negotio ret oculis nostris pictoris artificio suo quo non decipiuntur ij, qui oculos habent. Id sensisse videtur David, cum de inanis mundi huius secundis rebus se beato

Psal. 72. 8.

ait, *Transferunt in affectū cordis*. Hebraicè *transierunt*, vel *imaginationes cordis*, quia videlicet per affectum feruntur, & transeunt inane adeo inania sunt, nulliusque momenti, & potius, & vana phantasmata esse videtur, quam res veræ & solidæ. Alia metaphora in inanitatem mirificè explicante, vsus

Iob 5. 7.

est Iob, cum ait: *Homo nascitur ad laborem, & ad volatū. Quem locum ita expressit Filius hominis ad laborem natus, & finis eius scintilla, quæ saltant ex prunis, & eleuant se in cinerem*. Est autem sententia, homo multis laboribus, ut aliquam boni alicuius partem consequatur, sed sera illum spes frustratur: ut ad id, quod votis omnibus optauerat, tamen non pervenerit, quid aliud esse comperiet, quam cinerem, & scintillis ex prunis existens nullam, quæ nescio quid splendoris habere, cum tamen nihil aliud sint, quam cinis, paulo post omni amisso splendore in focum descensurus. Nec minus apta est metaphora, qua Ecclesiastici auctor usus est

quasi qui apprehendit umbram, & persequitur ventum, Ecclef. 34.
sic & qui attendit ad visa mendacia. Quemadmodum 2.

enim umbræ cum nihil sint, aliquid tamen esse videntur, ita res istæ omnes quas homines effliti-
 tim adamant, potentia, magistratus, imperia ad verum solis iustitiæ lumen admota nihil sunt: sed quemadmodum cum sol à meridie recessit longi-
 giùs, maiores etiam umbræ sunt, ita umbrarum istarum admiratoribus vsu venire consuevit, nam quo minus solis huius iustitiæ radiis afflantur,
 umbras istas inanes maiores putant, & quasi res momenti alicuius stupentes admirantur: quod ipsimet videntur tandem agnouisse, cum apud Ieremiam dolentes dicunt. *Va nobis, quia declinavit Iere. 6. 4.*
dies, quia longiores facta sunt umbra. Et in libro Sapientitiæ iidem conqueruntur, quod vias difficiles ambulauerint. & Salomon ait: *Cuncta res difficiles, Ecclef. 1. 8.*

non potest eas homo explicare sermone, non satiatur oculus visu, nec auris auditu adimpletur. Ad quæ verba sensus hic forte accommodari potest, cunctæ res duræ, morosæ, auaræ: non enim se satis dant, neque sui copiam faciunt (hæc enim omnia, vox, difficilis, apud Latinos significare solet) nec verò facere possunt, cum inanissimæ planè sint, atque propterea non potest eas homo explicare sermone, cum eas vix guster, vix oculis, vix auribus accipiat. Quare Iob ait: *Nec est satiatus venter eius, Iob 10. 21.*
& cum habuerit, quæ concupieras, possidere non potuit.

Et Dauid. *Dormierunt, inquit, somnum suum, & nihil Psal. 75 6.*
inuenerunt viri diuitiarum in manibus suis. Nimios ergo spiritus Principes comprimant, nec se aut adulatorum fallacibus vocibus, aut innatæ tumore superbiæ in errorem patiantur induci, sed illud planè intelligant, nullam eos insolescēdi ha-

bere occasionem, si suarum virium tenui
sua mortalitatis conditionem penitus n

Ezech. 28. obliuisci. Legimus apud Ezechielem. *Fili*
11. *leua planctum super Regem Tyri, & dices ei.*

Dominus Deus. Tu signaculum similitudinis p
pientia, & perfectus decore in delicijs Paradisi
sti, omnis lapis pretiosus operimentum tuum,
topazius, & iaspis, chrysolithus, & onyx, &
sapphyrus, & carbunculus, & smaragdus, au
decoris tui, & foramina tua in die qua condita
parata sunt. Hebræi post vocem, *aurum*, p
figunt. Et quæ sequuntur ita legunt. *Opus*
norum tuorum, & fistularum tuarum in te, in
creatus es, parata fuerunt, id est, ut Rabbi D
terpretatur, resonantibus in domo tua c
instrumentis musicis natus es; Principu
cet respiciens consuetudinem, qui cum
masculam præsertim, suscipiunt, plurim
signa lætitiæ tubis clangentibus, omni
musicis instrumentis personantibus;
נְקָבִים commodè eam recipit interpreta
nam tibia, fistulæque significat, quæ mu
distinctè foraminibus: radix enim *נֶקֶב* p
significat, cui noster interpretes insistent v
ramina tua, & Kaldæus ad rem nostram a

1. Mach. 9. ita interpretatus est. *Adeo elatus fuisti, obli*
12. *ditionis tuæ, ut non consideraueris te hominem*

quo die natus es, tanquam homini mortali j
oris, & narium ad spirandum data esse. V
ergo vox est Antiochi, impij alioqui hom
æterni Numinis contemptoris, sed vel ab
malorum vi diuinitus expressa. *Iustum e*
tum esse Deo, & mortalem non paria Deo sentiri
rum enim quantum eos auersatur Domini

postquam Dei beneficio aliquid quod suis viribus minimè potuissent, perfecerunt, Chaldaeos illos imitantur, quos reprehendit Habacuch illis verbis. *Totum in hamo subleuauit, traxit illud in sagena sua, & congregauit in rete suam, super hoc letabitur, & exultabit, propterea immolabit sagena sua, & sacrificabit reti suo.* Illud nimium arroganter intra se ipsum dicens, quod vetuit Dominus in Deuteronomio, cum ait: *Ne dicas in corde tuo. Fortitudo mea & robur manus meae, haec mihi omnia praestiterunt, sed recorderis Domini Dei tui, quod ipse vires tibi prae-buerit, ut impleret pactum suum, super quo iurauit patribus tuis, sicut praesens indicat dies.* Verè enim ut canit sanctus Dauid, *Deus qui praecinxit me virtute, qui docet manus meas ad praelium, & posuit ut arcum aereum brachia mea, Dominus firmamentum meum, & refugium meum, & liberator meus, adiutor & protector meus, cornu saluis meae, & susceptor meus.*

Habac. 1.

15.

Deut. 8. 17.

Psal. 17.

33.

4 Cum verò veritatis huius cognitio Principis menti altè sederit, aberit proculdubio omnis arrogantia & tumor, omnis in verbis iactantia ac contumacia, nec inferioris conditionis homines contemnet, nec in pares, aut in superiores insurget, sed celsioris illius Principis memor cui dicta sua omnia & facta probare debet, in dictis omnibus & factis modestiam colet. Itaque recolenda sunt Regum exempla, qui suae mediocritatis obliti, aut regia opulentia, aut regni frequentia, aut exercitibus suis sibi placuerunt, quasi non munere diuino illa fuissent consecuti, ac propterea diuinam sensere vindictam, qua vel ad pristinam reuocarentur animi demissionem, vel si illius capaces non essent, ita tamen tremor ille mentis diuina ultione ingruente premeretur, ut vel tan-

Ostenditur exemplis quàm malè sibi consulerint ij, qui Dei obliti, in superbiam elati, sibi nimium placuerunt.

- dem inuiti suam agnoscerent tenuitatem, uinitus immissa correptione non pro aliis tamen exemplo prodesse, qui olim essent cognituri. Talis Syriæ Rex Benadad non minus superbiæ typho, quàm vino tentus (nam ut ait scriptura, *Benadad bibebat tuus in umbraculo suo, & Reges triginta duo cum ad auxilium eius venerant*) tantum viribus bucebat, ut in illa insanissimæ iactantia erumperet, *Hæc faciant mihi Dii, & hæc acciderint, si non succederit pulvis Samaria pugillis omnis populi qui percutit me*. Cui prudenter paucisque verbum virorum more, qui factis potius quàm verbis exhibent fortitudinem, Rex Israel respondit, *Ne gloriatur accinctus aquè ut discinctus*. Quod verborum illa sententia est, Non cauens se triumphum ante victoriam, nam cum communis sit, variusque bellorum euentus posset, ut qui certam sibi victoriam pollicentur, cum ventum esset ad manus, turpiter tenerent, victique succumberent, quod etiam accidit. Nam accedens Propheta vnus ad Achaz Israel ait ei. *Hæc dicit Dominus: Certè vidisti multitudinem hanc nimiam? Ecce, ego tradam te in manus tuas hodie, ut scias quia ego sum Dominus*. Quod tantæ auctor victoriæ, quisnam esset agnosceretur, & vero ut Syri superbi contunderetur, non selecto exercitus fore expeditionem uti voluit Dominus, sed paucorum Principum prouinciarum dumtaxat adhibentium ducentorum triginta duorum numerum perperabant, ut ingentes illas copias pessum trucidaret. In quo suum morem tenuit Dominus, qui humilia, & contemptibilia mundi elegit, ut
3. Reg. 10. tus (nam ut ait scriptura, *Benadad bibebat*
16. *tus in umbraculo suo, & Reges triginta duo cum*
ad auxilium eius venerant) tantum viribus
buebat, ut in illa insanissimæ iactantia
- Ibid. n. 10. erumperet, *Hæc faciant mihi Dii, & hæc*
succederint, si non succederit pulvis Samaria pugillis omnis populi
qui percutit me. Cui prudenter paucisque verbum
virorum more, qui factis potius quàm
bis exhibent fortitudinem, Rex Israel res-
- Ibid. n. 11. *Ne gloriatur accinctus aquè ut discinctus*. Quod
verborum illa sententia est, Non cauens
se triumphum ante victoriam, nam cum
communis sit, variusque bellorum euentus
posset, ut qui certam sibi victoriam pollicentur,
cum ventum esset ad manus, turpiter tenerent,
victique succumberent, quod etiam
- Ibid. n. 13. nit. Nam accedens Propheta vnus ad Achaz
Israel ait ei. *Hæc dicit Dominus: Certè vidisti*
multitudinem hanc nimiam? Ecce, ego tradam te
in manus tuas hodie, ut scias quia ego sum Dominus
tem tantæ auctor victoriæ, quisnam esset
agnosceretur, & vero ut Syri superbi
contunderetur, non selecto exercitus fore
- Ibid. n. 14. expeditionem uti voluit Dominus, sed paucorum
Principum prouinciarum dumtaxat adhibentium
ducentorum triginta duorum numerum
perperabant, ut ingentes illas copias pessum
trucidaret. In quo suum morem tenuit Dominus,
qui humilia, & contemptibilia mundi elegit, ut
- Exod. 8. qui humilia, & contemptibilia mundi elegit, ut

dat, & euertat fortia. Quemadmodum ranis, muscis, ac cyniphibus, ita Pharaonem, vniuersamque Ægyptum vexauit, vt ferocem Regis animum mitescere cogeret, & à Moysè tantorum malorum molem deprecari. Et superbum Philisthæum contra Dauid *cum gladio, & hasta & clypeo* venientem 1. Reg. 17. 45. adolescentuli pastoris, sed Dei exercituum virtute fidentis, saxo è funda emissso deiecit in terram, vt nimirum aduersus Dominum *non gloriatur omnis caro.*

De prudentia Principis; & de ingenio Regni & Populi.

C A P V T XXX.

I DE prudentia Principis paucula quædam *Regnorum instabilem esse possessionem.* delibanda potius sunt, quàm tractanda: cum toto hoc opere nihil aliud contineatur quàm ciuilis prudentiæ præcepta; ac potissimum ea sunt attingenda, ex quibus probè cognitis, quasi ex fontibus reliqua omnia doctrinæ huius præcepta dimanare certissimum est; ea sunt quæ proposuimus, Ingenium Regni & Populi, quæ qui bene perspecta habuerit, magnum telum ad Rempubl. bene gerendam nactus fuerit. Ac primò quidem illud statuendum est Regnum omne in lubrico stare, fierique nonnunquam vt cum firmioribus niti videtur radicibus, propius tamen absit ab interitu. Sic enim in humanis rebus, altissimo suo consilio ludit Numinis sapientia. Ingentibus Sa-

lomon diuitiis, armis, finitimorum Regibus, ac potissimum admirabili sapientia videbatur Israelis regnum stabiluisse externa vis, nulla ciuium seditio, illud a parte labefactare posset. Et tamen sub Rege

2. Paralip.

13.7.

2. Reg. 12.

14.

quem fortasse propterea *Rudem* sacra Scriptura appellauit, quod non satis humanarum consuetudines intelligeret, exorta seditio finitimum regnum discidit, decem tribubus in boamo per illum tumultum abstractis. Israelis Rege constituto; quam iacturam boam ipse, nec qui illius Regnum posterunt, vlllo vnquam tempore sarcire poterunt.

Dan. 5. 1.

Baltassar Rex fecerat grande conuiuium opus suis mille, dumque temulentus plus iustis potationibus indulget, nihil minus quam Regni cuius erat mirè securus amicum. ecce tibi. In eadem hora apparuerunt digitus, unus hominis scribentis iuxta candelabrum, in parietis aula Regia. Quo viso, Rex mirum dum conturbatus, cum neminem inuenire parieti impressorum characterum sensum posset euoluere, tandem adductus est ad diuino collustratus lumine. *Hac est scriptura, qua digesta est, MANE THECEL PHARES & hac est interpretatio sermonis. MANE Deus Regnum tuum, & compleuit illud. THECEL appensus es in statera, & inuentus es minus.*

Ibid. n. 25.

PHARES diuisum est Regnum tuum, & inter Medos, & Persas. Vt autem à Daniele profectum est, ita continuò est factum, vatis sui preimplente Domino. Nam eadem nocte apparuit Baltassar Rex Chaldaus, & Darius Medus in Regnum, annos natus sexaginta duos. Atque

Ibid. n. 30.

& eadem nox, & Baltassar's & Kaldæorum Regno finem imposuit.

2. Secundò, de Regno & de Regibus dici potest, eos multorum odiis, sermonibus, offensionibusque patere. *Si non dixerunt*, inquit Iacob, *viri tabernaculi mei, quis det de carnibus eius ut saturemur?*

Quem locum explicans S. Gregorius ita scribit.

Pensemus quanta fortitudine sancti viri animus, extra intraque sollicitus, ad omnia paratur, qui se iniuste agentibus aut nunquam per silentium cederet, aut per rectitudinem non contrairer, profecto aduersarios non habuisset, sed in eo quod vias vitæ tenuit, exoptatores suæ mortis inuenit. Et paulò post Sapientis consilium omnibus sanè qui aliis præsumt. necessarium subdit Gregorius, quod est huiusmodi: *Cunctis sermonibus qui dicuntur ne accommodes cor tuum, ne forte audias seruum tuum maledicentem tibi.* Nam de Principibus multus est vulgi sermo, & rectè etiam facta carpuntur, quibus tamen rumusculis adeo Princeps moueri non debet, ut ne aures quidem illis audiendis accommodare debeat, ne fortè iactis in se vulgaribus, & nullius momenti cauillis irritatus, erumpat ad vindictam, aut ad virtutis & iustitiæ regiam viam insistendam segnior populi obloctionibus reddatur. Illud quidem diligenter cauere debet, ne fortè ansam aliquam facta sua damnandi subditis tribuat, sed ubi ab officio se minime discessisse cognouerit, otiosos, desides, garrulos planè negligat. Quanquam illa etiam odij causa est, quod Principem non timere non possumus, ex cuius arbitrio vita hominum pendet, itaque ut mitissimus sit, quia tamen nocere potest, formidatur: quæ verò formidamus, ea

Principes multorum odiis, & inuidia patere.

Iob 31.31.

Eccles. 7.

32.

Rom. 13.

4.

odio ferme prosequimur, quo etiam timore
uius urgentur ij qui sceleris alicuius consc
sunt. *Si malum feceris*, inquit D. Paulus, *time* (ci-
cipem scilicet) *non enim sine causa gladium p*
Dei enim minister est, vindex in iram ei qui re
agit. Porro ex odio frequenter erumpunt in
quem enim aperta vi aggredi verentur, eum
culum oppugnant, & occasione nata euertere

Psal. 55. 6.

tagunt. *Tota die*, inquit David, *verba mea e*
bantur, aduersum me omnes cogitationes eorum
lum, inhabitabunt & abscondent: hoc est, mihi
sub eodem tecto habitabant, & quod virum
mebatur in pectore, beneuolentiae & amicitiae
velum praetendentes, tegere studebant. *Ipsi*
neum meum obseruabant, vestigia mea, gressus,
nesque diligenter obseruabant, vt data occasio
aliqua opportuna insidias adornarent, & me
centem dolis interceptum de medio tollere

Psal. 40. 5.

alibi. *Inimici*, inquit, *mei dixerunt mala mihi*
est de me, quando morietur, & peribit nomen
Quasi dicat, si quando in aduersam inciderem
valetudinem per simulationem officij de me
bentem inuisebant, *Si ingrediebatur*, inquit,
deret, vana loquebatur, mellitis, humanitatis
plenissimis sermonibus se pro amico ge-
sed *cor eius congregauit iniquitatem sibi*, nam a
improbum aliquid animo conflagrat, quod
egressus cum aliis communicaret. *Egred*
foras, & loquebatur in idipsum, omnibus enim
eiusdem erant sententiae in vnum coactis, e
viderat loquebatur, salutem meam iam de
tam esse, nec iam inuisum caput diu posse e
perstes. *Aduersum me susurrabant omnes inimici*
aduersum me cogitabant mala mihi. Verbum in

constituerunt aduersum me, nunquid qui dormit non adiiciet, ut resurgat? quasi ex composito constituerunt iniustum aliquod facinus aduersum me perpetrare, sed eos fallit opinio, nam cum in protectione Dei cali lateam, qui ita lecto affixus est, morboque prostratus decumbit, adiiciet ut resurgat, cum pristinae restitutus valetudini aduersariorum suorum spes ludet, qui quem extinctum sperabant aut volebant; incolumem, & integris viribus optimè valentem, vel inuiti cernere cogentur.

Psal. 90.1.

3 Nec tamen istud ignorant Principes, qui propterea pharmaca metuentes prægustatores adhibent, & latus armato tegunt milite, & nocturnum somnum excubitorum custodia muniunt, ne qua possint vitæ insidiatores obrepere. Hinc de Salomonis lectulo dicitur in Canticis. *En lectulum Salomonis sexaginta fortes ambiunt ex fortissimis Israël, omnes tenentes gladios, & ad bella doctissimi, vniuscuiusque ensis super femur suum propter timores nocturnos.* Ita enim vsu venire necesse est, ut qui à multis timetur, multos etiam timeat, nec satis virtutis & iustitiæ, cui plerumque inuidia insidias struit, præsidio tutus esse possit. Quamquam fieri nonnunquam videamus, ut plus iusto formident, & eos suspectos habeant, à quibus nihil timere debuissent. Ita Saul Dauidem generum suum lancea configere conatus est, & diuturno tempore sed irritò semper conatu quæsiuit ad necem, quo tamen ad eum diem nullum magis fidum inuenerat, sed quia acer erat consilio, manu strenuus, charus primoribus, & vulgo militum acceptissimus, eum adhuc crescentem decreuerat opprimere, ne Ionathæ filio debitum occu-

Principes
abundare
suspicioni-
bus, & me-
tu.

Cant. 3.7.

1. Reg. 18.
11.

- 1.Reg.10. *Omnibus diebus quibus filius Isai vixerit, non*
 31. *ris tu neque Regnum tuum: in quo tamen fal-*
 nam quibus artibus eum euertere cona-
 fisdem ad Principatum inuitus admouit.
 uius etiam Herodis ingenium, qui quo te
 Magi ab Oriente stellæ ductu Ierosolym
 nère, quærentes Iudæorum Regem nuper
 Matth.2. non tātū occidit omnes pueros qui erant in B
 16. *& in omnibus finibus eius, à bimatu & infra*
dum tempus, quod exquisierat à Magis: Sed
 suo sibi metuens, ne illi quidem parcend
 iudicauit, vt meritò quidam dixerit in E
 domo melius esse porcum esse quàm filiu
 cum filium iugularet parcebat tamen por
 ius carnibus vesci Iudaicæ legis obser
 prohibebatur.

4 Præter ista autem, quæ hoc capite de
 ingenio disputauimus generatim, alia
 quæ Principem quemlibet diligenter cog
 par est. Quo iure ad Regnum venerit, an
 sione, an electione, an iure belli. Quæ le
 gni sint, quæ consuetudines, quæ vires,
 merus vrbiū, qui ex iis prouentus, quo
 num millia possit habere in castris, & hui
 Hoc autem quia censu cognosci potest,
 aliquis an sit è re publica, & Principis,
 uium censum populumque numerare.
 sententiæ qui affirmant fauet, quod Mo
 ipsius iussu, populi capitum per cēsum nu
 subduxit, præceptum enim illi est in hæc
 Num. 1.2. *Tolite summam vniuersæ congregationis filiorum*
per cognationes, & domos suas, & nomina sin-
quidquid sexus est masculini à trigésimo anno,

Peculiares
Regni cui
præst con-
ditiones
Principi
cognitas
esse, debere:
vbi de cen-
su.

omnium virorum fortium ex Israël, & numerabitis eos per turmas suas, tu, & Aaron. Et idem ratione confirmari posse videtur, nam census beneficio subditorum numerum, ætatem, suorum qualitates cognoscit Princeps, quot hominum millia, si bellum ingruat, sub signis habere possit, quantum armorum, aut annonæ parandum sit, si urbem v.g. obsidione premi cōtingat. Rursus quam quisque artem profiteatur, qua ratione sibi suisque victum paret: an vagi in vrbe homines sint, & facinorosi qui propter rei familiaris difficultates, aut propter crimina alibi patrata, passim sedes mutant, & Reipubl. incommodant, cum ad maleficia, ad furta, & cædes promptiores sint, vt de illis deliberari possit, sint ne vrbe, & finibus exigendi, quis modus sit diuitiarum cuiusque familiæ, vt facilius matrimonia inter æquales, & eiusdem census copulari possint, aliæque vtilitates percipi, quæ ex hac notitia existunt, quæ omnia ad bonam Reipubl. gubernationem non parum conducere existimantur. Sed pro huic aduersa sententia non pauciora argumēta afferri possunt. Primum, quòd non modò Dauid grauiter à Deo plexus est, quòd censum iniisset, cum populo Dei, sæuiente pestilentia, in criminis à Principe patrati pœnam, morte subducta sunt septuaginta hominum millia, sed ipsemet etiam Dauid consilium suum damnauit verbis illis, *Scilicet egimimis, & peccavi valde in hoc facto*; quòd nimirum populum censere tempore pacis ad inanem gloriam, iactantiamque pertineat, quo vitio lapsus est tantus Rex, sibi placens quòd tot hominum myriadibus Princeps ipse præpositus esset: vt enim Sapiens ait; *In multitudine populi dignitas* 2. Reg. 24. 15. 10. Prou. 14. 28.

Regis,

- Regis, & in paucitate plebis ignominia Principis etiam typho inflatus Syriæ Rex sui magnam exercitus gloriosè iactabat, & Regem minabatur cum dicebat, Hæc faciant mihi hæc addant, si suffecerit pulvis Samaria pugili populi, qui sequitur me. Itaque Ioab, cui certragendi prouincia licet inuito demandata cum vndecies centena millia virorum centum trecenta millia, numero quem ad Regem subtraxisse eo consilio creditur à quibus actoribus, vt quantum posset superbiæ multiplicamque minueret. Quod si non capita numerentur, sed etiam fortunarum quiscorum, ac bonorum quæ possidet rationem re iubeatur; iam durum hoc sanè, atque manum subditis videri possit. Nam cum*
- 3.Reg. 20.
10. *Salomon, aliqui sint quasi diuites, cum nihil & sint quasi pauperes cum in multis. sint diuites iniquo animo ferent vtrique, si in publicas cuiusque bona referantur, vnde quæ voluissent retegantur, & non oculis tantum, sed etiam linguis exponantur?*
- Prou. 13.
7. *verba illa Iacob vsurpare poterunt; Quamquam meam sic exarsisti post me, & scrutatus suppellectilem meam? Quod etiam magni mali nomine recensere visus est Dauid, in dirarum catalogo, quæ quodam Psalmo*
- Genes. 31.
36. *nentur, ait, Scrutetur fœnerator omnem suum eius. Quam multi etiam decoquerent, si cetera eorum paupertate, ansa creditoribus retur pecunias ab iis repetendi, qui illarent, quorum etiam industria Respubl. iuratur, qua satagunt res suas afflictas restituere suæ, familiæque existimationi, comm*
- Psal. 108.
11.

prospiciant. Præterea si quos quisque domi thesauros pecuniarum, aut gemmarum, auri facti infective copiam asseruet, recludere compellatur, ut publicis tabulis inscribantur, non exiguum securitati periculum creatur, & potentium rapaciumque hominum cupiditas quodammodo provocatur ad prædam. Quod Iudæis accidisse cognoscimus ex Machabæorum historia, in qua Heliodori facinus narratur, qui Seleuci Asiæ Regis iussu in suam redigere potestatem conatus est thesauros pecuniarum, quæ in Ierosolymitani templi ærario servabantur, quibus Rex imminerebat cupiditate, postea quam Simonis cuiusdam delatione certior factus fuerat, *pecuniis innumera-* ^{2. Mac. 3.}
bilibus plenum esse ararium Ierosolymis. Tandem ut ^{6.}
cogantur ciues per Principum edicta dare nomina censoribus, quæ catalogis inscribantur, vix tamen cogi poterunt, ut alia quæ celata cupiunt aperiant, atque ita, sicut nec Davidis census, Esdræ, aut Augusti ad emendandos corruptos Reipubl. mores quidquam profuerunt, ita nec æui nostri Principes ullum commodum capient, nisi fortè hac occasione pecuniæ alicuius accessione ærarium fiat locupletius, si qui censentur aliquid erogare compellantur, quod ex Euangelio discimus fecisse Romanos, & ex libro Exodi Hebræos, qui cum censebantur, dimidium sicli iuxta ^{Exod. 30.}
mensuram templi in singula capita tenebantur erogare. Hæc tamen pecunia quæ à censis exigebatur non in ærarium Principis inferebatur, sed cedebat tabernaculo, ad inhibendam fortè Reip. moderatorum avaritiam, qui corradendæ pecuniæ cupiditatem census honestamento prætere-
dere potuissent. Quod si Domini iussu populi
census

census initus est à Mose, vt diximus, non p
rea id factum videtur quasi in Reipubl. illu
res vsum census vellet inducere, sed vt
intelligerent Dominum, quod pollicitus
præstitisse, cum scilicet gentem Israëliticam
mirum in modum aucturum promisit, ac
Stellarum cæli, & arenæ quæ est in litore mari
enim septuaginta tantum capita Ægypti
fent ingressa, non longissimo temporis
sexcentorum millium exercitum eduxit
ad arma tractanda expeditorum militum,
mulieres, infantes, senes, imbecillos, & ado
tulos, qui nondum vigesimum ætatis anni
pleuerant.

5 Sequitur vt de populi iugenio dicar
quid, qui sanè bellua est multorum ca
monstrumque immane ex multorum col
vitiis coagmentatum & conflatum; n
mò vulgus omne instabile est, & pronu
traria, vt optimo iure in sacris litteris a
nomine populi significantur. *Va*, inquit
multitudo populorum multorum vt multitudo
sonantis, & tumultus barbarum, sicut sonitus a
multarum. & in Apocal. dicitur: *Aqua quæ*
populi sunt, & gentes, & lingua; & apud Da
Dan. 7. 2. *Videbam, inquit, in visione mea nocte, & ecce*
venti cæli pugnabant in mari magno, & quatuor
grandes ascendeabant de mari diuersa inter se.
derim aquas maris populos designare, ver
tem quatuor, Principes, qui quemadmodu
ti inquietorum fluctuum volumina confi
tollunt, cum verò posuere detumescere
tur, ita ipsi populorum turbidos affectus
ritate sapientiæque moderantur quantū p

Populi in-
geniū Prin-
cipi notum
esse debere,
& quale
illud sit.
Isai. 17. 12.

Apoc. 17.
13.

Dan. 7. 2.

& modò incitare, modò cohibere, prout vsus tulerit consueuerunt, sed magnum sanè discrimen intercedit, quod cum æquori ventus incubuit, in quamcumque voluerit partē aquas agit, populorum verò turbidi æstus temerè sæuientes aliquando nec Principis imperiis sedantur, nec verentur auctoritatem, omnia susdeque prout libido tulerit permiscentes, *Ortum est murmur populi in Israëlitarum castris, vt dicitur in Numeris, quasi dolentium pro labore contra Dominum. Quis porrò fremitum illum excitauit, nisi vulgus promiscuum, quod ascenderat cum eis, flagrauit enim desiderio sedens & flens, iunctisque pariter sibi filiis Israël dixerunt, quis dabit nobis ad vescendum carnes? Cum enim alacri animo Ægyptum post se reliquissent, inceptumque iter in promissionis terram prosequerentur, quidam animo parum constanti allia, & cœpas, ollasque carnium, quibus olim seruitutis tempore assueuerant repetentes, tam abiecti cibi cupiditate populum vniuersum incendunt, sed magno suæ gentis malo; nam Dominus iratus est, & accensus in ea ignis Domini, deuorauitque extremam castrorum partem. Ac quemadmodum fluij cum aquis intumuerunt superatis aggeribus, aut euersis circumiectos campos obruunt aquarum mole, sata læta, & agricolarum labores populantes, ita vulgus insanum, cum impunitatem sperat, si quis torpentes excitauerit, torrentis instar decurrunt, prædas agentes & ferentes, omnia terroribus, sanguine cædibusque complentes. Abimelech Principis iugum inuiti Sichimitæ tolerabant, nam vt dicitur in scriptura, *Misit Dominus spiritum pessimum inter Abimelech & habitatores Sichem, qui cœperunt eum detestari.* Verum conceptum*

Num. 11.

1.

Ibid. n. 4.

Ibid. n. 1.

Iudic. 9.

23.

ceptum in eum odium effundere potentia
 veriti non audebant. Cum ecce tibi, *Vi-*
lius filius Obed cum fratribus suis, & transiit in S
Ad cuius aduentum erecti habitatores Sichem
 sunt in agros, vastantes vineas, vnaque calce
 factis cantantium choris, ingressi sunt fanum
 & inter epulas & pocula maledicebant Abime
 mante Gaal filio Obed. *Quis est Abimelech,*
Sichem ut seruiamus ei? Est etiam vulgus
 rerum cupidum, quietis & publici otij im
 ideo Absalonem Israëlitæ non tam gub
 nis Davidis Regis optimi pertæsi, quã
 alicuius motus desiderio, ad Regnum ad
 studuerunt. Nec dissimilis in simili cau
 illorum, qui Absalonis fratrem Adoniam
 in Regno sufficere satagebant. Est præte
 gus insanum, turbidum, credulum, co
 nescium, & vt in affectibus vehemens, &
 tens, ita in rebus iudicandis stolidum, &
 Satis hæc omnia patuerunt in ea seditione
 Demetrius Argentarius contra D. Paulum
 commouit. Nam Argentario contra Paul
 bem non tam religionis quàm priuati s
 modi causa concitante, ne scilicet exo
 Dianæ Ephesiæ maiestate, ipse quæstu
 amitteret; populus causa minimè cognit
 non audito maximum tumultum excitat
 auditis, ait D. Lucas, repleti sunt ira, & ex
 runt, dicentes, Magna Diana Ephesiorum, &
 est ciuitas confusione, & impetum fecerunt
 mo in theatrum rapto Caio, & Aristarcho M
 bus, comitibus Pauli. Alexander autem man
 postulato, volebat rationem reddere populo, que
 gnouerunt Iudæum esse, vox facta vna est omni

2. Reg. 15.

3. Reg. 1.
5.

Act. 19. 28.

per duas horas clamantium. Magna Diana Ephesiorum. Quid furor est, si hic non est?

6 Sed & de vicinis, finitimisque populis benenoscendis cura suscipienda est, cognoscendæque illorum vires, animorum studia, propensionesque vestigandæ; nam fieri potest, ut hostilis & infestus animus, in omnem nocendi occasionem imminens amicitiae signis exhibitis altè prematur, tunc demum erupturus, cum difficiliora tempora inciderint, Principemque alinæ iniuriæ, ac violentiæ opportunum reddiderint. Experti sunt Iudæi, cum cuersum Domini templum sub Zorobabel Principe cœpissent instaurare, nam Audierunt hostes Iudæ & Benjamin, quia filij captiuitatis edificarent templum Domino Deo Israël, & accedentes ad Zorobabel, & ad Principes Patrum dixerunt eis. *Edificemus vobiscum, quia ita ut vos, querimus Deum vestrum, ecce nos immolauimus victimas à diebus Asor Haddam Regis Assur, qui adduxit nos huc.* Sed Zorobabelem doli non latuerunt, simulatæque mente locutos sensit. *Et dixit eis Zorobabel, & Iosue, & reliqui Principes Patrum Israël, Non est nobis & vobis ut edificemus domum Deo nostro, sed nos ipsi soli edificabimus Domino Deo nostro, sicut præcepit nobis Cyrus Rex Persarum.* Nec meliore in Israëlitas animo fuerunt Ammonitæ, & Moabitæ æterni populi illius hostes; nam cum Holophernes Bethuliam obsidione cinxisset, & aquas in oppidum derivari canalibus incisis prohibuisset, Filij Ammon, & Moab, accesserunt ad Holophernem dicentes. *Filij Israël non in lancea, nec in sagitta confidunt, sed montes defendunt illos, & muniunt illos colles in præcipitio constituti. Ut ergo sine congressione pugna possis superare eos, pone custodes fontium, ut non hauriant*

Finitimorum populorum ac Principum mores, vires, &c. Principi inuestiganda.

1. Esdr. 4.

1.

Judith. 7.

8.

Vu

aquam

aquam ex eis, & sine gladio interficies eos, v
tigari tradent civitatem suam, quam putan
bus positam superari non posse. Et processu
consilia nisi fortitudinis spiritu divinitus
muliebri pectore, in Holophernis castro
penetrasset, eiusque alto & graui somno
stricto ferro, quod iuxta lectulum pend
put abscidisset. Vicinorum itaque ingere
res, studia, propensionesque Principi
noscentur sunt, ne fortè aut commodum
specie, aut rerum secundarum inuidia
æmula finitimorum pectora plerumque
malum aliquod struant; & verò etiam
tias sincerè coluerint, quid ab illis cu
opus sperare possit, cognitum habeat.

7 Sed vt ab externis ad domesticos &

Curandum
Principi vt
suos bene
noſcit, &
quibus ex
notis possit
eos agno-
ſcere.

Isai. 40.
23.

Abac. 1.
10.
Prou. 8.
15.

res Principis curam reuocemus, cēſeo
ad Rempubl. administrandam habere
tum, si Princeps suorum quibus præſe
ſertim eorum quibus vt consiliariis, &
rendarum ministris vsurus est, naturam
habuerit bene perspectos. Hoc Princ
buit Isaias, cum eleganti quadam perip
ges, ac Principes, *ſecretorum ſcrutatores* a
quo loco esse de Principibus sermon
perſpicuè patet, quod eam vocem *Se*
ἀρχοντας, id est *Principes* verterunt, & a
tæ editionis auctor *Tyrannos*, aut *Legum*
terpretatus est. Hac autem circumlocu
to aptius Principes significantur, quā
phi (quamuis hi curis omnibus negoti
ti in arcanis naturæ contemplandis
quantò difficilius est pectoris huma
quod cordatus Princeps facere debet,

turalium effectorum causas speculari aut inuenire, quod Philosophorum studium esse solet. Nam cum alioqui *prauum sit cor hominis & inscrutabile*, vel vt alij interpretantur, *profundum præ omnibus*, aut *desperabile*, quod scilicet tantæ est altitudinis, vt de illius cognitione desperare possit quiuis, vt D. Hieronymus explicat, cumque multos habeat recessus, quibus sua consilia omnibus tegat, id tamen maiore, & contentione, & studio fit ab iis qui versantur in aulis, qui ita se Principum voluntati attemperare student, vt quantum possunt eos affectus quibus perturbantur premere satagant, quanquam vt multum laborent, consequi tamen non possunt, vt Sapientem diligenter cuncta notantem diutius lateant: eminent enim quædam in oculis, & in vultu affectuum vestigia, quæ qui probè notare didicerit, studia etiam hominum in quibus illa apparent, naturasque cognouerit. *Cor hominis*, inquit Sapientis, *immutat faciem illius siue in bona siue in mala*; ^{Ecclef. 13. 21.} Quamuis enim ad modicum aliquod tempus tristit mehte iocum fingere quis possit, plerumque tamen iracundiæ, clementiæ, hilaritatis, tristitiæ, timoris aut verecundiæ signa, oris contractio, explicatio, color, motus, ostendere consueuerunt; Sicut enim *ex abundantia cordis os loquitur*, & *bonus homo de bono thesauro cordis profert bona*, & malus mala, ita corporis externus habitus, vt variè dispositus animus est, ita & ipse variam faciem solet induere: & quemadmodum diuturna tristitia corpori tabem, & niaciem affert, iuxta illud Salomonis. *Spiritus tristis exsiccat ossa*, ita cum repente aliquis incidit timor, aut lætitia, aliaue huius generis perturbatio, licet ^{Prou. 17. 22.}

diuturna non sit, sui tamen, aliqua in corpore
 stigia imprimere solet, quæ qui solerter inspicit
 & persequi nouerit, ad affectionum, consuetudinis
 desideriorumque cubilia quamuis abstrusum
 trare poterit. Ac quemadmodum ex interio-
 ri peramento, & crasi, cum plus aut minus
 aliarumve huiusmodi qualitatum, in vno
 quam in alio reperitur, varietas existit in
 lium figuris, conformationibus, ac coloribus
 cum ab ipsa natura promanent, nulla possunt
 elui, nam *Nec mutare potest Æthiops pelle
 aut pardus varietates suas*: Ita qui prauæ
 propensione, cui virtutis oblectati exercitii
 non sunt; aut longo contracto habitu vitiorum
 quibus insueuerunt, ea perpetua dissimu-
 celare minimè possunt. In primis autem
 animi certissimus index esse solet, nam qui
 uis mendacibus, & simulandi arte bene
 verba aliqua imprudenter excidere soleat
 quibus animus latens, qualis sit deprehendit
 test. Quare Salomon, *Lingua, inquit, sa-
 ornat scientiam, os fatuorum ebullit stultitiam*.
 admodum enim aquarum scaturigines aqua
 liunt, nec facilè humo ingesta obrui possunt
 tandem aliqua sibi patefaciunt aditum,
 scens in fatui pectore stultitia, per os er-
 solet, & si ad breue aliquod tempus co-
 tandem tamen emergit. Ac quemadmo-
 somniis quæ de se ipso Ioseph narrabat
 futurus esset, bonus coniector diuinare
 set, ut etiam parens ipse, à quo tamen
 guebatur, interpretabatur; ita quæ hominibus
 aut faciunt cum sui potentes non sunt, sed
 quem contraxerunt, aut animi studia ac

Jerem. 13.
 23.

Pro. 15. 2.

Genes. 37.
 7.

siones ostendunt, hominēque, ut Petrum lo- Matth. 28.
 quela, manifestum faciunt: verū ut ex verbis, 73.
 quæ temerè dicuntur, aliqua capi possit coniec-
 ctura, ad hominis ingenium cognoscendum,
 certiolem tamen regulam ex ipsis rebus gestis
 desumi posse crediderim, nam *Nec arbor bona fru-* Luc. 6. 43.
ctus malos, nec mala bonos facere potest: Et Christus
 Dominus ad opera tanquam ad lydium quem-
 dam lapidem eos ablegauit, qui dubitabant esset
 ne Christus tanquam Propheta, aut veritatis do-
 ctor recipiendus, *Ipsa*, inquit, *opera quæ ego facio,* Ioan. 5. 36.
testimonium perhibent de me, & rursus. *Si mihi non* Ioan. 10.
vultis credere, operibus credite. Si quis olim dubi- 38.
 tasset, qualis tandem futurus esset Dauid, si cum
 animo reputaret, *cum leonibus lussisse, quasi cum* Ecclef. 47.
agnis, eosque non venabulo exceptos, non iacu- 3.
 lis, aut alio teli genere confixos, sed lacertorum
 dumtaxat vi, ritu illorum apprehenso, & in di-
 uersa per vim diducto dilacerasse, solum in sal- 4. Reg. 3.
 tibus, an non & robustissimo præditum corpore, 16.
 & animo ad pericula præsentissimo prudenter
 pronuntiasset? Si quis adolescentulum Salomo-
 nem in ipso Regni exordio, litigantium mere-
 tricū causam ita sapienter disceptantem co-
 gnouisset, ut materni amoris quadam quasi quæ-
 stione totam mulierem, veritatis haud dubio ar-
 gumenta in tam obscuro negotio exprimeret,
 an non prudenter de tota gubernandi ratione,
 qua Israëlitarum Rempubl. esset temperaturus,
 faceret coniecturam? Ita sanè arbitror.

8 At fortè quærât aliquis, an etiam ex corporis
 habitu, oris lineamentis, & physiognomiæ præ- An Phy-
 ceptis, quæ circumferuntur de moribus homi- siognomia
 num, de ingenij facultatē, de propensionibus ab signis ali-
quid cre-
dendum &

*an ex cor-
poris pul-
chritudine
de animo
liceat fa-
cere conie-
cturam.*

Ecclef. 19.

26.

Prou. 17.

24.

Prou. 27.

19.

Eccle. 8. 1.

Ecclef. 13.

32.

1. Par. 12.

8.

ipsa natura insitis iudicium absque te-
periculo fieri possit. Respondeo, aliquem
præceptorum vsum tanquam vtilem, Sa-
videri agnoscere, cum ait. *Ex visu cognoscitur
& ab occurso faciei cognoscitur sensatus.* Et
nem in Prouerbiis, cum ait. *In facie prouidet
sapientia.* & alibi. *Quomodo in aquis resplendet
tuus prospicientium, sic corda hominum man-
prudentibus.* Et Ecclesiaster dicere. *Sapie-
nis lucet in vultu eius.* Et auctorem Eccle-
stie *Faciem bonam vestigium cordis boni* appella-
etiam quod legimus primo Paralipomenon
1. *& de Gaddi transfugerunt ad David cum lau-
serto, viri robustissimi & pugnatore optimi, te-
peum & hastam, facies eorum quasi facies leo-
rationem ipsam suadere aliquam artem
siognomix; quemadmodum enim ge-
equum nouerunt Equisones ex confor-
corporis, & Venatores, canes venaticos
fallit opinio, sed plerumque verum ex
iecturis assequuntur: ita de hominibus
naturales animi aut corporis vires ne
propensiones etiam & studia ex physi-
capi potest coniectura, non ita quidem
in brutis, quæ ipsam naturam nunquam
quuntur, probabilis tamen, quæ iis ho-
in quibus ea apparuerint signa, tales inel-
tutem aut vitia, ad fortitudinem vel ine-
citationes, & inclinationes, nisi quod
insitum erat, educatione & disciplina, &
his omnibus præcipuum est, diuinæ gra-
lio emendatum fuerit. Huc pertinet corp-
chritudo & decor, nam omnium ferè
opinionem in corporum maiestate quæda-*

neratio, quosque eximia specie donare natura dignata est, eos maiorum operum capaces iudicamus; quemadmodum enim corporis pulchritudo in apta quadam membrorum conformatione consistit; cum suauitate quadam coloris, ita in animo perturbationum, opinionum, iudiciorumque equalitas, & constantia, pulchritudo quadam mentis est, illamque huius indicem esse non ineptè putamus. Et sanè physica ratio suffragatur, nam cum vehementes animi affectiones, & perturbationes cuiusmodi sunt iræ, timores, odia multum ex corporis temperamento & crasi pendcant, ita ut illis magis sit obnoxius is, in quo aut bilis, aut sanguis, aut alius humor, aut qualitates illæ primariæ caloris aut frigoris, humoris aut siccitatis vitiosè redundarint, necesse est fateri easdem pulchritudinis corporis, & compositæ sedatæque mentis causas esse, humorum scilicet & qualitatum bene temperatam mixtionem. Propter hanc causam Theologi & Patres nonnulli Christi Domini corpus pulcherrimum fuisse asserunt, non quidem ea pulchritudine quæ muliebris est, & venustas dicitur, sed ea quæ virum decet, & formæ dignitas appellari potest. Nam in Canticis in quibus propheticè vaticinando Christi Domini cum Ecclesia canitur epithalamium, dicitur: *Ecce tu pulcher es dilecte mi, & decorus.* & de eodem dicitur in Psalmis. *Speciosus forma præ filiis hominum, diffusa est gratia in labijs tuis.* Quamvis tamen pulcher esset Christus, imò mortalium omnium pulcherrimus, quia tamen, ut ipse de se testatus est, nec tectum habebat quod subiret, nec lectulum in quo fessum diurnis laboribus corpus somno reficeret, diuturnisque ieiuniis corpus at-

- Luc. 6. 12. terebat, & noctes integras pernoctabat in
 Dei: factum est vt amabilis illa pulchri
 floresceret, vt etiam ante passionis temp
 lum quadraret saltem ex parte Isaia quod
- Isa. 53. 3. *Non est species ei, neque decor, & vidimus eu*
erat aspectus, & desiderauimus eum despectu
uissimum virorum, virum dolorum, & scienter
tatem, & quasi absconditus vultus eius, &
 Huc aliqui referunt, quod vulgus Iudæ
 centi Domino se ante ipsum Abrahamu
- Ioan. 8. 57. obiecit. *Quinquaginta annos nondum habes,*
ham vidisti? Nam propter ærumnas, perpe
 corporis labores multò videbatur esse
 quàm esset, ac communi iudicio proxim
 ctutis limpine abesse. Primum etiam p
 Adamum, cuius corpus ex terræ limo
 opifex Deus fingere non est dedignatus,
 præclaram indolem, ita corpus eleganti
 egregieque temperatum diuino beneficio
 esse dubitandum non est; cuius rei Philo
 eam potissimum affert rationem, quod à
 ad imaginem & similitudinem ipsius De
 tus sit. Turpe enim videretur si quasi im
 tificis opificium, rude esset, aut vitiosum
 que primum artis rudimentum Dei, hon
 huc perfectè fingere nescientis. Rursus c
 neum rationi non erat, si eximia ea sapie
 Adami mentem præditam esse conueni
 corpore vitioso aut distorto, malè quoda
 habitaret, sed potius eius nobilitate dig
 micilium excitandum erat, in quo suæ c
 consentaneè animi vires & functiones ex
- Sap. 8. 20. Itaque Salomon qui de se ipso ait; *Puer*
geniosus, & sortitus sum animam bonam, veni

Libr. de
 mudi opi-
 3cio.

firmat ad *corpus incontaminatum*, id est, corpus habuisse nulla labe aut vitio inquinatum, quod scilicet impedimento esse posset, quo minus animus virtutis satus exciperet, sed tale prorsus, quale ab anima regi, & ad rationis præscriptum aptum esset gubernari, cuiusmodi eorum esse solent, quorum membra decorè, & iuxta conuenientem symmetriam posita sunt. Hoc tamen de quo agimus pulchritudinis argumentum, ut afferat nonnullam de morum probitate, animique dotibus coniecturam, non tamen tale est ut illi multum, si cætera desint, inniti debeamus. Nam licet Ioseph, v. g. & Dauid cum pulchritudine corporis animi, etiam excellentes virtutes copulauerint, Absalonis tamen, & Adoniæ illius fratris non minus inelyta est pulchritudo, quàm sceleratorum studiorum infamis memoria; nam igniculi illi quos ad virtutem humanis pectoribus præclara indole præditis natura inleuit, aut prauæ educationis vitio, aut sociorum exemplis, aut aliis corruptelis, quæ passim obuia sunt, ita obruuntur, ut qui virtute, rebûsque gestis clari esse potuissent, aut obscuri iaceant in populi sæce, aut corporis forma ad vitia abutentes, non virtutis laude, sed scelerum immanitate nobilitentur. Itaque monet Sapiens, *Non laudes virum in specie* Eccl. 1. 1.
sua, neque spernas hominem in visu suo: brevis in volatilibus apis, & initium dulcoris habet fructus eius. 2.
Fieri enim potest ut quis statura pusillus, aut aliqui specie despicabilis, apibus tamen sit similis, quæ cum exiguo admodum sint corpusculo, suauissimi tamen liquoris sunt artifices, qui inter omnes obtinet Principatum. Quod enim vulgatus vertit ex Græco *initium*, clariùs verti potest

Principatum, cum vox ἀρχὴ utrumque significet. Sed iam aliquid de delatoribus dicamus. Principes nonnunquam ad suorum morum vitia exploranda uti solent.

An Delatores in Rep. ferendi.

9 Delatorum duplex genus constituo. eorum, qui ferè pretio à Principe colligendos rumores destinati, cætibus huiusmodi sese ingerendo, legum iustitiæque violatorem minimum patratores, alienarum fortunarum raptores, raptorésque ad Principem deferunt. Primum genus hominum quamquam Principibus utilis modat, & bono publico famulatur, abiectionis tamen est, & omnium odiis expositum, quod periculum facessere siue iure siue iniuria, dum ad famam, ac pudendum passim conuertitur. Alterum genus eorum est, qui non publico studio, sed aut malignitate quadam prauæ naturæ ducti, aut etiam suis compendiis principum suspiciones seruientes, delatione contenti, quid quis in foro, in conuiuio, in arce, cætu fidenter, aut per imprudentiam locuti in aures Principum instillando, ut eos ad iram vocent, fortunis euertant, & in vitium discrimen adducant. Vtrorúmque magni periculi Principum prouentus esse solet. Per Ananias, Misach, & Azarias statuam, quæ exierat Nabuchodonosor, non adorauerant. *timj, in ipso tempore, ait scriptura, accedentes Chaldaei accusarunt Iudeos, dixeruntq; Nabuchodonosor Regi. Sunt viri Iudæi quos constituisti super opus Babylonis Sidrach, Misach, & Abdenago contempserunt Rex decretum tuum, Deos tuos non colunt, & statuam auream quam erexisti non adorauerunt. Nec Daniel in eadem aula delatorum per-*

Dan. 3. 8.
12.

euasit. Cum enim Darius Rex cogitaret *constituere* Dan. 6. 4.
eum super omne Regnum, Principes & Satrapa quare-
bant occasionem ut inuenirent Danieli ex latere Regis,
nullamq; causam & suspicionem reperire potuerunt, eo
quod fidelis esset, & omnis culpa, & suspicio non inue-
niretur in eo. Vt ergo Danielelem innocentia muni-
 tum fontem facerent, & sic expugnare possent, &
 euertere, eum ad Regem his verbis deferunt. *Dani-* Ibid. n. 13.
el de filiis captiuitatis Iuda non curauit de lege tua, &
de edicto quod constituisti, sed tribus temporibus per
diem orat obsecratione sua. Ea delatio periculum
 Danieli creauit, quod contra Persarum atque Me-
 dorum decretum, quod immutare nō licebat, ve-
 nire ausus fuisset, ac propterea in caueam leoni-
 bus discerpendus obiectus est, quamquam Do-
 minus, qui est *Liberator atque Saluator, faciens signa,* Ibid. n. 27.
& mirabilia in calo, & in terra, eum inde incolu-
 mem eduxerit, & quas Danieli struxerant insi-
 dias, in insidiantium caput, perniciemque con-
 uerterit. Mirum autem est, quod in hoc genere
 Moyſi accidisse legimus in Exodo, qui licet prius-
 quam manus Ægyptio iniiceret, oculos in omnes
 partes circumtulisset, vt scriptura notauit, nemi- Exo. 2. 12.
 nemque qui factum illud arbitraretur, adesse cre-
 didisset, se tamen deprehensum sensit, ac propter
 ea meritò timuit, & sese fuga Pharaonis violenti-
 tiæ subduxit. Et sanè commodum elapsus est, nam
 fama criminis per delatores ad Principis aures
 confestim accidit: *audiuitq; Pharao sermonem hunc,* Ibid. n. 15.
& quarebat occidere Moysem. Huiusmodi ergo de-
 latoribus si per calumnias grassantur (quod is fa-
 miliarius est, quos in secunda classe constitui) si
 falsa crimina bonis viris impingunt, faciles aures
 accommodare Princeps non debet, sed tanquam
 homines.

homines publico exitio natos, legibus percoercere, ne fortè per impunitatem maleficerent, & cum nocentibus etiam bonos intercorripiat, Princeps ipse dum delatores nungat, quodammodo inuire videatur, & etiam viri officio desciscere, qui ut est in non modo opprobrium non accipit adueximos suos, sed etiam ad nihilum maligducere consuevit.

Psal. 14.4.

*Alia quedam praecepta ad
dentiam pertinentia.*

C A P V T X X X I

*Non facile
aliquid
aggredien-
dū esse, nisi
omnibus
rei circum-
stantijs di-
ligēter ex-
ploratis.*

PRÆTER ea quæ superiore capite tradita paucula quædam praecepta addenda quæ cum latè pateant, multiplicem vsum & cum res tulerit emergentibus nouis modis accommodari poterunt. Et quidem illud perpetuò seruandum est, ut nulli prius manum admoueamus, quàm diligenter excusserimus, circumstantias rei, quæ nitur, ad examen reuocando, ne fortè nos lateat, olim suscepti negotij sera poe subeat. Huius praecepti ratio ea afferret quod omnis præpropere festinatio plena mōnet enim Sapiens, *Qui festinus est pedidet, stultitia hominis supplantat gressus eius.* Ccat, moneo lentè festinandum esse, nam modum qui lapidibus & offendiculis p

Prou. 19.2.

quò figat vestigia non satis aduertens, gressus festinè glomerando, eò quò destinauit animo peruenire contendit, non sine grauioris lapsus periculo pedibus impingit: ita in tractandis negotiis rerum de quibus agitur adiuncta diligenter circumspicere negligentes, offendent, nec in ipsas res culpam conferre iure poterunt, sed quidquid incommodi passi sunt, suæ stultitiæ, quæ illorum gressus supplantauit, acceptum referre debebunt. Ascenderat Moyses montem ad legem Deo dictante accipiendam, dùmque populo illius reditum præstolanti congressus ille videretur diuturnior, tam longæ moræ pertæsi, in idololatriæ crimen lapsi sunt.

Videns autem populus, inquit scriptura, quod moram faceret descendendi de monte Moyses, congregatus aduersus Aaron dixit. Surge, fac nobis Deos qui nos præcedant, Moysi enim huic viro, qui nos eduxit de terra Egypti, ignoramus quid acciderit. Eam verò quam vitulum conflatilem adorando susceperunt iniquitatem, suo postea sanguine luerunt, vt indicato loco scriptura prosequitur. Samuelem expectauerat Saul hebdomadâ vnam, vt holocausta offerret & pacifica, cum autem non appareret, populusque dilaberetur, iam factus moræ impatiens holocaustum offerre, quod sui muneris non erat occupauit, quæ plurimorum illi malorum seges fuit. Nam cum compleisset offerens holocaustum, ecce Samuel veniebat, & egressus est Saul obuiam ei vt saluaret eum, locutusque est ad eum Samuel: Quid fecisti? Respondit Saul: Quia vidi quod populus dilaberetur à me, & tu non veneras, iuxta placitos dies, porrò Philistim congregati fuerant in Machmas: dixi, Nunc descendent Philistim ad me in Galgala, & faciem Domini non placui. Necessitate compulsus,

Exo. 32.1.

I. Reg. 13.
10.

obtuli

obvuli holocaustum. Dixitq; Samuel ad Saul; scilicet, nec custodisti mandata Domini Dei tui, quod praecepit tibi: quod si non fecisses, iam nunc preparasset regnum tuum super Israel in sempiternum, quaquam regnum tuum ultra consurget. Quas minus sibi virum iuxta cor suum, & praeceptum eius ut esset Dux super populum suum, eo quod naveris quae praecepit Dominus. Hæc autem minia, ut à Samuele spiritu prophetico praedicta sunt, ita suo tempore exactè evenerunt. Origo autem horum malorum fuisse videtur spectandi Samuelem impatientia, qui ut die se ad sacrificandum affuturum promissum antequam eo die septimo sacrificij opportunitas elapsa esset advenit, sed Saul ausus fuerat sacrificium, itaque Propheta nulli se ge prætextibus excusationibus acquiescens, tunc eum egisse, & facti sui poenas laturum certavit, ut vidimus. Quare Saul comminationem illam incurrit quæ est apud Ecclesiasticos *his qui perdiderunt sustentiam* (Græcè *πατήριαν*) ex quo factum est ut in errores cata laberentur ut statim sequitur; & *querunt vias rectas, & diverterunt in vias perveras*. Verò rursus quærat aliquis quam ob causa culosa sit festinatio, in suscipiendis tractandis negotiis, ratio est in promptu: nam accipientes, ut quæ prima specie honesta videntur aut utilia, si diligentius consideremus, tunc inveniunt aut noxia: hoc autem sapienter constant ab imprudentibus, quod hi quæ consideranda erant facile transmittant, quid in teat, quid consequi possit, non advertere, verò omnia bene discutiant, & quid ex

Ecclesi. 2.
17.

re nasci possit, solerter explorent. Itaque Salomon. *Sapiens, inquit, timet & declinat à malo, stultus transiit & confidit. Innocens credit omni verbo, astutus considerat gressus suos.* Non est autem laudabilis ista innocentia, sicut nec laude caret astutia illius qui gressus suos considerat, astutus enim ponitur pro prudenti & circumspecto, ut innocens pro vitiosè simplici & imperito. Hoc enim vox Hebraica significat פתח, cū scilicet, qui facillè suaderetur credens omnibus, qui declinat & flectitur ad omne verbum, radix enim huius vocis est פנה quæ significat inclinare, declinare cor ad ea quæ sunt præter rationem & veritatem, ut cum dicitur apud Iob; *Stultum interficit iracundia, & paruulum occidit inuidia.* פ Paruulum, est in Hebræo פתח declinantem, & sensus est, & eum qui declinauerit ad omnia quæ viderit, & concupiuerit sibi, interficiet eum inuidia, quia inuidebit omnibus quæ videbit. Vocem autem פתח D. Hieronymus, insipientem, stultum, paruulum, ut loco Iobi explicato, vertere solet. Rursus in eandem sententiam Sapiens. *Callidus, inquit, vidit malum & abscondit, innocens pertransiit, & afflictus est damno.* Quasi dicat: Qui sapiens est, vidit sibi ab inimicis insidias positas esse, itaque prudenter ab itinere abstinuit, ne se, videns, & volens in eas indueret: at simplex & imprudens, qui omnes circumstantias præuidere non potuit, interceptus est, & ab iis quos minimè sibi putabat aduersarios fore, circumuentus & malè habitus. Sed quod deterius est, ea est insipientis vecordia, ut ne malis quidem castigatus erudiatur; quare Salomon huiusmodi homines canibus similes facit, qui ad vomitum suum reuertuntur, *Sicut canis, inquit,* Pro. 26. 11. qui

Prou. 14. 16.

Iob 5. 2.

Pro. 12. 3.

Pro. 26. 11.

qui reuertitur ad vomitum suum, sic imprudens
 rat stultitiam suam. Quemadmodum enim ca-
 quod nauseante stomacho eiecerunt, iterum
 bum assumentes ferre non possumus, se-
 menter auersamur, ita stultitiæ eorum igno-
 dum minimè putamus, qui cum suo male-
 facto opus esset discere potuissent, adhuc
 in sua illa parum probabili, imò multum
 hærent simplicitate, ex qua, magistra exper-
 cum læsi sunt, emergere debuissent. Sed
 etiam, *Si contuderis stultum in pila quasi prisa-*
riente desuper pilo, non auferetur ab eo stultitia.
 Longè autem dispar est prudentium con-
 Sap. 8. 8. qui ut de sapientia dicitur, *Sciunt præterita*
futuris æstimant, ex iis scilicet quæ fuerunt
 turis coniecturam capientes, suasque inde
 nes prudenter moderantes.

*Prudenti
 mutatum
 esse ali-
 quādo con-
 silium,*

2 Alterum præceptum est, primis nostris
 liis quæ capimus, quæque animo nostro in-
 runt, non esse adeo pertinaciter insistendu-
 nulla ratione ab illis abstrahi velimus. Ac-
 enim potest, ut quæ prius visa fuerant sal-
 postmodum noxia fuisse appareant, & rursus
 dam, quæ tanquam minus vtilia repudiari
 rant, ad finem quem consequi volumus, a-
 modatissima esse reperiantur, nam ut ait Sa-
 Prou. 16. *Est via quæ videtur homini recta, & nouissima e-*
 26. & Pro- *cunt ad mortem*; & rursus, viæ aliquæ mul-
 uer. 14. 12. *tentibus, quas tamen cum fuerimus eme-*
 honestatem afferunt, & delectationem. E-
 prudentis, consilium aliquando mutare, cu-
 uæ ita faciendi rationes, quæ prius nos late-
 apparuerint. Nec Principem pudere debet

in huiusmodi constantiam non seruet, cuius sapientia maior esse non potest quàm Dei, de quo Ecclesiasticus. *Cognovit enim Dominus omnem scientiam, & inspexit in signum anni, annuntians quæ præterierunt, & quæ superuentura sunt, reuelans vestigia occultorum.* Non præterit illum omnis cogitatus, & non abscondit se ab eo ullus sermo. Magnalia sapientia sue decorauit, qui est ante sæculum & usque in sæculum, neque adiectum est, neque minuitur, & non eget alicuius consilio. Et tamen eadem sacræ litteræ, quæ tam magnifica de illius sapientia prædicant, de eodem dicere non dubitarunt, consilia ipsum mutaturum, si nos mores nostros in melius mutare condiscamus; ita enim loquitur Ieremias. *Nunc ergo bonas facite vias vestras, & studia vestra, & audite vocem Domini Dei vestri, & pœnitebit Dominum mali, quod locutus est aduersum vos.* Et alibi. *Si pœnitentiam egerit gens illa à malo suo, quod locutus sum aduersus eam, agam & ego pœnitentiam super malo, quod cogitavi ut facerem ei.* Et in Genesi legimus. *Pœnituit eum quod hominem fecisset in terra, & tactus dolore cordis intrinsecus, delebo inquit hominem quem creavi à facie terra.* Et in libris Regum. *Pœniet me quod constituerim Saul Regem.* Alibi etiam quædam euentura prædixit Deus, quæ postea non euenerunt, ut quòd Ezéchias statim esset moriturus: quòd Ninive post quadraginta dies subuertenda, quod tamen postea factum non est. Quod si Dominus ista de se in scripturis prædicati voluit, non video cur tantopere hominem infirmum, cuius *Cogitationes timide sunt, & providentia incerta*, pudere debeat, si cum res tulerit consilium aliquod mutet in melius. Illud tamen aduertendum est, cum dicitur Deum pœnituisse, non ita in Deo accipiendum

Eccles. 42.

19.

Ier. 26. 13.

Iere. 18. 8.

Genes. 6. 6.

1. Reg. 15.

11.

4. Reg. 20.

1.

Ionæ 3. 4.

Sap. 9. 14.

dum esse, sicut cum de hominibus dicitur. Nam in hominibus, cum illos pœnitet, & internus est voluntatis dolor, quo factum detestantur, & infectum vellent, ex quo sequitur, ut quod fecerant quantum possunt retractare, & destruere conentur. In Deo autem hoc posterius esse potest, nam cataclysmo genus humanum, cuius auctor fuerat, absumpsit, & Saulem regno spoliauit, prius autem non potest, itaque non propriè sed métaphoricè tantum de Deo dicitur illum pœnituisse, quod scilicet quemadmodum homines cum voluntatem mutant, id etiam quod prius fecerant mutare aut destruere conentur, ita Deus qui id mutauit, cuius prius auctor fuerat, sententiam, consiliùmque mutasse dicatur. Quod autem ad prædictiones futurorum attinet, si aliquid quod à Domino prædictum sit postea non euenit, ideo accidit, quod non absolute sed sub conditione enuntiata sunt. Nam Niniuem prædixit euertendam, si pœnitentiam non egissent, & Ezechiam moriturum, nisi naturalium causarum cursus impediretur, quod sanè factum esset, nisi lacrymis propitiato numine singulari eius beneficio seruatus fuisset. Itaque præclarè Assuerus fraudibus & mendaciis Amani circumuentus eoque deductus, ut Hebræorum gentem quæ in suo regno diuersabatur iuberet interfici, reiectis dolis consilium mutauit in melius, & ad populos sibi subiectos epistolam super hoc negotio scripsit, in qua hæc habentur inter cætera. *Nec putare debetis, si diuersa inbeamus, ex animi nostri lenitate, sed pro qualitate & necessitate temporum, ut Reipub. possit utilitas ferre sententiam.* Tum Iudæorum explicata innocentia prius edictum abrogat. *Vnde, inquit, eas litteras quas*

Esther 16.

9.

quas sub nomine nostro ille direxerat sciat is esse irritas: putauitque sibi honestissimum esse, si quæ Aman potestate abutens, Regisque auctoritate in populum Iudaicum peccauerat, ipse in irritum reuocando corrigeret, oppressamque impotentis Amani violentia Iudæorum innocentiam tueretur.

3 Tertium præceptum est superiori non absimile, ut scilicet necessitati seruire discat, & in consiliis capiendis ita se accommodet, ut quam illi legem necessitudo imposuerit, æquo animo ferat, cumque illum difficilia viderint tempora, consilium in arena capere sciat. *Homo sapiens*, inquit Ecclesiasticus, *tacebit usque ad tempus*. Nam si ab aduersario suo v.g. iniuriam sibi viderit inferri, nec illi propulsandæ par esse possit, rem sapiens silentio transmittet tantisper dum maioribus viribus contractis ius suum tueri possit. Nihil verò magis hominis prudentiam ostendit, quàm cum omni ex parte rebus implicatis, ita tamen ab iis negotia sua expedit, ut explicatis aut perruptis omnibus difficultatibus se ab illis eripiat. Ita David cum à facie Saulis fugeret, & ad Abimelech sacerdotem venisset in Nobæ, & panibus propositionis vesci sibi non iudicauit interdictum, & Golie gladium quo armaretur impetrauit, indeque cum suis curatis corporibus, euasit incolumis, ut aliàs frequenter, cum à Saule quæreretur ad necem.

Prudentia esse ingruenti necessitati se accommodare, illique seruire.

Eccles. 20. 6.

1. Reg. 21. 1.

4 Sed quia magnum est prudentiæ telum non facile credere, licet huius capituli initio quædam attigerimus, quæ hoc suadeant, plenius tamen hic locus tractandus est, ut paruulis detur salutaris astutia. Huic rei probandæ luculenta suppetunt exempla in scripturis. Notum est Iosue solertem alioqui prudentemque populi Ducem à Ga-

Prudentis esse non facile credere, quod præceptum latè explicatur.

Iosue 9.

baonitis ita fuisse deceptum, ut eos crederet longè distitas regiones incolere, qui in finitimis iis, quas occupabat, regionibus habitabant; est enim ad decipiendum ingeniosa hominum calliditas, præsertim cum aliqua detrimenti alicuius declinandi, aut commodi consequendi spes affulserit.

Prouer. 4. 25. Itaque faciendum quod monet Sapiens, ut *palpebra nostra præcedant gressus nostros*, nec facile credamus iis præsertim, quos alioqui nobis infestos aut infensos esse, aut nostris incrementis inuidere de-

Ecclef. 12. 10. prehenderimus. *Non credas*, ait Ecclesiasticus, *inimico tuo in aeternum*, sicut enim aramentum æruginat nequitia illius, & si humiliatus vadat curuus; adiuco animum tuum, & custodi te ab illo. *Non statuas illum penes te*, nec sedeat ad dexteram tuam, ne fortè conuersus in locum tuum inquirat cathedram tuam, & in nobilissimo agnoscas verba mea, & in sermonibus meis stimuleris, quis miserebitur incantatori à serpente percusso, & omnibus qui appropiant bestiis. Quibus verbis eleganter docet non facile credendum iis præsertim quos semel habuerimus inimicos, appositissimæque similitudine rem illustrat: nam quemadmodum vas ex ære factum, etiam si politum sit studio artificis, omnisque videatur ærugo deterfa, tamen rursus æruginat, quia materia ex qua conflatum est, eius est naturæ: ita facile accidit ut is qui semel inimicus fuit, qualibet leui offensione irritatus veteris odij memoria recrudescente, nobis malum aliquod struat. In Græco autem contextu ante illa verba, *Ne statuas illum penes te*, alia additur similitudo his verbis: *ὅτι ὡς ὁ ἀντὶς τοῦ ἐκμαχαῖος ἰσχυρῶς, καὶ γινώσκει ὅτι ἐκ τοῦ ἐκ τῆς τῆς κατὰ ὅσον*. Et eris, inquit, ei tanquam is qui absterferit speculum, & cognosces quod non in finem deposuit æruginem. Et sensus

sensus videtur esse, quantumvis bona fide in gratiam cum inimico tuo rediisse videaris, itaque absterfa sit inimicitiae rubigo, quemadmodum ab speculis ex metallo confectis deterfam esse oportet; tamen non ita multo post intelliges quod non in finem deposuit aruginem, ea rursus speculum inficiente. Ab eo itaque cauendum monet, ne forte deceptum serò nimiae credulitatis pœniteat, nullusque sit, qui decepti vicem doleat, quippe qui toties & tam disertè monitus, sibi tamen malum ultro accersierit, quemadmodum nullus incantatoris serpentes tractatis vicem dolet, si ab illis mordeatur, cum potuerit ipse periculum si voluisset animaduerrere. Huius prudentiae insigne documentum habemus in Dauid, qui cum latens in spelunca Saulis periculum suum non intelligentis, atque ideo eandem speluncam ingressi, oram clamydis latenter abscidisset, post nonnullos sermones reconciliatae amicitiae indices ultro citroque habitos, sibi tamen adhuc à Saule cauendum existimauit: sic autem eum loquentem narrat Regum historia. *Domine mi Rex, quare audis verba lo-* 1. Reg. 24.
quentium, Dauid querit malum aduersum te? ecce ho- 9.
die viderunt oculi tui quod tradiderit te Dominus in
manu mea in spelunca, & cogitavi ut occiderem te, sed
pepercit tibi oculus meus. Dixi enim non extendam ma-
num meam in Dominum meum, quia Christus Domini
est. Quin potius, pater mi, vide, & cognosce oram cla-
mydis tuae in manu mea, quoniam cum prae-scinderem
summitatem chlamydis tuae, nolui extendere manum
meam in te, animaduerte & vide quoniam non est in
manu mea malum, neque iniquitas, neque peccaui in te,
tu autem insidiaris anima mea, ut auferas eam. Iudicet
Dominus inter me & te, & vleiscatur me Dominus ex

te, manus autem mea non sit in te, sicut & in Prouerbio antiquo dicitur. Ab impijs egredietur impietas, manus ergo mea non sit in te. Quem persequeris Rex Israel? quem persequeris? canem mortuum persequeris, & pulicem unum. Sit Dominus iudex, & iudicet inter me, & te, & videat, & iudicet causam meam, & eruat me de manu tua. Cum autem compleisset David loquens sermones huiusmodi ad Saul, dixit Saul. Nunquid vox hac tua est fili mi David? & eleuauit vocem suam & fletit. Dixitq; ad David. Iustior tu es quam ego, tu enim tribuisti mihi bona, ego autem reddidi tibi mala. Et tu indicaisti hodie, qua feceris mihi bona, quomodo tradiderit me Dominus in manum tuam, & non occideris me. Quis enim cum inuenerit inimicum suum, dimittet eum in via bona? sed Dominus reddat tibi vicissitudinem hanc, pro eo quod hodie operatus es in me. Et nunc quia scio, quod certissime regnaturus sis, & habiturus in manu tua regnum Israel, iura mihi in Domino ne deleas semen meum post me, neque auferas nomen meum de domo Patris mei, & iurauit David Sauli. Quis non credat post tot reconciliati animi signa, quae Saul edidit, post lacrymas poenitentiae, & amoris indices, post violatae amicitiae confessionem Davidem cum socero simul in aulam rediisse, cum praesertim apud Saulem omnis absterfa esset suspicio iurisiurandi Religione interposita, ut etiam si ad regnum aliquando veniret, Saulis tamen domui parceret, nec contra eam exerceret inimicitias? & tamen subdit scriptura. *Abijt ergo Saul in domum suam, & David, & viri eius ascenderunt ad tutiora loca, Saulis nimirum perfidiam metuens.* Nec eum fefellit opinio, nam non ita multo post Venerunt Ziphai ad Saul in Gabaa dicentes. *Ecce David absconditus est in colle Hachila, quae est ex aduerso*

Ibid. n. 13.

1. Reg. 16.

1.

aduerso solitudinis, & surrexit Saul, & descendit in desertum Ziph, & cum eotria millia virorum de electis Israel, ut quæreretur David in deserto Ziph. Quod cum cognouisset David audaci sane consilio, vno duntaxat Abisai comite descendit ad Saulem in castra, illiusque dormientis tentorium ingressus, hastam quæ ad caput Regis erat, & scyphum aquæ abstulit, nulloque prorsus ex corporis custodibus aut militibus aduertente è castris elapsus, cum in tuto constitisset Abner repetitis clamoribus suscitauit à somno, indicans quid gestum esset. Ibid. n. 17.

Cognouit autem Saul vocem David, & dixit. Nunquid vox hactua fili mi David? & ait David, vox mea Domine mi Rex. Et ait, Quam ob causam Dominus meus persequitur seruum suum? quid feci? aut quod est malum in manu mea? Nunc ergo audi, oro, Domine mi Rex, verba serui tui. Si Dominus incitat te aduersum me; odoretur sacrificium: si autem filij hominum, maledicti sunt in conspectu Domini, quia eiecerunt me hodie ut non habitem in hereditate Domini dicentes. Vade, serui dys alienis, & nunc non effundatur sanguis meus in terram coram Domino, quia egressus est Rex Israel, ut quærat pulicem vnum, sicut persequitur perdix in montibus. Davidis verborum sensus est. Si aliquo meo maleficio in me commotus Dominus ut sceleris pœnas reposcat, te in me incitat, illius acquiesco voluntati, oroque ut quod ego illius voluntate patior, sit quasi sacrificium quoddam per te Domino oblatum, cuius ipse odore suauitatis ut accidit in sacrificiis delectetur (hunc sensum exhibent etiam Septuaginta, qui verterunt ὁσφραδὴν σου, odor sacrificij tui ad eum perueniat:.) si autem maledicorum hominum, mihi que infestorum calumniis, quibus tu aures faciles accommodas, ista

696 *Institutio politica ex sacris Scripturis.*

pator , execrabile ipsi munus exercent , nam eo me quod in ipsis est adigunt , vt cum in hæreditate Israël , & intra populi mei fines consistere non possim , ad finitimos alienigenas transeam , abiurataque vera Domini religione , illorum superstitiones suscipiam , quo carior illis sim , & inter eos magis tutus. Absit autem , vt mea aliqua culpa reus ego sim mortis ad quam tamen expetor à te tanto Rege , tantulus ego , vt perinde sit ac si quis pulicem vnum , aut auceps perdicem in montibus persequatur. *Et ait Saul , peccasti , reuerte- re fili mi Dauid , nequaquam enim ultra tibi malefaciam , eo quod pretiosior fuerit anima mea in oculis tuis hodie , apparet enim quod stultè egerim , & ignorauerim multa nimis. Adeo verò Dauid Saulis verbis metu solutus non est , vt curas etiam magis intenderit , vt aduersarij sui insidias euaderet. Et ait , inquit*

2. Reg. 27. *scriptura , Dauid in corde suo : Aliquando incidam*
 1. *vna die in manus Saul : nonne melius est vt fugiam , & saluer in terra Philistinorum vt desperet Saul , cesset- que me querere in cunctis finibus Israël ? fugiam ergo manus eius : & surrexit Dauid , & abiit ipse & sex- centi viri cum eo , ad Achis , filium Maach Regem Geth. Apud quem cum aliquo tempore commoratus fuisset , bellumque inter Israëlitas & Philistæos exarsisset , cumque Philistæi castra locauissent in Aphec , eiusque expeditionis Dauid Achis Regem Geth secutus particeps esset , prudenter Philistæorum Satrapæ Dauid è suis castris remoue- runt , nam cum natione Hebræus esset , non facile credebant adeo suæ genti infestum esse , vt mal- let à Philistæis quàm à populo Israëlitarum vi- ctoriam stare. Quod Satraparum consilium id confirmat de quo agimus , scilicet non facile ini- micis*

micis præsertim fidendum esse. Dixeruntque Principes Philistiim ad Achis; Quid sibi volunt Hebraei isti? & ait Achis ad Principes Philistiim. Num ignoratis David, qui fuit seruus Saul Regis Israël, & est apud me multis diebus, vel annis, & non inueni in eo quidquam ex die, qua transfugit ad me, usque ad diem hanc? Irati sunt autem aduersus eum Principes Philistiim, & dixerunt ei. Reuertatur vir iste & sedeat in loco suo in quo constituisti eum, & non descendat nobiscum in prælium ut fiat nobis aduersarius, cum praliari cœperimus: quomodo enim aliter poterit placare Dominum suum, nisi in capitibus nostris? Nonne iste est David cui cantabant in choris dicentes: Percussit Saul in millibus suis, & David in decem millibus suis? Nec Satrapas coniectura fallebat. Nam si David cum apud Achis moraretur, gentium quæ cum populo Dei gerebant inimicitias, fines perpetuis incursionibus vastabat prædas agens, habitatoresque interficiens; atque ita simulatione rem tegebat, ac si Iudæorum fines irrupisset, idque tunc agebat cum nullum populo suo ab allophyliis illis periculum imminebat, quid obsecro fecisset, cum explicatis Phalangibus inter Israëlitas & Philistæos confligendum esset? credimus ne temperaturum à Philistæorum cæde, & sanguine in tanto suorum discrimine, qui hostibus gentis suæ pacatis tam multa inferebat damna? Tertium ad rem de qua agimus confirmandam exemplum sanè illustre peti potest ex historia Iacob & Esau fratrum, inter quos cum similitates occasione primogeniorum venditorum, benedictionisque fraude interceptæ olim extirissent, essetque Esau feroci ingenio, & armis tractandis assuetus ab illo sibi Iacob non mediocriter metuebat. Eleuans autem Iacob

1. Reg. 29.
3.1. Reg. 27.
8.Genes. 33.
1.

698 *Institutio politica ex sacris Scripturis.*

oculos suos, inquit Scriptura, vidit venientem Esau, & cum eo quadringentos viros, diuisitque filios Lia & Rachel, ambarumque famularum, & posuit utramque ancillam & filios earum in principio, Liam verò & filios eius in secundo loco, Rachel verò & Ioseph nouissimos: & ipse progrediens adorauit pronus in terram septies, donec appropinquaret frater eius. Currens itaque Esau obuiam fratri suo, amplexatus est eum, stringensque collum eius, & osculans flevit. Leuatisque oculis vidit mulieres & paruulos earum, & ait. Quid sibi volunt isti? & si ad te pertinent? Respondit: Paruuli sunt, quos donauit mihi Deus seruo tuo, & appropinquantes ancilla, & filij earum incuruati sunt. Accessit quoque Lia cum pueris suis, & cum similiter adorassent, extremi Ioseph & Rachel adorauerunt. Et dixit Esau, quam sunt ista turma quas obuiam habui? Respondit, ut inuenirem gratiam coram Domino meo. Et ille ait. Habeo plurima frater mi, sint tua tibi. Dixitque Iacob. Noli ita obsecro, sed si inueni gratiam in oculis tuis, accipe munusculum de manibus meis, sic enim vidi faciem tuam quasi viderim vultum Dei, esto mihi propitius, & suscipe benedictionem quam attuli tibi, & quam donauit mihi Deus tribuens omnia. Vix fratre compellente suscipiens ait. Gradiamur simul eroque socius itineris tui. Dixitque Iacob. Nosti Domine mi, quod paruulos habeam teneros, & oves & boues factas mecum, quas si plus in ambulando fecero laborare, morientur una die cuncti greges. Præcedat Dominus meus ante seruum suum, & ego sequar paulatim vestigia eius, sicut videro paruulos meos posse, donec veniam ad Dominum meum in Seir. Respondit Esau. Oro te ut de populo qui mecum est saltem socij remaneant via tua. Non est inquit necesse, hoc vno tantum indigeo ut inueniam gratiam in conspectu tuo Domine mi. Reuersus est itaque illo die Esau itinere, quo venerat in

in Seir, & Iacob venit in Sochoth, transiitque in Salem urbem Sichimorum, quæ est in terra Chanaam. Admirabili dexteritate & artificio usus est Iacob, ut se ab Esau expediret, incolumisque euaderet. Nam primò demissione animi, verborum modestia, externis reuerentiæ signis, adorans septies, obuiam procedens, munera offerens, Dominum suum appellans Esau sibi beneuolentiam conciliare studuit. Deinde ab Esau comitatu, se variis allatis excusationibus subducere quantum potuit, sategit. Videbat enim parum fidendum esse fratri voluntati, qui diu antea multumque ei fuerat infensus, & quamuis multa reconciliati animi edidisset signa, lacrymis etiam in eius amplexu profusus, cogitabat tamen fieri posse, ut si noua aliqua extitisset offensio, præteritarum etiam meminisset, itaque licet promiserit se post illum venturum in Seir, declinauit tamen in Sochoth, & inde transiit in Salem urbem Sichimorum, quæ est in terra Chanaam, ut quàm posset lógius abiret à fratre, præclarè secum actum putás, quod innoxius manus eius euadere potuisset. Illud tamen notandum est, cum dicimus ab iis cauendum nobis esse, qui nobiscum aliquando similitates gesserint, nolle nos cuiquam fieri auctores ut minus bona fide cum iis à quibus violatus fuerit redeat in gratiam; cum sciamus boni viri officium esse iuxta Christi præceptum illatas iniurias ex animo condonare: sed tantùm hoc agere, ut quando nonnulli malignitate naturæ Saullem, aut Esau nonnunquam referunt, cordato homini Davidis aut Iacobi cautionem imitandam videri, Salomonisque monitum, de quo supra dictum est, minimè negligendum esse.

¶ Quem

700 *Institutio politica ex sacris Scripturis.*

*Odia inter
coniunctos
facile re-
conciliari.*

5 Quemadmodum autem non facile fidendum est iis, quorum animum nobis infensum esse cognouerimus, ita eorum qui inter se maximè coniuncti sunt, odia fore diuturna, non statim nobis persuadere debemus. Est enim arcana quædam vis longa usu confirmata beneuolentiæ, aut propinquitatis eius, quæ inter parentes ac filios, aut fratres intercedit, ut etiam si iurgia existant, aut rixæ, reconcilientur tamen inter se, imò offensiones illæ, & iræ redintegratio quædam sint, & renouatio amoris. Itaque Achitophel, cuius prudentia vel potius asturia, ut scriptura testatur, 2. Reg. 16. maximo erat in pretio: nam *consilium Achitophel quod dabat in diebus illis, quasi si quis cõsuleret Deum,* quamuis turpe consilium Absaloni dederit, cui suavit, ut publicè ad Patris concubinas ingrederetur: nam auctor illi erat ut Patris thorum, quod apud omnes gentes sanctum est, violaret, parentique maximam afferret iniuriam; vtile tamen erat ad abstergendum Israëlitarum metum, qui cum bellum, quod gerendum erat inter coniunctissimas personas esse animaduernerent, intelligerentque facile fieri posse, ut depositis odiis reconciliarentur totaque commotæ seditionis noxâ iis qui Absalomi parres fuissent sectati, luenda esset, non audebant Absalonem sequi; & contra David arma capere, nisi certo aliquo signo illis constitisset tantis interuenientibus offensionibus, nullam reconciliandæ pacis spem superesse. In hoc autem Achitophelis consilii asturia posita 2. Reg. 16. est, quod his verbis expressit scriptura. *Dixit autem Absalom ad Achitophel. Inite consilium quid agere debeamus, & ait Achitophel ad Absalom. Ingredere ad concubinas Patris tui, quas dimisit ad custodiendam domum,*

20.

domum, ut cum audierit omnis Israël quod fœdaueris patrem tuum, roborentur tecum manus eorum. Teterunt ergo Absalom tabernaculum in solario, ingressusque est ad concubinas Patris sui coram universo Israël.

6 Tandem quæri potest, quid faciendum sit Principi qui hebetiore sit ingenio, & obtusiore & à prudentia, de qua agimus, minus instructo, quàm ut negotiis gerendis facile par esse possit. Respondendum censeo, eum, qui planè stolidus sit, & rudis ab Imperij administratione abstinere debere: eum verò, qui tardius quidem percipiat quæ tractantur, nec facilè videat quomodo prospici, & occurri debeat ingruentibus Reipubl. necessitatibus, parare sibi ministros, & consiliarios debere, ut quod ipse consilij sui imbecillitate minus assequitur, aliorum solertia percipiat & peragatur. Huiusmodi fortè tarditatem ingenij in Roboamo tanti parentis filio, notauit scriptura cum ait, *Porrò Roboam erat rudis, & corde pauido.* Septuaginta legunt, νεώτερος, & δειλός καὶ δίσ, *iunioris, & animo vili & deiecto.* Sed vox Hebraica רַעַל non solum significat puerum ætate, sed eum etiam qui puer est sensu, ut loquitur D. Paulus cum ad Corinthios, scribens ait, *Nolite pueri effici sensibus,* quales à Græcis νήπιοι dicuntur. Et hoc fortè sensu intelligendum est, quod dicitur in Ecclesiaste, *Va tibi terra, cuius Rex puer est.* Cum ergo vulgatæ nostræ editionis auctor de Roboam dixit, *erat rudis,* vocem רַעַל potius ad mētis, ac sensuum habitudinem retulit, quàm ad ætatem: quod fecerunt Septuaginta, qui νεώτερος, *iunioris* vel *iunior* interpretati sunt. Præclare ergo agitur cum huiusmodi Principibus, si tantum

An Principi hebeti, & tardo gerenda Respublica.

1. Paral. 13.7.

1. Cor. 14. 20.

Ecclef. 10. 16.

702 *Institutio politica ex sacris Scripturis.*

acuminis nacti sint vt bonos consiliarios à malis, administros fidos ab infidis possint agnoscere, quod quia Roboamo non contigit, propterea se & Rempubl. perdidit.

*Cauendum Principi à Diuinorum,
Magorum, Necromanticorum,
aliorumq; huiusmodi dam-
natis artibus.*

C A P V T X X X I I .

*Huiusmodi
artibus ad
Regū au-
las aditum
nomnunquā
patere.*

ANtequam huic de Principis prudentia dissertationi finem imponam, opportu-
num sanè fuerit de Magica vanitate paucula quæ-
dam adiungere, vt monitus Princeps diligenter
caueat, ne ad illius scopulos adhærescat, ad quos
læuia quædam & inepta ambitiosorum homi-
num ingenia bñdissimis & desideratissimis dam-
natæ huius artis promissis abrepta, naufragium
passa sunt. Nec verò inter vulgares tantum frau-
dibus opportuniore malum serpit, sed ipsas
etiam summorum Regum aulas corripuit, in qui-
bus reperio pestes istas locum & cum quidem ho-
nestissimum tenuisse. Itaque cum apud Phara-
onem Moses prodigiis fidem quæreret admirabili
illo facto administrato, quo virgam suam con-
uertit in colubrum. *Vocauit, inquit Scriptura, Pha-
rao sapientes & maleficos, & fecerunt etiam ipsi per in-
cantationes Egyptiacas, & arcana quadam similiter.*
Quos

Exod. 7. 11.

Quos vulgatus noster vertit maleficos, Aquila *κρυφιας* appellavit, occultorum scilicet patratores, aut cognitores, iis enim potissimum aditus patet ad Principum gratiam, qui ut aliis incognita se cognituros recipiunt, aut rerum arduarum, & naturam superantium scientia effecturos pollicentur, ut ad ea quæ maximè habet in votis aspirare Princeps possit. Nec Balthassar Rex Scripturæ illius characteribus, quos parieti arcani scriptoris digitus impresserat, mirum in modum conturbatus, coniectores & divinos, & harum artium de quibus agimus professores necesse habuit à longinquo petere aut magno labore conquirere, nam cum timore perculsus eos iussisset introduci, statim adfuerunt Magi, Chaldæi, & Aruspices, qui tamen quid monstri illius novitate, aut characterum figuris significaretur expedire non potuerunt. Ne igitur hac se peste afflari Princeps patiatur, sibi penitus persuadeat, quidquid hoc est artis non irritum tantum, & inane esse, sed sacrilegum & nefarium, omnique nisu tanquam præsentissimum venenum à Reip. visceribus amoliendum.

2 Id verò ita se habere inducet in animum, qui animaduerterit magicarum artium primum auctorem, & doctorem dæmonem fuisse, qui cum sit mendacij pater fraudulentissimam artium exco-gitavit; ut commentis fraudibus, imposturisque muniret viam & homines à veri numinis cultu, ad omne superstitionum genus, impietatemque traduceret. Nam spiritus nequissimi sub statu is atque imaginibus consecratis delitescere cœperunt, afflatu suo vatum pectora inspirare, extorum animare fibras, avium volatus gubernare, oracula

Has artes, detestandas, quod illarum auctores Dæmones fuerint.

704 *Institutio politica ex sacris Scripturis.*

la edere, vera falsis, & falsa veris inuoluere, mendacii suis veritati caliginem iniicere, iuxta illud quod apud S. Ioannem legimus. *Homicida est ab initio, & in veritate non stetit, quia non est veritas in eo. Cum loquitur mendacium ex propriis loquitur, quia mendax est, pater mendacij.* Huius verò profani artificij semina ante ipsum cataclysmum iecisse Dæmonem aliqui auctores sunt, eo nimirum tempore, quo videntes filij Dei filias hominum quòd pulchræ essent; ex eis sibi vxores delegerunt: nam cum terrarum orbis eo tempore corruptissimus esset, priusque *maledictum, & mendacium, & homicidium, & furtum, & adulterium inundasset, & sanguis sanguinem tetigisset*; quàm marium aquæ cœlestibus auctæ imbribus, & cœli catartarum eruptione inflatæ, mortales admirabili illa eluione deleuissent, inde sibi persuadent artem hanc ab inferis emerxisse, multosque mortales ad sui studium rerum quas patraret admirabilitate traxisse. Nam primò quidem filij Seth, qui filij Dei propterea vocantur in Scripturis, quòd pietatem & virtutem impensè colerent à filiorum Cain consuetudine, aliquanto temporis spatio abstinerunt, ne scilicet ex horum conuictu & moribus, qui à vera pietate defecissent, labem aliquam contraherent, paulatim filiarum hominum eorum scilicet qui erant de Cain sobole, illecebra prouocati, sibi acceperunt ex illis vxores, & longa consuetudine inolitam, & à parentibus quasi per manus traditam pietatem, & simplicitatem in vxorum suarum mores transfuentes corruerunt. Cum verò (inquit Cassianus) impiæ generationi fuisset admixtum (genus, scilicet Seth Cain filiabus) ad res profanas & noxias

noxias quæ piè didicerat instinctu quoque Dæ-
monorum deriuauit, curiosasque ex ea malefi-
ciorum artes, atque præstigias, ac magicas su-
perstitiones audacter instituit, docens posteros
suos, vt sacro illo cultu Diuini nominis derelicto,
vel elementa hæc, vel ignem, vel aëreos Dæmo-
nes venerarentur, & colerent. Et post paucula
quædam docet idem Cassianus, quomodo dam-
nata hæc ars cum diluuiò non perierit. Quan-
tum itaque, inquit, antiquæ traditiones ferunt
Cham filius Noë; qui superstitionibus istis &
sacrilegis ac profanis fuerat artibus institutus,
sciens nullum se posse super his memorialem li-
brum in arcam prorsus inferre, in quam erat vnà
cum Patre iusto, ac sanctis fratribus ingressurus,
scelestas artes ac profana commenta diuersorum
metallorum laminis, quæ scilicet aquarum cor-
rumpi inundatione non possent, & durissimis in-
sculpsit lapidibus, quæ peractò diluuiò eadem
qua celauerat curiositate perquirens, sacrilegio-
rum ac perpetuæ nequitie seminarium transmisit
in posteros. Hac itaque ratione illa opinio vulgi
qua credunt Angelos, vel maleficia vel diuersas
artes hominibus tradidisse in veritate completa
est. Hactenus Cassianus.

3 Hanc porrò artem, quæ mendaciorum pa-
rentem Diabolum habuit, mendacem etiã esse,
& humanis sensibus præstigiis, & fallaciis illu-
dere necesse est, multoque plura polliceri quàm re
ipsa præstare possit. Quãuis enim Dæmones pos-
sint per motum localem actiua passiuè applicare
v.g. ignem ex sua naturali sede deducere, domos-
que & alia inflammare, vt legimus in Iob histo-
ria, *Ignis Dei decidit de cælo & tactas oues, puerosque* Iob 1.16.

*Fallaces
esse has ar-
tes, & ea
polliceri
quæ præsta-
re nequeunt.*

- consumpsit.* Immittere vehementes, & turbulentos ventos, quibus optimè fundata ædificia evertantur, iuxta illud eiusdem Iob, *Repente ventus vehemens irruit à regione deserti, & concussit quatuor angulos domus, quæ corruens oppressit liberos suos, & mortui sunt.* Possint etiam in mari tempestates & terræ motus excitare, & in humanis corporibus morbos, somnia, & cruciatus conturbatis humoribus, motis & conformatis spiritibus animalibus, distractis & disjunctis cōpagibus, & connexionibus membrorum, applicando etiam herbas aut alia pharmaca quæ naturali facultate morbos sanant, aut alios admirabiles effectus efficere, tandemque possint corpora ex vno loco in alium transferre, vt Christum Dominum, ita ipso permittente, Diabolus sustulit in montem excelsum, & in templi pinnaculum: Non tamen tanta est Dæmonis potentia, vt possit mundum destruere, aut eius ordinem subvertere, nam,
- Matth. 4. 8. *vt ait D. Paulus. Non subiecit Deus Angelis orbem terra, nec præcipuas mundi partes, cuiusmodi totum vnum aliquod est elementum è sua naturali sede commouere, nec cœli conuersionem sistere, nec in contrarias incitare partes, nec duo corpora ita in eodem loco collocare vt se mutuo penetrent, aut vnum & idem in duobus aut pluribus ponere, nec cum per motum ea de loco aliquo ad alium transferunt, qua voluerint pernecitate, & temporis breuitate transferre, nec in corporibus immediatè formam vllam, aut substantialem aut etiam accidentalem producere, licet multa, vt dictum est, passiuæ actiuæ applicando efficere possint, non tamen ultra naturalium illorum agentium vires ac facultates, itaque*
- Hebr. 2. 5. *ex*

ex lapide aut ligno equum, aut leonem produ-
cere nequeunt, nec iam extinctos ad vitam reuo-
care, nec alia huiusmodi, quod ita agentium na-
turalium vires ista superent, vt à nullo tam excel-
lentes effectus præstari possint. Itaque præclare
dictum est à sapiente. *Diuinatio erroris & anguria, Eccles. 34.*
mendacia & somnia malefactorum vanitas est. Ab im-
mundo quid mundabitur, & à mendace quid verum *Ibid. n. 4.*
dicetur? nec fallacia tantum, sed nullius ferè etiam
momenti aduersus cultores pietatis, qui diuino
freti auxilio *super aspidem & basiliscum ambulant* *Psal. 90.*
& conculcant leonem & draconem, nam cum Deus *13.*
sit qui omnia potest, & iuxta voluntatem suam *Dan. 4. 13.*
faciat, tam in virtutibus cæli, quam in habitantibus
terra, nec sit qui resistat manui eius, oderitque om-
nes observantes vanitates superuacue: ab insidiis Dæ-
monum ac præstigiatorum securos præstat eos,
qui in protectione Dei virtutem & pietatem colen- *Psal. 30. 7.*
do commorari satagunt. Itaque ridet Isaias eo- *Psal. 90. 1.*
rum vecordiam, qui ex astrorum meatibus, & cõ-
cursibus, Babylonis euerzionẽ vaticinari non po-
tuerant, & eorum qui supputantes mensium nu-
merum prædicere se posse crediderant, quam
ætate Regnum illud casurum esset. *Stent, in-* *Isa. 47. 13.*
quit, & saluent te augures cæli, qui contemplabantur
sydera, & supputabant menses, vt ex eis annuntiarent
ventura tibi. Et sanè frustra erant, huiusmodi enim
hominibus qui iudiciariam hanc astrologiam vel
sequuntur, vel profitentur, illud occini potest.
Non est vestrum nosse tempora vel momenta quæ Pater *Act. 1. 7.*
posuit in sua potestate.

4 Sed fortè non erit abs re illud explicare quod *Tractatur*
in Regum historia habemus, in qua Samuelem le- *breviter*
gimus mulieris Pythonissæ incantationibus euo- *quæstio an*
Samuelis

*anima à
Pythonissa
euocata, vi
illarum in-
cantationū
apparuit.
1. Reg. 28.
6.*

Ibid. n. 15.

catum, vt Saulis responderet postulatis. Historiam habemus in sacris litteris primo Regum, nam cum Saul bellum cum Philistæis gereret, Dominumque consulisset, vt cognosceret quid facto opus esset, nullumque planè responsum tulisset, mentito habitu ad mulierem Pythonissam se contulit, postulauitque vt carminibus suis Samuelem suscitaret. Fecit illa quod iussu fuerat, cumque Samuelem præsentem exhibuisset, sic Saulem Propheta rediuiuus compellauit. *Quare inquietasti me vt suscitarer? Et ait Saul: Coarctor nimis, si quidem Philistiim pugnat aduersum me, & Deus recessit à me, & exaudire me noluit, neque in manus prophetarum, neque per somnia; vocaui ergo te, vt ostenderes mihi quid faciam. Et ait Samuel: Quid interrogas me, cum Dominus recesserit à te, & transferit ad emulum tuum? Faciet enim tibi Dominus sicut locutus est in manu mea, & scindet regnum tuum de manu tua, & dabit illud proximo tuo David, quia non obedisti voci Domini, neque fecisti iram furoris eius in Amalech, idcirco quod pateris fecit tibi Dominus hodie, & dabit etiam Dominus Israël tecum in manus Philistiim; cras autem tu, & filij tui mecum eritis, sed & castra Israël tradet Dominus in manus Philistiim.* Hactenus Samuel. Quamquam autem sunt qui dubitent, num verè fuerit Samuel, an potius illius spectrum aliquod à Pythonissa suscitatum: quæ opinio graues sanè doctores auctores habet; multo tamen probabilior eorum sententia est, qui docent ipsammet Samuelis animam, non idolum tantum inane Sauli apparuisse, non quidem vi carminum Pythonissæ exhibitam, sed diuino imperio ab inferis eductam, se aspectabilem Sauli exhibuisse: quod ita esse satis colligitur ex ipso sacræ Scripturæ

pturæ contextu, quem paulò ante recitauimus, cum ait. *Faciet tibi Dominus sicut locutus est in manu mea*, & illud etiã. *Quare inquietasti me vt suscitarer?* Quæ sanè verba optimè conueniunt in Samuelem, nec in alium quadrare possunt. Nec vllum absurdum cogit inficiari verum illum Samuelem fuisse, vt paulò post patebit; quare cum disertè textus eum Samuelem appellauerit, cur nos eum Samuelem fuisse negare audeamus? Accedit libri Ecclesiastici grauissima & clarissima auctoritas, in quo ita de Samuele legimus. *Et post* Ecclef. 46.
hec dormiuit & notum fecit Regi, & ostendit illi finem 23.
vita sua, & exaltauit vocem suam de terra in prophetia, delere impietatem gentis. Quibus verbis significatur eundem illum Samuelem qui mortuus fuerat, & de quo plura ab Ecclesiastico commemorantur, notum fecisse Regi, quid proximè in certamine cum Philistæis passurus esset. Illud autem, *exaltauit vocem suam de terra*, hunc sensum habet: Cum è terra Diuino iussu extitisset, clara voce prophetauit, quid futurum esset, delendam scilicet gentis impietatem, nec tamen propterea affirmo Samuelem vi incantationum euocatum, sed tantum illud assero veri Samuelis animam occasione illarum incantationum Deum apparere voluisse, vt & amplior esset atque illustrior gloria Samuelis, Saulis verò ad Diuina iussa & ad monita eiusdem Samuelis, dum viueret, contumacis poena esset acerbior. Nec obstat quod Samuel dixit: *Cras tu, & filij tui mecum eris*: quasi Dæmonem oportuerit hæc protulisse, ad cuius sedes post mortem Saul delatus est; nam sermo est de eo loco, qui probis & improbis communis erat: vtrique enim ante patefactas paradisi fores ad

710 *Institutio politica ex sacris Scripturis.*

inferos descendebant, quamuis alia esset apud eosdem inferos sedes piorum, alia impiorum. Itaque prudens Princeps omnem suam spem in Diuino locet auxilio, studioque virtutis, & pietatis cuius *si bonus amulator fuerit*, nemo sanè ei nocere poterit. Nam quamuis in aliquem à Domino permittatur Dæmoni facultas, tamen ipse Dominus habenas adducit, aut laxat, quantum illi qui cum Dæmone & incommodis ab eo immixtis conflictatur, vrile esse animaduernerit. Itaque S. Iob tam multis spoliatus bonis, fortunisque omnibus euerfus, corpore etiam tam fadè à Dæmone laceratus, non in eam erupit vocem, vt diceret, Dæmon dedit, aut Dæmon abstulit, sed verum omnis boni & pœnarum salutarium auctorem agnoscens. *Dominus, inquit, dedit, Dominus abstulit, sicut Domino placuit ita factum est.* Nam vt ait Sapiens: *Tu es Domine qui vita & mortis habes potestatem, & deducis ad portas mortis & reducis.* Dæmoni verò, si quando aliqua conceditur potestas, ea nec ampla est, nec diuturna, quemadmodum dixit Dominus. *Hac est hora vestra & potestas tenebrarum;* eaque ipsa incommoda, quæ ab illo irrogantur, si commodè ea excipere nouerimus, multas & admirabiles vtilitates afferre consueuerunt, Deo illa in nostrum commodum conuertente.

§ Decet autem, vt in omnibus bene constitutis Rebus publicis factum videmus, artes huiusmodi, legibus proscribi, certè in Hebræorum politia grauiissimis pœnis scelera ista vindicabantur. Quare in Deuteronomio legimus, *Non inueniatur in te qui artolos sciscitetur, & obseruet somnia, aut auguria, nec sit maleficus nec incantator, nec qui Pythones consulat, aut Diuinos, aut quærat à mortuis veritatem;*

omnia

Sap. 16. 13.

Luc. 22.
53.

Artes istas diuino iure quod sacris Scripturis continetur, prohiberi.
Deut. 18.
10.

omnia enim hac abominatur Dominus, & propter istiusmodi scelera delebit eos (populos scilicet gentiles, & idolorum cultores) in introitu suo: & in Leuitico præcipit Dominus. *Non augurabimini, nec obseruabitis somnia, & anima qua declinauerit ad magos, & ariolos, & fornicata fuerit cum eis, ponam faciem meam contra eam, & interficiam illam de medio populi sui. & vir siue mulier in quibus Pythonicus vel diuinationis fuerit spiritus, morte moriantur. Lapidibus obruent eos: sanguis illorum sit super illos.* Non est itaque mirandum si mulier illa Pythonissa, quam Saul habitu Regio dissimulato consulebat, vix adduci poterat, vt incantationibus suis necromanticis mortuum quem Rex volebat suscitaret. Nam dicebat: *Nosti quanta fecerit Saul, & quomodo eraserit magos & ariolos de terra, quare ergo insidiaris anima mea vt occidas?* Cum enim initio regnandi bonus esset Saul, adeò vt de illo scriptura dicat non fuisse in Israël illo meliorem iuxta legis præscriptum, cuius verba recitauimus, profanas istas magorum artes ex finibus Israël exterminare conatus est: sed vt nulla esset, diuinationes hasce per Dæmonem exercentibus proposita pœna, satis per se turpe est, & ignominiosum fœdus cum Dæmone humani generis hoste teterrimo contrahere, & cum illo familiariter agere. Quare Iudæi cum Christum Dominum contumeliis proscinderent, Samaritanum eum appellabant, & Dæmonium habentem, eumque in Belzebul Dæmoniorum Principe, cum quo fœderatus esset, Dæmonia eiicere, criminabantur; quod scilicet, intelligerent nullum grauius aut fœdius crimen honesto viro impingi posse, quàm si cum Dæmone pædæro & familiari ad decipiendum, & in fraudes inducendos mortales abuti confirmassent.

Leuit. 19.

26.

Leuit. 20.

6.

Ibid. n. 27.

1. Reg. 28.

9.

Ioan 8 48.

*Explican-
tur duo
Scriptura
loca, qua
his artibus
favere vi-
dentur.
Iob. 37. 7.
Genes. 44.
15. & 5.*

6 Dicat fortè aliquis, auguria & præsentiones futurorum, quæ per diuinandi artem inuectigan-
tur, non esse damnabiles. Nam chiromantiæ fa-
uere videtur quod legimus in libro Iob. *Qui in manu hominum omnium signat, ut singuli nouerint opera sua*; & in Genesi Ioseph dicit fratribus, *An ignoratis, quòd non sit similis mei in augurandi scientia?* & œconomus eius, Scyphus, inquit, *quem furatù estis, ipse est in quo bibit Dominus meus, & in quo augurari solet.* Ioseph ergo aut augur fuit, aut certè videri voluit, noluisse autè videri, si rem vetitam aut malam putauisset. Respondeo loci illius Iob hanc esse sententiam. *Qui in manu omnium signat*, id est, qui per tempestates, niues, imbres, manus omnium claudit & otiosas reddit, impediens ab agriculturæ & pasturæ operibus. Dicitur autem signare in manu, pro signare & claudere manus, Hebraica dicendi formula. *Ut singuli sciant opera sua*, id est, ut singuli sibi prospiciant, quid quouis tempore agere debeant, vel ut singuli sciant opera sua pendere à Deo; vnde Septuaginta vert-
erunt, *ut singuli norint infirmitatem suam.* Ioseph se augurem per iocum dixit, vel ex opinione vulgi, qua summus augur habebatur. Adde nomen augurandi latè patere, & extendi ad omnem diuinationem, etiam ex signis, quæ diuinitus dir-
guntur. Itaque Ioseph noluit videri augur, vel Diuinus talis, quales erant alij in Ægypto, sed longè excellentior, ut qui spiritu Dei diuinaret, sicut iam ante non semel ostenderat, & pro tali illum habebant Ægyptij.



HIEROPOLITICON

LIBER TERTIVS.

*De Consiliariorum & consilij
capiendi necessitate.*

CAPVT PRIMVM.

I COMMVNIS eorum opinio est, quibus pectus sapit, in rebus ambiguis debere nos non tantum serio quid faciendum sit meditando coquere, sed cum fidelibus etiam amicis communicare animi nostri sensa, qui nobis salutarium consiliorum auctores esse possint. Itaque Salomoni, *Ne innitaris*, inquit, *prudentie tue.* & alibi. *Salus ubi multa consilia.* & bonus ille Tobias, cum se à morte prope putaret abesse; inter aurea illa præcepta, quibus filium, quem superstitem relinquebat, instituit, etiam illud addidit: *Consilium semper à sapiente conquire.* Cur autem ita faciendum sit, in promptu est ratio: nam cum prudentia, quæ nostrarum actionum moderatrix esse debet, in bonorum malorumque delectu potissimum versetur, nec proclive sit res implicatas explicare, aut quid in quaque re verissimum sit perspicere, æquum est impensius rebus cognoscendis insistere, aliorumque sententiam exquirere, à quibus salutaria consilia proficisci posse sperauerimus.

Consilij capiendi necessitas ali- quibus sa- cra Scri- ptura testi- monijs pro- batnr.

Prov. 3. 5.

Prov. 11.

14.

Iob 4. 19.

714 *Institutio politica ex sacris Scripturis.*

- Prou. 12. 18. mus. Est enim, vt Salomon docet, *lingua sapientum sanitas*, & *ubi sunt plures consiliarij, cogitationes confirmantur*, quemadmodum *dissipantur ubi non est consilium*. & vt alibi. *Cogitationes consilijs roborantur*, & gubernaculis tractanda sunt bella: nam bella etiam ipsa, in quibus violentiæ potius quàm consilio locus esse videtur, consiliis tamen regenda sunt:
- Prou. 15. 22. 20. 18. gubernaculis tractanda sunt bella: nam bella etiam ipsa, in quibus violentiæ potius quàm consilio locus esse videtur, consiliis tamen regenda sunt:
- Luc. 14. 31. nam cum suscipiuntur *sedendo*, animo scilicet à perturbationibus vacuo, cogitandum est, *an cum decem millibus ei possimus occurrere, qui cum viginti millibus venit ad nos*. Et cum iam sub pellibus fuerimus, aut in acie, attentum esse oportet, & quidquid infestum esse potest circumspicere, paratâque habere præsidia, militemque ita disciplina institutisq; militaribus forinatum, vt nutum regentis sentiat, signumque ab vno datum peditem simul, equitemque percurrat, quæ omnia arte constant, & consiliis, quæ sapiens gubernacula vocat, optimè administrantur.
- Probatur
idem ex-
plis Prin-
cipum, &
ijsus Dei. 2 Nec secus à cordatis Principibus fieri con-
fuevit. Itaque Assnerus in Reginam Vasthi, quod se Regi, Satrapisq; sistere recusasset, paulo com-
motior, in eam tamen non prius animaduertit, quàm Regni procerum sententiam exquireret.
- Ester 1. 12. Iratus, inquit, Rex & nimio furore succensus, interro-
gavit sapientes, qui ex more Regio semper ei aderant, & illorum faciebat cuncta consilio, scientium leges, ac iura maiorum. Et Nabuchodonosor Rex exercitus suos in expeditionem, sub Holoferne duce emissurus.
- Iudith 2. 3. Vocauit omnes maiores natu, omnesq; duces, & bellatores suos, & habuit cum eis mysterium consilij sui, dixitq; cogitationem suam in eo esse, vt omnem terram suo sub-
ingaret imperio, & ipsemet Deus, qui Regum Rex est, & Dominus Dominantium, quasi de re aliqua deli-
beratu

beraturus Senatum conuocare, & cum suis de rebus agendis consultare describitur, non quod Deus, qui summa est sapientia, de alicuius sententia consilium capiat aliquando, cum dicat D. Paulus. *Quis nouit sensum Domini? aut quis consiliarius eius fuit?* & Isaias. *Quis audinit Spiritum Domini, aut quis consiliarius eius fuit, & ostendit illi? Cum quo inijt consilium, & instruxit eum, & docuit eum semitam iustitiae, & erudiuit eum scientiam, & viam prudentiae ostendit illi?* Sed quod res ita geri describatur, quemadmodum à summis Principibus geritur, qui dum animo per se ipsos consilia non expediunt, ea quæ ab amicis afferuntur amplecti consueuerunt, itaque apud Daniele legimus sententiam in Nabuchodonosor Regem latam, *ut scilicet; Cor eius ab humano commutaretur, & cor fera daretur ei, & septem tempora mutarentur super eum.* In sententia vigilum decretum fuisse, hoc est Angelorum, qui vigilantes propterea dicuntur, quod alacres, & ad Principis sui Dei iussa capessenda expediti semper adstant, eò, quò fuerint ablegati, perneciter aduolaturi. Itaque Michæas Prophetæ ut in Regum historia habemus. *Vidi, inquit, Dominum, sedentem super solium suum, & omnem exercituum celi assistentem ei à dextris, & à sinistris, & ait Dominus: Quis decipiet Achab Regem Israel, ut ascendat & cadat in Ramoth Galaad? Et dixit vnus verba huiusmodi, & alius aliter. Egressus est autem spiritus, & stetit coram Domino, & ait: Ego decipiam illum. Cui locutus est Dominus. In quo? Et ille ait. Egrediar, & ero spiritus mendax in ore omnium Prophetarum eius. Et dixit Dominus: Decipies & praualebis, egredere, & fac ita.* Itaque ipsemet Deus consultationis huius præses, & moderator, rem quæ veniebat in deliberatio

Rom. 11.

34.

Isa. 40. 13.

Dan. 4. 13.

Ibid. n. 14.

3. Reg. 22.

19.

716 *Institutio politica ex sacris Scripturis.*

- Iob 2.1. berationem cælitum Senatui proponit, illi diuersis studiis ac sententiis in varias distrahuntur opiniones, existit tandem vnus aliquis ex prauorum spirituum numero, vt quondam Satan cum venissent filij Dei vt assisterent coram Domino, adfuit & ipse inter eos, vt habemus initio historię sancti Iob, is ad rem de qua agebatur agendam accomodatè se mendacem spiritum in ore Prophetarum futurum pollicetur, idque vt ita fieret, Principis illius peccatis postulantibus Dominus permisit. Vt vel ex hoc intelligere possint, qui de sua vnus sententia, omnia statuere consueuerunt, quasi sapientiæ laudem reportaturi, quam non mereantur illam sapientum nomenclaturam, qua tantopere delectantur. Verè enim dictum est à
- Prou. 12. 15. Salomone. *Qui sapiens est, audit consilia. & Astutus, cordatus scilicet & prudens vir, omnia agit cum consilio, qui autem fatuus est, aperit stulticiam.* Fecit hoc
- Prou. 13. 17. Moyſes tantus vir, quem Dominus suo dignabatur alloquio, qui soceri sui Iethro salutare consilium amplexus est, nec sibi pudendum putauit, si ad diuina colloquia admissus, ex quibus Reipublicæ administrandæ rationem hauserat, amici hominis & affinitatis iure propinqui monita sequeretur. Fecit & David, cuius fuisse consiliarius dicitur in scriptura Achitophel, ille, quem tanti faciebant omnes, vt *Consilium Achitophel, quod dabat in diebus illis, quasi si quis consuleret Deum.* Fecisse etiam videtur Salomon, cum in Regum historia legamus *Azariam filium Nathan super eos fuisse qui assistebant Regi.* Cur enim assistebant? nimirum vt consilium datent, si interrogarentur, quemadmodum, vt paulo supra dictum est, Assue-
- Exo. 18. 17. ro septem illi sapientes aderant, ex quorum con-
2. Reg. 15. 12. filio
2. Reg. 16. 23. 3. Reg. 4. 8. Esther 1. 12.

filio cuncta faciebat, & ipsemet Salomon, qui sapi-
 piētiam à Domino postulauit, vt sibi adesset quasi
 consiliaria, cum ait; *Da mihi Domine sedum tua-* Sap. 9. 4.
rum, assistricē sapientiam, eo scilicet fine, vt regnum
 sibi commissum *disponeret in equitate & iustitia,*
& in directione cordis iudicium iudicaret. Quoniam, Ibid. n. 5.
 inquit, *seruus tuus sum ego, & filius ancilla tua, homo*
infirmus & exigui temporis, & minor ad intellectum
iudicij, & legum: credendus est ad aures & animum
 sapientum consilia libenter admisisse, quibus in
 temperanda Rep. iuuari posset.

3 Porro qui plus iusto sapiunt, cūque hebetes Incōmoda
 sint & tardi, acuti tamen & cordati sibi videntur, qua illi in-
 proximè absunt ab extremo rei pessimæ gerendæ currūt, qu
 periculo, vt in illos optimè conueniat illa prædi- consilium
 ctio, quæ est apud S. Iob *Consilium tuum precipitabit capere re-*
te, qui enim superbi sunt, itineris quantumlibet cūsant.
 imperiti, & erroribus expositi, duces non requi- Iob 18. 7.
 runt, nec suam agnoscunt stultitiam, si tamen ali-
 quando agnoscunt, priusquam per deuia, & an-
 fractus varios eò tandem deuenierint, vnde incol-
 lumes pedem referre, viamque quam emensi sunt
 retexere non possint. Itaque precatur Dauid, Non Psal. 35.
veniat mihi pes superbie, quòd scilicet ad eas deue- 12.
 niam semitas, in quibus nulla apparent hominum
 vestigia, tramitéque quo in viam salutis deduce-
 bar amisso in præceps ruam; nam impiorum &
 stultorum via, cum ampla initio videatur, & com-
 planata, in angustum tamen, & in abrupta & sco-
 pulosa loca paulatim desinit, quemadmodum ali-
 cubi Propheta dixit, cum in Psalmo cecinit. Et Psal. 1. 6.
iter impiorum peribit. Itaque Isaias, *Va inquit, qui Isa. 5. 21.*
sapientes estis in oculis vestris, & coram vobismetipsis Prou. 26.
prudentes. Et Salomon ait, *Vidistis hominem sapien-* 12.
 tem

718 *Institutio politica ex sacris Scripturis.*

tem sibi videri? magis illo spem habebit insipiens. Expertus est hoc Godolias, qui cum ab amicis moneretur parari sibi ab Rege Ammonitarum insidias, certósque ab eo homines fuisse destinatos à

Ierem 40. quibus interficeretur, *Non credidit eis*, & ait: *Fal-*
14. 16. *sum tu loqueris de Ismahel.* Sed quis eorum falsus

Ibi. c. 41. 1. fuerit, statim exitus indicavit; nam *Venit Ismahel*
& optimates Regis, & decem viri cum eo ad Godoliam
filium Abicam in Masphat, & comederunt ibi panes si-
mul in Masphat. Surrexit autem Ismahel filius Na-
thania, & decem viri, qui cum eo erant, & percusserunt
Godoliam filium Abicam filij Sapham gladio, & interfe-
cerunt eum. Quique suo malo discere non potuit,

aliis saltem documentum reliquit salutare, quo
intelligent prudentis non esse, ita in sua fixum
esse sententia, ut consilia, quæ ab amicis sugge-
runtur, audire nolint. Expertus est etiam Holo-
fernes, qui cum exercitus sui viribus præfideret,
seque satis instructum putaret ad quoscumque
obuios habuisset hostes obterendos, saniora con-
silia, quæ Achior Ammonitarum Dux suggere-

Iudith 5.
3. bāt, suo magno malo, secutus non est. *Dicite mihi,*
inquit Holofernes, *quis sit populus iste, qui montana*
obsidet, aut qua, & quales, & quanta sint ciuitates eorum,
qua etiam sit virtus eorum, aut qua sit multitudo eorum,
vel quis Rex militia eorum? Et quare pra omnibus qui
habitant in Oriente isti contempserunt nos, & non exie-
runt obuiam nobis, ut susciperent nos cum pace? Pru-
dens sanè & opportuna interrogatio, si Achioris
responsionem, qui Hebræorum res habebat per-
spectissimas, veraque subiicere non dubitauit, ut
ad aures ita ad animum admittere sustinuisset.

Sed Holofernis purpuratis solita vanitate spem
eius instantibus dicentibusque: *Quis est iste, qui*
filios

Ibid. n. 27.

filios Israel posse dicat resistere Regi Nabuchodonosor & exercitibus eius, homines inermes, & sine virtute, & sine peritia artis pugna? Veritatis impatiens, maxime vtilia suadentem ad Hebræos transire iussit, se verò consiliariosque suos perditum ire perrexit. Nam & Holofernes, Deo Iudith imbecillæ mulieri animos & vires addente, capite truncatus, & exercitus omnis in fugam versus, ab Hebræis concisus & deletus est, insigne posteris relinquens documentum, homines, cum se permisere fortunæ, tunc in maximo versari discrimine, non enim impetum, quo feruntur moderatis consiliis sufflaminari patiuntur.

4 Verum ex alio etiam capite capiendi consilij necessitas existit, sit enim nonnunquam ut perplexæ admodum nodisque implicatæ difficultates occurrant, veniaturque in controuersiam, liceat ne hoc an illud, quod cum accidit scrupulis pectus hæsitantis foditur & lancinatur, nec vlla pars quietis interim dum scrupulus nõ eximitur, conceditur dubitanti. Itaque quod habemus in libro Iob nervos testiculorum Leviathan serpentis implicatos esse ad conscientia perplexitates significandas accommodat D. Gregorius his verbis. *Horum, inquit, testiculorum nervi perplexi sunt, quia suggestionum illius argumenta implicatis inuentionibus illigantur, ut plerisque ita peccare faciant; quatenus si fortasse peccatum fugere appetant, hoc sine alio peccati laqueo non euadant, & culpam faciant dum vitant, ac nequaquam ab una se valeant soluere, nisi in alia consentiant ligari.* Haftenus Gregorius, qui dictum suum exemplis explicat, quæ fusè prosequitur, & apud ipsum videri possunt. Huic ergo malo consilium medicinam facit; auditis enim Consiliari-
riorum,

*Capiendū
interdum
consiliū, ut
conscientia
satisfiat.*

Iob 40. 12.

- riorum, & si opus fuerit Theologorum sententiis, quorum est ista disquirere; facillè Princeps quid faciendum sit peruidebit, Diuûmque Paulum audiet, cum ad Romanos scribit ita præcipientem. *Vnusquisque in suo sensu abundet*, quod non tantum significat integrum esse vnique in rebus *ἀδιαφύκτοις* suum sequi iudicium, & illud quod magis arriserit amplecti, sed etiam debere vnumquemque certum esse, ac sibi persuadere, id quod facit licitum esse, & Deo gratum; ne scilicet si dubitet, reluctanteque conscientia aliquid aggrediatur, peccati noxam incurrat, *qui enim periculum amat, in illo peribit*. Eam autem interpretationem recipere S. Pauli sententiam ex eo probatur, quod apud Græcos *πληροφορεῖν* certissimè nosse, & compertum habere significet, vel plenè persuasum esse ita se rem habere: quare Syrus hunc locum Pauli exprimens. *Quisq; in scientia animæ suæ confirmetur*. Imò ad eandem explicationem, eundemque sensum exhibendum, nō inuitam trahere possumus vocem illam *Abundet*, vt sensus sit. Plenè & abundè certus sit, id quod agit bonum esse ac licitum, nullaque ex parte diuinis præceptis, aut rectæ rationi repugnans, nullique rei agendæ manus admoueat, dubitante, ac fluctuante conscientia. Qui enim secus agunt, peccant, eodem Apostolo dicente. *Omne autem quod non est ex fide, peccatum est*. Quo loco fides nihil est aliud, quàm persuasio, dictamenque conscientiæ, existimantis id quod aggreditur bene fieri, actionemque illam peccato obnoxiam non esse. Hæc autem vt dixi in Consiliariorum, Theologorumque congressibus & confensibus plenè discutiuntur, quibus componendæ conscientiæ modus Principibus

bus aperitur , vt pede inoffenso spatium diuinorum mandatorum decurrere possint. Talem Principem fuisse oportet Ioas Regem Iuda , quamdiu Ioiadæ sacerdotis consiliis secundas aures præbuit, de eo enim dicitur in historia Regum. *Fecitq; Ioas rectum coram Domino cunctis diebus , quibus eum docuit Ioiada Sacerdos.* 4. Reg. 12. 2.

5 Illa tandem ex crebra seriâque consultatione commoditas existit , quod licet fracta , rebûsque aduersis impulsa consilia fœlicem exitum non fortiantur , non tamen minus prudens à cordatis viris , qui res ab euentibus non metiuntur, habetur Princeps , si adhibitis in consilium fidis , prudentibûsque consiliariis , id agendum suscepit, quod cum prudenter institutum sit , æquior tamen finis excepit , nam multi interueniunt casus, quos assequi humana mens numquam potuisset, qui inita prudenter consilia disturbant , & euerunt ; quod si accidit , non tamen minùs prudens ille existimandus est , qui circumspectis benèque perpensis rei , de qua agitur , adiunctis omnibus, consilium ceperit. Itaque quod dicit Sapiens, *Fili sine consilio nihil facias , & post factum non pœnitabis ;* semper locum habet apud prudentes viros quos nunquam pœnitet , licet captum consilium infœlix exitus frustretur ; in eo enim acquiescunt quod quidquid actum est , id prudenter & iuxta rationis præscriptum actum est. Quanquam frequentius euenit , vt prudens consilium faustus etiam & fortunatus exitus consequatur.

* * *

Z z

Qualis

Eum , qui cum cōsilio aliquid aggreitur, prudentem habendum, etiam si id quod agendum suscepit, infœlicem exitū sortiatur.

Ecclef. 32. 24.

*Qualis Consiliarius à Principe
deligendus sit.*

C A P V T II.

*Senes con-
silio melio-
res esse quàm
iuuenes.*

Multa sunt, quæ Princeps spectare debet
in eligendis Consiliariis, in quo quantò
periculosius erratur, tantò attentius insistendum
est, ne quid in hoc delectu Principem fallat. Nos
aliquas bonorum Consiliatorum notas, quan-
tum ex sacris litteris colligere poterimus, indica-
bimus, quibus iuuetur ut possit bonos à malis in-
ternoscere. Ac primò quidem quod ad ætatem
spectat, senes consiliis dandis aptiores puto, quàm
iuuenes, nam longæ ætatis beneficio sapientiam
colligere potuerunt, qua iuuenes plerumque ca-
rent. *In antiquis*, inquit S. Iob, *est sapientia, & in mul-*
to tempore prudentia. Et Ecclesiasticus ait. *Quam*
speciosa veteranis sapientia, & gloriosus intellectus, &
consilium; corona senum multa peritia; & alibi monet
idem auctor, Ne despicias narrationem presbyterorum
sapientium, & in prouerbis eorum conuersare, ab ipsis
enim discies sapientiam, & doctrinam intellectus, & ser-
nire Magnatis sine querela. Non te pratereat narratio
seniorum, ipsi enim didicerunt à Patribus suis, quoniam
ab ipsis discies intellectum, & in tempore necessitatis dare
responsum. Ita Ecclesiasticus, quod sanè dictum
verissimum esse, Roboami cum senibus & iuue-
nibus consultatio cum ad Regni gubernacula
sedere cœpit, de qua sæpius dictum est, liquidò
satis ostendit.

2 Nec tamen cùm senes dico, eos tantùm intel- *Sensū ma-*
ligo, quorum defectum est ac præmortuum cor- *turitatem*
pus, cutis exarata rugis, caputque ac mentum ca- *à moribus,*
nitie conuestitum, quamvis enim illa ætas verenda *potius, &*
sit, suamque habeat dignitatem; qua de re legimus *prudentia,*
in Prouerbiis, *Dignitas senum canities, & alibi.* *quàm ab*
Corona dignitatis senectus, in cuius venerationem *annis spe-*
in Leuitico præcipit Dominus *standam*
Coram cano capite *esse.*
consurgere; de ea tamen canitie potissimùm sermo *Prou. 20.*
est, quæ mentis & consilij maturitatem affert, *29.*
non de illa, quæ effæctum corpus, & humanis mi- *Prou. 16.*
nisteriis reddit inutile. Itaque legimus in Sapien- *21.*
tiæ libro. *Senectus venerabilis est non diuturna, neque*
annorum numero computata, cani autem sunt sensus ho-
minis, & atas senectutis vita immaculata. Fieri enim *Leuit. 19.*
potest, atque vtinam aliquando non fieret, vt ho- *32.*
mines iam grandæui in suis vitiis, quibus assue- *Sap. 4. 8.*
uerunt consenescant, nec aut virtutis amore, aut
impendētis mortis periculo, à turpitudine, quam
adamarunt, reuocari possint, vt moribus improbi,
ita consilio minimè boni. Tales fuere seniores il-
li, qui in Susannæ concupiscentiam exarserant, il-
lāmque iniquo circumuenire iudicio, opprimerē-
que decreuerant, quod sanctus Propheta Daniel
Inueteratos dierum malorum appellauit. Tales illi de *Dan. 13.*
quibus dicit Isaias. *Puer centum annorum morietur,* *52.*
& peccator centum annorum maledictus erit. Quare *Isa. 65. 20.*
Dominus cum Moyse populi sui Duci præcepisset:
Congrega mihi septuaginta viros de senibus Israel, sta- *Num. 11.*
tim addit. *Quos tu nosti, quod senes sint.* Quem lo- *16.*
cum explicans S. Gregorius. *Rectè,* inquit, *Domi-*
nus ad Moysen, dicit: Congrega mihi septuaginta viros *Mor. li. 19.*
de senioribus Israel, quos tu nosti, quod senes populi sunt. *c. 11. alias*
In quibus quid aliud quàm senectus cordis requiritur, *13.*

724 Institutio politica ex sacris Scripturis.

cum tales iubentur eligi, qui senes esse sciuntur. Si enim senectus in eis corporis quæreretur, à tantis sciri poterant, à quantis videri. Dum verò dicitur, quos tu nosti, quod senes populi sunt, profectò liquet, quia senectus mentis non corporis eligenda nuntiatur. Hæc ille. Talis

Ecclef. 4. 13. Rex ille, de quo in Ecclesiaste Salomon ait. *Melior est puer pauper, & sapiens, Rege sene, & stulto, qui nescit prouidere in posterum, & senex ille fatuus, quem se odio persecutum fuisse testatur Ecclesiasticus, cum ait: Tres species odiuit anima mea, & aggrauor valde anima illorum. Pauperem superbum, diuitem mendacem, senem fatuum & insensatum.*

Ecclef. 15. 3. *Seni prudentiâ experientia magna ex parte acceptam esse referendâ.* 3 Cur autem senes aliis prudentiores sint illud est in causa, quòd cum diutius vixerint, mores etiam multorum hominum viderint, vrbésque lustrarint, nec semel fuerint in rebus agendis aut aliorum nequitia, & dolo, aut quod ipsi minùs ad ea quæ opus fuisset aduerterint implanati, suo malo cautiore facti sunt, & in iudiciis ferendis doctiores. Egregium hac de re testimonium habemus apud Ecclesiasticum, cum ait: *Qui non est tentatus quid scit? Vir in multis expertus, cogitabit multa; & qui multa didici, enarrabit intellectum; qui non est expertus pauca recognoscit, qui autem in multis factus est, multiplicat malitiam, qui tentatus non est, qualia scit? qui implanatus est, abundabit nequitia; multa vidi errando, & plurimas verborum consuetudines.*

Ecclef. 34. 9. *Aliquoties ad mortem usque periclitatus sum horum causa, & liberatus sum gratia Dei.* Quibus verbis, quia lucem afferre potest alia ex Græco conuersio, eam hic subiungam, sic enim se habet. *Qui non est tentatus, quid scit? vir qui vagatus est, vidit multa, & multum expertus enarrabit intellectum; qui non expertus est, nouit pauca, & qui deceptus est, multiplicat astutiam,*

Biblia regia.

astutiam, multa vidi in deceptione mea, & fictiones verborum meorum intellectus meus, pluries usque ad mortem periclitatus sum, & liberatus sum horum gratia.

4 Hæc autem fuit causa propter quam omnium *Senes veteri gentiū more in cōsiliū adhiberi solitos.* gentium more receptissimo senes ad consilia publica adhibeantur. Atque ita in libro Iudicum seniores consultant, *Dixeruntq; maiores natu, Quid faciemus?* ut etiam in libris Regum, & Iudith historia, cum Nabuchodonosoris consultatio proponitur dicitur aduocasse; *omnes maiores natu:* & cum apud Incolas Iabes Galaad consultatur admittendæ ne essent conditiones Naas Ammonitæ pacem ita pollicentis si erui sibi paterentur oculos dextros, seniores quid facto opus sit statuunt, *1. Reg. 4. 3. Iud. 2. 2.* & tandem in Hebræorum Republ. Senatus erat capitum septuaginta ex senioribus Israel, cuius frequens est mentio in sacris litteris; quorum *1. Reg. 11. 3. Num. 11. 16. & alibi.* consilium quantopere publicis negotiis esset utile, illa Domini per Prophetam comminatio ostendit, cum præsiidiis se nudaturum ininitatur Rempub. quibus ipsa stabat, de Israel sublaturum se *Isa. 3. 3.* *honorablem vultu, & senem,* quibus si Resp. caruisset, ad certam perniciem rueret, salutaribus consiliis destituta: sed de Consiliariorum ætate ista sint satis.

5 Nunc aliquid de vitæ morumq; probitate dicamus, qua qui destitutus est, eum quantumvis acri ad iudicandum ingenio præditum, minùs tamen aptum Consiliarium esse existimo, nam *Eos deligēdos cōsiliarios, qui à vita probitate commēdationem habent.* *Eccles. 14. 5.* *Qui sibi nequam est, cui bonus esse poterit?* cum præsertim variis perturbationibus, quæ exercitatione virtutis comprimi debuissent, in diuersas partes rapiatur, vitisq; implicatus, iustitiæ ac omnis virtutis patrociniū suscepturus vix debeat ille existi-

726 *Institutio politica ex sacris Scripturis.*

- mari; cuius animum voluptates occupant, libido deuincit, subiugat auaritia, cupiditates perturbant, quatit metus. Itaque liquor ille præstantissimus sapientiæ, quam Deus amicis suis, qui à peccatorum sordibus defæcatam habent animam largè concedit, iis denegatur, qui vitiorum labe sordescunt; quemadmodum à Sapiente verissimè dictum est cum ait: *In malenolam animam non introibit sapientia, nec habitabit in corpore subdito peccatis: Spiritus enim sanctus disciplina effugiet fictum, & auferet se à cogitationibus, quæ sunt sine intellectu: quemadmodum enim bonus senex Iacob iam morti proximus filiis suis bene precaturus Simeonis & Leui consilia & facta se non probare significauit, quod ab vltionis libidine profecta essent, non ab amore iustitiæ, cum scilicet In furore suo occiderunt virum, & in voluntate sua suffoderunt murum, Hemor & Sichem, qui Dinam rapuerat, interfecerunt, urbemque in stupri vltionem depopulati sunt. Dixit enim: In consilium eorum non veniat anima mea, & in casu illorum non sit gloria mea, ita Dominus fouet &*
- Sap. 1. 4. *exosculatur Cogitationes iustorum, quæ sunt iudicia, quemadmodum Consilia impiorum fraudulenta detestatur. Impij enim & scelesti homines ex fraudibus & dolis planè constituti sunt, tuncque dum se putant arcem tenuisse sapientiæ, cum Super populum malignati sunt consilium, vel, vt vertit D. Hieronymus, Contra populum tuum nequiter trauerunt tota die iniustitiam cogitantes, & sicut nouacula acuta dolum facientes, diligunt enim malitiam super benignitatem, iniquitatem magis, quàm loqui equitatem, diliguntq; omnia verba præcipitationis linguamq; dolosam. Quare S. David ab huiusmodi hominibus, qui nec Deum timent, nec homines reuerentur,*
- Genes. 34. 25. *exosculatur Cogitationes iustorum, quæ sunt iudicia, quemadmodum Consilia impiorum fraudulenta detestatur. Impij enim & scelesti homines ex fraudibus & dolis planè constituti sunt, tuncque dum se putant arcem tenuisse sapientiæ, cum Super populum malignati sunt consilium, vel, vt vertit D. Hieronymus, Contra populum tuum nequiter trauerunt tota die iniustitiam cogitantes, & sicut nouacula acuta dolum facientes, diligunt enim malitiam super benignitatem, iniquitatem magis, quàm loqui equitatem, diliguntq; omnia verba præcipitationis linguamq; dolosam. Quare S. David ab huiusmodi hominibus, qui nec Deum timent, nec homines reuerentur,*
- Pro. 12. 5. *exosculatur Cogitationes iustorum, quæ sunt iudicia, quemadmodum Consilia impiorum fraudulenta detestatur. Impij enim & scelesti homines ex fraudibus & dolis planè constituti sunt, tuncque dum se putant arcem tenuisse sapientiæ, cum Super populum malignati sunt consilium, vel, vt vertit D. Hieronymus, Contra populum tuum nequiter trauerunt tota die iniustitiam cogitantes, & sicut nouacula acuta dolum facientes, diligunt enim malitiam super benignitatem, iniquitatem magis, quàm loqui equitatem, diliguntq; omnia verba præcipitationis linguamq; dolosam. Quare S. David ab huiusmodi hominibus, qui nec Deum timent, nec homines reuerentur,*
- Psal. 82. 4. *exosculatur Cogitationes iustorum, quæ sunt iudicia, quemadmodum Consilia impiorum fraudulenta detestatur. Impij enim & scelesti homines ex fraudibus & dolis planè constituti sunt, tuncque dum se putant arcem tenuisse sapientiæ, cum Super populum malignati sunt consilium, vel, vt vertit D. Hieronymus, Contra populum tuum nequiter trauerunt tota die iniustitiam cogitantes, & sicut nouacula acuta dolum facientes, diligunt enim malitiam super benignitatem, iniquitatem magis, quàm loqui equitatem, diliguntq; omnia verba præcipitationis linguamq; dolosam. Quare S. David ab huiusmodi hominibus, qui nec Deum timent, nec homines reuerentur,*
- Psal. 51. 3. *exosculatur Cogitationes iustorum, quæ sunt iudicia, quemadmodum Consilia impiorum fraudulenta detestatur. Impij enim & scelesti homines ex fraudibus & dolis planè constituti sunt, tuncque dum se putant arcem tenuisse sapientiæ, cum Super populum malignati sunt consilium, vel, vt vertit D. Hieronymus, Contra populum tuum nequiter trauerunt tota die iniustitiam cogitantes, & sicut nouacula acuta dolum facientes, diligunt enim malitiam super benignitatem, iniquitatem magis, quàm loqui equitatem, diliguntq; omnia verba præcipitationis linguamq; dolosam. Quare S. David ab huiusmodi hominibus, qui nec Deum timent, nec homines reuerentur,*

tur, circumueniri timens diuinum sibi auxilium ad quod confugit, putauit esse necessarium, atque ideo clamat ad Dominum. *Exaudi Deus orationem meam, cum deprecor, à timore inimici eripe animam meam. Protexisti me à conuentu malignantium, qui scilicet collatis inter se capitibus, vt me euerterent, conspirauerant, A multitudine operantium iniquitatem, quia exacerunt vt gladium linguas suas, intenderunt arcum rem amaram, vt sagittent in occultis immaculatum: Est enim illis solemne astu, rectisque consiliis grassari, & simpliciter, confidenterque gradientem telis, ex pseudosapientiae suae pharetra depromptis ex insidiis impetere. Subito enim sagittabunt eum, & non timebunt, firmauerunt sibi sermonem nequam: In suis enim confessibus illud omnino fixum, & firmum esse cupiunt, vt perdant innocentem. Narrauerunt vt absconderent laqueos, dixerant quis videbit eos? Tanta enim artis subtilitate technas suas texunt, vt putent posse se etiam acutiorum visum fallere: tandem omnem euertunt officinam, in qua mille artes nocendi conditas habent, Scrutanturque iniquitates, & ad cor altum accedunt, mira scilicet astutiae profunditate excauatum, & tenebris suae prudentiae inuolutum, in quo machinas omnes bonis, rectisque hominibus oppugnandis, & si fieri possit deiiciendis, & euertendis adornant. Sed nimirum in irritum cadunt conatus omnes scelestorum, nam non solum Sagitta paruulorum facta sunt plaga eorum, & infirmata sunt contra eos lingua eorum, sed etiam Dominus eas ipsas fraudes, quas ad iustos circumueniendos nocere satagebant, in eorundem perniciem, magno ipsorum malo conuertit; quod vtrumque ex scripturis nullo negotio probari potest.*

Psal. 63. 1.

728 *Institutio politica ex sacris Scripturis.*

Prauorum 6 Ac primò quidem astutis & prauis homini-
& astuto- bus consilia subdola non procedere, quemadmo-
rū hominū dum ipsi cupiunt, multis locis docet scriptura, di-
consilia nō cente D. Petro, *Deus superbis resistit, humilibus au-*
eum sortiri tem dat gratiam. Et Isaia. *Ego sum Dominus irrita*
exitū, quē faciens signa diuinorum, & ariolos in furorem ver-
ipsi voluis- tens, conuertens sapientes retrorsum, & scientiam eorum
sens. stultam faciens. & Dauide in Psalmo, *Dominus dissipat*
1. Pct. 5. 5. *consilia gentium, reprobatur autem cogitationes popu-*
Isa. 44. 24. *lorum, & reprobatur consilia Principum.* & S. Iob, *Qui*
25. *dissipatur cogitationes malignorum, ne possint implere ma-*
Psal. 32. *nus eorum quod cœperant. Qui apprehendit sapientes in*
10. *astutia eorum, & consilium prauorum dissipat. Quod*
Iob 5. 12. *dicitur in vulgata, Ne possint implere quod cœperant.*
 Septuaginta verterunt, *Et non facient manus eorum*
Prou. 11. *veritatem,* quia nimirum cogitatis, quæ animo de-
10. *stinauerant, opus non respondebit, diuina virtute*
 manus eorum obstupefaciente, ne quæ animo
 conceperant, externo opere moliantur, & exequi
 possint; quod fortè Salomon docuit, cum ait in
 Prouerbiis, *Impius facit opus instabile,* torpente ni-
 mirum manu, & animi conceptiones & vota, ex-
 ternis conatibus non adæquante. Illustrissimum
 huius rei exemplum habemus in iis, qui temera-
 rio ausu insanam illam celsissimæ turris structu-
 ram excitare instituerunt, vt nominis celebra-
 tem ingenti illa mole sibi conciliarent apud po-
 steros, nam cum ad eum diem terra, *labij vnus*
Gen. 11. 1. *fuisse & sermonum eorundem,* ita voces eorum Do-
 minus confudit, vt alter alterum, diuersum quid-
 dam barbarumque sonantem non intelligeret,
 quæ res operis prosequendi consilium discussit,
 & diuinæ voluntati minimè consentientes cona-
 tus, in irritum cadere planissimè ostendit. Illis
 enim

enim accidit, quod Isaias dicit quodam loco;
Dominus miscuit in medio eius spiritum vertiginis, & errare fecit Egyptum (dicemus nos turris ædificatores) *In omni opere suo, sicut errat ebrius & vomens.* Isai. 19. 14.
Elongatum est enim iudicium ab eis, palpaerunt sicut cæci meridiem, & quasi absque oculis attrectauerunt, impeerunt meridie, quasi in tenebris. Isai. 59. 10.
 Vt enim dicitur in Prouerbiis. *Non est sapientia, non est prudentia, non est consilium contra Dominum.* Prou. 21. 30.
 Et meritò preces fundens ad Dominum Mardocheus in Estheris historia ita loquitur; *Domine, Domine Rex omnipotens, in disione tua cuncta sunt posita, & non est, qui tua possit resistere voluntati.* Esther 13. 9.
 Quare Pharaó Israël vexare quidem potuit miris modis: obterere, Domino illum defendente, non potuit; Saul etiam Dauidem, quem ad necem quærebat, iactare, in exilium pellere, vt interficeret autem, quamuis eum votis omnibus sublatum vellet, nulla ratione assequi potuit. Nec Darij satrapis feliciùs processerunt doli, quamuis callido consilio violatæ Religionis prætextu, Daniele mortis reum facere statuissent, dicebant enim. *Non inueniemus Danieli huic aliquam occasionem, nisi fortè in lege Dei sui;* Exod. 1. & 14. 1. Reg. 18. & 19. & 23.
 nam Dominus obturauit ora leonum, Danieleque ab eorum rictibus ereptum pristina restituit amplitudini; *Inuentéque Rege adducti sunt viri illi, qui accusauerant Danielem, & in lacum leonum missi sunt ipsi & filij, & uxores eorum, & non peruenierunt vsque ad pavementum lacus donec arriperent eos leones, & omnia ossa eorum comminuerunt.* Dan. 6. 5.
Deus enim scientiarum Dominus est, & ipsi preparantur cogitationes, vel vt alij vertunt Conatus eius perficiuntur. Dan. 6. 24.
 Hominum verò temeritas & astutia in cassum contra pios homines, Deumque ipsum

730 *Institutio politica ex sacris Scripturis.*

suos conatus vrget, quasi eorum cogitatio Deum fallere possit, aut si Deus quid cogitent intelligat, obistere non possit, vt iam contra insa-

Isai. 29. 15. nos istos clamare libeat cum Isaia. *Va qui profundi estis corde, vt à Domino abscondatis consilium, quorum sunt in tenebris opera, & dicunt, quis videt nos? & quis nouit nos? Perversa est hac vestra cogitatio, quasi si lutum contra figulum cogitet, & dicat*

Isai. 30. 1. *opus faëtori suo, non fecisti me. & figmentum dicat fictori suo, non intelligis. & alibi. Va filij desertores dicit Dominus, vt faceretis consilium, & non ex me, & ordiremini telam, & non per spiritum meum, vt addereis peccatum super peccatum, qui ambulatis vt descendatis in Egyptum, & os meum non interrogastis, sperantes auxilium in fortitudine Pharaonis & habentes fiduciam in umbra Egypti, & erit vobis fortitudo Pharaonis in confusionem, & fiducia umbra Egypti in ignominiam.*

7 Alterum quod probare institueram, illud erat, astutorum ista consilia, quæ ad alios fallendos, & capiendos adornantur in auctorum ipsorum perniciem, plerumque conuerti. Egregie dictum est hoc à Sapiente, cum ait. *Qui in altum mittit lapidem, super caput eius cadet, & plaga dolosa, dolosi diuidet vulnera. Et qui foueam fodit, incidet in eam, & qui statuit lapidem proximo, offendet in eo, & qui laqueum alij ponit, peribit in illo. Facienti nequissimum consilium super ipsum deuoluetur, & non agnosceat unde adueniat illi; illusio & improprium superborum, & vindicta sicut Leo insidiabitur illi. Laqueo peribunt qui oblectantur casu infortiorum, dolor autem consumeret illos*

Psal. 7. 15. *antequam moriantur. Et sanctus David. Ecce, inquit, parturiit iniustitiam, concepit dolorem, & peperit iniquitatem, lacum aperuit & effodit eum, & incidit in foueam quam fecit. Conuertetur dolor eius in caput eius,*

&

*illa eadem
cōsilia que
proximi ho-
mines ex-
cogitant, in
eorundem
perniciem
frequenter
conuerti.
Eccl. 27,
28.*

& in verticem ipsius iniquitas eius descendet. Adducit Iob 12. 17.
enim Dominus consiliarios, prudentes scilicet huius
seculi, qui prudentia illa pollent, quæ inimica
est Deo, in stultum finem, ut dicitur in libro Iob; Iob 5. 13.
Eosque apprehendit in astutia eorum: quamvis enim Isai. 5. 26.
Inueniantur in populo impij insidiantes quasi aucupes,
laqueos ponentes, & pedicas ad capiendos viros, & sicut
decipula plena est auibus, sic domus eorum plena sint
dolo: eos tamen supplantat Dominus, & iuxta
iplos laqueos ponit, aut cippos fodit in quos ca-
dant, nec emergendij aut se explicandi faculta-
tem concedit, iuxta illud Davidis. Veruntamen Psal. 71.
propter dolos posuisti eis, deiecisti eos, dum allenarentur. 18.

8 Sed illud imprimis diligenter prospiciendum *Eos deligē-*
 est Principi, ne is quem voluerit in consilium ad- *dos consi-*
 hibere, specie boni publici, priuata compendia *liarios, qui*
 confectetur consiliorum suorum rationes eò di- *suas cōmo-*
 rigendo, ut suis commodis velificetur: quod *diu quari-*
 ipsum est sapientis consilium apud Ecclesiasticum *tandū non*
 cum ait. *A consiliario serua animam tuam, prius scito,* Ecclef. 37.
qua sit illius necessitas, & ipse enim animo tuo cogitabit 9.
ne fortè mutet sudem in terram, & dicat tibi. Bona est
via tua, & stes è contrario videre quid tibi veniat. Qua-
si dicat: Diligenter caue, quid consiliarius tuus
consilij afferat, quamvis enim consilium petere
sit frequenter necessarium, est tamen periculose
aleæ res plenissima: quare explorandum prius
est, an consiliarius aliqua prematur necessitate, an
aliquod illi cum alio Principe vinculum, aut ne-
cessitudo intercedat, quid sibi ab iis, de quibus
consultatur timere possit, quid sperare; nam cum
ipse res suas magis caras habeat, diligentiusque
promouere studeat, quàm Principis, sedulo co-
gitabit, qua ratione possit sua vitare incommoda,
 suæ

732 *Institutio politica ex facis Scripturis.*

suæque seruire vtilitati, resque publicas aut Principis præ suis negliget, cùmque vocatus fuerit in consilium, cippum in quem incidas aperiet, aut fudem in quam impingas in terram pangeret, structisque dolis, omnia tamen longè à periculo abesse pronuntiabit, ipse interim è regione obseruans an aliquid tibi mali accadat, ex quo ipse vtilitatis aliquid percipere possit. Exemplum huius rei, maximè illustre, habemus in historia Regum. Nam cum vrbe excessisset Dauid sibi metuens à filio Absalone, iamque Absalon Ierusalem ingressus cum suis consultaret quid facto opus esset, vt sibi Regnum quod videbatur adeptus, stabiliret, educendæ ne essent repente copiae, & in Dauidem suscipienda expeditio, iis duntaxat ad bellum emissis militibus, qui ad manum essent, an verò contrahendus esset ex vniuerso Israël exercitus, qui cum esset coactus tum demum in Dauidem immitteretur. Achitophel cuius eo tempore sapientia tanti fiebat, vt oraculi Diuini instar haberet, ita loquebatur: *Eligam mihi duodecim millia virorum, & consurgens persequar Dauid hac nocte, & irruens super eum (quippe qui lassus est & solutus manibus) percutiam eum; cumque fugerit omnis populus, qui cum eo est, percutiam Regem desolatum, & reducam vniuersum populum, quomodo vnus homo reuerti solet; vnum enim virum tu quæris, & omnis populus erit in pace, placuitque sermo eius Absalom, & cunctis maioribus natu Israël.* Et sanè rei, quam aggredebatur Absalom, vtile in primis, & accommodatum consilium dederat Achitophel, steteretque sententia, nisi rem totam Chusai Arachites ad dicendam sententiã vocatus discussisset; nam cum à Dauidis partibus staret, illique faueret, li-

cet

2. Reg. 17.
1.

cet ignorantibus hoc Absalone & consiliariis eius, ita consilium suum temperauit, ut cum de Absalone in regno firmiter stabiliendo sollicitus videri vellet, id tamen præcipuè ageret, ut Dauidi, quem opprimi posse videbat, si Achitophelis vinceret sententia, pararet incolumitatem. *Nam* 2. Reg. 17. *dixit Chusai ad Absalom: Non est bonum consilium 7. quod dedit Achitophel hac vice. Et rursus intulit Chusai. Tu nosti patrem tuum, & viros qui cum eo sunt, esse fortissimos, & amaro animo, veluti si vrsa raptis catulis in saltu sauiat; sed & Pater tuus vir bellator est, nec morabitur cum populo, forsitan nunc latitat in foveis, aut in vno quo voluerit loco; & cum deciderit unusquisque in principio, audiet quicumque audierit, & dicet: Facta est plaga in populo, qui sequebatur Absalom, & fortissimus quisque, cuius cor est quasi Leonis, pauore soluetur; scit enim omnis populus Israël fortem esse patrem tuum, & robustos omnes, qui cum eo sunt; sed hoc mihi videtur rectum esse consilium. Congregetur ad te vniversus Israël à Dan vsque Bersabee, quasi arena maris innumerabilis, & tu eris in medio eorum, & irruemus super eum in quocumque loco inuentus fuerit, & operiemus eum, sicut cadere solet ros super terram, & non relinquemus de viris qui cum eo sunt, ne vnum quidem. Quod si urbem aliquam fuerit ingressus, circumdabit omnis Israël ciuitati illi funes, & trahemus eam in torrentem, ut non reperiatur ne calculus quidem ex ea. Dixitque Absalom & omnes viri Israël. Melius est consilium Chusai Arachita consilio Achitophel. In quo tamen vel ipsius Scripturæ testimonio falsi sunt, ex qua discimus offusas à Domino fuisse tenebras consiliariorum illorum mentibus, ne quàm utile Achitophelis consilium esset, possent agnoscere, ait enim. Domini nutu dissipatum est consilium Achitophel*

tophel utile, ut induceret Dominus super Absalon malum. Itaque in viro etiam probo, qualis erat Chusai, apparet quàm periculosa res sit, consilium ab eo petere qui priuatis affectibus ducitur, aut qui si aliquod à Principe ineatur consilium, veretur ne rerum suarum incrementum intercipiatur, aut etiam damnum aliquod incurrat. Hoc enim hominum genus nihil non agit, seque in omnem versat partem, ut ea quæ sibi vtilia esse intelligit, quasi bono publico opportuna consilia Princeps amplectatur, semperque eò dirigit aciem mentis, ut honorem suum, rem familiarem, potentiàmque in aula amplificet, illaque omni nisu amoliat, quæ aliqua ratione nocitura videantur. In Regis Assueri aula fuerat Aman ad magna & honorata ministeria Regio fauore productus, itaque in omnem occasionem potentiæ huius augendæ intentus, cum quæsiisset ab eo Assuerus, quam ratione ille esset honorandus, quem Rex honorare decreuisset, ille putans se potissimum, qui gratiosissimus esset Principi, nouis istis honoribus admouendum, cum clarissimi triumphi spem animo præsumpsisset, ita respondit; *Homo quem Rex honorare cupit, debet indui vestibus Regis, & imponi super equum, qui de sella Regis est, & accipere regium diadema super caput suum, & primus de Regis Principibus ac Tyrannis teveat equum eius, & per plateam ciuitatis incedens clamet & dicat; sic honorabitur quemcumque volueris Rex honorare.* Quod si triumphum illum Mardochæo, cui erat infensus parari sensisset, aliam planè instituisset orationem, ac fortè quod aulicis familiare est, Assuero fuisset auctor, quasi Mardochæi crescentis magnitudini faucret, ut eum ad aliquam gubernandam

Ester 6.

7.

dam prouinciam destinaret, non eo consilio, ut creditæ illius fidei gubernatio virtutis & Regiæ beneuolentiæ testimonium esset, sed ut eum longius submoueret, quem suis luminibus officere animaduerteteret: *Multi pacifici sint tibi*, inquit Ec- Eccles. 6.
clesiasticus, & consiliarius sit tibi unus de mille, si 6.
possides amicum in tentatione posside eum, & ne facile credas ei. Est enim amicus secundum tempus suum, &
non permanebit in die tribulationis, & contra est ami-
cus qui conuertitur ad inimicitiam, & est amicus, qui
odium & rixam & conuitia denudabit. Est autem ami-
cus socius mensa, & non permanebit in die necessitatis.
 Cuius moniti sententia ea est, paucos admodum esse fideles amicos, qui sincero animo consilium dent postulantibus, ac proinde maximè attentum debere esse eum, qui ab amico consilium petit, ne fortè is cui se credit cum postulat consilium, spe aliqua, aut timore instinctus sibi potius quàm illi consulat. Prudentium est ista laus, & eorum, qui longo rerum usu docti sunt, hi enim facilè, quò consilium dantes spectent deprehendunt: nam, *Quomodo in aquis resplendent vultus prospici-* Prou. 27.
entium, sic corda hominum manifesta sunt prudentibus. 19.
 Hanc ego solertiàm in Rege Iuda Iosaphat requiro, qui Achab Israël's Regis suadenti ut prælium quod imminebat, cultu regio amictus ini-
 ret: id sibi passus est persuaderi, cùm tamen ipse Achab dissimulato Regis habitu, sub priuati cuiuspiam militis armis latuisset; quod sanè consilium veleo nomine suspectum illi esse oportuit, quòd qui Regij cultus retinendi auctor erat, ipse mentito habitu prælium est ingressus. Itaque proximè abfuit Iosaphat à periculo, Achabi consilio, in extremum discrimen adductus, nisi voci-
 ferando

736 *Institutio politica ex sacris Scripturis.*

ferando sibi consulisset, illique intellexissent
 eum non esse Regem Israël, quem Syriæ Regis
 3.Reg. 22. arma potissimum petebant ad necem. *Rex autem,*
 31. *Syria, ut dicitur in Regum historia, praeceperat*
Principibus currum triginta duobus dicens. Non pu-
gnabitis contra maiorem & minorem quempiam, nisi
contra Regem Israël solum. Cum ergo vidissent Princi-
pes currum Iosaphat, suspicari sunt, quod ipse esset Rex
Israël, & imperu facto pugnabant contra eum, & ex-
clamavit Iosaphat, intellexeruntque Principes currum,
quod non esset Rex Israël, & cessauerunt ab eo. Quod
 si etiam ab amicis cauendum est, cum petimus
 consilium, quid de iis erit sentiendum, quos of-
 fendimus aliquando, aut à quibus ipsi offensi su-
 mus? sanè multò magis horum fidem suspectam
 esse conuenit, ne fortè tempore soporatus dolor
 noua se se aperiente nocendi via recrudescat, &
 in caput innocentis, etiamsi nulla recens offen-
 sio extiterit, odij virus effundatur. Exemplo est
 Zebul, qui Gaal infensus eum decipere conatus
 est; nam cum procul venientium hostium glo-
 bos Gaal intueretur, remque cum Zebul commu-
 nicaret, hic suspicionem hostilium agminum ad-
 uenientium eximere conatus est, ne si periculum
 imminens animaduerneret, sibi suisque consule-
 ret. Cum vidisset populum Gaal, dixit ad Zebul. *Ecce*
de montibus multitudo descendit: cui illa respondit, um-
bras montium vides, quasi capita hominum, & hoc erro-
re deciperis. Illud etiam addiderim consanguineo-
 rum ipsorum, qui nos amant, beneque nobis vo-
 lunt, & rebus nostris aduersis tanquam ad se spe-
 ctantibus tanguntur, in consiliis dandis suspe-
 ctam fidem esse posse, cum etiam ipsi immodicis
 animi perturbationibus agitari possint, spe, me-
 tu,

ru, inuidia, aliisque huiusmodi motibus, quibus cum cietur animus, vel quid facto opus sit non videt, vel si quod verum est videt, amico inuidet vt sibi commodet, suisque perturbationibus obsequatur. Magnus erat Ioab apud David auunculum suum, eamque magnitudinem sibi ingentibus promeritis, bellica virtute, multisque in rebus explorata in Regem fide parauerat: cum tamen Abner, Isboetho regiæ Saulis domus stirpi, quem pleræque Israëlitis tribus Regem sequebantur, infensus, ad David trāsire statuisset, & cum ipso Dauide fœdus pepigisset, veritus Ioab ne plus gratia apud Dauidem Abner posset, quàm ipse maluisset (erat enim Abner vir strenuus, & maximæ apud Israëlitas auctoritatis) eum omni qua fieri posset ratione amoliri statuit, & ab Regis latere tantum virum abstrahere, qui si Regi adesset, iam ipse non tanto apud Dauidem esset in pretio. Itaque illum apud Regem calumniari aggressus est, & in inuidiam vocare, quasi non bona fide transfugisset ad Dauidem, sed eo consilio se se illi adiunxisset, vt exploratis eius consiliis eum tandem Isboetho, cui ad eum diem seruierat, facilius proderet. *Et ingressus est Ioab ad Regem, & ait: Quid fecisti? Ecce venit Abner ad te, quare dimisisti eum, & abiit, & recessit? Ignoras Abner filium Ner, quoniam ad hoc venit ad te, vt deciperet te, & sciret exitum tuum, & introitum tuum, & nosset omnia que agis?* Sed cum fortè non persuaderet, tandem gliscens inuidia eò erupit, vt virum innocentem, & nihil tale suspicantem, interimeret: quanquam alia etiam intercedebat offensio propter Alaelem Ioabi fratrem, quem Abner se cum fugeret insequentem hasta transfixerat. Mi-

738 *Institutio politica ex sacris Scripturis.*

nus itaque miror Sapientis in Ecclesiastico consilium, qui cum prius valde omnibus commendasset, ut in rebus ambiguis amicos consulerent, *Eccles. 32.* ait enim. *Fili, sine consilio nihil facias, & post factum 24. non poenitebis, in via ruina non eas, & non offendes in lapides, nec credas te via laboriosa, ne ponas anima tua scandalum.* Statim subdit, & à filiis tuis caue, & à domesticis tuis attende. Quamvis enim laudabilem putem eorum Principum consuetudinem, qui filios aut nepotes rebus administrandis præficiunt potius quam alios, quibus non ita cordi futura speratur Principis amplitudo, cum ei tantæ necessitudinis benevolentiaque foedere coniuncti non sint; modus tamen quidam, meo iudicio, adhibendus est, ut scilicet Princeps bene exploratis, & quantum fieri potest cognitis eorum affectibus, sic cum illis quæ gerenda sunt communice, illorumque utatur opera, ut tamen æstu perturbationum, quibus fortè commouentur, iræ, spei, timoris, ambitionis, diuitiarumque amplificandarum cupiditatis, non abripiatur, aut deflectat à recto virtutis cursu, dumque illis gratificari studet, ipse ad vadosa loca, scopulosque deferatur. Quare quod Ionathas de parente suo Saul prædicat cum ait. *Neque enim faciet pater meus quidquam grande vel paruum, nisi prius indicauerit mihi.* Sanè in viro Principe non probauerim, cum sæpe tempora incidere possint in quibus rationi consentaneum sit, arcanum aliquod nepoti aut filio non patere, ne fortè inde Reipublicæ incommodandi occasionem arripiant, dum se & sua, qua bonis actibus, qua fraudibus & dolo, qua innocentium damno & iniuria promovere student. Inter affectus autem potissimum in
huius

huiusmodi hominibus dominari video, diuitiarum censuūque amplificandorum immodicam cupiditatem, quæ cupiditas Apostolo teste, *Radix est omnium malorum*, nominatimque in consiliario cauenda, nam *qui querit locupleari, auertit oculum suum*, & à scopo in quem intendere suasque omnes actiones dirigere debuisset, aliò auertit oculum, quò scilicet cum rapiunt fulgor auri, diuitiarumque illecebræ, quibus captus ita sua accommodat consilia, vt præ diuitiis honestatem spernat, tenuēque aliquod emolumentum, ipsa virtute, qua nihil pulchrius esse potest, antiquius ducat. Quare Ecclesiasticus cum consilium capimus, abiis cauendum monet, qui vehementi aliquo ducuntur affectu, quo impediti minus perspicere possunt quid fugiendum sit, quid amplectendum, veratque cum pauido de bello, cum Religionis contemptore de diuino numine colendo, cum liuidis de gratiis alicui agendis agitare consilia, quæ omnia, aliāque ita ab Ecclesiastico lapidè efferuntur per ironiam. *Cum viro irreligioso tracta de sanctitate, & cum iniusto de iustitia, & cum muliere, de ea qua emulatur, cum timido de bello, cum negotiatore de traiectione, cum emptore de venditione, cum viro liuido de gratiis agendis, cum impio de pietate, cum inhonesto de honestate, cum operario agrario de omni opere, cum operario annuali de consummatione anni, cum seruo pigro de multa operatione. Non attendas his in omni consilio.* Et quidem meritò. Nam, vt quisque affectus est, ita ferè iudicat, sententiāque exquirenti, de rebus ita pronuntiat, vt ipse sentit. Itaque Ionadab homo impurus Ammonis consilia expedit in scelere, cum sorore Thamar, quam deperibat perpetrando. Contrà

1. Tim. 6.

10.
Eccles. 17.

1.

Eccles. 37.

12.

2. Reg. 13.

5.

740 *Institutio politica ex sacris Scripturis.*

- Genes. 13. 7. Loth castus & sanctus, ciues suos quantum poterat, à damnato illo concubitu arcere conabatur. Rursus liberalis & largus ipse *Miseretur & commodat*, & aliis vt idem faciant auctor est, vt
2. Esdræ 5. 20. bonus ille Nehemias faciebat, cuius est illa oratio ad ciues suos. *Ei ego, & fratres mei, & pueri mei commodauimus plurimam pecuniam, & frumentum, non repetamus in commune istud, as alienum concedamus, quod debetur nobis. Reddite eis hodie agros suos, & vineas suas, & oliueta sua, & domos suas, quin potius & centesimam pecunia, frumenti, vini, & olei, quam exigere soleis ab eis, date pro illis.* Contrà Giezi si ipsum Elisæus consulisset, accipiendumne videretur à Naaman Syro viro opulento, talentum vnum aut alterum, quo suam ipsi facilius tolerarent paupertatem, præsertim cum ipse liberaliter admodum offerret, imò vim faceret, sanè censuisset, viri Principis liberalitatem repudiandam non esse, ne fortè parum urbanus, propositique sui nimium tenax videretur, contra quam Elisæus vir sanctus iudicabat, qui vrgenti Syro respondit. *Viuat Dominus ante quem sto, quia non accipiam.* Itaque audiendus Ecclesiasticus, cuius illa vox est.
- Ecclesi. 8. 20. *Cum farnis consilium non habeas, non enim poterunt diligere, nisi quæ eis placent.*

9 Sed transeamus ad libertatem, in sententia dicenda, quam vereor ne Principes oderint in consiliariis suis, quorum spiritu multiplici offenduntur, vehementi scilicet, & acri liberâque oratione, vt Baldad ille Suhites apud Iob: ea enim conditio est veritatis, vt odium inuidiamque conciliet. Expertus est Achior, qui cum de Israëlitarum populo verè dixisset Holoferni pugnare pro illo cæleste Numen, nec fieri posse vt ab exercitu Assyrio

Consiliariis in sententia dicenda liberum esse debere.

Iob 8. 2.

Iudith 5.

5.

Assyriorum vinceretur, si propitium Dominum habuissent, quasi violata esset Regis sui maiestas, superbus Imperator excanduit, & ad hostes Achior transire compulit, quæ illi res fuit maxime salutaris; nam qui cum Assyriis periisset eadem inuolutas clade, cum Hebræis incolumitatem est consecutus. Æquum igitur est, ut Princeps nanciscendæ veritatis cupidus, consiliariis suis tribuat facultatem liberè proloquendi, nec factis aut verbis, aut nutu, cuiusquam sententia se offensum ostendat, nisi velit veritatis, quam summoperè adamare debet, facere iacturam: plerique enim hominum adeò sunt imbecilles, ut minimam etiam Principis offensionem plurimum reformident, ac propterea cum consulunt, ut sibi caueant, *Dicunt malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum.* ex quo plurima in Rempublicam incommoda redundare consueverunt. Illud tamen monendi sunt consiliarij, ut illius memores sint reuerentiæ, qua Principem suum prosequi par est eum, qui priuatus est, ne libertas in licentiam transeat, dumque sententia aliqua, quæ fortasse Principi placuit, damnatur aut rationibus allatis confutatur, carpatur ipse Princeps linguam in eum vibrando, quem pro ratione dignitatis, & muneris quod sustinet, venerari magis oportuisset, fertauit hoc Achior, de quo nunc dicebamus, cuius est illud procœmium orationis, quam habuit ad Holofernem. *Si digneris audire Domine mi, dicam veritatem de populo isto in conspectu tuo, qui in montanis habitat, & non egredietur verbum falsum ex ore meo.* Et Samuel, qui Saulem ita alloquitur. *Sine me, & in-*

Isa. 5. 20.

Iudith. 5.

1. Reg. 15.
16.

742 *Institutio politica ex sacris Scripturis.*

- dicabo tibi, quæ locutus sit Dominus ad me nocte.* Et Eliphas Themanites non dissimili industria putavit sibi auditorem præparandum, ne iis forrasse offenderetur quæ dicturus erat. Ita enim legimus
- Iob 4.1. *Respondens autem Eliphaz Themanites dixit: Si caperimus loqui tibi, forsitan molestè accipies. Quasi dicat: Si ea quæ hæctenus à te disputata sunt oppugnando refutauerimus, faciemus fortasse tibi rem parum gratam, si quod plerisque Principibus accidit, ita volueris omnia tua verba excipi, ut illis nequeat contradici. Sed dabis nobis hanc veniam, ut amici, amicè contra amicum, non euertendæ, sed potius eruendæ veritatis studio disseramus. Huc enim facit Salomonis præceptum in Prouerbiis cum ait: Vir*
- Prou. 11. 28. *obediens loquetur victorias.* Septuaginta ἀνὴρ ὑπακούων λαλήσει, *vir obediens, qui scilicet subditus est, cautè loquetur.* Sed sunt aliqui ab ipsa natura, quam ipsi ratione non moderantur, ita facti, ut paulò etiam quàm par esset concitatus in ipsos Principes inuehantur ipsis audientibus, sibi quæ malum aliquod impudentia accersant, quam tamen ipsi libertatem indignant. Talis mihi semper visus est Ioab Davidis patruelis & consiliarius, qui licet sui Principis incolumitati, & amplitudini studeret, acrius tamen & vehementius illum allocutus est, quàm par fuisset, cum David nece Absalonis nimium quantum dolens
2. Reg. 19. 5. *æterno luctu squalorè quæ contabesceret. Ingressus ergo Ioab ad Regem, inquit Scriptura, in domum dixit. Confudisti hodie vultus omnium seruorum tuorum, qui saluam fecerunt animam tuam, & animam filiorum tuorum, & filiarum tuarum, & animam uxorum tuarum, & animam concubinarum tuarum. Dile-*
- gis*

gis odientes te, & odio habes diligentes te, & ostendisti hodie, quia non curas de ducibus tuis, & de servis tuis, & verè cognovi modò, quia si Absalom viveret, & omnes nos occubuissemus, tunc placeret tibi. Nunc igitur surge; & procede, & alloquens satisfac servis tuis, iuro enim tibi per Dominum, quod si non exieris, ne unus quidem remansurus sit tecum nocte hac, & peius hoc erit tibi, quàm omnia mala, qua venerunt super te ab adolescentia tua, usque in presens. Hæc Ioab: cuius oratio asperior est, quàm ut ea, Rex tanto mœrore confectus compellendus esset, cum præsertim mendaciis passim aspersa sit, ut enim Absalonem diligeret David, eumque optaret superstitem, incolumemque, non tamen servos suos aut Duces clade illa contritos cupiebat, quod invidiosè Davidi Ioab affingit. Itaque animi ardore plus iusto prouectus Ioab in ea erupit verba, quibus stomachum suum effunderet, & Regem adeo perstringeret, ut quod ipse suadebat non facere non auderet. Sed eorum consiliariorum libertas propius recedit à culpa, imò dixerim ab insania, qui quàmvis se nihil profuturos intelligant, adèd tamen linguæ furunt intemperantia, ut quæ mente conceperunt, quidquid tandem accidat, eloqui non vereantur. Nam conceptus sermo factus est in

Ierem. 10.

corde eorum, quasi ignis exarsuans, claususque in ossibus, & deficienti ferre non sustinentes, cum Eliphaz Themanithe clamantes: Conceptum sermonem tenere

Iob 4. 2.

quis poterit? Eliu Buzithi per similes, qui de se ipso ita loquebatur: Plenus sum sermonibus, & coarctat

Iob 32. 18.

me spiritus uteri mei. En venter meus quasi mustum absque spiraculo, quod lagunculâ novâ disrumpit: loquar & respirabo paululum, aperiam labia mea, & respondebo. Huiusmodi homines merito fatuos

744 *Institutio politica ex sacris Scripturis.*

Ecclef. 19. vocat Ecclesiasticus cum ait. *A facie verbi parturit*
 11. *fatuus tanquam gemitus parvus infantis. Sagitta infixæ*

fœmori carnis, vel vt alia habet lectio, *canis, sic verbum in corde stultis*. Quorum verborum hæc est sententia. Quemadmodum mulieres vterum gestantes, cum tempus aduenit partus enitendi, maximis tentantur doloribus, nec prius leuationem aliquam ab illis cruciatibus sentiunt, quàm ediderint fœtum; ac rursus quemadmodum si canis fœmori sagitta altè infigatur, sensum maximum doloris facit, & latratum ac vociferationem, vel ab inuito exprimit: ita stulti aliqui conceptum sermonem intra septum dentium continere non possunt, sibi que bene nunquam futurum putant nisi quod sentiunt effuderint, parum interim curantes, si importuna ista loquacitate sibi damnum aliquod quantumuis grande concilient.

Consiliarium sua sententia non nimis adhaerere debere.

10 Illud etiam cauendum censeo in consiliario, ne suæ sententiæ nimium adhæreat, alios præ se contemnens, quasi nihil ipsi videant, nec alia rei bene gerendæ ratio quàm ea, quæ ipsi placuit, iniri possit. Ab ipsa quidem natura hominibus insitum est, vt sententias quas dixerint quasi partus suos exosculentur, & diligant, quod

Prou. 15. docet Sapiens cum ait. *Latatur homo in sententia*
 23. *oris sui*, vel vt habent Hebræa ad verbum. *Gaudium*

Ecclef. 37. *est viro in responsione oris sui*. Et Ecclesiasticus, *Om-*
 8. *nis*, inquit, *consiliarius prodit consilium*. Græcus contextus habet *ἐξάσπει*, hoc est *exollit*, quia nimirum

sententiam suam, tanquam aliis anteponendam laudare consuevit, non tamen propterea sibi placere debent, vt alios omnes bardos, aut fatuos putent, sed credere, sibi que persuadere, alios etiam sapere, & si frequentes in aliam sententiam iuerint,

iuerint, eam potius sequendam esse, nec temerè de illis, tanquam de hominibus tardis, imbecillique consilij pronuntiare. Talis mihi videri solet Caiphas ille Pontifex, qui in Concilio quod collegerunt Pontifices & Pharisei, vt quomodo Christum, cuius fama in dies magis augebatur, opprimerent, ita collegas suos, & symmystas alloquitur: *Vos nescitis quidquam & cogitatis.* Cum Io. 11. 49. huiusmodi ergo hominibus, docet Ecclesiasticus, ne consilia ineamus, eosque fatuos appellare non dubitat. *Cum fatuis, inquit, consilium non habeas:* vt Eccl. 8. 20. verò intelligamus quòdnam genus hominum hoc sit, quos dicit fatuos, subdit, *Non enim poterunt diligere, nisi qua eis placent.* Cùmque aliorum inuenta non probent, ad rixas, & contentiones procliuues sunt (nam *inter superbos semper sunt iurgia*) & Prou. 13. cum alios audiunt, sese continere non possunt, 10. quin signo aliquo sibi sententiam illam displicere prodant, in quo rursus stultos se esse ostendunt, si sapienti credimus dicenti; *Impatiens operabitur stultitiam.* tò *Impatiens* in Hebræo est, *Breuis irarum*, is nimirum, qui facilè iram concipit; quem Græci *ὀξύχολον* vocant, vel *ὀξύθυμον*. Itaque multò sapientius amici illi Iob, atque ideo imitandi, qui licet acriter cum Iob disceptando congrederentur, ita tamen loquendi & tacendi tempora inter se partiebantur, vt vno disserente silent alij, & rursus, cum is qui tacuerat, dicere erat exorsus, reliqui fauerent linguis, & secundis auribus orationem eius ad finem vsque prosequerentur.

11 Nec minus requiritur, imò fortasse magis, fidelitas, vt nimirum quæ illius fidei committuntur arcana, quasi Principis depositum in imo pe-

*Cōsiliariū
fidelem esse
debere ar-
canorū cu-
stodiam.*

746 *Institutio politica ex sacris Scripturis.*

ctore custodire, resque auditas silentio premere sciat, adeò vt non modò rem ipsam eloquatur, sed ne signis quidem aut indiciis præbeat occasionem suspicandi, iis qui sagaciter omnia odorantur, vt ad consiliorum cubilia penetrare possint. Itaque fidelis amicus miris à Sapiente laudibus extollitur in Ecclesiastico, cum ait: *Amicus*

Ecclef. 6.

14.

fidelis protectio fortis, qui autem inuenit illum, inuenit thesaurum. Amico fideli nulla est comparatio, & non est digna ponderatio auri & argenti, contra bonitatem fidei illius. Amicus fidelis medicamentum vite, & immortalitatis, & qui metuunt Dominum, inuenient illum. Cum huiusmodi ergo amico communicanda consilia, non cum iis, qui instar dolij multis rimis fatiscèntis, ea quæ infunduntur continere non possunt. *Cum fatuus* (inquit Ecclesiasticus loco paulò supra indicato) *consilium non habeas, non enim poterunt diligere, nisi quæ eis placent.* Græcus non *σεῖξαι* legit, vt legisse videtur vulgatæ editionis author, sed *σεῖξαι*, quod est *tegere, continere*, & sensus est. Ne communices cum stultis consilia, qui quæ ab amicis audiuerunt, fideli pectore condita asseruare non nouerunt, sed illa temerè effutiunt, & in vulgus emanare sinunt, quæ nemini fuissent aperienda. Itaque quemadmodum sacrorum mysteria non initiatis vulganda non sunt, ne fortè *Pro-*

Ecclef. 8.

20.

ijciantur margarita ante porcos, qui eas negligant, pretium illatum ignorantes, imò despiciant & conculcent; ita credita arcana continere nescientes, tanquam minimè initiati, & prophani, ab aditis consultationum arcendi sunt. Hinc scriptor historiæ Indith consilium, quod Rex Assyriorum Nabuchodonosor conuocauit, mysterium appellauit, ad commendandam nimirum taciturnitatis

Matt. 7.6.

nitatis

nitatis huius virtutem, quæ consiliarium virum maximè decet. *Vocauitq;*, inquit, omnes maiores nationum, omnesq; duces, & bellatores suos, & habuit cum eis mysterium consilij sui. Meritò autem Rex Syriæ molestissimè tulit sua hostibus patere consilia, quod tamen nullius Regij consiliarij vitio eueniebat, sed Deo Prophetæ Elisæo rem patefaciente, quod cum Rex ille nesciret, seque & arcana sua hostibus prodita existimaret, perfidiam sibi noxiam sustinere non valens. *Conturbatum est*, inquit, cor Regis Syriæ pro hac re, & conuocatis seruis suis ait: *Quare non indicatis mihi quis proditor mei sit apud Regem Israel? Dixitq; vnus seruorum eius. Nequaquam Domine mi Rex, sed Elisæus Propheta, qui est in Israel, indicat Regi Israel omnia verba quacumque locutus fueris in conclauis tuo.* Quo audito Syrus omnes suas curas eò intendit, vt Elisæum in suam redigeret potestatem, satis intelligens nulla sua consilia eum quem optabat exitum nancisci posse, donec aliquis esset qui ea Israelitis patefaceret. Si ergo arcana tua iis dumtaxat consiliariis, qui ea silentio tegere nouerunt patefacis, non prudenter tantum facis, sed hostibus, aliisque, qui tuæ inuidet magnitudini, tibi nocendi ansam eripis, quemadmodum qui in aduersariorum arcana se penetrare possunt, magnum nanciscuntur telum, quo eorum res labefactent & euertant. Sic David cum fuga se subduceret, ne in filij Absalonis manus perueniret, obuiumque habuisset Chusai Arachitem, veterem, fidumque consiliarium suum, se sequi volentem non sustinuit, sed Absalonem sequi iussit, vt eius beneficio, quid in consultationibus Absalonis ageretur cognoscere posset, eiusque consilia aut maturè præuenire, aut aliqua ratione posset.

748 *Institutio politica ex sacris Scripturis.*

1. Reg. 15. 34. Absalon, perficere posset. Dixit ergo ei David. Si veneris mecum, eris mihi oneri, si autem in civitatem reuertaris, & dixeris Absalon: Servus tuus sum, Rex, sicut fui servus Patris tui, sic ero servus tuus, dissipabis consilium Achitophel. Habes autem tecum Sadoch, & Abiathar sacerdotes, & omne verbum quodcumque audieris de domo Regis indicabis Sadoch & Abiathar sacerdotibus: sunt autem cum eis duo filij eorum Achimaas filius Sadoch, & Ionathas filius Abiathar, & mitteis per eos ad me omne verbum, quod audieritis. Quod ut dixit, planè successit; nam per hosce adolescentes, cognitis David Absalonis consiliis, sibi suisque commodissima ratione prospexit.

12. *Consiliarii experientia, & rerum usus,* qui in viro consiliario, vel imprimis requiritur, altissima enim eorum est prudentia, præsentissimumque in rebus implicatis consilium, qui variis rebus iactati, & in iis negotiis, de quibus consultatur, diu multumque versari sunt. Itaque si de bello suscipiendo deliberetur, non rogatulus aliquis consulendus est, qui numquam castra viderit; aut agricolæ, qui ut in colendis agris, aut in rebus urbanis versari sint, tamen cum de bello agitur, quid sit aciem instruere, dirigere frontem, cornua exercitus promouere, quid cunei sint, legiones, aut phalanges, ne de nomine quidem satis norunt. *Qua sapientia,* inquit Ecclesiasticus, repletur qui tenet aratrum, & qui gloriatur in saculo (quo scilicet boum arantium latera fodiuntur, & instar iaculi habet, cum sit hastile quodam stimulo præfixum & armatum, quod Græcus textus ὄψο χέντρον dixit. hoc est, *hastile stimuli.*) Stimulo hunc agitat, & conuersatur in operibus eorum, & enarratio eius in

in filijs taurorum. Cor suum dabit ad versandos sulcos,
 & vigilia eius in sagina vaccarum. Sic omnis faber
 & architectus, qui noctem tanquam diem transigit, qui
 sculpsit signacula sculptilia (Græcè γλυμματὰ σφραγίδων
 cœlaturas signaculorū, vel sigillorum) & assidui-
 tas eius variat picturam. Multus scilicet est in no-
 uis excogitandis inuentis, & alio, atque alio mo-
 do metallā, quæ tractat efformandi & effingendi,
 hoc enim est, quod habemus in Græco ἀλλοιώσει
 ποιικιλίαν, Cor suum dabit in similitudinem pictura, &
 vigilia sua perficiet opus; sic faber ferrarius sedens iux-
 ta incudem, & considerans opus ferri, vapor ignis uret
 carnes eius, & in calore fornacis concertatur. Cum æstu,
 qui ex camini vicinitate existit conflictans quo-
 dammodo & pugnans. Vox mallei innouat aurem
 eius, dum nouis subinde tusionibus ferrum subi-
 gitur, Et contra similitudinem vasis oculus eius, in
 exemplar quod opere suo conatur exprimere
 frequenter aspiciens. Cor suum dabit in consumma-
 tionem operum, & vigilia sua ornabit imperfectionem:
 nam vigilans & frequenter manum operi admo-
 uens, tandem opus omni ex parte absolutissimum
 reddit. Sic figulus sedens ad opus suum, conuertens pe-
 dibus suis rotam, qui in solitudine positus est semper
 propter opus suum, & in numero est omnis operatio eius.
 Tantum enim materiæ præparat, quanta sufficere
 possit, ad cum vasorum numerum effingendum,
 quem apud se statuit efformare. In brachio suo for-
 mabit luto, & ante pedes suos curuabit virtutem suam,
 vires scilicet suas exercendo in subigenda ex ar-
 tis præscripto luto illa materia; Cor suum dabit, ut
 consummet linitionem, extremam scilicet vasi ma-
 num adhibendo, & luto crustam ex alia materia
 inducendo, quæ excocto ritè vasi nitorem concil-
 liet,

liet, & splendorem, & *vigilia sua mundabit fornacem*: opere nimirum expleto, ut vasa iam formata ignis vapore durentur. *Omnes hi in manibus suis sperauerunt, & unusquisque in arte sua sapiens est*; nam & agricola de subigenda terra, & malleator de ducendis ex metallo vasis aut statuis, & figulus de luteis vasis effingendis bene disputat. Imò eorum opera ciuitatibus adeò sunt necessaria, ut sine huiusmodi mechanicarum artium fabris & artificibus cœtus vlli aut ciuitates consistere non possint; *Itaque sine his omnibus non edificatur ciuitas, & non inhabitabunt, nec inambulabunt homines in eis.* Quod si de muneribus agitur publicis, deque Republica tractanda in Ecclesiam non transilient, siue legamus in Græco *ὑπεκαλῶν*, siue vna detracta litterula *ὑπεκαλῶν* eodem semper sententia recidit; nam sensus erit, in Ecclesiæ cætibus, hi dignitatum titulis non fulgebunt, neque priuatæ fortunæ fines transilient. *Super sellam iudicis non sedebunt, & testamentum iudicij non intelligent, neque palam facient disciplinam, & iudicium, & in parabolis non inuenientur.* Ita Ecclesiasticus. Ex quo intelligitur quanta eorum sit temeritas, qui ad ea manus admouere non dubitant, quæ tractare nesciunt, aut de iis respondent, quæ numquam didicerunt, cuiusmodi fuisse videtur Sedecias ille, qui cum Propheta non esset, nec Prophetæ filius Iosaphat & Achab gentis Hebrææ Reges ad bellum inuitabat, victoriæque certam spem, quam tamen præstare non poterat, faciebat. *Fecit quoque*, inquit scriptura, *sibi Sedecias filius Chanaam cornua ferrea, & ait. Hæc dicit Dominus. His ventilabis Syriam donec deleas eam*, cum tamen secus eueniret: nam in eo prælio, quod Prophetæ huius instin-

instinctu commissum est, adeò victoria ab Israelitis non stetit, ut alter ex illis sagitta in incertum emissa confossus, extinctus sit. Cur autem aliquando apud Principes aliqui temerè de rebus, quæ ignorant pronuntient, ea causa esse potest, quod eos pudeat fateri se id ignorare, de quo interrogantur à Principe, quasi aliquid de eorum existimatione pereat si de omnibus rebus, quarum etiam usum non habent, etiam in promptu sententiam dicere non possint, contra quam monet Ecclesiasticus, cum ait: *Penes Reges noli velle videri sapiens.* Et Salomon. *Ne gloriosus appareas coram Rege.* Fieri enim potest, ut si interrogationibus urgearis à Principe, tua tandem insipientia prodatur, aut etiam grauem aliquam animæ labem contrahas, si temerè de rebus agendis pronuntiaueris, cum tamen utpote talium rerum ignarus, & rudis, non satis perspectum habeas, quid expediat.

13 Huc tandem faciunt alia monita quæ ad prudentiam spectant, de quibus supra libro 2. disputatum est, cum de Principis virtutibus dissereremus, quæ ibi videri poterunt.

De Principis Administris, & monita quedam ad ipsos pertinentia.

C A P V T III.

DE Principum Administris, minoribusque Magistratibus eligendis, nonnulla superiore

De Administrorum Principis astate, quædam.

riore libro dicta sunt, cum de illa iustitiæ parte, quæ in distributionibus versatur, disputaremus: nunc quod restat paucula quædam attexenda sunt, ne rem magni momenti, & in quo potissimum versatur Reipubl. salus, paucis contenti, penè taciti prætereamus. Ac primò quidem in eis deligendis magno studio elaborandum est, curandūque ut ij à Principibus ad publica munia adhibeantur, qui iis notis fuerint insignes, quæ publico magistratui præfectum, muneri illi gerendo idoneum esse demonstrant; eæ fermè sunt quæ superiore capite, in quo de consiliariis discevimus, allatæ sunt; illud fortassè discrimen possit intercedere, quod cùm consiliis dandis aptiores esse dixerimus eos, qui ætate iam prouectiores sunt, rebus ipsis gerendis, quod ministrorum est virilis ætas, in qua plus inest non solum roboris in membris, sed etiam vigoris in animo, meritò accommodatior videri potest. Hoc consilio bonus Mathathias in duos filios rerum summam ita partitus est, ut ætate prouectior, consilioque melior Simon tanquam pater cæteros dirigeret. Iudas verò quem melior sanguis ætate in rebus bellicis manūque promptum reddebat, rem bellicam administraret. *Et ecce, inquit, Mathathias Simon frater vester, scio quod vir consilij est, ipsum audite semper, & ipse erit vobis pater, & Iudas Machabæus fortis viribus à iuuentute sua, sit vobis Princeps militum, & ipseaget bellum populi.* Huiusmodi rerum administratos strenuos scilicet & in rebus agendis expeditos, maximè probauit Salomon, cum ait: *Vidisti virum velocem in opere suo? coram regibus stabis, nec erit ante ignobiles,* sua nimirum dexteritate, & virtute eum adeò promouente, ut apud ipsos Principes

1. Mach. 2.
65.

Prou. 22.
29.

pes graciosus sit, illisque charus in primis. Quare apud eundem Salomonem legimus. *Acceptus est* Prou. 14.
Regi minister intelligens, iracundiam eius inutilis sustinebit. 35.

2 Exutis ergo omnibus si fieri potest animi perturbationibus, consideratè admodum eligat Princeps ad magistratus eos, quos vitæ probitas, & integritas, prudentia etiam & rerum publicarum experientia commendauerit, Apostolorum Ecclesiæ capitum exemplum imitatus, qui Diaconos per populum electuri, quibus, ut vox ipsa sonat, ministris vterentur in subleuandis Ecclesiæ necessitatibus ad victum, aliâque huiusmodi pertinentibus, quæ si ipsi per se curate vellent, à conacionandi, Christianâque legem docendi munere auocarentur, populo persuaserunt, ut septem viros eligerent diligenti prius attentâque cogitatione præmissa, quos illi ministerio meritò præficiendos existimarent. *Considerate ergo fratres, inquit, viros ex vobis boni testimonij septem, plenos Spiritu sancto, & sapientia quos constituamus super hoc opus.* Quasi dicerent. Non facilè debetis cuique in hac electione suffragari: rem apud vos taciti prius diligenter considerate, triâque in iis, qui eligendi sunt, potissimum desiderari animaduertite: ut excellenti virtute præditi sint, ut sapientia & prudentia insigniter ornat, tandem ut secunda apud omnes fama vixerint, opinionèque sanctitatis. Huiusmodi homines cum nacti fueritis, eos putate idoneos, qui Ecclesiæ pecunias tractent, fideliumque necessitatibus, ea qua par est integritate prospiciant. Hinc S. Paulus dotes hisce consentaneas in Diaconis requirit, quos Timotheus Episcopus electurus erat. *Diaconos, inquit,* 1. Tim. 3.
 10.

Quam cōsideratè ministri eligendi, & de aliquibus conditionibus, qua in illis spectanda sunt.

Act. 6.3.

similiter pudicos non bilingues, non multo vino deditos, non turpe lucrum sectantes, habentes magisterium fidei in conscientia pura. Et hi autem probentur primum: & sic ministrent, nullum crimen habentes. Græc. ἀνίσκην-
τος, hoc est, quibus propter vitam sanctè & inculpatè gestam, nullus audeat crimen ullum impingere. Quanquam verò ista dicantur de Diaconis Ecclesiæ, rerumque Ecclesiasticarum ministris, nihilominus ad Reipubl. magistratus commodè transferri possunt, quorum præcipua laus est, ut ab omni turpi lucro abhorrentes, ita sapienter se in suo munere gerant, ut populi obtreccionibus nullum lotum relinquant. Illud tandem addam suspectos illos Principi esse debere, qui cum se aliqua offert occasio Magistratus alicuius aut Præfecturæ, quæ alicui demandanda sit, non tantum operam suam deferunt, dicentes cum Propheta, sed spiritu longè diuerso, *Ecce ego, mitte me*, sed eos omnes adhibent, quos apud Principem gratiosos esse arbitrantur, commendatitias etiam à Regibus litteras aucupantur, omnemque lapidem mouent, ut ad honorificum illud, aut quaestuosum munus, quod optauerunt, aspirare possint. Hoc, inquam, hominum genus Principi suspectum esse iubeo, qui si non aliud, certè ambiciosi sunt, atque propterea longè minus ad hæc munera idonei, quàm ij qui illud agunt, ut se magistratu potius dignos exhibeant, quàm importunè à Principe extorqueant, nam ut aliqui in Reipubl. inueniantur, qui ab honoribus dignitatumque titulis refugiant, optandum potius quàm sperandum est; quàm pauci enim sunt qui pareant sapienti suadenti. *Noli querere ab homine Ducatum, neque à Rege cathedram honoris.* Blandiuntur enim ista

Isa. 6. 8.

Eccle. 7. 4.

ista nescio quomodo mortalium oculis, ad sui-
 amorem trahunt specie quadam honestatis, &
 utilitatis quam ostentant, eaque est hominum
 conditio, ut sibi facile persuaderi patiantur se ad
 illa, quæ cupiunt, satis aptos esse, imò etiam cæ-
 teris aptiores, adeò ut miraculo sit paucorum
 quorundam hominum despicientia, qui oblatas
 pinguium sacerdotiorum infulas aut Regni dia-
 demata aliquando repudiarunt: cuius virtutis
 frequentiora videremus exempla, si honorum
 istorum candidati quemadmodum vehementi
 quodam cupiditatis ardore ad illa aucupanda fe-
 runt, ita pericula, quæ in illis latent studio di-
 ligentiore rimarentur, à quibus illi potissimum
 proximè absunt, qui non ut *Aaron vocati* diuino Hebr. 5.4.
 consilio, sed suapte sponte illa suscipiunt, in illas
 se induentes difficultates, à quibus postea expe-
 dire se nulla ratione possunt. Si enim Saul diuinâ
 electione Rex Israelis designatus, nihilque tale
 cogitans, imò quantum poterat recusans (ad re-
 gnum enim admouendus se data opera subduxe-
 rat, latebrâque quæsiuerat) in Regio throno col-
 locatus, veterem illam suam maximèque proba-
 bilem simplicitatem amisit, & ex Rege Tyrannus, 1. Reg. 10.
 Regni occasione effectus est; quid de illis dice- 22.
 mus qui tantum ad honores ad quos perueniunt,
 virtutis afferre non possunt? Si igitur aliquem
 Princeps tanta animi moderatione præditum na-
 ctus fuerit, qui honestiora ista munera deprece-
 tur, satagâtque cum honore etiam onus & peri-
 culum amoliri, ut quondam Moyses, qui populi
 Ducatum subire non audebat, sed cum alia tum
 potissimum linguæ tarditatem causatus omnibus
 modis munus sibi impositum defugiebat, dicebat

756 *Institutio politica ex sacris Scripturis.*

- Exod. 4.
10. & 13. enim. *Non sum eloquens ab heri & nudius tertius, mitte quem missurus es : hunc sciat cæteris omnibus magis idoneum futurum, speretque imposito munere defunctum cum Samuele dicturum. Loquimini de me coram Domino & coram Christo eius, utrum bouem cuiusquam tulerim, aut asinum, si quemquam calumniatus sum, si oppressi aliquem, si de manu cuiusquam minus accepi, & contemniam illud hodie, restituiamq; vobis, nec dissimile responsum laturum, quàm tunc ipse tulerit. Et dixerunt, Non es calumniatus nos, neque oppressisti, neque tulisti de manu cuius quidpiam. Sed ut dixi vix ullus inuenietur, qui refugiat honores, magistratúsque quæstuosos, ut enim pauci admodum sunt : Qui post aurum non abeant, nec sperent in pecunia & thesauris ; ac propterea ista modis omnibus non consecretentur.*
- Ibidem. *Quis est hic, inquit Sapiens, & laudabimus eum ? fecit enim mirabilia in vita sua. Ita pauci planè sunt, qui honores detrectent, quique non cupiant ambulare in stolis, insignibus magistratuum, & potentia in populo, nec ament salutationes in foro, cum longa clientium famulorumque caterua in forum aut in curiam deducti, Senatores audiunt, Præfecti, Præsides, Gubernatores ; & primas Cathedras in Synagogis, cum publici celebrantur conuentus ; & primos discubitus in conuiuiis, cum in priuatorum ædes inuitantur. Quamuis enim reuera, non sit maior illo qui timet Dominum, tamen apud imperitum vulgus, Magnus & iudex, & potens est in honore, aliique passim vel contemnuntur, vel non magni fiunt.*
- Eccles. 10.
27. *3 Sed postquam Princeps aliquem elegerit rerum gerendarum administrum, munúsque ali-*
- Ibidem. *quod demandauerit, caueat ne tantum illi concedat*
- Cauendum ne tantum quis augeatur, ut*

cedat potestatis, ut ipsi etiam Principi formidandus euadat, olimque ipsi Principi, si illum in ordinem redigere tentauerit, periculum aliquod creare possit. Vsu enim venire solet aliquando, ut Principes seruos suos, quos potentia ipsi auxerunt, postea contumaces aded experiantur, ut non audeant, aut non possint ut volunt, de rebus Regni grauissimis decernere, sed id demum cogantur eligere, quod istis Principum Principibus collibitum fuerit. *Multi*, dicitur in libro Esther, *bonitate Principum, & honore, qui in eos collatus est, abusi sunt in superbiam, & non solum subiectos Regibus nituntur opprimere, sed datam sibi gloriam non ferentes, in ipsos qui dederunt moluntur insidias.* Ac seruorum quidem, qui Dominis violentas attulerunt manus, exempla suppeditat Scriptura: nam vno dumtaxat capite quatuor narrat Reges à seruis cæsos esse; qui cum Regni accepissent gubernacula, ipsi rursus interempti sunt. Nam Zachariam Regem Israel Sellum filius Iabes percussit palam & interfecit, *regnavitq; pro eo*; sed Sellum non plus vno mense Regnum tenuit; nam à Manahen interfectus est. Manahen verò filium quidem Phaceiam Regni successorem reliquit, sed *Coniuravit aduersus eum Phacee filius Romelia dux eius, & percussit eum in Samaria, & in turre domus Regie, & interfecit eum, regnavitq; pro eo.* Coniuravit autem & tetendit insidias *Osee filius Ela, contra Phacee filium Romelia, & percussit eum & interfecit, regnavitq; pro eo.* Eorum verò, qui licet Principibus perniciem afferre non sint moliti, plus tamen iusto, apud illos, potentia valuerunt, in eiusdem Scripturæ historiis exempla non desunt. Hoc enim passus videtur David Rex tantus, apud quem Ioab militiæ Princeps

ipsi Principi euadat formidabilis.

Esther 16.

2.

4 Reg. 15.

10.

Ibid. n. 14.

Ibid. n. 25.

Ibid. n. 32.

758 *Institutio politica ex sacris Scripturis.*

tantum sibi potentiae vendicauerat, ut Abner exercitus Saulis ducem, qui post Domini sui caedem relicto Isboseth se ad Dauidis partes adiunxerat, occiderit proditoriè, cuius mortis nuntio ad Dauidem allato, diris quidem grauissimis Ioa-
bi caput deuouit, à quo scelus istud profectum fuerat, grauius autem aliquid statuere in eum ausus non est, quod in Regni primordiis versaretur

2. Reg. 3. adhuc. *Ego autem, inquit, adhuc delicatus, & unctus*
39. *Rex, id est, recens factus Rex, & nec dum viribus confirmatus, ut possim nocentes istos punire. Porro viri isti filij Saruie duri sunt mihi, vel ut est in Hebræo, Chaldaeo, & etiam apud Septuaginta, Duriores me, id est, fortiores sunt & potentiores. Retribuat Dominus facienti malum iuxta malitiam suam.* Rursus cum Absalon bellum excitasset aduersus Parentem suum Dauid, iamque praelium esset committendum de filij periculo sollicitus

2. Reg. 18. pater, *Præcepit Ioab, & Abisai, & Ethai dicens. Ser-*
5. *uate mihi puerum Absalon, & omnis populus audiebat præcipientem Regem, cunctis Principibus pro Absalon.*

Cum tamen Dauidis exercitus victoriam reportasset, Absalonque de quercu esset suspensus: *Tulit Ioab tres lanceas in manu sua, & infixit eas in corde Absalon, Regisque præceptum violare non dubitauit, tantumque abfuit, ut Dauidis metueret offensionem, ut etiam ipsum Regem duriore reprehensione increpare ausus sit, quod nimio se mœrore conficeret, mortuumque Absalonem nimis*

2. Reg. 19. lacrymis prosequeretur. *Confudisti, inquit, hodie*
5. *vultus omnium seruorum tuorum, qui saluam fecerunt animam tuam, & animam filiorum tuorum, & filiarum tuarum, & animam uxorum tuarum, & animam concubinarum tuarum. Diligis odientes te, & odio habes di-*

ligentes

*ligentes te, & ostendisti hodie, quia non curas de ducibus
 tuis, & de servis tuis, & verè cognovi modò, quia si Ab-
 salon viueret, & omnes nos occubuissemus, tunc placeret
 tibi: Quæ Ioabi reprehensio licet ab amore in Re-
 gem nasci potuerit, asperior tamen aliquanto
 fuit, quàm ab eo proficisci deberet, qui ipsum in-
 terfecerat Absalonem; Ioabique potentiam, quod
 nunc agimus, quanta fuerit ostendit, qui cruen-
 tis adhuc Absalonis sanguine manibus non tan-
 tùm se Regi sistere, quem charissimo orbanerat
 filio, sed liberiore etiam oratione arguere nõ du-
 bitauit. Nec mirum est, si cum Ioab Absalonis
 Regis filij cædem impunè tulisset, Amasæ etiam
 Dauidis ex sorore nepoti violentas attulit ma-
 nus, quæ cædes nihilo meliore fide, quàm Abner
 patrata est; nam cum Ioab Amasam habuisset ob- 2. Paralip.
 uitium, humanissima salutatione acceptum, in ipso 2. 17.
 congressu quasi osculaturus amplexus, gladio
 quo erat accinctus, *Percussit eum in latere, & effudit* 2. Reg. 20.
intestina eius in terram, nec secundum vulnus apposuit, 10.
& mortuus est. Causam verò etiam habuit dete-
 riorem, ambitionis nimirum impotentiam; nam
 cum Amasæ qui Absalonem fuerat secutus, re-
 conciliatus Dauid, militiæ ducatum fuisset polli-
 citus, veritus Ioab ne redigeretur in ordinem,
 Amasam occupauit occidere. Reconciliationis
 huius, quæ Amasæ conciliauit interitum, sermo
 est in Regum historia; nam cum Dauid, Sadoch
 & Abiathar sacerdotes legasset ad tribus Israel,
 quæ Absalonem secutæ rebellauerant, dedit illis
 in mandatis, vt Amasæ dicerent, *Nonne os meum,* 2. Reg. 19.
& caro mea es? Hac faciat mihi Deus, & hac addat si 13.
non Magister militia fueris coram me omni tempore
pro Ioab. Propterea verò Ioab Amasam de medio*

- fustulisse, ne ipse regendi exercitus munere fortassis excideret, ex eo discimus, quod Amasa cæso, illiusque cadauere in terra adhuc iacente; *Quidam viri cum stetissent iuxta cadauer Amasa de socijs Ioab dixerunt: Ecce qui esse voluit pro Ioab comes David: quasi dicerent.* En quò Amasæ consilia reciderūt, qui submoto Ioab exercitus ducatum satagebat inuadere, quàm bene spes illius omnes Dux noster, vno dumtaxat ictu, illo nihil minus cogitante præcidit. Cum ergo Ioab cædes cædibus cumulasset, multisque modis offendisset Regem, potentiam tamen illius veritus David, quem apud milites gratiosum esse intelligebat, omnia dissimulare & silentio transnittere coactus est: quamquam tantorum scelerum memor debitam pœnam non condonauit, sed in aliud tempus tantisper distulit, donec aliqua se daret occasio, qua tutò posset, & citra discrimen tumultus alicuius militaris, in tantorum criminum reum animaduvertere. Quia verò morte præuentus, quod cogitauerat implere non potuit, iam morti proximus Salomoni filio, Regni successori mandauit, vt ipse effectum daret. Quod postea Salomon, cum parentem suum David composuisset, executus est, nam Ioab altare tanquam asyli locum tenentem à Banaia nihilominus iussit obtuncari. *Interfice, inquit, eum & sepeli, & amoue bis sanguinem innocentem, qui effusus est à Ioab à me, & à domo patris mei: vt nimirum nullo modo sum, aut videar culpæ particeps, qui in criminis vindictam ipsum Ioab iam pridem mortis reum interfici iusserim. Et reddet Dominus sanguinem eius super caput eius, quia interfecit duos viros iustos melioresq; se, & occidit eos gladio, patre meo David ignorante, Abner filium Ner*
- Princi*

*Principem militia Israël, & Amasam filium Iether Principem exercitus Iuda, reuertetur sanguis eorum in caput Ioab, & in caput seminis eius in sempiternum. Huc tandem Ioab euasit potentia, qua ne aliquando excideret tantum laborauerat primariis illis viris per proditionem de medio sublatis. Sed multò etiam maior Abner potentia apud Isboseth Saulis filium Regem Israël, non quidem Isboseth voluntate, sed potius necessitate temporum: nam cum de Israël regno perpetua illi esset cum Dauide contentio, plurimùmque apud exercitum Abner valeret auctoritas, tantum ille sibi potentiæ arrogabat vt nihil sibi licere noller; quare cum Respham olim Saulis concubinam adamasset, & cum illa habuisset consuetudinem, idque ægerrimè tulisset Isboseth, dixissetque ad Abner; *Quare ingressus es ad concubinam Patris mei?* 2. Reg. 3. Iratus Abner nimis propter verba Isboseth, ait. Nun- 8. quid caput canis ego sum aduersum Iudam hodie, qui fecerim misericordiam super domum Saul patris tui, & super fratres & proximos eius, & non tradidi te in manus Dauid, & tu requisuisti in me, quod argueres pro muliere hodie? Hac faciat Deus Abner & hac addat ei, nisi quomodo iurauit Dominus Dauid, sic faciam cum eo, vt transferatur Regnum de domo Saul, & eleuetur thronus Dauid super Israël, & super Iudam, à Dan usque Bersabee. Quibus minis Isboseth non ausus est totidem saltem verba rependere, quia Ducis exercitus sui potentiam formidabat. Et non potuit, inquit scriptura, respondere ei quidquam, quia metuebat illum. Nec fortassis adeo iustam irascendi occasionem nactus fuerat Abner, namque vel tanquam ad scortum ingressus fuerat ad Respham nullo cum ea contracto matrimonio. Hoc*

verò Regiæ domus, non vulgare erat dehonestamentum, si Saulis vxore (concubinarum enim nomine vxores censentur, licet primariæ non essent, nec Reginarum nomen consecutæ) Saulis administer ad suam explendam libidinem abuteretur. Si verò legitimi iure thori Respham sibi iungere cogitauerat, alia poterat Isbosethi animam tentare suspicio, ne fortè nouis istis nuptiis sibi Abner ad Regnum viam sterneret, vt postea Adonias filius Dauid, qui Abisag Sunamitidem Dauidis concubinam à Salomone postulauit vxorem, Betsabee submissa, quæ quod volebat impetraret à Rege. Cui Salomon. *Quare postulas Abisag Sunamitidem Adonia? Postula ei & Regnum. Ipse est enim frater meus, maior me, & habet Abiathar Sacerdotem, & Ioab filium Saruia. Iurauit itaque Rex Salomon per Dominum, dicens. Hac faciat mihi Deus, & hac addat, quia contra animam suam locutus est Adonias verbum hoc. Et nunc uiuit Dominus, qui firmavit me, & collocaui super solium Dauid Patris mei, & qui fecit mihi domum. sicut locutus est, quia hodie occidetur Adonias. Misitque Rex Salomon per manum Banaje filij ioiada, qui interfecit eum & mortuus est.* Si igitur Salomon sapientissimus ad Regnum consequendum Adoniæ cum Abisag connubium aliquid, imò multum conferre posse putauit, ausoque hoc postulare tanquam reo affectati regni, & perduellionis iam conuicto, crimen morte luendum existimauit, nec vt parceret, fraternæ propinquitatis coniunctione permoueri potuit, quid mirum si Isboseth Abneris factum audax, & in Regem iniuriosum silentio ferendum esse non censuit? Cæterum Abner alienato ab Isboseth animo se conuertit ad Dauidem, id potissimum

3. Reg. 2.
21.

mum cogitans, quomodo Isboseth à quo se putabat offensum Regno exturbaret, cui proculdubio negotij multum facessere potuisset, nisi priuatas persecutus iniurias, illum Ioab, vt supra diximus, occidisset. Sed tertium ad rem de qua agimus confirmandam, Ieroboami exemplum afferamus, hunc enim *Videns Salomon adolescentem bona indolis, & industrium, constituerat eum Præfectum super tributa vniuersæ domus Ioseph.* Hanc verò Præfecturam magni momenti fuisse ex eo coniicimus, quod inter primarios viros apud Dauidem etiam tributorum Præfectus recensetur, libro Regum secundo & tantarum diuitiarum administratorem, aut exactorem, quantæ in Regium ærarium sub Salomone inferebantur, magnæ in aula Regia potentia fuisse necesse est. Ad hoc verò munus euectus Ieroboam, tantos concepit spiritus, vt Regi suo cum Mello exadificaret repugnare auderet, opusque vt aliqui existimant reprehendere. *Ieroboam quoque, inquit Scriptura, filius Nabath Ephrataus de Sareda seruus Salomonis, cuius mater erat nomine Sarua mulier vidua: leuauit manum contra Regem, & hac est causa rebellionis aduersus eum, quia Salomon adificauit Mello, & coaguauit voraginem ciuitatis Dauid patris sui, erat autem Ieroboam, vir fortis & potens. Voluit ergo Salomon interficere Ieroboam; qui surrexit, & aufugit in Ægyptum ad Sefac Regem Ægypti, & fuit in Ægypto vsque ad mortem Salomonis, quo extincto, in vindictam peccatorum Salomonis, permisit Deus vt eorum seminum, quæ cum rebellauit Ieroboam iecerat, fructus maturefcerent, tandèmq; appareret suo malo Salomonem magnitudinis Ieroboami fundamenta posuisse, nam decem tribus à filij Salomonis*

3. Reg. 11.
28.2. Reg. 20.
24.3. Reg. 11.
26.

monis regno distraxit, & in eis ad summum euectus magistratum, nouum Regnum, ita Deo, vt diximus, permittente fundauit. Quamquam autem periculosa alex negotium plenissimum est, vnum aliquem vltra aliorum magistratuum modum plurimum attollere, vt in allatis exemplis videre possumus: Iosephi tamen ad Aegyptiorum Regnum tantum non elati demonstrat historia fieri posse, vt tanta sit hominis alicuius integritas, fides, & in omni virtutum genere excellentia, vt singulari Dei beneficio, ad Regni alicuius, aut prouinciæ salutem factus aliquando videri possit. Quare Pharaon cum sapientiam illius in coniectanda somniorum interpretationeprehendisset. Tu, inquit, *eris super domum meam, & ad tui oris imperium cunctus populus obediet, vno tantum Regni folio te precedam.* Dixitque rursus Pharaon ad Ioseph. *Ecce constitui te super vniuersam terram Aegypti. Tulitque anulum de manu sua, & dedit eum in manu eius, vestiuitque eum stola byssina, & collo torquem aureum circumposuit, fecitque eum ascendere super currum suum secundum, clamante pracone vt omnes coram eo genuflecterent, & Prapositum esse scirent vniuersa terra Aegypti.* Dixit quoque Rex ad Ioseph. *Ego sum Pharaon, absque tuo imperio non mouebit quisquam manum aut pedem in omni terra Aegypti. Vertitque nomen eius, & vocauit eum lingua Aegyptiaca, Saluatorem mundi.* Tam verò latè patens Iosephi potentia non Aegypto tantum, sed circumiectis etiam prouinciis fuit admodum salutaris, nam ingenti tritici numero in horrea Regia importato, fame ingruente, ita prudenter, quæ ad alendos populos erant necessaria deprompsit, atque distribuit, vt fame perituris vitæ necessaria subsidia subministr

Genes. 41.
40.

nistraverit, & Regium ærarium multo quàm antea, nulla subditorum interueniente offensione fecerit locupletius.

4 Sed quæri potest quatenus administri ea, quæ à suis Principibus habet in mandatis, effecta dare debeant. Quo loco primùm mihi Principes monendi videntur, vt eos publicis muneribus, & præfecturis, & functionibus præficiendos eligant, quos morigeros esse, minimè ceruicofos, nec sui iudicij sententiæque tenaces experimento didicerint: quæ enim iis commendantur qui huiusmodi non sunt, aut exitum minimè faustum, aut eum quem noluisset Princeps, non infrequenter sortiuntur. Talis fortè erat Ioab, quem Dauid cùm aliàs durum, vt dicebamus, tum præferrim in populi censu ineundo expertus est; nam cum illam prouinciam suscepisset inuitus, non constanter solùm, sed minus etiam perfectè Regis voluntati obtemperauit, nam duas integras tribus non recensuit, vt in Paralipomenis expressè à Scriptura notatùm est. *Deditque Dauid, inquit, numerum eorum quos circueerat, &c. Nam Levi, & Benjamin non numerauit, eò quod Ioab inuitus exqueretur Regis imperium.* Sed rursus etiam administri monendi, vt si fortè Principem nacti sint, qui sibi sapere videatur, quique salutaria suggerentibus non solum indociles aures, & animum præbeat, sed etiam asper sit verbis, & iracundus; à sententia sua promenda quantum fides officiùmque pariuntur supersedeant, ne ludant operam, aut etiam malum sibi aliquod imprudenter accersant; Nam *Expedi magis vrsa occurrere raptis fœtibus, quàm fatuo confidenti in stultiia sua, indignatio autem Regis nuntij mortis.* & vsu venit aliquando,

Quatenus administri Principibus suis obtemperare teneantur.

1. Paralip. 21.5.6.

Prou. 17. 12.
Prou. 16. 14.

766 *Institutio politica ex sacris Scripturis.*

1. Reg. 20.
30. 33.

do, ut quantumvis benevolentia, aut etiam propinquitate coniuncti, si huiusmodi hominibus iratis interueniant, malè verbis, aut etiam factis accipiantur, ut Ionathæ accidit, cum Dauidis absentiam excusare apud Saulem parentem exorsus est. Si verò Princeps placidis sit moribus, nec facile quouis leui irritamento commoueatur, poterunt interdum administri, non sine spe bonæ frugis, modo summæ cum reuerentiæ significatione, ut par est, fiat, rem quæ imperatur differre, Principem edocere, & rationes quæ in contrarium occurrunt proponere; nec enim credendum est, aut Principem, qui huiusmodi est, rationi repugnare velle, sicut nec Principi prudentem administrum ratione aliqua qua moueatur, destitutum. Quandiu Moses linguæ tardioris impedimentum excusans, populi ex Ægypto educendi munus detrectauit, quia non improbabilis afferri videbatur ratio, patienter tulit Dominus, quæ à Mose obiciebantur, diluens atque dissoluens; sed cum primum Moses rationem urgere desiit, & tantum institit munus detrectare, quasi vellet quacumque tandem ratione posset onus excutere, illis verbis. *Mitte quem missurus es*, tunc demum Dominum iratum fuisse legimus. Quod si aliquod tempus contingat in quo res aliqua mandetur Administro, quam ipse dubiter possit nec ne citra peccati labem executioni mandari, tunc viros doctos in consilium adhibeat, & siquidem in vtramque partem res fuerit anceps propter rationum momenta, & doctorum suffragia, qui vtrique parti patrocinantur, Principi accommodet obsequium, nisi fortè certa aliqua euidentique ratione ductus ipse sciuerit saluo iure conscientia

Exod. 4.
13. 14.

scientiæ illud fieri non posse ; tunc enim locum habere videtur monitum illud quod habemus in Exodo : *Non sequeris turbam ad faciendum malum, neque in iudicio plurimorum acquiesces sententia, ut à vero denies.* Tandem si res apertè mala iubeatur, nec tergiuersari liceat, aut deprecari, nec se Princeps à sententia dimoueri patiatur, tunc, quia *obedire oportet Deo magis quàm hominibus,* imitandæ sunt Ægyptiæ illæ obstetrices, quæ *Timuerunt Deum, & non fecerunt iuxta praeceptum Regis Ægypti;* non autem Doeg ille Idumæus, qui Sacerdotibus manus iniicere Saule imperante veritus non est, quod alij facere detrectauerant. Sed nimirum in hoc etiam parum felices plerique Principes sunt, quorum administri etiam ad scelera imperata expediti ad eò sunt, ut etiam Dominorum iussa nonnunquam anteuertant, quales Assueri fuisse discimus ex scriptura; nam cum iratum se Rex Amano ostendisset, occuparunt illi infelici caput obnubere, non secus ac si in illum capitis sententia lata fuisset.

§ Illud etiam admonendi sunt Principes, ut ministrorum suorum, quos ad magnos in Republica dignitatis gradus euexerunt, criminationes non faciliè ad aures, aut ad animum admittant, multos enim inuidia suscitante patiuntur obrectatores, quicumque Principum fauere super alios in Republica caput extulerunt, raraque paucorum felicitas est ita omnibus satisfacere, ut nullus, quid desideret, aut carpat, in publicarum rerum administratione reperire possit. *Placuit* Dario, inquit Daniel, & constituit super Regnum Sathrapas centum viginti, ut essent in toto Regno suo, & super eos Principes tres, ex quibus Daniel unus erat, ut

Exod. 13.

2.

Act. 5. 19.

Exod. 1.

17.

1. Reg. 21.

18.

Esther 7.

8.

Non faciliè credunt Principes criminationibus quæ magistratibus impinguntur, nã sape ab insidia proficiuntur.

Dan. 6. 1.

Satra

Satrapæ illis redderent rationem, & Rex non sustineret molestiam. Igitur Daniel superabat omnes Principes & Satrapas, quia Spiritus Dei erat in illo. Porro Rex cogitabat cōstituerē eum super omne Regnum, unde Principes & Satrapæ querebant occasionem, ut inuenirent Danieli ex latere Regis. Vel, ut in aliquibus Græcis codicibus est, ἐν τῷ βασιλείᾳ, vel ἐν πλεονίᾳ βασιλείας. ex Regno, & latere regni; accommodatissimam enim criminationem ad Danielelem euertendum fore putauerunt, si Regi malè, parùmque fideliter administrati à Daniele Regni suspicionem iniicerent. Verùm, quia mira Danielis integritas erat, plurimisque argumentis testata, tam luculento mendacio illum petere non sunt ausi.

Ibid. n.4.

*Nullamque causam, inquit Scriptura, & suspensionem reperire potuerunt, eò quod fidelis esset, & omnis culpa & suspicio non inueniretur in eo. Quare cum illum non à crimine tantùm, sed à suspitione criminis longissimè abesse intelligerent, edictum veræ Religionis cuius Daniel sectator erat repugnans, Rege illud approbante, scripserunt, cuius reus facilè factus Daniel, quippe qui vel proposita capitis pœna, ab ea religione quam cum lacte fuxerat, verissimamque esse intelligebat, abstrahi se non patiebatur, in leonum caueam ad certissimum vitæ discrimen iniectus est, ex quo tamen Dei benignitate liber euasit, ut ex illius historia cognosci potest. Quia ergo est admodum in proclini, ut etiam innocentibus Principis ministris, ab inuidis crimina impingantur, ita illa audiat Princeps, ut ei, qui agitur reus, se ab obiectis purgandi locum relinquat. Sic prudens ille Paterfamilias, *Qui habebat villicum, qui diffamatus est apud illum, quasi dissipasset bona ipsius, non statim domo*
*extur**

Luc. 16.1.

exturbauit, aut in carcerem misit, sed animo sedato, & ad moderationem composito ad se vocauit, criminisq; diluendi, si qua ratione posset, fecit potestatem. *Et vocauit, inquit, illum, & ait illi: Quid hoc audio de te? redde rationem villicationis tue; iam enim non poteris villicare; si nimirum obiectis satisfacere non potueris. Quod si immentem per calumniam traductum ab inuidis fuisse repperit, ab inimicorum petitionibus securum reddat, illaque vsurpet verba quibus Dauid Abiathar Sacerdotem affatus est. Mane mecum, ne timeas, si quis quaesierit animam meam, queres & animam tuam, mecumque seruaberis.* Quoniam tamen fieri potest, & verò non infrequenter accidit, vt aliqui Principum Administri aut muneribus, ad quæ admoti sunt, pares non inueniantur, aut etiam potentia & gratia quam apud Principes nacti sunt, aut perturbationibus acti, aut commodis priuatis seruientes, abutantur; extremum aliud cauendum moneo, ne scilicet ita Principes probent quæcumque geruntur à ministris, vt sibi persuadeant, eos numquam aut per oscitantiam impingere, aut à recto æquitatis tramite de industria deflectere; ac propterea licet omnibus frementibus, & indignantibus, eos à muneribus & Præfecturis amoueri, animo obfirmato non patiantur. Mirum est, quod in secundo Regum libro legimus. *Calcitrabant boues,* 1.Reg.6. 6. *plaustrum nouum trahentes quo arca Domini uehebatur, iamque periculo proxima erat, vt deuolueretur in terram, boues enim Declinauerant eam.* Sensit hoc Oza, labantemque manu extensa sustinuit, sed suo malo; nam *Dominus percussit eum*, ibique ipse iuxta arcam stratus occubuit:

celebris est quaestio inter sacrarum litterarum interpretes, quid peccauerit Oza, ut tam graui tamque repentino exitio plecti mereretur, cum potius prudenter ac piè fecisse videri possit, arcam fulciens; & prouidens ne indecorè deferretur in terram. Alij, alia. Nonnullorum ego, eorumque grauium scriptorum sententiam probō, qui ab Oza peccatum putant, quod arcam Diuino praescripto Leuitarum humeris portandam, ipse plaustro à bobus trahendam imposuisset. Quod ad mores translatum ad rem nostram facit, Principibusque documento esse potest, ut scilicet caueant ne aut onera regendarum Ecclesiarum, aut ciuiliū magistratuum functiones & munia iis imponi velint, qui aut legibus prohibentur ne illa subeant, aut aliqui idonei non sunt qui illa pro dignitate sustineant. Sed cur Oza, dicat aliquis, non prius plectitur quàm arcæ manum admonerit, illiusque casui occurrere tentauit? Ut nimirum iidem intelligant, non tam plectendos esse Principes quod parum aptos, aut etiam prauos administratos aut magistratus elegerint, quàm quod postquam captum de iis est experimentum, ipsique inepti deprehensi sunt, aut etiam noxij, adhuc tamen in publicarum functionum Praefecturis illos pergere, aut etiam ad maiora promouere non dubitent.

*Principem
Admini-
stris eam
facultatē,
& agendi
potestatem
concedere
debere, quā
negotia ra-
quirunt.*

6 Porro quod ad potestatis modum attinet, multum valere puto ad res bene gerendas, si ita prouincia aliqua, aut munus administris aliquibus credatur exercendum, ut simul facultas fiat, cum in rem praesentem venerint, negotioque quod peragitur, manus admouerint, rem de qua agitur pro arbitratu moderandi, modò ex re Principis

cipis id futurum prudenter existimetur. Nam qui Principes secus faciunt, & omnia ad se integra deferri volunt, præterquam quod administratorum suorum ingenia nimis premunt, & ad præclare audendum segniora faciunt, eo etiam negotia ipsa deducunt, ut occasiones si quæ existunt rei bene gerendæ corrumpantur. Inferiores enim Præfecti, quo plus credi sibi, & quo liberaliùs tractari se vident, eo libentiùs, ne videlicet humanitate vincantur, sese rebus agendis impendunt, omnesque suas curas intendunt quasi in negotio proprio, ut illud ad optatum exitum perducant. Quod si se se in arctum cogi videant, & quibusdam præscriptorum, & præceptorum, finibus, quasi angusto quodam gyro circumscribi intelligant, indignantur scilicet, & eorum industria, quæ latiore campum in quem excurreret desiderabat, arctis illis cancellis compressa languescit. Rursus cum Principis administer, certis præceptis, quæ transilire non liceat alligatur, rarum est ut ex sententia quidquam possit efficere, magna enim consilij pars est in tempore, & novis emergentibus casibus, rebusque pro variis adiunctis, aliam subinde faciem induentibus, nisi pro re nata consilium capere liceat, sed ad absentes referre sit opus, occasionis præteruolabit opportunitas, quam nec reuocare poteris, & frustra, quantumvis nitaris in posterum captare, tentaveris. Discere hoc possunt minores Principes, ex summo illo Principe, ac rerum omnium moderatore Deo, qui cum hominem præstantissimū animal efformasset, cæteris hisce rebus aspectabilibus dominaturum, dum eum in orbis terrarum possessionem immitteret, tamque amplæ

Genes. 2.
19.

prouinciæ administrationem crederet: *Formatis de humo cunctis animantibus terra, & vniuersis volatilibus cæli, adduxit ea ad Adam, vt videret quid vocaret ea:* pro arbitrari suo nomina quibuscumque rebus imponere permittens, quemadmodum & in eas dominatum exercendi faciebat potestatem. Deus enim quamuis summa sit sapientia, optimèque calleat rerum omnium naturas, & quid cuique tempori, loco, personæ aptum sit, & conueniens: quia tamen hominem libertate dona-

Sap. 12. 28.

tum, sui compotem fecit; *Cum magna reuerentia disponit nos*, vt dicitur in libro Sapientiæ, vel vt est in Græco *μὲν πολλὸν φοβούμενος*, cum multa parcitate, parcens nimirum, iis rebus suum imperium interponere, quas nostræ subiectas esse libertati, & arbitrio semel indulsit. Huiusmodi administri imago elucet in Iosepho, qui cum luculento experimento, suam Pharaoni probasset Sapientiam, (nam & somnij mysteria diuinitus edoctus prudenter euoluerat, & ingruenti fami opportunum remedium excogitauerat) Præfecturæ Ægypti ab Rege admotus est cum proximæ à Rege potestatis, & honoris insignibus. Nec quisquam dixerit in Iosepho ornando modum excessisse Pharaonem, nam eximia viri virtus, nullius honoris fastigium non æquabat, vt quantumuis in altum sublatus, amplissimamque Ægyptij Regis beneficio nactus esset potestatem, celsitudinem tamen quam apud Principem adeptus erat, re præclare gesta, beneficiisque quibus populos illos cumlavit mirum quantum illustrauit, nam toti prouinciæ annonæ confecit. vilitatem, & à præsentissimo discrimine Ægyptum vniuersam circumjectasque Regionem liberauit, ex quo factum est,

vt *Saluatoris mundi* honestissimum sibi nomen compararet. Huic planè geminus Daniel, ille Dario Persæ acceptissimus administer, què Rex vniuerso Regno præficere habebat in animo. Quod consilium aulæ magnates, excitata in innocentem conspiratione, omni conatu interciperent sunt conati, sed nimirum inuidia impar virtuti, prauæ molitionis auctoribus perniciem attulit, Daniëlque maximam apud Regem adeptus potestatem, regni negotia summa fide, Reipublicæque bono ita administravit, vt rationem qua Darius Danielem amplificare instituit, toti regno maximè salutarem fuisse satis apparuerit.

Genes. 41.
45.
Dan. 6. 1.

7 Caterum administratorum ea debet esse in suos Principes reuerentia, vt si pugna infelix, si turpe fœdus, si funesta deditio, denique si tristius aliquid acciderit quantum fas erit, à Principe inuidiam amoliantur, nec illius famam, inscientiam, aut temeritatem criminando, & apud alios traducendo comminuant. Rursus si sæliciter pugnatum fuerit, si res aliqua domi, aut militiæ bene gesta, si aliqua Principis existimationis, & gloriæ augendæ se se aperuerit occasio, eam non prætermittant; sic enim fiet, vt & beneuolentiam Principis sibi concilient, & suam potentiam magis confirment, nouo in Principem collato beneficio. Vidit hoc Ioab Israëlitarum Dux, qui re sæliciter gesta, non in suam famam exultauit, sed ad Principem vt ad auctorem minister ipse famam referebat, extra inuidiam futurus, non extra gloriam, nam Cum pugnaret contra Rabbath filiorum Ammon, & expugnaret urbem Regiam, misit nuncios ad Dauid dicens; Dimicavi aduersum Rabbath, & capienda est urbs aquarum. Nunc igitur con-

*Admini-
stros Prin-
cipis potius
gloria,
quàm sua
deseruire
debere, idq;
cōmodo suo
facturos.*

2. Reg. 12.
26.

774 *Institutio politica ex sacris Scripturis.*

grega reliquam partem populi, & obside civitatem, & cape eam, ne cum à me vastata fuerit urbs, nomini meo ascribatur victoria. Sanè prudenter: nam illud est ingenium Principum, vt suis luminibus obstrui ministrorum gloria putent, eorúmque incrementa, tanquam Principatui imminencia habeant suspecta, nihilque illi gratius possit accidere, quàm si eam gloriæ partem, quam in se administri deriuare possent, in ipsos transfundant, nec magis commouentur, quàm si laudis suæ particulam aliquam, aut togati magistratus, sibi decerpant, aut belli duces, cuius rei exemplum planè luculentum habemus in Saule; nam cum Dauid in Goliæ caput vibrato saxo in spatium ingens ruentem porrexisset hosté, capitèque truncasset, mulierúmque chori, lætum victori, in hæc

1. Reg. 18. verba canerent epinicium. *Percussit Saul mille, & 7. Dauid decem millia. Iratus est Saul nimis, & displicuit in oculis eius sermo iste, dixitque: Dederunt Dauid decem millia, & mihi mille dederunt, quid ei superest nisi solum Regnum? Non rectis ergo oculis Saul aspiciebat Dauid, à die illa, & deinceps.* Porro quia omnis potentia in aulis, posita est in lubrico, eúmque de statu magis deiicere conantur inuidiæ stimulis instincti, quicumque eandem æmulantur magnitudinem apud Principem, quem supra cæterorum priuatorum modum se se altiùs viderint efferentem, modestia, & comitas, & cum iis quibuscum agendum est, facilitas Principum Administris præsertim maioribus, cordi esse debet, ne scilicet, qui eos oderint stomachentur, ægréque ferant hominem à priuata fortuna, Principis fauore subuectum, quasi Princeps esset, in verbis, in cultu, in moribus, maiestatem, Regiúmque super

supercilium induere. Itaque quod Salomon monet in Prouerbiis. *Non decent stultum delicia, nec seruum dominari Principibus*; Septuaginta ita conuerterunt, ὁ δουλὸς ἐπὶ ἀφρονὶ ἡρυφῇ, καὶ ἐὰν δικάτης ἀρξήται μετ' ὑβρίων διασείων, id est, *Non est utile insipienti deliciarum, & si seruus dominatus fuerit, cum contumelia imperare, vel gubernare*: vix enim est, qui ferat generationem, cuius excelsi sunt oculi, & palpebra eius in alta surrecta. Nam inter illa per quæ Sapiens terram commoueri docet, etiam illud est. *Per seruum cum regnauerit*; qui enim seruilis, aut certe abiecta conditionis prius fuerunt, si ad magistratus, aut Regni fastigium attollantur fortunæ secundæ prosperitate, cui non assueuerunt, vt nesciunt, sed plus iusto sibi assumunt, illud etiam fortasse verentes, ne si se se faciles quibuslibet exhibuerint, ab iis contemnantur, qui meminerunt illos ex terræ puluere excitatos, & in alto collocatos, vt sedant cum Principibus & senatoribus terræ: ideoque magnatum personam fastidiosè induunt, ac propterea, ciuium suorum incurrunt inuidiam, à quibus initiis ad eam processerint magnitudinem recolentium.

Prou. 19.
10.Prou. 30.
13.Prou. 30.
22.

8 Verum, quia Principes aliqui petegrinis administris, aut in ductandis exercitibus, aut in iure dicundo sibi potius vtendum putauerunt, quàm ciuibus, quos facilius à recto iustitiæ tramite amicorum aut propinquorum charitas possit abstrahere, quique opibus & clientelis potentes patriæ Principatum, si armis instructi fuerint, & exercitibus imperauerint affectare possint, ita fidem suam Principi probare debent qui sunt huiusmodi, vt nulla, quantumuis tenuis in illos cadat suspicio, nam etiam innoxij, nulliusque cri-

An peregrinus administris potius utendum sit, quàm ciuibus.

minis comperti, eo duntaxat nomine calumniis patent, quod peregrini sunt, quos non eadem beneuolentia Principem aut Rempublicam, cui operam suam nauant, complecti facile credi potest; hinc enim obtrectatores ansam arripiunt, Administri illius apud Regem aut Principem criminandi, & in inuidiam vocandi, ut aliquod illi periculum creent, cuius magnitudini, quasi sibi præreptæ inuident. Ea fortasse causa fuit, cur Daniele apud Darium traducere Satrapæ illi satagerent, ut supra dictum est; & Dauidem Achis Regis Megistanes conspiratione in illum facta ab exercitu submouerent. Dicebant enim Principi suo. *Reuertatur vir iste, & sedeat in loco suo, in quo constituisti eum, & non descendat nobiscum in prælium, ne fiat nobis aduersarius, cum præliari cœperimus: quomodo enim aliter poterit placare Dominum suum, nisi in capitibus nostris? Nonne iste est Dauid; cui cantabant in choris, dicentes. Percussit Saul in millibus suis, & Dauid in decem millibus suis? Vocauit ergo Achis Dauid, & ait ei. Viuit Dominus, quia rectus es tu, & bonus in conspectu meo, & exitus tuus, & introitus tuus mecum est in castris, & non inueni in te quidquam mali ex die qua venisti ad me, usque in diem hanc, sed Satrapis non places. Reuertere ergo & vade in pace, & non offendas oculos Satraparum Philistim.* Fide autem incorrupta, multisque experimentis probata, sedulitate, negotiisque creditis adhibita diligentia, suspiciones diluet prudens administer, & si non omnibus carum, saltem se calumniis minimè violabilem reddere poterit.

Dan. 6.

1. Reg. 29.

9.

An nobilibus potius, quam ignobilibus.

9 Sed fortasse quis quærat, quid utilius sit Principi, Reipublicæque administrationi conducibilis viros ne generosa stirpe, stemmatibus ac
ceris

ceris maiorum nobiles ad tractandam Rempubl. vocare, illósque in publicis muneribus administrare, an satius sit eos præterire, qui à nobilitate commendationem habent, viros tamen aliqui prudentes, cordatos, nauos, cui publica commendentur munera seligendo? Rem hanc non facile quilibet disceptauerit, nam neutra pars firmamenti argumentorum, exemplisve destituitur. Ac primò quidem plebeiis fauet, quod Dominus ipse, cuius summa sapientià est, Iosephum ex ergastulo eductum toti Ægypto quàm latè patebat præfecit. Dauid etiam ab ouium caulis, ad aulam Regiam traduxit; nam vt ipse canit in Psalmo. *Elegit Dauid seruum suum, & suscepit eum de gregibus ouium, de post facientes accepit eum, pascere Iacob seruum suum, & Israel hereditatem suam.* Et ratio idem suadere videtur, nam laboris magis sunt patientes, & ad eos faciliùs patet aditus, quàm ad maiorum nobilitate tumidos, qualis D. Augustino fuisse videtur Pharaò, qui se alloqui volentes satellitio submotos, eminus quid vellet, cogebat profari. *Quod Moyses dicit* (inquit Augustinus) *Ecce ego gracili voce sum, & quomodo exaudiet me Pharaò? Non videtur tantùm propter magnitudinem populi excusare de vocis gracilitate, verum etiam propter vnum hominem. Mirum si tam gracilis vocis fuit, vt nec ab vno homine possit audiri, an fortè Regius fastus, non eos permittebat de proximo loqui? Ita ille.* Adde Principes expeditiùs plebeios in ordinem redigere posse, si suo vitio illos minus vtilis, aut etiam noxios esse Reipubl. compererint: qui enim opibus florent, & potentia, si in illos Principes velint animaduertere, magnos cient in Rep. motus, èstque cum tantum possunt, vt vniuersum

Genes. 41.

14.40.

Psal. 77.

70.

16. in Exo.

778 *Institutio politica ex sacris Scripturis.*

illius statum non sine ingenti periculo concutiant. Sed nimirum verius videtur, multum adiumenti nobilitatem afferre posse ad rem præclare gerendam : nam præterquam quod in maiores suos respicienti, generosus quidam impetus ad virtutem existit, dicto etiam magis audientes subditos habebit, qui longa patrum serie, virtute spectabilem, commendabilis est, quàm qui novus homo terræque filius, vel ad Rempubl. sua prorepsit industria, vel Principis alicuius favore, ut illam posset attingere, productus est. Porro publicam pecuniam, qui suis censibus opulenti sunt, sanctius tractabunt, quàm ij, qui priuatas angustias, publicis pecuniis laxare student, magis etiã primariis viris æqualibus suis gratus erit, quàm ignobilis, quem scilicet illi præ se contemnunt, & auersantur. Tandem nobilium, qui verè nobiles sunt, mores mitiores esse solent, liberali educatione humanitatis cuiusdam suauitatem instillante, quæ in congressibus mirum quantum mortales allicit; iisdem rebus duris & aduersis animus infractor, ut contra abiectæ conditionis homines, qui cum ex pauperibus diuites, ex contemptis metuendi facti sunt, truces, & asperi esse solent, si aduersam experiri fortunam contigerit, deiiciunt animos tam in rebus duris abiecti, quàm in prosperis & secundis fuerant insolentes. Cuiusmodi fuisse credendus est Adonibezech ille, qui plusquam tyrannica crudelitate septuaginta Reges amputatis manuum ac pedum summitatibus, ciborum reliquias sub mensa sua cogebar colligere, quem cum Iudas Israelitarum Dux rede-gisset in potestatem, extremitatibus manuum amputatis, idque ut experiretur compulisset, quod

ab

ab ipso passi fuerant alij tam graui ærumnæ ferendæ impar, dolore ac squalore confectus examinatus est. Sed fortassis vtraque sententia conciliari poterit, si dixerimus maioribus Præfecturis Prouinciarum ac Ciuitatum, in quibus multi agitant antiquæ nobilitatis claritate insignes, quibuscum frequenter agendum est, non nisi primarios generosósque viros præficiendos esse, alios verò minores Præfectos, qui iuri dicundo totos dies in tribunalibus sedent, causas disceptando aut alia huiusmodi ministeria tractanda nihil prohibere, quominus etiam ignobiles adhibeantur.

10 Sed ambigi potest, an coniugati potius Ministri ad Reipubl. munera adhibendi sint, an vinctulis connubialibus soluti. Sanè, quia plurimis laboribus atteruntur, qui publica tractant negotia, æquum esse videtur, si post laborem reuertentibus vxorium leuamentum, curarum molestias, abstergat, & cum vxore, charissimisque liberis honestissimo perfruantur oblectamento. *Perfruere, inquit Sapiens, vita cum vxore, quam diligis, cunctis diebus vita instabilitatis tue, hac est enim pars in vita, & in labore tuo, quo laboras sub sole.* Rursus Magistratum Regumque vxores, viros suos consilio, & ope iuuerunt, vt Pilati coniux, quæ viro suo Præsidem in Iudæa agenti auctor erat, ne innocenti Christi sanguine se ipsum macularet; & Michol, quæ à præsentissimo vitæ periculo maritum suum Dauidem eripuit, & Saulis in ipsum sæuentis impetum ingenioso clusit inuento. Adde coniugatos pluribus nominibus Reipubl. esse oppigneratos, pro qua magis strenuè se se impendunt, cum sciunt se pro liberis &

An coniugati, vel coniugio soluti.

Eccle. 9. 9.

Matth. 27.

29.

1. Reg. 19.

13.

vxori

vxoribus laborare, & si in bello ceciderint, meminerunt filios se habere superstites, nec totos extinguere. Pro contraria sententia afferri possunt quæ primo libro de ingenio mulierum disputata sunt; ex quibus probari posse videtur expeditiores, & Reipubl. vtiliores fore magistratus si cælibem vitam agant, seque totos coniugalibus tricis soluti, rebus agendis impendant. Reuertenti Moyse in Ægyptum cum vxore & filiis. *Cum esset in itinere in diuersorio, occurrit ei Dominus & volebat occidere eum.* Cuius rei causam aliam alij attulerunt. Ad rem nostram facit quod teste D. Augustino quidam existimarunt, propterea infesto mucrone mortem Angelum Moyse intentasse, quod fœminam secum adduceret, quæ iter illud, quod hominem postulabat expeditum, retardaret. *Quidam* (inquit D. Augustinus) *putauerunt propter hoc Angelum tenuisse, ne ad impedimentum ministerij, quod diuinitus impostum Moyses gerebat, fœminæ sexus comitaretur;* lege verò Deuteronomij cautum erat in hæc verba. *Cum acceperit homo nuper uxorem, non procedet ad bellum, nec ei quippiam necessitatis iniungetur publica.* & ratio statim redditur: *Et vno anno latetur cum vxore sua.* Quamuis alia ratio, quam scriptura non expressit, nec tamen illi repugnat, addi potest, quia dum sponsus ab vxorii blanditiis inuitus abstrahitur; illæque menti subinde obuersantur, & recurfant, nec animus ad pugnam ferox, nec ad negotia publica expedienda alacer, & promptus esse potest. Frequens in sacris litteris Eunuchorum occurrit mentio, in libro Geneseos, in Regum historia, in Danielis prophetia, in libris Esther, & Iudith; satisque constat ex illis electos fuisse præcipuos Magistratus, Regiosque administratos,

Exod. 4.
24.

Lib. quæst.
in Exod.
q. 12. c. 4.

Deut. 24.
5.

stros, & consiliarios, cuius moris causam Heliodorus in Æthiopicis reddit, cum ait: *Persarum enim Regis anlis oculi sunt & aures eunuchorum genus, qui cum neque liberos, neque cognatos habeant, quibus eorum animi deninēti esse possint, pendent ex eo solo, qui se illis credidit.* Quibus verbis significatur propterea idoneos iudicatos à Persis fuisse Eunuchos, qui Rempubl. tractarent, quod illorum fidelitas, & benevolentia filiorum, aut cognatorum charitate quibus melius vellent, magisque quam Principi gratificari studerent, non corrumpetur, & ad plures distraheretur, cum in coniugatis contra accidat; nam dum filios aut propinquos locupletiores reddere satagunt, ita illorum seruiunt vtilitati, aut cupiditati, ut publicam rem, aut negligent, aut etiam euertant. Nec tamen facile Eunuchis (quod Reges illi faciebant) Resp. credendas esse putauerim, quorum genus, & hominum ludibrio ferè expositum est, & vitiis notatum non ignoro: satis nobis fuerit si Eunuchorum exemplo eorum firmauerimus sententiam, qui eos Principibus vtiliores esse putant, qui ut Eunuchi à mulieribus expediti sunt.

Heliodori
Æthiop.
lib. extremo.

11 Sed quibuscumque tandē ministris Princeps utatur, æquissimum est, neminem ad summum aliquem Magistratū prius admouere, quàm in inferioribus suæ documentum virtutis præbuerit. Quemadmodum enim natura res magnas quas molitur, à parvis exorditur initiis (quæ enim magnæ sunt arbores, humiles primùm stirpes fuerunt, & quæ flumina magnarum nauium patientia, fontes ignobiles, aut riuli exiguas trahentes aquas) ita in Rebusp. fieri oportet, magnum enim est ad virtutem calcar, & incitamentum spes maiorum

Admini-
stros prius
probandos
esse in in-
ferioribus
magistra-
tibus, quæ
ad summos
euehantur.

782 *Institutio politica ex sacris Scripturis.*

- iorum decorum, quæ ubi quis consecutus est à Principe, congestis in eundem hominem honoribus omnibus, plurimisque diuitiis, iam ut se-
gnior fiat proclive est, aut etiam nouæ magnitudinis insolentia, cuius parum fortè capax est, tumens, ac typho inflatus, in omnium odia & offensiones incurrat. *Per tria enim mouetur terra*, ut docet Salomon, & *quartum non potest sustinere*, horum autem primum est, *per seruum cum regnauerit*, quod supra monebamus, cum scilicet quis à Principe humili ac propemodum seruili statu, non processibus, sed saltu, ad summum dignitatis, ac potestatis culmen euehitur. Et sanè docuit vsus, non ut decuisset ab huiusmodi hominibus reuerenter habitam fuisse fortunam, imò sibi suisque, dum ad celsiora contendunt, ruinam parauisse. Nec si Ioseph ab ergastulo vniuersæ Ægypto præpositus est, aut Mardocheus ab humili afflictoque statu admirabili quadam conuersione fortunæ ad magnam potentiam, summosque honores sublatus, id continuò cum cæteris passim fieri prudenter posse censendum est, nam huiusmodi legibus Deus solutus est, in *Cuius oculis facile & subito honestare pauperem*, ut loquitur Ecclesiasticus, & alioqui videmus Apostolos, quos Ecclesiæ Principes volebat Dominus constituere, plusquam triennio ad munus illud eximium fuisse institutos: & Iosue, qui Mosis Hebræorum Imperatori subrogandus erat, sub eodem Mose tyrocinium posuisse, & D. Paulum Timotheo præcepisse in illa verba;
- Manus citò nemini imposueris.*
- Quamquam verò vsus obtinuit, ut vnusquispiam cæterorum omnium qui in aula famulantur quasi Princeps ac moderator constituatur, ut ampli

amplitudine potestatis præstans, sic etiam prærogatiua virtutis ac sapientiæ, cuius munus sit domesticorum aulicorum continere disciplinam, & curare ut inferiores Ministri attentè, & suis cuncta temporibus opportunè munia obeant, qualis fuit Eliezer Abrahami, de quo dicitur in Genesi; *Servus senior domus illius, qui præerat omnibus quæ habebat*; & Ioseph in domo Putipharis cum adhuc seruitutem seruiret, de quo legimus, *Ioseph ministrabat Domino suo, à quo præpositus omnibus, gubernabat creditam sibi domum, & universa quæ ei tradita fuerant*; tamen ut omnia, quæ ad Rempubl. pertinent, vnius dumtaxat consilio aut opera administrarentur, non faciliè probandum censeo. Nam ut quis tot negotiorum capax, iisque cognoscendis, & expediendis par esse possit: summus tamen ille potestatis apex administro inuidiosus, periculosus Principi, Reipublicæque esse solet. De mari æneo quod in sacrificiorum usum in templo statuit Salomon, dicitur in Paralipomenis, *Capiebat tria millia metretas*; at in libris Regum dicitur, *Duo millia batos capiebat*; in contextu Hebræo est eadem utrobique vox כב quam interpres semel batos, semel metretas vertit, ad leniendam fortasse difficultatem, quam locorum ingerebat dissonantia, quæ multorum interpretum torsit ingenia. Abulensis & Lyranus apud Riberam censent trium millium metretarum capax fuisse vas illud, sed tamen duo tantum millia infundi solita, atque ita conciliant textus, ut in altero loco de aquarum modo qui adhiberi solebat sermo sit, in altero de aquis, quas explere ad summum usque volenti, capere mare illud potuisset. Cui explicationi fauet Paralipomenon textus, ubi habetur ex Hebræo

*prudenter
negotia
omnia cre-
dantur.*

Gen. 24.2.

Gen. 39.4.

2. Par. 4.5.

3. Reg. 7.

26.

Libr. 2. de
templo,
cap. 16.

bræo ad verbum ; *Fortificare facienti, capiebat batos tres mille.* Quasi dicatur: Si quis vas impleat quantum quantum est, & vsque ad summum. Sed iam ad rem nostram. Quanquam fieri possit, vt magnarum rerum multipliciũque negotiorum capacia quædam ingenia reperiantur, tantum tamen ingerere dignitatum, munerum, potestatis, quantum capere quis possit, è re Principis esse non facile crediderim: præterquam quod qui Magistratus ambiunt, vt quondam Zebedæi filij *possumus* dicunt, cum ea quæ cupiunt proponuntur, cum tamen reuera si vniuersa moles illis imponatur sub onere succumbant, quamuis rerum potiundi desiderio prouecti, fortè non gemant.

Aliqua de legatis qui extraordinarij sunt ministri. 13 Hic de legatis aliquid addi potest, quod est administratorum extraordinarium. quoddam genus, ij esse debent, dignitate, ætate, prudentiãque & rerum vsu spectabiles. Itaque (quod attinet ad ætatem) Abraham cum filio suo Isaac vxorem

Gen. 24.2. quæreret, *seruum seniore domus sue, qui præerat omnibus, quæ habebat,* qui de nuptiis conciliandis ageret, legauit. Et Balac Moabitarum Rex Balaam filium Beor, ariolum sibi adiungere cupiens eo consilio, vt Israelitarum populo malè precaretur, illũque diris Orco deuoueret, grandiores natu misit, vt ex Numerorum libro habemus, in quo

Num. 22.7. legimus. *Perrexeruntq; seniores Moab, & maiores natu Madian, habentes diuinationis pretium in manibus.* Cũque Balaam à Domino prohibitus, iter illud suscipere detrectasset, nec ad Balac, vt ipse

Ibid. n. 15. postulauerat venisset. *Rursum ille multò plures, & nobiliores, quàm antea miserat, misit.* Et Ezechias Rex cum ab Assyriorum Regis exercitu intra mænia compulsus obsideretur, ad Rabfacem exercitus ducem

ducem tres primarios viros legauit Eliacim, scilicet filium Helciae *Præpositum domus & Sobnam* 4 Reg. 18. *scribam* (magnum Cancellarium nos appellare consueuimus) & *Iohae filium Asaph à commentarijs*: eum scilicet, quem nostrates à secretis appellant. Cur autem ita agendum sit, ratio est in promptu: nam, quo amplior, & clarior est eorum dignitas, qui mittuntur, tantò illustrius testimonium est opinionis, quàm de Principis ad quem legantur excellentia conceptimus, iique cum se impensius coli sentiunt, animum magis beneuolum induunt, erga Principem illum, qui mittendę legationis auctor fuit. Porro de prudentia quid attinet dicere, cum in negotiis tractandis, pace componenda, nuptiis conciliandis, fœderibus iungendis, aliisque huiusmodi summa dexteritas & prudentia necessaria sit, cum in huiusmodi rebus impingere maximè sit in procliue. Itaque Salomon temerarij Principis in extremum discrimen res suas adducentis, errores legati sapientis dexteritate & sapientia emendari docuit; quod enim in vulgata legimus. *Nuntius impij cadet in malum, legatus autem fidelis sanitas.* Prou. 13. Septuaginta 17. *verterunt, Rex temerarius cadet in mala; legatus autem sapiens liberabit eam.* Illud etiam plurimum iuuerit, si legatus Principis illius linguam ad quem mittitur calleat, nam remotis arbitris expeditius, & fidentius, sua fas erit tractare negotia, nulliusque interpretis fide interposita, qui si parum consideratè, parumve fideliter, quæ vltro, citroque dicuntur interpretetur, facillè animos, qui responsionum humanitate leniendi essent, exasperabit, totumque negotium corrumpet. Vidit hoc prudenter Ezechias qui cum eos quos supra memo-

786 *Institutio politica ex sacris Scripturis.*

4. Reg. 18. 26. rauimus legatos ad Rabfacem misit, hoc specta-
uit vt Syriacum idioma, quod Rabsaci erat fami-
liare, tenerent. *Dixerunt autem (inquit Scriptura)*
Eliacim filius Helcia, & Sobna & Iohae Rabsaci. Pro-
camur vt loquaris nobis seruis tuis Syriacè, si quidem
intelligimus hanc linguam, & non loquaris nobis Iudai-
cè, audiente populo, qui est super murum. Sed ante om-
nia fidelitas in legatis exigitur, ne scilicet publi-
ca Principis negotia negligendo, aut etiam pro-
dendo, priuata sua compendia consequantur, cu-
jus rei exemplum habemus in Menelao in Ma-
chabæorum historia. *Et post triennij tempus, inquit,*
misit Iason Menelaum supradicti Simonis fratrem por-
tantem pecunias Regi, & de negotijs necessarijs responsa
perlaturum. At ille commendatue Regi, cum magnifi-
casset faciem potestatis eius in semetipsum retorsit sum-
mm sacerdotium, superponens Iasoni talenta argenti
trecenta. Acceptisq; à Rege mandatis venit, nihil qui-
dem habens dignum sacerdotio. Itaque Menelaus, quâ
adulatoria assentatione Regis animum demul-
cendo, quâ pecuniis demerendo, nam plus obtru-
lit, quàm Iason obtulisset, res suas promouit, alte-
rius euertit.

De inspe- 14 Tandem de Prouinciarum inspectoribus, si-
ctoribus ue visitatoribus breuiter agamus, quos aliquando
Prouincia- Principes, qui per se ipsos regna lustrare non pos-
rum, siue sunt, eo consilio mittunt in Prouincias, vt earum
visitatori- statum cognoscant, magistratuum fidem, iudicio-
rum integritatem explorent, rectè ne omnia ve
par est, & iuxta legum præscriptum fiant, an po-
tius è contrario iura negligantur, & pessunden-
tur, populique malè habeantur, exhauriantur,
tyrannicè tractentur. Sanè Samuel præcipuas Is-
raelis ciuitates cum populum iudicaret, ipsemet
circuire

circuire consueuerat , eo crediderim consilio , vt
 sui copiam faceret eum adire , & ius suum perse-
 qui volentibus , vtque minores magistratus con-
 tineret in officio , & ab iniuria subditos prohibe-
 ret , de eo enim dicitur : *Iudicabat Samuel Israel* 1. Reg. 17.
cunctis diebus vite sue , & ibat per singulos annos cir- 15.
cumiens Bethel , & Galgala , & Masphat , & iudicabat
Israel in supradictis locis. Hoc autem visitandi
 munus , aut supremi Principis est , aut alicuius ,
 quem ipse cum ampla potestate sibi substituerit ,
 suasque ei partes demandauerit : qui enim visitan-
 di sunt , eos sub aliorum potestate constitui ne-
 cesse est. Itaque Eliu apud Iob de Deo Principum
 summo verba faciens. *Quis poterit , inquit , scrutari* Iob 36.23.
vias eius , aut quis poterit ei dicere , operatus es iniquita-
tem ? Ex Hebræo propriè verti potest. *Quis visita-*
bit super illo ? Cùm ergo ad Prouincias , aut Regna
 inspicienda visitatores huiusmodi destinati fue-
 rint , vt eos officij sui nomen satis admonet , dili-
 genter inspiciant qui mores in melius emendan-
 di , quæ vitia excindenda , nec amicos illos S. Iob Iob 2.11.
 imitentur , qui cum afflictam eius fortunam in-
 spexissent , eumque ad summam egestatem reda-
 ctum , vlceribus plenum , ab omnibus destitutum
 reperissent , non tamen eius malis leuamentum
 aliquod attrulisse , sed potius calamitatem impor-
 tunis disputationibus exasperasse , innoxium ve-
 xasse , & quasi violati numinis reum peragere vo-
 luisse memorantur. Non parum ad rem nostram
 facit quod in Machabæorum historia legimus , in 1. Mach. 4.
 qua post ingentes enumeratas calamitates qui-
 us impius Rex Antiochus Hierosolymam cir-
 cumiectasque ciuitates vexauit , afflixit , ac tan-
 tùm non attriuit , cum de Mathathia , & quinque

Ibid. au. 6. eius liberis sermo incidit, dicitur. *Hi viderunt*, vel
 ut est in Græco textu, *ἵδεν, vidit*, solus scilicet Ma-
 thathias *mala quæ fiebant in populo Iudæ, & Ierusa-*
lem. An non videbant hæc mala cæteri omnes qui
 aderant, in quorum oculos incurrebant, cum in
 eorum conspectu fierent? Sanè videbant, sed ij
 tantum vidisse dicuntur, qui vidisse non conten-
 ti, ad Rempubl. defendendam, & è tyranni ma-
 nibus eripiendam, animum adiecerunt, eiùsque
 furori sese opponere non dubitarunt. Et fortè
 hoc sensu dicitur in Genesi, *Descendisse Dominum*
 Gen. II. 5. *ut videret civitatem, & turrim quam edificabant filij*
 Ibid. c. 18. *Adam*; & rursus eodem libro descendisse, ut vi-
 deret an clamor Sodomorum qui ad eum ascen-
 derat, verus esset an falsus. Proculdubio Domi-
 nus, qui ut canit S. David, *alta à longè cognoscit*, ne-
 cesse non habet quemadmodum homines ad res
 ipsas accedere, quas vult contemplari, cum iis
 semper intersit, & præsens sit; sed ea loquendi
 formula vsus est Moses iuxta humanum agendi
 morem, ut nos intelligamus, eos quorum fidei
 Respublicæ inspiciendæ creditæ sunt, propiùs ac-
 cedere ad res ipsas debere, negotia quæ propo-
 nuntur diligenter versare, atque cognoscere, &
 tandem (quod potissimum ab iis omnes expe-
 ctant) prauos corrigere, fontes plectere, publicæ-
 que quietis perturbatores compescere: quod con-
 sequentur, si omnia ad æquitatis libellam dili-
 genter exegerint, & si fieri possit antequam ad
 Principes suos redeant, ita omnia constituta re-
 liquerint, ut etiam postquam provincia excesser-
 rint, cursum teneant, & bene constantèrque pro-
 cedant.

*Leges Reipublicæ necessarias esse,
quales esse debeant, usq[ue]
parendum.*

CAPUT IV.

Legum præscripta Rebuspublicis utilia esse, nullus unquam, qui sanæ quidem mentis esset dubitavit: illarum enim metu humana comprimitur audacia, tutæque redditur inter improbos innocentia, multæque sanciendo Reipubl. statui accommodata omne genus hominû, quod sinu suo, ciuitas aut regnum complectitur, instituunt, & ad officium vocant: *Lex sapientis*, inquit Salomon, *fontis vitæ, ut declinet à ruina mortis*; & sensus est, à legum fontibus, quos sapiens toti Reip. recluserit, promanare latices, qui, ex iis haurientibus, salutare sint: & leges quasi indicem esse, cuius beneficio à periculis imminentibus auertamur, & abducamur, si ad earum præscriptum rectum iter insistere studuerimus. Itaque S. David diuinam legem lucernam appellat. *Lucerna*, inquit, *pedibus meis verbum tuum, & lumen semitis meis*. Et Salomon. *Quia*, inquit, *mandatum lucerna est, & lex lux*: cum enim mortalitatis huius semitæ nihil aliud sint, quàm *tenebra & lubricum*, Legis *Præceptum lucidum, & illuminans oculos*, tanquam pharus clarissima accendi solet, ut omnes ad cursum intendant, & pericula si quæ interneniunt, declinent; sic per legem quæ non concupiscendum præcipit, se cognouisse affirmat D. Paulus cauendum

Leges utiles esse ac necessarias Reipub.

Prou. 13.
17.

Psal. 118.
105.
Prou. 6.
23.
Psal. 34 6.
Psal. 118.9.

790 *Institutio politica ex sacris Scripturis.*

Rom. 7. 7. dum esse ne ad concupiscentiarum scopulos deferamur. *Peccatum, inquit, non cognoui nisi per legem, nam concupiscentiam nesciebam, nisi lex diceret, Non concupisces:* In pericula autem cognita, qui se ipsum induit, suo vitio perit, non legis quæ bona est, & peccatum omne ac nefas, quantum in ipsa est amolitur. Contra verò cum nullæ sunt leges, quæ ad iustitiam, ac pietatem homines erudiant, aut cum sunt quidem, sed minimè seruantur, quod perinde est ac si non essent, nullum est incommodum, quod Rempubl. non inuadat; quare mala illa omnia, quæ ab Isaia, quodam loco recensentur, populùmque Israelis pessum dedisse describuntur propterea, quòd diuina lex neglectui fuisset habita, & pactum quod cum illis Dominus pepigerat violatum, eas omnes Respublicas occupant, quæ legum negligunt sanctiones, prauis inuentis, consuetudinibus, quæ cum in ciuitatis mores irrepunt, omnem virtutem ac decus populantur; *Luxit, inquit, & defluxit terra, & infirmata est, defluxit orbis, infirmata est altitudo populi terra, & terra infecta est ab habitatoribus suis, quia transgressi sunt leges, mutauerunt ius, dissipauerunt fœdus sempiternum. Propter hoc maledictio vorabit terram, & peccabunt habitatores eius, ideòq; insanient cultores eius, & relinquentur homines pauci; luxit vindemia, infirmata vitis, ingemuerunt omnes qui latabantur corde. Cessauit gaudium tympanorum, quieuit sonitus latantium, contuit dulcedo cithara. Cum cantico non bibent vinum, amara erit potio bibentibus illam. Attrita est iuuitas vanitatis, clausa est omnis domus nullo introeunte. Clamor est super vino in plateis, deserta est omnis letitia, translatum est gaudium terra, relicta est in vrbe solitudo, & calliditas opprimit portas, quia hæc erunt in medio terre,*

in medio populorum, &c. quæ in hanc eandem sententiam prosequitur sanctus Propheta. Nam reuera cum legum murus à potentioribus qui legibus parere nolunt, subruitur; aut cum vigor ille senescit, qui subditos legibus obedire compellit, ciuitas redigitur ad vastitatem; nam incolæ dilabuntur, agrorum cultura deseritur, ciuitasque tota ciuilibus turbis distrahitur, & laceratur, tandemque ad interitum ruat necesse est. Huc facit felix illa arbor, quæ Nabuchodonosori Regi per quietem diuinitus ostensa est. Videbat, inquit, & Dan. 4.8. ecce arbor in medio terra, & altitudo eius nimia. Magna arbor, & fortis, & proceritas eius contingens calum, aspectus eius erat usque ad terminos vniuersæ terra, folia eius pulcherrima, & fructus eius nimis, & esca vniuersarum in ea, subter eam habitabant animalia, & bestia, & in ramis eius conuersabantur volucres celi, & ex ea vescebatur omnis caro. Cùm verba ista considero, optimè mihi videtur congruere arboris istius similitudo, opulentæ alicui ciuitati aut regno; quemadmodum enim arbor pingui solo innata, aquis irrigata perennibus, aperto, sinceròque solis nitore illustrata in magnam excrescit altitudinem, foliorum lætissima viriditate vestitur, pomisque aut baccis abundans peregrinos inuitat, vt patulis succedentes vmbraculis sub ramis acquiescant, aues verò vt in eiusdem complexu nidulentur; ad eundem planè modum, ciuitates diuitiis, ac potentia beatæ, sed potissimum iustis legum fundatæ sanctionibus, non solum spectantium oculos tenent ac rapiunt ordinis, ac decoræ descriptionis admiratione defixos, sed quod caput est rebus omnibus necessariis ad vitam ac delicias opportunis abundant, integrum-

792 *Institutio politica ex sacris Scripturis.*

que est, non inquilinis tantum, sed aduenis etiam, & peregrinis in ea stationem figere, & tutis esse ac quietis nullo plane accedente, legum beneficio securitatem adeptis inferre molestiam. Quare quod S. David de homine prædicat, qui in lege Domini meditatur die ac nocte, id vniuersis bene constitutis ciuitatibus conuenit, *ut scilicet sint tamquam lignum, quod plantatum est secus decursus aquarum, quod fructum suum dabit in tempore suo, & folium eius non defluet, & omnia quaecumque faciet prosperabuntur.*

Psal. 1.3.

Legum necessitas in Rep. colligitur ex naturali veru ordine, ac lege.

Eccle. 1.5.

Bar. 3.34.

2 Hunc autem legum ordinem, præscriptumque in Rebus publicis seruandum esse, illud etiam suadet, quod naturæ leges, cuius author est ipse Deus, in mundo constantissime seruari videmus, quas si qua potestas interueniens, aut tolleret, aut turbaret, molem hanc vniuersam tam sapienter inter se coagmentatam penitus labefactaret & euerteret. *Nam oritur sol & occidit, & ad locum suum reuertitur, ibique renascens gyrat per meridiem, & flectitur ad Aquilonem, lustrans vniuersa in circuitu, pergit spiritus, & in circulos suos reuertitur. Omnia flumina inrant in mare, & mare non redundat, ad locum vnde exeunt flumina reuertuntur, ut iterum fluant. Ad eundem modum stellæ suas nocturno tempore seruant stationes, & in militiæ castrorumque morem iuxta Domini leges lumen suum exerunt, faces orbi terrarum circumferentes. Stelle autem, inquit Baruch, dederunt lumen in custodijs suis & latata sunt, vocata sunt, & dixerunt; Adsumus, & luxerunt ei cum incunditate, qui fecit illas. Rursus terra, & mare, quod illius sinu fouetur, eiusdem Legislatoris mandatis ita parent, ut ne latum quidem vnguem ab illius præscripto discedant. Audiamus*

Domini

Dominum de turbine sic alloquentem seruum suum Iob. *Vbi eras quando ponebam fundamenta* Iob 38.4. *terra? Indica mihi si habes intelligentiam. Quis posuit mensuras eius si nosti? vel quis tetendit super eam lineam? super quo bases illius solidata sunt? aut quis demisit lapidem angularem eius? Cum me laudarent simul astra matutina & iubilarent omnes filij Dei? Quis conclusit ostius mare, quando erumpebat, quasi de vulua procedens, cum ponerem nubem vestimentum eius, & caligine illud quasi pannis infantia obuoluerem? circumdedit illud terminis meis, & posui vectem & ostia, & dixi: Usque huc venies, & non procedes amplius, & hic confringes tumentes fluctus tuos; quemadmodum enim ignis, nix, glacies, spiritus procellarum faciunt* Psal. 148. 8. *verbum eius, ita cœli & omnia elementa, quæque in illis continentur diuinis imperiis constanter parent, iisque cientur motibus, quos ipse præscripserit, sua seruantes loca, naturæque suæ consentaneas functiones eodem semper tenore exhibentes, vt meritò cum discipulis stupore defixis dicere possimus. Quis putas est iste, quia & ventus* Marc. 4. 40. *& mare obediunt ei?*

3 Quid porro dicemus de legibus illis quas iis naturis dedit, quæ rationis participes sunt? verè cum S. David dicere possimus, *Tu mandasti mandata tua custodiri nimis.* nam non solum quale sibi præstari vellet obsequiū legibus daris aperuit, sed seueris etiam in violatores animaduersionibus quantoperè Reip. interesset ostendit, earum sanctionibus ad virtutē, & publicum bonū ciues institui, & si opus sit, inflictiis pœnis in officio contineri. Discere possumus hoc ex Angelis, quos cum Dominus ad sui ipsius imaginē ac similitudinem condidisset, eximiisque naturæ, & gratiæ orna-

794 *Institutio politica ex sacris Scripturis.*

- mentis decorasset, vt propterea in omnes conueniat, quod de vno quopiam illorum prædicat
- Ezech. 28. Ezechiel Propheta. *Tu signaculum similitudinis, plenus sapientia, & perfectus decore, in deliciis paradisi fuisti, omnis lapis pretiosus operimentum tuum: tamen cum in superbiam elati legem Domini seruare contempserunt, illis peccantibus Dominus non pepercit, vt quodam loco dicit S. Petrus. sed rudentibus inferni detractos in tartarum tradidit cruciandos. quod aliis verbis sanè grauissimis S. Iudas expressit in catholica epistola sua, cum ait. Angelos verò, qui non seruauerunt suum Principatum, sed dereliquerunt suum domiciliũ, in iudicium magni diei vinculis aternis sub caligine reseruauit. Nec dissimilis in homines primos animaduersio quos in paradiso voluptatis collocatos ita gratia, & originali iustitia donauerat, vt eorum appetitiones rationi, & carnem spiritui subiiceret, eosque à mortalitatis necessitate, aliisque malis & æumnis eximeret, vitamque foelicem & tranquillam largiretur. Hos ergo, postquam præscriptam legem violarunt, iustitia originali spoliatos, & paradiso exturbauit, & morti fecit obnoxios, cæterisque malorum examibus, quæ nos quotidie experimur ita subiecit, vt pro meritis voluptatibus, quibus in amœno illo deliciarum viridario fruebantur, nunc malorum pœnarumque calix, cuius fex non exinanitur, nobis propinetur, vt reuera quicumque mortalem hanc vitam viuimus, absint hio inebriati nullam quietis partem capere possimus; nec maiores tantum culpas, quæ leges illius in rebus grauioribus violant, seuerioribus pœnis inflictis vindicat, vt Sodomitarum & Gomorræorum infame crimen. de quibus S. Iudas cum ait: Sodoma & Gomor*
- Ezech. 28.
17.
2. Petr. 2.
4.
- Iudæ 1.6.
- Psal. 74.9.
- Thren 3.
15.
- Iudæ 1.7.

Gomorrah & finitima ciuitates, simili modo exornatae, & abeuntes post carnem alteram, factae sunt exemplum, ignis aeterni poenam sustinentes: sed etiam peccata illa & noxas, quae non ita graues nobis videntur, atrociter aliquando, si ita de Diuina iustitia licet loqui, poenis etiam mortis, ad legum suarum sanciendam disciplinam puniendas censuit, vt prophetæ illi accidit, qui cum cibum contra Domini præscriptum, alio Propheta illi offerente & decipiente sumpsisset, à Leone quem obuium habuit in via occisus est. Itaque leges suas Dominus ante Principis oculos versari iussit, easque apud se descriptas habere, omnesque subditorum actiones ad earum normam exigere. Nam Regi futuro ita præscribitur in Deuteronomio. *Postquam autem sederit in solio Regni sui describet sibi Deuteronomium legis huius in volumine, accipiens exemplar à Sacerdotibus Leuitica tribus, & habebit secum, legetque illud omnibus diebus vitae suae, vt discat timere Dominum Deum suum, & custodire verba & ceremonias eius, quae in lege præscripta sunt, nec eleuetur cor eius in superbiam super fratres suos, neque declinet in partem dexteram aut sinistram, vt longo tempore regnet ipse, & filij eius super Israël.* Quibus verbis tria monita maximi momenti continentur. Primum est, vt legem Dei optimè calleat, atque vt obliuioni, & illius ignorationi occurratur, illam ipse describat, quod præceptum non tam significat diuinam legem Regis manu in membranis exscribendam, quam iuxta Sapientis consilium, *In tabulis cordis describendam* ita exactè, & ad amissum, vt Principis cogitationes, verba, & facta perfectissimum quoddam exemplar sit ad diuinæ legis præscriptum efformatum, & effectum, sitque ipse lex quæ

3. Reg. 13.

24.

Deut. 17.

18.

Proa. 3.4

796 *Institutio politica ex sacris Scripturis.*

quædam viuens, & spirans, in quam ciues omnes oculos suos coniicientes Principis sui exemplo proficiant ad omne decus. Quicumque enim dat præcepta hominibus, ad vitam, moresque fingendos, ipsi eodem modo vinendum est, quem aliis præscribit, ne si aliter ipse vixerit, præceptis suis fidem detrahat, leuioremque doctrinam suam faciat, si re ipsa resolverit, quod verbis conatur astringere; cuius enim importunitatis est homini libero leges imponere velle, quibus ipse non pareas? aut quibus cum ipse tuleris fraudem facias? Itaque Moyse qui Israëlitiçi populi caput erat, cum è montis vertice reuerteretur ad suos, tabulas legis, manibus tenuisse dicitur, facto suo monens non tantum præceptis illis capita submittenda, eorumque auctorem veneratione ac reuerentia prosequendum, sed etiam præ manibus Principi habenda esse, & executioni mandanda, ne leges sine moribus vanæ sint, nihilque proficiant. Alterum monitum est, vt leges Sacerdotum exemplaribus congruant, vt nimirum cum suarum legum exemplaria, cum Sacerdotum exemplaribus composuerint, cum illis consentiant, ne fortè mundi aut Dæmonis placita pro legitimis, probatis, rationique consentaneis legibus admittant. Quare quæcumque leges Sacerdotum doctrinæ, quæ in Ecclesia recepta est repugnant, eæ tanquam iniquæ abrogandæ sunt, & abolendæ, si fortè iam latæ fuerint; nulla autem ratione si non extent Reipubl. cui maximè noxiæ essent proponendæ aut ingerendæ. *Labia enim Sacerdotis* (vt est apud Malachiam) *custodiunt scientiam, & legem requirunt ex ore eius, quia Angelus Domini exercituum est.* Bene Sacerdotes appellantur Angeli, vt

nimi

Malach. 2.

7.

nimirum intelligamus quemadmodum Angeli hominibus naturæ excellentia præstant, eosque dirigunt, & docent ea quæ à Domino præcipiuntur; ita Sacerdotes quibuscumque hominibus, Principibus etiam & Regibus antecellere, hosque ab illis consilium capere debere, iis in rebus, quæ ad Diuinam legem aliqua ratione spectauerint: quod ipsum Dominus docuit, cum Iosue belli exercitusque ducem constitui, Eleazarum verò summum Sacerdotem initiari iussit, qui, *Si quid agendum esset, consuleret Dominum, & ad illius verbum egrederetur ipse, & ingrederetur* (qui modus loquendi cuncta facere significat) *& omnes filij Israël cum eo, & cætera multiudo.* Cumque Iosue magistratum iniret, ita illum Dominus allocutus est. *Confortare, & esto robustus valde, ut custodias, & facias omnem legem, quam præcepit tibi Moyses seruus meus: ne declines ab ea ad dexteram vel ad sinistram, ut intelligas cuncta, quæ agis; non recedat volumen legis huius ab ore tuo, sed meditaberis in eo diebus ac noctibus, ut custodias, & facias omnia, quæ scripta sunt in eo, tunc diriges viam tuam, & custodies eam.* Tertium monitum est, ut caueat ne nimios spiritus assumat, eleueturque cor eius in superbiam super fratres suos, atque propterea leges negligat, quasi ipsis minimè obnoxius, cum nullus sit, qui leges euertentem possit coercere. Itaque Princeps ne illis similis sit, in quos Christus inuehitur cum ait, *Dicunt enim & non faciunt, alligant onera grauiæ & importabilia, & imponunt in humeros hominum, digito autem suo nolunt ea mouere.* Pontificique illi Ananiæ quem D. Paulus verbis illis increpuit. *Percutias te Deus paries de aëre, nam tu quidem sedens iudicas me secundum legem, & contra legem iubes me percuti.* Rigidus

Num. 17. 21.

Ios. 1. 7.

Matth. 23. 3.

Act. 23. 3.

798 *Institutio politica ex sacris Scripturis.*

dus sit legum satelles , quasque aliis præscripse-
 rit, etiam ipse patiatur, memor se maiori Principi,
 factorum, dictorumque suorum rationem
 redditurum, & si nullus subditorum dicere po-
 test, cur ita facis, non propterea si leges violaue-
 rit, præscriptumque mandatorum Dei transilie-
 rit, impunè laturum : quod S. David agnouit, &
 verò etiam prædicauit, cum peccati sui labes de-
 plorans in Psalmo ita flebiliter canit. *Tibi soli pec-*
ni; quamuis enim in Vriam, cuius thorum vio-
 lauerat, quem periculo expositum interfecerat,
 offendisset, quamuis Bersabee ad peccati consue-
 tudinem pellexisset, & vt Scriptura loquitur
blasphemare fecisset inimicos Domini, tamen ait, *Tibi*
soli peccanti; quia scilicet nulla erat tanta in Re-
 publ. illa potestas, quæ pænæ alicui fontem Da-
 uidem posset addicere : sed quidquid in Deum, in
 Vriam, in leges denique ipsas peccauerat, diuinæ
 ultionis vindicta, à qua se ipsum eximere, aut
 subducere non poterat, erat expiandum.

4 Sed ad legum obseruationem reuertamur,
 quæ cum omnibus temporibus & locis, à viola-
 torum iniuria vindicandæ sunt, tum potissimum
 cum recentes adhuc sunt, & nuper latæ, ne si
 contemni statim incipiant cum feruntur, illarum
 ius & auctoritas obsolescat, & concidat. Quod
 enim scelus incredibile alioqui, & ultra auda-
 ciam positum videbatur illud primi legum euer-
 sores fieri posse ostendunt, & verò vt fiat timi-
 dius aggredientibus viam munientes animos ad-
 dunt. Hinc Adami, & Euzæ peccatum tam diu-
 turnis, tam grauibz pœnis vindicatum, hinc
 cædes Abel à Cain illius fratre patrata, vnde pri-
 mò tellus aperuit os suum, & suscepit sanguinem fra-
 tris

Psal. 50. 6.

2. Reg. 12.
14.

Curandum
Principi,
vt leges
seruentur,
praesertim
cum recen-
ter lata
sunt.

Genes. 4.
11.

tris de manu Cain: cum ad illum diem nullo sanguine esset polluta, illas Domini in Cainum diras euocauit. Nunc igitur maledictus eris super terram, cum operatus fueris eam, non dabit tibi fructus suos, vagus & profugus eris super terram: grauis admodum pœna, & expedito aliquo genere mortis longè grauior; nam quod nos legimus vagus & profugus, Septuaginta habent, σίμων καὶ τρέμων gē- mens & tremens, alij σαλεύομεν & ἀκαταστάων. ac si diceret, curarum ac mœroris salo agitated, carnificinaque pectus fodientis & lancinantis conscientiae instinctus, alias subinde regiones mutans. Hinc Iudas Crepuit medius & diffusa sunt omnia viscera eius, quod nuper instituti Sacramenti sanctitatem non reueritus primus ore ac corde, quo dirum illud conceperat facinus, quod mens cogitare refugit, sacrum illud mysterium indignè tractare, nec minùs quàm alij, quorum sincerus erat animus, & pectus pietate subactum, vsurpare non dubitauerit. Hinc cum Christi tunc primùm nascens Ecclesia versaretur in primordiis, tantàque esset Christianorum liberalitas, vt propriis latifundiis ac domibus pretio distractis, pecunias quas conflauerant, ad Apostolorum pedes proiicerent, Ananiae ac Saphirae crimen, qui venditi agri pretij partem aliquam sibi retinuerunt, non verbis tantùm acribus castigauit, sed etiam exanimauit; nam dixit Petrus. Anania

Ibidem.

Act. 1. 18.

Act. 5. 3.

cur tentauit Satanas cor tuum, mentiri te Spiritui sancto, & fraudare de pretio agri? Nonne manens tibi manebat, & venundatum in tua erat potestate? quare posuisti in corde tuo hanc rem? non es mentitus hominibus, sed Deo. Audiens autem Ananias verba haec cecidit, & expirauit, & factus est timor magnus super omnes

800 *Institutio politica ex sacris Scripturis.*

Num. 15.
32.

omnes, qui audierunt : quo scilicet alij qui mortuum viderant Ananiam , aut ad quos facti fama peruenerat, à diuinæ legis præceptis violandis reuocarentur. Hinc etiam lege Domini Moſis præconio constituta , cum filij Israël in ſolitudine inuenissent hominem colligentem ligna in die Sabbathi, obtulerunt eum Moysi & Aaron , & uniuersæ multitudini, qui recluserunt eum in carcerem , nescientes , quid super eo facere deberent. Dixitque Dominus ad Moysen. *Morte moriatur homo iste, obruat eum lapidibus omnis turba extra castra. Cùmque adduxissent eum foras, obruerunt lapidibus, & mortuus est, sicut præceperat Dominus.* Quamuis enim fieri potuerit vt non diurnus labor esset colligentis ligna , aliquoque necessitatis prætextu à grauioris criminis noxa liberari posse videatur , secus tamen , vel ex eo iudicandum est , quod morti oppetendæ iusto Domini iudicio addictus est , eam ob causam vt aliqui Patres putant , quod primus legem illam de Sabbatho non violando esset transgressus. Hinc tandem Acham filius Charmi , cum legem primus violasset, qua iusserat Dominus , ne quis ex spoliis Iericho sibi quidquam reſeruare auderet, *Sed quidquid erat auri, & argenti, & vasorum aneorum, & ferri, Domino consecraretur, & in theſauris eius reponeretur :* Iosue Dux populi, Domino per sortes tanti criminis reum iudicante, in vindictam sceleris, cæterorumque terrorem lapidibus obruit, magnum super eum lapidum acervum aggerando, valliſque in qua est occisus, *Vallis Acher,* id est, *turbationis,* triste nomen imponendo, quæ appellatio Scriptura attestâte loco illi diutissimè hæſit, non minus ad patrati criminis memoriam renouandam , quàm ad vindictæ terrorem incutiendum,

Theodo-
ret. q. 31.
in Numer.
Saluian.
lib. 6. de
prouiden-
tia circa
medium.
Iosue 6. 19.
Iosue 7.
26.

tiendum, absterrendosque posteros, qui olim lapides illos in vnum aggestos conspecturi essent, noménque vallis audituri, ne sanctitatem legum parui pendere, aut perrumpere auderent. Sed de his hæcenus : nam superiore libro, cum de vindicatiua Principis iustitia disputarem, nonnulla dicta sunt, quæ huc commodè transferri possunt, quæ qui volet cognoscere, inde petat licet.

5 Quærat hic aliquis, melius ne sit, & Reipublicæ salutaris, multas ferre leges, illudque conari nequid à legislatore prætereatur, quod legibus comprehensum non sit ; an verò parcius adhibendæ, ea tantum præscribendo, quæ maioris sunt momenti, reliqua Principis arbitrio reseruando. Sanè magis placet leges paucas esse ; nam præterquam quod plurimas habere leges corruptæ Reipublicæ signum est, flagitiorum æquè, ac legum mole laborantis, illud etiam incommodum est, quod multis obruti præceptis, ea vel obliuiscimur, vel etiam, quod deterius est, contemptum imus. Adde hominum naturam libertatis tenacem ad ea ut plurimum niti quæ vetita sunt, ut exemplo discimus vxoris Loth, cui cum imperatum esset ne oculos ad flagrantis incendio ciuitatis aspectum reflecteret, humano malo, quo ægrius vetitis abstinetur, parum dicto audiens in statuam salis conuersa est. Itaque Apostoli in Synodum coacti, nouamque Ecclesiam legibus fundantes, paucula quædam eo tempore necessaria statuerunt, reliqua omnia missa facientes in hæc verba concilij illius canonem concipientes. *Visum est Spiritui sancto, & nobis, nihil ultra imponere vobis oneris quàm hæc necessaria, ut abstineatis vos ab*

Leges paucas esse debere.

Genes. 19.
17.26.

Act. 15.28.

Ecc immo

*immolatis simulacrorum, & sanguine, & suffocato, & fornicatione, à quibus custodientes vos bene agetis. Va-
lete. & S. Petrus eos verbis castigans, qui onera Ecclesiæ conabantur imponere grauiora, quàm
vt ferri commodè possent. Nunc ergo, inquit, quid
tentatis Deum imponere iugum super cervices discipu-
lorum, quod neque Patres nostri, neque nos portare po-
tuumus? Sanè iugum graue, nam si iis credimus
qui curiosius ista persecuti præceptorum veteris
legis numerum supputarunt, vniuersæ legis præ-
cepta sexcenta tredecim fuerunt, vetantia qui-
dem ad trecenta sexaginta quinque, quot nimi-
rum dies annum conficiunt; affirmantia verò, du-
centa octodecim, vt verè S. Augustinus, legis il-
lius multiplex præscriptum, *Innumerabilium obser-
uationum sarcinam* appellarit: quod tamen nullus
sapientissimo legislatori vitio vertat, nam perui-
cax ille, & duræ cernicis populus, & ad idolola-
triam procliuius graui multarum legum obserua-
tione premendus fuit, vt scilicet ceremoniis illis,
ritibusque peragendis intentus, circumiectarum
nationum errores non hauriret. Adde multipli-
cibus illis, quasi lineamentis ac picturis euange-
licam legem fuisse rudibus illis populis expri-
mendam, Christi que olim venturi necessitatem
aperiendam, qui humanarum virium imbecilli-
tati ferret opem, aliquid de pondere minuendo,
& ad id quod fuisset impositum, commodiùs por-
tandum, vires sufficiendo. Caterum noua lex
ceremonialibus illis, ac iudicialibus legibus ab-
rogatis ad pauciora multo sacramenta, & ritus,
vnicumque sacrificium reuocata est, vt proinde
meritò à D. Paulo nouum testimonium, *verbum
breniatum* dictum sit, nullusque iure conqueri
possit,*

Act. 15. 10.

Abulen.
in cap. 1.

Ruth. 9.

24.
Serm. 9. de
verbis Do-
mini.Rom. 9.
28.

possit, quasi legum cumulo pressus, aut eas memoria complecti, aut opere præstare arduum sit & difficile, cum dixerit Dominus. *Iugum meum suave est, & onus meum leue.* Sed potius legum hanc facilitatem & paucitatem exosculando, *subiciens illis collum, suscipere debeat disciplinam,* ut alicubi loquitur Ecclesiasticus. Matth. 23.
30.
Eccles. 51.
34.

6 Illud tandem optandum est, & verò etiam sperandum in Republ. iustis legibus temperata, quam sapiens aliquis Princeps, & communis boni cupidus moderetur, ut non tam atrocitatem pœnarum timentes subditi legibus pareant, quam virtutis amore & benevolentia ducti, qua Principem prosequuntur: quod si consequi Princeps possit, tunc demum Rempubl. omni ex parte beatam futuram putet. Iudæi qui Ierosolymis versabantur, ad eos qui erant in Ægypto cum scriberent aliquando, nihil se melius optare posse illis, sunt arbitrati, quam si eam mentem ipsis iniici diuinitus precarentur, qua volenti animo diuinæ legis mandata capesserent. *Det vobis, inquit, cor omnibus, ut colatis eum, & faciatis eius voluntatem, corde magno, & animo volenti:* tunc enim *iugum suave, & onus leue,* quod imponitur à lege, esse videtur, cum non propterea illi paremus, quia lex per metum à nobis exprimit ut illud faciamus, sed nos, quæ iubentur, alacriter facimus, quia legum sanctionibus subiacere delectat. Ideo S. David de se ipso prædicat in Psalmis. *Dilexi mandata tua super aurum, & topazion, propterea ad omnia mandata tua dirigebar:* quasi diceret, cum mandata tua maximi facerem, & mirum in modum placerent, quippe, quæ rationi sunt ac virtuti consentanea, propterea rectum virtutis tra-

Curandum ut subditi legibus non iniusti pareant.

2. Mach. 1.
3.

Psal. 118.
127.

804 *Institutio politica ex sacris Scripturis.*

mitem constanter tenebam nusquam à virtutis via declinans, siue ad dexteram siue ad sinistram. Sed egregie meo quidem animo Ecclesiasticus, qui auditorem suum ita vult sapientiæ præscripta, atque instituta capessere, vt ea non tanquam graue iugum, sed potius tanquam præclarū quoddam honestamentum, & quasi torques quosdam non vincula, aut compedes esse putet, sic enim loquitur. *Audi fili, & accipe consilium intellectus, & ne abiicias consilium meum. Iniice pedem tuum in compedes illius & in torques illius collum tuum, subiice humerum tuum, & porta illum, ne accidieris vinculis eius. In omni animo tuo accede ad illū, & in omni virtute tua conserva vias eius.* Et paulò post. *Et erunt tibi compedes eius in protectionem fortitudinis, & bases virtutis, & torques illius in stolam gloria, decor enim visa est in illa, & vincula illius alligatura salutaris, stolam gloria indues eam, & coronam gratulationis superpones tibi.* Ita enim frequenter vsu venit, vt quæ virtutis studiosis grata accidunt, & mirum quantum iucunda, eadem si eiusdem virtutis osoribus agenda proponantur, ardua, aspera, difficilia appareant, ac proinde ab illis operè præstandis, quantum possunt refugiant. Cum Dominus in Sinæ montis vertice seruo suo Moyse legis tabulas digito suo conscriptas, populoque vt seruarentur proponendas traderet, magnum iij, qui ad montis radicem confederant, timorem conceperunt: nam cum nubes verticem occupassent, tonitruorum tumultum exaudiebant, fulgurationes intuebantur, elisorumque fulminum iactus formidabant. *Iamque aduenerat tertius dies, inquit Scriptura, & mane inclaruerat, & ecce cœperunt audiri tonitrua, ac micare fulgura, & nubes densissima operire montem.*
clara

Ecclef. 6.

24.

Ibid. n. 30.

Exod. 19.

16.

*clangorque buccina vehementius perstrepebat, & timuit populus qui erat in castris. At Moses, si Philoni credimus, adeo terrificis illis tumultibus non perturbabatur, ut potius suauibus musicorum instrumentorum sonis, vocibusque modulatis mulceretur, quod etiam in sua Apocalypsi D. Ioannes expertus est, qui ait. *Audiui vocem citharodorum, citharizantium in citharis suis, & vocem quam audiui sicut vocem tonitruum magni: ut nimirum ex hisce locis intelligamus facile, plurimum interesse, quo quis modo sit dispositus, nam easdem leges quas duras aliqui, & ad seruandum difficiles existimabunt, faciles alij imo verò iucundas arbitrabuntur; quod si Princeps ita animos subditorum moderari nouerit, & molliter leges proponere, ut subditi volentibus animis illas complectantur, expeditam viam inuenerit, qua citra pœnarum terrorem publicum ciuitatis bonum constanti, suauisque legum obseruantia promouere possit.**

Philo.lib.
de som-
niis.

Apoc. 14.
2.

7 Porro, cum nodus aliquis in germano legis sensu percipiendi inciderit, curandū est, ut iuxta Legislatoris mentem, adhibitis fidis legū illarum Interpretibus, difficultatem quæ negotium nobis faceffit euoluamus: sit enim nonnunquam ut animi perturbationibus transuersi agantur homines, & ad sua commoda, aut compendia, legum verba traducant, interpretationibus in eam quam voluerint partem, mala fide torquentes. Huiusmodi Phariseorum, & Scribarum erat ingenium, quos Christus Dominus increpat apud Matthæum, quod minus verè legem de parentibus colendis interpretarentur. *Deus dixit, inquit Christus, Honora patrem & matrem, & qui maledixeris patri aut*

*Quomodo
leges inter-
pretari de-
beamus.*

Matth. 15

4.

Ecc 3 matri,

806 *Institutio politica ex sacris Scripturis.*

Marc. 2.
11.12.

matrī, morte moriatur. Vos autem dicitis: Quicumque dixerit patri vel matri, Munus quodcumque est ex me, tibi proderit: & non honorificabit patrem suum, aut matrem suam: & irritum fecistis mandatum Dei propter traditionem vestram: Qui locus sanè difficilis, ex alterius Evangelistæ verbis illustrari potest & explicari. sic enim legimus apud S. Marcum. Vos autem dicitis, si dixerit patri aut matri Corban, quod est donum, quodcumque ex me tibi profuerit, & ultra non dimittitis eum quidquam facere patri suo aut matri. Et sensus est, vos Pharisei & Scribæ verum præceptorum Domini sensum pravis vestris interpretationibus corrumpitis, nam cum Dominus iubeat filios, parentes honore afficere, eosque, cum opus habuerint, alere, vos contrà filiorum auaritiam & in parentes impietatem obsecundantes, aut etiam priuata lucra captantes, & in vos deriuantes ea, quæ parentibus potiori iure deberentur, filiis auctores estis, vt cum sacrificia aliqua offerunt, pro parentibus etiam suis offerant, qui proinde ad partem aliquam sacrificio oblatæ rei percipiendam admittantur, qua iuuentur quidem, & aliqua ratione eorum subleuetur inopia; cæterum eos, non id præstare compellit, quod diuino iubentur præcepto, vt scilicet eorum occurrant necessitatibus, & quibus in rebus opus habuerint pro facultate prospiciant. Mendax planè interpretatio, & à mendacij parente profecta. Antiquus enim mos est callidi illius serpentis, ac veteratoris diuinarum legum, verba secus interpretari, quàm iuxta Legislatoris mentem capienda sint. Sic enim primorum humani generis parentum simplicitati imposuit, cum eo consilio pomi illius esum vetitum dixit; quod

quod Deus rerum omnium ingenium ac facultates perspectas habens vereretur, ne si illius arboris fructu vescerentur, tantam rerum omnium scientiam consequerentur, ut Deorum quorundam instar haberent. Scit enim Deus, inquit, quod *Genes. 3.*
in quocumque die comederitis ex eo, aperientur oculi
vestri, & eritis sicut Dei scientes bonum & malum.
 Quod quàm verum esset, exitus satis ostendit.

8 Tandem, quia legibus omnia complecti non possumus, nec fortè, si possemus, expediret, veteribus receptisque consuetudinibus suis honos habendus est, illisque tanquam non temere inductis insistendum, curandùmque ut sartæ rectæ in Republ. custodiantur. Nam si cum ipsa lege consuetudo componatur, quamquam illi concedit in multis, in aliquibus tamen hæc illi præstare deprehendetur. Legem enim aut vnus duntaxat, aut pauci, qui in varias ferme sententias distrahuntur, certè non omnes ferunt. At consuetudo omnium usu & moribus vsurpatur, Lex pænis, quas intentat, armata sibi ciues obtemperare compellit: consuetudo blandè hominum subit voluntates, mentibûsque sibi conciliatis, quæ fieri vult, ut etiam fiat persuadet. Lex vno Principis verbo antiquatur & rescinditur, consuetudo difficiliùs à ciuium abstrahitur complexu, fitque nonnunquam, ut quantumvis Principes obnitantur obtineat. Leges tandem obscuræ plerumque sunt, multisque prauis explicationibus patent. Consuetudo aperta est, & perspicua, ut nullus illius obtentu alterum circumuenire, aut fucum illi facere possit. Itaque reperimus consuetudines quasdam longo usu confirmatas, eandem ferè vim quam leges obtinuisse. Exemplum ha-

*Quadrà de
consuetu-
dinibus.*

808 *Institutio politica ex sacris Scripturis.*

bemus in ea, quam facto suo David, ac deinceps perpetuò militaris castrorum mos retinuit, ut scilicet ij milites, qui ad custodiendas sarcinas sedissent in castris, non minùs essent participes prædæ quàm ij qui cum prodissent in expeditionem, pericula adissent, suoque sudore, aut etiam sanguine prædam illam peperissent. *Et factum est*, inquit Regum historia, *ex die illa & deinceps constitutum & præfinitum, & quasi Lex in Israël, usque in diem hanc*, ut scilicet, *aqua pars esset descendens ad prælum, & remanentis ad sarcinas, similiterque diuiderent*. In sacra etiam Euangeliorum historia habemus, eam fuisse Hierosolymis consuetudinem, ut quot annis, cum dies sollemnis Paschatis reuolueretur, vnum aliquem Præses populo liberum à carcere dimitteret, quem ipsi postulassent. *Per diem autem solemnem*, inquit D. Matthæus, *consueuerat Præses populo dimittere vnum vinctum quem voluissent*: quæ consuetudo ad publicam festi illius dici lætitiâ augendam inuenta est; Plurimum enim populus lætatur, si vel vni periclitanti salutem afferre possit, qui tam insignis beneficii auctorem populum agnoscat, & quandiu vixerit prædicet, quanquam laudabili consuetudine in Christum Dominum à Pharisæis, Scribisque concitatus populus abusus est, cum nocentissimum Barrabam, plurimisque & grauissimis sceleribus coopertum liberum dimitti voluit; eum verò qui adeo nullum crimen aut noxam admiserat, ut etiam esset de multis priuatim, & de vniuerso populo optimè meritis, ut sibi ad mortem dederetur, postulauit. Laban tamen, qui genero suo Jacob, pro Rachele quam adamauerat, & ut sibi in uxorem daretur postulauerat, Liam natu grandio-
diorem

1. Reg. 30.

25.

Matth. 27.

15.

diorem supposuit, quantumvis consuetudine suæ gentis se satis excusatum putaret, dicebat enim. *Non est in loco nostro consuetudinis, ut minores antea tradantur ad nuptias*, violatæ fidei iniuriæque Iacobo impactæ crimen non euasit, nam tunc demum laudabiliter consuetudinem, quam obtendebat, seruasset, si nulla interueniente fraude de Lia cum ipso matrimonio iungenda transegisset, nec contra quàm naturæ leges postulant, fidem fefellisset, & Liam filiam, nullo matrimonij vinculo intercedente, prostituisset potius, quam legitimo iure Iacobo quid ageretur ignoranti coniunxisset. Tunc enim consuetudo in abusum degenerat, cum aduersus naturæ iura molitur aliquid, aut contra id quod diuinis legibus est constitutum, quas totius Reipubl. consentientis auctoritas (vtpote supremi Principis Dei voluntate latas) abrogare non potest.

Genes. 29.
26.

*De Ciuitatis condenda situ, aliisque
eodem spectantibus.*

C A P V T V.

1 **S**I vlla res alia Principum nomen illustrat, *Gloriosum esse Principi ciuitates condere,* Seorúmque famam propagat, & ad posteros transmittit, ea est constructio ciuitatis, si opportuno loco sita, si ædificiorum descriptione elegans, si ciuium multitudine celebris fuerit; verissimè enim dictum est ab Ecclesiastico. *Filij & Eccles. 40.*
adificatio ciuitatis confirmabit nomen. Quemadmo- 19.
dum enim qui filios genuit, etiam si fato ipse

E e e s con

§ 10 *Institutio politica ex sacris Scripturis.*

- concefferit, in liberis tamen superstitibus expressam sui reliquit imaginem, iuxta eiusdem Sapientis dictum, cuius illa sunt verba, *Mortuus est Pater, & quasi non est mortuus; similem enim reliquit sibi post se.* Ita qui ciuitates fundarunt, legibusque datis vniuersæ politiæ statum constituerunt, instar parentum habent, & à ciuium illorum pietate perpetuos honores ferunt. Itaque post terræ eluuiōem, quæ sub Noe fuit, cum hominum familiæ plurimæ essent, & quæ ex iis nascebantur capita propemodum essent innumerabilia, adeo ut eos vnius regionis fines complecti non possent, cum de aliis quærendis sedibus consilium agitarent, antequam alij ab aliis separarentur, de ciuitate condenda, ad tantæ rei memoriam celebrandam, statuerunt. *Dixitque alter ad proximum suum (inquit Scriptura) Venite, faciamus lateres & coquamus eos igni. Habueruntque lateres pro saxis, & bitumen pro cemento, & dixerunt: Venite, faciamus nobis ciuitatem & turrē, cuius culmen pertingat ad cælum, & celebremus nomen nostrum antequam diuidamur in vniuersas terras.* Facit enim ad celebratam nominis, quam quærebant, constructio ciuitatis, quanquam illi pro gloria quam impotentius affectauerant, arrogantique consilio vr̄bis molendæ, illorum cæptis resistente numine, superbix infamiam consecuti sunt. Nec dissimilis Princeps ille, cuius superbia describitur in libro Iob, de quo præter cætera, qua superbix, qua potentix suæ argumenta, quæ illic enumerantur, illud etiam dicitur. *Habitauit in ciuitatibus desolatis, & in domibus desertis, quæ in tumulos sunt redactæ: cuius loci sententia est, Principem illum pro sua potentia vr̄bes euerſas, & solo æquatas instaurare,*
- &

& prætorio ac palatiis Regio sumptu, ac magnificentia excitatis ibi sedem figere, vbi prius vastitas fuerat, & solitudo. Quàm autem gloriosum est Principi, si dirutam ciuitatem, in qua, vt Isaias loquitur, *requiescebant bestiae, & replebantur domus draconibus, & in qua struthiones habitabant, & saltabant pilosi, & respondebant ulule in adibus, & sirenes, in delubris voluptatis, egestis ruinis, tectisque excitatis primam faciē ciuitati inducat, & à summa vastitate & solitudine ad celebritatem, frequentiamque traducat?* In huiusmodi ciuitates optime conuenit, quod Isaias habet quodam loco. *Primo tempore, inquit, alleniata est terra Zabulon, & terra Nephtali, & nouissimo aggrauata est via maris trans Iordanem Galilæe gentium, populus qui ambulabat in tenebris vidit lucem magnam: habitantibus in Regione umbra mortis, lux orta est eis.* Ex Hebræo vertit Fotherius. *Primo tempore vilis fuit terra Zabulon, & nouissimo honorata fuit via maris.* Quemadmodum enim regiones illæ, de quibus loquitur Isaias, ignobiles prius fuerant, sed posteaquam Apostolos genuerant, quorum sonus ex illis egressus regionibus in omnem terram exiuit, & vsque ad fines terræ ingentem gloriam sunt consecutæ: ita ciuitates quæ raro fuerint habitatore semirutæ, si Principum industria ad magnam perueniant frequentiam & celebritatem, cum prius essent quasi umbra mortis sepultæ, caput exerunt, & incolarum multitudine & opulentia, quasi lucem aspiciunt. Ex quo magnum in Principem decus redundat, nam vt est in Prouerbiis Salomonis. *In multitudine populi dignitas Regis, & in paucitate plebis ignominia Principis.*

Isa. 13. 21.

Isai. 9. 1.

Prou. 14.
18.De firus
salubritas;

2 Illud autem primò curandum est, si noua aliqua

§ 12 *Institutio politica ex sacris Scripturis.*

*se in quo
locanda ci-
uitas.*

qua ciuitas constituenda sit, vt saluberrimus locus eligatur, is autem erit excelsus non nebulosus, regionisque cœli spectans, non æstuosas, neque frigidas sed temperatas; cum enim calores aut frigora nimia sunt, vitia corporibus infunduntur; temperatæ verò regiones, vt corporibus salubres, ita mentis functionibus exercendis sunt accommodatæ; Paludes autem præsertim vitandæ, quæ ex stagnantibus & inertibus aquis graues & pestilentes emittunt auras, quæ cum in adiacentes sparguntur ciuitates, mirum quantum corporibus nocent; quod si ea cautio ratione carentibus animalibus à natura ipsa tributa est, vt salubribus & temperatis loca mutant insalubria, & quæ aut nimio frigore laborant aut æstus intolerando vapore aduruntur vt in ciconiis, hirundinibus, turturibusque videmus, de quibus ita loquitur Ieremias, *Milvus in cœlo cognouit tempus suum, turtur, & hirundo, & ciconia custodierunt tempus aduentus sui*, quæ hominum sit stultitia, si ea sedibus figendis eligant loca, in quibus aut caloribus nimis coquantur corpora, aut frigoribus assiduus torpescant, vitæque incommodis viuendi cursum contractiorem faciant? De præclara ciuitate Ierusalem, ita loquitur Dauid. *Fundatur exultatione vniuersa terra mons Sion, latera aquilonis, ciuitas Regis magni.* Pagninus vertit. *Pulcher climate gaudium vniuersa terra*: & sensus est, eam ciuitatem præclaro in tractu, regione, loco scilicet amæno salubri & vberè, collocatam esse, & sanè ita fuit; nam non in saluberrimo tantum tractu posita erat, sed etiam in monte, quod ad munitionem, salubritatem aëris, prospectusque delectationem facit, & in terræ Chanaam vmbilico;

quare

Iere. 8. 7.

Psalm. 47.
3.

quare etiam appellatur ab Ezechiele. *Vmbilicus* Ezech. 38.
terra. Itaque S. David canit in Psalmis *fundamen-* 12.
ta eius in montibus sanctis; quod nimirum non vnus Psal. 86. 1.
montis vertice esset suffulta, quod ut dixi ad munitionem facit, nam gressu in aduersum subeuntibus, ac proinde fatigatis pauci de superiore loco facile obsistunt, vimque illatam nullo negotio propulsant. Itaque Saul cum Dauidem montis cacumina tenere audiuisset, expeditissimam militum deligit manum, ex vniuersis copiis, qui robore & leuitate membrorum prestantes, & animorum ardore strenui, alacresque ad Dauidem ascendere non dubitarent. *Assumens ergo Saul,* 1. Reg. 24.
quit Scriptura, tria millia electorum virorum ex omni 3.
Israël perrexit ad inuestigandum Dauid, & viros eius,
etiam super abruptissimas petras, quæ solis iberibus per-
uia sunt. Quod autem in regionis illius medio sita
esset Ierusalē, non vno testimonio Scripturæ probari potest. Legimus enim apud Ezechielē. *Ista est* Ezech. 5.
Ierusalem, in medio gentium posui eam, & in circuitu eius 5.
terras. Et in Psalmis. *Operatus est salutem in medio* Psal. 73.
terra. Christus scilicet Dominus noster, qui extra 12.
illius ciuitatis mœnia Crucem, nostram salutem operatus, ascendit: nec tantum in medio terræ Chanaan sita est Ierusalem, sed medium etiam locum obtinet inter eas regiones, quas olim antiqui cognitæ habuerunt, adeo ut si circini pedem alterum Ierosolymis figas, alterum ad extrema usque Africæ littora porrigas, fiet, ut illo circumacto, omnes ferè priscis illis temporibus cognitæ regiones concludantur. Habent autem, quæ sic positæ sunt ciuitates eam vel maximam opportunitatem, quòd propter eam quæ cum cæteris ciuitatibus intercedit vicinitatem, bona quibus

814 *Institutio politica ex sacris Scripturis.*

bus abundant cum illis communicant , ea verò quæ defunt , ab illis abundè suppeditantur. Quæ de re nonnulla dicta sunt , cum de mercatura disputaremus.

3 Eadem de causa ditiores vt plurimum sunt eæ ciuitates , quæ mari adiacent , cuiusmodi Tyrus erat , quam à diuitiis , ex negotiatione paratis , & ab institorum incolarumque frequentia , mirum quantum sacra scriptura celebrat apud Ezechielem. Quanquam sunt qui potius laudent earum ciuitatum situs , quæ paululum recedunt à mari , nam negotiatorum , exterarumque gentium colluione , quanta in maritimis cernitur ciuitatibus non polluantur , per quos , mores si non prauis saltem exoticis & peregrinis importantur , & tamen iis non destituuntur comoditatibus , quibus illi fruuntur , qui tractus mari imminentes incolunt. Talis Ierusalem , quam propterea *Virginem* Prophetæ non semel appellant , quod alienigenarum gentium moribus corrupta non esset , cum tamen rebus omnibus abundaret , quæ mari aduehantur , sub Salomone præsertim Principe , qui classibus in varias regiones destinatis non solum res ad victum cultumque necessarias , sed ad omne deliciarum genus opportunas Ierosolyman inuexit. Si tamen bellicis commoditatibus agamus , quæ mari adiacet ciuitates , & ad resistendum munitiores esse solent , cum facilius tanto aquarum interiectu arceantur hostes , & ad nocendum si fortè aliis bellum inferre necessitas cogat , opportuniore ; quippe quæ non terra tantum militem in expeditionem emittere , sed classibus etiam instructis hosticas regiones infestas habere possunt. Hinc apud Isaiam Tyrus dicitur

An potius
ves situs
earum ur-
bium , qui
ora mari
adiacent.
Ezech. 27.
3.

Isa. 37. 22.

citur *Fortitudo maris*, quòd à vicinitate maris, & ad se tuendam, & ad alias ciuitates inuadendas esset instructior. Isai. 23. 4.

4 Quod si præter maris vicinitatem illud etiam adsit, quod solo vberè & pingui vrbs nostra sit posita, plurimum sanè commoditatis accesserit, quantumuis enim aliunde importatæ diuitiæ in celebri aliquo emporio abundant, tamen quia bellis interdum, aut aliqua ratione intercluditur mare, multis premi angustiis necesse est ea loca, quæ nec naturalibus regionis diuitiis redundant, nec aliunde aduectis mercibus gaudere possunt. Itaque Hierusalem præter cæteras laudes, quæ in eam conueniunt, à glebarum etiam fœlicitate commendationem habuit, solique feracitate, dicente Domino apud Prophetam. *Vinea facta est dilecto meo, in cornu filio olei*, in Palestinæ scilicet tractu, qui si figuram spectes, cornu refert: filio autem olei, id est pingui & olei abundantia redundante. In huiusmodi autem solo habitantibus, *Omne robur panis, & omne robur aquæ*: ut est apud Isaiam; Quidquid scilicet ad victum necessarium est (quod panis & aquæ nomine vsitato scripturæ loquendi schemate nuncupatur) semper adest, cum interim, qui aridis locis consederunt, rerum penuria frequenter laborare consueverint. Pingue solum, & vber vrbi ponenda diligendum. Isai. 5. 1.

5 Quærat aliquis quis magnitudinis modus in condenda ciuitate statuendus sit, amplane, an angustis finibus circumscripta esse debeat. Huic quæstioni facilis est responsio, Dicendum enim est pro populi illas habitaturi frequentia, vrbes aut laxiores esse debere, aut murorum ambitu contractiores. Si populus cui sedes paratur, magnus Isai. 3. 1.
Quam ampla ciuitas esse debeat,

816 *Institutio politica ex sacris Scripturis.*

gnus sit, si solum vber, si locus portuosus vnde aduenarum frequentia speretur, magnæ etiam capacitatis, vrbes extruendæ sunt. Contra si paucorum colonia deducenda sit, si steriles campi, si locus remotus à mari, paucos euocet peregrinos, breuiori murorum gyro contenti esse poterimus. Quanquam rarò accidit vt vniuersæ ciuitati simul condendæ deligatur area, viæ ac plateæ, domus & prætoria, pontes & templa, aliæque illius partes simul omnes describantur, sed incolarum paulatim crescente numero, nouæ subinde domus & palatia excitantur, donec ad summam frequentiam, & amplitudinē perueniatur. Quamuis enim legamus in Scripturis exēpli gratia Ecbatana ciuitatem ab Rege Medorum excitatam, murorum ambitu septam, turribusque in miram altitudinem eductis munitam esse, ita enim narratur initio libri Iudith. *Arphaxad itaque Rex Medorum subiugauerat multas gentes imperio suo, & ipse edificauit ciuitatem potentissimam, quam appellauit Ecbatanis, ex lapidibus quadratis & sectis, fecit muros eius in latitudinem cubitorum septuaginta, & in altitudinem cubitorum triginta, turres vero eius posuit in altitudinem cubitorum centum*: Sitque probabile Regem illum multas bello subiugatorum hominum myriadas in eam compulisse, quod verba illa videntur indicare, *Rex Medorum subiugauerat multas gentes imperio suo*: non tamen facilè adducor vt credam ab Arphaxad planè inchoatam esse, sed instauratam potius, amplificatam, mœniūmque ambitu munitam fuisse ciuitatem; ita tamen, vt illius aliquod prius vestigium esset. Quo etiam sensu à Nabuchodonosor Rege dictum est apud

Iudith. 1.1.

Dan. 4.27. Danielem. *Nonne hac est Babylon magna, quam ego adifica*

adificauit in domum Regni, in robore fortitudinis mea, & in gloria decoris mei: Et in libro Geneseos cum dicitur. De terra illa egressus est Assur, & edificauit Genes. 10.
Ninuem & plateas ciuitatis, & Chale. Resen quoque 11.
inter Ninuem & Chale. Hac est ciuitas magna. Quan-

tam enim esse oporteret Principis illius potentiam, qui ingentis vastitatis ciuitatem ab ipsis fundamentis moliri, & cum nullum esset illius rudimentum, perficere possit, qualem nobis sacrae litterae describunt, cum de Ninie loquuntur, quam trinm dierum iter habuisse ex sacra discimus historia, quæ profectò ingens est amplitudo, siue triduo tantum poterat circuiti, siue (quod Ionæ 3.3. magis est, sed planè videtur superare fidem) à porta ad oppositam portam per mediam urbem transeundo trium duntaxat dierum spatio perueniri poterat: siue tandem (quod verius esse puto) totam urbem, vel certè præcipuos vicos & fora perambulare volenti, trium continentium dierum tempus erat necessarium, quod maximam quidem urbem fuisse ostendit, non tamen portentosa, & vix cuiquam credibilis magnitudinis, qualem duo illi priores dicendi modi videntur exhibere? Temeritas autem sit, tam ingentes excitare structuras & moles, priusquam experimento didiceris salubre ne sit, an graue cœlum, opportunum ne culturae solum an ineptum, commodum an incommodum peregrinis & ciuibus: vix enim fieri potest, ut humano consilio omnia præcaueamus, & præcipiamus locorum incommoda, & vicia, quæ paulatim experiendo ipso tandem temporis cursu sentiuntur.

6 Sed quæ figura urbis, quadrata-ne an rotunda aptior erit? Magis placet si quadrata non sit,

F ff neque

*De figura
an scilicet
quadrata,
vel potius
rotunda.*

§ 18 *Institutio politica ex sacris Scripturis.*

neque angulis procurrentibus, ut scilicet ex pluribus locis hostis (si quando obsidione eam cinxerit) conspici possit: in quibus enim anguli procurrunt, ea ciuitas difficilius defenditur; quod anguli magis hostem quam ciuem tueantur. Ideo circularem formam in metandis castris aliis prætulisse videtur Saul, nam de Davide à pascuis properante ad exercitum, in quo fratres eius militabant, dicitur, *Venit ad locum Magala, & ad exercitum.* Magala Hebraicè circulum significat, eoque nomine, si loci proprium nomen non est, castra orbiculari forma contra hostes munita designantur. Quod si quis eam ciuitatem opponat, quæ D. Ioanni visa est in Apocalypsi, de qua ita scribit. *Et ciuitas in quadra posita est, & longitudo eius tanta est quanta & latitudo.* Facilis est responsio. Nam ibi de Beatorum ciuitate sermo est, quam nulli bellorum tumultus concutiunt, quæque nihil ab hostibus timet extra omne periculum posita, aliam fortè faciem, figuramque habitura si militantis & se se ab hostibus asserentis typo describeretur.

1. Reg. 17.
20.

Apoc. 21.
16.

*De nomine
vrbi imponendo.*

7 Tandem vrbi nomen aliquod apponendum est, ut vel ab ipso auctore nomenclaturam sortiat, vel aliud nanciscatur, quod fausti sit ominis. Et quidem ab auctoribus dictæ sunt multæ, quarum Scriptura meminit, ab Romulo, Alexandro, Antiocho, Seleuco; Roma, Alexandria, Antiochia, Seleucia. Putant enim Principes, nec immeritò ad nominis sui celebritatem facere, si amplarum ciuitatum conditores ipsi dicantur, & quoties vrbis illius nomen vsurpatur, rerum ab ipsis gestarum memoria renouetur. Itaque Absalon cum nullos liberos genuisset, sibi ad nominis perenn

perennitatem arcum triumphalem aut pyramidem excitarat, ne vlllo vnquam tempore Absalonis memoria posset obsolescere. Porro Absalon, dicitur in Regum historia, *erexerat sibi cum adhuc viveret titulum, qui est in valle Regis. Dixerat enim: Non habeo filium, & hoc erit monimentum nominis mei; vocavitque titulum nomine suo, & appellatur manus Absalon usque ad hanc diem.* Quod verò fecit Absalon etiam reliqui faciunt Principes, cum se se obtulerit occasio. Quare de iis omnibus canit S. David. *Relinquent alienis divitias suas, & sepulchra eorum, domus illorum in aeternum. Tabernacula eorum in progenie, & progenie vocaverunt nomina sua in terris suis.* Quorum verborum sensus est, Potentes viros cum exstinguuntur, divitias & thesauros, quos congefserant aliis relinquere, eorum verò cadavera exigui alicuius conditorij angustiiis contineri, illudque ipsis pro tabernaculo, imò pro domicilio & palatio futurum, quamvis nomen illustre superesse possit, variâque variis locis rerum gestarum monimenta, epigraphæ marmoribus incisæ, pyramides vrbesque de conditorum nomine appellatæ. Quod si magis placeat nomen aliud indere, quod ab Ædificatoris nomine deductum non sit, illud videtur servandum ut boni sit ominis, aut certè in oppidum illud, propter soli, aut cœli proprietates, aut propter vbertatem camporum, frequentiamne incolarum, aut aliquid simile egregiè conueniat. Id à veteribus Hebræis frequenter videmus vsurpatum. Nam Bethania *obedientie domum* significat; Bertheem *domum panis*; Ephrata, *vbertas, siue frugifera*; Hauoel-Iair *oppida illuminationis*; Corozain, *mysterium*; Cariath Sepher, *ciuitas litterarum*; Ierusalem

820 *Institutio politica ex sacris Scripturis.*

Iem *visio pacis*, seu *pulchritudo pacis*. Nam Hebræorum est consuetudo, ut cum pulchrum aliquid significare volunt, frequenter videndi, aut visus vocabulo utantur; ea enim est pulchri facultas, ut oculos rapiat, & conuertat ad se se. Itaque in

Genes. 2. Genesi dicitur. *Produxit Dominus Deus, de humo*
9. *omne lignum pulchrum visu*. Et alibi dicitur, eodem

Genes. 12. tamen libro. *Novi quod pulchra sis mulier*: in He-
11. bræo est, *Scio quod sis mulier pulchra visu*. & alibi quod in vulgata legimus. *Ascendebant septem boves*
pulchra & crassa, alia, & septem fœda: In Hebræo

est. *Vacca pulchra visu*, & *Vacca mala visu*. Ex hoc ergo factum est, ut vox visum significans, pro ipsa accipiatur pulchritudine, & apud Italos nostros, qui pulchri sunt, à visu dicuntur *Vistosi*.

Quare quod in historia Regum dicitur de Ba-

2. Reg. 23. naia, *Ipsè quoque interfecit virum Ægyptium, virum*
21. *dignum spectaculo*, ex Hebræo verti potest. *virum*

Isai. 53. 2. *visu*. & quod legimus apud Isaiam. *Vidimus eum,*
& *non erat aspectus*: ex Hebræo bene vertas. *Non erat visus*. Ex quibus intelligitur, Ierusalem nomen significare *visum*, *visionem*, siue *pulchritudinem pacis*, ut ipsa vocis etymologia illud videatur spondere, quod Isaias clariùs pollicitus est, cum

Isai. 32. 18. ait. *Sedebit populus meus in pulchritudine pacis, &*
in tabernaculis fiducia, & in requie opulenta. &

Isai. 66. 12. alibi. *Declinabo super eam quasi fluvium*
pacis. & in Psalmis. Orietur in
diebus eius iustitia, &
abundantia
pacis.

*An Peregrini in ciuitates admit-
tendi, & an Cines deductis co-
loniis aliò ablegandi.*

CAPVT VI.

Quari meritò potest futurus ne sit in bene constituta Republ. Peregrinis locus; videmus enim nationes aliquas inter se quietissimè agere, reliquorum verò mortalium cætus refugere, & commercia abnuere, nec intra suos fines peregrinos pati; adeò vt si quis externus in eorum ciuitates pedes intulisse prehensus fuerit, ea res homini illi sit capitalis. In Republ. quidem Hebræorum, vt hinc exordiamur; non solùm aduenis erat locus, sed magnum etiam eorum numerum in ea aliquando fuisse comperio, vt sub Dauide, ac Salomone, cum Israël's Regnum maximè floruit; nam in secundo Paralipomenon libro dicitur. *Numerauit Salomon omnes viros profelytos, qui erant in terra Israël, & inuenti sunt centum quinquaginta millia, & tria millia sexcenti.* Hos autem omnes ætate, & viribus integris fuisse necesse est; nam laboriosissimo operi, ad lapides scilicet in montanis latomiis cædendos, & ad onera conuehenda, Regis imperio destinati sunt, dicitur enim eodem loco, *Fecitque ex eis septuaginta millia qui humeris onera portarent, & octoginta millia, qui lapides in montibus caderent, tria autem millia, & sexcentos præpositos operum populi.* Oportet autem ex eodem genere senes multos, infantes, mulieres,

An Peregrini in Urbem admittendi, aut aliqua occasione siue pacis siue belli tempore eiciendi.

2. Paral. 2.
17.

Ibid. n. 18.

822 *Institutio politica ex sacris Scripturis.*

& inualidos fuisse, qui hoc numero non censerentur. Hi ergo aduenæ, siue profelyti, quanquam se se aggregarant Iudæis, & circumcisione consignati eorum sacra, religionemque susceperant, tamen, ut nomine distinguebantur, ut apparet ex illa S. Lucæ enumeratione, in qua dicitur :

- Act. 1. 11.** *Iudai quoque & profelyti.* ita etiam iure æquales non erant : nam isti in terra promissionis nec agrorum possessiones adipisci poterant, quæ veris tantum Israëlitis cedebant per tribus & familias; nec ad Reipubl. honorifica munia adspirare, quorum ij tantum participes erant, qui Israëliti seminis prærogatiua gauderent. Quanquam autem hoc ut plurimum seruaretur, ut scilicet ab administranda Republ. aduenæ, siue profelyti arcerentur, probabile tamen est aliquos peculiari privilegio admissos, quos vel personæ dignitas, vel promerita in Israëlém, ut id consequerentur dignos reddidissent. Talis videtur Achior ille, ex Ammonitarum natione, quæ gens licet ordinaria Dei lege prohiberetur, ne vnquam in Ecclesiam Dei, hoc est in publicorum munerum communionem venire posset, ut ex Deuteronomio discimus, populo tamen Dei aggregatus est, & non solum ciuitatis iure donatus, sed etiam ut
- Deut. 23. 3.** probabiliter sentit D. Thomas, & cum eo Serrarius noster, ut populi honores gerere posset; quod nimirum Ammonitarum Ducem, domi suæ potentem, & opulentum, de Iudæis, eorumque Deo coram Holopherne in omnium Principum conspectu fortiter, & honorificè locutum, modis omnibus ornare rationi consentaneum videretur. Sed hoc ut dixi Achiori ex privilegio indultum est, & fortè aliis postea eiusdem conditionis, aut
- meriti :

meriti : & sanè si hoc non licuisset , quomodo
 Pharisei tam intenta cura profelytos facere stu-
 duissent , gentilibus ad Iudæorum sacra traductis ,
 quibus proclive fuisset cum vrgerentur , humi-
 lem in ea Republ. profelytorum conditionem ,
 qua deterrerentur , obicere ? Non tamen negaue-
 rim ferè pauperiores fuisse profelytos , & adue-
 nas , abiectionisq; fortunæ : quod ex eo colligi-
 tur , quod exigua fortè aliqua stipe ad vitam to-
 lerandam assignata à Salomone ad onera portan-
 da deputati sunt , vt supra ex Paralipomenis dixi-
 mus , cum interim Israëlitæ diuitum & ingenuo-
 rum more bene haberentur ; ita enim legimus in
 historia Regum. *De filiis autem Israël non constituit* 3. Reg. 9.
Salomon seruire quenquam , sed erant viri bellatores & 22.
ministri eius , & Principes , & Duces , & Praefecti cur-
rum & equorum , &c. Quodque in Deuteronomio Deut. 14.
 cum pauperibus viduis , ac pupillis aduenæ cen- 19.
 ferentur , siue in terra Israël sedes fixas haberent ,
 siue in ea peregrinarentur , patriam postea repeti-
 turi : vtrosque enim vox Hebræa נָכָרִים & Græca ἀπο-
 στήλῃ & complectitur , quibus ad inopiæ solatium
 concedebātur manipuli à messoribus per obliuio-
 nem in agro relictī , oliuæq; & racemi , qui in
 oliuetis & vinetis collectorū manus effugissent.
 Hæc ergo aduenarum conditio fuit in Hebræo-
 rum Republ. Quod si iam quærat̃ur vniuersim
 admittendi ne sint , aut quod barbaris aliquibus
 placere dicebamus , procul habendi peregrini :
 Respondeo duplex tempus distingui posse , belli
 alterum , alterum pacis , & sanè cum hæc conti-
 gerit quid pulchrius esse potest , quam conueni-
 entium vndique confluentium multitudo , qui aut
 mercaturam exercentes , cibaria , vestes , domesticæ

824 *Institutio politica ex sacris Scripturis.*

suppellectilis, aut bellici apparatus instrumenta, in ciuitates importare consueuerunt, aut alia aliqua honesta de causa ciuitates illas incolentes, artificijs, industria, professione disciplinarum, pecunijs allatis publico commodare solent, quibus rebus cum abundant ciuitates, nihil desiderare possunt eorum, quæ ad vitam propagandam, imò ad eam fæliciter ac beatè traducendam facere possunt. Hanc ob causam Tyrij, quos per Prophetam castigat Dominus, sibi nimium quantum placebant, quòd Syri, Damasceni, Carthaginenses, aliæque nationes longiùs diffusæ portum illum subirent, emporiumque frequentarent, ex quo fiebat, vt ciuitas opibus, potentia, delicijs etiam abundaret. Quare apud Ezechielem hæc

Ezech. 27. *legimus. O Tyre, tu dixisti: Perfecti decoris ego sum, & in corde maris sita. Finitimi tui, qui te adificauerunt, implenerunt decorem tuum; quo loco* Propheta latè institutorum peregrinorum multitudinem recensere pergit, quorum diuitiæ & deliciæ cum Tyrijs, in quorum ciuitatem inferebantur, communes fiebant. Nam finitimos populos ciuitatum proximarum euocare solet, mercatores quidem quæstui faciendo imminentes lucri spes ostentata, humilè verò plebem & obscuram annonæ vilitas opportunitasque earum rerum parandarum, quibus vita sustentatur. Quanquam verò peregrini nullam Reipubl. partem attingere debent, nec in curiam admitti, nec exercere solent iudicia. Quare

Genes. 19. *Lotho dicebant Sodomitæ; Ingressus es vt advena, nunquid vt iudices?* Indulgeri tamen potest, & vero etiam solet in bene temperatis ciuitatibus, vt si multi gentis alicuius, præsertim mercatores, celeberrimum aliquod emporium habitent, quia inter se frequen

frequenter agunt, existuntque controuersia quæ morum illorū, & linguæ non ignaro disceptatore indigent, quædam illis iudicia relinquantur, & ab ipsismet, vel à Principe vnus aliquis, vel plures nationis illius consules aut iudices, qui causas cognoscant, constituentur. Babylone captiui agebant Hebræorum plurimi, iis Rex permittebat vt suos haberent iudices, qui iuxta patrios mores, ac leges ius dicerent. Id ita se habuisse discimus ex Susannæ historia apud Daniele, in qua legimus: *Et constituti sunt de populo duo senes iudices illo anno.* Quibus etiam capitalium causarum cognitio permessa videtur, quod Iudæis Romani concedendum non putauerunt, postquam Iudæa in prouinciam redacta est, & Roma missis Præsidibus cœpit gubernari. Atque propterea si Rupetto credimus, aliisque sententiam illius secutis Pilato dicente Iudæis de Christo, *Accipite eum vos; & secundum legem vestram iudicate eum;* *dixerunt Iudæi: Nobis non licet interficere quenquam.* Quod si bellicus aliquis tumultus ingruerit, rursus dispiciendum arbitror, magnus ne sit externorum numerus, meritoque formidandus, an modicus, & à quo nihil admodum incommodi rebus nostris timere possimus; nam si pauci fuerint, si pacati, si armorum tractandorum imperiti; nullam video causam propter quam Regni finibus exigantur, imò plerumque accidere posse arbitror, vt pauci illi obsidium instar obtineant, fiatque vt aduersarius Princeps suorum periculo deterritus (ne scilicet in suos quid grauius confulatur) à violandis externis qui in suo Regno uiuunt, abstinere compellatur. Quod si magna sit multitudo peregrinorum, si ingenia acria, parum

826 *Institutio politica ex sacris Scripturis.*

quieta, si rerum nouarum cupida, si rei militaris non planè rudia, tunc diligenter cauendum Principi putauerim, ne quid ab externis istis hominibus publica res detrimenti capiat. Itaque nisi illud euenerit, quod frequenter solet accidere ut

Ifai. 13. 14. scilicet tempore bellici tumultus, *Vnusquisque*, ut loquitur Isaias, *ad populum suum conuertatur, & singuli ad terram suam fugiant*, Principi cordi esse debet, ut eos suis finibus pellat, aut certè numerum minuat, quo ciuibus suis securitatem paret, eorumque conatus anteuertat, ne dicere cogatur

Psal. 53. 4. aliquando Dauidicum illud. *Quoniam alieni insurrexerunt aduersum me*, viribusque extrinsecus aduenientibus intestino malo adiutis extrema ciuitati perniciēs concilietur, locusque fiat Prophe-

Ifai. 25. 2. tæ illius querimonix, qui dicebat. *Quia posuisti ciuitatem in tumulum, urbem fortem in ruinam, domum alienorum ut non sit ciuias.* Quod etiam timuit Pha-

Exod. 1. 10. rao cum dicebat suis, *Venite, sapienter opprimamus eum* (Israëlem scilicet) *ne forte multiplicetur, & si ingruerit contra nos bellum, addatur inimicis nostris, expugnatisque nobis egrediatur de terra.* Recolendaque

1. Reg. 29. 3. Satraparum Achis prudens sententia, qui Dauidem cum Hebræis sub externo Rege aduersus suos merentem adeo suspectum habuerunt, ut non prius de illo dimittendo Principem suum vrgere destiterint, quàm quod cupiebant effectum dedissent. Sed fortè miretur aliquis, quamobrem Philistæi, qui Dauidis arma suspecta habuerant, nec eum in castris hæere permiserant, nè fortè cum ad pugnam ventum esset proditis Philistæis, Saulis partes adiuuaret, eum tamen in terram Philistæorum præsidio militum vacuam redire permiserunt, nec timuerunt ne fortè dum

ipsi versarentur in castris ipse regionem vastaret ac diriperet, prædas ageret, stragemque latè daret imbellis turbæ, quæ domi remanserat, viris bellatoribus in expeditionem egressis; nam quod Amalecitæ fecerūt, qui cum Dauidem abesse sensissent, *Impetum fecerūt ex parte australi in Siceleg, & percusserunt Siceleg, & succenderunt eam igni, & captivas duxerunt mulieres ex ea, à minimo usque ad magnas,* Eandem opportunitatē nactus præstare potuisset, præsertim tam insigni iniuria Satraparum prouocatus, qui eum tanquam Regi parum fidum è castris exegerant; nec fortè minus placatum sibi Saulem reddidisset, si aliam quampiam Regni Achis partem, turbis excitatis infestam reddidisset, nam & hostium castra, cura ac timore compleuisset, & copias Philistinorum in plures distraxisset partes, cum patria tecta quæ reliquerant, fumantia procul conspexissent, cedesque, quas hostilis furor perpetraret, animo coniectarent, ad auxilium suis ferendum accurrere coacti fuissent. Sed fortè prudenter Philistæi magis sibi à Dauide timebant, si remaneret in castris, cum præsertim agmen yniuersum clauderet, facileque posset in Philistæorum terga cum Saule pugnantium mucrones distringere, qua etiam ratione Saulem sibi magis reddidisset placatum, si ad eos occidendos viros, quibus Philistæorum stabat imperium opis aliquid cum maxima vrgeret necessitas contulisset. Nec adeo à militum præsidio destitutæ Philistæorum ciuitates etant, vt à sexcentis viris sibi timere possent, cùm præsertim mœnibus vndique cingerentur, vt facile externam paucorum hominum vim propulsare possent, de regionis enim huius ciuitatibus legimus

in

828 *Institutio politica ex sacris Scripturis.*

Deut. 9. 1. in Deuteronomio eas fuisse *Ingentes, & ad cælum usque muratas* : Nec si oppidulum Siceleg , quod Dauidi tribuerat Achis , vt ibi cum suis moraretur, Amalecitarum incurſibus, & iniuriæ opportunum fuit , idem de aliis maioribus Philistæorum oppidis credendum est. Nam Siceleg solus Dauid cum suis incolebat , quibus ad bellum egressis propugnatoribus vacua Siceleg est relicta ; at verò ciuitates reliquæ , vt frequentiores, ita etiam plurimis in bellicâ expeditionem emissis, multi tamen hæserant domi, qui ingruentem hostem propulsare possent.

2 Ad vrbes etiam amplificandas asyla conducunt, de quibus quæri potest, an iure aperiri possint exulibus eiectitiisque, qui patria propter patrata crimina, aut ob instam Principis offensionem exciderant, admissis & in tutelam etiam receptis, quòd Ægypti Rex cum Ieroboamo fecisse videtur, qui cum à Salomone sibi periculum imminere sensisset, *Fugit ad Sefac Regem , & fuit ibi usque ad mortem Salomonis*, vt habemus in Regum historia. Et quidem huiusmodi asylis fauere videtur Deuteronomij lex, quæ est huiusmodi. *Non*

3. Reg. 11. 40. *tradas seruum Domino suo. qui ad te confugerit , habitabit tecum in loco qui ei placuerit , & in vna urbium tuarum requiescet. ne contristes eum.* Sed lex ista Deuteronomij de iis seruis accipienda est , qui quod malè habeantur à Dominis , eorum sæuitiam fugiunt , tantisper abfuturi dum se dõminorum frangat indignatio, ad eos quorum possessio sunt, cum ira subfederit, redituri. Sanè si Principes facinorosos homines tueantur, iure timendum est,

Deut. 23. 15. *ne ipsi ad audendum proiectiores impunitate fiant.* Adde passim censere omnes, iura legesque amicitia

amicitiæ violari, si eos quos Principes perduelles, aut infensos experti sunt, quique de Republ. malè sunt meriti, Princeps alius, alioqui amicitiam professus, apud se honestè habitos, securos & impunes esse velit. Dium Petrum Herodes detinuerat in custodia, qui mox angeli ministerio eductus, periculum euaserat: commouit ea res Herodem, qui propterea *Tyrii, & Sidonius iratus* Act. 12. 10. erat, quod Petrum, quem læsæ maiestatis reum ipse faciebat, in suam ipsi fidem receperant. Quare Sidonij & Tyrij interposita Blasti gratia placatum Regem sibi reddere studuerunt, ne fortè duriorē ipso irato annonam experirentur com meatibus, quibus indigebant, interclusis. Et tandem fœderis ea conditio fuit inter Romanos, & Iudæos his verbis concepta in Machabæorum historia, *Si qui ergo pestilentes refugerunt de regione* 1. Machab. 15. 21. *ipsum ad vos, tradite eos Simoni Principi Sacerdotum, ut vindicet eos secundum legem suam.* Nec verò satis commoda videtur hæc ratio ad ciuitates augendas, nam scelestos homines, & criminibus infames, quis credat fidos fore, & quietos ciues. si in Reipubl. sinum recipiantur? imò potius suspectos Principi esse debere crediderim, ne si fortè bellicus aliquis tumultus exarserit, ut suorum Principum gratiam incept, & ad reditum in patriam sibi viam muniant, noui aliquid moliantur in eorum perniciem, apud quos pacatè ad eam diem versati sunt, quo nomine apud Achis Regem Seth quantum poterant Satrapæ contendērunt, & verò etiam enicerunt, ut David à castris procul haberetur, ut huius capituli initio dictum est. 1. Reg. 27. 12.

3 Sequitur, ut de Coloniis dicamus, quæ à veteri

*An. utilis
Coloniarum
deductio.*

830 *Institutio politica ex sacris Scripturis.*

veteribus multas ob causas excogitatæ sunt, nimirum ad deuictos populos in fide & officio continendos, ad constituenda variis in locis Imperij propugnacula, ad remunerandos veteranorum militum labores, qui ætate ac laboribus fracti prædiolo aliquo publica auctoritate donati, post impetratam missionem in suo lare, quod vitæ supererat, quietè transigebant, ad ciuitatem urbana plebe (tanquam sanguinis missione in humano corpore facta) exonerandam, qua etiam ratione seditionibus occurrebatur, quæ cum hoc genus hominum corripuerunt, feruere violentius solent; tandem ad gentem illam augendam, qua coloniæ emittuntur. Quemadmodum enim arborum rami ab arbore aliqua decissi, in magnas etiam ipsi euadunt arbores, cum fertili panguntur solo, quæ alioqui ad eam magnitudinem non excreuissent, ita pauci etiam homines, qui cum patriam colerent, inutud se prementes crescere non poterant, in varias distracti regiones, mirum quantum eo laxamento capiant incrementi. Huius rei luculentum habemus in Scripturis testimonium, nam vt canit S. David, *Intrauit Israël in Ægyptum, & Iacob accola fuit in terra Cham, & auxit populum suum vehementer*: tot verò hominum myriadam (nam cum census in deserto, illis ex Ægypto exeuntibus initus est, sexcenta millia virorum superarunt, iis in censum præteritis, qui aut vigesimum annum non attigissent, aut masculini sexus non essent) septuaginta quinque animæ, vt legimus in Apostolorum actis, stirps fuerunt. Nec terra tantam populorum varietatem, nacta esset, nisi post Noe diuisæ fuissent gentes post diluuium, earum Principibus diuersas regiones

Psal. 104.
23.

Numer. 1.
45.

Act. 7. 14.

Genes. 10.
32.

nes petentibus, in quibus crescente sobole frequentissimæ ciuitates conditæ sunt, terræque tractus incolarum multitudine celebrati. Porro Colonia hanc Reipubl.afferunt vtilitatem, quod cum eiusdem sint nationis, eisdemque legibus, ac moribus, quibus diuturno vsu assueuerunt, uiuant, suæ genti magis fidæ, eiusdemque cum suis à quibus originem ducunt factionis esse consueuerunt, nec facillè in ritus ac mores alienos degenerare. Philippi ciuitas in Macedonia Romanorum erat colonia, de qua in actis Apostolorum ita legimus, *Inde venimus Philippos, quæ est prima partis Macedonia ciuitas Colonia.* Porro in hanc ciuitatem cum D. Paulus venisset, diuinæque doctrinæ prædicatione ciuium animos commouere cœpisset, multique vt ferè accidit orientis veritatis osiores extitissent, eam in primis obtereendere cœperunt causam, propter quam nouitiam illam religionem, quam noui præcones circumferebant, suscipere non possent, quod scilicet Romanorum genus essent, quibuscum sanguinis propinquitate coniuncti, cultu etiam religionis similes esse debebant nouis sacris, quæ inculcabantur planè repudiatis; ita enim loquebantur:

Annuntiant morem, quem non licet nobis suscipere cum Act. 16. 21.

simus Romani. Itaque Assyriorum Rex cum anno nono Oseæ Regis Samariam cepisset, Israëlitarumque populum in Assyrios transtulisset, ne scilicet amplius rebellare possent, aut tumultuari, colonias suorum in Regnum Samariæ deduxit, vt illud magis fidum, pacatum, dictoque audiens haberet. *Adduxit autem, inquit Scriptura, Rex* 4. Reg. 17.
Assyriorum de Babylone, & de Cutha & de Auah, & 6.
de Emath, & de Sepharuaim, & collocauit eos in ciuitatibus Ibid. n. 24.

taibus

832 *Institutio politica ex sacris Scripturis.*

tatibus Samaria pro filiis Israël qui possederunt Samariam, & habitauerunt in urbibus eius: & sanè illi consilium processit, nam adeò coloni isti à Regum Assyriorum, Chaldæorum, Medorum, atque Persarum fide non defecerunt, ut etiam pro illorum tuenda ditione, arcendisque Iudæis, ut Principibus suis gratificarentur, plus æquo solliciti fuisse reperiantur. Nam cum duæ tribus, Iuda scilicet & Benjamin de Babylone reuertissent, urbisque Ierusalem mœnia, qua denuo moliri, qua collapsa restaurare cœpissent, super hoc Regi Artaxerxi, cui suam fidem probare cupiebant, scripserunt, qua in epistola hæc inter alia leguntur. Nos memores salis, quod in palatio comedimus, & quia lesiones Regis videre nefas ducimus, misimus & renuntiavimus Regi; nec prius ædificatione prohibere Israëlitas destiterunt, quàm suo rescripto Rex & Iudæis ciuitatis ædificandæ, potestatem faceret, & ipsi quietem agere iuberentur.

1. Esdr. 4.
14.

Benevolentiam populi, subditorumque, Principem sibi conciliare debere.

C A P V T VII.

*Benevolentiam popu-
lorum pa-
rari mode-
ratione
imperij, &
lenitate a-
gendi cum
subditis.*

1. **I**Nter præcipua Regni præsidia meritò benevolentia populorum in Principem numeranda est, quos quia nec armis cogere, ut ament, nec eorum benevolentiam auro parare possamus, sed fide, officio, imperandique moderatione, & lenitate,

lenitate, aliisque artibus nobis conciliamus, pau-
cula quædam attingenda sunt, ex quibus intelli-
gere possit Princeps, qua sibi ratione ad eorum
voluntates demerendas viam munire possit. Quã-
vis ergo Principi necessaria sit maiestas, de qua
superiore libro satis disputatum est, ab ea tamen
si amari velit, fastus omnis, superbæque ostenta-
tio remouenda est, cauendumque ne populi me-
ritò suspicari possint Principem typho potestatis
inflatum, alios præ se contemnere, aut etiam
auerfari, sed potius illi ita agendum est, vt celsi-
tudinis Regiæ fastigium, quantum salua maiesta-
te potest, lenitate agendi demittat, vt scilicet,
quantum subditi reuerentur viri Principis aucto-
ritatem, tantum mores placidos, ac faciles suspi-
ciant, & exosculentur. *Rectorem te posuerunt*, inquit Eccles. 32.
Ecclesiasticus, *noli extolli, esto in illis, quasi unus ex* 1.
ipsis. Quod quamuis à Sapiente de modiperatori-
bus in conuiujs, quorum Regnū in potandi men-
sura versabatur, dictum sit, commodè tamen ad
alios quoscumque transfertur, qui in alios impe-
rium sortiuntur. Nec verò facilitas hæc, quam
Principi commendatam cupio, ita beneuolentiæ
gratiam conciliat, vt corrumpat maiestatis decus,
nam virtutes hæc specie dispares, ita inter se prũ-
dentia iungi, ac temperari possunt, vt alteram
altera tueatur ac protegat. Luculentus huius rei
testis est Sapiens, cuius illa sunt verba in Eccle-
siastico. *Fili in mansuetudine opera tua perface, & su-* Eccles. 3.
per hominum gloriam diligeris. Cuius loci sensus est, 19.
vt alio loco dixisse meminimus, si moribus fueris
mitibus, si in subditis gubernandis plus beneuo-
lencia quàm seueritate, cohortatione quàm com-
motione, charitate quàm potestate agendum pu-
taueris,

834 *Institutio politica ex sacris Scripturis.*

taueris , adde gloriæ & maiestatis dignitatem non amittes, vt potius id sis consecutus, vt ad dignitatem , quam Principatus fastigium secum affert, beneuolentiæ etiam subditorum cumulus accedat. Vel etiam sensus esse possit, adde diligere à subditis , vt hominum gloriam , quam cum Principatu consecutus es , populorum æquet beneuolentia, aut etiam superet. *Miser cordia & veritas*, inquit Salomon , *custodiunt Regem, & roboratur clementia thronus eius.* Quibus verbis , paucis complexus est Sapiens eas artes, quibus populorum beneuolentiam citra peccati alicuius culpam, imò cum virtutis laude possit Princeps aucupari, fide nimirum, & constantia dictorum , & conuentorum , quod veritatis voce expressit , & misericordia in subditos, propensaue voluntate, calamitates eorum, miseriaeque subleuandi, sique fontes aliqui plectendi sint, clementia, qua rigor ille iustitiæ mitigatur , & mollescit. Quanquam vulgatus noster interpres, pro vna Hebraica voce, duplicem posuit in sua interpretatione ; nam quod ipse primò misericordiam dixit , deinde clementiam, vnius & eiusdem Hebraicæ vocis est interpretatio, quæ vtrumque significat, nam בְּרִיּוּת benignitatem, seu beneficentiam, pietatem, humanitatem, affectusque propensionem ad aliquod bonum, aut officium in aliquem conferendum. Veritas autem constantiam, vt dixi, in pactis , conuentisque significat. Sic cum dicitur in Genesi: *Si facitis misericordiam , & veritatem cum Domino meo, indicate mihi* ; Sensus est, si beneficium hoc in Dominum meum conferre vultis , & collatum constanti voluntate conseruare , indicate mihi. Huc facit, quod de Regno Dauid legimus in Macha-

Prou. 10.
18.

Genes. 14.
49.

bæorum historia, cum dicitur. *David in sua misericordia consecutus est sedem Regni, & sæcula: & sanè mansuetudinem illius, morèsque facillimos, non alij tantùm laudibus extollunt, sed ipsemet prædicat in Psalmo cum ait. Memento Domine, David, & omnis mansuetudinis eius, cuius fructum vberissimum tulit; nam Regnum suum iuxta Salomonis dictum stabilivit, suosque omnes adeò Regiæ incolumitatis amantes, ac studiosos reddidit, ut quia semel capitis periculum adierat, eum in posterum à belli discrimine arcerent, ne fortè, ut ipsi loquebantur, Extingueretur lucerna Israël, mortis scilicet tenebris luculenta illa lampas obrueretur, quæ Israëlẽm vniuersum clarissimo suo splendore recrearet.* Quo exemplo cum aliis huc spectantibus vitur D. Ambrosius ad rem de qua agimus confirmandam, libro de officiis secundo: quem locum, quia insignis est, addere placuit; ita enim scribit. *Ac primum nouerimus nihil tam utile, quàm diligi, nihil tam inutile quàm non amari. Nam odio haberi exitiale ac nimis capitale arbitror. Itaque id agamus, ut omni sedulitate commendemus existimationem, opinionemque nostram, ac primum placiditate mentis, & animi benignitate influamus in affectum hominum: popularis enim & grata est omnibus bonitas, nihilque tam facile illabitur humanis sensibus. Ea si mansuetudine morum, ac facilitate animi moderatione præcepti, & affabilitate sermonis, verborumque honore, patienti quoque sermonum vice, modestiæque adiuuetur gratia, incredibile quantum procedit ad cumulum dilectionis. Legimus enim, non solum in priuatis, sed etiam in ipsis Regibus, quantum facilitas blanda affabilitatis profuerit; aut superbia, verborumque obfuerit tumor, ut Regna ipsa labefactaret, & potestatem sol-*

1. Machab. 2. 57.

Psal. 131. 1.

2. Reg. 21. 17.

D. Ambr. 2. de offic. cap. 7.

836 *Institutio politica ex sacris Scripturis.*

neret. Iam si quis consilio, usu, ministerio, officiis, popularem comprehendat gratiam, aut si quis periculum suum pro vniuersa plebe offerat, non est dubium, quod tantum charitatis à plebe in eum refundatur, ut populus salutem eius, & gratiam sibi praeferat. Quantas Moyses à populo Dei illatas absorbebat contumelias, & cum Dominus in insolentes vindicare vellet, se tamen pro populo offerebat frequenter, ut indignationi diuina plebem subduceret. Quam miti sermone post iniurias appellabat populum, solabatur in laboribus, delinibat oraculis, fovebat operibus, & cum Deo constanter loqueretur, homines tamen humili, & grata appellatione affari solebat. Merito estimatus est supra homines, ut & vultui eius non possent intendere, & sepulturam eius non repertam crederent, quia sic sibi totius plebis mentes deuinxerat, ut plus eum pro mansuetudine diligerent, quam pro factis admirarentur. Quid eius imitator David electus ex omnibus, ad plebem regendam, quam mitis & blandus, humilis spiritu, sedulus corde, facilis affatus? Ante regnum se pro omnibus offerebat, Rex cum omnibus aquabat suam militiam, & partiebatur laborem, fortis in bello, mansuetus in Imperio, patiens in conuicio, ferre magis propius quam referre iniurias; Ideo tam charus erat omnibus, ut inuenis ad Regnum etiam inuitus peteretur, resistens cogeretur, senex ne praelio interesset, a suis rogaretur, quod mallerent omnes pro ipso periclitari, quam illum pro omnibus. Ita sibi gratis officiis plebem obligauerat. Primum, ut in discordiis populi exulare in Hebron mallet, quam in Ierusalem regnare. Deinde ut etiam in hoste positam virtutem diligeret, iniustitiam etiam his, qui arma contra se tulerant, aequè ac suis praestandam putaret. Denique fortissimum aduersa partis propugnatorem Abner Ducem & inferentem praelia, miratus est, & orantem pacis gratiam non aspernatus, ho-

norauit

Exod. 33.

Exod 34.

Deut. 34.

1. Reg. 17.

1. Reg. 18.

1. Reg. 2.

1. Reg. 3.

norauit conuiuio, interemptum insidiis doluit & fletit, prosequutus exequias honestauit, mortem ultius conscientia fidem prestitit, quam filio inter hereditaria iura transcripsit: magis sollicitus ne innocens mortem inultam relinqueret, quàm quò suam mortem doleret, non mediocre istud presertim in Rege, sic obire humilitatis munia, ut communem se exhiberet etiam infimis: alieno periculo cibum non quarere, potum recusare, peccatum fateri, seque ipsum pro populo offerre morti, ut in se Diuina indignatio conuerteretur cùm ferienti Angelo offerens se diceret. Ecce ego peccaui, & ego pastor malum feci, & iste grex quid fecit? Fiat manus tua in me. Nam quid alia dicam, quod dolum meditantibus os suum non aperiebat, & tanquam non audiens, nullum sermonem referendum putabat. Non respondebat conuiuiis; cum sibi derogaretur, orabat; cum malediceretur, benedicebat; ambulans in simplicitate, & superborum fugitans arrogantiam, sectator immaculatorum, qui cinerem miscebat alimentis suis, cum peccata propria deploraret, & potum suum temperabat fletibus. Merito sic expetitus est ab uniuerso populo, ut venirent ad eum omnes tribus Israël dicentes. Ecce nos ossa tua, & caro tua sumus, & heri & nudius tertius, cum esset Saul, & regnaret super nos, tu eras qui producebas & inducebas Israël, & dixit tibi Dominus. Tu pascas populum meum Israël. Et quid plura de eo dicam, de quo huiusmodi Dei processit sententia, ut de eo diceret. Inueni David seruum meum, secundum cor meum? Quis enim in sanctitate cordis, & iustitia sicut iste ambulauit, ut imple-ret voluntatem Dei? Propter quem & delinquentibus posteris eius venia data, & prerogatiua est reseruata heredibus. Quis igitur non diligeret eam, quem videbat ita charum amicis, ut quia ipse sincerè amicos diligebat, equè diligi se à suis amicis arbitraretur? Denique

3. Reg. 1.
1. Reg. 21.
2. Reg. 23.
2. Reg. 24.

Psal. 37.
Psal. 108.
Psal. 100.
Psal. 101.

2. Reg. 5.
Psal. 88.
21.
Act. 13.
Psal. 39.
3. Reg. 11.

838 *Institutio politica ex sacris Scripturis.*

parentes eum filiis suis, filij præferebant parentibus. Vnde graniter indignatus Saul percutere Ionathã filium suum hasta voluit, quia pluris apud eum valere David amicitiam indicabat, quàm vel pietatẽ, vel auctoritatẽ paternam. Etenim ad incentiuũ charitatis cõmunis plurimum proficit, si quis vicem amantibus reddat, nec minus redamare se probet, quàm ipse amatur, idque amicitia fidelis patet exemplis. Quid enim tam popolare quàm gratia? Quid tam insitum natura, quàm ut diligentem diligas? quid tam inolitum atque impressum affectibus humanis, quàm ut eum amare inducas in animum, à

Ecclef. 19. quo te amari velis? Meritò Sapiens dixit. Perde pecu-

Ecclef. 22. niam propter fratrem & amicum. & alibi. Amicum salutare non erubescam, & à facie illius nō me abscondam; siquidem vita & immortalitatis medicamentum in ami-

Ecclef. 6. co esse Ecclesiasticus sermo testatur, & summũ in chari-

1. COL. 13. tate presidium, nemo dubitauerit, cum Apostolus dicat. Omnia suffert, omnia credit, omnia sperat, omnia sustinet, charitas nunquam cadit. Ideo David non cecidit, quia charus fuit omnibus, & diligi à subiectis quàm timeri maluit. Timor enim temporalis tutaminis seruat excubias, nescit diurnitatis custodiam. Itaque ubi timor discesserit, audacia obrepit, quoniam fidem non timor cogit, sed affectus exhibet. Prima ergo ad commendationem nostri est charitas. Bonum est ergo testimonium habere de plurimorum dilectione. Hinc nascitur fides, ut committere se suo effectori non vereantur etiam alieni, quem pluribus charum aduerterint. Similiter etiam per fidem ad charitatem pervenitur, ut qui uni aut duobus præstiterit fidem, tanquam influat in animos uniuersorum, & omnium requirat gratiam. Hactenus D. Ambrosius. Hoc artificio beneuolentiæ populorum captandæ abusus est Absalō cum ad Regni fastigium niteretur, nam cum maiestatem non neglexisset,

glexisset, nam fecit sibi currus, & equites, & quinquaginta viros, qui pracederent eum, beneuolentiæ etiam significationibus quantum poterat populares suos saragebat allicere, nam *Manè consurgens Absalon stabat iuxta introitum porta, & omnem virum qui habebat negotium, ut veniret ad Regis iudicium, vocabat Absalon ad se, & dicebat de qua ciuitate es tu? Qui respondens aiebat: Ex una tribu Israël ego sum seruus tuus. Respondebatque ei Absalon. Videntur mihi sermones tui boni, & iusti. Sed non est qui te audiat constitutus à Rege. Dicebatque Absalon: Quis me constituat iudicem super terram, ut ad me veniant, omnes qui habent negotium, & iustè iudicem? Sed & cum accederet ad eum homo ut saluaret eum, extendebat manum suam, & apprehendens, osculabatur eum, faciebátque hoc omni Israël venienti ad Iudicium ut audiretur à Rege, & sollicitabat corda (vel ut alij vertunt, furabatur corda virorum Israël:) & verò illi procedebat consilium; nam plurimos habuit suarum partium sectatores, qui illum ad Regnum pro viribus adinuere studuerunt, effectumque dedissent, nisi Dominus eorum conatus euertisset, & consilia, non audito Achitophele, infatuasset.*

2 Porro annonæ vilitatē magnam à populo Princeps inuit beneuolentiam, nam si immodicis rerum venalium pretiis fatigetur, non diuitibus tantum qui supprimendo tritico duriores annonas faciunt, aut præuolentibus mancipibus, qui quod magnæ plebis parti sufficere posset, soli ipsi mercantur, sed Principi etiam irascitur, eumque conuiciis lacerat, quod genus hoc hominum, qui tantoperè publicæ rei incommodant, compescere negligat, illudque vsu venit, quod quodam loco

Annonæ vilitate, Principes apud populum inire beneuolentiam.

- Psal. 58.
16. legimus in Psalmo. *Esse non fuerint saturati, murmurabunt* ; quemadmodum enim cauendum est Principi, ne nimia rerum, quæ ad victum necessaria sunt, laxitate, populus orio marcescat, & in luxuriam soluatur, ita curandum est, ne ciborum aliarumque rerum venalium caritate confluetur ; nam quemadmodum seruilium mancipiorum ingenia molliter tractanda non sunt, nec tamen ad vitam propagandam necessaria subtrahenda, ut quodam loco monet Salomon cum ait, *Cibaria & virga, & onus asino: panis & disciplina & opus seruo*. Ita populus si attollat spiritus, astrictiore disciplina, operibusque faciendis exercendus est & premendus, semper tamen annonæ difficultas, rei que frumentariæ inopia omni opere auertenda, ne si plebem fames inceserit, odium in Principem concipiat, tandemque diuturno tempore collectum dolorem in caput eius effundat, aut eorum, quibus de medio sublati famam eximendam, cibariarum consecuta commoditate crediderit. Emulanda Principi viro est summi omnium Principis Dei profusa in homines liberalitas ; nam cum *oculi omnium in ipsum sperent, ipse dat escam illorum in tempore opportuno, aperit manum suam & implet omne animal benedictione*, suo enim tempore operit calum nubibus, & parat terra pluuiam. *Producit in montibus fœnum, & herbam seruituti hominum, datque iumentis escam ipsorum, & pullis cornuorum innocantibus eum* : Nullaque est locis tam seposita natio, aut moribus, tam barbara & agrestis, cui diuinum Numen res ad victum necessarias singulari sua prouidentia non suppeditarit ; cumque tam bonus ac liberalis Princeps *solem suum oriri faciat super bonos & malos,*
- Prou. 33.
28.
- Psal. 144.
- Psal. 146.
8.
- Matih. 5.
45.

& pluat super iustos & iniustos; eos etiam illustrioribus suæ beneficentiæ, significationibus fouet, quos ut suos peculiari cura regendos susceperit, ut quondam Hebræorum populum, cuius se Dominus Principem ad eum profitebatur, ut iniquè tulerit eorum animos se pastore, ac rege repudiato & abiecto, Regis habendi, iuxta cæterarum nationum morem, cupiditatem incessisse. Itaque horreis suis reſeratis, tantum inde cibariorum deprompsit, quantum non fami solum depellendæ satis esset, sed etiam exquisitorum ciborum cupiditati explendæ: nam *mandauit nubibus de super, & ianuas cœli aperuit, & pluit illis manna ad manducandum, & panem cœli dedit eis. Panem Angelorum manducauit homo, cibaria misit eis in abundantia. Transſtulit austrum de cœlo, & induxit in virtute sua Africum, & pluit super eos, sicut puluerem, carnes, & sicut arenam maris volatilia pennata, in* Psalm. 77.

Deuteronomio verò pollicitus est iis qui Diuinam legem incorruptam seruauerint, rerum omnium ad victum necessariorum vbertatem & copiam, ac proinde temporibus opportunis pluuiam satis, vineis, oliuetis, pascuisque immissurum, frugesque omnis generis largiturum recepit. Si obedieritis, inquit Moſes, mandatis meis, quæ Deut. 11.

ego hodie precipio vobis, ut diligatis Dominum Deum vestrum, & seruiatis ei in toto corde vestro, & in tota anima vestra; dabit pluuiam terra vestra temporaneam, & serotinam, ut colligatis frumentum, & vinum, & oleum, fenumque ex agris ad pascenda iumenta, & ut ipsi comedatis & saturemini. Hoc enim Domino solene fuit, ut populo suo quamdiu veram tenuit religionem, nihil deesse sineret, sed largiter omnia, quæ ad victum sunt necessaria suppeditaret, iuxta id quod 13.

842 *Institutio politica ex sacris Scripturis.*

Joël. 1. 14.
& 16.

per Prophetam prædictum fuerat. *Implebuntur area frumento, & redundabunt torcularia vino, & oleo, & comedetis vescentes, & saturabimini, & laudabitis nomen Domini Dei vestri, qui fecit mirabilia vobiscum, & non confundetur populus meus in sempiternum.* Cum ergo Principibus honestissimum sit pro modulo Dei summi Regis beneficentiam in suos æmulari, curandum illis est sedulò, vt populis illis, quibus præfunt, non solùm ea, quæ ad victum necessaria sunt, non desint; sed etiam abundant oppida generis omnis cibariorum; ita enim fiet, vt sibi populorum voluntates, animosque deuinciat, & cum opus fuerit ad ipsa etiàm belli discrimina subeunda paratos habeat.

*Spectaculis
beneuolen-
tiam Prin-
cipi conci-
liari.*

Exod. 32.
6.

3. Post exemptam cibo famem, oculorum succedit cupiditas, spectaculorum scilicet ac lusu, cuius rei exemplum habemus in Exodo; nam cum ex inauribus populi opere fusorio Aaron vitulum efformasset, illique circa recens idolum circumfusi epulis largiùs indulgissent, ad ludos quibus numen illud nouum colerent, seque ratione aliqua delectarent conuersi sunt. Nam *sedet populus manducare, & bibere, & surrexerunt ludere nabliis, æte, tympanis, tybiis, citharis, & in choro saltationibus, vulgarique lasciuiam, recepto gentium more festum diem agentes: & quidem cantantium voces adfuisse, chorosque saltantium, habemus ex scriptura; nam descendens Moses, cum ex edito loco populi fremitum acciperet. Vocem, inquit, cantantium ego audio; cumque appropinquasset ad castra, vidit vitulum, & choros.* Idem Palestinorum ingenium, qui post celebrata inter se conuiuia captiuum Sampsonem adduci iusserunt, vt eo saltante, aut aliqua alia ratione ludete solatium

solatium captarent oculorum. *Latantēsq̃ue*, inquit Iud. 26. 25.
 Scriptura, *per conuiuia sumptis iam epulis praeceperunt,*
ut vocaretur Sampson, & ante eos luderet, qui adductus
de carcere, ludebat ante eos. Porro æquum est, & ad
 benevolentiam conciliandam Principibus utile,
 si ab honestis spectaculorum aliquorum volupta-
 tibus populum non prohibeant, iis nimirum qui-
 bus saluo numinis metu, & honore, suo in tem-
 pore, & suo in loco frui scelus non sit; nam si de
 turpibus obscænisque spectaculis loquamur, cu-
 iusmodi nostris temporibus comædiæ sunt, quas
 meritò publicæ libidinis prostibula, impuditiæ
 consistoria, obscænitatis magisteria, omniumque
 turpitudinum theatra possimus appellare, in qui-
 bus nihil aliud videas aut audias, quàm agentium
 strophas, adulterorum fallacias, mulierum im-
 pudicitias, scurriles iocos, sordidos parasitos,
 turpissimos lenones, eas à ciuium oculis procul
 remouendas censeo; neque enim illis spectandis
 innocens ad remissionem animi appetitur volu-
 ptas, ut vitiorum assertores, blandi turpitudi-
 numque indulgentes patroni, qui hisce libidinum
 simulachris auctoritatē præstare conantur, dicere
 consueuerunt, sed inuerecundo sermone, moti-
 busque obscænis, viri ultra muliebrem molliitiem
 dissoluti, per oculorum & aurium blandimenta
 simplicium mentibus lethale venenum instillant,
 omneque genus corruptelæ, ex quibus libidines
 exardescunt, alieni thori violantur, matronarum
 pudicitia vitatur, inimicitia, rixæ, factiones exi-
 stunt in ciuitatibus, malumque tandem à priua-
 tis ædibus progressum, integras respublicas cor-
 rumpit & euertit; ut libro superiore, cum de libi-
 dinis malis disputaremus, Scripturæ testimoniis
 comprobauimus.

Quale sit Tyrannidis ingenium, & de vitanda Tyrannide.

CAPUT VIII.

*Tyrāni nomen non
semper in
vitio poni
in scrip-
tis.*
2. Mach. 7.
27.
Habac. 1.
10.

TYRANNI vox sacræ Scripturæ phrasi aliquando in vitio ponitur, (vt cum Antiochus in Machabæorum historia *crudelis Tyrannus* appellatur) aliquando Regem tantum Principemve significat, vt cum legimus apud Habacuc, *Et ipse de Regibus triumphabit, & Tyranni ridiculi eius erunt.* Quem locum ita vertit D. Hieronymus. *Ducet ante currum suum captiuos Reges & habebit irrisui.* Septuaginta habent, *καὶ τῶν αὐτῶν παύσια*, *Et Tyranni ludibria, aut ludicra eius erunt.* In Hebræo est, *& Principes risus illi*, siue significetur Nabuchodonosorem Principibus abusurum ad exercendos lusus, quibus ipse delectabatur, vt Sampson Philistæi, siue potentia ipsius descriptio sit, qui suis fidens viribus nullis aliorum Principum exercitibus, aut munitionibus terretur. Sic etiam in libro Esther loquitur Aman. *Homo quem Rex honorare cupit, debet indui vestibus Regiis, & primus de Regis Principibus ac Tyrannis teneat equum eius.* Idem iudicium est de voce Tyrannis, vt cum dicitur in libro Iob. *Cunctis diebus suis impius superbit, & numerus annorum incertus est Tyrannidis eius.* In Hebr. ad verbum. *Numerus annorum absconditi sunt Tyranno.* Quo loco vox Hebr. *יָרַע* non tam cum significat, qui impotenti dominatu populos premit, quàm robustum, fortem, potentem; ita enim eandem vocem Septuaginta, Vulgatusque variis Scripturæ sacræ locis reddiderunt. Itaque
Tyrann

Esther 6.

9.

Iob 15. 20.

Tyrannus à Rege distat factis non nomine. Eius nos ingenium quale sit describemus, ex quo facile erit intelligere, quàm detestanda res sit Tyrannis, quantòque nisu à Republ. vt certissima illius pestis, amolienda.

2 Ac primum quidem locum inter Tyranni notas, crudelitas obrinet, quæ etiam Tyrannum facit. Itaque non semel Scriptura cum sæuitiam Tyrannorum, virorumque potentium, qui innocentes opprimunt, notaret, eos leones, aut leonibus similes esse dixit. Ita Salomon in Prouerbiis. *Leo rugiens, & ursus esuriens, Princeps impius super populum pauperem*; Et D. Paulus, cum Dei beneficio, se Neronis immanitatem euasisse. scriberet ad Timotheum. *Liberatus, inquit, sum de ore leonis*, In Psalmis etiam Principes viri, qui diuitum nomine à vulgatæ editionis auctore, & Septuaginta interpretibus designantur; leones dicuntur in Hebraico contextu; nam quod est in Psalmis, *Diuites eguerunt, & esurierunt*, D. Hieronymus vertit *Leones*: quo etiam nomine prædiuites Tharsis negotiatores aliique diuitiarum, & potentia typho in humile hominum genus sæuientes appellantur ab Ezechiele propheta. *Negotiatores, inquit, Tharsis, & omnes leones eius*. Huiusmodi leonem nobis sacra Euangelij historia Herodem exhibet, qui teneros infantes ab vberibus matrumque complexu auulsos regni sibi, vt ipse arbitrabatur, constituendi causa, in ipsa Bethleem, & finibus eius magno numero detestanda prorsus crudelitate mactauit, ne à filij quidem cæde temperans, si quod grauissimis auctoribus discimus, meretur fidem. Nec minus sæuum Abimelech ingenium, qui, vt dicitur in Iudicum historia, *Venit in domum patris*

Prima Tyranni nota crudelitas.

Prou. 28.
15.

2. ad Timot. 4. 17.

Psal. 77. 11.

Ezech. 38.
13.

Matth. 2.
16.

Iudic. 9.
5.

846 *Institutio politica ex sacris Scripturis.*

patris sui in Ephra, & occidit fratres suos filios Ierobaal septuaginta viros, super lapidem unum; vt scilicet familiæ illius stirpibus omnibus euulsis, solus ipse Regno potiretur, in quos illud optimè Salomonis conuenire potest, *Qui crudelis est, etiam propinquos abiicit*, cum Tyranni de quibus loquimur non tantum eos abiecerint, sed etiam de medio illata morte sustulerint. Eleganter Isaias Tyrannorum sæuitiam ob oculos ponit, cum Israëliticum populum ab illorum immanitatē liberum fore prænunciat, *Contrivit, inquit, Dominus baculum impiorum, virgam dominantium, cedentem populum in indignatione, plaga insanabili, subicientem in furore gentes, persequentem crudeliter*. Virga enim aut sceptrum, quo Principes quasi pastoralis pedo vti debuissent, ea vt virga quondam Moyſis in colubrum conuertitur, qui venenatis suis morſibus miſeros mortales abſumat. Hanc autem morum inclementiam vocis etiam conſequitur aſperitas, & inhumanitas, in qua (cum vox animi ſit index) crudelitatis eius, de qua nunc dicebamus, eminent notæ. Cum ligna Rhamnum Regem conſtituiſſent, vt eſt in apologo in libro Iudicum, quæ arbor vt pote nullo fructu commendabilis, ſed tantum aculeis & ſpinis aſpera, quibus tractantium manus cruentet, tyranni typum præfert, ſuperbè inducitur locuta Tyrannorum more. *Dixerunt omnia ligna, inquit Scriptura, ad Rhamnum. Veni, & impera ſuper nos; quæ reſpondit eis. Si verè me Regem conſtituitis, venite, & ſub umbra mea requieſcite; ſi autem non vultis, egrediatur ignis de Rhamno, & deuoret cedros Libani*. Tyranno etiam quam Principi conuenientior nota illa, & ſæpius memorata reſponſio Roboami, qui aliquid ſibi de tributis

PROL. II.

17.

Iſa. 14. 5.

Iud. 9. 14.

tributis remitti postulant, ita est allocutus:
Pater meus aggravavit iugum vestrum, ego autem ad- 3. Reg. 12;
dam iugo vestro; pater meus occidit vos flagellis, ego 14.
autem cadam vos scorpionibus. In Iob etiã historia
 quidam de amicis Iob, ita de Deo loquitur. *Qui* Iob 34. 19.
non accipit personas Principum, nec cognovit Tyrannum,
cum disceptaret contra pauperem. Ex Hebræo verti
 potest. *Non cognovit clamorem, vel clamantem contra*
pauperem, ut enim mites & moderati Principes
 clamores cohibent, nec magis elata voce loquun-
 tur, quàm audientium distantia postulet, ut de
 Christo ab Isaia prædictum est, cum ait quodam
 loco. *Non clamabit, neque accipiet personam, neque* Isai. 42. 2.
audietur vox eius foris. vel ut est apud Matthæum.
Non contendet neque clamabit, neque audiet aliquis in Matth. 12.
plateis vocem eius. Ita superbi & Tyranni stulto- 19.
 rum more in loquendo, *exaltant vocem suam,* ut
 scilicet ea ratione subditis formidabiliores eua-
 dant. Illud tandem Tyrannorum sævitiam, de
 qua agimus, plerumque exasperat, & dirio-
 rem subditis reddit, quod eorum iniuriæ, etiam cum
 crudeliter habentur, hilari vultu, non patienter
 tantùm ferendæ sunt; nam & inter mortis com-
 minationes & pericula vultu nihil exprobrante,
 sed tranquillo ac læto, quidquid à Principe de-
 cretum fuerit, admittendum est, diligenterque
 providendum, ne aliquo vel levi signo inclusus,
 & imo pectore compressus dolor erumpat. Ita
 etiam sub bono Principe Salomone, compositus
 erat Semei, qui cum Regiã Danidis maiestatem,
 non conuitiis solùm, sed lapidibus etiam inge-
 stis violasset, illique Salomon interdixisset, ne ex
 vrbe Ierusalem pedem efferret, aut torrentem
 Cedron transiret, interficiendus si secus faceret;
 Regi

848 *Institutio politica ex sacris Scripturis.*

3. Reg. 2. 38. Regi ita respondisse fertur; *Bonus sermo. sicut locutus est Dominus meus Rex, sic faciet servus tuus.*

3 Tyrannos timidos esse, & suspicionibus obnoxios. Porro crudelitas, de suspicionibus, timoribusque nasci plerumque solet, nihil enim non metuunt Tyranni, cum securitas, serenâque tranquillitas in eorum sit animis, qui nullius sceleris conscientia perturbantur: eos enim, ut loquitur sanctus Iob, *Conturbat formido subita.* & alibi. *Cum steterit, non credit vita sua.* Nam si mensæ affederit,

Iob 22. 10. Iob 24. 22. cogitat auro etiam venena potari; si stipatorum suorum corona cinctus incedat, timet ne quis ancipiti gladio latus hauriat, nullâque hominum cōditio ab ista Principis suspicionem immunis esse potest, non propinqui, non filij, non uxores, non coniunctissimi quique amicitiae vinculo, quos omnes aut priuatis odiis ductos, aut regnandi cupiditate incitados, aut accepta pecunia corruptos facilè credit, ac propterea eos occidendo insidias anteuertendas esse constituit. Eos verò maximè Tyrannus formidare consuevit, quos genere, opibus, claritate virtutis, rerumque gestarum inter cæteros caput viderit extulisse, quorum propterea capita demetit, ut se ab illis securum præstet. Quare de Tyranno legimus in libro

Iob 24. 22. Iob. *Detrahit fortis in fortitudine sua.* vel, ut interpretantur Septuaginta, *Furore evertit.* Hunc verò metu consternatæ mentis terrorem eleganter nobis ponit ob oculos liber Sapientiæ, in quo ita de Ægyptiorum metu (quod ad rem nostram transferri potest) scribitur cap. decimo septimo.

Sap. 17. 17. *Sive spiritus sibilans, aut inter spissos arborum ramos auium sonus suavis, aut vis aqua decurrentis nimium, aut sonus validus præcipitatarum petrarum, aut ludentium animalium cursus inuisus, aut mugientium valida bestiarum*

bestiarum vox, aut resonans de altissimis montibus Echo, deficientes faciebant illos pra timore: timoris verò causam si quæras, ab eodem Sapiente affertur, cum ait, Cum sit timida nequitia, dat testimonium Sap. 17. 10. condemnationis, semper enim præsūmit sana perturbata conscientia. Atque ita Reges ac Tyranni cum legibus atque iudiciis non teneantur, naturæ tamen lege, & conscientia iudicio vexantur & torquentur, suorumque scelerum facibus, & furiis ita agitantur, ut partem nullam quietis capere unquam possint. Sonitus terroris, dicitur in libro Iob, semper in auribus illius, & cum pax sit, ille semper insidias suspicatur. Fugit enim impius nemine persequente; ut quodam loco dixit Salomon: contra quod facit Pro. 18. 1. iustus, cuius conscientia nullis malefactorum stimulis foditur, ac lancinatur, de quo ita pronuntiat, Iustus autem quasi leo confidens absque terrore Ibidem. erit.

4 Altera Tyrannorum nota, est immensa quædam auri argentique quâ iure, quâ iniuria coaceruandi cupiditas, nullaue iuris, ac legum reuerentia, si huic pecuniarum cogendarum siti repugnare videantur. Iobum arguens, quasi Tyrannum, Eliphaz Themanites, ita in illum inuehitur. *Abstulisti pignus fratrum tuorum, sine causa, & nudos Iob 22. 6. spoliaſti vestibus. Aquam lasso non dedisti, & esurienti subtraxisti panem, in fortitudine brachij tui possidebas terram, & potentissimus obtinebas eam. Viduas dimisisti vacuas, & lacertos populorum comminuisti. Ac si dicat, sordidè admodum & illiberaliter te gessisti, qui cum nulla subesset causa, in alienas fortunas audus inuolasti, violentusque fratres tuos, quos propinquitatis iure, tueri potius debueras, ac fouere non pecuniis tantum, sed ipsis etiam vesti-*

bus spoliasti : pectusque tuum durum , & à misericordia adeò fuit alienum, vt esurientibus faméque enectis , frustulum cibarij panis inuideres, miserósque mortales multis malis vexatos , violento dominatu premeres, exactionibus, tributisque potiùs degluberet, quàm tonderes; viduas ipsas omni mortalium subsidio destitutas, omnibusque qui sensum habent humanitatis miserandas, rapinis tuis exhaustisti , bonisque omnibus per summam iniuriam euertisti. Sed expressiùs etiam Tyrannorum rapacitatem , ponit ob oculos apologus ille Nathani , quo Dauidis factum prudenter castigauit, errantemque ad crimen detestandum adduxit. *Pauper*, inquit, *nihil habebat omnino, prater ouem vnā paruulā, quā emerat & nutrierat, & quā creuerat apud eum cum filiis eius simul, de pane illius comedens, & de calice eius bibens, & in sinu illius dormiens, eratque illi sicut filia. Cum autem peregrinus quidam venisset ad diuitem, parcens ille sumere de ouibus & de bobus suis, vt exhiberet conuiuium Peregrino illi, qui venerat ad se, tulit ouem viri pauperis, & preparauit cibos homini, qui venerat ad se. Ita locutus est Nathan, cuius narrationis atrocitas, adeò Regis animum commouit, vt iure iurando confirmarit se tantum scelus eius, qui illud admisisset morte vindicaturum. Iratus autem, inquit Scriptura, indignatione David aduersus hominem illum nimis, dixit ad Nathan : *Vixit Dominus, quoniam filius mortis est vir, qui fecit hoc; ouem reddet in quadruplum, eo quod fecerit verbum istud, & non pepercerit; quod autem facinus tam immane Dauidi visum est; id, est Tyrannis familiare, qui pauperes reculis suis quas ad propagandam vitam necessarias habent, spolient, diuitias verò suas, thesau-**

rosque

2. Reg. 12.

3.

Ibid. n. 3.

rosque, aut situm ducere permittant, ut in illos
 conueniat illud D. Iacobi, *Diuitia vestra putrefacta sunt, & vestimenta vestra à tineis comesta sunt, aurum & argentum vestrum aruginauit*: aut certè in parasitos Lenones, adulatoresque effundant, quam ob causam fortasse diuites à Zacharia *quercus Basan* dicti sunt, quos ibi Kaldæus *Satrapas* *provinciarum* appellauit. Quemadmodum enim quercus, quo vberior est glandium prouentus, plures pascunt porcorum greges, ita potentum diuitias, quas ad pauperum inopiam subleuandam æquius fuisset expendere, vltima fæx hominum adulatores quos dixi, & parasiti turpiter absumere consueuerunt, utque pecuniis perpetuò abundant quas ita prodigant, non verentur terminos trans-
 ferre, diripere greges, & tanquam suos pascere eos, *asinum pupillorum abigere, & auferre pro pignore bonam viduam. Subuertunt pauperum viam, & opprimunt pariter mansuetos terra. Agrum non suum demetunt, & vineam eius, quem vi oppresserint, vindemiant. Nudos dimittunt homines indumenta tollentes, quibus non est indumentum in frigore, quos imbres montium rigant, & non habentes velamen amplexantur lapides* (antro-
 rum scilicet & cauernarum, in quas sese abdunt ad vim frigoris euadendam) *vim fecerunt depredantes pupillos, & vulgum pauperem spoliauerunt. Nudis & incedentibus absque vestitu, & esurientibus tulerunt spicas. Inter acervos eorum meridiati sunt, qui calcatis torcularibus sitiunt. De ciuitatibus fecerunt viros gemere, & anima vulneratorum clamauit, ut tandem eos finis ille excipiat, qui ibidem exprimitur. Et Deus inultum abire non patitur. Cui persimilis est illa conquestio apud Michæam. Audite Principes Iacob, & Duces domus Israël, nunquid non vestrum est*
 Iacob. 3.2. Zachar. 11. 6. Iob 24.2. Michæ. 3. 1.

scire iudicium, qui odio habetis bonum & diligitis malum? qui volenter tollitis pelles eorum, de super ossibus eorum? Qui comederunt carnem populi mei, & pellem eorum de super excoriarunt, & ossa eorum confregērunt, & conciderunt sicut in lebetē, & quasi carnem in medio olla? Hunc autem locum, qui totus per allegoriam tractatur à Propheta, à Chaldæo paraphraste absque figura, ita ad rem nostram effertur. *Violenter populi facultates ab eo rapientes, pecuniamque eorum pretiosam ab eis tollentes, & qui diripiunt substantiam populi mei, & pecuniam eorum pretiosam tollunt, reliquiasque eorum consumunt, conuersi diuidunt eos, quemadmodum qui concidunt membra in frustra in medio lebetis, & particulas in olla medio.*

*Tyrannos
esse legum
violatores
& contem-
ptores.*

Iob 11. 12.

§ Legum porro violatio, aut etiam contemptus tyrannidem comitatur. *Vir enim vanus, ut est in libro Iob, in superbiam erigitur, & tanquam pululum onagri, se liberum natum putat. In quem locum D. Gregorius ita scribit: Homo quia ad sequentem vitam ducitur, necesse profectò est, ut in cunctis suis motibus, sub dispositione disciplina religetur, & quasi domesticum animal loris. vinculum seruiat, atque aternis dispositionibus restrictum viuat. Qui ergo implere cuncta quæ desiderat, per effrenatam libertatem quarit, quid aliud quàm pullo onagri esse similis concupiscit, ut disciplina hunc lora non teneant, sed ardentem vagus per syluam desideriorum currat? Quia igitur Tyrannus ferum animal, & iugi impatiens fræno aliquo,*

Psal. 31. 9.

aut como maxillas suas constringi non patitur, omne ius pessumdat, leges figit atque refigit, veterumque statuta, ac decreta, ludibrio habet, & ut est apud Isaiam, Transgreditur leges, mutat ius, dissipat fœdera sempiterna; quare mirum non est, si quod

Isa. 24. 5.

Ibidem.

ibidem Propheta conqueritur. Terra infecta est ab habita

habitoribus suis, nullumque incommodi genus in Rempubl. importatum non est. Quemadmodum enim seruatis legibus acceptum referre debemus quidquid boni est in Republ. iuxta Sapientis dictum. *Lex Sapientis fons vitæ, ut declinet à ruina mortis*; ita illis posthabitis, aut neglectis, Rerumpublicarum euerfiones & ruinæ consequuntur.

Prou. 13.
17.

6 Rursus Tyranni rebelles sunt lumini, ut est in libro Iob; timent enim, ne si praua ipsorum opera in bono collocentur lumine, omnibus appareat quàm distorta sint, & à recta virtutis & iustitiæ regula discordent. Propter hanc causam veritatis præcones oderunt, eosque qui falsitate detecta, sanam doctrinam quæ eorum corrigantur prauitates in medium proferunt. Hoc enim proculdubio si vllum aliud hominum genus, illud est de quo sanctus Paulus ad Timotheum scribens ait fore aliquando homines, qui sanam doctrinam non sustinebunt, sed ad sua desideria coaceruabunt sibi magistros prurientes auribus, & à veritate quidem auditum auertent, ad fabulas autem conuertentur. Hoc enim quorundam malè sanorum hominum ingenium est, eorum præsertim, qui circa fidem naufragauerunt, ut dogmatis etiam planè falsis, & germanæ Theologorum doctrinæ aduersantibus quædam sibi fingentes somnia, & pseudopphetas quosdam excitantes, qui erroribus patrocinentur, veritati tenebras studeant offundere; in quos egregiè conueniat illud Isaïæ. *Populus ad iracundiam prouocans est, & filij mendaces, filij nolentes audire legem Dei, qui dicunt videntibus, Nolite videre, & aspicientibus, Nolite aspicere nobis ea quæ recta sunt, loquimini nobis placentia, videte nobis errores.* Id nimirum agentes, ne omnes intelligant ea, quæ mo-

Tyrannos
doctos ho-
mines ve-
ramque
doctrinam
odisse.

2. Timot.
4. 3.

1. Timot.
1. 19.

Isa. 30. 9.

854 *Institutio politica ex sacris Scripturis.*

liuntur, veritati, probitati legum Ecclesiasticarum aut etiam Diuinarum obedientiæ repugnare, cumque semidoctos aliquos, malitia potius instructos, quàm imbutos litteris, quâ prece, quâ pretio pellegerint, vt errores illos propugnent omnia sibi tuta arbitrantur, nec aut stimulos conscientiam fodientes, aut veritatis strenuos satellites, qui veritatem voce scriptisue defendunt audientes, nec metuentes infamiam, quam sibi apud cordatos homines cõciliant cæci, ac tantum non amentes, imò planè amentes qui solida bona terrenis posthabent, lumen veritatis auersantur, tenebras errorum vtrò accersunt, & cùm omnibus hominibus miserabiliores sint, se beatos putant, aut etiam prædicant. Tales cum alij, tum ij fuerunt Principes qui Calvinianas & Lutheranas pestes nostra, aut Patrum nostrorum memoria, prauosque illos errores, qui ex ipsis inferni faucibus emerferunt amplexi sunt, vanissimosque illorum buccinatores fouerunt, aut etiam armis tutati sunt, ne quas commeriti fuerant, pœnas darent, qui quantum Reipubl. incommodarint (vt de aliis grauissimis malis nihil dicam) omnis clamat Septentrio, vt rem per se apertissimam exemplis quæ passim in oculos incurrunt confirmare superuacaneum sit. Quantò sapientius illi, qui cum nodi aliqui aut difficultates incidunt, quas facilè ipsi per se non expediunt, verentes ne fortè specie veri decipiantur, doctos piosque viros consulunt, ipsasque rotas academias litteratorum hominum, veritatis indagatrices, & magistras; curantque vt re bene discussa implicata euoluantur, & obscura ab eorum ingeniis, & doctrina lucem accipiant, conspirantesque eorum
senten

sententias amplectuntur, quæ etiam ferè faustum à Domino, & optatis respondentem exitum nanciscuntur. *Sermo dicebatur in veteri prouerbio*, vt habemus in 2. Regum lib. *qui interrogat, interroget in Abela, & sic perficiebant.* Prouerbio locum fecit Abelæ Israëlitis vrbis opinio Sapientiæ, quod nimirum in ea (vt etiam in Cariath-Sepher, quæ ciuitas à litteris & disciplinarū professione nomē habebat) quoddam esset emporium doctrinarum, quò se conferre consueuerant, qui aliqua de re dubitabant, & quod tulerant responsum, illud *perficiebant*, hoc est, quasi rectè agendi normam sequebantur. Vel certè sensus est, ad rem nostram accommodatus, *& sic perficiebant*, id est, quæ optabant, mentèque ac votis destinabant, Sapiens illud consilium secuti, assequebantur. Vtinam hæc mens omnibus sit Principibus, vt veritatem sincerè quærant, ac proinde ibi quærant, vbi non magno negotio, à bona fide agentibus potest inueniri, ac præsertim apud Romanam sedem, omni vetustatis oraculo sanctiorem, & veriore, quæ meritò eas voces vsurpare potest, quibus illa mulier pro Abela Ioab alloquebatur. *Nonne ego sum, quæ respondeo veritatem in Israël?*

7 Hæ sunt Tyrannorum notæ, quas si Princeps in se ipso deprehenderit, meritò timere poterit, ne subditorum animis impotenti dominatu exasperatis, rebus nouis studere incipiant. Illustre habemus huius rei exemplum in Regum historia, in qua ita legimus. *Factum est autem cum senuisset Samuel, posuit filios suos iudices Israël: Fuitque nomen filij eius primogeniti Ioel, & nomen secundi Abia, iudicum in Bersabee: & non ambulauerunt filij illius in viis eius, declinauerunt post auaritiā, acceperuntque*

856 *Institutio politica ex sacris Scripturis.*

munera & peruerterunt iudicium. Congregati ergo uniuersi maiores natu Israël venerunt ad Samuelem in Ramatha, dixeruntque ei. Ecce tu senuisti, & filij tui non ambulant in viis tuis; constitue nobis Regem, ut iudicet nos, sicut & uniuersæ habent nationes. Imò tyrannidis rigor animos etiã ad deteriora sollicitat. Id enim interdum accidere, & sacrarum historiarum exempla; & tot sæculorum experimenta docuerunt; nec tamen cum id fieri autumo, eorum ego conatus etiã approbo, qui manus suas in Christos Domini audent extendere,

1. Reg. 14. qui nouerim Dauidem laudari, quod Sauli inimico suo, à quo querebatur ad necem, quemque
11. & cap. abiecerat Dominus, violentas manus afferre noluerit, de quo ita scribit S. Ambrosius in officiorum libris. *Quàm honestum quod Dauid, cum potuisset Regi inimico nocere, maluit parcere? quàm etiã*
26. 11. *utile, quia successorì hoc profuit, ut discerent omnes fidem Regi proprio seruare, nec usurpare imperium, nec vereri, &c. Imò Samuel ipse, qui iam ex uiuis excesserat, cum Pythonissæ carminibus euocatus fuisset, signo honoris, eundem Saulem est persecutus: id ex eo colligimus, quòd ad mulierem illam Regio cultu deposito Rex venisset, cum primùm Samuel*

1. Reg. 28. excitatus emerit. *Exclamaui voce magna (Pythonissa) & dixit ad Saul. Quare imposuisti mihi? tu es enim Saul. Cui nimirum tanquam Principi signo aut motu aliquo externo Samuel signum exhibuit reuerentiæ, ex quo Saulem illum esse, mulier est affecuta. Regiæ igitur dignitatis maiestas & sanctitas verenda est, quamuis interdum accidat, ut prauì mores, & execrandi sint.*

8. *Ut tamen manus hominum euadant Tyranni, certè vindicem Domini dextram, quæ attingit*
à fine

Dei Tyrannidis scelus grauibuspennis vindicare.

à fine usque ad finem fortiter, non euadent; Quo enim ibunt à Spiritu Domini? & quò à facie eius fugient? Si ascenderint in cœlum, illic est; si descenderint in infernum, adest. Si sumpserint pennas suas diluculo, & habitauerint in extremis maris, etenim illuc manus Domini deducet eos, & tenebit eos dextera illius. Vir qui errauerit à via doctrina (inquit Sapiens) in catu Psal. 138. 7.
gigantium commorabitur. Septuaginta verterent Prou. 21. 16.
πλανώμεν & ἐξ ὁδοῦ δικαιοσύνης ἐν συναγωγῇ γιγάντων ἀναπάνσεται, id est, vir qui errauerit à via iustitia, in catu gigantum, vel vt habet Symmachi interpretatio θεομάχων eorum scilicet, qui cum Deo pugnare non verentur (cuiusmodi Tyranni sunt, qui nec homines timent, nec Deum reuerentur) commorabitur aut requiescet. Ex Hebræo verti etiam potest. In catu mortuorum, qui cætus eorum est, qui verè mortui sunt morte secunda, omnique resurrectionis spe destituti. Idémque significare potest vox gigantum, qua voce aliqui putant significari homines virium suarum fiducia omne fas; & ius contemnentes, quorum facinora non absimilia illis essent, quæ de gigantibus Græci memorant: in quam sententiam illud etiam accipiunt, quod habemus in Psalmo. Non saluabitur gigas in multitudine virtutis sue. Itaque hoc sensu nullis magis gigantis nomen conuenit, quàm Tyrannis, qui agresti ingenio, & feroci potentia ad iniustitiam abutuntur, & pleraque omnia violenter administrant.

9 Sed quærat fortasse quispiam quid causæ sit, quòd cum Tyranni In Cathedra sedeant pestilentia, vel vt D. Augustinus exponit, In Cathedra dominandi, quem tamen dominatum ad pestem conuertunt subditorum, illos tandiu patiatur Domi- Cur Deus in Rebus Tyrannos permittat, Psalm. 1. 1.

858 *Institutio politica ex sacris Scripturis.*

nus, nec pestes huiusmodi cum primùm populos corripuerint amoliantur. Huic quæstioni satisfacit Eliu in libro Iob cum ait. *Qui regnare facit hominem hypocritam propter peccata populi.* Sæpe enim accidit, ut quis ad honores & magistratus, imò ad Regnum ipsum perueniat, non quòd ipse eo gradu dignus sit, sed quòd peccatis suis populi commeriti sint, ut à tali Principe regerentur. Quare D. Gregorius locum illum enarrans ita

- Moral. lib. 25. cap. 14. 14. alias 20. scribit. *Nullus qui talem Rectorem patitur, eum quem patitur accuset, quia nimirum sui fuit meriti, perversi Rectoris subiacere ditioni. Culpam ergo proprii magis accuset operis, quàm iniustitiam gubernantis. Scriptum namque est; Dabo tibi Reges in furore meo. Itaque Reges idolorum cultores, quibus tanquam flagellis ad populum suum corripiendum uti volebat Dominus, Christos suos appellat, & sanctificatos suos. Ego mandavi, inquit per Isaiam, sanctificatis meis, & vocavi fortes in ira mea, exultantes in gloria mea. Vox multitudinis in montibus, quasi populorum frequentium, vox sonitus Regum gentium congregatarum, Dominus exercituum præcepit militie belli venientibus de terra procul à summitate cœli Dominus & vasa furoris eius, ut disperdat omnem terram. & de Cyro Rege Persarum hac legimus Isai. 45. 1. apud eundem Prophetam. Hac dicit Dominus christo meo Cyro, cuius apprehendi dexteram, ut subiiciam ante faciem eius gentes, & dorsa Regum vertam, & aperiam coram eo ianuas & non claudentur. Ego ante te ibo, & gloriosos terra humiliabo, portas areas conteram, & velles ferreos confringam. Et alibi dicitur. Assur virga furoris mei, & baculus ipse est, in manu eorum indignatio mea. His ergo tanquam furoris sui vasis, virgis, flagellis, ac quasi carnificibus quibusdam utitur Dominus ut de populis pœnas sumat, scruitiam impla*
- Ifai. 13. 3. 11.
- Ifai. 10. 5.

implacabilem Tyrannorum inducens, magistratuumve molestam asperitatem, ut qui à Domini lege, tramitéque virtutis aberrauerant, in viam salutis redeant, quique tenebris peccatorum obcæcati lumen veritatis non aspiciebant quasi amaro felle (quod Tobiae accidisse narratur in Tob. II. 13. eius historia) lumen veritatis intueri rursus incipiant, quæque facienda cognouerint, operibus perficere aggrediantur. Illud tamen aduertendum est, huiusmodi Tyrannos licet à Domino populos premendi facultatem acceperint, non tamen plus in eos posse, quàm Dominus ipse permiserit, quemadmodum etiam sancto Iob videmus accidisse, quem cum Dominus in patientiæ exemplum, fortunis, liberis, corporis sanitate à Dæmone spoliari permisisset, non tamen omnia in eum permisit, sed animam illius seruari iussit, cum ait, *Ecce in manu tua est, veruntamen animam illius* Tob. 2. 6. *serua.*

De seditionibus Ciuiumque discordiis, quibus Respublicæ euertuntur.

C A P V T IX.

E Gregiè Galatas monuit D. Paulus. *Si inuicem morderis, inquit, & comeditis, videte ne ab inuicem consumamini.* Qua metaphora illos monere voluit, ut à domesticis ciuilibusque discordiis temperarent, quibus Reipubl. corpus non minus Galat. 5. 15. Ingentibus malis subiaceret Reipubl. propter discor-

- dias, tur-
basque ci-
uiles.* minus consumitur, quàm cum homines vi morbi
in rabiem acti sua ipsorum membra, manus vide-
licet aut brachia morsibus appetentes rodunt, &
depascuntur. Hoc enim illud est, quod eodem
Isai. 9. 20. vsus loquendi Schemate dixit Isaias. *Vnusquisque
carnem brachij sui vorabit, Manasses Ephraim, &
Ephraim Manassem, simul ipsi contra Indam.* Id pla-
nè accidit in ciuili Israëlitarum bello, contra tri-
Iud. 10. 1. bum Benjamin; Nam cum habitatores Gabaa,
impuri homines, Leuitæ vxore ad suas explendas
libidines abusi essent, & ad mortem vsque vexas-
sent, nec Benjamitæ sceleris auctores ad pœnam
reliquis postulantibus Israëlitis tradere voluis-
sent, bellum ciuile exarsit, cumque mutua cæde
ter exercitus concurrissent, plurimi mortales ce-
Ibid. n. 21. ciderunt. Nam ex Israëlitis ad quadraginta ho-
& 25. minum millia cæsa sunt, ex tribu autem Benja-
Ibid. n. 35. min, *Filij Israël viginti quinque millia & centam viri,
omnes bellatores & educentes gladium, cùmque fuga
sibi consulere satagerent Benjamitæ, in insidias
delati sunt, quas fugientibus struxerant Israëlita,*
Ibid. n. 37. *qui cum repente de latibulis surrexissent, & Benjamin
terga cadentibus daret, ingressi sunt ciuitatem, & per-
cusserunt eam in ore gladij; adeo vt alia decem &
octo virorum millia cæderentur, facibusque in-*
Ibid. n. 44. *iectis succensa vrbis tecta absumerentur. Tanta-
que fuit tribus illius clades, vt postquam pugnan-
di ardor ille defederat, intelligerent Israëlita
vinctâ facinoris illius in magnum totius Reip.
incommodum recidisse, nam vt ait Scriptura,*
Iud. 21. 6. *Ducti pœnitentia filij Israël super fratre suo Benjamin
caperunt dicere. Ablata est tribus una de Israël. Et
fortasse pertinacioribus odiis quàm par fuisset,
pugnatum est. Sed vt acer esse solet inter propin-*
quos

quos amor, ita grauiiores & acerbiores sunt inimicitia; cum enim mutuis offensionibus, & odiis certare cæperint, iura propinquitatis, quæ charitatis vincula esse debuissent, apud infensos irarum incitamenta fiunt. Ea etiam causa est, propter quam odia inter parentes aut fratres inter quos maius vinculum est, arctiorque coniunctio, immaniora & diuturniora esse soleant. Vna Dauidis domus, non vnum rei huius de qua disputamus, suppeditat documentum. Nam Amnonem fratrem suum Absalon tanto persecutus est odio, ut sororis dedecus nonnisi ferro & cæde putauerit expiandum, quamuis tandiu concepti in fratrem odij pertinaciam texerit, donec illo ad conuiuium euocato, paratæ in beneuolentiæ symbolum dapes trucidati à satellitibus suis Amnonis calido cruore aspergerentur. Nec maior Absalonis in parentem reuerentia: nam quantum potuit, conatus est Regno illum euertere, atque etiã de medio tollere, nihil parentis canos miseratus, in cuius perniciem Israëlẽm vniuersum exciuit, infestisque mucronibus, quamuis irritò conatu fugientis iugulum petiit. Nam de Cain quid attinet dicere, qui cum fratris sui Abelis sacrificia Deo præ suis grata fuisse animaduertèret, tam immane odium concepit in fratrem, ut immentem & innoxium interficeret, terramque fraterno sanguine primus imbueret.

2 Porro cum aliàs sit turbis, factionibus, & seditionibus locus, maximè tamen hisce motibus opportunæ sunt Respubl. cum nullus est qui ad Regni sedear gubernacula, ut interregni tempore solet accidere, impunitate enim proposita, quam Principis scelera vindicantis pollicetur absentia, scelesti

2. Reg. 13.

19.

2. Reg. 15.

1.

Genes. 4.

8.

*Quibus potissimum
occasionibus temporibusque
discordia
gliscent in
Republica.*

ſceleſti & turbulenti homines nihil non audent, Reipublicæque ſtatum aggrediuntur euertere. Quare Scriptura cum tumultum illum, bellumque ciuile Iſraëlitarum contra Beniamitas recensuiſſet, aliâque nonnulla incommoda, quæ Reſpubl. illa paſſa fuerat malorum omnium radicem indicans, ita loquitur in extremo libro Iudic.

Iud. 21. 24. cum; *In diebus illis non erat Rex in Iſraël: ſed unusquisque quod rectum ſibi videbatur, hoc faciebat.* tunc

Pſal. 11. 9. enim vt quodam loco ait S. Dauid, *In circuitu impij ambulant* omnem circa regionem latrociniis infeſtam habentes, aut alia ratione turbantes, vt cuique fuerit collibitum. Nec multo melior ciuitatis ſtatus cum Principes adhuc infantes ſunt, aut ætate tenera, & puerili, vt Regiam dignitatem conſilij & virium imbecillitas contemnendam reddat. Quare Salomon ita pronuntiat. *Va*

Eccleſ. 10. 16. *tibi terra cuius Rex puer eſt.* Cuius Reipubl. infelicitatem ad rem de quâ agimus accommodatiùs,

Iſai. 3. 4. expreſſiùsque ſcribit Iſaias. *Et dabo, inquit, pueros Principes eorum, & effeminati* (vel vt eſt in Hebræo *parvuli*, ſeu, vt interpretatur Kaldæus, *infirmi*) *dominabuntur eis. Et irruet populus, vir ad virum, & unusquisque ad proximum ſuum, tumultuabitur puer contra ſenem, & ignobilis contra nobilem;* quæ ſanè mala in aliis etiam Rebuspubl. euenire non ſemel animaduertimus, illud præſertim quod dicitur.

Ibidem. *Tumultuabitur ignobilis contra nobilem:* Nam nullam ferè Ariſtocratiam fuiſſe vnquam crediderim, in qua plebs ægrè non tulerit dominatum eſſe penes paucos quorum potentiæ inuidet, & quibus iniquo animo penitusque inuito ſubelli ſolet, in omnes iugi excutiendi occaſiones intenta, quamquàm nobilitas dum nimium populares

lares premit & ab omni publico munere plebeij ordinis homines submouet, ac præ se quasi ciuitatis sæcem contemnit, malum istud si non creat, saltem in sinu fouet, quod fortasse beneficentia & clementia morum si non sanare, certè mulcere gliscentisque violentiam mitigare posset.

3 Cæterum si Reipublicæ tranquillitatem aliqua huiusmodi turbæ corripuerint, fuerintque contra ciues arma capienda, semper meminerit Princeps, contra ciues bellum esse, quantumque sanguinis cæde suorum sparserit, tantum Reipub. vires infringi ac debilitari, quæ tot ciuium imminuta capitibus, ad eam deueniet imbecillitatem, vt externa bella si fortè ingruant propulsare non possit, quo nomine Iason in Machabæorum historia meritò reprehenditur. *Iason verò, inquit, non parcebat in cæde ciuibz suis, nec cogitabat prosperitatem aduersum cognatos malum esse maximum, arbitrans hostium & non ciuium se trophæa capturum.* Illa enim ferè pudenda victoria est etiam in iusta causa, quæ Regni vires euertit, ciuium numerum imminuit, manus propinquorum sanguine imbut, humique iacentem ac prostratum Reipubl. statum relinquit. Quare prudentes & cordati viri, res alioqui bonas, & quæ magno essent vsui, si discordiarum rixarumque fuissent causa, infausto nomine notarunt, vt barbarum illarum causas execrandas esse nullus non intelligeret. Itaque Isaac puteum illum, cuius causa cum pastoribus suis, pastores Geraræ iurgati sunt. *Calumniam & Inimicitias* appellaui, vt in Geneseos historia legimus.

4 Tandem in seditionum discordiarumque amoliendis causis, affectibusque ciuium mitigandis,

In discordiis bellisq; ciuilibus quantum fieri poterit sanguini parcendū.

2. Mach. 5. 6.

Genes. 26. 20. 21.
De tollēdis discordiis ciuilibus documentum.

864 *Institutio politica ex sacris Scripturis.*

dis, & ad concordiam, mutuamque beneuolentiam traducendis Principis industria desudare debet. Itaque non negligat oblocutorum quod-

Eob. 41. 12. dam genus, qui *halitu suo prunas ardere faciunt*, & inter pacatos ciues, quàm magistratuum impotentiam aut tyrannidem, quàm in tribuendis honoribus inæqualitatem, quàm à maioribus constitutam Reipub. formam carpendo, tranquillum Reipub. statum perturbant, & omnia susdeque euertere moliantur. *Vir impius*, inquit Salomon, *fodit malum, & in labiis eius ignis ardescit; homo peruersus suscitatur lites, & verbosus separat Principes*: Fodiunt malum, quia similes iis sunt, qui latentes, & ingenti telluris aggere obrutas res magno labore, studioque in lucem educunt, nam sopitas, & obliuione sepultas discordiarum causas existere faciunt, sicque lites suscitant, discordiasque inter priuatos homines, aut etiam inter Reipubl. Principes, ex quo malorum Iliades consequuntur, totiusque Reipubl. euersio, & ruina, quæ tunc præceps ruit, cum ciuium diuisæ sunt linguæ, videturque *iniquitas & contradictio in ciuitate*, ut quodam loco loquutus est Dauid.

Psal. 54. 10.

Bellis

*Bellis Respublicas interdum euerti,
 & liceat ne bellum gerere, qui-
 que finis in suscipiendis bel-
 lis spectandus sit.*

CAPVT X.

Sequitur vt de bello dicamus, vique exter-
 na, quæ Respublicas interdum euertit, vt
 Chananæorum populis accidit, qui Hebræorum
 armis sunt subacti, rursusque ipsis Hebræis, qui
 Diuino auxilio destituti, exterarum nationum
 potentiæ impares Reipubl. suæ ruinam non se-
 mel, ciues etiam suos in captiuitatem abductos
 spectare coacti sunt. Verùm quia nonnulla de
 bello ad ciuilem doctrinam spectantia, non inu-
 tiliter disputari possunt, paucis hisce extremi li-
 bri capitibus ea complectemur, quæ ad rem no-
 stram facere videbuntur, pressè tamen & paucis
 quantum homini sacras litteras, non armorum
 tractandorum scientiam professo, satis esse vi-
 debitur.

I Ac primò illud statuendum est, nullo iure
 veritum esse, cum ratio recta suaserit, aliaque ad-
 iuncta (de quibus paulo post dicemus) adfuerint,
 arma contra hostes capere, acie instructa confli-
 gere, si resistent occidere, regiones hostium, op-
 pidaque inuadere, vno verbo bellum gerere. Id
 sacræ Scripturæ testimoniis, exemplisque proba-
 ri facile potest; nam sanctissimi viri, ipsarumque

*Licitum esse
 aliquando
 bellum gere-
 re probatur
 ex Scriptu-
 ra.*

- Scripturarum præconio laudati, bella gessisse, leguntur Abraham, Moses, Iosue, Gedeó, Sampson, Daud, Iosias, & Machabæi, & in noui testamenti libris legimus Centurionem, qui Christo Domino dicebat. *Habeo sub me milites, & dico huic vade, & vadit, & alio veni, & venit*, à Domino laudatum, non autem responsum, aut præceptum tulisse, vt abdicata militia, aliud vitæ genus institueret. Quod idem de altero Centurione Cornelio, cuius mentio est in actis Apostolorum, dicendum est, de quo legimus fuisse *virum iustum & timentem Deum*, non autem à Domino, aut sancto Petro à quo baptizatus est prohibitum fuisse, quo minus Principis sui stipendia mereret, aut cum opus esset castra sequeretur. Nec Domini præcursor Ioannes, qui magna libertate in vitia ad se adeuntium inuehebatur, hoc crimen dissimulasset, cum sese illi milites sisterent, & quid facto opus esset interrogarent, vt salutem æternam consequi possent, & tamen eis vt militarent faciebat potestatem, salutaribusque duntaxat monitis instructos dimittebat. *Interrogabant eum*, (inquit S. Lucas) *& milites, dicentes: Quid faciemus & nos? & ait illis. Neminem concutatis, neque calumniam faciat, & contenti estote stipendiis vestris. Si Christiana disciplina*, inquit D. Augustinus, *omnia bella culparet, hoc potius militibus consilium salutis petentibus in Euangelio diceretur, vt abicerent arma, seque militia omnino subtraherent, dictum est autem: Neminem concusseritis, nulli calumniam feceritis, sufficiat vobis stipendium vestrum, quibus proprium stipendium sufficere debere præcepit, militare utique non prohibuit. Quid quod Dominus bella quædam vt gererentur ipse præcepit, vt cum Israëlitarum populo iussit,*

iussit, vt contra Amalechitas expeditio susci-
 retur? Sic enim in historia Regum legimus. *Hac* 1. Reg. 15.
dicit Dominus exercituum. Recensui quacumque fecit
Amalech Israël, nunc ergo vade & percuire Amalech,
& demolire vniuersa eius, non parcas ei: nec præcepit
 tantum sed etiam miris modis præliantes adiu-
 uit, nam Iosue depugnante bella Domini, solis Iosue 10.
 cursus inhibitus est, pluresque lapidum grandine
 de cælo demissa, ex Israëlitarum hostibus obruti
 sunt, quàm militum gladiis interfecti. Machabæis 2. Mach.
 etiam Angeli equitum specie adfuerunt, quorum 10.
 auxilio illustrem de hostibus suis victoriam re-
 portauerunt, vt dubitari non possit, quin diuino
 consilio bella illa suscepta fuerint, quibus tam
 impensè Dominus fanerit.

2 Sed antequam progrediamur vlteriùs, quan- *An utile*
 doquidem vt certum statuimus licere Principi *sit Principi*
 cum propriæ Reipubl. intererit, bellum suscipe- *neutrū con-*
 re. Quærat aliquis quid facto opus sit Principi, *tra alterū*
 cum inter finitimos bellum exarserit, medium ne *iuuare, cū*
 se vtrisque amicum præbere debeat, nullius par- *bellū inter*
 tem fouentem, aut iuuantem, an verò satius sit *finitimos*
 alteri parti se adiungere, & pro illorum altero *exarserit.*
 stare aduersus alterum. Alicui fortè videri possit
 melius esse neutrum contra alterum iuuare; nam
 qui inter se pugnant Principes, dum illum qui
 medius est sibi conciliare satagunt, aut dum sibi
 ab illo metuunt, officiis in illum beneficiisque
 certabunt. Deinde, quia si contra neminem arma
 expediat, & rebus suis parcat, & ciuium suorum
 sanguini, & insuper idoneus pacis sequester inter
 hostes esse poterit: si verò se turbi immisceat,
 nec aliis prodesse, nec fortè cum voluerit referre
 pedem honestè poterit, & suas res in discrimen
 adducet;

- Prou. 26.
17. adducet; nam vt docet Sapiens, *sicut qui apprehendit auribus canem, sic qui transit impatiens, & commiscetur rixa alterius.* Quemadmodum enim canes si auribus apprehendantur, facile irritantur, & dentes in prouocantes exerunt: Ita qui aliis inter se contendentibus, cum sua parum aut nihil intersit, se tamen immiscet, exasperatos iracundia animos facile concitat, & alterutrum, si non vtrumque, sibi inimicum reddit. Præterea alia existit utilitas, quod dum se finitimi bellis atterunt, atque conficiunt, qui quieti egerunt, si forte laceffiti iniuria arma iure capere potuerint, integris viribus in hostes cooriuntur, & ex aliorum ruinis sibi parant incrementum; quod spectasse videtur Rex ille Moabitarum, cum suis animos addens ita loquebatur. *Pugnauerunt Reges contra se, & cæsi sunt mutuò, nunc surge ad prædam Moab.* Verius tamen videtur, vtilius esse alteri parti adhærere: nam qui nullam sequitur, nulli etiam amicus esse censetur, & qui se desertum videt
4. Reg. 3.
23. iniquo tempore illud vsurpare posse videtur; *Qui non est mecum, contra me est.* Quare D. Paulus cum Iudæos in diuersa rapi studio religionis animaduerteteret, se Pharisæum esse palam professus est, quæ illi professio causa salutis fuit; contra quam accidit viris Iabes Galaad, qui propterea quod à bello quod contra Benjamitas vniuersæ tribus indixerant abstinere noluerant, cæsi ipsi sunt, & eorum vrbs capta & euersa est. Nec Laïs ciuitati vtilius fuit quod cum finitimis nec commercia exerceret, nec amicitias coleret, nec fœdere vllò iungeretur, nam propterea cladem ingentem passam esse facer contextus satis indicat, cum ait:
- Iud. 18. 28. *Percusserunt eos in ore gladij, urbemque incendio tradiderunt*

derunt, nullo penitus ferente præsidium, eo quod procul habitarent à Sidone, & cum nullo hominum haberent quidquam societatis, ac negotij. Quæ verò hæc tunc disputauimus saluo partium iure, bellique iustitia intelligenda sunt; nam si cum honestate utilitas pugnet, nulli dubium esse potest honestatem utilitati antefereendam, nec regnandi, aut Regni amplificandi causa, cuiusquam ius violari posse.

3 Porro conditiones nonnullæ adesse debent, *Quæ conditiones requirantur, ut bellum quod suscipitur, iure suscipiatur.* quæ si desint, bella sunt iniusta, auctoritas nimirum legitima in indicente bellum, iusta belli suscipiendi causa, rectus etiam finis, formaque gerendi, de quibus singillatim pauca attingemus. Iis igitur Principibus, & Rebus publicis, ius est gerendi belli, quæ neminem agnoscunt in rebus temporalibus superiorē, cuiusmodi Reges etiam in Scriptura Israëlitarum, Persarum, Assyriorum, Ægyptiorum, quorum frequens mentio est in sacris litteris, quorum etiam bella, clades, victoriæ recensentur. Apud istos igitur ius est gerendi belli, cum id Reipubl. necessitas postulauerit: sed iusta etiam esse debet causa propulsandi nimirum iniuriam, iusque suum, si quis illud violare tentauerit, defendendi. Estque adeo pectori mortali inlitum bellum suscipiendum non esse, nisi iusta subsit causa, ut etiam Tyranni alienorumque Regnorum inuasores, id iure facere videri velint, cuiusmodi fuisse Nabuchodonosor ex sacris litteris legimus, qui cum Hebræos primus, nullaque prouocatus iniuria laceessere, imò in eorum fines irrumpere non dubitasset, ita tamen locutus est, ac si Hebræi Regium ius violare occupassent, ultroque iniuriam aliquam intulissent. *Nam cum misisset ad omnes, qui habitabant in* *Iudich 1.*

870 *Institutio politica ex sacris Scripturis.*

Cilicia, & Damasco, & Libano, & ad gentes quæ sunt in Carmelo & Cedar, & inhabitantes Galilaam, & in campo magno Esdrelon, & ad omnes qui erant in Samaria, & trans flumen Iordanem usque ad Ierusalem, & omnem terram Iesse, quo usque perveniatur ad terminos Æthiopie; Iubens nimirum, ut iugo illius colla submitterent, & Nabuchodonosor Regem suum iussis illius parendo agnoscerent, nec quod

Ibid. II. 12. iniuste postulauerat obtinisset. Indignatus Nabuchodonosor Rex aduersus terram illam inrauit per thronum, & Regnum suum, quod defenderet se de omnibus regionibus his. Quasi verò fuisset aliqua in re violatus ab illis, qui libertatem suam propugnare statuerant, Regnum autem Nabuchodonosor aggredi, aut alia ratione illi incommodare, ne in animo quidem habuerant. Sed nimirum ita Rex loquebatur, ut omnes existimarent se ius suum defendere, non in alienum inuolare, vimque regionibus illis afferre, quod iustis ipsis postulatis (ut credi volebat) non acquieuisent. Huc spectat rectus in bellis suscipiendis finis, quæ eo fine suscipienda sunt, ut sine iniuria in pace viuamus. Itaque Dominus præcipit in Deuteronomio.

Deut. 10. Si quando accesseris ad expugnandam civitatem, offeres ei primum pacem. Nec David cum Golia pugnaturus aliud spectavit quàm populi sui tranquillitatem, & pacem, diuinæque gloriæ amplificationem, quam auctum iri sperabat, si carneam illam tutrem gentis palestinae propugnaculum euertere & ad terram affligere potuisset; Quare

1. Reg. 17. Philistæum ita alloquebatur. Dabit te Dominus in manu mea, & percutiam te, & auferam caput tuum à te, & dabo cadauera castrorum Philistini hodie volatilibus cali, & bestiis terra, ut sciat omnis terra, quia est

est Deus in Israël, & nouerit vniuersa Ecclesia hæc, quia non in gladio, nec in hasta saluat Dominus, ipsius enim est bellum, & tradet vos in manus nostras. Tandem quoad modum gerendi bellum illud vt iuste geratur, seruandum est, vt sanguini humano, quantum fieri potest, parcatur. Quare conditionem accepit Saul Israëlque vniuersus, quam proposuerat Goliath cum diceret, *Eligite ex vobis virum, & descendat ad singulare certamen; Si quiuertis pugnare mecum, & percusseris me, erimus vobis serui; Si autem ego praualevero, & percussero eum, vos serui eritis, & seruietis nobis.* Hoc si optasset Abner, qui post extinctum Saulem exercitum Isboseth cum imperio moderabatur, sanè iuste fecisset, ne enim Gentilium suorum sanguis funderetur absque vitio à Ioab Dauidici exercitus Duce postulare potuisset, vt patria aliquot selectorum militum componerentur, quo scilicet paucorum periculo cæteris incolumitas pararetur. *Egressusque est Abner filius Ner, inquit Regum historia, & pueri Isboseth filij Saul de castris in Gabaon, porrò Ioab filius Saruia, & filij Dauid egressi sunt, & occurrerunt ei iuxta piscinam Gabaon, & cum in unum conuenissent, è regione sederunt, hi ex vna parte piscine, & illi ex altera. Dixitque Abner ad Ioab. Surgant pueri, & ludant coram nobis, & respondit Ioab, surgant: surrexerunt ergo, & transferunt numero duodecim de Benjamin ex parte Isboseth filij Saul, & duodecim de pueris Dauid, apprehensoque unusquisque capite cõparis sui, defixit gladium in latus contrarij, & ceciderunt simul, vocatumq; est nomen loci illius, Ager Robustorum in Gabaon.* Verùm credibilius est, nullum intercessisse pactum inter illos pacis post duellum incundæ, sed strenuitatis, fortitudinisque duntaxat ostentandæ causa, milites

1. Reg. 17.
8.

2. Reg. 2.
12.

872 *Institutio politica ex sacris Scripturis.*

illos depugnasse, quare postquam mutuis vulne-
ribus, duodecim illa pugnatorum paria occubue-

Ibid. n. 15.

runt, exercitus etiam utriusque conflixerunt, ut
enim legimus ibidem, *Ortum est bellum durum sa-
tis in die illa, fugatusque est Abner, & viri Israël i
pueris David.* Nec contra ea quæ diximus obijci
potest, Dominum præcepisse, ut terræ Chánaan
habitatores penitus abolerent, ut habemus in li-
bro Numerorum. Nam bellum inter Dauidem &
Isboseth civile erat, & inter eos gerebatur, qui
eiusdem Reipubl. partes erant, eiusdemque Re-
ligionis cultores: quod verò cum Chananeis
Domino auctore susceperant, eo spectabat ut si-
mul cum impia gente idolis addicta, & omnibus
sceleribus cooperta, profanus cultus tolleretur, &
Hebræis pacata sedes pararetur, omnisque in
ethnicorum vitia prolabendi occasio remouere-
tur, nationibus illis penitus excisis. Itaque Israë-
litæ, qui Domini voluntatem habebant explora-
tam, sese, ut id, quod Domino gratum esse scie-
bant, facerent, nuncupato etiam voto obstrinxe-

Num. 21.

2:

runt, ut eodem Numeri libro legimus. *Israël, in-
quit, voto se Domino obligans ait, si tradideris populum
istum in manu mea, delebo urbes eius.* Quod votum

Ibid. n. 3.

Domino fuisse gratissimum Scriptura significat,
cum ait. *Exaudiuitque Dominus preces Israël, & tra-
didit Chananeum, quem ille interfecit subuersis urbibus
eius, & vocauit nomē loci illius Horma, id est anathema.*

De facia-
libus mit-
tēdi, & re-
bus iniuste
ablati, aut
occupati
antequam
ad arma
veniat,ur,
repetendis.

4 Illud tandem aduertendum est, quandoqui-
dem bella tardè suscipienda sunt, eaque duntaxat,
quæ pia, & pro defendenda Reipubl. necessaria
fuerint, priusquam exercitus, & arma expedian-
tur, legatos res repetitum mittendos esse; qui si
postulata impetrauerint, à violentia erit absti-
nendum;

nendum ; sin minus, bellum erit indicendum, vt nimirum & hostes, & quicumque alij, qui quod factum fuerit cognouerint, à quo stet iustitia, quique recti fines transilierit, intelligant. Nouem tribus Israël contra tres, quæ primæ iuxta Iordanem sortis suæ funiculum nactæ fuerant, bellum cogitabant indicare, quod veram patriamque religionem prodidisse dicerentur, ergo certos quosdam homines legarunt ex primariis populi *Phinees scilicet filium Eleazari Sacerdotis, & decem Principes cum eo, singulos de singulis tribubus*, qui nimirum diligenter cognoscerent vera ne essent, quæ de ipsis fama vulgauerat, dicerentque. *Hæc mandat omnis populus Domini, quæ est ista transgressio? cur reliquistis Dominum Deum Israël adificantes altare sacrilegum, & à cultu illius recedentes?* Iephte etiam cum primum Principatum auspicatus est, bellumque cum Ammonitis instaret, antequam manus armis admoueret, *Misit nuncios ad Regem filiorum Ammon qui ex persona sua dicerent. Quid mihi & tibi est, quia venisti contra me, vt vastares terram meam? quibus ille respondit, quia tulit Israël terram meam.* Cui rursus Iephte factum excusare aggressus est, causasque afferre propter quas Israëlita cum de Ægypto ascenderent, bellum gessissent contra filios Ammon, quod scilicet aditu eos ad promissam à Domino regionem armis prohibere instituisent, contra quos bellare coactus est, vt ad possessionem suam adeundam viam ferro aperiret, quandoquidem hostilibus alioqui copiis iter fuerat interseptum. Qui verò ita circumspectè bella suscipiunt, vt pacem potius optent omnique ratione contendant hostes suos ad officium faciendum inducere, eos dixerim *sanctificare bel-*

Iosue 14.

13.

Iosue 22.

16.

Iud. 11. 12.

Mich. 3. 5.

lum, quod alicubi legimus apud Prophetam; nam & iura sua defendunt, nihilque moliuntur, quod diuinæ legis, naturæque præscripto aduerfetur; sed arma ipsa quæ tractant, bellumque quod gerunt iustitiæ studio, causæque pietate sanctificant: qui verò secus faciunt, omnesque belli mouendi occasiones arripiunt, cuiumque securitatem per incertos euentus certaminum in discrimen adducunt, tenuis alicuius compendij cupiditate, certa, grauique iactura victoriam petentes: Ij sanè, vt moderatè loquar, inconsultè faciunt, cum non alibi cunctantior Princeps esse debeat, quàm in expediendis armis, bellisque suscipiendis, ex quibus omnium malarum rerum pelagus exundat, etiamsi iustissima sint; quam etiam Fortassis ob causam cum Dauidi Pestis, Belli, Famisve optio data esset, Pestem bello duxit esse potiore.

2. Reg. 24.
14.

*An pax
perpetua
ineunda
sit, an verò
ad tempus
tantum.*

5 Cæterum, quia finis belli pax est; Quærat aliquis satius ne sit pacem cum hostibus quibus reconciliamur ad certum tantum tempus inire, an verò perpetuam, & nulla temporis periodo finiendam? Respondeo pacem perpetuam esse debere, hoc enim ab induciis distinguitur quæ ad certum tempus inter hostes conciliari solent. Si enim ad tempus tantum pax fiat, nec suspensiones inter Principes aut Respubl. amoliri, nec discordiarum fibras, ac radices exscindere, nec curis soluti quiete agere poterimus, contra quam optat Apostolus, qui fidelibus *obsecrationes, orationes, postulationesque*, indicit, *pro Regibus & omnibus qui in sublimitate sunt, vt quietam & tranquillam vitam agant*, & alibi, propius ad rem nostram, cunctis à Domino pacis, ita bene precatur; *Ipse autem Dominus pacis*

1. Timot.
2. 2. 1. 2.

2. Theff. 3.
16.

pacis det nobis pacem sempiternam, vt nimirum in *charitate fundati & radicati*, vt idem loquitur ad Ephesios scribens, amicitias bona fide, firmiterque colamus. Itaque in veteri lege fœdera frequenter appellantur sempiterna, quod multis locis repetitur in Genesi, Numeris, Paralipomenis, Isaia, & alibi, & pacta salis, hoc est firma, stabilia, perennia. Quemadmodum enim sal carnes prohibet ne putrescant, easque conseruat; ita pactum salis illud est, quod à corruptione & violatione alienum est, quia scilicet firmum, ratum, perpetuum est. Quod si fortè fœderum memoria temporis longinquitate obsolescat, missis legationibus subinde renouanda est, & conuentorum leges, pactaque instauranda, quod Iudæos cum Romanis, & Spartanis fecisse legimus in Machabæorum historia. Quemadmodum etiam fœdus quod Dominus cum populo suo pepigerat, eiusdem voluntate, & iussu frequenter renouabatur, vt nimirum obliuioni occurreretur, nec apud dilectam illam Rempubl. legum cum Deo pactarum memoria posset intercidere.

Ephes. 3.
17.

Genes. 9.
16. & 17.

7.
Num. 25.
13.

1. Paralip.
16. 15.

Isai. 24. 9.
Nam. 18.
19.

1. Machab.
12. 14. 15.

De belli Duce, eiusque notis.

C A P V T XI.

PRinceps cui belli incubuerit necessitas, in eo curam intendat, vt egregium copiis suis Imperatorem paret, nam militaris turba sine duce, quid aliud sit quàm corpus sine spiritu, quàm Remiges sine gubernatore cursum dirigente?

*Dux belli
optimum
quarendū,
cum bellū
di necessi-
tas incu-
buerit.*

876 *Institutio politica ex sacris Scripturis.*

gente? viderunt hoc Israëlita, qui cum exercitum ingentem coëgissent, omniumque voluntates in idem conspirarent, ita enim loquitur Scriptura; *Conuenit vniversus Israël ad ciuitatem quasi homo vnus, eadem mente vnoque consilio*; Ducem nihilominus tam diligenti studio quærendum putauerunt, vt tanquam de re maximi momenti Domini oraculum expeterent. ita enim ibidem

Iudicum narrat historia. *Qui surgentes venerunt in domum Dei, hoc est in Silo, consulueruntque Deum, atque dixerunt: Quis erit in exercitu nostro Princeps certaminis contra filios Benjamin? Quibus respondit Dominus. Iudas sit Dux vester.* Nec desunt in Scriptura rei malè gestæ, aut in vltimum discrimen adductæ exempla, propterea quod aut nullus esset exercitui Dux, aut si quis erat, cecidisset in bello;

Cum cecidisset Abner in Hebron. *Omnis Israël perturbatus est*, tanto duce destitutus, vnoque Holoferne capite truncato, *Principes virtutis Assyriorum sciderunt omnes vestimenta sua, & intolerabilis timor & tremor cecidit super eos, & turbati sunt animi eorum valde, & factus est clamor incomparabilis in medio castrorum eorum, cumque omnis exercitus decollatum Holofernem audisset, fugit mens & consilium ab eis, & solo tremore & metu agitati fuga præsidium sumunt, ita vt nullus loqueretur cum proximo suo, sed inclinato capite relictis omnibus euadere festinabant Hebraeos, quos armatos super se venire audientes, fugiebant per vias camporum, & semitas collium.* Vidit etiam Syriæ Rex, cui cum Israëlitis erat bellum, maximum esse in Imperatore momentum; quare ita suis præceperat, *Non pugnabitis contra maiorem & minorem quempiam, nisi contra Regem Israël solum:* quod discrimen Rex ille præcauere nisus est, ac proinde

Iud. 20. 11.

Ibid. n. 18.

2. Reg. 4.

1.

Iudith. 14.

17.

3. Reg. 22.

31.

inde Regia abiecta purpura Imperatorioque paludamento, plebeij ac vulgaris militis indutus amiculo, ne scilicet ab hostibus agnosceretur, pugnam ingressus est. Porro, inquit, *Rex Israël mutavit habitum suum, & ingressus est bellum.* Ibid. n. 30.

2 Sed quærat hic aliquis, expediatne Regem ipsum in castris versari, & Imperatorem agere, an satius sit partes suas alteri mandare, qui fide & strenuè Principis sui bella depugnet. Ac sanè Regum munus esse, ante suos in bellum descendere illud suadet, quod non Principes tantùm, aut Pastores populorum dicuntur Reges in sacris litteris, sed etiam Duces; nam Dominus cum alloquitur Samuelem, à quo Saul in Regem inungendus erat, ait. *Vnges eum Ducem super populum meum Israël.* & Regni Israëlitici primores cum Davidem admouerent ad Regnum, dicebant; *Ece nos os tuum & caro tua sumus, sed heri & nudius tertius cum esset Saul Rex super nos, tu eras educens & reducens Israël: Dixit autem Dominus ad te. Tu pasces populum meum Israël, & tu eris Dux super Israël.* Et Salomon cum Davidis adhuc superstitis voluntate regnum accepit, non Rex tantùm, sed populi etiam Dux appellatur: *Sedebit* (Salomon inquit David) *super solium meum, & ipse regnabit pro me, illique præcipiam, ut sit Dux super Israël, & super Iudam.* Nec aliud fuit populi vorum Regem postulantis. *Rex* (inquiunt) *erit super nos, & erimus nos quoque sicut omnes gentes, & iudicabit nos Rex noster, & egredietur ante nos, & pugnabit bella nostra pro nobis.* His addi possunt exempla fortissimorum Principum, qui suis ipsi exercitibus præfuerunt, ut Alexander Macedo, cuius laudata est in sacris litteris fortitudo: Saul; David, aliique, qui quanto

An debeat Princeps in castris versari, & belli Ducem agere.

1. Reg. 1. 16.

2. Reg. 5. 1.

3. Reg. 1. 35.

1. Reg. 8. 19.

quanto maiore sunt auctoritate, quàm inferiores
 Duces, tanto faciliùs continent in officio, sua-
 que præsentia militem vrgent, vt sese alacriùs
 impendat, periculáque non reformidet, quod
 scilicet se spectante Principe non gratuito for-
 tem futurum esse confidat. Sed alteri etiam parti
 sua firmamenta non defunt, quibus probatur
 Principem, quo extincto totius Reipubl. status
 periclitari solet, dubiis præliorum euentis exi-
 mendum esse, quod Dauidis milites spectau-
 runt, nam cum Rex tributo in tres partes exer-
 citu dixisset: *Egrediar & ego vobiscum. Respondit po-
 pulus: Non exhibis, si enim fugerimus non magnopere ad
 eos (hostes scilicet) de nobis pertinebit, siue media
 pars ceciderit è nobis, non satis curabunt, quia tu vnus
 pro decem millibus computaris; melius est igitur vt sis
 nobis in vrbe præsidio, ad quos Rex ait, Quod vobis vi-
 detur rectum, hoc faciam.* In eandem sententiam ad-
 dita etiam iurisiurandi religione, viri David
 Principem suum ab expeditionibus bellicis pro-
 hibentes, locuti sunt. Nam cum Rex prope ab-
 fuisset à vitæ periculo, Abisai consobrini sui præ-
 sidio ereptus, *Iurauerunt viri David dicentes: Iam
 non egredieris nobiscum in bellum, ne extinguas lucer-
 nam Israël.* Quare castris abstinuit, belláque per
 duces suos, Ioab præsertim virum nauum, & mul-
 tis præliis exercitum administravit. Quod ple-
 rumque Principibus faciendum censeo, nisi gra-
 uissimum aliquod periculum vniuersæ immine-
 ret Reipubl. quod nisi præsentem Rege auerti non
 posse putaretur. Tunc enim inducenda sunt illi
 arma, standum in acie, & pro communi salute
 Regni, aut Prouinciarum fortiter depugnandum,
 citra verò huiusmodi periculum minora bella

Ducibus

2. Reg. 10.
2.

2. Reg. 21.
17.

Ducibus etiam minoribus arbitror deleganda.

3 Illud etiam monendi sunt Principes, summum rei militaris Præfectum, vnum tantum esse debere, ne fortè æquato inter duos aut plures imperio dissensionibus inter se discordent, remque totam in magnum aliquod periculum adducant.

Duo fratrum paria in rei de qua agimus confirmationem afferri possunt. Machabæi duo Simon & Iudas Mathathiaæ filij; his enim quamvis ut propinguitatis ita amoris vinculo inter se coniunctissimis, populi regendi cum ita credita est, ut Iudas bellicis expeditionibus, cum summo Imperio præesset, Simon verò qui consilio plurimum valebat, tanquam cæterorum in reliquis Pater esset. *Vos ergo filij*, inquit Mathathias, *con-*

fortamini & viriliter agite in lege, quia in ipsa gloriosi eritis. Et ecce Simon frater vester scio quòd vir consilij est, ipsum audite semper, & ipse erit vobis Pater. Et Iudas Machabeus fortis viribus à iuuentute sua, sit vobis Princeps militia, & ipseaget bellum populi. Idem iudicium de Mose, & Aaron, quamvis enim Mose populi imperium deprecanti Aaron socius diuino nutu additus fuerit, dicente Domino ad Moysem,

Aaron frater tuus Lenites, scio quòd eloquens sis, ecce ipse egreditur in occursum tuum, videnſque te latabitur corde, loquere ad eum & pone verba mea in ore eius, & ego ero in ore tuo, & in ore illius, & ostendam vobis quid agere debeatis, ipse loquetur pro te ad populum, & erit os tuum: Quamvis patratissignis, rebus quæ à Moyse proponebantur, auctoritatem conciliauerit, orationeque sua fidem apud populum fecerit, ita enim eodem libro legimus, Locutusque est Aaron omnia verba, quæ dixerat Dominus ad Moysen,

& fecit signa coram populo, & credidit populus.) sum-

ma

*An vnus
tātūm bel-
li Dux, an
verò plures
esse debeāt.*

1. Mach. 2.
64.

Exod. 4.
14.

Ibid. n. 30.

ma tamen populi regendi, bellicque administrandi potestas penes Moysen fuisse videtur, qui cum imperio cunctis præesset, Reipubl. habenas, & pacis tempore & belli moderaretur. Nec reprehensione aut pœna caruit Barac, qui cum aduersus Sisarã diuinitus Dux electus esset, ad bellum egrêdi non audebat, nisi Deborah prophetidem sibi sociam expeditionis ascisceret; nam *dixit ad eam Barac; si venis mecum vadam, si nolueris venire mecum, non pergam: quæ dixit ad eum, Ibo quidem tecum, sed in hac vice victoria non reputabitur tibi, quia in manu mulieris tradetur Sisara;* quod vt ab ea prædictum est, ita planè accidit; nam lahele temporibus Sisaræ clauo perforante gloriam sublatis hostis, qua Barac fuerat vitio suo fraudatus, consecuta est, iisque qui cum imperio exercitibus præfunt, documentum reliquit, nec vno Duci geminos, nec mulierem viro præferendam aut æquandam fuisse. Sed ad Imperatoris notas deueniamus.

4 Primùm igitur rei militaris scientiam, peritiãque longo vsu, & exercitatione collectam, in supremo Duce requiro. Neque enim regendis exercitibus ille aptus fuerit, qui nunquam vrbe pedem extulerit, aciem viderit, tubæ sonitum, castrorũque fremitũ audiuerit, sed is tandem, qui multa expleuerit stipendia, cum hostibus pedem crebrò contulerit, expertusque didicerit, quomodo extruenda aut explicanda sit acies, locanda castra, cum hostibus confligendum, cæteraque calluerit, quæ militari experientia, meliùs quàm lectione librorum aut ingenij bonitate Duces assequuntur. Talis sanè Dux Iosue fuit filius Nun, qui frequenter in sacris litteris *Moysi minister* appellatur, quod scilicet eius lateri perpetuò

Iud. 4. 8.

Iud. 4. 24.

*In belli
Ducẽ rei
militaris
peritiã,
quæ expe-
rientia col-
ligitur re-
quiri.*

Iosue 1. 1.

tuò affixus , tam excellentis exemplaris intuitu
 administrandorum bellorum doctrinam excel-
 lentem hauserit ; adhuc enim superstite Moyse,
 exercitúmque Israëlitici populi ductante, difficil-
 limis expeditionibus Mosis iussu non solùm in-
 terfuit , sed etiam præfuit, cuius militari pruden-
 tiæ tantum datum est , vt militum delectus, pu-
 gnádique cum hostibus modus illi penitus com-
 mitteretur : ita enim legimus in Exodo. *Dixitq;* Exod.17.
Moyse ad Iosue , elige viros , & egressus pugna contra 9.& 13.
Amalech. Fugauitq; Iosue Amalech, & populum eius in
ore gladij. Sic Dauidis adhuc pastoris, mox futuri
militis, tum tribuni , tandémque supremi Israëlis
Ducis tyrocinium assidue venationes imbuebant.
Fuit autem puerilis illius exercitatio lustrare sal-
tus, excutere cubilibus feras, edita montium iuga
superare, horrentibus scopulis gradum inferre, &
cum obuiis belluis certare, cum fugacibus cursu,
cum audacibus robore, cum callidis astu. Itaque
verè apud Saulem penè puer gloriatur , cum
ait. Pascebat seruus tuus patris sui gregem , & venie- 1.Reg.17.
bat leo , vel ursus , & tollebat arietem de medio gregis, 34.
& persequabar eos & percutiebam, eruebamq; de ore eo-
rum, & illi consurgebant aduersum me , & apprehende-
bam mentum eorum, & suffocabam , interficiebamq; eos.
Nam & leonem & ursum interfeci ego seruus tuus.
Quæ Dauidis facta commemorans Ecclesiasticus.
Cum leonibus, inquit , lusit quasi cum agnis, & in ur- Eccles.47.
sis similiter fecit sicut in agnis ouium , in iuuentute sua. 3.
Mox à syluestribus istis pugnis ad arma progres-
sus meruit in Saulis castris, & post Goliath singu-
lari certamine prostratum ; Fecit cum Saul tribu- 1.Reg.18.
num super mille viros , & egrediebatur , & intrabat in 13.
conspectu populi, in omnibus quoque vijs suis Dauid pru-
denier

Ibid. n. 25.

denter agebat. Mox Saule Dauidis caput data opera, occasioneque quæsitâ periculis obiectante (nam Saul cogitabat tradere Dauid in manus Philistinorum) regiones hostium populatus, ducentisque viris interfectis eorum præputiis Regi annumeratis, non magis vxoris Michol, quam adamauerat, nuptias, quàm Regis sibi conciliauit odium, qui cum omnia illius incrementa suspecta haberet, de medio sublatum Dauidem cupiebat, quem Regno diuina destinatione, populique illum amore prosequentis fauore, imminere animaduertebat. Tandem fuga elapsus Dauid multisque modis à Saule iactatus, ad Achis Regem Geth se recepit, indeque excursionibus subinde factis armatum contrahere non sinebat, donec satraparum suspicionibus aliam sibi sedem parare iussus est. Tandemque ad Regnum adinotus, cum Hebræorum hostibus tantum gessit bellorum, ut à Domino *vir bellator appellatus sit*, multique viri bellatores, armorumque tractandorum peritissimi, tanquam ex militari quodam Dauidis ludo extiterint, quorum catalogus rexitur in Regum historia, breuiter etiam ac summatis insignibus eorum facinoribus commemoratis, quæ ex loco indicato quilibet cognoscere poterit. Quæ verò de Iosue & Dauid dicta sunt, de aliis etiam nonnullis Ducibus dici possunt, Iephthæ, Ioab, Iuda Machabæo, qui non prius exercituum Imperatores renunciati sunt, quàm diuturna tractandorum armorum experientia, militaris scientiæ laudem sibi parauissent. Sed de hoc satis.

Corporis
etiam for-
titudine mi-
litaris la-
bores ferre
possit.

§ Illud etiam in exercitus Imperatore videtur optandum, ut vel ad militum beneuolentiam colligendam, vel ad inertium metus eximendos, vel
ad

ad acres & erectos virtutis exemplo magis ac magis excitandos ea sit virium firmitate, ut cum militibus suis laborum particeps esse possit, isque animi vigor sit, ut ad pericula capeffenda non desit audacia. Itaque corpus exercendum est, ut inedia patiens sit, vigiliæ, alboris, æstus, cumque ad arma veniendum est, Princeps in prælium descendere non dubitet, si res ita postulet, eoque confecto ultimus excedat ex acie. Digna sanè strenuo Imperatore vox illa Gedeonis, qua suos excitabat milites. *Quod me facere videritis, inquit, hoc facite,* Iud. 7. 17. *ingrediar partem castrorum, & quod fecero sectamini.* Nec fortius locutus est quam fecit, nam primus ipse Madianitarum stationes ingressus est, ut ipsa Scriptura docente colligimus, cum ait: *Ingressusque* Ibid. n. 19. *est Gedeon, & trecenti viri, qui erant cum eo in partem castrorum.* Hac etiam de qua loquimur corporis fortitudine animique strenuitate præditus fuit Dauid, de quo præter cætera quæ multis locis de illo sacræ prædicant scripturæ, ita legimus in Regum historia. *Ipsè est (Dauid scilicet) quasi tenerimus ligni vermiculus, qui octingentos interfecit impetu* 2. Reg. 23. 8. *vno.* Quo loco Dauidis fortitudo cum celeberrimi cuiusdam bellatoris fortitudine componitur, cuius Hebraicum nomen in Latinam dialectum translatum, tenerrimum sonat ligni vermiculum, cuius nimirum egregia facta, quo tempore Regum hæc historia conscripta est, omnium ore celebrabatur, illudque præsertim quod vno impetu, vnoque congressu octingentos occidisset. Et sanè Dauidi inter tot bella, terrores, fugas, præsentissimæque vitæ pericula locus non fuit, aut tempus delicias consectandi cum puer agitaret in montibus parentis ouiculas pascens, cumque in spelun-

cis Saulis metu latitaret, vigiliarum, somnique nec die nec nocte discriminata tempora habere potuit, cibique ac potionis tantum adhibuisse credendus est, non quantum suaderet voluptas, sed quantum sedando naturali desiderio satis esse posset. Eoque aliquando compulsum legimus ut Abimelech sacerdotem in hæc verba rogare coactus sit; *Nunc ergo si quid habes ad manum, vel quinque panes da mihi, vel quidquid inueneris*, ut scilicet ipse famem, quique illum comitabantur, sedare possent. Huiusmodi ergo Ducem milites nacti nihil non audent; tamque præsentem sunt animo, ut difficultatibus oblectari, casque perumpere non reformident, donec sibi, & Duci cum victoria, gloriam etiam & decus insigne pepererint.

1. Reg. 21.
3.

*Prudentia
militari
Ducē præ-
ditum esse
debere.*

6 Cæterum fortitudini prudentia iungenda est, eaque illa regenda, ut scilicet omnia in bello caute Dux circumspectat, ne festinatione præpropera, aut incauta temeritate, rei bene gerendæ occasiones corrumpat, aut etiam in discrimen aliquod adducat. Sunt enim aliqui adeo rudes, & hebetes ut paratas insidias, & pericula quæ in oculos incurrunt non aduertant, auculis quibusdam incautioribus similes, ante quas cum retia explicentur, & ad capiendum instruantur, in ea tamen, aut in laqueos ab aucupe positos, se induunt, de quibus fortè accipi potest illud Sapientis. *Frustra*

PROV. I. 17.

iacitur rete ante oculos pennatorum: ut sensus sit, tanta est quarundam simplicitas avium, ut etiam apertas insidias non declinent, sed retibus aut laqueis quantumvis apparentibus pedes aut collum inferant. Itaque laudandus Samariæ Rex, cui cum Leprosi illi dixissent, Inimus ad castra Syria, & nullum ibidem reperimus hominem, nisi equos & asinos

4. Reg. 7.
10.

nos alligatos, & fixa tentoria, suspicatus hostes insidias fugæ simulatione rexisse, ita suos allocutus est: *Dico vobis, quid fecerint nobis Syri, sciunt quia fame laboramus, & idcirco egressi sunt de castris, & latitant in agris, dicentes. Cum egressi fuerint de ciuitate, capiemus eos vivos, & tunc ciuitatem ingredi poterimus: nec prius hostes fuga dilapsos esse credidit, quàm missis exploratoribus, desertis castris, farcinis, vestibus, ac vasis omnis generis abiectis, panico terrore diuinitus immisso, se inde Syros timore perculsos proripuisse cognouisset. Quem si Gorgias fuisset imitatus, sanè sibi melius, suisque consuluisset: Nam, vt legimus in Machabæorum historia, Venit Gorgias in castra Iuda noctu, & neminem inuenit, & quarebat eos in montibus, quoniam dixit: Fugiunt hi à nobis. Sed cum dies factus esset, apparuit Iudas in campo, Gorgiæque absente cum hoste conflictit, plurimisque cæsis, castris Gorgiæ, & opulenta præda potitus est. Itaque quod monet Salomon cum ait, Palpebra tua præcedant gressus tuos, sedulò seruandum est, ne scilicet in cippum aliquem, aut laqueum impingat Dux, seròque dicere incipiat. Non putaram. Hanc ob causam Esdras amicitiam fœdusque suspectum habuit, quod Israëlitarum hostes cum ipso pangere satagebant, missis nuntiis qui dicerent; Veni & percutiamus fœdus pariter: nam prætenso amicitiae & fœderis honesto nomine parabantur insidiae; Ipsi autem, inquit Esdras, cogitabant vt facerent mihi malum. Cautè igitur eorum conatus elusit nunciis missis, qui dicerent: Opus grande ego facio, & non possum descendere, ne forte negligatur cum venero, & descendero ad vos. Miserunt autem ad me secundum verbum hoc per quatuor vices, & respondi eis iuxta sermonem prio-*

Ibid. n. 13.

1. Mach. 4.

5.

Pro. 4. 25.

Esd. 2. 6. 1.

Ibid. n. 3.

886 *Institutio politica ex sacris Scripturis.*

- rem.* Ad hanc etiam prudentiam militarem de qua agimus, illud spectat in primis, ut à belli Duce omnis absit temeritas, & omnia cautè & cum cò-
Iosue 7. 4. filio administrentur. Sic Iosue cum renuntiassent exploratores duo millia militum satis esse ad occupandam Hai, ipse tamen eò tria millia destinauit. Contra verò temeritatis notam meritus est Amasias Rex Iuda, qui cum secundo prælio cum Idumæis conflixisset, successu elatus Ioas Regem Israël suis iam viribus præfidens, prouocauit ad bellum, cuius confidentiam postquam Ioas irrisisset, Cardui parabola, qui cedri Libani filiam in uxorem filio suo deposcere non dubitauit, cornua etiam contudit: nam cum prælio decreuissent, qui plus audaciæ quàm virium attulerat, profligatus est, verumque esse Salomonis ostendit oraculum dicentis: *Contritionem præcedit superbia, & ante ruinam exaltatur spiritus.*
- 4. Reg. 14. 9.** Porro ex militari prudentia, & fortitudine quasi quædam soboles nascitur existimatio, quæ ad res bene gerendas mirum quantum prodest. Cum titulos, quibus olim decorandus erat, eximius ille Princeps quem describit Isaïas, enumerat Propheta, eum *fortem* appellat & *consiliarium*, quorum primum ad bellicam virtutem, secundum ad prudentiam spectat: quare mirum non est si audiat etiam *admirabilis*, quæ laus dotes istas in Imperatore consequitur. Multa præclare gesserat in bello Holofernes, quæ Scriptura enumerat cap. secundo historiæ Iudith: nam *venit ad magnos montes Auga*, qui sunt à sinistro Cilicia, ascenditq; *omnia castræa eorum*, & obtinuit omnem munitionem. *Esfregit autem ciuitatem opinatissimam Melothi*, *prædauitq; omnes filios Tharxis*, & *filios Ismahel, qui erant con-*
- Prou. 16. 13.** *tra*
- Plurimū in belli Duce existimationem quæ de ipsius virtute habetur, ad res bene gerendas momenti habere.*
- Isa 9. 6.**
- Iudith 1. 11.**

tra faciem deserti, & ad austrum terra Cellon, & transiit Euphraten, & venit in Mesopotamiam, & fregit omnes ciuitates excelsas, quæ erant ibi à torrente Mambre, usquequo perueniatur ad mare, & occupauit terminos ejus à Cilicia usque ad fines Iapheih, qui sunt ad austrum. Abduxitq; omnes filios Madian, & prædauit omnem locupletationem eorum, omnesq; resistentes sibi occidit in ore gladij: & post hæc descendit in campo Damasci, in diebus messis, & succendit omnia sata, omnesq; arbores & vineas fecit incidi. Cum ergo tam multa præclare gessisset, mirum non est, si nomen ipsius fama circumtulit; tantæque exultatio victoriæ illas consecuta est, ut quod ibidem additur, ceciderit timor illius super omnes inhabitantes terram. Dauid etiam, ut legimus in historia Regum; Fecit sibi nomen cum reuerteretur capta Syria in valle Salinarum casis decem & octo millibus. Nec minor Iudæ Machabæi apud Israëliti nominis aduersarios fuit exultatio, eo enim cum exercitu adueniente, ne aspectum quidem illius sustinuerunt hostes. Et cognouerunt, inquit, castra Timothei, quia Machabæus est, & fugerunt à facie ejus, & percusserunt eos plaga magna; quæ virtutis & felicitatis opinio aduersarios conturbat, militum animos confirmat, ciuitatum & prouinciarum ad deditionem sollicitat, voluntates, exercitus integros in fugam vertit, aut Imperatori adiungit, vno verbo difficultates omnes emollit ac perumpit, victoriæque conciliat. Magnum autem est in fama momentum; initio bellorum, in quam enim partem, aliqua facta fuerit inclinatio, secundo ruïnore omnia in maius atrollente, variè militum animos afficit, nam eorum qui detrimentum aliquod passi sunt, consternat metûque percellit, eos verò, qui

Ibid n. 15.

2. Reg. 8.

13.

1. Mach. 5.

34.

rem bene gesserunt, ad audendum reddit alacriores. Hoc potissimum argumento vsum videmus Chusai Arachitem cum Absalonem deterreret, ne continuò iis quas habebat copiis, in Dauidem impetum faceret, metum enim iniicere conatus est, ne fortè si aliquid, dum nimis properatur, peccatum esset, pauore vulgato à partibus Absalonis Israëlitas expectatione bellici euentus suspectos abstraheret. *Cum ceciderit*, inquit, *unus quislibet in principio, audiet quicumque audierit, & dicet. Facta est plaga in populo, qui sequebatur Absalon, & fortissimus quisque cuius cor est quasi leonis, pauore soluetur.* Sed de Duce hæctenus, ad milites veniamus.

1. Reg. 17.
3.

*De Militum delectu, disciplina,
exercitatione, & armis.*

C A P V T XII.

Locus qui- I **E**Xpediti, fortis, & ad tolerandos labores
dam Isaiæ *explicatur,* infraçti exercitus egregia descriptio est
quo egregij *apud Isaiam, in qua, quid in milite ad bellum*
militiæ de- *profecturo desiderandum sit, videtur contineri;*
scriptio cõ- *cum enim exteras nationes inimissurum Domi-*
tinetur. *num populo suo minaretur Propheta, ita loqui-*
tur. Et eleuabit, Dominus scilicet, signum in natio-
nibus procul, & sibilabit ad eum de finibus terra, & ecce
festinus velociter veniet. Non est deficiens neque labo-
rans in eo, non dormitabit neque dormiet, neque soluetur
cingulum renium eius, nec rumpetur corrigia calcea-
menti eius. Sagitta eius acuta, & omnes arcus eius ex-
temi.

Isai. 5. 26.

renti. *Vngula equorum eius, ut fulex, & rota eius quasi impetus tempestat. Rugitus eius ut leonis, rugiet ut catuli leonum, & frendet, & tenebit pradam, & amplexabitur & non erit, qui eruat.* Sanè expediti qui de finibus terræ velociter adesse, ac tantum non aduolare possent. Viribus integris, quod non esset deficiens, aut laborans in eis, ac nocturnas docti excubias, qui neque dormirent, neque dormitarent, sub armorum pondere minimè fatigati, siue standum esset in acie, siue castra aliò transferenda, quippe quorum cingulum renum eorum non solueretur, vestibus bene muniti, ad frigoris & hyemis iniurias perpetiendas, quorum ne corrigia quidem calceamenti rumperetur. Armis probè instructi, sagittis nimirum & arcibus, quibus eo tempore maximus in bellis vsus, nec pedites tantum, sed etiam equites, & currus falcati, iique optimi; nam vngulæ equorum eius ut fulex, & curruum rotæ cum equis rapientibus per saxa decurrerent, quasi impetus tempestat. Ducis verò ac militum tantus vigor animi, ac robur corporis, ut cum leonibus componi possint, rugitus eius ut leonis. Huiusmodi milites qui natus est, is certissimum habet Reipubl. in bellis, ac pace præsidium; quare idem Isaias alio quodam loco firmamenta commemorans, quæ esset Dominus propter peccata populi ex Hebræorum Republ. sublaturus, *consiliarium scilicet, & sapientem de architectis, & prudentem eloqui mystici iudicem, & prophetam,* etiam milites, & quidem primo loco commemorat, cum ait. *Fortem & virum bellatorem.* & alibi; ciuibz militum præsidio destitutis auctor est, ut fluuiorum instar, quorum aquæ ab vna regione ad aliam maxima velocitate decurrunt,

Isai. 3. 2.

ita se se ab hostium impetu, quem sustinere non possit subducere satagant. *Transi*, inquit, *terram tuam, quasi flumen filia maris*, non est cingulum ultra tibi. Quæ vltima verba aliqui de mœnium ambitu accipiunt, quo quasi cingulo ædes, ac fora ciuitatis coërcentur; alij de militibus qui baltheis militaribus accincti esse solent, vt sensus sit, à militibus planè es destituta, ac, si Italica lingua exprimere volentes omnem periisse equitatum, diceremus in Italia, *non c'è restata lancia*.

2 Milites ergo Reipubl. necessarij sunt, quibus hostes arceantur, & iura ciuitatis ac Regni facta tecta conseruari possint. Sed quia non quilibet armis tractandis idonei sunt, quoddam corporis viribus destituantur, quidam animi, diligens à Duce habendus est delectus, ne si confusam turbam eduxerit in expeditionem, impedimentum potius se habere, quàm auxilium suo malo tandem intelligat. Quare prudenter faciebat Saul, de quo legimus in libris Regum, *Quemcumque viderat Saul virum fortem, & aptum ad prælium, sociabat sibi*; non enim tantum multitudo quantū virtus in bellis potest, & in magnis etiam exercitibus pauci sunt, qui prælia profligant. Itaque idem Saul ex vniuerso Israël's exercitu, in quo trecenta ac triginta millia militum censebantur, tria tantum millia elegit, tantulisque copiis, cum Ionatha filio partitis, rem prosperè gessit contra Philistæos. *Et elegit*, inquit, *sibi Saul tria millia de Israël*, & erant cum Saul duo millia, in Machmas & in monte Bethel, mille autem cum Ionatha, in Gabaa Benjamin: porro ceterum populum remisit unumquemque in tabernacula sua, & percussit Ionathas stationem Philistinorum, qua erat in Gabaa. Mo-

ses etiam Madianitarum ulturus iniurias, cum in Num. 31.
 eos, ita iubente Domino, militem educturus es-
 set, duodecim tantum hominum millia, ex toti-
 dem tribubus elegit, millenos ex singulis, hos-
 que duntaxat ad profligandum populum armis,
 virisque florentem satis esse duxit, nec cum fefel-
 lit opinio, nam quinque regibus cæsis, quorum
 nomina in Numerorum historia recensentur, plu-
 rimisque in bello captis, vicos & castella flami-
 nis aboleuerunt, prædam plurimam asportarunt,
 iumentorum armenta abegerunt, resque Madia-
 nitarum mirum in modum afflixerunt. Sed ope-
 rapretium est ipsa sacra Scriptura verba audire,
 quibus deligendorum militum ratio describitur.

Armata, inquit, ex vobis viros ad pugnam, qui possint Ibidem.
ultionem Domini expetere de Madianitis. mille viri de
singulis tribubus eligantur ex Israël, qui mittantur ad
bellum. Minoribus ergo Ducibus ea cura manda-
 tur, ut eos potissimum eligant, quos bene noue-
 rint: hoc enim satis indicat, quod dicitur ex vo-
 bis, cumque vna duntaxat tribus, quot erant ad
 expeditionem necessarij suppeditare posset, ex
 vniuersis tribubus optimos quosque seligi iussit.
 Nisi fortè, eo consilio hoc factum dicamus, ut
 deuictorum hostium gloria non vni tantum tri-
 bui priuatim, sed Israëlì vniuerso deberetur, quod
 sanè utiliter Duces exercituum imitari possunt.
 Nam cum exercitus plerumque ex diuersis con-
 stent nationibus, non ita fauendum est vni, ut
 cætera negligantur, sed curandum ut ad militare
 decus omnes pariter (nisi peculiaris aliqua ratio
 contrarium suadeat) aspirare possint. Illustre
 etiam militaris delectus exemplum habemus in
 Gedeone, qui Diuino imbutus spiritu, cum ani-

ud. 7. 3.

mum adiecisset ad populum suum à Madianitarum imperio asserendum, conuocatis ad arma popularibus suis, non omnes in castris habendos censuit, sed Domino monente, *Locutus est ad populum, & cunctis audientibus predicauit. Qui formidolosus & timidus est, reuertatur. Receperuntque de monte Galaad, & reuersi sunt de populo viginti duo millia virorum, & tantum decem millia remanserunt. Dixitque Dominus ad Gedeon, adhuc populus multus est, duc illos ad aquas, & ibi probabo illos, & de quo dixerò tibi, ut tecum vadat, ipse pergat, quem ire prohibuerò, reuertatur. Cumque descendisset populus ad aquas, dixit Dominus ad Gedeon: Qui lingua lambuerint aquas sicut solent canes lambere, separabis eos seorsum; qui autem curuatis genibus biberint, in altera parte erunt. Fuit itaque numerus eorum, qui manus ad os proiicientes lambuerant aquas trecenti viri; omnis autem reliqua multitudo flexo poplite biberat. Et ait Dominus ad Gedeon: In trecentis viris, qui lambuerunt aquas, liberabo vos, & tradam in manu tua Madian, omnis autem reliqua multitudo, reuertatur in locum suum. Sunt qui putent & inter hos Iosephus Iudæus, eos qui toto corpore ad bibendum procubuerunt, fortiores fuisse, & confidentiores, atque propterea nullo ingruentium hostium metu perterritos non timuisse ita sese ad potum cōponere, ut non facile se possent erigere; trecentos verò vno duntaxat inclinato genu propterea lymphas curuata manu ad os admouisse, quòd ab imminentibus hostibus incommodi aliquid formidarent, ac propterea vel ad pugnandum si opus esset, vel etiam ad fugam expediti esse vellent. Eo autem consilio Dominum formidolosos istos delegisse potiùs, quàm fortes, ut reportatam deinde victoriam non suis ascri*

ascriberent viribus, bellatorumque fortitudini, sed planè intelligerent fusos, cæcosque Madianitas fuisse, quòd eos Dominus, cui perinde est in paucis ac in multis vincere, in Gedeonis manus tradidisset: verum potius ego crediderim eo delectu confidentissimum quemque, fortissimumque delectum esse, quemadmodum enim qui primo loco dimissi sunt, timidi erant, dictum enim est; *Qui formidolosus, & timidus est, reuertatur*, iique re-

Iud. 7.3.

likti sunt qui belli discrimina minus horrebant, cur paulò post formidolosi potius eligendi fuerunt quàm fortes? Propter eam dices rationem, quam Iosephus insinuat, vt reportatæ victoriæ decus Diuino auxilio non suæ fortitudini acceptum referrent. Atqui quantumuis fortem fuisse dicamus exiguam illam trecentorum manum, an non illustri miraculo victoriam dicemus adeptos? nam cum tam multi essent hostes vt locustarum multitudini eos sacra Iudicum historia, & arenæ quæ in litore maris est, contulerit, sanè mirum est, tam multos subira consternatione percussos, vbi primum Gedeon tubas inflauit amphorasque comminuit, capessiuisset fugam, aut se mutua cæde confecisset, tandemque inter nocturnos terrores, circa torrentium confragosa palantes periisse.

*De militū
deligendo-
rum atate.*

3 Ætatis autem ratio habenda est in eligendo milite, vt nequē viribus defecti senes, neque pueri teneri adhuc & delicatuli, sed viri viribus integris militaribusque laboribus pares vocentur ad sagum. Quis autem sit modus ætatis ad bellum aptæ satis exprimitur in historia Numerorum; nam cum census eorum, iussu Domini initur, qui ferendis armis apti esse possunt, ij prætereuntur qui vigesimo anno minores essent. *Numerate, in-* Num. 16.
quit, 2.

894 *Institutio politica ex sacris Scripturis.*

quia, omnem summam filiorum Israël, à viginti annis & supra per domos & cognationes suas cunctos qui possunt ad bella procedere; nam præterquam quod viribus ac corporibus, nondum ad labores perpetiendos duratis, facile succumbunt qui iuniores sunt, animus etiam imbecillus est, & ad micantium gladiorum, cruorisque conspectum consternatur. Gedeonis filium natu maximum in castris, atque inter armorum strepitum educatum fuisse par est credere, cum tamé parentis iussu, in Zebee & Salmana viros Principes Madianitaru Reges, euaginato gladio iussus est incurrere, eosque concidere, non est ausus; cuius rei rationem illam affert Scriptura quòd puer esset, *Dixitque Iether primogenito suo, surge & interfice eos, qui non eduxit gladium, timebat enim, quia adhuc puer erat.* Quia verò fortes ex fortibus existunt, nec aquilæ imbelles columbas progenerant, aut ex leonibus lepores nascuntur; ij fortes futuri non immeritò creduntur, qui à parentum maiorumque suorum, aut etiam consanguineorum virorum in arte bellica fortium, habuerint commendationem. Ita Davidis domus, fratres scilicet & consobrini à bellica fortitudine laudem consecuti sunt. Nota est Ioab & Abisai Saruix Davidis sororis filiorum strenuitas, Asaelis etiam mira in currendo velocitas, Jonathan etiam filij Samaa fratris David egregium facinus in Regum historia narratur; nam cum bellum gereretur in Geth,

Iud. 8. 10.

2. Reg. 21.
20.

1. Machab.
2. 24.

occidit virum excelsum qui senos in manibus pedibusque habebat digitos, id est viginti quatuor: & erat de origine Arapha. Mathathiam etiam virum fortissimum, qui primus gentium Iudæos ad profanas religiones trahentium, duròque prementium domina-

tu,

tu, iugum excussit, Iudas filius excepit, qui cum ab ipso Mathathia laudatus est, fratribusque in bellicis expeditionibus præpositus, his verbis; *Et Ibid. n. 66.*
Iudas Machabæus, fortis viribus à iuuentute sua, sit vobis Princeps militia, & ipse aget bellum populi; tum rebus gestis, quæ Machabæorum recenset historia, clarissimus fuit. Nec rusticam plebem in sui exercitus milites describere Dux noster dedignabitur, quos ut pote sub diuo & in laboribus nutritos, usus docet hyemem, & æstatem iuxta pari, humi requiescere, famem, sitimque exiguo rerum parabilium gustu sedare, quibus nec locus ullus asper aut arduus est, qui tandem nec ipsam mortem multum formidant, cum urbanarum deliciarum expertes, duritiæ, patientiæque assueti, cum è vitæ statione migrandum est, non dolent se à voluptatibus abstrahi, sed potius quod requiem optatam opperita morte pascantur, alacri animo sanguinem vitamque profundunt. Talis fuit Samgar, filius Amath, qui ut erat ad ruris opera succinctus, vomere in teli usum conuerso, sexcentos obtrivit Philistæos. Talis David, qui de post fœtantes ad militarem vitam Regiumque fastigium euocatus est. Talis tandem Gedeon, ut de aliis nihil dicam, qui *cum excuteret, atque pur-* Iud. 6. 11.
garet frumenta in torculari ad populi sui ducatum, Deo per eum salutem populo parante, euectus est.

Nec prætermittendum est id, quod apud Hebræos diuinæ legis auctoritate sancitum reperio, nosque paulò ante cum de Gedeone ageremus indicauimus, ut scilicet ab exercitu ignaui omnes, ac formidolosi remouerentur: ne dum res armis geritur, in fugam auersi Rempubl. perderent.

Propter

Propter hanc igitur causam immunes erant à militia, qui ædificata noua domo nondum integrum annum, illa vñ fuerant, tum qui plantata vinea, nondum ex ea fructus perceperant, & præter hos, qui desponsata vxore, nondum eam domum duxerant, ne harum rerum desiderio, sibi parentes, & seruantes se relictis voluptatibus, parum fortiter rem gererent. Itaque proclamabant in castris.

Deut. 20.
8.

Quis est homo formidolosus, & corde pauidus? vadat & reuertatur in domum suam, ne pauere faciat corda fratrum suorum, sicut & ipse timore perterritus est. Atque vtinam nostris etiam temporibus, aut suam trepidationem fateri non erubescerent timidi, aut belli Duces huiusmodi militum iacturam non formidarent, adeò enim istorum opera exercitus non indigent, vt potius vulgato, & communicato cum aliis pauore plus ipsi turbent aciem, quàm incurrentium hostium cunei, maioremque cladem à suis Respubl. capiat, quos pro se armatos emisit ad bellum, quàm abiis, qui se illius hostes sunt professi.

An Christiana religio milites ignauos faciat, aut minus fortis.

4 Sed tollenda illorum opinio est, aut potius error, qui sibi persuaferant Christianæ Religionis dogmata militum animos frangere, & ad pericula subeunda remissiores reddere, minusque feroces. Primò, quòd cruentas animalium maturationes Christiana Religio in hostias mutauerit incruentas quo sanguinis spectaculo ab oculis mortalium subducto, molliores redduntur animi, & à cædium consuetudine magis abhorrentes. Sic elephanti ad sanguinis, aut rei alterius sanguinem referentis conspectum efferantur, vt habemus in Machabæorum historia, *Et elephantis, inquit, ostenderunt sanguinem vuae, & mori, ad*

1. Machab.
6. 34.

achen

acuendos eos in praelium. Secundò, quia Christiana religio eos fælices, & beatos prædicat, qui pauperes sunt, qui elatos spiritus non habent, qui mites sunt, qui illatas iniurias patienti, & æquo animo ferunt, quæ documenta animos deiicere videntur, & ad accipiendam iniuriam, eos qui ea sequuntur, reddere opportunos. Tertiò, quia Christianis bona inuisibilia proponuntur in præmium, quod genus bonorum à sensibus remotum segnius animos irritat, quàm ea bona quæ aspectabilia sunt, & præsentia. Quà ob causam Moses à D. Paulo laudatur, quòd *Fide reliquerit Ægyptum,* Hebr. 11. 27. *non veritus animositatem Regis, inuisibilem enim tamquam visibilem sustinuit.* Quartò, quòd Christianis edicat D. Iacobus ne irascantur, *Ira enim viri,* ut inquit ipse, *iustitiam Dei non operatur;* at nemo nescit iram cotem esse virtutis, & sine qua excitari, aut exeri non possit, ab illa verò quasi animatâ egregia edere facinora; nam ut est apud Sapientem, *Spiritus viri sustentat imbecillitatem suâ.* Prou. 18. 14. Sed contrarium multo verius est, ac certius. Primò, quia Christiana religio magna proponit præmia, quibus etiam ad egregia patranda facinora Christianorum animi excitantur. Sic Moyse qui *In remunerationem afficiebat,* ut loquitur D. Paulus, magna Hebr. 11. 26. omnino fecit, quemadmodum & magna contemplerat. Et de Gentilibus quidem illud Apostoli dici potest, eos tantos labores posuisse, *ut corruptibilem coronam acciperent, nos verò ut incorruptam.* 1. Cor. 9. 25. Secundò, quia corporis valetudo viriumque firmitas Dei donum est; *Oculi enim Domini contemplantur uniuersam terram, & præbent fortitudinem his qui corde perfecto credunt in eum.* 2. Paral. 16. 9. Qualem fortitudinem Diuino beneficio nactus est Caleb, qui

898 *Institutio politica ex sacris Scripturis.*

- Iosue 14.
10. de se ipso verè prædicabat, *Hodie octoginta quinque annorum sum, sic valens ut eo valebam tempore, quando ad explorandum missus sum, illius in me temporis fortitudo usque hodie perseverat, tam ad bellandum quam ad gradiendum.* Hoc autem Diuino munere illum consecutum fuisse testatur Ecclesiasticus,
- Ecclef. 46.
11. cum ait: *Dedit Dominus ipsi Caleb fortitudinem, & usque in senectutem permansit illi virtus, ut ascenderet in excelsum terra locum, & semen ipsius obtinuit hereditatem, ut viderent omnes filij Israël quia bonum est obsequi sancto Deo;* quam eandem ob causam copiis Israëlitarum, cum ex Ægypto egressi sunt, largitus est Dominus, *ut non esset in tribubus eorum infirmus, ut cecinit sanctus Vates.* Tertiò, quia Christiana religio cultores suos docet quàm facilis sit vitæ iactura, maxima, & æterna bona sperantibus, quibus frequenter auditum sit illud Christi Domini: *Nolite timere eos qui occidunt corpus, animam autem non possunt occidere: ex quo animus pronus sit, ut in ferrum ruat, si sit opus, cui ignauum & pudendum videatur parcere vitæ, olim tanto cum sænore reducturæ.* Quartò, quia astricta est, & seuera Christiana disciplina; suos enim ad ieiunia, chameunias, tenuem, parabilémque victum, asperumque corporis cultum condocescit, quæ rudimenta sunt aptissima ad efformandos milites, quos Gedeonicis illis similes facit, qui corpora ad potus voluptatem non abiiciebant, sed quod naturæ necessarium erat, erecti ac stantes, aut certè non multum ad blandientia inclinati, capiebant. Quæ verò à contrariæ sententiæ patronis obiiciebantur, dilui facile possunt. Ac primò non negamus conspectu cruoris, & sanguinis efferrari animos, ut illis accidebat,

bat,

bat, quos Sapiencia *comeftores vifcerum hominum, & denoratores sanguinis appellauit*, fed longo interuallo diffita funt inhumana feritas, & virtus militaris, quod inficiari non poterit qui ad memoriam reuocauerit, quam mites fuerint Dauid, cæterique Ifraëlitarum Duces, de quibus tamen affirmat D. Paulus *per fidem viciffe regna, effugaffe aciem gladij, fortes factos in bello, & castra veriffe exterorum.* Sap. 12. 5. Hebr. 11. 32.

Ad fecundum, tertiumque argumentum dicimus, Christianam Religionem minuire illam quidem aut tollere gloriæ, aut diuitiarum cupiditatem: accendere tamen in fuorum mentibus melioris, ac fælicioris vitæ defiderium, ac bonorum quæ nulla æui diuturnitas corrumpere poffit; quibus propofitis multò magis quàm illis generofi animi imperus incitari poffit. Quod fi quofdam memorant profanorum hiftoriæ, qui fe in voragines præcipites pro Republ. dederunt, aut in confertas hostium copias ad certam mortem immiferunt, vt pofthumam captarent famam, cuius ipfi fructum nullum viuentes percepturi erant: quis negauerit promiffione cæleftium bonorum tarditatem imbecillitatis humanæ ad decus, & gloriam, & ad fortiter faciendum ftimulari poffe? Nec verò Chrifti lege ita commendatur humilitas, aut patientia, aut etiam imperatur, vt cum bellica pugnent fortitudine, neque enim virtutū chorus fibi aduerfus eft, aut contrarius; fed illud duntaxat præcipitur, vt moderatè agamus, nec licere putemus iniurias illatas perfequi, aut vlciſci auctoritate priuata, vt illi faciebant, de quibus dicitur in libro Sapientiæ, *fit fortitudo noſtra lex iniuſtitia.* Sap. 2. 11. Nec quidquam moderatio illa obefit fortitudini, nam feroces illi, qui fe, cum procul

absunt à periculo, iactant, & sua prædicant facinora milites gloriosi, cum manus cominus sunt conferendæ, alijs sunt magis trepidi, & ad fugam

Psal. 77. 9. *proiores. Fily Ephrem mittentes & intendentes arcum conuersi sunt in die belli.* Ad quartum dicimus,

aut necesse non esse ab iracundia præsidium petere pugnaturis, aut si necesse sit, non defuturam Christianis militibus, qui ex l'salmo frequenter

Psal. 4. 5. *audiuerint, laetamini. & nolite peccare.*

5. Venio ad disciplinam militarem, seueramque

De disciplina militari monita quædam.

illam militis conformationem ad robur & virtutem, quæ præcipuum est exercituum decus, & stabilimentum, quæ victorias parit & triumphos.

Ad hanc autem spectat in primis, vt Ducis imperijs promptè fortiterque pareatur, qui secus fecerint pro magnitudine criminis iustas persoluant pœnas, vt scilicet vel multa imponatur, vel ignauix & dedecoris nota, vel etiam in grauioribus culpis, capitali pœna puniantur. Huc facit

2. Reg. 14. Saulis factum, qui volens meritas à Palestinis pœnas ad satietatem repetere, cum diris deuouisset eum, quicumque intermissa cæde, ante noctem cibum caperet, nolens ante tenebras insequendi, & cædendi finem facere, fortè accidit vt Ionathas cum suo armigero, qui primus victoriz illius auctor fuerat, abesset à castris, ac propterea parentis imprecationes non exaudiret; itaque cum ad syluam quandam delatus esset, mellisque fauum nactus, mel summa virga intincta comedisset, cum quod acciderat Saul cognouisset ex filio, iurisiurandi religione ductus, studioque fanciendæ disciplinæ militaris, quod iussionem parentis improbasset triste exemplum sibi que luctuosum, sed vt videbatur vniuerso populo salubre

bre statuit edere, ut nimirum Ionathas neci traderetur, quod parentis decretum æquo animo tulit Ionathas, nec mortem deprecatus est. Sed vniuersa multitudo præstantem iuuenis de tota gente optimè meriti, indolem miserata, irato Patri eripuit ac seruauit incolumem. Et sanè ad continendos in officio milites, genus hominum ferox & contumax, aliqua pœnarum feneritas in loco adhibita plurimum potest, Ducibusque ac legibus reddit obediētes, iisque obtinetur ut custodiæ, vigiliæque, & ordo stationum intensiori seruetur cura, nec passim milites per circumiectos campos, vicōsque cum capitis sui periculo, totiusque exercitus discrimine vagentur ad prædam. Ac sanè in Moyſis exercitu magnam disciplinæ militatis curam fuisse oportet, quandoquidem cum ad fines Idumææ peruenisset, Legatis præmissis ad Rēgem, petiit liberum ad terram ad quam pergebat transitum, potuitque sibi tantum de militis obedientia, disciplinæque militari polliceri, ut fidem sanctè dare non vereretur, se sine cuiusquam iniuria iter facturum, resque omnes venales quibus opus habuisset dato pretio cœmpturum, ipso etiam aquæ hauſtu pecunia redempto. *Obsecramus*, inquit, *ut nobis transire liceat pro terram tuam, non ibimus per agros, neque per vineas, non bibemus aquas de puteis tuis, sed gradiemur via publica. nec ad dexteram nec ad sinistram declinantes, donec tranſeamus terminos tuos.* Est autem ad disciplinam hanc nouus miles, ex vrbana præsertim plebe collectus, diligenter²⁵ indoce- faciendus, nam lasciuiens inter patriæ delicias, non se facillè patitur adstringi, sed ad ciuitatis voluptates, commoditatesque subinde animum

Num. 20.

17.

refert, ut Hebræis Mosem secutis videmus vsu
venisse, de quibus dicitur in libro Numerorum:
Vulnus promiscuum, quod ascenderat cum eis, flagra-
uit de jure, sedens & flens iunctis sibi pariter filiis Is-
raël, & ait: Quis dabit nobis ad vescendum carnes?
Recordamur piscium quos comedebamus in Ægypto
grati, in mentem nobis veniunt cucumeres, & pepones,
pomaque, & cepe, & allia. Anima nostra arida est, &
nihil aliud respiciunt oculi nostri nisi man. Itaque se-
 ditionem mouere cæperunt, tamque diuturnæ ac
 laboriosæ peregrinationis culpam in Mosem con-
 ferre, cuius nimirum suasu dicerent reliquisse se
 fertilissimam regionem, nuncque non solum eius
 vbertate carere, verum etiam pro sperata fælici-
 tate, cum extrema ciborum inopia, aliarumque
 rerum ad victum necessariarum egestate luctari.
 Sed Dominus qui præcipuam populi illius gere-
 bat curam, disciplinam plurimorum morte san-
 ciuit; quamvis enim coturnicibus immixtis ca-
 stra compleuit, tamen non multò post in insanam
 vulgi insolentiam, ac maledicta animaduertit.

Nam Adhuc esca eorum erant in ore ipsorum, & ira
Dei ascendit super eos, & occidit pingues eorum, & ele-
ctos Israël impedivit. Sed pertinet etiam ad castro-
 rum disciplinam, ut arceantur scorta, quibus mol-
 liuntur & franguntur in libidinem militum ani-
 mi, Numenque sceleribus ad vindictam prouoca-
 tur, ut Israëlitis accidit, qui cum filiabus Moab
 miscentes corpora, & gentilium idola veneran-
 tes, ut à scortis inirent gratiam, grande genti
 uniuersæ intulērunt malum. *Quod cum vidisset Phi-*
nees filius & Azari filij Aaron Sacerdotis, surrexit de
medio multitudinis, & arrepto pugione, ingressus est post
virum Israëlitam in lupanar, & perfoxit ambos simul,
virum

Num. 25. 3.

*virum scilicet & mulierem in locis genitalibus, cessavit-
que plaga à filiis Israël, & occisi sunt viginti quatuor
millia hominum.*

6 Transeo ad exercitationem quæ sanè ad for- *De milita-
ri exerci-
tatione.*
mandum militem necessaria est, ne scilicet cum
acie instructa, concurrendum erit, ordines dese-
rant, aut turbent, Ducis imperium non exaudiât,
armaque tractare nesciant, quibus vel impetant
hostes, vel petitiones illorum excipiant, aut de-
clinent, aliâque huiusmodi, quæ Tyrones per quo-
tidiana exercitia, campestrésque meditationes
edocendi sunt. Itaque apud Hebræos exercitatio-
nis huius cura peculiaris exercitato alicui viro
videtur incubuisse; nam inter eos qui à Nabu-
zardan militiæ Regis Babylonis Principe in capti-
uitatem sunt abducti, reperio etiam *Sopher Prin- 4. Reg. 25.
cipem exercitus, qui probabat Tyrones de populo terra, 19.*
& qui exercitibus præerant, frequenter in sacris
litteris Magistri militiæ dicuntur, ut Putiphar *Genes. 37.
eunuchus Pharaonis qui Iosephum emit in ser- 36.*
uum, ut Nabuzardan apud Ieremiam, ut nimi- *Ierem. 39.
rum quemadmodum nomen exercitus, exercita- 9. 10.*
tionem quæ militibus familiaris, & quotidiana
esse debet, reuocat in memoriâ, ita ipsi Duces
cum se Magistrorû nomine appellari animaduer-
runt, recordentur muneris sui, fiântque spectato-
res & moderatores militum, sciamachias & ficta
certamina ineuntium, ut, cum usus tulerit, para-
tum sit agmen, & Ducem sequi, seque in discri-
men dare, & non voces tantum imperantis exci-
pere, sed nutibus etiam parere, quæ res si vlla alia
victoriam conciliare solet.

7 Tandem de armis dicendum est, quæ Prin- *De militû
armis,*
ceps multò antè parata habere debet, quàm belli

suspicio, ingruerit, instruendumque prudentium Principum more copiosum armamentarium, unde cum opus fuerit bellicæ machinæ, omneque telorum genus depromi possit. Sic Salomon de quo legimus in libro Paralipomenon secundo,

2. Paral. 9.

15.

Fecit igitur Rex Salomon, ducentas hastas aureas, de summa sexcentorum aureorum, qui in singulis hastis expendebantur, trecenta quoque scuta aurea trecentorum aureorum, quibus tegebantur singula scuta, posuitque eâ Rex in armamentario, quod erat confitum nemore. Quæ postea omnia siue domus Regiæ ornamenta, siue munimenta in Ægyptij Regis præ-

2. Paral. 12.

9.

dam cesserunt. Nam, ut eodem libro dicitur. Recessit Sefac Rex Ægypti ab Ierusalē sublati thesauri domus Domini, & domus Regis omniaque secum tulit, & clypeos aureos, quos fecerat Salomon, pro quibus fecit Rex aneos, & tradidit illos Principibus scutariis, qui custodiebant vestibulum palatii, cumque introiret Rex domum Domini, veniebant scutarii, & tollebant eos, iterumque referebant eos ad armamentarium suum.

Quæ vltima verba scutorum illorum vsum indicant, ut scilicet iis qua ornatî, qua armati Regij stipatores incederent cum Regi prodeundum esset in publicum, militum suorum satellitio circumcincto. Nihil tamen obstat, quin credamus, præter clypeos istos pretiosioris materiæ, alios etiam plures fuisse in armamento conditos, ex ære, aut chalybe, aut ferro, aliâque omnis generis ferramenta armandis militibus destinata, quæ prudentes Principes, cum opus esset, ad manum habere voluerunt. Imo de Roboamo legimus in singulis ciuitatibus armamentaria instituisse, apothecâsque quibus omnis generis comineatus asservaretur, ut si aliqua occurreret necessitas,

externo

externorum impressiones sustinere ac propulsare possent facile urbium præfecti. De præcipuis quibusdam Roboamo subiectis urbibus legimus in Paralipomenis: *Cumque clausisset eas muris, posuit in eis Principes, ciborumque horrea, hoc est olei, & vini; sed in singulis urbibus fecit armamentarium scutorum, & hastarum, firmavitque eas summa diligentia.* Idem colligendorum armorum studium fuisse in Ozia Rege Iuda discimus ex eodem, in quo hæc habentur. *Preparavit quoque eis Ozias, id est cuncto exercitui, clypeos, & hastas, & galeas, & loricas, arcusque & fundas ad iaciendos lapides, & fecit in Ierusalem diuersi generis machinas, quas in turribus collocauit, & in angulis murorum, ut mitterent sagittas, & saxa grandia.* Antiochi etiam Regis ministri in Machabæorum historia dicuntur, *Ædificasse ciuitatem David muro magno & firmo, & turribus firmis, & fecisse eam sibi in arcem, & posuisse ibi arma, & escas, & congregasse spolia Ierusalem.* Quoniam verò quibus est armamentarium multis refertum armis, ij in bellicis tumultibus confidentiores esse solent, quod iis arreptis, plebæque ciuitatis armata, aut vim inferre, aut arcere illatam facili negotio possint, ne occasione ista ad res nouandas, turbandamque Rempubl. subiecti populi excitarentur; reperio Principes aliquos subditos suos ita premere consultum putauisse, ut omnem armorum usum illis prohibuerint, armæque ipsa, eorumque artifices subtraxerint, ut accidit Israëlitis cum Philistæorum imperio subiacerent. Porro, inquit Regum historia, *faber ferrarius non inueniebatur in omni terra Israël, caueruntque Philistim ne fortè facerent Hebrai gladium aut lanceam.* Descendebat ergo omnis Israël ad Philisthim, ut exaceret unusquisque vorne-

2. Paralip.
11.11.

2. Paralip.
26.14.

1. Machab.
1.30.

1. Reg. 13.
19.

rem suum, & ligonem, & securim, & sarculum. Retusa itaque erant acies vomerum & ligonum, & tridentium, & securium, usque ad stimulum corrigendum. Cùmque venisset dies pralij, non est inuentus ensis & lancea in manu totius populi, qui erat cum Saule, & Ionatha, excepto Saul, & Ionatha filio eius. Et fortè propter eandem causam currus hostium succendi iussit Dominus, equosque subneruari, ne si fortè populis illis integri relinquerentur, ad instaurandum bellum, incitamento forent. *Equos eorum,*

Iosue 11.
6.

2. Reg. 8. 4.

inquit Dominus ad Iosue, *subneruabis, & currus igne combures.* Cui etiam præcepto paruit David de quo legimus; *Et captis David ex parte eius mille septingentis equitibus & viginti millibus peditum subneruauit omnes iugales currum, dereliquit autem ex eis centum currus;* quibus fortasse ad conuehendas sarcinas, aliosque belli vsus indigebat. Hoc Principum studium in parandis sibi armis aut hostium corrumpendis esse debet; sed cuiuslibet etiam militi curandum est, vt arma omnia polita sint, omni rubigine deteresa, & ad præliorum vsus quam aptissima. Quod apud Isaïam dicitur quodam

Isai. 21. 5.

loco, *Accipite clypeum.* Ex Hebræo verti potest. *ungite clypeum:* Quare laudantur milites illi apud

Nahum 2.
8.

Nahum, de quorum clypeis dicitur *Clypeus fortium eius igneus.* Quod politissima cum essent eorum scuta aduerso feriente sole quasi flammam vomerent, vt etiam dicitur in Machabæorum historia,

1. Machab.
6. 39.

ubi legimus; *Et vt resulsit sol in clypeos aureos resplenduerunt montes ab eis, & resplenduerunt sicut lampades ignis.* Sanctus etiam David quodam loco Dominum quasi virum pugnatorem exhibens gladium illi tribuit bene politum, quod enim le-

Psal. 7. 13.

gimus in Psalmo; *Gladium suum vibrauit,* & Hieronymus

ronymus vertit *Acnet*, ex Hebrææ vocis proprietate, quidam verti posse putant, *Expoliet*; alij, quod idem est, *splendificabit*. Ne autem facile rubiginem contrahant ferramenta, suis vaginīs, & inuolucris aptè condenda sunt: Quare Goliæ gladius apud Achimelech dicitur fuisse *innolutus* 1. Reg. 21. *pallio*, alio scilicet super vaginam integumento, ne facile puluere fædaretur. Parique diligentia clypeum milites vindicabant à rubigine, & for-
dibus, vt ex Isaia colligi potest, apud quem legimus quodam loco; *Et parietem nudauit clypeus*, 1. Reg. 21. 6. quæ verba ex Hebræo verti possunt, *scutatus miles nudauit clypeum*. Hoc autem si diligenter milites faciunt, sibi ipsis decus addunt, armorum splendore, & honestamento conspicuos se reddentes, quare dicitur in Psalmo, *Accingere gladio tuo super femur tuum Potentissime, specie tua & pulchritudine tua*. 1. Reg. 21. 6. Quæ verba quidam appositiuè accipiunt, vt sensus sit armis tuis, & gladio tuo muni te, quod munimentum pariter sunt; & corporis etiam species, & ornamentum.

8 Solent autem exercituum Duces, vt explo-
rent an milites armis, & equis bene sint instructi, vt illis stipendia quæ meruerunt persoluant, vt copiarum suarum numerum cognoscant, eas in conspectum dare, antequam ad pugnae discrimen veniatur. Præstitit hoc Saul, de quo dicitur primo Regum: *Præcepit itaque Saul populo, & recensuit eos quasi agnos, ducenta millia peditum, & decem millia virorum Iuda*. 1. Reg. 15. Tò *Quasi agnos*, in Hebræo est *בַּתְּלַיִם* batthelaim *in agnis*, vel *cum agnis*. Vatablus, Abulensis, & alij commenti cuiusdam Rabinorum meminerunt; qui fingunt militū vnumquemque agnū attulisse, sicque numeratis agnis, non

non autem militibus, summam totius exercitus fuisse collectam; Id autem propterea fuisse factum, ne inito censu malum aliquod ut postea David, sibi populoque Saul accerferet. Sed Rab-
bini suo more nugantur. Neque enim probabile videtur tantum agnorum numerum in regione non admodum ampla facile inueniri potuisse, quot erant militum capita, nec, si inuenti fuissent, Saulem exercitum non numerasse verè dici potuisset, aut incommodum quod verebatur satis cauisse. Si ergo vulgatæ editionis auctorem sequamur, sensus erit, exercitum ea facilitate qua agni à Pastore numerantur, recensitum fuisse: si verò legamus ut in Hebræo textu nunc habemus בַּתְּלַיִם *batthelaim* per beth, non כַּתְּלַיִם *Catthelaim* per caph, ut legit vulgatus, dicemus *Thelaim* loci cuiusdam nomen esse, iuxta quem à Saule lustratus sit exercitus. Quod etiam securi sunt Septuaginta, qui vocem *Thelaim*, tanquam proprium loci nomen, retinuerunt.

De equestribus copiis, stratagematis, exploratoribus.

C A P V T XIII.

*De equita-
tu.*

1 **E**Xistimet fortasse aliquis Israëlitarum populo in sacris litteris curruum & equitatus usum planè fuisse interdictum. Hoc enim significare videtur, quod David cecinit in Psalmis.
Psal. 19.8. *Hi in curribus, & hi in equis, nos autem in nomine Domini Dei nostri innocabimus. Illi obligati sunt & ceciderunt,*

derunt, nos autem surreximus & crecli sumus. Non Psal. 32.
saluatur Rex per multam virtutem, & gigas non salua- 16.
bitur in multitudine virtutis sue. Fallax equus ad sa- Psal. 75.
lutem: in abundantia autem virtutis sua non saluabi- 7.
tur. Ab increpatione tua Deus dormitauerunt qui ascen-
derunt equos. Tu terribilis es, & quis resistet tibi? Non Psal. 146.
in fortitudine equi voluntatem habebit, nec in sibiis viri 10.
beneplacium erit ei. Expressiusque in Deuterono- Deut. 17.
mij lege, equitatus videtur prohiberi, cum dici- 16.
tur: Cumque fuerit constitutus (Rex scilicet) non mul-
tiplicabit sibi equos; & quod Isaias mala illis inter-
minatur qui praesidium suum in equitatu, & qua-
drigis Aegyptiorum collocabant, eodem respe-
xisse videtur. *Vae*, inquit, qui descendunt in Aegy- Isai. 31. 1.
ptum ad auxilium, in equis sperantes, & habentes fidu-
ciam super quadrigis, quia multi sunt, & super equiti-
bus, quia prauvalidi nimis, & non sunt confisi super san-
ctum Israël, & Dominum non requisierunt. Philo
tamen Iudaeus rerum, & legum suae gentis bene
doctus in suo de agricultura tractatu, equitatus
necessitatem & commoda conimemorans con-
stanter affirmat, non id voluisse Dominum, ut
equites in suis exercitibus Israelitae planè non
haberent, sed potius mysterium aliquod, quod
ipse recludere conatur illo interdicto abscondi.
At enim dicat aliquis, ait Philo, magnam esse po-
tentiam Regis in equitatu, non minorem utique
quàm in pedestribus, vel naualibus copiis, non-
nunquam verò etiam vtiliorem, tunc praesertim
cum sine dilatione opus est expedita celeritate,
temporibus moram non ferentibus, sed ipsum
momentum occasiones urgentibus, ut cunctatio
non damnum modo, sed cladem quoque illatura
videatur occasione tanquam nube praeteruolante.

Huic

„ Huic nos respondemus nullum belli præsidium
 „ legislatorem nostrum à Principe submouisse, ne-
 „ que copias eius parte aliqua mutilasse, imò quan-
 „ tum fieri potest augere conatum esse, vt robore
 „ ac multitudine freti socij facile hostium aciem
 „ prouocarent. Quis enim alius sic docuit, vel in-
 „ sidias collocare, vel instruere aciem, vel ordinatè
 „ legiones distribuere, easque tribunis & centurio-
 „ nibus assignare, vt res postulat, nunc pluribus,
 „ nunc paucioribus, vt hic noster legislator, ad om-
 „ nia rei militaris præcepta ritè tradenda confir-
 „ matam habens longo vsu peritiam? Sed ille in
 „ eo quo dixi loco, non facit verba de isto equita-
 „ tu quales Principes solent colligere ad infestan-
 „ dos hostes, tuendosque socios necessariò, sed de
 „ eo qui animæ nostræ inest. Pergitque allegori-
 „ cam de vitiosis affectibus, ac cupiditatibus com-
 „ primendis explicationem afferre, quæ sanè inter-
 „ pretatio ad fulciendam Philonis de equitatu Is-
 „ raëlitis minimè interdicto sententiam non est
 „ necessaria. Nam firmæ satis coniecturæ afferri
 „ possunt, quibus ostendatur curruum & equitatus
 „ vsum planè vetitum Israëlì non fuisse. Nam san-
 „ ctus Dauid, Diuinæ legis obseruantissimus, cum
 „ plurimas Regis Adarazer quadrigas in suam re-
 „ degisset potestatem, plurimos quidem equos sub-
 „ neruauit iuxta Domini præceptum, de quo alibi
 „ diximus, non tamen totam illam equorum &
 „ quadrigarum prædam planè corruptit, dicente
 „ Scriptura: *Cepit ergo Dauid mille quadrigas eius, &
 „ septem millia equitum, ac viginti millia virorum pedi-
 „ tum, subneruauitque omnes equos curruum, exceptis cen-
 „ tum quadrigis quas reseruauit sibi.* Adonias etiam
 „ Dauid filius, cum paternum Regnum affectaret,
 „ fecit

fecit sibi, recepto Regum ac Principum more, currus & equites. Samuelque cum ius Regiū populo, Principem importuniū postulanti, explicaret, ita loquitur. *Filios vestros tollet, & ponet in curribus suis, facietque sibi equitem & praecursores quadrigarum suarum.* Quod sanè effectum dedit Absalon alter filius Davidis cum ad Regnum aspirare conaretur. Tandem ad Salomonem, cum nondum à pietate, ac religione defecisset, adducebantur per singulos annos equi, & muli, ut habemus in Regum historia, ut scilicet iis equitatus augeretur, aut suppleretur. Nec sanè obstant, aut Davidis & Prophetarum allata testimonia, aut lex ipsa Deuteronomij, quæ magis videtur urgere. Nam eâ lege non magis equorum multitudo prohibetur, quàm ingens pecuniarum, & thesaurorum aceruatio, aut vxorum greges, ut enim dicitur, *Non multiplicabit sibi equos*, etiam de vxoribus & thesauris dicitur: *Non habebit vxores plurimas, neque argenti, & auri immensa pondera.* Nam si ingens equitum multitudo à populi Principe aleretur, periculum sanè erat, ne rei bene gerendæ fiduciam in suis viribus atque equitibus collocarent, quod Dominus qui peculiari prouidentia populi sui res moderabatur, conabatur auertere. Hoc autem est, quod Prophetæ reprehendunt; quare Isaias, *Si reuertamini*, inquit, *& quiescatis, salui eritis: In silentio, & in spe erit fortitudo vestra.* Et nolulistis, & dixistis: *Nequaquam, sed ad equos fugiemus, ideo fugietis. Et super veloces ascendemus, ideo velociores erunt qui persequentur vos.* Et alibi studium parandi equitatus æquè prohibens, ac pecuniarum immensam cupiditatem: *Repleta est*, inquit, *terra, argento & auro, & non est finis thesaurorum*

3. Reg. 1.

5.

1. Reg. 8.

11.

Deut. 17.

16.

Ibid. n. 17.

Isai. 20. 15.

Isai. 2. 7.

912 *Institutio politica ex sacris Scripturis.*

*rorum eius, & repleta est terra eius equis, & innumera-
rabiles quadrigæ illius. Illud etiam erat incommo-
dum, quod equis ex Ægypto, aliisque circumie-
ctis regionibus adducendis intenti facilè peregrin-
os mores, superstitiosasque idolorum religiones
combibere nullo negotio poterant, cum præser-
tim ad eas proclive esset nimium quantum Israë-
litarum ingenium. Istam autem negotiationem
fatis frequentem fuisse sub Salomone colligitur
ex Regum historia, in qua dicitur. *Educebantur
equi Salomonis de Ægypto & de Coa; negotiatores enim
Regis emebant, atque in hunc modum cuncti Reges
Hebræorum & Syria equos venundabant.* Tandem il-
lud etiam periculum erat, ne sibi nimium place-
rent Principes illi, si plurimas equitum turmas
aluisse, propterea quod magnum est Regij
splendoris, ac potentia argumentum, magnam-
que habet equitatus maiestatem, propter equo-
rum generositatem, phalerarum & curtilium or-
namentorum magnificentiam, ex quibus Princi-
pis animus in superbiam, viriumque suarum ni-
miam confidentiam potest extolli. Non itaque
prohibitus in Deuteronomio est equorum usus,
sed tantum immoderatus & nimius. Quo nomi-*

2. Reg. 10.
28. 29.

2. Paral. 9.
25.

3. Reg. 10.
26.

2. Paral. 1.
14.

*De strata-
gematis.*

*ne reprehendendus Salomon, de quo dicitur. Ha-
buit Salomon quadraginta millia equorum in stabulis,
& curruum equitumque duodecim millia, constituitque
eos in urbibus quadrigarum, & ubi erat Rex in Ierusa-
lem. & alibi: Congregavit Salomon currus, & equites,
& facti sunt ei mille quadringenti currus, & duodecim
millia equitum.*

2 Quod ad stratagemata attinet, callidaque
consilia, quibus hostis à solerti Duce, omnesque
rei promouendæ occasiones circumspecte cir-
cum

cumueniri solet, illud esse apud omnes certum arbitror, nimirum licere non tantum petitiones & consilia aduersariorum declinare, & eludere, sed militaribus etiam artificijs, consilia occultando, dissimulando, atque etiam multa simulando, quibus hostes decipiantur, capiantur, aut vincantur, se se hostibus præstare conari. Id quàm verum sit, virorum etiam sanctitate præstantium exempla demonstrant, vt Iosue, quem legimus insidias posuisse cum aduersus Haitas Domini iussu copias eduxisset. *Ponite*, inquit Iosue, *insidias post ciuitatem, vt longius recedatis, & eritis omnes parati*: Gedeon etiam qui Domini iussu, & ductu contra Madianitas præliabatur, noto illo stratagemate ingentem illam hostium multitudinem non modò in effusam conuertit fugam, sed Domino panicum immitente terrorem, effecit, vt sese mutua cæde conficerent. Nam trecentis non amplius ex vniuerso exercitu fortissimis viris quos secum adduceret electis, facesque fictilibus includens lagenis, cum silentio ad castra Madianitarum, qui nihil minus suspicabantur; sed vino somnoque sepulti passim in tentorijs strati iacebant, cum armata suorum manu peruenisset, hydriisque contractis tubas inflasset, castra vniuersa tanto concussit terrore, vt omnes sese in fugam darent, gladiosque in suos conuerterent, ex quo factum est, vt admodum luculentam victoriam Gedeon reportaret. Illud videtur obseruandum necesse esse, vt bellè procedant, ita rem totam disponere, vt omnia suo tempore fiant; neque v.g. qui in concaua aliqua valle delitescunt, priùs erumpant quàm rei bene gerendæ postulet oportunitas. Quare Iosue signo suis dato, eos ad

914 *Institutio politica ex sacris Scripturis.*

Iosue 8.
19.

inuadendos hostes euocauit, legimus enim in eius historia: *Cumque eleuasset, inquit, clypeum ex aduerso, ciuitatis insidia, quæ latebant surrexerunt confestim: & pergentes ad ciuitatem ceperunt, & succenderunt eam.* Tandemque illud diligenter prouidendum cenſeo, ne dum aduersarios putamus incautè agere, ipsi in eorum fraudulentas tendiculas incidamus: ea enim omnia nobis vehementer suspecta esse debent, quæ adeo videntur absurda, ut prudentem belli Ducem luce tam aperta hallucinari turpissimum sit; tunc enim licet suspicari, dolos necti, insidiasque parari, quantumque cauendum est ne occasiones per socordiam elabi patiamur è manibus, tantum, aut etiam plus curas nostras intendere debemus, ne circumueniamur ab hostibus, in easque angustias compellamur, unde rebus saluis pedem referre non possumus. Si cauissent hoc Beniamitæ cum de ciuitate erumperent, nec simulatè effugientes hostes longius ab oppido quàm par erat, persecuti essent, nec in paratas insidias, quibus intercepti penè deleti sunt, incidissent.

Iud. 10. 31.

De exploratoribus.

3 Paucula quædam hic de exploratoribus addam, quorum opera non insidias tantum euitaturis, sed iis omnibus qui de rebus bellicis ut Duces, aut Consiliarij iudicaturi sunt, apprimè est necessaria; cum de re aliqua prudenter statuere nequeamus, si nos aliquod rei adiunctum, conditione imprudentes fecellerit. Itaque parum hac in re diligentes fuisse videntur Philistæi, qui tunc primum cognouerunt arcam in castra delatam esse ab Hebræis, cum *vociferatus est omnis Israël clamore grandi, & personuit terra, & audierunt Phylistiim vocem clamoris, dixeruntque; Quanam est hac*
vox

1. Reg. 4. 5.

vox clamoris magni, in castris Hebraorum? & cognoverunt quòd arca Domini venisset in castra. Attentior multò Rex Ierichuntinus, quem exploratores Israëlitarum qui apud Rahab meretricem diuertebant, fallere non potuerunt, *Qui pergentes*, inquit Iosue 2.1. historia Iosue, *ingressi sunt domum mulieris meretricis nomine Rahab, & requieverunt apud eam; Nuntiatumque est Regi Iericho, & dictum. Ecce viri ingressi sunt huc per noctem de filiis Israël, ut explorarent terram.* Quamvis enim diuina prouidentia quæ animum Rahab ad miserationem flexit, eos periculo subtraxit, & ad suos reduxit incolumes; apparet tamen non indiligentes exploratores habuisse Regem, qui rem adeò secretam tam citò cognoscere potuit. Cum ergo aliquod bellum ingruerit, acri homines ingenio, corpore expediti, minimèque timidi, mittendi sunt, qui res aduersariorum cognoscant, regionis, cœlique naturam, incolarum vires, munitiones ciuitatum, equitum, peditumque numerum, & alia huiusmodi, quæ in deliberationibus, de figendis, aut mouendis castris, de explicanda acie, aut cum hoste confligendo, prodesse possunt. Fecit hoc diligenter Moses, qui cum in promissæ regionis limine stetisset, nonnullos exploratores, viros, inter cæteros suæ gètis præcipuos, *Misit ad considerandam terram Chanaan, & dixit ad eos. Ascendite per meridianam plagam, cùmque veneritis ad montes, considerate terram qualis sit, & populum qui habitator est eius, utrum fortis sit, an infirmus; si pauci numero an plures, ipsa terra bona, an mala, urbes quales, murata an absque muris, humus pinguis an sterilis, nemorosa an absque arboribus, confortamini, & afferte nobis de fructibus terræ.* Quæ omnia diligen-

Num. 13.
18.

916 *Institutio politica ex sacris Scripturis.*

ter & strenuè perfecerunt, quadraginta dierum spatio totam eam regionem lustrantes, fructusque eius vberis soli argumentum reportantes. Quamquam quod ad incolarum vires attinet, non mediocriter populi animum conturbarunt, monstra quædam hominum de genere giganteo iactantes, quibus ipsi compositi locustarum in-

Ibid. n. 34. star haberent. *Ibi vidimus*, dicebant, *monstra quædam filiorum Enoc de genere giganteo, quibus comparati, quasi locustæ videbamur.* Quo loco notandum, curandum Principibus esse, ut cum mittuntur exploratores, aut redeunt, id clam populo fiat, ne si aduersi aliquid eos apportare contingat, exercitus consternatio consequatur, ut Mosi accidit, cuius imperium formidolosus populus terroribus illis perculsus detrectabat, passim enim

Ibid. n. 33. dictitabant in castris. *Nequaquam ad hunc populum valeamus ascendere, quia fortior nobis est.* Porro in exploratoribus requiritur, ut non omnibus rumu- sculis fidem accommodent, sed ea demum refe- rant ad Ducem, quæ certa fuerint, quippe quæ aut ipsi oculis hauserint, aut idoneis fideque dignis auctoribus cognouerint; tales ij fuisse vi-

Iosue 11. 11. dentur, de quibus dicitur in libro Iosue, *Quod cum audissent filij Israël, & ad eos certi nuntij detulissent.* Tales etiam Dauidis exploratores, de qui-

1. Reg. 26. 4. bus Regum historia. *Misit*, inquit, *exploratores, & didicit quod illuc venisset certissimè;* Saul scilicet cum suis. At quia fieri potest, ut non ita facilè Dux idoneum exploratorem nancisci possit, cuius scilicet dictis ita credendum videatur, ut discrimen propter ea quæ ex ipso cognita fuerint subeat, non imprudenter faciet Princeps, si Gedeonis magni apud Hebræos Ducis exemplo, ad loca

cogno

cognoscenda accesserit ipse expeditis aliquibus comitatus, citraque capitis periculum quantum fieri poterit: Tutius enim oculis credi solet quàm auribus, meliusque intelliget descendendum ne sit in certamen, an verò abstinendum, sique confligendi steterit sententia, quomodo disponendæ acies, quibus in locis collocandæ insidiæ, aliæque huiusmodi, quæ quomodo tractanda sint, vix quispiam qui non viderit, assequi potest. De Gedeone igitur legimus, *Descendit ergo ipse, & Phara puer eius in partem castrorum, ubi erant armatorum vigilie,* Iud. 7. 11. & mox bonæ spei plenissimus ingentes animos suis addidit dicens: *Surgite, tradidit enim Dominus in manus nostras castra Madian.* Ibid. n. 15. Illud etiam notandum videtur ex circumiectis populis quibuscum contentiones, & discordias finitimi frequenter exercent, cognoscere posse Principem regionis alicuius naturam, incolarum vires atque ferociam, mores ac religiones, militarem etiam exercitationem, aliæque huiusmodi quæ cum illis bellum inferendum est necessaria, aut certè magno usus esse possunt; sic Holophernes *Vocavit omnes Principes Moab, & Duces Ammon, & dixit eis: Dicite mihi, quis sit populus iste qui montana obsidet, aut qua, & quales, & quanta sint ciuitates eorum, qua etiam sit virtus eorum, aut qua sit multitudo eorum, vel quis Rex militiæ illorum, & quare præ omnibus qui habitant in oriente isti contempserunt nos, & non exierunt obuiam nobis, ut susciperent nos cum pace?* Iudith. 5. Ac sanè si quemadmodum ea interrogabat, quæ bonum Ducem decet cognoscere, ita iis fidem accommodasset, quæ Achior Dux filiorum Ammon, ut pote Hebræorum finitimus verè fideliterque sug-
gessit, saniora fortasse suscepisset consilia, quæ

918 *Institutio politica ex sacris Scripturis.*

superbiæ typhus viriûmque suarum confidentia
discussit. Illud tandem dicendum superest pluri-
mum Principi prodesse, aut Duci si se in arcana
interioraque aduersariorum consilia penetrare
possit, quid cogitent aut moliantur per explora-
tores odorando. Sic Dauid cum Chusai Arachi-
tem obuium habuisset, Principem suum per quo-
scumque casus sequi paratum, ita cum est allo-
cutus. *Si veneris mecum, eris mihi oneri; si autem in
ciuitatem reuertaris, & dixeris Absalon: Seruus tuus
sum Rex, sicut fui seruus Patris tui, sic ero seruus tuus,
dissipabis consilium Achitophel: Habes autem tecum
Sadoch & Abiathar Sacerdotes, & omne verbum quod-
cumque audieris de domo Regis, indicabis Sadoch &
Abiathar Sacerdotibus. Sunt autem cum eis duo filij
eorum Achimaas filius Sadoch, & Ionathas filius Abia-
thar, & mittetis per eos ad me omne verbum quod au-
dieritis; Quod consilium vt excogitatum fuit
prudenter, ita feliciter successit: Nam & Achito-
phelis consilium salutare id agente Chusai ex-
plosum est, & quidquid consiliarij Absalomi cen-
suissent per Achimaas & Ionatham, vt condi-
ctum fuerat, cognouit.*

2. Reg. 15.
33.

*Aliqua de
Transfu-
gu.*

4 De transfugis quid sentiendum, & quatenus,
illis fidendum sit, satis constare potest ex supra
disputatis, cum de Dauide ad Achis Regem Seth
transeunte mentio incidit: ea qui voluerit, ne
sæpius inutiliter repetantur, recognoscere pote-
rit. Illud in præsentia quæri potest, prudenter ne
fecerint Bethuliæ ciues, qui Achior Ammonitem
ab Hôlopherne eiectum, & ad Hebræos transire
compulsum, non benignè tantum, sed etiam ho-
norificè apud Oziam gentis Principem hospitio,
dato etiam epulo susceperunt, vt habemus in Iu-
dith

Iudith 6.

dith historia. Dubitandi ansam præbet quorundam transfugarum simulatio, quos scimus non solum egregiè frontem finxille mentiendo, & ad diciendum verba aptè probabiliterque composuisse, sed eo etiam fallendi studio prouectos, ut sibi ipsis manus inferrent, seque aut vulneribus ciuentarent, aut etiam auriculas, & nares in honesto vulnere præciderent, ut fidem apud hostes quos decipere parabant, inuenire possent. Quæ res cum Duces omnes admoneat, ut quàm diligentissimè cuncta circumspeciant, ne fortè eos in fraudem contingat impelli; factum etiam Bethulæ cuius, quasi nimium ad credendum facilius ac simplicius damnare videtur. Respondendum censeo, prudenter illos egisse videri, nam præterquam quod apra, sapiensque eorum, quæ apud Holophernem sibi acciderant, narratio, fident Achiori conciliabat: fieri etiam potuit, ut viri non procul à Bethulia habitantis grauitas fama,que virtutis Hebræis pridem esset non ignota. Deinde quod caput est, quamquam cum benignè acceperunt, & honorificè, ut dignitas personæ, & ratio postulabat humanitatis; nihil tamen egisse leguntur, quod bono Reipublicæ statui incommodare posset: Nam quauis probabile existinem, quod alibi dictum est, ciuitate donatum, & priuilegio honoribus gerendis idoneum redditum, tamen priusquam solueretur obsidio, nec adhibitus est ad secreta consilia, nec vllam militarem præfecturam consecutus; sed potius cum apud Oziam hospes versaretur, ita in omnium ac præsertim ipsius Oziæ oculis vixit, ut si quid moliretur, aut moueret, statim deprehendi posset. Ipsum verò procul à publicis negotiis quietè egisse, vel ex eo

colligitur, quòd cum Iudith in urbem reuersâ,
amputato Holophernis capite, magna esset om-
nium ordinum vt in publica gratulatione còcur-
satio, ingentesque populi exultantis clamores, &
Iud. 13. 27. vociferationes; ipse tamen non nisi euocatus ad
tantæ rei spectaculum domo prodiisse legatur.

De castris & arcibus.

C A P V T X I V.

*De castro-
rum descri-
ptione, ve-
xillis; &c.
Num. 2. 2.*

Descriptionem castrorum populi Hebræi
antequam ad promissam venirent regio-
nem, habemus in Numerorum historia. *Singuli,*
inquit, *per turmas, signa, atque vexilla, & domos co-*
gnationum suarum castra metabuntur: filij Israël per
gyrum tabernaculi fœderis; ad orientem Iudas figet
tentoria; pergitque minutim explicare quem vna-
quæque tribus locum occuparit, qui Duces,
Principesque familiarum, quot etiam capita sub
vexillis censuerint; ex qua descriptione illud ha-
bemus, totam castrorum conformationem qua-
dratam fuisse, quæ figura sanè commoda videtur,
quanquam alias etiam metandi formas in vfu
fuisse facile crediderim. Sanè de Dauid dicitur in
1. Reg. 17. Regum historia: *Et venit ad locum Magala.* Tò, *Ma-*
gala Hebr. *Rotunditatem* interpretari possumus, vt
etiam Septuaginta verterunt; Kaldæus autè dixit
Castra, vt ex hoc capere possimus coniecturam,
locum illum orbiculari figura castra aliquando
habuisse, siue Dauid ipse, siue quivis alius belli
Dux, cum suo sibi exercitu confederit. Sed quam-
cumque

cumque habuerint formam, ut scilicet melius ac commodius Imperator duxerit, multum expedit in sua quosque tentoria ita distributos esse, ut omnis perturbationis tollatur occasio, quod in Hebræorum metaturâ, quam diximus, seruatum videmus, ut scilicet alij seorsum ab aliis, suis locis consisterent, suâque haberent signa & vexilla quibus distinguerentur ab aliis. De quibus vexillis vereor ut verum sit, quod quidam Rabbini tradiderunt in vexillis scilicet Iudæ fuisse leonem; quod scilicet Iacob morti proximus cum de filiis suis prophetaret, Iudam appellauit leonem, *Cathulus*, inquit, *leonis Iuda, ad pradam fili mi ascendisti: requiens accubuiſti ut leo, & quasi leena, quis suscitabit eum?* In signis verò Ruben hominis figuram expressam fuisse, quod ipse primus homo esset de semine Iacob, ut dicitur eodem Geneseos cap. *Ruben primogenitus meus*. In signis verò Ioseph fuisse taurum, propterea quod de ipso dicitur in Deuteronomio. *Quasi primogeniti tauri pulchritudo eius*. Tandem tribum Dan colubrum in vexillis suis prætulisse, ex eo coniecturam capientes, quod de eo dicitur in Genesi. *Fiat Dan coluber in via cerastes in semita*. Sed nimirum familiare est Rabbinis vera falsis aspergere, & nugas suas pro solidis, probatisque historiis obtrudere. Si enim satis solida probatio esse possit, quod metaphoris ab aliquibus animalibus desumptis, leones dicantur aut cerastæ; etiam Gad leonem prætulisse dicendus erit; de quo dicitur in Deuteronomio: *Quasi leo requieuit*, imò ipsi Dan non minus leo tribuendus fuit, quàm Iudæ, cum eodē Deuteronomij loco *Dan canulus leonis* appelletur, Isachar verò qui dicitur *Asinus fortis*, non aliud insigne istis aucto-

Apud Abulens. in c.2. Num. Gen. 49.9.

Ibid. n.3.

Genes. 49. 17.

Deut. 33. 20.

Ibid. n.22. Genes. 49. 14.

ribus habere poterit,quàm stolidum illud & rude animal, quo Isachar per metaphoram appellatus est. Illud etiam monendum videtur, castra bene poni in edito aliquo loco,aut tumulo, vnde subeuntes hostes facilè propelli possint, quod passim factitari videmus ab Imperatoribus exercituum, sic Philistæi editum locum castris occupauerant, ad quos Ionathas cum armigero suo adrepere conatus est. *Erant, inquit Scriptura, inter ascensus per quos nitebatur Ionathas transire, ad stationem Philistinorum, eminentes petra ex utraque parte, & quasi in modum dentium scopuli, hinc & inde prærupti.* Sic Benjamitarum reliquæ post cladem ab Israëlitis acceptam confugerunt ad petram Rhemnon, ut loci beneficio externam vim facilius arcerent, in qua etiam quatuor integros menses ita federunt, ut ab hostibus nulla ratione potuerint violari. Cauendum tamen est, ne dum locum editum cōfectatur Imperator, longius à fluminibus aut fontibus recedat, laboréntque sui penuria aquarum, adeò ut cum aquatum mittendi erunt, fluminis aut fontis vndam sanguine redimañt. Itaque Gedeon iuxta fontem qui vocatur Arad cum suis legitur confedissee, ne scilicet aquæ ex longinquo, cum militum suorum discrimine petendæ essent. Porro castra aggeribus, vallo, fossaq̃ munienda sunt, ne facilè ad illa hostes obrepere possint, aut repentè impressione facta nihil tale cogitantes opprimere. Videtur hoc neglexisse Saul, qui cum

bus

1. Reg. 14.

4.

1. Reg. 26.

3.

bus fretus, hostium paucitate contempta, sese incustoditum composuit ad somnum, non intelligens quàm grande periculum adiret, quod tamen non alia ratione euasit, quàm eius benignitate in cuius manus inciderat. Maior etiam Amalecitarum socordia, qui quod absente Dauid de Iuda, & de terra Philistiim prædas egerant, & Siceleg ciuitatem igne succenderant, omnia tuta arbitran-
 tes passim per herbam fusi vino epulisque indulgebant, nulla castrorum muniendorum cura suscepta, quasi nihil ab irritato, violatòque hoste, viribus tamen integro timendum superesset. *Ecce illi* (inquit Scriptura) *super faciem vniuersa terra discumbebant, comedentes & bibentes, & quasi festum celebrantes diem, pro cuncta præda & spolijs, quæ ceperant de terra Philistiim, & de terra Iuda. Et percussit eos Dauid à vespere vsque ad vespèram alterius diei, & non euasit ex eis quisquam, nisi quadringenti viri adolescentes, qui ascenderant camelos, & fugerant. Audientibus itaque Dauid, cuius est militare illud præceptum. Circumdate Sion, & complectimini eam, narrate in turribus eius. Ponite corda vestra in virtute eius, & distribuite domos eius ut enarretis in progenie altera.* 1. Reg. 30. 16.

Om nibus sanè castra figentibus, aut arcem aliquam excitantibus, aut custodientibus planè necessarium. Sensus autem esse potest; stationes disponite, excubitores nocturnos diurnosque in mœnibus & propugnaculis colloca-
 te, qui eam circumdant & passibus complectantur in circuitu, & per gyrum ambulando. *Numerate turres eius* (sic enim Pagninus legit quod in vulgata habemus) *Narrate in turribus*, diligenter cuncta recog-
 noscendo, animùmque applicate ad ea munien-
 da, & instauranda quæ vestram operam desiderât,
 siue.

924 *Institutio politica ex sacris Scripturis.*

siue ille murus sit, siue antemurale. Quod enim vulgatus dicit. *Ponite corda vestra in virtute eius, & distribuite domos eius.* Idem Pagninus vertit ex Hebræo. *Ponite cor vestrum ad antemurale eius, roborate palatia eius.*

*De arcibus
construen-
dis, earūq;
situ.*

2 Quæ de castris hætenus disputauimus, ad arces etiam fermè accommodari possunt, de quibus præterea paucula quædam addenda supersunt, quæ nunc explicabimus. Sunt autem arces regni totius propugnacula, quæ ciuitates & oppida minora ab hostium incursionibus tuta reddunt, & in quas belli tempore tanquam tutissimas stationes, sese recipiunt milites, vniuersamque regionem quantumuis hostilibus armis infestam in Principis sui fide retinent, & conseruant. Itaque antiquis illis temporibus video Reges sollicitos fuisse de arcibus excitandis, locisque opportunissimis disponendis, vt hostibus iter in regnum intercluderent, incolæque ab exterius ingraente vi redderent securos. Sic de Baasa legimus in Regum historia. *Ascendit quoque Baasa Rex Israël in Iudam & adificauit Rhama, vt non posset quispiam egredi, vel ingredi de parte Asa Regis Iuda.* Quod iniquissimo animo tulit Asa, quasi quoddam iugum suis ceruicibus esset impositum, quod omni ratione amoliendum, & excutiendum putauit. Itaque Syriæ Regem Benadad in Baasan suscitauit, in quem cum Syrus expeditionem adornaret, Baasa eius aduentu audito; *Intermisit edificare Rhama, vt scilicet se suosque ad tantam belli molem sustinendam compararet.* Nec satis habuit Iudæ Rex Asa in aduersarium suum Benadad concitasse, sed munitione euersa Baasæ, aliam munitionem censuit opponendam, quam vt extrueret, subditis suis

3. Reg. 15.
17.

Ibid. n. 21.

conne

conuehendæ materiæ ad substructiones faciendas necessitatem imposuit. Ita enim legimus eodem loco : *Rex autem Asa nuntium misit in omnem Iudam, dicens : Nemo sit excusatus. & tulerunt lapides de Rhama, & ligna eius de quibus edificauerat Baasa, & extruxit de eis Rex Asa Gabaa Benjamin, & Masspha. Qua in re satis apparet planè sibi persuasisse Asa arcem illam ita suo Regno incommodare, ut thesauri omnes domus Domini, & Regij ærarij profundendi potius essent, quàm arcis illius perficiendæ Israël Regi concederetur facultas. Nam tulit Asa omne argentum, & aurum quod remanserat, in thesauris domus Domini, & in thesauris domus Regiæ, & dedit illud in manus seruorum suorum, & misit ad Benadad, ut scilicet in fines Baasæ cum exercitu irrumperet, & ab inchoato opere, quod moliebatur, auerteret. Quod cum impetrasset ascendit in Rhama, & munimentum illud iuxta Sapientis dictum solo æquauit. Ciuitatem fortium, inquit Salomon, ascendit sapiens, & destruxit robur fiducia eius. commodè enim locus hic de oppidis, arte vel natura munitis accipi potest, quæ propterea robur fiducia dicuntur, quòd qui ea infederunt, hostium conatus irritos fore confidant. Sapientis autem est, iuxta Salomonis dictum, eas munitiones solo æquare, quas aut rueri non possis, aut propter periculum, ne ab hostibus occupentur, indè que tuis te armis oppugnent, disturbandas esse prudentes rerum æstimatores iudicauerint, ad quem fortasse sensum trahi possunt verba illa, quæ de Dauid legimus in libris Regum. Percussit Moab, & mensus est eos funiculo coequans terre.*

Ibid. n. 12.

Ibid. n. 18.

Prou. 21.

21.

2. Reg. 8.

2.

Alia quadam de arcium situ.

tim

3 Bene autem collocantur arces in collibus, editisque locis, in faucibus etiam vallium, præfer-

- tim si opportunitate situs hostium incursionibus,
 2. Esdr. 3. & irruptionibus aditum intercludant. *Nathinai*
 26. *habitabant in Ophel usque contra portam aquarum ad*
Orientem & turrem qua prominebat, ut habemus in
 libro Esdræ. Vox Ophel *הפ* iuxta aliquorum
 sententiam apud Hebræos *fauces* significat, quas
 Græci *πύλας* vocant; Itali, *Chinse*. Quare nonnulla
 huiusmodi loca arcibus infesta apud eosdem Ser-
 rauallis nomen inuenerunt. Videtur datus locus
 Nathinæis ad custodiendum, ne ad Regiam ho-
 stibus pateret irruptio. Quia verò huiusmodi lo-
 ca in faucibus vallium constituta obscura esse so-
 lent, quod solis radios non faciliè admittant, hinc
 fortè factum est, ut cum quarto libro Regum di-
 4. Reg. 5. citur: *Cumq; venissent iam vesperi*, ubi eadem vox
 24. Hebræa recurrit, Septuaginta verterint, *ἐς σκοτει-*
νόν, in obscurum. Rabbini apud D. Hieronymum in
 Isa. 32. 14. illud Isaia, *Tenebra & palpatio*, vocem Ophel, quæ in
 Hebraico textu est, *Tenebras*, seu *Nubilum* inter-
 pretantur, & fuisse eius nominis turrem putant
 Hierosolymis, quæ tantæ celsitudinis esset, ut vs-
 que ad nubes erigeret caput, ut ibi loquitur Hie-
 ronymus. Quod de Manasse dicitur in Paralipo-
 2. Par. 33. menis; *Post hæc adificauit murum extra ciuitatem Da-*
 14. *uid, ad Occidentalem in conualle, ab introitu porta pi-*
scium per circuitum usque ad Ophel, & exaltauit illum
vehementer. Το, *per circuitum*, ex Hebræo ad verbum
 vertere possis, & *circumdedit*, siue *fecit circuitum*, *ar-*
cem, aut turrem, & exaltauit illam valde.
 De arcium 4 Porro arcibus strenuorum militum manus,
 propugna- qui eas tueantur, præficienda est, nec vnquam
 toribus. committendum, ut siue fiducia pacis cum hosti-
 bus initæ, siue virium contemptu militibus desti-
 tuantur. Documento nobis esse potest quod de
 ciuitate

ciuitate Hais, sacra historia Iudicum commemorat. *Euntes, inquit, quinque viri venerunt Hais, videruntq; populum habitantem in ea absque ullo timore iuxta consuetudinem Sydoniorum securum & quietum, nullo eis penitus resistente, magnarumq; opum, & procul à Sidone, atque à cunctis hominibus separatum. Profecti igitur sunt de cognatione Dan sexcenti viri, accincti armis bellicis, veneruntq; in Hais, ad populum quiescentem atque securum, & percusserunt eos in ore gladij, urbemq; incendio tradiderunt; nullo penitus ferente praesidium, eo quod procul habitarent à Sidone, & cum nullo hominum haberent quicquam societatis ac negotij. Quæ sanè narratio nobis ob oculos ponit supinam Haitarum negligentiam, qui cum iniuriæ essent opportuni, propterea quod procul aberant à Sidoniis, aliisque omnibus à quibus auxilium sperare possent; si periculum aliquod ingrueret, quod accedentibus oppidi diuitiis, & opulentia suspicari debuerant, ita salutem suam neglexerunt, ut sexcentis dumtaxat viris præda fuerint, patriamque incendio abolente perdiderint. Quod sanè illis non euenisset, si tantas opes, tam procul ab amicis positas non incustoditas relinquendas putauissent, arce ciuitatis, si quam habebant, aut certè portis armatorum militum excubiis, munitis. Quod si ciuitatem munitam habeas armis, virisque: cauendum est, ne si bellicus aliquis tumultus increpuerit è suis stationibus milites prædijarii omnes educantur; accidit enim nonnunquam, ut omnibus ad bellandum effusis, destituta ciuitas in hostium manus veniat, diripiatur, & extrema quæque patiatur. Docet hoc Haitarum clades, qui Israëlitarum exercitum fugere arbitantes, *lociferrantes pariter & se mutuo cohortantes persequuti sunt eos,**

Iud. 18. 7.

Ibid. n. 11.
& 27.

Iosue 8. 16.

928 *Institutio politica ex sacris Scripturis.*

cos, & cum recessissent à ciuitate, & ne vnus quidem in vrbe Hai & Bethel remansisset, qui non persequeretur Israël (sicut eruperant aperta oppida relinquentes) insidia quæ latebant surrexerunt confestim: & pergentes ad ciuitatem ceperunt, & succenderunt eam. Aliquid etiam tale passus legitur Dauid, qui cum abesset à Siceleg, quo in oppido cum suis habitare tunc temporis consueuerat, Amalecita impetum fecerunt ex parte australi in Siceleg, & percusserunt Siceleg, & succenderunt eam igni, & captiuas duxerunt mulieres ex ea, à minimo vsque ad magnum. Quamuis autem Amalecitis carò steterit ab acta præda, vt eodem capite Regum persequitur historia, tamen tam grande incommodum, ciuitatis nimirum incendium, suorúmque periculum euassisset, si parte militum relictâ, ab hostium incursionibus securam, cum ipse aliò proficisceretur, reliquisset, quod laudabiliter fecisse legimus Iudam Machabæum, quem cum necessitas vrgeret, vt in Galaaditim cum fratre Ionatha proficisceretur, exercitus partem reliquit Iosepho, vt ab hostium impressionibus si fortè per Iudæ absentiam aliquid mouerent, tutam redderet regionem. *Et reliquit, inquit, Iosephum filium Zacharia, & Azariam Duces populi, cum residuo exercitu in Iudæa ad custodiam: sed salutaria etiam monita addidit, ne scilicet manus conferebant cum hostibus, ne multitudine superati, ipsorum culpa Respub. caperet detrimentum, sed satis haberent vim externam propulsare. Et præcepit illis dicens. Præstote populo huic, & nolite bellum committere aduersum gentes donec reuertamur.* Illud tandem pro paragraphi huius clausula addamus, Principibus prodesse populis finitimis in fide, & officio continendis, si in eorum arcibus, expensis suis

1. Reg. 30.
1.

1. Mach. 5.
18.

Ibid. n. 19.

fuis Reges milites alant, qui seditiones motusque popularium comprimant, ipsosque Principes vicinos promissis, conuentisque stare compellant. Id iuste parta victoria fieri potest, nam quas vrbes deuicto Principi adimere possis, si hac conditione restituas, vt nationis tuæ præfidiarios milites admittat, in reliquis suo iure, rem omnem politicam administret, non iniuriam facis quod aliquid auferas, sed beneficium non vulgare quod multa, quæ iure belli adimere potuisses, liberaliter per vim subactis remittas. Hoc ipsum fecisse videtur Dauid, de quo ita legimus in libris Regum. *Fecit quoque sibi Dauid nomen cum reuenteretur capta Syria in valle Salinarum, cassis decem & octo milibus, & posuit in Idumæa custodes, statuitque præsidium, & facta est vniuersa Idumæa seruiens Dauid: nisi forte regionem plenò iure possedit, quod vulgata hæc verba (facta est Idumæa seruiens Dauid) significare videntur.*

2. Reg. 8.
13.

5 Quod verò attinet ad portas arcium & ciuitatum cum suspicio aliqua belli ingruerit, aut hostium agmina prope abfuerint, diligenter militum custodia muniendæ sunt, nec aperiendæ in tenebris, sed clara luce, ne aliqua fortè fraus ab hostibus ad omnes occasiones intentis fieri possit. Præstitit hoc Nehemias, qui se ita scribit præcepisse; *Non aperiuntur porta Ierusalem usque ad calorem solis, & porta clausæ sunt & oppilata, & posui custodes de habitatoribus Ierusalem singulos per vices suas.* Quare parum consultè fecisse videtur Rex Iericho, qui cum se tenebræ noctis intenderent, tunc demum portas claudere iubebat, vt ex Iosue historia discimus: nam cum Israëlita hostes instarent, eorumque fama vniuersas illas regiones per-

De custodiendis ciuitatibus & arcium portis.

2. Esdr. 7.
3.

Iosue 2. 5.

uasisset, prudens consilium fuisset, si citius claudere iussisset, quàm cum pacata circum erant omnia, nullusque hostis qui pacem turbaret, timeretur.

Monita quedam ad pugnam spectantia.

C A P V T X V.

In aggrediendi locis temporisq; opportunitatem captandam.
Prou. 10.
Prou. 24.

QVandoquidem bella non viribus tantùm corporis geruntur, sed multo magis prudentia, & consilio, ut docet Salomon, cuius illa sunt verba. *Cogitationes roborantur consilijs, & gubernaculis tractanda sunt bella.* Et alibi. *Vir sapiens fortis est, & vir doctus robustus & validus. quia cum dispositione initur bellum, & eris salus, ubi multa consilia sunt.*

Si fuerit cum hoste confligendum, diligenter omnia circumspicere debet Imperator, ut si aliquam rei bene gerendæ occasionem à loco, à tempore, aliâve circumstantia captare possit, eam præterlabi non sinat: fieri enim potest, & vero non semel usu venit, ut qui alioqui militum numero, & robore pares non erant, industria, & consilio militari etiam superiores euaserint. Sic Abraham cum Lothi cognati sui, tum Sodomitarum, amicorum, & vicinorum clade commotus, cum se suosque ad opem ferendam expediuisset, *Numerauit expeditos vernaculos suos trecentos decem & octo, & persecutus est eos usque Dan, & diuisis socijs irruit super eos nocte, percussitq; eos.* Quod sanè factum, militarem Abrahami prudentiam commendat; etenim diuisis

Genes. 14.
14.

uifis copiis, ex multis diuerſiſque partibus in eos impetum faciendo, terrorem maiorem incuſſit, ſpeciẽmque exhibuit ingentis exercitus, quo omni ex parte ſe putarent circumſiſti, adẽdũ vt nullus ad fugam aditus pateret. Quæ res adẽdũ conſternauit hoſtium animos, vt quiſque fuga ſe periculo ſtuderet eripere. Sic etiam Iosue urbem Ierico expugnaturus non ab vna tantũ parte copias admouit, ſed exercitũ in agmina diuiſo, cũ vociferatio militum, clangorque tubarum increpiſſet, diuinẽque miraculo muri corruiſſent, illi- cõque ciuitas ad prædam nudata mœnibus appa- ruiſſet; *Ingreſſi ſunt ſinguli per locum contra quem ſte- terant.* Iof. 6. 5. Eodem conſilio cum Haitas expugnaret uſus eſt, copiisque diuiſis quosdam in inſidiis col- locauit, alios aperto Marte ad pugnam eduxit; ſic Iof. 8. 4. tandem Abimelech de quo legimus in Iudicum historia. *Abimelech tulit exercitum ſuum, & diuiſit in tres turmas, tendens inſidias in agris, vidensq; quod egrederetur populus de ciuitate, ſurrexit, & irruit in eos cũ cuneo ſuo, oppugnans, & obſidens ciuitatem, dua autem turma palantes per campum aduerſarios perſe- quebantur. Porro Abimelech omni die illo oppugnabat urbem, quam cepit interfectis habitatoribus eius, ipſaq; deſtructa, ita vt ſal in ea diſpergeret.* Iud. 9. 43.

2 Opportunum etiam tempus Abram elegit, *An noctur- no tempore aggredi hoſtem ex- pediat.* nocturnum ſcilicet; nam noctis ſilentio parui motus, ingentes & horribiles videntur; nec ſatis cognosci poteſt paruane ſit, an magna hoſtium manus, omniãque repentina, & quæ magis re ipſa ſentiuntur, quàm animi aut ſenſuum prænotione, vehementius animos hominum commouent, at- que perturbant; animo verò perturbato, paruæ etiam res magnæ videntur, & horribiles. Præter-

quam quòd nocturno tempore sopitis, & vino languidis, inermibus etiam, nullòque ordine dispositis cladem inferre non admodum difficile videtur, quo etiam stratagemate Gedeon Madianitarum copias ingentes, trecentorum dumtaxat milicum armis pessumdedit, quamquam ingenti miraculo, suo Duci Deus tam luculentam victoriam de tanta hostium multitudine largitus est. Simile Gorgiæ consilium, dissimili tamen euentu.

1. Mach. 4.
1.

Nam, vt dicitur in Machabæorum historia. *Assumpsit Gorgias quinque millia virorum, & mille equites electos, & mouerunt castra nocte, vt applicarent ad castra Iudeorum, & percuterent eos subito, & filij qui erant ex arce, erant illis Duces.* Sic tandem Iosue quinque Regibus Amorrhæis in vnum collectis, repentinus superuenit, eosque plaga magna contriuit.

Ios. 10. 9.

Irruit itaque Iosue, inquit Scriptura, super eos repente tota nocte ascendens de Galgalis.

3 Utile etiam est, cum hostibus bello decernere, cum animis consternati sunt, aut corporibus imbecilliores. Nam & metus alacritatem frangit, & fames continensque labor vires atterit, corporaque debilitat, vt conferendo certamini parum idopei reddantur. Bonum victoriæ consequendæ omen esse putauit Gedeon, cum somnio territum militem, cum socio sermones miscentem audiuit hordeacei panis nocturnum, visum commemorantem, quo impellente Madianitarum tentoria concidissent. Nec eum fefellit coniectura; quemadmodum enim gregario illi militi, diuinitus immisso viso quod futurum erat significauit Dominus, ita planè factum est terrore cunctis iniecto, quoad clangore buccinarum Gedeonis, adeò conferriti sunt, vt nullus auderet resistere,

*Cum hostibus confli-
gendū cum
aliqua oc-
cassione aut
animis sūt
cōsternati,
aut fracti
viribus.*

stere, sed omnes effusam fugam, in qua funditus ceciderunt, occuparent. Simeon etiam & Levi ciuitatem Sichem filij Hemor armis aggressi sunt die tertio postquam circumcisione fuerant consignati, cum scilicet dolor acerbissimus vulnerum esse solet, tantæque in languentes corporum debilitate, cæde debacchati sunt, vt omnes masculos delerent, urbem popularentur, in greges etiam & armenta sæuirent, paruulos & mulieres captiuos abducerent, quæ in domibus, quæque in agris occurrebant, eodem impetu vastantes; nec vllus fuit qui à patriis tectis ratam cladem posset auertere, quòd nimirum dolor ad arma tractanda reddidisset ineptos.

Iud 7. 13.

Genes 34.
35.

4 Sed quærat fortasse aliquis vtilius ve sit, cum bellum gerendum est, hostium aduentantium impetum domi præstolari, an exercitu expedito in eorundem fines irrumperere, eosque anteuertendo, quam vastitatem nobis meditabatur eorum agris oppidisque vltro inferre. Ac sanè vim externam propulsantes eam commoditatem habent, quod suæ ipsorum regionis bene periti, non mons, non vallis, non fluminis vadum, non occultus ad commeandum trames, non viarum latent compendia, quæ locorum experientia maximas auertit clades, victoriâsque luculentas conciliauit. Rursus commeatus vberior, sponteque suppeditatur, non enim vi extorquetur ab inuitis, sed ab amicis vltro conuehitur. Militum etiam animi alacriores, quippe qui pro aris, & focis, pro vxoribus, liberis que charissimis, pro templis & patria, tandem pro se ipsis se pugnuros intelligunt, non autem expedire arma pro gloria duntaxat Principis sui augenda, quem temeritas ad bella

*An expediti
belli fuit
hostes in-
tra regionem,
an vero in
eorum fines
irrumpen-
dum.*

934 *Institutio politica ex sacris Scripturis.*

mouenda, suorumque sanguine parandum nomen impellat. Contra verò si in alienos fines ipse transilias, tuam regionem ab hostilibus populationibus damnisque propemodum innumeris vindicas, hostiumque vires minuis, atque debilitas; quare aliquibus magis placuisse video consilium hoc, ut occuparent ipsi in hostem transire, ut Schon Rex Amorrhæorum, qui cum suis finibus Israëlitas arcuisset, nec ullis conditionibus acquiescere voluisset, ut per suas regiones ince-

Num. 21. ptum iter continuarent, *Exercitu congregato egressus est obviam in desertum.* David etiam cum primùm cognovit Philistæos bellum parare, non illos intra Regni fines expectandos duxit, sed potius illis occurrendum; quod etiam fecisse loas

23.
2. Reg. 5. 17.
4. Reg. 14. 11. Regem Israël legimus, cum Amasias Iudæ Rex contractis copiis arma moueret. Et idem videtur indicari in Evangelica illa parabola quæ est apud

Luc. 14. 31. D. Lucam, Regis nimirum euntis committere bellum aduersus alium Regem, in qua particulæ illæ, *Iturus committere bellum, & cum decem millibus occurrere*, Regis illius qui ibi describitur consilium videtur ostendere, non segniter domi desidendo hostem intra suos fines opperientis, sed vtrò in eius occursum cum armato milite procedentis. Sed huic dubitationi ita censeo respondendum esse, ut si Princeps pacatum habet regnum, & ab seditionibus, discordiisque ciuilibus tutum, ita ut cum è finibus ipse pedem extulerit, nulli motus timeantur, iustumque exercitum cogere possit, quo viribus non impar, aduenientibus hostibus censeatur, satius est belli incommoda in aduersarium conuertere, quàm agrum tuum hostibus relinquere ferro, ignique vastandum. At si

Princi

Principis externa expeditio res domi incompositas relictura est, si seditiones, intestinique tumultus, meritò formidari possunt, ne ancipiti malo prematur Respublica, melius erit fines suos tueri, vim ingruentem propulsare, victorémque se futurum existimare, si victus ipse non fuerit.

§ Iuuat autem ad animos militum in prælio acuendos, si clangor tubarum, tympanorúmque tumultus languentes exsuscitet animos, vt omnium gentium vsu passim fieri videmus. Nam canor ille Martius & segnibus vires sufficit, eámque concitat alacritatem, sine qua nec moliri arma, nec cum hoste configere milites possent. Idem de sublati clamoribus iudicium, qui truces, & inconditi ab ingenti exercitu sublati aduersarios terrent, commilitones in prælium incitant, discriminisque in quod se coniiciunt, obuersantem oculis speciem, recordationémque minuere consueuerunt. Fuit hoc Israëlitis familiare, de quibus legitur, *Exercitus egressus ad pugnam vociferatus erat in certamine, & eodem capite, Consurgentes viri Israël & Iuda vociferati sunt, & persecuti sunt Philistæos.* & Gedeon suis mandat: *Quando personuerit tuba in manu mea, vos quoque per castrorum circuitum clangite, & conclamate, Domino & Gedeoni.* Populus etiam cum misisset in Silo, & tulisset inde arcam fœderis Domini exercituum sedentis super Cherubim, venissetq; arca in castra, vociferatus est omnis Israël clamore grandi, & personuit terra: quæ vociferatio vt alacritatem addidit Israëlitis, ita terrorem incussit Philistæis, vt ex eadem discimus historia, in qua ita dicitur. *Timueruntq; Philistiim dicentes. Venit Deus in castra, & ingemuerunt dicentes, Vae nobis, non enim fuit tanta exultatio heri & nu-*

De tubis, tympanisq; militari- bus ad animos in prælia acuen- dos.

1. Reg. 17.

20.

Ibid. n. 32.

Iud. 7. 18.

1. Reg 4 4.

Ibid. n. 4.

936 *Institutio politica ex sacris Scripturis.*

diu tertius, & nobis. Omne sibi malum imminere præcipientes, & præsentia numinis, & aduersariorum alacritate, quam sublato ingenti illo clamore prodiderant.

*De fuga, 6
hostibus, &
persequen-
dis.*

Sed quia nonnunquam accidit, ut quantumuis Imperator diligenter cuncta circumspexerit, neque temere descenderit in aciem, quia tamen communis Mars est, nulloque suo, sed aliorum vitio fieri potest, ut exercitus prementibus aduersariis pedem referre cogatur, fugaque sibi consulere, ita dispositum militem habeat, ut non illi accidat, quod Assyriis euenisse legimus in libro

*Iudith 15.
4.*

Iudith. Et quoniam, inquit, Assyrii non adunati in fugam ibant precipites, filij autem Israël uno agmine persequentes debilitabant omnes, quos inuenire potuissent; quodque Dominus suis euenturum minitatur, si

*Leuit. 26.
27.*

à vera religione deflexerint; Corruent singuli super fratres suos: Curandum etiam est, ut si agmen aliquod, aut insidiis hostium interceptum, aut vi oppressum euadere non potuerit, aliis saltem consulatur, & in tutum adducantur: qua in re prudenter se gessit Iacob, qui cum timuisset ad-

Gen. 32.7.

uenientem Esau fratrem suum, Perterritus dimisit populum, qui secum erat; greges quoque, & oves, & boves, & camelos in duas turmas dicens. Si venerit Esau ad unam turmam, & percusserit eam, alia turma qua reliqua est saluabitur. Solet autem facili negotio cliuus aliquis, editusque locus fugam victorum tueri, eosque ab hostium impressione tutos red-

*Genes. 14.
10.*

derere. Sic Sodomorum Reges & Gomorrhæ, cum victi certamine fuissent; Qui remanserant, fugerunt ad montem: quemadmodum etiam Beniamitarum reliquæ in scopulis petrae Remmon, cum ingenti clade sunt ab Israëlitis attriti, ne penitus deleren-

tur

ur confederunt. Mœnibus autem vrbis alicuius quæ in proximo sit, sanè tutissimum est se includere, nisi verearis ne impetum hostium portis ac muris sustinere possis; tunc enim satius videtur per apertos elabi campos, donec te instantibus hostium mucronibus planè subduxeris. Cum venisset David in Ceilam qui prius per inania, & ingenti solitudine vasta loca fugiebat Saulis insidias, magnam concepit spem Saul illius capiendi; Tradidit, dicebat, eum Deus in manus meas, conclusus- 1. Reg. 23.
 que est introgressus urbem, in qua porta & sera sunt. Et 7.
 præcepit Saul omni populo, ut ad pugnam descenderet in Ceilam, & obsideret David & viros eius. Nec tamen qui alios fugientes persequuntur, omnia ruta debent arbitrari, nam redit etiam virtus victis in præcordia, & fuga fingitur, & dolo trahuntur aliquando per metus simulationem incauti milites instructas insidias, ut Benjamitis accidit, de quibus supra dictum est, qui cum Israëlém per vim cedere existimaret, paulatim progressi, deducti sunt ad eum locum, ubi paratis insidiis circumventi sunt, & oppressi. Itaque sibi Iud. 10. 32.
 melius Asael consulisset, si Abner quem persequeretur, consilium admisisset, qui ei dicebat, 2. Reg. 2.
Vade ad dexteram, siue ad sinistram, & apprehende unum de adolescentibus, & tolle tibi spolia eius. Noluit autem Asael omittere quin urgeret eum. Rursumque locutus Abner ad Asael, recede, noli me sequi, ut compellar fodere te in terram, & levare non potero faciem meam ad Ioab fratrem tuum; qui audire contempsit, & noluit declinare, percussit ergo eum Abner auersa hasta in inguine, & transfodit & mortuus est in eodem loco. 21.
 Cautè igitur armati prosequendi sunt, ne, ut dixi, aut in insidias deferaris libidine persequendi, aut
 N u n s dum

938 *Institutio politica ex sacris Scripturis.*

dum aliis exitium inferre cogitas, tibi ipsi maturius temeritate, quàm putauisses, accersas.

De obsidionibus.

*Iudith 7.
12.*

7. Quod si fuga elapsus Imperator obsidionem tolerare cogatur, duo inter cætera ab obsessis satagat obtinere. Primum est, vt animos non despondeant, & ad deditiõem facilius quàm par est, inclinent animos; quemadmodum videmus accidisse iis, qui Bethuliæ obsidebantur, vt narratur in historia Iudith, nam *Ad Oziam congregati omnes viri fœminaque, iuuenes, & paruuli, omnes simul vna voce dixerunt. Iudicet Deus inter nos, & te, quoniam fecisti in nos mala, nolens loqui pacificè cum Assyrijs, & propter hoc vendidit nos Deus in manibus eorum, & ideo non est qui adiuet cum prosternamur ante oculos eorum in siti, & perditione magna. Et nunc congregate vniuersos, qui in ciuitate sunt, vt sponte tradamus nos omnes populo Holophernis; melius est enim, vt captiui benedicamus Dominum viuentes, quàm moriamur, & simus opprobrium omni carni, cum viderimus uxores nostras, & infantes nostros, mori ante oculos nostros. Contestamur hodie cælum & terram, & Deum Patrum nostrorum, qui vlcisitur nos secundum peccata nostra, vt iam tradatis ciuitatem in manu militiae Holophernis, & sit finis noster breuis in ore gladij, qui longior efficitur in ariditate sitis; & cum hæc dixissent factus est fletus, & ululatus magnus in Ecclesia ab omnibus. Tales quiritationes, lacrymæ, obsessorumque studia esse solent, contra quæ non minus fortipectore opus est, quàm blanda comitate, quibus partim mulceatur exasperatus animus, perpessione malorum, partim deditiõis consilia constanter disturbentur. Alterum est, vt incommoda tollerare patienter assuescant, pro defendenda domo, patria, liberis, ipsaque vita, qua nihil charius*

rius habere possumus. Hoc in Bethulix populo desiderari poterat, ut scilicet spe fortunæ melioris in Domino collocata, patientius sitim ferrent, aliaque obsidionis incômoda. Hoc ut facilius assequatur Imperator, in ipso obsidionis exordio cōstituat dispensatores, qui commeatum, & cibaria omnia parcè distribuat, ne, si cōtingat obsidionem in longū produci, necessariis vitæ subsidiis destituti, fame compellatur eas ab hoste condiciones accipere, quas illi armis exprimere non potuerunt. De cisternis Bethulix deficientibus ita dicitur in Iudith historia. *Defecerunt cisterna, & collectiones aquarum omnibus habitantibus Bethuliam, ita ut non esset intra ciuitatem, unde satiarentur vel una die, quoniam ad mensuram dabatur populis aqua quotidie. Quod in cæteris etiam rebus, quæ usu consumuntur seruandum esse, cum par ingruerit necessitas, nemo non videt.*

Iudith 7.
11.

8 Cæterum, quia obsidionem tolerantes in ipsis etiam initiis quædam deficere solent, quia nimirum, quamuis intenta cura, sollicitaque animi prouisio adhibeatur, vix ita prospici potest, ut tantus frumenti numerus, aliarumque rerum ad victum necessariarum copia importetur in ciuitates, aut arces, ut diuturno tempore nihil desideretur: curandum est diligenter, ut huic occurratur incommodo, ne postea mœnibus inclusi ad vltimam usque penuriam compulsi, leniendæ famis gratia, non equos tantum, & asinos, sed fœdiora etiam animalia, aut pelles, & lora feruenti aqua macerata, & resoluta, quod aliquando accidisse legimus in veterum historiis, mandere cogantur. Cuius calamitatis luculentum habemus exemplum in Regum historia. Nam cum Benadad

De annona in urbem, qua obsidionem timet, importanda.

4. Reg. 6.
25.

Ecclef. 25.
22.

Deut. 28.
53.

Ezech. 5.
10.

dad Syriæ Rex Samariam obsideret, *Facta est fames magna in Samaria, & tandiu obsessa, donec venundaretur caput asini octoginta argenteis, & quarta pars cibi stercoris columbarum, quinque argenteis.* Putat Lyranus cum dicitur, *Caput asini*, totum animal significari, quæ vsitata est vernaculæ linguæ phrasis, & etiam latinæ, vt cum dicitur censu tot milia capita ciuium esse numerata: quo dicendi schemate vititur etiam Ecclesiasticus, *Non est caput nequius super caput colubri, & non est ira super iram mulieris.* Verùm probabilius censeo cum aliis interpretibus, ita locum intelligendum vt verba sonant; vt scilicet eo truculentæ famis amarissimis legibus redacti essent Samaritæ, vt asini caput à cetero corpore reuulsum octoginta argenteis venderetur. Argumento autem est, quod neque à columbino stercore obscæna fames abstinit, imò, quod est maximè miserandum, nec à propriis liberis, quos matres ad vsum nefariæ dapis conuertere non dubitarunt, & pro infelicibus cadauerum reliquiis coram Rege litigare, vt eodem capite legimus, locum Moïsis vaticinio facientes, qui ita comminatus fuerat genti suæ, si Diuinas leges violare fuissent ausi. *Comedes fructum uteri tui, & carnes filiorum tuorum, & filiarum tuarum;* & Ezechielis tristi prædictione tanto postea denuntiantis. *Patres comedent filios in medio tui, & filij comedent patres suos.* Partes ergo prudentis Principis aut Ducis sunt, mala ista quantum fieri poterit, anteuertere, & annonam cum suppetit, largiter in vrbes inducere, vt si circumiectam regionem penuria incesserit, qui obsidentur non solum vitam tolerare, sed arma etiam pro defensione patriæ fortiter, & animosè tractare possint.

9 Tandem cum res ipsa per se loquatur, necesse fortè non fuerit monere eos qui obsidione cinguntur, vt cum fœderatis, & suarum partium Principibus aut Ducibus gentis suæ, qui prope absunt, & suppetias ferre possunt, nuntiorum, aut litterarum communione hostium progressiones, consilia, conatus, cognoscere studeant: & vicissim quibus ipsi premantur incommodis, & quibus rebus opus habent, aperiant, vltro, citroque destinatis nuntiis, habitu dissimulato, aliâve necessaria cautione adhibita, ne intercipientur, litterisque eo artificio exaratis, vt si in hostium manus eas deferri cõtingat, intelligi non possint. Huius rei nonnulla excogitari & vsurpari solent artificia, vt cum cartæ circa virgam aliquam certæ mensuræ, quæ apud vtrosque sit, qui illis vti necesse habuerint ita complicantur, coniunguntur, & per extremas margines committuntur, vt cum fuerint inscriptæ, & dein explicatæ, & arcanae illius rationis expertibus litteræ truncæ, & mutilæ appareant, membraque earum & apices in partes diuersissimas spargantur: gnaris verò secretioris illius modi, & circa æqualem rudem, quam apud se habent rursus complicantibus, ita concinnè coalescant, & coëant, vt integras incorruptasque epistolas, & quæ nullo negotio legi possint exhibeant. Alij litterarum ordinem mutant, aut aliis elementis pro aliis vtuntur, v.g.B. pro A.D. pro C. vsurpando, aut etiam aliquo alio caractere in ordine alphabetico longius disto. Hunc autem modum secreta regendi quæ Scripturæ committuntur, veteribus Hebræis non omnino inusitatum puto, eiusque in Ieremia vestigium aliquod reperio, si D. Hieronymo, aliisque

*De arcanis
litteris,
quas cifras
vocat, vltro
citroque
mittendū.*

Ierem. 25.
27.

que grauissimis eius prophetiæ interpretibus credimus, qui cum cap. vigesimo quinto Sefac nominatur, putant hypobolimæas esse litteras illas, & pro aliis substitutas, hoc ordine, vt scilicet loco primæ alphabeti, vltima ponatur, loco secundæ penultima, & sic deinceps, qua ratione seruata cum Propheta reuera בבל Babel dicere vellet ששפ Sefac tamen dixit per anagrammatismum, idque eo consilio fecisse creditur, vt Chaldæorum qui tunc dominabantur, offensionem euitaret. Siue ergo ratio hæc placeat, siue alia opportunior, nemo non intelligit esse frequenter necessarium, aliqua arte conari vigilem hostium pro vallo excubantium obsidionem eludere, vt quæ nuntianda sunt, aut cognoscenda litteris exarata fidelibus vltro citroque commeari possint.

*De victoria, & illius usu, victo-
rumque præmiis, triumphis,
& trophæis.*

C A P V T XVI.

Pro victo-
ria Deo
gratias a-
gendas esse.
1. Reg 15.
29.

1 **L**ibrum hunc, & opus etiam totum claudunt paucula quædam præcepta ad victoriam, eiusque usum spectantia. Si ergo Dominus, qui *Triumphator* à Samuele dicitur, hoc est victoriarum & triumphorum largitor, victoriam de hostibus concesserit, par est Deo gratias ingentes agere, cuius beneficio non solum nostra agmina conseruata sunt, sed etiam tributum, vt hostium

exer

exercitus funderetur. Quod sedulò fecisse videtur viros fortissimos æquè ac sanctissimos Melchisedech & Moſen. Nam ille quidem sacrificium obtulit in gratiarum actionem pro reportata victoria de Chodorlahomor Rege Elamitarum, & cederatis Regibus vt habemus in Genesi his vers. *At verò Melchisedech Rex Salem proferens panem* Genes. 14.
vinum, erat enim Sacerdos Dei altissimi, benedixit 18.
& ait. Benedictus Abram Deo excelsò, qui creauit
lum & terram, & benedictus Deus excelsus, quo
regente hostes in manibus tuis sunt. Moſes verò
 in vidisset *Ægyptios mortuos, super litus maris,*
magnam manum, quam exercuerat contra eos Do-
nus. Tunc cecinit Moſes, & filij Israël carmen hoc Exod. 13.
omino, & dixerunt. Cantemus Domino, gloriosè enim 31.
significatus est, equum & ascensorem deiecit in mare.
ritudo mea, & laus mea Dominus, & factus est Exod. 14.
hi in salutem, iste Deus meus, & glorificabo eum: 1.
us Patris mei, & exaltabo eum. & quæ sequuntur.
 æ omnia præclara sunt, qualia nimirum de-
 it virum diuino spiritu afflatum, quique bene-
 j, quo fuerat affectus, & periculi vnde ereptus,
 gnitudinem præclarè cognosceret. Est autem
 toriæ cursus ferè sistendus cum nocte ipsa, ne
 occasionem tenebrarum aut insidiis, aut alia
 one exercitus periclitetur; Dauid tamen Ama-
 ras, qui Siceleg ciuitatem, in qua cum suis
 id habitabat inuadere, & prædis abactis diri-
 e veriti non sunt; *Percussit eos à vespere vsque* 1. Reg. 30.
vesperam alterius diei. prouectus fortasse deside- 17.
 vindicandi iniuriam suis illatam, qui domo
 ant abducti, tectis ciuitatis inflammatis, di-
 s, direptis, vt mirum non sit si in gentiles,
 liticique nominis hostes, indignatione iusta
 Dauid

uasisset, prudens consilium fuisset, si citius claudi iussisset, quàm cum pacata circum erant omnia, nullusque hostis qui pacem turbaret, timeretur.

*Monita quedam ad pugnam
spectantia.*

C A P V T X V.

*In aggre-
diendis ho-
stibus loci
temporisq;
opportuni-
tatem ca-
piendam.
Prou. 10.
Prou. 24.*

Q Vandoquidem bella non viribus tantùm corporis geruntur, sed multo magis prudentia, & consilio, ut docet Salomon, cuius illa sunt verba. *Cogitationes roborantur consilijs, & gubernaculis tractanda sunt bella.* Et alibi. *Vir sapiens fortis est, & vir doctus robustus & validus. quia cum dispositione initur bellum, & erit salus, ubi multa consilia sunt.* Si fuerit cum hoste confligendum, diligenter omnia circumspicere debet Imperator, ut si aliquam rei bene gerendæ occasionem à loco, à tempore, aliavè circumstantia captare possit, eam præterlabi non sinat: fieri enim potest, & vero non semel usu venit, ut qui alioqui militum numero, & robore pares non erant, industria, & consilio militari etiam superiores evaserint. Sic Abraham cum Lothi cognati sui, tum Sodomitarum, amicorum, & vicinorum clade commotus, cum se sublsque ad opem ferendam expediuisset, *Numerauit expeditos vernaculos suos trecentos decem & octo, & persecutus est eos usque Dan, & diuisis socijs irruit super eos nocte, percussisq; eos.* Quod sanè factum, militarem Abrahami prudentiam commendat; etenim di-
uisis

*Genes. 14.
14.*

uisis copiis, ex multis diuersisque partibus in eos impetum faciendo, terrorem maiorem incussit, speciẽmque exhibuit ingentis exercitus, quo omni ex parte se putarent circumfissi, adẽdẽ vt nullus ad fugam aditus pateret. Quæ res adẽdẽ consternauit hostium animos, vt quisque fuga se periculo studeret eripere. Sic etiam Iosue urbem Ierico expugnaturus non ab vna tantum parte copias admouit, sed exercitu in agmina diuiso, cum vociferatio militum, clangorque tubarum increpauisset, diuinẽque miraculo muri corruissent, illicõque ciuitas ad prædam nudata mœnibus apparuisset; *Ingressi sunt singuli per locum contra quem steterant.* Eodem consilio cum Haitas expugnaret vsus est, copiisque diuisis quosdam in insidiis collocauit, alios aperto Marte ad pugnam eduxit; sic tandem Abimelech de quo legimus in Iudicum historia. *Abimelech tulit exercitum suum, & diuisit in tres turmas, tendens insidias in agris, vidensq; quod egrederetur populus de ciuitate, surrexit, & irruit in eos cum cuneo suo, oppugnans, & obsidens ciuitatem, duæ autem turmæ palantes per campum aduersarios persequabantur. Porro Abimelech omni die illo oppugnabat urbem, quam cepit interfectis habitatoribus eius, ipsaq; destructa, ita vt sal in ea dispergeret.*

Ios. 6. 5.

Ios. 8. 4.

Iud. 9. 43.

2 Opportunum etiam tempus Abram elegit, nocturnum scilicet; nam noctis silentio parui motus, ingentes & horribiles videntur; nec satis cognosci potest paruane sit, an magna hostium manus, omniãque repentina, & quæ magis re ipsa sentiuntur, quàm animi aut sensuum prænotione, vehementius animos hominum commouent, atque perturbant; animo verò perturbato, paruæ etiam res magnæ videntur, & horribiles. Præterquam

An nocturno tempore aggredi hostem expediat.

quam quòd nocturno tempore sopitis, & vino languidis, inermibus etiam, nullòque ordine dispositis cladem inferre non admodum difficile videtur, quo etiam stratagemate Gedeon Madianitarum copias ingentes, trecentorum dumtaxat militum armis pessumdedit, quamquam ingenti miraculo, suo Duci Deus tam luculentam victoriam de tanta hostium multitudine largitus est. Simile Gorgiæ consilium, dissimili tamen euentu.

1. Mach. 4.
1.

Nam, ut dicitur in Machabeorum historia. *Assumpsit Gorgias quinque millia virorum, & mille equites electos, & mouerunt castra nocte, ut applicarent ad castra Iudaorum, & percuterent eos subito, & filij qui erant ex arce, erant illis Duces.* Sic tandem Iosue quinque Regibus Amorrhæis in vnum collectis, repentinus superuenit, eosque plaga magna contriuit.

Ios. 10. 9.

Irruit itaque Iosue, inquit Scriptura, super eos repente tota nocte ascendens de Galgalis.

3 Vtile etiam est, cum hostibus bello decerne-

*Cum hostibus confli-
gendū cum
aliqua oc-
casione aut
animis sūt
cōsternati,
aut fracti
viribus.*

re, cum animis consternati sunt, aut corporibus imbecilliores. Nam & metus alacritatem frangit, & fames continensque labor vires atterit, corporaque debilitat, ut conferendo certamini parum idopei reddantur. Bonum victoriæ consequendæ omen esse putauit Gedeon, cum somnio territum militem, cum socio sermones miscentem audiuit hordeacei panis nocturnum, visum commemorantem, quo impellente Madianitarum tentoria concidissent. Nec eum fefellit coniectura; quemadmodum enim gregario illi militi, diuinitus immisso viso quod futurum erat significauit Dominus, ita planè factum est terrore cunctis iniecto, quoad clangore buccinarum Gedeonis, adèd conterriti sunt, ut nullus auderet resistere,

stere, sed omnes effusam fugam, in qua funditus ceciderunt, occuparent. Simeon etiam & Leni Iud 7. 13. ciuitatem Sichem filij Hemor armis aggressi sunt die tertio postquam circumcisione fuerant consignati, cum scilicet dolor acerbissimus vulnerum esse solet, tantæque in languentes corporum debilitate, cæde debacchari sunt, vt omnes masculos delerent, urbem popularentur, in greges etiam & armenta sæuirent, paruulos & mulieres captiuos abducerent, quæ in domibus, quæque in agris occurrebant, eodem impetu vastantes; nec vllus fuit qui à patriis tectis tãtam cladem posset auertere, quod nimirum dolor ad arma tractanda reddidisset ineptos.

4 Sed quærat fortasse aliquis vtilius ne sit, cum bellum gerendum est, hostium aduentantium impetum domi præstolari, an exercitu expedito in eorundem fines irrumperere, eosque anteuertendo, quam vastitatem nobis meditabãtur eorum agris oppidisque vltro inferre. Ac sanè vim externam propulsantes eam commoditatem habent, quod suæ ipsorum regionis bene periti, non mons, non vallis, non fluminis vadum, non occultus ad commeandum trames, non viarum latent compendia, quæ locorum experientia maximas auertit clades, victoriâsque luculentas conciliauit. Rursus commeatus vberior, sponteque suppeditatur, non enim vi extorquetur ab inuitis, sed ab amicis vltro conuehitur. Militum etiam animi alacriores, quippe qui pro aris, & focis, pro vxoribus, liberisque charissimis, pro templis & patria, tandem pro se ipsis se pugnaturos intelligunt, non autem expedire arma pro gloria dumtaxat Principis sui augenda, quem temeritas ad bella

Genes 34.
35.

*An ergo
claudis sint
hostes in-
tra regni,
an vltro in
eorum, f. s.
irrumpen-
dum.*

mouenda, suorumque sanguine parandum nomen impellat. Contra verò si in alienos fines ipse transilias, tuam regionem ab hostilibus populationibus damnisque propemodum innumeris vindicas, hostiumque vires minuis, atque debilitas; quare aliquibus magis placuisse video consilium hoc, ut occuparent ipsi in hostem transire, ut Schon Rex Amorrhæorum, qui cum suis finibus Israëlitas arcuisset, nec ullis conditionibus acquiescere voluisset, ut per suas regiones inceptum iter continuarent, *Exercitu congregato egressus est obviam in desertum.* David etiam cum primum cognovit Philistæos bellum parare, non illos intra Regni fines expectandos duxit, sed potius illis occurrendum; quod etiam fecisse Ioas

Num. 21.

23.

2. Reg. 5.

17.

4. Reg. 14.

11.

Luc. 14. 31.

Regem Israël legimus, cum Amasias Iudæ Rex contractis copiis arma moueret. Et idem videtur indicari in Evangelica illa parabola quæ est apud D. Lucam, Regis nimirum euntis committere bellum aduersus alium Regem, in qua particulæ illæ, *Iturus committere bellum, & cum decem millibus occurrere*, Regis illius qui ibi describitur consilium videtur ostendere, non segniter domi desidendo hostem intra suos fines opperientis, sed vtrò in eius occursum cum armato milite procedentis. Sed huic dubitationi ita censeo respondendum esse, ut si Princeps pacatum habet regnum, & ab seditionibus, discordiisque civilibus tutum, ita ut cum è finibus ipse pedem extulerit, nulli motus timeantur, iustumque exercitum cogere possit, quo viribus non impar, aduenientibus hostibus censeatur, satius est belli incommoda in aduersarium conuertere, quàm agrum tuum hostibus relinquere ferro, ignique vastandum. At si

Princi

Principis externa expeditio res domi incompositas relictura est, si seditiones, intestinique tumultus, meritò formidari possunt, ne ancipiti malo prematur Respublica, melius erit fines suos tueri, vim ingruentem propulsare, victoremque se futurum existimare, si victus ipse non fuerit.

§ Iuuat autem ad animos militum in prælio acuendos, si clangor tubarum, tympanorumque tumultus languentes exsuscitet animos, ut omnium gentium usu passim fieri videmus. Nam canor ille Martius & segnibus vires sufficit, eamque concitat alacritatem, sine qua nec moliri arma, nec cum hoste configere milites possent. Idem de sublati clamoribus iudicium, qui truces, & inconditi ab ingenti exercitu sublati aduersarios terrent, commilitones in prælium incitant, discriminisque in quod se coniiciunt, obuersantem oculis speciem, recordationemque minuere consueuerunt. Fuit hoc Israëlitis familiare, de quibus legimus, *Exercitus egressus ad pugnam vociferatus erat in certamine, & eodem capite, Consurgentes viri Israël & Iuda vociferati sunt, & persecuti sunt Philistæos.* & Gedeon suis mandat: *Quando personuerit tuba in manu mea, vos quoque per castrorum circuitum clangite, & conclamate, Domino & Gedeoni. Populus enim cum misisset in Silo, & tulisset inde arcam fœderis Domini exercituum sedentis super Cherubim, venissetq; arca in castra, vociferatus est omnis Israël clamore grandi, & personuit terra: quæ vociferatio ut alacritatem addidit Israëlitis, ita terrorem incussit Philistæis, ut ex eadem discimus historia, in qua ita dicitur. Timueruntq; Philistiim dicentes. Venit Deus in castra, & ingemuerunt dicentes; Vae nobis, non enim fuit tanta exultatio heri & nu-*

De tubis, tympanisq; militari-bus ad animos in prælia acuen-dos.

1. Reg. 17.

20.

Ibid. n. 31.

Iud. 7. 18.

1. Reg 4 4.

Ibid. n. 4.

diu ierimus, va nobis. Omne sibi malum imminere præcipientes, & præsentia numinis, & aduersariorum alacritate, quam sublato ingenti illo clamore prodiderant.

- De fuga, hostibusq; persequenda.* 6 Sed quia nonnunquam accidit, vt quantumuis Imperator diligenter cuncta circumspexerit, neq; temere descenderit in aciem, quia tamen communis Mars est, nullóque suo, sed aliorum vitio fieri potest, vt exercitus prementibus aduersariis pedem referre cogatur, fugáque sibi consulere, ita dispositum militem habeat, vt non illi accidat, quod Assyriis euenisse legimus in libro
- Iudith 15. 4.* *Iudith. Et quoniam, inquit, Assyrii non adunati in fugam ibant præcipites, filij autem Israël uno agmine persequentes debilitabant omnes, quos inuenire potuissent; quódque Dominus suis euenturum minitatur, si*
- Leuit. 26. 27.* *à vera religione deflexerint; Corruent singuli super fratres suos: Curandum etiam est, vt si agmen aliquod, aut insidiis hostium interceptum, aut vi oppressum euadere non potuerit, aliis saltem consulatur, & in tutum adducantur: qua in re prudenter se gessit Iacob, qui cum timuisset aduenientem Esau fratrem suum, Perterritus dimisit*
- Gen. 32. 7.* *populum, qui secum erat; greges quoque, & oves, & boves, & camelos in duas turmas dicens. Si venerit Esau ad unam turmam, & percusserit eam, alia turma que reliqua est saluabitur. Solet autem facili negotio cliuus aliquis, editusque locus fugam victorum tueri, eosque ab hostium impressione tutos reddere. Sic Sodomorum Reges & Gomorrhæ, cum*
- Genes. 14. 10.* *victi certamine fuissent; Qui remanserant, fugerunt ad montem: quemadmodum etiam Benjamitarum reliquæ in scopulis petra Remmon, cum ingenti clade sunt ab Israëlitis attriti, ne penitus delerentur*

tur

tur confederunt. Mœnibus autem vrbis alicuius quæ in proximo sit, sanè tutissimum est se includere, nisi verearis ne impetum hostium portis ac muris sustinere possis; tunc enim satius videtur per apertos elabi campos, donec te instantibus hostium mucronibus planè subduxeris. Cum venisset David in Ceilam qui prius per inania, & ingenti solitudine vasta loca fugiebat Saulis insidias, magnam concepit spem Saul illius capiendi; Tradidit, dicebat, eum Deus in manus meas, conclusus-
que est introgressus urbem, in qua porta & sera sunt. Et præcepit Saul omni populo, ut ad pugnam descenderet in Ceilam, & obsideret David & viros eius. Nec tamen qui alios fugientes persequuntur, omnia tuta debent arbitrari, nam redit etiam virtus victis in præcordia, & fuga fingitur, & dolo trahuntur aliquando per metus simulationem incauti milites instructas insidias, ut Benjamitis accidit, de quibus supra dictum est, qui cum Israëlèim per vim cedere existimaret, paulatim progressi, deducti sunt ad eum locum, ubi paratis insidiis circumuerti sunt, & oppressi. Itaque sibi melius Asael consulisset, si Abner quem persequabatur, consilium admisisset, qui ei dicebat, *Vade ad dexteram, siue ad sinistram, & apprehende unum de adolescentibus, & tolle tibi spolia eius.* Noluit autem Asael omittere quin vrgeret eum. Rursumque locutus Abner ad Asael, *recede, noli me sequi, ut compellar fodere te in terram, & leuare non potero faciem meam ad Ioab fratrem tuum; qui audire contempsit, & noluit declinare, percussit ergo eum Abner auersa hasta in inguine, & transfodit & mortuus est in eodem loco.* Cautè igitur armati prosequendi sunt, ne, ut dixi, aut in insidias deferaris libidine persequendi, aut

1. Reg. 23.

7.

Iud. 20. 32.

2. Reg. 2.

21.

dum aliis exitium inferre cogitas, tibi ipsi maturius temeritate, quàm putauisses, accersas.

7 Quod si fuga elapsus Imperator obsidionem tolerare cogatur, duo inter cætera ab obseſſis ſatagat obtinere. Primum eſt, vt animos non deſpondeant, & ad deditiõnem facilius quàm par eſt, inclinent animos; quemadmodum videmus accidisse iis, qui Berthuliæ obſidebantur, vt narratur in hiſtoria Iudith, nam *Ad Oziam congregati omnes viri fœminaque, iuuenes, & paruuli, omnes ſimul vna voce dixerunt. Iudicet Deus inter nos, & te, quoniam feciſti in nos mala, nolens loqui pacificè cum Aſſyrijs, & propter hoc vendidit nos Deus in manibus eorum, & ideo non eſt qui adiuet cum proſternamur ante oculos eorum in ſiti, & perditione magna. Et nunc congregate vniuerſos, qui in ciuitate ſunt, vt ſponte tradamus nos omnes populo Holophernis; melius eſt enim, vt captiui benedicamus Dominum viuentes, quàm moriamur, & ſimus opprobrium omni carni, cum viderimus uxores noſtras, & infantes noſtros, mori ante oculos noſtros. Conteſtamur hodie cœlum & terram, & Deum Patrum noſtrorum, qui ulciſcitur nos ſecundum peccata noſtra, vt iam tradatis ciuitatem in manu militia Holophernis, & ſit ſinis noſter breuis in ore gladij, qui longior efficitur in ariditate ſitis; & cum hæc dixiſſent factus eſt ſletus, & ululatus magnus in Eccleſia ab omnibus. Tales queritationes, lacrymæ, obſeſſorũque ſtudia eſſe ſolent, contra quæ non minus foripectore opus eſt, quàm blanda comitate, quibus partim mulceatur exaſperatus animus, perpeſſione malorum, partim deditiõis conſilia conſtanter diſturbentur. Alterum eſt, vt incommoda tolerare patienter aſſueſcant, pro defendenda domo, patria, liberis, ipſaque vita, qua nihil cha-*
rius

De obſidionibus.

Iudith 7.
12.

rius habere possumus. Hoc in Bethulix populo desiderari poterat, ut scilicet spe fortunæ melioris in Domino collocata, patientius sitim ferrent, aliaque obsidionis incômoda. Hoc ut facilius assequatur Imperator, in ipso obsidionis exordio cōstituat dispensatores, qui commeatum, & cibaria omnia parcè distribuat, ne, si cōtingat obsidionem in longū produci, necessariis vitæ subsidiis destituti, fame compellatur eas ab hoste conditiones accipere, quas illi armis exprimere non potuerunt. De cisternis Bethulix deficientibus ita dicitur in Iudith historia. *Defecerunt cisterna, & collectiones aquarum omnibus habitantibus Bethuliam, ita ut non esset intra ciuitatem, unde satiarentur vel una die, quoniam ad mensuram dabatur populus aqua quotidie. Quod in cæteris etiam rebus, quæ usu consumuntur seruandum esse, cum par ingruerit necessitas, nemo non videt.*

Iudith 7.
11.

8 Cæterum, quia obsidionem tolerantes in ipsis etiam initiis quædam deficere solent, quia nimirum, quamuis intenta cura, sollicitaque animi prouisio adhibeatur, vix ita prospici potest, ut tantus frumenti numerus, aliarumque rerum ad victum necessariarum copia importetur in ciuitates, aut arces, ut diuturno tempore nihil desideretur: curandum est diligenter, ut huic occurratur incommodo, ne postea mœnibus inclusi ad ultimam usque penuriam compulsi, leniendæ famis gratia, non equos tantum, & asinos, sed fœdiora etiam animalia, aut pelles, & lora feruenti aqua macerata, & resoluta, quod aliquando accidisse legimus in veterum historiis, mandere cogantur. Cuius calamitatis luculentum habemus exemplum in Regum historia. Nam cum Benadad

De annonæ in urbem, quæ obsidionem timet, importanda.

4. Reg. 6.
25.

dad Syriæ Rex Samariam obsideret, *Facta est fames magna in Samaria, & tandiu obfessa, donec venundaretur caput asini octoginta argenteis, & quarta pars cabi stercoreis columbarum, quinque argenteis.* Putat Lyranus cum dicitur, *Caput asini*, totum animal significari, quæ vsitata est vernaculæ linguæ phrasis, & etiam latinæ, ut cum dicitur censu tot millia capita ciuium esse numerata: quo dicendi

Ecclef. 25.
22.

schemate vritur etiam Ecclesiasticus, *Non est caput nequius super caput colubri, & non est ira super iram mulieris.* Verùm probabilius censeo cum aliis interpretibus, ita locum intelligendum ut verba sonant; ut scilicet eo truculentæ famis amarissimis legibus redacti essent Samaritæ, ut asini caput à cetero corpore reuulsum octoginta argenteis venderetur. Argumento autem est, quod neque à columbino stercore obscæna fames abstinit, imò, quod est maximè miserandum, nec à propriis liberis, quos matres ad vsum nefariæ dapis conuertere non dubitarunt, & pro infelibus cadauerum reliquiis coram Rege litigare, ut eodem capite legimus, locum Moysis vaticinio facientes, qui ita comminatus fuerat genti suæ, si Diuinas leges violare fuissent ausi. *Comedes fructum uteri tui, & carnes filiorum tuorum, & filiarum tuarum;* & Ezechielis tristi prædictione tanto postea denuntiantis. *Patres comedent filios in medio tui, & filij comedent patres suos.* Partes ergo prudentis Principis aut Ducis sunt, mala ista quantum fieri poterit, anteuertere, & annonam cum suppetit, largiter in vrbes inducere, ut si circumiectam regionem penuria inceserit, qui obsidentur non solum vitam tolerare, sed arma etiam pro defensione patriæ fortiter, & animosè tractare possint.

Deut. 28.
53.

Ezech. 5.
10.

9 Tandem cum res ipsa per se loquatur, necesse fortè non fuerit monere eos qui obsidione cinguntur, vt cum fœderatis, & suarum partium Principibus aut Ducibus gentis, suæ, qui prope absunt, & suppetias ferre possunt, nuntiorum, aut litterarum communione hostium progressiones, consilia, conatus, cognoscere studeant: & vicissim quibus ipsi premantur incommodis, & quibus rebus opus habent, aperiant, vltro, citroque destinatis nuntiis, habitu dissimulato, aliâve necessaria cautione adhibita, ne intercipientur, litterisque eo artificio exaratis, vt si in hostium manus eas deferri cōtingat, intelligi non possint. Huius rei nonnulla excogitari & vsurpari solent artificia, vt cum cartæ circa virgam aliquam certæ mensuræ, quæ apud vtrosque sit, qui illis vti necesse habuerint ita complicantur, coniunguntur, & per extremas margines committuntur, vt cum fuerint inscriptæ, & dein explicatæ, & arcana illius rationis expertibus litteræ truncæ, & mutilæ appareant, membraque earum & apices in partes diuersissimas spargantur: gnaris verò secretioris illius modi, & circa æqualem rudem, quam apud se habent rursus complicantibus, ita concinnè coalescant, & coëant, vt integras incorruptasque epistolas, & quæ nullo negotio legi possint exhibeant. Alij litterarum ordinem mutant, aut aliis elementis pro aliis vtuntur, v.g.B. pro A.D. pro C. vsurpando, aut etiam aliquo alio charactere in ordine alphabetico longius diffuso. Hunc autem modum secreta regendi quæ Scripturæ committuntur, veteribus Hebræis non omnino inusitatum puto, eiusque in Ieremia vestigium aliquod reperio, si D. Hieronymo, aliis-

que

*De arcana
litteris,
quas cifras
vocat, vltro
citroque
mittendis.*

Jerem. 25.
27.

que grauissimis eius prophetiæ interpretibus credimus, qui cum cap. vigesimo quinto Sefac nominatur, putant hypobolimæas esse litteras illas, & pro aliis substitutas, hoc ordine, vt scilicet loco primæ alphabeti, vltima ponatur, loco secundæ penultima, & sic deinceps, qua ratione seruata cum Propheta reuera בבל Babel dicere vellet שש Sefac tamen dixit per anagrammatismum, idque eo consilio fecisse creditur, vt Chaldæorum qui tunc dominabantur, offensionem euitaret. Siue ergo ratio hæc placeat, siue alia opportunior, nemo non intelligit esse frequenter necessarium, aliqua arte conari vigilem hostium pro vallo excubantium obsidionem eludere, vt quæ nuntianda sunt, aut cognoscenda litteris exarata fidelibus vltro citroque commeare possint.

*De victoria, & illius usu, victo-
rumque premiis, triumphis,
& trophæis.*

C A P V T XVI.

Pro victo-
ria Deo
gratias a-
gendas esse.
1. Reg 15.
29.

I **L**ibrum hunc, & opus etiam totum claudent paucula quædam præcepta ad victoriam, eiusque usum spectantia. Si ergo Dominus, qui *Triumphator* à Samuele dicitur, hoc est victoriarum & triumphorum largitor, victoriam de hostibus concesserit, par est Deo gratias ingentes agere, cuius beneficio non solum nostra agmina conseruata sunt, sed etiam tributum, vt hostium

exer

exercitus funderetur. Quod sedulò fecisse videmus viros fortissimos æquè ac sanctissimos Melchisedech & Mosen. Nam ille quidem sacrificium obtulit in gratiarum actionem pro reportata victoria de Chodorlahomor Rege Elamitarum, & fœderatis Regibus vt habemus in Genesi his verbis. *At verò Melchisedech Rex Salem proferens panem & vinum, erat enim Sacerdos Dei altissimi, benedixit ei, & ait. Benedictus Abram Deo excelsò, qui creauit cælum & terram, & benedictus Deus excelsus, quo protegente hostes in manibus tuis sunt.* Moses verò cum vidisset *Egyptios mortuos, super litus maris, & magnam manum, quam exercuerat contra eos. Dominus. Tunc cecinit Moses, & filij Israël carmen hoc Domino, & dixerunt. Cantemus Domino, gloriosè enim magnificatus est, equum & ascensorem deiecit in mare. Fortitudo mea, & laus mea Dominus, & factus est mihi in salutem, iste Deus meus, & glorificabo eum: Deus Patris mei, & exaltabo eum. & quæ sequuntur. Quæ omnia præclara sunt, qualia nimirum decent virum diuino spiritu afflatum, quique beneficij, quo fuerat affectus, & periculi vnde ereptus, magnitudinem præclare cognosceret. Est autem victoriæ cursus ferè sistendus cum nocte ipsa, ne per occasionem tenebrarum aut insidiis, aut alia ratione exercitus periclitetur; Dauid tamen Amalecitas, qui Siceleg ciuitatem, in qua cum suis Dauid habitabat inuadere, & prædis abactis diripere veriti non sunt; Percussit eos à vespere vsque ad vespèram alterius diei. prouectus fortasse desiderio vindicandi iniuriam suis illatam, qui domo fuerant abducti, tectis ciuitatis inflammatis, dirutis, direptis, vt mirum non sit si in gentiles, Israëliticique nominis hostes, indignatione iusta*

Dauid

Genes. 14.

18.

Exod. 13.

31.

Exod. 14.

1.

1. Reg. 30.

17.

Dauid excanduerit. Cæterum cum hostes non resistunt, sed victoribus cedunt, à cæde, & sanguine temperandum esse, sensus ipse humanitatis persuadet, quod cum in omni bello locum habeat potissimum, tamen verum est in ciuili, cum par sit suis potissimum parcere belli Ducem, quos gentis eiusdem communione aut ciuitatis attingit. Cum Abner Dux quorundam Saul cum suis conuersus esset in fugam, victoriamque secutus Ioab fugientes vrgeret: *Exclamauit Abner ad Ioab, & ait. Nunquid vsque ad internecionem tuus mucro desaniet? An ignoras quod periculosa sit desperatio? Vsquequo non dicis populo, ut omittat persequi fratres suos?* & ait Ioab. *Vniuit Dominus, si locutus fuisses manè, recessisset populus persequens fratrem suum; Insonuit ergo Ioab buccina, & stetit omnis exercitus, nec persecuti sunt ultra Israël, neque inière certamen.*

2 Porro non hominibus tantum parcendum est, sed molibus etiam ædificiorum, quæ tibi, tuisque vsui futuræ sunt, pecoribus, arboribusque, quæ succidenda non sunt, aut incendenda; nam præterquam quod in ea sæuire, quæ nullo modo resistunt, aut iniuriam non fecerunt, & ratione etiam carent, barbari furoris est, damnum etiam sibi inferunt, qui talia designant, cum post victoriam non res alienas, sed suas igni ferroque concumpant. Itaque Dominus, qui Chananaeorum populos, ex Israëlitis deleri voluerat, ne illorum sceleribus aut idololatriis contaminarentur, à cæde tamen arborum abstinere manus milites suos iussit, sic enim præcepit in Deuteronomio. *Quando obsederis ciuitatem multo tempore, & munitionibus circumdederis ut expugnes eam, non succidas arbores, de quibus vsci potest, nec securibus per circuitum debes*

1. Reg. 2.
26.

*Victoriam
citra cru-
delitatem
persequen-
dam esse.*

Deut. 20.
19.

debes vastare regionem, quoniam lignum est, & non homo, nec potest bellantium contra te augere numerum. Si qua autem ligna non sunt pomifera, sed agrestia, & in ceteros apta usus, succide, & instrue machinas, donec capias ciuitatem, quæ contra te dimicet. Saxitæ etiam immodicæ argumentum est, quod aliquando factum legimus ab iratis Principibus, ut scilicet captis dirutisque ciuitatibus sal in iis dispergeretur, quod etiam habemus in Scriptura. Porro Abimelech (inquit liber Iudicum) omni die illo oppugnabat urbem quam cepit interfectis habitatoribus eius, ipsaq; destructa, ita ut sal in ea dispergeres.

3 Victoriæ prædatio consequitur, spoliiorumque collectio, in quo idem recurrit præceptum, quod cum de insistendo, fugientibus hostibus, diceremus allatum est, nam cum omnis violenta prædatio cum tumultu coniuncta sit, ac propterea milites ordines deserant, impeditioresque sint ad arma tractanda, propter sarcinam detractorum spoliiorum, hostium non solum insidiis, sed etiam violentiæ sunt opportuni, acciduntque frequenter, ut dolenda vicissitudine, qui vicerant, redeuntibus hostibus certamine instaurato ruperit succumberent, propterea quod per campos palantes deprehensi, arcendæ hostium superuenientium impressioni pares non fuerunt. Sapienter itaque suos ita monet Iudas in Machabæorum historia. Non concupiscatis spolia, quia bellam contra nos est, & Gorgias, & exercitus eius prope nos in monte; sed state nunc contra inimicos nostros, & expugmate eos, & sumetis postea spolia securi. Decet autem ex collecta præda Diuinum numen à quo victoria profecta est, suspensis donariis, nobilique aliquo ad rei memoriam anathemate honorare,

Iud 9. 45.

De spolijs
detrabēdis
& colligē-
da præda.
Ista. 9. 5.

1. Mach. 4.

17.

ut simul posteris olim testimonio sit, & bellicæ maiorum suorum virtutis, & in Deum etiam bonorum omnium auctorem egregiæ pietatis. Sic Abram de spoliis & manubus deuictorum Regum Melchisedech sacerdoti decimam donauit partem, ut habemus in Genesi, in qua legimus,

Genes. 14. *Et dedit ei decimas ex omnibus.* Qui locus, quamuis
20. ambiguus esse videatur, cum non magis colligi posse videatur Abramne Melchisedecho, an potius ipse Melchisedech decimam donauerit Abrammo: tamen Septuaginta interpretum grauißima auctoritas ambiguitatem sustulit, cum habeant.

Et dedit ei Abram decimas ex omnibus; clarissimümque D. Pauli testimonium in epistola ad Hebræos, rem planè reddit indubitatam, cum dicat: *Melchisedech obuiavit Abra regresso à cade Regum, & benedixit ei, cui & decimas omnium diuisit Abram.* Et paulò post. *Intuemini quantus sit hic, qui decimas*

Hebr. 7. 1. *dedit de præcipuis Abram patriarcha;* & deinde. *Cuius autem generatio non annumeratur in eis, decimas sumpsit ab Abram.* Similem in Deum liberalitatem exhibuerunt Israëlita: soluta obsidione Bethulix, & de Assyriis luculentà illa sempérque

Ibid. n. 4. *memoranda victoriâ reportata. Et factum est post*
Ibid. n. 6. *hæc, omnis populus post victoriam venit in Ierusalem adorare Dominum, & mox ut purificati sunt, obtulerunt omnes holocausta, & vota, & repromissiones suas.*

Iudith 16. *Quod vulgatus noster interpretes vota dixit, in Græco est ἐκείνη spontanea, ea scilicet, quæ sponte, & nullo legis adigente præcepto quisque offerre voluit, siue ex detractis spoliis, ut par est credere, siue ex iis quæ prius pro obtinenda victoria, se daturos Deo nuncupato voto, cum obsidione premerentur, obstrinxerant. Quod verò dicitur*

Repro

Repromissiones. Græcus habet δόματα, hoc est, dona, quæ scilicet liberali prorsus animo, nullâque præcedente aut voti, aut alterius generis obligatione, quisque largitus est Domino; quod exemplum etiâ ipsius Iudith, quod subiungit cõfirmat.

Porro Iudith, inquit, vniuersa vasa bellica Holophernis quæ dedit illi populus & conopæum, quod ipsa sustulerat, de cubili ipsius, obiulit in anathema obliuionis; scilicet in donarium, quod conspicuo aliquo loco suspenderetur, hoc enim est αἶάθμια quæ vox hic habetur non ad inducendam obliuionem, sed potius vt occurreretur obliuioni, semperque memoria eximii illius beneficij renouaretur, cum superbi Ducis spolia spectantibus in oculos incurrerent. Nec militum pietas silenda, qui sub Mose meruerant; nam victoriam adepti de Madianitis, dona dicuntur obtulisse Domino in Numerorum historia. Cumq; accessissent, inquit, Principes exercitus ad Moysen, & tribuni, centurionesq;, dixerunt:

Num. 31.
48.

Nos serui tui recensuimus numerum pugnatorum, quos habuimus sub manu nostra. & ne vnus quidem defuit. Ob hanc causam offerimus in donarijs Domino, singuli quod in prada auri potuimus inuenire, periscelides & armillas, annulos, & dextralia, ac murenulas, vt deprecis pro nobis Dominum. Susceperuntq; Moyses & Eleazar sacerdos omne aurum in diuersis speciebus, pondus, sedecim millia, septingentos quinquaginta siclos à tribunis & centurionibus. Vnusquisque enim quod in prada rapuerat suum erat, & susceptum intulerunt in tabernaculum testimonij, in monumentum filiorum Israël coram Domino. Et hæc quidem tribuni centurionesque sponte obtulerunt, reliquam enim prædam iusserat Dominus Mosen & Eleazarum sacerdotem, vulgique Principes inter milites

Ibid. n. 26. partiri. Ita enim legimus eodem capite. *Tollite summam eorum, quæ capta sunt ab homine usque ad pecus. Tu & Eleazar sacerdos & Principes vulgi, diuidesq; ex æquo prædam inter eos qui pugnaverunt, egressiq; sunt ad bellum, & inter omnem reliquam multitudinem, & separabis partem Domino, ab his qui pugnaverunt, & fuerunt in bello, unam animam de quingentis, tam ex hominibus, quàm ex bobus, & asinis, & ouibus, & dabis eam Eleazaro sacerdoti, quia primitiæ Domini sunt. Ex media quoque parte filiorum Israël accipies quinquagesimum caput hominum, & bouum, & asinorum, & ouium, cunctorum animantium, & dabis ea Levitis, qui excubant in custodijs tabernaculi Domini. Feceruntq; Moyses & Eleazar sicut praeceperat Dominus. Quæ verba ut meliùs intelligantur: notandum est, non ita iussisse Dominum ex æquo partiri prædam, ut quantum in singula militum capita tribuebatur, tantum etiam eis qui non militauerant tribueretur. Hoc enim iuxta distributiæ iustitiæ præscriptum non fuisset; sed tantum prædæ accepit reliqua multitudo, quæ ad bellandum profecta non est, quantum exercitus acceperat. Porro cum exercitus duodecim millium numerum non superasset, ut ex eodem sacro contextu habetur, reliqui verò in castris hærentes quasi sexcenta millia capitum essent, satis apparer quàm melior bellatorum, quàm aliorum conditio fuerit, cum vnus dumtaxat ex his tantum auferret è præda, quantum ex cæteris quadraginta, vel etiam quinquaginta. Quod si dicat aliquis prædam diuidendam æqualiter fuisse inter procedentes ad bellum, & remanentes in castris, iuxta eam legem quam Dauid sanxisse legimus cum pronuntiauit. *Æqua pars erit descendentis**

dentis in prælium, & remanentis ad sarcinas, & similiter disident. Occurrendum est, legem hanc multò post à Dauide latam esse, nec satis hic conuenire; nam qui ad sarcinas remanent, militant, participesque sunt periculorum, & laborum, non secus atque alij qui prodeunt ad certamen; at verò sexcenta illa hominum millia, quamuis essent in castris, non tamen tunc aduersus hostes Israëliti nominis, arma susceperant, sed in suis tentoriis citra periculum, longè à bellico tumultu conserant: Quare æquum non erat, vt qui laborem non susceperant, nec discrimen adierant, in fructus aliorum sudore & sanguine partos inuolarent. Quòd si aliqua prædæ portiomcula Diuino iussu aspersi sunt, id factum videtur ad comprimendam inuidiam, pacemque inter eiusdem populi ciues fouendam, aut etiam quia ita animi præparatione dispositi erant, vt si opus esset in expeditionem ire non recusarent. Illud etiam aduertendum est, diuisionem hanc prædæ modo explicato institutam non repugnare iis quæ attulimus, cum tribunorum ac centurionum oblationem commemoraremus, de quo sacer contextus ita loquitur, *Vnusquisque enim quod in præda* Num. 31. *rapuerat, suum erat:* hoc enim de auro tantum intelligendum est, quod in communem partitionem conferendum non erat; sed quisque quod nancisci potuisset, aut prædari sibi reseruabat. Quoniam verò alacrius milites belli discrimina subeunt, si spes aliqua lucri, aut prædæ affulserit, lege Deuteronomij cautum erat, vt cum populo victoria contigisset, præda milites potirentur. *Omni prædam, inquit, exercitui diuides, & comes* Deut. 20. *de spolijs hostium tuorum, quæ Dominus Deus tuus* 14.

dederit tibi. Cui præcepto ad vnguem obtemperauit Iosue, capta Hai, vt dicitur in Iosue historia.

Ios. 8.27. *Iumenta autem & prædam ciuitatis diuiserunt filij Israël sicut præceperat Dominus Iosue.*

De præmijs
tribuendus
qui victo-
ria fuerint
auctores. 4 Sed præter prædam hostibus ereptam, consueuerunt etiam munifici Imperatores peculiari-
bus aliquibus præmiis ac donariis, armis, v.g. auro atque præclaro opere decoris, coronis, armillis, redditibus annuis, ac præsertim honoribus decernendis eorum muneri virtutem, qui egregiam nauauerint in bello operam, quique eximio aliquo facinore reliquos antecelluerint. Communis hic erat Israelitarum sensus, qui cum in valle Terebinthi contra Philistæos tenderent, Goliásque agminum Saulis terror prodiret in campum, nec ullus cum illo congredi auderet,

1. Reg. 17. ita loquebantur. *Qui percusserit virum, dabit eum*
25. *Rex diuitijs magnis, & filiam suam dabit ei, & domum Patris eius faciet absque tributo in Israel.* Et Saul iam

Dauidi infensus, cum ab inimico suo fautores, & amicos niteretur abstrahere, eo nititur argumento persuadere, quod habebat in animo, quod scilicet Dauid, quippe pauper & priuata fortunæ homo præmia illis dare non posset, aut mercedem eorum obsequiorum & studiorum, quibus illum prosequabantur. *Adue nunc, inquit, filij lemini; nunquid omnibus vobis dabit filius Isai agros, & vineas, & vniuersos vos faciet tribunos, & centuriones? quoniam coniurastis omnes aduersum me.* Idémque Dauid in eadem Regum historia dicitur præmium esse pollicitus ei, qui percussisset Iebusæum, & tetigisset domatum fistulas; qui locus cum ad rem nostram faciat, sitque difficilis, & cognitionem habeat cum iucunditate coniun-

ctam

Etiam, hic nobis explicandus est. His ergo verbis, ut tota res gesta est, describitur in lib. 2. Regum. 2. Reg. 5.
Et abiit Rex, & omnes viri qui erant cum eo in Ierusalem ad Iebusaum habitatorem terra, dictumq; est David ab eis: Non ingredieris huc nisi abstuleris cacos, & claudos dicentes, Non ingreditur David huc. Cepit autem David arcem Sion, hac est ciuitas David. Proposuerat enim David in die illa premium, qui percussisset Iebusaum, & tenuisset domatum fistulas, & abstulisset cacos & claudos odientes animam David. Quod ut intelligatur, sciendum est Iebusæos arcis propugnatores loci opportunitate prædentes cacos & claudos pro arcis pinnis collocasse, quasi defensoribus istis vim omnem Davidis & exercitus eius floccifacere possent, quod genus irrisionis Davidis industriam exacuit, ad eas omnes artes excogitandas quibus edita illa munitione potiri posset: quare militibus qui eo niti auderent, & verò etiam aspirare possent vsque ad domatum, rectorum scilicet, fistulas, quibus quasi imbricibus ad colligendas aquas pluuias utebantur, ac proinde in arcis fastigio, quò perueniendum erat, visebantur, pollicitus est se præmium tanto ausu non indignum largiturum. Nec defuit militibus virtus & alacritas, qui pro præmij propofiri honestamento consequendo, bene periculum tam grande adendum esse putarent; itaque cum eò peruenissent, mæniâque defensoribus nudassent, cæcis & claudis odientibus David, qui scilicet contra ipsum steterant, inuitis arce potitus est. Cæterum quoad virtutis præmia consequenda attinet, haud parum infelix esse solet aulicorum aulæque conditio, in qua si quid peccatum ab aulicis fuerit, belli ducibus, aut Principis ad-

952 *Institutio politica ex sacris Scripturis.*

- Gen. 4.7. ministris, statim illis *In foribus adest peccatum*, rapiuntur in custodias, extremo etiam supplicio puniuntur: si verò aliquid pro Principe aut Republ. fortiter in bello gesserunt, si sapientis alicuius salutarisque consilij auctores fuerunt in pace, rarò, aut serò, aut fortè nunquam benefacto merces rependitur. Eunuchi qui contra Assue-
rum coniurauerant, statim *appensi sunt in patibulo*,
23. Mardocheus verò serò, & non nisi casu quodam insignis sui in Regem promeriti præmium tulit. Idem contigit Berzellai, qui non prius à Davide inuitatus est, vt in Regia ciuitate Ierusalem fructum caperet quietis, quàm annis grauis, & viribus adedò fractis esset, vt iam per ætatem aulæ honoribus, & voluptatibus parum esset idoneus, vt ipse sapienter excusans ætatem, Davidi respon-
1. Reg. 19. dit. *Octogenarius, inquit, sum hodie, nunquid vigent*
35. *sensus mei ad discernendum suauem, aut amarum, aut delectare potest seruum tuum cibus, aut potus, vel audire possum ultra vocem cantorum, aut cantatricum? quare seruus tuus sis oneri Domino meo Regi?* Et sanè ita est; plus multo interdum negotij est id quod meritis fueris obtinere à Principe, aut à ministris eblandiri, quàm rebus præclare gestis aut præmium aliquod mereri, aut honestamentum
1. Reg. 17. virtutis. Davidi propter vnum Goliath prostratum Michol in vxorem ex Regis promissione de-
25. bebatur, sed tamen non nisi centum Philistæorum præputiis numeratis, quod meritis fuerat, potuit obtinere. Verùm non viuientibus tantùm ac superstitibus, sed extinctis etiam debentur præmia, quæ in ipsis locum habere possunt. Sic de Ioiada sacerdote optimè de Republ. meritò legimus. *Sepelieruntq; eum in ciuitate David cum Regibus,*

2. Par. 24.
16.

gibus, eo quod fecisset bonum cum Israël, & cum domo eius. Ionathæ etiam sepulchrum, cuius multa ex-
titerunt in gentem suam promerita, honestissi-
mum fuit, ut describitur in Machabæorum histo-
ria. Et planxerunt eum, inquit, omnis Israël planctu 1. Mach.
magno, & luxerunt eum dies multos, & edificauit Si- 13 26.
mon super sepulchrum patris sui, & fratrum suorum
edificium altum visu lapide polito, retro & ante. Et sta-
tuit septem pyramidas, unam contra unam patri & ma-
tri, & quatuor fratribus, & his circumposuit columnas
magnas, & super columnas arma, ad memoriam ater-
nam, & iuxta arma naues sculptas, quæ viderentur ab
omnibus nauigantibus mare, hoc est sepulchrum quod
fecit in Modin, usque in hunc diem.

§ Sed fauendum etiam est liberis eorum, qui Nobilium
de Republ. rebus præclare gestis bene meriti sunt; parentum,
quod enim filiis tribuitur, videtur rependi paren- & bene de
tibus, qui etiam propterea sibi minus parcent, Rep. meri-
liberaliùsq; & studiosiùs in Principis obsequium tori liberis
se impendent, susceptis laboribus aditisque peri- fauendum.
culis, si cognouerint Principum liberalitatis, &
beneficentiæ filios, quos ipsi post se reliquerint
superstitibus, fore participes. Præstitit hoc David,
qui olim à Ionatha Saulis Regis violentiæ sub-
ductus, aliisque ornatus beneficiis, charissimi ac
fidelissimi amici memoriam, interpositi tempo-
ris diuturnitate sibi eripi non est passus, atque
ideo Miphiboseth Ionathæ filium, pedibus ca-
ptum, suæ mensæ perpetuò iussit assidere. Ne 2. Reg. 9.
timeas, inquit, quia faciens faciam in te misericordiam 7.
propter Ionatham patrem tuum, & restituiam tibi omnes
agros Saul patris tui, & tu comedes panem in mensa
mea semper. Illud tamen cauendum est, ne dum
studemus bonorum parentum filiis, aut in eos

beneficia conferimus, continuò etiam putemus eos semper ad ea munera idoneos esse, quibus parentes eorum cum laude præfuerunt. Nam à magnorum parentum indole, ac sapientia, filij nonnunquam degenerant, vt Roboamus, qui Salomonis filius, eius nimirum qui *Impletus est, quasi flumen, sapientia*, vt loquitur Ecclesiasticus, ab eodem vocatur *gentis stultitia, & imminutus à prudentia*. Quemadmodum etiam Isaac, & Samuel viri sanctitate & prudentia maximè conspicui, filios mirum quantum paternis moribus absimiles susceperunt, vt ex sacris litteris habemus.

De triumphis, & trophæis. 6 Sequitur, vt aliquid etiam de triumphis, eorumque pompa & trophæis dicamus: quorum vestigium aliquod apparet in sacris litteris. Nam 1. Reg. 15. Saul post denictos Amalecitas dicitur *Exerxisse sibi fornicem triumphalem*, arcum D. Hieronymus interpretatur in traditionibus Hebraicis. *Quando victoria potiebantur*, inquit, *faciebant arcum de myrtetis & palmis, & oliuis, ob signum victoriae*. Hebræi pro fornice aut arcu habent *ἡ ἄνω ἡ χεὶρ* *manum*. Septuaginta *χρῆμα*, siue quod trophæis manum imponerent, ad significandum hostes valida manu deuictos: siue quod trophæa omnia manus appellarentur, ab iis manibus translato vocabulo, quæ in biuiis aut triuiis statui solent ad dirigendos peregrinos, ne aberrantes à via, aliò fortè deflectant, quò iter non intenderant. Quo sensu accipiendum est illud Ezech. *Et manu capiet coniecturam*, eius scilicet manus, quæ est in biuiis, indicium sequetur. Quia verò cippus suppositus, stipis erectus, & manus imposita non dissimilem à trophæis speciem exhibet, factum putarim, vt idem

idem vocabulum , ad vtrumque significandum à sacris Scriptoribus adhiberetur. David etiam cum deiecto , capiteque truncato Philisthæo, reuerteretur , solemnî pompa videtur in ciuitatem inuectus , mulieribus cantatricibus victorem carmine prosequentibus , & cum Saule redeunti obuiam effusis. Porro , inquit Regum historia , cum 1. Reg. 18.
*reuerteretur percusso Philistæo David , egressæ sunt mulieres de vniuersis urbibus Israël , cantantes chorosq; ducentes in occursum Saul Regis in tympanis latissæ , & in sistris , & præcinebant mulieres ludentes atque dicentes. Percussit Saul mille , & David decem millia. Sûntque qui putent etiam David , quemadmodum Saul sibi aliquando triumphalem arcum excitasse ; de arcu enim interpretantur , quod 2. Regum legimus. Fecit quoque sibi David nomen , cum 2. Reg. 8.
reuerteretur capta Syria in valle Salinarum. Porro in 13.
pompa solemnî , triumphorum victores Duces , aut curru sublimes vehebantur , aut equo : quem morem respexisse videtur David cum canit in Psalmo. Prosperè procede, & regna; pro quo in Hebræo est. Vehere , inequitæ , inside ; eodem sensu : Psal. 44.
qui enim vehuntur curru , aut equo , prosperè procedunt ; secundo etiam fauore , & aura circumfusorum populorum ; regnant autem , aut insident , cum Regni habenas tractant, & pro arbitrio vt victores consueuerant , moderantur. Tandem arma victis detracta tholo templorum fixa ab antiquis reperio , vt Sauli extincti in templo 1. Reg 31.
Asthareth à Philisthæis , aut etiam domi habita, 10.
conspicuo tamen aliquo loco , vt ab omnibus cerni possent , vt arma Golix in tabernaculo David , de quibus dicitur : Arma verò eius in tabernaculo suo , vel vt interpretantur aliqui , in domo sua 1. Reg. 13.
54.*

956 *Institutio politica ex sacris Scripturis.*

Beesblemitica. Instituitur autem triumphorū pompa, aut trophæorum, vt virtus illustri loco posita ab omnibus hominum gradibus cum consequatur plausum, quem merita est; ex quo etiam reliqui ciues, qui spectatores triumphis interfuerunt, cum se dederit occasio ita se gerere satagant, vt & ipsi aliis iucundo illustrique spectaculo esse possint.

L A V S D E O.

F I N I S.



INDEX



INDEX LOCORVM

S. SCRIPTVRÆ.

Hoc Indice continentur tantùm ea loca, quę aliqua ratione explicantur, aut illustrantur : ea enim omnia colligere quę citantur, nimium sanè fuisset, cum totum opus ex sacrarum litterarum testimoniis contextum sit. Prior numerus significat librum, secundus caput, tertius paragraphum, siue numerum margini adscriptum.

Genesis.

- Cap. 2. n. 19. **A**d duxit ea ad Adam, ut videret
quid vocaret ea. l. 3. c. 3. n. 6
3. 16. Sub viri potestate eris & ipse dominabitur tui.
l. 1. c. 5. n. 1
3. 9. Adam ubi es? l. 2. c. 72. n. 3
4. 2. Fuit Abel pastor ouium, & Cain agricola. l. 2.
c. 17. n. 3
4. 4. Abel quoque obtulit de primogenitiis gregis sui.
l. 1. c. 7. n. 3
4. 11. Vagus, & profugus eris super terram. l. 3. c. 4. n. 4
4. 20. Tubal pater canentium cithara, & organo. l. 1.
c. 8. n. 3
6. 2. Videntes filij Dei filias hominum, quod essent pul-
chrae. l. 2. c. 25. n. 3
6. 3. Non

INDEX LOCORVM

- 6.3. *Non permanebit spiritus meus in homine, quia caro est.* l.2.c.13.n.1
- 9.4. *Carnem cum sanguine non comedetis.* l.2.c.26.n.2
- 11.4. *Celebremus nomen nostrum antequam diuidamur.* l.3.c.5.n.1
- 11.5. *Descendit Dominus ut videret ciuitatem, & turrim.* l.3.c.3.n.14
- 12.11. *Dixit Sarai uxori suae, noni quod pulchra sis, &c. nonnulla ex hoc capite explicantur.* l.2.c.27.n.1
- 14.10. *Vallis autem syluestris habebat puteos multos bituminis.* l.1.c.8.n.2
- 14.20. *Et dedit eis decimas ex omnibus.* l.3.c.16.n.3
- 15.15. *Ibis ad patres tuos in pace, sepultus in senectute bona.* l.2.c.8.n.3
- 18.19. *Vi faciant iudicium, & iustitiam.* l.2.c.15.n.8
- 18.21. *Descendam, & videbo.* l.3.c.3.n.14
- 19.9. *Ingressus es ut aduena, nunquid ut indices?* l.3.c.6.n.1
- 21.9. *Cum vidisset filium Agar Aegyptia ludentem cum Isaac filio suo.* l.2.c.3.n.2
- 21.14. *Mane autem surgens Abraham.* l.2.c.24.n.7
- 23.16. *Quadringentos siclos argenti probata moneta.* l.2.c.9.n.1
- 24.49. *Si facitis misericordiam, & veritatem cum domino meo, indicate mihi.* l.3.c.7.n.1
- 25.20. *Nomen putei vocauit calumniam.* l.3.c.9.n.3
- 25.21. *Appellauit eum inimicitias.* l.3.c.9.n.3
- 27.15. *Vestibus Esau valde bonis, quas apud se habebat domi, induit eum.* l.2.c.23.n.1
- 27.27. *Ecce odor filij mei sicut odor agri pleni, &c.* l.2.c.23.n.2
- 29.26. *Non est in loco nostro consuetudinis ut minores antea tradantur ad nuptias.* l.3.c.4.n.8
- 30.37. *Tulit*

S. SCRIPTURÆ.

- 30.37. Tulit Iacob virgas populeas, &c. l.1.c.10.n.1
 34.25. In consilium eorum non veniat anima mea.
 l.3.c.2.n.5
 36.33. Mortuus est autem Bela, & regnavit pro eo Iobab filius Zara de Bosra. l.1.c.6.n.2
 39.9. Quomodo possum hoc malum facere, & peccare in Dominum meum? l.2.c.16.n.2
 41.43. Præco clamabat ut omnes coram eo genua flecterent. l.1.c.8.n.13
 41.45. Vertitq; nomen eius, & vocavit illum lingua Ægyptiaca Salvatorem mundi. l.2.c.23.n.8
 43.35. Audierant enim quod ibi comesturi essent panem. l.2.c.24.n.1
 44.5. Scyphus quem furati estis, ipse est in quo bibit Dominus meus, & in quo augurari solet. l.2.c.32.n.6
 44.15. An ignoratis quod non sit similis mei in augurandi scientia. l.2.c.32.n.6
 48.18. Non ita convenit pater, quia hic est primogenitus, pone dexteram tuam super caput eius. l.1.c.7.n.1
 49.3. Ruben primogenitus meus, tu fortitudo mea, & principium doloris mei. l.1.c.7.n.2
 49.5. Simeon, & Levi fratres vasa iniquitatis bellantia. l.2.c.27.n.2

Exodus.

- Cap.1.10. Venite sapienter opprimamus eum ne forte multiplicetur, & si ingruerit, contra nos bellum, addatur inimicis nostris, &c. l.3.c.6.n.1
 1.11. Edificaueruntq; urbes tabernaculorum Pharaoni Phithom, & Ramesse. l.2.c.22.n.2
 4.24. Cum esset in itinere in diuersorio occurrit ei Dominus, & volebat occidere eum. l.3.c.3.n.10
 7.11. Voca

INDEX LOCORVM

- 7.11. *Vocauit Pharaos sapientes, & maleficos, &c.* l.2.
c.32.n.1
- 8.20. *Confurge diluculo, & sta coram Pharaone.* l.2.
c.24.n.7
- 11.4. *Moriatur omne primogenitum in terra Aegyptiorum, à primogenito Pharaonis, &c.* l.1.
c.6.n.2. & c.7.n.2
- 21.14. *Si quis per industriam occiderit proximum suum, & per insidias, ab altari meo euellatur eum ut moriatur.* l.2.c.5.n.5.
- 22.28. *Dys non detrahes, & Principi populi tui non maledices.* l.1.c.3.n.2
- 28.30. *Pones in rationali iudicij doctrinam, & veritatem.* l.1.c.8.n.1
- 32.6. *Sedit populus manducare, & bibere, & surrexerunt ludere.* l.2.c.25.n.4. & l.3.c.7.n.3
- 32.29. *Confecratis manus vestras hodie Domino, unusquisque in filio, & fratre suo ut detur vobis benedictio.* l.2.c.3.n.1
- 34.6. *Deus patiens, & multa miserationis.* l.2.c.13.n.1
- 39.43. *Moses vidit cuncta completa, & benedixit eis.* l.2.c.3.n.5

Leuiticus.

- Cap.2.13. *In omni oblatione tua offeres sal.* l.2.c.16.n.7
- 3.17. *Nec sanguinem, nec adipem comedetis.* l.2.c.15.n.8
- 8.30. *Assumens unguentum quod erat in altari, aspergit super Aaron.* l.2.c.12.n.7.
- 10.9. *Vinum, & omne quod inebriare potest non bibetis tu, & filij tui.* l.2.c.24.n.5
- 18.4. *Facitis iudicia mea.* l.2.c.15.n.8
- 25.23. *Terra non vendetur in perpetuum, quia mea est, & vos advena, & coloni mei estis, &c.* l.2.c.4.n.4
- Numeri.

S. SCRIPTURÆ.

Numeri.

- 11.4. *Vulguſ promiſſuum, quod aſcenderat cum eis
flagrauit deſiderio, &c.* l.3.c.12.n.5
- 11.11. *Numquid ego concepi vniuerſam multitudinem
hanc.* l.2.c.13.n.2. & l.1.c.9.n.3
- 11.16. *Congrega mihi ſeptuaginta viros de ſenibus Iſ-
raël, quos tu noſti quod ſenes ſint.* l.3.c.2.n.2
- 11.28. *Domine mi Moſes prohibe eos.* l.2.c.11.n.1
- 15.35. *Morte moriatur homo iſte.* l.3.c.4.n.4
- 15.37. *Faciant ſibi ſimbrias per angulos palliorum.* l.2.
c.25.n.3
- 18.19. *Pactum ſalis.* l.3.c.10.n.5
- 20.17. *Non ibimus per agros neque per vineas, non bi-
bemus aquas de puteis, &c.* l.3.c.12.n.5
- 22.34. *Domine peccavi neſciens quod tu ſtares contra
me, & nunc ſi diſplicet tibi ut vadam, reuer-
tar.* l.1.c.3.n.6
- 23.19. *Non eſt Deus quaſi homo ut mentiatur, nec ut
filius hominis ut muretur.* l.2.c.20.n.2
- 27.1. *Acceſſerunt filia Salphaad, &c. atque dixerunt,
Date nobis poſſeſſionem inter cognatos patris
noſtri.* l.1.c.7.n.5
- 27.21. *Ad illius verbum egredietur ipſe, & ingredie-
tur.* l.3.c.4.n.3
- 31.27. *Diuides ex aquo pradam inter eos qui pugnaue-
runt.* l.3.c.16.n.3
- 31.53. *Unuſquiſque quod in prada rapuerat ſuum
erat.* l.3.c.16.n.3

Deuteronomium.

Cap.8.9. *Cuius lapides ferrum ſunt, & de mōribus eius
aris metalla fodiuntur.* l.2.c.17.n.4

P p p

12.8. Non

INDEX LOCORVM

- 12.8. *Non facietis qua nos hic facimus hodie, singuli quod sibi rectum videtur.* l.1.c.2.n.7
- 17.15. *Non poteris alterius gentis hominem Regem facere, qui non sit frater tuus.* l.1.c.6.n.5
- 17.16. *Cumq; fueris Rex constitutus, non multiplicabis sibi equos.* l.3.c.13.n.1
- 17.17. *Non habebit argenti & auri immensa pondera.* l.2.c.17.n.1
- 17.18. *Describes sibi Deuteronomium legis huius, &c.* l.3.c.4.n.3
- 19.3. *In tres aequaliter partes totam terra tua provinciam diuides, ut habeat è vicino, qui propter homicidium profugus est quo possit euadere.* l.2.c.5.n.5
- 20.8. *Quis est homo formidolosus, & corde pauido? vadat & reuertatur in domum suam.* l.3.c.12.n.3
- 20.10. *Non arabis in boue simul & asino.* l.2.c.18.n.9
- 23.2. *Non ingreditur mamzer in Ecclesiam Domini.* l.1.c.7.n.6
- 23.15. *Non trades seruum domino suo, qui ad te confugerit.* l.3.c.6.n.2
- 24.16. *Non occidentur patres pro filiis, nec filij pro patribus.* l.2.c.12.n.3
- 25.4. *Non ligabis os bouis terentis in area fruges tuas.* l.2.c.18.n.9
- 28.55. *Plagas magnas & perseuerantes.* l.2.c.15.n.3
- 32.4. *Deus fidelis, & absq; vlla iniquitate.* l.2.c.15.n.3
- 32.9. *Iacob funiculus hereditatis eius.* l.2.c.10.n.3
- 32.39. *Ego occidam, & ego viuere faciam.* l.2.c.13.n.1
- 32.42. *Gladus meus deuorabit carnes.* l.2.c.16.n.1
- 33.10. *Ponent thymiana in furore tuo, & holocaustum super altare tuum.* l.2.c.3.n.1
- 33.17. *Quasi primogenitii Tauri pulchritudo eius.* l.1.c.7.n.3

S. SCRIPTURÆ.

- 33.19. *Inundationem maris quasi lac sugent & thesauros absconditos arenarum.* l.2.c.17.n.5
 33.25. *Sicut dies iuventutis tua, ita & senectus tua.* l.2.c.26.n.1
 33.29. *Negabunt te inimici tui, & tu eorum corda calcabis.* l.2.c.15.n.5
 34.7. *Moyſes centum & viginti annorum erat, quando mortuus eſt, non caligavit oculus eius, nec dentes eius moti ſunt.* l.2.c.8.n.2

Ioſue.

- Cap.6.n.26. *Maledictus vir coram Domino, qui ſuſcitavit, & adificauit ciuitatem Hiericho in primogenito ſuo fundamentum eius iaciat, & in nouiſſimo liberorum ponat portas eius.* l.2.c.5.n.5
 7.19. *Fili mi da gloriam Domino Deo Iſraël, & confitere, &c.* l.2.c.12.n.3
 7.26. *Vocatumq; eſt nomen loci illius Vallis Achor.* l.3.c.4.n.4
 10.1. & 3. *Qua cum audiſſet Adoniſedec Rex Hieruſalem, miſit ad Oham Regem Hebron, &c. dicens ad me, abſcondite, &c.* l.1.c.6.n.2

Iudicum.

- Cap.3.15. *Aod, qui utraque manu pro dextera utebatur.* l.1.c.2.n.2
 7.7. *In trecentis viris, qui lambuerunt aquas liberabo vos.* l.3.c.12.n.2
 7.27. *Quod me facere videritis, hoc facite.* l.3.c.11.n.5
 8.14. *Interrogauit nomina Principū, & ſeniorū Sochoth & deſcripſit ſeptuaginta viros.* l.2.c.12.n.3
 P p p 2 8.20. *Dixitq;*

INDEX LOCORVM

- 8.20. *Dixitq; Iether primogenito suo, surge, & interfice eos: qui non eduxit gladium, timebat enim, quia adhuc puer erat.* l.3.c.12.n.3
- 9.2. *Quid vobis est melius vt dominantur vestri septuaginta viri, an vt domineatur vnus.* l.1.c.4.n.7
- 9.2. *Quid est vobis melius vt dominantur vestri septuaginta viri, omnes filij Hieroboam, an vt domineatur vir.* l.1.c.6.n.5
- 9.15. *Egrediatur ignis de rhamno, & deuoret cedros Libani.* l.2.c.14.n.2
- 9.36. *Cum vidisset populum Saul, dixit ad Zebul: Ecce de montibus multitudo descendit.* l.3.c.2.n.8
- 9.45. *Ita vt Sal in ea dispergeret.* l.3.c.16.n.2
- 10.4. *Habens triginta filios sedentes super triginta filios asinarum.* l.2.c.17.n.3
- 11.1. *Iephie Galaadites filius mulieris meretricis.* l.1.c.7.n.6
- 17.6. *In diebus illis non erat Rex in Israël, sed vnusquisque quod sibi rectum videbatur, hoc faciebat.* l.1.c.2.n.7
- 20.2. *Omnes anguli populorum.* l.1.c.9.n.2
- 21.24. *In diebus illis non erat Rex in Israël, sed vnusquisque quod rectum sibi videbatur, hoc faciebat.* l.3.c.9.n.2

Primus Regum.

- Cap.1.16. *Vnges enim ducem super populum meum Israël.* l.3.c.11.n.2
- 2.3. *Deus scientiarum Dominus est, & ipsi preparantur cogitationes.* l.3.c.2.n.6
- 6.19. *Percussit de populo septuaginta viros, & quinquaginta millia plebis.* l.1.c.8.n.4
- 8.5. *Constituere nobis Regem, vt iudicet nos, sicut & vniuersa habent nationes.* l.1.c.4.n.5
- 8.7. *Audi*

S. SCRIPTURÆ.

- 8.7. *Audi vocem populi in omnibus quæ loquuntur tibi, non enim te abiecerunt, sed me, ne regnem super eos.* l. 1. c. 4. n. 5
- 8.20. *Rex noster egredietur ante nos, & pugnabit bella nostra pro nobis.* l. 3. c. 11. n. 2
- 10.22. *Ecce absconditus est domi.* l. 1. c. 11. n. 1
- 11.13. *Non occidetur quisquam in die hac, quia hodie fecit Dominus salutem in Israël.* l. 2. c. 13. n. 5
- 12.3. *Si de manu cuiusquam munus accepi.* l. 2. c. 12. n. 1
- 13.54. *Arma verò eius in tabernaculo suo.* l. 3. c. 16. n. 6
- 14.38. *Applicate huc uniuersos angulos populi.* l. 1. c. 9. n. 2
- 14.52. *Quemcunque viderat Saul virum fortem, & aptum ad prælium, sociabat sibi.* l. 3.
- 15.4. *Recensuit eos quasi agnos.* l. 3. c. 12. n. 8
- 15.12. *Erexit sibi fornicem triumphalem.* l. 3. c. 16. n. 6
- 17.20. *Et venit ad locum Magala.* l. 3. c. 5. n. 6. & c. 14. n. 1
- 19.23. *Et abiit in Aiioth in Ramatha.* l. 1. c. 8. n. 1
- 20.2. *Non faciet pater meus quicquam grande vel paruum, nisi prius indicauerit mihi.* l. 3. c. 2. n. 8
- 22.2. *Conuenerunt ad eum omnes qui erant in angustia constituti, & oppressi ære alieno, & amaro animo, & factus est eorum princeps.* l. 1. c. 2. n. 4
- 23.9. *Applica Ephod.* l. 2. c. 6. n. 1
- 25.22. *Hac faciat Deus inimicis David, & hoc addat, &c.* l. 2. c. 15. n. 9
- 25.28. *Faciet tibi Dominus domum fidelẽ.* l. 2. c. 15. n. 3
- 28.6. *Et non respondit ei, neque per somnia, neque per sacerdotes, neque per prophetas.* l. 2. c. 6. n. 1
- 28.9. *Nosti quanta fecerit Saul, & quomodo eraserit Magos, & Hariolos de terra.* l. 2. c. 3. 2. n. 5
- 28.12. *Exclamaui voce magna, & dixit ad Saul; Quare imposuisti mihi, tu es enim Saul.* l. 3. c. 8. n. 7

INDEX LOCORVM

- 28.15. *Quare inquietasti me, ut suscitarer? l. 2. c. 3. 2. n. 4*
 30.24. *Aequa pars erit descendentis in praelium, & remanentis ad sarcinas. l. 3. c. 16. n. 3*
 31.4. *Irruit etiam ipse super gladium suum, & mortuus est cum eo. l. 1. c. 10. n. 1*

Secundus Regum.

- Cap. 3. 39. *Ego autem adhuc delicatus & unctus Rex; porro isti filij Samaria duri sunt mihi. l. 3. c. 3. n. 3*
 5. 8. *Proposuerat Dauid in die illa premium ei qui percussisset Iebuseum, & tetigisset domatum fistulas, & abstulisset cecos & claudos odientes animam Dauid. l. 3. c. 16. n. 4*
 6. 7. *Iratius est Dominus contra Ozam, percussit eum, & c. l. 3. c. 3. n. 5*
 8. 2. *Mensus est duos funiculos; unum ad occidendum, & unum ad viuificandum. l. 2. c. 12. n. 7*
 8. 13. *Fecit quoque sibi Dauid nomen cum reuenteretur capta Syria. l. 3. c. 11. n. 7. & c. 16. n. 6*
 8. 14. *Et posuit in Idumaea custodes statuitq; praesidiũ. l. 3. c. 14. n. 4*
 9. 7. *Faciam in te misericordiam propter Ionathan patrem tuum. l. 3. c. 16. n. 5*
 10. 21. *Ecce absconditus est domi. l. 2. c. 29. n. 1*
 12. 14. *Quoniam blasphemare fecisti inimicos Domini, propter verbum hoc filium, qui natus est tibi, morte morietur. l. 1. c. 10. n. 2*
 12. 28. *Ne cum à me vastata fuerit vrbs nomini meo adscribatur victoria. l. 3. c. 3. n. 7*
 12. 31. *Populum quoque eius adducens serauit, & circumegit super eos ferrata carpenta, diuisitq; cultris, & traduxit in typo laterum. l. 2. c. 3. n. 1*
 14. 1. *Si*

S. SCRIPTURÆ.

- 14.1. *Si mundi sunt pueri maximè à mulieribus.* l.1.
c.8.n.4
- 15.6. *Sollicitabat corda virorum Israël.* l.1.c.16.n.2
- 15.34. *Si veneris mecum,eris mihi oneri;si autem in ci-
uitatem reuerteris, &c.* l.3.c.2.n.11
- 16.20. *Ingrederere ad concubinas patris tui, &c.* l.2.
c.31.n.5
- 17.1. *Eligam mihi duodecim millia virorum,&c. non-
nulla explicantur & illustrantur ex eo capite.*
l.3.c.2.n.8
- 17.9. *Cum ceciderit vnus quilibet in principio, audiet
quicumque audierit, & dicet, facta est plaga in
populo.* l.3.c.11.n.7
- 19.35. *Octogenarius sum hodie, nunquid vigent sen-
sus mei.* l.3.c.16.n.4
- 20.18. *Sermo dicebatur in veteri prouerbio, Qui inter-
rogat,interroget in Abela, & sic perficiebat.*
l.3.c.8.n.6
- 21.17. *Non egredieris nobiscum in bellum,ne extinguat
lucernam Israël.* l.3.c.11.n.2
- 23.8. *Ipse est quasi tenerrimus ligni vermiculus, qui
octingentos interfecit impetu vno.* l.3.c.11.n.5
- 23.21. *Ægyptium virum dignum spectaculo.* l.3.
c.5.n.7

Tertius Regum.

- Cap.1.20. *Verumtamen Domine mi Rex,in te oculi re-
spiciunt totius Israël,ut indices eis quis se-
dere debeat in folio tuo, Domine mi Rex,
post te.* l.1.c.6.n.3
- 2.31. *Amoue bis sanguinem innocentem, qui effusus est
à Ioab; à me & à domo patris mei.* l.2.c.12.
n.2

INDEX LOCORVM

- 2.38. Bonus sermo ; Sicut locutus est Dominus meus
Rex sic faciet seruus tuus. l.3.c.8.n.2
- 3.8. Seruus tuus in medio est populi. l.2.c.14.n.1
- 4.1. Et hi principes quos habebat , &c. recensentur &
explicantur nonnulla munera Aulicorum & ad-
ministrorum Salomonis. l.2.c.23.n.7
- 4.8. Azarias filius Nathan super eos qui assistebant
Regi. l.3.c.1.n.2
- 7.26. Duo millia batos capiebat. l.3.c.3.n.12
- 9.10. Postquam adificauerat Salomon duas domos , id
est domũ Domini, & domũ Regis. l.2.c.22.n.3
- 9.11. Dedit Salomon Hiram viginti oppida in terra
Galilæa. l.2.c.16.n.5
- 9.13. Et appellauit eas terram Chabul. l.2.c.16.n.5
- 11.4. Cum Salomon esset senex, deprauatum est cor eius
per mulieres. l.2.c.26.n.1
- 11.5. Colebat Salomon Astarthen Deam Sidoniorum.
l.2.c.26.n.1
- 11.26. Cuius mater erat nomine Sarua, mulier vidua.
l.1.c.8.n.1
- 11.27. Et hac est causa rebellionis, quia Salomon adifi-
cauit Mello, & coaquauit voraginem cinitatis
Dauid patris sui. l.2.c.22.n.2
- 13.2. Altare, altare, hac dicit Dominus. l.2.c.7.n.3
- 13.18. Et ego Propheta sum similis tui , &c. fefellit q̃
eum. l.2.c.7.n.3
- 14.13. Iste solus inferetur de Ieroboam in sepulchrum.
l.1.c.10.n.1
- 15.17. Edificauit Rhama , ut non posset quispiam
egredi aut ingredi. l.3.c.14.n.2
- 15.26. Qui peccare fecit Israel. l.1.c.10.n.2
- 20.11. Ne gloriatur accinctus aquẽ ut discinctus. l.2.
c.29.n.4
- 22.19. Vidi Dominum sedentem super solium suum,
&

S. SCRIPTURÆ.

& omnem exercitum cali assistentem ei à dextris & à sinistris, &c. & bona pars illius capitis explicatur. l.3.c.1.n.2

22.31. *Non pugnabitis contra maiorem aut minorem quempiam, nisi contra Regem Israel solum.* l.3.c.11.n.1

22.31. *Rex Israel mutauit habitum suum, & ingressus est bellum.* l.3.c.11.n.1

22.42. *Quia dimisisti virum dignum morte de manu tua, erit anima tua pro anima illius.* l.2.c.12.n.1

Quartus Regum.

Cap.3.23. *Pugnauerunt Reges contra se, & cæsi sunt mutuo, nunc surge ad prada Moab.* l.3.c.10.n.2

3.27. *Accipiensq; filium suum primogenitum, qui regnaturus erat pro eo, obtulit holocaustum super murum.* l.1.c.7.n.1

5.13. *Pater & si rem grandem dixisset tibi Propheta.* l.2.c.13.n.2

5.24. *Cumq; venissent iam vesperi.* l.3.c.14.n.3

6.11. *Conturbatum est cor Regis Syria pro hac re, &c.* l.3.c.2.n.11

6.25. *Facta est fames magna donec venundaretur caput asini octoginta argenteis.* l.3.c.15.n.8

16.18. *Musach quoque Sabbathi quod adificauerat in templo, & ingressum Regis exterius conuertit in templum Domini propter Regem Assyriorum.* l.2.c.2.n.3

18.26. *Precamur, ut loquaris nobis seruis tuis Syriacè.* l.3.c.3.n.13

14.17. *Imposuitq; ei nomen Sedechiam.* l.2.c.15.n.8

25.6. *Locutus est cum eo iudicium.* l.2.c.15.n.8

25.10. *Princeps coquorum destruxit muros Hierusalem.* l.2.c.24.n.6

P p p s

25.19. Sopher

INDEX LOCORVM

- 25.19. *Sopher Principem exercitus qui probabat tyrones de populo terra.* l.3.c.12.n.6

Paralipomenon primus.

- Cap.12.8. *Facies eorum quasi facies leonis.* l.2.c.30.
n.8
21.25. *Dedit David pro loco syclos iustissimi ponderis sexcentos.* l.2.c.9.n.1

Paralipomenon secundus.

- Cap.2.17. *Numeravit Salomon omnes viros profelytos, qui erant in terra Israël.* l.3.c.6.n.1
4.5. *Capiebant tria millia metretas.* l.3.c.3.n.12
11.22. *Constituuit in capite alium filium, Manca, ducem super omnes fratres suos, ipsum enim Regem facere cogitabat, quia sapientior fuit & potentior super omnes filios eius.* l.1.c.6.n.3
12.11. *Veniebant scutarij & tollebat eos, iterumq; referebat eos ad armamentarium suū.* l.3.c.12.n.7
13.7. *Roboam erat rudis, & corde pauido.* l.2.c.32.n.6
16.9. *Oculi Domini contemplantur vniuersam terram, & præbent fortitudinem his qui corde perfecto credunt in eum.* l.3.c.12.n.4
21.3. *Regnum autem tradidit Ioram, eo quod esset primogenitus.* l.1.c.7.n.1
29.35. *Et completus est cultus domus Domini.* l.1.c.10.n.1

Esdra primus.

- Cap.4.1. *Audierunt autem hostes Iudæ & Benjamin, quia filij captiuitatis edificarunt templum Domino, &c.* l.2.c.2.n.2
Esdra

S. SCRIPTVRÆ.

Esdra secundus.

- Cap. 3. 26. *Nathinai habitabant in Ophel, vsq; contra portam aquarū ad orientem, &c.* l. 3. c. 14. n. 3
3. 31. *Vsq; ad domum Nathinaeorum, & scuta vendentium.* l. 2. c. 17. n. 5

Tobias.

- Nunquam cum ludentibus mischi me.* l. 2. c. 25. n. 4

Iudith.

- Cap. 1. 12. *Iuravit quod defenderet se de omnibus regionibus suis.* l. 2. c. 18. n. 10
1. 22. *Iuravit quod defenderet se de omnibus regionibus suis.* l. 3. c. 10. n. 3
2. 2. *Et habuit cum eis mysteriū consilij sui.* l. 3. c. 2. n. 11
16. 22. *Obtulerunt omnes holocausta, & vota, & repositiones.* l. 3. c. 16. n. 3
16. 23. *Obtulit in anathema obliuionis.* l. 3. c. 16. n. 3

Esther.

- Cap. 1. 10. *Cum Rex incaluisset mero, praecepit ut introducerent Reginam Vasthi.* l. 2. c. 25. n. 5
4. 2. *Non enim erat licitum, indutum sacco aulam Regis intrare.* l. 2. c. 14. n. 3
6. 1. *Noctem illam Rex duxit insomnem.* l. 2. c. 29. n. 2
14. 16. *In diebus ostentationis mœa.* l. 2. c. 23. n. 1
15. 14. *Deposuit vestimenta ornatus sui.* l. 2. c. 23. n. 1

Iob.

- Cap. 1. 1. *Vir simplex & rectus.* l. 2. c. 15. n. 1
1. 3. *Et*

INDEX LOCORVM

- 1.3. Et fuit possessio eius septem millia ouium , & tria
millia Camelorum. l.2.c.17.n.3
- 1.3. Eratq̃, vir ille magnus inter omnes orientales. l.2.
c.23.n.8
- 1.5. Mittebatq̃, ad eos, & sanctificabat illos, cōsurgensq̃,
diluculo offerebat holocaustū pro singulis. l.2.c.24.n.6
- 2.4. Pelle pro pelle , & cuncta qua habet homo, dabit
pro animā suā. l.2.c.24.n.3
- 3.14. Cura Regibus & consulibus terra , qui aedificant
sibi solitudines. l.2.c.18.n.10
- 4.2. Conceptum sermonē tenere quis poterit? l.3.c.2.n.9
- 5.2. Parvulum occidit inuidia. l.2.c.31.n.1
- 5.7. Homo nascitur ad laborem , & avis ad volaturn. l.2.c.29.n.3
- 5.12. Qui diligit cogitationes malignorū, ne possint im-
plere manus eorum quod cœperant. l.3.c.2.n.6
- 8.2. Spiritus multiplex sermonis oris tui. l.3.c.2.n.9
- 8.14. Sicut tela arancarum fiducia eius. l.2.c.18.n.5
- 10.17. Instauras testes tuos contra me. l.2.c.12.n.3
- 11.12. Vir vanus in superbiam erigitur , & tanquam
pullus onagri se liberū natum putat. l.3.c.8.n.5
- 12.6. Abundant tabernacula praeconum , & audacter
prouocant Deum , cum ipse dederit omnia in
manibus eorum. l.2.c.18.n.1
- 12.12. In antiquis est sapientia , & in multo tempore
prudencia. l.1.c.7.n.3
- 13.8. Nunquid faciem eius accipitis, & pro Deo indi-
care nitimini. l.2.c.9.n.2
- 13.9. Aut placebit ei quem celare nihil potest, aut deci-
pietur ut homo vestris fraudulentis? l.2.c.2.n.4
- 13.27. Posuisti in neruo pedem meum, scribis contra me
amaritudines. l.2.c.12.n.3
- 14.10. Homo cum mortuus fuerit , & nudatus atque
consumptus ubi quæso est? l.2.c.18.n.9
- 15.7. Nun

S. SCRIPTURÆ.

- 15.7. Nunquid primus homo tu natus es? l.1.c.7.n.3
- 15.20. Cunctis diebus suis impius superbit. l.2.c.8.n.3
- 15.20. Numerus annorum incertus est tyrannidis eius.
l.3.c.8.n.1
- 15.28. Habitauit in ciuitatibus desolatis, & in domi-
bus desertis quæ in tumulos sunt redactæ. l.2.
c.18.n.10. & l.3.c.5.n.1
- 15.32. Antequam dies eius impleantur peribit, & ma-
nus eius arescent, cadetur quasi tinea in primo
flore botrus eius, & quasi oliua proiciens florem
suum. l.2.c.8.n.1
- 18.7. Consilium tuum precipitabit te. l.3.c.1.n.3
- 18.12. Attenuetur fame robur eius. l.2.c.18.n.6
- 18.13. Consumat brachia illius primogenita mors. l.1.
c.7.n.3
- 18.14. Auellatur de tabernaculo suo fiducia eius. l.2.
c.18.n.6
- 20.11. Offa eius implebuntur vitijs adolescentiæ eius, &
cum eo in puluere dormient. l.1.c.8.n.1. & l.2.
c.26.n.1
- 21.11. Exultant lufibus, tenent tympanum & citha-
ram, &c. & in puncto ad inferna descendunt.
l.2.c.25.n.4
- 21.16. Verumtamen quia non sunt in manibus eorū bona,
consilium impiorū longè sit à me, quoties lucerna
impiorū extinguetur, & superueniet in eis inun-
datio, &c. quæ sequuntur, explicantur. l.2.c.8.n.1
- 21.22. Super illos stillabat eloquium meum. l.1.c.1.n....
- 22.6. Abstulisti pignus fratrum tuorum sine causa. l.3.
c.8.n.4
- 22.25. Erit omnipotens contra hostes tuos, & argentum
coacernabitur tibi. l.2.c.18.n.4
- 24.22. Detraxit fories in fortitudine sua. l.3.c.8.n.3
- 26.5. Gigantes gemunt sub aquis. l.1.c.8.n.1
- 27.16. Si

INDEX LOCORVM

- 27.16. Si comportauerit quasi terram argentum , & c.
iustus vestietur illis & argentum innocens
diuidet. l.2.c.18.n.2
- 27.18. Edificauit sicut tinea domum suam , & sicut
custos fecit umbraculum. l.2.c.18.n.5
- 28.16. Non conferetur tinctis Indae coloribus. l.2.
c.23.n.1
- 29.16. Causam quam nesciebam diligentissime inuesti-
gabam. l.2.c.12.n.3
- 29.16. Pater eram pauperum. l.2.c.12.n.2
- 29.25. Cum sederem quasi Rex circumstante exercitu,
eram tamen moerentiu consolator. l.2.c.12.n.7
- 31.13. Si contempsi subire iudicium cum seruo meo &
ancilla mea cum disceptarent aduersus me.
l.2.c.9.n.2
- 31.24. Si putauit aurum robur meum, si obryso dixi , fi-
ducia mea. l.2.c.18.n.6
- 32.18. Plenus sum sermonibus , & coarctat me spiritus
uteri mei. l.3.c.2.n.9
- 34.19. Nec cognouit tyrannum cum disceptaret contra
pauperem. l.3.c.8.n.2
- 34.30. Qui regnare facit hominem hypocritam propter
peccata populi. l.3.c.8.n.9
- 36.23. Quis poterit scrutari vias eius ? aut quis poterit
ei dicere, operatus es iniquitatem? l.3.c.3.n.14
- 37.7. Qui in manu hominum omnia signat , vt singuli
nouerint opera sua. l.2.c.32.n.6
- 38.37. Quis enarrabit coelorum visionem? & concentum
cali dormire quis faciet? l.1.c.4.n.2
- 40.4. Esto gloriosus , & speciosus induere vestimentis.
l.2.c.23.n.1
- 40.14. Ipse est principium viarum Dei. l.1.c.4.n.3
- 42.15. Deditq; eis pater suus hereditatem inter fra-
tres eorum. l.1.c.7.n.5

S. SCRIPTVRÆ.

Psalterium.

- 1.1. *In cathedra pestilentie non sedit.* l.1.c.8.n.9
- 2.1. *Quare fremuerunt gentes, & populi meditati sunt inania?* l.1.c.10.n.1
- 2.9. *Et ipse reget eos in virga ferrea.* l.1.c.4.n.4
- 2.9. *Tanquam vas figuli confringes eos.* l.2.c.6.n.2
- 2.9. *Reges eos in virga ferrea.* l.1.c.9.n.3
- 2.10. *Et nunc Reges intelligite, &c.* l.1.c.10.n.1
- 5.5. *Mane astabo tibi.* l.1.c.8.n.2
- 7.1. *Domine Deus meus in te speravi, saluum me fac ex omnibus persequentibus me, & libera me, ne quando rapiat ut leo animam meam.* l.1.c.4.n.3
- 7.13. *Nisi conuersi fueritis gladium suum vibrabit.* l.2.c.13.n.1
- 7.13. *Gladium suum vibrabit.* l.3.c.12.n.7
- 11.3. *In corde & corde loquenti sunt.* l.2.c.15.n.1
- 11.9. *In circuitu impij ambulant, secundum altitudinem tuam multiplicasti filios hominū.* l.1.c.6.n.3
- 13.6. *Consilium inopis confudisti.* l.1.c.1.n.6
- 14.3. *Qui loquitur veritatem in corde suo, qui non egit dolum in lingua sua.* l.2.c.15.n.1
- 15.16. *Funes ceciderunt mihi in preclaris.* l.2.c.10.n.2
- 17.26. *Cum sancto sanctus eris.* l.2.c.12.n.1
- 17.45. *Populus quem nō cognoui seruiuit mihi.* l.2.c.23.n.4
- 18.6. *Tanquam sponsus procedens de thalamo suo, exultauit ut gigas ad currendam viam, à summo calo egressio eius, & occursum eius vsq; ad summum eius, nec est qui se abscondat à calore eius.* l.1.c.4.n.2
- 22.1. *Dominus regit me.* l.1.c.4.n.4
- 24.8. *Dulcis & rectus Dominus.* l.2.c.12.n.7
- 24.14. *Firmamentum est Dominus timentibus eum.* l.1.c.8.n.2

INDEX LOCORVM

- 27.7. *Adiuuus sum & restorui caro mea.* l.2.c.8.n.3
- 29.12. *Conuertisti planctum meum in gaudium, &c.*
l.2.c.25.n.4
- 30.20. *Quam magna multitudo dulcedinis tue quam abscondisti timentibus te.* l.1.c.8.n.2
- 32.16. *Non saluabitur gigas in multitudine virtutis sue.* l.3.c.8.n.8.
- 33.11. *Diuites eguerunt & esurierunt.* l.2.c.18.n.1
- 35.12. *Non veniat mihi pes superbie.* l.3.c.1.n.3
- 36.34. *Vt hereditate capias terram, cum perierint peccatores videbis.* l.2.c.18.n.2
- 37.11. *Cor meum conturbatum est.* l.1.c.11.n.3
- 40.5. *Inimici mei dixerunt mala mihi, Quomodo morietur, & peribit nomen eius, &c. & qua sequuntur, explicantur.* l.2.c.30.n.2
- 44.3. *Speciosus forma pra filiis hominum.* l.2.c.3.n.8
- 44.4. *Accingere gladio tuo super femur tuum potentissime. Specie tua & pulchritudine tua.* l.3.c.12.n.7
- 44.5. *Prosperè procede & regna.* l.3.c.16.n.6
- 44.6. *Intède prosperè procede & regna.* l.2.c.15.in.uitio.
- 44.10. *In vestitu deaurato.* l.2.c.23.n.1
- 45.5. *Fluminis impetus latificat ciuitatem Dei.* l.2.
c.2.n.4
- 47.3. *Fundatur exultatione vniuersa terra mons Sion.*
l.3.c.5.n.2
- 47.13. *Circumdote Sion, & complectimini eam, narrate in turribus eius.* l.3.c.14.n.1
- 48.1. *Quiq; terrigena & filij hominum.* l.2.c.29.n.3
- 48.12. *Vocauerunt nomina sua in terris suis.* l.3.c.5.n.7
- 49.19. *Os tuum abundauit malitia, & lingua tua concinnabat dolos.* l.2.c.15.n.1
- 49.19. *Confitebitur tibi cum benefeceris ei.* l.1.c.1.n.4
- 50.6. *Tibi soli peccauit.* l.3.c.4.n.3
- 50.14. *Spiritu principali confirma me.* l.2.c.16.n.4
- 51.5. *Dili*

S. SCRIPTURÆ.

- 51.5. *Diligentes malitiam super benignitatem, omnia verba precipitationis.* l.2.c.5.n.5
- 51.6. *Dilexisti omnia verba precipitationis.* l.2.c.18.n.1
- 51.9. *Et prauauit in vanitate suâ.* l.2.c.18.n.11
- 54.16. *Nequitia in habitaculis eorum in medio eorum.* l.1.c.11.n.5
- 55.6. *Tota die verba execrabantur, aduersum me omnes cogitationes eorum in malum, inhabitabunt & abscondent.* l.2.c.30.n.2
- 57.5. *Furor illis secundum similitudinem serpentis, sicut aspidis surda, & obturantis aures suas, quæ non exaudit vocem incantantium, & venefici incantantis sapienter.* l.2.c.20.n.7
- 61.9. *Verumtamen vani filij hominum; mendaces filij hominum in stateris, ut decipiant ipsi de vanitate in idipsum.* l.2.c.29.n.3
- 63.2. *Exaudi Deus orationem meam cum deprecor. Maior pars Psalmi, Confitemini, explicatur.* l.3.c.2.n.5
- 65.3. *In multiudine virtutis tuæ mentientur tibi inimici tui.* l.2.c.15.n.5
- 71.11. *Adorabunt eum omnes Reges terra, omnes gentes seruiant ei.* l.1.c.10.n.1
- 72.3. *Zelauit super iniquos pacem peccatorum videns, quia non est respectus mori eorum, & firmiter in plaga eorum, &c. bona pars huius Psalmi explicatur.* l.2.c.8.n.1
- 72.8. *Transferunt in affectum cordis.* l.2.c.29.n.3
- 73.12. *Operatus est salutem in medio terra.* l.3.c.5.n.2
- 77.9. *Filij Ephren mittentes & intendentes arcam conuersi sunt in die belli.* l.3.c.12.n.4
- 77.11. *Diuiues eguerunt & esurierunt.* l.3.c.8.n.2
- 77.54. *Sorte diuisit eis terram in funiculo distributionis.* l.2.c.10.n.2

INDEX LOCORVM

- 77.56. *Et percussit omne primogenitum in terra Ægypti, primitias omnis laboris eorum.* l.1.c.7.n.2
- 79.1. *Dominus regit me, nihil mihi deerit.* l.1.c.9.n.3
- 80.16. *Inimici Domini mentiti sunt ei.* l.2.c.15.n.5
- 80.17. *De peira melle saturauit eos.* l.2.c.24.n.4
- 81.1. *Deus stetit in Synagogâ Deorum.* l.1.c.3.n.2
- 81.2. *Vsquequo indicatis iniquitatem, & faciei peccatorum sumitis? Eripite pauperem, & egenum de manu peccatoris liberate.* l.2.c.18.n.3
- 81.5. *Moueuntur omnia fundamēta terra.* l.1.c.9.n.1
- 82.4. *Super populum malignauerunt consilium.* l.3.c.2.n.5
- 86.1. *Fundamenta eius in montibus sanctis.* l.3.c.5.n.2
- 87.11. *Nunquid medici suscitabunt.* l.2.c.13.n.2
- 89.29. *Et testamentum meum fidele ipsi.* l.2.c.15.n.3
- 96.3. *Ignis ante ipsum pracedet.* l.2.c.23.n.7
- 100.3. *Perambulabam in innocentia cordis mei, in medio domus mea.* l.2.c.14.n.1
- 102.13. *Quomodo miseretur pater filiorum, misertus est Dominus timentibus se.* l.2.c.3.n.2
- 103.20. *Herodij domus dux est eorum.* l.1.c.9.n.4
- 103.24. *Exibit homo ad opus suum, & ad operationem suam vsque ad vesperam.* l.2.c.24.n.7
- 103.35. *Deficient peccatores à terrâ, ita ut non sint.* l.2.c.13.n.2
- 104.22. *Vt erudiret Principes eius sicut semetipsum.* l.1.c.8.n.4
- 104.23. *Intonuit Israël in Ægyptum, & Iacob accola fuit in terra Cham, & auxit populum suum vehementer.* l.3.c.6.n.3
- 104.37. *Non erat in tribubus eorum infirmus.* l.3.c.12.n.4
- 105.26. *Et eleuauit manum suam super nos, &c.* l.2.c.13.n.1

S. SCRIPTVRÆ.

- 109.1. *Tecum principium.* l.1.c.7.n.1
 111.9. *Dispersus dedit pauperibus, iustitia eius manet in
 saculum saculi.* l.2.c.16.n.1
 118.37. *Auerte oculos meos ne videant vanitatem.* l.2.
 c.25.n.3.
 118.127. *Dilexi mandata tua super aurum & topa-
 zion, propterea ad omnia mandata tua diri-
 gebar.* l.3.c.4.n.6
 121.4. *Illuc ascenderunt tribus tribus.* l.1.c.8.n.2
 122.2. *Oculi seruorum in manibus dominorum suorum.*
 l.2.c.15.n.6
 124.3. *Non relinquet Dominus virgam peccatorum
 super sortem iustorum, ut non extendant iusti
 ad iniquitatem manus suas.* l.2.c.8.n.1
 126.2. *Vanum est vobis ante lucē surgere.* l.2.c.24.n.7
 128.6. *Sicut fœnum rectorum, quod priusquam euellatur
 exaruit.* l.2.c.8.n.5
 131.1. *Memento Domine David, & omnis mansuetu-
 dinis eius.* l.2.c.1.n.2
 131.18. *Inimicos eius induam confusione, super ipsum
 autem efflorebit sanctificatio mea.* l.2.c.23.n.3
 135.7. *Fecit luminaria magna, solem in potestatem diei,
 lunam & stellas in potestatem noctis.* l.1.c.4.
 n.2
 136.1. *Super flumina Babylonis illic sedimus, &c.* l.2.
 c.1.n.1
 140.5. *Oleum autem peccatoris non impinguet caput
 meum.* l.1.c.11.n.4
 143.7. *Erue me de manu filiorum alienorū.* l.1.c.6.n.5

Prouerbia.

- Cap.1.17. *Frustra iacitur rete ante oculos pennatorum.*
 l.3.c.11.n.6

INDEX LOCORVM

- 1.24. *Extendi manum meam, & non fuit qui aspiceret.*
l.2.c.13.n.1
- 1.32. *Auersio paruulorum interficiet eos.* l.3.c.8.n.7
- 2.7. *Custodiet Dominus rectorum salutem.* l.1.c.8.
n.2
- 3.9. *Honora Deum de tua substantia.* l.2.c.9.n.1
- 3.27. *Noli prohibere benefacere eum qui potest; si uales,
& ipse benefac.* l.2.c.14.n.3
- 3.28. *Ne dicas amico tuo vade, & reuertere, cras tibi
dabo, cum statim possis dare.* l.2.c.14.n.3. &
l.2.c.16.n.6
- 5.15. *Bibe aquam de cisterna tua, &c.* l.2.c.28.n.1
- 6.1. *Fili si sponderis pro amico tuo, defixisti apud ex-
traneum manum tuam, &c.* l.2.c.15.n.9
- 6.30. *Non grandis est culpa, cum quis furatus fuerit.
furatur enim ut esurientem impleas animam.*
l.2.c.15.n.8
- 8.17. *Qui mane vigilant ad me, inuenient me.* l.2.
c.24.n.7
- 10.9. *Qui deprauat vias suas, manifestus erit.* l.2.c.15.
n.6. & l.1.c.11.n.5
- 10.17. *Substantia diuitis, urbs fortitudinis eius.* l.2.
c.17.n.5
- 11.18. *Impius facit opus instabile.* l.3.c.2.n.6
- 11.19. *Clementia preparat vitam.* l.2.c.13.n.4
- 11.24. *Alij diuidunt propria, & ditiores fiunt, alij rapiunt
non sua, & semper in egestate sunt.* l.2.c.18.n.5
- 12.7. *Verte impios, & non erunt.* l.2.c.13.n.1
- 12.18. *Est qui promittit, & quasi gladio pungitur con-
scientia.* l.2.c.15.n.9
- 12.19. *Nouit iustus iumentorum suorum animas, vi-
scera autem impiorum crudelia.* l.2.c.18.n.9
- 12.26. *Qui negligit damnum propter amicum, iustus
est.* l.2.c.16.n.1
- 13.17. *Legi*

S. SCRIPTVRÆ.

- 13.17. *Legatus autem fidelis sanitas.* l.3.c.3.n.13
 13.17. *Lex sapientis fons vite, ut declinet à ruina mortis.* l.3.c.4.n.1
 13.24. *Qui parcit virgæ, odit filium suum; qui autem diligit illum, instanter erudit.* l.2.c.24.n.7
 14.16. *Innocens credit omni verbo; astutus considerat gressus suos.* l.2.c.31.n.1
 14.17. *Inspiciens operabitur stultitiam.* l.3.c.2.n.10
 14.24. *Corona sapientium diuitia eorum.* l.2.c.17.n.1
 15.2. *Lingua sapientum ornat scientiam,* l.1.c.8.n.5
 15.2. *Os fatuorum ebullit stultitia.* l.2.c.30.n.7
 15.23. *Latatur homo in sententia oris sui.* l.3.c.2.n.10
 16.18. *Contritionem precedit superbia, & ante ruinam exaltatur spiritus.* l.3.c.11.n.6
 16.17. *Vir impius fodit malum, & in labijs eius ignis ardescit. homo peruersus suscitatur lites, & verbo-
 sus separat principes.* l.3.c.9.n.4
 16.32. *Melior est patiens viro forti, & qui dominatur animo suo, expugnatore urbium.* l.2.c.19.n.2
 17.7. *Non decent stultum verba composita, nec principem labium mendax.* l.2.c.15.n.2
 17.9. *Qui altero sermone repetit, separat fœderatos.* l.2.c.15.n.9
 17.24. *In facie prudentis lucet sapientia.* l.2.c.30.n.8
 17.27. *Pretiosi spiritus, vir eruditus.* l.1.c.8.n.4
 18.11. *Substantia diuitis urbs roboris eius. & quasi murus validus circumdans eum.* l.2.c.17.n.7.
 & l.2.c.18.n.6
 18.14. *Spiritus viri sustentat imbecillitatem suam.* l.2.c.19.n.1. & l.3.c.12.n.4

INDEX LOCORVM .

- 19.2. *Qui festinus est pedibus offendet; stultitia hominis supplantat gressus eius.* l.2.c.31.n.1
- 19.6. *Multi colunt personam potentis, & amici sunt dona tribuentis.* l.2.c.16.n.2
- 19.10. *Non decent stultum delitia, nec seruum dominari principibus.* l.3.c.3.n.7
- 19.12. *Sicut fremitus leonis ira Regis, ita ros super herbam hilaritas eius.* l.2.c.13.n.3
- 19.22. *Homo indigens misericors est, & melior pauper quam vir mendax.* l.2.c.16.n...
- 20.6. *Multi homines misericordes vocantur; virum autem fidelem quis inueniet?* l.2.c.16.n.4
- 20.25. *Ruina est homini deuorare sanctos.* l.2.c.5.n.5
- 20.26. *Dissipat impios Rex sapiens, & incuruat super eos fornicem.* l.2.c.3.n.1. & c.12.n.2
- 20.28. *Misericordia & veritas custodiunt Regem, & roboratur clementia thronus eius.* l.3.c.7.n.1.
l.2.c.13.n.3. & l.2.c.16.n.2
- 21.5. *Cogitationes robusti semper in abundantia.* l.2.
c.19.n.7
- 21.6. *Qui congregat thesauros lingua mendacij, vanus & excors est, & impingetur ad laqueos mortis.* l.2.c.18.n.5
- 21.8. *Peruersa via viri altera est.* l.2.c.12.n.2
- 21.16. *Vir qui errauerit à via doctrina in cœtu gigantum commorabitur.* l.3.c.8.n.8
- 21.22. *Ciuitatem fortium ascendit sapiens, & destruxit robur fiducia eius.* l.3.c.14.n.2
- 22.3. *Callidus vidit malum, & abscondit; innocens pertransijt, & afflictus est damno.* l.2.c.31.n.1
- 22.9. *Victoriam & honorem acquirit, qui dat munera, animam autem auferet accipientium.* l.2.
c.16.n.2
- 22.20. *Ecce descripsi eam tibi tripliciter, in cogitationibus,*

S. SCRIPTURÆ.

- bus, & in scientia. l.1.c.1.n.7
- 22.29. Vidisti virum velocem in opere suo, coram regibus stabit, nec erit ante ignobiles. l.3.c.3.n.1
- 23.5. Facient sibi pennas quasi aquila, & volabunt in cælum. l.2.c.16.n.3
- 23.23. Veritatem eme. l.2.c.15.n.9
- 24.23. Cognoscere personam in iudicio non est bonum. l.2.c.15.n.8
- 24.30. Iuxta 70. Sicut agricultura est homo insipiens. l.2.c.16.n.5
- 25.20. Acetum in nithro qui cantat carmina cordi pessimo. l.1.c.8.n.5
- 26.1. Quomodo nix in aestate, & pluvia in messe, sic indecens est stulto gloria. l.2.c.11.n.2
- 26.8. Sicut qui mittit lapidem in aceruum mercurij, ita qui tribuit insipienti honorem. l.2.c.11.n.2
- 26.11. Sicut canis qui reuertitur ad vomitum suum, sic imprudens qui iterat stultitiam suam. l.2.c.31.n.1
- 26.17. Sicut qui apprehendit auribus canem, sic qui transit impatiens, & commiscetur rixa alterius. l.3.c.10.n.2
- 27.19. Quomodo in aquis resplendent corda prospicientium, sic corda hominum manifesta sunt prudentibus. l.3.c.2.n.8
- 28.2. Propter peccata terra multi Principes eius. l.1.c.4.n.7
- 28.15. Leo rugiens, & ursus esuriens, princeps impius supra populum pauperem. l.2.c.18.n.1
- 29.4. Rex iustus erigit terram, vir auarus destruit eam, & qui tributa extorquet, enertit eam. l.2.c.18.n.9
- 30.15. Sanguisuga dua sunt filia dicentes, affer, affer. l.2.c.18.n.1

INDEX LOCORVM

- 31.1. *Noli Regibus dare vinum, &c.* l.2.c.24.n.5
 31.10. *Mulierem fortem quis inueniet.* l.1.c.5.n.2
 31.19. *Manum suam misit ad fortia, & digiti eius apprehenderunt fusum.* l.2.c.19.n.7
 31.23. *Nobilis in portis vir eius quando sederit cum Senatoribus terre.* l.1.c.5.n.2
 31.30. *Fallax gratia, & vana est pulchritudo.* l.2.c.25.n.3
 31.31. *Laudent eam in portis opera eius.* l.1.c.5.n.2

Ecclesiastes.

- Cap.1.7. *Omnia flumina intrant in mare, & mare non redundat, ad locum unde exeunt flumina reuertuntur, ut iterum fluant.* l.1.c.4.n.2
 1.8. *Cuncta res difficiles, &c.* l.2.c.29.n.3
 1.9.10. *Nihil est sub sole nouum, & quid est quod erit id quod fuit.* l.1.c.8.n.6
 1.13. *Hanc occupationem pessimam dedit Deus filiis hominum, ut occuparentur in ea.* l.1.c.8.n.8
 2.1. *Feci mihi cantores & cantatrices, & delicias filiorum hominum.* l.2.c.25.n.6
 2.9. *Sapientia quoque perseuerauit mecum.* l.1.c.11.n.2
 4.13. *Melior est puer pauper & sapiens Rege senes & stulto.* l.3.c.2.n.2
 7.18. *Ne impie agas multum, & noli esse stultus, ne moriaris in tempore non tuo.* l.2.c.8.n.1
 7.28. *Ecce hoc inueni unum & alterum, ut inuenirem rationem quam adhuc quærit anima mea, & non inueni.* l.1.c.5.n.2
 8.1. *Sapientia hominis lucet in vultu eius.* l.2.c.30.n.8
 9.15. *Inuentus est vir pauper & sapiens, & liberauit urbem per sapientiam suam.* l.2.c.18.n.11
 10.4. *Si spiritus potestatem habentis ascenderit super te, locum*

S. SCRIPTURÆ.

*locum tuum ne dimiseris , quia curatio cessare
facit peccata maxima.* l.2.c.18.n.10

10.5. *Est malum quod vidi sub sole , quasi per errorem
ingrediens à facie Principis , positum stultum in
dignitate sublimi , & diuites sedere deorsum.*
l.2.c.11.n.1

10.16. *Va tibi terra cuius Rex puer est , & cuius Princi-
pes manè comedunt.* l.1.c.6.n.2. & l.2.c.31.n.6

10.17. *Beata terra , cuius Rex nobilis est.* l.1.c.6.n.3

10.20. *In cogitatione tua Regi ne detrahas , & in secreto
cubiculi tui ne maledixeris diuiti , quia aues
cali portabunt vocem tuam , & qui habet pen-
nas annunciabit sententias.* l.2.c.19.n.4

Cantica.

Cap.1.15. *Ecce tu pulcher es dilecte mi & decorus.* l.2.
c.30.n.8

2.9. *Similis est dilectus meus caprea , hinnuloq, ceruo-
rum.* l.2.c.18.n.1

3.7. *En lectulum Solomonis ; sexaginta fortes ambiunt ,
omnes tenentes gladios , &c.* l.2.c.23.n.4

3.9. *Ferculum fecit sibi Rex Salomon de lignis Libani.*
l.2.c.23.n.5

3.11. *Egredimini & videte filia Sion Regem Salomo-
nem in diademate quo coronauit illum mater sua
in die desponsationis illius.* l.2.c.13.n.1. & l.2.
c.23.n.5

4.9. *Vulnerasti cor meum in uno oculorum tuorum.*
l.2.c.25.n.3

4.11. *Odor vestimentorum tuorum sicut odor thuris.*
l.2.c.23.n.2

5.5. *Digitus mei pleni myrrha probatissima.* l.2.c.9.n.1

8.14. *Fuge dilecte mi.* l.2.c.15.n.5

INDEX LOCORVM

Sapientia.

- Cap.1.4. *In malucolam animam non introibit sapiētia.*
l.3.c.2.n.5
- 2.11. *Sit fortitudo nostra lex iniustitia.* *l.3.c.12.n.4*
- 3.15. *Bonorum laborum gloriosus est fructus, & qua
 non concidat radix sapientia.* *l.3.c.26.n.4*
- 3.16. *Filij adulterorum in consummationem erunt.* *l.1.
 c.7.n.6. & l.2.c.26.n.4*
- 4.8. *Senectus venerabilis est non diuturna, neque anno-
 rum numero computata, cani autem sunt sensus
 hominis.* *l.3.c.2.n.2*
- 7.17. *Mihi dedit dicere ex sententiâ.* *l.1.c.8.n.5*
- 8.5.6. *Quid sapientia locupletius, quâ operatur omnia,
 & quis eorum qua sunt, magis quàm illa est
 artifex.* *l.2.c.17.n.7*
- 8.20. *Soritus sum animam bonam, & corpus inconta-
 minatum.* *l.2.c.30.n.8*
- 12.28. *Cum magna reuerentia disponit nos.* *l.3.c.5.n.6*
- 14.29. *Dum confidunt in Idolis, qua sine anima sunt,
 malè iurantes noceri se non sperant.* *l.2.c.15.
 n.3*
- 17.10. *Cum sit timida nequitia dat testimonium con-
 demnationis, semper enim præsunt seua per-
 turbata conscientia.* *l.3.c.18.n.3*

Ecclesiasticus.

- Cap.2.4. *Magnificauit opera mea, & Edificauit mihi do-
 mos.* *l.2.c.22.n.3*
- 2.17. *Va ijs qui perdiderunt sustinentiam.* *l.2.c.31.n.1*
- 3.19. *Fili in mansuetudine opera tua perfice, & super
 hominum opera diligeris.* *l.3.c.7.n.1. & l.2.
 c.14.n.2*

S. SCRIPTURÆ.

- 3.24. *In superuacuis rebus noli scrutari multipliciter,
& in pluribus operibus eius non eris curiosus.
Multos enim supplantauit suspicio eorum, &
in vanitate delinuit sensus eorum.* l.2.c.17.n.7
- 4.10. *In iudicando esto pupillis misericors ut Pater.*
l.2.c.13.n.2
- 5.9. *Auarus non impletur pecunia.* l.2.c.18.n.1
- 5.11. *Non te ventiles in omnem ventum.* l.2.c.15.n.2
- 5.11. *Saturitas diuitis non finit eum dormire.* l.2.
c.24.n.2
- 5.12. *Esto firmus in viâ Domini, & in omni veritate
sensus tui.* l.2.c.15.n.2
- 6.6. *Multi pacifici sint tibi, & consiliarius sit tibi unus
de mille.* l.3.c.2.n.8
- 7.5. *Penes Reges noli velle videri sapiens.* l.3.c.2.n.12
- 7.13. *Noli arare mendacium aduersus fratrem tuum.*
l.2.c.15.n.1
- 7.14. *Noli velle mentiri omne mendacium. Assiduitas
enim illius non est bona.* l.2.c.15.n.8
- 7.32. *Cunâs sermonibus qui dicuntur, ne accommodes
cor tuum, ne fortè audias seruum tuum male-
dicentem tibi.* l.2.c.30.n.2
- 8.20. *Cum fatuis consilium non habeas, non enim po-
terunt diligere nisi quæ eis placent.* l.3.c.2.n.8
- 9.3. *Ne respicias mulierem multiuolam.* l.2.c.25.n.3
- 10.11. *Omnis potentatus vita brevis, languor prolixior
grauat medicum, breuem languorem pracidit
medicus, sic & Rex hodie est, & cras morietur.*
l.2.c.8.n.1
- 10.12. *Breuem languorem pracidit medicus.* l.2.c.12.
n.2
- 10.32. *Peccantem in animam suam quis iustificabit, &
quis honorificabit exhonorañtem animam suam?*
l.2.c.26.n.3
- 11.2. *Non*

INDEX LOCORVM

- 11.2. *Non laudes virum in specie sua, neque spernas hominem in visu suo. Brevis in volatilibus apes, & initium dulcoris habet fructus eius.* l.2. c.30.n.8
- 12.10. *Non credas inimico tuo in aeternum.* l.2.c.31. n.4
- 13.2. *Pondus super se tollet, qui honestiori se communicat.* l.2.c.18.n.3
- 13.21. *Cor hominis immutat faciem illius, &c.* l.2. c.30 n.7
- 14.3. *Viro cupido & tenaci sine ratione est substantia, & homini liuido ad quid aurum? qui acervat ex animo suo, iniuste alijs congregat, & in bonis illius alius luxuriabitur. qui sibi nequam est, cui alij bonus erit?* l.2.c.18.n.2
- 14.5. *Qui sibi nequam est, cui bonus esse poterit.* l.3.c.2. n.5
- 14.9. *Insatiabilis est, oculus cupidi, in parte iniquitatis.* l.2.c.18.n.10
- 14.14. *Non defrauderis à die bono, & particula boni doni non te praetereat.* l.2.c.25.n.2
- 19.11. *A facie verbi parturit fatuus, tanquam gemitus partus infantis. Sagitta infixæ femori carnis, sic verbum in ore stulii.* l.3.c.2.n.2
- 19.22. *Est solertia certa, & ipsa iniqua est, qui nequiter humiliat se, & interiora eius plena sunt dolo.* l.1.c.11.n.5
- 19.26. *Ex visu cognoscitur vir, & ab occurssu faciei cognoscitur sensatus.* l.2.c.30.n.8
- 20.6. *Homo sapiens tacebit usque ad tempus.* l.2.c.31. n.3
- 20.27. *Potior fur quam assiduitas viri mendacis.* l.2. c.15.n.5
- 20.28. *Mores hominum mendacium sine honore, & confu*

S. SCRIPTURÆ.

confusio illorum cum ipsis sine intermissione.

l.2.c.15.n.5

23.11. Sicut servus interrogatus assidue à liuore non minuitur, sic omnis iurans & nominans in toto à peccato non purgabitur. *l.2.c.15.n.9*

24.5. Ego ex ore Altissimi prodiui, primogenita ante omnem creaturam. *l.1.c.7.n.3*

25.3. Tres species odiuit anima mea, &c. Pauperem superbium, diuitem mendacem, senem fatuum & insensatum. *l.1.c.6.n.3. & l.3.c.2.n.2*

25.22. Non est caput nequius super caput colubri, & non est ira super iram mulieris. *l.1.c.5.n.4*

25.22. Non est caput nequius super caput colubri, &c. *l.3.c.15.n.8*

26.25. In duobus contristatum est cor meum. Vir bel-
lator deficiens per inopiam, & vir sensatus con-
temptus. *l.2.c.11.n.3*

27.12. Homo sanctus in sapientia manet sicut sol, stul-
tus ut luna mutatur. *l.2.c.19.n.2*

28.25. Qua sapientia replebitur, qui tenet aratrum, &c.
& nonnulla alia ex eo capite explicantur. *l.3.
c.2.n.12*

28.29. Aurum tuum & argentum tuum confila, &
verbis tuis facito stateram, & franos ori tuo re-
ctos. *l.2.c.15.n.9*

30.4. Mortuus est pater eius, & quasi non est mor-
tuum, similem enim reliquit post se, &c. reliquit
enim defensorem domus contra inimicos &
amicis reddentem gratiam. *l.1.c.6.n.3*

30.18. Bona abscondita in ore clauso quasi appositio-
nes epularum circumposita sepulchro. *l.2.c.24.
n.4*

30.19. Quid proderit libatio idolo? nec enim mandu-
cabit, nec adorabitur. *l.2.c.24.n.4*

31.23. Vig

INDEX LOCORVM

- 31.23. *Vigilia, cholera, & tortura homini infrunito
somnus sanitatis in homine parco. Dormiet us-
que in mane, & anima ipsius cum ipso delecta-
bitur.* l.2.c.24.n.2
- 31.30. *Diligentes in vino noli provocare. & multa ex
eo capite explicantur.* l.2.c.24.n.5
- 32.1. *Rectorem te posuerunt, noli extolli, esto in illis
quasi unus ex ipsis.* l.3.c.7.n.1
- 32.24. *Fili sine consilio nihil facies, & post factum non
poenitebis.* l.3.c.1.n.5
- 32.26. *A filiis tuis caue, & à domesticis tuis atende.*
l.3.c.2.n.8
- 34.2. *Quasi qui apprehendit umbram, & persequitur
ventum, sic & qui attendit ad visa mendacia.*
l.2.c.29.n.3
- 34.25. *Panis egentium vita pauperum est: qui defrau-
dat illum, homo sanguinis est.* l.2.c.22.n.2
- 34.27. *Qui effundit sanguinem, & qui facit fraudem
mercenario, fratres sunt.* l.2.c.18.n.3
- 35.11. *In omni dato hilarem fac vultum tuum.* l.2.
c.16.n.6
- 36.14. *Miserere plebi tua super quam innocatum est
nomen tuum, & Israël quem coaquaſti primo-
genito tuo.* l.1.c.7.n.4
- 37.8. *Omnis consiliarius prodit consilium.* l.3.c.2.n.10
- 37.9. *A consiliario serua animam tuam.* l.3.c.2.n.8
- 37.12. *Cum viro irreligioso tracta de sanctitate, &c.*
l.3.c.2.n.8
- 38.15. *Qui delinquit in conspectu eius qui fecit eum, in-
cidet in manus medici.* l.2.c.24.n.4
- 39.1. *Sapientiam omnium antiquorum inquireret sapiēs.*
l.1.c.8.n.6.
- 40.19. *Fili & edificatio ciuitatis confirmabit nomen.*
l.3.c.5.n.1
- 41.17. *Sapientia*

S. SCRIPTURÆ.

- 41.17. *Sapientia abscondita, & thesaurus inuisus, quæ utilitas in utrisque.* l.2.c.16.n.3
- 44.1. *Laudemus viros gloriosos, &c. & multa ex eo capite explicantur, & sequentiibus. v.45.46.47.* 49.l.1.c.1.n.2
- 44.1. *Laudemus viros gloriosos Patres nostros.* l.2.c.13.n.2
- 45.5. *In iracundia eius, impeditus est sol, &c. l.2.c.12.n.6*
- 45.16. *Non est indutus illis alienigena aliquis, sed tantum filij ipsius soli, & nepotes eius per omne tempus.* l.1.c.6.n.3
- 46.23. *Post hæc dormiuit, & votum fecit Regi, & ostendit illi finem vite sue.* l.3.c.32.n.4
- 47.22. *Et incitari stultitiam tuam, ut faceres regnum partitum.* l.2.c.27.n.5
- 47.24. *Inclinasti femora tua mulieribus, potestatem habuisti in corpore tuo.* l.2.c.26.n.3

Isaias.

- Cap.1.5. *Omne caput languidum, & omne cor mœrens.* l.1.c.10.n.1
- 1.7. *Regionem vestram coram vobis alieni deuorant, & desolabitur sicut in vastitate hostili.* l.1.c.6.n.5
- 1.21. *Quomodo facta est meretrix ciuitas fidelis plena iudicij; iustitia habitauit in ea, nunc autem homicida.* l.2.c.12.n.1
- 1.24. *Heu consolabor super hostibus meis.* l.2.c.15.n.5
- 2.6. *Angues habuerunt ut Philistijm, & pueris alienis adhaerunt.* l.2.c.28.n.1
- 2.7. *Repleta est terra argento & auro, & repleta est dolis.* l.2.c.18.n.2
- 2.22. *Quis*

INDEX LOCORVM

- 2.22. *Quiescite ab homine cuius spiritus in naribus eius.* l.2.c.13.n.1
- 3.1. *Omne robur panis, & omne robur aquae.* l.3.c.5.n.1
- 3.3. *Auferet Dominus senem & honorabilem vultu.* l.3.c.2.n.4
- 3.4. *Dabo pueros principes eorum, & effæminati dominabuntur eis.* l.2.c.2.n.1. & l.3.c.9.n.2
- 3.7. *Non sum medicus; nolite me constituere Principem.* l.2.c.13.n.2
- 3.7. *In domo mea non est panis, neque vestimentum, nolite constituere me Principem populi.* l.2.c.17.n.1
- 3.9. *Agnitio vultus eorum respondit eis, & peccatum suum quasi Sodoma pradicauerunt.* l.2.c.26.n.1
- 3.12. *Populū meum exactores spoliauerunt.* l.2.c.17.n.6
- 3.16. *Elenata sunt filia Sion, &c. & plandebant, ambulabant pedibus suis.* l.2.c.25.n.4
- 5.1. *Vinea facta est dilecto meo in cornu filio olei.* l.3.c.5.n.4
- 5.23. *Va qui iustificatis impium pro muneribus.* l.2.c.12.n.1
- 5.26. *Elenabit Dominus signum in nationibus, & ecce festinus velociter veniet: & quæ sequuntur, explicantur.* l.3.c.12.n.1
- 6.13. *Et adhuc in ea decimatio, & erit in ostensionem.* l.2.c.12.n.4
- 7.4. *Vide ut sileas, noli timere, & cor tuum ne formidet à duabus caudis titionum fumigantium istorum.* l.2.c.2.n.3
- 7.11. *Pete tibi signū à Domino Deo tuo in profundum inferni, siue in excelsum supra; Dixit Achaz, non petam, & non tentabo Dominū.* l.2.c.2.n.3
- 7.13. *Audite ergo domus Dauid, nunquid parum vobis est molestos esse hominibus, quia molesti estis & Deo meo?* l.2.c.2.n.3
- 9.1. *Primo*

S. SCRIPTURÆ.

- 9.1. *Primo tempore alleviata est terra Zabulon, &c.*
l.3.c.5.n.1
- 9.6. *Vocabitur nomē eius Admirabilis, Consiliarius, &c.*
l.2.c.23.n.2. & l.3.c.11.n.7
- 9.12. *Adhuc manus eius extenta.* l.2.c.13.n.1
- 9.14. *Et non erit Ægypto opus, quod faciat caput & caudam incurvantem & refranantem.* l.1.c.2.n.6. & l.2.c.9.n.4
- 9.20. *Vnusquisque carnē brachij sui vorabit.* l.3.c.9.n.1
- 10.6. *Ad gentem fallacem mittam eum.* l.2.c.2.n.4
- 10.13. *Et principes eorum depredatus est.* l.2.c.18.n.2
- 11.5. *Et erit fides cinctorum renum eius.* l.2.c.15.n.3
- 11.6. *Habitabit lupus cum agno.* l.2.c.3.n.4
- 11.9. *Non nocebunt, & non occident: in uniuerso monte sancto meo.* l.2.c.3.n.4
- 13.22. *Et sirenes in delubris voluptatis.* l.1.c.11.n.4
- 13.31. *Pilosi saltabunt ibi, & Sirenes in delubris voluptatis.* l.2.c.25.n.4
- 14.5. *Contriuuit Dominus baculum impiorum, virgam dominantium, cadentem populum.* l.3.c.8.n.2
- 14.16. *Vinctis eius non aperuit carcerem.* l.2.c.13.n.5
- 15.7. *Secundum magnitudinem operis, & visitatio eorum: ad Torrentem Salicum ducent eos.* l.2.c.18.n.2
- 16.7. *Qui letantur super muros cœli lateris, loquimini plagas suas.* l.1.c.9.n.1
- 17.12. *Multitudo populorum multorum, & multitudo maris sonantis.* l.2.c.30.n.5
- 19.13. *Receperunt Ægyptum angulum populorum eius.* l.1.c.9.n.2
- 21.5. *Accipite clypeum.* l.2.c.12.n.7
- 22.6. *Parietem nudauit clypeus.* l.3.c.12.n.7
- 22.10. *Domos Hierusalem numerastis, & destruxistis domos ad muniendum murum.* l.2.c.9.n.1

INDEX LOCORVM

- 23.4. *Tyrus fortitudo maris.* l.3.c.5.n.3
- 23.10. *Transi terram tuam quasi flumen filia maris,
non est cingulum vltra tibi.* l.3.c.12.n.1
- 24.2. *Et erit sicut populus, sic sacerdos; & sicut seruus,
sic dominus eius, &c.* l.1.c.2.n.6
- 24.10. *Attrita est ciuitas vanitatis.* l.1.c.2.n.6
- 24.15. *In doctrinis glorificaue Dominum.* l.1.c.8.n.1
- 25.1. *Cogitationes eius antiquas fideles, amen.* l.2.c.15.
n.3
- 25.4. *Quasi turbo impellens parietem.* l.1.c.9.n.2
- 30.13. *Propterea erit nobis iniquitas hac sicut interrup-
tio cadens, & requisita in muro excelsio, quo-
niam subito, dum non speratur, veniet contritio
eius, & comminuetur, sicut conteritur lagena
figuli contritione praua lida, & non inuenietur
de fragmentis eius testa, in qua portetur igni-
culus de incendio, aut hauriatur parum aqua
de fovea.* l.2.c.6.n.2
- 30.24. *Tauri tui, & pulli asinorum qui operantur ter-
ram commistum migma comedent.* l.2.c.17.n.3
- 33.16. *Aqua eius fideles sunt.* l.2.c.15.n.3
- 37.22. *Virgo filia Sion.* l.3.c.5.n.3
- 40.25. *Qui dat secretorum scrutatores quasi non sint.*
l.2.c.30.n.7
- 43.24. *Seruire me fecisti in peccatis tuis, prabuiisti mihi
laborem in iniquitatibus meis.* l.2.c.13.n.1
- 46.3. *Domus Israël, qui portamini à meo vtero.* l.1.
c.9.n.3
- 49.23. *Et erunt Reges nutritij tui, & Regina nutrices
tuæ.* l.1.c.9.n.3
- 50.4. *Dominus erigit manè, manè erigit mihi aurem, ut
audiam quasi magistrum.* l.1.c.8.n.2
- 50.4. *Dominus dedit mihi linguam eruditam ut sciam,
sustentare eum qui lapsus est verbo.* l.1.c.8.n.5
- 53.3. Non

S. SCRIPTURÆ.

- 53.3. *Non est ei species, neque decor.* l.2.c.30.n.8
 59.6. *Telas aranea texuerunt.* l.2.c.15.n.4
 59.14. *Corruit in platea veritas, & aquitas non potuit ingredi.* l.2.c.15.n.7
 60.16. *Mamilla Regum lactaberis.* l.1.c.9.n.3
 60.17. *Ponam visitationem tuam pacem.* l.2.c.17.n.6
 61.6. *Fortitudinem gentium comedetis, & in gloria eius superbietis.* l.2.c.5.n.4
 66.21. *Assumam ex ijs Sacerdotes & Levitas.* l.1.c.6.n.4

Hieremias.

- Cap.2.33. *Quid niteris bonā ostendere viam tuā, &c. in alis tuis inuentus est sanguis, &c. l.1.c.10.n.2*
 4.16. *Ecce auditum est in Hierusalem custodes venire de terra longinqua.* l.1.c.6.n.5
 6.4. *Va nobis quia declinavit dies, quia longiores facta sunt umbra.* l.2.c.29.n.3
 6.28. *Omnes isti Principes declinantes corrupti.* l.1.c.9.n.2
 7.13. *Locutus sum ad vos manē confurgens.* l.2.c.24.n.7
 8.8. *Verē mendacium operatus est stylus mendax Scribarum.* l.1.c.1.n.4
 8.10. *A propheta usque ad sacerdotem cuncti faciunt mendacium.* l.2.c.15.n.4
 10.7. *Quis non timebit te, ô Rex gentium? tuū est enim decus inter cunctos sapientes terra, & in universis regnis, &c.* l.1.c.6.n.2
 12.10. *Pastores multi demoliti sunt vineam meam.* l.1.c.4.n.7. & l.1.c.9.n.3
 13.13. *Dic Regi, & dominatrici, humiliamini, & sede-*

INDEX LOCORVM

- te , quoniam descendit de capite nostro corona gloria. l.2.c.1.n.1
- 17.9. Præsumptum est cor hominis & inscrutabile. l.2.c.30.n.7
- 20.9. Factus est in corde meo quasi ignis exstinguens clam-
susq; in ossibus, & deficiunt ferre non sustinentes. l.3.c.2.n.9
- 27.6. Ego dedi omnes terras istas in manu Nabucho-
donosor Regis Babylonis serui mei. l.1.c.3.n.5

Threni.

- Cap.1.1. Quomodo sedet sola ciuitas plena populo. l.2.
c.1.n.1
- 4.1. Mutatus est color optimus. l.2.c.23.n.1

Baruch.

- Cap.6.31. Rugiunt clamantes ante Deos suos , sicut in
cæna mutui. l.2.c.24.n.4

Ezechiel.

- Cap.5.5. Ista est Hierusalem , in medio Gentium posui
eam, &c. l.3.c.5.n.2
- 13.10. Liniebant luto absque paleis. l.2.c.7.n.3
- 16.49. Hec fuit iniquitas Sodoma sororis tue superbia.
l.1.c.11.n.2
- 16.49. Hec fuit iniquitas Sodoma, otium ipsius, & filia-
rum eius. l.2.c.25.n.2
- 17.4. In urbe negotiatorum posuit illam. l.2.c.17.n.5
- 18.20. Anima qua peccauerit, ipsa morietur. l.2.c.12.n.3
- 21.19. Et manu capiet coniecturam. l.3.c.16.n.6
- 22.4. In idolis tuis qua fecisti polluta es, & appropin-
quare fecisti dies tuos, & adduxisti tempus an-
norum tuorum. l.2.c.8.n.1
- 25.6. Pro

S. SCRIPTURÆ.

- 25.6. Pro eo quod clausisti manum, & percussisti pede, &c. l.2.c.23.n.4
- 27.3. O Tyre tu dixisti, perfecti decoris ego sum, & in corde maris sita, finitimi tui qui te edificauerunt, implerunt decorem tuum. l.3.c.6.n.1
- 28.5. In multitudine sapientia tua, & in negotiatione tua multiplicasti tibi fortitudinem. l.2.c.17.n.5
- 28.13. Et foramina tua in die qua conditus es, preparata sunt. l.2.c.9.n.2
- 28.13. Aurum opus decoris tui, & foramina tua in die qua conditus es preparata sunt. l.2.c.29.n.3
- 28.14. Tu Cherub extensus & protegens. l.1.c.4.n.3
- 29.18. Rex Babylonis seruire fecit exercitum suum seruitutē magna, aduersus Tyrum omne caput decaluanum, & omnis humerus depilatus est, &c. l.1.c.3.n.5
- 34.23. Suscitabo super eas pastorem unum. l.1.c.4.n.7
- 36.7. Ego leuavi manum meam. l.2.c.13.n.1
- 38.12. Umbilicus terra. l.3.c.5.n.2
- 38.13. Negotiatores Tharsis, & omnes leones eius. l.3.c.8.n.2
- 45.9. Separate cōfinia vestra à populo meo. l.2.c.17.n.6

Daniel.

- Cap.2.32. Caput ex auro optimo erat, pectus autem & brachia ex argento, &c. l.1.c.11.n.1
- 4.14. Sententia vigilum decretum est. l.3.c.1.n.2
- 4.27. Nonne hac est Babylon magna quam ego aedificauit. l.3.c.5.n.5
- 5.3. Biberunt in eis Rex, & Optimates eius, uxores & concubine eius. l.1.c.10.n.1
- 6.4. Satrapa quarebant occasionem ut inuenirent Danieli ex latere regis. l.3.c.3.n.5

INDEX LOCORVM

- 7.2. *Quatuor venti celi pugnabant in mari magno.*
l.2.c.30.n.5
- 7.9. *Aspiciebam donec throni positi sunt, &c. millia mil-
litum ministrabant ei.* l.2.c.23.n.7
- 8.16. *Et audiui vocem viri inter Vlai. & clamauit, &
ait Gabriel, fac intelligere istū visionē.* l.1.c.2.n.3
- 10.13. *Princeps regni Persarum restitit mihi viginti
& uno diebus, &c.* l.1.c.2.n.6
- 13.5. *Constituti sunt de populo duo senes iudices illo
anno.* l.3.c.6.n.1
- 13.54. *Dic sub qua arbore videris eos colloquentes.* l.2.
c.28.n.1

Ozeas.

- Cap.1.4. *Visitabo sanguinem Iezrahel super domum
Iehu.* l.1.c.10.n.2
- 1.11. *Congregabuntur filij Iuda, & ponent sibi capue
vnum.* l.1.c.4.n.7
- 2.2. *Auferat fornicationes suas à facie sua, & adulteria
de medio verberum suorum.* l.2.c.28.n.1
- 2.8. *Argentum multiplicaui ei, & aurum, quæ fecerunt
Baal.* l.2.c.18.n.2
- 2.15. *Et dabo ei vinitores ex eodem loco.* l.1.c.6.n.5
- 3.4. *Quia dies multos sedebunt filij Israël sine Rege, sine
Principe, sine Sacrificio, & sine Altari, & sine
Ephod, & sine Teraphim.* l.2.c.1.n.1
- 4.11. *Fornicatio & vinum & ebrietas auferunt cor.*
l.2.c.24.n.5
- 7.1. *Operati sunt mendacium.* l.2.c.15.n.4
- 7.4. *Omnes calefacti sunt quasi clibanus.* l.1.c.10.n.1
- 11.3. *Ego quasi nutritius Ephraim portabo eos in bra-
chijs meis.* l.1.c.9.n.3
- 12.1. *Ephraim pascit ventum, tota die mendacium
multiplicat.* l.2.c.15.n.4
- Ioël.

S. SCRIPTVRÆ.

Ioël.

Cap. 3. 17. *Erit Hierusalem sancta, & non transibunt
alieni per eam.* l. 1. c. 6. n. 5

Amos.

Cap. 6. 5. *Sicut Dauid putauerunt se habere vasa can-
tici.* l. 1. c. 11. n. 2

Jonas.

Cap. 3. 3. *Ninive eras ciuitas magna itinere trium die-
rum.* l. 3. c. 5. n. 5

Micheas.

Cap. 3. 1. *Audite principes Iacob & duces, &c.* l. 3. c. 8.
n. 4

3. 5. *Sanctificant super eum praelium.* l. 3. c. 10. n. 4

3. 10. *Qui edificatis Sion in sanguinibus & Hierusa-
lem in iniquitate.* l. 2. c. 22. n. 2

4. 13. *Interficiet Domino rapinas eorum, & fortitudi-
nem eorū Domino uniuersa terra.* l. 2. c. 17. n. 5

6. 2. *Audiant montes iudicium Domini, & fortia fun-
damenta terra.* l. 1. c. 9. n. 2

7. 5. *Ab ea qua dormit in sinu tuo, custodi claustra oris
tui.* l. 1. c. 5. n. 5

Nahum.

Cap. 2. 8. *Clypeus fortium ignitus.* l. 3. c. 12. n. 7

3. 17. *Custodes tui quasi locustæ.* l. 2. c. 23. n. 3

Abacuc.

Cap. 1. 10. *Et tyranni ridiculi eius erunt.* l. 3. c. 8. n. 1

2. 12. *Va qui edificat ciuitatem in sanguinibus.* l. 2.
c. 22 n. 2

INDEX LOCORVM

Sophon.

- Cap.2.5. *Va qui habitatis funiculum maris gens per-*
ditorum. l.2.c.23.n.4
3.9. *Et seruiant ei humero uno.* l.1.c.4.n.6

Zacharias.

- Cap.2.9. *Quia ecce ego leuo manum meam super eos,*
l.2.c.13.n.1
6.8. *Requiescere fecerunt spiritum meum in terra A-*
quilonis. l.2.c.13.n.1
11.6. *Quercus Basan.* l.3.c.8.n.4
11.17. *O pastor & idolum.* l.2.c.11.n.2
12.10. *Et plangent cum planctu quasi super vnigem-*
tum, & dolebunt super eum ut doleri solet in
morte primogeniti. l.1.c.7.n.2

Malachias.

- Cap.2.7. *Legem requirent ex ore eius, quia Angelus*
Domini exercituum est. l.3.c.4.n.3
3.6. *Ego Dominus & non mutor.* l.2.c.20.n.2

Machabæorum primus.

- Cap.2.6. *Hi viderunt mala qua fiebant in populo Iuda*
& Hierusalem. l.3.c.3.n.14
2.57. *David in tua misericordia consecutus est sedem*
regni & sacula. l.3.c.7.n.1
6.34. *Elephantis ostenderunt sanguinem vuae, & mori*
ad acuendos eos in pralium. l.3.c.12.n.4
6.39. *Refulsit sol in clypeos aureos, resplenduerunt mon-*
tes, &c. l.3.c.12.n.7
8.3. *In potestatem redegerunt metalla argenti & auri.*
l.2.c.17.n.4
10.45. *Ut quicumque confugerent in templum, quod est*
Hiero

S. SCRIPTVRÆ.

Hierosolymis, & in omnibus finibus eius, obnoxiy regi in omni negotio dimitterentur. l.2.

c.5.n.5

11.25. Area Salinarum. l.2.c.17.n.4

14.9. Iuvenes induebant se gloria. l.2.c.23.n.1

Machabæorum secundus.

Cap.1.3. Faciatis eius voluntatem corde magno, & animo volenti. l.3.c.4.n.8

3.12. Decipi eos qui vendidissent loco & templo quod per vniuersum mundum honoratur pro sui veneratione & sanctitate omnino impossibile esse.

l.2.c.5.n.5

4.12. Ausus es sub ipsa arce gymnasium constituere, & optimos quosque Ephæborum in lupanaribus constituere. l.2.c.2.n.2

14.37. Qui pro affectu pater Iudeorum vocabatur. l.2.

c.13.n.2

Matthæus.

Cap.6.1. Attendite ne iusticiam vestram faciatis coram hominibus. l.2.c.16.n.1

6.24. Nemo potest duobus dominis seruire. l.1.c.3.n.6

6.28. Considerate lilia agri. l.2.c.23.n.2

10.28. Nolite timere eos qui occidunt corpus. l.3.c.12.n.4

12.24. Ex abundantia cordis os loquitur. l.2.c.30.n.7

13.28. Vis imus & colligimus ea? ait non, ne forte colligentes zizania, eradicetis, &c. l.2.c.3.n.4

16.18. Tu es Petrus, & super hanc petram edificabo Ecclesiam meam. l.1.c.4.n.4

16.24. Non potestis Deo seruire & mammona. l.2.

6.18.n.2

R r r s

17.23. Cum

INDEX LOCORVM

- 17.23. *Cum venisset Capharnaum, acceperunt qui didrachma accipiebant ad Petrum.* l.2.c.5.n.4
- 19.4. *Nonne legistis quia qui fecit hominem ab initio, masculum & foeminam fecit eos.* l.2.c.28.n.2
- 21.30. *Iugum meum suauis est, & onus meum leue.* l.3.c.4.n.5
- 22.21. *Reddite quae sunt Caesaris Caesari.* l.2.c.17.n.6
- 23.4. *Digito autem suo nolunt ea mouere.* l.1.c.10.n.1
- 25.33. *Statuet oues quidem à dextris suis, hœdos autem à sinistris.* l.1.c.7.n.1
- 27.15. *Per diem solemnem consuenerat Praeses populo dimittere unum vinctum quem voluissent.* l.2.c.13.n.5. & l.3.c.4.n.8

Marcus.

- Cap.7.11. *Vos autem dicitis; si dixerit patri aut matri Corban, quod est donum, quodcunque ex me tibi profuerit.* l.3.c.4.n.7
- 10.42. *Scitis quia hi qui videntur principari gentibus, dominantur eis, & principes eorum potestatem habent ipsorum.* l.1.c.4.n.5
- 14.37. *Et ait Petro; Simon dormis.* l.1.c.10.n.2

Lucas.

- Cap.4.6. *Tibi dabo potestatem hanc vniuersam, & gloriam eorum quia mihi tradita sunt, & cui volo do ea.* l.1.c.3.n.5
- 9.55. *Nescitis cuius spiritus estis.* l.2.c.3.n.4
- 11.17. *Omne regnũ in se diuisum desolabitur, & domus supra domum cadet. Si autem & Sathanas in se ipso diuisus est, quomodo stabit regnum eius?* l.3.c.2.n.6

11.23. Qui

S. SCRIPTVRÆ.

- 11.23. *Qui non est mecum, contra me est.* l.3.c.10.n.2
 12.2. *Nihil opertum quod non reueletur.* l.2.c.15.n.6
 12.15. *Cauete ab omni auaritia, quia non in abundan-
 tia cuiusquam vita est ex his qua possidet.* l.2.
 c.18.n.11
 14.12. *Cum facis prandium, &c. Noli vocare amicos
 tuos.* l.2.c.16.n.4
 16.1. *Quid hoc audio de te? redde rationem villicatio-
 nis tue.* l.3.c.3.n.5
 22.25. *Qui potestatem habent super eos benefici vo-
 cantur.* l.2.c.16.n.4

Ioannes.

- Cap.1.13. *Non ex voluntate carnis, nec ex voluntate
 viri.* l.1.c.8.n.6
 21.9. *Soluite templum hoc, & in tribus diebus excitabo
 illud.* l.2.c.15.n.9
 4.53. *Credidit ipse & domus eius tota.* l.1.c.10.n.1
 8.41. *Nos ex fornicatione non sumus nati.* l.1.c.7.n.6
 8.44. *Cum loquitur mendacium ex proprijs loquitur,
 quia mendax est, & pater eius.* l.2.c.15.n.4
 8.57. *Quinquaginta annos nondum habes, & Abra-
 ham vidisti.* l.2.c.30.n.8
 11.46. *Collegerunt Pontifices & Pharisei concilium, &
 dicebant.* l.2.c.2.n.2
 11.49. *Vos nescitis quicquam & cogitatis.* l.3.c.2.n.10
 12.31. *Nunc iudicium est mundi. Nunc Princeps hu-
 ius mundi eicietur foras.* l.1.c.3.n.5
 18.11. *Mitte gladium tuum in vaginam.* l.2.c.3.n.4
 18.31. *Nobis nō licet interficere quemquam.* l.3.c.6.n.1
 21.17. *Pasce oves meas.* l.1.c.4.n.4
 21.23. *Exijt ergo sermo iste inter fratres, quia discipulus
 ille non moritur.* l.2.c.15.n.9

Acta

INDEX LOCORVM

Acta Apostolorum.

- Cap.1.18. *Crepuit medius, & diffusa sunt omnia viscera eius.* l.3.c.4.n.4
- 5.5. *Audiens autem Ananias verba hac, cecidit & expirauit.* l.3.c.4.n.4
- 6.3. *Considerate fratres viros ex vobis boni testimonij.* l.3.c.3.n.2
- 7.22. *Eruditus est Moses omni sapientia Aegyptiorum.* l.1.c.8.n.1
- 15.10. *Iugum quod neque patres nostri, neque nos portare potuimus.* l.3.c.4.n.5
- 16.17. *Isti homines serui Dei excelsi sunt, qui annunciant vobis viam salutis.* l.2.c.3.n.5
- 16.21. *Annunciant morem quem non licet nobis suscipere cum simus Romani.* l.3.c.6.n.3
- 19.18. *Repleti sunt ira, & exclamauerunt, dicentes, magna Diana Ephesiorum.* l.2.c.3.n.3
- 19.19. *Multi ex his qui fuerant curiosi sectati, contulerunt libros & combusserunt.* l.2.c.3.n.5
- 20.35. *Beatius est magis dare quā accipere.* l.2.c.16.n.4
- 23.3. *Iudicas me secundum legem, & contra legem iubes me percui.* l.3.c.4.n.3
- 23.6. *Sciens, quia una pars esset Sadducaeorum, & altera Phariseorum, &c. & soluta est multitudo.* l.2.c.3.n.3
- 25.16. *Non est Romanis consuetudo. donare aliquem hominem, priusquam is qui accusatur, praesentes habeat accusatores.* l.2.c.12.n.3

Pauli Epistola ad Romanos.

- Cap.9.28. *Verbū breuiatū faciet Dominus.* l.3.c.4.n.5
- 13.5. *Ideo necessitate subditi estote.* l.1.c.3.n.3
- 13.6. *Ideo & tributa praestatis, ministri enim Dei sunt in*

S. SCRIPTURÆ.

in hoc ipsum seruientes. Reddite ergo omnibus debita, cui tributum, tributum; cui uelighal, uelighal.

l. 2. c. 17. n. 6

14. 5. Vnusquisque in suo sensu abundat.

l. 3. c. 1. n. 4

14. 24. Omne quod non est ex fide, peccatū est.

l. 3. c. 1. n. 4

Ad Corinthios prima.

Cap. 5. 1. Omnino auditur inter vos fornicatio, & talis fornicatio, qualis nec inter gentes.

l. 2. c. 26. n. 5

5. 12. Quid mihi de ijs qui foris sūt iudicare? l. 2. c. 3. n. 4

6. 15. Tollens ergo membra Christi, faciam membra meretricis, &c.

l. 2. c. 26. n. 3

7. 39. Cui uult nubat, tantum in Domino.

l. 2. c. 28. n. 3

8. 4. Idolum nihil est.

l. 2. c. 11. n. 2

11. 10. Ideo debet mulier potestatem habere super caput.

l. 1. c. 5. n. 1

14. 20. Nolite pueri effici sensibus.

l. 2. c. 31. n. 6

14. 40. Omnia honestè, & secundum ordinem fiant.

l. 2. c. 1. n. 3

Ad Corinthios secunda.

Cap. 1. 17. Cum hoc voluissem, nunquid lenitate usus sum, aut quæ cogito secundum carnem cogito, ut sis apud me, aut non.

l. 2. c. 20. n. 1

6. 14. Nolite iugū ducere cum infidelibus.

l. 2. c. 28. n. 3

Ad Galatas.

Cap. 2. 2. Ne fortè in vanum currem aut cucurrissem.

l. 2. c. 3. n. 5

4. 19. Filioli mei quos iterum parturio.

l. 1. c. 9. n. 3

4. 29. Quomodo tunc is qui secundum carnem natus fuerat, persequabatur eum qui secundum spiritum, ita & nunc.

l. 2. c. 3. n. 2

5. 9. Mo

INDEX LOCORVM

5. 9. *Modicum fermentum totam massam corrumpit.*
l. 2. c. 3. n. 2
5. 15. *Si inuicem mordetis , & comeditis , videte ne ab
inuicem consumamini.* l. 3. c. 9. n. 1

Ad Ephesios.

- Cap. 3. 14. *Flecto genua ad Patrem Domini nostri Iesu
Christi, ex quo omnis paternitas, &c. l. 1. c. 4. n. 3*
4. 25. *Deponentes mendacium , loquimini veritatem
unusquisque cum proximo suo, quoniam sumus
inuicem membra.* l. 2. c. 15. n. 7
6. 12. *Aduersus principes & potestates, aduersus mundi
rectores tenebrarum harum.* l. 1. c. 3. n. 5

Ad Philipenses.

- Cap. 3. 19. *Quorum Deus venter est.* l. 2. c. 25. n. 5

Ad Colossenses.

- Cap. 3. 5. *Auaritia qua est simulachrorum seruitus. l. 2.
c. 18. n. 2*

Ad Thessalonicenses prima.

- Cap. 5. 20. *Omnia probate, quod bonum est tenete.* l. 2.
c. 3. n. 5

Ad Timo theum prima.

- Cap. 2. 11. *Docere autem mulieri non permitto , neque
dominari in virum.* l. 1. c. 5. n. 1
2. 14. *Adam non est seductus , mulier autem seducta in
in prauaricatione fuit.* l. 1. c. 5. n. 3
3. 6. *Non Neophytum ne in superbiam elatus in indi-
cium incidat diaboli.* l. 1. c. 6. n. 5
3. 10. *Sic ministres nullum crimen habentes. l. 3. c. 3. n. 2*
6. 17. *Dimi*

S. SCRIPTURÆ.

- 6.17. *Diuitibus huius sæculi præcipe non sublime sapere, neque sperare in incerto diuitiarum, sed in Deo viuo, qui præstat nobis omnia abundè ad fruendum.* l.2.c.18.n.2

Ad Timotheum secunda.

- Cap.1.17. *Sermo eorum ut cancer serpit.* l.2.c.3.n.2
2.17. *Profana & vaniloquia deuota.* l.2.c.3.n.2
3.15. *Quæ te possunt instruere ad salutem.* l.1.c.1.n.5
3.16. *Omnia scriptura diuinitus inspirata utilis est, & c. ad erudiendum in iustitia.* l.1.c.1.n.1
3.16. *Vt perfectus sit homo Dei.* l.1.c.1.n.5
4.2. *Obsecra, increpa in omni patientia.* l.2.c.7.n.3
4.3. *Sanam doctrinam non sustinebunt, sed ad sua desideria, & c.* l.3.c.8.n.6
4.17. *Liberatus sum de ore leonis.* l.3.c.8.n.2

Ad Titum.

- Cap.1.12. *Cretenses semper mendaces, mala bestia, ventres pigri.* l.1.c.8.n.6

Ad Hebræos.

- Cap.11.4. *Sanguinis effusionem, melius loquentem quam Abel.* l.2.c.12.n.2
12.8. *Quod si estis extra disciplinam, cuius participes facti sumus omnes, ergo adulteri, & non filij estis.* l.1.c.7.n.6

Epistola Iacobi.

- Cap.1.5. *Dat omnibus affluenter, & non impropere.* l.2.c.16.n.8
1.8. *Vir duplex animo inconstans est in omnibus vijs suis.* l.2.c.20.n.1
2.2. *Vir*

INDEX LOCORVM

- 2.2. *Vir annulum aureum habens in veste candida.*
l.2.c.23.n.1
- 2.23. *Superexaltat misericordia iudicium.* l.2.c.13.n.1
- 5.4. *Ecce merces operariorum qui messuerunt regiones
vestras, quæ fraudata est vobis, clamat, & cla-
mor eorum in aures Domini Sabaoth introiit.*
l.2.c.18.n.3

Petri prima.

- Cap.3.5. *Sara obediebat Abraha, Dominum eum vo-
cans.* l.1.c.5.n.1

Ioannis prima.

- Cap.5.19. *Totus mundus in maligno positus est.* l.2.
c.29.n.3

Apocalypsis.

- Cap.2.12. *Habes & tu tenentes doctrinam Nicolaita-
tarum.* l.2.c.3.n.2
- 2.20. *Permittis mulierem Iezabel, quæ se dicit prophe-
ten docere, & seducere seruos Dei, fornicari &
manducare de Idolothytis.* l.2.c.3.n.2
- 2.24. *Altitudines Sathana.* l.1.c.1.n.7
- 14.2. *Audiui vocem Citharædorum citharizantium.*
l.3.c.4.n.6
- 17.13. *Aqua quas vidisti populi sunt & gentes & lin-
gua.* l.2.c.30.n.5
- 21.16. *Et ciuitas in quadro posita est.* l.3.c.5.n.6

F I N I S.

SVMMA PRIVILEGII
à Christianissimo Galliarum
Rege concessi.




VDOVICI XIII. Gallia & Na-
uarræ Regis auctoritate sancitum
est, atque patentibus litteris cau-
tum, ne quis in regno suo aliisve lo-
cis imperio suo subiectis, intra pro-
ximos sex annos excudat, excudendum, venden-
dumque quouis modo curet opus, quod inscribi-
tur: *Hieropoliticon, sive Institutionis politica è sacris*
Scripturis deprompta libri tres, Auctore R. P. IOAN.
STEPH. MENOCHIO è Societate IESV, præter
LVDOVICVM PROST, Hæredem ROVILLE,
Bibliopolam Lugdunensem, aut illos quibus ipse
concesserit. Prohibitum insuper eadem auctori-
tate Regia omnibus suis subditis, eundem librum
extra Regni sui limites imprimendum curare, vel
quempiam, vbicunque fuerit ad id agendum insti-
gare, sine consensu dicti LVDOVICI PROST.
Idque omne sub confiscatione librorum, aliis-
que pœnis originali diplomate contra delinquen-
tes expressis. Datum Parisiis vltima die Decem-
bris 1624.


De mandato Regis

Signatum

LE LONG.

ACM 1455215







C14.



C14.

